


Júu 'mîi e cacuo
fidiée



New Testament in Chinantec, Comaltepec (MX:cco:Chinantec,
Comaltepec)

Júu 'mí e cacuo fidiée

New Testament in Chinantec, Comaltepec (MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

30c6f873-0dee-5863-8883-ba3c5eaa988c

Contents

| | |
|----------------------------|-----|
| Mateo | 1 |
| Marcos | 70 |
| Lucas | 112 |
| Juan | 185 |
| Hechos | 240 |
| Romanos | 306 |
| 1 Corintios | 336 |
| 2 Corintios | 363 |
| Gálatas | 380 |
| Efesios | 390 |
| Filipenses | 400 |
| Colosenses | 407 |
| 1 Tesalonicenses | 414 |
| 2 Tesalonicenses | 420 |
| 1 Timoteo | 423 |
| 2 Timoteo | 431 |
| Tito | 437 |
| Filemón | 441 |
| Hebreos | 443 |
| Santiago | 466 |
| 1 Pedro | 474 |
| 2 Pedro | 482 |
| 1 Juan | 487 |
| 2 Juan | 494 |
| 3 Juan | 495 |
| Judas | 496 |
| Apocalipsis | 499 |

E lab júu^ quiá'- Dsea` Jmáang- e cajme' MATEO

*Jaléng`'lii~ yúu~ quiá'- Dsea` Jmáang-
(Lc. 3:23-38)*

¹ I lab jaléng`'lii~ yúu~ quiá'- Dsea` Jmáang- i líng' siju~ 'lii~ yúu~ dseata~ Daví^ cóo'~gui 'lii~ yúu~ Abraham.

² Jo Abraham calisî tiquiá^ Isáa' jo Isáa' calisî tiquiá^ Jacóo^ jo Jacóo^ calisî tiquiá^ Judá cóo'~ jaléng' rúin'.

³ Jo Judá calisî tiquiá^ Fares cóo'~gui Zara jo niquiá'r^ calisî Tamar. Jo Fares calisî tiquiá^ Esrom jo Esrom calisî tiquiá^ Aram.

⁴ Jo Aram calisî tiquiá^ Aminadab jo Aminadab calisî tiquiá^ Naasón jo Naasón calisî tiquiá^ Salmón.

⁵ Jo Salmón calisî tiquiá^ Booz jogui niquiá'r^ calisî Rahab. Jo Booz calisî tiquiá^ Obed jogui niquiá'r^ calisî Rut. Jo Obed calisî tiquiá^ Isaí.

⁶ Jogui Isaí calisî tiquiá^ i dseata~ Daví^ jo íb` tiquiá^ Salomón jogui niquiá'r^ i calíng- dseamî quiá'- Urías.

⁷ Jo Salomón calisî tiquiá^ Roboam jo Roboam calisî tiquiá^ Abías jo Abías calisî tiquiá^ Asa.

⁸ Jo Asa calisî tiquiá^ Josafat jo Josafat calisî tiquiá^ Joram jo Joram calisî tiquiá^ Uzías.

⁹ Jo Uzías calisî tiquiá^ Jotam jo Jotam calisî tiquiá^ Acáz jo Acáz calisî tiquiá^ Ezequías.

¹⁰ Jo Ezequías calisî tiquiá^ Manasés jo Manasés calisî tiquiá^ Amón jo Amón calisî tiquiá^ Josías.

¹¹ Jo Josías calisî tiquiá^ Jeconías cóo'~ jaléng' rúin'. Jo ie~ job mi~ cató- dsea` i seeng` fí Babilonia fíng` dsea` Israel fí góor` e 'ñúuñ' do.

¹² Jo mi~ cangígui lajo, Jeconías calisî tiquiá^ Salatiel jo Salatiel calisî tiquiá^ Zorobabel.

¹³ Jo Zorobabel calisî tiquiá^ Abiud jo Abiud calisî tiquiá^ Eliaquim jo Eliaquim calisî tiquiá^ Azor.

¹⁴ Jo Azor calisî tiquiá^ Sadoc jo Sadoc calisî tiquiá^ Aquim jo Aquim calisî tiquiá^ Eliud.

¹⁵ Jo Eliud calisî tiquiá^ Eleazar jo Eleazar calisî tiquiá^ Matán jo Matán calisî tiquiá^ Jacóo^.

¹⁶ Jo Jacóo^ calisî tiquiá^ Sé^, jo i Sé^ do íb` i calí- dseañu` quiá'- Yá^; jo i Yá^ do, íb` i líng` niquiá^ Jesús i líng` Mesías e guóng': Dsea` i caguíng` Fidié~.

¹⁷ Jo caliséng` guiquiú` 'lé' íng'~ dsea` catí mi~ caliséng` Abraham jo cartí mi~ caliséng` dseata~ Daví^, jo jíé'gui guiquiú` 'lé' catí mi~ caliséng` dseata~ Daví^ jo cartí mi~ cangojéng` dsea` Babilonia jaléng' dsea` Israel fí góor` e 'ñúuñ', jo jíéng'gui guiquiú`gui 'lé' catí mi~ cangí e cató- dsea` Babilonia jaléng' dsea` Israel fí góor` jo cartí mi~ caliséng` i Mesías do i caguíng` Fidié~.

*Mi~ caliséng` Dsea` Jmáang-
(Lc. 2:1-7)*

¹⁸ Lalab calí- mi~ caliséng` Dsea` Jmáang-. Jo ie~ jo seeng` jaang` simí^ i sii` Yá^ i nininéé` júu^ quiá'- cóo'~ jaang` siming` i sii` Sé^, dsu' ná'-gui e nigüear` colíng` cangoquieeng` i Yá^ do yuu` la'eáng` cóo'~ Jmiguí quiá'- Fidié~.

19 Jo i Sé do líiñ' jaang` siming` i dsing`- guiung`-, joba' ja` cali'iiñ` fa' e cajméer` dsee`- quiá'- i Yá` do fí` quini` dsea`. Joba' ca'f` dsíir` e nitiúung`- neiñ' do e ñm`jiu e laco' ja` niliñí` dsea`.

20 Jo lajee` e í` dsíi` i Sé` do e nijmér`- lajo, lajee` güñiñ` jo caquir` e cajnéng`- jaang` ángel i líng` guotii`- Fidiéé` i casíng` dsea` do. Jo í` casí'r`- i Sé` do jo cajíñ`-:

—Sé`, siju` dseata` Daví`^, ja` jmoo` 'gó` e nicøn`^ Yá` e niliñ`- dseam` quií`-, dsuco' i jiuung` i quiéeiñ` na ca'uiñ`- cóo' Jmiguí` quiá'- Fidiéé`.

21 Jo niliseeng` jaang` yuu` siñuu`^ quiá'r`-, jo 'nu` nitó`^ e nilisiir` Jesús, jo nilisiir` lana dsuco' nileáiñ`- jaléng` dsea` quiá'r`- jee` jalé` dsee`- quiáiñ`-.

22 Jo jalé` e cajíng`- i ángel do calí`- e laco' caliti`- júu` quiá'- Fidiéé` e café` jaang` dsea` i café` cuaiñ` quiá'r`- malii` gui eáang` mi` cajíñ`- lala:

23 Jaang` simí` nidsiquieeiñ` jaang` yuu` siñuu`^, jo mi` niliseeng` i yuu` do, nitér`- e nilisiñ` Emanuel e guóng`': Fidiéé` seeiñ` cóo' jneaa`aa'.

24 Jo mi` cajné`- dsíi` i Sé` do, joba' cajméé`bre jalé` e cajíng`- i ángel do jogui cacóm`- bre i Yá` do e nilí` dseam` quiá'r`-.

25 Dsu' ja` caquiain`^ cóoiñ` do cartí` mi` caliséng` i yuu` i quiéeiñ` do. Jo mi` caliséng` í`, joba' catéé` Sé` e calisíñ` do Jesús.

2

Mi` caguiling` dsea` i jmitíng` quiá'- jaléng` núu` fí` Jerusalén

1 Jo caliséng` Jesús fí` cóo` fii` e sii` Belén e née` lí` se` Judea. Jo ie` jo líng` jaang` dsea` i sii` Herodes dseata` dsea` féng` quiá'- jalé` fii` e sea` fí` jo. Jo ie` job cajo caguiling`- fí` Jerusalén tú`- 'ni` míng`- dsea` i jmitíng` quiá'- jaléng` núu`, jo i dsea` do huíib`- eáang` jalíñ`- fí` lí` lí` guo` iee`.

2 Jo mi` caguiliñ`- fí` Jerusalén, cajmingí'r`- jaléng` i dsea` seeng` fí` jo, jo cajíñ`-:

—¿Jnang` i dseata` dsea` féng` quiá'- dsea` Israel i nicaliséng` do? Dsuco' nicaneeng`-naa' núu` quiá'r`- fí` lí` lí` guo` iee`, joba' ne`naa' e nicaliséiñ` jo lana nijáa`naa' e nijmiféng`-naa're.

3 Jo mi` canúu`- dseata` Herodes e júu`^ jo, dsíng`- jo` tii` seeiñ`, jogui lajobi cajo jaléng` dsea` i seeng` fí` Jerusalén.

4 Joba' i dseata` do cató'r`- jaléng` fii` jmidsea` quiá'- dsea` Israel cóo' gui jaléng` tifa' quiá'- júu`^ quiu` ta` quiá'- dsea` Israel jo cajmingí'r`- reiñ' do jo cajíñ`-:

—¿Jie` fí` lí` niliseeng` i Mesías?

5 Joba' cañíi` i dsea` do quiá'- i dseata` do jo casí`- reiñ`:

—I dsea` í` niliseeiñ` fí` cóo` fii` e sii` Belén e née` lí` se` Judea; dsuco' lajob cajme' jaang` dsea` i café` cuaiñ` quiá'- Fidiéé` malii` gui eáang` mi` cajíñ`- lala:

6 E fii` pí`^ e sii` Belén do née` fí` lí` se` Judea, dsu' e fii` jo ja` 'ga' lí` niing`- lajee` lajalé` fii` e sea` fí` jo, dsu' fí` job lí` nigüi`íng` jaang` dseata` dsea` féng`

i nicá` nifi` quiá'- jaléng` dsea` quié`- e, dsea` i líng` dsea` Israel.

7 Joba' i dseata` Herodes do cató'r`- jaléng` i dsea` i jmitíng` quiá'- jaléng` núu` do fí` cóo` lí` ja` 'ga' lí` ní` dsea` jo cajmingí'r`- dsea` do e í` ngóo` mi` cajnéng`- i núu` do.

8 Jo mi` cangí` jo, i dseata` do casíñ` i dsea` í` fí` Belén jo casí`- reiñ' do lala:

—Güiling`-na' fí` jo, jo güijmidseáang` óo`na' laji` e lí`na' quiá'- i jiuung` do; jo mi` niguiéng`-na're, jmée`-na' jnea` júu`^, job cuóong`-ni` i e nijmifén`-nre cajo.

9 Jo mi` cató' s'í` dseata` Herodes i dsea` do lajo, joba' catam`- tuiñ' do fí` ngoliiñ`. Jogui i núu` i cangáiñ`- jéeng` do, ngóo`biñ' do laco' ngoliiñ`, jo coob` mi` caje` i núu` do fí` yá`^ 'núu` lí` guing` i jiuung` do.

10 Jo i dsea` do eáam` íáang` dsíir` dsu' e níñ`- i núu` do.

11 Jo mi~ caguiliñ~ fi' e 'núu' do, dsifi' ladob cangotáaiñ~ e fi' dsí' sinúu' do jo cangáñ~ i jiuung~ do cóo~ niqúaiñ~ Yá^ . Jo casí'r uó~ jnir~ fi' quini~ i jiuung~ do jogui canaaiñ~ e jmiféng~'neiñ' do cajo. Jo mi~ calí~ e cajmér~ e jo, jo caneáar' guóo' quiá'r~ e quier' do, jo cacuø'r' i jiuung~ do cunée~ cóo~'gui sũ e 'mo' eáang' cóo~'gui cuíi' e jlo' jmeafiñ' cajo.

12 Jo mi~ cangí jo, caquim~'tu i dsea' do fi' góor'. Dsũ' fi' li~ jieb' caquiiñ~ do dsuco' Fidiée~ cajmea'breiñ' júu^ lajee~ güiñ' do e ja' cuøng' niquing'~tuñ' do fi' li~ guing~ i dseata~ Herodes do.

Mi~ cacuíi' Sé^ cóo~' Yá^ cóo~'gui i jiuung~ do e cangoliñ' fi' Egipto

13 Jo mi~ cangí e nicangoliñg~ i dsea' i jmitíng' quiá~ jaléng' núu' do, jo lajee~ güing~ i Sé^ do, caleáb~tu caquiiñ' jaang' ángel quiá~ Fidiée~. Jo i ángel do casí'r~ i Sé^ do jo cajíñ~: —iSé^, ráan~' jo jéeng~ i jiuung~ na cóo~'gui niqúai'r^ jo cuíi~'na' fi' Egipto! Jo fi' job nijá^'na' cartí mi~ nijmée'~ e 'nú' júu^, dsuco' i dseata~ Herodes do ni'náñ' i jiuung~ na e nijngám'~bre.

14 Joba' caráam~ i Sé^ do ladsifi' lado, jo uóø job cataiñ~ fi' e cangojéeiñ~ i jiuung~ do cóo~'gui niqúaiñ~ do fi' Egipto.

15 Jo dob cajeiñ' cartí mi~ cajúng~ i dseata~ Herodes do. Jo cangojée' e la e lí^ laco' caliti~ lajii~ júu^ e cajíng'~ Fidiée~ la'eáang' cóo~' jaang' dsea' i café' cuaiñ~ quiá'r~ mali~'gui eáang' mi~ cajíñ~ lala: “Catøø~ø Joo~ø e nigüi'fir' fi' Egipto.”

Mi~ cajnga' dsea' quiá~ jaléng' jiuung~ ping'

16 Jo mi~ calilí^ i dseata~ Herodes do e cajmigóom~ i dsea' i jmitíng' quiá~ jaléng' núu' do ír, joba' dsíng'~ caliguiñ~; jo caquiur' ta~ jaléng' 'lée~ quiá'r~ e nidsijngáaiñ~ jaléng' jiuung~ i ping'~gui laco' tú~ jí i seeng' fi' Belén cóo~'gui jaléng' jiuung~ ping' i seeng' fi' fiñ' e née' lacúng' lajíng' e fiñ' jo i ngoliñg~ í' lajo cajo. Jo cajngam'bre lí^ laco'gui jii~ jii~ e cajíng'~ i dsea' i jmitíng' quiá~ jaléng' núu' do.

17 Jo cóo~' e nab caliti~ e júu^ e cajme' jaang' dsea' i café' cuaiñ~ quiá~ Fidiée~ mali~'gui eáang' i calisí Jeremías mi~ cajíñ~ lala:

18 Jo caná' óo' jaang' dseamí fi' cóo' fiñ' e sii' Ramá,

jo dsíng'~ qui'r' jogui óor';

Raquéeb^ sii' i dseamí do jo qui'r' uí~ jiuung~ quiá'r~ dsuco' nicajúm~bing',

jo ja' iñ~ nimíñ~ co' dsíng'~ lijiuung~ dsíir'.

19 Jo mi~ cangí e cajúng~ i dseata~ Herodes do, fi' Egipto táang~ i Sé^ do lajee~ jo. Jo cóo' ya' lajee~ e güiñ~, caquim~tur jaang' ángel quiá~ Fidiée~, jo í casí'r~ Sé^ jo cajíñ~ lala:

20 —Sé^, ráan~, jo quíng'~tu' cóo~' i jiuung~ na cóo~'gui niqúai'r^ fi' li~ se' Israel, co' lana nicajúm~ i lamí~ iing' jngáng'~ i jiuung~ na.

21 Joba' lajob cajmée' Sé^, caráam~bre jo catø~bre i jiuung~ do cóo~'gui niqúaiñ~ do fi' li~ se' Israel.

22 Jo dsũ' mi~ caliñir' e Arquelao niguiñ~ líiñ' dseata~ dsea' féng' quiá~ li~ se' Judea eáang' quiá~ i tiqúai'r^ dseata~ Herodes do, joba' eáam' cafóñ' jo jo cangáñ~ fi' jo, co' Fidiée~ cajme'tureiñ' júu^ lajee~ güiñ' e ja' cuøng' nidsilíñ' fi' jo. Joba' fi' li~ se' Galileab cangoliñ'.

23 Jo mi~ caguiéng'~ Sé^ fi' li~ se' Galilea, jo cangogüear' fi' cóo' fiñ' e sii' Nazaret e née' fi' jo. Jo calí~ e na e laco' caliti~ jalé' júu^ e café' dsea' i café' cuaiñ~ quiá~ Fidiée~ mali~'gui eáang' mi~ cajíñ~ e Jesús nilisiir' jaang' dsea' nazareno.

3

Mi~ canaang' Juan i seáang' dsea' jmü' e guiar' júu^ quiá~ Fidiée~

(Mr. 1:1-8; Lc. 3:1-9, 15-17; Jn. 1:19-28)

1 Jo mi~ cangígui jmiguiú' jii' lajo, jo ie~ jo cangí jaang' dsea' i sii' Juan i seáang' dsea' jmü' fi' ni' guóo~' uó^ quiú' fi' li~ se' Judea,

² Jo guiar' júu^ jo fé'r lala:

—Quí' jing' yaang~na' fí quini' Fidié' uí' dsee' quí'na', dsaco' nijaquíem'ba' e nicá' dsea' do nifí' quiá'~ lajaang' lajaang' dsea' jmigüí'.

³ Jo malí' gui eáang' caliséng' jaang' dsea' i calisí' Saí' i café' cuaiñ' quiá'~ Fidié', jo íb' i café' uii' quiá'~ i Juan do mi' cajíñ' lala:

Ngí' jaang' dsea' i fé' teá' fí' ni' guóo' uó' qui' jo fé'r lala:

“Jmeáang'~na' guiá' fí' jogui nea'~na' condsee',
co' lana tí' lí' nijáab' Fí'naa'.”

Jo jalé' e na cajíng'~ Saí' fí' ni' jì' quiá'~ Fidié' do.

⁴ Jo sí' i Juan i seáang' dsea' jmí' do lí' cóo'~ layaang' jñú' loo' jó' camello, jogui' ñúú' tu'r' cóo' ñutu' e lí' cóo'~ loo' jó', jogui' jmítaang' ñia'r' cóo'~ sini' i cóong'~ cóo'~ gui ta' e dsé'r' fí' jee' mó'.

⁵ Jo jaléng' dsea' i seeng' fí' Jerusalén cóo'~gui jaléng' dsea' i seeng' fí' lí' se' Judea cóo'~gui jaléng' i neáang' quiá'~ gua' Jordán dsilíñ' e dsináur' jalé' júu^ e guía' i Juan do.

⁶ Jo jaléng' i dsea' do jmóor' júu^ lají' dsee' e nica'éer' quiá'r', jo lí' jo i Juan do seáiñ' jmí' jaléng' í' fí' é' gua' Jordán.

⁷ Jo mi' cangá' i Juan do e fíim' dsea' Israel i líng' dsea' fariseo cóo'~gui dsea' Israel i líng' dsea' saduceo jalíñ' e iñ' nisáíñ' jmí', joba' cajíñ' casí'r' jaléng' i dsea' do lala:

—joo' mi' guíng' 'nú'! ¿i' nicasí' 'nú' e nileáang'na' jee' iihuí' e nijaquíeng' e nicuó' Fidié'?

⁸ Jo ee' na' røø' fí' quini' dsea' jo jmiliing' yaang~na' e laco' nililí' jaléng' dsea' rúng'na' e já'~ba' e nicaquí'~ jím' yaang~na' fí' quini' Fidié'.

⁹ Jo ja' jmijløng' yaang~na' e fó'na': “Jnea' lí'naa' dsea' siju' 'lí' yáú' Abraham”; co' jnea' jmítaa' óo'na' e Fidié' cuøøm' lí' jmér' e cuu' née' na e ni'uíng' dsea' siju' 'lí' yáú' Abraham faco' iñ' lajo.

¹⁰ Jo cajíng'~gui Juan casí'r' jaléng' i dsea' do lala:

—Ninéeb' guiá' ñigui' quiá'~ Fidié' e niquiá'r' jalé' 'ma' catí' jmó' quiá'~. Co' jalé' 'ma' ofí' e ja' cuø' ofí' e guiá' nihuíb' jo nidsitoo' fí' ni' jì'.

¹¹ E já', jnea' seáan' 'nú' jmí' jii' cóo'~ layaang' jmí'b' e laco' cuø' lí' e nicaquí'~ jím' yaang~na' fí' quini' Fidié'; dsu' i dsea' i nijáa' mi' ningúng' jnea' niseáiñ' 'nú' jmí' cóo'~ Jmiguí' quiá'~ Fidié' jogui cóo'~ jì' cajo. Jo i dsea' í' dsíng'~gui 'gøiñ' laco' jnea' e jii' jnea' ja' catíñ' n co' sí' i capi' ñí' ñúú' lomíir'.

¹² Jo quier' cóo' e jmáiñ' ta' quiá'~ e nisíñ' micui'iee', jo nisér' ca' e qui' quiá'~ do. Jo dsu' e micui'iee' do ni'mear' fí' dsí' sinúú' jogui e qui' do quiá'~ nijí' bre fí' lí' coo' jì' e ja' tóo' jmí' yá'.

Mí' cajgáang' Jesús jmí'

(Mr. 1:9-11; Lc. 3:21-22)

¹³ Jo mi' cangá' jo, cagüi'í' Jesús fí' lí' se' Galilea jo cangór' fí' lí' táang' i Juan do fí' gua' Jordán e laco' dsea' í' nisé' jmí' quiá'r'.

¹⁴ Dsu' i Juan do ja' lamí' iñ' e niseáiñ' dsea' do jmí', jo lalab cajíñ' casí' reiñ':

—'Nub' dsea' catíñ' e niseáan' jnea' jmí'; jo ¿jalí' ñí' e iin' e jnea' niseáan' 'nú' jmí'?

¹⁵ Joba' cañí' Jesús jo casí' reiñ':

—Lí' jmee' laco' e fí' i 'nú' lana; co' la guím' 'né' jmití'ii' jalé' ta' quiá' Fidié' e 'né' jmó'oo'.

Joba' ca'í'b' dsí' i Juan do e niseáiñ' dsea' do jmí'.

¹⁶ Jo dsifí' mi' cajgáang' Jesús jmí', jo cagüi'í' bre fí' dsí' jmí'. Jo ladsifí' lanab cana' fí' yá' jmigüí', jo cangá' Jesús e cajgó' Jmiguí' quiá'~ Fidié' fí' yá' moguir' e líng' jaang' mee'.

¹⁷ Jo guicaná' cóo' luu' e jáa' fí' yá' jmigüí' jo guicajíng' lala:

—I nab J_oo`o i 'neáan`n eáang', j_o dsíng' iáang` dsii` cóo'r`.

4

Mi` cajmée` fi` i 'ling`^ quiij` jial ni'é` Jesús dsee`

(Mr. 1:12-13; Lc. 4:1-13)

¹ J_o mi` cangí e cajg_o` Jmiguí` quiá'- Fidiée` fí yá'^ mogui` Jesús, j_o e Jmiguí` do cangojéeng` dsea` do fí cóo` guóo`~ uó` quiú` e lac_o' fi` i 'ling`^ nijmér` quiij` jial e ni'é` dsea` do dsee`.

² J_o fí j_ob cateáang` Jesús lajee` tuló` jmíi` jogui tuló` uó_o` j_o ja` e cagó'r` jii` cóo` lajee` j_o. J_o mi` cangígui laj_oba' cadseá` jmi'aaíñ`.

³ J_o lajee` j_ob cangoquiéeng` i fi` i 'ling`^ do fí li` sing' Jesús e jmóor` quiij` jial ni'é` dsea` do dsee`, j_oba' casí'r` dsea` do lala j_o cajíñ`:

—Song já'- e 'n_u` lin' i J_oo` Fidiée` camíng`~ do, quiú`~ ta` e ni'uíng` iñí` e cuu` e née` na.

⁴ J_o dsu' dsifí laj_ob cañí` Jesús quiá'- i fi` i 'ling`^ do j_o cajíñ`:

—Dsu' lalab fé' fí ni` jì` quiá'- Fidiée`: “Ja` niliseeng` jaléng` dsea` jmigüi` juguiá` e lico` ni'í` nidó'r` jalé` e sea` fí jmigüi`, co' 'né` e nijmitir` jalé` ta` quiú` fí ni` jì` quiá'- Fidiée`, j_o lajogui`ba' niliseeiñ` juguiá`.”

⁵ J_o mi` cangí j_o, i fi` i 'ling`^ do cangojéeiñ` Jesús fí fi` güeang`^ quiá'- dsea` góor` dsea` Israel e si` Jerusalén, j_o caseáaiñ` dsea` do cartí yá'^ guá'- fé' e si' fí j_o.

⁶ J_o lajee` niteáaiñ` fí j_o, lalab casí'r` Jesús j_o cajíñ`:

—Song já'- e lin' i J_oo` Fidiée` camíng`~ do, bíng` uó' cartí uii` quiá'- e guá'- la; dsuco' fí ni` jì` quiá'- Fidiée` fé' lala:

Fidiée` ni'quiú'r` ta` jaléng` ángeles i líng` guotíir` e nijmér` í` 'n_u`, j_o nisaiñ` 'n_u` cóo`~ guoor` lajee` guiáang`~ guo' guiá' güi` e lac_o' ja` nititaan`~ cartí ni` uó`.

⁷ J_oba' cañí` Jesús j_o casí'-reiñ`:

—Dsu' lala fé`gui fí ni` jì` quiá'- Fidiée` caj_o: “Ja` jmoo` jial ni'é` Fíi` Fidiée` dsee`.”

⁸ J_o mi` cangí e j_o, i fi` i 'ling`^ do cangojéeiñ` Jesús fí cóo` yá'^ mó' e ñí' eáang', j_o ca'e'r` dsea` do jalé` fi` e sea` fí jmigüi` jogui jial niing` lac_oo` lac_oo`;

⁹ j_o i fi` i 'ling`^ do casí'r` Jesús j_o cajíñ`:

—Jnea` nicuóó` 'n_u` lajalé` e móo`- na song nisi` uó` jní` fí quini` jogui nijmifén` jnea`.

¹⁰ J_oba' cañí` Jesús j_o casí'-reiñ`:

—Güihuíng` cáan`n, Satanás, dsuco' fí ni` jì` quiá'- Fidiée` fé`gui: “Jii` Fidiée` dsea` guing` ñifi` bing` nijmifén`, j_o jii` ta` quiú` í`bre e nijmití` caj_o.”

¹¹ J_o dsifí laj_ob cajmi'náng` 'ñia' i fi` i 'ling`^ do fí li` sing' Jesús, j_o lí` j_o caguiling` tú` 'ní` míng`~ ángeles fí li` sing' Jesús e cangoto` fíiñ` dsea` do.

Mi` canaang` Jesús jmóor` ta` quiá'r` fí li` se' Galilea

(Mr. 1:14-15; Lc. 4:14-15)

¹² J_o mi` cangí j_o, j_o caliñí` Jesús e 'n_uñí`b` ni'iuung` Juan i seáang` dsea` jmíi, j_oba' caquim`-tur fí li` se' Galilea.

¹³ Dsu' ja` cajer` fí Nazaret, co' dob cangogüear` fí Capernaum fí 'ni` guiée` Galilea, fí li` se' li` neáang` dsea` Israel i líng` dsea` siju` Zabulón cóo`~gui Neftalí.

¹⁴ J_o cangojée` jalé` e j_o e lac_o' caliti` lajii`~ júu` quiá'- Fidiée` e cajme' Saíí, jaang` i café` cuaiñ` quiá'- Fidiée` mali`~gui eáang` mi` cajíñ`- lala:

¹⁵ E guóo`~ uó` quiá'- dsea` siju` Zabulón cóo`~gui Neftalí

née` cáang` gua` Jordán fí 'ni` guiée` Galilea

fí dsíi` li` se' Galilea caj_o.

J_o fí j_ob li` seeng` dsea` i ja` cúing` Fidiée`.

16 Jò lafa' i seeng` fí lí~ nuu` só` líng` jaléng` i dsea` í, dsu' cangár` cõõ` jì e jlo` niing` 'gøng'.

Jò jaléng` i dsea` í líiñ` lafa' sijúuiñ` uí~ dsee` quiá'r~, dsu' nicajneá` e jì do jee` ír`.

17 Jò lajee` e niguiing` Jesús fí Capernaumba' canaaiñ` guiar` júu` quiá'r` jò fé'r`:
—Qui'` jíng` yaang` na' fí quini` Fidié` uí~ dsee` quí` na', dsu`cõõ' nijaquíem`ba' e nicá` dsea` do nifí` quiá'- lajaang` lajaang` dsea` jmigüí`.

*Mí~ cató'- Jesús quiúung` dsea` i jmóo` ta` sáng` 'ñu`
(Mr. 1:16-20; Lc. 5:1-11)*

18 Jò mí~ cangí` jò, lajee` e ngóo` Jesús ngir` fí 'ni'` guiéé` Galilea, cangáiñ` gáng` dsea` i la'ó` rúng`, jaang` i sií` Simón jò sií` bir Tú` cajo, jò jaang`gui i sií` Dí`. Jò lajì huáaiñ` do taaiñ` ta` feá` 'máa' fí dsí'` jmí` quiá'- e saíñ` 'ñu`.

19 Jò Jesús casí` reiñ` jò cajíñ`-:
—'Nú` ñilíng` na' cóõ` jnea~, jò jnea` nicuøøø` 'nú' ta` e guiá` na' júu` quiá'- Fidiéé` fí jee` dsea` jmigüí`, jò líb` jiu e ta` jò la lí` ta` sáng` 'ñu`.

20 Jò ba' i dsea` do dsifí` ladob catár` 'máa' quiá'r` jò cangolím` bre cóõ` Jesús.

21 Jò tí` dob` jiu nìngóo` Jesús cóõ` i dsea` do mí~ cangáiñ` jíéng` gui gáng` dsea` i la'ó` rúm` cajo, jò jaaiñ` do siir` Tiáa` jò jaang`gui i sií` Juan. Jò lajì huáaiñ` do líiñ` jóg` jaang` dseañu` i sií` Zebedeo. Jò teáaiñ` fí cóõ` dsí'` móo` colíng` cóõ` tiquiá'r` e jmo'r` jalé` 'máa' quiá'- e saíñ` 'ñu`. Jò Jesús cató` reiñ` do,

22 jò dsifí` lajob ca'uøøiñ` do e fí dsí'` móo` lí` teáaiñ` do jò cangolím` bre cóõ` Jesús, jò dob caseáaiñ` i tiquiá'r` do.

*Mí~ ca'e'` Jesús fíng` dsea` jalé` júu` quiá'- Fidiéé`
(Lc. 6:17-19)*

23 Jò mí~ cangí` jò, cangí` Jesús fí la'úng` fí lí` se'` Galilea e e'r` jaléng` dsea` Israel júu` quiá'- Fidiéé` fí dsí'` guá'- quiá'r` e téé` lacoõ` fí. Jò guiar` júu` quiá'- Fidiéé` e nijaquíem`ba' e nicá` dsea` do nifí` quiá'- lajaang` lajaang` dsea` jmigüí`. Jògui` jmi'leáam` bir jaléng` dsea` i líng` lí` doñí` ee` jmohuí` õsi lí` doñí` jíé` lí` cu` quiáiñ` é.

24 Jò eáam` nini` júu` quiá'- Jesús quiá'- jalé` e guiá` e jmóor` do fí la'úng` fí lí` se'` Siria. Jò jaléng` dsea` i seeng` fí jò dsilíñ` fí lí` táang` Jesús e dsijéiñ` jaléng` dsea` dsée` quiá'r` lí` doñí` ee` jmohuí` líiñ`; jò quiéng` i jée` i líng` quiá'- cóõ` gui jaléng` i joñíng` jògui` jaléng` i caang` guotí` jògui` jaléng` i ja` lí` ngí`, lí` lajaléng` i na dseáng` jmi'leáam` Jesús.

25 Jò eáam` fíng` jaléng` dsea` i níngí` cóõ` Jesús; jò jaléng` i dsea` í` seeiñ` do i seeng` fí lí` se'` Galilea jògui` seem`bi` i jalíng` fí jalé` fí e téé` fí lí` se'` Decápolis jògui` seem`bi` i jalíng` fí Jerusalén jògui` seem`bi` cajo jaléng` dsea` i jalíng` fí lí` se'` Judea cóõ` gui jaléng` dsea` i jalíng` lí` lí` ngóo` laco` iu` gua` Jordán.

5

*Jalé` júu` e ca'e'` Jesús dsea` quiá'r` fí cóõ` yú` mó`
(Lc. 6:20-23)*

1 Jò mí~ cangá` Jesús e fíng` dsea` ngolíng` caluur` laco` ngóor`, jò ba' cajgóor` fí cóõ` yú` mó` jò fí` job caguár`. Jò jaléng` i dsea` quiá'r` do cangoquíeeiñ` fí lí` guíng` dsea` do,

2 jò Jesús canaaiñ` e` reiñ` do jò cajíñ`-:

3 —Juguiá` jiu quiá'- jaléng` dsea` i ní` e 'neáiñ` Fidiéé`, cóõ` dsea` íb` dsea` i quíe` nifí` quiá'r`.

4 'Juguiá` jiu quiá'- jaléng` dsea` i dsíng` lí` jiuung` dsí', cóõ` Fidiéeb` nijmi'iaaiñ` dsí' jaléng` i dsea` í`.

5 'Juguiá-jia quiá'- jaléng' dsea` i 'neáng- Fidié', co' niñir' e jii' coo' ja' e quai'r' jmii' jmér- yaaiñ; jo Fidié'bing' i nicuó'- jaléng' i dsea` í jalé' e catiñ' lí' laco' jii' júu^ e nicacuó'reiñ' lamí~ jéng'gui.

6 'Juguiá-jia quiá'- jaléng' dsea` i dsing' iing~ jmé- jalé' e iing~ Fidié', co' dsea` í'bing' i nijmicóo'~ quiá'r- e nilí'bre jmér- jalé' e jo.

7 'Juguiá-jia quiá'- jaléng' dsea` i fii- líng- jaléng' dsea` rúng', co' Fidiéeb' nilí fii- líiñ- jaléng' i dsea` í.

8 'Juguiá-jia quiá'- jaléng' dsea` i guing~ dsí' e jmóor' jmang'- jalé' e guia~, co' jaléng' dsea` í'bing' i niníng- Fidié'.

9 'Juguiá-jia quiá'- jaléng' dsea` i jmóo' quiji- jial niliseeng' dsea` juguiá- coo'~ dsea` rúñ', co' Fidié'bing' nijíng'- e dsea` í'bing' líng' jóor'.

10 'Juguiá-jia quiá'- jaléng' dsea` i dsing'ing- e jmó'- dsea` ga' quiá'r- uii' e jmóor' jalé' e iing~ Fidié', co' i dsea` i dsing'ing- jalé' e jo, Fidié'bing' i quie' nifi' quiá'r-.

11 'Juguiá-jia quiá'- 'nú' mi~ fé' dsea` ga' uii' quí-na' jogui jmaíñ' 'nú' jogui sí'r' 'nú' jalé' júu^ e o' já'- uii' e líng'na' dsea` quie' e.

12 Jmi'iaang' óo'na' jogui güiliseeng'na' juguiá-, co' dsing'- niguo'^ e ni'íng'na' quiá'- Fidié' e si'má'r^ qui-na' fi' ñifi-. Dsaco' jaléng' dsea` i café' cuaiñ~ quiá'- Fidié' malí~gui eáang', lajob cajmeáng' dsea` ír' cajo.

'Nú' líng'na' laco' la lí' ñi~ coo'~ gui la lí' jì' fi' jee~ jaléng' dsea` jmigüi'
(Mr. 9:50; Lc. 14:34-35)

13 Jo casí' gui Jesús i dsea` quiá'r- do lala:

—'Nú' líng'na' la lí' ñi~ jee~ jaléng' dsea` jmigüi', dsu' fíng cajéng' e ñii' e ñi~ do, joba' jo' quí'~ jmii' jóng fa' e niliñii~tu calé' catú-. Jo co' jo' e ta~ íng' jii' coo' e ñi~ do, joba' nibib' fi' guia'^ fi' jóng, jo jaléng' dsea` i ngí' fi' jo niso'óm'bre.

14 'Jogui 'nú' líng'na' la lí' coo' jì' jee~ jaléng' dsea` jmigüi'. Cofa' coo' fii' e née' fi' coo' yú'^ mó' ja' quai'~ jmii' fa' e ni'méng- 'ñia' e ja' cuóøng' lí' jóø- dsea`.

15 'Jogui cajo' ja' 'gui' dsea` coo' candí' jo nísí'r' fi' coo' lí' cøøng', co' 'né- nísí' dsea` coo' lí' ñi'ba' do, jo lajoba' cuø' jì' e jné' dsea` i neáang' fi' dsí' sinúu^.

16 Jo lajob 'nú' cajo, dsea` nilíng'na' lafa' jì' fi' quini~ jaléng' dsea` jmigüi', jmi'úung'na' e nijmee-na' jalé' e guia- fi' jee~ jaléng' dsea` rúng'na', co' mi~ niní dsea` e jmoo'na' jalé' e jo, joba' lajím~bre nijmiféiñ' Tiquí'ii' dsea` guing~ ñifi- jóng.

Mi~ ca'e' Jesús cuaiñ~ quiá'- júu^ quia' ta~ quiá'- Fidié' e cajme' Moi'

17 Jo lí- jo, lalab casí' gui Jesús i dsea` quiá'r- do jo cajíñ'-:

—Ja' í' óo' 'nú' e cagá- a fi' jmigüi' la e caga'ín'n jalé' júu^ quia' ta~ quiá'- Fidié' e cajme' Moi~, o'gui e caga'ín'n jalé' júu^ e ca'e' jaléng' i dsea` i café' cuaiñ~ quiá'- Fidié' malí~gui eáang'. Co' ja' cagá- a fa' e caga'ín'n jalé' e jo, co' jnea~ cagá- a fi' jmigüi' la e lí' laco' niliti~ jalé' e júu^ job.

18 Jo jmitaa' óo'na' e lajee~ róo'bi guóo'~ uø- jmigüi', ja' quí'~ jmii' fa' e nijé'- jii' camí' e júu^ quia' ta~ do cartí' mi~ nidsijéé' jalé' e nísí'í' e nidsijéé' do.

19 Joba' i dsea` i ja' jmóo' núu'~ fa' camí'b^ júu^ quia' ta~ quiá'- Fidié' e cajme' Moi~, doñi' fa' ja' 'ga' lí' niing- e júu^ camí' do, o'gui e'r' dsea` rúñ' jial e nijméiñ'- do núu'r' e júu^ jo, joba' i dsea` í' ni'uíñ- jaang' i ja' niing- jii' capi'^ fi' quini~ Fidié' mi~ tí' lí' nicá' dsea` do nifi' quiá'- lajaang' lajaang' dsea` jmigüi'. Dsu' jaléng'gui dsea` i núu'~ jalé' e júu^ quia' ta~ do jogui e'r' jaléng' dsea` rúñ' e nijméiñ'- do lajo, joba' i dsea` í' ni'uíñ- dsea` i niim- fi' quini~ Fidié' mi~ tí' lí' nití- í' e dsea` do nicár' nifi' quiá'- lajaang' lajaang' dsea` jmigüi'.

20 Joba' fii- i 'nú' e song ja' nijmi'úung'na' e nijmee-na' núu'~na' jalé' júu^ quiá'- Fidié' røø'gui laco'gui i tifa' quiá'- júu^ quia' ta~ quiá'- dsea` góo'naa' dsea' Israel jo coo'~gui

jaléng' dsea` góo`naa' i líng' dsea` fariseo, jòba' ja` qui'~ jmí~ jóng fa' e Fidiéé` nicár` nifí` quií`na' mi~ tí` lí` nití` e í` jò.

*Mi~ ca'e' Jesús jial lí' mi~ guíng` dsea`
(Lc. 12:57-59)*

²¹ Jò mi~ cangí` jò, Jesús ca'er' e júu` la jò cajíñ'~:

—Jò 'nú', nicanáub`ba' lajii'~ júu` e ca'íng' dsea` áang' qui`naa', jò e lab e jò: “Ja` jngán' dsea` rún', dsuco' i i` j móo` lajò, jòba' fí` quini` dseatab` catíng` dsér` e nitidsí' í` quiá'r` laco' catíng`.”

²² Dsu' jnea`gui fíi` i 'nú' e doñí' i i` dsea` i liguíng` quiá'~ jaang`gui dsea` rúng', jòba' fí` quini` dseatab` catíng` dsé` i dsea` í` e laco' nitidsí' í` quiá'r`. Jò i i` dsea` i jmineang` jaang` dsea` rúng', jòba' i dsea` í, dsea` cóong' i quiá' ta` quiá' dsea` Israel catíng` niquidsí' í` quiá'r`. Jògui i i` dsea` i cuóong' júu` 'lí` jaang`gui dsea` rúng', jòba' fí` lí` 'lib' catíng` i dsea` í fí` lí` coo` jì` e ja` tóo` jmí~ ya'.

²³ Jò mi~ güilíng`na' fí` guá' e líng` ee` güicuóo`na' Fidiéé` fí` nife', jò lajee` jò niguíng' oó`na' e seeng` jaang` dsea` i jmoo`na' mí~ cóo'~,

²⁴ jòba' dob`né` sée`na' e quié`na' do, jò nigüilíng`na' e nijmití' oó`na' la'uii` cóo'~ i dsea` rúng`na' i jmoo`na' mí~ cóo'~ do. Jò mi~ ningí, jòguiba' nicuóong` e güicá'na' fí` nife' jalé` e quié`na' do jóng.

²⁵ Jò song i i` dsea` 'níng' 'nú' lajii'~ dsee` e nica'ee`na', jògui i iñ` e nidsijéeiñ` 'nú' fí` quini` dseata~, jòba' guiá`gui jmi`úung`na' jóng e nisíng`na' røø` cóo'~ i dsea` do la'uii~, nú'`gui e nijáiñ` 'nú' fí` jaguó` dseata~; dsuco' song ja` nijmee`na' lajò, jòba' i dseata` do nijáiñ` 'nú' fí` quini` jaléng' í'~ quiá'r` jò 'nuiñ` nitáiñ` 'nú' jóng.

²⁶ Jò jmitaa` oó`na' e ja` ni'uóng`na' e fí` dsí' 'nuiñ` do cartí` niquí`na' jalé` cuu` e nimí'~ i dseata` do 'nú'.

Mi~ ca'e' Jesús e ja` dseeng` e güíng` dsea` cóo'~ dsea` i o' quiá'r`

²⁷ Jò mi~ cangí` jò, ca'e'gui Jesús e júu` la jò cajíñ'~:

—Nicanáub` 'nú' e júu` la malí`gui eáang': “Ja` lee'~ e nigüín' cóo'~ dseañu` osi dseamí` i o' quií'~.”

²⁸ Dsu' jnea` fíi` i 'nú' e doñí' i i` suung` jaang` dseamí` jò í` dsíir' e i iñ` güíñ` cóoiñ` do, jòba' lí' lafa' nicajmée`bre e jò mi~ ca'í` dsíir' lajò cóo'~ i dseamí` do, jò dseeb` nica'éer' fí` quini` Fidiéé` jóng.

²⁹ Jò lajòb` lí', song jminí`na' dsée' jmóo` e niténg`na' fí` ni` dsee~, jòba' guiá`gui e guí`ba' jò nigüibí`na' fí` lí` huí` laco' seeng`na' yaang`na'; dsuco' guiá`gui quií`na' e ni'íng` capí`^ ngúu` táang`na' e laco'gui e nibíng`na' latøøng`na' fí` lí` 'lí'.

³⁰ Jògui song guóo`na' dsée' jmóo` e niténg`na' fí` ni` dsee~, jòba' guiá`gui quií`na' e quiá'ba' jò nigüibí`na' huí`b` laco' seeng`na' yaang`na'; dsuco' guiá`gui e ni'íng` jii'~ guóo`na' e laco'gui e nibíng`na' latøøng`na' fí` lí` 'lí'.

*Mi~ ca'e' Jesús quiá'~ mi~ tiúung` dsea` rúíñ`
(Mt. 19:9; Mr. 10:11-12; Lc. 16:18)*

³¹ Jò mi~ calí` jò, cajíng'~gui Jesús e júu` la:

—Lalab júu` sea` malí`gui: “Doñí' i i` dseañu` i tiúung` dseamí` quiá'~, jòba' 'né` cuó'~bre i dseamí` do cóo` mají` lí` fé' quiá'~ e nicatiúung` rúíñ`.”

³² Dsu' jnea`gui fíi` i 'nú' e song jaang` dseañu` tiúuiñ` dseamí` quiá'r` e ja` mí` ca'lée' i dseamí` quiá'r` do e güíñ` cóo'~ dseañu` jíéng', jòba' i dseañu` do jmóor` e dseáang' e ni'léb` i dseamí` do cóo'~ dseañu` jíéng', jò lajòba' ni'éíñ` do dsee` fí` quini` Fidiéé'; jò i dseañu` i nicúng' guó` cóo'~ jaang` dseamí` i nicatiúung` rúng', jòba' dseeb` éer` cajo.

Mi~ ca'e' Jesús quiá'~ mi~ ééng` dsea` fii`

³³ Jò mi~ cangí` jò, cajíng'~gui Jesús e júu` la:

—'Ná' nicanúub- 'ba' lajii~ júu^ e fé' dsea` áang' quí~naa', jò e lab e júu^ jò: “Ja` se' jii~ coo` fa' e ja` nijmée' e nicafee' e nica'een'~ fi~.”

³⁴ Dsua' jnea~ fii~ i 'nú': Ja` éeng'na' fii~ quíá'~ lí^ doñí ee': ja` éeng'na' ñiff~, dsuco' fi' job li~ líí ée^ quíá'~ Fidiée~;

³⁵ o'gui éeng'na' guóo'~ uó~, dsuco' job li~ jmi'íng' tii~ Fidiée~; o'gui éeng'na' fii~ Jerusalén, dsuco' job li~ líí fii~ güeang'^ quíá'~ Fidiée~ i quíu' ta~ fi' la'úng~ fi' jmigüi~.

³⁶ Jogui ja` éeng' 'nú' moguí'na', dsuco' ja' lí'na' jmisíng'na' i' jii~ camí^ jña` guí'na' e tee` osi e uí'~ é.

³⁷ Jò song fo'na' e nijmee~na', joba' jmee~na' jóng; jò song fo'na' e ja` jmee~na', joba' ja` jmoo'na' jóng; dsuco' song jmoo'na' e jié'gui, joba' nijmoo'na' náu'na' júu^ quíá'~ i 'lim'^ jóng.

*Mi~ ca'e' Jesús quíá'~ e ja` 'né~ cóo` dsea` quíá'~
(Lc. 6:29-30)*

³⁸ Jò mi~ cangí jò, ca'e'gui Jesús e júu^ la:

—Nicanúub- 'nú' e júu^ la malii~gui eáang': “Song jaang` dsea` ca'íiñ~ coo` jminí^, joba' lajob 'né~ jme'^ cóo'~ i dsea` í; osi jaang` dsea` ca'íiñ~ camí^ majá^, joba' lajob 'né~ jme'^ cóo'~ i dsea` í cajo.”

³⁹ Dsua' jnea~ fii~ i 'nú': Ja` cóo~na' quíi~na' mi~ ii~ jmáng' 'nú' ga'; dsua' fíng song ii~ caquiúu~ cataang' moní'na', joba' cuóo'~na'r e cataang'gui do güiquiúu~ cajo.

⁴⁰ Jogui song ii~ iing~ ni'níng~ 'nú' fi' quini~ dseata~, jogui iíñ~ niguír~ 'mi'quíi~na', joba' cuóo'~na'r jóng la quíe'gui 'mi'guiée~ quíi~na' güiquiée~ cajo.

⁴¹ Jò song ii~ quíu' 'nú' ta~ e nigüicá^na' coo` lee~ e ngi'na' coo` kilómetro, joba' güica~na' jóng tú~ kilómetro.

⁴² Jò fíng mi' dsea` 'nú' lí^ doñí ee', joba' cuóo'~na'r jóng; jogui song ii~ mi' 'nú' e líng~ ee' nijmi'óong'na're cateá~, joba' jmi'óong'na'r jóng.

*'Né~ jmi'neáang'naa' jaléng' i 'ní' níng~ jneaa~aa'
(Lc. 6:27-28, 32-36)*

⁴³ Jò mi~ cangí jò, ca'e'gui Jesús e júu^ la jò cajíñ~:

—Nicanúub- 'nú' cajo e júu^ la malii~gui eáang': “Jmi'neáang` jaléng' dsea` i seeng` røø` cóo'~ jò jmee~ e 'ní' man' jaléng' i 'ní' níng~ 'nú’.”

⁴⁴ Dsua' jnea~gui fii~ i 'nú': Jmi'neáang'na' jaléng' i 'ní' níng~ 'nú' jogui féeng'na' Fidiée~ uii~ quíá'~ jaléng' dsea` i jmáng' 'nú' ga',

⁴⁵ jò lajoba' ni'uíng~na' jóo' Tiquíi'na' Fidiée~ dsea` guíng~ ñiff~. Dsuco' dsea` do jmóo'bre e guo' iee' li~ seeng` jaléng' dsea` i jmóo' jalé' e ga' jogui li~ seeng` jaléng' dsea` i jmóo' jalé' e guíu~ cajo; jogui sím~bre jmi' cajo li~ seeng` jaléng' dsea` i ée' e guíu~ cóo'gui fi' li~ seeng` jaléng' dsea` i ja` ée' e guíu~.

⁴⁶ Dsuco' song 'nú' jmi'neáang'na' lajii~ dsea` i jmi'neáang' 'nú', joba' ja` ni'íng'na' jóng lajii~ e si'íng'na' quíá'~ Fidiée~; co' lajob cajo jmóo' jaléng' nodsicuu~ quíá'~ Roma.

⁴⁷ Jogui song fóng'na' lajii~ dsea` rúng'na', ¿e~ e jié'gui jmoo'na' laco' doñí ii~ dsea'? Co' lajob jmóo' jaléng' dsea` i ja` cuíng' Fidiée~ cajo.

⁴⁸ Jò jmi'neáang'na' jaléng' dsea` dseáng'~ laco' sí' lí^ laco'gui la jmóo' Tiquíi'na' dsea` guíng~ ñiff~.

6

Mi~ ca'e' Jesús quíá'~ mi~ jaang` dsea` jmi'cóo'r~ jaang'gui i 'né~ quíá'~ lajo

¹ Jò mi~ cangí jò, ca'e'gui Jesús e júu^ la jò cajíñ~:

—Ja` jmoo'na' jalé' e guíu~ e quí' tíng'na' jmoo'na' e lí^ laco' nijóo~ jaléng' dsea'; co' song jmoo'na' lajo, joba' Tiquíi'na' Fidiée~ dsea` guíng~ ñiff~ ja` nicuó'r~ 'nú' jalé' e niguo'^ e sea` quíá'r~ fi' ñiff~ quíá'r~.

² 'Joba' mi~ jmicóo' na' jaléng' dsea` i 'né- quiá'- lajo, ja` jmoo`na' li~ cuóøng` jøø- dsea` fíng' lí^ laco'gui la líng' dsea` i jmicang~ e jmóor` jalé' e iing~ Fidiée~, dsu' o' já'- e jmóor` lajo. Co' jaléng' i dsea` i jmicaiiñ~ e jmicóo'r~ jaléng' dsea` i 'né- quiá'- lajo fí' dsí' sinúu^ guá'- cóo'~ gui lacaang' jee~ 'núu' e lí^ laco' nífé' dsea` guiá- uii~ quiá'-bre. Jo dsu' jnea~ jmitaa^ óo'na' e cóo'~ jalé' e jmicang~ i dsea` do, nicalí'-bre lajii~ e 'nó'r' do, co' jo` ee` ni'ing'^guir jii~ coo` quiá'- Fidiée~.

³ Jo dsu' mi~ jmicóo' 'nú' jaléng' dsea` i 'né- quiá'- lajo, ja` 'né- jmée'na' dsea` júu^ quiá'- lajii~ e nijmee~na' do, doñi' fa' jaang` dsea` i cuíng'na' eáang`;

⁴ jo jmee~na' e jo e ja` ñi' dsea`. Jogui Tiquí'na' dsea` guing~ ñiff~ jøø-bre lajii~ e jmoo`na' do, jo lajoba' nicuó'r~ 'nú' lajii~ e si'má'r^ quií-na' fí' ñiff~ quiá'r~.

Mi~ ca'e' Jesús jial féeng'~naa' Fidiée~

(Lc. 11:2-4)

⁵ Jo mi~ cangí jo, ca'e'gui Jesús e júu^ la jo cajíñ':

—Jo mi~ siing~ 'nú' cóo'~ Fidiée~, ja` jmoo`na' laco'gui la jmoo` i dsea` i jmicang~. Co' i dsea` í tí dsíir` síng' yaaiñ~ e síiñ cóo'~ Fidiée~ fí' dsí' sinúu^ guá'- jogui lacaang' lí' seáng' dsea` fíng' i jøøng` ír` cóo'~ jalé' e jmóor` do. Jo dsu' jnea~ jmitaa^ óo'na' e cóo'~ jalé' e jmicang~ i dsea` do nicalí'-bre lajii~ e 'nó'r' do, joba' jo` ee` ni'ing'^guir jii~ coo` quiá'- Fidiée~.

⁶ Dsu' 'nú'gui, mi~ siing~na' cóo'~ Fidiée~, güitáang'na' fí' dsí' sinúu^ quií-na' jo jniing~ yaang~na' 'núu' jo siing~na' cóo'~ Tiquí'na' dsea` guing~ ñiff~ i seeng` cóo'~ 'nú' fí' jo. Jo co' Tiquí'na' dsea` guing~ ñiff~ jøø-bre jalé' e jmoo`na' do, joba' nicuó'-bre 'nú' lajii~ e si'má'r^ quií-na' fí' ñiff~ quiá'r~.

⁷ Jogui mi~ siing~na' cóo'~ Fidiée~, ja` fó'na' jmiguiú' ya' jalé' júu^ e ja` uing~ sea' lí^ laco'gui la jmoo` dsea` i ja` cuíng' Fidiée~; co' jaléng' i dsea` í' dsíir' e song jmiguiú'gui nífé'r', joba' já'-gui ninú- dié~ quiá'r~ jalé' júu^ quiá'r~.

⁸ Jo jie~ mí jmeáang'~ yaang~ 'nú' lajo lí^ laco'gui la jmoo` i dsea` í, co' Tiquí'na' Fidiée~ jéem' ñiñir' jalé' e 'né- quií-na' nú'-gui e nimí'~na're.

⁹ Joba' lalab 'né- siing~na' cóo'~ Fidiée~:

Tiquí'ii', dsea` guiin~ ñiff~,
güjmifém' jaléng' dsea` jmigüi' 'nú,
co' 'nab` dsea` fén' fí' la'úng- fí' jmigüi'.

¹⁰ Jogui güijáng'~ yaang~ dsea` fí' quiniá'

e laco' nicá'~ níff' quiá'r~ lajaang' lajaaiñ'.

Jogui güijmitib~ jaléng' dsea` jmigüi' jalé' e iing~ 'nú' fí' jmigüi' la,

lí^ laco'gui líti' fí' ñiff~ quií'.

¹¹ Jogui cuóø'~ jnea'^ jalé' e 'né- niquiee~naa' e jmii~ lana.

¹² Jogui íng' dsee- uii~ quií-naa' quiá'- jalé' e ja` dseeng' e nicajmó^naa',

lí^ laco'gui jnea'^ íng'naa' dsee- quiá'- jaléng' dsea` rú'naa' dsea` jmigüi' mi~ ee'go nica'léer' quií-naa'.

¹³ Jogui jmee- í' jnea'^ lacaang' lí' ngi'naa'

e laco' ja` nijiu'naa' fí' ni~ dsee-,

jogui jmee- í' jnea'^ cajo

e laco' ja` nijmeáang' jaléng' i 'ling'^ jnea'^.

Co' 'nab` i quiú' ta~ røø' fí' la'úng- fí' jmigüi'

jogui i 'gøng' jogui i niing- eáang' cajo car` ngongí' jmi~.

Jo lajob nilí'.

Jo lanab ca'e' Jesús ie~ jo jial féeng'~naa' Fidiée~.

¹⁴ Jo mi~ calí- jo, cajíng'~gui Jesús:

—Jo song 'nú' íng'na' dsee- quiá'- jaléng' dsea` rúng'na' mi~ ee'go 'léer' quií-na', joba' lajob Tiquí'na' dsea` guing~ ñiff- cajo ni'ím-bre dsee- quií-na'.

15 Dsu' song 'nú'gui ja` íng'na' dsee` quiá'- jaléng' dsea` rúng'na' mi` ee'go 'léer' quií'-na', jōba' lajōb Tiquíí'na' dsea` guing~ ñifí- cajo ja` ni'íiñ- dsee` quií'-na'.

Mi` ca'e' Jesús quiá'- mi` jmóo` dsea` ayuno

16 Jo mi` cangí'gui lajō, ca'e'gui Jesús e júu^ la jō cajíñ'-:

—Jo mi` jmoo` 'nú' ayuno, ja` jmeáang~ yaang~na' e líng'na' fí'í' lí' laco'gui la jmóo` jaléng' dsea` i jmicaang~ e jmóor` jalé' e iing~ Fidiéé', dsu' o' já'- e jmóor` lajō; co' jmóo` jaléng' i dsea` í lajō e lí' laco' nijóø- dsea` quiá'r- e jmóor` ayuno. Jo dsu' jnea~ jmitaa` óo'na' e cóo~ jalé' e jmicaang~ i dsea` do, nicalí'-bre lajii~ e 'nó'r' do, jō jō ee` ni'íng'guir jii~ coo` quiá'- Fidiéé'.

17 Jo dsu' 'nú'gui, mi` jmoo'na' ayuno, rúu~na' ní'na' jogui jmeáang~na' guiá- yaang~na',

18 jō lajōba' ja` nililí' dsea` e jmoo'na' ayuno. Jo jii~ Tiquíí'na' Fidiéé' i seeng` cóo~ 'nú', jii~ íbing' i nililí' e jō, jō dsea` íb' i nicuó'- 'nú' lajii~ e sí'má'r^ quií'-na' fí' ñifí- quiá'r-.

Jalé' e jlo' e sea` quiá'- Fidiéé' fí' ñifí-

(Lc. 12:33-34)

19 Jo mi` cangí' jō, ca'e'gui Jesús e júu^ la jō cajíñ'-:

—Ja` jmoo'na' e silí'na' eáang' cuu- fí' jmigüi' la, dsuco' fí' jmigüi' la íim- jalé' e óo` dsea` jogui seeng` cajo jaléng' guisf' i 'léé', jogui seem` ñi cajo i dsitáaiñ' i 'léé' fí' dsí' sinúu^ quiá'- dsea`.

20 Jo guiá- guib e nijmee- na' e nilisea` quií'-na' fí' ñifí- jalé' e jlo', co' fí' jōb lí- ja` seeng` jaléng' guisf' i 'léé', o'gui dsitáang~ jaléng' ñi i 'léé' cajo.

21 Co' lí- sea` jalé' e lí' óo'na' do, e jōbi eáang' guing~ óo'na' jóng.

Mi` ca'e' Jesús quiá'- coo` jì' cóo~ e cuø' e jné' dsea`

(Lc. 11:34-36)

22 Jo mi` cangí' jō, ca'e'gui Jesús e júu^ la jō cajíñ'-:

—Jalé' jminí' dsea` lí' la lí' coo` jì' cóo~ e cuø' e jné'r' lacaang` fí' lí- ngir'; jōba' song jlo' jminí'na', jōba' guiáb- jné'na' lacaang` fí' lí- ngi'na' jóng;

23 jō dsu' song ja` dseeng` jminí'na', jōba' ja` jné'na' jóng lacaang` fí' lí- ngi'na'. Jo song lajee~ e jneá` røø` jminí'na' ni'uíng- e ja` jné'na' jii~ capi^, jō song lajōb lí', jōba' dseáng'- nuu` guib ni'uíng- jminí'na' jóng.

Ja` cuøøng` e guing~ dsí' dsea` Fidiéé' mi` eáang'gui guing~ dsír' cuu-

(Lc. 16:13)

24 Jo mi` cangí' jō, ca'e'gui Jesús e júu^ la jō cajíñ'-:

—Jii~ jaang` dsea` quí'r~ jmii~ fa' e nijmér- ta` fí' quini` gáng- fir~ colíng~, dsuco' song cajméer` lajō, jōba' nilí' 'ní' níim~bre jaang` jogui nijmiti~bre ta` e niquiá'- i jaang`gui do. Jo co' lajōb lí', jōba' ja` quí'- jmii~ fa' e 'nú' nijmití'na' colíng~ jalé' ta` quiu' Fidiéé' jogui nijmití'na' cajo jalé' ta` seáng' jmiguiu' cuu-.

To' fñm` Fidiéé' jaléng' dsea` quiá'r-

(Lc. 12:22-31)

25 Jo uíi~ jōba' fñi- 'nú' e ja` jmee- na' fí'í' uii~ quiá'- jalé' e u^ cø^na' e laco' cuø' e seeng'na', o'gui quiá'- jalé' sí'na' cajo. Co' eáang'gui laniing- e seeng` dsea` laco'gui jalé' e gø'r' do, jogui eáang'gui laniing- ngúu` táaiñ' cajo laco'gui jalé' sí'r^ e qui'r'.

26 Quié'na' cuente quiá'- fíng' ta` i ngí' fí' guiá'^ güi'; ja` e jní're' o'gui e sitíng'ne' o'gui 'mea're' jalé' e nidó'-re' fí' dsí' sinúu^ quiáa-re'. Dsu' Tiquíí' 'nú' dsea` guing~ ñifí- hém'breiñ' do. Jogui 'nú', jeáang'gui quíng'na' laco'gui e fíng' ta'!

27 Jo lajōb lí' cajo, doñí' ii` i jmóo` fí'í' quiá'- jalé' e jō, ja` quí'r~ jmii~ cajo fa' e nijmér- e seeiñ` huøø`-gui laco'gui jii~ e sí'í' quiá'r- fa' jialgui la lí' dsír'.

28 'Joba' ja 'né- jmee-na' fi'í' quiá'- jalé' sí'na'. Co' quie'na' cuente jial cuaang' jalé' lí' e sea' fi' jee' mó'; ja' jmóo' ta' o'gui jmiing' sí' yaang'.

29 Jo dsu' jnea'gui fi'í' 'nú' e j'gui i' dseata' dsea' féng' Salomón do, dsea' i' eáang' sea' cuu', dseáng' ja' caquím' 'ñia'r' 'mi' e niguó' lí' laco'gui la niguó' co' lí'.

30 Jo song Fidié' jmóor' e eáang' niguó' sí' jalé' lí' e sea' lacaang' fi' jee' mó', jo dsu' lajee' cateá'ba' e ee' e jlo' do, co' dsa'ó' ié' fi' ni' jib' nidsitóo', jo dsu' jeáang'guib' nijmé' Fidié' í' 'nú' laco'gui e lí' do, 'nú' dsea' i' ja' 'ga' lí' já' líng' e tiing' Fidié' jmér' lí' doñí' ee'!

31 'Joba' 'nú' ja 'né- jmee-na' fi'í' e fo'na': "¿E' ni quiee'naa'? osi ¿E' ni'né'naa'? osi fo' bñí' é ¿E' 'mi' niquí'naa'?"

32 Co' jaléng' dsea' i' ja' cúing' Fidié'bing' i' jmóo' fi'í' quiá'- jalé' e lajo. Jo dsu' 'nú', seem' jaang' Tiquí'na' i' guing' ñifí', jo í'bing' i' niñí' e 'né-na' jalé' e jo.

33 Co' e laba' 'né- e jmee-na'; la'uii' e nijmi'úung'na' e seeng'na' e Fidié' quier' nifí' quí'na', jogui e jmoo'na' dseáng' lajii' ta' quiu'bre cajo, co' lajoba' e nicuó'r' 'nú' jalé' e 'né-na'.

34 'Joba' ja 'né- jmee-na' fi'í' quiá'- jalé' e nidsijé' quí'na' e jmii' dsa'ó', co' dsa'ó' jié'gui e lí' quí'na'. Dsaco' nitéb' jii' fi'í' dsí' e sea' laco' jmi'.

7

Ja' cuø'na' dsee- dsea' rúng'na'

(Lc. 6:37-38, 41-42)

1 Jo lalab cajíng' gui Jesús:

—Ja' cuø'na' dsee- jaléng' dsea' rúng'na', jo lajoba' ja' nicuó'r' Fidié' 'nú' dsee- cajo.

2 Dsaco' Fidié' nicuó'r' 'nú' dsee- lí' laco'gui la cuø' 'nú' dsee- jaléng' dsea' rúng'na'; jogui jial tí' dsee- e cuø' 'nú' dsea' rúng'na', joba' lajob nicuó'r' Fidié' 'nú' dsee- cajo.

3 'Joba' ¿jialí' ca' cuente lajii' qui' iu' jminí' jaang' dsea' rún', jogui ja' ca' cuente uø' e jié' ja' latøng' co' 'mab' iu' jminí'?

4 Jo song latøng' co' 'mab' iu' jminí' uø', joba' ¿jial niteá' o' e nifí' jaang' dsea' rún': "Rú'uu', nea' du ne' ee', jo nigui' duu e qui' iu' jminí'?"

5 i' jmicaang' 'nú'! Jang' gui' du e 'ma' e iu' jminí' uø', jo lajoguiba' nicuó'øng' e jøø' guiá' e nigui' e qui' e iu' jminí' i' dsea' rún' do.

6 'Ja' cuø'na' jalé' e güeang' quiá'- Fidié' jaléng' dsea' 'ling' i' soo' dsí', dsaco' i' dsea' la'í' líiñ' la líng' dsii' osi la líng' cú' é, e niso'ø'bre' jalé' e güeang' quiá'- Fidié' do, jogui dseáam' e nilí' 'ní' níiñ' 'nú' jogui e nijmeáiñ' 'nú' ga' cajo.

Mí'na' Fidié' jalé' e 'né-na' jo nicuó-bre

(Lc. 11:9-13; 6:31)

7 Jo mí' cangí' jo, lalab cajíng' gui Jesús:

—Mí'na' Fidié' jalé' e 'né-na', jo nicuó-bre; jogui mí' 'nó'na', niguié'ba' jalé' e 'nó'na' do; jogui mí' tø'na' fi' o'nú', joba' nineab' e 'nú' do.

8 Dsaco' ii' dsea' i' mí' Fidié' jalé' e 'né', ngám'bre; jogui ii' dsea' i' 'nó', dsé'bre e 'nó'r' do; jogui ii' dsea' i' tø' fi' co' o'nú', nineab' e 'nú' do.

9 'Jo jnea' lí' dsii' e jii' jaang' 'nú', dsea' seeng' jaléng' jóo'na', e mí' nimí'r' 'nú' ir', nicuó'na'r cuu';

10 osi mí' nimí'r' 'nú' capí' ngúu' 'ñu', jo nicuó'na'r ngúu' mí'.

11 Jo 'nú', dsea' jmoo'na' jalé' e 'lí', tím'ba' cuø'na' jaléng' jóo'na' jalé' e guiá', jo dsu' eáang'guib' jlo' jalé' e nicuó' Tiquí'na' Fidié' dsea' guing' ñifí' mí' nimí'naa'r.

12 'Jo lajob lí', joba' jmee-na' jmang' e guiá' cóo' jaléng' dsea' rúng'na' lí' laco'gui iing'na' e nijmé' dsea' cóo' 'nú'; co' lajob ta' quiu' júu' quiu' ta' quiá'- Fidié', jogui lajobi fé' fi' ni' jì' quiá'- jaléng' dsea' i' café' cuaiñ' quiá'- Fidié' malí'gui eáang'.

Mi' ca'e' Jesús quiá' e o'nú' e dsuu'
(Lc. 13:24)

¹³ Jo mi' cangí jo, ca'e'gui Jesús e júu' la jo cajíñ':
—Güitáng' na' fí' o'nú' e dsuu'. Dsuo' e fí' o'nú' e ú' cóo' gui fí' guiá' fí' e ú', fí' job lí' dsitáng' fíng'gui dsea' i niteáng' fí' e ngolíng' fí' lí' 'lí';
¹⁴ dsu' e o'nú' jogui e fí' e ngo' fí' lí' guiá', dsuub' jogui huim' eáang' cajo, joba' ja' leáang' dsea' i dsilíng' fí' jo.

Jalé' 'ma' ofii' cuí' dsea' la'eáang' cóo' ofii' e #b'
(Lc. 6:43-44)

¹⁵ 'Jo fii' guí' 'nú' e júu' la: Ñiing' óo'na' cóo' jaléng' dsea' i jmicaang' e er' júu' quiá' Fidié', dsu' o'já' jalé' e júu' e fé'r' do. Jo mi' ngir' fí' jee' 'nú', jnéiñ' lí' caluu' la jnéeng' dsea' guiúng' i cuíng' Fidié', jo dsu' caniing' jii' e 'lé' bre í' dsíir' fí' dsí'.
¹⁶ Jo cóo' jalé' e jmóob' i dsea' la'í' cuóong' jmicuíng' na'r. Jo lajob lí' cajo, 'nú' lí' na' jmicuí' na' cóo' 'ma' ofii' la'eáang' cóo' ofii' e #b'; dsuo' cóo' 'matóo' ja' cuóong' fa' e ni'f' mi' huíng' jó' yá', o'gui cóo' 'matóo' fí' ja' cuóong' fa' e ni'f' güiñ' yá'.
¹⁷ Jo lajob jalé' 'ma' ofii' e guiá', jmang' ofii' e guiáb' cuó'; jo dsu' e 'ma' ofii' e ja' dseeng', ja' dseeng' jalé' ofii' e cuó'.
¹⁸ Jo lajob jalé' 'ma' ofii' e guiá', ja' cuóong' fa' e nicuó' ofii' e ja' dseeng'; jogui jalé' 'ma' ofii' e ja' dseeng', ja' cuóong' fa' e nicuó' ofii' e guiá'.
¹⁹ Jo nihuib' jalé' 'ma' ofii' e ja' cuó' ofii' e guiá' jo fí' ni' jib' nidsitoo'.
²⁰ Jo có' lajob lí', joba' cóo' jalé' e jmóob' i dsea' i jmicaang' e er' júu' quiá' Fidié' do lí' na' jmicuíng' na'r.

Ja' lajüng' dsea' lí'r' e Fidié' nicá' nifí' quiá'r' lata'
(Lc. 13:25-27)

²¹ Jo mi' cangí jo, cajíng' gui Jesús e júu' la:
—Ja' lajüng' dsea' i sí' jnea': "Fí'i, Fí'i", nilí'r' e Fidié' nicá' nifí' quiá'r' lata', dsu' i dsea' i nijmé' jalé' e iing' Tiquié' e dsea' guíng' ñifí', jii' í'bing' i nilí' e jo.
²² Jo mi' nití' e í' jo mi' niquidí' Fidié' í' quiá' lajaléng' dsea' jmigüí', fíim' dsea' nisí'r' jnea' ie' jo: "Fí'i, Fí'i, jnea' café' naa' júu' quiá' la'eáang' 'nú', jogui la'eáang' 'nú' ca'uóong' naa' jaléng' i 'líng' i jée' quiá' dsea', jo jmiguiab' jalé' e quí' jmi' e dsigá' dsí' dsea' cajmó' naa' la'eáang' 'nú' cajo."
²³ Dsu' jnea' ningü' quiá' i dsea' í' ie' jo: "Jéeng' na' fí' lí' sín' n la; jdo güilíng' na' lí' do, có' dseáng' ja' calicuim' baa' 'nú', dsea' i sitíng' 'léé'!"

Mi' ca'e' Jesús quiá' laji' tú' tñ' fñ'
(Mr. 1:22; Lc. 6:47-49)

²⁴ 'Joba' fii' guí' 'nú' e jaléng' dsea' i núu' jogui jmóor' lajii' ta' quiá' lü' lüiñ' laco' jaang' dsea' i í' dsí' guiá' jalé' e nijmér'. Jo i dsea' í' cajme'r' 'nær', jo ab' tñ' fñ' catá'r' quiá' e 'núu' do.
²⁵ Jo mi' cajá' jmí' dsiing' jo cacuáng' jalé' gua' jo dsíng' caquiá' guí' fí' lí' si' e 'núu' do, dsu' e 'núu' do ja' caquiá', có' ab' iü' tñ' fñ' quiá'.
²⁶ Jo dsu' i dsea' i lico' núu' júu' quié' e jo ja' jmóor' lajii' ta' quiá' lü, joba' i dsea' í' lüiñ' laco' jaang' dsea' i ja' í' dsí' guiá' e nijmér'. Jo cajme'r' 'nær', dsu' ja' catá'r' tñ' fñ' quiá' e 'núu' do.
²⁷ 'Joba' mi' cajá' jmí' dsiing' jo cacuáng' jalé' gua' jogui dsíng' ca'í' guí', joba' caquiá' e 'núu' do, jo dseáng' conguiab' ca'íng' quiá' i dsea' í'.
²⁸ Jo mi' calí' fé' Jesús jalé' e júu' na, lajüim' dsea' i siseáng' do dsíng' cangogá' dsíir' laco' e' dsea' do,
²⁹ dsuo' dsíng' 'göng' jalé' júu' quiá'r' jogui dsíng' tñiñ' er' cajo, có' ja' er' laco' e' i tifa' quiá' júu' quiá' ta' quiá' dsea' Israel.

8

Mi~ cajmi'leáang~ Jesús jaang` dsea` i lãng' jmohuú' 'li' fí' ngúu' táang`
(Mr. 1:40-45; Lc. 5:12-16)

¹ Jo mi~ cangí jo, cajgám~ Jesús e fí' yú' mó' do, jo fíim' dsea` ngolíng~ caluur~ laco' ngóor'.

² Jo lajee~ job cangoquiéeng' jaang` dseañu' i nilíng' jmohuú' 'li' fí' ngúu' táang` fí' quini~ Jesús, jo casí'r` uó' jnir~ fí' quini~ dsea` do jo cajíñ'~ casí'~ reiñ':

—Fí'i, cuóøm` lí jmi'leáan`^ jnea~ lajii'~ jmohuú' e lín'n song iin'~ lajo.

³ Joba' Jesús cagüiñ' capí'` dsea` do jo cajíñ'~ casí'~ reiñ':

—Iim~baa jmi'leáan`n 'nu, jo lana ca'láam~ba' lajii'~ jmohuú' e lin'.

Jo dsifí' lajob ca'láang~ i dsea` dsée'~ do lajii'~ jmohuú' líiñ'.

⁴ Joba' Jesús casí'~ guir dsea` do jo cajíñ'~:

—Ja' fí'` jii'~ jaang` lajii'~ e cajmé~ e cóo'~ 'nu, lico' gua` güijéeng` uø' fí' quini~ jmidsea` e laco' niliñi' i jmidsea` do e nica'láam~ba' lajii'~ jmohuú' e lamí' lin'. Jo mi~ nilí jo, joba' güica~ lajii'~ e feá' e 'né~ cuó' Fidiéé' lí' laco' gui e ta~ e caquiú' Moi' ie~ malí' gui do. Jo e job cuó' lí' fí' quini~ jaléng` dsea` e nica'láam~ba' lajii'~ jmohuú' e lamí' lin'.

Mi~ cajmi'leáang~ Jesús jaang` dsea` 'léeng'~ quiá'~ jaang' fii' 'lée~ romano
(Lc. 7:1-10)

⁵ Jo mi~ cangí jo, caguiéng'~ Jesús fí' Capernaum, jo fí' jo jaang` fii' 'lée~ romano cangoquiéiñ' fí' lí' ngang' dsea` do jo camí'r' dsea` do jmi'ee'

⁶ jo casí'~ reiñ':

—Fí'i, dob ráang` dsea` 'léeng'~ quié~ e dsée'r~ fí' quié~ e, jo jii'~ ja' lí' jii'~ joiñ' jogui dsím'~ cu' líiñ' cajo.

⁷ Joba' cañi' Jesús jo casí'~ reiñ':

—Nii~baa nijmi'leáan`nre.

⁸ Joba' cañi' i fii' 'lée~ do quiá'~ Jesús jo casí'~ reiñ':

—Fí'i, ja' catíng~ jnea~ e 'nu' ni'ú' fí' dsí' sinú' quié~ e; lico' fée' e ni'leáang~ i dsea` 'léeng'~ quié~ e do, joba' lajob nilí jóng.

⁹ Dsüco' seem` dsea` i teáang~ nifí' gui i quiú' ta~ quié~ e, jogui seem` 'lée~ i quiá' ta~ cajo. Jo mi~ fii' i jaang` 'lée~ quié~ e e dsér~, joba' dsé~ bre jóng; jogui mi~ fii' i jaang` gui e jáar', joba' jáa' bre jóng; jogui mi~ fii' i dsea` 'léeng'~ quié~ e e lüing~ e jmér~, joba' jmóo' bre cajo.

¹⁰ Jo mi~ canú~ Jesús e júu` na, eáam' cangogá` dsíir' jo cajíñ'~ casí'r~ jaléng` i dsea` i ngolíng~ cóo'r~ do:

—E já' e fii' i 'nú' e jii'~ cóo' ya' ja' mí' cajín'n jaang` dsea` góo'o dsea` Israel i dseáng'~ já' lüing` júu` quié~ e lí' laco' gui la lüing` i fii' 'lée~ romano na.

¹¹ Jo fii' i 'nú' e jmiguiab' íng'~ lí' nijalíng~ fíng' dsea` i ja' lüing` dsea` Israel jo nigüear' e nidó'r~ cóo'~ jaléng'~ líi' dsea` cóøng'~ qui'~ ii' i sii' Abraham jogui Isáa' cóo'~ gui Jacóo' mi~ tí' lí' nití' í' e nicá' Fidiéé' nifí' quiá'~ lajaléng' dsea` jmigüí'.

¹² Jo dsü' Fidiéé' nibíim~bre fí' caluu' fí' lí' nuu' só' fíng' dsea` Israel i lamí' sí' í' catíng~ seeng` cóo'r~ fí' lí' guiá' fí' lí' quiú'r' ta~, jo i dsea` í' dob nijeár~ qui'r' jogui tar' majar~ uú'~ jalé' iihuú' e ni'íñ' do.

¹³ Jo lí' jo, Jesús casí'~ guir i fii' 'lée~ romano do jo cajíñ'~:

—Guóng' fí' qui'~ jo güilitib~ lajii'~ ta~ cañi', co' jáb'~ nicalín' júu` quié~ e.

Jo dsifí' lajob ca'láang~ i dsea` 'léeng'~ quiá'~ i fii' 'lée~ romano do.

Mi~ cajmi'leáang~ Jesús iemisé` Tú` Simón
(Mr. 1:29-31; Lc. 4:38-39)

¹⁴ Jo mi~ cangí jo, Jesús cangór~ fí' quiá'~ Tú` Simón. Jo mi~ caguiér~ fí' jo, dob ráang` iemisé` Tú` Simón e dsíng'~ iá' guíñ'.

15 Jò Jesús cagüi'r' guoo`i dseamî do, jò dsifí lajob caguá- e iu~ guiñî^ do. Jò mi~ cangî jò, i dseamî do caróor- jò cajmээр- e cagóob' jaléng' i dsea` do.

*Mi~ cajmi'leáang- Jesús fñng' dsea` dsée'`
(Mr. 1:32-34; Lc. 4:40-41)*

16 Jò mi~ canuu` lajò, fñm' dsea` caguiliñî- fí li~ guing~ Jesús e jéeiñ` jaléng' dsea` i teáang' i 'ling'^ dsíi'; jò cóo'` ñia' camí'^ júu^ e fé' Jesús, uøøm` jaléng' i 'ling'^ i teáang' dsíi' dsea`, jogui` láam` bi lajaléng' dsea` dsée'` la'eáang' cóo'` e júu^ jò cajo.

17 Jò cangojée' e la e laco' caliti~ jalé' júu^ e cajíng'- jaang' dsea` i café' cuaiñ~ quiá'- Fidiée' malii~ gui eáang' i calisí Saii' mi~ cajíñ'- lala: "Íbre ca'íñ' jalé' iihuí' quí-naa' jogui cacór- jalé' jmoहुई e lí'naa' cajo."

*Jaléng' dsea` i iing~ dsilíng- cóo'` Jesús
(Lc. 9:57-62)*

18 Jò mi~ cangî jò, cangá- Jesús e dsíng'- fñng' dsea` caseáng' fí lacúng' lajíng' li~ siñ', jòba' caquiur' ta~ dsea` quiá'r- e ningiñî- fí li~ 'ngóo'` cataang' e guiée' do.

19 Jò lajee' job, cangoquíeeng' fí li~ siñ' jaang' tifa' quiá'- júu^ quiu' ta~ quiá'- dsea` Israel jò cajíñ'- casí'r- dsea` do lala:

—Tifa', iim~baa nii~i cóo'` 'nu` lí'^ doñí' jié' fí guó'`.

20 Jòba' cañii' Jesús quiá'- i dseañu' do jò casí'-reiñ':

—Jaléng' güii' seab` too` li~ güing`ne', jò lajobi jaléng' ta' seab` sii`re' cajo; dsu' jnea~, dsea` gáa'a fí ñifí- e lín'n jaang' dsea` jmigüi, jii' li~ quiee~ e moguii- ja` sea`.

21 Jò mi~ cangî jò, jaang' lajee' i dsea` quiá'- Jesús do casí'- ír' lala jò cajíñ'-:

—Fíi', cuøø'` jnea~ fí jang'- ni'áan`n tiquié'e, jò mi~ ningî jò, jogui'ba' ninii~i cóo'` 'nu`.

22 Jòba' lalab cañii' Jesús quiá'- i dsea` do jò casí'-reiñ':

—Nea~ cóo'` jnea~ lana jò cuø' fí e jaléng' i dsea` i líng' lafa' 'líng~ ni'áaiñ- tiquíi' mi~ nití- oor~ quiá'r-.

*Mi~ cajmée' Jesús e ca'uáang- e róo- jmii' jogui ca'uáang- e íi' guí'
(Mr. 4:35-41; Lc. 8:22-25)*

23 Jò mi~ cangî jò, ca'ib- Jesús fí cóo'` dsíi' móo' colíing~ cóo'` jaléng' dsea` guitúung' quiá'r-.

24 Jò lajee' guiáang' e ningoliiñî- ni~ jmii'b` mi~ canaang` íi' guí' la huíng' jogui canaang' e róo- jmii' cajo, jò mifñng` ninaang` dsí'ab` jmii' fí dsíi' e móo' do. Jò lajee' jò, güim` Jesús ngóor'.

25 Jòba' i dsea` quiá'r- do cañii'm`bre dsea` do jò cajíñ'- casí'-reiñ':

—Fíi'i', leaang- jneaa~aa', có' ningóo' dsí'am'baa'.

26 Jòba' cañii' Jesús quiá'- i dsea` do jò casí'-reiñ':

—¿Jiali' dsíng'- 'gó'na'? Jò ¿jiali' ja` 'ga' lí' já'- líng`na' e jnea~ quíi' i jmii' e nijmee~ e lí'^ doñí' ee'?

Jò mi~ calí- fé'r` lana, jò caráaiñ- jò caquiur' ta~ e guí' do cóo'` gui e jmii' do, jò dsifí lajob caquiung' e íi' guí' jogui caquium' bi e róo- jmii' cajo, jò tiib- ca'í'.

27 Jò dsíng'- cangogá dsíi' i dsea` quiá'r- do mi~ cangár- lado, jò canaaiñ` jmingí'- rúiiñ' lajee' la'ó'` yaaiñ-:

—¿Í' gui i dseañu' na e quiur' ta~ jò núu~ jalé' guí cóo'` jalé' jmii' júu^ quiá'r-?

*Dsea` i seeng' fí Gadara i niteáang' i 'ling'^ dsíi'
(Mr. 5:1-20; Lc. 8:26-39)*

28 Jò mi~ tí li~ caguié- Jesús fí lí'^ lí' 'ngóo'` cataang' e guiée' do e fí guóo'` uø- li~ se' Gadara, jò fí codsii' ca'uøøng` gáng- dsea` i niteáang' i 'ling'^ dsíi' jò cangoquíeeiñ' fí li~ sing' Jesús. Jò eáam' soo' dsíiñ' do e jii' jaang' dsea` cuøøng` lí' ngiiñ- e fí jò.

29 Jò lalab canaaiñ` do áiiñ' Jesús:

—Ja`jmiguín` jnea`, Jesús, co' ne`baa' guiá` e 'nab` dseáng`- lin' Joo' Fidiée`. Jo ¿su cañi` e ñicuøø` jnea` iihuí` e jii` ja` mí catí í` lajo?

³⁰ Jo e quiá`- job nitaang` i fíing` cú` i taang` ta` gø'.

³¹ Jo i 'ling` do camí`r` jmi`ee` Jesús jo casí`r` dsea` do lala:

—Song ni`uøø`- jnea` li` tée`-naa' la, cuøø`- jnea` fí` e nidsitoo`-naa' fí` dsí` i cú` i taang` do.

³² Joba' lalab cañi` Jesús jo casí`-reiñ' do:

—Güiling`-na' güitáang`-na' fí` jo.

Jo ladsifí` lajob ca`uøø`m` i 'ling` do fí` dsí` i dsea` do jo cangotáaiñ` fí` dsí` i cú` i nitaang` do. Jo dsifí` lajob canaang` i cú` do cui`re' cartí` cajiúng` yaang`ne' fí` dse'` jiáa', jo casojiúng`ne' fí` dsí` jmi` jo fí` job cajgó`re' jmi`.

³³ Jo i dsea` i nijmoo` í` i cú` do cacui`bre cangolíñ` fí` jee` fi`. Jo mi` caguiliñ` fí` jo, canaañ` guiar` júu` quiá`- lajii` e calí` do cóo` i dsea` i teáang` i 'ling` dsí` do.

³⁴ Joba' lajim` i dsea` i seeng` e fi` do cangolíñ` fí` li` táang` Jesús. Jo mi` cangaiñ` dsea` do, jo camí`reiñ' jmi`ee` fa' e nigüi`b` dsea` do e fí` guoo`- uø` li` táaiñ` do.

9

Mi` cajmi`leáang` Jesús jaang` dsea` i caang` tii`

(Mr. 2:1-12; Lc. 5:17-26)

¹ Jo mi` cangí` jo, cajgóob`-tu Jesús fí` dsí` coo` móo' jo cangaiñ` fí` lí`- 'ngoo` cataang` e guiée' do jo caguiém`-tur fí` fi` li` guiiñ`.

² Jo mi` caguiéñ`- fí` jo, jo caguiling`- dsea` i jéeng` jaang` dsea` i caang` tii` i dsíng`- ni` coo` 'ma` e silíng`. Jo mi` cangá` Jesús e jo, jo co' niñi`bre e jáb`- líng` jaléng` i dsea` do júu` quiá`r`, joba' lalab casí`r` i dsea` dsée` do:

—Joo`o, cuø` bí` uø', co' lana nica'ím` dsee` quií`-.

³ Jo ie` jo dob niteáang`- tú`- 'ní` máng`- tifa' quiá`- júu` quiá' ta` quiá`- dsea` Israel. Jo mi` canúur` e cajíng`- Jesús lajo, joba' ca'f` dsíir` lala: “Lajii` e nicajíng`- i dseañ` na, gab` fé'r` uii` quiá`- Fidiée`.”

⁴ Jo co' ñib` Jesús lajii` e í` dsí` i dsea` do, joba' cajmingi`-reiñ' do lala:

—¿Jiali'` jmang` e ga`ba' í` óo' 'nú'?

⁵ ¿E` e líng`-na' e ja`gui huíng` e nife`ee', su e “Ni`ím`baa dsee` quií`-”, osi e nifé`naa' é: “Ráan`- jo ngi`?”

⁶ Jo dsu' lana jnea` ni`ée`e 'nú' e jneab` dsea` cagáa'a fí` ñifí` e lín`n jaang` dsea` jmigüi` jo oo`baa ta` fí` jmigüi` la e ni`iin`n dsee` quiá`- dsea`.

Joba' casí`- Jesús i dsea` caang` tii` do jo cajíñ`-:

—Ráan`- jo sée` li` ráan` jo guóng` fí` quií`-.

⁷ Jo dsifí` lajob caráang`- i dseañ` do jo cangám`-bre fí` quiá`r`.

⁸ Jo mi` cangá` i dsea` i teáang`- do e ca`láam` i dsea` dsée` do, dsíng`- cangogá` dsíir'. Jo lajim`bre canaañ` jmiféñ` Fidiée` dsuco' dsea` do cacuø`r` dsea` jmigüi` jalé' e quaiñ`- jmi` do.

Mi` cató`- Jesús jaang` dseañ` i sii` Mateo

(Mr. 2:13-17; Lc. 5:27-32)

⁹ Jo mi` cangí` jo, cagüi`hí` Jesús e fí` fi` li` guiiñ` do. Jo lajee` ngóor` guiá` fí` b` cangaiñ` jaang` dseañ` i sii` Mateo i niguiing` mi` cuu` e catíng`- dseata` i guiiing` fí` Roma. Joba' lalab casí`- Jesús i dseañ` í` jo cajíñ`-:

—Mateo, nea` cóo`- jnea`.

Joba' caróob` Mateo e li` niguiiñ` do jo cangó`-bre cóo`- Jesús.

¹⁰ Jo mi` cangí` jo, e jmi` job cagó' Jesús fí` quiá`- Mateo. Jo lajee` guiiñ` gø`r` colíng` cóo`- jaléng` dsea` quiá`r`, caguiling`- i fíing` nodsicuu` i jmoo` ta` cóo`- i Mateo do

cóo' gui jaléng' dsea` i sea` júu^ e dsíng' røøiñ` dsee~, jø caguár` colíng~ cóo' Jesús e cagó'r` ni~ mes` lí~ guíng~ dsea` do.

11 Jø mi~ cangá- tú- 'ni' máng' dsea` Israel i líng' dsea` fariseo e guíng~ Jesús gø'r` cóo' i dsea` do, jøba' i dsea` fariseo do cajmíng'r` dsea` quiá'- Jesús jø cajíñ'-:

—¿Jialí' gø' tifa' quií-na' cóo' jaléng' nodsicuu- jøgui cóo' dsea` i sea` júu^ e dsíng' røøiñ` dsee-?

12 Jø nicanúub- Jesús lajii~ e cajíng'- i dsea` do, jøba' lalab cañíir` quiáiñ'- do jø casí'-reiñ':

—Jaléng' dsea` i guíung- ja` 'neáiñ- tímíí, dsu' 'neám- jaléng' dsea` dsée'~.

13 Güllíng'na' jø güjmitíng'na' e júu^ la e fé' Fidiéé' fí' ni~ jì quiá'r-: “Jnea~ Fidiéé' iin~ n e 'ná' nifí- líng'na' jaléng' dsea` rúng'na', jø o' lico' cuø'na' feá'- fí' quinií-.” Jø jnea~ fí-i 'ná' e ja` cagá- a fí' jmigúí' la fa' e caga'nén'n jaléng' dsea` i ée' guíá-, dsuco' jnea~ caga'nén'n jaléng' dsea` dsee- dsea` quib'.

Mí~ cajmíng'r` dsea` Jesús cuaiñ~ quiá'- ayuno

(Mr. 2:18-22; Lc. 5:33-39)

14 Jø coo' jmí~ cangoquiéng' jaléng' dsea` quiá'- i Juan i seáang` dsea` jmí~ do fí' lí' sing' Jesús jø cajmíng'r` dsea` do lala:

—Jnea^ colíng~ cóo' jaléng' dsea` góo'naa' dsea` Israel i líng' dsea` fariseo contøøm- jmoo-naa' ayuno, jø ¿jialí' jaléng' dsea` quií- 'na' ja` jmóor` lajjo?

15 Jøba' cañíí' Jesús quiá'- i dsea` do jø casí'-reiñ':

—Ja` cuøøng` nijmé- ayuno jaléng' dsea` i simíng' quiá'- coo' lí~ cung' guoo` dsea` lajee` seeng` i simíng' i cung' guó` do cóo'r~. Jø dsu' niguiéeb' jmí~ mi~ nisáng' dsea` i simíng' do, jøguiba' nijmé- ayuno jaléng' i dsea` do.

16 Jø jii~ jaang` dsea` to'r` coo' 'mí' e yúu~ cóo' ca'ná'^ 'mí' e 'mí-, dsuco' song cajméer` lajjo, jøba' nijóm' e 'mí' 'mí- do jøgui ni'guí'bi e 'mí' yúu~ do cajo, jøba' lí' lí' jmiguiá'gui ni'guí'b` jóng.

17 Jø lajjobi cajo ja` guié' dsea` méé' e laco' gui'ná'^ có' fí' coo' dsíí' loo~ jó' e yúu~, dsuco' song cajméer` lajjo, jøba' ni'guí'ba' do jø nidsi'íib' e méé' do jøgui ni'ím- e loo~ jó' do cajo. Jø co' lajjob líí, jøba' guiá-gui e niguié' dsea` e méé' laco' gui'ná'^ có' do fí' coo' dsíí' loo~ jó' e 'míib-, jø lajjoba' ja` dseáang' fa' e ni'guí' e loo~ jó' do o'gui fa' e nidsi'íí' e méé' do cajo.

Mí~ cajmí'leáang- Jesús jóo' Jairo

(Mr. 5:21-43; Lc. 8:40-56)

18 Jø lajee` sing' Jesús e gui'ná'^ sím'bir cóo' i dsea` i caguillíng- jmíngíi` do, mi~ caguié- jaang` fíí' féng' quiá'- dsea` Israel i sii' Jairo fí' lí' sing' dsea` do. Jø casí'r` uó- jnir~ fí' quinií' dsea` do jø casí'-reiñ':

—Tifa', 'micú'- nabi cajúng- jaang` simí' quié-e; jø fa' nijgiéé' o' guó'^ güiquidsi' guoo' fí' moguir~ jø nijí'b'tur.

19 Jø dsifí'b` cangó- Jesús fí' jø colíng~ cóo' i dsea` quiá'r- do.

20 Jø lajee` e iuuiñ- fí' ngóob're mi~ cangoquiéng' jaang` dseamí' lí'- caluur~ i nilíng' jmohuí' e tuuiñ` lajii~ níngóo' mí' guitu' jii'. Jø i dseamí' do catíiñ- capí'^ 'ni' sí'^ dsea` do;

21 co' í' dsíir' e fa' capí'b'^ sí'^ dsea` do catíiñ-, jøba' ni'leáam-bre lajii~ jmohuí' e líiíñ'.

22 Jø dsifí' mi~ cajméé- i dseamí' do lajjo, cají' Jesús nir~ fí' caluur~ jø cangáiñ- i dseamí' i catíng- sí'r^ do jø casí'-reiñ':

—Cuøø' bí' uó', jóo'o; nica'láam-ba' lajii~ jmohuí' e lamí~ lín' uí' e jáb'- calín'- júu' quié-e.

Jø ladsifí' lajjob ca'láang- i dseamí' do lajii~ jmohuí' e líiíñ'.

23 Jø mi~ tí' lí' caguié- Jesús fí' quiá'- i fíí' féng' quiá'- dsea` Israel do, cangár- e niteáang' dseatí' jiiur- lúu' quiá'- 'lí~ co' tí' lí' ni'ám- i simí' 'lí~ do, jøgui jaléng' dsea` eáang' niteáiñ~ ta~ qui' óo`.

24 Joba' caquiua' Jesús ta~ quiá'- jaléng' i dsea` do jo casí'- reiñ':

—Uøøng'na' lajing'na' e la, co' ja` 'liing~ i simí' na, co' lico' güim`bre.

Dsu' mi~ canúu~ jaléng' i dsea` do lajo, lico' cangim`bre Jesús,

25 dsu' Jesús ca'uøøm`bre jaléng' i dsea` do fi' li~ teáaiñ~. Jo mi~ cangí jo, ca'í~ bre fi' dsí' sináa^ jo mifíng` catíiñ~ guoo` i simí' 'lii~ do, jo dsifí' lajob caráaiñ~ do.

26 Jo latøøm~ li~ se' Galilea cani~ júu^ quiá'- lajúi~ e calí~ do ie~ jmí~ jo.

Mi~ cajmi'leáang~ Jesús gáng~ dsea` tiuung~

27 Jo mi~ cangí e cajmijí' Jesús i simí' 'lii~ do, cagüi'íí' dsea` do fi' jo; jo lajee` ngóor' fi' guiá'^ fi', cangoquiéeng' gáng~ dsea` tiuung~ fi' li~ ngóor', jo i dsea` í' áiñ' Jesús lala:

—jFíi~ güilín'^ jnea', Joo' dseata~ Daví'^!

28 Jo mi~ tí li~ caguié~ Jesús fi' coo' li~ si' 'núu', jo ca'í~ bre fi' dsí', jo cangotáam~ bi i dsea` tiuung~ do fi' jo cajo, jo Jesús cajmingí'r~ dsea` do:

—¿Su já~ líng' 'nú' e quíi~ baa jmí~ jmee~ e e nilijné'tu'?

Joba' cañiñ' do:

—Dseáng'- jáb'- lí'naa', Fí'i'i'.

29 Jo dsifib' cagüi' Jesús jminiñ' do jo casí'- reiñ':

—Nijmee~ baa e nilijné'tu', co' jáb'- calíng~na' e quíi~ baa jmí~.

30 Jo dsifib' cana' jmini' i dsea` gáng~ do. Dsu' Jesús ca'í'r~ 'goo` quiáiñ~ do e ja` ii' nisíiñ' jii' jaang` quiá'- lajúi~ e calí~ do.

31 Dsu' i dsea` do, jobi lico' nica'uøøiñ' fi' li~ si' e 'núu' do mi~ canaaiñ' ni'r' júu^ fi' lacaang' fi' e néé' li~ se' Galilea quiá'- lajúi~ e cajmée' Jesús coo' ír' do.

Mi~ cajmi'leáang~ Jesús jaang` dsea` i ja` fé'

32 Jo lajee` e uøøng` i dsea` gáng~ i lamí~ tiuung~ do, jo lajee` jo, tú~ 'ní' míng'~ dsea` cangojéeiñ' fi' quini~ Jesús jaang` dsea` i ja` fé' uíi~ e iuung~ i 'líng'^ dsíir'.

33 Jo mi~ calí~ e cajmihuíng~ Jesús i 'líng'^ i iuung~ dsíi' i dsea` i ja` fé' do, joguiba' canaaiñ' do café'r'. Jo jaléng' dsea` i siseáng' do ie~ jo dsíng'~ cangogá' dsíir' jo fé'r' lala:

—Dseáng'- jii' coo' ya' ja' mí' cané'ee' fi' góo'naa' Israel lajúi~ e nicalí~ na jmí~ na.

34 Jo dsu' jaléng' dsea` Israel i líng' dsea` fariseo i siseáng' do ie~ jo fé'r' lala:

—La'eáang' coo' bí' quiá'- fi' i 'lim'ba' tñng' i dseañu' na e jmihuíiñ~ i 'líng'^ i teáang'~ dsíi' dsea`.

Eáam' fi' líng~ Jesús jaléng' dsea`

35 Jo mi~ cangí jo, cangí' Jesús lacaang` jalé' fi' fé' coo'~gui jalé' fi' pí'^ e er' júu^ quiá'- Fidiéé' fi' lacoo' li~ téé~ guá'- quiá'- dsea` góor' dsea` Israel. Jogui guiar' júu^ e nijaquíém'ba' e nicá' dsea` do nifí' quiá'- lajaang` lajaang` dsea` jmigüi', jogui jmi'leáaiñ~ jaléng' dsea` i líng' lí'^ doñi' ee' jmohuí' osi lí'^ doñi' jié' li~ cu' quiáiñ' é.

36 Jo mi~ cangáng~ Jesús i dsea` 'leáang' i siseáng' do ie~ jo, eáam' calí~ fi' líng~ neiñ', co' dsíng'~ jmiquíng'~ dsíiñ' do jogui dsíng'~ lijuuung~ dsíiñ' cajo. Co' líiñ' do laco' líng' jaléng' jo'se' mi~ ja' seeng` fi~re' i quie' nifí' quiáa~re'.

37 Joba' cajíng'~ Jesús casí'r~ jaléng' i dsea` quiá'r~ do lala:

—E já~ e dsíng'~ fíng' jaléng' dsea` i iing~ nijmicuíng' jnea~, dsu' ja` ii' 'ga' lí' dsea` seeng` i niguiá~ júu^ quie~e.

38 Joba' 'né~ nimí~ 'nú' Fidiéé' e nicuóng~ guir dsea` i niguiá~ jalé' júu^ quie~e, jo e jo lí' lafa' mi~ caroo' jalé' e cajni' jaang` dsea` jo dsu' jo` ii' 'ga' lí' seeng` i nijmicóo'~ quiá'r~ e ni~ ta~ do.

10

Mi~ caguíng' Jesús dsea` guitúung' quiá'r~
(Mr. 3:13-19; Lc. 6:12-16)

¹ Jo mi~ cangî jo, coo`jmi~ cató' Jesús lajing` i dsea` guitúung` quiá'r` do, jo cacuø'reiñ' e óoiñ' do ta~ e tiiñ` e ni'uóíñ' jaléng' i 'ling'^ i teáng' dsí' dsea', jogui e tiiñ` nijmi'leáaiñ` jaléng' dsea` dsée' lí'^ doñí' ee` jmohuí' liiñ' osi lí'^ doñí' jíe' lí' cu' quiáíñ' é.

² Jo lalab sii` jaléng' i dsea` apóo^ i ni' júu^ quiá'r` do: i sing' nifí' do siir` Simón, jogui sii`bir Tú^ cajo, jogui jaang` rúíñ' do i sii` Dfí; jogui Tiáa~ cóo' jaang` rúíñ' i sii` Juan, jo laji` huáaiñ' na líiñ' jóo' jaang` dseañu' i sii` Zebedeo;

³ jogui Lii~ jogui Bartolomé jogui Mó^ jogui Mateo, jaang` i lamí~ jmóo' ta~ mí' cuu~ e catíng` dseata~ i guing` fí' Roma; jogui Tiáa~, jóo' jaang` dseañu' i sii` Alfeo; jogui Tadeo;

⁴ jogui jaang` i sii` Simón i lãng' dsea` celote; jo jaang`gui i sii` Judas Iscariote, dsea` i ca'níng` Jesús fí' quini` dseata~.

*Mi~ casíng` Jesús dsea` guitúung` quiá'r` e nidsiguiain~ júu^ quiá'- Fidié~
(Mr. 6:7-13; Lc. 9:1-6)*

⁵ Jo mi~ cangî jo, jo lajee` e ná'gui e nisíng` Jesús i dsea` guitúung` quiá'r` do e nidsiguiain~ do júu^ quiá'- Fidié~, la'uii~ jang' casí' reiñ' jalé' ta~ e nidsijméeiñ' do jo lalab casí' reiñ':

—Jie~ mí' güilíng`na' fí' guóo' uø` quiá' dsea` i ja` líng' dsea` Israel, o'gui nigüitáang`na' fí' jalé' fi~ quiá' dsea` Samaria.

⁶ Jo lajií~ ta~ e nigüilíng`na' e güiquí' jíng'na' jaléng' dsea` Israel jial laco' nilicuíñ` Fidié~, co' i dsea` í líiñ' laco' jo'se' i si'íng'.

⁷ Jo güilíng`na' güigua'na' júu^ jee~ jaléng' i dsea` í e nicatb` í' e Fidié~ nicá` nifí' quiá'r`.

⁸ Jo lajee` jo, jmi'leáang`na' jaléng' dsea` dsée'~, jogui jmee`na' e nijí' tu jaléng' 'lii~, jogui jmi'leáang`na' jaléng' dsea` i líng' jmohuí' 'lí'^ fí' ngúu' táang', jogui uøøng`na' jaléng' i 'ling'^ i teáng' dsí' dsea'. Jo ja` cá'na' e 'léeng'na' quiá' lajií~ e nijmee`na' do, co' ja` ee' cuu~ cacóng` quí'na' e cangíng`na'.

⁹ Jo ja` 'né- cá'na' jii~ ca'íng' cuu~ quiá' e 'né'na'

¹⁰ o'gui nosúu' quí'na'. Jogui jii~ sí'na' e quí'ba' 'né- cá'na', co' ja` 'né- cá'na' e co' cá'na'; lajobi lomí~na' cajo, lajií~ e ø'ba', o'gui 'né- cá'na' 'ma'u', cofa' jaléng' dsea` jmóo' ta` ngám`bre jalé' e gø'r'.

¹¹ Jo mi~ nigüilíng`na' fí' coo' fi~ pí'^ osi fí' coo' fi~ fé' é, 'néng'na' jaang` dsea` i lí' i ni'íng' 'nú' fí' sinúu' quiá'r`, jo fí' job nijá'na' carta~ taang`na' fí' e fi~ jo.

¹² Cuøø'ba' guicá'^ jaléng' dsea` i neáang' fí' jo mi~ nigüitáang`na' fí' sinúu'.

¹³ Jo song guíab` ni'íng' 'nú' i dsea` lí' nigüilíng`na' do, joba' juguíá~ niliseeiñ`; dsu' song ja` ni'íñ' 'nú' cóo' e guíá~, joba' lajob ja` juguíá~ niliseeiñ` yaaiñ` cajo.

¹⁴ Jogui song ja` ni'íñ' 'nú' guíá~ o'gui iíñ` e ninúr` júu^ quí'na', joba' uøøng`na' lajminá~ e fí' sinúu' jo osi e fí' fi~ jo é, jo bó'na' 'lee` tóo' tí'na'.

¹⁵ Jo jnea~ jmitaa^ óo'na' e mi~ nití' í' e niquidsí' Fidié~ í' quiá' lajaang` lajaang` dsea` jmigüí, eáang`guib nicuø'r` iihuí' i dsea` i ja` calijí' 'nú' do laco'gui iihuí' e ca'íng' jaléng' dsea` i caliséng' fí' Sodoma cóo'gui fí' Gomorra.

Mi~ cajíng` Jesús e jalé' iihuí' ni'íng' dsea` guitúung` quiá'r`

¹⁶ Jo mi~ cangî jo, lalab casí'gui Jesús i dsea` quiá'r` do:

—jTéé' áa'na! Jnea~ nisín`n 'nú' jee~ dsea` i 'ní' níng' 'nú' lafa' jaang` jo'se' i ni'iuung` jee~ ie'dsinúu'. Jogui jmee`na' lí'na' laco'gui la lí'^ jaang` mí', jo 'né' bi cajo e ja` 'lee'na' dsuco' fa' jaang` mee~ ja` 'lée're'.

¹⁷ Jo ñiim~ áa'na', co' nisám' dsea` 'nú' jo nidsijeáaiñ` 'nú' fí' quini` dseata~ quí'ii' dsea` Israel, jogui nijmihuíñ` 'nú' fí' dsí' sinúu' guá' quiá'r`

18 Jo jì'gui cartí nidsijeáaiñ 'nú' fí quini` dseata` dsea` cóøng` uí' e cuíng`na' jnea`. Dsua' mi` nijmeáañ 'nú' lajo, joba' cuóøng` e nifo`na' fí quinir` cóo`gui fí quini` jaléng` dsea` i ja` cuíng` Fidié` jial mi` ca'uíng`na' dsea` quíe`.

19 Jo dsua' mi` nijáiñ 'nú' fí quini` dseata`, ja` jmee`na' fi'í jial nifi`na'r osi jial ningñ`na' quíar` é, co' Fidiéeb` dsea` nicuó`r` 'nú' e ñí`na' e` júu` e ningñ`na' quíar` mi` tí lí` nití` í' e líng` ee` nijmingi`r` 'nú'.

20 Co' ie` jo, Jmiguí` quíar` Tiquí`naa' Fidié` dsea` guíng` ñifi` e nifé` cuaiñ` quí`na' mi` nití` e í' jo, jo o' yaang` 'nú' dsea` nifo`na'.

21 Jo mi` tí lí` jo, seem` dsea` nijáiñ` jaléng` rúíñ` e nijúuñ`, jogui seem`bi tiquíar` dsea` nijmér` lajo cóo` joor`, osi joor` é nijmér` lajo cóo` tiquíar` e nijngáng` rúíñ`.

22 Jo lajim` dsea` jmigüi` nilí` 'ní' níñ` 'nú' uí' e cuíng`na' jnea`; jo dsua' i dsea` i nité` e siñ' teá' fí guíar` contøøng` cóo` jnea`, joba' i dsea` í'bing' i nileáng` jee` jalé` dsee` quíar` mi` nití` í' lajo.

23 Jo mi` ni`øng` dsea` 'nú' fí coo` fi`, guíar`gui e cuí`ba' jo nigüilíng`na' fí jié`gui coo` fi`. Jo dsua' jmitaa` óo`na' e jnea` i cajá` fí jmigüi` la e lán`n jaang` dsea` jmigüi`, nigáab`túu calé` catú` ná`gui e niteáng`na' ngi`na' ta` guíar` júu` quíe` e fi' la'úng` jalé` fi` e tée` lí` se' Israel.

24 Co' jíi` jaang` dsea` i jmitíng`, tíng`guir laco' tifa' quíar`, o'gui jaang` dsea` 'léeng` fa' niing`guir laco' fiir`.

25 Co' i dsea` i jmitíng` do 'néb` nijmitíiñ` cartí nilitíiñ` røø, jo lajoguiba' røøb` nicóñ` cóo` tifa' quíar` jóng. Jogui i dsea` 'léeng` do mi` ningóo` jmóor` ta`, ni'uím`bre laco' i fiir` do cajo. Jo song fé' dsea` e fi' i 'ling` i sii` Beelzebú quier` nifi` sináa` quí`na', joba' ga`guib` nifé` dsea` jóng uí' quíar` dsea` sináa` quí`na'.

Jial 'né` nijmi`gó` dsea` Fidié`

(Lc. 12:2-7)

26 Jo mi` cangf` jo, casí`gui Jesús jaléng` i dsea` quíar` do jo cajíñ`:

—Ja` fòøng`na' quíar` jaléng` dsea` i 'ní' níng` 'nú', co' ja` sea` jíi` coo` júu` e ja` ñí` dsea` fa' ja` tóo` jmñ` e niliñí` dsea`, o'gui coo` e si'ma` fa' ja` tóo` jmñ` e niguié` dsea` cajo.

27 Jogui jalé` e fi` i 'nú' e ñng`, guíar`ba' júu` jee` jaléng` dsea`; jogui jalé` e fi` i 'nú' fí oo` loguá`na', fée`ba' teá' jee` jaléng` dsea`.

28 Jo ja` fòøng`na' quíar` jaléng` dsea` i iing` nijngáng` 'nú', co' ja` e ta` íng` quíar` lico' lír` jíi` ngúu` táang`na'; co' Fidiéeb` dsea` 'né` i nijmi`goo`na', co' jíi` dsea` í'bing` cuóøng` nijngáng` dsea` jogui ni'íñ` dsea` congua' fí lí` 'lí' car` ngongñ` jmñ`.

29 Co' cuóøm` niløng` dsea` gáng` ta` cóo` coo` tú` í' lajo, jo dsua' jíi` jaang` i ta' do quí` jmñ` nidsi'íng`ne' e ja` mí` caquiá' Tiquí`na' Fidié` ta` lajo.

30 Jogui jaléng` 'nú', jì'gui jñugui`na' si'í` Fidié` jó' mí' tí'.

31 Joba' ja` fòøng`na' jíi` coo`, co' lí'gui quíng` 'nú' fí quini` Fidié` laco'gui i fñng` ta'.

Jaléng` dsea` i jíng` e cuíñ` Dsea` Jmáang` fí quini` jaléng` dsea` jiéng`

(Lc. 12:8-9)

32 Jo cajíng`gui Jesús casí`r` dsea` quíar`:

—Song i` dsea` jíng` e cuíñ` jnea` fí quini` dsea` jiéng`, joba' lajob` nifá` jnea` cajo e cuíim`baa i dsea` í' fí quini` Tiquié` e dsea` guíng` ñifi`;

33 Jo dsua' i`gui i jíng` e ja` cuíñ` jnea` fí quini` dsea` jiéng`, joba' lajob` nifá` jnea` cajo e ja` cuín`nre fí quini` Tiquié` e dsea` guíng` ñifi`.

Nijíng` dsea` lajee` la'ó` rúíñ` uí' quíar` Jesús

(Lc. 12:51-53; 14:26-27)

34 Ja` í` áa`na' fa' jnea` cagá` a fí jmigüi` la e cagajmée` e seeng` dsea` juguiá` júu` røø, co' jnea` ja` cagajmée` lajo, dsuco' uí' jnea` nijíng` dsea` lajee` la'ó` rúíñ`.

³⁵ Jo jóo' dsea` dseañu' nijíñ` cóo'~ tiquiá'r^, jogui jóo' dsea` dseamî nijíñ` cóo'~ niqúíá'r^, jogui dsea` miloo~ quiá'- dsea` nijíñ` cóo'~ íemisér^;

³⁶ jo lajee` la'ó' dsea` sinúu^ quiá'r- nilí` 'ní' níng- rúíñ`.

³⁷ Jogui song jaang` dsea` eáang'gui 'neáaiñ` tiquiá'r^ osi niqúíá'r^ é laco'gui jnea~, joba' ja` quí'- jmí~ e líiñ' dsea` quié~ e jóng; osi jaang` sejmii` dsea` eáang'gui 'neáaiñ` jóor` dseañu' osi jóor` dseamî é laco'gui jnea~, joba' lajob cajo ja` quí'- jmí~ e líiñ' dsea` quié~ e.

³⁸ Jogui ii` dsea` i ja` niseáng- lafa' crúu^ quiá'r- e laco' cuø' lí~ e guia' dsíir' e ni'íñ' iihuí' uíi~ e líiñ' dsea` quié~ e, ja` quí'- jmí~ e líiñ' dsea` quié~ e.

³⁹ Jogui ii` dsea` i í dsíi' e lí'bre nileáng- 'ñia'r' jee~ jalé' dsee- quiá'r-, joba' i dsea` í congúiab' nibíiñ^ fí' lí' 'lí' jóng; jo dsu' ii` dsea` i júung- uíi~ e líiñ' dsea` quié~ e, joba' i dsea` í congúiab' nitíiñ~ fí' quini~ Fidiéé` jóng.

Lajíi~ e catíng- dsea` íñ' quiá'- Fidiéé`

(Mr. 9:41)

⁴⁰ Jo lalab casí'- gui Jesús dsea` quiá'r-:

—Íi` dsea` i íng' 'nú' lacoø' lí' guilíng- na', joba' ím'bre jnea~ cajo; jogui ii` dsea` i íng' jnea~, joba' ím'bre i dsea` i casíng' jnea~ fí' jmígúí la.

⁴¹ Jogui ii` i íng' i dsea` i fé' cuaiñ~ quiá'- Fidiéé~, co' dsea` íb` casí' quiá'r-, joba' i dsea` i ni'íng' i dsea` í røøb` ni'íñ' cajo laco'gui e cuø' Fidiéé` i dsea` i fé' cuaiñ~ quiá'r- do; jogui ii` i íng' jaang` dsea` i ée` guíá-, co' guíúm- i dsea` do, joba' røøb` ni'íng' i dsea` í quiá'- Fidiéé` lí' laco'gui la íng' i dsea` i ée` guíá- do.

⁴² Jogui doñí' ii` dsea` i cuø' fa' capí'~ jmí~ i dsea` quié~ e i doñí' fa' ni'lé' cuíng' jnea~, joba' jnea~ jmítaa^ óo'na' e catím- bre ni'íñ' lajíi~ e si'íiñ^ quiá'- Fidiéé` cajo.

11

Mí~ casíng' Juan i seáang' dsea` jmí~ dsea` quiá'r- fí' lí' táang' Jesús

(Lc. 7:18-35)

¹ Jo mí~ tí' lí' cató' e cacuø' Jesús ta~ jaléng' i dsea` guitúung` do quiá'r-, joba' cangó- bre e cango'er` jogui e cangoguiar` júu^ quiá'- Fidiéé` fí' jalé' fíi' e téé' lí' se' Galilea.

² Jo íe~ jo, 'nuñíb^ íuung- i Juan i seáang' dsea` jmí~ do. Jo lajee` íuuiñ~ fí' job mí~ caliñir` jalé' e quíi~ jmí~ tíng` Dsea` Jmáang- e jmóor-, joba' casíiñ` coø' tú- máng'~ dsea` quiá'r- fí' lí' táang' dsea` do

³ e cangojmingíi~ reiñ' su íb` dsea` i sijeeng` dsea` Israel i si'íng^ e nigüéeng- fí' jmígúí la, osi nijém- bir jaang'gui i jíéng' é.

⁴ Joba' lalab cañíi` Jesús quiá'- i dsea` do:

—Güilíng'na' güicoø'na' júu^ quiá'- i Juan do lajíi~ e nicanúu- na' jogui nicañíi- na' e quíi~ jmí~ e jmóo'o.

⁵ Síi~ gor e lijnéb'tu jaléng' dsea` tíuung-, jogui e ngíb'tu jaléng' dsea` jlúung~, jogui e 'láam- jaléng' dsea` i líng' jmohuí' 'lí' fí' ngúu' táang-, jogui e núub'tu jaléng' dsea` güíng~, jogui e jíb'tu jaléng' 'líi~, jogui cajo e guiaa- júu^ quiá'- jial nileáng' jaléng' dsea` jmígúí jee~ jalé' dsee- quiá'r-.

⁶ jJuguíá- jia quiá'- jaléng' dsea` i ja` litúng- dsíi' lajíi~ fí' lí' nisiñ' cóo'~ jnea~!

⁷ Jo mí~ tí' lí' caquing'- tu i dsea` i casíng' Juan i seáang' dsea` jmí~ do, joba' Jesús canaaiñ` sí'r' jaléng' i dsea` i taang~ cóo'r~ do jalé' juguíá- uii~ quiá'- i Juan do, jo lalab casí'- reiñ' jo cajíi~:

—¿E~ caguijøø- 'nú' mí~ canúu- na' e níngí' i Juan do fí' jee~ guóo'~ uø- quiú? ¿Já^ leáa'~?, ja` caguijøøng~ 'nú' jaang' dsea` i uaang~ júu^ quiá'- i jmóo' lí' doñí' ee` ta~ quíu' dsea` jíéng' i líng' la lí' coø' cuiñí^ e dsée' cataang' lí' doñí' jíé' fí' lí' íí' guí;

⁸ o'gui caguijøøng~ na' jaang' dseañu' i jlo^ sí^, co' niñíb^ 'nú' e i dsea` la'í neáaiñ' quiá'- dseata~ dsea` féng', co' í'bing' sea jalé' e jlo^ quiá'-.

⁹ Jo ¿i' í óóna' i caguijðøng~na'? Jo e jáb' , 'nú' caguijðøng~na' jaang` dsea` i laniing~gui laco' i dsea` caguaang` i café' cuaiñ~ quiá'- Fidiée' malii' gui eáang'.

¹⁰ Jo nab nicaliti~ laco' fé' fí' ni~ ji' quiá'- Fidiée' cuaiñ~ quiá'- i Juan i seáang` dsea` jmii` do mi~ cajíng'- Fidiée' e casí'r- Dsea` Jmáang~ lala:

Nisín^ n jaang` dsea` i niguiá- júu^ quié- e

nú'- gui e niguó'^ fí' jmigüí`

e laco' niguiár- guiá- fí' lí~ ningí'^.

¹¹ Jo lalab cajíng'- gui Jesús casí'r- i dsea` teáang~ cóo'r~ do ie~ jo:

—Jo jnea~ jmitaa^ óóna' e lajee' lajaléng' dsea` i nicafé' cuaiñ~ quiá'- Fidiée', ja` mí' caliséng` jaang` i niing~gui ta~ quiá'- laco' i Juan i seáang` dsea` jmii` do. Jo dsu' i dsea` i ja` niing~ fí' jmigüí` la dsu' Fidiée'bing' i quie' nifí' quiá'r-, joba' í'bing' i niing~gui laco' i Juan do.

¹² Co' ie~ latí' mi~ canaang` Juan i seáang` dsea` jmii` e guiar' júu^ e nijáa' Dsea` Jmáang~ jo cartí' lana, eáang` huíng` nicangojee' cóo' júu^ quiá'- Fidiée' e quiá'- e quier' nifí' quiá'- dsea` jmigüí'; jogui jaléng' dsea` i 'ní' ní-, cuø' bí' yaaiñ~ e laco' iin~ nijmiguíeieñ` cóo' e júu^ jo.

¹³ Jo nú'- gui e cagüéng~ Juan i seáang` dsea` jmii` fí' jmigüí` la, jalé' e júu^ e cagua' i dsea` i café' cuaiñ~ quiá'- Fidiée' jogui e júu^ quiá' ta~ quiá'- Fidiée' do, jalé' e jo lico' jmita~ dsí' e Fidiée' iin~ nicár` nifí' quiá'- lajaang` lajaang` dsea` jmigüí`.

¹⁴ Jo song 'nú' iing~na' ni'íng'~na' e júu^ jo, joba' i Juan do líiñ' laco' Lí' i café' cuaiñ~ quiá'- Fidiée' malii' gui eáang` i sí' í' nijáa' tu calé' catú-.

¹⁵ Jo jaléng' 'nú', dsea` sea` loguá'na', núu~na' jalé' e júu^ e nicafá'- a na.

¹⁶ Jo lana nifá'^ duu jial líng' jaléng' i dsea` seeng` jmii~ na, co' jaléng' í' líiñ' la líng' jiuung~ i táang` tacóo' fí' 'móo', jo mi~ nití'áng' rúíñ' fé'r' lala:

¹⁷ “Cajiúu^ jnea' lúu', dsu' 'nú' ja' cadseeng~na'; jogui ca'ø^naa' e ø' dsea` lí~ ráang` 'lí~, dsu' 'nú' ja' caquí'~na'.”

¹⁸ Co' lalab cafée' 'nú' mi~ cajá- i Juan i seáang` dsea` jmii` do, ca'eeng~na'r e iuung~ i 'líng'^ dsí'r' dsu' uí' e ja' 'leáang~ gø'r' jogui jii' capí' mée' ja' í'r'.

¹⁹ Jogui mi~ cagüéng~ jnea~ fí' jmigüí` la, jnea~ dsea` i jáa' fí' ñifí- e lín'n jaang` dsea` jmigüí` e gø'baa jii' laco' gø' dsea', jo uí' e lajob líí, joba' jaléng' 'nú' ca'eeng~na' jnea~ e lín'n jaang` dsea` cúng` i gø' contøøng~ jogui e lín'n jaang` dsea` íng' i ngí' cóo' jaléng' dsea` i ga' fé' dsea` uii~ quiá'r- osi cóo' jaléng' 'ná' nodsicuu- i jmóo' ta~ mí' cuu- e catíng~ dseata~ quiá'- Roma é. Jo dsu' cóo' jalé' e jmóo' Fidiée' jmiñeieñ' jial tí' tíiñ' ngáiñ'.

Dsea` i ja' já'- calíng~ júu^ quiá'- Dsea` Jmáang~

(Lc. 10:13-15)

²⁰ Jo ie~ jo, canaang` Jesús 'gaam`bre quiá'- jaléng' dsea` i seeng` fí' fii' lí' nicajméer' jalé' e quí'r~ jmii~ e dsigá' dsí' dsea', co' jaléng' i dsea` í' ja' caquí' jíng' yaaiñ~ fí' quini~ Fidiée'. Jo lalab cajíng'- Jesús ie~ jo:

²¹ —iE ngí' fii' b^ 'nú', dsea` seeng`na' fí' Corazín cóo' gui 'nú' dsea` seeng`na' fí' Betsaida, co'fa' mi~ fí' Tiro cóo' gui fí' Sidón cajmé- e lajalé' e guiá- e quí' i jmii~ laco' gui jii' e nicajmé- e jee' 'nú', joba' i dsea` í' ladsifí' lajo caquí' jíng' yaaiñ~ fí' quini~ Fidiée' faco' mi~ lajo, jo catíng~ e nineáaiñ' fí' b^ uii~ quiá'- jalé' e dsee- e nicarøøíñ'!

²² Joba' fii' i 'nú', dsea` seeng`na' fí' Corazín cóo' gui fí' Betsaida, ie~ mi~ nití' í' e niquidsí' Fidiée' í' quiá'- lajaang` lajaang` dsea` jmigüí', eáang` gui nicuø'r- 'nú' iihuí' laco' gui e iihuí' e ni'íng' dsea` i seeng` fí' Tiro cóo' gui fí' Sidón.

²³ Jogui jaléng' 'nú', dsea` seeng`na' fí' Capernaum, ¿su líng~na' e 'nú'bing' i nisáng' cartí' yú' gui jee~ jaléng' dsea'? Jo o' lajo, co' 'nú'bing' i nijgiáang` tí' lí' 'lí' mi~ nití' í' lajo.

Cofa' mi~ fi' fi~ Sodoma cali~ lajalé' e quí'~ jmi~ laco'gui jí'~ e nicajmé~ e jee~ 'nú', joba' ja' ca'ing~ e fi~ jo, jo siji'~bi latí' lana.

²⁴ Joba' fi~ túu 'nú', dsea` i seeng` fi' Capernaum, e mi~ nití' í' e niquidsí' Fidié' í' quiá'~ lajaang` lajaang` dsea` jmi'güí', eáang`guib ni'ing~ 'nú' iihu' laco'gui jí'~ iihu' e ca'ing` jaléng` i dsea` i seeng` fi' Sodoma.

*Jaléng` dsea` i óo` fi'í' dsí' né~ nijaquíeíñ' fi' quini' Jesús
(Lc. 10:21-22)*

²⁵ Jo lalab cajíng'~ gui Jesús ie~ jo:

—Tea~, lana jmifén'n 'nú', dsea` Fii~ ñifi~ cóo'~ jmi'güí' la, dsuco' lana nicajmee'~ e ngám' jaléng` dsea` dsee~ dsea` qui' jalé' júu^ quií'~, jogui cajmee~ba' e ja' cangáng' júu^ quií'~ jaléng` dsea` i tíng` eáang` i jmicóong'~ yaang~ fi' jee~ jaléng` dsea` rúng'.

²⁶ E jáb'~, lajob lí', Tea~, co' lajob nicali'iing~ 'nú' e cali~.

²⁷ Jo mi~ cangí jo, lalab casí'~ Jesús dsea` quiá'r~:

—Tiquié'e Fidiéeb` dsea` nicacuø'r' jnea~ e néé' nii~ lajalé' e sea` fi' la'úng~ fi' jmi'güí'. Jo jí'~ jaang` dsea` dseáng'~ mí cuiñ' jnea~, dsea` lín'n Jóo' Fidié' camíng'~, co' lají'~ Tiquié'baa dsea` cuiñ' jnea~; jogui jí'~ jaang` dsea` dseáng'~ mí cuiñ' Tiquié'e dsea` guíng~ ñifi~, co' lají'~ jneab~ dsea` cuín'nre cóo'~ gui lajaléng` dsea` i nisi'íng^ quié~ e e nilicuíñ' dsea` do.

²⁸ Jo jaléng` 'nú', dsea` i óo` fi'í', cóo'~ gui jaléng` 'nú', dsea` dsingíng~na' iihu', qui'~ jíng'~ yaang~na' fi' quini~, co' jneab~ dsea` quí'~ i jmi~ nijmee~ e e nití'~ áa'na' quiá'~ jalé' e jo.

²⁹ Jogui íng'~na' jalé' júu^ quié~ e e guíaa~ jee~ 'nú', jogui ee~ba' guíá~ laco'gui jnea~, dsea` lín'n jaang` dsea` féng' dsí' cóo'~ doñí' i~ jogui e ja' jmiféng' 'ñiá'a cajo. Jo song nijmee~na' lajo, joba' nilí'ba' jóng e nití'~ áa'na' uii~ quiá'~ jalé' e dsingíng~na' do.

³⁰ Co' song i~ dsea` i iing~ nijmitíng` júu^ quié~ e jogui nijmitir~ lají'~ júu^ quiá' ta' quié~ e, ja' huíng' quiá'r~ e nijmér~ lajo, co' ja' ii' e ta' jo.

12

*Mi~ ca'éeng~ dsea` quiá'~ Jesús láa' quiá'~ cui'iee`
(Mr. 2:23-28; Lc. 6:1-5)*

¹ Jo ie~ jo, cóo' jmi~ lajee' e tíng` dsea` Israel e jmi'íñ', cangíng' Jesús colíng~ cóo'~ dsea` guitúung` quiá'r~ fi' cóo' guóo'~ uó^ lí' sijnea' cui'iee'. Jo lajee' ngíñ' fi' jo, cadseá~ jmi'aang~ i dsea` quiá'r~ do, jo canaiñ' do éem~bre láa' quiá'~ cui'iee' e sea` do jo canaiñ' gø'bre mí^ quiá'~.

² Jo ie~ jo, co' quiá'~ dob nitaang~ cóo' tú~ míng'~ dsea` Israel i líng` dsea` fariseo jo cangá~bre e ca'éeng~ i dsea` quiá'~ Jesús do cui'iee', joba' lalab casí'r~ Jesús:

—Ja' catíng~ jmé~ i dsea` quií'~ na lana lajee' jmi~ e jmi'íng'naa', jneaa~aa' dsea` lí'í' dsea` Israel!

³ Jo lalab cañí' Jesús quiá'~ i dsea` do:

—Tée' óo'na' e nica'í'ba' fi' ni~ jì quiá'~ Fidié' lí' fé' jial cajmée` dseata~ Daví' mi~ cadseá~ jmi'aaiñ~ colíng~ cóo'~ jaléng' dsea` quiá'r~.

⁴ Co' ie~ jo cangíñ' cartí' dsí' sinúu^ guá'~, jo cagó'r' iñí' e güeang'~ quiá'~ Fidié' e jí'~ jmidsea'bing' sí'í' cuóong` dó'~, dsu' cagó'bre colíng~ cóo'~ i dsea` quiá'r~ do.

⁵ Jogui téé' óo'na' cajo jial fé' fi' ni~ jì quiá'~ Fidié' e cajme' Moí~, co' fi' ni~ jo fé' e ja' dsee~ ée' jaléng' jmidsea` nañí' fa' jmóor` ta' fi' dsí' sinúu^ guá'~ fé' lajee' jmi~ e jmi'íng' jneaa~aa', dsea' lí'í' dsea` Israel.

⁶ Jo dsu' jnea~ fi' i 'nú' e niing~gui júu^ quié~ e laco'gui e guá'~ do.

⁷ Dsu' latí' lana ja' mí cangám'bi 'nú' e~ guóng' lají'~ e fé' fi' ni~ jì quiá'~ Fidié' lí' fé' lala: “Jnea~ Fidié' iin~n e nilí' fi~ líng~ rúng'na', jo o' e cuø'na' feá'~ fi' quini~.”

Jo casí'~ gui Jesús i dsea` fariseo do:

—Facó' mi~ cangáng'na' e júu^ jo latí' mi~ uing~, joba' ja' e ta~ e cuó'na' dsee~ jaang` dsea` i ja' mi' ca'lee' jii' coo`.

⁸ Jo dsu' e já'~, jnea~ dsea` cagá~ a fí' jmigüi' la e lín'n jaang` dsea` jmigüi', oo~baa ta~ e niqúí'na' ta~ mi~ jmii~ e jmi'ing' jneaa~aa', dsea` lí'naa' dsea` Israel.

Mi~ cajmi'leáng~ Jesús jaang` dsea` i caang~ guoo`

(Mr. 3:1-6; Lc. 6:6-11)

⁹ Jo mi~ cangí' jo, cangó~ Jesús fí' coo` dsíí' sinúu^ guá'~ quiá'~ dsea` góor` dsea` Israel.

¹⁰ Jo mi~ caguiér~ fí' jo, dob ni'iuung~ jaang` dseañu' i caang~ coo` guoo`. Jo ie~ jo, dob niteáng~ coo` tú~ máng'~ dsea` Israel i líng' dsea` fariseo e siteeíñ^ Jesús e iin~ ninír` su nijmi'leáng~ dsea` do i dsea` i caang~ guoo` do 'ñia' ie~ jmii~ e jmi'ing' dsea` Israel, jo lajoba' e niguié'r' jial e ni'núíñ~ dsea` do fí' quini~ dseata~. Joba' cajmingí'r~ Jesús lala:

—¿Su seab` fí' e nijmi'leáng~ jaang` dsea` dsée'~ lajee~ mi~ jmii~ e jmi'ing'naa'?

¹¹ Joba' cañí' Jesús quiáiñ'~ do jo casí'~ reiñ' lala:

—Facó' 'nú' aang~ na' jo'se' jo calingüing~ na' e catóng' jaang` fí' dsíí' íí' 'ñia' ie~ jmii~ e jmi'ing'naa', ja' lí' dsii~ fa' lí' niseáng~ na're' lajo, co' nigüiseám'ba're'.

¹² Joba' fí' i 'nú', jial tí' laniing~ gui quíng' jaang` dsea` fí' quini~ Fidiéé' laco'gui jaang` jo'se'. Jo lajob líí', seab` fí' e jmé'naa' coo` e guiá' 'ñia' mi~ jmii~ e jmi'ing'naa'.

¹³ Joba' lalab casí'~ Jesús i dsea` caang~ guoo` do:

—Níí'~ guoo', dseañu'.

Jo lajob cajméé' i dsea` do, jo ladsifí' lanab ca'lóo~ guóor` jo caliguiáb~ e guóor` do lí' laco'gui e coo` do.

¹⁴ Jo mi~ tí' lí' ca'uøøng` jaléng' i dsea` fariseo do e fí' dsíí' sinúu^ guá'~ do, jo canaaiñ` síiñ` quiá'~ jial niguié'r' e nijgaiñ' Jesús.

Júu^ e cajme' Saíí' cuaiñ~ quiá'~ Jesús

¹⁵ Jo mi~ calilí' Jesús e jo, cagüi'íí'bre e fí' jo, jo cangór~ fí' lí' jíé', jo fíim' dsea` cangolíng~ cóo'r' ie~ jo. Jo laco' ngolíñ~ teáiñ' fí' lado, jmi'leám~ dsea` do jaléng' dsea` dsée'~,

¹⁶ jogui quiá'r' ta~ quiá'~ jaléng' i dsea` i jmi'leáiñ~ do e ja` niguiáiñ'~ do júu^ quiá'~ jalé' e quií' dsea` do jmii~ jmóor`.

¹⁷ Jo cajméer` jalé' e jo e laco' caliti~ lajii' júu^ quiá'~ Fidiéé' e cajme' Saíí', jaang` dsea` i café' cuaiñ~ quiá'~ Fidiéé' malií' gui eáang' mi~ cajíñ' lala:

¹⁸ I lab i dsea` i nicaguín'~n,

i jmóo` lajii'~ e iin~n,

jo eáam' 'neáan`nre jogui iáang` dsii~ cóo'r'.

Jogui eáam' nili'gøíñ'

la'eáang` cóo'~ Jmiguí' quié~ e e nicuøø~øre,

jogui niguiár~ júu^ jee~ jaléng' dsea` jmigüi'

e dseáng'~ røøb` ni'í'r~ í' quiá'~ lajaang` lajaang` dsea`.

¹⁹ Dsu' ja' nijmér~ ta~ jíng' o'gui ta' ta' mí'~;

jo jíí'~ jaang` dsea` ja' ií' ninú~ júu^ quiá'r' jee~ 'núu' e jmiféng' 'ñia'r'.

²⁰ Jo nijmicóo'~bre jaléng' dsea`

i í' dsíí' e ja' seeng' ií' nijmicóo'~ quiá'r'.

Jogui nijmicóo'~bir cajo jaléng' dsea`

i í' dsíí' e ja' niqúí'r~ jmii~.

Jogui niguiár~ júu^ jee~ jaléng' dsea`

car` nilita~ dsííñ' e dseáng'~ røøb` íí' quiá'~ lajaang` lajaang` dsea`.

²¹ Jo la'eáang' íb` nijá'~ líng`

jaléng' dsea` jmigüi' júu^ quiá'~ Fidiéé'.

Jo lanab cajíng'~ Saíí' ie~ malií' gui do.

Mi~ cacuø' dsea` dsee- Jesús e jmóor` ta` la'eáang' cóo' i 'ling'^
(Mr. 3:20-30; Lc. 11:14-23; 12:10)

22 Jo mi~ cangî jo, cangojëeng` dsea` fi' quini` Jesús jaang` dsea` tiuung` jogui i ja` fé' cajo. Jo i 'lim'^ jmóo` e nilíng' i dsea` do lado. Jo dsu' Jesús cajmi'leáam`bre i dsea` do, jo calijnéb'tuiñ' do jogui café'tuiñ' cajo.

23 Jo jaléng' dsea i teáang` do ie~ jo, eáang' cangogá` dsír' jo canaaíñ` sí' rúíñ' lajee` yaaiñ` jo fé'r` lala:

—Jangám` song Jóo' dseata` dsea` féng' Daví' i na.

24 Jo ie~ jo, dob niteáang` coo` tú` míng' dsea` Israel i líng' dsea` fariseo. Jo mi~ canúur` síng' i dsea` do lado, joba' cajíñ`:

—La'eáang' cóo' bí quiá' Beelzebú i líng' fii~ jaléng' i 'ling'^, la'eáang' í'bing' tíng' i dseañu' na e uøøiñ` i 'ling'^ i teáang' dsí' dsea`.

25 Jo co' ñib' Jesús lajii' e í' dsí' i dsea` fariseo do, joba' cajíñ` casí' reiñ':

—Fa' coo' fi' jo jaléng' dsea` i seeng' fi' jo 'ní' níng` rúíñ', joba' sí'ím` e fi' jo jóng, co' ja` seeiñ` røø. Jo lajobi cajo fa' coo' fi' pí' osi coo' sínúu` lí' 'ní' níng` rúng' dsea`, sí'ím` cajo.

26 Jo lajob lí' cajo cóo' Satanás i líng' fii~ i 'ling'^ do, song nijmihuíñ` i 'ling'^ quiá'r`, joba' nilí' e 'ní' níim` rúíñ' jo lajoba' ní'ím` bí quiá'r`.

27 Jo 'nú'gui fó'na' e jnea` tiiñ` jmihuín` jaléng' i 'ling'^ i teáang' dsí' dsea` la'eáang' cóo' bí quiá' fii~ i 'ling'^ i sí' Beelzebú; co' faco' lajo, ¿i' i í' óo'na' i jmicóo' quiá' jaléng' dsea` i ngí' cóo' 'nú' e tiiñ`bre jmóor` lajo faco' lajo? Co' Fidié`bing' i jmicóo' quiá' i dsea` í' e tiiñ` jmóor` lajo. Joba' lajii' e tiiñ` do cuø` lí' e ja` dseeng` laco' jii' e í' áa'na'.

28 Co' lajii' e jmóo' jnea` e jmihuín` jaléng' i 'ling'^ i teáang' dsí' dsea`, la'eáang' cóo' Jmiguí' quiá' Fidié`ba' e jmóo' lajo. Jo e jo cuø` lí' e nicatb` í' e Fidié` nicár` nifi' quí'na' lajaang` lajaang`na'.

29 Jo jíng' gui Jesús:

—Jo ja` nilí' jaang` dsea` ní'r` fi' dsí' coo' sínúu` quiá' jaang` dsea` i bí'gui dsí' laco' ír` e ní'uø'r` jalé' e sea` quiáiñ`, dsuco' la'uii` jang' 'né` ní'ñúm`bre i dsea` bí' dsí' do, jo lajoguiba' cuøøng` e nijmér` lajo.

30 'Jo ii` dsea` i ja` sing' uii~ quié`e, joba' 'ní' níim`bre jnea`; jogui ii` i ja` jmicóo' jnea` e laco' nilicuíng` dsea` jnea`, joba' ja` siñ' uii~ quié`e cajo.

31 'Joba' fi' i 'nú' e íim`bi Fidié` dsee` quiá' jaléng' dsea` jmigüi mi~ ee'go júu` ga` fé'r` uii~ quiá' dsea` do, osi lí' doñí' ee` dsee` e éeiñ` é; dsu' jo` ní'íiñ` dsee` fíng song ii` café' ga` uii~ quiá' Jmiguí' quiá'r`.

32 Joba' fi' túu` 'nú' e Fidié` íim`bir dsee` quiá' jaléng' dsea` jmigüi mi~ ee'go ga` fé'r` uii~ quié`e, jnea` dsea` gáa'a` fi' ñifi` e lín'n` jaang` dsea` jmigüi; dsu' song ii'gui café' ga` uii~ quiá' Jmiguí' quiá' Fidié`, joba' jo` tóo` jmí' fa' ní'íng` dsea` do dsee` quiá' i dsea` í' lata` seeiñ` fi' jmigüi la o'gui fi' jmigüi coo' cajo.

Jalé' ma' ofii` cuí' dsea` la'eáang' cóo' ofii' e ñb`
(Lc. 6:43-45)

33 Jo lalab cajíng' gui Jesús e éeiñ` i dsea` teáang` do ie~ jo:

—Fa' 'nú' ta'na' o' fi' i' 'ma' ofii' quí'na', joba' jlob' ofii' nicuø`; jo song ja` jmoo'na' lajo, joba' ja` 'goo' ofii' nicuø`. Co' jaléb' 'ma' ofii' cuí' dsea` la'eáang' cóo' ofii' e ñb`.

34 'jóo' mi' guíim` 'nú'! Ja` cuøøng` e nifo'na' jmang' juguiá`, co' jmang' jalé' e ga'ba' í' áa'na'. Dsuco' lajii' e í' dsí' dsea`, jii' joba' fé'r`.

35 Jo jaang` dsea` i guíung`, jmang' júu` guíab` fé'r', co' jmang' e guíab`ba' í' dsír'; jogui jaang` dsea` i soo' dsí', jmang' júu` gab` fé'r', co' jmang' e ga'ba' í' dsír'.

36 Joba' fii' i 'ná' e mi' niguiéé' jmi' e niquidsí' Fidiéé' í' quiá' lajaang' lajaang' dsea' jmigüü', ie' job mi' niguiéé' dsea' júu' fí' quini' dsea' do jalé' e ja' íng' ta' e café'r' lajee' cateáaiñ' fí' jmigüü' la.

37 Jo cóo' lajii' júu' e café' dsea', cóo' jii' job nija' í' su røøiñ' dsee' osi ja' røøiñ' é mi' tí' lí' nití' í' e nitidsí' í' quiá'r'.

Mi' camí' dsea' Jesús e nijmér' cóo' lí' e quí'r' jmi' e dsigá' dsí' dsea'
(Mr. 8:12-13; Lc. 11:29-32)

38 Jo mi' cangí' jo, cóo' tú' máng' tifa' quiá' júu' quiu' ta' quiá' dsea' Israel cóo' gui cóo' tú' máng' dsea' Israel i l'ng' dsea' fariseo cangoquíeiñ' fí' lí' sing' Jesús jo casí'r' dsea' do lala:

—Tifa', ii' naa' ne' naa' e nijme' cóo' lí' e quí' jmi' e dsigá' dsí' dsea'.

39 Joba' cañi' Jesús quiá' i dsea' do:

—Jaléng' dsea' seeng' jmi' na dsíng' nirøøiñ' dsee' jogui ja' jmitir' júu' quiá' Fidiéé', có' lico' mi'r' jnea' e nijmee' e cóo' e lí' e quí' jmi' e dsigá' dsí' dsea'. Dsu' ja' nijmee' e jii' cóo' e jo fí' quini', có' nicaliseáb' e jo lamí' jéeng' gui e cangongíng' Jonás, jaang' dsea' i café' cuaiñ' quiá' Fidiéé' malí' gui eáang'.

40 Jo laco' calí' Jonás 'ni' jmi' jogui 'ni' uøø' fí' dsí' tu' jaang' ñu' dsée', lajob jnea' cajo, dsea' cagá' a fí' ñiff' e lín'n jaang' dsea' jmigüü', ni'ú'u 'ni' jmi' jogui 'ni' uøø' fí' ná' uø'.

41 Jo mi' nití' jmi' e niquidsí' Fidiéé' í' quiá' lajaang' lajaang' dsea' jmigüü', i dsea' seeng' fí' fii' Nínive do nicuó'r' dsee' jaléng' dsea' i seeng' jmi' na; có' mi' canúu' i dsea' í' júu' e cagua' Jonás, dsifí' lajob caquí' jing' yaaiñ' fí' quini' Fidiéé' uí' jalé' dsee' quiá'r'. Dsu' jnea' gui fá'a e jnea' niing' gui laco' gui i Jonás do.

42 Lajobi cajo ie' malí' do caliséng' jaang' reina i caqui' ta' fí' lí' huí', jo cajar' cajanúu' jalé' júu' e tíng' jaang' dseata' dsea' féng' i sii' Salomón. Jo lajob lí', i dseamí' í' nicuó' bre dsee' cajo jaléng' i dsea' seeng' jmi' na mi' nití' jmi' e niquidsí' Fidiéé' í' quiá' lajaang' lajaang' dsea' jmigüü'. Dsu' júu' quié' e niing' gui laco' gui júu' quiá' i dseata' Salomón do.

Jial lí' mi' dsitáng' tu' i 'ling' fí' dsí' dsea'
(Lc. 11:24-26)

43 Jo mi' calí' cajíng' Jesús lana, jo casí' guir jaléng' i dsea' do jo cajíñ':

—Mi' güi' jaang' i 'ling' i iuung' dsí' jaang' dsea', ngir' fí' lí' quiu' e 'nó'r' fí' lí' nijmi'íñ'. Jo song ja' niguié'r' lí' nijmi'íñ', joba' í' dsí'r':

44 “Níním'túu' fí' dsí' dsea' e lí' cajú' u do, có' ja' lí' sea' lí' nijmi'ín'n.” Jo mi' niguieng'tur dsí' i dsea' do, niguieñ' lafa' cóo' sinúu' lí' joo' jogui siquíang' jogui sili' jlo'.

45 Jo mi' ninír' e dsíng' jlo' dsí' e lí' niguieñ' do, joba' nidsér' nidsitéer' guiáng' i 'ling' gui laco' ír' e nidsitáaiñ' fí' dsí' i dsea' do, joba' ga' gui nilíng' i dsea' do laco' gui lamí' iuung' jaang' i 'ling' do fí' dsí'r'. Jo lajob nidsingíng' jaléng' i dsea' i røøng' dsee' i seeng' jmi' na.

Mi' cajíng' Jesús i' niquiá'r' jogui i' jaléng' rúíñ'
(Mr. 3:31-35; Lc. 8:19-21)

46 Jo lajee' gui'nang' sím'bi Jesús cóo' jaléng' i dsea' teáng' do ie' jo, mi' caguié' niquiá'r' cóo' gui jaléng' rúíñ', có' iíñ' nisíñ' cóo' dsea' do. Dsu' ja' cangíiñ' do cartí' lí' iuung' dsea' do.

47 Jo jaang' dsea' jiém'bing' cangojmée' júu' Jesús e niteáng' i dsea' sinúu' quiá'r' do fí' caluu', jo lalab júu' quié' i dsea' do:

—Nab nicagüéng' niquí' cóo' gui jaléng' rún' e iíñ' síñ' cóo' 'nu', jo nab teáaiñ' fí' caluu' lana.

48 Jo lalab cañi' Jesús quiá' i dsea' quié' júu' do:

—Jneab~ nifíî'î 'nua' i~ niquié^e jogui i~ jaléng^' rún^n.

⁴⁹ Jo dsifib' ca'éeiñ i dsea` quiá'r~ do jo cajíñ^-:

—I dsea` nab niquié^e cóo'~gui jaléng^' rún^n.

⁵⁰ Co' doñí' i dsea` i jmiti~ lajii'~ e iing~ Tiquié^e dsea` guing~ ñifí~, jaléng^' dsea` í'bing' líng' rún^n jogui dsea` í'bing' líng' niquié^e cajo.

13

Coo` júu^ já^- e lafa' júu^ cuento quiá^- mi~ bí dsea` mijú`

(Mr. 4:1-9; Lc. 8:4-8)

¹ Jo 'ñia' ie~ jmíi~ jo cagüi'íib' Jesús fí jo, jo cangór~ cangogüear' fí 'ni' guiéé' Galilea.

² Jo co' i 'leáam~bi dsea` caseáng' fí jo, joba' Jesús cajgóor~ fí yá' coo` móo' e nisi' e fí 'ni' e guiéé' do jo fí job caguár. Jo dob teáang~ jaléng^' dsea` fí 'ni' jmíi' lajee~ jo.

³ Jo catí' job canaang` e' Jesús jaléng^' i dsea` do jmiguiab' jalé' júu^ quiá'r~, jo casí^- reiñ coo` júu^ já^- e lafa' júu^ cuento jo cajíñ^-:

⁴ —Coo` née'~ jaang` dsea` cangór~ cangobíir~ mijú` quiá'r~. Jo mi~ tí lí canaaiñ` bír` e mijú` do, e líng'~ do cajíá' lí~ ngúng' fí, jo tab' cagó'~ jalé' e jo.

⁵ Dsu' e líng'~gui e mijú` do cangotóo'~ jee~ cuu~ fí lí' ja' 'leáang~ guóo'~ née', jo e mijú` jo lajmináb~ ca'íáang', co' nib~ guóo'~ uó~ cangotóo'~.

⁶ Jo dsu' mi~ tí lí~ cangíng~ iee~, lajmináb~ caliquiá', co' ja' a' cangotóo'~ jmó' quiá^-.

⁷ Jo e líng'~gui e mijú` do cangotóo'~ jee~ mijú` 'matóo', jo dsu' mi~ cacuáng~ e mijú` 'matóo' do cajmée` niúm' quiá^- e mijú` e guiá^- do.

⁸ Jo e líng'~gui e mijú` do cajíá' lí' jlo'~ uó~ jo jlob'~ cacuø' e mijú` do mi~ cacuáng~; jo e líng'~ e mijú` do cacuø' lí' lí cien mí'~ lacamí'~.

⁹ jogui e líng'~gui do cacuø' jii'~ sesenta, jo e líng'~gui jii'~ treinta. Joba' fíi' i 'nú' jaléng^'na' e i dsea` sea' loguá'na', inuu~na' jalé' júu^ quié^-e!

E~ uing~ e cajíng^- Jesús jalé' e júu^ do

(Mr. 4:10-12; Lc. 8:9-10)

¹⁰ Jo mi~ cató' e café' Jesús jalé' e júu^ na, jo cangoquiéeng' i dsea` quiá'r~ do fí lí~ guiiñ~ jo cajming'~r~ dsea` do lala:

—¿Jialí' fí' jaléng^' i dsea` i caseáng' na cóo'~ jalé' júu^ já^- e lafa' júu^ cuento?

¹¹ Jo lalab cañí' Jesús quiá^- i dsea` quiá'r~ do jo casí^- reiñ:

—Jo 'nú' nicangúng'na' quiá^- Fidiéé' e ngáng'na' jalé' e ja' mí' ñí dsea` jéeng'gui e dsea` í' iñ~ cár' nifí' quiá^- lajaang' lajaang' dsea` jmigüf', jo dsu' jaléng^' i dsea` na ja' cangáiiñ' e ngáiiñ' e jo.

¹² Co' i dsea` i nicangúng' e ngáng'jiar júu^ quié^- e jmiguiá'guib niñíiñ' e ningáiiñ' e jo, joba' lalím' nilisea` quiá'r~; jo dsu' i dsea` i ja' niñíing' e ngáiiñ' jii'~ capí' e jo, joba' nigüeáb' lajii'~ capí' e ngáiiñ' e ngáiiñ' do.

¹³ Jo uii~ e lajob líí, joba' fíi' i jaléng^' i dsea` na cóo'~ júu^ já^- e lafa' júu^ cuento; co' jaléng^' i dsea` na lím~bre e jné'bre, dsu' ja' jné'r; jogui lím~bre e núu'bre, dsu' ja' núur' o'gui ngáiiñ' cajo.

¹⁴ Jo cóo'~ i dsea` na liti~ laco' jii'~ júu^ e cajíng' Saíí', jaang' i café' cuaiñ~ quiá^- Fidiéé' malíi'gui eáang' mi~ cajíñ^- lala:

Jial fa' jialgui la núur' dsu' ja' e ningáiiñ',

jogui fa' jialgui la jøor~ dsu' ja' e ninír'.

¹⁵ Dsaco' jmang'~ e ja' dseem'ba' í' dsí' i dsea` seeng' fí la;

jogui jnái'bre loguar~ co' ja' iñ~ ninúr~,

jogui jnái'bre jminir~ cajo co' ja' iñ~ nijøor~,

jo lajobi ja' cuøøng' ningáiiñ' jii'~ coo',

jo lajobi cajo ja' niquí'~ jíng' yaaiñ~ fí quinií~

e laco' jnea~ nijmi'leáan^re.

16 'Joba' fñi i 'nú', dsea` nilíng'na' dsea` quié`e, juguiá~jiu quií~na', co' seab` jminí'na' cóo~ e cuóøng` jóø^na', jogui seab` loguá^na' cóo~ e cuóøng` núu^na'.

17 Jogui jnea~ jmitaa` óo'na' e fñm' dsea` i café' cuaiñ~ quiá'- Fidiéé` malñ~gui eáang` cóo~gui jaléng` dsea` i ée` guiá~ cali'iiñ~ ninír` lajúi~ e cangñng` 'nú' e móo~na' jmñ~ na, dsu' ja` cangár~; jogui cali'iiñ~ e ninúr~ lajúi~ e núu` 'nú' lana, dsu' ja` canúur~ cajo.

Mi~ cajíng'- Jesús e` guóøng` e júu^ quiá'- i dsea` bí` mijú` do

(Mr. 4:13-20; Lc. 8:11-15)

18 'Náñ~na' júu^ quié`e, lana nijméé'~duu 'nú' júu^ e` guóøng` e júu^ quiá'- i dsea` bí` mijú` do.

19 Jaléng` dsea` i núu` jalé' júu^ quiá'- jial quié` Fidiéé` nifí' quiá'- dsea` jo dsu' ja` ngáiñ' e júu^ jo, joba' jaléng` i dsea` í'bing' i líng` laco' e mijú` e ca'líng` fí' guiá' fí' do; co' dsifí' lanab guiéé' fii~ i 'líng` jo íim~bre lajúi~ e nicangáng` i dsea` do.

20 Jogui e mijú` e cajiá' fí' jee~ cuu~ do guóøng` quiá'- jaléng` dsea` i tí' dsíí' núu` júu^ quiá'- Fidiéé` jogui tí' dsíí' íñ' cajo;

21 jo dsu' laco' e mijú` do ja` lí' sea` lí' nisó' jmó^ quiá'- jmiguiá', joba' lajob` lí' cóo~ i dsea` í, cateá'ba' e té'r' e siñ' teá` cóo~ e júu^ jo; jo dsu' mi~ dsingñíñ~ e huíng` uí' e já' lííñ` e júu^ do, joba' ladsifí' lanab tú'tur e já' lííñ` e júu^ jo.

22 Jogui e mijú` e cajiá' fí' jee~ mijú` 'matóo' do guóøng` quiá'- jaléng` dsea` i núu` júu^ quiá'- Fidiéé`, jo dsu' eáang`gui guíng~ dsíí' jalé' ta` lí' cuu~ fí' jmigü' la, jogui eáam' jmigóo' e cuu~ do quiá'r~. Jo co' lajob` lííñ', joba' íim~ dsíí' lajúi~ e júu^ do; jo lajoba' íim~ quiá'r~, co' ja` cuør' fí' fa' e nidsicuáng` e júu^ do quiá'r~ e laco' teá'gui nisíñ' fí' guiá~ cóo~ Fidiéé`.

23 Jo dsu' e mijú` e cangotóo~ lí' jlo^ uó~ do guóøng` quiá'- jaléng` dsea` i núu` júu^ quiá'- Fidiéé` jogui ngám~bre jalé' e júu^ jo, joba' eáam' dsicuáng` quiá'r~ cóo~ e júu^ jo. Jo i líng~ i dsea` í lííñ' laco' e mijú` e cacuø' lajì cien mí'^ lacamí'^ do, jogui i líng~gui i dsea` do lííñ' laco' e mijú` e cacuø' jí' sesenta mí'^ lacamí'^, jogui i líng~gui líng` laco' e mijú` e cacuø' jí' treinta mí'^ lacamí'^.

Coo` júu^ já'- e lafa' júu^ cuento quiá'- onuu` guí'

24 Jo mi~ cangí jo, cajíng` gui Jesús casí'r~ jaléng` i dsea` ngí cóo'r~ do coo`gui júu^ já' e lafa' júu^ cuento jo cajíñ':

—Lalab lí' mi~ Fidiéé` quier' nifí' quiá'- dsea: Jo e jo lí' laco' jaang` dseañu' i cangojní` micui'iee` jlo^ fí' lí' nicajír~;

25 jo dsu' lajee` uóøb` caguié` jaang` i 'ní' ní~ quiá'- i dseañu' í jo cangoteá'r^ mijú` onuu` guí~ fí' jee~ mijú` cui'iee` quiá'- i dsea` do, jo mi~ cangí jo caquim~tur.

26 Jo mi~ tí' lí' canaang` cacuáng~ e mijú` cui'iee` do jo canaang` ca'ia` láa' quiá'-, jo mifíng` cajném~bi cajo e onuu` guí~ do.

27 Joba' i dsea` jmóo' ta~ quiá'- e cui'iee` do caguijméé'~bre júu^ i dsea` fii~ do cuaiñ~ quiá'- e onuu` guí~ e nica'iaang` do, jo lalab casí'-reiñ' do: “Fí'ii', jmangl'~ mijú` jlob' e caguijní' 'nñ' fí' ni~ guóo~ uó~ quií' do. Joba' zjie~ lí' cajá~ jú' quiá'- e onuu` guí~ e nica'iaang` do?”

28 Jo lalab cañí' i dsea` fii~ do quiá'- i dsea` 'léeng'~ quiá'r~ do: “Dsea` i 'ní' ní~ quié`baa, íb' lí' dsii~ i cajméé` lajo.” Joba' cañí'tu i dsea` 'léeng'~ do quiá'- fii~ jo casí'-reiñ': “Cuø' 'nñ' júu^, fii'í, e nidsisé'^naa' jalé' e onuu` guí~ do.”

29 Joba' cañí'tu i dsea` fii~ do quiá'- i dsea` 'léeng'~ quiá'r~ do: “U~, co' fing song cagüitóø' e onuu` do, jo la quié` tí' e cui'iee` dob dseáang'~ nigüitóø' jóng.

30 Joba' guiá~gui güisée^ lado jo güicuaang` colíng~ cartí' mi~ nití' í' e niñu' e cui'iee` do; jo i dsea` i nisín^ñ i nisitíng` e jo, nifñ'ire e nisó'r~ la'uii~ e onuu` guí~ do jo niguiár~

tá' có` nibøø~ jo ngî jo nitó'r` jî; jo mi~ ningî, jøguiba' nisitáin' e cui'iee` do jo nitá'r` ée` quiá'~."

*Coo` júu` já'~ e lafa' júu` cuento quiá'~ coo` mijú` e sii` mostáa`
(Mr. 4:30-32; Lc. 13:18-19)*

³¹ Jo casí'~ gui Jesús jaléng'` i dsea` quiá'r` do cóo'~ e júu` lajòb cajo jo cajín'~:
—Lalab lí' mi~ Fidiée` quier` nifí` quiá'~ dsea': Jo e jo lí' la lí' coo` mijú` e pí'` eáang' e sii` mostáa` e jní` dsea` fí` guóo'~ uó'~ quiá'r`.

³² Jo e já'~ e mijú` jo pí'` gui eáang' lajee` lajalé'` mijú`, jo dsu' mi~ nicuáng', latí' coo` 'ma` féb'` tí', jo cuø` quiá'~ jaléng'` ta` e jmo're'` sii` re'` fí` lacaang' guo'` quiá'~.

*Coo` júu` já'~ e lafa' júu` cuento quiá'~ quie'` iñí'`
(Lc. 13:20-21)*

³³ Jo casí'~ gui Jesús jaléng'` i dsea` quiá'r` do cóo'~ e júu` lajòb cajo jo cajín'~:
—Jo lalab lí' mi~ Fidiée` quier` nifí` quiá'~ dsea': Jo e jo lí' la lí' quie'` e cáng'` jaang'` dseamí` fí` jee` ca` iñí'` quiá'r`. Jo cóo'~ jí'~ capí'` e quie'` dob jmoó` e róo` jalé'` e ca` iñí'` do.

*E uiing` e café'` Jesús cóo'` júu` já'~ e lafa' júu` cuento
(Mr. 4:33-34)*

³⁴ Jo jmag'~ cóo'~ júu` lanab caféng'` Jesús jaléng'` i dsea` i ngí' cóo'r` do, jo jí'~ coo` júu` quiá'r` fa' ja` café'r` cóo'~ e júu` lajo.

³⁵ Jo e júu` na calití` lí'` laco'gui la júu` e cagua' Saí'` malii~ gui eáang', jaang' dsea` i café'` cuaiñ` quiá'~ Fidiée` mi~ cajín'~ lala:

Nifá'` a jmag'~ júu` já'~ e lafa' júu` cuento,
jøgui nijmijnéem` baa jalé'` júu` e si'` maang'` lamí~ jéeng'` gui
latí` jí'~ ie~ mi~ cajméé` Fidiée` jmigüí`.

Mi~ cajíng'` Jesús e` guøng'` e júu` já'~ e lafa' júu` cuento quiá'~ e onuu` guí'~ do

³⁶ Jo mi~ cangî jo, ca'` íb` Jesús júu` jaléng'` i dsea` ngí' cóo'r` do jo ca'` ír` fí` coo` dsí'` sinúu`.
Jo fí` jòb cangoquiéng'` i dsea` guitúung'` do quiá'r` jo casí'r` dsea` do e fa' nijméiñ'` do júu` e` guøng'` e júu` e cajín'~ do cuaiñ` quiá'~ e onuu` guí'~ e cajní` dsea` fí` lí' líing` ee` sijnéé'` dsea`.

³⁷ Jo lalab cañí'` Jesús quiá'~ i dsea` quiá'r` do:

—I dsea` i jní'` e mijú` jlo'` do, íb` i dsea` i jáa'` fí` ñifí'` e líiñ` jaang'` dsea` jmigüí`,

³⁸ jo e fí` ní'` guóo'~ uó'~ do guøng'` lafa' fí` jmigüí`. Jo e mijú` e jlo'` do guøng'` lafa' jaléng'` dsea` i núu'~ jalé'` ta` quia'` Fidiée`, jøgui e onuu` guí'~ do guøng'` lafa' jaléng'` dsea` i líing'` dsea` quiá'~ fí'` i 'líng'` i 'ní'` níing` Fidiée`.

³⁹ Jøgui i fí'` i 'líng'` i 'ní'` níing` Fidiée` do, íb` i cajní'` e onuu` guí'~ do. Jøgui cuaiñ` quiá'~ e sitíng'` lají'~ e cangojneá` do guøng'` lafa' mi~ tí'` lí'` ní'` líng` jmigüí`. Jøgui jaléng'` i sitíng'` lají'~ e caroo` do, íb` jaléng'` ángeles i líing'` guotíi~ Fidiée`.

⁴⁰ Jøgui lí'` laco' sitíng'` e onuu` guí'~ do jo nidsitoo'` fí'` ní'` jî e nicó', lajòb cajo nidsijéé'` mi~ tí'` lí'` ní'` líng` jmigüí`.

⁴¹ Co'` jnea~, dsea` i cagüéng` fí'` jmigüí` la e lín'n` jaang'` dsea` jmigüí`, nisín'n` jaléng'` ángeles quie'` e jee` jaléng'` dsea` i quiá'~ ta` quiá'~ e laco'` nisitáin'` do jaléng'` i dsea` i jmoó` e niténg'` jaléng'` dsea` rúng'` fí'` ní'` dsee` jøgui jaléng'` gui i quí'~ tíng'` jmoó` jalé'` e ja` dseeng`.

⁴² Jo jaléng'` i dsea` í` nitáin'` fí'` lí'` coo` jî e ja` tóo` jmi~ yu'` jo fí'` jòb ní'` iñ'` iihuí'` e eáang'` cartí` níquí'r` jøgui nitár` majar`.

⁴³ Jo dsu' jaléng'` gui dsea` i núu'~ jalé'` ta` quia'` Fidiée`, dob ninír'` e guíá'` fí'` lí'` guing'` Tiquí'` i'` Fidiée` i quia'` ta` fí'` la'úng` fí'` jmigüí`. Jo jaléng'` i dsea` í', mi~ niguilíin'` fí'` jo, nilíjiin'` lí'` laco'gui la jing'` iee`. Jòba' fíi'` i 'nú'`, jaléng'` na' dsea` sea` loguá'` na', jnúu'` na' júu` quie'` e!

Coo júu^ já^- e lafa' júu^ cuento quiá^- coo` e 'mo^ eáang' e si'ma^

44 Jo casí^- gui Jesús jaléng^ i dsea` quiá^- do coo`gui júu^ já^- e lafa' júu^ cuento jo cajíñ^- lala:

—Jo mi~ Fidiéé` quier` nifí` quiá^- dsea`, líí` lafa' coo` e 'mo^ eáang' e si'ma^ lí~ ná^- uó^- . Jo fing jaang` dsea` cadsé'r e si'ma^ do, jo mi~ cadsé'r e jo, níí^- dsíir` e dob ní'meá^- tur calé^n catú^- dseáng^- e lí~ cadsé'r do; jo co! dseáng^- eáam` cali'íáang` dsíir` dsu! e cadsé're' do, joba' mi~ niguieñ' fí` quiá^- , ní'ní^- bre lajalé^n e sea` quiá^- , jo nilár^- e uó^- lí~ cadsé'r e 'mo^ eáang' e si'ma^ do.

Coo júu^ já^- e lafa' júu^ cuento quiá^- coo` cuu~ e 'mo^ eáang'

45 Jo casí^- gui Jesús jaléng^ dsea` quiá^- coo`gui júu^ lajo jo cajíñ^- lala:

—Jo mi~ Fidiéé` quier` nifí` quiá^- dsea`, líí` lafa' jaang` dsea` i jmóo` ta~ láa` jogui ta~ 'nái` cuu~ e jlo^ jogui e 'mo^ .

46 Joba' mi~ tí` lí~ nijíñ^- coo` cuu~ e jlo^ jogui e 'mo^ eáang` , joba' nidséñ^- nidsi'nái^- bre lajalé^n e sea` quiá^- , jo lajoba' nilí^- r` cuu~ e nilár^- e cuu~ do.

Coo júu^ já^- e lafa' júu^ cuento quiá^- coo` 'máa' e sáang' 'ñu`

47 'Lalab líí` cajo mi~ Fidiéé` quier` nifí` quiá^- dsea` : Jo e jo líí` laco' coo` 'máa' e sáang' 'ñu` e bí` dsea` fí` é^n jmiñ` jo lí'r` langúing^- íing^- 'ñu` .

48 Jo mi~ caróng^- e 'máa' do e teáang^- 'ñu` , joba' i dsea` jmóo` ta~ sáang' 'ñu` do ní'óm^- bre e 'máa' do fí` 'ní' jmiñ` , jo fí` job ní'uóñ^- jaléng^ i 'ñu` i calí^- r` do jo nitáñ^- fí` dsí' 'matá' la lí~ i guiúng^- gui jogui nibíim^- bre jaléng^ i ja` dseeng` .

49 Jo lajob nidsijéé` cajo mi~ tí` lí~ nití^- í' e ní'íng^- jmígüî; co' ie~ jo nisíng^- Fidiéé` jaléng^ ángeles i líng' guotíir^- e laco' ní'náiñ^- ca' jaléng^ i dsea` i ca'ée` ga` i seeng` jee~ jaléng^ i dsea` i ca'ée` guiá^- .

50 Jo jaléng^ i dsea` i ca'ée` ga` do nitáñ^- fí` dsí' lí~ coo` jî` e ja` tóo` jmiñ` yu' , jo fí` job ní'íñ^- iihuí` cartí` níquí^- r` jogui cartí` nitár^- majar~ uíí^- jalé^n e nidsingúñ^- do.

Júu^ e 'mái^- jogui júu^ e yúu^

51 Jo cajmíngí^- gui Jesús jaléng^ i dsea` quiá^- do jo casí^- reiñ^- lala:

—¿Su nicangáng^n 'nú^n jalé^n e júu^ e fíí^- i 'nú^n na?

Joba' cañí^- i dsea` do:

—iNgám^'baa', Fíí'ii'!

52 Jo cajíngí^- gui Jesús jo casí^- reiñ^- :

—Mi~ jaang` tifa' quiá^- júu^ quiá^- ta~ quiá^- dsea` Israel jmitíñ^- e quiá^- mi~ Fidiéé` quier` nifí` quiá^- dsea` , joba' íb` tifa' i líng' laco' jaang` dsea` fíí` coo` 'núu` e guiar` líng' langúing^- íing^- e dsé'r e fí` sinúu^ quiá^- do, doñí` si 'mái^- osi yúu^ é, co' dseáng^- síí^- bre lajalé^n .

Mi~ caguiéng^- tu Jesús fí` góor` e sii` Nazaret

(Mr. 6:1-6; Lc. 4:16-30)

53 Jo mi~ catáng^- Jesús e fé'r` jalé^n e júu^ já^- do e líí` lafa' júu^ cuento, joba' cagüíñ^- bre fí` jo,

54 jo caquim^- tur fí` góor` lí~ sii` Nazaret, jo fí` job canaang^- tur e'r` jaléng^ dsea` júu^ quiá^- Fidiéé` fí` dsí' sinúu^ guá^- quiá^- dsea` góor` dsea` Israel e si' fí` jo. Jo lajalém^- i dsea` i núu` e júu^ quiá^- do, eáam` dsigá` dsíñ^- jo fé'r` lala cuaiñ^- quiá^- dsea` do:

—¿Jie~ fí` lí~ cajmítíng^- i dseañu` na lajalé^n e tñíñ^- na? ¿Jial tñíñ^- jmóor` jalé^n e lí~ e quí^- r` jmiñ` e dsigá` dsíí` dsea` ?

55 Jo ¿su o' i nabi jóo` Sé^ i líng' tí'ma` i seeng` fí` la, jogui níquí^- r` sii` Yá^? Jogui i nabi rúng^- Tiáa~ cóo^- gui Sé^ jogui Simón cóo^- gui Judas,

56 jogui labi neáang^- i rúñ^- dseam^- do jee~ jneaa^- aa' cajo. Jo i dseañu` na ja` ní^ jial jmóor` e tá^- tíng^- lir.

⁵⁷ Jo jaléng' dsea` i teáng- do lajob fé'r', joba' ja` iin~ fa' ja' caliñ- dsea` do. Jo dsu' Jesús cajíñ'- casí'- reiñ' lala:

—Doñí' jiéb' jmi'gó' dsea` jaang` dsea` i fé' cuaiñ~ quiá'- Fidié', dsu' fing catí' fi' góor', jii~ jaang` jo` ii' jmi'gó' ír` jogui lajobi fing catí' fi' quiá'r- cajo.

⁵⁸ Jo e fi' jo` ja' 'leáng- jalé' li' e quí'~ jmi~ e dsigá' dsí' dsea` cajmée` Jesús, dsuco' ja' ja' calíng- dsea` ír`.

14

Mi~ cajúng- Juan i seáng` dsea` jmi~

(Mr. 6:14-29; Lc. 9:7-9)

¹ Jo ie~ jo niseeng` jaang` dseata~ dsea` féng' i sii` Herodes i quiu' ta~ latøng- li~ se' Galilea. Jo i dseata` í, mi~ caliñir' lajii~ júu^ e fé' dsea` quiá'- Jesús,

² joba' lalab casí'r- i dsea` i jmóo' ta~ quiá'r- do ie~ jo:

—Jangám- i nab i Juan i lamí~ seáng` dsea` jmi~ jo e nicajíb'tur calé' catú-. Joba' eám' quí'r~ jmi~ cóo'~ jalé' e li' e dsigá' dsí' dsea` e jmóor`.

³⁻⁴ Jo ie~ lamí~ jéeng'gui do i dseata~ Herodes do 'nñí^ cataiñ- i Juan do. Jo caquiur' ta~ e cañung'- dsea` do cóo'~ ñí^ cadena fi' dsí' 'nñí^ uí' i dseamí i sii` Herodías i calí- dseamí quiá'- Lii~ rúng' dsea` ngáang' cóo' i dseata~ Herodes do. Co' ie~ jo i Juan do cajim-bre dseata~ Herodes jo casí'r- e ja' catíng- e jmóor` e jéeiñ` lafa' dseamí quiá'r- oo~ dseañu' rúñ' i ngáang' cóo'r- i sii` Lii~ do.

⁵ Jo mi~ canúu- dseata~ Herodes e júu^ jo, joba' dseáng'- lamí~ iin~ nijngám'-bre i Juan do, jo dsu' ja' cajmээр` lajo co' 'góm'-bre jaléng' dsea` fi'; co' lajim` dsea` ja' líiñ` e i Juan do líiñ' jaang` dsea` i fé' cuaiñ~ quiá'- Fidié'.

⁶ Jo jo` huøø- ngó- mi~ ngí jo mi~ catí jmi~ quiá'- dseata~ Herodes e cadsí'r- jii. Jo i Herodías do niseeng` jaang` simí' quiá'r-, jo i simí' í cagüi'fir' e cadséeiñ` dseáng'- fi' quini' li~ neáng' i dsea` simíng` do. Jo co' eám' catí dsí' i dseata~ Herodes do lajii~ e cajmée` i simí^ do,

⁷ joba' casí'- reiñ' do e dseáng'- nicuø'-bre lí'- doñí' e mí'-biñ' do.

⁸ Jo i simí^ do, co' niteáaiñ~ júu^ quiá'- niquiá'r^, joba' casí'r- i dseata~ Herodes do lala:

—Cuøø'~ jnea~ mogui~ Juan i seáng` dsea` jmi~ e iu~ fi' dsí' cóo` huí'.

⁹ Jo dsu' i dseata~ Herodes do fi'í^ eáang' caliñ- mi~ canúur- e júu^ jo lifa' jo` ñir' e` jmé'-bre, co' jém' nicacuør' júu^ quiá'r- fi' quini' i dseamí do jogui fi' quini' i dsea` simíng` do e nicuø'-breiñ' do lí'^ doñí' ee` mí'-biñ'. Joba' jo` e mí' caliseá' quiá'r- jo jii~ lajob cajmээр`.

¹⁰ Jo caquiur' ta~ dsea` quiá'r- e caquiur'biñ' mogui~ i Juan do catí' li~ iuuiñ- dsí' 'nñí^;

¹¹ jo iu~ fi' cóo' dsí' huíb' cacór- jo cacuør' i dseamí do, jo ígui b cangíng` fi' jaguø' niquiá'r^ e huí' do.

¹² Jo mi~ cangí jo, caguilíng- jaléng' dsea` quiá'- i Juan do e fi' jo, jo cató'-bre i líi~ do e cango'áang`neiñ'. Jo mi~ cangí e ca'áaiñ- dsea` do, jo cangolímbre cangojmээр' júu^ Jesús quiá'- lajii~ e nicalí- do.

Mi~ cahéng' Jesús 'ñiá` mil dsea`

(Mr. 6:30-44; Lc. 9:10-17; Jn. 6:1-14)

¹³ Jo mi~ caliñí Jesús e nicajngam' dsea` Juan i seáng` dsea` jmi~ do, joba' cagüi'fir'bre 'ñia'r' e fi' lí' táaiñ` do jo cangór- fi' cóo' lí' ja' ii' 'ga' lí' dsea` seeng` e iuuiñ- fi' dsí' cóo' móo'. Jo dsu' mi~ caliñí jaléng' dsea` i seeng` có- quiá'- do e ñingóo' Jesús, joba' dsifib' cangolíñ- fi' lí'^ li~ ngóo' dsea` do lifa' la tóo' guóo'~ uøb-.

¹⁴ Jo mi~ tí lí' cagüi'fir' Jesús e fi' dsí' móo' do, dob niteáng- i dsea` 'leáng- do, jo calí' fi' límbre jaléng' i dsea` do jo cajmi'leám- bre lajaléng' dsea` dsée' i jéeiñ' do.

15 Jò cò'ie~ jò ñingóó' canuub', jòba' i dsea` quiá'- Jesús do cangoquiéeiñ' fí' lí~ sing' dsea` do jò lalab casí'- reiñ':

—Fí'i'i', ñicanuub' la, jò jii'~ jaang' dsea` neáaiñ' có- quiá'- la, fa' ni'í'^ba' júu^ jaléng' i dsea` na e güiguiliíñ' fí' lí~ lí~ neáang' dsea` jò fí' jòb nidsileáar' capí'^ e nidó'r-, cò' ja` e sea` fí' la.

16 Dsu' mi~ canúu- Jesús lajò, lalab cañíir` quiá'- i dsea` quiá'r- do:

—Ja` 'né- dsilíng- i dsea` na e nidsi'néer- e dó'r-, cò' 'náb' 'né- cuó'^na'r e jò.

17 Jòba' cañíi' i dsea` quiá'r- do lala:

—Jii'~ 'ñiá' iñí'^ cóo'~gui gáng- 'ñu, jii'~ jòba' sea` qui-naa' lana.

18 Jòba' lalab cañíi'tu Jesús quiáaiñ'- do:

—Cuóó'~du' jnea~ e jò fí' la.

19 Jòba' caquiá' Jesús ta~ i dsea` fíng' do e nigüeáiñ' tá'- có' nibøø~ fí' jee~ ñii'. Jò mi~ cangí' jò, catíng- Jesús lajì 'ñiá' e iñí'^ do cóo'~gui lajì huáang- i 'ñu do jò cajóor- fí' yá'^ jmigüí, jò lajòb cacuó'r- gui'máang'~ Fidiéé~ quiá'- jalé' e do. Jò ngí' jò, cafíim'bre e iñí'^ do jò cacuó'r' i dsea` quiá'r- do, jò íguib cajmée` guiéé^ jee~ jaléng' i dsea` i fíng' do.

20 Jò lajiiim' i dsea` do cagó'r' guiá- ie~ jò car` calitaaíñ~. Jò mi~ calí- gó'r', caseám-bi guitu'gui 'matá^ jalé'^ 'ná'^ iñí'^ cóo'~gui jalé'^ 'náng'^ i 'ñu do.

21 Jò lajee~ lajiiing' dsea` i cagó' do ie~ jò tír' 'ñiá' mil yaang' dseañu', jò ja` lí'íng^ dseamí cóo'~gui jaléng' jiuung~.

Mi~ cangi' Jesús fí' ni~ jmii'

(Mr. 6:45-52; Jn. 6:16-21)

22 Jò mi~ cangí' jò, caquiá' Jesús ta~ i dsea` quiá'r- do e cangotáaiñ' do fí' dsíí' móo' jò nicuá'r- e guiéé' do jéeng'guir laco' dsea` do, lajee~ e táaiñ' e i'r' júu^ jaléng' i dsea` i caseáng' do ie~ jò.

23 Jò mi~ catáiñ' e i'r' júu^ jaléng' i dsea` do, joguiba' cajgóor- fí' cóo' yá'^ mó' 'ñia'r' lado e cangoféeiñ' Fidiéé'. Jò coob' mi~ tí' lí~ calí- núu^, jò dobi táaiñ' 'ñia'r' e fí' yá'^ mó' do,

24 jogui e móo' e lí~ teáang'~ i dsea` quiá'r- do ñingo' huíim- laco'gui 'ni' guóo'~ uó-. Jò lajee~ jò, dsíng'- ñiróo- jmii' jogui ni'lea' jmii' e móo' do, cò' lí'^ lí~ jieb' í' guí' laco' la ngóo' e móo' do.

25 Jò ñingóó' nijneáb' mi~ cangoquiéeng' Jesús fí' ni~ jmii' fí' lí~ ñingo' e móo' e lí~ teáang'~ i dsea` quiá'r- do jò e ngí'bre cangáiñ'- e fí' ni~ jmii' do.

26 Jò mi~ tí' lí~ cangá- i dsea` do e ngí' Jesús ni~ jmii', jòba' ladsifí' lanab ca'óor' e cafóíñ' jò cajíñ':

—Jaang' dsea` guíb' do!

27 Dsu' Jesús cañíir` quiá'- i dsea` quiá'r- do jò casí'- reiñ':

—iTeá' teáang' óo'na', cò' jneab~ la, jò ja` fóøng'~na'!

28 Jòba' cañíi' Tú^ Simón quiá'- dsea` do jò cajíñ':

—Fí'i'i', song já'- e 'nu, jòba' sí'~ jnea~ e ñingii- fí' ni~ jmii' cartí' nijín'n 'nu.

29 Jòba' cañíi' Jesús quiá'- dsea` do:

—Nea~ fí' la jò.

Jò lajòb cajmée' Tú^ Simón, jò cajgám-bre lí~ dsííñ'^ fí' yá'^ e móo' do jò cangoquiéeiñ' fí' lí~ sing' Jesús.

30 Jò dsu' lajee~ ngóor' ngí'r' ni~ jmii'b' mi~ calilí'r^ e dsíng'- bíng- guí e í' do, jòba' cafóm'bre; jò mifíng' ninaang' dsi'am'bre jóng, jòba' ca'óor' jò cajíñ':

—iLeaang- jnea~, Fí'i'i'!

31 Jò dsifí' lanab catíng- Jesús guoo' Tú^ Simón e laco' ja` nidsi'aiñ' do jò casí'- reiñ':

—jiali' dseáng'- ja` 'ga' lí' já'- lín' júu^ quié-e, jogui jiali' tú- ca'í' o'!

32 Jòba' mi~ tí' lí~ cajgóor- lajì huáaiñ' do e fí' yá'^ móo' do, ladsifí' lanab ca'uáang- e í' guí.

³³ Jo jaléng' dsea` quiá'- Jesús i caguaang- do i teáang' dsí' e móo' do canaaiñ` sí'r` uó` jnir` fí` quini` dsea` do e jmiféng' neiñ' jo cajíñ'-:

—Dseáng'- e jáb'- e 'náb` lín' i Joo' Fidiéé` dsea` guing` ñifí`.

Mi` cajmi'leáang` Jesús jaléng' dsea` dséé' fí` Genesaret

(Mr. 6:53-56)

³⁴ Jo cacua`bre e guiéé' do e teáang' tur fí` dsí' móo', jo caguilíñ` fí` coo` lí` siñ` Genesaret.

³⁵ Jo mi` calilí` jaléng' dsea` i seeng` fí` jo e dob táang` Jesús, dsifí` lanab cani'r` júu` fí` la'ung` fí` lí` se' e fí` jo jalé' e júu` jo. Jo jaléng' i dsea` í` cangoliñ` cangojéiñ` jaléng' dsea` dséé' i seeng` quiá'r` fí` lí` táang` Jesús,

³⁶ jo camí'r` dsea` do fí` e fa' capí` 'ni' síb` dsea` do nigü'r`; jo jaléng' i dsea` i lí' güi' fa' capí` 'ni' sí` dsea` do, dseáng'- 'laam`bre lajii` jmohuí' e líiñ'.

15

Jial lí' mi` jmiróng` dsea` dsee` yaaiñ`

(Mr. 7:1-23)

¹ Jo mi` cangí` jo, cangoquiéeng' fí` lí` sing' Jesús coo` tú` máng'- dsea` Israel i líng' dsea` fariseo cóo` gui` tú` 'ní` máng' tífa' quiá'- júu` quiá' ta` quiá'- dsea` Israel, jo jaléiñ` do jalíñ` fí` Jerusalén, jo cajmingí'r` dsea` do lala:

² —¿Jialí' jaléng' dsea` quiá' ja` ru'r` guóor` laco' quí' táng` 'lí` dsea` áang' qui`naa' mi` ná' gui` e nidó'r` ir`?

³ Jogui Jesús cajmingí'r` i dsea` do lala:

—Jo ¿jialí' 'ná' cajo ja` jmi'goo`na' lajii` ta` quiá' Fidiéé', co' lico' jmití`na' lajii` e quí' táng`na' yaam`ba'?

⁴ Co' lalab jing'- Fidiéé': “Jmi'goo` tiquí` cóo` gui` niquí`”, jogui “I dsea` i cuo' júu` 'lí' tiquiá' osi niquiá' é, ní' í' e 'né` nijúum` i dsea` í.”

⁵ Jo dsu' 'ná' fó'na' e jaang` dsea` cuóom` nisí'r` tiquiá'r` osi niquiá'r` é: “Ja` cuóong` lí` jmicóo` 'o' 'nua` lana, co' lajib` e sea` quié` e nicacuóo` Fidiéé”;

⁶ jogui fó'na' cajo e lí' doñí` i` i café' e júu` la jo` catíng` fa' e nijmicóo` guir tiquiá'r` osi niquiá'r` é. Jo lajob` lí' cóo` 'ná', co' jo` jí'na' fa' jmití`gui' lajii` júu` quiá'- Fidiéé' e cajme' dsea` malí`gui, jo` jii` e quí' táng`na' yaam`ba' jmití`na'.

⁷ i jmicang` i la 'nú' cóo` jalé' e fó'na'! Co' jáb'- laco' jii` júu` e café' Saí', jaang` i café' cuaiñ` quiá'- Fidiéé' malí`gui eáang' mi` café'r` uii` quiá'na' lala:

⁸ Jaléng' i dsea` na lico' fé'bre e jmi'gór` jnea` jii` cóo` layaang` júu` quiá'-bre, dsu' huim` seeng` jalé' e í` dsí' do

e jmi'gór` jnea`.

⁹ Jo dsu' jii` coo` ja` e ta` íng` quiá'r` jial e jmiféiñ' jnea`, co' lajii` ta` quiá' dsea` jmigüi`ba' jmóor`.

¹⁰ Jo mi` cangí` jo, cató'- Jesús jaléng' i dsea` i siseáng' do jo casí`-reiñ' lala:

—Núu`na' jogui jmee`na' úung` e ningáng`na' e júu` la:

¹¹ Jii` coo` e í' gó' dsea` ja` cuóong` lí` jmé` e nili'liiñ` fí` quini` Fidiéé', co' lajii` júu` e uóo' fí` mo'oob` dsea`, jii` e joba' cuóong` lí` jmé` e nili'liiñ` fí` quini` Fidiéé'.

¹² Jo cangoquiéeng' i dsea` quiá'- Jesús do fí` lí` sing' dsea` do jo cajmingí`-reiñ' lala:

—Fí'naa', ¿ní' e 'níb` catíng` dsea` fariseo e júu` e café' na 'micú'?

¹³ Joba' cañí' Jesús quiá'- i dsea` quiá'r` do jo cajíñ` lala:

—Lí' doñí` ee` onuu` e sea` fí` guóo` uó` e o' Tiquié` dsea` guing` ñifí` cajnir`, nigüitóob` e jo catí` jmó` quiá'-.

¹⁴ Joba' fí` 'ná', ja` jmijíng`na' jaléng' i dsea` fariseo do; co' i dsea` í` líiñ` lafa' dsea` tiuung` i jeeng` jaang`gui dsea` tiuung`. Jo ja` lí' jii` jaang` dsea` tiuung` nijéiñ` jaang`gui dsea` tiuung`, co' fíng` song` cajméer` lajo, joba' laji` huáam`bre dseáng` nijiúñ` fí` í' jóng.

15 Jo mi~ cangf̂ jo, cajíng' Tù^ Simón casí'r~ Jesús:

—Fíi'ì, ¿já^ jiée` o' jmeé'~ jnea' júu^ e~ guóng' e júu^ e café' na 'micú'~?

16 Jōba' cañí' Jesús quiá'~ Tù^ Simón:

—Jo ¿su o'gui 'nú' m'í ngám'bi' júu^ quié~ e cajo?

17 ¿Su ja` ñí'na' e lajalé' e í' gø' dsea` ngíng' fí' dsí' tu'r', jo mi~ jo` ee` ta~ íng^, jōba' uøøb` jóng fí' lí' caluu`?

18 Jo dsu' jalé' júu^ e uøø' fí' mo'oo~ dsea`, fí' dsíib' dsea` lí~ jalí jalé' e jo, jo e jōba' jmóo` e jmirøng` dsee~ yaang~ dsea`.

19 Co' fí' dsí' dsea` lí~ jalí jalé' e ga` e í' dsír', jo e jo quiéeng` e jngang' dsea` rúíñ', osi e 'lee~ dsea` e güíñ' cóo'~ dsea` i o' quiá'r~, osi e jmóo` dsea` jalé' e ja` tí' ta~ e lí' dsí' ngúu' táaiñ', osi jmóor` ñí' é, osi ngír' ta~ quié' júu^ e o' já', osi jmineaiñ' dsea` rúíñ' é.

20 Jo jalé' e 'lí' lanab e jmóo` e jmirøng` dsee~ yaang~ dsea`, jo o' uí'~ e ja` jmitir~ lajii'~ e quí' tíng' dsea` e ru'r' guóor` ná'~ gui e nidó'r~ ir~, co' e jo ja` jmóo` e lirøøng` dsea` dsee~.

Mi~ já' calíng~ jaang` dseamf̂ i ja` líng' dsea` Israel júu^ quiá'~ Jesús

(Mr. 7:24-30)

21 Jo mi~ cangf̂ jo, cagüi'ñb' Jesús fí' jo, jo cangór~ fí' lí~ se' Tiro cóo'~ gui fí' lí~ se' Sidón.

22 Jo mi~ caguiér~ fí' jo, jaang` dseamf̂ cananea i niguiing~ fí' jo cangoquiéiñ' fí' lí~ sing' dsea` do e áíñ' teá lala:

—jFíi'ì, sijü` dseata~ dsea` féng' Daví', fí' güilín' jnea~ jo jmi'leáng~ i simí' quié~ e, co' jaang` i 'líng' iuung~ dsír'!

23 Jo dsu' jii'~ camí'~ júu^ ja` e cañí' Jesús quiá'~ i dseamf̂ do. Jo i dsea` quiá'r~ dob cangoquiéeng' fí' lí~ siñ' jo camí'r' dsea` do jmi'ee' jo casí'r~ dsea` do lala:

—Fíi'naa', sí'~ go i dseamf̂ na güiguiéñ', co' jáar' ta~ óo' lí' caluu'naa'.

24 Jōba' cañí' Jesús quiá'~ i dsea` quiá'r~ do jo casí'~ reiñ':

—Lajii'~ ta~ e casíng' Fidié' jnea~ fí' jmi'güi' la e quiá'~ nilaan~ jaléng' dsea` góo' dsea` Israel jee~ jalé' dsee~ quiá'r~, co' í' líiñ' lafa' jo'se' i sí'íng^.

25 Jo dsu' mi~ canúu~ i dseamf̂ do lado, dsifí' lajōb cangór~ cangosí' uø~ jnir~ fí' quini' Jesús jo casí'r~ dsea` do lala:

—jFíi'ì, jiée` o' jmicóo'~ jnea~!

26 Jōba' cañí' Jesús quiá'~ i dseamf̂ do lala:

—Ja` dseeng` e niguí' dsea` iñí' e gó' jiuung~ quiá'r~ jo nicuø'r~ jaléng' dsii'.

27 Jōba' cañí'tu i dseamf̂ do quiá'~ Jesús:

—Jáb', Fíi'naa', lajōb lí'; dsu' e já'~ cajo e j'gui dsii' sitíng'ne' jalé' e cuí'~ iñí' e sojiá' fí' ná'~ mes~ quiá'~ fii' re'.

28 Jōba' cañí'tu Jesús quiá'~ i dseamf̂ do jo casí'~ reiñ':

—jDseamf̂, dseáng' lajam' já'~ lín' júu^ quié~ e! Jo güilíb' jii'~ laco' fó' na.

Jo dsifí' lajōb ca'láang~ i jōo' i dseamf̂ do.

Mi~ cajmi'leáng~ Jesús i fíng' dsea` dsé'~

29 Jo mi~ cangf̂ jo, cagüi'ñb' Jesús fí' jo, jo caguiér~ fí' 'ni' guiéé' Galilea jo fí' jōb cajgóor~ fí' coo' yá'~ mó', jo fí' jōb caguár'.

30 Jo lajee' jo, i fíng' dsea` caseáng' e fí' lí~ guiiñ'~ do e jéiñ' jaléng' dsea` dsé'~ quiá'r~ i líng' doñí' ee' jmohuí'; do dsea` jlúung', do dsea` tiuung~, do dsea` bøøng' cóo'~ gui jaléng' dsea` i ja` lí' fé', jogui quiéem'bi i líng' lí' doñí' ee' jmohuí' e jié' gui, jo dob cajmi'leáng~ Jesús lajaléng' í'.

31 Jōba' dseáng' lajiiim` dsea` cangogá' dsír' ie~ jo mi~ cangár~ e caféb' jaléng' dsea` i ja` lamí' fé', jogui jaléng' dsea` bøøng' ca'láam~ bre, jogui jaléng' dsea` jlúung' cangi'bre, jogui jaléng' dsea` tiuung~ calijné' bre. Jo lajiiim'bing' do canaiñ' jmféiñ' Fidié' quiá'~ dsea` Israel.

Mi~ cahéng' Jesús quiá' mil dsea'

(Mr. 8:1-10)

³² Jò mi~ cangí jò, cató' Jesús dsea` quiá'r- jò casí'- reiñ':

—Eáam' fii~ lín~ n jaléng' i dsea` la, cò' na ningóo' 'ní jmiib~ e taaiñ~ fí' la cóo'~ jnea~ jò ja` sea` jii~ cóo' e nidó'r-. Jò ja` iin~ n fa' lí' niguiéen'~ nre lajò fí' quiá'r- e ja' mí' gó'r, cò' dseáam'~ fíng ca' uó'r' guiá' fí'.

³³ Jòba' lalab cañi' dsea` quiá'- Jesús jò casí'r- dsea` do lala:

—Jò ¿jial nijmó'oo' jóng? ¿Jie~ lí' nidsilé'ee' e nidó' i dsea` fíng' na? Cò' tí' lab la ja` iì dsea` seeng` có- quiá'- la fa' i ni'ní'.

³⁴ Jòba' cajmingí' Jesús i dsea` quiá'r- do lala:

—¿Jó' jii~ tí' e iñi' e sí'mang' 'ná' na?

Jòba' cañi' i dsea` quiá'r- do:

—Jii~ guiéb~ iñi' tí', jògui jii~ cóo' tú- míng' 'ñub'.

³⁵ Jò Jesús caquiá'r' ta' i dsea` fíng' do e caguáin' do fí' ni~ uó'.

³⁶ Jò mifíng' catiñ' casá'r- e guié- iñi' do cóo'~ gui i cóo' tú- míng' 'ñu' do jò mifíng' cacuø'r' gui'máng' Fidié'. Jò lí- jò cafiim'bre e iñi' do jò canguiñ' fí' jaguó' i dsea` quiá'r- do, jò í'guiib cajmée' guiéé' jee~ lajaléng' i dsea` do.

³⁷ Jò lajiiim' i dsea` do cagó'r' ie~ jò car' calitaiñ~ guiá-. Jò caróm~ bi guié- gui 'matá' mi~ cangí jò e téé' 'ná' e caseáng-.

³⁸ Jò jaléng' i dseañu' i cagó' ie~ jò tí'bre la quiá' mil, jò ja` lí'íng' dseam' cóo'~ gui jaléng' jiuung'.

³⁹ Jò mi~ cangí jò, ca'ib' Jesús júu' jaléng' i dsea` i caseáng' do, jògui mifíng' ca'ír- fí' dsí' móo' jò cangór- fí' guóo' uó' lí' se' Magdala.

16

Mi~ cali'íing' dsea' Israel e Jesús nijmér- cóo' e lí' quí'r~ jmí~

(Mr. 8:11-13; Lc. 12:54-56)

¹ Jò mi~ cangí jò, cóo' jmi~ cangolíng' jaléng' dsea` Israel i líng' dsea` fariseo cóo'~ gui i líng' dsea` saduceo fí' lí' táang' Jesús, cò' iin~ e niguié'r' jial e ni'núin~ dsea` do fí' quini' dseata~. Jòba' camí'r' dsea` do e fa' nijméin~ cóo' e lí' e quí'r~ jmí~, jò lajòba' nicuó- lí' e Fidiéeb' dsea` i casí' quiá'r-.

² Jò dsu' lalab cañi' Jesús quiá'- i dsea` do:

—Mi~ nica'lóo- lalab fó' 'ná': “Lana ja' jmí' nitú, cò' coo' jní' fí' yá' jmiigüi”;

³ jògui mi~ la'ee' fó' na' lala: “Náguijii jmiib' nitú, cò' eáang' nuu' jní' téé' fí' yá' jmiigüi.” Jò song ngám'ba' guiá- lajii~ e lí' fí' yá' jmiigüi, jòba' ¿jiali' ja' ngáng' na' e~ nidsijée' jmi~ na?

⁴ Jò jaléng' dsea` seeng' jmi~ na dsíng'~ niroøiñ' dsee- jògui ja' jmitir~ júu' quiá'- Fidié', jògui mi'r' jnea~ e nijmee~ e jalé' e lí' e quí' i jmi~; dsu' ja' nijmee~ e jii~ cóo' e jò fí' quinir~, cò' nicaliseáb' e jò lami~ jéeng' gui e cangongíng- Jonás, jaang' dsea` i café' cuaiñ~ quiá'- Fidié' mali' gui eáang'.

Jò dob caseáaiñ' i dsea` do, jò fí' lí' jieb' cangór-.

Jial líng' dsea' fariseo

(Mr. 8:14-21)

⁵ Jò mi~ catáng- Jesús cóo'~ i dsea` quiá'r- do lí' lí' 'ngóo'~ cataang' e guiéé' do, jò cadseng'~ dsí' i dsea` quiá'r- do e ja' iñi' quiér'.

⁶ Jò casí'- Jesús i dsea` quiá'r- do lala:

—Ñiing~ óo'na' cóo'~ jalé' e e' dsea` Israel i líng' dsea` fariseo cóo'~ gui i líng' dsea` saduceo, cò' jalé' e e' i dsea` í' lí' lafa' quie' iñi'.

⁷ Jòba' canaang' i dsea` quiá'- Jesús do síiñ' lajee' la'ó' yaaiñ~ jò sí' rúin':

—Úi' e ja' iñi' lée'naa', jòba' jíng' Fí'naa' lana.

8 Jo co' calilib' Jesús lajii' e síng' i dsea' quiá'r- do, joba' casí'-reñ' lala:

—¿Iali' fó'na' e ja' iñí' quié'na'? ¿Su dseáng' ja' já'- mí' lám'bi' jalé' e quí' i jmi' jmóo'o?

9 Jo ¿su latí' lana ja' mí' cangám'bi' 'nú' o'gui tóo' óóna' cajo quiá'- e 'ñiá' iñí' e cajmitaan' n laji' 'ñiá' mil dsea', jogui e jmigui'bi' 'matá' caseáng' e téé' 'ná' quiá' e jo?

10 Jo ¿su ja' tóo' óóna' cajo quiá'- e guié' iñí' e cafin-, jo cagó' quié' mil dsea', jogui e jmigui'bi' caseáng' ie~ jo?

11 ¿Su dseáng' ja' cuante ca'ba' e o' cuaiñ' quiá'- iñí' e júu' e fá'a na? Joba' fí' i 'nú' e jmeáng' í' yaang'na' cóo' jalé' e e' dsea' fariseo cóo' gui dsea' saduceo, co' jalé' e jo lí' lafa' quie' quiá'- iñí'.

12 Joguib' mi' calilí' i dsea' quiá'- Jesús do lajii' e guóng' e júu' e café' dsea' do quiá'- quie' iñí', co' e laba' sí' Jesús i dsea' quiá'r- do e nijmeíñ'- do í' yaaiñ' e ja' niligøiñ' cóo' jalé' júu' e e' dsea' fariseo cóo' gui dsea' saduceo.

Mí' cajíng' Tú' Simón e Jesús líiñ' i dsea' i sijeeng' dsea' Israel i nicá' nifí' quiá'r-
(Mr. 8:27-30; Lc. 9:18-21)

13 Jo mí' tí' lí' caguié' Jesús fí' lí' se' Cesarea quiá'- Filipo, lalab' cajmingi'r' i dsea' quiá'r- do jo cajíñ'-:

—¿E' fé' dsea' uii' quié' jnea~, dsea' i cajá' fí' ñifí' jo cagüén' n fí' jmigü' la e lín' n jaang' dsea' jmigü'?

14 Joba' cañí' i dsea' quiá'r- do jo cajíñ'- lala:

—I líng' dsea' fé'r' e i Juan i lámí' seáng' dsea' jmi'bi' 'nú', jo i líng' gui fé' e Lí' 'nú', jogui i líng' gui dsea' éeiñ' 'nú' e Jeremías osi lí' jaang' gui lajee' dsea' i café' cuaiñ' quiá'- Fidié' malí' gui eáng'.

Jo ngí' jo, joba' cajmingi'r' Jesús i dsea' quiá'r- do jo cajíñ'-:

15 —Jogui 'nú', ¿i' fó'na' e lín' n?

16 Joba' cañí' i Tú' Simón do lala:

—'Nub' i dsea' i sijeeng' jnea', dsea' Israel, i nicá' nifí' qui'naa', jogui 'nub' cajo lín' i jóo' camíng' quiá'- Fidié' i seeng' lata~ do.

17 Joba' cañí' tu' Jesús quiá'- Tú' Simón jo cajíñ'- casí'-reñ':

—Juguiá' jia' quií', Tú' Simón, jóo' jaang' gui dseañ' i sií' Jonás, dsaco' jii' jaang' dsea' jmigü' ja' ii' mí' ca'e' 'nú' e júu' na, co' Tiquié'e dsea' guing' ñifí' bing' i nica'e' 'nú' e na.

18 Jo jnea' fí' i 'nú' e cuu' guóng' e sií' 'nú' cajo, jogui 'nub' dsea' i nilíng' lafa' coo' cuu' quiá'- tí' fí' quiá'- guá'- quié' e. Jo e guá'- e ni'uíng' do quié' e lí' lafa' jaléng' dsea' i ni'uíng' dsea' quié' e, jo ja' sea' bí' quiá'- 'mó' fa' nijmé' e ni'uíng' e jo.

19 Jo jneab' nicuøøø 'nú', Tú' Simón, coo' lafa' joñí' quiá'- ñifí' fí' lí' guing' Fidié' i qui' ta' quiá'- lajaang' lajaang' dsea' quiá'- . Joba' jalé' e ja' nicuø' fí' jee' jaléng' dsea' quié' e fí' jmigü' la, ja' nicuø' Fidié' fí' quiá'- e jo cajo. Jogui lajalé' e nicuø' 'nú' fí' jee' jaléng' dsea' quié' e fí' jmigü' la, joba' nicuøb' Fidié' fí' quiá'- e jo cajo.

20 Jo mí' cangí' jo, caqui' Jesús ta' i dsea' quiá'r- do e ja' ii' nisíñ' do jii' jaang' e íbre líiñ' i dsea' i sijeeng' dsea' góor' dsea' Israel i nicá' nifí' quiá'r-.

Mí' cajmé' Jesús júu' e tí' lí' nijngáng' dsea' ír'
(Mr. 8:31-9:1; Lc. 9:22-27)

21 Jo latí' ie~ job' canaang' Jesús jma'r' júu' jaléng' i dsea' quiá'r- do e fí' Jerusalén 'né' dséng' tur calé' catú-, jo fí' job' jaléng' i dsea' cóong' i qui' ta' quiá'- dsea' góor' dsea' Israel cóo' gui jaléng' fí' jmidsea' quiá'r- cóo' gui jaléng' tífa' quiá'- júu' qui' ta' quiá'r-, jo jaléng' í'bing' i nicuø' ír' iihuí' e eáng' cartí' nijngáñ'- dsea' do. Jo dsu' mí' nidsíng' n'í' jmi' e cajúñ-, nijlb' tur calé' catú-.

22 Joba' Tú' Simón cajéiñ' dsea' do lí' coo' yaaiñ' jo cajím' jiar' dsea' do jo casí'r-:

—Ja` güil'iing~ dsí' Fidié' e nilí lajo, Fí'naa! ja` catíng~ 'na` e nilín~ lajo!

²³ Jo Jesús cangoquíeíñ' calé' catú~ fí' quini' Tú^ Simón jo casí~ reiñ' do:

—jÉeng~ cáan'n, Satanás! Ja` jnín~ jnea~ fí'. Co' 'na` ja` ngáng~ laco' jii~ e í' dsí' Fidié', co' lajii~ e lí' quía~ dsea` jmigüí'ba' ñí^ 'na`.

²⁴ Jo mi~ cangí jo, casí~ tu Jesús jaléng~ i dsea` quía'r~ do lala:

—Song i~ dsea` iing~ ni'uíng~ dsea` quie~ e, joba' güitár~ jalé' e lí' dsír' 'ña'r' jo güiseaiñ' lafa' crúu^ quía'r~ e laco' cuó' lí~ e guía' dsír' e nidsingüíñ~ jalé' e huíng' uí'~ e líiñ' dsea` quie~ e, jo lajoguiba' ningír~ cóo~ jnea~ jóng.

²⁵ Co' lí^ doñí' i~ dsea` i í' dsí' e lí' bre nileáng~ 'ña'r' jee~ jalé' dsee~ quía'r~, joba' i dsea` í' conguiab' nibíñ' fí' lí' 'lí'; jogui lí^ doñí' i~ dsea` i nijúung~ uí'~ e líiñ' dsea` quie~ e, joba' i dsea` í' nitíim~ bre fí' quini' Fidié' jóng.

²⁶ Jo jii~ cóo' ja` ee' ta~ íng^ quía~ dsea` jmigüí' e silí'r~ latøng~ jmigüí' song ja` gui cuiñ' jnea~, co' nilíim~ quía'r~ mi~ tí' lí' nití' í' e nijúuiñ~, jogui ja` cuøng~ lí' quír~ cuu~ e laco' nitíiñ' fí' quini' Fidié'.

²⁷ Dsaco' jnea~, i Jóo' Fidié' i cagüéng~ fí' jmigüí' la e lín'n jaang~ dsea` jmigüí', nigáab'túu e niniing~ 'gøng' quía~ Tiquíé' e colíng~ gui cóo'~ jaléng' ángeles i líng' guotíir~ mi~ tí' lí' nití' e í' jo. Jo íe~ job mi~ nicuøø^ dsea` lajii~ e catíng~ lajaang~ lajaaiñ' lí^ jialco' jii~ lí' ta~ e nicajméer~ fí' jmigüí' la.

²⁸ Jo fí' i 'ná' lana e i líng~ 'ná' la'ó' teáang~ na' la jmí~ na ja` mí' júung~ na' cartí' nimó' na' e nigáa' jnea~, i dsea` i cagüéng~ fí' jmigüí' la e lín'n jaang~ dsea` jmigüí', e nilín'n jaang~ dseata~ dsea` féng' i quíu' ta~.

17

Mí' calisíng~ jial jnéng~ Jesús

(Mr. 9:2-13; Lc. 9:28-36)

¹ Jo mi~ cangí jñúu~ jmí~ lajo, cató' Jesús Tú^ Simón cóo'~ gui Tiáa~ jogui Juan i líng' rúng' Tiáa~, jo lajee' la'ó' yaam~ bre cangolíñ' fí' cóo' yá' mó' e ñí' eáang'.

² Jo lajee' teáaiñ' fí' jo, i dsea` do cangár~ jial calisíng~ jial jnéng~ Jesús. Jo cangár~ e jíing~ jí' ni~ dsea` do lafa' jí' íee~, jogui sí'r^ dseáng~ calité' lafa' jí' e tee' jlo'.

³ Jo lajee' job cangáñ~ Moi~ cóo'~ gui Líí' e teáaiñ~ síiñ' colíng~ cóo'~ dsea` do.

⁴ Joba' lalab cajíng' Tú^ Simón e casí'r~ Jesús:

—Fí'i, juguíá~ o' e taang~ naa' colíng~ fí' la, fa' na nijméé' e 'ní' 'nú'jiu cóo'~ má' 'ma~, cóo' quí' 'na', cóo' gui quía~ Moi~ jogui cóo' quía~ Líí'.

⁵ Jo lajee' gui'ná^ fé'bi Tú^ Simón lado, mi~ cajgó~ cabøø~ jní' e jí' jlo' fí' lí' teáang~ dsea` do, jo fí' jee' e jní' do guicaná' e líng~ i~ guicafé' jo guicajíñ'~:

—I lab Jóo' i 'neáan'n eáang' jo eáam' íaang' dsii~ cóo'r~. Jmee~ na' náu~ na' júu^ quía'r~.

⁶ Jo mi~ canúu~ i dsea` gaang~ quía~ Jesús do lajo, dsifí' lanab casijníir^ fí' ni~ uó^ jogui catú' guír~, co' eáam' cafóíñ'.

⁷ Jo cangoquíéng' Jesús fí' lí' sijní' i dsea` quía'r~ do jo caquidsir' guóor' quíaíñ' do jo casí' reiñ':

—Ráang~ na'; ja` fóøng~ na'.

⁸ Jo mi~ caséé' i dsea` quía~ Jesús do nir~, jii~ jaang~ i dsea` gáng~ do jo i~ seeng' e fí' do; 'ñiab' Jesús sing' guír.

⁹ Jo ngí jo cajgám~ bre e fí' yá' mó' do. Jo lajee' jo caquíu' Jesús ta~ quía~ i dsea` quía'r~ do jo casí' reiñ' lala:

—Ja' fí' na' jii~ jaang~ lajii~ e cañí' na' e fí' yá' mó' la cartí' mi~ nití' í' e nijí' tu jnea~, dsea` cagá' a fí' ñí' e lín'n jaang~ dsea` jmigüí'.

¹⁰ Jo mi~ cangí jo, cajmingí' i dsea` quía~ Jesús do cajmingí'r~ dsea` do jo cajíñ'~:

—Fí'naa', ¿jialí' fé' i tifa' quía~ júu^ quíu' ta~ quí' i' dsea` Israel e Líí'bing' i nijáa' ní'f' gui?

11 Joba' cañí' Jesús quiáin' do lala:

—E jáb' e Lí'bing' i nijáa' nifí', jo í'bing' i niguiá' guiá' lajalé'.

12 Jo dsu' jnea' gui fí' i 'nú' e nicajáb' Lí', dsu' ja' calijí' dsea' ír', jo cajméeb' dsea' la tí' e já' dsír' cóo' dsea' do. Jo lajob jnea' cajo, i dsea' i cagüéng' fí' jmigüí' la e lín'n jaang' dsea' jmigüí', niñim'baa iihu' cajo e nicuó' jaléng' i dsea' í'.

13 Job mi' calilí' i dsea' quiá' Jesús do e dsea' do fé'r' uii' quiá' i Juan i lamí' seáang' dsea' jmí'.

Mi' cajmi'leáang' Jesús jaang' siming' i iuung' i 'ling' dsí'

(Mr. 9:14-29; Lc. 9:37-43)

14 Jo mi' caguiéng' Jesús cóo' i dsea' quiá'r' do fí' lí' teáang' dsea' fíng', jo fí' job cangoquiéng' jaang' dseañu' fí' quini' Jesús jo casí'r' uó' jnir' fí' quini' dsea' do

15 jo casí' reiñ' do lala:

—Fí'i, fí' güilín' jóo'o, co' contøøm' dsea' e joñíin', jo seab' mi' quiñ' fí' ni' j' osi fí' ni' jmí' é, jo dseáng' eáam' íñ' iihu'.

16 Jo nicagajéem' baa'r fí' quini' dsea' quiá', dsu' ja' mí' cali' í' fa' e nicajmi'leáang' neiñ'.

17 Joba' cañí' Jesús jo cajíin':

—Dsíng' ja' já' línng'na' júu' quié'e, jo jmang' fí' gab' iing'na' cá'na'. ¿Jial nité' lí'i e niliseen' cóo' 'nú'? Nijéeng'na' i siming' do fí' la.

18 Jo mi' caguilíin' fí' lí' sing' Jesús, joba' cajíng' dsea' do i 'ling' i iuung' dsí' i siming' do jo lajob cangoquíng' i 'ling' do ladsifí' lana, jo ca'láam' i siming' do.

19 Jo mi' cangí' jo, i dsea' quiá' Jesús do casíin' cóo' dsea' do lajee' la'ó' yaaiñ' jo casí'r' dsea' do lala:

—¿E' uüing' quiá' e ja' cali' jnea' fa' e cajmihuíng'naa' i 'ling' i lamí' iuung' dsí' i siming' do?

20 Joba' cañí' Jesús quiáin' do:

—Co' ja' leáang' já' línng' 'nú' júu' quié'e, jo uí' e joba' e ja' cali'na' cajmee'na' lajo; jo dsu' jnea' jmitaa' óo'na' e fa' capí'ba' já' línng'na' júu' quié'e fa' laco' jii' e tí' cóo' mijú' mostaa', joba' cuøøm' lí' quiu'na' ta' cóo' mó' e nilisíng' ée' quiá' lí' si', jo nidsisíng' 'ña' fí' lí' jíe' faco' lajo. Jo song lajo, joba' doñí' eeb' quí'na' jmí' jmee'na' jóng.

21 Co' la'eáang' cóo' e féng' dsea' Fidié' jogui jmóor' ayuno, quí' jmí' e ni'uóng' i 'ling' lado.

Mi' cajméetü Jesús júu' e nijnga' dsea' quiá'r'

(Mr. 9:30-32; Lc. 9:43-45)

22 Jo mi' cangí' jo, lajee' e ngí' Jesús colíng' cóo' dsea' quiá'r' fí' lí' se' Galilea, lalab cajíin' casí'r' i dsea' quiá'r' do:

—Tí' lí' niguiéeb' í' e jnea', dsea' i cajá' fí' ñifí' e lín'n jaang' dsea' jmigüí', tí' lí' nitén'n fí' jaguó' dsea' jmigüí'

23 jo cartí' nijngám' bre jnea'. Jo dsu' mi' nití' 'ní' jmí' lajo nijíb'túu' calé' catú'.

Jo mi' canúu' i dsea' quiá' Jesús do lajo, joba' dsíng' fí' í' calíin'.

Mi' caquí' Jesús cuu' e catíng' guá'

24 Jo mi' cangí' jo, caguié'tü Jesús fí' Capernaum colíng' cóo' i dsea' quiá'r' do. Jo i dsea' i jmóo' ta' mí' cuu' e catíng' guá' caguilíin' fí' lí' sing' Tú' Simón jo cajmíng'r' dsea' do jo cajíin':

—¿Su ja' quí' tifa' quí' lajii' cuu' e catíng' niquí' fí' guá'?

25 —Quíib' dsea' do e jo —cañí' Tú' Simón.

Jo mi' tí' lí' cali' Tú' Simón fí' dsí' sinúu', cuøøng' Jesúsbi canaaiñ' sí'r' dsea' do jo cajíin':

—Janú', Tú' Simón, ¿jial í' o' cuaiñ' quiá' e júu' la? Jo jee' jaléng' dseata' i quiu' ta' fí' jmigüí' la, ¿i' quiá' jaléng' catíng' nicár' cuu' e 'né' quí' dsea' jogui e cuu' e íng' dsea'? ¿Su quiá' jaléng' dsea' góor' osi quiá' jaléng' dsea' i jalíng' fí' caluub' é?

26 Joba' cañí' Tú^ Simón jo cajíñ'-:

—Mó'^ quiá'- jaléng' dsea` i jalíng- fí caluub`.

Joba' cañí'tu Jesús quiá'- dsea` do jo cajíñ'-:

—Joba' lajii~ e catíng- 'nua, ja` 'né- quiá'^ jii~ coo`.

27 Jo lico' ja` í- dsí' i dsea` do ga` uii~ quiá'^i', gua` fí lí~ née' guiéé', jo güibí' 'máa' quiá'- jo guíng~ i la'uii~ 'ñua` i nilí'; jo fí mo'oo- i 'ñua` í nisicú'^ coo` cuu-, jo cóo'~ jii~ e job nitíng' guiá- quiá'- e nigüiquí'^ quiá'- quiá'- lajii~ cuu- e catí-naa' niquí'^i' quiá'- guá'; joba' quie' e cuu- do jo güiqui~ jóng.

18

¿I' i niing-gui fí quini Fidié'?

(Mr. 9:33-37; Lc. 9:46-48)

1 Jo ie~ job cajo jaléng' dsea` quiá'- Jesús cangoquiéeiñ' fí lí~ sing' dsea` do jo cajmíng' r- lala:

—Fí'naa', ¿i' líng- 'nua` i niing-gui mi~ Fidié' quier' nifí quiá'- dsea` jmigüi'?

2 Joba' Jesús cató' r- jaang' jiuung~ jo casíñ' i jiuung~ do fí guiá'^ jóo' laco' la teáang- i dsea` quiá' r- do

3 jo casí'- reiñ' do lala:

—E jáb'- e fii- i 'nú' e song ja` nijmisíng^na' lajii~ e í óo'na' jogui song ja` ni'uíng-na' laco'gui la líng' jiuung~, joba' ja` nilí'na' jóng e Fidié' nicár' nifí quiá'-na'.

4 Jo lalab fii- i 'nú'; ii' dsea` i ja` jmiféng' 'ñia' jogui ni'uíng-tur laco'gui la líng' i jiuung~ i sing' la, joba' íbing' i niing-gui mi~ Fidié' quier' nifí quiá'- dsea`.

5 Jo ii' dsea` i íng' i dsea` i líng' laco' i jiuung~ la la'eáang' cóo'~ jnea~, joba' güiliñir' guiá- e jneab~ íñ' cajo.

Jial dseáang~ e nijíung' dsea` fí ni~ dsee-

(Mr. 9:42-48; Lc. 17:1-2)

6 Jo fii-gui 'nú' e doñí' ii' dsea` i nijmé- e niténg' fí ni~ dsee- jaang' jiuung~ i nijá'- líng' júu^ quié-e, joba' guiá-gui quiá'- i dsea` í e nidsibíng' 'ñia' r' fí é' jmiñí'^ e guineaang' coo` cuu- 'loo' fí moluur~ e laco' nineáiñ'- cartí uii~.

7 Jo gab' lí' quiá'- jaléng' dsea` jmigüi' e sea` cóo'~ jalé' e jmiróng' yaaiñ~ dsee-, co' cóo'~ jalé' e job e tóñ' fí ni~ dsee-. Jo dsu' e ngi~ fii'b' i dsea` i jmóo' e niténg' dsea` rúñ' fí ni~ dsee-.

8 Joba' fii- i 'nua' e doñí' si guóo' osi tii~ nijmé- e nitén' fí ni~ dsee-, joba' jmeáang-gui quiá'- e niquí'ba' jo nigüibi' cartí lí~ huíí^ . Co' guiá-gui quiá'- e niguøn'^ fí lí~ guiá- e ja` sea` guóo' osi tii~ é e laco'gui niguøn'^ e la'ieb' guotii~ fí lí~ coo' jì e ja` tóo' jmi~ yu'.

9 Jogui song jminí'^ nijmé- e nitén' fí ni~ dsee-, joba' jmeáang-gui quiá'- e nigüí'ba' jo nigüibi' cartí lí~ huíí^ . Co' guiá-gui quiá'- e niguøn'^ fí lí~ guiá- e coo' jminí'^ e laco'gui niguøn'^ cóo'~ lajì tú- jminí'^ fí lí~ coo' jì e ja` tóo' jmi~ yu'.

Coo' júu^ já'- e lafa' júu^ cuento quiá'- jaang' jo'se' i sí'ling^

(Lc. 15:3-7)

10 Joba' fii-gui 'nú' e ja` jmi'uóng^na' jii~ jaang' i jiuung~ na. Co' jnea~ fii- i 'nú' e fí ñifb- seeng' ángeles quiá' r- i neáang' colíng~ cóo'~ Tiquié' e dsea` guíng~ fí jo.

11 Co' jnea~, i dsea` i cajá- fí ñifí- e lín'n jaang' dsea` jmigüi', cagá-a e laco' nilaan- jaléng' dsea` i sí'ling^ uii~ dsee- quiá' r-.

12 Jogui ¿jial líng- 'nú' e júu^ la? Facó' jaang' dsea` áaiñ' cien jo'se', jo calíngíiñ~ e cango'íng' jaang' i jo'se' do quiá' r- fí jee~ mó', ¿su ja` nitiúung- tear i noventa y nueve do cateá lajee~ nidsér- e nidsi'neíñ' i jaang' i cango'íng' do quiá' r-?

13 Jo song cadséiñ' í, joba' eáang'gui nilí'íáang' dsíir' uii~ quiá'- i jo'se' i cadséiñ' do laco'gui quiá'- i noventa y nueve i caseáiñ' do.

14 Jò lajòb cajo, cò' Tiquí'ii' dsea` guing` ñifí` ja` iin` fa' e nidsi'ling' jíí' jaang` i` jiuung` na.

Jial 'né- íng- dsea` dsee- quía'- jaang` dsea` rúin'
(Lc. 17:3)

15 Jò fíi`guíi` 'nú', song jaang` dsea` rúng`na' caling`iiñ` e cajmeáiñ` 'nú' ga, jòba' guíá`gui e siing`na' røð` lajee` cò` gáng`na', jò nifí`na're e` uing` quía'- e cajméer` e ga` do quíi`na'. Jò song canááb` júuin` quía'- lajíí' e cajméer` do, jòba' røð` niliseeng`tu` cóo`r`.

16 Jogui` dsu' song ja` ni'í` júuin` lajíí' e nifí`re do, jòba' nitó`na' jóng`gáng` gaang` dsea` jiéng` i` tíi` ni` i` nija`- júu` røð` quía'- lajíí' e nisíng`na' do.

17 Jogui` song la lím`bre líiñ` e ja` ni'í` júuin` cóo` i` dsea` í, jòba' cóo` dsea` quía'- Dsea` Jmáam` 'né` ngíng` e júu` jò. Jogui` song o' cóo` dsea` í` ni'í` júuin`, jòba' 'né` e nita` óó`na' e i` dsea` í` ja` cuiñ` Fidié` jogui` líiñ` laco` jaang` dsea` i` jmóo` ta` mí` cuu` e catíng` dseata` guing` fí` Roma.

18 Jòba' jnea` jmitaa` óó`na' e jalé' e ja` nicuó`na' fí` jee` jaléng` dsea` quíe` e fí` jmigüí` la, ja` nicuó` Fidié` fí` fí` ñifí` cajo. Jogui` lajalé' e nicuó`na' fí` jee` jaléng` dsea` quíe` e fí` jmigüí` la, jòba' nicuó`b` Fidié` fí` cajo.

19 'Lalab` fíi`guíi` 'nú' cajo, fa' gám` 'nú' fí` jmigüí` la nisíng`na' røð` quía'- lajíí' e nimí`na' Fidié`, jòba' Tiquíe` dsea` guing` ñifí` nicuó`bre 'nú' lajíí' e nimí`na' r do.

20 Cofa' gáng` osi` gaang` dsea` siseáiñ` e jnea` quíe` nifí` quía'r, jòba' dob` seeng` jnea` jee` ír` fí` lí` siseáiñ` do cajo.

21 Jò ie` jò cangoquíeng` Tú` Simón` fí` lí` sing` Jesús` jò cajming`r` dsea` do:

—Fíi', ¿jò' ya' 'né` íin`n dsee` quía'- jaang` dsea` rún`n song cajmeáiñ` jnea` ga? ¿Su jíí' guíe` néeb` jíí'?

22 Jòba' cañíi` Jesús` quía'- Tú` Simón` jò casí`-reiñ`:

—Ja` fíi` i` nu, Tú` Simón, e jíí' guíe` née', cò' cartí` setenta` ya' siete` née' 'né` íin` dsee` quía'- i` dsea` rún` do song lí` 'né` lajò.

Coo` júu`já'- e lafa` júu` cuento quía'- jaang` dsea` 'léeng'

23 Jò cajíng`gui` Jesús` casí`r` i` dsea` quía'r` do e júu` la:

—Jò mí` Fidié` quíer` nifí` quía'- dsea`, líi` laco' mí` jaang` dseata` dsea` féng` i` niseeng` dsea` 'léeng` i` nirøng` quía'r`. Jò mí` catí` í' e camí` i` dseata` do cuu` quía'r` lajíí' e nirøng` i` dsea` 'léeng` quía'r` do,

24 jòba' i` dseata` dsea` féng` do cató`r` jaléng` i` dsea` 'léeng` i` nirøng` quía'r` do e laco' nidsicóoiñ` do lajíí' e røðíñ`. Jò la`uui` cató`r` i` dsea` 'léeng` i` nirøng` jmigui` cuu` quía'r`.

25 Jò cò' ja` ee` cuu` sea`gui` quía'- i` dsea` 'léeng` do fa' e nija`r` i` fíir` do, jòba' i` fíir` do caqui`r` ta` e nidsi`nám` i` dsea` 'léeng` do colíng` cóo` dseamí` quía'r` cóo`gui` jaléng` jóor` cóo`gui` lajalé' e sea` quía'r` e laco' niquí`r` lajíí' e røðíñ` do.

26 Jò dsu' i` dsea` 'léeng` do dsifí` lanab` casí`r` uó` jnir` fí` quini` i` fíir` do jò camí`r` dsea` do jmí`ee` jò casí`r` dsea` do lala: “Fíi', míi` i` jmí`ee` 'nu` e nijméé` féng` a' uii` quíe` e e ja` mí` seeng` quíe` e lana e cuu` e røðn` quíi`, dsu' niquí`baa` lajalé' e røðn` do quíi` mí` niliseeng` quíe` e.”

27 Jò i` fíi` do calí`b` fíi` líiñ` i` dsea` 'léeng` i` røðng` quía'r` do, jòba' jò` camí`guir` cuu` quía'r` jò caleám`breiñ` do cóo` júu` røð`.

28 Jò cangám` i` dsea` 'léeng` do, jò lajee` ngaiñ` guía` fib` mí` cajíñ` jaang`gui` dsea` 'léeng` rúin` la'ó` røð` nijmóor` ta` quía'- fíir`, jò i` dseañu` í` nirøng` capi` cuu` quía'r`. Jò casam`bre` dsea` do jò canaaiñ` güi`r` luuiñ` jò casí`r` dsea` do lala: “¿Quí` quíe` e lajíí' e røðn`!”

29 Jo i dsea`'léeng` rúin` do casí`r` uó` jnir` fí` quiniñ` do jo camí`r` dsea` do jmi`ee` jo casí`r` lala: "Fa' nijmée`ba' féng` o' e røømbáí` cateá' quí`', dsu' niquí`baa lajalé` mi` niliseeng` quié`e."

30 Jo dsu' i dsea`'léeng` i cajmi`øø` cuu` do jo` e canáa` júuin` jíí` coo, jo 'nañib` cangojéiñ` i dsea`'léeng` rúin` i carøøng` quiá`r` do cartí` caquíin` do e cuu` do.

31 Jo mi` caliñí` i dsea`'léeng` rúin` i caguiaang` gui do e júu` jo, joba' cangosí`bre fir` lajíí` e cajmeáng` i dsea`'léeng` rúin` i jaang`gui do.

32 Jo ée` jo iing` i fir` do mi` caliñir` e júu` jo, joba' caquiur` ta` e calitéb` i dsea` i ca`lée` do jo lalab casí`reiñ` do: "¡'Ná` lin` jaang` dsea`'léeng` i soo` dsí`! Jo jnea` jo` camí` i lajíí` e røøñ` quié` e do dsu' uíí` e camí` jnea` jmi`ee`."

33 Jo lajob catíng` fa' mi` cajmee` cóo` i dseañu` rún` do mi` camí`r` 'na` jmi`ee` lí` laco`gui cajmé` jnea` cóo` 'na`."

34 Jo dseáng` la huím` eáang` caliguíng` i dsea` fií` do quiá` i dsea`'léeng` quiá`r` i cajmée` ga` do co' jí`gui cartí` caquiur` ta` e cangúin` do ihuú` cartí` caquíur` lajíí` e røøñ` do.

35 Jo cajíng` gui Jesús casí`r` jaléng` i dsea` quiá`r` do:

—Lanab cajo nijmé` Tiquié` e dsea` guíng` ñifí` cóo` jaléng` 'nú` song ja` ni`íng` na` dsee` dseáng` lajang` uii` quiá` jaang` dsea` rúng` na`.

19

Mi` ca'e` Jesús quiá` mi` tiúung` dsea` rúin`

(Mr. 10:1-12; Lc. 16:18)

1 Jo mi` cangí` e cajíng` Jesús jalé` e júu` na, jo cagüi`há`bre fí` lí` se' Galilea jo caguié` tur fí` lí` se' Judea e née` lí` 'ngóo` cataang` laco` iu` gua` Jordán.

2 Jo i 'leáam` dsea` ngolíng` laco` ngóor, jogui cajmi`leáam`bre jaléng` dsea` dsée` ie` jo.

3 Jo lajee` táang` Jesús fí` jo, cangoquiéeng` fí` lí` siñ` coo` tú` míng` dsea` Israel i líng` dsea` fariseo e lico` iin` do e niténg` dsea` do fí` ni` dsee`, joba' cajmíng`r` dsea` do lala:

—¿Su cuøøm` quiá` jaang` dseañu` e nitiúuin` dseamí` quiá`r` fíng` lí` doñí` ee` ca` jmi`quíng` jia dsí` rúin`?

4 Joba' cañí` Jesús quiá` i dsea` fariseo do lala:

—Nica`íb` 'nú` fí` ni` jì` quiá` Fidié` lí` fé` lala: "Jíí` latí` mi` uíng` cajmeáng` Fidié` dseañu` jogui dseamí`."

5 Jogui fé` cajo: "Uíí` e cúng` dseañu` guóor, joba' 'naaiñ` quiá` tiquiá` niquiá`r` e laco` niliseeiñ` colíng` cóo` dseamí` quiá`r`, jo lajoba' lafa' jaam`bre ni`uíin` lajee` lají` huáiin` do."

6 Jo lajob fí` i 'nú`, jo tí`guir` gáin`, co' lafa' jaam`bre nica`uíin`. Co' Fidié`bing` caguia` uíng` e cúng` dsea` guóor, joba' jo` cuøøng` fa' e nitiúung` gui dsea` rúin` mi` cangí`gui e cacúin` guóor.

7 Jo cajmíng` tu` i dsea` fariseo do Jesús:

—Jo ¿jali` caquiur` Moi` ta` e cuøøm` tiúung` dsea` rúin` song caráang` coo` mají` lí` fé` lajo, jo lajoba' dseáng` e cuøøng` e tiúung` i dseañu` do dseamí` quiá`r`?

8 Jo cañí` tu` Jesús quiáiñ` do:

—Jo i Moi` do cacuør` fí` e catiúung` na` dseamí` quí`na` dsu' uíí` e 'nú` dseáng` e eám` ue` óo`na`. Co' jíí` latí` mi` uíng` ja` lajo cali`iing` Fidié` e nilí`.

9 Jo jnea` gui fí` i 'nú` e doñí` i` i tiúung` dseamí` quiá` e jíí` ja` ca`lée` i dseamí` quiá`r` do e güiñ` cóo` dseañu` jiéng`, jogui e nicúng` tur guóor cóo` jaang`gui dseamí` jiéng`, joba' dseeb` eer` jóng` fí` quini` Fidié`.

10 Jogui i dsea` quiá` Jesús do casí`r` dsea` do lala:

—Song lajob lí' quiá'- jaléng' dseañu' cóo'~gui dseamî quiá'r-, joba' guiá'-gui líng'- jnea' e ja' nicúin' guóor'.

11 Joba' cañí'tu Jesús quiáin' do:

—Ja' lajñng' dseañu' e ngáin' jalé' e júu' na, có' lajñ' dseañu' e nicangñng' quiá'- Fidié', jñ' í'bing' i ngáng' e jo.

12 Jo jmiguiab' uing' sea' e jmóo' huñng' quiá'- jaléng' dseañu' e ja' cuóong' e nicúin' guóor': có' seem' dseañu' e latí' mi' ngáam' bre ja' si'íin' fa' e nicúin' guóor', jogui seem' bi' cajo e dseañu' rúm' bre nicajmi'léng' ír', jogui seem' bi' i ja' cuó' fí' yaang' fa' e nicúin' guóor' dsu' uí' e Fidié' quie' nifí' quiá'r-. Jo jaléng' dseañu' i quí'~jmñ' nijmé' lajo, joba' güijmé' bre lajo.

Mi' cajmigüeang' Jesús jaléng' jiuung'

(Mr. 10:13-16; Lc. 18:15-17)

13 Jo mi' cangî jo, caguiling' jaléng' dseañu' e jéin' jiuung' quiá'r- fí' lí' sing' Jesús e laco' niquidsí' dseañu' do guóor' fí' yá' mogui' lajaang' lajaang' i jiuung' do jogui e niféin' Fidié' uí' quiáin' do, jo lajoba' niligüeain' do. Jo dsu' i dseañu' quiá'- Jesús do cajníim' bre quiá'- jaléng' sejmi' i jiuung' do jogui cajím' brein' do cajo.

14 Joba' cajíng' Jesús casí'r- i dseañu' quiá'r- do:

—Cuóo' na' fí' jaléng' i jiuung' na güijalíin' fí' la jo ja' jnina' quiá'r-, có' jaléng' dseañu' i líng' laco' i jiuung' la, í'bing' catíng' e Fidié' quie' nifí' quiá'r-.

15 Jo caquidsib' Jesús guóor' fí' yá' mogui' lajaang' lajaang' i jiuung' do, jo ngî jo, cagüi' bre fí' jo.

Mi' casñng' Jesús cóo'~jaang' siming' i sea' cuu'

(Mr. 10:17-31; Lc. 18:18-30)

16 Jo mi' cangî jo, caguie' jaang' siming' fí' lí' sing' Jesús jo cajmingí'r- dseañu' do:

—Tifa' i guiá'- dsí', çe' e guiá'- 'né' jmee' jnea' e laco' nilí' i e niliseen' cøong' cóo'~ Fidié' car' ngongñ' jmñ'?

17 Joba' cañí' Jesús quiá'- i siming' do:

—¿Jialí' jnea' jmingí' cuaiñ' quiá'- jalé' e guiá'-? Có' jaam' i guiúng' seeng' jo jñ' Fidié' bing' líng' lajo. Jo dsu' song' 'nu' gui' iin' e niliseen' cøong' cóo'~ Fidié' car' ngongñ' jmñ', joba' 'né' nijmití' ba' lajalé' júu' quiá' ta' quiá'- Fidié' jóng.

18 Joba' cañí' i siming' do quiá'- Jesús:

—¿E' gui' e júu' 'né' líti' do jóng?

Jo cañí'tu Jesús quiáin' do jo casí'r- lala:

—Lalab lí' jalé' e júu' 'né' líti' do: Ja' jngán' jñ' jaang' dseañu' rún'; jogui ja' 'lee' e nigüin' cóo'~ dseañu' dseamî i o' quí'; jogui ja' jmoo' ñ; o'gui cuó' dseañu' dsee' e ja' uing' sea';

19 jogui jmi'goo' tiquí' cóo'~gui niquí'; jogui jmi'neáan' jaléng' dseañu' rún' lí' laco'gui jmi'neáan' uó'.

20 Joba' cañí'tu i siming' do quiá'- Jesús jo casí'r- dseañu' do:

—Lajib' e júu' e fól' na' nicajmitii'; joba' çe' jñ' e 'né' nijmiti' güí'?

21 Joba' cañí'tu Jesús quiáin' do jo cajíñ'-:

—Song 'nu' iin' e niliguiún' laco' sí' fí' quini' Fidié', joba' guóng' fí' quí' jo güi'ñ' lajalé' e sea' quí', jo jalé' e cuu' e nilí' quiá'- e jo jmee' guié' jee' jaléng' dseañu' tiñíng-, jo lajoguiba' nilí' e nilisea' juguiá' quí' fí' ñifí' fí' lí' guing' Fidié'. Jo mi' ningî jo, nea' cóo'~ jnea' jóng.

22 Jo dsu' mi' canúu' i siming' do jalé' júu' e cajíng' Jesús, joba' fí' íb' cangáin', có' eáam' sea' cuu' quiá'r-.

23 Joba' casí' Jesús i dseañu' quiá'r- do jo cajíñ'- lala:

—Ejá⁻ e fíi⁻ i 'nú⁻ e huim⁻ lí⁻ quiá⁻ jaang⁻ dsea⁻ sea⁻ cuu⁻ e nijáng⁻ 'ñia⁻r' fí⁻ quini⁻ Fidiée⁻ e laco⁻ dsea⁻ do nicá⁻ nifí⁻ quiá⁻r⁻.

²⁴ Jogui fíi⁻ túu⁻ 'nú⁻ calé⁻ catú⁻ e ja⁻gui huñg⁻ quiá⁻ jaang⁻ jó⁻ camello e ningíng⁻ ne⁻ fí⁻ dsí⁻ too⁻ jmini⁻ mocuu⁻ e laco⁻gui jaang⁻ dsea⁻ sea⁻ cuu⁻ nijáng⁻ 'ñia⁻r' fí⁻ quini⁻ Fidiée⁻ e laco⁻ dsea⁻ do nicá⁻ nifí⁻ quiá⁻r⁻.

²⁵ Jo mi⁻ tí⁻ lí⁻ canúu⁻ i dsea⁻ quiá⁻ Jesús do lajo, joba⁻ eáang⁻ guib cangogá⁻ dsí⁻r' jóng, jo canaaiñ⁻ jmingí⁻ rúñ⁻:

—Jo song lajob⁻ lí⁻, joba⁻ ¿i⁻ nilí⁻ nijmé⁻ e nileáiñ⁻ jee⁻ jalé⁻ dsee⁻ quiá⁻r⁻?

²⁶ Jo lico⁻ cajóøm⁻ Jesús i dsea⁻ quiá⁻r⁻ do, jo cañír⁻ quiáiñ⁻ do lala jo cajíñ⁻:

—Jíi⁻ jaang⁻ dsea⁻ jmigüi⁻ quí⁻r⁻ jmí⁻ nileáng⁻ 'ñia⁻r' jee⁻ jalé⁻ dsee⁻ quiá⁻r⁻, co⁻ jíi⁻ Fidiée⁻ bing⁻ quí⁻r⁻ jmí⁻ jmé⁻ lajo.

²⁷ Joba⁻ cañí⁻ Tá⁻ Simón quiá⁻ Jesús jo casí⁻r⁻ dsea⁻ do lala:

—Fí⁻i'i, jnea⁻ nica⁻tá⁻baa⁻ lajalé⁻ e sea⁻ qui⁻naa⁻ jo cóo⁻ 'nub⁻ ningí⁻naa⁻ lana. Joba⁻ ¿e⁻ jíi⁻ e catí⁻naa⁻ ní⁻ling⁻naa⁻?

²⁸ Joba⁻ lalab cañí⁻ Jesús e casí⁻r⁻ i dsea⁻ quiá⁻r⁻ do jo cajíñ⁻:

—E laba⁻ jmitaa⁻ óo⁻na⁻ e mi⁻ nití⁻ í⁻ e nilí⁻mí⁻ tu latøøng⁻ jmigüi⁻, job⁻ mi⁻ nimáang⁻na⁻ jnea⁻, dsea⁻ i cajá⁻ fí⁻ ñifí⁻ e lín⁻n jaang⁻ dsea⁻ jmigüi⁻, e niní⁻i e niquiá⁻ta⁻ fí⁻ ée⁻ lí⁻ niing⁻ jlo⁻ quié⁻ e e sea⁻ fí⁻ ñifí⁻. Jo ie⁻ jo jaléng⁻ 'nú⁻, dsea⁻ líng⁻na⁻ dsea⁻ quié⁻ e, niliseab⁻ cajo guitú⁻ ée⁻ qui⁻na⁻ fí⁻ jo lí⁻ niní⁻na⁻ colíng⁻ cóo⁻ jnea⁻ e laco⁻ niquidsí⁻na⁻ í⁻ quiá⁻ laj⁻ guitú⁻ 'lé⁻ dsea⁻ góo⁻naa⁻ dsea⁻ Israel.

²⁹ Jogui jaléng⁻ dsea⁻ i nilíng⁻ dsea⁻ quié⁻ e, jo uí⁻ e jo nica⁻tár⁻ jalé⁻ 'nur⁻, osi nica⁻naaiñ⁻ quiá⁻ jaléng⁻ rúñ⁻ é, osi nica⁻naaiñ⁻ quiá⁻ tiquiá⁻ niquiá⁻ é, osi quiá⁻ jóo⁻bir é, osi nica⁻tár⁻ uó⁻ quiá⁻r⁻ é, joba⁻ jaléng⁻ í⁻bing⁻ i niíng⁻ cien ya⁻ e jmigui⁻gui e laco⁻ e catár⁻ do jogui niíim⁻bir cajo e niliseeiñ⁻ cøøng⁻ cóo⁻ Fidiée⁻ car⁻ ngongí⁻ jmí⁻.

³⁰ Jo i líng⁻ dsea⁻ i líng⁻ e niíñ⁻ eáang⁻ fí⁻ jmigüi⁻ la, dsu⁻ í⁻bing⁻ jíi⁻ capí⁻ ja⁻ ee⁻ niíñ⁻ mi⁻ nití⁻ e í⁻ jo; jo dsu⁻ i líng⁻ dsea⁻ i líng⁻ e ja⁻ ee⁻ niíñ⁻ jíi⁻ capí⁻ fí⁻ jmigüi⁻ la, joba⁻ í⁻bing⁻ i eáang⁻gui niliniing⁻ mi⁻ nití⁻ e í⁻ jo.

20

Coo⁻ júu⁻ já⁻ e lafa⁻ júu⁻ cuento quiá⁻ dsea⁻ jmóo⁻ ta⁻ quiá⁻ mí⁻ huñg⁻ jó⁻

¹ Jo café⁻gui Jesús coo⁻gui júu⁻ já⁻ e lafa⁻ júu⁻ cuento jo cajíñ⁻ lala:

—Jo mi⁻ Fidiée⁻ quier⁻ nifí⁻ quiá⁻ dsea⁻, lí⁻ laco⁻ mi⁻ jaang⁻ dsea⁻ fí⁻ coo⁻ uó⁻ lí⁻ sijnea⁻ mí⁻ huñg⁻ jó⁻, jo i dsea⁻ í⁻ cagüi⁻ír⁻ coo⁻ ya⁻ e la⁻ee⁻ e cango⁻néeiñ⁻ dsea⁻ 'léng⁻ i nijmé⁻ ta⁻ quiá⁻ e mí⁻ huñg⁻ jó⁻ do.

² Jo casí⁻reiñ⁻ do e niquí⁻bre e 'léeiñ⁻ do quiá⁻ coo⁻ jmí⁻ ta⁻. Jo mi⁻ cangí⁻ jo, casíim⁻breiñ⁻ do fí⁻ jee⁻ ta⁻.

³ Jo i fí⁻ do calé⁻ catú⁻ cagüi⁻ír⁻ fí⁻ jee⁻ 'nú⁻ mi⁻ catí⁻ la ii⁻ ñá⁻ e la⁻ee⁻ jo cangáiñ⁻ jíéng⁻gui dsea⁻ i neáang⁻ jøøng⁻ e ja⁻ ta⁻ jmóor⁻.

⁴ Jo lalab casí⁻r⁻ í⁻: “Song ja⁻ ta⁻ sea⁻ jmée⁻ 'nú⁻, güilíng⁻na⁻ güijmee⁻na⁻ ta⁻ quiá⁻ mí⁻ huñg⁻ jó⁻ quié⁻ e, jo niquí⁻baa⁻ quií⁻na⁻ laco⁻ sí⁻í.” Jo cangolíim⁻ i dsea⁻ do cangojméer⁻ ta⁻.

⁵ Jo mi⁻ catí⁻ guieñí⁻, cagüi⁻íb⁻tu i dsea⁻ fí⁻ do fí⁻ jee⁻ 'nú⁻ e ngojmée⁻guir quijí⁻ dsea⁻ i nijmé⁻ ta⁻ quiá⁻r⁻, jo caléb⁻ catú⁻ cagüi⁻ír⁻ mi⁻ catí⁻ la ii⁻ 'ní⁻ e ca⁻lloo⁻ cajo.

⁶ Jo coob⁻ mi⁻ catí⁻ la ii⁻ 'ñiá⁻ e ca⁻lloo⁻, jo caléb⁻ catú⁻ cagüi⁻ír⁻ jo cangór⁻ fí⁻ 'móo⁻, jo fí⁻ job⁻ cangár⁻ e neáang⁻ jíéng⁻gui dsea⁻ i ja⁻ ta⁻ sea⁻ jmé⁻, joba⁻ cajmingí⁻r⁻ dsea⁻ do: “¿Jialí⁻ ngüñg⁻ 'nú⁻ jmí⁻ quií⁻na⁻ fí⁻ la e ja⁻ ta⁻ jmoo⁻na⁻?”

⁷ Joba⁻ cañí⁻ i dsea⁻ do quiá⁻ i fí⁻ do: “Co⁻ jíi⁻ jaang⁻ dsea⁻ ja⁻ mí⁻ cali⁻neáiñ⁻ jnea⁻ ta⁻.” Joba⁻ cajíng⁻ i fí⁻ do casí⁻reiñ⁻: “Güilíng⁻ 'nú⁻ güijmee⁻na⁻ ta⁻ cajo fí⁻ lí⁻ sea⁻ mí⁻ huñg⁻ jó⁻ quié⁻ e.”

8 Jò mi~ tí lí~ canuu, ì fii~ do caquiur' ta~ ì dsea` née' ni~ dsea` 'léeng' do e nitóø' jaléng' ì dsea` jmóo' ta~ do jò casí'-reiñ' do lala: "Tee~ lajaang' lajaang' ì dsea` 'léeng' na jò quiá' quiár', dsu' la'uii~ ningíng~ ì dsea` ì cangotáang' jee~ ta~ la ìi~ 'ñiá' e ca'lóo~ do jò lajòb cartí' ì cangotáang' la'ee' do."

9 Jò lajòb cajmée' ì dsea` do; jò la'uii~ cangíng' ì dsea` ì cangotáang' la ìi~ 'ñiá' e ca'lóo~, jò lajaang' lajaam' ì dsea` í ca'íñ' e 'léeiñ' quiá'- latøøng~ jmí~.

10 Jò mi~ cató' quiá'- í, jòguiba' cangíng' ì dsea` ì cangotáang' la'ee'gui do, jò ì dsea` í ca'í dsír' e jmiguiá'gui nilí'r' e 'léeiñ'. Jò dsu' o' lajò, cò' røøb' ca'íñ' cóo' ì nifí'gui do cajo.

11 Jò mi~ tí lí~ cangí' e ca'íñ' do e 'léeiñ', jòba' canaiñ' fé'r' ga' uii~ quiá'- ì dsea` fii~ do

12 jò casí'-reiñ' do lala: "Í dsea` 'léeng' quiá'- ì caguilíng~ cøøng'gui na, jíi' cóo' oor~ba' cajmée' ta~; jògui røøb' caquiá' quiá'- dsea` do laco'gui jnea', dsea` cataang'naa' lajee' latøøng~ jmí~ e guiá' iee'."

13 Jò dsu' ì fii~ do cañí' quiá'- jaang' lajee' ì dsea` 'léeng' do jò casí'-reiñ': "Ruu', ofa' jnea~ jmóo' o' jlon'^n cóo' 'nu'. ¿Su ofa' casí'naa' røø' jial tí' 'léeng' dsea' laco' jmí~?"

14 Jòba' fíi~ 'nu' lana, nab róo' e 'léen' jò nicuóøm' guón'. Jò song jnea~gui iin~n quí' quiá'- ì dsea` 'léeng' ì ca'í' cajmée' ta~ cøøng'gui do røø' laco' jíi' e nicaquí' quiá'-,

15 jòba' cuóøm' lí' jmee' e lajò, cò' cuu~ quié~baa e cacuóø~øre do, o' cuu~ quiá'- dsea` jíéng'. ¿Ofa' dsihuim'ba' é dsu' uí' e cajmé~ e e guiá' cóo' ì dsea` í?"

16 Jò cajíng' gui Jesús lala:

—Jò ì líng~ dsea` ì líng~ e niíñ~ eáang' fí' jmigü' la, dsu' í'bing' e jíi' capí' ja' ee' niing~ mi~ nití~ e í' jò. Jò dsu' ì líng~ dsea` ì líng~ e ja' ee' niíñ~ jíi' capí' fí' jmigü' la, jòba' í'bing' ì eáang'gui niliniing~ mí' nití~ e í' jò.

Mí' cajmée' Jesús júu' e catí' 'ní' yá' e tí' lí' nijngám' dsea` ír'

(Mr. 10:32-34; Lc. 18:31-34)

17 Jò cóo' jmí~, lajee' e ní'iuung~ Jesús fí' ngaiñ' fí' Jerusalén, jò cató'r~ ì dsea` guitúung' quiár' do cóo' lico' yaaiñ~ jò casí'-reiñ' do:

18 —Jò lí' laco' jíi' e móo' 'nú' jmí~ na, lana ningóo'naa' fí' Jerusalén, jò fí' jòb lí' nisáng' dsea` jnea~, dsea` ì cajá' fí' ñifí' e lín'n jaang' dsea` jmigü'. Jò nijáiñ' jnea~ fí' jaguó' jaléng' fii~ jmidsea' quiá'- dsea` góo'naa' dsea` Israel cóo'gui jaléng' tifa' ì e' júu' quiá' ta~ qui'naa' cajo. Jò jaléng' ì dsea` íb' ì nicuóø' júu' quiá'- e nijúung~ jnea~.

19 Jògui nijáiñ' jnea~ fí' jaguó' jaléng' dsea` ì ja' cuíng' Fidiée', jò jaléng' íb' ì nilóø' quié~e, jògui nijmihuíiñ' jnea~ cajo jò jí'gui cartí' niteáiñ~ jnea~ fí' dse' crúu', jò fí' jòb nijúun~n; dsu' mi~ nití~ 'ní' jmí~ lajò, nijíb'túu calé' catú~.

Lajíi' e camí' niquiá' Tiáa' cóo'gui Juan e camí'r' Jesús

(Mr. 10:35-45)

20 Jò mi~ cangí' jò, ì dseamí' quiá'- jaang' dseañu' ì sii' Zebedeo cajuquíeiñ' fí' lí' sing' Jesús, colíng~ cóo' gáng~ jòor', jaang' ì sii' Tiáa~ jògui jaang' ì sii' Juan, jò lajì' huáiñ' do quiíñ' jee~ dsea' guitúung' quiá'- Jesús, jò casí'r' uó~ jnir~ fí' quiniñ~, cò' iin~ líng~ ee' nimí'-bre dsea` do.

21 Jòba' cajmingí' Jesús ì dseamí' do jò casí'-reiñ':

—¿E~ iin'?

Jòba' cañí' ì dseamí' do quiá'- Jesús jò casí'r~ dsea` do:

—Jíee' o' e nicuóø' fí' e lajì' gáng~ ì jòo' la nigüear' cóo' 'nu' fí' lí' quiá' ta~ mí' nigüing~tu' fí' jò, jò jaaiñ' la nigüear' lí' lí' dsée' jògui jaang'guir lí' lí' tuung~.

22 Jòba' cañí' Jesús quiáiñ' do lala:

—'Nú' jíi' ja' ní'na' lajíi' e mi'na' na. ¿Su líng~na' e nité'na' lajíi' iihuí' e nijaquíéng' quié~ jnea~?

Jòba' cañí' ì jòo' ì dseamí' do jò cajíñ'~:

—Nité' lí'baa'.

23 Jò cañí'tu Jesús quiá'- ì dsea` do:

—E jáb' e 'nú' nimó'ba' iihuí' cajo lí' laco'gui nimoo~ jnea~; jo dsu' e nigüea` dsea lí' lí' dsée' osi lí' lí' tuung~ é laco' guin~n, ja' jnea~ catñ~n e jo fa' e nicuøø~, co' lajii~ dsea i nicaguíng' Tiquié'e, jii~ í'bing' i catíng~ e jo.

²⁴ Jo mi~ tí' lí' canúu~ i dsea` quiá' Jesús i guíng~ gui do lajii~ e júu^ jo, joba' caliguim~ bre quiá' i gáng~ do.

²⁵ Jo dsu' Jesús catø'r~ jaléng' i dsea` guitúung` do quiá'r~ jo casí'r~ lala:

—Niñib^ 'nú' guiá~ e jee~ jaléng' dsea i ja` cuíng` Fidié~ seeng` jaléng' dseata~ i quiu' ta~ quiá' jaléng' dsea, jo jaléng' i dsea i quiu' ta~ do eám' sili'r' cóo~ e ta~ líiñ' do. Jo lajob lí' cajo cóo~ jaléng' dseata~ dsea` féng' i quie' nifi' quiá' jaléng' dsea, co' laguidseam^ quiu'r' ta~ quiáñ' do.

²⁶ Jo dsu' ja` cuøøng` e nidsijéé' lajo jee~ 'nú', co' ii~ i iing~ i nicá' nifi' jee~ 'nú', í'bing' i 'né~ nijmé~ ta~ jmicóo~ quiá' i caguiaang~ gui.

²⁷ Jogui ii~ i iing~ i nijmé~ e niing~ guir jee~ 'nú', í'bing' i 'né~ jmé~ jalé' ta~ huí' jee~ jaléng' i caguiaang~ gui e ja' jmiféng' 'ñia'r'.

²⁸ Jo lajob 'né~ jmér~, co' lajob ta~ cagá~ jnea~ cajo, jnea~ dsea` cagá~ a fi' ñifi~ e lín'n jaang` dsea` jmigüí'. Co' jnea~ ja` cagá~ a fa' e jmoo` dsea` ta~ fi' quini~, co' jnea~ cagá~ a e laco' nijmicóo~ jaléng' dsea` jmigüí' jogui e nijáng' 'ñiá'a e nijúun~n e laco' nileáng` fíng' dsea` jmigüí' jee~ jalé' dsee~ quiá'r~.

Mi~ cajmi'leáng~ Jesús gáng~ dsea` tiuung~

(Mr. 10:46-52; Lc. 18:35-43)

²⁹ Jo mi~ cangí jo, mi~ tí' lí' ca'uøøng` Jesús cóo~ jaléng' dsea` quiá'r~ fi' Jericó, eám' cango'leáng' dsea` laco' ngóor'.

³⁰ Jo lajee` laco' teáaiñ' fi' lado, coob` mi~ cangíiñ' lí' neáng` gáng~ dsea` tiuung~ i neáng' 'ni' fi'. Jo mi~ tí' lí' calilí' i dsea` tiuung~ do e cangíng` Jesús fi' jo, joba' ca'áiñ' dsea` do lala:

—iFí'ii', siju` dseata~ Daví', fñ~ güilín' jnea'^!

³¹ Jo dsu' jaléng' i dsea` i ngolíng~ cóo~ Jesús do ca'gaam`bre quiáñ' do e laco' jo` áng'guiñ' do dsea` do. Jo dsu' lí' lí' teá'gui canaang` óo` i dsea` tiuung~ do e áñ' dsea` do jo fé'tur lala:

—iFí'ii', siju` dseata~ Daví', fñ~ güilín' jnea'^!

³² Joba' cajeab` Jesús laco' fi' iuiñ~ do jo catø'r~ i dsea` tiuung~ do jo cajming'~ reiñ' do:

—¿E~ iing~na' e nijmee~ e quí~na'?

³³ Joba' cañí' i dsea` tiuung~ do quiá' Jesús lala:

—Fí'ii', ii~naa' e nijméé' e nilijnéb'túu'.

³⁴ Joba' calí~ fñ~ lám~ Jesús i dsea` tiuung~ do jo lico' cagüi'r' jmini'biñ' do lajaang` lajaañ'. Jo dsifí' lajob ca'láang~ i dsea` tiuung~ do, jo calijné'bre. Jo mi~ cangí jo, cangolíng`bre cóo~ Jesús.

21

Mi~ ca'í~ Jesús fi' jee~ fñ~ Jerusalén

(Mr. 11:1-11; Lc. 19:28-40; Jn. 12 :12-19)

¹ Jo lajee` ná' gui e niguieng' Jesús fi' Jerusalén colíng~ cóo~ jaléng' dsea` i ngí cóo'r~ do, jo caguilíñ~ fi' cóo' fñ~ e sii' Betfagé e néé' quiá' cóo' mó' e sii' Olivos. Jo tí' job caguíng' Jesús gáng~ lajee` i dsea` quiá'r~ do e jéeng'guiñ'

² jo casí'~ reiñ' do lala:

—Güilíng~na' e fi' fñ~ jiu e néé' quini~ na, jo fi' job niguiéng'na' jaang` bú' iee~ i 'ñúung'~ colíng~ cóo~ jaang` yuu` quiáa~re'. Jo síng'~na're' jogui tee~na're' fi' la.

³ Jo song ii~ casí'~ 'nú' jialí' jmoo'na' lana, joba' nifi'~na'r lala: “Lana 'neáng~ fí'ii' i bú' la. Dsu' mi~ níngí jo nijajeam`túure'.”

4 Jò cangojéé e na e laco' caliti~ jii~ laco' júu^ e cajíng'~ jaang` dsea` i café' cuaiñ~ quiá'~ Fidiéé` malii~ gui eáang' mi~ cajme'r' lala:

5 Síi'~na' jaléng' dsea` i seeng' fí Sión:

“Lab nijáa' i dseata~ dsea` féng' i quie' nifi' qui'~ii',

jò jaang` dsea` i ja' jmiféng' 'ñiab' líiñ',

jogui guiiñ~ fí mocóo'~ jaang` bú'^ jiuung~.”

6 Jò mi~ cangí jò, cangolíim^ i dsea` gáng~ quiá'~ Jesús do jò cajmiti~bre laco' jii~ ta~ caquiú' dsea` do quiá'r~.

7 Jò cató~bre i bú'^ iee' do colíing~ cóo'~ yuu` quiáa~re' do fí lí~ sing' Jesús, jò canaaiñ` sífir' sí'r^ fí mocóo'~ i bú'^ jiuung~ do jò mifíing` caguáb` Jesús fí mocóo'~ i jó' do.

8 Jò fíim' dsea` ni'r' jalé' sí'r^ lacuee' guiá'^ fí lí~ cangíng' Jesús; jò i líing~gui dsea` tu'r' guo' 'ma' e tiì jò guiar' fí guiá'^ fí lí~ ningíng~ dsea` do cajo.

9 Jò jaléng' i dsea` i ngolíng~ nifi' cóo'~gui i jalíng~ catí cøøng` óor` lala:

—iMajmiféng'naa' i Joo' dseata~ dsea` féng' Daví'! iJogui juguiá~jiu quiá'~ i dsea` i casíng` Fidiéé' fí jmigüí la cuaiñ~ quiá'r'! iJò majmiféng'naa' Fidiéé' dsea` guiiing~ ñif'!

10 Jò mi~ tí lí~ ca'í~ Jesús fí dsí' fí Jerusalén, lajím' dsea` canaaiñ` ta'r' mii~ jò jmíng'~ rúíñ':

—¿I~gui i dsea` na?

11 Jò i líing~ i dsea` do ngíir`:

—Mó'^ Jesús i dsea` i fé' cuaiñ~ quiá'~ Fidiéeb` na, i nabi i seeng' fí Nazaret do fí lí~ se' Galilea.

Mi~ ca'uøøng` Jesús jaléng' dsea` i jmóo' ta' 'nú' fí dsí' guá'~

(Mr. 11:15-19; Lc. 19:45-48; Jn. 2:13-22)

12 Jò mi~ cangí jò, jò cangó~ Jesús fí dsí' guá'~ fé' quiá'~ dsea` góor` dsea` Israel e si' fí Jerusalén do. Jò mi~ cangár~ e lafa' 'móob' lí' e fí jò, co' teáang'~ dsea` ta' 'nú' jogui ta~ láa', jòba' cajmiquím'~ dsí' Jesús mi~ cangár~ lajò, jò canaaiñ` jíim'bre jalé' mes~ quiá'~ i dsea` i jmóo' ta' jmísing~ cuu~ jogui jalé' 'masii~ quiá'~ i dsea` i jmóo' ta' 'níng' jaléng' mee~.

13 Jò cajíñ'~ casí'r~ jaléng' i dsea` do lala:

—Lalab fé' Fidiéé' fí ni~ jì quiá'r~: “E 'nuu~ la nilisii' 'núu' lí~ nisíng~ dsea` cóo'~ jnea~”; jò dsu' 'nú' nicajmi'uíng^na' coo' 'núu' lí~ teáang'~ jaléng' ií.

14 Jò lajee` táang` Jesús e fí dsí' guá'~ do, jòb caguilíng~ jaléng' dsea` tiuung~ cóo'~gui jaléng' dsea` jlúung'~, jò cajmi'leáang~ Jesús jaléng' i dsea` í.

15 Jò mi~ tí lí~ cangá~ jaléng' fii~ jmidsea` quiá'~ dsea` Israel cóo'~gui jaléng' tifa' quiá'~ júu^ quiú' ta~ quiá'r~ lajii'~ e quíi~ Jesús jmíi~ jmóor' e dsigá' dsí' dsea` jogui canúu~guir e óo' jaléng' jiuung~ e fí guá'~ do lala: “iGüijmiféng' jaléng' dsea` jmigüí i Joo' dseata~ dsea` féng' Daví'!”, jòba' jaléng' i dsea` í eáam' caliguiñ~

16 jò casí'r~ Jesús:

—iNuu' lajii'~ e fé' jaléng' i jiuung~ na!

Jòba' cañí' Jesús quiá'ñ' do:

—Núu'baa, jogui ¿su ja' mí ca'í' 'nú' lajii'~ e tóo' fí ni~ jì quiá'~ Fidiéé' lí~ fé' lala?:

'Nu', Fidiéé', nicajmee'~

e cóo'~ jalé' e ø' jaléng' jiuung~ cóo'~gui jaléng' yuu` nijmiféiñ' 'nu'.

17 Jò mi~ calí~ casí'~ Jesús i dsea` do lala, jò cagüi'~bre fí fí Jerusalén jò cangó~tur fí coo' fí lí~ sií Betania, jò fí jòb cangongíiñ~ e uøø' jò.

Mi~ caliquiú' coo' 'ma' güiñí'^

(Mr. 11:12-14, 20-26)

18 Jò mi~ cangí jò, coo' e la'ee' lajee' e ni'iuung~ Jesús fí e ningá'ñ' fí Jerusalén, cadseá~ jmi'aaíñ~.

19 Jo cōq` cangá-bre e gui` cōq` 'ma` güñí' ca' fí lana, jo cangoquiéíñ' fí lí gui` do, dsu' cadsé'r e jii' cōq` güñí' ja' íi', dseáng'- yaang` má' quiáb'- dsi'. Joba' lalab casí'r e 'ma` güñí' do:

—Jo nicuó`gui' jii' cōq` güñí' latí' lana!

Jo ladsifí lanab caliquiú` e 'ma` güñí' do.

20 Jo mi` tí' lí' cangá- i dsea` quiá'r- do e calí- lado, joba' eám' cango'gá' dsír' jo cajmingí'r- dsea` do lala:

—Fí'naa', ¿e` uiing` quiá'- e caliquiú` ladsifí' lana e 'ma` güñí' na?

21 Joba' cañí' Jesús quiáíñ'- do:

—E já'- e fí' i 'nú' e song dseáng'- já'- líng'na' e quí' baa jmí~ jmee- lí'- doñí' ee` jo ja` jmitúng- áa'na', jo o' jii' e na niquí' na' jmí~ nijmee- na' jóng lí' laco'gui jii' e cajmé- jnea` cōq` e 'ma` güñí' na. Co' song dseáng'- já'- líng'na' e quí' baa jmí~ jmee- lí'- doñí' ee', joba' cuóom` lí' quiá'na' ta` e mó' si' la e nijéng'- 'ña' lí' si' jo nidsisíng' 'ña' fí' 'ni' jmíñí', joba' lajob nilí' jóng.

22 Joba' fí' i 'nú' lajüing'na' na e mi` fóng'na' Fidié', mí' ba're car` ngocáng` óo'na' jogui já'- líng'na' e quí' b' dsea` do jmí~ nijmér- lí' doñí' ee', joba' nicuó'-bre 'nú' jóng lajii' e mi'na' do.

I` quiá' ta` Jesús e jmóor` jalé' e jmóor`

(Mr. 11:27-33; Lc. 20:1-8)

23 Jo mi` cangí e cajíng'- Jesús lajo, jo ca' í-bre fí' dsí' sinúú` guá'- fé' e er' júu` quiá'- Fidié'. Jo lajee` iuuiñ- fí' job, mi` cangoquiéng` jaléng' fí' jmidsea` quiá'- dsea` góor` dsea` Israel fí' lí' siñ' colüing` cōq` jaléng' dsea` cóong` quiá'r- cajo, jo cajmingí'r- dsea` do lala:

—¿I` i quiá' ta` quií'- e jmoo' jalé' e na? Jo ¿i` i cacuó' 'nu' fí' e cuóong` jmee'- jalé' e na?

24-25 Joba' cañí' Jesús quiáíñ'- do jo casí'-reiñ':

—Jnea` cajo seab` cōq` e nijmingí' i 'nú'. ¿I` casí' quiá'- Juan e niseáiñ- dsea` jmí'? ¿Su Fidié' ofa' dsea` jmigüíb` é? Jo song nijméé' na' jnea` júu` i casí' quiá'r-, joba' nijméé' jnea` 'nú' júu` i` quiá' jnea` ta` e jmóo'o lajalé' e la.

Jo i dsea` do canaaíñ` sáiñ` lajee` la'ó' yaaiñ` jo sí' rúíñ' lala:

—Song nisí' naa'r e Fidiéeb` dsea` casí' quiá'- i Juan do, joba' nijíñ'- nisí'r jneaa`aa': “¿Jialí' ja` já'- calíng'-na' i dsea` í' jóng?”

26 Jo ja` cuóong` nisí' naa'r e dsea` jmigüíb` casí' quiá'- i Juan do, co' fing song casí' naa'r lajo, dseám' fing ee' cajmeáng' dsea` jneaa`aa'; co' lajím` dsea` ñír' e i Juan do café'r' cuaiñ` quiá'- Fidié'.

27 Joba' cañí'r quiá'- Jesús lala:

—Ja` ne` naa' jii' cōq`.

Jogui Jesús casí' túr i dsea` do jo cajíñ'-:

—O'gui jnea` cuóong` jméé' e 'nú' júu` cajo i` i quiá' jnea` ta` e jmóo'o jalé' e la.

Cōq` júu` já'- e lafa' júu` cuento quiá'- gáng- jōq' dsea`

28 Jo cajmingí'- gui Jesús jaléng' i dsea` do lala:

—¿E` í' óo' 'nú' cuaiñ` quiá'- e júu` la? Cōq` néé' nicaliséng` jaang` dseañu', jo i dseañu' í' nicaliséng` gáng- jōq'. Jo cōq` néé' casí'r- i jōq' la'uii' do: “Jōq'o, fa' jgiéé' o' güijméé' cōq` jmí~ ta` fí' lí' sijnea` mí' huüing` j' quí' ii' do.”

29 Joba' cañí' i jōq' do: “iU~, dseáng'- fím'-baa nii'!” Jo dsu' mi` cangí'guijia lajo, ca' íb- dsír' cangór-.

30 Jo dsu' ngí' jo i jōq' i catí' tú'-gui do casí'- tiquiá'r^ laco' casí'r- i jōq' la'uii' do; joba' i jōq' í' cañí'bre ladsifí' quiá'- tiquiá'r^ jo cajíñ'- e nidsé'-bre. Dsu' mi` ngoyúung' jo ja` cangór-.

31 Joba' cajmingí'- Jesús i dsea` do:

—¿I~ lajee~ laji~ gáng~ i jóor~ do líng~ 'nú' i calinúu~ júu^ quiá~ tiquiá~r^?

Joba' cañíi~ i dsea` do quiá~ Jesús jo cajíi~:

—I jóor~ la'uii~ do, íbing' i calinúu~.

Jo Jesús casí~r~ i dsea` do lala:

—E já~ e fñi~ i 'nú' e jaléng~ i dsea` i jmóo` ta~ mí~ cuu~ e catíng~ dseata~ dsea` féng~ i guing~ fí~ Roma jogui jaléng~ dseamí~ i jmóo` ta~ 'nñng` yaang~, jéeng~guir nijáng~ yaaiñ~ laco'gui 'nú' fí~ jaguó~ Fidiéé~ e laco' dsea` do nicár~ nifi~ quiáiñ~.

³² Co' mi~ cajá~ Juan i caseáng~ dsea` jmíi~ jo ca'e'r~ 'nú' jial niliguiúng~ na' fí~ quini~ Fidiéé~, dsu' ja' já~ calíng~ 'nú' jalé' e jo ie~ jo. Jo dsu' jaléng~ gui i dsea` i jmóo` ta~ mí~ cuu~ cóo~ gui jaléng~ dseamí~ i jmóo` ta~ 'nñng` yaang~ jáb~ calíiñ~ ie~ jo. Jo dsu' 'nú' gui, nañí' fa' cañíi~ ba' jalé' e jo, dsu' ja' caquí~ jíng~ yaang~ na' fí~ quini~ Fidiéé~, jogui dseáng~ ja' já~ calíi~ ba' júu^ quiá~ Fidiéé~.

Coq'gui júu^ já~ e lafa' júu^ cuento quiá~ dsea` léeng~ i soo` dsíi'

(Mr. 12:1-12; Lc. 20:9-19)

³³ Jo mi~ cangí~ jo, cajíng~ gui Jesús e júu^ la:

—Núu~ na', la nifi~ i 'nú' coq'gui júu^ já~ e lafa' júu^ cuento: Coq` née~ jaang~ dseañu' ni'óor~ coq` uó~ jo nicajme'r~ iá~ lacúng~ e uó~ quiá~r~ do, jo cajnír~ mí~ huñng` jó^ fí~ dsíi'. Jo cajmíiñ~ coq` lí~ ni'uó'r~ jmí^, jogui caséer~ coq` 'núu' ñíi' fí~ quiá~ jo e laco' cuóøng` tíi' nir~ fí~ la'úng~ e fí~ ni~ guóo~ uó~ quiá~r~ do lí~ sijnea~ mí~ huñng` jó^.

'Jo mi~ cangí~ guíi~ lajo, ca'náaiñ~ coq` tú~ máng~ dsea` i nijmé~ ta~ uó~ quiá~r~. Jo mi~ cangí~ jo, cagüi'bre cangór~ fí~ lí~ huíi~.

³⁴ Jo mi~ tí~ lí~ catí~ í' e caroo' e mí~ huñng` jó^ do, jo caguiém' i dsea` fi~ uó~ do coq` tú~ máng~ dsea` léeng~ quiá~r~ i cangoquiéé~ lajii~ e catíiñ~ do.

³⁵ Dsu' mi~ tí~ lí~ caguilíng~ i dsea` léeng~ do fí~ lí~ taang~ i dsea` jmóo` ta~ uó~ do, dsíng~ ga` cacóøiñ~ e caquié' i dsea` i jmóo` ta~ uó~ do; i líng~ cacóøng~ cóo~ cuu~, jogui i líng~ gui dseáng~ cajngam'bre.

³⁶ Jo mi~ cangí~ jo, i fñng~ gui dsea` léeng~ caguiéng~ tu i fi~ do laco'gui i caguiéiñ~ lami~ uii~ do. Jo dsu' lajob cajméé~ tu i dsea` i jmóo` ta~ uó~ do, cajmeám~ tur jaléng~ i dsea` léeng~ i caguiéng~ i dsea` fi~ uó~ do.

³⁷ Jo mi~ cangí~ jo, jóo'gui i dsea` fi~ uó~ do caguiéiñ~, co' ca'í~ dsíir' e ígui~ b' fíng~ nijmi'gó' i dsea` jmóo` ta~ uó~ do.

³⁸ Jo mi~ tí~ lí~ cangáng~ i dsea` jmóo` ta~ uó~ do i jóo' i dsea` fi~ uó~ do jo canaaiñ~ síiñ~ lajee~ yaaiñ~: "I síming~ nabíng~ i nijmé~ guiáa' e uó~ la mi~ tí~ lí~ nijúung~ tiquiá~r~; majngáang~ naa're lajminá~, jo jneaa~aa' nilí'naa' nijééé' cóo~ e uó~ la."

³⁹ Jo røøb~ casíng~ i dsea` jmóo` ta~ uó~ do e nijmér~ lajo, jo cangojééiñ~ i síming~ do catí' 'ni' guiee~ lí~ sijnea~ e mí~ huñng` jó^ do jo fí~ job cajngang~ neiñ~ do.

⁴⁰ Jo cajíng~ gui Jesús casí~r~ i dsea` do:

—Joba' fñi~ i 'nú' e mi~ niguiéé' i fi~ uó~ do, ¿e~ líng~ 'nú' e nijmeáiñ~ i dsea` jmóo` ta~ uó~ i ca'lée' do?

⁴¹ Joba' cañíi~ i dsea` do:

—E nijngám~ i fi~ uó~ do lajaléng~ i dsea` jmóo` ta~ uó~ do, jogui dsea` jiem~ nitáiñ~ i nijmé~ ta~ e uó~ do lali~ i lí' dsíir~ i nija~ lajii~ e catíiñ~ quiá~ e niró~ do quiá~r~.

⁴² Joba' cañíi~ Jesús quiá~ i dsea` do:

—¿Su ja' mí~ ca'í' 'nú' fí~ ni~ jì~ quiá~ Fidiéé~ lí~ fé' lala?

E cuu~ e ja' calíi~ dsea` jmigüi~ quiá~ tí~ fñi~ quiá~ 'nur~, lanagui dseáng~ cuu~ laniim~ nica'uíng~ quiá~ 'núu'.

Jo 'ñiab' Fíi'naa' dsea` cajméer~ e la,

joba' dseáng~ eám' dsi'gó' dsi'naa' lana.

43 Jo uí~ joba' fíi~ i 'nú' jmi~ na e nigüeáb` lajii~ e sí'í' niñing`na' e Fidié~ nicár` nifí' quíi~na' jo dsea` jiém' niñing` e jo, co' í'bing' já~ niling` jogui ni'é~ røø' fí' quini~ dsea` do.

44 Jogui doñí' ii` dsea` i nititaang` fí' ni~ e cuu~ e jul' na, dseáng'~ túb~ niliñ~; jogui song ii` dsea` cajling` e cuu~ do, dseáng'~ congua'` leeb` niliñ~.

45 Joba' mi~ tí' lí' canú~ i fii~ jmidsea` quía'~ dsea` Israel do cóo'~gui jaléng'` dsea` i líng'` dsea` fariseo lajii~ e júu^ e cajing'~ Jesús do, joba' calilí'r^ e jaléng'` í'bre éeng` dsea` do cóo'~ e júu^ quía'r~ do.

46 Joba' ie~ jo lamí~ iñ~ nisám'bre Jesús, dsu' ja` cateá' dsír' fa' cajméer` lajo, co' fím' dsea` teáng~ i já~ líng` e dsea` do líiñ` jaang` i fé' cuaiñ` quía'~ Fidié~.

22

*Coo' júu^ já~ e lafa' júu^ cuento quía'~ mi~ cung' guó' dsea`
(Lc. 14:15-24)*

1 Jo mi~ cangí' jo, jo cóo'~ júu^ lanab canaang`tu Jesús sí'r` jaléng'` i dsea` do jo casí'~ reiñ':

2 —Jo lalab lí' mi~ Fidié~ quier` nifí' quía'~ dsea`. Co' e jo lí' laco' mi~ jaang` dseata` dsea` féng'` cajméer` cóo' jmi~ fe' quía'~ e nicúng'` guó' jóor'.

3 Jo mi~ tí' lí' niné' guiá~ e jmi~ do, joba' i dseata` do casíiñ` jaléng'` dsea` 'léeng'~ quía'r~ i cangoté'` jaléng'` dsea` simíng` e laco' nidó'r~ colíng`. Dsu' i dsea` simíng` do ja` cali'iiñ` fa' cangoliñ`.

4 Jo mi~ cangí' jo, i jiéng'`gui dsea` 'léeng'~ quía'~ i dseata` do casíiñ` i cangoté'` i dsea` nisimíng` do jo casí'~ reiñ' do jial júu^ nicáñ` do jo cajíñ'~ lala: “Güijméé'~na' júu^ i dsea` nisimíng` do e ninéeb' guiá~ lajaléb' e niquiee~naa', co' nicaquiá'~ ta~ e nicajngam' dsea` güitá^ quie~ e cóo'~gui jaléng'` jó' caguaang~gui i jlo'` úung'~, jo lajib' ninéé' guiá~ lana. Sí'~gor güijaliñ~, co' lana nidsitoo'~ jmi~ quía'~ e nicúng'` guó' jóo'baa.”

5 Dsu' dseáng'~ ja` cajmijib~ i dsea` simíng` do lajii~ júu^ quie' i dsea` 'léeng'~ do. Jo jaaiñ' do cajíñ': “Sí'~go fíi' e ja' lí' nii~ i lana, co' nabi 'né~ nii~ i ni'éé' e uó~ quie~e.” Jo jaang`gui do cajíñ': “Sí'~go fíi' e ja' lí' nii~ i lana, co' nabi 'né~ nijøøø lajii~ e 'nå'baa.”

6 Jogui i dsea` simíng` caguaang~gui do caquiém'bre i dsea` 'léeng'~ quía'~ i dseata` do cartí' cajngam'breiñ' do.

7 Job mi~ caligüing~ i dseata` do e eáang' jo caquiá'r' ta~ 'lée~ quía'r~ e cangojngáam'biñ' do jaléng'` dsea` i ca'lee' do jogui cajíbre fii' góoiñ' do cajo.

8 Jo mi~ cangí' jo, i dseata` dsea` féng'` do casí'r~ i dsea` 'léeng'~ quía'r~ caguaang~gui do jo cajíñ': “Lana ninéé' guiá~ lajii~ jmiñ` e niquiee~naa', dsu' i dsea` i lamí~ sí'í' simíng` do ja` catíiñ` fa' e nijaliñ` e niquiee~naa' colíng` cóo'r~.

9 Jo lanagui fíi~ i 'nú' e güilíng~na' lacaang`jee` 'núu' fí' jalé' fí' e laniing~ jo güite'na' lí' doñí' ii` dsea` i nijíng'na' jee` 'núu' do jo sí'na'r e niquiee~naa' colíng` cóo'r~, co' i dsea` i lamí~ sí'í' simíng` do ja` cali'iiñ` fa' cajaliñ`.”

10 Joba' ca'uøøm` i dsea` 'léeng'~ quía'~ i dseata` dsea` féng'` do e cajmitir~ laco' jii~ ta` caquiá' fii~, jo i fím' i dsea` do cató'r~, do i guiúng~ jogui dogui i soo' dsí'; lifa' dseáng'~ caróm~ dsí' sinúu^ quía'~ i dseata` do e catang'~ jaléng'` i dsea` í'.

11 Jo mi~ tí' lí' calí~ i dseata` do fí' lí' niteáang'~ i dsea` fíng' do, job cangáñ~ jaang` dseañu' i niquíng'~ jee~ do i ja` qui' sí' laco' catíng~ quía'~ mi~ tí' jmi~ e cung' guó' dsea`.

12 Joba' i dseata` do casí'r~ i dsea` í': “Ruu', ¿jial calí' o' ca'u' fí' la ja'gui sí' quíi~ quía'~ lí' cung' guó' dsea'?” Jo tiib~ caje' i dsea` i ja` quie' sí' laco' sí'í' do.

13 Joba' i dseata` do casí'r~ jaléng'` i dsea` 'léeng'~ i guía' guiá~ mes~ do: “Ñu'na' guotíi~ i dseañu' na jo güibíng'na'r cartí' lí' nuu` só' fí' caluu~, jo fí' job lí' nijmér~ ta~ qui' jogui ta~ tu` maja~.”

14 Dsuco' tó' Fidié~ i fím' dsea` e nijáng'` yaaiñ` fí' jaguór', lifa' jii~ tú~ 'ní' míng'`bing' i guíñ'.

Mi~ cajmingi' dsea` Jesús cuaiñ~ quiá' e cat#ng- dseata~
(Mr. 12:13-17; Lc. 20:20-26)

15 Jo mi~ cangí e la, caseáng' coo` tú- máng' dsea` Israel i líng' dsea` fariseo jo casíng- tur røø` jial laco' nicuø'r- Jesús dsee- fí quini~ dseata~.

16 Jo casíim`biñ' do fí lí- táang` Jesús coo` tú- máng' dsea` i la'ó' ír` cóo'~gui dsea` quiá'- dseata~ Herodes, jo lalab júu^ quieñ' do quiá'- Jesús jo casí'r-:

—Tifa', ne~baa' guiá- e jmang'- júu^ já'-ba' fón' 'nu' jogui e dseáng'- lajam'^ba' já'- e e' jialco' iing~ Fidiéé' e see~naa'. Jogui ne~bñ' cajo e ja' 'gó' 'nu' cóo'~ jalé' e í dsíí' dsea` osi jalé' e fé' dsea` uii~ quií' é, co' ja' jøø- 'nu' jíí'~ jialco' líng' dsea` lí' caluu'.

17 Joba' ií~naa' nijmingñ'~ñ' 'nu' e~ nifo'^ cuaiñ~ quiá'- e júu^ la: ¿Su 'né- niquí'naa' cuu- e cat#ng- dseata~ i guing~ fí Roma osi ja' 'né- qui'naa' é?

18 Jo dsu' Jesús calilí'bre lajíí'~ e ga' e í dsíí' i dsea` do, joba' cajíñ'- casí'-reiñ':

—i jmicang~ i la 'nú'! ¿Jialí' 'nó'na' e iing~na' niguié'na' jial e ni'n#ng~na' jnea~ fí quini~ dseata~?

19 Ée'~na' jnea~ e cuu- e 'né- niquí' quiá'- i dseata~ do.

Joba' i dsea` fariseo do cacuø'r' dsea` do coo` cuu- lajo.

20 Jogui Jesús casí'-reiñ' do lala:

—¿I~ i táang` fí ni~ e cuu- la jogui jial siir'?

21 Joba' cañí' i dsea` fariseo do quiá'- Jesús:

—Dseata~ dsea` guing~ fí Roma táang` fí na.

Joba' cañí'tu Jesús quiáiñ'- do jo casí'-reiñ':

—Cuøø'~na' dseata~ i guing~ fí Roma lajíí'~ e cat#ng- í, jogui lajobi cajo cuøø'~na' Fidiéé' lajíí'~ e cat#ng- Fidiéé'.

22 Joba' mi~ tí lí- canúuiñ'- do lajo, eám' cangogá' dsír' e jíí' o' ñir' e~ niñí'-guir. Jo cangolíim`bre mi~ cangí lajo, jo 'ñiab' Jesús cajé'guir.

Mi~ cajmingñ' dsea` jial lí' mi~ nijí'tu dsea` calé` catú-
(Mr. 12:18-27; Lc. 20:27-40)

23 Jo 'ñia' ie~ jmñ~ jo caguilíng- coo` tú- máng' dsea` Israel i líng' dsea` saduceo fí lí- táang` Jesús. Jo co' jaléng' i dsea` saduceo do ja' já'- líñ' e jí'tu 'lí~, joba' ca'í dsír' e cangojmingñ'r' Jesús jo casí'r- dsea` do lala:

24 —Tifa', lalab cajíng'- Moi~ malí~gui eéang' e song cajúng- jaang` dseañu' e jíí' ja' jóor' caliséng', joba' i rúng' dsea` ngáang~ cóo' i 'lí~ dob 'né- nicúíñ' guóor' cóo' i dseamf quiá'- i 'lí~ do e laco' niliseeng` jóor' cóo' ír'. Joba' lafa' jóob' i dseañu' la'uii~ do ni'uíng- i jiuung~ i niliseeng` do.

25 Jo lalab calí- jee~ jnea'; coo` née' caliséng` guiáng- dseañu' i la'ó' rúng'. Jo i dseañu' la'uii~ do cacúm' guóor', jo ja' huøø- ngó- cajúm- bre, lifa' jíí' jaang` jóor' ja' caliséng` cóo' i dseamf quiá'r-. Joba' i dseañu' rúíñ' i catí tú- do cacúm'bre guóor' cóo' i dseamf í,

26 jo dsu' lajob calí-tu, cajúm- biñ' do jo ja' jóor' caliséng` cajo. Jo lajob i rúíñ' i catí 'ní do cajo, cacúm'bre guóor' cóo' i dseamf í, dsu' lajobtu ca'uíng- quiá'r-, cajúm- bre e jíí' ja' jóor' caliséng`. Jo lajob calíng- laji' guiáng- i dseañu' do, cajúm- bre e jíí' ja' jóor' caliséng` cóo' i dseamf do.

27 Jo ja' huøø- ngó- jo cajúm- i dseamf do cajo.

28 Joba' jmingñ'~ jnea' 'nu' lana e mi~ nití- í' e nijí'tu dsea`, ¿i~ dseáng'- i dseañu' do lajee~ laji' guiáiñ- nicúng' guóor' cóo' i dseamf do? Co' lajalém'bre cacúíñ' guóor' lajee~ seeíñ' fí jmigü' la.

29 Joba' cañí' Jesús quiáiñ'- do:

—Sijgiéem^ áa' 'nú', co' ja' ñí'na' jial laco' fé' fí ni~ jì' quiá'- Fidiéé', jogui dseáng'- ja' ní'ba' cajo jial tí' 'gøng' dsea` do.

30 Co' ie~ jo, mi~ nití' í' e nijí'tu jaléng' 'líi~, jaléng' dseañu' cóo'gui jaléng' dseamí jo tóo' jmi~ fa' e nicúng'gui guór', dsuco' lafa' ángeles quiá'- Fidié~ i neáang' fí' ñifí~ nilíi~ ie~ jo.

31 Jogui 'nú' jmingí'na' su jí'tu jaléng' dsea mi~ ningí' e júuiñ~, jo ¿su ja' mi' ca'í' 'nú' lí' tóo' lajii' júu' quiá'- Fidié~ e cajíiñ' malíi~gui mi~ café'r' lala?:

32 “Jneab' líi'n Fidié~ quiá'- Abraham cóo'gui quiá'- Isáa' jogui quiá'- Jacóo'.” Joba' fíi' i 'nú' lana e Fidié~ ja' líiñ' Fidié~ quiá'- jaléng' 'líi~, co' Fidié~ quiá'- jaléng' dsea' jib' líiñ'.

33 Jo mi~ tí' lí' canúu' jaléng' i dsea' do lajii' júu' e cajíng' Jesús, joba' dsíng' cango'gá' dsír' jo cangolíim'bre jóng.

E lab júu' quiá' ta' e laniing'gui quiá'- Fidié~
(Mr. 12:28-34)

34 Jo mi~ tí' lí' cangí' e casíng' Jesús cóo' dsea' saduceo, jo caseám' rúng' dsea' fariseo mi~ tí' lí' caliñir' e cateá' lanab cañi' Jesús lajii' júu' e cajmingí' i dsea' saduceo do. Jo i dsea' í' cangolíim'bre fí' lí' táang' Jesús.

35 Jo jaang' lajee' la'ó' ír' i líng' tifa' quiá'- júu' quiá' ta' quiá'- dsea' góor' dsea' Israel e lí' lacó' iñ' e niténg' Jesús fí' ni~ dsee~, joba' cajmingí'r' dsea' do lala:

36 —Tifa', ¿e~ e júu' quiá' ta' quiá'- Fidié~ e niing'gui?

37 Joba' cañi' Jesús quiá'- i dsea' do:

—E lab e júu' e niing'gui do: “Jmi'neáang' Fíi' Fidié~ car' ngocáng' o' jogui cóo' jalé' bí' seeng' jmi'guí' quiá'- jogui cóo' jalé' e í' o'.”

38 Jo e lab e júu' e laniing'gui jogui e la'uii' do cajo jee~ lajalé' júu' quiá' ta~.

39 Jogui e júu' quiá' ta' e catí' tú~ do røb'jiu lí' cóo' e la, jo lalab fé': “Jmi'neáang' jaléng' dsea' rún' lí' lacó'gui jmi'neáan' uø'.”

40 Jo cóo' e tú~ júu' quiá' ta' nab lí' júu' tíi' fíi' quiá'- lajalé' e caguiee'gui júu' quiá' ta' quiá'- Fidié~ jogui lajalé' júu' e ca'e' i dsea' i café' cuaiñ' quiá'- Fidié~ malíi~gui eáang'.

I' dsea' siju' líng' Dsea' Jmáang'
(Mr. 12:35-37; Lc. 20:41-44)

41 Jo lajee' e teám'bi jaléng' i dsea' fariseo fí' do,

42 mi~ cajmingí' Jesús ír' lala:

—Jo ¿e' í' óo' 'nú' cuaiñ' quiá'- i dsea' i sijeeng'na' do i nicá' nifí' quiá'-na' do? ¿jial lacó' jáa' siju'?

Joba' cañi' i dsea' do quiá'- Jesús jo cajíiñ'~:

—Dsea' siju' dseata~ dsea' féng' Daví'b' í'.

43 Joba' cañi' Jesús quiá'iñ' do:

—Jo ¿jial lí' jóng? Co' ie~ lamí' cateáang' dseata~ Daví' fí' jmi'güi' la, cajíiñ' la'eáang' cóo' Jmi'guí' quiá'- Fidié~ e Dsea' Jmáang' líng' Fiir~, co' lalab cajíiñ' ie~ jo:

44 Lalab cajíng' Fidié~ casí'r' Fíi':

“Ní' lí' lí' dsée' lacó' guiin~n

cartí' nijmee~ e e jaléng' dsea' i 'ní' níng' 'nu'

nisí'r' uø~ jnir' fí' quini' e lacó' nijmi'gór' 'nu'.”

45 Jo cajíng'gui Jesús e júu' la:

—Jo song' ñia'bi dseata~ Daví' sí'r' Fíi' i dsea' i sijeeng'na' do i nicá' nifí' quiá'-na' do, joba' ¿jial cuóong' e í' líiñ' dsea' siju' dseata~ Daví' jóng?

46 Jo jaléng' i dsea' i teáang' do ie~ jo jíi' camí' júu' ja' cadsé'r' fa' cañiir' quiá'- Jesús, jo latí' ie~ job jíi' jaang' dsea' fa' cateá'gui dsír' ee' nijmingí'r' dsea' do.

23

Mi~ cajing' Jesúsjalé' e ga'e jmóo`jaléng' dsea`fariseo
(Mr. 12:38-40; Lc. 11:37-54; 20:45-47)

1 Jo mi~ cangî e jo, casí' Jesús jaléng' dsea` i teáang` do ie~ jo cóo'gui jaléng' dsea` quiá'r~ jo cajín' casí'-reñ':

2 —Jaléng' tifa' quiá' júu^ quiu' ta~ quiá' dsea` góo`naa' dsea` Israel cóo'gui jaléng' dsea` góo`naa' i líng' dsea` fariseo óor` ta~ e er' e~ guóng' lajii' júu^ quiu' ta~ quiá' Fidiéé`.

3 Joba' fii' i 'nú', jmee`ba' núu`na' lajii' júu^ quiá'r~ jogui jmiti`ba' lajii' e sí'r' 'nú', jo dsu' jie~ mí jmoo`na' laco'gui la jmóor`, dsuco' i dsea` í ja` jmitir~ lajii' e júu^ quiá'r~ do.

4 Dsuco' i dsea` í lico' tiiñ` jmér` lafa' léé` dsea` cóo' jalé` e jiiñ' e 'né` nijmiti~ dsea` e jii' ja` quí' dsea` jmii` jmitir~, jo dsu' ja` jmicóo'r~ dsea` jii' cóo' camí' niguóor` e laco' niróo` e lee` do.

5 Jo lajii' e jmóor` do lico' iñ` e jøø` jaléng' dsea` jiém'. Jogui tí dsír' e quier' lí tóo` júu^ quiá' Fidiéé` fí guiaquíur' osi fí dse' cuéer' é, jo e jo tóo` cóo' júu^ e liing` guia` laco' jnéeng` huíi`. Jo lacaang` fí dse' sí'r` tí dsír' e i'r' lo' e cuee`.

6 Jo tí dsír' e guár' fí lí jlo'gui fíng dsiliiñ` lacaang` lí tí jmii` osi lí niing`gui é fíng dsiliiñ` fí sinúu` guá' quiá' dsea` góo`naa'.

7 Jogui iñ` e jmi'gó` dsea` ír` mi~ jiiñ' rúñ' jee` 'núu', jogui tí dsír' e fa' jalém' dsea` sí' ír` tifa'.

8 Jo dsu' 'nú' ja` catíng`na' fa' e nisí' dsea` 'nú' tifa', dsuco' jaam` tifa' i dseáng` seeng` quí`na', jogui lajaléng' 'nú' líng`na' laco' rúm'ba'.

9 Jogui 'nú', ja` catíng`na' e nifi`na' tea~ jii' jaang` dsea` fí jmi'güi la, dsuco' jaam` Tiquí'na' i seeng`, jo íb` Fidiéé` i guing` fí ñifi`;

10 o'gui catíng`na' fa' e nisí' dsea` 'nú' fii~, co' jaam` Fii`na' seeng`, jo íb` i dsea` i sijeeng`na' do i nicá` nifi` quí`na'.

11 Jogui song`ii` lajee` la'ó' 'nú' líñ` e niing`guir, joba' í'bing' i 'né` nijmé` ta~ jmicóo' jee` jaléng' 'nú'.

12 Co' doñi`ii` dsea` i jmiféng' 'ña' jee` jaléng' dsea`, joba' i dsea` í eáam` nijgiáaiñ` mi~ nití` í' lajo. Jo doñi`ii` dsea` i ja` jmiféng' 'ña' jee` jaléng' dsea` rúng', joba' í'bing' i eáang`gui niliniing` mi~ nití` í' lajo.

13 'iE ngi` fii`b` 'nú', jaléng' tifa' quiá' júu^ quiu' ta~ quiá' dsea` Israel cóo'gui jaléng' 'nú', dsea` Israel i líng' dsea` fariseo, co' jmang' i jmicaam` 'nú'! Co' jni`ba' fí e laco' dsea` jién' ja` nijáng' yaaiñ` fí jaguó` Fidiéé` e laco' dsea` do nicá` nifi` quiá'r~. Jogui jii' 'nú' ja` jaang` yaang`na' fí jaguó` Fidiéé` o'gui cuø`na' fí jaléng' dsea` i iing` nijmé` lajo.

14 'iE ngi` fii`b` 'nú', jaléng' tifa' quiá' júu^ quiu' ta~ quiá' dsea` Israel cóo'gui jaléng' 'nú', dsea` Israel i líng' dsea` fariseo, co' jmang' i jmicaam` 'nú'! Co' jmoo`na' ii` 'nu` jaléng' dseamí` 'nú' i tiñíng`, jogui jmicaang`na' e ja` lí' lajo, jogui jmoo`na' e cuee` fa' quí`na' mi~ güilíng`na' fí guá'. Jo uí' e lajob` jmoo`na', joba' 'nú'bing' i ga'gui eáang` ní'ng' iihuí` mi~ nití` í' lajo.

15 'iE ngi` fii`b` 'nú', jaléng' tifa' quiá' júu^ quiu' ta~ quiá' dsea` Israel cóo'gui jaléng' 'nú', dsea` Israel i líng' dsea` fariseo, co' jmang' i jmicaam` 'nú'! Co' jmoo`na' ta~ ngi' lacaang` fí ni~ guóo' uø` quí' cóo'gui lacaang` fí ni~ jmiñí' e laco' nilí'na' jaang` dsea` i nidsitáang` cóo' 'nú'. Jogui mi~ tí lí calí`na' i dsea` í, dseáng' lico' síng'guina'r e catíiñ` tú` néé' fí lí 'lí' laco'gui la líng' 'nú' yaang`na'.

16 'iE ngi` fii`b` 'nú', dsea` líng`na' lafa' dsea` tiuung` i jéeng` jaang`gui dsea` tiuung`! Co' 'nú' fó'na' e mi~ jmóo` dsea` promes e éeiñ` guá' fé', ja` 'né` nijmitir` e jo; jo dsu' 'nú' fó'na' e mi~ éeng` dsea` e cunéé` e sea' fí guá' do, joba' dseáng' 'né` e jmiti`bre jóng.

17 'iNú' líng`na' lafa' dsea` tiuung` i ii'! ¿E` e quíng`gui quí`na' eáang` líng`na'? ¿Su cunéé` ofa' e guá' e jmigüeang` e cunéé` dob é?

18 Jogui fó'bi 'nú' cajo e doñi' i dsea' i jmóo' promes e éeiñ' fí nife', ja' catíng' fa' e nijmitir~ lajii' e ca'éeiñ' do. Jo dsu' 'nú' fó'na' e song ca'éeng' dsea' lajii' e tíng' dsea' e cuø'r' Fidié' fí nife', jøba' dseáng' 'né' e nijmiti~bre jóng lajii' e ca'éeiñ' do.

19 'Nú' líng'na' lafa' dsea' tiuung'! ¿E' e quíng'gui quií'na' e éang' líng'na'? ¿Su lajii' e tíng'na' cuø'na' Fidié' fí nife' do ofa' e nife' e lí' ligüeang' dob é?

20 Jo dsu' jnea' gui fá'a e i dsea' i éeng' e nife' do, o' jii' quiá' e jo jmóor' lajo, co' lajob jmóor' cajo quiá' lajalé' e sea' e fí ni' do.

21 Jogui i dsea' i éeng' guá' fé', o' jii' quiá' e guá' do jmóor' lajo, co' lajob jmóor' cajo cóo' Fidié' i seeng' fí jo.

22 Jogui i dsea' i éeng' ñifi', lajob éeiñ' 'ña' Fidié' cajo jogui fí lí' éé' quiá' dsea' do fí jo.

23 'iE ngi' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' cuø'na' Fidié' cóo' lajee' guí' lajii' e catíiñ' quiá' jalé' e ro'na' do fa' jalé' oo' quiá' jmiñi' jogui jalé' e jié', jo dsu' ja' jmiti'na' e júu' quiu' ta' quiá' Fidié' e niing'gui e quiá' jial ni'é' dsea' røø' cóo' dsea' rúñ' jogui jial nilí' fí líng' dsea' jaléng' dsea' rúñ' jogui jial dseáng' nijmitir~ jalé' e iing' Fidié'. Jo jalé' e nab e laniing'gui e 'né' nijmiti'na' lifa' ja' 'naang'na' ca' jalé' e catíng' Fidié' e nicuø'na're do.

24 'Nú'gui líng'na' lafa' dsea' tiuung' i jéeng' jaang'gui dsea' tiuung'! jo tím'ba' ngí'na' jalé' e ú'na' e laco' ja' niníng'na' lu' ping', jo dsu' ním'ba' i jó' féng' i sii' camello!

25 'iE ngi' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' 'nú' lí' i ru' guiá' jalé' cuéé' huí' quiá' jii' lí' caluu', jo dsu' e téé' dsí' do jmang' jalé' e nicajmee'na' i cóo' gui jalé' e lí' óo'na' e sea' fí jmigü'.

26 i tuu' 'nú', dsea' fariseo! Co' la'uii' jang' rúu'na' lí' lí' dsíib' jalé' cuéé' huí' quií'na' do, jo lajoguiba' nijé' tee' fí caluu' cajo.

27 'iE ngi' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' 'nú' líng'na' laco'gui la lí' lí' si'aang' 'lí' e jlo'jiu' tee' lí' caluu', jo dsu' lí' lí' dsí' layaang' móo' 'lí'ba' téé' cóo' gui jalé' e 'lí' e jié'.

28 Jo dseáng' lajob líng' 'nú' cajo, co' guiúm'ba' jnéeng'na' jóøng' dsea' 'nú' lí' caluu', jo dsu' dseáng' lico' jmicaam'ba' cóo' jalé' e fó'na' jogui jmang' e 'lib' í' áa'na'.

29 'iE ngi' fíib' 'nú', jaléng' tifa' quiá' júu' quiu' ta' quiá' dsea' Israel cóo' gui jaléng' 'nú', dsea' Israel i líng' dsea' fariseo, co' jmang' i jmicaam' 'nú'! Co' jmo'na' lí' si'aang' jaléng' dsea' i café' cuaiñ' quiá' Fidié' malii'gui e éang' jogui jmo'na' e silii' jlo' lí' si'aang' jaléng' dsea' i ca'éé' guiá' cóo' Fidié',

30 jogui fó'na' lala: "Facø' jnea' calisé'naa' lajee' e caliséng' 'lí' dsea' áang' quií'naa', jøba' ja' cajmicóo'naa' jóng e cajnga' dsea' quiá' i dsea' i café' cuaiñ' quiá' Fidié' malii'gui e éang' do."

31 Jo cóo' jii' e júu' nab cuø'na' lí' e dsea' sijú'ba' líng' i dsea' i cajngang' i dsea' i café' cuaiñ' quiá' Fidié' malii'gui do.

32 Jo co' lajob lí', jøba' 'nú' jmité'na' náng lajii' e nicanaang' 'lí' dsea' cóøng' quií'na' cajméer'.

33 'iNú' líng'na' jóo' mi' guíng'! ¿Jial nilí'na' e nileáng'na' lajii' iihu' e ni'íng'na' fí lí' 'lí'?

34 Jøba' fíi' 'nú' e jnea' nisín'n jee' 'nú' jaléng' dsea' i fé' cuaiñ' quiá' Fidié' jogui jaléng' dsea' i tíng' e éang' cóo' gui jaléng' dsea' i e' jalé' júu' quiá' dsea' góo'naa' dsea' Israel; lifa' 'nú', nijngám'ba' jogui nitáang'na' fí dse' crúub' i líng' i dsea' í, jogui i líng'guiñ' do nibøøng'na'r fí dsí' sinúu' guá' jogui ni'øøng'na'r fí laco' fí lí' guiliñ'.

³⁵ Jo lajoba' iihuú' e eáam' ni'íng'~na' e jáá' quiá'- Fidiée' uii' quiá'- jalé' jmi'øøng- i dsea' i guiúng- e nicatuú' fí' ni' guóo'~ uó' la. Jo e jo canaang' mi' catuú' jmi' Abel i líng' jaang' dsea' guiúng- fí' quini' Fidiée' jo cartí' mi' catuú' jmi' Zacarías, jóo' jaang' dseañu' i calisí Berequías, co' i dsea' íb' i cajngang' 'nú' cáang' nife' quiá'- siguí' guá'- fé' e si' fí' Jerusalén.

³⁶ Jo dseáng'- e jáb'- e fíi' i 'nú' e i dsea' i seeng' jmi' na, í'bing' i ni'íng' iihuú' uii' quiá'- lajalé' e jo.

*Mi' caqui' Jesús uii' quiá'- dsea' seeng' fí' fí' Jerusalén
(Lc. 13:34-35)*

³⁷ Jo mi' cangí' jo, cajíng'- gui Jesús e júu' la:

—i'fíib' 'nú', dsea' seeng'na' fí' Jerusalén, fíib' 'nú', dsea' seeng'na' fí' Jerusalén! Co' 'nú' i seeng' e fí' fí' lab i cajngang' jaléng' dsea' i café' cuaiñ' quiá'- Fidiée', jogui cuub' casi'lóo'na' cajo jaléng' dsea' i casíng' dsea' do i guía' júu' quiá'r- jee' 'nú'. Jo ja' ñii' jó'gui née' cali'in' n e nito' fíin' 'nú' lí' laco'gui to' fíing' jaang' tui'iee' jaléng' tuyuu' quiáa-re' fí' ná' cuéere', jo dsu' ja' cali'ing'na' lajo.

³⁸ Joba' latí' lana jo' i niliseeng'gui fí' guá'- quíi'na' la.

³⁹ Joba' fíi' i 'nú' e jo' nimáang'gui' jnea' cartí' mi' nifo'na' lala: “Juguiá'- jia quiá'- i dsea' i casíng' Fidiée' fí' jmigüi' la cuaiñ' quiá'r-!”

24

*Mi' cajíng'- Jesús e ni'íng' guá'- fé' e si' fí' Jerusalén
(Mr. 13:1-2; Lc. 21:5-6)*

¹ Jo mi' cangí' jo, mi' tí' lí' cagüi'í' Jesús fí' dsí' sinúu' guá'- jo mifíng' ni'iuuiñ' fí' ngam'bre, mi' tí' lí' cangoquíéeng' i dsea' quiá'r- do fí' lí' ngóor' jo canaaiñ' do jóor- la'úung' e guá'- fé' do.

² Joba' lalab casí'- Jesús i dsea' í':

—¿Su jóø' 'nú' jial'jlo' e guá'- si' na? Jo dsu' e já'-ba' e fíi' i 'nú' e jii' coo' cuu' jo' nijé- sífíng'gui rúng' quiá'- e guá'- e móo'na' si' na lana; co' lajib' ni'íng' jo jii' coo' jo' e nijé-gui.

*Jalé' e lí' mi' tí' lí' ná'-gui e ni'íng' jmigüi'
(Mr. 13:3-23; Lc. 21:7-24; 17:22-24)*

³ Jo mi' cangí' jo, cangób'- Jesús fí' yá' mó' e sii' Olivos colíng' cóo' dsea' quiá'r-. Jo mi' caguiliñ' fí' jo, job caguá' Jesús, jo lajee' job cangoquíéeng' i dsea' quiá'r- do fí' lí' guiiñ' do lí' coo' yaaiñ', jo cajíñ'- casí'r- dsea' do lala:

—Ii'naa' fa' 'nu' nijmée' jnea' júu' ¿lí' nidsijéé' lajalé' e la? ¿E' jalé' e nililí' jéeng'gui mi' tí' lí' ná'-gui niñí'tu' 'nu' fí' jmigüi' la jogui mi' tí' lí' nití' í' e ni'íng' jmigüi'?

⁴ Joba' cañí' Jesús quiá'- i dsea' quiá'r- do jo casí'- reiñ':

—Jii' e laba' fíi' i 'nú'; jmiñíng' óo'na' e jii' jaang' dsea' ja' güijmigóoiñ' 'nú'.

⁵ Co' fíim'bing' i nijalíng' i nijmigóo' jo nijíñ'-: “Jneab' i dsea' i sijeeng'na' do i nicá' nifí' quíi'na'”; jo fíim' dsea' nilí'r' i niligøøng'.

⁶ Jo 'nú' ninúu'na' júu' e sea' 'nii' fí' la fí' na; jo dsu' ja' føøng'na' mi' nití' í' lajo, co' jobi uiiing' jogui co' dseáng'- 'né' e nidsijéeb' lajalé' e jo; dsu' o' ie' jo nití' í' e ni'íng'.

⁷ Co' ie' jo jaléng' dsea' nitíñ' cóo' dsea' rúñ', jogui coo' fíi' nitíng' cóo' coo'gui fíi', jogui nilisea' oo' fí' la fí' na, jogui jmiguiab' lí' nijó' uó' e eáang' cajo.

⁸ Jo jobi lí' uiiim'bi jóng' mi' nimó'na' e nidsijéé' jalé' e iihuú' jo.

⁹ Jo job' mi' nitóor' jaléng' 'nú' e laco' nijmihuúñ' 'nú' cartí' nijngáñ'- 'nú'. Jo ie' jo lajím' dsea' jmigüi' nilí' 'ní' níñ' 'nú' uíi' jnea'.

¹⁰ Jo ie' jo fíim' dsea' nitábre e já'- líiñ' júu' quíé' e jogui nilí' 'ní' níng' rúng' dsea' jogui ni'niñ' lajee' la'ó' rúñ' cajo.

11 Jo fíim' dsea` nijalíin̄ mī tí lí̄ jo e nijmigóor' e fé'r' cuaiñ̄ quiá'- Fidiée', jo fíim' dsea` nilí'r' ī niligøøng'.

12 Jo iē jo dseáng'- jmang'- jalé' e 'li'ba' nijmé- dsea', joba' fíim' dsea` nitá'bre e jmi'neáaiñ̄ jaléng' dsea` rúin̄'.

13 Jo dsu' ī dsea` ī nité' e siñ' teá' fí' guiá- lata~ cóo'~ jnea~, joba' í'bing' ī nileáng' jee~ dsee- quiá'- mī tí lí̄ jo.

14 Jo e júu^ la quiá'- jial quie' Fidiée' nifí' quiá'- dsea` nini'- fí' la'úng- fí' jmigüi' e laco' nilicuú' dsea` e júu^ jo; jo joguib mī nití- í' e ni'íng- jmigüi' jóng.

15 'Jo malíi~ gui eáang' ī dsea` ī café' cuaiñ̄ quiá'- Fidiée' ī calisí Daniel cajme'r' fí' nī jì quiá'r- cuaiñ̄ quiá'- cóo' e 'li' eáang' e nisí' dsea` fí' dsí' guá'- fé' e si' fí' Jerusalén fí' lí' lí' e guá'- güeang'^ quiá'- Fidiée'. Jo mī nimó^na' e jo e fí' lí' güeang'^ quiá'- Fidiée' do -jaléng' 'nú' ī í' e jì la 'né- ningám'ba'-,

16 joba' mī nití- e í' jo, jaléng' dsea` ī neáang' fí' lí' se' Judea güicuú' bre fí' jee~ mó' jóng.

17 Jogui ī dsea` ī dsiing' yá'^ 'nú' mī tí lí̄ jo, ja' güi'í' dsíir' fa' e nijgiáang' guir e laco' nidsi'uøør~ jalé' e sea` quiá'r-.

18 Jogui ī dsea` ī taang' fí' jee~ mó' e jmóor' ta~, joba' ja' güi'í' dsíir' fa' e niqing' guir fí' quiá'r- e faco' dsiquiéer' sír'.

19 Joba' í'íib- eáang' jaléng' dseamí ī quiéeng' yuu' iē jo osi ī jéeng' yuu' ī cu' tú' é!

20 Jo mii'na' Fidiée' e ja' nidsitíng' e ni'uøng'na' e cuú'na' lajee' jii' güi' osi lajee' jmii' e jmi'íng' dsea` góo'na' é;

21 dsuco' iē jo gab' eáang' nilisea' iihuí' e ja' mí' canga' dsea` lajii' mī catiroo' jmigüi' o'gui fa' niní'guir calé' catú- cajo.

22 Jogui faco' Fidiée' nijmér- e nilíi~ eáang' e nidsijéé' jalé' e jo, joba' jii' jaang' jo ī nileáng' gui jóng faco' lajo. Jo dsu' ja' nijmi'íiñ̄ e jo uí' e fí' líiñ̄ jaléng' dsea` quiá'r- ī nicaguíin̄' do.

23 'Jo song iē jo nijmigøøng' dsea` 'nú' jo nijíin̄': "Jøø-, ī lab ī dsea` ī sijeeng'na' do ī nicá' nifí' quií'na'", osi "Jøø-, dob nisiñ̄' é", jo dsu' ja' já'- güilíng'na' jóng.

24 Co' iē jo fíim' dsea` nijalíin̄ jo nijmigóor' e líiñ̄ ī dsea` í, jogui seem'bi ī nijmigóor' e líiñ̄ dsea` ī fé' cuaiñ̄ quiá'- Fidiée' cajo; jogui eáam' nijmér- jalé' e lí' jogui jalé' e qui'r~ jmii' e dsigá' dsí' dsea`. Jo nijmér- lajo e lico' nijmigóo'bre jo quiáb'- jii' nijmigøøiñ̄ la quie'gui ī dsea` ī nicaguíng' Fidiée' do, dsu' ja' lí' jmér- lajo.

25 Jo quie'na' cuente røø' quiá'- jalé' júu^ e nicafá'-a na lana quiá'- jalé' e nidsijéé' cøøng' gui.

26 Joba' iē jo, ja' güiligøøng'na' mī nisi' dsea` 'nú' lala: "Jøø-na', e dob táang' ī dsea` ī sijeeng'na' do fí' nī guóo' uø- quiú'", jo dsu' ja' güilíng'na' fa' e nigüi'néng'na'r; osi nisi'bi dsea` 'nú' lala é: "E lab si'maang' ī dsea` í", jo dsu' ja' já'- güilíng'na' e jo.

27 Dsuco' lí' laco' lí' mī lijí~ güi'ñiá^ e jnéeng' fí' yá' jmigüi' e jøø- dsea' lajiiñ̄, lajob lí' cajo mī nigáa'tu jnea~, dsea' lán'n jaang' dsea' jmigüi' ī já' fí' ñifí'.

28 Co' e já'-ba' fá'a, e jié' lí' ráang' jó' 'lí', fí' job seáng' jaléng' tujlí'.

Jial mī nijáa'tu ī dsea` jmigüi' ī jáa' fí' ñifí'

(Mr. 13:24-37; Lc. 21:25-33; 17:26-30, 34-36)

29 Jo cajíng'- gui Jesús e júu^ la:

-Jo mī tí lí̄ casúung- e iihuí' jo, joba' jo jii' iee' nilisea' gui o'gui sí' cajo fa' nicuø' guir jir~, jogui jaléng' náu' nijjúin̄' cartí' guóo' uø-, jogui Fidiée' nijmér- e niguiá'- jalé' e sea' fí' yá'^ jmigüi'.

30 Jo iē jmii' job mī nilisea' lí' fí' yá' jmigüi' e tí lí̄ nigáa'túu fí' jmigüi' la, jnea~ dsea' lán'n jaang' dsea' jmigüi', jo lajii'm' dsea' seeng' fí' la'úng- fí' jmigüi' niqúir' uí' e 'gó'r', jo joguiba' mī nimáang'na' jnea~, dsea' lán'n jaang' dsea' jmigüi' ī jáa' fí' ñifí', e nigáa'a e niqúin' n jee~ cabøø' jní' cóo' e niing' jii' e 'gøng' quiá'- Fidiée'.

31 J_ogui nisíng⁻ Fidiée[˘] jaléng[˘] ángeles i líng[˘] guotiir⁻ e nijiáuiñ⁻ do teá[˘] lúu[˘] trompé[˘] fí[˘] yá[˘] jmigüü[˘] e laco[˘] lajüing[˘] dsea[˘] jmigüü[˘] i nilíng[˘] dsea[˘] quiá[˘]r⁻ niseáiñ[˘] colíing[˘] mi[˘] nití[˘] e í[˘] jo.

32 Jo cajíng⁻gui Jesús e júu[˘] la:

—Lanagui ni[˘]é[˘]e 'nú[˘] c_oo[˘] júu[˘] quiá[˘]- 'ma[˘] güiñí[˘]: Co[˘] mi[˘] ninaang[˘] iée[˘] jalé[˘] guo[˘] quiá[˘]- , jo mifíng[˘] canaang[˘] e iáb[˘] jalé[˘] má[˘] quiá[˘]- cajo, j_oba[˘] nilí[˘] 'nú[˘] e nijaquíem[˘] jüi[˘] jmí[˘] jóng.

33 J_ogui laj_ob lí[˘] e júu[˘] la cajo, c_o˘ mi[˘] tí[˘] lí[˘] nidsijée[˘] lajalé[˘] e nicafá[˘]-a na, j_oba[˘] niñí[˘]ba[˘] jóng e quiáb[˘]- nijaquíéeng[˘] e nigáa[˘] jnea[˘], dsea[˘] i líng[˘] jaang[˘] dsea[˘] jmigüü[˘] i jáa[˘] fí[˘] ñifí⁻.

34 Co[˘] dseáng⁻ já⁻ba[˘] fá[˘]a e dseáng⁻ nidsijéeb[˘] jalé[˘] e jo nú⁻gui e nijúung⁻ jaléng[˘] dsea[˘] i seeng[˘] lajee[˘] lana.

35 Jo t_oob[˘] jmí[˘] ni[˘]ling⁻ la'úng⁻ yá[˘] jmigüü[˘] c_oo[˘]gui la'úng⁻ guóo[˘] uó⁻, lifa[˘] júu[˘] quié⁻ e ja[˘] t_oo[˘] jmí[˘] fa[˘] e ja[˘] niliti⁻.

36 Jo jüi[˘] jaang[˘] dsea[˘] jmigüü[˘] ñir[˘] e jmí[˘] j_ogui e[˘] oor[˘] e nidsijée[˘] e jo, c_o˘ j_igui jaléng[˘] ángeles quiá[˘]- Fidiée[˘] dsea[˘] guíing[˘] ñifí⁻ ja[˘] ñí[˘] e jo, o[˘]gui jnea[˘] ñii⁻ cajo. Co[˘] dseáng⁻ lajüi[˘] Tiquí[˘]i[˘] dsea[˘] guíing[˘] ñifí⁻, jüi[˘] í[˘]bing[˘] dseáng⁻ ñí[˘] e jo.

37 Jo mi[˘] tí[˘] lí[˘] nití[˘] í[˘] e nigáa[˘]túu[˘] fí[˘] jmigüü[˘] la, jnea[˘] dsea[˘] lín[˘]n jaang[˘] dsea[˘] jmigüü[˘] i jáa[˘] fí[˘] ñifí⁻, nilí[˘] lí[˘] laco[˘]gui calí⁻ ie[˘] lamí[˘] cateáng[˘] Noé[˘] fí[˘] jmigüü[˘] la.

38 Co[˘] ie[˘] jo, lajee[˘] e ná⁻gui e ca[˘]á jmí[˘] fí[˘] la'úng⁻ fí[˘] guóo[˘] uó⁻, í[˘] g_ob[˘] dsea[˘] laco[˘] sí[˘], j_ogui cúñ[˘] guóor[˘] cajo, lí[˘] c_oob[˘] mi[˘] catí[˘] í[˘] e ca[˘]í Noé[˘] fí[˘] dsí[˘] c_oo[˘] móo[˘] e dsée⁻ c_oo[˘] jaléng[˘] dsea[˘] sináú[˘] quiá[˘]r⁻;

39 jo dsu[˘] lajee[˘] e ja[˘] ñiing[˘] dsíib[˘] dsea[˘], mi[˘] catí[˘] í[˘] e ca[˘]á jmí[˘] fí[˘] la'úng⁻ fí[˘] guóo[˘] uó⁻, jo j_ob lí[˘] cajúng⁻ lajaléng[˘] dsea[˘] lí[˘] c_oo[˘] gui'ná[˘] i seeng[˘] fí[˘] jmigüü[˘]. Jo dseáng⁻ laj_ob dseáng⁻ nidsijée[˘] tú[˘] calé[˘] catú⁻ mi[˘] tí[˘] lí[˘] nigáa[˘]túu[˘] fí[˘] jmigüü[˘] la, jnea[˘] dsea[˘] lín[˘]n jaang[˘] dsea[˘] jmigüü[˘] i jáa[˘] fí[˘] ñifí⁻.

40 Co[˘] ie[˘] jo gáng⁻ dsea[˘] taang⁻ jmóo[˘] ta[˘] quiá[˘]- fí[˘] jee[˘] mó[˘]: jo jaaiñ[˘] do nidsém⁻bre, j_ogui jaang[˘]guiñ[˘] do nijé⁻bre.

41 J_ogui laj_ob[˘] cajo gáng⁻ dseam[˘] teáng⁻ ta[˘] dsí[˘]: jo jaaiñ[˘] do nidsém⁻bre, j_ogui i jaang[˘]gui do nijé⁻bre.

42 J_oba[˘] fí[˘] 'nú[˘], ñiing[˘] áa[˘]na contøøng⁻, c_o˘ c_oo[˘] lajee[˘] ja[˘] lí[˘]na[˘], lanab mi[˘] nigüéeng⁻túu.

43 Jo e laba[˘] iin[˘] n e ñí[˘]na[˘], fac_o˘ jaang[˘] dsea[˘] niñir[˘] e í[˘] niguiée[˘] jaang[˘] üi[˘] fí[˘] quiá[˘]r⁻, j_oba[˘] nigüéa[˘]bre e jmóor[˘] í[˘] 'nar[˘], jo ja[˘] nilí[˘] i üi[˘] do fa[˘] ni'uó[˘]r⁻ jalé[˘] e sea[˘] quiá[˘]- i dsea[˘] do.

44 J_oba[˘] laj_ob cajo, dseáng⁻ contøøm⁻ 'né⁻ e siñiim[˘] áa[˘] 'nú[˘]; c_o˘ jüi[˘] lajee[˘] ja[˘] ñiing[˘] áa[˘]na[˘], lanab mi[˘] nigüéeng⁻túu fí[˘] J_migüü[˘] la, jnea[˘] dsea[˘] i jáa[˘] fí[˘] ñifí⁻ e lín[˘]n jaang[˘] dsea[˘] jmigüü[˘].

Jaang[˘] dsea[˘] 'léeng[˘] i guiúng⁻ c_oo[˘]gui jaang[˘]gui dsea[˘] 'léeng[˘] i soo[˘] dsí[˘]

(Lc. 12:41-48)

45 Jo mi[˘] cangí[˘] e jo, cajíng⁻gui Jesús e júu[˘] la:

—Lalab lí[˘] quiá[˘]- jaang[˘] dsea[˘] 'léeng[˘] i náú[˘] jalé[˘] ta[˘] quiú[˘] fí[˘] j_ogui i guiúng⁻ c_oo[˘] jaléng[˘] dsea[˘] 'léeng[˘] rúñ[˘] i caguaang⁻gui. Co[˘] mi[˘] cagüi[˘] i fí[˘] do e nidsér⁻ fí[˘] lí[˘] jié[˘], caguiar[˘] ni[˘] i dsea[˘] 'léeng[˘] i náú[˘] do lajaléng[˘] i seeng[˘] quiá[˘]r⁻ e laco[˘] nicuó[˘]-reiñ[˘] do e nidóñ[˘] mi[˘] nití[˘] í[˘] lajo.

46 J_oba[˘] juguiá⁻ jüi[˘] quiá[˘]- i dsea[˘] 'léeng[˘] i jmóo[˘] ta[˘] laco[˘] catíng⁻ mi[˘] niguieng[˘] fí[˘] e cár[˘] cuente.

47 J_oba[˘] jmí[˘]taa[˘] óo[˘]na[˘] e i fí[˘] do dsíng⁻ guiá⁻ nijmér⁻ jo nicuó[˘]-reiñ[˘] do e nine⁻ niñ[˘] latøøm⁻ sináú[˘] quiá[˘]r⁻ c_oo[˘]gui jalé[˘] e sea[˘] fí[˘] jo.

48 J_ogui dsu[˘] song[˘] i dsea[˘] 'léeng[˘] do lüñ[˘] jaang[˘] dsea[˘] 'léeng[˘] i soo[˘] dsí[˘] jo í[˘] dsí[˘] e ja[˘] mí[˘] guieng[˘] fí[˘] lajee[˘] jo,

49 j_oba[˘] nináiñ[˘] e nijmeáiñ[˘] ga[˘] jaléng[˘] i dsea[˘] 'léeng[˘] rúñ[˘] i caguaang⁻gui do, j_ogui e niseáiñ[˘] rúñ[˘] c_oo[˘] jaléng[˘] dsea[˘] jmóo[˘] ta[˘] í[˘] e laco[˘] ni[˘] nidó[˘]r⁻ colíing[˘],

⁵⁰ jo dsu' coo' lajee' e ja' ñiing' dsír', lanab mi' nití' í' e niguieng'tu i dsea' fiir' do;
⁵¹ joba' i dsea' do iihu'í' nicu'ó'r' i dsea' 'léeng' do, co' nibíim' breiñ' do jee' jaléng' dsea' i jmicaang' e jmóor' jalé' e iing' Fidié' fí' lí' nijmér' ta' qui' jogui ta' t' maja' uí' jalé' iihu'í' e ni'íñ' do.

25

Coo' júu' já' e lafa' júu' cuento quía' guíng' simí'

¹ Jo cajíng' gui Jesús e júu' la:

—Lab nifá' duu jial lí' mi' tí' lí' jo, mi' Fidié' nicár' nifí' quía' dsea' jmigüí'. Co' e jo lí' laco' guíng' simí' i ca'uøøng' quie' jmacó' jì' candíi' e cango'íiñ' dseañu' i cung' guó'.

² Jo dsu' 'ñíing' lajee' i simí' do ñiing' dsír' jogui i 'ñíing' gui do ja' ñiing' dsír'.

³ Joba' i simí' i ja' ñiing' dsí' do ca'uøøm'bre quier' jì' candíi' quía'r' e cango'íiñ' i dseañu' i cung' guó' do, jo dsu' jí' jmicoo' e a' dsí' candíi' quía' bre quier' co' jo quie' guir fa' e seáang' gui;

⁴ Jo dsu' i simí' 'ñíing' i ñiing' dsí' do ca'uøøm'bre cajo e quier' jì' candíi' quía'r' jo lifa' quie' bir coo' sí' gui e co' quier' e a' jmicoo'.

⁵ Jo co' cali'ím' i dsea' cung' guó' do e ja' niguiéiñ', joba' lajim' i simí' do nicaquiáiñ' lajee' jo.

⁶ Jo coob', mi' catí' la ii' guitú' guienáa', jo guicatá' má' lí' caluu' jo guicafé' dsea': "jmiñé' áa'na', co' nab nijang' i dsea' cung' guó' do; jogui ñíling' na' e niñi'íng' na're!"

⁷ Jo lajim' i simí' do caráiñ' jo caguiar' guí' jì' candíi' quía'r' lajaang' lajaaiñ'.

⁸ Joba' i simí' i ja' ñiing' dsí' do casí'r' i simí' i ñiing' dsí' do: "Fa' jgié' óo' 'nú' fa' nijmi'øøng' jia' jnea' jmicoo' quí' na', dsuco' cadseáb' jmicoo' quía' candíi' quí' naa' jo jo iing' nicó'."

⁹ Jo dsu' cañí' i simí' i ñiing' dsí' do: "U~, ja' nijmi'øøng' naa' 'nú' co' ja' nilíng' quí' naa' o' gui quí' na' cajo. Co' guí' gui quí' na' e nigüilíng' na' fí' tien' e nigüileáa' na' e jmicoo' e 'né' na' do."

¹⁰ Jo lajee' cangolíng' i simí' i ja' ñiing' dsí' do fí' tien' e cangoleáar' jmicoo' quía'r', lajee' job mi' caguiéng' i dseañu' i cung' guó' do, jo i simí' i ñiing' dsí' do cangotáam' bre jimí' colíng' cóo' i dsea' cung' guó' do, jo cajní' bre 'nú'.

¹¹ Jo mi'míng' guijia lajo caguilím' tu i simí' i ja' ñiing' dsí' do i cangolíng' fí' tien' do, jo guicatór' caluu' 'nú' jo guicajíñ': "Fí'í'í', fí'í'í', fa' jgié' o' e ná' go 'nú'!"

¹² Jo dsu' guicañí' i dseañu' do jo cajíñ': "E já' ba' e fí' i 'nú', simí', ja' cuín' n' 'nú'."

¹³ Jo cajíng' gui Jesús:

—Jo co' lajob lí', joba' fí' i 'nú' e jmiñiing' áa'na', co' ja' ní' na' e~ jimí' jogui e~ oor' e nigüéeng' jnea~, dsea' lín' n' jaang' dsea' jmigüí' i jáa' fí' ñifí'.

Coo' júu' já' e lafa' júu' cuento quía' dsea' 'léeng' i ca'íng' cuu'

(Lc. 19:11-27)

¹⁴ Jo mi' cangí' jo, cajíng' gui Jesús e júu' la:

—Jo mi' Fidié' quier' nifí' quía' dsea', jo e jo lí' laco' jaang' dseañu' i cagüi'í' cangó' fí' lí' huí'. Jo dsu' lajee' e ná' gui e nigüi'ír' nidsér', jo cató'r' jaléng' i dsea' jmóo' ta' quía'r' do, jo cacuø'reiñ' do cuu' e laco' nijméiñ' do ta' e nilisea' gui e dsí' quía' e cuu' do.

¹⁵ Jo jaang' i dsea' 'léeng' quía'r' do cacuø'r' 'ñiá' mil cuu', jogui jaang' cacuø'r' tú' mil cuu' lajo, jogui i jaang' gui do cacuø'r' coob' mil cuu', jo lajì' gaam'biñ' do cangüiñ' cuu' lí' jialco' jí' bí' seem'bre. Jo ngí' joguiba', cagüi'í' i dseañu' do e cangór' fí' lí' huí'.

¹⁶ Jo i dsea' 'léeng' i cangíng' 'ñiá' mil cuu' do, eám' guí' cajméer' ta' cóo' e cuu' do, jo cali' bre jí' gui 'ñiá' mil lajo.

¹⁷ Lajobi cajo i dsea' 'léeng' i ca'íng' tú' mil e cuu' do cajmée'bre ta' cóo' do, jo cali' bre jí' gui tú' mil e cuu' do cajo.

18 Jò dsu' i dsea`léeng` i cang`ing` cò` mil e cuu` do, cango'mea`bre fí` ná` uó`.

19 Jò mi` cang`gui lajò, caguiém`-tù i fíir` do, jò casí`r` lajaang` lajaang` i dsea`léeng` quiá`r` do e niguiéiñ` do cuente lajii` e nicajméer` cóo` cuu` e cang`iñ` do.

20 Jò la`uii` caguié` i dsea`léeng` i cang`ing` `ñiá` mil e cuu` do, jò cajá`r` fíir` `ñiá`gui mil lajò e calí`r`, jò casí`r` dsea` do: “Fíi, `nua` cacuóø` jnea` `ñiá` mil cuu`, jò nicajmé`baa ta` cóo` e jò, jòba` lana nicalí` i `ñiá`gui mil lajò e dsí`.”

21 Jòba` cañi` i fíir` do: “Nua` jaang` dsea`léeng` i guiúng`, có` cajmee`ba` ta` røø` cóo` lajii` capi`^ cuu` e cang`in`. Jòba` lana jmiguiab` jalé` e sea` quié` e e nicuóø`ø` `nua` e nine`^ ní`, jò lana røøb` nijmi`iáang` dsí`naa` náng`.”

22 Jò jò` huóø` li`h` i dsea`léeng` i ca`ing` tú` mil e cuu` do caguiér` jò casí`r` fíir`: “Fíi, `nua` cacuóø` jnea` tú` mil cuu`, jò cajmé`baa ta` cóo` e jò, jò lana nicalí` i tú`gui mil e cuu` do e dsí`.”

23 Jòba` cañi` i fíir` do: “Nua` jaang` dsea`léeng` i guiúng` cajo, có` tiim`ba` jmée`^ ta` røø` cóo` capi`^ cuu`, jòba` jmiguiab` jalé` e sea` quié` e e nicuóø`ø` `nua` e nine`^ ní`, jò lana røøb` nijmi`iáang` dsí`naa` náng`.”

24 Jò jò` huóø` li`h` guié` i dsea`léeng` jaang`gui do i cang`ing` cò` mil e cuu` do, jò lalab casí`r` fíir`: “Fíi, `ñi`baa guiá` e jaang` dseañu` i ue` dsí` líng` `nua` e lí`^ tiin` sitíin` lajii` ta` cajmée` dsea` jiém`, jogui e ú` có` jalé` ta` jmóo` dsea` jiéng` cajo.

25 Jòba` cafóm`baa `nua`, jò fí` ná` uób` ca`meáa` e cuu` e cacuóø` jnea` do. Jò lana lab quié` e lajii` e cuu` jò.”

26 Jòba` cañi` i fíir` do quiá` i dsea`léeng` quiá`r` do: “Nua` lin` jaang` dsea`léeng` i soo` dsí` jogui i fí`, jò song niñi`ba` guiá` e jnea` sitíin`n lajii` ta` cajmée` dsea` jiéng` jogui e gú` gó`ø` jalé` ta` jmóo` dsea` jiéng`,”

27 jòba` j`jali` ja` ca`í` o` fa` mi` caguite` cuu` quié` e fí` banco? Jòba` mi` cagüean`-n, ca`iim`baa lajii` cuu` quié` e jogui e dsí` quiá` cajo.”

28 Jòba` casí`r` jaléng`gui i dsea` i teáng` do ie` jò, jò cajíin`: “Gui`na` e cò` mil cuu` quiá` i dsea`léeng` fí` na, jò cuóø`na` i dsea`léeng` i quié` gui` mil e cuu` na.

29 Dsaco` i dsea` i sea` quiá`, jmiguiab`guiab` niñiñ` e nilisea`, jòba` lalíim` nilisea` quiá`r`. Jò dsu' i dsea` i ja` sea` quiá`, nigüéab` lajii` e capi`jiu e sea` quiá`r` do.

30 Jogui i dsea`léeng` fí` na guing`na`r fí` caluu` fí` li` nua` só`, jò fí` jòb` niquí`r` jogui nitár` majar` cajo.”

Jial nili` mi` nit`dsi` í` quiá` dsea` jmigüi`

31 Jò cajíng`gui Jesús e júu` la:

—Jò mi` tí` lí` nití` í` e nigáa` jnea`, dsea` lín`n jaang` dsea` jmigüi` i jáa` fí` ñifí`, nigáa`túu dsu' e niquín`n jee` jalé` e jlo`^ e niing` `gøng` quiá` Fidié` jogui colíng` cóo` jaléng` ángeles i líng` guoti` Fidié`, jò joguib` mi` niní` fí` ée` quié` e lí` niing` jlo`^ quiá` Fidié`.

32 Jò lajiiim` dsea` seeng` fí` la`úng` fí` jmigüi` niseáiñ` fí` quinií`, jò jneab` dsea` ni`naan` dsea` jie` fí` lí` catíiñ` lajaang` lajaaiñ` lí` laco`gui la jmóo` jaang` dsea` i jmóo` í` jo`se` mi` `náaiñ` jaléng` jo`se` jee` jaléng` jo`chí`^.

33 Jogui jaléng` i dsea` i líng` lafa` i jo`se` do niguién`-n lí` lí` dsée` laco` guiin`n, jogui jaléng` i dsea` i líng` lafa` i jo`chí`^ do niguién`-n lí` lí` tuung` laco` guiin`n.

34 Jòba` jnea`, dsea` lín`n i dseata` dsea` féng` do, nifíi` jaléng` dsea` i neáng` lí` lí` dsée` laco` guiin`n jò nifá`^a: “Jaléng` `nú`, ñilíng`na` fí` la, có` `nú`bing` i nicajmigüéang` Tiquíé` dsea` guing` ñifí`, jòba` íng`na` lajalé` e catíng`na`, có` lajòb` nisi`íng`na` quiá`r` lajii` latí` mi` caguiar` uing` jmigüi`.

35 Dsaco` lajee` cataan`n cóo` `nú` fí` jmigüi`, mi` cadseá` jmi`aan`, jogui `nú` cacuóø`ba` jnea` e cagóøø; jogui mi` cadseá` jmi`jin`, cacuóø`ba` jnea` jmi` cagú`-u; jogui cang`b` cajo laco` ngí` jaang` dsea` i jáa` fí` caluu`, jò dsu` cacuóø`ba` jnea` lí` cajmi`ín`n.

36 Jōgui cali'né~bái sǐ'ǐ, jō cacuóø'~ba' jnea~; jōgui casá'bái e calidsée'~e, jō cato' fím'ba' jnea~; jōgui ca'ú'bái 'nañí', jō dsu' cagui'ee~ba' jnea~ cajo."

37 Jōba' jaléng' ì dsea`î ì cajmée' jalé' e iing~ Tiquié'e dsea` guing~ ñiff~ nijmingúr lala jō nijíñ': "Fí'ii', çli~ caneeng~naa' 'nu' e jmí'aañ', jō cacuóø'~baa' 'nu' e caquié'? Jōgui çli~ caneeng~naa' 'nu' e jmíjmiñ', jō cacuóø'~baa' 'nu' jmí' e ca'í'?"

38-39 Jōgui çli~ caneeng~naa' 'nu' e lin' lafa' jaang` dsea` ì jaa' fí' caluu~, jō cacuóø'~baa' 'nu' cajo lí~ cajmí'íin'~? Jōgui çli~ caneeng~naa' 'nu' e cali'né'~ sǐ', jō cacuóø'~baa' 'nu' e jō cajo; jōgui e dsée'~ osi e iuun~ fí' 'nañí' é, jō cango'ee~ba' 'nu' cajo?"

40 Jōba' ie~ jō jnea~, dsea` lín'n dseata~ dsea` féng', lalab ningú~ quiá'r~: "E já' e fí'~i 'nú' e lajalé' e cajmicóo'~na' ì dsea` ì líng' lafa' rún'n ì dseáng'~ ja` níng~ jí' capí', jōba' lajaléb' e jō quié'~ jneab~ cajmee~na' cajo."

41 Jōgui jnea` ì líng' dseata~ dsea` féng' do nifí'~i jaléng' ì dsea` ì neáang' lí' lí tuung~ laco' guiin~n: "Do güilíng~ 'nú' lí' do, co' Fidié'~ nicabíim~bre 'nú', jō dob catíng~ 'nú' fí' ní' jì lí' coo' jì e jō` tóo` jmí' yu' fí' lí' nicajme' Fidié'~ lí' catíng~ fí' ì 'líng' colíng~ cóo'~ jaléng' ángeles ì 'líng' quiá'r~ cajo.

42 Co' cadseáb~ jmí'aañ' jnea~ lajee~ cataan~n cóo'~ 'nú' fí' jmígüi' la, jō dsu' ja' cacuóø'~na' jnea~ e cagó'ø; jōgui cadseá~bi jmíjmiñ~ cajo, dsu' 'nú' ja' cacuóø'~na' jnea~ jmí' e cagú'~u;

43 jōgui cangf~bái laco'gui jaang` dsea` ì jaa' fí' caluu~, dsu' 'nú' ja' cacuóø'~na' jnea~ lí~ cajmí'íin'~n; jōgui cali'né~bái sǐ'ǐ, dsu' 'nú' ja' cacuóø'~na' jnea~ sǐ'ǐ; jōgui calidsée'~bái jōgui ca'ú'u 'nañí' cajo, dsu' 'nú' ja' cagui'ee~na' jnea~."

44 Jōba' ì dsea` ì neáang' lí' lí tuung~ do nijmingúr lala: "Fí'ii', çli~ caneeng~naa' 'nu' e cadseá~ jmí'aañ', osi e cadseá~ jmíjmiñ' é, osi e lin' laco' jaang` dsea` ì jaa' fí' caluu~, osi e 'né' sǐ' é, osi e dsée'~ osi e iuun~ fí' 'nañí' bi é, jō ja' cajmicóo'~naa' 'nu'?"

45 Jōba' ie~ jō lalab ningú~ quiá'r~, jnea~ dsea` lín'n dseata~ dsea` féng': "E já' e fí'~i 'nú' e jalé' e ja' cajmí'~na' cóo'~ jaang` dsea` ì líng' lafa' rún'n ì ja` níng~ jí' capí', jōba' lajōb cajo ja' cajmee~na' cóo'~ jnea~."

46 Jōba' jaléng' ì dsea` î fí' lí' 'lib' nidsilíñ' fí' lí' ní'íñ' iihuí' e ja` tóo` jmí' nité'. Jō dsu' jaléng' gui dsea` ì ja' dsee~ røøng' fí' quini' Fidié', í'bing' ì nidsigüea' car' ngongú' jmí' cóo'~ dsea` do fí' ñiff~.

26

Mí' casíng~ jaléng' dsea' jial e nisáñ' Jesús

(Mr. 14:1-2; Lc. 22:1-2; Jn. 11 :45-53)

1 Jō mí' cangf e cajíng' Jesús jalé' e júu' na, lalab casí'r ì dsea` quiá'r do:

2 —Jí' laco' ní' 'nú' e tú~ jmí'ba' 'né' gui e nití' e jmí' Pascua. Jō ie~ jmí' jōb mí' nijáng' dsea` jnea~, dsea` cagá~a fí' ñiff~ e lín'n jaang` dsea` jmígüi', jō niteáñ~ jnea~ fí' dse' crúu' cartí' nijngáñ'~ jnea~.

3 Jō ie~ jōb cajo, jaléng' fí' jmidsea` quiá'~ dsea` Israel cóo'~gui jaléng' dsea` cóøng'~ quiá'r~ caseáng' rúñ' fí' lí' guing~ fí' jmidsea` laniing~ ì sií' Caifás quiá'r ta~,

4 jō casíñ~ cuaiñ~ quiá'~ jial nilí'r e nijmigóøiñ' Jesús e laco' nisáñ' dsea` do jō lajōba' nijngáng'~ neiñ'.

5 Jō dsu' síñ' e iñ~ jmér~ lajō lajee' e o' e jmí' jō, dsuco' jial fíng nitá'~ dsea` mí'~.

Mí' ca'é~ jaang` dseamí' jmí' jmeafí' fí' moguí' Jesús

(Mr. 14:3-9; Jn. 12 :1-8)

6 Jō lajee' jōb cangó~tu Jesús fí' coo' fí' e sií' Betania; jō lajee' táaiñ' fí' jō, dob dsitíñ'~ fí' quiá'~ jaang` dseañ' ì sií' Simón ì nínicalíng~ jmohuí' 'lí' fí' ngúu' táang' lamí' jéeng'gui.

7 Jo lajee˘ guing˘ Jesús fí job mi˘ tí lí cangoquíeng˘ jaang˘ dseam˘ fí lí guini˘, jo quiein˘ do coo˘ sí lí a˘ jmi˘ jmeafi˘ e 'mo'˘ eáng. Jo lajee˘ e guing˘ Jesús gø'bre mi˘ ca'ée˘ i dseam˘ do e jmi˘ jmeafi˘ e quier˘ do fí mogui˘ dsea˘ do.

8 Jo mi˘ tí lí cangá˘ i dsea˘ quía'r˘ do e cajmée˘ i dseam˘ do lajo, eám' caliguiñ˘ jo cajín'˘:

—¿Jialí' jmi'í' i dseam˘ na e jmi˘ jmeafi˘ e 'mo'˘ eáng na?

9 Cofa' mi˘ ja˘ cajméer˘ lana, jmiguiab˘ cuu˘ nicóng˘ na faco' e cango'nii˘, jo e cuu˘ jo nili'íng˘ ta˘ e nilicóo'˘ jia jaléng˘ dsea˘ tiñíng˘.

10 Jo dsuco' Jesús lí'bre lajii˘ e sñng˘ i dsea˘ do, joba' casí' reiñ' do lala:

—¿Jialí' fí' 'nú'˘ leáng˘ i dseam˘ la? Co' coo˘ e guiá'ba' nicajméeiñ' na quie˘ e.

11 Co' contøøm˘ niliseeng˘ jaléng˘ dsea˘ tiñíng˘ jee˘ 'nú', dsu' jnea˘ gui cateá'ba' caga'ee˘ nii˘ fí jee˘ 'nú'.

12 Co' e jmi˘ jmeafi˘ e ca'ée˘ i dseam˘ la fí ngúu' táan˘ lí' lafa' e nicasúuiñ˘ jnea˘ e jmeafi˘ quía'˘ mi˘ ni'ú'˘ fí dsí' tó' ée˘.

13 Co' e já'˘ e fii' i 'nú'˘ e doñí' jie' fí ni˘ guóo'˘ uó' fí jmigüü' lí' niguiá˘ dsea˘ júu˘ quía'˘ jial laang˘ dsea˘ jee˘ jalé' dsee˘ quía'r˘, ninib'˘ júu˘ cajo quía'˘ lajii˘ e cajmée˘ i dseam˘ na cóo'˘ jnea˘, joba' lajob niguiéng˘ dsí' dsea˘ ír˘.

*Mi˘ camí Judas Iscariote cuu˘ e quía'˘ nijáin˘ Jesús
(Mr. 14:10-11; Lc. 22:3-6)*

14 Jo ie˘ jo jaang˘ lajee˘ dsea˘ guitúung˘ quía'˘ Jesús i sii˘ Judas Iscariote cangór˘ fí lí neáng˘ jaléng˘ fí jmidsea˘ quía'˘ dsea˘ góor˘ dsea˘ Israel,

15 jo cangosí' reiñ' do lala:

—¿Jial tí' cuu˘ guiá' óo'na' e nicuó'˘ na' jnea˘ jo nijmee˘ e úung˘ e nijøøn'˘ Jesús fí jaguóo'na'?

Joba' cañí' i fii˘ jmidsea˘ do jial tí' niquir˘ jo cajín'˘:

—Niquí'baa' quí'˘ guigui˘ cutee˘.

16 Jo latí' ie˘ job canaang˘ i Judas do e 'nó'r' jial laco' nicuó'˘ quía'r˘ e nijáin˘ Jesús fí jaguó˘ jaléng˘ i dsea˘ do.

*Mi˘ cagó' Jesús lí' canuu˘ cóo'˘ dsea˘ guitúung˘ quía'r˘
(Mr. 14:12-25; Lc. 22:7-23; Jn. 13 :21-30; 1 Co. 11 :23-26)*

17 Jo ie˘ jmi˘ la'uii˘ quía'˘ e jmi˘ e gø' dsea˘ Israel iní'˘ e ja˘ quie'˘ quieéng˘ do, cangoquíeng˘ i dsea˘ guitúung˘ do fí lí sing'˘ Jesús jo cajming'˘ r˘ dsea˘ do:

—Fí'ii', ¿jie˘ fí lí iing˘ 'nú' e nidsiguiá'naa' guiá' e niquiee˘ ee' colíng˘ e quía'˘ e jmi˘ Pascua?

18 Joba' cañí' dsea˘ do quía'˘ i dsea˘ quía'r˘ do jo casí' reiñ'˘:

—Güilíng˘ na' fí e fii' la, jo mi˘ niguilíng˘ na' fí quía'˘ i dseañu' la, sí'˘ na're lala: “Lalab jíng'˘ Tifa' quí'naa': Nijaquíem' e nití'˘ i' quie˘ e, joba' ngóo' fí sináa' quí'˘ jo fí job lí nijmee˘ e jmi˘ Pascua colíng˘ cóo'˘ jaléng˘ dsea˘ guitúung˘ quie˘ e.”

19 Joba' cajméeb˘ i dsea˘ guitúung˘ do laco' jii'˘ ta˘ caquiá' Jesús e nijmér˘, jo cagua'bre guiá' lajii˘ e nidø'r˘ do quía'˘ lajii˘ e jmi˘ e nijaquíeng˘ do.

20 Jo mi˘ tí lí canuu˘ e jmi˘ jo, cangím˘ Jesús fí mes˘ colíng˘ cóo'˘ i dsea˘ guitúung˘ quía'r˘ do.

21 Jo lajee˘ e nineáaiñ˘ gø'bre mi˘ tí lí cajíng'˘ Jesús lala e sí'r˘ i dsea˘ quía'r˘ do:

—E já'˘ e fii' i 'nú'˘ e jaang˘ lajee˘ 'nú'˘ nijáng'˘ jnea˘ fí jaguó˘ dsea˘ i 'ní'˘ níng˘ jnea˘.

22 Jo mi˘ canúu˘ i dsea˘ guitúung˘ quía'r˘ do lajo, dsíng'˘ fí'˘ calíñ˘, jo canaaiñ˘ casí'r˘ dsea˘ do i lajee˘ ír˘ nijmé˘ ta˘ jo, jo lalab cajíng'˘ lajaang˘ lajaaíñ˘:

—Fí'ii', ¿su o' jnea˘, faa˘aa'?

23 Joba' cañí' Jesús quíaíñ'˘ do:

—Lí'˘ jaang˘ i gø' cóo'˘ jnea˘ fí coo˘ cué'˘ huí'˘, íb˘ nijáng'˘ jnea˘ do.

24 Co' dseáng' nisí'í'ba' e lajo nidsingín n jnea~, dsea` i cajá' fí' ñiff' e lín'n jaang` dsea` jmigüí, lí' laco'gui la fé' fí' ni` jì' quiá'- Fidiée'. Jo dsu' je ngí' fíib` i dsea` i nijáng' jnea` do! Co' guiá'-guiib quiá'- i dsea` í' fa' mi` ja` caliséiñ`.

25 Jo i Judas i niguia' guiá' e nijáiñ' dsea` do, jo 'ñia'biñ' do cajíñ' casí'r- Jesús lala:

—Fí'í, ¿su o' jnea~, faa~aa', i nijmé- lajo?

Joba' cañí' Jesús quiáiñ'- do:

—'Nub` nicafée'~gui' lajo.

26 Jo lajee` e neáaiñ' gø'r íbre mi~ catíng- Jesús coo` iñí', jo cacuø'r' gui'máang' Fidiée', jo lí- jo cajméer` jmá'- ca'ná'^ quiá'- lajaang` lajaang` i dsea` guitúung` quiá'r- do jo cajíñ'- casí'-reiñ':

—Quié'na' e na, co' e nab ngúu' táan`n.

27 Jo ngí' jo catíñ- coo` cóo` e a` jmí'^ mí'^ huíng` jø'^, jo mi~ cangí' e cacuø'r' gui'máang' Fidiée', jo joguiba' cacuø'r' lajaang` lajaang` i dsea` guitúung` quiá'r- do jo casí'-reiñ' do:

—Í'na' lajüing`na' e la,

28 co' e lab jmi'øøñ- e nitú' mi~ nitán`n fí' dse' crúu` e laco' ni'íng- dsee- quiá'- lajaléng' dsea` jmigüí. Jo e jo lí' júu` tigua` e 'mí- e jmirø' Fidiée' cóo' dsea` jmigüí.

29 Dsu' e já'- e fí' i 'nú' e jo` nidúu'~guí' jmí'^ mí'^ huíng` jø'^ cartí' mi~ ni'né'`túu' colíng` e jmí'^ mí'^ huíng` jø'^ e 'mí- mi~ nití' í' e Tiquié' e Fidiée' nicár` nifí' quiá'- lajaang` lajaang` dsea`.

Mí' cajméé' Jesús júu` e nijíng'- Tú' Simón e ja` cuíñ` dsea` do

(Mr. 14:26-31; Lc. 22:31-34; Jn. 13 :36-38)

30 Jo mi~ cangí' jo, ca'ø'r' quiá'- e jmiféiñ' Fidiée', jo ca'uøøm`bre jo cangolíng`tur fí' mó' Olivos.

31 Joba' cajíng'- Jesús casí'r- i dsea` quiá'r- do lala:

—Lajím` 'nú' nitiúum`ba' jnea` e uøø` na; co' lalab tóo` fí' ni` jì' quiá'- Fidiée' lí' fé' lala: "Nijngám'- dsea` i fii` i néé' ni` jo'se', jogui jaléng' jo'se' quiá'r- lí' nisojóm`bre'."

32 Jo cajíng'-gui Jesús lala:

—Dsu' mi~ tí' lí' ningí' e nijí'`túu' jee~ jaléng' 'lí~, jo jéem`baa ninii`i fí' lí' se' Galilea jo fí' job nijí'`tu rú'naa' calé'`catú`.

33 Jo cañí' Tú' Simón quiá'- Jesús:

—Dsu' song i caguiaang` do nitiúuiñ` 'nu', Fí'í, dsu' jnea` ja` nijmee`e lajo.

Joba' cañí'`tu Jesús quiáiñ'- do:

34 —E laba' jmitaa` o', Tú' Simón, e uøø` na, nú'-gui e niquí'- tuidsée', 'nu` nifo'` 'ní' ya' e ja` cuíñ'` jnea`.

35 Joba' cañí' Tú' Simón quiá'- Jesús:

—Fí'í, nañí' fa' nijngáng'- dsea` jnea` uii` 'nu', dsu' ja` nijmee`e lajo.

Jo lajob fé' i dsea` quiá'- Jesús i caguiaang`gui do cajo.

Mí' caféng' Jesús Fidiée' fí' coo` lí' sii` Getsemaní

(Mr. 14:32-42; Lc. 22:39-46)

36 Jo mi~ cangí' jo, cangób- Jesús colíng` cóo' dsea` quiá'r- fí' coo` lí' sii` Getsemaní e néé' fí' mó' Olivos, jo lalab casí'r- i dsea` do mi~ caguiliñ` fí' jo:

—Lab nijá'` 'nú' la lajee` ninii` jnea` nifón'`n Tiquié' e Fidiée'.

37 Jo jíi'` Tú' Simómbing' jéeiñ` cóo'`gui lajì' gáng- i jóo' jaang` dseañu' i sii' Zebedeo, jo mi~ catí' fí' jo, canaang` e fí'í'`líng` Jesús jogui lijjuung` dsíir' cajo,

38 jo casí'r- i dsea` gaang` do lala:

—Dsíng'- lí'`i e fí'í' lín'n dseáng'- lafa' jo` seem`baa fí' jmigüí la lín`n. Jo lab nijá'` 'nú' lajee` jo, jo ja` jmigüíng` yaang`na' jo e sijnéeb` áa'na' cóo'` jnea`.

39 Jo cangób- Jesús cartí' dogui capí'` laco' cajé' i dsea` quiá'r- do, jo fí' job catúuiñ'` cartí' cajnúu- nir` fí' ni` uø` jo canaaiñ` féiñ' Fidiée' lala:

—Teaa~, leaang~ jnea~ lajii~ iihuú e nijaquíeng' quié~ e; jo dsu' ja` güilí laco' iing~ jnea~, co' güilíb` dseáng~ laco' iing~ 'na e nilí.

40 Jo mi~ cangí jo, caquim~ tur lí caseáaiñ i dsea` quiá'r~ do, jo cadséng' neiñ' do e teiñ' güim`bre. Joba' cajíng' Jesús casí'r~ Tú^ Simón:

—¿Su dseáng~ ja` téb' 'nú' fa' e ja` nigüing`na' e neáng'jiu' e sijnée` áa'na' cóo~ jnea~ jii~ coo`oor~?

41 ¿Jiali' güing` 'nú'? Jminá~ ráang~na' jo féeng~na' Fidié~ dsea` guing~ ñiff~ uii~ quií' na' yaang~na', jo lajoba' ja` dseáng~ e nijiúng'na' fí' ni~ dsee~. Co' eáam' iing~na' e nité'na' e sijnée` áa'na', dsu' ngúu' táang'na' ja` cuø' fí' e nijmee~na' lajo.

42 Jo mi'míng~ guijiu lajo cangób~tu Jesús e fí' jo e catí' tú~ ya' e féiñ' Fidié~ jo cajíñ~ lala:

—Teaa~, song ja` niquí'~ jmi~ fa' e nileán`n jee~ jalé' iihuú e nijaquíeng' quié~ e, joba' lí^ güilíb` laco' iing~ 'na e nilí.

43 Jo mi~ tí' lí' caquing' tur fí' lí' caseáaiñ i dsea` quiá'r~ do, cadséng' neiñ' e güim`tuiñ' do, co' dseáng~ eáam' ja` lí' güiñ`.

44 Jo cangób~tur e catí' 'ní' ya' e cangoféiñ' Fidié~, jo dob caseáaiñ i dsea` quiá'r~ do e güiñ~, jo camí' tur Fidié~ laco' nicajíñ~ lamí~ jéeng'gui do.

45 Jo mi~ cangí jo, caquim~ tur fí' lí' caseáaiñ i dsea` quiá'r~ do jo lalab casí'~reiñ' do:

—¿Su dseáng~ mí' 'noo`bi teng' 'nú' e jmi'ing'na'? Joba' fí' i 'nú' e lanab catí' í' e nijáng' dsea` jnea~ fí' jaguó' jaléng' dsea` dsee~ dsea` quié', jnea~ dsea` i cajá~ fí' ñiff~ e lín`n jaang' dsea` jmigüí.

46 Jo jminá~ ráang~na' jo má^aa', co' nijaquíem' i dsea` i nijáng'na' jnea~ do.

Mí' casáng' dsea` Jesús

(Mr. 14:43-50; Lc. 22:47-53; Jn. 18 :2-11)

47 Jo lajee~ gui'ná^ sing' Jesús fé'r, job mi~ caguié~ Judas Iscariote, jaang' lajee~ i dsea` guitúung' quiá'~ Jesús, jo caguié~ colíng~ cóo~ i fíng' dsea` i quié' jalé' ñisu' cóo'~gui jalé' 'ma. Jo jaléiñ' do ngoliiñ~ lajii~ ta~ quiu' jaléng' fí' jmidsea` quiá'~ dsea` Israel cóo~gui jaléng' yúu~ dsea` cóøng' quiá'r~.

48 Co' i Judas do jéem' nicajmea'r' júu^ i dsea` ngolíng~ cóo'r~ do jo casí'~reiñ' lala:

—Ii~ nimáang~ 'nú' i nichú^u ni~, íb` Jesús; jo séng'na're ladsifí.

49 Jo lajob cajmée` Judas, cangoquíem`bre fí' lí' sing' Jesús mi~ caguié~ jo casí'r~ dsea` do:

—iCá^, Tifa'!

Jo mifíng` cachu'r' ni~ dsea` do.

50 Joba' cañi' Jesús quiá'~ dsea` do:

—Ruu^, jmeeb~ lajii~ ta~ cañi'~.

Jo ladsifí lanab cangoquíeng' i dsea` caguiaang~gui do, jo casam'~bre dsea` do jogui cató'r~.

51 Jo lajee~ jo, jaang' lajee~ dsea` quiá'~ Jesús caguir' ñisu' quiá'r~ jo caquiur' cataang' logua~ i dsea` 'léeng~ quiá'~ i jmidsea` laniing~ do.

52 Joba' cajíng' Jesús casí'~reiñ':

—Te~tu ñisu' quií'~ ée^ quiá'~, dsuco' i dsea` i táng' cóo'~ ñisu', cóo'~ e job nijúuiñ~ cajo.

53 ¿Su ja` ñí' 'na e cuøøm` fí' jnea~ Tiquié^e, jo nimín~nre lí'gui guitúung' 'lé' 'lée~ i líng' ángeles i líng' guotíir~, jo ladsifí lanab nisíñ~?

54 Jo dsu' faco' lajo, ¿jial niliti~ jóng lajii~ e fé' fí' ni~ jì' quiá'~ Fidié~? Co' lajaléb' e jo dseáng' 'né~ e nidsijéeb' dseáng'~.

55 Jo mi'míng~ guijiu lajo cajmíng'~ Jesús i dsea` i caguilíng~ do jo casí'~reiñ':

—¿Jiali' cañilíng~ 'nú' e quié'na' jalé' ñisu' jogui jalé' 'ma e cañiséng'na' jnea~? Co' cañilíng~na' e lafa' jnea~ lín`n jaang' íi. Dsu' lacoo~ jmiib~ ie~ lamí~ jéeng'gui do táang' jnea~ e ee~ fí' guá'~ fé', jo ja` cateá~ óo'na' fa' caséng'na' jnea~ ie~ jo.

56 Jo dsu' lajalé' e na nidsijéé' jm̃ na e lí' laco' niliti' laco' fé' fí' ni' jì' quiá'- Fidiéé' e cajme' dsea' i café' cuaiñ' quiá'r- malí' gui eáang'.

Jo ie' jo jaléng' i dsea' quiá'r- do cacuíbre, jo 'ñiab' Jesús caseáang'guir do.

Mi' caguiéng'- Jesús fí' quini' jaléng' dsea' cóong'

(Mr. 14:53-65; Lc. 22:54-55, 63-71; Jn. 18:12-14, 19-24)

57 Jo catób- i dsea' do Jesús jo cangojeáaiñ^ dsea' do fí' quini' i jmidsea' laniing- quiá'- dsea' Israel i sii' Caifás, co' fí' job nisiseáng' jaléng' tifa' quiá'- júu^ quiu' ta' quiá'- dsea' Israel cóo' gui jaléng' yúu' dsea' cóong' quiá'r- cajo.

58 Jo cangám'- Tú^ Simón t'leáaiñ' laco' cangoliñ' téer' Jesús cartí' caguiliñ' fí' sigui' quiá'- e 'núu' lí' guing- i jmidsea' laniing- do. Jo dob jíí' cajé' Tú^ Simón e fí' sigui' do coling- cóo' jaléng' i jmóo' í' guá'- e sijeeiñ' lajíí' júu^ nitigua' quiá'- i jmidsea' laniing- do cóo' Jesús.

59 Jo jaléng' fii' jmidsea' cóo' gui lajñing' i dsea' cóong' i quiu' ta' quiá'- dsea' Israel do 'nór' jial e laco' niguié'r' e ni'núñ- Jesús cóo' júu^ e o' já'-, jo lajoba' nilí'r' e nijngáñ'- dsea' do.

60 Jo dsu' ja' cadsé'r' jial laco' nijmér- lajo, nañí' fa' fím' dsea' caguiling- e 'núñ' Jesús cóo' e júu^ lajo cajo. Jo mi'mñing- guijiu lajo caguiling- gáng- gui dsea' jiéng'

61 jo cajíng' í':

—I nabi i dseañu' i cajíng' e tím-bre quí'r' guá'- quiá'- Fidiéé', jogui nijmé'- tur calé' catú- cóo' 'ní' jm̃.

62 Jo caróo- i jmidsea' laniing- do jo cajmíng'r- Jesús lala:

—¿Jialí' ja' ngii' jíí' cóo'? ¿E' fío' lajíí' e júu^ e fé' i dsea' na uii' quií'?

63 Dsu' Jesús tiib- cajér', ja' e cañír' jíí' cóo'. Joba' cajíng'- tu i jmidsea' laniing- do:

—La'eáang' cóo' Fidiéé' dsea' jíí', lana quiá'u ta' e nijmée' júu^ já'- su 'nu' i líng' i jóo' Fidiéé' camñing' do i nisíng' Fidiéé' i nicá' nifí' quí-ii'.

64 Joba' cañíí' Jesús quiáñ'- do:

—'Nub' nicaféé' gui'. Jo fí' i 'nú' lana e nimáam~ba' jnea~, i líng' i dsea' i jáa' fí' ñifí- e lín'n jaang' dsea' jmigüí', e guiin' n lí' lí' dséé' laco' guing- Fidiéé' dsea' féng' dsea' ñíng' i 'gong' eáang', jogui nimáam~ba' jnea' cajo mi' nigáa'túu fí' jmigüí' e quín' n jee' cabøø jníí'.

65 Jo mi' canúu- i jmidsea' laniing- do lajo, lico' casíñ' sí' bre e cuø' lí' e liguíim-bre jo cajíñ'-:

—Lajíí' júu^ e nicafé' i dseañu' na gab' fé'r' uíí' quiá'- Fidiéé', jo jo' i 'neáng-gu#í' fa' i ni'níng- gui ír', co' 'nub' nicanáa- guí' lajíí' júu^ ga' e nicafé'r'.

66 Joba' ¿jial í' óo' 'nú' cuaiñ' quiá'- e júu^ jo?

Joba' cañíí' i dsea' 'leáang' do:

—E jáb'- e óo'bing' na dsee-, joba' dseáng'- 'né- e nijúum-bre.

67 Jo canaañ' 'ñím-bre dsea' do jogui jmihuñm-breiñ' cajo, jogui i líng' gui dsea' bár moní' dsea' do

68 jo sí'r' lala:

—Song já'- e 'nu' lín' i dsea' i sijeeng' naa' do i nicá' nifí' quí-naa', joba' jmee- júu^ lana i' cabóong' 'nu'!

Mi' cajíng'- Tú^ Simón e ja' cutíñ' Jesús

(Mr. 14:66-72; Lc. 22:56-62; Jn. 18:15-18, 25-27)

69 Jo lajee' jo, dob guing- Tú^ Simón fí' sigui' fí' lí' sí' 'nu' i jmidsea' laniing- do fí' lí' quiu'r' ta'. Jo lajee' jo jaang' dseamí' i nijmóo' ta' e fí' jo cangoquieeiñ' fí' lí' guing- Tú^ Simón jo casí'- reiñ':

—'Nu' cangí'ba' cajo cóo' Jesús i seeng' fí' Galilea, ¿já' leáa'?

70 Jo Tú^ Simón cañír' quiá'- i dseamí' do jo cajíñ'- casí'- reiñ':

—Ja`ñii` ee` e fi' jnea` na, dseamf`.

⁷¹ Jo mi'm`ing`guijiu lajo cangoquiéng' Tú` Simón fi' o'ná` quiá'- e 'núu' li` guing` i jmidsea` laniing` do e quiu'r' ta~, jo fi' job jiéng'gui jaang` dseamf` cangá` quiá'r-, jo cajmea'r' júu` jaléng' i dsea` caguiaang`gui do jo casí'-reih':

—I dseañu` na cangi`bre cóo'~ Jesús i seeng` fi' Nazaret cajo.

⁷² Jo caleáb` catú` cañí' Tú` Simón jo cajíñ'-:

—Ni` fii` ja` i dseañu` do cúing` jnea` la, dseamf`.

⁷³ Jo mi'm`ing`guijiu lajo i dsea` i neáang` quiá'- dogui cangoquiéieñ' fi' li` sing' Tú` Simón jo casí'-reih' do:

—'Nu` dseañu` e já'-ba' e ngi' cóo'~ Jesús cajo, có' cóo'~ lajii'~ jial fó', nabi nicuø' li`.

⁷⁴ Joba' cañí'tu Tú` Simón jo casí'-reih' do:

—iDseáng'- e jáb'- ni` fii` e ja` i dseañu` do cúing` jnea` la!

Jo ladsifí lanab caqui' jaang` tuidsée`.

⁷⁵ Jo joguib mi` cadse' dsí' Tú` Simón e lajob cajíng'- Jesús lami` jéeng'gui mi` cajíñ'- casí'r- dsea` do lala: “Lajee` e nú'-gui e niquí'- jaang` tuidsée`, 'nu` nifo` 'ní ya` e ja` cuín' jnea`.” Jo cagüi`ñib` Tú` Simón fi' caluu`, jo caqui'r' dseáng'- e ngocáng` dsí'r' uí'~ e calíñ'- fi'í` eáang`.

27

Mi` caguiéng'- Jesús fi' quini` dseata` Pilato

(Mr. 15:1; Lc. 23:1-2; Jn. 18 :28-32)

¹ Jo mi` tí li` cajneá` e jmi` jo, lajaléng' fii` jmidsea` cóo'~gui lajaléng' yúu'~ dsea` cóøng'~ quiá'- dsea` Israel casíñ` røø` quiá'- jial laco' niguié'r' e nijngáñ'- Jesús.

² Jo catø` bre dsea` do e 'núuñ'~ jo cangojeaaiñ` fi' quini` jaang` dsea` i siñ` Pilato i líng' jaang` dseata` romano.

Mi` cajúng` Judas Iscariote

³ Jo i dseañu` i siñ` Judas Iscariote, i dsea` i cajáng' Jesús fi' jaguó` jaléng' i dsea` do, mi` cangár` e jaléng' i dsea` í` tí li` nijngám'-bre Jesús, joba' job mi` tí li` calilí'r` lajii'~ dsee` e ca'éer` do, jogui cajo'- dsí'r' cóo'~ lajii'~ e nicajméer` do, joba' cajáb'tur i fii` jmidsea` do cóo'~gui jaléng' i yúu'~ dsea` cóøng'~ quiá'- dsea` Israel do lajii'~ e guigui' í'` cutee` e calíñ' quiá'- e cajáñ' Jesús do,

⁴ jo lalab cajíñ'- casí'-reih':

—Nica'ee` baa dsee` e nicajáan'~n fi' ni` 'mó` jaang` dseañu` i ja` røøng` dsee` jii'~ capí`.

Joba' i dsea` do cañí'r` quiáñ'-:

—¿E` cuaiñ` quí` jnea` e cajmee` 'nu` lajo? ¿Cuaiñ` quíib` 'nu` e jo!

⁵ Jo i Judas do fi' dob cabír` e cuu` do fi' dsí' sinúu` guá'- fé` jo cagüi`ñib`re jo cangote'r' sí` luur` e cangojngáang'~ 'ñia'r'.

⁶ Jo jaléng' i fii` jmidsea` do casitím`bre e cuu` do jo cajíñ'-:

—E cuu` la nisi'li` cóo'~ jmi'øøng` dsea`, jo ja` cuøøng` fa' e nidsitoo'~gui fi' dsí' guóo' li` dsi'ma` cuu` quiá'- guá'-.

⁷ Jo job mi` casíñ` røø` e nilár` cóo` uø` cóo'~ e cuu` do; jo e uø` jo sii` Uø` li` uø' Dsea` Guóo'~ quiá'- e Jmóor` Tu'. Jo job li` cajmea'r' cóo` codsii` li` ni'áaiñ` jaléng' dsea` i jalíng` fi' caluu` i líng`ing` júung` fi' fii` do.

⁸ Joba' e uø` do siñ`bi cajo latí` lana Uø` li` Catuu` Jmi'øøng`.

⁹ Jo job caliti` laco' jii'~ e cajíng'- i dsea` i calisí` Jeremías, jaang` i café` cuaiñ` quiá'- Fidié` malí`gui eáang`, mi` cajíñ'- lala: “Cacá`-bre laji` guigui' cutee` lí` laco'gui lajii'~ 'móo'~ cacuø` dsea` Israel,

¹⁰ jo cóo'~ e cuu` job calár` e guóo'~ uø` e siñ` Uø` li` uø' dsea` Guóo'~ quiá'- e Jmóo` Tu', lí` laco'gui ta` e caqui` Fí'i`.”

Mi caguiéng' Jesús fi' quini' dseata Pilato

(Mr. 15:2-5; Lc. 23:3-5; Jn. 18:33-38)

11 Jò mi caguiéng' Jesús fi' quini' i dseata i sii Pilato do, jò í cajmingí'r Jesús:
—¿Su e já' ba' e 'nu' lin' dseata dsea féng' i quie' nifi' quia' jaléng' dsea góo' dsea Israel?

—'Nub' nicafée' gui' —cañi' Jesús.

12 Jò lajee' e teáng' i fii' jmidsea' do cóo' gui jaléng' yúu' dsea cóong' e jmóor' dsee' quia' Jesús, dsu' dsea' do ja' e ngír' jii' cóo' quia' i dsea' í.

13 Jò uí' jòba' cajmingí' dseata Pilato cajmingí'r Jesús jò cajíñ':

—¿Su ja' nuu' lajii' dsee' e cuø' i dsea' na 'nu'?

14 Jò dsu' Jesús ja' cañir' jii' camí' júu' quia' dseata do; jòba' i dseata do eám' cangogá' dsír' jò jò ñir' e' nijmé' guir.

Mi cahu' ta' e nijúung' Jesús

(Mr. 15:6-20; Lc. 23:13-25; Jn. 18:38-19:16)

15 Jò lajee' e jmii' e gø' dsea' Israel iní' e ja' quie' quiéng' jò títng' i dseata do e láaiñ' jaang' dsea' sijnáng' 'nuñi' lí' doñi' ii' i niguíng' dsea' fi'.

16 Jò ie' jò ni'iuung' jaang' dsea' i nica' léé' eáang' i sii Jesús Barrabás.

17 Jòba' cajíng' i dseata do cajmingí'r dsea' fi':

—¿I' dsea' iing' 'nú' e nilaan'? ¿Su Jesús Barrabás ofa' Jesús i sii' Dsea' Jmáang' dob é?

18 Jò dsu' calilí' i dseata do e cajáng' i dsea' do Jesús uí' e dsihuim' bre quia' dsea' do.

19 Jò lajee' guíng' i dseata Pilato do fi' lí' quia' r' ta', lajee' jòba' caguié' júu' quia' i dseamí' quia' r' do jò sí' reiñ': "Ja' e jmoo' jii' cóo' cóo' i dseañu' i ja' dsee' røong' na, dsucø' dsí' lóo' bi gab' caqu' i uí' quia' r'."

20 Jò dsu' jaléng' i fii' jmidsea' do cóo' gui jaléng' yúu' dsea' cóong' cacóoiñ' dsí' jaléng' dsea' fi' e lacø' nileáng' i Barrabás do jøgui e nijúum' Jesús.

21 Jò dsu' i dseata Pilato do cajmingí' tur calé' catú' dsea' fi' jò cajíñ':

—¿I' lajee' i dseañu' gáng' la iing' 'nú' e nilaan'? ¿Su Jesús ofa' Barrabás?

Jòba' i dsea' fi' do cañir' jò cajíñ':

—iLeaang' Barrabás!

22 Jò caleá' catú' cajmingí' tu dseata Pilato jò cajíñ':

—Jò ¿e' gui nijmee' jnea' jóng cóo' Jesús i sii' Dsea' Jmáang' la?

Jòba' lajím' i dsea' fi' do cañir' jò cajíñ':

—iGüitáiñ' fi' dse' crúu'!

23 Jòba' cañi' dseata Pilato quia' i dsea' fi' do jò cajíñ' casí' reiñ':

—¿E' gui e ga' e nicajméer' e catíñ' lajò?

Jò dsu' caleáb' tu cacuø' i dsea' fi' do 'goo' jò cajíñ':

—iGüitáiñ' fi' dse' crúu'!

24 Jò cóo' mi' jò ñi' dseata Pilato e' nijmé' guir, có' dseáng' gab' ta' i dsea' do mí' e mir' e nitáng' Jesús fi' dse' crúu', jòba' caquiá' r' ta' dsea' quia' r' e cangoquieñ' jmii' jò caru' r' guóor' fi' quini' jaléng' dsea' fi' jò cajíñ':

—Ja' dsee' quie' e lajii' 'mó' nitáng' i dseañu' la, có' cuaiñ' quí' 'nú' yaam' ba' na.

25 Jòba' lajím' dsea' fi' cañir':

—iJneab' cóliing' cóo' jaléng' jóo' naa' nine' ni' naa' lajii' 'mó' quia' i dseañu' na!

26 Jò dseata Pilato caleám' bre Barrabás; jò caquiá' r' ta' e cabóom' Jesús, jò mifíng' cajám' bre dsea' do e quia' nitáiñ' do fi' dse' crúu'.

27 Jò jaléng' 'lée' quia' i dseata do catø' bre Jesús fi' 'nu' fi' jò casíñ' yaaiñ' lacúng' lajíng' lacø' sing' dsea' do.

28 Jò i 'lée' do ca' uø' bre sí' Jesús jò ca' iaiñ' dsea' do cóo' jmáang' 'mi' e nú'.

29 Jɔgʊi catá'r- cɔɔ lí' corona e lí' cɔɔ' layaang- tɔɔ fí mogui- dseá do, jɔgʊi cɔɔ' sɪ- cacuø'r' dseá do jɔ casaiñ- do fí guoor' dsée'. Jɔ mi- cangf jɔ, casí'r' uø- jniñ- fí quini- dseá do jɔ lóøiñ- dseá do jɔ sí'r' lala:

—¡Majmiféng'naa' dseata- dseá féng' quiá'- dseá Israel!

30 Jɔgʊi 'ñim'bir dseá do cajo, jɔ cɔɔ' e sɪ- e cacuø'r' dseá do, cɔɔ' e jɔb canaaiñ- bár' fí mogui- dseá do.

31 Jɔ mi- cangf e jmóor- ta- lóøng- dseá do, cajéb'tur e jmáang'- 'mi' do jɔ caquíng'tur dseá do sɪñ' e lamí- qui'r', jɔ cajéem-bre dseá do fí lí- nitáñ- fí dse' crúu'.

Mi- catáng- Jesús fí dse' crúu'

(Mr. 15:21-32; Lc. 23:26-43; Jn. 19:17-27)

32 Jɔ lajee- e ningoliñ- jéeiñ- dseá do, cajíñ' jaang- dseañu' guiá' fí i sɪ Simón i niseeng- fí cɔɔ' fii e sɪi Cirene; jɔ caqui' i dseá i jéeng- Jesús do ta- i dseañu' í e cajéeiñ' do crúu' quiá'- Jesús.

33 Jɔ mi- caguiliñ- fí cɔɔ' lí- sɪi Gólgota e guøng' Cuø' Mogui- 'Lii',

34 jɔ fí jɔb cacuø'r' Jesús jmí' mí' huíng- jó' e tí' e sicáang' cɔɔ' jmí' dsi' e guí'-; jɔ cɔɔ' ni'ba' cali'iing- dseá do ca'í'r', jɔ jɔ' cali'iing- guir fa' ca'í'- guir.

35 Jɔba' mi- tí' lí- nicateáaiñ- Jesús fí dse' crúu', i 'lée- do canaaiñ- cóor' e lacɔ' nigüéang' i- nilí' i nicɔɔ' e sɪ' dseá do.

36 Jɔ mi- cangf jɔ, dob caguár' e jmóor- í- Jesús lajee- táang- dseá do fí dse' crúu'.

37 Jɔ fí yá' gui- dseá do catéer- cɔɔ' lí- tɔɔ' júu' e fé' e uíng- quiá'- e jmáang' dseá ír' lado, jɔ lalab tɔɔ': "Í lab Jesús, dseata- dseá féng' quiá'- dseá Israel."

38 Jɔ gáang- ii- catáng- fí dse' crúu' colíng- cɔɔ' Jesús cajo, jmá' jáng- crúu' la jaaiñ' do, jaaiñ' do táaiñ- lí' lí' dsée' jɔ jaang-guiñ' do lí' lí' tuung-.

39 Jɔ jaléng' dseá i ngúng' fí lí- táang- Jesús fí dse' crúu' do, gab' fé'r' uii- quiá'- dseá do jɔ licɔ' guia'r' mogui-bre jóøiñ- dseá do jɔ fé'r':

40 —'Nu' dseá fó' e niqui' guá'- jɔ nijmée'tu' calé' catú- cɔɔ' 'ni' jmi-. Jɔ song já'- e 'nu' lin' Jóɔ' Fidiée' i camúng'- do, jɔba' ileaang- uø' lí- tán' na jóng!

41 Jɔ lajɔbi jaléng' fii- jmidseá- cajo cɔɔ'-gui jaléng' tifa' quiá'- júu' qui' ta- quiá'- dseá Israel cɔɔ'-gui jaléng' yá' dseá cóøng'- quiá'r- lóøm-bre dseá do jɔ fé'r':

42 —Caleám-bre jaléng' dseá jéng' jɔ lajɔ güileáang' 'ña'r' lana. Jɔ song já'- e líiñ' dseata- dseá féng' quiá'- dseá Israel, jɔba' güijgiáang' 'ña'r' lí- táaiñ- fí dse' crúu' na jɔ lajɔguiba' já'- nilí'ii' jóng e líiñ' i Jóɔ' Fidiée' camúng'- do.

43 Jɔ song dseáng'- já'- líiñ' e Fidiée' seeng- cɔɔ'r', jɔba' íb' catúng- nileáng- ír' lana song dseáng'- já'- e iing-neiñ'; cɔ' nicajím'- bir e líiñ' i Jóɔ' Fidiée' camúng'- do, ¿já' leá'?

44 Jɔ jɔ' gui jaléng' i ii- i táang- cáang- Jesús do, gab' fé'r' uii- quiá'- dseá do cajo.

Mi- cajúng- Jesús

(Mr. 15:33-41; Lc. 23:44-49; Jn. 19:28-30)

45 Jɔ mi- tí' lí- catí' guieñí'- jɔ cartí' la ii- 'ni' e ca'lóo- dseáng'- canu' sòb' fí e guóo' uø- jɔ.

46 Jɔ lajee- jɔb mi- ca'óo' Jesús e teá' jɔ cajíñ'-:

—Elí, Elí, ¿lama sabactani? —e guøng': Fidiée' quié-e, Fidiée' quié-e, ¿jali' nicatiun' jnea'?

47 Jɔ i líng- i dseá i teáang- do ie- jɔ canúur- e cajíng'- Jesús lajɔ, jɔba' cajíñ'-:

—Í Lí' tó' i dseá na, jaang- dseá i café' cuaiñ- quiá'- Fidiée' malí' gui eáang'.

48 Jɔ ladsifí lanab jaang- lajee- i dseá do cangór- güi'í' jɔ cangoquier- cɔɔ' joo' jɔ cajmí'lear' cɔɔ' jmí' mí' huíng- jó' e tí' jɔ caquidsir' fí cɔɔ' yá' sɪ- jɔ ca'úiñ' fí mo'oo- dseá do e lacɔ' niyáñ'-.

49 Jɔ dsu' i dseá caguiaang'-gui do cajíñ'-:

—Jéeng'gui cateá', ne' duu' su nigüéeng- i Lí' do i nileáng- ír'.

⁵⁰ Jo Jesús caléb' catú' ca'óor` teá` lado, jo ngí jo cajúm`bre.

⁵¹ Jo ladsifí lajob calí` tú` dseá'` joo` e 'mi' e í' guíá'` joo` guá'` fé' e si' fí Jerusalén, co' casíng` catí' yá'` jogui cartí' uii`. Jogui cajo cajó'` uó` jogui cafiing` jalé'` cuu` cóo',

⁵² jogui jalé'` ée` lí` teáang'` 'lii` canab'; jogui fím'` jaléng'` dseá` quíá'` Fidiée'` i nicajúng` lami` jéeng'gui cajíb'tur.

⁵³ Jo mi` cangí e cají'tu Jesús, jo jaléng'` i dseá` i cají'tu do cangolíiñ` fí Jerusalén fí lí` lí' fí güeang'` quíá'` Fidiée', jo fím'` dseá` i cangáng` ír` fí jo.

⁵⁴ Jo mi` cangá` i fii` 'lée` do cóo'`gui jaléng'` i dseá` i teáang` cóo'r` do i jmoo` í` Jesús jial cajó'` uó` jogui cóo'` jalé'` e calí`gui do, joba' eáam'` cafóiiñ'` jóng jo cajíiñ'`:

—E nijáb'` e i dseañu'` na líiñ'` i Jóo'` Fidiée'` camúng'` do.

⁵⁵ Jo ie` jo dob teáang` i fíng'` dseamí` i joo` catí` huíi` i nicajalíng` cóo'` Jesús catí` lí` se'` Galilea jogui i nicajmicóo'` quíá'r` cajo.

⁵⁶ Jo jee` jaléng'` i dseamí` í` quíéeng'` Yá'` i seeng'` fí Magdala, jogui Yá'` niquíá'` Tiáa` cóo'` Sé', jogui niquíá'` jaléng'` joo'` yáa'` Zebedeo cajo.

Mi` ca'áng` Jesús

(Mr. 15:42-47; Lc. 23:50-56; Jn. 19 :38-42)

⁵⁷ Jo mi` tí` lí` ngóo'` ca'í` núu', caguié` jaang'` dseañu'` i sea` cuu` eáang'` i sii` Sé'` i seeng'` fí cóo'` fii` e sii` Arimatea, jo í` cangí`bre cóo'` Jesús lami` jéeng'gui cajo.

⁵⁸ Jo i dseañu'` í` cangó`bre fí lí` guíng` dseata` Pilato jo cangomir` fí e fa' ni'áam`bre Jesús. Joba' cacuøb'` i dseata` Pilato do fí lajo.

⁵⁹ Jo cangojgiáam'` i Sé'` do Jesús fí lí` táaiñ'` fí dse'` crúu', jo caquiñ'` dseá` do cóo'` cóo'` 'mi'` té' e niguó'`,

⁶⁰ jo cango'áam`bre dseá` do fí cóo'` dsíi` tó` lí` ja` ii` mí` áang'` jíi'` jaang'; jo uó` quíá'`bre líi` lí` ca'áaiñ` dseá` do, jo ja` mí` ngóo'` eáang'` caquiur'` ta` e calí` e too'` ée` do. Jo mi` tí` lí` calí`, caquiéer` cóo'` cuu` e dsée` e otoo'` ée` do jo cangám'`bre jóng.

⁶¹ Dsu'` i Yá'` i seeng'` fí Magdala do cóo'`gui i Yá'` jaang'gui do, dob cajer'` fí quini` e too'` ée` e lí` ca'áng` Jesús.

Mi` cajmée` dseá` í` oo` ée` quíá'` Jesús

⁶² Jo mi` tí` lí` cajneá` e jmiñ` cóo'`gui do, jo ie` jo cangotíng'` jmii` e jmi'íng'` jaléng'` dseá` Israel, job mi` cangolíng` jaléng'` fii` jmidsea` quíá'` dseá` Israel colíng` cóo'` jaléng'` dseá` Israel i líng'` dseá` fariseo fí lí` guíng` dseata` Pilato jo casí`reiñ'` do:

⁶³ —Dseata` quí`ii', tóob'` dsí'naa' e ie` lami` seeng'gui i dseá` i jmigoo'` do cajíiñ'` e mi` ningí` 'ní` jmiñ` e cajúiiñ'`, nijíb'tur calé'` catú'`.

⁶⁴ Jo uíng` e joba' síi'`naa' 'nu' e nijmé` dseá` íb' e lí` ca'áng` dseá` do lajee` 'ní` jmiñ`, co' jial fíng` lajee` dseá` quíá'`bre nijalíng` e uóo'` jo niguím`bre dseá` do, jo mi` nilicóong'gui lajo nijmigoor` e nicajíb'tu dseá` do. Jogui song nilí lajo, joba' eáang'guib ga` nilí jóng laco'gui latí' mi` uii` do.

⁶⁵ Joba' cañíi` dseata` Pilato jo cajíiñ'`:

—Lab teáang` 'lée` i cuóong'` lí` jmeáang'`na' ta` i nijmé` í` oo` ée`. Jo güilíng`na' colíng` cóo'r` jo güijmee`na' í` car` jié'` jíi'` lí` quí'` jmiñ` fí jo.

⁶⁶ Jo cangolíim`biñ'` do cóo'` i 'lée` do jo cajméer` lí` fí e cuu` fé' e jni' e oo` ée` do e laco' ja` ii` cuóong'` nineá'; jo dob caseáaiñ'` 'lée` i caguá'` cajmée` í` e fí jo.

28

Mi` cají'tu Jesús

(Mr. 16:1-8; Lc. 24:1-12; Jn. 20 :1-10)

¹ Jo mi` tí` lí` cangí e jmiñ` e jmi'íng'` jaléng'` dseá` Israel e lí' lí` ngóo'` nijneá` e jmiñ` la'uii` quíá'` seamaan`, jo cangojoo'` Yá'` i seeng'` fí Magdala cóo'`gui i Yá'` jaang'gui do fí lí` ca'áng` Jesús.

² Jo lajee˘ job mi˘ cajó˘ uó˘ e eáang˘, co˘ jaang˘ ángel i líng˘ guotii˘ Fidiée˘ cajgáng˘ fí˘ yá˘ jmigüi˘ ie˘ jo, jo cangoquiéeiñ˘ fí˘ oo˘ ée˘ quía˘˘ Jesús, jo cajé˘r e cuu˘ fé˘ e jní˘ e oo˘ ée˘ do, jo fí˘ ni˘ job caguár˘.

³ Jo dseáng˘˘ jlo˘˘ jing˘˘ i ángel do lí˘˘ laco˘˘gui la jnéeng˘˘ jí˘ mi˘ jmiyneá˘˘ güi˘ñiá˘˘ jí˘re˘, jogui jlo˘˘ tee˘ si˘r˘˘ cajo dseáng˘˘ lí˘˘ laco˘˘ la tee˘˘ joob˘ dseáng˘˘.

⁴ Jo i˘˘ léé˘˘ i teáang˘˘ jmóo˘˘ í˘ e oo˘˘ ée˘˘ do dsíng˘˘˘ cajléiñ˘˘ dsu˘ uí˘˘ e˘˘ gó˘r˘˘ jo jí˘gui cartí˘ calíng˘˘ dsíir˘˘.

⁵ Jo i˘ ángel do casí˘r˘˘ i dseamí˘ do jo cajíñ˘˘˘:

—Ja˘ fóøng˘˘na˘ jii˘˘ coo˘˘, co˘˘ ñi˘baa guiá˘˘ e Jesús dsea˘˘˘ náng˘˘na˘ i cajúng˘˘ fí˘ dse˘˘ crúu˘˘ do.

⁶ Jo dsu˘˘ jo˘ iuuiñ˘˘ fí˘ la lana, co˘˘ nicají˘˘bre lí˘˘ laco˘˘gui cajíñ˘˘˘ ie˘ lamí˘˘ cangir˘˘ cóo˘˘˘ núa˘˘ do. Ñilíng˘˘na˘˘ ñijóø˘˘na˘˘ fí˘ lí˘˘ ca˘áang˘˘ dsea˘˘ ír˘˘.

⁷ Joba˘˘ fii˘˘ i núa˘˘ lana, güilíng˘˘tu˘˘ lajminá˘˘ jo güijmée˘˘na˘˘ júu˘˘ jaléng˘˘ dsea˘˘ quía˘˘r˘˘ e nicajíb˘˘tur jo jéeng˘˘guir nidsér˘˘ fí˘ lí˘˘ se˘˘ Galilea laco˘˘gui núa˘˘, jo fí˘ job nimáang˘˘na˘˘re. Jo jii˘˘ lanab júu˘˘ quiee˘˘ quíi˘˘na˘˘ lana.

⁸ Joba˘˘ i dseamí˘ do caquim˘˘bre lajminá˘˘ e fí˘ oo˘˘ ée˘˘ do, jo lajee˘˘ jo dseáng˘˘˘ gó˘˘bre jogui dseáng˘˘˘ dsíng˘˘˘ íaang˘˘˘ dsíir˘˘˘ cajo. Jo jmináb˘˘ cangolíñ˘˘ e cangocóor˘˘ e júu˘˘ do fí˘ quini˘˘ jaléng˘˘ i dsea˘˘ quía˘˘˘ Jesús do.

⁹ Jo jo˘ huóø˘˘ lí˘˘ lajo, coob˘˘ mi˘ cajmijnéeng˘˘˘ ñia˘˘ Jesús fí˘ quini˘˘ i dseamí˘ do jo caféng˘˘neiñ˘˘ do. Jo cangoquiéem˘˘bi i dseamí˘ do cajo fí˘ lí˘˘ sing˘˘˘ dsea˘˘ do jo canaaíñ˘˘ do rír˘˘ tí˘˘ dsea˘˘ do jo lajee˘˘ jo jmiféng˘˘neiñ˘˘.

¹⁰ Joba˘˘ cajíng˘˘˘ Jesús casí˘r˘˘ i dseamí˘ do:

—Ja˘ fóøng˘˘na˘˘ jii˘˘ coo˘˘, jo güilíng˘˘na˘˘ lana jo güisíi˘˘na˘˘ jaléng˘˘ dsea˘˘ quie˘˘ e i líng˘˘ laco˘˘ rún˘˘n e güidsiliñ˘˘ fí˘ lí˘˘ se˘˘ Galilea lajminá˘˘, jo fí˘ job nijí˘˘ rú˘˘naa˘˘ cóo˘˘r˘˘.

Lajíi˘˘ júu˘˘ quía˘˘˘ léé˘˘ e casí˘r˘˘ fii˘˘ jmidsea˘˘

¹¹ Jo lajee˘˘ e ngolíng˘˘ i dseamí˘ do, i líng˘˘ i léé˘˘ i teáang˘˘ jmóo˘˘ í˘ do caguilíñ˘˘ fí˘ jee˘˘ fii˘˘ jo casí˘r˘˘ jaléng˘˘ i fii˘˘ jmidsea˘˘ do lajii˘˘ e calí˘˘ do.

¹² Joba˘˘ i fii˘˘ jmidsea˘˘ do cangolíim˘˘bre e cangosiiñ˘˘ cóo˘˘˘ jaléng˘˘ yúu˘˘ dsea˘˘ cóøng˘˘˘ quía˘˘˘ dsea˘˘ Israel cuaiñ˘˘ quía˘˘˘ lajii˘˘ júu˘˘ e nisea˘˘ quía˘˘˘ Jesús do. Joba˘˘ casíiñ˘˘ e cacuoø˘˘r˘˘ jmiguiú˘˘ cuu˘˘ i léé˘˘ do

¹³ jo casí˘r˘˘ reiñ˘˘ do lala:

—Lalab júu˘˘ nijmitíng˘˘na˘˘, e lajee˘˘ uóø˘˘ e teng˘˘na˘˘ güim˘˘ba˘˘, caguilíng˘˘ i dsea˘˘ quía˘˘˘ Jesús do jo caguíim˘˘bre dsea˘˘ do fí˘ dsíi˘˘ tó˘˘ ée˘˘.

¹⁴ Jogui song niliñi˘˘ dseata˘˘ lajii˘˘ e júu˘˘ jo, joba˘˘ jneab˘˘ nine˘˘naa˘˘ jial laco˘˘ nisíng˘˘naa˘˘ cóo˘˘r˘˘ e laco˘˘ ja˘˘ ni˘uíng˘˘ huíng˘˘ quíi˘˘na˘˘.

¹⁵ Jo caím˘˘ i léé˘˘ do e cuu˘˘ do jo cajmée˘˘bre lajii˘˘ júu˘˘ e nisínú˘˘r˘˘. Jo lajob jii˘˘ líi˘˘ júu˘˘ e ngí˘ cartí˘ jmíi˘˘ na˘˘ jee˘˘ jaléng˘˘ dsea˘˘ Israel.

Lajii˘˘ júu˘˘ e calí˘˘ Jesús quía˘˘˘ dsea˘˘ quía˘˘r˘˘

(Mr. 16:14-18; Lc. 24:36-49; Jn. 20:19-23)

¹⁶ Joba˘˘ lajob cajmée˘˘ i dsea˘˘ guijáng˘˘ quía˘˘˘ Jesús do, cangolíim˘˘bre fí˘ lí˘˘ se˘˘ Galilea jo cangolíñ˘˘ fí˘ coo˘˘ yá˘˘ mó˘˘ fí˘ lí˘˘ caquiú˘˘ Jesús ta˘˘.

¹⁷ Jo mi˘˘ tí˘˘ lí˘˘ cangáiñ˘˘ Jesús, eáam˘˘ cajmiféiñ˘˘˘ dsea˘˘ do, jo dsu˘˘ seem˘˘bi i líng˘˘ cajo i ja˘˘ já˘˘ líng˘˘ e dsea˘˘ do Jesús.

¹⁸ Jo cangoquiéem˘˘ Jesús fí˘ quía˘˘˘ gui laco˘˘ teáaiñ˘˘˘ do jo casí˘r˘˘ dsea˘˘ do lala:

—Fidiée˘˘ nicacuø˘˘r˘˘ jnea˘˘ e niquiá˘˘˘ ta˘˘ fí˘ latøøng˘˘ fí˘ ñifí˘˘ jogui fí˘ ni˘ guóo˘˘ uó˘˘ la.

¹⁹ Joba˘˘ güilíng˘˘na˘˘ fí˘ jalé˘˘ fii˘˘ e sea˘˘ fí˘ jmigüi˘˘, jo jmee˘˘na˘˘ e niquí˘˘ jíng˘˘ yaang˘˘ dsea˘˘ e laco˘˘ ni˘uíñ˘˘ dsea˘˘ quie˘˘ e; jogui mifíng˘˘ seaang˘˘na˘˘r jmíi˘˘ la'eáang˘˘ cóo˘˘˘ júu˘˘ quía˘˘˘ Tiquié˘˘ e Fidiée˘˘ jogui la'eáang˘˘ cóo˘˘˘ jnea˘˘, i Jóor˘˘ camíng˘˘˘ do, jogui la'eáang˘˘ cóo˘˘˘ Jmiguí˘˘ quía˘˘˘ Fidiée˘˘ cajo,

20 joguî ée'na'r jial laco' nijmitir~ lajalé' e júu^ quiá'- Fidiée' e nicafíi' 'ná' e ni-
 jmití'na'. Joguî güiliñí'na' guiú' e seem'baa cóo' 'nú' lacoo`jmíi~ lacoo`jmíi~, jo dseáng'-
 lajob nilí car`ngongíi`jmíi~.

Jo lajob nilí.

Jo lanab jíi' lí' júu^ quiá'- Fidiée' e cajme' Mateo.

E lab júu^ quiá'- Dsea` Jmáang- e cajme' MARCOS

Mi~ cajá- Juan i seáang` dsea` jmii`

(Mt. 3:1-12; Lc. 3:1-9, 15-17; Jn. 1:19-28)

¹ Lalab mi~ canaang` cani'- juguiá- quiá'- Dsea` Jmáang- i lüing` Joo' camüing'~ quiá'- Fidiée` dsea` guing~ ñiff-.

² Jo lajii'~ mali'gui eáang` jaang` dsea` i café' cuaiñ~ quiá'- Fidiée` i calisí Saíí^ catéer` fí ni~ jì quiá'r- lala:

Lalab fé' Fidiée` e casí'r- Dsea` Jmáang-:

Nisüñ^ñ jaang` dsea` i niguiá- júu^ quié- e ná'- gui e niguo'^ fí jmigüi`

e laco' niguiar' guiá- fí li~ ningí'^.

³ Jo fí jee~ uó^ quiú` do guicaná' coo` luu~ dsea` e fé' teá' lala:

“Jmeáang`na' guiá- fí, co' tí li~ nijáab` Fí'naa';

jogui nea`na' condsée', co' 'né- e nilirøøb` fí.”

Jo jalé' e jo cajíng'- Saíí^ fí ni~ jì quiá'- Fidiée`.

⁴ Jo lajob lí' mi~ cajá- jaang` dsea` i sií Juan e fí jee~ uó^ quiú` do; jo ie~ jo, i Juan do caseáaiñ` jmii` jaléng' dsea`, jo sí'reiñ' e 'né- qui'~ jíng' yaaiñ~ do fí quini` Fidiée` jogui e nisáiñ' do jmii`, jo lajoba' cuøøng` e íng- Fidiée` lajalé' dsee- quiáiñ'.

⁵ Jo fíim` dsea` dsiliñ- e dsinúur- júu^ e guiá i Juan do; dsilíng- jaléng' dsea` i seeng` fí Jerusalén jogui jaléng' i seeng` fí fíi` jíé' li~ se' Judea e laco' jmóoiñ' do júu^ lajii'~ dsee- e nica'éer`. Jo mi~ ningí jo, i Juan do seáang`neiñ' jmii` fí dsíí gua` Jordán.

⁶ Jo i Juan do qui'r` 'mi' e lí' cóo'~ jñá^ loo` jó' camello jogui ñúú' tu'r` cóo' coo' lo'ñutu' e lí' cóo'~ loo` jó', jogui jmítaang~ ñia'r` cóo'~ jaléng' sini' i cóøng', jogui í'r` jalé' jmí'^ ta' e dsér' fí jee~ mó'.

⁷ Jo lalab lí' e júu^ e guiar' jee~ jaléng' dsea` i dsilíng- dsinúur- júu^ quiá'r- do:

—Mi~ nisóong- jnea~, nijáa' jaang` i 'gøng'gui laco' jnea~; joba' jnea~ quini` i dsea` í ja' e quíin`n e co' tuun~ n e síi'~ i 'nií~ ñí' ñúú' lomüur-.

⁸ Co' jnea~ nicaseán`n jaléng' 'nú' jmii` cóo'~ layaang~ jmii` e laco' cuø li~ e nicaquí'- jíng' yaang`na' fí quini` Fidiée`; dsu' ír` mi~ nigüéeiñ-, niseáiñ- 'nú' jmii` cóo'~ Jmiguí quiá'- Fidiée` e laco' cuø li~ e nicangüing`na' Jmiguí quiá'- dsea` do.

Mi~ cajgáang- Jesús jmii`

(Mt. 3:13-17; Lc. 3:21-22)

⁹ Jo ie~ jo cagüi'íí Jesús fí Nazaret e née' fí li~ se' Galilea, jo cangór- e fí gua` Jordán e née' fí li~ se' Judea; jo fí dsíí gua` job caseáang` i Juan do jmii` ír`.

¹⁰ Jo dsifí mi~ cagüi'íí Jesús fí dsíí jmí, cangár- e cana' cateá fí yá'^ jmigüi'; jo lajee` jo cajgó- Jmiguí quiá'- Fidiée` fí yá'^ moguir~ e lüing~ jaang` mee~.

¹¹ Jo guicaná' coo` luu~ e jáa' fí yá'^ jmigüi' e guicajíng'- lala:

—'Nub` Joo'ò i 'neáan`n eáang`; jo eám' íaang` dsii- cóo'~ 'nu`.

Mi~ cangó- Jesús fí jee~ uó^ quiú`

(Mt. 4:1-11; Lc. 4:1-13)

¹² Jo dsifí mi~ cangí jo, cajmée` Jmiguí quiá'- Fidiée` e cangó- Jesús fí jee~ uó^ quiú`.

¹³ Jo fí job cajer' lajee` tuló- jmii` fí li~ ngí jaléng' jó' nuu; jo lajee` jo lamí iing` i fi~ i 'ling' i sií Satanás e niténg' Jesús fí ni~ dsee-, dsu' ja' calí'r- fa' cajméer' lajo. Jo mi~ cangí job mi~ caguiling- jaléng' ángeles i lüing` guotii- Fidiée` i cangoto' fíng` dsea` do.

Mi~ canaang` Jesús jmóor` ta~ quiá'r- fí li~ se' Galilea

(Mt. 4:12-17; Lc. 4:14-15)

14 Jo mi~ cangâ gui lajo, mi~ nicatang' dsea` Juan i seáng` dsea` jmi~ fí dsí' 'nañí, joba' cangáng' tu Jesús fí lí' se' Galilea e cangoguiar` júu` quiá' Fidié` fí jo,

15 jo lalab fé'r:

—Lanab catí í' e nijaquíeng' e nicá' Fidié` nifi' quiá' lajaang` lajaang` dsea` jmi~güí. Jo nab tí' gui e qui' jing' yaang` na' fí quini` Fidié` jogui íng' na' e ngocáng` óo' na' júu` quiá'r.

*Mi~ cató' Jesús quiúung` dsea` i jmóo` ta~ sáng' 'ñu`
(Mt. 4:18-22; Lc. 5:1-11)*

16 Jo mi~ cangâ lajo, cangó` Jesús fí lí' neé` coo` guiéé' e sii` Galilea. Jo mi~ caguiér` fí jo, lajee` e ngir' fí lí' lí' 'ni' e guiéé' do, joba' cangáin` jaang` dseañu` i sii` Tái` Simón cóo` gui jaang` rúin` do i sii` Dái. Jo dob táain` do laji` huáain` e jmóor` ta~ bí' máa' fí é' guiéé' e quiá' e sáin` 'ñu`.

17 Joba' casí' Jesús i dsea` do lala:

—'Nú' ñilíng` na' cóo` jnea~, jo latí' lana nicuóó` 'nú' ta~ e guiá' na' júu` quiá' Fidié` fí jee` dsea` jmi~güí, jo líb' jiu e ta~ jo la lí' ta~ sáng' 'ñu`.

18 Jo dsifí mi~ canúu` i dsea` gáng` do e júu` e cajíng' Jesús do, ladsifí lanab catúr` e 'máa' quiá'r` do jo cangolím` bre cóo` dsea` do.

19 Jo ja` huíi` mi` ngolíim` bir mi~ cangáng` Jesús jaang` dseañu` i sii` Tiáa` cóo` gui jaang` rúin` do i sii` Juan, jo laji` huáain` do líin` jóo` jaang` dseañu` i sii` Zebedeo, jo teáain` do fí coo` dsí' móo' e niguiar` guiá' 'máa' quiá'r` e quiá' nisáin` 'ñu`.

20 Jo dsifí cató' Jesús i dsea` do e cangolín` do cóo` r, jo ladsifí lanab cangolíng` i dsea` do cóo` Jesús; jo dob caseáain` do tiquiá'r` fí dsí' e móo' do colíng` cóo` jaléng` i dsea` i jmicóo` gui quiá'r`.

*Jaang` dseañu` i iuung` i 'ling` dsí'
(Lc. 4:31-37)*

21 Jo mi~ cangâ jo, cangolíin` fí coo` fí lí' sii` Capernaum. Jo fí jo mi~ catí e jmi~ e jmi'íng' dsea` Israel, jo Jesús ca'ír` fí dsí' guá' quiá' i dsea` góor` do, jo canaain` e'r` jaléng` dsea` i teáng` do ie~ jo.

22 Jo dsíng' dsí' gó' dsí' jaléng` i dsea` do dsu' e núur` jalé' e júu` e guiá' Jesús do, co' er' laco' jaang` dsea` i quie' nifi' e ja' 'gór', jo ja' er' laco' e' jaléng` tífa' i e' jalé' júu` quiá' ta~ quiá' dsea` Israel.

23 Jo ie~ jo e fí dsí' guá'` dob ni'iuung` jaang` dseañu` i ni'iuung` i 'ling` dsí'. Joba' mi~ tí' lí' cangáng` i dsea` do Jesús, dsifí ladob i 'ling` do cajméer` e ca'óo' i dseañu` do jo cajín` do lala:

24 —¿Jiali' ñijmiguín` jnea`, Jesús, dsea` seen' fí Nazaret? ¿Su cañí' e ni'íin` jnea`? Cuím` baa' 'nu, joba' ne` naa' e lin' dsea` güeang` quiá' Fidié` dsea` guiing` ñifí`.

25 Joba' mi~ canúu` Jesús lajo, dsifí lanab cajíin` i 'ling` i ni'iuung` dsí' i dseañu` do jo cajín` casí'` reiñ' lala:

—iCatii` í' moní', jo tiúung` i dseañu` la!

26 Jo dsifí lajob cajméé' i 'ling` do e cadseá` joñíng` i dseañu` do, jo teáb` ca'óoiñ` do mi~ cagüi' i 'ling` i ni'iuung` dsí' do.

27 Jo jaléng` dsea` i cangá' e jo ie~ jo, eáam' cafóin` jo canaain` jmingí' rúin`:

—¿I` i dsea` na? iCo' fé'r` júu` e ja' mí' ne` naa' jogui ja' 'gór' fé'r' lí' laco' jaang` dsea` i quie' nifi', jo la quie' gui jaléng` i 'ling` i teáng` dsí' dsea` náur` júu` quiá' dsea` na!

28 Jo mi~ cangâ jo, eáam' caní'` júu` quiá' Jesús cóo` jalé' e guiá' e jmóor` do fí latøng` lí' se' Galilea.

*Mi~ cajmi'leáng` Jesús iemisé` Tái` Simón
(Mt. 8:14-15; Lc. 4:38-39)*

29 Jo mi~ tí li~ ca'uøøiñ` e fi' dsí' guá'- e si' fi' Capernaum do, dsifi' lajob cangó- Jesús cóo'- Tiáa~ cóo'- gui Juan fi' quiá'- Tú^ Simón cóo'- gui Dí^.

30 Jo mi~ caguiliñ- fi' quiáñ'- do, dob ráang` iemisé` Tú^ Simón e iu~ guim^bre, jo casí'- i dsea` do Jesús e~ calí- cóo' i dseam^ do.

31 Joba' Jesús cangoquiéiñ' fi' quiá'- li~ ráang` i dsea` dsée'^ do, jo catiñ- guóoiñ' do jo caseáng` neiñ'; jo mifing` caráam` biñ' do, jo ladsifi' lanab caguá- e iu~ guíñ^ jo canaaiñ' do guiar' guiá- e quiá'- nihéiñ' Jesús cóo'- gui i dsea` i ngí cóo'- dsea` do.

*Mi~ cajmi'leáang- Jesús i fñing` dsea` dsée'^
(Mt. 8:16-17; Lc. 4:40-41)*

32 Jo mi~ canuu` e jmiñ` jo e lico' nicadseá- ié`, cangojéeng` dsea` i fñing` dsea` dsée'^ i seeng` quiá'r- fi' quini~ Jesús, jo do quiéeng` jaléng` dsea` i teáng` i 'ling'^ dsí'.

33 Jo dseáng'- latøøng- fiib` caseáng` e o'ná' li~ iuung- Jesús ie~ jo.

34 Jo fñim` dsea` cajmi'leáang- Jesús ie~ jo lí^ doñi' ee` jmohuñ' e líng` dsea`, jogui fñim` bi jaléng` dsea` i niteáng` i 'ling'^ dsí' cajmi'leáam- Jesús cajo; dsu' ja` cacuø'r' fi' i 'ling'^ do fa' e niféiñ' do e nijmér- júu` i~ i dsea` do, co' ñib` i 'ling'^ do guiá- i~ líng` dsea` do.

*Mi~ cagua' Jesús júu^ quiá'- Fidié' fi' li~ se' Galilea
(Lc. 4:42-44)*

35 Jo ná'- gui e ngóo' nijneá` e uøø` jo, caróob- Jesús jo cagüi'ñ-bre e fiñ` jo, jo cangór- cangoféeiñ' Tiquiá'r^ Fidié' fi' cóo' li~ ja` 'ga' lí dsilíng- dsea`.

36 Jo Tú^ Simón colíng- cóo'- jaléng` dsea` i la'ó' ngí cóo'- Jesús cangoliñ` cango'néem` bre dsea` do,

37 jo mi~ cadséiñ' dsea` do jo casí'r-:

—Fí'naa', lajñim` dsea` ngír' 'náíñ' 'nu` lana.

38 Dsu' Jesús cañír` quiá'- i dsea` do jo casí'- reiñ' lala:

—Má-aa' fi' jalé' fiñ` e néé' fi' quiá'- gui la, jo fi' job nidsiguiá^naa' júu^ quiá'- Fidié', dsuco' ta~ joba' e cagá- jnea~ fi' jmigüi' la.

39 Jo lacaam` li~ se' Galilea ngí Jesús e guiar' júu^ quiá'- Fidié' lí^ lacaang` li~ téé- guá'- quiá'- dsea` góor` dsea` Israel, jogui jmóo` bir e túu- jaléng` i 'ling'^ i teáng` dsí' dsea`.

*Mi~ cajmi'leáang- Jesús jaang` dsea` i líng` jmohuñ' 'li'^
(Mt. 8:1-4; Lc. 5:12-16)*

40 Jo lajee~ e ngí Jesús fi' li~ se' Galilea, cangoquiéeng` jaang` dseañu' fi' li~ ngóor` i nilíng` jmohuñ' 'li'^ fi' ngúu` táaiñ`. Jo mi~ caguiér- quiá'- li~ ngóo' Jesús, joba' casí' uø- jniñ` jo casí'r- dsea` do lala:

—Fí'i, cuøøm` lí jmi'leaan'^ jnea~ lajñi~ jmohuñ' e lín` n song iin~ lajo.

41 Jo Jesús calí- fi' lím- bre i dseañu' do, joba' cagüiñ' dsea` do jo cajñi~:

—Im~baa jmi'leáan` n` nu`. ijo lana ca'láam` ba' lajñi~ jmohuñ' e lin'!

42 Jo dsifi' lajob ca'láang- i dseañu' do, jo jo` e líiñ` jñi~ cóo` jóng.

43 Jo mi~ cangñ` jo, ca'ñb- Jesús júu^ i dseañu' do e nidséiñ', jo eám` ca'ñr- 'goo` quiáñ'- do jo lalab casí'r-:

44 —Fí-i 'nu` e jñi~ jaang` dsea` ja` ii` nifi'^ lajalé` e calí- na; lico' güjjeaang~ uø' fi' quini~ jmidsea` lí^ laco' tñng` dsea` góo`oo' dsea` Israel, jogui líng~ ee` nigüicá^ quiá'- e ca'láam` ba' lí^ laco' gui ta~ caquiñ' Moi~ malñ~ gui eáang`, jo lajoba' niliñi' dsea` e nica'láam` ba' lajñi~ jmohuñ' e lamí` lin'.

45 Jo cangám'- i dseañu' do, dsu' cajmea` bre júu^ lajñim` dsea` lajñi~ e calí- do. Joba' Jesús jo` lí'r- fa' ngí- guir dseáng'- fi' li~ teáng` dsea` eáang`, jo fi' caluub` fiñ` jñi~ ja` guir fi' lí ja` ii` 'ga' lí dsea` jøø- quiá'r-; dsu' car` jñi~ jo dseáng'- dsilím` bi dsea` i 'no' quiá'r-.

2

Mi~ cajmi'leáng- Jesús jaang`dseañu' i caang` tii~
(Mt. 9:1-8; Lc. 5:17-26)

¹ Jo mi~ cangfi guí tú- 'ni' jmi~ lajo, cangám'-tu Jesús fi' Capernaum. Jo mi~ caliñi' jaléng' dseá e lling~ jié' fi' li~ nitáang` dseá do,

² joba' ladsifi' lanab caseáng' fíng' dseá e fi' 'nú' li~ iuung- Jesús e guiar' júu^ quiá'- Fidiéé, jo jii' jo' íng-gui dseá fi' o'nú^ quiá'- e 'nú' do, co' i' leám- dseá teáng' e fi' dsí' jo.

³ Jo lajee~ jo caguiling- quiúung- dseañu' i dsíng' jaang`gui dseañu' i caang` tii~.

⁴ Jo dsuco' eám' fíng' dseá i teáng' do ie~ jo, joba' ja' cuøng' fa' e nidsijéiñ i dseá dséé' do cati' quini~ Jesús. Joba' caneáar' capi'^ fi' yá'^ 'nú' dseáng'- e li~ iuung- Jesús cóo' jaléng' i dseá do, jo fi' job cajgiéer- e 'ma' li~ dsíng' i dseá dséé' do carti' quini~ laco' sing' Jesús.

⁵ Jo dsifi' mi~ calilí'^ Jesús jial dseáng'- já'- lling' jaléng' i dseá do júu^ quiá'r-, joba' cajíñ'- casí'r- i dseá dséé' do lala:

—Jóo'o, nica'ím-baa dsee- quií'.

⁶ Jo mi~ cajíng'- Jesús lajo, joba' i lling~ tifa' quiá'- júu^ quiu' ta~ quiá'- dseá Israel i teáng- do ie~ jo canaaiñ' í dsír':

⁷ “¿Jial teá dsí' i dseañu' na e fé'r' lana? Co' jalé' e fé'r' na, júu^ gab' lí' fi' quini~ Fidiéé, dsuco' dseáng'- lajii' Fidiéé'bing' cuøng' lí' íng- dsee- quiá'- dseá.”

⁸ Jo dsu' dsifi' lajob calilí'^ Jesús lajii' e í dsí' i dseá do, joba' casí'-reiñ' do lala:

—¿Jiali' í áa' 'nú' lana?

⁹ ¿E~ e lling- 'nú' e ja'gui huíng' nifi~ i i dseá caang~ tii~ na? ¿Su nifi~ire: “Nica'ím-baa dsee- quií'”, osi nifi~ire é: “Ráan'- jo ngí, jo quiéé' uø' e 'ma' li~ dsín'^ na”?

¹⁰ Jo dsu' lana jnea~ ni'éé'e 'nú' e jneab~ cagá-a fi' ñifi~ e lín'n jaang` dseá jmigü' e oo-baa ta~ fi' jmigü' la e ni'ín~n dsee- quiá'- dseá.

Jo mi~ cangfi e cajíñ'- lajo, joba' casí'r- i dseá caang~ tii~ do lala:

¹¹ —Jnea~ fi~ i 'nu', ráan'- jo quiéé' e 'ma' li~ dsín'- na jo guóng' fi' quií'.

¹² Joba' dsifi' ladob caráang- i dseá caang~ tii~ do, jo cacór- e 'ma' li~ lamí~ dsíñ'^ do la ní jaléng' i dseá i teáng- do ie~ jo. Jo mi~ cangá- jaléng' i dseá do lajii' e calí- do, joba' lajii~bre cango'gó' dsír' jo canaaiñ' jmiféiñ' Fidiéé' jo fé'r':

—Dseáng'- jii' coo' ya' ja' mi' cane'naa' lajii' e nicalí- jmi~ na.

Mi~ cató'- Jesús jaang`dseañu' i sii` Leví
(Mt. 9:9-13; Lc. 5:27-32)

¹³ Jo mi~ cangfi lajo, cangób-tu Jesús fi' 'ni' guiéé' e néé' fi' Galilea do. Jo lajee~ táaiñ' fi' jo, dseáng'- eám' dsilíng- dseá, joba' e'bre jaléng' dseá i guilíng- do júu^ quiá'- Fidiéé'.

¹⁴ Jo lajee~ e iuung- Jesús fi' ngóor' fi' li~ jié', cangáñ- jaang` dseañu' i sii' Leví, jóo' jaang` dseañu' i sii' Alfeo, e guiiñ' do fi' coo' li~ mir' cuu- e catíng- dseata~ i guíng' fi' Roma, co' líiñ' do nodsicuu-. Joba' casí'- Jesús i dseañu' do lala:

—Leví, má-aa' cóo' jnea~.

Jo dsifi' ladob caróo- Leví jo cangó-bre cóo' Jesús.

¹⁵ Jo mi~ cangfi jo, Leví cató'r- Jesús e nidsé- dseá do e nidsihé'r' fi' quiáñ'- . Jo fi' jo niguing~ dseá do gø'r' colíng~ cóo' jaléng' dseá i ngí cóo'r' jogui cóo' i fíng' dseá i mí cuu- quiá'- dseata~ guíng' fi' Roma jogui cóo' jaléng' dseá i jiéng' gui i sea' júu^ i røng' dsee- cajo.

¹⁶ Jo mi~ cangá- jaléng' dseá Israel i lling' dseá fariseo cóo' gui jaléng' tifa' quiá'- júu^ quiu' ta~ quiá'r- e Jesús guiiñ' gø'r' colíng~ cóo' jaléng' i dseá do, joba' cajming'r- i dseá quiá'- Jesús do jo casí'-reiñ' do lala:

—¿Jialí' gø' tifa' quíi~na' colíing~ cóo~ jaléng' 'ná^ nodsicuu~ cóo~gui jaléng' dsea` caguiaang~gui i sea` júu^ i røøng` dsee~?

17 Jo mi~ canúu~ Jesús lado, joba' cañíir` quiá~ i dsea` do lala:

—Jaléng' dsea` i guiúng~ ja` 'neáiñ~ timíí', dsu' jaléng' dsea` dsée'~bing' i 'neáng~ í. Jo jnea~ ja` cagá~ a fí' jmigüí la fa' e caga'nén'n jaléng' dsea` i ée` guiá~, dsu' jaléng' dsea` dsee~ dsea` qui'bing' i caga'nén'n.

*Mi~ cajmingí'~ dsea` Jesús uii~ quiá'~ jalé' ayuno
(Mt. 9:14-17; Lc. 5:33-39)*

18 Jo cóo` née'~ cajmée` ayuno jaléng' i dsea` i ngí' cóo~ Juan i seáang` dsea` jmíi` cóo~gui jaléng' i dsea` i líng' dsea` fariseo. Jo lajee` jo, caguilíng~ i líng' dsea` fí' lí~ táang` Jesús jo cajmingí'r~ dsea` do lala:

—Jaléng' i dsea` quiá'~ Juan i seáang` dsea` jmíi` cóo~gui jaléng' dsea` fariseo jmóo`bre ayuno, jo ¿jialí' jaléng' dsea` quíi~ 'nu` ja` jmóor` lajo?

19 Joba' cañíi' Jesús quiá'~ i dsea` do lala:

—Ja` cuøøng` nijmé~ ayuno jaléng' dsea` i simíng~ quiá'~ cóo` lí~ cung' guoo` dsea` lajee` seeng` i siming' i cung' guó` do cóo'r~; co' lajee` siseáng' i siming' do cóo~ i dsea` simíng~ do, ja` cuøøng` fa' nijmé~ i dsea` simíng~ do ayuno.

20 Jo dsu' coob` mi~ nití~ í' e nisáiñ' i siming' i cung' guó` do, jo joguib` mi~ niguiéé' jmíi~ e nijmé~ dsea` ayuno.

21 'Jo jíi~ jaang` dsea` to'r' cóo` 'mi' e yúu~ cóo~ ca'ná^ 'mi' e 'mí~, dsuco' song cajméer` lajo, joba' nijóm' e 'mi' e 'mí~ do jogui ni'guí'bi e 'mi' e yúu~ do cajo, joba' lí' lí' jmiguiú'gui ni'guí'b` jóng.

22 Jo lajobi cajo, ja` guié' dsea` méé' e laco' gui'ná^ có' fí' cóo` dsíí' loo~ jó' e yúu~; dsuco' song cajméer` lajo, joba' ni'guí'ba' do jo nidsi'íib' e méé' do jogui ni'ím~ e loo~ jó' do cajo. Jo co' lajob` lí', joba' guiá~gui e niguié' dsea` e méé' laco' gui'ná^ có' do fí' cóo` dsíí' loo~ jó' e 'míib~, jo lajoba' ja` dseáng'~ fa' e ni'guí' e loo~ jó' do o'gui fa' e nidsi'íí' e méé' do cajo.

*Mi~ ca'éeng~ dsea` quiá'~ Jesús láa' quiá'~ cui'íee`
(Mt. 12:1-8; Lc. 6:1-5)*

23 Jo cóo` ya' ie~ jmíi~ e jmi'íng' dsea` góo` Jesús dsea` Israel, jo caguié~ dsea` do colíing~ cóo~ jaléng' dsea` quiá'r~ fí' cóo` guíee` lí~ sijnea~ cui'íee`. Jo jaléng' i dsea` quiá'r~ do mi~ cangíiñ' fí' jo, canaaiñ' éeiñ~ láa' quiá'~ e cui'íee` e sea` do ie~ jo.

24 Joba' jaléng' dsea` Israel i líng' dsea` fariseo cajmingí'r~ Jesús lala:

—Janú', ¿jialí' jmóo` dsea` quíi~ lana?, co' ja` cuøøng` jmé~ dsea` Israel e lana mi~ jmíi~ e jmi'íng'naa'.

25 Joba' cañíi' Jesús quiá'~ i dsea` do lala:

—¿Su jíi' cóo` ya' ja` mi' ca'í' 'nú' fí' ni~ jì` quiá'~ Fidiéé' lí' fé' e~ cajmée` dseata~ Daví' ie~ malíi~ do cóo` ya' lajee` e jmi'aang~ dsea` do cóo~ dsea` quiá'r~?

26 Jo ie~ jo jaang` dsea` i sii` Abiatar líiñ' jmidsea` laniing~, dsu' i dseata~ Daví' do ca'í~bre fí' dsíí' 'nu~ Fidiéé' jo cagó'bre e íñí' güeang' quiá'~ Fidiéé' e si'í' dseáng'~ lajíi~ jmidsea`bing' cuøøng` lí' dó'~; jogui cacuø'bir cajo jaléng' i dsea` i ngolíng~gui cóo'r~ do e cagóíñ' do.

27 Jo cajíng'~gui Jesús cajo:

—E jmíi~ e jmi'íng' dsea` cajmée` Fidiéé' e laco' nijmicóo'r~ dsea` jmigüí'b, jo o' yaang~ dsea` jmigüí' cagui'r' e jmíi~ jo e laco' nijmi'íñ'.

28 Jo uíi~ lajoba' e jnea~, i cagüéng~ fí' jmigüí la e gáa'a fí' ñifí~ e lín'n jaang` dsea` jmigüí, seab` fí' quíe~ e quiá'~ u ta~ lajee` e jmíi~ e jmi'íng' dsea` góo'o dsea` Israel.

3

*Mi~ cajmi'leáng~ Jesús jaang` dsea` i caang~ guoo`
(Mt. 12:9-14; Lc. 6:6-11)*

¹ Jo mi~ cangf jo, coo` jmi~ ca'lb~ tu Jesús fi' coo` dsii' guá'- quíá'- dsea` góor` dsea` Israel, jo fi' job ni'iuung~ jaang` dseañu' i caang~ coo` guoo`.

² Jo ie~ jo i fñim` dsea` siteeiñ` Jesús fi' e guá'- jo e lí' laco' nijóor~ su nijmi'leáng~ dsea` do i dsea` dsée' do 'ñia' ie~ jmi~ e jmi'ing' jaléng' dsea` góor` dsea` Israel, co' fing cajmée` dsea` do lajo, lajoba' líiñ` e nili'r` e ni'ning~ neiñ' fi' quini` dseata`.

³ Jo mi~ cangáng~ Jesús i dseañu' i caang~ guoo` do, dsifi' lajob casí'- reiñ' do lala:
—Ráan'- jo síng' uó' e guiá' joo` do.

⁴ Jo mifing` cajmingi'r~ jaléng' i dsea` i teáng~ do ie~ jo, jo casí'- reiñ' do lala:
—¿E' í' óo' 'nú' e cuóong` líl' mi~ jmi~ e jmi'ing' jneaa~aa', dsea` Israel? ¿Su e guiá' ofa' e ja` dseem` é? ¿Su 'né' e nijmi'leáng~naa' jaang` dsea` rú'naa' jee~ jmohuí', o si e nibiing~naa'r` é?

Dsu' jaléng' i dsea` do tiib~ cajer'.

⁵ Jo lí' cajóom~ Jesús jaléng' i dsea` i teáng~ lacúng' lajiiing` do, jo caliguim~ bre quíaiñ'- do, jogui fi' lí' bi cajer' cajo, co' dseáng'- ja` iing~ jaléng' i dsea` do ningám' bre. Joba' lalab casí'r~ i dseañu' i caang~ guoo` do:

—Níi' guoo', dseañu'.

Joba' cani'biñ' do guóor` e caang~ do, jo ladsifi' lanab ca'lóo`.

⁶ Jo mi~ cangá~ jaléng' i dsea` Israel i líng' dsea` fariseo i teáng~ do ie~ jo jalé' e calí' do, dsifi' mi~ tí' lí' ca'uóoiñ' fi' jo, jo canaiñ' sñiñ` cóo'~ jaléng' dsea` quíá'- dseata~ Herodes e quíá'- jial nijmér~ e laco' nijngáiñ'- Jesús.

Mi~ caseáng' i fñing` dsea` fi' 'ni' guiée' Galilea

⁷ Jo mi~ cangf jo, cangób~ tu Jesús coling~ cóo'~ jaléng' dsea` quíá'r~ fi' 'ni' guiée' Galilea, jogui i fñim` dsea` seeng` lacaang` fi' lí' se' Galilea ngoliñ~ laco' ngóo' dsea` do.

⁸ Jo mi~ caliñi' jaléng' dsea` quíá'- jalé' e guiá' e jmoo` Jesús, i fñim` dsea` cajalíiñ` cajajóoiñ` dsea` do; cajalíng` jaléng' dsea` i seeng` fi' Jerusalén, jogui lacaang` fi' jie' lí' se' Judea, jogui lí' se' Idumea, jogui jaléng' dsea` i neáng` lí' lí' guiée' laco' ia~ gua` Jordán, jogui jaléng' dsea` i seeng` fi' fi' Tiro cóo'~ gui fi' fi' Sidón.

⁹ Jo casí'- Jesús i dsea` quíá'r~ do e nijméiñ'- do quiji' coo` móo' e ni'ír` e lí' laco' ja` nicúíñ'- eáng' fi' jee~ i dsea` leáng~ do;

¹⁰ dsuco' Jesús dseáng'- i leám~ dsea` dsée' i nicajmi'leáiñ~, joba' jaléng' dsea` dsée' dseáng'- dsiquíeeiñ' e güim'bre dsea` do.

¹¹ Jogui jaléng' i dsea` dsée' i jée' i ling' quíá'- laco' mi~ níiñ~ Jesús, dsifi' lajob sí'r` uó~ jnir~ fi' quini` dsea` do jo óor` teá jo fé'r` lala:

—'Nu` lín' i Jóo' Fidiée' camíng' do.

¹² Jo Jesús cajmi'leám~ bre i dsea` dsée' do, jo jíim~ bre i ling' do jogui quiu'reiñ' ta~ e ja` niféiñ' do cuaiñ~ quíá'r~ 'ñia'r` fi' quini` dsea`.

Mi~ caguíng` Jesús dsea` guitúung` quíá'r~

(Mt. 10:1-4; Lc. 6:12-16)

¹³ Jo mi~ cangf gui lajo, cajgóo~ Jesús fi' coo` yá' mó', jo fi' job cató'r~ i fñing` dsea` e laco' niguiñ' i jaléng' ni'uíng~ dsea` quíá'r~. Jo lajee` e nicaseáiñ' lajiiñ' e fi' yá' mó' do,

¹⁴ caguíñ' lajee` jaléng' i dsea` i teáng~ do ie~ jo guitúung` dsea` i nisíñ~ cuaiñ~ quíá'r~ e laco' nidsiguíaiñ~ do júu^ quíá'- Fidiée' jee~ jaléng' dsea` jmigüi'; joba' i dsea` í calisír` dsea` apoo', e guóng' dsea` si'neaang` quíá'- Fidiée' i quie' júu^ quíá'r~.

¹⁵ Jogui cacuo'reiñ' do ta~ e quí'r~ jmi~ e ni'uóoiñ~ jaléng' i ling' i jée' quíá'- dsea`.

¹⁶ Jo lalab sii' i dsea` guitúung` i ca'naaiñ' do: jaang` i sii' Simón, jo mi~ cangf cóo'~ Jesús calisír` Tú^;

17 jaang`gui i sii` Tiáa` cóo`gui jaang` rúin` do i sii` Juan, jo laji` huáaiñ` do líin` jóo` jaang` dseañu` i sii` Zebedeo, jo mi` cangir` cóo` Jesús laji` huáaiñ` do calisír` Boanerges, e guøng` Jóo` Ji` Güi`ñiá`;

18 jaang`gui i sii` Df`, jaang`gui i sii` Lii`, jo jaang`gui i sii` Bartolomé cóo` jaang`gui i sii` Mateo, jogui jaang`gui i sii` Mó`, jo jaang`gui i sii` Tiáa`, jóo` jaang` dseañu` i sii` Alfeo, jogui jaang`gui i sii` Tadeo cóo` jaang`gui i sii` Simón i líng` dse` celote,

19 jo catí` lí` cadséng`gui Judas Iscariote i cajáng` Jesús fí` jaguó` dse` i cajnga` quiá`r`.

Mi` cacuø` dse` dsee` Jesús e jmóor` ta` la'eáang` cóo` fii` i 'ling`

(Mt. 12:22-32; Lc. 11:14-23; 12:10)

20 Jo mi` cangir`gui lajo, ca'í`tu Jesús fí` cóo` dsíí` sinúu`, jo dsifí` lajob caseáng`tu dse` i 'leáang` e jii` o' cuø` fí` dó`gui dse` do colíng` cóo` dse` guitúung` quiá`r`.

21 Jo mi` caliñi` i dse` rúng` Jesús e jo, joba' cangolíin` e cangotéer` dse` do ladsifí` lado, co' fé`r` e ningaam`biñ`.

22 Jogui lajobi cajo, lalab fé` jaléng` tifa` quiá`- júu` quiu` ta` quiá`- dse` Israel i jalíng` catí` Jerusalén jo cajíin`:

—La'eáang` cóo` bí` quiá`- Beelzebú i líng` fii` jaléng` i 'ling`, la'eáang` í`bing` tñng` i dseañu` na e uøøiñ` i 'ling` i teáang` dsíí` dse`.

23 Joba' catób`- Jesús jaléng` i dse` do, jo casí`-rein` do cóo` júu` já` e lafa' júu` cuento jo lalab cajíin`:

—¿Jial lí` Satanás niguíin` 'ñia`r`?

24 Jogui fa' dse` i seeng` fí` cóo` fii`, jo nilí` e 'ní` níng` rúin` lajee` la'ó` yaaiñ~, joba' ja` huøø` nité` e seeng` dse` e fí` fii` jo, ¿já` já`-?

25 Jogui lajobi fa' cóo` sinúu` quiá`- dse` lí` seeiñ` má`~, ja` cuø` fí` fa' e seeiñ` juguiá` fí` jo, ¿já` já`-?

26 Lajobi lí` cóo` Satanás i líng` fii` i 'ling` do; cofa' caliséin` má`~ jogui catíin` cóo` i 'ling` i líng` la'ó` 'ñia`r` do, joba' ja` røø` nigüi`líng` quiá`r`, co' ni'ím` bre congua` jóng, ¿já` já`-?

27 Jogui lajobi cajo jii` jaang` dse` lí`r` ír` fí` dsíí` sinúu` e nidsijméer`- ii` quiá`- jaang`gui dse` i bí`gui dsíí` laco` ír`; co' la'uii` jang`- 'né` e ni'ñúm`bre i dse` í, jo joguiba' nilí`r` e nijmér`- ii` jóng.

28 Jo jnea` jmitaa` óo`na` e cuøøm` lí`líng` Fidié` dsee` quiá`- jaléng` dse` uii` quiá`- jalé` e nicajméer` cóo`gui jalé` e nicafé`r`.

29 dsu` song` iigui fé` ga` uii` quiá`- Jmiguí` quiá`- Fidié`, joba' dseáng`- jo` ni'ím` Fidié` dsee` quiá`- i dse` í, co' latab` niróin` dsee` jóng.

30 Jo lanab` jii` lí` júu` e casí`- Jesús i dse` do ie` jo uí` e féin` do e jée` i 'ling` quiá`r`.

Mi` cajíng`- Jesús i` niquiá`r` jogui i` rúin`

(Mt. 12:46-50; Lc. 8:19-21)

31 Jo mi` cangir` jo, jo lajee` e iuum`-bi Jesús fí` dsíí` e sinúu` do, mi` caguié` niquiá`r` cóo`gui jaléng` rúin`. Dsu` jii` caluub` cajeiñ` do, co' eám` fíng` dse` teáang` dsíí` e sinúu` jo ie` jo. Joba' casíin` jaang` dse` i si'í` cangote` Jesús.

32 Jo i dse` i neáang` lacúng` lajíng` lí` sing` Jesús casí`r` dse` do lala:

—Nab nicagüéng` niquiá` cóo`gui jaléng` rún` dseañu` cóo`gui rún` dseamf` e 'náiñ` 'nu`, jo nab teáaiñ` caluu` lana.

33 Joba' cañi` Jesús quiá`- i dse` do lala:

—¿I` líng`- 'nú` i líng` niquié` e jogui jaléng` rún`n?

34 Jogui cajóøiñ` i dse` i neáang` lacúng` lajíng` lí` guiiñ` do jo cajíin`:

35 —Co' lí` doñi` ii` dse` i jmóo` dseáng`- lajii` ta` e iing` Fidié`, joba' i dse` í`bing` i líng` rún`n jogui í`bing` i líng` niquié` e cajo.

4

*Coo`júu`já`lafa`júu`cuento`quíá`-mí`bí`dsea`mijú`
(Mt. 13:1-9; Lc. 8:4-8)*

¹ Jo coo`gui`néé` canaang`tu Jesús e e`r` dsea` júu` quiá`- Fidiéé` fí` 'ni` e guiéé` do. Jo dsuco` i` fíim` dsea` caseáng`tu e fí` jo, joba` lajee` jo ca`íb`-tu Jesús fí` dsíí` coo` móo` e si` e 'ni` e guiéé` do, jo fí` job` caguár` lajee` e jaléng` i` dsea` caguiaang` do teáaiñ` fí` 'ni` e guiéé` do e núur` júu` quiáíñ` do.

² Jo fí` job` canaang` Jesús ca`e`r` jaléng` i` dsea` do jmiguiw` júu` já`- lafa` júu` cuento, jo lalab` fé`r` e sí`r` i` dsea` do:

³ —Janú`, núu`-na` jalé` e nifá`^a la: Coo` ya` cagüi`fí` jaang` dsea` quié` mijú` e ngojñir` jma`.

⁴ Jo lajee` ngóor` jnir` jma` quiá`r`, e liing` e mijú` do cajiá` fí` lí` ngóo` fí`, jo jiaab` cøong` lajo` caguilíng` ta` jo cagó`bre` e mijú` do.

⁵ Jogui` sea`bi e mijú` do e cajiá` fí` jee` cuu` fí` lí` ja` 'leáang` guóo` néé`; jo e mijú` jo lajmináb` ca`iáang`, co` ja` 'leáang` 'mí` néé` guóo`;

⁶ jo dsu` mí` cangáng` iee`, cacám` jo caliquiúb`, co` ja` 'ga` lí` jmó` sea` quiá`-.

⁷ Jo e liing`gui e mijú` do cajiá` fí` jee` 'matóo`, jo co` eáang`gui cacuáng` e 'matóo` do jo niúm` ca`uíng` quiá`- e mijú` e ca`iáang` do, joba` e mijú` do dseáng`- ja` e cacuøb`.

⁸ Jogui e liing`gui e mijú` do cajiá` fí` lí` jlo`^ uó`, joba` jlob`^ cacuáng`-; jo e liing` cacuø` lí`gui treinta lacamí`^, jogui e liing`gui cacuø` lí`gui sesenta lacamí`^, jogui e liing`gui cajo` cacuø` latí` cien mí`^ lacamí`^ do.

⁹ Jo cajíng`-gui Jesús casí`r` i` dsea` do:

—Jaléng` 'nú`, dsea` sea` loguá`na`, núu`-na` e júu` na.

*E` uiing` e cacuø` Jesús jalé` júu` já`- lafa` júu` cuento
(Mt. 13:10-17; Lc. 8:9-10)*

¹⁰ Jo mí` cang` jo, mí` caje` Jesús 'ñia`r`, jo jaléng` i` dsea` i` neáang` cáang` laco` guiiñ` do colíng` cóo`~ jaléng` dsea` guitúung` quiá`r` cajmingí`r` dsea` do e` guøng` e júu` e cajíñ` do e lí` lafa` júu` cuento.

¹¹ Joba` cañí` Jesús quiá`- lajaléiñ` do jo lalab` casí`-reiñ`:

—Ngám` 'nú` e cuø` Fidiéé` e ñí`na` jialco` quié` Fidiéé` nifí` quiá`- dsea` e ja` mí` ñí` dsea` jmigüi` lamí` jéeng`gui; dsu` jaléng`gui dsea` i` ja` mí` íng` júu` quiá`- Fidiéé`, núur` e júu` do la`eáang` cóo`~ júu` e lí` lafa` júu` cuento.

¹² Co` lajob` fé` fí` ní` jì` quiá`- Fidiéé` cuaiñ` quiá`- jaléng` i` dsea` í`:

Jo dsu` nañí` fa` jialgui` la jøø`r`, dsu` ja` ninír`,

jogui` nañí` fa` jialgui` la núur`, dsu` ja` ningáiñ`,

e laco` i` dsea` la`í` ja` niquí`- jíng` yaaiñ` fí` quinií`,

jo o`gui` jnea` ni`íin`n dsee` quiá`r` cajo.

*Mí` cajíng`- Jesús e` guøng` e júu` quiá`- i` dsea` bí` mijú` do
(Mt. 13:18-23; Lc. 8:11-15)*

¹³ Jo cajíng`-gui Jesús casí`r` jaléng` i` dsea` do:

—¿Su ja` ngáng` 'nú` e júu` já`- e lí` lafa` júu` cuento la? Jo ¿jial`ningáng`na` e caguiee`-gui do song` ja` ngáng`na` e la?

¹⁴ Jo lalab` guøng` e júu` la: I` dsea` i` jní` e mijú` do líiñ` lafa` jaang` dsea` i` jmóo` ta` guía` júu` quiá`- Fidiéé` cuaiñ` quiá`- Dsea` Jmáang`-.

¹⁵ Jo i` liing` dsea` líiñ` laco` lí` e mijú` e cajiá` fí` guiá` fí` do, co` núur` e júu` jo, jo mí` ningí` jo, dsifí` lajob` guiéé` Satanás, jo íb` jmóo` e íim`-tu dsíir` lajii`~ e júu` e nicanúur` do.

¹⁶ Jo i` liing`gui dsea` líiñ` laco` la lí` e mijú` e cajiá` fí` jee` cuu` lí` ja` 'ga` lí` guóo`~ sea`, co` i` dsea` í` núur` e júu` quiá`- Fidiéé` do, jo ladsifí` íáam` dsíir` e íñ` e júu` jo.

17 Jo dsaco' ja` mi' ca'ing'guir dseáng' e ngocáng` dsír' e júu` jo, joba' ja` huóø` té'r` e já'` líiñ'; jo mi` dsing'íiñ` ee`go e huíng` osi e 'ní'` ní'` dsea` quiá'r` é uí'` e cuiñ` Dsea` Jmáang` , joba' jgiéem` dsír' cóo'` e júu` jo.

18-19 Jogui i líng`gui dsea` líiñ' laco' lí' e mijú` e cajiá'` fi' jee` 'matóo'` do, co' lico' núur` e júu` quiá'` Fidié` do, jo dsu' eáang`gui guing` dsír' jial nilí'r` jalé' e 'né'r` , jogui eám'` jmigóøiñ` yaaiñ` e dsináaiñ' cuu` cóo'`gui jalé' e sea` fi' jmigü' la. Jo lajaléb' e jo jmóo' e táb'tur e júu` jo, jo ja` ee` ta` íng` quiá'r` e já'` caliñ` e júu` jo co' ja` ee` dsicuáng` quiá'r` .

20 Dsu' i líng`gui dsea` núur` e júu` quiá'` Fidié` do, jo jáb'` líiñ' e júu` jo, jo guiáb` uíng` quiá'r` , jo i dsea` la'íbing' líng` laco' lí' e mijú` e cajiá'` fi' lí' jlo'` uó` do. Jogui i líng`gui i dsea` la'í líiñ' laco' e mijú` e cacuø` treinta lacamí'` do, jo i líng`gui líng` laco' e mijú` e cacuø` lí'gui sesenta lacamí'` , jogui i líng`gui líng` laco' e mijú` e cacuø` laji` cien lacamí'` do.

*Coo'gui júu` já'` lafa' júu` cuento quiá'` jial mi` jmijneá` dsea` ji`
(Lc. 8:16-18)*

21 'Jogui fíi`bigui 'nú'` cajo: Ja` ee` uing` sea` e sí'` dsea` coo` candí'` mi` canuu` fi' dsí'` coo` caja osi fi' coo` lí'` cóøng` é, dsaco' coo` lí'` níib'` 'né'` sí'` do e laco' cuóøng` jneá` guiá'` fi' latøøng` sinúu` .

22 Jogui lajob lí' , co' jji'` coo` sea` e si'`maang` fa' e ja` tóo` jmíi` niliñí'` dsea` , o'gui jji'` coo` júu` e ja` mi'` ní'` dsea` jéeng`gui fa' ja` tóo` jmíi` e niliñir` .

23 Joba' fíi`-i 'nú'` , i'` 'nú'` dsea` sea` loguá'`na' , núu`-na' jalé' e júu` na.

24 Jo mi` cangí` jo, lalab cajíng'`gui Jesús casí'r` i dsea` do jo cajíñ'`-:

—Quié`na' cuante laji'` e nuu`na' ; co' lafa' cóo'` e guia` 'nú'` í' , cóo'` e job cajo e niguiá'` Fidié` í'` ee`go nicuó'r` 'nú'` jo car` jji'` lí'bi lajo nicuó'r` 'nú'` .

25 Dsaco' i dsea` i sea` quiá'` , jmiguiá`gui bíniñíñ' e nilisea` , joba' lalím` nilisea` quiá'r` ; jo dsu'gui i dsea` i ja` sea` quiá'` , nigüeáb` laji'` capí'`jiu e sea` quiá'r` do.

Coo'gui júu` já'` lafa' júu` cuento quiá'` mijú` e cuaang`

26 Jo cajím'`bigui Jesús cajo:

—Mí'` quie'` Fidié` nifí'` quiá'` dsea` , lí'` la lí'` quiá'` jaang` dsea` i ta'` mijú` fi' nú'` uó` .

27 Jo mi` ningí` e cajní'r` e mijú` do, jo nidsém'`bre fi' quiá'r` . Jo mi` nití` tú` 'ní'` jmíi` lajo, nidsí'`ee`tur fi' lí'` cató'r` e mijú` do, jo lacoo` jmíi` jneá` jogui lacoo` jmíi` nuu` cuaam`ba' do, dsu' i dsea` i cajní` do ja` ñir` jial e cuaang` ,

28 co' 'ñiab'` guóo'` uó` e jmóo' e cuaang` do: co' la'uii` nijnéng` sá'` quiá'` , jo mi` ningí` jo nijáa' lí'` quiá'` , jo mi` cangí` joguiba' nicuó` ofíi` .

29 Jo mi` lí'` e nicaroo` e ofíi` do, joba' nidsicu`bre, co' lí'r` e nicatí` í'` e nisítím`ba' do.

*Coo'gui júu` já'` lafa' júu` cuento quiá'` coo` mijú` e sii` mostáa`
(Mt. 13:31-32; Lc. 13:18-19)*

30 Jo cajíng'`gui Jesús:

—¿Jial líng`-na' e lí'` mi` jaang` dsea` quie'` Fidié` nifí'` quiá'r`? Jogui ¿e` cóo'` cuóøng` nicøøng`naa'?

31 Jo mi` quie'` Fidié` nifí'` quiá'` dsea` , lí'` lafa' e mijú` e sii` mostáa` e jní` dsea` . Jo e mijú` jo dseáng'` pí'`gui lajee` lajalé'` mijú` e sea` fi' jmigü' ,

32 dsu' fíng` cajní` dsea` , dseáng'` féb'` eáang` cuaang` , co' fé'`gui eáang` lajee` lajalé'` onuu` , jogui cóob'` guo'` quiá'` uíng` cajo e cuóøng` guia` jaléng'` tá'` sñ` re' fi' yá'` jee` i'` quiá'` .

*E` uíng` e cajíng'` Jesús e júu` já'` do e lí'` lafa' júu` cuento
(Mt. 13:34-35)*

33 Jo lajob ca'e'` Jesús jaléng'` dsea` júu` quiá'` Fidié` e quiigeáang` jalé'` júu` já'` e lí'` lafa' júu` cuento lí'` cartí` calííng'` mogui` dsea` e jo` ningáng'`guir guiá'` .

34 Jo dseáng' ja e'bre dsea` júu` quiá' Fidié' e ja` quiéeng` e júu` lajo. Dsa' lajaléb' e guóng' e júu` do jma'bre júu` condséé' i dsea` guitúung` quiá'r` do mi` neáaiñ` coling` li` ja` seeng` dsea` jiéng'.

Mi` cajmée` Jesús e ca'uáang` e í' guí` jogui e ca'uáang` e róo` jmi`
(Mt. 8:23-27; Lc. 8:22-25)

35 Jo 'ña' ie` jmi` jo, mi` tí' li` ca'í` náu`, casí' Jesús jaléng' i dsea` guitúung` quiá'r` do lala:

—Má` aa' fí' lí' lí' 'ngóo` cataang` e guiéé' la.

36 Joba' lajob cajmées': caseám'bre i fíng` dsea` jo cangó`bre cóo` i dsea` quiá'r` do, jo cangotáaiñ` fí' dsí' cóo` móo' e nisi' do, jogui cangotáam`bigui dsea` jiéng' fí' dsí' tú` 'ní' móo' e jié'gui, jo cangolíim`biñ` do cóo'r` cajo.

37 Jo lajee` ningolíiñ` ní` jmi`b` mi` canaang` í' guí' e teá' eáang` jogui canaang` róo` jmi` cajo, jo catí' dsí' móob' nicanaang` dsí'a` jmi`.

38 Jo lajee` jo güim` Jesús ngóor' lí' to'mi` e móo' do e sijnuuiñ` dse' cóo` to'mi' dsíng` gui`. Joba' cangoñiñ` dsea` do ladsifí' lado jo casí`reiñ` lala:

—iTifa'! ¿Su ja` dsi'gó' o' e nicanaang` dsí'am'baa'?

39 Joba' caróo` Jesús jo caquiur' ta` e guí' do jo cajíñ`:

—iCatii`!

Jogui caquiur' ta` e jmi` do jo cajíñ`:

—iJmi'uáang` uo'!

Jo ladsifí' ladob ca'uáang` e í' guí' cóo`gui e róo` jmi`, jo tiib` ca'í' jóng.

40 Jo mi` cangí' jo, lalab cajíng' Jesús casí'r` i dsea` guitúung` quiá'r` do:

—¿Jialí' eáang` 'gó'na'? ¿Su ja` já' mí' calm`bi' lajii` júu` quié`e?

41 Jo mi` canúu` i dsea` guitúung` do lajo cafóm'bre, có' ja` ñir' jialí' cajíng' dsea` do lado, jo canaaiñ` jmingí' rúñ' lajee` yaaiñ` jo fé'r`:

—¿I` i dseañu' la e la quié'gui tí' guí' cóo` jmi` náu` júu` quiá'r`?

5

Jaang` dseañu' i teáang` i 'ling` dsí'

(Mt. 8:28-34; Lc. 8:26-39)

1 Jo mi` cangí' jo, caguié` Jesús cóo` i dsea` quiá'r` do fí' lí' lí' 'ngóo` cataang` e guiéé' do e fí' ní' guóo` uó` li` se' Gerasa.

2 Jo mifíng` mi` tí' li` cajgáng` Jesús e fí' yú' e móo' do, cangoquiéeng` fí' li` siñ' jaang` dseañu' i teáang` i 'ling` dsí'. Jo i dseañu' do lí' nijar' fí' codsiib`,

3 có' fí' job fí' li` guiiñ`. Jo jii` jaang` dsea` ja` ii` mí' cali' fa' e nicasang` neiñ` o'gui ii` mí' cali' fa' ni'ñung` neiñ` cóo` ní' cadena cajo.

4 Jo jmiguiab' ya' nicajmées` dsea` quií' e ni'ñú'r` guotiiñ` do cóo` e ní' jo, dsa' dsifí' lado fiiñ` do jo dseáng` jii` jaang` ja` ii` mí' catéé' quiá'r`.

5 Jo i dseañu' do uóo` jmi`b` ngir' fí' lacaang` jee` mó' jogui lacaang` fí' li` si'aang` jaléng' 'lii' e óor` jogui e jmihuíng` 'ña'r` cóo` cuu`.

6 Dsa' mi` tí' li` cangáñ` Jesús e huim`bi, dsifí' lajob cacuír', jo cangoquiéeiñ` fí' li` sing' dsea` do jo casí'r` uó` jnir` e jmiféiñ' dsea` do,

7 jo lalab casí`reiñ` e dsíng' teá' óor`:

—iJesús, Jóo' Fidié' dsea` guíng` ñifí', ja` jmiguín' jnea'; jo mí' i 'nu` jmi'ee' fí' quini' Fidié' e ja` jmihuín' jnea'!

8 Jo cajíng' i dseañu' i iuung` i 'ling` dsí' do lado, có' Jesús nicanaaiñ` quiur' ta` i 'ling' do jo cajíñ` lala:

—i'ling', júu' li` iuun` fí' dsí' i dseañu' na!

9 Jo casí`gui Jesús i 'ling` do:

—¿Jial sií'?

Jò cañíi ì 'ling' ì teáang' dsíí ì dseañu' do:

—Legióm sii, co' fí'baa'.

10 Jò ì 'ling' do, eáam' mî'r' Jesús jmi'ee' e laco' ja' nisíng' dseá' do jaléng' î fí' lî huíi.

11 Jò co' quiá' do nisi' coo' mó', jò e fí' jò nitaang' ì fíng' cú' e 'nó're' e gø're',

12 joba' ì 'ling' do camî'r' Jesús fí' e nidsitáaiñ' fí' dsíí ì cú' do, jò casí'r' dseá' do lala:

—Siing' jnea' fí' dsíí ì cú' do, jò cuø' jnea' fí' e nidsitoo' naa' fí' dsí're'.

13 Jò cacuøb' Jesús fí' jaléng' ì 'ling' do e nijméiñ' do lajò, joba' ca'uøøm' biñ' do fí' dsíí ì dseañu' do, jò fí' dsíí ì cú' ì taang' dob cangotáaiñ'. Jò dsifí' lajòb canaang' ì cú' do cuí're' fí' lî quiá', jò cajiúng' ne' jiáá' car' catisíng' ne' fí' é' coo' guiée', jò fí' jòb cajgó're' jmi' jò cajúm-bre' jaléng' ne'. Jò tíb' ì cú' ì taang' do la tú' mil.

14 Jò jaléng' ì dseá' ì táang' jmóo' í' ì cú' do cacuí-bre cajo, jò cangolíñ' fí' lî neáaiñ' e ngoguiar' júu' quiá' lajii' e calí' do, jogui sí'bir cajo jaléng' dseá' ì táang' jmóo' ta lacaang' lî cangúñ'. Jò lajii' dseá' cangolíñ' cangojòø' fí' lî cangojée' jalé' e jò.

15 Jò mî' tí' lî caguiling' ì dseá' do fí' lî sing' Jesús, dob niguiing' ì dseañu' ì lamî' teáang' jaléng' ì 'ling' dsíí do e jò e líiñ' jii' coo', jò nilí'bre co' ninica'uøøm' lajaléng' ì 'ling' ì lamî' teáang' dsíir' do; joba' eáam' caføng' jaléng' ì dseá' do.

16 Jò jaléng' ì dseá' ì cangá' jalé' e calí' do quiá' e ca'uøøng' ì 'ling' do dsíí ì dseañu' do jò cangotáaiñ' dsíí ì cú' do, lajib' e jò cajmea'r' júu' jaléng' dseá' caguiaang' gui.

17 Joba' jaléng' ì dseá' do canaaiñ' mî'r' jmi'ee' Jesús e nijmihuím' 'ñia'r' e fí' lî táaiñ' do.

18 Jò mî' tí' lî caquing' Jesús e ni'îtur fí' dsíí móo' e nidséiñ', ì dseañu' ì lamî' teáang' ì 'ling' dsíí do camî'r' Jesús fí' e nidsér' coo' dseá' do.

19 Jò dsu' Jesús ja' cacuø'reiñ' do fí' lajò, jò lí' casí'-reiñ' do e nidséiñ' fí' quiá'-bre jogui e nisí'r' jaléng' dseá' sinúu' quiá'r' lajalé' e nicajmée' Fí'naa' coo' ír', jogui jial calí' fí' líiñ' dseá' do cajo.

20 Jò cangám' ì dseañu' do ì lamî' teáang' ì 'ling' dsíí, jò canaaiñ' guiar' júu' jò sí'r' jaléng' dseá' seeng' fí' lî se' Decápolis jalé' e guiá' e cajmée' Jesús coo'r'. Joba' lajii' ì dseá' ì núu' jalé' e jò, eáam' dsigá' dsíir'.

Mî' cajmi'leáang' Jesús jóo' Jairo

(Mt. 9:18-26; Lc. 8:40-56)

21 Jò mî' caquing' tu Jesús fí' lí' 'ngóo' cataang' e guiée' do e iuiñ' dsíí móo', jò ì 'leáam' dseá' ì caguiling' tu fí' lî siñ', jò dob caje' Jesús e fí' 'ni' e guiée' do.

22 Jò lajee' job caguie' jaang' dseañu' ì sii' Jairo ì néé' ni' e guá' quiá' dseá' Israel. Jò mî' tí' lî cangáñ' Jesús, catúuiñ' cartí' uii' tii' dseá' do,

23 jò lalab casí'r' dseá' do e mî'r' jmi'ee':

—Jesús, dob ráang' Mí' quié' e e jii' jii'bre, jò fa' nijgiée' o' jnea' niguo' e güiquidsi' guóo' fí' moguir' e laco' ni'leáaiñ', jò lajòba' ja' nijúuiñ'.

24 Joba' cangób' Jesús coo' dseá' do, dsu' eáam' fíng' dseá' ì tí'leáang' laco' ngóor' dseáng' e 'leng' rúm' dseá'.

25 Jò jee' ì dseá' ì ningolíng' do, niqúieeng' jaang' dseam' ì nidsée' níngóo' mí' guitu' jii' e nilíiñ' jmohuí' e tuuiñ' jmi'.

26 Jò eáam' ninicajmée' quijí' coo' jaléng' tímí' fa' e ni'leáaiñ', jò eáam' nica'íiñ' cuu' lí' lajii' jii' e nisea' capí' quiá'r', dsu' ja' e ta' íng' jii' coo', co' lí' lí' ngóo' fí' guib' e líiñ' do.

27 Jò mî' canúur' jial tí' 'gøng' Jesús, joba' cangoquíeiñ' fí' lí' caluu' dseá' do lî ngolíng' dseá' ì 'leáang' do, jò catúuiñ' capí' sí' dseá' do,

28 co' í' dsíir' e fa' capí'b' sí' dseá' do catúuiñ', joba' ni'leáam-bre lajii' e jmohuí' e líiñ'.

29 Jò dseáng' lajee' e guiang' e catúuiñ' sí' dseá' do, joba' caquium' e tuuiñ' jmi' do, jò dsifí' lajòb calí' r' e ca'láam-bre lajii' e jmohuí' e lamî' líiñ' do.

30 Jo dsifí lajɔb calilí˘ Jesús e cajmeaiñ˘ ta˘ capí˘ e 'gɔng˘ quiá˘r˘, cɔ˘ liim˘ i˘ cajmi˘leáaiñ˘; jɔba˘ caji˘r˘ nir˘ lí˘ lacaang˘ lí˘ jalíng˘ jaléng˘ dsea˘ do, jɔ lalab cajíñ˘ cajmingí˘r˘ jaléng˘ i˘ dsea˘ do:

—¿I˘ i˘ catíng˘ capí˘ sɪ˘i˘?

31 Jo cañi˘ i˘ dsea˘ guitúung˘ do quiá˘r˘ lala:

—¿Jiali˘ jmingí˘ lajɔ, Tifa˘? Ne˘bhi˘ e dseáng˘ sicúum˘baa˘ ngóónaa˘ la, jɔ jmingí˘bi˘: “¿I˘ i˘ catíng˘ capí˘ sɪ˘i˘?”

32 Jo dsu˘ Jesús jii˘r˘ nir˘ jii˘ ngó˘ catoo˘ e jɔɔr˘ i˘ i˘ cagüi˘ capí˘ sɪ˘r˘.

33 Jo i˘ dseamí˘ i˘ catíng˘ sɪ˘r˘ do ñi˘bre guiú˘ jalé˘ e calí˘ do, jɔba˘ dseáng˘ e jléeiñ˘ eám˘ e 'gó˘r˘, jɔ cangosí˘r˘ uó˘ jnir˘ fí˘ quini˘ dsea˘ do, jɔ jɔb casí˘r˘ reiñ˘ e˘ dseáng˘ e calí˘ cóo˘r˘.

34 Jɔba˘ casí˘r˘ Jesús i˘ dseamí˘ do lala:

—Jóo˘, uí˘ e jáb˘ calín˘ júu˘ quié˘e, jɔba˘ nica˘láam˘ba˘ lajii˘ jmohuí˘ e lamí˘ lin˘. Jo lana guóng˘ cóo˘ e guiú˘ fí˘ quií˘, cɔ˘ jo˘ lin˘ e jmohuí˘ e lamí˘ lin˘ do.

35 Jo lajee˘ fé˘bi˘ Jesús e jɔ mi˘ caguilíng˘ cóo˘ tú˘ máng˘ dsea˘ i˘ jalíng˘ fí˘ quiá˘ i˘ dsea˘ i˘ néé˘ ni˘ guá˘ quiá˘ dsea˘ Israel do e ngojmée˘r˘ júu˘ tiquiá˘ i˘ simí˘ jiuung˘ i˘ nidsée˘ do lala:

—Jmóo˘naa˘ júu˘ 'nu˘ e nicajúm˘ jóo˘, jɔ jo˘ 'né˘ fa˘ fí˘gui˘ i˘ tifa˘ na e nidsé˘guir˘ fí˘ quií˘.

36 Jo dsu˘ Jesús ja˘ cajmi˘gór˘ lajii˘ e cajíng˘ i˘ dsea˘ do, jɔ lalab casí˘r˘ i˘ fi˘ i˘ néé˘ ni˘ e guá˘ do:

—Ja˘ fɔɔn˘, Jairo, lico˘ já˘ güilín˘ júu˘ quié˘e.

37 Jo jo˘ cacuø˘guir˘ fí˘ i˘ fíng˘ dsea˘ i˘ jiéng˘ i˘ cangolíng˘ cóo˘r˘, jɔ jii˘ Tú˘ Simón cóo˘gui˘ Tiáa˘ jɔgui˘ Juan, rúng˘ i˘ Tiáa˘ do, jii˘ íbing˘ i˘ cangolíng˘ cóo˘r˘.

38 Jo mi˘ caguilíñ˘ fí˘ quiá˘ i˘ Jairo do, jɔ canúur˘ e ninée˘ mí˘ e teáng˘ dsea˘ ta˘ qui˘ óo˘ dsu˘ e nicajúng˘ i˘ jiuung˘ simí˘ do.

39 Jɔba˘ casí˘r˘ Jesús i˘ dsea˘ do lala:

—¿Jiali˘ eáng˘ ta˘na˘ mí˘ jɔgui˘ jiali˘ jmoo˘na˘ ta˘ qui˘? Cɔ˘ ja˘ sijúung˘ i˘ jiuung˘ simí˘ na, cɔ˘ lico˘ güim˘bre.

40 Jo dsu˘ mi˘ canúu˘ dsea˘ e cajíng˘ Jesús lajɔ, lico˘ cangím˘bre dsea˘ do, cɔ˘ ñi˘bre guiú˘ e nicajúm˘biñ˘ do. Jɔba˘ Jesús lico˘ cajéeiñ˘ jii˘ tiquiáb˘ i˘ jiuung˘ simí˘ do cóo˘gui˘ niquiáiñ˘ cóo˘gui˘ i˘ dsea˘ quiá˘r˘ i˘ cóo˘r˘ do, jɔ cangotáam˘bre e fí˘ dsí˘ lí˘ ráang˘ i˘ jiuung˘ simí˘ i˘ 'li˘ do.

41 Jo catíng˘ Jesús guoo˘ i˘ simí˘ jiuung˘ i˘ 'li˘ do jɔ casí˘r˘ reiñ˘ lala:

—Talita cum —e guóng˘: Mí˘, jnea˘ fí˘i˘ 'nu˘ e niráan˘.

42 Jo dsifí˘ mi˘ cajíng˘ Jesús lado, caróob˘ i˘ jiuung˘ simí˘ do, jɔ canaaiñ˘ ngí˘bre cɔ˘ nicají˘bre. Jo jaléng˘ i˘ dsea˘ i˘ cangá˘ jalé˘ e jo, dseáng˘ eám˘ cango˘gó˘ dsír˘.

43 Jo Jesús caquiur˘ ta˘ lahuíng˘ quiá˘ jaléng˘ i˘ dsea˘ do e ja˘ i˘ nisíñ˘ jii˘ jaang˘. Jo mi˘ cangí˘ jɔ, caquiur˘ ta˘ e cangíng˘ i˘ jiuung˘ simí˘ do e cagó˘r˘. Jo i˘ jiuung˘ simí˘ do niningóor˘ guitú˘ jii˘.

6

Mi˘ cangáng˘tu˘ Jesús fí˘ Nazaret (Mt. 13:53-58; Lc. 4:16-30)

1 Jo mi˘ cangí˘ jɔ, cangám˘tu˘ Jesús fí˘ góor˘ fí˘ lí˘ cacuáiñ˘ fí˘ lí˘ sii˘ Nazaret, jɔ cóo˘bre jaléng˘ dsea˘ guitúung˘ quiá˘r˘.

2 Jo mi˘ catí˘ jmí˘ e jmi˘íng˘ dsea˘ góo˘ Jesús dsea˘ Israel, jɔ canaaiñ˘ e˘r˘ jaléng˘ dsea˘ jalé˘ júu˘ quiá˘ Fidiée˘ e fí˘ dsí˘ guá˘ e si˘ fí˘ jɔ. Jo dseáng˘ i˘ 'leám˘bi˘ dsea˘ i˘ núu˘ júu˘ e guiar˘ do, jɔ eám˘ dsigá˘ dsí˘ dsea˘, jɔba˘ lalab naaiñ˘ síñ˘ lajee˘ yaaiñ˘:

—¿Jie˘ fí˘ lí˘ cajmitíng˘ i˘ dseañu˘ na jalé˘ e tíñ˘ na? ¿Jie˘ lí˘ caguir˘ e tá˘ tíng˘lir˘ cóo˘gui˘ jalé˘ e lí˘ e 'gɔng˘ e jmóor˘ e dsigá˘ dsí˘ dsea˘?

³ ¿Su o' i nabi i líng' ti'ma' do, jóo' Yá^ jogui rúin' Tiáa~ cóo'gui Sé^ jogui Judas cóo' Simón? Jogui ¿su o' labi neáng' jaléng' rúin' dseam' cajo jee~ jneaa~aa' la?

Jō uí' e joba' e ja' 'ga' lí iing~ dseá' fa' dseáng' e cajmi'gór' dseá' do.

⁴ Joba' lalab casí' Jesús jaléng' i dseá' do jō cajín'~:

—Doñí' jiéb' jmi'gó' dseá' jaang' dseá' i fé' cuaiñ~ quiá' Fidié~, lifa' ja' jmi'gór' dseá' do fí' lí' lí' góoiñ' fí' lí' caliséiñ' fí' lí' neáng' jaléng' rúin' osi jaléng' dseá' sináa^ quiá'r' é.

⁵ Joba' ja' 'ga' lí cajméé' Jesús jíi'~ cóo' e 'gōng' e dsigá' dsí' i dseá' góor' do, có' lico' caquidsir' guóor' fí' mogui' tú' 'ní' máng' dseá' dséé' jō lajii' í'bing' i cajmi'leáaiñ'.

⁶ Jō eáam' cangogá' dsí' Jesús quiá' jaléng' i dseá' góor' do, có' dseáng' ja' já' lí'm' biñ' do lajii' júu^ quiá'r'. Jō mi' cang' jō, dséeb' Jesús lacaang' jalé' fí' pí' e néé' có' quiá' do e dsi'e'r' dseá' júu^ quiá' Fidié~.

Mi' casíng' Jesús dseá' guitúung' quiá'r' e nidsiguiain' do júu^ quiá' Fidié~

(Mt. 10:5-15; Lc. 9:1-6)

⁷ Jō lajee~ job cató'r' i dseá' guitúung' quiá'r' do jō canaiñ' s'ing'neiñ' do tá' la gáin' e nidsi'eeiñ' do dseá' júu^ quiá' Fidié~, jogui cacuø' bireiñ' e quí'r' jmi' cajo e quiá'r' ta~ quiá' jaléng' i 'ling'.

⁸ Jō caquiá' Jesús ta~ quiá' i dseá' guitúung' quiá'r' do e ja' nicáin' do jíi'~ cóo' fí' lí' nidsilíin'; jíi'~ cóo' 'ma'u' ba' 'né' só'r', jō ja' 'né' fa' nicá'r' nosáa^ quiá'r' o'gui ir' e nidó'r' o'gui cuu~ cajo.

⁹ Jō jíi'~ lomí' e ø'bre 'né' cár', có' ja' 'né' fa' e nicá'guir e jié' o'gui sí'r' e có' quié'guir.

¹⁰ Jō lalab casí'r' i dseá' guitúung' quiá'r' do:

—Mi' nigüitáng' na' fí' quiá' dseá' lí' nigüilíng' na', fí' job nijá' na' carta~ nilí lajii' ta~ güilíng' na'.

¹¹ Jō song caguilíng' na' cóo' quiá' dseá' lí' ja' ín' 'nú' o'gui iin' ninúr' júu^ e quié' na', joba' uøøm' ba' ladsifí' lado quiá' i dseá' í', jō bó' na' 'lee' toq~ tí' na' e laco' cuø' lí' e Fidié~ nicuø'r' dseá' do iihuí' uí' e jō.

¹² Jō lajob cajméé' i dseá' guitúung' quiá'r' do, cangogua~bre júu^ jee~ jaléng' dseá' e quiá' e níquí' nijíng' yaaiñ' fí' quini' Fidié~.

¹³ Jogui ca'uøøm' bir jaléng' i 'ling' i teáng' dsí' dseá' lacaang' lí' guilíin', jogui cajmi'leáam' bir i fíing' dseá' dséé' e lico' éer' capí' aceite fí' moguiñ' do.

Mi' cajúng' Juan i seáang' dseá' jmi'

(Mt. 14:1-12; Lc. 9:7-9)

¹⁴ Jō eáam' caní' júu^ quiá' jalé' e eáang' 'gōng' e dsigá' dsí' dseá' e jmóo' Jesús. Jō mi' caliñí' dseata~ Herodes jalé' e guiá' e jmóo' dseá' do, joba' lalab cajín'~:

—Jangám' i nab i Juan i lami' seáang' dseá' jmi' i nicají' tú' jee~ jaléng' 'lí', joba' eáang' tíin' e jmóor' jalé' e dsigá' dsí' dseá'.

¹⁵ Jō i líng' gui dseá' fé'r' lala:

—Líib' i na i café' cuaiñ~ quiá' Fidié~ mali' gui eáang'.

Jō i líng' gui dseá' fé'r' lala:

—Jaang' gui dseá' i fé' cuaiñ~ quiá' Fidiéeb' i na, lí' laco' gui i nicajalíng' lami' jéeng' gui.

¹⁶ Dsu' mi' canúu' dseata~ Herodes e júu^ la, joba' lalab cajín'~:

—Juan i lami' seáang' dseá' jmi'b' i na, dseá' i nicaquí' ta~ e cahuí' moguir~, jō lifa' lanagui e nicají' tur jee~ jaléng' 'lí'.

¹⁷ Có' lami' jéeng' gui do i dseata~ Herodes do caquiá'r' ta~ e catáng' i Juan i seáang' dseá' jmi' do jō ca'ñúng' neiñ' cóo' ní' cadena fí' dsí' 'nú' uí' jaang' dseam' i sii' Herodías; jō i dseam' la líin' dseam' quiá' Líi~, i rúng' dseá' ngáang' cóo' dseata~ Herodes do. Jō dseata~ Herodes nicajméer' lafa' dseam' quiá' bre i dseam' quiá' i Líi' do.

18 Jōba' lamī~ jéeng'gui ninicajíng' i Juan i seáang` dseá` jmīi` do e casí'r- i dseata~ Herodes do lala:

—Ja` dseeng` e jmée'` lafa' dseamí` quií'- i oo~ dseañu'` rún'` dseá` ngáang'~ cóo'~.

19 Jō mī~ canúu- i dseamí` i sii` Herodías do lado, jōba' 'nīb` cangáañ- i Juan do jóng, jō dseáng'- i iñ~ nijngám'- breiñ' do, dsu' huím'jia e nilí'r' lajō,

20 có' nīb` dseata~ Herodes guiá- e jaang` dseá` güeang'` líng' i Juan do jōgui dseáng'- røø` ír` í` quiá'- jaléng'` dseá` cajo. Jō uí'~ jōba' ja' fí' cuø' i dseata~ Herodes do fa' ee` nijmeáng'` dseá` i Juan i seáang` dseá` jmīi` do. Jō nañí' fa' ja' 'ga' lí' ngáng'` dseata~ Herodes lajii'~ júu` quiáañ'- do, dsu' tib` dsíir' e núur` jalé'` e júu` jō e iáang` dsíir'.

21 Dsu' cóoø` mī~ tí' lí' calí'- i dseamí` i sii` Herodías do mī~ tí' lí' catí` cóo` jmīi~ e quiá'- cadsí'- dseata~ Herodes jii', jō cajméer` cóo` jmīi` fé' jō catø'r- i fñng` dseá` laniing- i seeng` fí' lí' se' Galilea colíing~ cóo'~ jaléng'` fi'` 'léé-.

22 Jō lajee~ e teáañiñ~ e jmīi~ do, calí' i simí'` quiá'- i Herodías do fí' dsíí' sinúu` e lí' teáang'` jaléng'` i dseañu'` do e gø'r' jō cadséiñ~, jō dseáng'- eám' catí` dsíí' i dseata~ Herodes do colíing~ cóo'~ jaléng'` dseañu'` i caguaiang- gui do e cadséeng` i simí'` do. Jōba' cajíng'- dseata~ Herodes casí'r- i simí'` do lala:

—Míi~ jnea~ lí'` doñí' ee` iin~, jō nicuø'baa.

23 Jō dseáng'- cacuø'bre júu` quiá'r- i simí'` do e nicuø'breiñ' do lí'` doñí' ee` iñiñ~ do nañí' fa' condseá'- uø- lí' quiu'r' ta~.

24 Jōba' mī~ canúu- i simí'` do lado, jō cagüi'í'bre jō cangám'- bre fí' lí' guing~ niquiá'r` jō lalab cajmingí'r- dseá` do:

—¿E~ nimíi~ i dseata~ do, Neaa~?

Jōba' cañí' i niquiá'r` do jō lalab casí'- reiñ':

—Mí'r~ mogui~ Juan i seáang` dseá` jmīi` do.

25 Jō i simí'` do dsifí' ladob ngó- tur güi'í' fí' lí' guing~ dseata~ Herodes, jō mī~ caguiér- fí' jō lalab casí'- reiñ':

—Lana iin~ n e nicuø'` jnea~ mogui~ Juan i seáang` dseá` jmīi` fí' cóo` dsíí' huí'.

26 Jō mī~ canúu- dseata~ Herodes lado, eám' fí'í' calíiñ~, jō dsucø' jéem' nicacuø'guir júu` quiá'r- fí' quini~ jaléng'` i dseá` niing- i cagø' colíing~ cóo'r- do e nicuø'bre i simí'` do lí'` doñí' ee` iñiñ~, jōba' lajōb` 'né- jmér-.

27 Jōba' dsifí' ladob casíiñ` jaang` 'léé- fí' lí' iuung- i Juan do fí' dsíí' 'nuañí', jō caqui'u'r' ta~ i 'léé- do e niquiáañ'- mogui~ i Juan do.

28 Jōba' cangób- i 'léé- do fí' dsíí' 'nuañí', jō cangoquiúu'bre mogui~ i Juan do, jō cacór- e iu~ fí' cóo` dsíí' huí', jō cajá'bre i simí'` do, jō i simí'` dogui cajá'r` niquiá'r`.

29 Jō mī~ caliñí' jaléng'` i dseá` i ngí' cóo'~ Juan i seáang` dseá` jmīi` do e nicalí- lado, jōba' dsifí' lajōb camír' fí' e nitøø'bre i 'líi~ do e quiá'- e ni'áang- neiñ'.

Mī~ cahéng'` Jesús` 'ñiá` mil dseañu'`

(Mt. 14:13-21; Lc. 9:10-17; Jn. 6:1-14)

30 Jō mī~ cangí' jalé'` e jō, caquim'- tu jaléng'` i dseá` guitúung` do fí' lí' cangolíiñ- e cangoguiar~ e júu` do, jō caseám' tur cóo'~ Jesús jō caja'r' júu` fí' quini~ dseá` do cuaiñ~ quiá'- jalé'` e nicajméer` cóo'~ gui jalé'` e nica'er' do.

31 Jō có' dseáng'- eám' seeng` dseá` fí' jō e jii'~ ja' jøøng- Jesús cóo'~ i dseá` quiá'r- do e có' dø'r- ir~, jōba' lalab casí'- Jesús i dseá` quiá'r- do:

—Ñilíng- na', má- aa' yee~ naa' e nijmi'íng'` naa' cateá' fí' cóo' lí' ja' ii' 'ga' lí' dseá` ngí'.

32 Jōba' ca'íb- Jesús colíing~ cóo'~ i dseá` guitúung` quiá'r- do fí' cóo` dsíí' móo' jō cangolíiñ` fí' cóo' lí' ja' 'ga' lí' dseá` ngí'.

33 Jō dsu' fíim' dseá` cangáng- ír' e cangolíiñ~, jō calicuím'bre dseá` do, jōba' lajím' dseá` i seeng` có- quiá'- do cangolíiñ` fí' jō, jō jéeng'guib i dseá` í' caguiiñ- laco'gui Jesús.

³⁴ Jo mi~ tí li~ cagüi'íí Jesús e fí dsí' e móo' do, jo cangáin~ dseáng' i 'leáam~ dsea` i caseáng' fí jo, joba' calí' fíi~ líim~ brein' do dsuco' teáaiñ' do la teáng~ jo'se' i ja' seeng` i to' fíing` íre'. Joba' canaam~bre e'r` i dsea` do jalé' júu^ quiá'r~.

³⁵ Jo mi~ tí li~ callóo~ e jmíi~ jo cangoquiéeng` i dsea` guitúung` do fí li~ sing' Jesús jo casí'r~ dsea` do lala:

—Fíi'naa', nica'lóob~ la, jo e fí li~ taang~naa' la ja' ii` dsea` seeng`.

³⁶ I' júu^ jaléng' i dsea` na, jo güidsilíin~ lacaang` fí'jiu e née' có~ quiá'- na e laco' nidsileáa'jiur e nidó'r~.

³⁷ Jo lalab cañi' Jesús quiá'- i dsea` quiá'r~ do:

—Cuóø'~ 'nú' jaléng' i dsea` na e nidó'r~.

Joba' cañi' i dsea` quiá'r~ do lala:

—¿ling` 'nù' e nidsileá'naa' iñi'^ cóo'~ doscientos cuu~ denario jo nicuóø'~naa' jaléng' i dsea` na e nidó'r~?

³⁸ Jo cañi'tu Jesús quiá'- i dsea` guitúung` quiá'r~ do jo casí'- reiñ' lala:

—¿jó' iñi'^ si'má' 'nú'? Güijóø~na' jóo'~ tíí.

Jo mi~ caguijóø` i dsea` guitúung` do jóo' iñi'^ tíí, joba' caguo'~ júu^ e lajii'~ 'ñiáb` iñi'^ tíí cóo'~gui jii'~ gáng~ 'ñu`.

³⁹ Jo mi~ canúu~ Jesús e jo, caquiur' ta~ i dsea` guitúung` quiá'r~ do e niguiéiñ'~ jaléng' i dsea` do tá' có~ nibøø` fí ni~ ñii`.

⁴⁰ Jo lajob cajméiñ' do, caguá'bre tá' cien cóo'~gui tá' cincuenta.

⁴¹ Jo mi~ nineáang` i dsea` do røø` tá' có~ nibøø`, joba' Jesús catíiñ~ laji' 'ñiá' e iñi'^ do cóo'~gui laji' gáng~ i 'ñu` do jo cajóø'r~ fí yá'^ jmigüi', jo lajoba' cacuo'r' gui'máang' Fidiéé` quiá'- jalé' e jo. Jo mi~ calí' jo, caffim~bre e iñi'^ do jo cacuo'r' i dsea` guitúung` do quiá'r~ e laco' ígui nijmé~ guiéé` jee~ jaléng' i dsea` do. Jogui lajobi i 'ñu` do cajo, cacuo'bre e laco' nijméiñ' do guiéé` cajo.

⁴² Jo lajim` i dsea` do cagó'r` ie~ jo car` calitaaiñ~ guiá'.

⁴³ Jo mi~ calí' gó'r', lajiin~ do caseáam~bi guitu'gui'matá' e røøng` téé'~ 'ná' iñi'^ cóo'~gui 'náng' i 'ñu` do.

⁴⁴ Jo lajee~ lajing` i dsea` i cagó' do ie~ jo, tí'bre la 'ñiá` mil dseañu`.

*Mi~ cangi' Jesús fí ni~ jmíi`
(Mt. 14:22-27; Jn. 6:16-21)*

⁴⁵ Jo mi~ cangí lajo, caquiur' Jesús ta~ jaléng' i dsea` guitúung` quiá'r~ do e nidsitáang'~túiñ' do fí dsí' móo' e quiá'- nicuóin~ do e guiéé' do jéeng'guijiur laco' ír` jo niguiiñ~ fí cóo' fíi' li~ sii' Betsaida lajee' e íí Jesús júu^ jaléng' i dsea` caguiaang~gui do.

⁴⁶ Jo mi~ nica'íir~ júu^ jaléng' i dsea` do, cajgóo~bre fí cóo' yá'^ mó' 'ñia'r' e quiá'- nidsiféiñ' Fidiéé`.

⁴⁷ Jo mi~ tí li~ canuu` e jmíi~ jo, catí' guiá'^ jóob` e guiéé' do ningóo' e móo' li~ teáng'~ i dsea` guitúung` quiá'r~ do. Jo fí ni~ guóo'~ uó~ quiú'bi sing' Jesús 'ñia'r'.

⁴⁸ Jo job mi~ cangár~ e jo` nidsijeng' fí røø` e móo' do, dsuco' lí' lí' cøøm' 'lea' guí. Jo mi~ tí li~ ningóo' nijneá' cangoquiéem' Jesús fí li~ ngóo' e móo' do lí' teáng'~ i dsea` guitúung` quiá'r~ do, jo cangíiñ' e ngí'bre fí ni~ jmíi'. Jo mi~ tí li~ catáaiñ' e móo' do, cajméer` lafa' e cangim~bre.

⁴⁹ Jo mi~ tí li~ cangá~ i dsea` guitúung` do quiá'- e ngóor' ngír' fí ni~ jmíi', joba' ca'í dsíiñ' do e jaang` dsea` guib` do, joba' ca'óor` teá',

⁵⁰ co' lajim~bre cangáin~ dsea` do, joba' eám' cafóin'. Dsu' ladsifib' cañi' Jesús jo casí'r~ i dsea` guitúung` do lala:

—iTeá' teáng' óo'na'; jneab~ la, ja' føøng'~na'!

⁵¹ Joba' ladsifí lajob cajgóor~ dsí' e móo' do, jo ladsifí ladob ca'uáang~ e íí' guí cajo. Jo dseáng' e eám' cangogá' dsí' i dsea` guitúung` do,

⁵² cō' ja` mi` cangám' biiñ' do e` guóng' e li` e quí' jmi` e cajmée` dsea` do cóo' e iñí' do, dsucō' dseáng' sijñib' moguiñ' do, jō uí' jōba' e ja` ngáiñ'.

*Mi` cajmi'leáang` Jesús jaléng' dsea` dsée' fí' Genesaret
(Mt. 14:34-36)*

⁵³ Jō cacuo' bre cóo' dsea` guitúung` quiá'r` calé' catú` e guiée' do, jō caguiliñ` fí' guóo' uó' li` se' Genesaret, jō fí' jō li` ca'ñú'r` e móo' do fí' 'ni' e guiée' do.

⁵⁴ Jō ladsifí' mi` tí' li` cagáiñ` e móo' do, dsifí' calicúing` jaléng' i dsea` i seeng` do Jesús.

⁵⁵ Jōba' cangi' jaléng' i dsea` do fí' la'úng` fí' li` se' Genesaret, jō canaiñ` jéeiñ` jaléng' dsea` dsée' quiá'r` i dsiing` ni` 'ma' fí' li` ñir` e táang` Jesús.

⁵⁶ Jō doñí' jié' li` dsée' Jesús, si lacaang` fi' pí' osi lacaang` fi' cóo' osi lacaang` jenuu` é, jō dsijéeng` dsea` jaléng' dsea` dsée' quiá'r` fí' jee` 'núu', jō mi' dsea` do jmi'ee` Jesús e fa' capí' sî' bre nigüi' i dsea` dsée' do. Jō lajüing` i dsea` dsée' i güi' capí' 'ni' sî' dsea` do, ladsifí' ladob` láaiñ`.

7

*Jial lí' mi` jmiróng` dsea` dsee` yaaiñ`
(Mt. 15:1-20)*

¹ Jō mi` cangá' jō, cóo' tú` máng' dsea` Israel i líng' dsea` fariseo cóo' gui tú` 'ni' máng' tifa' quiá' júu` quiu' ta` quiá' dsea` Israel, jō jaléiñ` do jaliñ` fí' Jerusalén jō cangoquiéiñ` fí' li` sing' Jesús.

² Jō mi` cangá' jaléng' i dsea` do e i líng` lajee` dsea` guitúung` quiá' Jesús gø'r` e ja` mí' cajmitir` e ru'r` guóor` lí' laco' quí' tñng` dsea` góor` dsea` Israel, jō uí' jōba' canaang` i dsea` do fé'r` ga` uii` quiá' i dsea` i ngí' cóo' Jesús do.

³ Co' jaléng' i dsea` fariseo do cóo' gui jaléng' dsea` Israel i caguaang` gui mi' 'noo' bi jmitir` laco' quí' tñng` 'li` dsea` áang` quiá'r` e ja` mí' dø'r` ir` fíng song ja` mí' cajmitir` e ru'r` guóor` dseáng' laco' sí'.

⁴ Jōgui cajo mi` niquiñ` e dsileáar` jalé' e gø'r` fí' 'móo', ja` cuóong` dø'r` fíng song ja` mí' cajmitir` e ru'r` guóor` laco' quí' tñiñ`. Jō jmigui' bi jalé' e quí' tñiñ` e jié' gui e 'né' nijmitir` dseáng' laco' sí', fa' la e 'né' ru'r` jalé' vas cóo' gui jalé' dsu` cóo' gui jalé' e jmáin` ta` e lí' ní' jōgui lajōbi ni` li` güiñ` cajo.

⁵ Jō uí' jōba' jaléng' dsea` Israel i líng' dsea` fariseo cóo' gui jaléng' i tifa' do cajming' r` Jesús jō casí'r` dsea` do lala:

—Jiali' jaléng' dsea` quí' ja` núu'r` fa' e jmitir` lajüi` e quí' tñng` 'li` dsea` áang` quí' naa', dsea` Israel, co' ja` ru'r` guóor` laco' sí' ná' gui e nidø'r` ir`?

⁶ Jōba' cañí' Jesús quiá' i dsea` do lala:

—E jáb' laco' café' jaang` dsea` i café' cuaiñ` quiá' Fidiée' malii` gui eáang` i calisí' Saíi' mi' café'r` uii` quí' 'ná' e líng' na' dsea` i jmicaang` cóo' jalé' e fó' na', co' lalab` cajme' dsea` do ie` jō:

Jaléng' i dsea` na lico' fé' bre e jmi'gór` jnea` jüi` cóo' layaang` júu` quiá' bre, dsu' huím` seeng` jalé' e í' dsír' do e jmi'gór` jnea`.

⁷ Dsu' ja` ee' ta` íng` quiá'r` jüi` cóo' jialco' jmiféiñ` jnea`, co' lico' jmitir` lajüi` ta` quiu' dsea` jmigüib`.

⁸ Co' 'ná' tiúum' ba' lajüi` júu` quiu' ta` quiá' Fidiée' jō lí' jmití' na' dseáng' lajüi` e quí' tñng` la'ó' dsea` jmigüi`.

⁹ Jōgui casí' biguir` i dsea` do lala:

—'Ná', lico' jmití' na' laco' quí' tñng` 'li` yúu' quií' ba' jō dsu' ja` jmi'goo' na' laco' catíng` júu` quiu' ta` quiá' Fidiée`.

¹⁰ Co' lalab` cajíng' Moi' malii` gui eáang': "Jmi'goo' tiquí' cóo' niquí'", jōgui cajíng' guir: "I dsea` i cuø' júu` lí' tiquíá' osi niquíá' é, jōba' fi' Fidiée' í' e 'né' nijúung` i dsea` la'í'."

11 Jo dsu' 'nú' fó'na' e jaang` dsea` cuóøm` nisí'r` tiquiá'r` òsi niquiá'r` é: “Ja` cuóøng` lí jmicóo`'o` 'nú' lana, cò' lajaléb` e sea` quié` e e lí' Corbán” (jò e la guóøng` e nicacuóøø` Fidié`);

12 jogui fó'bi' 'nú' cajo e ì dsea` ì fé' lajò jo` 'né` fa' e nijmicóo`'guir tiquiá'r` òsi niquiá'r` é.

13 Jo mi` jmoo` 'nú' e jò e jmití`na' jalé' e júu` e caséé` dsea` mí` áang` quié`na', jòba' íim`ba' lajii` e júu` quié' ta` quiá' Fidié`. Jo jmigui`bi' jalé' e jié' e ja` dseeng` e cøøng`jiu røø` laco' e la e jmoo`gui' 'nú'.

14 Jo mi` cangf`gui lajò, cató'-tu Jesús lajiing` ì dsea` do jò casí'r` lala:

—Núu`na' júu` quié` e lajiing`na', jò jmee`na' úung` e ningáng`na':

15 Jii` còo` e í' gø' dsea` cuóøng` lí` jmé` e nili'liiñ` fí` quini` Fidié`. Cò' lí' lí' lajii` e ga` e í` dsíib` dsea`, e jòb e jmóo` e li'liiñ` fí` quini` Fidié` jóng.

16 Jòba' fii`-i' 'nú', jaléng` 'nú' ì dsí` loguá`, núu`na' jalé' e júu` quié` e la.

17 Jo mi` cangf` jò, ca'fii` Jesús júu` jaléng` ì dsea` do, jò ca'ír` fí` dsí' sinúu` còo` lajii` dsea` guitúung` quiá'r`, jò fí` jò ì dsea` quiá'r` do cajmingí`-reiñ' cuaiñ` quiá' e júu` na.

18 Jò lalab cañi` dsea` do quiá' ì dsea` quiá'r` do:

—¿Su o'gui' 'nú' mí` ngám`bi' lajii` e júu` la cajo? ¿Su ja` mí` ní`na' e jii` còo` e jáa' fí` caluu` cuóøng` sea` lí` jmé` e nisó' dsea` fí` ga` jò e nijmi'ling` yaaiñ` fí` quini` Fidié`?

19 Dsaco' jalé' e jò ja` dsitoo` fí` dsí' dsea`, cò' lajii` fí` dsí' tub' dsea` lí` ngúng` e jò, jò mi` ningf` jò, joguiba' e uøø` fí` caluu`.

Jò cajíñ` lajò e laco' jmóor` júu` e guiáb` lajaléb` e gø' dsea`, jò ja` e si'li' fí` quini` Fidié`.

20 Jogui cajím`-biguir cajo lala:

—Jalé' e í` dsí' dsea`, jalé' e jòba' uíng` e jmi'ling` yaaiñ` fí` quini` Fidié` dsaco' fí` gab` cår`.

21 Dsaco' fí` dsí' dsea` lí` uíng` e í` dsíir` jalé' e ga` fa' jalé' e la: e 'léé` dsea` e güiñ` còo` dseañu` òsi dseamf` ì o' catáññ`, jogui jmóor` ta` jngang` dsea` rúng`, jogui jmóor` ñ` quiá' jaléng` dsea` rúñ` cajo,

22 jogui suuiñ` jalé' e sea` quiá' dsea` rúñ', jogui jmóor` jalé' e 'li' e ja` dseeng`, jogui jmóor` ta` jmicóo`, jogui jmóor` jalé' ta` ja` dseeng` e sea` fí` jmicüi, jogui eáang` dsihuññ` quiá' dsea` rúñ', jogui eáang` tí` dsíir` fé'r` jalé' júu` ta` júu`, jogui eáang` jmi'jlong` yaaiñ`, jogui ja` mí` ca'f` dsíir` røø` còo` jalé' e jmóor`.

23 Jò jalé' e ja` dseeng` laba' e uøø` fí` dsí' dsea`, jò e jòba' e jmóo` e cår` fí` ga` e laco' jmi'ling` yaaiñ` fí` quini` Fidié`. Jò e jòb` júu` quié` e.

Mí` já' calíng`-jaang` dseamf` ì ja` lñng` dsea` Israel júu` quiá' Jesús

(Mt. 15:21-28)

24 Jò mi` cangf` jò, jò cagüi`fíb` Jesús fí` jò, jò cangór` fí` lí` se' Tiro còo` lí` se' Sidón. Jò mi` caguiér` fí` jò, ca'ír` fí` còo` dsí' sinúu` cò' ja` iñ` e caliñi` jii` jaang` dsea` jie` fí` táaiñ` dsu' ja` calí'r` fa' ca'méeiñ`,

25 cò' ladsifí` ladob caliñi` niquiá' jaang` simí` ì ni'iuung` ì 'ling` dsí' jie` fí` lí` táang` Jesús. Jòba' ladsifí` ladob cangór` fí` quini` dsea` do jò casí'r` uø` jnir` fí` uii` tññ` do.

26 Jò ì niquiá' ì simí` do seeiñ` fí` lí` huíi, fí` còo` fii` jié' laco' góo` Jesús, fí` còo` lí` sii` Sirofenicia. Jò mi` cangoquiéeiñ` fí` lí` sing' Jesús, jò camí'r` dsea` do fa' niguíñ` ì 'ling` ì iuung` dsí' ì simí` quiá'r` do.

27 Jò cañi` Jesús quiá' ì dseamf` do lala:

—Cuø` fí` e cuóøng` jaléng` jòo`bi' dsea` nidó' la'uii, dsaco' ja` dseeng` e niguí` dsea` e iñi` e gø' jiuung` quiá'r` jò nicuø'r` jaléng` dsii`.

28 Jòba' cañi` ì dseamf` do quiá' Jesús lala:

—Jáb', Fí'i, lajòb` lí', dsu' e jáb' cajo e jaléng` dsii` ì teáang` uii` mes` sitím`bre' jalé' cuí' iñi` e sojiú' quiá' jòo` dsea`.

29 Jōba' cañí'tu Jesús quiá' i dseam̄ do:

—Jáb' quií', dseam̄, nicuøøm' guøn' fí' quií' lana, cō' lana nicagüi'ñb' i 'ling' i lamí' iuung' dsí' i simí' quií' do.

30 Jō cangám' i dseam̄ do fí' quiá'r', jō mi' caguiéiñ' fí' jō, cadséiñ' i simí' quiá'r' do fí' ni' co'ma' e niguiúm-biñ' do, cō' nicagüi'ñb' i 'ling' i lamí' iuung' fí' dsír' do.

Mi' cajmi'leáng' Jesús jaang' dsea' güing' jogui i ja lí' fé'

31 Jō mi' cangí'gui lajō, cagüi'ñb' Jesús e fí' guóo' uó' lí' se' Tiro, jō cangíiñ' fí' lí' se' Sidón cōo'gui jalé' fí' e néé' fí' lí' se' Decápolis, jō caguié' tur e fí' lí' néé' e guiéé' Galilea do.

32 Jō fí' jōb' caguiling' dsea' i jéeng' jaang' dseañ' i güing' jogui i ja lí' fé'. Jō camí' jaléng' i dsea' do e fa' Jesús niquidsir' guóor' fí' mogui' i dsea' dsé' do.

33 Jōba' cajéeng' Jesús i dseañ' do fí' lí' lacaang' lí' siñ' fí' lí' ja teáng' dsea' jiéng', jō catá'r' niguóor' fí' dsí' tó' logua' i dseañ' do, jogui cañí'r' capí' jō cōo' capí' jme'e'r' cagüi'r' nisí' i dseañ' do.

34 Jō mi' cangí' jō, caséer' nir' fí' yá' jmigüi' jō caseáng' dsír' casí'r' i dseañ' do:

—¡Efata! —e guóng': ¡Güineab' loguá'!

35 Jō dsifí' mi' café'r' lajō, ladsifí' lanab cana' logua' i dseañ' do jogui canaang' fé'bir guiá' cajo.

36 Jō caquiá' Jesús ta' jaléng' i dsea' do e ja iñ' nisíiñ' jii' jaang'. Dsa' fa' jmguiá'gui ya' e quiá' Jesús ta' e ja' niguiá' jaléng' i dsea' do júu', eáang'gui b' guiá' i dsea' do.

37 Jō eám' dsigá' dsí' jaléng' i dsea' i cangá' jalé' e jō, jō lalab fé'r':

—Lajaléb' e jmóo' i dsea' na eám' guiá', cō' lí'bre jmér' e ninú'tu jaléng' dsea' güing' jogui jmér' cajo e nifé'tu jaléng' dsea' i ja lí' fé'.

8

Mi' cahéng' Jesús quiá' mil dsea'

(Mt. 15:32-39)

1 Jō mi' cangí' jō, jō cōo' jmi' caseáng'tu dsea' calé' catú' fí' lí' táang' Jesús, jō cō' ja' sea' e nidó' guiñ' do, jōba' cató' Jesús i dsea' guitúung' quiá'r' do jō casí' reiñ' lala:

2 —Eám' fí' lán' n' jaléng' i dsea' na, cō' lana catí' ni' jmiñ' e taaiñ' la cōo' jneaa'aa' jō jii' cōo' ja' e sea' dó'r';

3 jogui song' jnea' niguiéen' nre fí' quiá'r' e nidsihér' ir', dseám' ni'uó'r' guiá' fí', cō' seem'biñ' na e jalíiñ' lí' huí'.

4 Jō cañí' i dsea' guitúung' quiá'r' do lala:

—¿Jial í' óo' 'na', Fí'naa', e cuøøng' nihéng'naa' i dsea' na? cō' fí' la ja' seeng' dsea' i 'ni' e gø' dsea'.

5 Jō cajmingí' Jesús i dsea' guitúung' quiá'r' do lala:

—¿Jó' iñí' si'mang' 'na'?

Jō cañí' i dsea' quiá'r' do:

—E guié'ba' sea'.

6 Jōba' caquiá' Jesús ta' e nigüea' jaléng' i dsea' do tá' cō' nibøø' fí' ni' uó', jogui mifíng' casá'bre laji' guié' e iñí' do jō cajóor' fí' yá' e cuø'r' gui'máang' Fidié'. Jō ngí' jō, cañí' e iñí' do jō mifíng' cacuø'r' i dsea' guitúung' quiá'r' do, jō í'gui b' cajmée' guié' e do jee' jaléng' i dsea' do,

7 jogui nisi'mam'bir jaang' gáng' ña' cajo. Jōba' lajōb' cajmée' Jesús cōoiñ' do cajo, jang' cacuø'r' gui'máang' Fidié', joguiba' caquiá'r' ta' dsea' quiá'r' e nijméiñ' do guié' jee' jaléng' dsea'.

8 Jōba' lajim'bre cagø'r' ie' jō car' calitaañ' guiá', jō casé'bi guié'gui 'matá' e té'e' jalé' 'ná' e casé'gui do.

⁹ Jo jaléng' i dsea` i cagó' ie~ jo tí'bre jia~ ja` quiú` mil. Jo mi~ cangá e cagóin' do, ca'hib` Jesús júu` e dsiliín' do.

¹⁰ Jo ngá jo, cajgóob` Jesús calé` catú` fí ni~ móo' coling~ cóo'~ jaléng' dsea` guitúung` quiá'r~ jo cangolín' fí lí~ se' Dalmanuta.

Mi~ camí' dsea` fariseo cóo` e li~ e quí'~ jmí~

(Mt. 16:1-4; Lc. 12:54-56)

¹¹ Jo lajee` e nitáang` Jesús fí ni~ guóo'~ uó~ jo, job mi~ caguilíng~ dsea` góor` i líng' dsea` fariseo e canaain' dsihuíng' júu` quiá'r~ cóo'~ dsea` do. Jo laco' niguié'r' jial ni'níin' dsea` do fí quini` dseata~, joba' camí'r' dsea` do e fa' nijméin' do cóo` e li~ e quí'r~ jmí~, jo lajoba' nicuó` li~ e Fidiéeb` dsea` casí' quiá'r~.

¹² Joba' caseáang` dsí' Jesús e lajang', jo ngá jo cajín':

—¿Jiali' mí'na' jnea~ e nijmee~ e cóo' li~ e quí'~ i jmí~, co' jnea~ dseáng' fá'baa condseé' e júi' cóo'gui lajo nijmee~ e fí quini'na'?

¹³ Jo dob caseáain' i dsea` do jo ca'ib` tur fí dsí' móo' jo cangór` lí' lí' ngóo' cataang` e guiéé' do.

Jial líng' dsea` fariseo

(Mt. 16:5-12)

¹⁴ Jo ie~ jo nica'im` dsí' dsea` quiá'r~ fa' e nicár` e nidó'r~, jo la nitíng' cóo` iñí'ba' niquié'guir fí dsí' e móo' do.

¹⁵ Jo cajíng' Jesús casí'r~ i dsea` guitúung` quiá'r~ do:

—Ñiing~ óo'na' cóo'~ jalé' e e' dsea` Israel i líng' dsea` fariseo cóo'~gui jalé' e e' dseata~ Herodes, co' jalé' e e' jaléng' i dsea` í lí' lafa' quie' iñí'.

¹⁶ Jo i dsea` guitúung` do lí' cajer' síin' lajee` la'ó' yaam~bre cuain' quiá' e ja` quier' iñí',

¹⁷ dsu' calilí' Jesús lajúi' e síng' i dsea` do, joba' casí'~reiñ' do lala:

—¿Jiali' fó'na' e ja' iñí' quié'na'? ¿Su ja' mí' cangám'bi' o'gui mí' calilí'bi'? ¿Su dseáng' e eám' sijni' moguí'na'?

¹⁸ Co' téeb' jminí'na', dsu' ja' jné'na'; jogui dsi'bi loguá'na' cajo, dsu' ja' nuu'na'. ¿Su ja' tóo' óo'na'?

¹⁹ ¿Jóo'~ 'matá' e røng` téé'na' e caseáng~gui jo casitíng'na' ie~ mi~ cafiing~ jnea~ 'niá' iñí' e cagó'na' mil dseañu'?

Jo cañí' i dsea` guitúung` do:

—Tíib' guitú' do.

²⁰ —Jogui mi~ cafiing~ jnea~ e guié' iñí' do e cagó' laji' quiú' mil dsea`, ¿jóo'~gui 'matá' e røng` téé'na' casití'na'?

Jo cañí'tu i dsea` do:

—Tíib' guié'.

²¹ Joba' casí'~tureiñ' lala:

—¿Su ja' mí' ngám'bi' latí' lana jóng?

Mi~ cajmi'leáng` Jesús jaang` dsea` tiuung` fí Betsaida

²² Jo mi~ cangágui lajo, caguilíng~ Jesús cóo'~ dsea` quiá'r~ fí Betsaida. Jo lajee` e nitaaín' fí jo, caguilíng~ dsea` jéeiñ' jaang` dsea` tiuung~ fí quini` Jesús, jo mi'r' dsea` do fa' e nigüíin' capí' i dsea` tiuung~ do.

²³ Joba' catíng~ Jesús guoo' i dsea` tiuung~ do jo cangojéeiñ' fí lí'na' fí. Jo cajmijmí'r' jminí' dsea` do cóo'~ jme'e'r', jo ngá jo caquidsir' guoor' fí moguiñ'; jo mi~ calí' jo, cajmingí'~reiñ' su nil' jøør~ capí'.

²⁴ Joba' cajíng' i dsea` tiuung~ do e nicuóom` jia lí' jøør~ jo cajín':

—Nimáam'baa jaléng' dsea`. Jóø-ø e jnéng~ lafa' 'ma' e ngí'.

25 Jōba' caléb' catú- caquidsi' Jesús guóor' fí' ni~ jmini' i dsea` do, jō ladsifí' lanab calijné' i dsea` do jō ca'láam-bre, jō dseáng'- røøb` nijøør- jóng.

26 Jō caquiá' Jesús ta~ e cangám'- biñ' do fí' quiá'r- jō casí'- reiñ' do lala:

—Ja` güiguiá'^ júu^, melé^, cóo~ jalé' e cajmé- e cóo~ 'næ`.

Mi~ cajíng'- Tú^ e Jesús líiñ' Dsea` Jmáang-

(Mt. 16:13-20; Lc. 9:18-21)

27 Jō mi~ cangígui lajō, Jesús colíng~ cóo~ jaléng' dsea` guitúung` quiá'r- cangolíiñ` lacaang` jalé' fii`jiá e néé' lí~ se' Cesarea quiá'- Filipino. Jō lajee` ngolíiñ- e teáaiñ' fí', cajmingí'- Jesús i dsea` guitúung` quiá'r- do lala:

—¿I' í dsí' dsea` e líng' jnea~?

28 Jōba' cañí' i dsea` guitúung` do lala:

—I líng~ dsea` fé'r e lin' Juan i lamí~ seáang` dsea` jmíi', jōgui i líng~gui fé' e lin' Líi^, jōgui i líng~gui fé' e lin' jaang'gui dsea` i café' cuaiñ~ quiá'- Fidié~ malí~gui.

29 —Jōgui 'nú', ¿i~ fó'na' e líng' jnea~?

Jō cañí' Tú^ Simón quiá'- Jesús lala:

—'Næb` dsea` i líng' Dsea` Jmáang- i casíng` Fidié~ cuaiñ~ quiá'r- e laco' nilaan'- dsea` jmígüí'.

30 Jō caquiá' Jesús ta~ i dsea` quiá'r- do e ja` nifé' dsea` do júu^ uii~ quiá'r- fa' nisí'r dsea` jiéng'.

Mi~ cajméé` Jesús júu^ e tí' nijngáng'- dsea` ír`

(Mt. 16:21-28; Lc. 9:22-27)

31 Jō cóob` mi~ canaang` Jesús e'r' jaléng' dsea` guitúung` quiá'r- e dseáng'- nisi'ím^bre e ni'íñ' iihuí' dseáng'- e eáang', íb` dsea` i cajár- fí' ñíff- e líiñ' jaang` dsea` jmígüí', jōgui e jaléng' yúu~ dsea` cóøng~ i teáang- nifí' quiá'- dsea` góor` dsea` Israel cóo~gui jaléng' fii~ jmidsea` quiá'r- cóo~gui jaléng' tifa' quiá'- júu^ quiá' ta~ quiá'r- nilí' ni' ním-bre dsea` do. Jōgui casí'- guir i dsea` quiá'r- do e nijngám'- dsea` ír'; jō dsu' mi~ nití' 'ní' jmíi~ lajō, nijíb'tur calé' catú-.

32 Jō dseáng'- júu^ røøb` cajmea'r' i dsea` guitúung` quiá'r- do. Jō mi~ canúu- Tú^ Simón lajō, cajéiñ` Jesús fí' cóo' lí~ ja` iñ` núu, jō canaaiñ` jím-bre dsea` do.

33 Dsu' cají'tu Jesús nir~ fí' lí~ caseáaiñ` dsea` quiá'r- i caguiaang-gui do jō ca-jøøng- neiñ', jōgui cajíiñ- Tú^ Simón jō casí'r- lala:

—jJéeng~ cáan'n, Satanás! Ja` jnín~ jnea~ fí', có' 'næ' ja` ngáng' laco' jii~ e í dsí' Fidié~, có' lajii~ e lí' quiá'- dsea` jmígüí'ba' ñí' 'næ`.

34 Jō mi~ cangí jō, cató'- Jesús dsea` guitúung` quiá'r- cóo~gui jaléng' dsea` caguiaang-gui jō casí'- reiñ' do lala:

—Song iñ` dsea` iing~ ni'uíng- dsea` quié- e, güitúr` jalé' e lí' dsíir' 'ñia'r' jō güiseaiñ' lafa' crúu^ quiá'r- e laco' cuø' lí~ e guía' dsíir' e nidsingíiñ- jalé' e huíng' uí' e líiñ` dsea` quié- e, jō lajōgui'ba' ningír- cóo~ jnea~ jóng.

35 Cō' lí' doñí' iñ` dsea` i í dsí' e lí'bre nileáang- 'ñia'r' jee~ jalé' dsee- quiá'r-, jō dsu' i dsea` í conguiab' nibíiñ` fí' lí' 'lí'; jōgui doñí' iñ` dsea` nijúuiñ- uí' e líiñ` dsea` quié- e jōgui uí' e ni'r' júu^ quiá'- jial laang` dsea` jee~ jalé' dsee- quiá'r-, jōba' i dsea` í nitíim-bre fí' quini~ Fidié~ jóng.

36 Cō' ¿e~ ta~ íng^ quiá'- jaléng' dsea` jmígüí' e seeiñ` e silí'r~ jmiguiá' fí' jmígüí' la song si'naam-bre lata~ cóo~ jnea~ mi~ nijúuiñ-?

37 Osi ¿jial tí' cuøøng` sea' lí' quí' jaang` dsea` e laco' nilí'r` nitíiñ~ fí' quini~ Fidié~ é?

38 Cō' song jaang` dsea` jmóor' í' líiñ- uii~ quié- e jōgui uí' quiá'- jalé' júu^ quié- e e guiaa- fí' quini~ jaléng' dsea` dsee- dsea` quí' i ja' já'- líng' e júu^ jō, jōba' lajōb jnea~ cajo, dsea` lín'n jaang` dsea` jmígüí' i jáa' fí' ñíff-, nijmee~baa' í' lín-n quiá'- i dsea` í mi~ tí' lí'

nití' í' e nigáa'túu calé' catú' fí' jmigüü' la e gáa'a jee' e niing' jì' niguo' quiá' Fidié' coling' cóo' jaléng' ángeles quiá'r'.

9

¹ Jogui casí' bigui Jesús cajo jaléng' i dsea' quiá'r' do:

—E laba' jmitaa' óo'na' e i liing' 'nú' la'ó' teáang' na' la jmí' na ja' mí' nijúung' na' cartí' mí' cangí' cangúng' na' jial nicá' Fidié' nifí' quiá' dsea' la'eáang' cóo' e laniing' 'gøiñ' do.

*Mi' calisüng' jial jnéeng' Jesús
(Mt. 17:1-13; Lc. 9:28-36)*

² Jo mí' cangí' gui jñúu' jmí' lajo, cangó' Jesús fí' cóo' yá' mó' e ñíí', jo lajii' Tú' Simómbing' jéeiñ' cóo' gui Tiáa' jogui Juan. Jo lajee' e niteáaiñ' e fí' yá' mó' do, canaang' calisüng' jial jnéeng' Jesús.

³ Jo calisüng' jial lí' sí'r' jo dseáng' cajnéng' e jì' jogui e tee' eáang' e jii' jaang' dsea' ja' lí'r' sér' tee' lado mí' ru'r'.

⁴ Jogui cangáiñ' Líí' cóo' gui Moi' e teáaiñ' síiñ' cóo' Jesús.

⁵ Jogui lalab cajíng' Tú' Simón casí'r' Jesús:

—Tifa', jeám' iáang' dsii' e taang' naa' coling' fí' la! Jo majmóo' naa' 'ní' 'nú' jiu lí' nitaang' na': cóo' quií', cóo' gui quiá' Moi' jogui cóo' gui quiá' Líí'.

⁶ Jo cajíng' Tú' Simón lajo có' ja' ñí' guir e' nijíñ', có' dseáng' eám' cafóíñ' lajì' gaaiñ' do, Tú' Simón jogui Tiáa' cóo' Juan.

⁷ Jo lajee' job mí' cajgó' cabøø' jníí' fí' yá' jmigüü', jo jee' job caquiñ' lajaléiñ' do. Jo fí' jee' e jníí' do guicaná' e guicafé' dsea' lala:

—I lab jóo' o' i' neáan' eáang', jo núu' na' lajii' júu' quiá'r'.

⁸ Jo mí' tí' lí' cajøø' i dsea' gaang' do lacúng' lajíng' e lí' teáaiñ' do, jii' jaang' i dsea' gáng' do jo ii' cangáng' guir cáang' Jesús, jo jii' 'ñiab' dsea' do cajé' guir.

⁹ Jo lajee' cajgáiñ' e fí' yá' mó' do, caquiú' Jesús ta' quiá' i dsea' gaang' do quiá'r' e ja' niguiáiñ' do júu' lajii' e nicangár' do, có' cartí' mí' ningí' e nijí'tu i dsea' i jaa' fí' ñifí' i líng' dsea' jmigüü', joba' nicuøøng' e nijméiñ' do júu' quiá' jalé' e jo.

¹⁰ Joba' lajob cajmée' i dsea' gaang' do, ja' caguiar' e júu' jo nañí' fa' jmingí' bre rúíñ' lajee' la'ó' yaaiñ' e' guøng' e jíng' dsea' do e nijí'tur calé' catú'.

¹¹ Jo lalab cajmingí' i dsea' gaang' do Jesús:

—¿Jialí' fé' jaléng' tifa' quiá' júu' quiú' ta' qui' ii', dsea' Israel, e Líí'bing' 'né' nijáa'tur nifí' fí' jmigüü' la?

¹² Joba' cañí' Jesús quiá' i dsea' quiá'r' do, jo lalab casí' reiñ' do:

—E jáb' e nifí' nijáa'tu Líí', jo íb' dsea' i niguiá' guiá' lajalé'. Jo ¿jialí' fé' fí' ní' jì' quiá' Fidié' e jnea', dsea' lín'n jaang' dsea' jmigüü' i jaa' fí' ñifí', guím'ba' 'né' e nicaa' iihuí' e eáang' cartí' nijngáng' dsea' jnea'?

¹³ Dsu' jnea' fá'a e fí' i 'nú' e nicajáb' Líí', jo cajméeb' dsea' la tí' e já' dsíir' cóo' dsea' do lí' laco' gui la fé' fí' ní' jì' quiá' Fidié' e nísí' í' e nidsingüng' dsea' do.

Mi' cajmi'leáang' Jesús jaang' siming' i iuung' i 'líng' dsíí'
(Mt. 17:14-21; Lc. 9:37-43)

¹⁴ Jo mí' cangí' jo, caquiñg' Jesús cóo' Tú' Simón jogui Tiáa' cóo' gui Juan fí' lí' táang' jaléng' dsea' guitúung' quiá'r' i caguiang' gui do, jo cadséiñ' dsea' do jee' cabøø' jaléng' dsea' jiéng', jogui i liing' tifa' quiá' júu' quiú' ta' quiá' dsea' Israel teáaiñ' síiñ' cóo' jaléng' i dsea' do.

¹⁵ Jo mí' tí' lí' cangáng' jaléng' i dsea' do Jesús, ladsifí' ladob cangojmijíñ' dsea' do e féng' neiñ' jogui dseáng' eám' dsigá' dsíir' cajo.

¹⁶ Joba' lalab cajmingí' Jesús i dsea' quiá'r' do:

—¿E' teáang' 'nú' jmoo'na' cuee' júu' cóo' jaléng' i dsea' do?

17 Jōba' cañí' jaang' lajee' i dseá' fíng' do lala:

—Tifa', lab nījeen' jaang' jōo'ō, jō i 'līm' iuung' dsír', jō nīcajméeiñ' do e ja' lí fé' jōo'ō,

18 jō doñí' jíe' sim' jōo'ō, jmóo' i 'līng' i iuung' dsír' do e quiñ' fí' ni' uó'; jōgui uøø' ja' fí' mo'oor', jōgui tar' majar', jō dseáng' i' teá' guotir'. Jōba' nīcamí' i dseá' quí' na fa' e niguíñ' i 'līng' na, dsu' ja' mí' cali'r'.

19 Jōba' cañí' Jesús quiáñ' do lala:

—iDseáng' ja' já' līm' 'nú' júu' quié' e! ¿Lí' jmí' e nīlín' na' dseáng' lajang' júu' quié' e? Jōgui ¿lí' tí' jmí' nījmeé' e té' e cóo' 'nú'? Nījéeng' na' fí' la i siming' na.

20 Jōba' cangojéeng' i dseá' do i siming' i dsée' do fí' quini' Jesús. Dsu' mí' tí' lí' cangáng' i 'līng' i iuung' dsí' i siming' do Jesús, dsifí' ladob cajméeiñ' do e cadseá' tu joñíng' i siming' do, jō caquím' biñ' do fí' ni' uó' e beár', jōgui e uøø' ja' fí' mo'oor'.

21 Jōba' cajming' Jesús tiquiá' i siming' do:

—¿Lí' lajji' līng' i siming' quí' e la?

Jōba' cañí' i tiquiáñ' do quiá' Jesús:

—Latí' jji' mí' jiuum' biñ' līñ' lana;

22 jō jmīguib' ya' nīcajméeiñ' e nīcabíng' neñ' fí' ni' jī' jōgui fí' dsí' jmí' e laco' nīlí'r' nījngáng' neñ'. Jōba' mī' naa' 'nú' jmí' ee' fa' 'nú' bī' nīlí' nījmi' leáan' re, fī' güilín' jnea' jō jmícoo' jnea'.

23 Jōba' cañí' Jesús quiá' i dseá' do lala:

—¿E lí' song lí' baa' fó' 'nú'? ¿Cō' lajib' cuøøng' sea' lí' jmeé' jnea' quiá' i dseá' i já' līng' júu' quié' e!

24 Jōba' cañí' tiquiá' i siming' i dsée' do e teá':

—jáb' līng' jnea' júu' quí', Fí' naa', jōgui jmícoo' jnea' e laco' já' gui nīlín' e jō!

25 Jō mí' cangá' Jesús e eáam' ngóo' seáng' dseá' fí' jō, jōba' cajíñ' i 'līng' i iuung' dsí' i siming' do jō casí'r' lala:

—Dseá' 'līng' i jmóo' e ja' lí' fé' jōgui ja' lí' ná' i siming' na, jnea' quiá' 'nú' ta' e nījúu' lí' iuun' dsí' i siming' na, jōgui e jō' quí' jmí' fa' e nī' ú' tu' calé' catú'.

26 Jō dsifí' lajōb' ca'oo' teá' i 'līng' do, jō cajméeiñ' do e cadseáb' tu joñíng' i siming' do. Jō mí' cangá' jōguiba' cagü' iñ' do fí' lí' iuuiñ', dsu' i 'līng' do caseáañ' i siming' do dseáng' lafa' līm' biñ' e lí' laco' lajīng' dseá' do nífé'r' e cajúm' biñ' do.

27 Dsu' Jesús ladsifí' ladob catíñ' guoo' i siming' do, jō caseang' neñ'; jō caráam' i siming' do jō casím' bre.

28 Jō mí' cangá' jō, ca'í' Jesús fí' dsí' sīnú' cóo' dseá' guitúung' quiá'r', jō fí' jō i dseá' quiá'r' do cajming'r' dseá' do lajee' la'ó' yaaiñ':

—¿Jialí' jnea' ja' calí' naa' fa' caguíng' naa' i 'līng' i iuung' dsí' i siming' do?

29 Jōba' cañí' Jesús quiáñ' do jō cajíñ':

—I 'līng' i lado líb' nī'uóñ' dsu' la'eáang' cóo' e féng' dseá' Fidié' jōgui jmóor' ayuno.

Mí' cajmée' tu Jesús júu' e nījnga' dseá' quiá'r'

(Mt. 17:22-23; Lc. 9:43-45)

30 Jō mí' ca'uøøiñ' e fí' jō, cangám' tur' fí' lí' se' Galilea. Jō dsu' Jesús dseáng' ja' iim' bre fa' e caliñ' jji' jaang' dseá' jie' fí' lí' táaiñ',

31 cō' iñ' e e'r' lajji' i dseá' guitúung' quiá' bre. Jō lajee' táaiñ' fí' jō, lalab' sí'r' jaléng' i dseá' quiá'r' do:

—E laba' fī' 'nú' e jnea' i cagüéng' fí' jmīgü' la i jáa' fí' ñifí' e lín' n' jaang' dseá' jmīgü', jō 'né' ba' e nījám' dseá' jnea' fí' quini' dseá' i 'nī' nī' quié' e cartí' nījngáiñ' jnea'; jō dsu' mí' ningí' nī' jmí' lajō, nījīb' túu' calé' catú'.

32 Dsu' ja' cangáng' i dseá' guitúung' do e uíng' e cajíng' Jesús lado, jōgui 'gó' bīr' cajo fa' e nījming'r' dseá' do.

*¿I' i laniing-gui fi' quini` Fidié`?
(Mt. 18:1-5; Lc. 9:46-48)*

33 Jò mi~ cangf jò, jò mi~ tí' lí~ caguiling-tur fi' Capernaum, jò canghiñ' fi' dsí' sinúu^ . Jò mi~ niteáaiñ' fi' jò, lalab cajmingí' Jesús i dsea` guitúung` quiá'r- do:

—¿E~ e ñiling- 'nú' jñing~na' lacuee` guiá'^ fi'?

34 Jò mi~ canúu- i dsea` guitúung` quiá'r- do lado, lí'^ cajer' tiib-, dsuco' lajee~ teáaiñ' do fi' e jaliñ- sñiñ' e i~ i laniing-gui lajee~ la'ó' yaaiñ~ .

35 Jòba' caguáb' Jesús jò cató'r- i dsea` guitúung` do quiá'r- jò casí'-reiñ' do lala:

—Song i~ dsea` iñ~ e líiñ- dsea` laniing-gui, jòba' güi'f' dsír' e íb i dsea` i catí' lí' dséng-gui, jogui íb dsea` cajo i nijmé- jalé' ta~ quiu' jaléng' dsea` jiéng' e 'né- jmér- .

36 Jò mi~ cangf jò, casíng' Jesús jaang` jiuung~ pi'^ fi' guiá'^ jóo' lí~ teáaiñ'- do, jò casaiñ'- i jiuung~ do jò cataiñ'- cuéer', jò casí'r- i dsea` quiá'r- do lala:

37 —I dsea` i íng' i jiuung~ la la'eáang' cóo'~ jnea~, lajòb cajo íñ' jnea~; jogui i dsea` i íng' jnea~, güi'ñi'bre guiá- e o' jii' jnea~ íñ', co' lajòb cajo íñ' Tiquié^e dsea` guing~ ñifí-, dsea` casíiñ' jnea~ fi' jmigüi' la.

*I dsea` i ja` ní'` níng- jneaa~aa' sitáam^bre cóo'~ jneaa~aa'
(Lc. 9:49-50; Mt. 10 :42)*

38 Jò mi~ cangf jò, e lab cajíng'- Juan casí'r- Jesús:

—Tifa', jnea'^ nicaneem~baa' jaang` dseañu' i jmóo' ta~ uóøng` jaléng' i 'ling'^ la'eáang' cóo'~ 'nú', jò co' ja` ngí'guir colíing~ cóo'~ jneaa~aa', jòba' nicajníim'~baa' quiá'r- e nijmér- lajò.

39 Jòba' lalab cañíi' Jesús quiá'- i dsea` quiá'r- do:

—Ja` jñing~na' quiá'- i dsea` do, co' ja` seeng` jii' jaang` dsea` i nijmé- coo' e lí~ e dsigá' dsí' dsea' la'eáang' cóo'~ jnea~, jò mi~ nilicøøng'gui lajò nífí'r' ga` uii~ quié-e .

40 Co' i dsea` i ja` fé' ga` uii~ qui-ii', jòba' cóo'~ jneaa~aa' sitáaiñ^ .

41 Jogui i~ dsea` i cuø' 'nú' fa' lab coo' vas jmii' uii' e 'nú' líng'na' dsea` quié-e, jòba' jnea~ jmitaa- óo'na' e seab` guiéé^ quiá'r- mi~ nití- fi' jmigüi' coo' .

*Jial dseáang' e nijiúng' dsea` fi' ni` dsee-
(Mt. 18:6-9; Lc. 17:1-2)*

42 'Jogui song i~ dsea` jmóor' jial e niténg' fi' ni` dsee- doñí' i~ i jiuung~ lala i nijá'- líng' júu^ quié-e, jòba' guiá-guib ni'uíng- quiá'- i dsea` í' e nidsibíng' 'ñia'r' fi' é' jmii' e guinee~ coo' cuu~ 'loo' fi' moluur~ .

43 Jò song guóo' nijmé- e nitén' fi' ni` dsee-, jòba' quiúu~ jóng; co' guiá-gui quií'- e nitáang'~ fi' jmigüi' la cóo'~ coob' guóo', jò ja` guien' fi' lí' 'lí'^ fi' lí' coo' jì cóo'~ lajì tú- guóo' mi~ nití- oor~ quií'- .

44 Co' e fi' jò jò` tóo' jmii~ fa' e nijúung-gui jaléng' jóo' o'gui fa' e niyu'gui jì.

45 Jogui song tii~ nijmé- e nitén' fi' ni` dsee-, jòba' quiúu~ jóng; co' guiá-gui quií'- e nitáang'~ fi' jmigüi' e jlúun' e laco'gui e niguøn'^ cóo'~ lajì tú- tii~ fi' lí' 'lí'^

46 fi' lí~ teáang'~ jóo'~ i ja` tóo' jmii~ nijúung-gui jogui fi' lí' coo' jì e jò tóo' jmii~ yu' .

47 Jogui song jminí'^ jmóo' e nitén' fi' ni` dsee-, jòba' gui~ jóng; co' guiá-gui quií'- e Fidiéé~ quier' nífi' quií'- e ja` sea` coo' jminí'^ e laco'gui téeb' lajì tú- jminí'^ niguøn'^ fi' lí' 'lí'^

48 fi' lí~ teáang'~ jóo'~ i ja` 'mó- sea` quiá'- jogui fi' lí' coo' jì e ja` tóo' jmii~ yu' .

49 'Jò ligüeang'^ jaléng' dsea` quié- e la'eáang' cóo'~ jalé' e huíng' e dsingñiñ- lí'^ laco'gui ligüeang'^ jalé' feá'- la'eáang' cóo'~ ñi~ jogui jì.

50 Jò eáam' íng' ta~ jalé' ñi~, jò dsu' song ca'íng- lajii'~ e ñii~ do, jòba' ¿jial nilí' 'nú' nijmee~na' e niliñii~ tú calé' catú-? Jòba' fii- i 'nú' e güi'uíng-na' laco' lí' ñi~ e guiá- do, jò güiliseeng'na' juguiá- júu^ røø lajee~ la'ó' rúng'na' .

10

Mi~ ca'e' Jesús quiá'- mi~ tiúung- dsea` rúin'
(Mt. 19:1-12; Lc. 16:18)

¹ Jo mi~ cangf jo, cagüi'hib' Jesús fí Capernaum jo cangó-tur fí guóo~ uó- li se' Judea jogui e fí guóo~ uó- e née lí^ lí guiéé!~ laco' iu~ gua` Jordán. Jo fí job caseáng'tu jaléng' dsea, jo canaaiñ` e'r jaléng' i dsea` do júu^ quiá'- Fidiéé' lí^ laco' litíiñ` do.

² Jo lajee` jo cangoquiéeng' jaang` gáng- dsea` Israel i líng' dsea` fariseo fí lí~ sing' Jesús e lí^ laco' niguié'r' jial ni'níñ- dsea` do fí quini` dseata~. Joba' cajmingi'r- dsea` do e su seab` fí e nitiúung- dseañu' dseamf quiá'r-.

³ Joba' lalab cañíi' Jesús quiá'- i dsea` do:

—¿E~ ta~ caqui~' Moi~ e nijmee~na' quiá'- e jo?

⁴ Jo jaléng' i dsea` do cañíir` lala:

—Moi~ cacuø`bre e líb' jaang` dseañu' nitiúuiñ- dseamf quiá'r- lifa' 'né- seáiñ- coo` mají lí fé' lajo.

⁵ Joba' cañíi' Jesús quiá'- i dsea` do lala:

—Moi~ cacuø`r e júu^ jo, co' ñir e dseáng'- eáang' ue` óo' 'nú'.

⁶ Jo dsu' lajii'~ ie~ mi~ catiroo` jmigüi, "Fidiéé' cajmeaaiñ` dseañu' cóo'~gui dseamf".

⁷ "Jo uíi~ e joba' e cúng' dseañu' guóor` jo 'naaiñ` quiá'- sejmiir` e laco' niliseeiñ` colíng` cóo'~ dseamf quiá'r-.

⁸ Jo laji` huáaiñ- do lafa' jaam`bre nica'uíiñ- jóng." Joba' jo tí'guir gáng- dsea, co' lafa' jaam` dsea` ca'uíiñ-.

⁹ Co' Fidiéé'bing' cagua' uiing~ e nicúng' dsea` guóor`, joba' jo cuø`ng` fa' e nitiúung- gui dsea` rúin' mi~ nicangf e cacúng' guór`.

¹⁰ Jo mi~ cangf jo, jo ca'íb- tu Jesús fí dsíi' sinúu^ colíng` cóo'~ dsea` guitúung` quiá'r-, jo lajee` jo calé' catú- cajmingi' i dsea` quiá'r- do cuaiñ` quiá'- e júu^ e ngóo' do.

¹¹ Joba' Jesús cañíir` quiá'- i dsea` do lala:

—Íi` dseañu' i tiúung- dseamf quiá'- jo cúiñ` guór` cóo'~ dseamf i jíéng', joba' ée`bre dsee- fí quini` Fidiéé' uii` quiá'- i dseamf la'uii` do;

¹² jogui song jaang` dseamf catiúuiñ- dseañu' quiá'r- jo cacúiñ` guóor` cóo'~ jaang`gui dseañu', joba' ée`bre dsee- cajo fí quini` Fidiéé'.

Mi~ cajmigüeang'^ Jesús jaléng' jiuung`
(Mt. 19:13-15; Lc. 18:15-17)

¹³ Jo lajee` jo fíim' dsea` cangojéeiñ` jiuung` quiá'r- fí lí~ táang` Jesús e laco' niquidsi' dsea` do guóor` fí moguiñ` e laco' niligüeaiñ` do, dsu' i dsea` guitúung` quiá'- Jesús do canaaiñ` jíim`bre jaléng' i dsea` i dsijéeng` jiuung` quiá'r- fí do.

¹⁴ Jo mi~ cangá- Jesús e jo, eáam' caligüiñ- jo lalab casí'r- i dsea` quiá'r- do:

—Cuøø`na' fí e jalíng- jaléng' i jiuung~ na fí quini- jo ja` jníng'na' quiá'r-, dsuco' Fidiéé'bing' i quie' nifí quiá'- jaléng' i dsea` i líng' laco' i jiuung~ la.

¹⁵ Jo dseáng'- fá`baa e ii` ja` iing~ ni'íng' e Fidiéé' nicá' nifí quiá'r- laco'gui íng' jaang` jiuung~, joba' ja' too` jmi~ e Fidiéé' nicá' nifí quiá'r- cajo.

¹⁶ Jo mi~ cangf jo, casáng' Jesús lajaang` lajaang` i jiuung` do, jo cataiñ- güea'^ lajaléiñ` do e lico' caquidsir' guóor` fí moguiñ`.

Mi~ casíng- jaang` dseañu' i sea` cuu- cóo' Jesús
(Mt. 19:16-30; Lc. 18:18-30)

¹⁷ Jo mi~ cangf jo, lajee` e nú'- gui ni'í Jesús fí e nidsér- fí iuuiñ-, ladsifí ladob caguié- jaang` dseañu' i cuíi, jo casí'r` uó- jnir~ fí quini` dsea` do jo cajmingi'r- dsea` do lala:

—Tifa' i guiá- dsíi, ¿e~ 'né- nijmee~ jnea~ e laco' nilí'i e niliseen- cøøng` cóo'~ Fidiéé' car` ngongí` jmi~?

¹⁸ Jo cañíi' Jesús quiá'- i dseañu' do lala:

—¿Jialí' fi' jnea~ e guiá- dsii'? E jáb- dseáng'- jaam` dsea` guiúng- i seeng, jo íb` Fidiée~.

19 Jo niñí' lajii~ júu^ quiu' ta~ quiá'- Fidiée~: “Ja` jngan' dsea` rún!"; ja` lee'~ e nigüín' cóo~ dseañu' osi dseamf i o' quií'-; ja` jmée'^ ii; ja` cá'^ júu^ e o' já'- e en' jaléng' dsea` rún!"; ja` jmigóon' dsea` rún!"; jogui jmi'goo` tiquíí'^ cóo~ niquíí'^.”

20 Jo cajíng'- i dseañu' do lala:

—Tifa', lajaléb' e jo nicajmiti~baa latí' jii~ mi~ simím'baa.

21 Joba' cajóong- Jesús i dseañu' do e íang` dsíir', jo cañír` quiáiñ'- do lala:

—Coo`gui sea` e 'né- fii- i 'nu` e 'né- quií'-: guóng' jo güi'ni~ lajalé' e sea` quií'-, jo e nilí' do nijmée'^ guiée^ jee~ jaléng' dsea` tiñíng-. Jo lajoba' nilisea` juguiá- quií'- fi' ñiff- mi~ nití- fi' jmigüí` cóo~. Jo mi~ ningí' e nijme'^ e nicafii- i 'nu` na, joba' nea~ jo ningí'^ cóo~ jnea~.

22 Jo dsu' mi~ canúu- i dseañu' do lado, eáam' fi'í' calíñ-; jo jo` íang` dsíir' cangáiñ'- fi' quiá'r-, co' líiñ' jaang` dsea` i eáam' sea` cuu-.

23 Jo mi~ cangí jo, cajóo- Jesús lacúng' lí- siñ', jo casí'r- i dsea` guitúung` quiá'r- do lala:

—Eáam' huíng' lí' quiá'- jaléng' dsea` sea` cuu- e nijáng' yaaiñ~ fi' quini~ Fidiée~ e laco' dsea` do nicá` nifi' quiá'r-!

24 Jo mi~ canúu- i dsea` guitúung` do lala, eáam' cangogá` dsíir'. Jo dsu' caléb'tu casí'- Jesús i dsea` quiá'r- do lala:

—Jóo'o, jeáam' huíng' e ni'íng' dsea` e Fidiée~ nicá` nifi' quiá'r-!

25 Co' ja`gui huíng' quiá'- jaang` jó' camello e ningíng-ne' fi' dsíí' tó` jmini~ quiá'- mocuu- 'mi' 'mi' e laco'gui jaang` dsea` sea` cuu- nilí'r' e ni'íñ' e Fidiée~ nicá` nifi' quiá'r-.

26 Jo mi~ canúu- dsea` guitúung` quiá'r- e jo, eáang`gui b cangogá` dsíir', jo canaaiñ` jmíngí'- rúíñ' lajee` la'ó' yaaiñ~ lala:

—Jo ¿i~ i nilí' e nileáiñ` jee~ jalé' dsee- quiá'r'?

27 Joba' cajóong- Jesús i dsea` do, jo cañír` quiáiñ'- lala:

—Huím' lí' quiá'- jaléng' dsea` jmigüí, dsu' ja` lí' lajo quiá'- Fidiée~, co' lajib` quíi~ dsea` do jmíi~ lí' jmér-.

28 Jo mi~ cangí jo, Tú^ Simóngui canaaiñ` s'í'r' dsea` do lala:

—Fii'naa', jnea'^ nicatá'baa' lajaléb' e sea` quií'-naa', jo joguiba' cangí'naa' cóo~ 'nu`.

29 Joba' cañíi' Jesús quiáiñ'- do:

—Dseáng'- e já'- e fii- i 'nú' e doñí' ii i catá' jalé' e sea` quiá'- osi góor` osi ca'naaiñ` quiá'- jaléng' rúíñ' osi quiá'- tiquíá'r^ niquíá'r^ osi quiá'- jaléng' jóor` osi catár' jalé' uó- quiá'r- dsu' uíi~ e ca'íñ' jnea~ jogui uíi~ e ni'r' júu^ quiá'- jial laang` dsea` jee~ jalé' dsee- quiá'r-,

30 joba' i dsea` í ni'ím'bre fi' jmigüí la cien née'gui e jmiguiá' quiá'- jalé' e catár` do, nañí' fa' gab` jmáng' dsea` ír'; jogui mi~ nití- fi' jmigüí cóo~, ni'ím'bre e seeíñ` cøong` cóo~ Fidiée~ lata~ cajo.

31 Jo i líng~ dsea` i líng- e niíñ- eáang' fi' jmigüí la, jo dsu' í'bing' jii~ capí'^ ja` ee` niing- mi~ nití- e í' jo. Jo dsu' i líng~ dsea` i líng- e ja` ee` niíñ- jii~ capí'^ fi' jmigüí la, jo í'bing' i eáang`gui niliniing- mi~ nití- e í' jo.

*Mi~ catí' 'ní' ya' e cajíng'- Jesús e nijnga'- dsea` quiá'r-
(Mt. 20:17-19; Lc. 18:31-34)*

32 Jo mi~ cangí jo, iuung- Jesús fi' e ngóor' fi' Jerusalén colíng~ cóo~ dsea` quiá'r-, jo 'ñiab' Jesús ngóor' nifi' ie~ jo, jo caluu`gui lajo ngolíng- dsea` guitúung` quiá'r-, jo i dsea` la eáam' dsigá` dsíir'. Jo caluu` i dsea` guitúung` do ngolíng- dsea` quiá'r- caguaang-gui, jo i dsea` la dseáng'- 'gó'bre. Jo Jesús ca'naam`bre calé' catú- cóo~ i dsea` guitúung` quiá'r- do jo casí'-reiñ' do lajii~ e nidsijée' cóo'r~ jo lalab cajíñ'-:

33 —Jo lí'^ laco' jii~ e la móo- 'nú' jmíi~ na, lana ningóo'naa' fi' Jerusalén, jo fi' fii` job lí~ nijáng' dsea` jnea~, dsea` cagá'- a fi' ñiff- e lán'n jaang` dsea` jmigüí, jo fi' jaguó' jaléng' fi~

jmídeas` quiá'- dseá` góo`baa' cóo'~gui fí jaguó` jaléng' tifa' quiá'- júu` quiá' ta` qui`baa' lí` nijáin' jnea` jò nicuø'r- jnea` dsee- e dseáng' -né- nijúum`baa; jò nijáin' jnea` fí jaguó` dseá` i ja` líng' dseá` góo`naa' dseá` Israel,

³⁴ jò niløøm`bre jnea`, jogui ni`ñiñ- jnea`, jogui nijmihuñiñ` jnea` cartí` nijngám'-bre jnea`; dsu' mi` nisúung- 'ní` jmí~ lajò, nijíb'túu` calé` catú`.

*Mi` camí` Tiáa` cóo' Juan cóo' jmí'ee`
(Mt. 20:20-28)*

³⁵ Jò mi` cangí` jò, cangoquiéeng' Tiáa` cóo'~gui Juan fí lí` sing' Jesús, jò lajì` huáaiñ'- do líiñ' jóo` jaang` dseañu' i sií` Zebedeo, jò lalab cajíng'- i dseá` do casí'r- Jesús:

—Tifa', ii`naa' e nijmití`^ cóo' jmí'ee` lajii`~ e nimí`~naa' 'nu`.

³⁶ Jòba' cañi` dseá` do:

—¿E` iing`~na' e nijmicóo'`o` 'ná'?

³⁷ Jòba' cañi` i dseá` gáng- do quiá'- Jesús:

—Cuøø'~ jnea`^ e nití`-naa' fí` ñiffí- quiá'- mi` niguiing`~tu' fí` jò e ni`ié`naa' jaang` lí` lí` dséé` jogui jaang` lí` lí` tuung`.

³⁸ Jòba' cañi` Jesús quiáin'- do lala:

—'Ná'` jii`~ ja` ñi`na' lajii`~ e mi`na' na. ¿Su líng`-na' e nité`na' lajii`~ e iihuí` e nijjaquiéeng'` quié- e jogui e nité`na' e nijmeáng'` dseá` 'ná'` ga` lí`^ laco'gui nidsing`ng- jnea`?

³⁹ Jòba' cañi` i dseá` gáng- do quiá'- Jesús lala:

—Lí`baa'.

Jòba' cajíng'-tu` Jesús casí`-reiñ':

—E` jáb'- e 'ná'` nimó`na' iihuí` cajo lí`^ laco'gui nimoo` jnea`, jogui e gab` nijmeáng'` dseá` 'ná'` lí`^ laco'gui nijmeáng'` dseá` jnea`;

⁴⁰ jò dsu' e nigüea` dseá` lí` lí` dséé` osi lí`^ lí` tuung` é laco' guiin`~n, ja` jnea` catín`-n fa' e nicuøø- e jò, có' nigüea` fí` jò jaléng'` i dseá` i nisi`íng` i niñíng` e jò.

⁴¹ Jò mi` tí` lí` canúu- i dseá` quiá'- Jesús i guíng`-gui do e cajmée` Tiáa` cóo'~gui Juan lajò, jòba' eáam` caliguiñ- quiáin'- do.

⁴² Jò dsu' Jesús cató`-bre jaléng'` i dseá` guitúung` do quiá'r- jò casí`-reiñ' lala:

—Niñiñ`^ 'ná'` guiá- e jee` jaléng'` dseá` i ja` cuíng` Fidié` seeng` jaléng'` dseata` i quiá' ta` quiá'- jaléng'` dseá`, jò jaléng'` i dseá` i quiá' ta` do eáam` sili'r` cóo'~ e ta` líiñ' do. Jò lajòb líí` cajo cóo'~ jaléng'` dseata` dseá` féng'` i quié` nifí` quiá'- jaléng'` dseá`, có' laguidseam`^ quiá'r` ta` quiáin'- do.

⁴³ Jò dsu' ja` cuøøng` e nidsijée` lajò jee` 'ná', có' ií` i iing` i nicá` nifí` jee` 'ná', í`bing' i 'né- nijmé- ta` jmicóo'~ quiá'- i caguiaang`-gui;

⁴⁴ jogui ií` i iing` i nijmé- e niing`-guir jee` 'ná', í`bing' i 'né- jmé- jalé' ta` huí` jee` jaléng'` i caguiaang`-gui e ja` jmiféng'` 'ñia'`r'.

⁴⁵ Jò lajòb 'né- jmér-, có' lajòb ta` cagá- jnea` cajo, jnea` dseá` cagá-a fí` ñiffí- e lín`n jaang` dseá` jmigüi`; có' jnea` ja` cagá-a fa' e jmóo` dseá` ta` fí` quinií-, có' jnea` cagá-a e laco' nijmicóo'~o` jaléng'` dseá` jmigüi` jogui e laco' nijáang'~ 'ñiá'`a e nijúun`-n e laco' nileáng` fíng` dseá` jmigüi` jee` jalé' dsee- quiá'r-.

*Mi` cajmi`leáng- Jesús jaang` dseá` tiuung- i sií` Bartimeo
(Mt. 20:29-34; Lc. 18:35-43)*

⁴⁶ Jò mi` cangí` jò, caguié- Jesús cóo'~ dseá` quiá'r- fí` Jericó. Jò lajee` e uøøiñ` e fí` jee` fii` jò colíng` cóo'~ dseá` quiá'r- cóo'~gui i fíng`-gui dseá` i jíéng'` cajo, jò jaang` dseá` tiuung` i sií` Bartimeo, jóo` jaang` dseañu' i sií` Timeo, guiiñ` 'ni' fí` e jmóor` ta` mí` cuu`.

⁴⁷ Jòba' mi` tí` lí` calilí` i dseá` tiuung` do e quiá'- níngóo` Jesús dseá` seeng` fí` Nazaret, jòba' canaaiñ` óo`bre jò fé'r` lala:

—¡Jesús, dseá` siju` dseata` Daví`^, fíi` güilín' jnea`!

48 Jo ì fñim' dsea` cajíin̄ ì dsea` tiuung` do e laco' jo` nifé'guiiñ' do lado, jo dsu' ì dsea` tiuung` do lí' lí' teá'gui canaaiñ` ám'bre dsea` do jo café'tur lala:

—¡Jesús, dsea` siju` dseata` Daví', fñi` güilín' jnea`!

49 Joba' Jesús caquium'bre fí' iuuiñ` jo cajíin̄`:

—Jéeng`na're fí' la.

Joba' catób' jaléng' ì dsea` ì ngolíng` cóo' Jesús ì dsea` tiuung` do jo casí'` reiñ' do lala:

—Cuóø' bî uø' jo ráan'`, co' dob tó' Jesús 'nu`.

50 Joba' cab' caquiéer` e 'mi' jliiñ` do, jo lico' ca'ñim`bre jo caguiér` catí' quini` Jesús.

51 Joba' cajmingí'` Jesús ì dsea` tiuung` do lala:

—¿E` iing` 'nu` e nijmee` e quíi'`?

Joba' cañíi' ì dsea` tiuung` do quiá'` Jesús lala:

—Tifa', iin`n e nijmée'` e nilijné'`baa.

52 Joba' cañíi' Jesús quiá'` ì dsea` tiuung` do lala:

—Nícuóøm` guøñ'` náng, co' nica'láam`ba' uíi'` e jáb'` calín'` júu` quié`e.

Jo ladsifí' lado calijné'` ì dsea` do, jo cango'leám'bre laco' ngóo' Jesús lajii'` fí' iuung` dsea` do.

11

Mi' ca'í' Jesús fí' jee` fñi' Jerusalén

(Mt. 21:1-11; Lc. 19:28-40; Jn. 12 :12-19)

1 Jo mi` cangí' jo, mi` tí' lí' niteáaiñ` quiá'` jee` fñi' Jerusalén jo e fí' lí' née' e fñi' e sii' Betfagé cóo'` gui e fñi' e sii' Betania, quiá'` fí' mó' e sii' Olivos, jo fí' jo casing` Jesús gáng` lajee` dsea` guitúung` quiá'r`,

2 jo lalab casí'r` ì dsea` do:

—Güilíng`na' e fí' fñi' pí' e née' quini` na, jo mi` nigüitáang`na' fí' jee` fñi', nimáang`na' jaang` bú'` iee` ì sing'` 'ñúung'` e jii'` jaang` dsea` ja` ii'` mí' caguá' fí' mocóo'`re'. Jo síng'`na're' jo tee`na're' fí' la.

3 Jo song` ii'` dsea` jiiñ'` sí'r' 'nú'` jiali'` jmoo'na' lana, joba' síi'`na're e ta` quiu'` Fíi'baa', co' 'neám`bre ì jó'` la cateá', jo mi` ningí' jo, nijajeaam`ture' calé'` catú'` fí' ée'` quiáa`re'.

4 Joba' lajob cajmée' ì dsea` gáng` quiá'` Jesús do; cangolíim`bre, jo mi` cangotáaiñ'` fí' jee` fñi', cangáaiñ` jaang` bú'` ì sing'` 'ñúung'` fí' jee` 'núu' cáang` o'nú'` quiá'` cóo'` 'núu', joba' casim'bre ì bú'` do lí'` laco' ta` sinú'r` quiá'` Jesús.

5 Jo ì líng` dsea` ì cangá'` mi` casing'` ì dsea` do ì bú'` do cajíin̄`:

—¿E` gui jmoo'` 'nú', dsea'? ¿Jiali'` síng'`na' ì bú'` na?

6 Joba' cañíi' ì dsea` gáng` do jo casí'` reiñ' lajii'` júu` e nicasí'` Jesús ír' lamí'` jéeng`gui; joba' calí'`bre cató'r` ì bú'` do.

7 Jo cató'`bre ì bú'` do fí' lí' sing'` Jesús jo caguiar' sí'r` fí' mocóo'` ì bú'` do, jo mifíng` caguáb` Jesús.

8 Jo fñim' dsea` cani'r' sí'r` lacuee` guiá'` fí', jogui seem`bi dsea` caquiur' guo'` 'ma` e jiu` jo caguiar' guiá'` fí' cajo.

9 Jo jaléng'` dsea` ì ngolíng` nifí' cóo'` gui ì jalíng` cøøng` canaaiñ` óor` teá' jo fé'r` lala:

—¡Majmifém'baa' ì dsea` güeang'` na ì jáa' fí' ñifí'` cuaiñ` quiá'` Tiquí'ii' dsea` guíng` fí' jo!

10 Co' nicatí' í' e nijáa' ì dsea` siju` quiá'` dsea` áang'` quí'`ii' ì calisí' Daví'` do ì sí'íng` e niquiá'` ta` quiá'` dsea` jmigüí'. ¡Majmiféng'`naa' jogui majmi'goo`naa' Fidié'` dsea` guíng` ñifí'`!

11 Jo mi` caguié'` Jesús fí' jee` fñi' Jerusalén, cangó'r` fí' dsí'` sinúu'` guá'` fé'` quiá'` dsea` góor` dsea` Israel e sí'` fí' jo; jo cajóø'r` fí' la fí' na e fí' jo, jo mi` cangí' jo, cangó`tur fí' Betania colíng` cóo'` ì dsea` guitúung` quiá'r` do, co' nica'lóob` ie` jo.

*Coo`'ma`güñí' e ja`dsi`güñí' quiá'-
(Mt. 21:18-19)*

¹² Jo mi` cajneá- e jmi` jo, mi` tí li` ca'uøøiñ` fí Betania, cadseá- jmi'aang- Jesús.

¹³ Jo lajee` e teáaiñ` fí, huím-bi cangá- Jesús e gui` coo`'ma`güñí' e dsí` má'; joba' cangojòø` catí quiá'- su dsí` güñí' quiá'- e 'ma` do, dsu` ja` ee` cadsé'r` jii` coo` mi` tí li` caguiér-, dseáng'- lajii` má`ba' dsí~, co' o' jii` e dsí` güñí' ie` jo.

¹⁴ Joba' café` Jesús quiá'- e 'ma` güñí' do lala:

—Jii` jaang` dsea` jo` nidó'- guir` güñí' quiá'-.

Jo canúub- dsea` guitúung` quiá'- Jesús e café'r` lajo.

*Mi` ca'uøøng` Jesús jaléng` dsea` i` jmóo` ta` 'nñ` fí` dsí'` guá'-
(Mt. 21:12-17; Lc. 19:45-48; Jn. 2 :13-22)*

¹⁵ Jo mi` cangí e caguilíng-tur` fí Jerusalén, job mi` ca'í-tu` Jesús fí dsí'` sinúu` guá'- fé' quiá'- dsea` góor` dsea` Israel, jo canaañ` uøøm`bre jaléng` dsea` i` niteáang` ta` 'nñ` jogui` ta` láa` e fí dsí'` sinúu` guá'- do, jogui` canaañ` jím`bre jalé` mes` quiá'- jaléng` i` dsea` i` neáang` ta` jmifiing` cuu` quiá'- jaléng` dsea` jogui` mes` quiá'- jaléng` dsea` i` neáang` ta` 'nñing` mee` cajo.

¹⁶ Jo dseáng'- jo` cacuø'r` fí jii` jaang` dsea` fa' e nidsica`gui` dsea` fí dsí'` sinúu` guá'- jii` coo` e 'nñr`.

¹⁷ Jo lalab` canaañ` e'r` jaléng` i` dsea` do ie` jo:

—Lalab` fé' Fidié` fí ni` jì` quiá'r-: “Fí dsí'` sinúu` quié` e la íng` ta` e jmiféng` dsea` jnea` l'` lajaléng` dsea` i` seeng` fí la'úng- fí jmigü`”; dsu` 'nú`gui` nicajmee`na' e 'nú` la lafa' too` lí` neáang` jaléng` ñb`.

¹⁸ Jo jaléng` fii` jmidsea` quiá'- jaléng` dsea` Israel cóo`gui` jaléng` tifa'` quiá'- júu` quiu` ta` quiá'- dsea` Israel canúu`-bre júu` quiá'- Jesús, jogui` canaañ` 'nó'r` jial`nijngáñ`- dsea` do, co' 'góm`bre dsea` do, co' dseáng'- eám` dsí`gó` dsí'` jaléng` dsea` quiá'- lajii` e e' dsea` do.

¹⁹ Jo mi` tí li` ca'í` núu`, cagüi`ñb` Jesús colíng` cóo` dsea` quiá'r- e fí jee` fii` jo.

*Mi` caliquiú` e 'ma`güñí' do
(Mt. 21:20-22)*

²⁰ Jo mi` cajneá- e jmi` coo`gui` do e la'ee`, cangíng`tu` Jesús cóo` dsea` quiá'r- fí li` gui` e 'ma` güñí' do, joba' cangár- e nicaliquiú`ba' do catí` jmó` quiá'-.

²¹ Jo job mi` tí li` cadseng`- dsí'` Tú` Simón, joba' casí'r` Jesús lala:

—Tifa', íng` na` jòø- e 'ma` güñí' e café` ga` uii` quiá'- lado` guié`-: Nicaliquiú`b` lana.

²² Joba' cañí` Jesús quiá'- Tú` Simón:

—Já'- güilíng`na' lajii` júu` quiá'- Fidié`.

²³ Dseáng'- e já`-ba' fí` i` 'nú` e doñí` i` i` nijíng'- e nisí` e mó' la: “jéng` 'nú` fí` na` jo güiteáng` uø` fí` 'ni` jmiñí`!”, jo song` coo`ba' í` dsí'r` jogui` já` líiñ` e lajii` e nicafé'r` do dseáng'- nilitib~, joba' lajob` nilí` jóng.

²⁴ Joba' fá`guí` e fí` i` 'nú` e lajalé` e mi` 'nú` lajee` e fong`na' Fidié`, jo song` já` líng`na' e nica`ím`ba' e jo, joba' lajob` nilí` jóng.

²⁵ Jogui` mi` fong`na' Fidié` cajo, song` ja` guiá- seeng`na' cóo` i` líng` dsea` rúng`na', íng`na' dsee` uii` quiá'- i` dsea` í, jo lajoba' Tiquí`na' dsea` guíng` ñifí` ni`ím`bre dsee` qui`na' cajo.

²⁶ Jogui` song` 'nú` ja` líng`na' dsee` quiá'- dsea` rúng`na', joba' lajob` nijmé` Tiquí`na' dsea` guíng` ñifí` cóo` 'nú` cajo, ja` ni`íiñ` dsee` qui`na'.

*I` quiu` ta` Jesús e jmóor` jalé` e jmóor`
(Mt. 21:23-27; Lc. 20:1-8)*

²⁷ Jo mi~ cangîgui lajo, caquim'~tur fi' Jerusalén. Jo lajee~ e ngi' Jesús fi' sináa^ guá'~ fé', jo cangoquiéng' fi' li~ siñ' jaléng' fii~ jmidsea' quiá'~ dsea' góor' dsea' Israel cóo'~gui jaléng' tifa' quiá'~ júu^ quiu' ta~ quiá'r~ cóo'~gui jaléng' dsea' cóong'~ quiá'r~ cajo,

²⁸ jo lalab cajmingi'r~ dsea' do:

—¿I~ i quiu' ta~ quií'~ e jmoo'~ jalé' e na? ¿I~ i cacuø' 'na' fi' e cuøng'~ jme'^ jalé' e na?

²⁹ Jo lalab cañi' Jesús quiá'~ i dsea' do:

—Jo jnea~ iim~baa jmee~ e camí'^ júu^ cóo'~ 'nú' cajo, jo e laba' iin~n jmingí'~i 'nú':

³⁰ ¿I~ i caqui' ta~ quiá'~ Juan i caseáng' dsea' jmí' do? ¿Su Fidié~ osi dsea' jmigüí' b' é? Jo song nilí' na' ningí' na' quié' e lana, joba' jnea~ nifí' i 'nú' i~ i quiu' ta~ quié' e e jmóo'~o jalé' e na.

³¹ Jo lí'^ canaang' i dsea' do sáin' lajee~ la'ó' yaam~bre jo sí' rúin' lala:

—Song nifé'^naa' e Fidiéeb' casí' quiá'r~, joba' lalab niñi'r~ qui'naa': “¿Jialí' ja' já'~ calíng' na' lajii'~ júu^ quiá'~ i dsea' í'?”

³² ¿Osi nisí' b' re é e dsea' jmigüí' bing' caqui' ta~ quiá'r~ e jmóor' lajo?

Jo co' 'góm' bre jaléng' dsea', dsaco' lajalém' dsea' já' líin' e i Juan do dseáng'~ já' ba' e fé'r' cuaiñ~ quiá'~ Fidié~,

³³ joba' lalab cañi' i dsea' do quiá'~ Jesús:

—Ja' ne' naa' jii'~ coo'.

Joba' cañi' Jesús quiáin'~ do:

—O'gui jnea~ cuøng' lí' fí' i 'nú' i~ i quiu' ta~ quié' e e jmóo'~o jalé' e la.

12

Coo' júu^ já' lafa' júu^ cuento quiá'~ dsea' 'léeng'~ i soo' dsí'

(Mt. 21:33-46; Lc. 20:9-19)

¹ Jo lajee~ e táam' bi Jesús fi' Jerusalén, jo canaain' féin' jaléng' dsea' cóo'~ jalé' júu^ já'~ e lí' lafa' júu^ cuento jo lalab casí'~rein' do:

—Coo'~ née'~ caliséng' jaang' dseañu' malí'~gui i cajni' jming'~ huíng' jó'^ fi' ni~ guóo'~ uø'~ quiá'r~; jo cajme'r' coo' iá, jogui cajme'r' coo' fi' li~ niniúung' e nicuø'~ jmí'^ e mí'^ huíng' jó'^ do, jogui cajme'r' bir coo' li~ nigüear' e quiá'~ nijmér' í'. Jo mi~ cangî jo, cacuø'r' dsea' i cajmée' ta~ e uø'~ quiá'r~ do, jo cagüi' h' bre 'ñaia'r' cangór' fi' li' huí'.

²⁻³ Jo mi~ tí' li' catí' í' e nisitíng', co' nicaroo' lajii'~ e cajni'r' do, joba' casíng' i dsea' fii~ uø' do jaang' dsea' 'léeng'~ quiá'r~ e nidsimíin'~ lajii'~ e catíng'~ i dsea' do quiá'~ jalé' e caroo' e ni~ guóo'~ uø'~ quiá'r~ do. Jo mi~ tí' li' caguié' i dsea' 'léeng'~ do quiá'r~, i dsea' i jmáng' ta~ uø' do cajmihuim' bre i dsea' 'léeng'~ do, jo caguiém' turein' e ja' quíeein' do jii'~ coo'.

⁴ Job mi~ casíng' i dsea' fii~ uø' do jaang' gui dsea' 'léeng'~ quiá'r~ e quiá'~ nidsimíin'~ do lajii'~ e catíin'~, dsu' cuub'~ catéé' i dsea' jmóo' ta~ uø' do mogui' í' cajo, jo júu^ 'léb' casí'~rein' do.

⁵ Jo mi~ cangî í', i dsea' fii~ uø' do casíin'~ jiéng' gui jaang' dsea' 'léeng'~ quiá'r~. Jo mi~ tí' li' caguié' í', cajúm' bre, co' cajngab' i dsea' jmáng' ta~ uø' do quiá'r~. Jo mi~ cangî gui lajo, i dsea' fii~ uø' do i fíim' bi dsea' 'léeng'~ quiá'r~ casíin'; jo i líng' lí'^ calihuim' bre, jogui i líng'~ dseáng'~ cajngab' i dsea' do quiá'r~.

⁶ Jo coob' mi~ jaang' jóob' i dsea' fii~ uø' do seáng'~ gui, jo íb' i dseáng'~ i 'neáain' eáang'. Jo ca'í' dsíir' e i jóor' dob nisíin'~, co' líin' e i jóor' doguibing' i nijmi'gò' jaléng' i dsea' do.

⁷ Dsu' i dsea' jmáng' ta~ uø' do casíin'~ lajee~ yaain': “I jóor' nab i nine'^ ni~ latøng' e guóo'~ uø' na; joba' guiá'~gui e nijngáam'~baa're, jo lajoba' jneaa'~aab' dsea' nilí' naa' e guóo'~ uø' la.”

⁸ Joba' casam' bre i jóo' i dsea' fii~ uø' do, jo cajngam' brein' do, jo cangojéeng' neiin' do fi' lí'~ caluub' e guóo'~ uø' quiáin'~ do.

⁹ Jo mi~ cangî e fé' Jesús e júu^ jo, jo cajmingi'r~ jaléng' i dsea' do lala:

—¿E` língr` 'nú' e nijmé` i dseá` fi` guóo` uó` do? E jáb` nidsé` bre jo nidsijngáam` bre jaléng` i dseá` jmóo` ta` uó` quiá'r` do, jo i jiém` nitáin` i nijmé` ta` e fí` ni` guóo` uó` quiá'r` do.

Joba' cajíng`-gui Jesús lala:

¹⁰—¿Su ja` mí` ca'í` 'nú' lajii` e toq` fí` ni` jì` quiá`- Fidiéé` lí` fé' lala?:

E cuu` e ja` calijii` jaléng` dseá` jmo` 'núu',
lanagui dseáng`- cuu` laniim` nica'uíng` quiá`- 'núu'.

¹¹ Jo `ñiab` Fíi`naa` dseá` cajmée` e la,
joba' dseáng`- eáam` dsigá` dsí`naa'.
Jo lanab toq` fí` ni` jì` quiá`- Fidiéé`.

¹² Jo job mi` cajmée` quiji` jaléng` fi` jmidsea` quiá`- dseá` Israel jogui jaléng` tifa` quiá'r` cóo`-gui jaléng` dseá` cóong` quiá'r` jial e nisáin` dseá` do, co' calilí`-bre e caféin` do e éein` jaléng` íb`. Jo dsuco` 'góm`-bir jaléng` dseá` i núu` júu` quiá`- dseá` do, joba' catiúum`-bre dseá` do jo cangolím`-bre jóng.

*Mi` cajming`- dseá` Jesús cuaiñ` quiá`- e catíng`- dseata`
(Mt. 22:15-22; Lc. 20:20-26)*

¹³ Jo mi` cangí`gui lajo, i dseá` i quie` nifi` quiá`- dseá` Israel casíin` fí` lí` táang` Jesús coq` tú` míng`- dseá` fariseo cóo`-gui coq` tú` míng`- dseá` quiá`- Herodes e laco' ni`noín` do jial nisí'r` Jesús e laco' niguié'r` jial ni`nín` dseá` do fí` quini` dseata`.

¹⁴ Jo mi` caguiliñ` fí` lí` sing` dseá` do lalab casí`-rein`:

—Tifa', ne`naa' e j Mang`- júu` já`-ba' fó' 'nú', jogui e ja` 'gó` cóo`- jalé` e í` dsíi` dseá` jogui jalé` e fé'r` uii` quií`, jogui dseáng`- e já`-ba' e røøb`-í` 'nú` í` quiá`- jaléng` dseá`, co' ja` jøø` 'nú` jii` jialco' língr` dseá` lí` caluu`, jogui e e' jial e niliseeng` dseá` dseáng`- laco' iing` Fidiéé`. Joba' jming`-naa' 'nú` e júu` la: ¿Su 'né` qui`naa' cuu` e catíng`- dseata` i guíng` fí` Roma osi ja` 'né` qui`naa' é?

¹⁵ Jo co' calilí` Jesús lajii` e iing` i dseá` do jmicaaiñ`, joba' casí'r` dseá` do lala:

—¿Jialí` 'no`na' e iing`-na' niguié`na' jial e ni`níngr`na' jnea` fí` quini` dseata`? Fíng na cuøø`-na' jnea` coq` cuu` jo nijøø`.

¹⁶ Joba' ca'e'bi` i dseá` do coq` cuu`, jo cajøøb` Jesús, jo mi` cangí` jo cajming`-r` jaléng` i dseá` do lala:

—¿I` moni` tóq` e ni` cuu` la?, jogui ¿e` júu` e silí` fí` ni` la?

Joba' cañí` i dseá` do lala quiá`- Jesús:

—Ni` dseata` dseá` guíng` fí` Romab tóq`.

¹⁷ Joba' cañí`tu` Jesús quiá`- jaléng` i dseá` do:

—Cuøø`-na' dseata` dseá` guíng` fí` Roma lajii` e catíng` í, jogui cuøø`-na' Fidiéé` cajo lajii` e catíng` Fidiéé`.

Jo eáam` cangogá` dsíi` jaléng` i dseá` do mi` canúur` lajii` e júu` e cañí` Jesús do.

*Mi` cajming`- dseá` jial lí` mi` nijí`tu` dseá` calé`- catú`
(Mt. 22:23-33; Lc. 20:27-40)*

¹⁸ Jo mi` cangí`gui lajo, cangolíngr` coq` tú` míng`- dseá` Israel i língr` dseá` saduceo fí` lí` táang` Jesús. Jo i dseá` do fé'r` e jo jí`tu` jaléng` 'lí`, joba' e job e iin` nijming`-r` Jesús jo casí'r` dseá` do lala:

¹⁹—Tifa', Moi` caséer` e toq` fí` ni` jì` quiá`-r` e song cajúng`- jaang` dseañu`, jo caseáin` dseamí` quiá`-r` e ja` mí` seeng` jóor`, joba' rúng` i dseañu` do 'né` nicúng`- guór` cóo`- i dseamí` 'nú` i caseáng` do; jo mi` caliseeng` jóor` cóo`- í, joba' lafa' jóob` i dseañu` quiá`-r` mi` uii` do nilíng`- i jiuung` do.

²⁰ Jo lafa' e já`, coq` ya' caliséng` guíang`- dseañu` i la'ó` rúng`, jo i dseañu` la'uii` do cacúm` guóor`, dsu` jo huøø`-ngó`- cajúm`-bre la ja` mí` seem`-bi` jóor`.

21 J_oba' i dseañu' i catí tú̄ do cacúm' guóor' cóo' i dseamí' náī do, j_o laj_ob cajo cajúm̄-bre j_o j_ui' camáing' j_oor' ja' mí lí sém̄bi; j_o laj_ob calí' cóo' i dseañu' i catí' ní' do cajo.

22 J_o laj_ob laj_i guiám̄ i dseañu' do cacúng' guóor' cóo' i dseamí' do, dsu' j_ui' jaaiñ' do fa' caliséng' jiuung' quiá'r̄. J_o mí lí cóng'guij_iu laj_o, cajúm̄ i dseamí' do 'ñia'r' cajo.

23 J_oba' mí tí lí' nijí'tu jaléng' i dseañu' do calé' catú' fí' fí' cóo', ¿i' lajee' laj_i guiáng' i dseañu' do ni'uúing' dseáng' dseañu' quiá' i dseamí' do?

24 J_oba' cañí' Jesús quiáiñ' do lala:

—Sijgiém̄ áa' 'nú', dsuco' ja' ní'na' jial laco' fé' fí' ní' jì' quiá' Fidiée', o'gui ní'na' jial tí' 'gøng' dseañu' do cajo.

25 Dsuco' mí' nijí'tu jaléng' 'lí' fí' jmigüi' cóo', j_o' nicúng' gui guoo' dseañu' o'gui dseamí', lí' laco' dsingáing' jaléng' ángeles quiá' Fidiée' i seeng' fí' ní'fí'.

26 J_ogui e cuaiñ' quiá' e fíng' j_i'tu jaléng' 'lí' do, ¿su ja' mí' ca'í' 'nú' jalé' e t_oo' fí' ní' jì' quiá' Moí' jial mí' caféng' Fidiée' ír' catí' lí' sí' cóo' 'matóo' e ia' jì? J_o lalab casí' reiñ' do ié' j_o: “Jneab' lín'n Fidiée' i jmiféng' Abraham cóo' gui Isáa' j_ogui Jacóo' cajo.”

27 J_o Fidiée' ja' líiñ' Fidiée' quiá' jaléng' 'lí', co' Fidiée' quiá' dseañu' j_ib' líiñ'; j_oba' sijgiém̄ jalé' e í' óo' 'nú'.

E lab e júu' laniing' gui quiá' Fidiée'
(Mt. 22:34-40)

28 J_o lajee' j_o caguié' gui jaang' lajee' la'ó' tifa' quiá' júu' quiu' ta' quiá' dseañu' Israel, j_o mí' calilí'r' e cañí'b' Jesús røø' laj_ui' e júu' do, j_oba' i dseañu' cangoquiéiñ' cáang' Jesús j_o cajmingí'r' dseañu' do lala:

—¿E' e júu' laniing' gui lajee' lajalé' e júu' quiá' Fidiée'?

29 J_oba' cañí' Jesús quiáiñ' do:

—E lab e júu' e laniing' gui do quiá' lajee' lajalé' e júu' j_o, j_o lalab fé': “Náī-na' dseañu' Israel e Fii'naa' Fidiée' j_ui' íb' dseáng' i líng' Fii'naa'.

30 Jmi'neáang' Fíi' Fidiée' car' ngocáng' o' j_ogui cóo' laj_i jmiguí' quií' j_ogui cóo' laj_i e í' a' j_ogui cóo' laj_i bí' seen'.” J_ogui e nab e júu' laniing' do.

31 J_ogui e lab e júu' laniing' e catí' tú̄ do: “Jmi'neáang' jaléng' dseañu' rún' lí' laco'gui jmi'neáan' uø'.” J_o e nab e júu' quiá' Fidiée' e laniing' gui eáang' do lajee' lajalé'.

32 J_oba' lalab cañí' i tifa' do j_o cajíñ':

—Eám' guiú' laj_o, Tifa', dseáng' jáb' júu' quií' e já' ba' e jaam' Fidiée' seeng', j_o ja' seeng' i jiéng' gui.

33 J_ogui e jáb' e 'né' e nijmi'neáang'naa' Fidiée' dseáng' e ngocáng' dsí'naa' j_ogui cóo' laj_i e í' dsí'naa' j_ogui cóo' laj_i bí' see'naa', j_ogui e jmi'neáang'naa' jaléng' dseañu' rú'naa' laco'gui ii'naa' e nijmi'neáang' dseañu' jneaa'aa', j_o lajalé' e la eáang'gui quíng' laco'gui lajalé' feá' e cuøø'naa' Fidiée', fa' la mí' jngang'naa' j_o' fí' quinir' osi mí' ee'g_o e ju'naa' fí' nife' é.

34 J_o mí' calilí' Jesús e guiúb' cañí' i dseañu' do, j_oba' casí' reiñ' do lala:

—Na jaquiém̄ e tí' lí' nicá' Fidiée' ní'fí' quií'.

J_o mí' cangí' j_o, j_ui' jaang'gui i dseañu' do fa' cateá' gui dsír' ee' nijmingí' guir Jesús.

I' dseañu' siju' líng' Dseañu' Jmáang'
(Mt. 22:41-46; Lc. 20:41-44)

35 J_o lajee' e iuung' Jesús fí' guá' fé' quiá' dseañu' góor' e sí' fí' Jerusalén e e'r' dseañu' júu' quiá' Fidiée', j_o lalab cajmingí'r' jaléng' i dseañu' i teáang' do:

—¿Jial lí' quiá' i tifa' quiá' júu' quiu' ta' quií'ii', dseañu' Israel, e fé'r' e Dseañu' Jmáang' líiñ' siju' dseata' Daví'?

36 Co' 'ñiab' dseata' Daví' cajíñ' la'eáang' cóo' Jmiguí' quiá' Fidiée' lala:

Lalab cajíng' Fidiée' casí'r' Fíi':

“Ní lí' lí' dsée' laco' guin~n

cartí' nijmee~e e jaléng' dsea` i 'ní' níng~ 'nũ' nisí'r' uó~ jnir~ fí' quini' e laco' nijmi'gór' 'nũ'.”

³⁷ Jo cajíng'~gui Jesús e júu^ la:

—Jo song 'ñia' bi dseata~ Daví' s'í'r' Dsea` Jmáang~ Fí'i, joba' zjial cuóøng` e Dsea` Jmáang~ líiñ' dsea` siju` dseata~ Daví' jóng?

Jo lajaléng' i dsea` fíing` i teáang~ núu` do eáam' iáang` dsíir' e núur' jalé' júu^ e fé' Jesús.

Jalé' e ga` e jmóo' jaléng' tifa' quía'~ júu^ quia' ta~ quía'~ dsea` Israel

(Mt. 23:1-36; Lc. 11:37-54; 20:45-47)

³⁸ Jo mi~ cangí jo, lalab café' Jesús jeeng~ júu^ quía'r~ e er' do:

—Ñiing~ óo'na' cóo'~ jaléng' tifa' quía'~ júu^ quia' ta~ quí'ii', dsea` Israel, co' lí' t'í dsíir' e ngir' e jlo'^ silim`bre, jogui eáang' iñ~ iñ~ nijmi'gó' ír' lacaang` jee~ 'núu' lí' ngir',

³⁹ jogui iñ~ güeár' ni~ 'masii' e jlo'^gui fí' lacaang` dsí' guá'~ quía'r~, jogui iñ~ e nigüeár' cajo dseáng'~ la jman'~ lí' jlo'^gui fing catí e nidó'r~,

⁴⁰ jogui gui'bre 'nũ~ jaléng' dseamí i 'nũ~, jogui jmicaaiñ~ e fé'r' fa' e cuee' fí' quini' dsea`. Dsu' jaléng' i dsea` la'íb' ni'íng' iihuí' e eáang'gui mi~ nití' í' lajo.

Jaang` dseamí 'nũ~ i catá'~ cuu~ fí' dsí' guóo' quía'~ guá'~

(Lc. 21:1-4)

⁴¹ Jo mi~ cangí jo, coo` ya' guiing~ Jesús fí' ca' guóo' lí' ta' dsea` cuu~ quía'~ guá'~ e si' fí' Jerusalén, jo jóør~ jial dsitea' dsea` cuu~ fí' jo. Jo lajee~ jo jaléng' dsea` sea` cuu~ eáam' dsitea'r' cuu~ fí' jo.

⁴² Jo coo` caguiéb~ jaang` dseamí i 'nũ~ i tiñíng~ eáang', jo catá'r~ e fí' dsí' guóo' do tú~ cuu~ e ja` ee` 'ga' lí' quíng'.

⁴³ Joba' cató'~ Jesús i dsea` guitúung` quía'r~ do jo casí'~ reiñ' do lala:

—Dseáng'~ e já'~ e fí' i 'nú' e i dseamí 'nũ~ la nicató'r' jmigui'gui cuu~ e fí' dsí' guóo' quía'~ guá'~ la laco'gui dsea` caguaang~gui;

⁴⁴ co' jaléng' dsea` sea` cuu~ cuør' lajii~ e seáang' quía'~bre; dsu' i dseamí 'nũ~ la lajib` lajii~ e sea` quía'r~ e 'né'r~ nicatá'r~ e fí' dsí' guóo' la.

13

Mi~ cajíng'~ Jesús e ni'íng~ guá'~ fé' e si' fí' Jerusalén

(Mt. 24:1-2; Lc. 21:5-6)

¹ Jo lajee~ ni'iuung~ Jesús fí' e güi'ír' fí' dsí' guá'~ fé' quía'~ dsea` góor' dsea` Israel e si' fí' Jerusalén, jo jaang` lajee~ dsea` guitúung` quía'r~ casí'r~ dsea` do lala:

—i Tifa', fing na jóø~ jalé' cuu~ cóo'~ e niguo' e silí' e guá'~ la!

² Jo cañí' Jesús quía'~ i dsea` quía'r~ do:

—Jóø~ jial jlo'^ cóo'~ e silí' e guá'~ na. Dsu' latøøng~ e guá'~ na jii~ coo` cuu~ jo` e nijé~gui sífíng' quía'~ rúng', co' dseáng'~ lajib` ni'íng~ mi~ nití' í' lajo.

Jial nilí' mi~ nijaquíéng' e tí' lí' ni'íng~ jmigüí'

(Mt. 24:3-28; Lc. 21:7-24; 17:22-24)

³ Jo mi~ cangí jo, cangób~ Jesús cóo'~ dsea` guitúung` quía'r~ fí' yá'^ mó' e sii` Olivos e si' fí' lí'~ quini' laco' si' e guá'~ do. Jo lajee~ e taang~ Jesús e fí' yá'^ mó' do, jo job mi~ cangoquíéng' Tú' Simón cóo'~gui Tiáa~ jogui Juan cóo'~ Dí' fí' lí'~ guíng~ dsea` do, jo casí'~reiñ' lala coo` yaaiñ~:

⁴ —Ii~naa' e jmée'~ jnea' júu^, Tifa', lí' e nidsijéé' jalé' e fó' 'nũ' na. Jo ze~ e nicuó' lí' quía'~ e jo` huóø~ róo' jmigüí' jogui e nijaquíéng' e tí' lí' nidsijéé' jalé' e jo?

⁵ Joba' cañí' Jesús quía'iñ' do lala:

—Ñiing~ áa'na' e jii~ jaang` ja` ii~ nijmigóøng` 'nú'.

⁶ Dsaco' fñm'bing' i nijaling- i jmigoo' e jññ' e íbre líiñ' Dsea' Jmaang- jo nifé'r: "Jneab~ i dsea' í"; jo fñm' dsea' niligøøiñ' jo jáb'- niliñ' e júu' e o' já'- do mi~ niguiéé' e jmñ' jo.

⁷ Jo mi~ ninúu' 'nú' júu' quiá'- e ninéé' 'niñ' fí' la fí' na, ja' fòøng'~na' jóng, co' lajob nisi'í' quiá'- Fidiéé' e nidsijéé'; dsu' lí' uim~bi jóng ja' mí' tí' lí' ím~bi.

⁸ Dsaco' mi~ ná' gui e ni'íng- jmgüí, eáam' nitíng- dsea' lajee' la'ó' rúññ'; co' nitíng- coo' fñ' cóo'~ jíé'gui coo' fñ', jogui lajobi coo' góo' dsea' cóo'~ jíé'gui coo' góo' dsea'; jogui jmguiub' lí' nijó' uó' e eáang', jogui jmguiub' lí' nijáa' jñ' oo' cajo. Jo dsu' lí' uim~bi jóng mi~ tí' lí' nidsijéé' jalé' e iihuí' na.

⁹ Dsu' eáang' 'né' ñiing' áa' 'nú' mi~ nití' í' lajo, co' nijáng' dsea' 'nú' fí' quini' dseata~, jogui nijmihuññ' 'nú' fí' lacaang' dsí' sinúu' guá'. Jo uii' e já' líng'na' júu' quié' e, joba' nidsijeáaiñ' 'nú' fí' lacaang' quini' dseata~ dsea' còøng' cóo'~ gui fí' quini' jaléng' dsea' féng'. Jo mi~ nijmér- lajo, joba' cuòøng' e niguiá' 'nú' júu' quié' e fí' quini' jaléng' i dseata~ do.

¹⁰ Dsaco' ná' gui e tí' lí' ni'íng- jmgüí, dseáng'- 'néb- e nini' júu' quié' e jee~ jaléng' dsea' fí' la'úng- fí' jmgüí' e quiá'- jial nileáng' dsea' jee~ jalé' dsee- quiá'r-.

¹¹ Jo mi~ tí' lí' nitóør' 'nú' fí' quini' dseata~ e nijáññ' 'nú', jo ja' jmee- na' fí' í' fa' ja' ñí' na' ee' ñingñ- na' quiá'r-, co' dseáng'- ja' 'né' í' áa' na' lajo, dsaco' Fidiéeb' dsea' nijmicóo'~ quií' na' e ñingñ- na' quiá'r- mi~ nití' í' lajo; dsaco' o' dseáng'- 'nú' i nifé' mi~ nití' í' lajo, co' 'ñiab' Jmiguí' quiá'- Fidiéé' nifé', jo eáam' nijmicóo'~ 'nú' jóng.

¹² Dsaco' mi~ nití' í' lajo, jaléng' dsea' ni'lé'-bre quiá'- rúññ' e nijáng'neiñ' quiá'- e nijúuiñ-, jogui lajo cajo jaléng' tiquíá' dsea' nijám'bre jaléng' jóor' e nijúuiñ-; jogui jaléng' jóo' dsea' nitíng- nijíñ- cóo'~ jaléng' sejmiir' jo cartí' nijngám'-breiñ'.

¹³ Jogui jaléng' dsea' jmgüí' nilí' 'ní' níññ- 'nú' uí' e já' líng'na' júu' quié' e; jo dsu' jñ' i teáang- teá' cóo'~ júu' quié' e carta~ seeiñ' fí' jmgüí' la, joba' nileám'bre jee~ jalé' dsee- quiá'r-.

¹⁴ Jo 'nú', mi~ nimó'na' coo' e ga' eáang' e nijmé- dsea' fí' dsí' guá'- fé' e si' fí' Jerusalén fí' lí' lí' e guá'- güeang' quiá'- Fidiéé' lí' laco' cajme' jaang' i café' cuaiñ~ quiá'- Fidiéé' malñ~ gui eáang' i calisí' Daniel -güingáng'na' e júu' la, 'nú', dsea' 'na' e la-, jo mi~ nití' e í' jo, jaléng' dsea' i neáang' fí' lí' se' Judea güicuí'bre fí' jee~ mó'.

¹⁵ Jogui song jñ' dsea' dsíññ- fí' yá' 'nú' mi~ nití' e í' jo, ja' güijgiáaiñ' fa' e nidsi'uóør' jalé' e sea' quiá'r-, co' 'né' cuí'-bre;

¹⁶ jogui song jñ' dsea' taang~ jmoo' ta~ fí' jee~ mó', joba' ja' güi'í' dsíir' fa' e niqing'- guir fí' quiá'r- e fa' e nidsiquiéer' jalé' sñ'r-.

¹⁷ jLí' e ngí' fñ' jaléng' dseam' i jobi quieéng' yññ' mi~ tí' lí' jo osi dseam' i jobi cuø' yññ' tá' é!

¹⁸ Jo nab tí'gui e mñ'na' Fidiéé' e ja' dsijéé' jalé' e la dseáng'- lajee' jñ' güí-,

¹⁹ dsaco' ie~ jo dseáng'- eáam' iihuí' ni'íng' jaléng' dsea' e ja' mí' cangongññ- jñ' coo' ya' latí' mi~ catiroo' jmgüí, o'gui nidsingññ- mi~ ñing' jo.

²⁰ Jo faco' Fí'naa' nijmi'ññ- eáang' e nidsijéé' jalé' e jo, joba' jñ' jaang' jo' jñ' nileáng' jóng faco' lajo; dsu' nicajmitiññ- jalé' e jo uí' e 'neáaiñ' jaléng' dsea' quiá'-bre i nicaguíñ' lami~ jéeng'gui.

²¹ Jo ie~ jo, song jñ' dsea' nijmigøøng' 'nú' jo nisi'r' 'nú' lala: "I lab i dsea' i sijeeng'na' do", osi "Dob siñ'" é, dsu' ja' já'- güilíng'na' jñ' coo', co' o' já'- e lajo.

²² Co' fñm'bing' nijaling- i nijmigoo' e nijmicaaiñ~ e líiñ' Dsea' Jmaang-, osi nijmigoor' e líiñ' dsea' i fé' cuaiñ~ quiá'- Fidiéé' é; jo nijmé'-bre jalé' lí' e quí'r' jmñ' e dsigá' dsí' dsea' e lí' laco' iññ- e niligøøng' dsea', jo dseáam' e niligøøng' la quie'gui i dsea' i nicaguíng' Fidiéé' i nilíng' dsea' quiá'r-.

²³ Jo lana fñ' 'nú', 'né' e eáam' siñiing' óo'na', co' nicaliúum'baa' 'nú' e júu' la lami~ jéeng'gui.

Jial mi~ nijáa'tu i dsea`i jáa' fí ñifi~ i lãng' dsea`jmigüi'

(Mt. 24:29-35,42-44; Lc. 21:25-36)

²⁴ Jo mi~ nití~ e jmii~ jo, mi~ nisóong~ jalé' e iihuú' e nijáa' do, jo jo' nicuø~ gui iee` jir~, o'gui si' nicuø~ guir jir~ cajo.

²⁵ Jogui nijiu'm' jaléng' núu' i sitóng'~ fí yá'^ jmigüi', jogui niguiá'~ fí yá'^ jmigüi'.

²⁶ Jo joguib mi~ nití~ í' e nigáa'tu jnea~ fí jmigüi' la, dsea` lãn'n jaang` dsea` jmigüi' i jáa' fí ñifi~, jo nigáa'a fí jee~ cabøø~ jní' cóo'~ gui jalé' e 'gøng' jogui e ji' laniing~ güea' ji' niguo'^ quiá'~ Fidiéé'.

²⁷ Jo job mi~ nití~ í' e nisíng~ Fidiéé' jaléng' ángeles quiá'r~; jo i ángeles do niseáiñ' jaléng' dsea` i nicaguíng' Fidiéé' lamí~ jéeng'gui fí laji' quiá' quiúung'~ jmigüi', catí li~ huíi~ gui quiá'~ guóo'~ uø~ jogui catí li~ huíi~ gui quiá'~ yá'^ jmigüi' cajo.

²⁸ Jo téé' óo'na' la'eáang' cóo'~ e júu^ quiá'~ 'ma' güiñí'^: Mi~ nidsi~ guo' e sí' quiá'~, jogui ni'ia' má' e sí' quiá'~ cajo, joba' niñí' 'nú' e quiáb'~ nijaquíéeng' jii' jmí' jóng.

²⁹ Jo lajob lí' cóo'~ e júu^ la; co' mi~ nimóo~ 'nú' e nidsijéé' jalé' e jo, joba' nicuø' li' jóng e quiáb'~ nigáa'a, jnea~ dsea` lãn'n dsea` jmigüi' i jáa' fí ñifi~.

³⁰ Co' dseáng'~ já'~ba' fá'a e dseáng'~ 'né' e nidsijéeb' jalé' e jo ná'~ gui e nijúung~ jaléng' dsea` i seeng` lajee' lana.

³¹ Co' ni'ím~ fí la'úng~ jmigüi' jogui lajobi la'úng~ fí yá'^ jmigüi' cajo, dsu' ja` tóo' jmii~ fa' e ja` niliti~ jalé' júu^ quié~e.

³² Jo dsu' jii'~ jaang` dsea` ja` ii' ñí' e júu^ jo jéeng'gui cuaiñ~ quiá'~ e~ jmii~ jogui e~ í' e nidsijéé' jalé' e jo, jo jii'gui latí' jaléng' ángeles quiá'~ Fidiéé' ja` ñir' e jo, o'gui jnea~ cajo, dsea` lãn'n i Joo' Fidiéé' camúng'~ do, ja` ñii~, co' dseáng'~ lajii'~ Tiquí'ii' Fidiéé' dsea` guíng~ ñifi~bing' ñí' e jo.

³³ Joba' fii' i 'nú' e dseáng'~ 'né' e ñiing' óo'na' contøøm~ e sijeeng'na' jalé' e jo, jogui féeng'na' Fidiéé', co' ja` ñí'na' røø' li' dseáng'~ e nidsijéé' jalé' e jo.

³⁴ Co' e la lí' lafa' jaang` dsea` i ni'í' fí dsé' fí li' huíi~, jo lajee' e nú'~ gui nigüi'ñir' fí quiá'r~, jo caseáaiñ' dsea` 'léeng'~ quiá'r~, jo cacuø'r' ta~ lajaang` lajaaiñ' do, jogui caseáaiñ' jaang` dsea` i jmóo' í' jaléng' i dsea` jmóo' ta~ do.

³⁵ Joba' lalab cajíng'~ i dsea` i néé' ni' dsea` 'léeng'~ do casí'r~ jaléng' i dsea` jmóo' ta~ do: Jmiñiing' óo' 'nú', melé', co' ja` ñí'na' li' e nigüeáng'tu i dsea` fi' 'núu' la, su milí' na osi uøø' guié~ núub' é, osi téé~ ogóo' mi~ niquí'~ tú' é, osi dsa'ee'guib é;

³⁶ co' jial fíng lajee' teng' 'nú' güim'ba' nigüeáiñ'.

³⁷ Jo lajii'~ e fii' i 'nú' la, lajob lí' júu^ quié~e cóo'~ dsea` jiéng'gui cajo: iLí' 'né'~ba' e jmiñiing' óo'na'!

14

Mi~ casãng~ dsea` e nisáiñ' Jesús

(Mt. 26:1-5; Lc. 22:1-2; Jn. 11 :45-53)

¹ Jo tú~ jmii'ba' jmóo'gui e nití~ coo' jmii~ quiá'~ dsea` Israel e sii' Pascua e gø'r' iñí'^ e ja` quie' quiéng'. Jo jaléng' fi' jmidsea` cóo'~ gui jaléng' tifa' quiá'~ júu^ quiu' ta~ quiá'~ dsea` Israel canaiñ' 'nó'r' jial niguié'r' e nisáiñ' Jesús e nijmigøøiñ' dsea` do e laco' nilí'r' nijngáng'~ neiñ'.

² Jo lalab sãng' i lãng~:

—Ja' nijmó'oo' e jo lajee' jmii~ Pascua e laco' ja` dseáng'~ qui'ii' e nitá'~ dsea` mí'.

Mi~ ca'éé~ jaang` dseam' jmii' jmeafii' fí mogui~ Jesús

(Mt. 26:6-13; Jn. 12 :1-8)

³ Jo mi~ cang' jo, Jesús cangór~ cóo'~ dsea` quiá'r~ fí Betania fí quiá'~ jaang` dseañu' i sii' Simón, jaang` dsea` i lamí~ líng' jmohuí' 'li'^ fí ngúu' táang'. Jo mi~ caguié~ Jesús fí jo, lajee' e guíiñ' fí 'ni' mes~ e gø'r' ir~, caguié~ jaang` dseam' i quie' coo' sá' e lí' cóo'~ coo'

cuũ niguoˆ e sii` alabastro e a~ jmĩ jmeafĩ e líí cóoˆ~ layaang~ nardo e 'moˆ eáang'. Jõ i dseamf̃ do cafĩm bre e síí do jo ca'éerˆ e jmĩ jmeafĩ do fí moguĩ Jesús.

4 Jõ i liing~ dsea` i cangáˆ e cajmée` i dseamf̃ do lajo caliguĩm bre eáang, jo canaaiñ` síiñ` lajeeˆ la'óˆ yaaiñ`:

—¿Jiali' nicango'í e jmĩ jmeafĩ na?

5 Co' jmaang` gui fa' mĩ i ca'ní, jo jmiguĩ gui laco' trescientos cuũ denario nilí'r` jóng e laco' sea jĩ e nilicóoˆ~ jaléng' dsea` tiñingˆ.

Joba' i dsea` i teáangˆ do ie~ jo gab` fé'r` uii~ quía'ˆ i dseamf̃ do.

6 Jo dsu' lalab cañí' Jesús quía'ˆ i dsea` do:

—¿Jiali' jminguĩng` na i dseamf̃ na? ¡Ja e fi'na'r` jii~ coo! Co' lajii~ e nicajmée'r` quíeˆ e na eáam` guiáˆ.

7 Jo jaléng' dsea` tiñingˆ nab ní' 'nú' ee` cajmeeˆ na' cóo'rˆ, co' cuóom` lí jmeéˆ na' e guiáˆ cóo'rˆ lí iingˆ na, dsu' jnea~ gui ja` contøngˆ seenˆ jeeˆ 'nú'.

8 Co' i dseamf̃ na nicajmée` bre lajii~ e tiiñ': jo nicasũ bre jmĩ jmeafĩ ngúú táan` ná' gui e ni'áangˆ dsea` jneaˆ.

9 Co' jnea~ jmitaaˆ óo'na' e doñí' jíe' fĩ lí niguiáˆ dsea` júuˆ quía'ˆ jial nileáng` dsea` jeeˆ jaléˆ dseeˆ quía'rˆ, niliseab` júuˆ cajo lajii~ e cajmée` i dseamf̃ na, jo lajoba' niguiéng' dsíí dsea` i dseamf̃ na.

Mĩ ca'níng` Judas Iscariote Jesús fí quini~ jaléng' jmidsea`

(Mt. 26:14-16; Lc. 22:3-6)

10 Jo mĩ cangf̃ jo, Judas Iscariote, jaang` dsea` i quíng'~ jeeˆ dsea` guitúung` quía'ˆ Dsea` Jmaangˆ, cangóˆ cangosiñ` cóoˆ~ jaléng' fĩ jmidsea` quía'ˆ dsea` Israel e laco' nisiñ` røø` jial nijaiñ` Jesús fí jaguó` dsea` do.

11 Joba' mĩ tí lí canúuˆ i dsea` í, eáam` cali'íáang` dsíir, jo casí'rˆ Judas e nicuó'ˆ reiñ' cuũ. Job mĩ canaang` Judas 'no'r` jialco' cuóom` nijaiñ` Jesús fí jaguó` i dsea` do.

Mĩ cagó' Jesús í canuũ cóoˆ dsea` guitúung` quía'rˆ

(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

12 Jo mĩ cangf̃ jo, canaang` la'uii~ jmĩ e quía'ˆ gø' dsea` Israel iñí' e ja` quieˆ quíeengˆ, jogui e jngang' dsea` Israel jaléng' jo'se' jiuung~ quía'ˆ e jmĩ jo. Joba' lalab cajmingí' i dsea` guitúung` quía'ˆ Jesús cajmingí'rˆ dsea` do jo cajíñ':

—Fí'naa', ¿jieˆ fí fó' 'na e nidséˆ naa' nidsiguiáˆ naa' guiáˆ quía'ˆ e niquíeeˆ naa' í' canuũ quía'ˆ jmĩ Pascua?

13 Joba' casíng` Jesús gángˆ i dsea` guitúung` quía'rˆ do jo casí' reiñ' do lala:

—Güilíngˆ na' fí fĩ Jerusalén, jo fí job niguiéng' na' jaang` dseañu' i quíeˆ coo` dsuu e a~ jmĩ; jo nigüilíngˆ na' laco' ngang' i dsea` do.

14 Jo mĩ niguilíngˆ na' fí lí ní'ír, sí' na' i fĩ 'núu' jo: “Lalab jíng' Tifa' quí'naa': ¿Jieˆ fí lí sí' 'núu' lí nidøø' í' canuũ quía'ˆ jmĩ Pascua colíng~ cóoˆ dsea` quíeˆ e?”

15 Jo joguib` ní' e i dsea` do coo` 'núu' yú' e nisilíng~ guiáˆ, jo fí job niguiáˆ na' guiáˆ e niquíeeˆ naa' do.

16 Jo mĩ cangf̃ jo, ca'uóom` i dsea` gángˆ do cangolíñ` fí fĩ jo, jo cadsém' bre i dseañu' do dseáng' lí' laco' nicajíng' Jesús e nicasí' reiñ' do; joba' fí job cagua' i dsea` gángˆ do guiáˆ quía'ˆ e nidó'rˆ lajaléñ' do í' canuũ colíng~ cóoˆ Jesús ie~ jmĩ Pascua do.

17 Joba' mĩ canuũ e jmĩ jo, caguiébˆ Jesús colíng~ cóoˆ dsea` guitúung` quía'rˆ fí jo.

18 Jo lajeeˆ mĩ nineáaiñ' fí 'ni' mesˆ e ninaaiñ` gø'r, lalab cajíng' Jesús casí' reiñ' do:

—Dseáng' e já' e fĩ i 'nú' e jaang` lajeeˆ la'ó' 'nú' i neáang' gø' cóoˆ jneaˆ lana, íb i nijáng' jneaˆ fí jaguó` dsea` i 'ní' ní' quíeˆ e.

19 Jo mĩ canúuˆ i dsea` guitúung` do lado, eáam` fi'í' calíñ, jo canaaiñ` jmingí'rˆ dsea` do lajaang` lajaañ':

—¿Su jneabˆ, faa'aa'?

Jō jiéng'gui jaang` cañí:

—¿Si jneab` é?

²⁰ Jōba' cañí' Jesús:

—Lí' jaang` 'nú' la'ó' guitúung`na' na, jaang` i gø' cóo' jnea` fí coo` cuéé' huí, íb` i ni'lé` do.

²¹ Co' jáb' e jnea~, dsea` lín'n jaang` dsea` jmigüi` i cajá` fí ñifi~, dseáng'` 'né` e nidsingim`baa lí' laco'gui la fé' fí ni` jì quiá'` Fidiéé'; dsu' jnea` fá'a, je ngi` fíib` i dsea` i ni'lé` do! Co' guiá` guib` quiá'` i dseañu'` í fa' mí ja` caliséiñ`.

²² Jō lajee` e neáaiñ` gø'bre, catíng` Jesús coo` iñí' jō cacuø'r` gui'máang'` Fidiéé', jō mi` cangf` e jō, cafiim`bre jō cajméer` guiéé` quiá'` i dsea` quiá'r` do, jō casí' reiñ` do lala:

—Quié'na' e iñí' la, co' ngúu` táam`baa la.

²³ Jō mi` cangf` jō, catíiñ` coo` cóo` e a` jmí'` mí'` huíng` jø', jō cacuø'r` gui'máang'` Fidiéé` cajo mifíng` cajméer` guiéé`, jōba' lajím`bre ca'í'r` e a` dsí' e cóo` do.

²⁴ Jō casí'r` i dsea` quiá'r` do lala:

—E lab e jmi'øøn` e laco' nicuø` lí` quiá'` júu` tigua` e 'mí', jō fíim` dsea` nijmicóo'` quiá'r` lajii` e jmi'øøn` e nití`.

²⁵ Co' dseáng'` já'ba' e fíi` i 'nú' e jō` nidúu`guí e jmí'` mí'` huíng` jø' la cartí` mi` nití` jmí` e nidúu`u` jmí'` mí'` huíng` jø' e 'mí' mi` nití` í' e niquiá'` Fidiéé` ta` fí la'úng` fí jmigüí`.

Mi` cajméé` Jesús júu` e nijíng'` Tú` Simón e ja` cuíñ` dsea` do

(Mt. 26:30-35; Lc. 22:31-34; Jn. 13:36-38)

²⁶ Jō mi` cangf` e ca'ø'r` e jmiféiñ'` Fidiéé', jō cangolíim`tur fí mó' Olivos.

²⁷ Jō fí jōb` casí'` Jesús i dsea` quiá'r` do lala:

—Lajím` 'nú' nitiúung`na' jnea` e uøø` na lí' laco'gui la fé' fí ni` jì quiá'` Fidiéé': "Nijngám'` dsea` i fii` i jmóo` í' jø'se", jogui jaléng` jø'se` quiá'r` lí' nisojóm`bre'."

²⁸ Dsu' mi` ningf` e nijí'túu, fí lí' se' Galileab` ninii` i calé'` catú` jéeng`gui laco'` 'nú'.

²⁹ Jōba' cañí' Tú` Simón quiá'` dsea` do lala:

—Nañí' fa' lajím` nitiúung` 'nu', Fíi', dsu' jnea` ja` nijmee` e lajō.

³⁰ Jōba' cañí' Jesús quiá'` Tú` Simón:

—Dseáng'` e já'` e fíi` i 'nu', Tú` Simón, e 'ñia'` e uøø` na e ná'`gui e niquí'` tuidsée` tú` ya', 'nu' nifo'` 'ní' ya'` e ja` cuín'` jnea`.

³¹ Jō cuø'bi Tú` Simón` goo` dsea` do jō s'í' reiñ` lala:

—Nañí' fa' nijúum`baa colíng` cóo'` 'nu', dsu' ja` nifá'`a e ja` cuín`n` 'nu'.

Jō lajōb` cajíng'` lajíng` i dsea` quiá'r` caguiaang`gui do cajo.

Mi` caféng'` Jesús Fidiéé` fí coo` lí' sii` Getsemani

(Mt. 26:36-46; Lc. 22:39-46)

³² Jō mi` cangf` jō, jō cangó` Jesús colíng` cóo'` dsea` quiá'r` fí coo` lí' sii` Getsemaní e née' fí mó' Olivos, jō fí jō casí'r` i dsea` quiá'r` do lala:

—Ní'na' e la lajee` nii` jnea` nisiin`n` cóo'` Tiquié` e Fidiéé'.

³³ Jō jii'` Tú` Simón cóo'`gui Tiáa` jogui Juan, jii'` íbing'` cajéeiñ', jō Jesús mifíng` e ninaang` e líiñ'` fí'í' e eáang` jogui e jiuung` dsíir` cajo.

³⁴ Jō lalab` cajíñ'`:

—Dsíng'` lí'í' e fí'í' lín'n` dseáng'` lafa' jō jmigüi` la seem`baa lín'n`. Jō lab` nijá'` 'nú' lajee` jō, jō ja` jmigüíng` yaang`na'.

³⁵ Jōba' Jesús cangór` catí` doguijiu, jō catúuiñ'` cartí` cajnúu` dsequír' fí ni` uø, jō camí'r` Fidiéé` fa' ja` ni'íñ'` iihuí' lajii` e nisijéé` quiá'r` mi` nití` í' lajō.

³⁶ Jō lalab` caféiñ'` Fidiéé` ie` jō:

—Teaã, lajib` cuøøng` sea li` jmée` 'na, joba' mii`i` 'na e jmiã lana e nilaang` jnea` jee` e iihuif` e eáang` e nijaquíéng` quié`e, dsu' ja` güilí` laco' iing` jnea, co' iin`n e nilí` dseáng`-laco' iing` 'na.

37 Jo miã caquing`-tu Jesús fi` li` caseáaiñ` i` dsea` gaang` do, jo cadséng`-neiñ' do e teiñ' güim`bre, joba' casí`r` Tú` Simón lala:

—Simón, ¿su güim`ba'? ¿Su dseáng`- ja` té`ba' fa' e sijnée` o' jii` coo` oor`?

38 Jmijnée` óó`na!, jogui` mii`na' Fidiée` e laco' ja` nijúung`na' fi` ni` dsee`. Dseáng`- e jáb`- íaam` óó`na' e jmée`na' jalé` e guiá`, dsu' ngúú` táang`na' ja` cuø` fi` e nijmée`na' lajo.

39 Jogui` cangób`-tu Jesús calé` catú` cangoféeiñ` Fidiée` laco'gui` nicangoféeiñ` lami` jééng`gui do.

40 Jo miã tí` li` caquing`-tur` fi` li` neáang` i` dsea` gaang` quiá`r` do, jo caléb` catú` cadséng`-tureiñ' do e güim`biñ', co' dseáng`- eáam` jo` teiñ' do e jaligüiñ`. Joba' ja` ñir` e` niñir` quiá`- dsea` do.

41 Jo caquim`-tu Jesús e catí` 'ni` ya' jo lalab casí`-reiñ' do:

—¿Su mí` 'noo` güim`bi` 'nú' jogui` jmi`ing`na'? Dsu' nitéb` jii` lana, co' dseáng`- lanab catí` í` e fi` jaguó` dsea` dsee` dsea` quib` nijáng` dsea` jnea, i` dsea` i` cagüéng`- fi` jmigüi` la e lín`n jaang` dsea` jmigüi`.

42 Jminá` ráang`-na' na, jo má`aa', co' nab nijáa` i` dsea` i` nijáng` jnea` fi` jaguó` jaléng` dsea` i` 'ní' ní` quié`e.

Miã casang`- dsea` Jesús

(Mt. 26:47-56; Lc. 22:47-53; Jn. 18 :2-11)

43 Jo lajee` e fé`bi` Jesús, miã tí` li` caguié` Judas Iscariote i` quíing`-jee` dsea` guitúung` quiá`r`, jo i` fii`m` dsea` cóo`r` i` quié` ñisü` cóo`-gui` jalé` 'ma', co' ta` quiá` jaléng` fii` jmidsea`ba' e ngolíng`- i` dsea` do cóo`-gui` jaléng` tifa' quiá`- júu` quiá` ta` quiá`- dsea` Israel cóo`-gui` jaléng` dsea` cóøng`- quiá`r` cajo.

44 Jo Judas Iscariote lami` jééng`gui, lalab casí`r` jaléng` i` dsea` i` jéeiñ` do e nijmér` coo` li, jo nijíñ`- jnang` i` sii` Jesús, co' cajíñ`- ie` jo:

—Ii` i` nimó` 'nú' i` nichú`-u` ní, íb` Jesús, joba' séng`na're jóng, jo tee`na're e 'ñúuiñ` guiá`.

45 Jo miã tí` li` cangáaiñ` Jesús, jo cangoquíéeiñ` fi` quini` dsea` do jo casí`r` lala:

—i`Tifa'!

Jo mifüing` cachu`r` ni` dsea` do.

46 Jo casam`- jaléng` i` dsea` do Jesús ladsifí` lado jo e 'ñúung`-biñ' do cató`r`.

47 Dsu' jaang` lajee` la'ó` dsea` quiá`- Jesús caguir` ñisü` quiá`r`, jo caquiur` dseáng`-logua` jaang` dsea` i` jmóo` ta` quiá`- i` jmidsea` i` laniing`.

48 Jo Jesús cajming`-r` jaléng` i` dsea` do lala:

—¿Jialí` nicañilíng`-na' e quié`na' jalé` ñisü` cóo`-gui` jalé` 'ma' e laco' nitø`-na' jnea` e 'ñúun`n laco'gui` la cáng` dsea` jaang` i`?

49 Co' lacoo` jmüb` nicangí` jnea` jee` 'nú' e ée`-e 'nú' júu` quiá`- Fidiée` fi` dsíí` sinúu` guá`- fé` qui`-ii', dsu' ja` ca'í` óó`na' fa' lajii`- ie` jo caséng`na' jnea`. Dsu' lanagui` nilitib` náng laco'gui` la fé` fi` ni` jii` quiá`- Fidiée`.

50 Joba' lajüim` i` dsea` quiá`- Jesús do catiúum`-bre dsea` do jo cacuí`bre.

51 Jo dsu' jaang` siming`- cangó`-bre ti`leáaiñ` laco' cangáng`- Jesús, jo lico' íaiñ` coo` jmóo`- 'mi' lajob. Jo casam`-bre i` siming` do cajo;

52 dsu' i` siming` do catú`bre e jmóo`- 'mi' do jo cacuí`bre la ringúuiñ` lado.

Miã caguiéng`- Jesús fi` quini` jaléng` dsea` cóøng`

(Mt. 26:57-68; Lc. 22:54-55, 63-71; Jn. 18 :12-14, 19-24)

53 Jo cató`-bre Jesús fi` quini` fii` laniing`- quiá`- jaléng` jmidsea` quiá`- dsea` góor` dsea` Israel; jo fi` job caseáng` jaléng` fii` jmidsea` quiá`r` cóo`-gui` jaléng` dsea` cóøng`- quiá`r` jogui` jaléng` tifa' quiá`- júu` quiá` ta` quiá`- dsea` Israel cajo.

54 Jo dsu' cangób- Tú^ Simón jwab~ cøøiñ` laco' cangó- Jesús cartí caguiliñ- e fí sigui' fí li~ guing~ i jmidsea` laniing- do, dsu' fí caluub~ caje` Tú^ Simón coling~ cóo~ i dsea` i neé` ni~ e guá'- fé' quiá'- dsea` Israel i neáng' jmiguiáng' fí ca' li~ coo` jí.

55 Jo jaléng' fii~ jmidsea` quiá'- dsea` Israel cóo~ gui lajaléng' dsea` cóong'~ i quiu' ta~ quiá'r- canaiñ` 'nó'r' e~ jalé' dsee- sea` quiá'- Jesús e laco' nili'r' e nijngaiñ'- dsea` do, jo dsu' ja` cadsé' i dsea` do jíi~ coo`.

56 Jo fíim' dsea` 'niiñ` Jesús cóo~ júu^ e o' já'-, dsu' jmaquím' júu^ fé'r' lajaang` lajaañ` jo jíi~ jaañ` ja` cuó'- júu^ rúñ`.

57 Jo caróo~ bi jaang` gáng- dsea` e 'niiñ` Jesús cóo~ júu^ e o' já'- jo cajíñ'- lala:

58 —Jnea'^ canú'naa' e cajíng'- dsea` na lala: “Jo ni'íim~baa guá'- fé' qui'-ii' e si' fí Jerusalén e cajme' jaléng' dsea`, jogui lajee` 'ní jmi~ lajob nijmée'~túu coo`gui e ja` nitaan~n jíi~ jaang` dsea` jmigüi' e jme'r-.”

59 Jo dsu' dseáng'- ja` cuób' júu^ rúng' jíi~ jaang` i dsea` do cóo~ lajíi~ e síiñ` do.

60 Joba' caróo~ i jmidsea` laniing- do jee~ jaléng' i dsea` do, jo lalab cajmingí'r- Jesús: —¿Su jíi~ coo` ja` iin~ ngii'? ¿E~ e fé' jaléng' i dsea` na e 'niiñ` 'nu'?

61 Dsu' jíi~ coo` ja` ee` cañí' Jesús quiáiñ'- do, jo lí^ cajer' tiib-. Joba' caleáb`tu cajmingí' i jmidsea` laniing- do jo cajmingí'r- dsea` do lala:

—¿Su já'-ba' e 'nub` lin' Dsea` Jmáang- i nisíng- Fidié' i nicá` nifí qui'- jnea'^, jogui lin' i Jóo' Fidié' camíng' i dseáng'- i güeang'^ do?

62 Joba' cañí' Jesús quiáiñ'- do lala:

—E jáb'-, jneab~ í, jogui 'nú' nimáam~ba' jnea~, i dsea` jmigüi' i jáa' fí ñifí-, e guiin~n lí^ lí dsée' laco'gui la guing~ Fidié' i quii~ jmi~ jmé- lí^ doñí' ee, jogui e nigáa'a fí yá' jmigüi' fí jee~ cabøø~ jní'.

63 Job mi~ i jmidsea` laniing- do canaiñ` síiñ` sí'r^ dsu' e guíñ- jo cajíñ'- lala:

—¿E~ gui e güijeeng`guí' e niline`guí'?

64 Nab nicanáa~na' jial nicafé'r' júu^ ga` uíi~ quiá'- Fidié'. ¿Jial í óo' 'nú' cóo~ jalé' e nicafé'r' na?

Jo lajim` i dsea` do casíiñ- røø` e røøm` dsea` do dsee-, joba' 'né- e nijúum-bre.

65 Jo i líng~ i dsea` do canaiñ` 'níim`bre Jesús, jogui qui'r' ni~ dsea` do jogui naaiñ` jnóor` moniñ'- jo jmingí'r- dsea` do lala:

—jNe~duu' su já'- quií'- ñí' i~ i cabá` moní'^!

Jogui jaléng' i jmóo` í e guá'- fé' do canaiñ` jnóor' moni~ dsea` do cajo.

Mi~ cajíng'- Tú^ Simón e ja` cuíñ` Jesús

(Mt. 26:69-75; Lc. 22:56-62; Jn. 18:15-18, 25-29)

66 Jo có' dobi guing~ Tú^ Simón e fí sigui' do ie~ jo, jo lajee~ jo mi~ tí li~ caguié- jaang` dseamí i jmóo` ta~ quiá'- i jmidsea` laniing- do.

67 Jo mi~ cangaiñ- Tú^ Simón e dob guíñ- do 'ni' jí' jmiguiáiñ', lí^ cajer' jóøm-bre dsea` do jo casí'r- lala:

—Cangíb^ já'- 'nu' cóo~ Jesús i seeng` fí Nazaret do, ¿já^ já'-?

68 Dsu' Tú^ Simón cañí'r' quiá'- i dseamí do lala:

—Ja` cuíng` jnea~ i dsea` í, dseamí. Ja` ñii- e~ gui e fó' na.

Jo cagüi'í' Tú^ Simón fí lí- o'nú^, jo job mi~ caqui' jaang` tuidsée^.

69 Joba' cajøøng-tu i dseamí do ír', jo mifíng` canaiñ` sí'r' i dsea` teáng- do ie~ jo:

—I cangi' cóo~ Jesús i dseañu' la cajo.

70 Dsu' Tú^ Simón cajíñ'- calé' catú- e ja` cuíñ` dsea` do. Jo mi'míng- guíjia lajo cajíng'- i teáng- do cajo casí'r- Tú^ Simón lala:

—E jáb'- dseáng'- 'nub` i cangi' cóo~ Jesús do, ¿já^ já'-?, có' dsea` Galileab lin'.

71 Joba' Tú^ Simón canaiñ` jmi'lim'^ 'ñia'r' e jíñ'- e dseáng'- ja` ñir', jo casí'r- dsea` do:

—Ni~ fii-. Dseáng'- ja` cuím`baa i dseañu' i éeng` 'nú' na.

⁷² J_o mĩ tí lĩ caqui' tuidsee^ e catí tú ya', j_o j_oguib cadseng'- dsíí Tú Simón cajo e cajím'- Jesús la nú'- gui do lala: "Nú'- gui e níquí'- tuidsee^ e níí tú ya', 'nũ nifo' 'ní ya' e ja` cuín" jnea~."

J_o mĩ cadseng'- dsíir' guiá- e j_o, canaaiñ` qui'bre jóng dseáng'- e ngocáng` dsíir'.

15

Mĩ caguiéng'- Jesús fí' quini~ dseata~ Pilato

(Mt. 27:1-2, 11-14; Lc. 23:1-5; Jn. 18 :28-38)

¹ J_o mĩ cajneá- e jmĩ j_o, jaléng' fii~ jmidsea` quiá'- dsea` Israel caseáng' yaaiñ~ cóo'~ jaléng' dsea` cóong' quiá'r- cóo'~ gui tifa' quiá'- júu^ quiu' ta~ quiá'- dsea` Israel, lí^ lajüing` i dsea` Israel i quie' níí i quiu' ta~, j_o cató-bre Jesús e 'ñúuiñ' fí' quini~ dseata~ Pilato.

² J_o mĩ caguilíng- jaléng' i dsea` í fí j_o, j_o dseata~ Pilato cajmingí'r- Jesús lala:

—¿Su já'-ba' e 'nub` i líng` dseata~ dsea` féng' quiá'- dsea` Israel?

J_o Jesús cañíir`:

—E jáb'- . Laj_ob líí lí^ lac_o'gui la nicafée' na.

³ J_o c_o' jmiguiab' dsee- cuø' jaléng' i fii~ jmidsea` do Jesús,

⁴ j_oba' cajmingí'- tu dseata~ Pilato Jesús lala:

—¿Su jíí' c_o' ja' e iin'~ ngii'? C_o' dseáng'- jmiguiab' dsee- jmóo' jaléng' i dsea` la quí'.

⁵ Dsũ Jesús caleáb` tu ja` ee` cañíir` jíí' c_o'; j_oba' eáam' dsigá` dsíí' dseata~ Pilato.

Mĩ cahuí' ta~ e nijúung- Jesús

(Mt. 27:15-31; Lc. 23:13-25; Jn. 18 :38-19 :16)

⁶ J_o lajee` e tí e jmĩ j_o, nitíng` dseata~ Pilato e láaiñ` jaang` dsea` i sijnúng` lí^ doñí` i i` míng` dsea` fii'.

⁷ J_o ie~ j_o ni'iuung- jaang` i sijnúng` i sii` Barrabás colíng` cóo'~ jaléng' i nijmóo' ta~ jngang' jaléng' dsea` fí' jee~ mĩ'.

⁸ J_o mĩ casimó' dsea`, j_o camí'r' dseata~ Pilato e nijmé- dsea` do laj_o, e nileáiñ- jaang` i dsea` sijnúng` do lac_o'gui jíí' e qui' tñiñ'.

⁹ J_oba' cañíi' dseata~ Pilato quiá'- jaléng' i dsea` do lala:

—¿Su iing` 'nú' e nilaan- i dseata~ dsea` féng' quiá'- dsea` góo'na' dsea` Israel?

¹⁰ J_o c_o' calilíb' i dseata~ do jéeng'gui e lí^ uíi' e dsihuim' jaléng' i fii~ jmidsea` do quiá'- Jesús, j_oba' cajáng' neiñ'.

¹¹ Dsũ jaléng' i fii~ jmidsea` do canaaiñ` ta'r' mĩ' j_o canaaiñ` sí'r' jaléng' dsea` jíéng'gui e guiá- gui e nileáng` Barrabás.

¹² J_oba' cajmingí' tu dseata~ Pilato lala:

—J_o ¿e~ iing` 'nú' e nijmee~ e cóo'~ i dsea` i fí' 'nú' dseata~ dsea` féng' quiá'- dsea` góo'na' dsea` Israel?

¹³ J_o cañíi' tu jaléng' i dsea` do cóo'~ júu^ teá`:

—jGüitáiñ- fí' dse' crúu'!

¹⁴ J_o cañíi' tu dseata~ Pilato:

—¿E~ gui e ga` e nicajmée` i dseañu' na?

Dsũ i dsea` do caleáb` tu canaaiñ` ta'r' mĩ' j_o fé'r`:

—jGüitáiñ- fí' dse' crúu'!

¹⁵ J_o c_o' i dseata~ Pilato do contøøm- iin~ e seeiñ` guiá- cóo'~ jaléng' dsea`, j_oba' caguíim`bre i Barrabás do dsíí' 'nũñí'; j_o mĩ cangí e j_o, caquiur' ta~ e calihuíng` Jesús cóo'~ 'nii' j_o cajáng' neiñ' do e quiá'- nitáng- dsea` do fí' dse' crúub^ jóng.

¹⁶ J_o jaléng' i 'lée- do cajéem`bre dsea` do fí' ní' 'núu' j_o fí' j_o caseáiñ' lajüing` 'lée-.

¹⁷ J_o caquíng' neiñ' do cóo' 'mí' e nú', j_ogui catá'r- fí' moguí dsea` do cóo' lí^ corona e líí cóo'~ layaang` 'mató'.

¹⁸ J_o mĩ cangí j_o, canaaiñ` fé'r` teá` lala e lóøng- neiñ':

—jGüiliseem` dseata` dsea` féng'` quiá'- dsea` Israel!

19 Jò bár` sii` mogui` dsea` do, jògui` ñííñ` dsea` do, jògui` jmicaaiñ` e jmiféiñ` dsea` do e sír` uó` jnir` fí` quiniñ`.

20 Jò mi` cangí` e lóøiñ` dsea` do lajò, cajé`bre e 'mi` nú` do, jò caquíng`tur dsea` do siiñ` e lami` quiñ`. Jò mi` cangí` jò, caguím`bre dsea` do e quiá'- niteáañ` fí` dse` crúu`.

Mi` catáng` Jesús fí` dse` crúu`

(Mt. 27:32-44; Lc. 23:26-43; Jn. 19:17-27)

21 Jò lajee` e teáañ` fí`, cajíñ` jaang` dseañu` i` sii` Simón` i` seeng` fí` Cirene, tiquiá` jaang` i` sii` Jaang` cóo` gui` jaang` i` sii` Rufo, jò nijaiñ` do fí` jenuu` fí` lí` jmóor` ta`, jò jaléng` i` dsea` i` ngolíng` do cajmeáañ` 'goo` i` Simón` do e nijéiñ` crúu` quiá'- Jesús.

22 Jò cajém`bre Jesús fí` cóo` lí` sii` Gólgota e guóng` Cuo` Mogui` 'Lí`.

23 Jò cacuø`r` Jesús jmí` jmí` huíng` jó` e sicáang` cóo` cóo` oo` e sii` mirra e sí` ní` dse` do, dsu` Jesús ja` cali`iñ` fa` e caí`r` e jò.

24 Jò jòb` mi` cateáañ` dsea` do fí` dse` crúu`; jò jaléng` i` 'lé` do canaaiñ` cóor` quiá'- e nijmér` guíeé` sí` Jesús, jò ne`duu` e` nilí`r` nicóor` lajaang` lajaañ`.

25 Jò ngóo`jiu` la` ii` ñú` e la`ee` mi` cateáañ` dsea` do fí` dse` crúu`.

26 Jò catéer` cóo` 'majmá`jiu` fí` yá` gui` dsea` do e tóo` e` uing` e` jmáañ` dsea` do lado, jò lalab` tóo`: "I` lab` dseata` dsea` féng` quiá'- dsea` Israel."

27 Jò cateáang`guir` gáng` ii` colíing` cóo` Jesús, jmá'- jáng` crúu` lajaañ` do, jaang` la cataang` cáang` dsea` do.

28 Jò lajòb` cali`i` laco` la fé` fí` ní` jì` quiá'- Fidié` lí` fé` lala: "Cali`iñ` jee` jaléng` dsea` i` 'lé`."

29 Jò jaléng` dsea` i` ngíng` lajee` e táang` Jesús fí` dse` crúu` lico` guia`r` gui`bre e jóøiñ` dsea` do jò fé`r` lala:

—jJaa`! ¿Su` o` 'nu`bi` i` fé` i` lí` qui` guá'- fé` quiá'- dsea` góo`, jògui` cóo` 'ní` jmí` lajò lí` jmé`tu`?

30 Jò lana` leaang` uø`, jò güíng` fí` lí` táan` fí` dse` crúu` na.

31 Jò lajòb` jaléng` fí` jmidsea` quiá'- dsea` Israel cóo` gui` jaléng` tifa` quiá'- júu` quiu` ta` quiá'r` dseáng` lóøm`bre dsea` do, jògui` siiñ` lajee` yaaiñ` lala:

—Caleám`bre jaléng` dsea` jiéng`, dsu` 'ña`r` jò` quí`r` jmí` fa` e nileáng` gui` ñia`r` náng.

32 Song` nine`naa` e nijgiáañ` fí` dse` crúu` fí` lí` táaiñ`, jòguiba` já'- nilí`naa` jóng` e í`bre líiñ` Dsea` Jmáang`, i` dsea` i` sijeeng`naa` i` nicá` nifí` quí`ii`, jògui` i` nilíng` dseata` dsea` féng` quí`ii` cajo.

Jò jì`gui` cartí` i` ii` i` taang` cáaiñ` do, gab` fé`r` uí` quiá'- dsea` do cajo.

Mi` cajúng` Jesús

(Mt. 27:45-56; Lc. 23:44-49; Jn. 19:28-30)

33 Jò mi` catí` guieñí` e jmí` jò, dseáng` latøøng` e fí` jò calinú` conguiá`, jò lajòb` lí` cartí` la` ii` 'ní` ca`lloo`.

34 Jò e` í` jòb` mi` ca`óo` Jesús teá` jò cajíñ` lala:

—Eloi, Eloi, ¿lama` sabactani? —e guóng`: Fidié` quié`e, Fidié` quié`e, ¿jali` nicatiun` jnea`?

35 Jò i` líng` dsea` i` teáang` do ie` jò canúur` e jò, jò cajíñ`:

—Fíng` na` núu`na`, lana` tó`r` i` café` cuaiñ` quiá'- Fidié` malí`gui` eáang` i` calisí` Lí`.

36 Jòba` ladsifí` ladob` cangó` jaang` i` dsea` do, jò cangoquier` cóo` joo` e nisíyá` jmí` jmí` huíng` jó` e tí`, jò caquíñ` e joo` do fí` cóo` yá` tá` jò caséer` e laco` niyú` Jesús jò cajíñ` lala:

—Ja` ee` cang`na`re, majeeng`duu` su` nijáa` i` Lí` do e nijajgiáañ` dsea` na.

37 Jòb` mi` ca`óo` Jesús e teá` eáang` jò cajúm`bre.

38 Jo mifing` job cajo casim` e 'mi' fé` e í' fí sináa` guá'` fé` quía'` dsea` Israel e si' fí Jerusalén jo calí` tú` fío` catí` yá'` jogui catí` uii`.

39 Jo mi` calilí` i fii` 'lée` romano i sing'` jmóo` í` cáang` Jesús e nicajúm` dsea` do, joba' cajín'` lala:

—Dseáng'` e já'`-ba' e i dseañu` na líiñ` i Jóo' Fidiée` caming'` do.

40 Jogui huí`-bijiá teáng` coo` tú` máng'` dseamí` e jóo`-fí jo; jo jee` í` quíng'` Yá` i seeng` fí Magdala, jogui Salomé, jogui Yá`, niquiá` Tiáa` i jiuung` do jogui niquiá` Sé` cajo.

41 Jo jaléng'` i dseamí` na cangi`bre e jmicóo`r` cóo` li` ee`go`'né` Jesús ie` lami` cateáaiñ` fí li` se' Galilea. Jogui i fím`bigui dseamí` i jiéng'` i teáng` do ie` jo cajo i cajaling` fí Jerusalén cóo` dsea` do.

Mi` ca'áng` Jesús

(Mt. 27:57-61; Lc. 23:50-56; Jn. 19 :38-42)

42 Jo jaquiéng` e tí` li` ní` náa` ie` guati`lío` jmiñ` e guía` dsea` Israel guía` e nití` jmiñ` e jmi'íñ`.

43 Jo ie` job mi` caguié` jaang` dseañu` i sii` Sé` i seeng` fí coo` fii` e sii` Arimatea, jo i dsea` la líiñ` jaang` i niing` quía'` jaléng'` dsea` cóo`ng'` i quíu` ta` quía'` dsea` Israel, jo sijeem`bre cajo e Fidiée` nicá` nifí` quía'r` ; jo dseáng'` teáb` táang` dsír` cangór` fí li` guíng` dseata` Pilato, jo camir` fí` e nidsi`áaiñ` Jesús.

44 Jo cangogáb` dsí` dseata` Pilato e nicajúm` Jesús, joba' cató`r` i fii` 'lée` e quía'` nijmíng'` reiñ` do jial tí` níngóo` e cajúng` dsea` do.

45 Jo mi` cajmea'` i fii` 'lée` do júu` i dseata` do, joba' dseata` Pilato cacuo`bre fí` i Sé` do e nidsi`áaiñ` Jesús.

46 Jo i Sé` do calár` coo` 'mi' e niguo` eáang` e quía'` niquiñ` Jesús. Jo cangojéem`bre dsea` do fí` li` ní` áaiñ` fí` coo` dsí` too` jiáa', jo cajlír` e ni` do cóo` coo` cuu` e fe`.

47 Jogui Yá` i seeng` fí Magdala cóo` Yá` niquiá` Sé` i jaang`gui do cangá`bre jie` li` ca'áaiñ` dsea` do.

16

Mi` cají`tu` Jesús

(Mt. 28:1-10; Lc. 24:1-12; Jn. 20 :1-10)

1 Jo mi` nicasúung` e jmiñ` e jmi'íng'` dsea` Israel, i Yá` i seeng` fí Magdala jogui Salomé cóo`gui Yá`, niquiá` Tiáa`, calár` jmiñ` jmeafii` e quía'` e nidsisuiñ` Jesús fí` li` iuung` dsea` do.

2 Jo eeb` e jmiñ` la'uii` quía'` semaan` cangolíiñ` fí` li` ca'áng` Jesús, jo caguilíiñ` e lico' nicaguá'` iee`,

3 jo sáiiñ` lajee` yaaiñ` lala:

—¿I` nijé` e cuu` e jlí` fí` otoo` ée` li` ca'áaiñ` do?

4 Dsu' mi` cangár` røø, e cuu` e cajlír` ni` otoo` quía'` e ée` do jo` róo` ée` quía'`.

5 Jo cangotáam`bre e fí` dsí` tó` ée` do, jo fí` job cangáaiñ` jaang` siming'` i guíng` lí` lí` dsée` i qui'` coo` 'mi' té` e cuee`. Jo eám` cafóng'` i dseamí` do,

6 dsu' i siming'` do cañír` lala:

—Ja` fóo`ng'`na' jii` coo`; co' ñi`baa e 'náng'`na' Jesús i seeng` fí Nazaret i cajúng` fí` dse'` crúu` do, dsu' lanagui nicajíb`tur, jo jo` iuiiñ` fí` la lana. Fí` na jóo`-na' e fí` li` catíraaiñ` do, jo` ii` seeng` jii` jaang`.

7 Güilíng`na' jo güijméé`na' júu` dsea` guijáng` quía'r`, jo jee` jo quíng'` Tú` Simón cajo, jo síi`na'r lala: “Jéeng`gui nidsé` Jesús fí` li` se' Galilea laco`gui 'nú'`, jo fí` job nimáang`na're lí` laco`gui jii` e cajíiñ` ie` lami` ná'`gui e nijngáng'` dsea` ír`.”

8 Jo mi` cangí` e jo, ca'uøøm` i dseamí` do e cuíir` e fí` li` ca'áng` dsea` do, co' dseáng'` eám` jléeiñ` e 'gó`r`. Jo jii` jaang` ja` ii` cajmea'` i dseamí` do júu`, co' dseáng'` 'gó`bre.

*Mi~ cajmijnéeng`'ñia' Jesús fí' quini` i Yá^ i seeng` fí' Magdala
(Jn. 20:11-18)*

⁹ Jo mi~ nicangf e nicají' Jesús, mi~ cajneá~ e jmíi~ la'uii~ quiá~ seamaan~ do, jo la'uii~ cajmijnéeng`'ñia'r' fí' quini` i Yá^ i seeng` fí' Magdala, i dseamf i ca'uøøng` guiáng~ i 'ling` fí' dsí' lamí~ jéeng`gui.

¹⁰ Jo i Yá^ do ladsifib' cangojmée'r~ júu^ jaléng` i dsea` i cangi' cóo~ Jesús do; jo jaléng` i dsea` í dseáng` e eámam' fí' í' lúin' jogui neáaiñ' ta~ qui'.

¹¹ Jo mi~ canúu~ i dsea` do e nicajíb'tu Jesús jogui e nicangám~ i Yá^ do, jo dsu' ja` já~ calíng~ i dsea` do ladsifí' lado.

*Mi~ cajmijnéeng`'ñia' Jesús fí' quini` gáng~ i dsea` quiá'r~ do
(Lc. 24:13-35)*

¹² Jo mi~ cangf e jo, cajmijnéem`'ñia' Jesús fí' quini` gáng~ lajee` i dsea` quiá'r~ do lajee` ngoliñ~ e teáaiñ~ fí' fí' jee~ mó'.

¹³ Joba' ladsifí' ladob caquim'-tu i dsea` gáng~ do, jo cangojmée'r~ júu^ i caguaang`gui do; jo dsu' ja` já~ calíñ~ do cajo ladsifí' lado.

*E ta~ e cacuø' Jesús jaléng` dsea` quiá'r~
(Mt. 28:16-20; Lc. 24:36-49; Jn. 20 :19-23)*

¹⁴ Jo mi~ cangf gui lajo, lajee` e neáng` i dsea` guijáng` quiá'r~ e gø'r' fí' 'ni' mes~, jo lajee` jo mi~ cajmijnéeng`'ñia' Jesús fí' quini` jaléng` i dsea` do, jo cajím~ breiñ' do, co' dseáng` ja` já~ m' lím` biñ' do e nicajíb'tur; jogui co' eámam' ue' moguiñ~ cajo, joba' ja` já~ calíñ~ do ladsifí' lado mi~ cajíng` i dsea` i cangá~ quiá'r~ e nicají'tur.

¹⁵ Jo casí' Jesús i dsea` do lala:

—Güilíng~ na' fí' la'úng~ fí' jmigüi, jogui güiguaia~ na' júu^ jee~ jaléng` dsea` jmigüi jial nileáng` dsea` jee~ jalé' dsee~ quiá'r~.

¹⁶ Jo jaléng` i dsea` i já~ nilíng` júu^ quié~ e jogui e nisaiñ` jmíi e laco' cuø' li~ e nica'uiñ~ dsea` quié~ e, joba' i dsea` í nileám` bre jóng jee~ jalé' dsee~ quiá'r~; dsu' i dsea` gui i ja` já~ nilíng` júu^ quié~ e, joba' i dsea` í latab~ ni'naaiñ` quiá' Fidié'.

¹⁷ Jogui niñím` jaléng` i dsea` i já~ líng` júu^ quié~ e e nilí' bre uóin~ i 'ling` i teáng` dsí' dsea` la'eáng` cóo~ júu^ quié~ e; jogui niñím` bir cajo e nifé'r` jmíi e ja` m' ñir' jéeng`gui;

¹⁸ jogui nilí' bir e saíñ' mi' i guíng~ cajo e ja` nicúin' do quiá'r~, jogui song ni'í'r` lafa' oguí~, ja` nilé~ quiá'r~ jíi~ coo; jogui niñím` bir e nilí'r` jmi'leáaiñ~ jaléng` dsea` dsée' cajo e lico' niquidsir` guóor` fí' yú' moguiñ~, jo ni'leám~ biñ' do jóng.

*Mi~ cangáng` tu Jesús fí' ñifí~
(Lc. 24:50-53)*

¹⁹ Jo mi~ cangf e casí' Fí'naa' Jesús jaléng` i dsea` quiá'r~ do lajo, joba' cajgóo~ bre fí' yú' jmigüi jóng, jo cangám~ tur fí' ñifí~ fí' lí~ cajár~, jo cangogüea~ tur lí' lí' dsée' laco'gui la guíng~ Tiquiá'r~ Fidié'.

²⁰ Jo mi~ cangf jo, ca'uøøm` jaléng` i dsea` do fí' la'úng~ fí' jmigüi e cangoguiar~ júu^ quiá' jiallaang` dsea` jee~ jalé' dsee~ quiá'r~, jo 'ñiab' Fí'naa' jmicóo'r~ i dsea` í e guiaiñ' do júu^ quiá'r~, jogui ca'e' bir dsea` jmigüi e dseáng` e já~ júu^ quiá'r~, co' jaléng` i dsea` do jmóor` jalé' e dsigá' dsí' dsea` la'eáng` cóo~ güea' quiá' Fí'naa'.

Jo lajob nilí'.

Jo lanab jíi~ lí' júu^ quiá' Fidié' e cajme' Marcos.

E lab júu^ quiá'- Dsea` Jmáang- e cajme' LUCAS

E uing~ e cajme' Lucas e ji' la

¹ Teófilo, niñíb^ 'nua e fíim' dsea` cajme'r' fí' ni~ ji` jalé' e nicalí- jee~ jneaa~aa',

² jo cajme'r' laco' júu^ e cajméé` jaléng' i dsea` i cangá- jial calí- lami~ cagüéng- Jesús fí' jmigüí' la, jo i dsea` íb` i ca'e' jalé' júu^ quiá'- Jesús cajo.

³ Jo nica'nób^ jnea~ cajo, jo nicalidseáam` dsii- jalé' e já'- e calí- latí' mi~ uing~ jo latí' lana, joba' nijméé' e 'nua júu^ jial calí- lami~ cateáang` Jesús fí' jmigüí' la,

⁴ jo lajoba' dseáng'- lajang'- niliñí'^ jalé' e júu^ e nica'e' dsea` 'nua`.

Jaang` ángel cajméer` júu^ e niliseeng` Juan i seáang` dsea` jmii

⁵ Jo lajee` líng` Herodes dseata~ dsea` féng' quiá'- Judea, jo seeng` jaang` jmidsea` quiá'- dsea` Israel i sii` Zacarías, i líng` dsea` quiá'- jaang` jmidsea` i sii` Abías. Jo i dseamí quiá'- i Zacarías do siir` Elisabet, siju` jaang` jmidsea` i calisí` Aarón.

⁶ Jo laji` huáam~ bre náu'r~ jalé' ta~ quiu' Fidiéé~, jo eáam` guiúin~ fí' quini~ dsea` do cajo e laco' júi'~ jaang` dsea` ja` cuóøng` cuó'- reiñ' do dsee-.

⁷ Jo dsu' ja` i jóor' seeng`, co' i dseamí do ja` cuóøng` nidsiquieein~ yuu, jogui dsím'- nidseáaiñ~ laji` huáaiñ~ do cajo.

⁸⁻⁹ Jo coo` jmii` catíng- jaléng' jmidsea` e li~ quíng' Zacarías do e nijmiféiñ' Fidiéé` fí' dsí' guá'- fé' e si' fí' Jerusalén, jo nitíng- lajee` la'ó' jmidsea` e guíng' yaaiñ~ i~ i nitíng- e nijír- su' fí' nife', jo Zacaríasbing' catíng- ie~ jo.

¹⁰ Jo 'ñiab' Zacarías ca'ír- tí' nife' ie~ jo e quier' e su' do. Jo lajee` coo` e su' do, lajalém' dsea` teáaiñ~ fí' caluu` e jmiféiñ' Fidiéé`.

¹¹ Jo lajee` iuung- Zacarías fí' nife' do, jo coo` cajném- jaang` ángel quiá'- Fidiéé` lí'- lí' dsée' e nife' e li~ iuuiñ~ jír' e su' do.

¹² Jo mi~ cangáng- Zacarías i ángel do, dsíng'- cafóin' júi'~ ja` ñir' e~ nijmér-.

¹³ Jo cajíng'- i ángel do casí'r- Zacarías:

—Ja` fóøñ~, Zacarías, co' nicanúub- Fidiéé` lajii'~ júu^ e nicamí~na'r do, jo lana dseamí quiá'- nidsiquieein~ jaang` yuu` siñuu` i nitó'^ e nilisii` Juan mi~ niliseeiñ~.

¹⁴ Jo fíim' dsea` nili'íang` dsíir' jogui dsíng'- nili'íang` oo' 'nú' e niliseeng` i yuu` quiá'-na' do cajo,

¹⁵ co' mi~ nicuáiñ~, dsíng'- niliféiñ' fí' quini~ Fidiéé`. Jo ja` méé' ni'í'r' carta~ niteáiñ~ fí' jmigüí', jogui nú'-gui e niliseeiñ~, ni'íñ' Jmiguí' quiá'- Fidiéé` e nijmicóo' quiá'r- lajii'~ ta~ e nijmér- fí' jmigüí' la.

¹⁶ Jogui nijmér- e niquí'- jíng' yaang~ fíim' dsea` Israel fí' quini~ Fidiéé`.

¹⁷ Jo i Juan do ni'íñ' Jmiguí' quiá'- Fidiéé` laco' ca'íng' jaang` dseañu' i cali'gøng' eáang' i calisí` Líí', jaang` i café' cuaiñ~ quiá'- Fidiéé` malii~gui eáang'. Joba' i Juan na niguiár- júu^ mi~ nijaquíéng' e nijáa` Dsea` Jmáang- e laco' røøb` nisíng^tu jaléng' jóo' dsea` cóo'~ jaléng' sejmiir~, jogui e laco' jaléng' dsea` i jo` náu' júu^ quiá'- Fidiéé` niquí'- jíng' yaaiñ~ mi~ ninúr- jalé' júu^ e niguiá- i dsea` í. Jo lajoba' nijmér- e niguiéng- guiá- yaang~ dsea` e nijmicuíñ` Dsea` Jmáang-.

¹⁸ Jo mi~ cató' e fé' i ángel do jalé' júu^ quiá'- Fidiéé~, jo cajmingi' Zacarías i ángel do:

—¿Jial nilita~ dsí jnea~ jalé' e jo, co' nidseáam~baa' eáang' cóo'~ dseamí quié'-e?

¹⁹ Jo cañí' i ángel do:

—Jneab~ i ángel Gabriel, jo jmóo'o jalé' ta~ e iing~ Fidiéé~, jo íb` dsea` casíñ` jnea~ e cagajméé' e 'nua jalé' e juguiá- e nifá'-a na.

²⁰ Jo dsu' uíi~ e ja` já'- calín'- jalé' júu^ quié'-e, joba' latí' lana nijá'^ e jo` lí' fo'^ júi'~ camí'^ júu^ cartí' niliti~ lajii'~ júu^ e nifá'-a na, jo joguib nifo'^tu' jóng.

21 Jo lajee` sîng` Zacarías cóo` i ángel do, jo caluu` guá` féb` teáng` jaléng` i dsea` i sijeeng` ír` do. Jo lajaléng` i dsea` do ninaang` í dsír` jialí` cali`iing` Zacarías eáang` fí lí` cangór` fí nife` do.

22 Jo dsu` mi` cagüi`hí` Zacarías fí jo, jo lí` fé`r`. Jöba` dsifí` lajõb` calilí`^ jaléng` i dsea` i teáng` caluu` do e lîm`ba` e cangáin`- do e fí dsí` guá`- do. Jo dsifí` ladob` canaang` Zacarías e jmóor` lí` cóo`- guóor` quía`- jial e cangár`- do, jo cangocá`bi e líiñ` lado.

23 Jo mi` cangí` jo, mi` catí` í` e cadsíng`- lajúi`- jmi` e catíng`- Zacarías e iuuiñ`- fí sinúu` guá`- do, jo cangám`- bre fí quía`-r`.

24 Jo mi` calicóng`-gui lajo, yub` cacóng`- dseamí` quía`-r`. Jo lajee` 'níng`- si` jo` cagüi`hí` i dseamí` do sinúu` quía`-r`, jo lajee` jo` í dsír`:

25 “Gui`máam`- Fidiée` quía`- e guiá`- e jmóor` cóo`- jnea` e laco` jo` nifé` dsea` ga` uii` quíe`-e.”

Mi` cajmée` i ángel do júu` e niliseeng` Dsea` Jmáang`

26 Jo mi` cadsíng`- jñúung`- si` lajo, cóo` jmi` casíng` Fidiée` i ángel Gabriel do fí cóo` fí lí` si` Nazaret e née` fí lí` se` Galilea.

27 Jo casíñ` dsea` do fí quía`- jaang` simí` i sii` Yá` i ninée` júu` quía`- cóo`- jaang` siming`- siju` Daví`^ i sii` Sé`.

28 Jo mi` caguié`- i ángel do fí quía`- i simí` do jo casí`-reiñ`:

—Juguiá`- o` quíi`-, simí`, co` 'na`bing` i nicaguíng` Fidiée` lajee` lajaléng` dsea` i seeng` fí jmigüi`, jo Fidiéeb`- nijmicóo`- 'na`.

29 Jo mi` canúu`- i simí` do júu` quía`- i ángel do, dsíng`- cangogá` dsír` jo ca`í` dsír` e` uíing` e cajíng`- dsea` do lado.

30 Jo cajíng`- tu` i ángel do:

—Ja` fõn`- jii`- cóo`, co` íáam` dsí` Fidiée` cóo`- 'na`,

31 jogui` lana nigüiquiéen` jaang` yuu` siñuu`^, jo mi` niliseeiñ`, nitó`na` e nilisiir` Jesús.

32-33 Jo mi` nicuáiñ`, nijmé` Fidiée` e niliñ`- jaang` dsea` féng`- laco` calíng`- i sijur` Daví` do. Jogui` i yuu` do quíi`- latab` niquiá`r`- ta` quía`- lajaléng` dsea` Israel, jogui` niquiá`r`- ta` cajo fí la`úng`- fí jmigüi`, jogui` nilisiir` Joo` Fidiée` dsea` guíing`- ñiff`.

34 Jöba` cajmingi` Yá` i ángel do:

—¿Jial cuõng`- nilí` lajo? Ja`gui cóo`-o` dseañu`.

35 Jöba` cañí` i ángel Gabriel do:

—Fidiée` dsea` guíing`- ñiff`- nijmér` cóo`- güea`^ 'gõng` quía`-r` e niquin`- lafa` jee` cabõõ` jníi`, jo lajee` jöba` nicuó`r`- 'na` Jmiguí` quía`-r`, jo joguiba` nigüiquiéen` i yuu` güeang`^ i líng` Joo` Fidiée` do.

36 Jogui` i ni` i sii` Elisabet, jaang` dseamí` i niyúng` eáang`, jñúung`- si` nîngóo` e quíeeiñ` jaang` yuu` siñuu`^ . Jo i dseamí` do i nica`éeng` dsea` eáang` e ja` jiuung`- nicóoiñ`-, yub` niquíeeiñ` lana,

37 co` jaléb`- tíng` Fidiée` jmér`.

38 Jöba` cañí` Yá`:

—I quía`- Fidiéeb` jnea`. Güijméeb` Fidiée` cóo`- jnea` laco` nicafee`- na.

Jo mi` calí`- sñiñ` lado, jo cangám`- tu` i ángel do fí lí` cajár`.

Mi` cangó`- Yá` e cango`eer` Elisabet

39-41 Jo dsifí` mi` cangí` lajo, cangó`- Yá` fí cóo` fí e née` fí jee` mó` lí` se` Judea e cango`eer` i ní`r` Elisabet i cóo`- Zacarías do.

Jo mi` caguié`- fí jo, jo cangoféeiñ`- dsea` do. Jo mi` cató`- Yá` cató`r`- Elisabet, dsifí` ladob` cajóng`- i yuu` i iuung`- dsí` tu` Elisabet, jogui` dsifí` ladob` ca`íng`- Elisabet Jmiguí` quía`- Fidiée`.

42 Jöba` cajíng`- i Elisabet do casí`r`- Yá` e ngocáng`- dsír` jo cajíñ`-:

—'Nu`bing' i nicajmigüeang' Fidiéé' lajee' lajaléng' dseamî i seeng' fí' jmiügüû, jogui nicajmigüeaiñ' yuu` quií' cajo.

43 ¿I' jnea~ e nija'ee' niquiá' Fíi' jnea~?

44 Co' mi~ canú~u e cate' jnea~, dsifí' ladob cajóng' yuu` quié~ e li~ iuuiñ~ fí' dsíí' tú'u e iáang` dsíir'.

45 Joba' eáam' juguiá~ quií'~, co' jáb'~ calín'~ e niliti~ jalé' júu^ quiá'~ Fidiéé' e cacuø'r' 'nu`.

46 Joba' cajíng'~ Yá^:

Dsíng'~ jmifén' jnea~ Fidiéé',

47 jogui dsíng'~ iáang` dsii~ cóo'r~ cajo,
co' íbre dsea` caleáaiñ` jnea~ jee~ dsee~ quié~e.

48 Dsa' jnea~ lín'n jaang` dsea` quiá'~ Fidiéé'
i ja' jmiféng' 'ñia', jo si'ím' Fidiéé' jnea~,
jo lati' lana jo cartí' róo` jmiügüû nifé' jaléng' dsea` jmiügüû juguiá~ uii~ quié~e.

49 Co' Fidiéeb' dsea` 'gøiñ' fí' la'úng~ fí' jmiügüû,
jogui jmiuguiá' jalé' e nicajméer` cóo'~ jnea~ cajo,
co' íbre dsea` güeaiñ' fí' latøøng~ fí' jmiügüû.

50 Jogui contøøm~ nilí' fí' líiñ~ jaléng' dsea` i nijmi'gó' ír'.

51 Jo íbre tiiñ` jmér~ lí' doñí' ee',
jogui cajméer` e cajgiéem~ jalé' e í' dsíí' dsea` i jmicóøng' yaang~.

52 Jogui cajgiáam~ bre uó~ jaléng' dsea` i óo` ta~ ñíí',
jogui yúb'^ caseáaiñ' jaléng' dsea` i ja' jmicóøng' yaang~.

53 Jogui juguiá'~ cacuø'r' jaléng' dsea` i ja' 'ga' lí' sea` quiá'~,
jogui cajmilím~ bre guoo` jaléng' dsea` sea` cuu~.

54-55 Jogui cajmicóo'r~ jaléng' dsea` góor` dsea` Israel
i caguíñ' lamí' jéeng'gui i nilíng~ dsea` quiá'r~,
co' lajob júu^ caséer' cóo'~ 'lii' yuu~ quií'ii' i sii` Abraham e nilí' fí' líng~ Fidiéé'
jneaa~aa',
jogui nijmicóo'r~ jneaa~aa' lata~.

Jo jalé' e júu^ na cajíng'~ Yá^ ie~ jo.

56 Jo cajeb' Yá^ gaang' si' cóo'~ i Elisabet do. Jo mi~ cangî jo, joguiba' cangáng'~ tur fí' quiá'r~.

Mí' caliséng` Juan i seáang` dsea` jmii`

57 Jo mi~ cangî jo, cadsím~ jmii~ e niliseeng' yuu` quiá'~ Elisabet, jo jaang' yuu` siñuub^ caliséng` quiá'r~.

58 Jo dsíng'~ cali'iaang` dsíí' jaléng' rúíñ' cóo'~ jaléng' dsea` i neáang' lacúng' lajíng' lí' neáaiñ', co' calilí'r^ e dsíng'~ guiá~ e cajmée' Fidiéé' cóo'~ i Elisabet do.

59 Jo mi~ cadsí'~ i yuu` quiá'~ Elisabet do jñiá~ jmii~, joba' cangojéeng'neiñ' e nitó~ lí' fí' ngúú' táaiñ' laco' e qui'~ tíng' dsea` Israel. Jo mi~ cajméer` lajo, si'í' nilisii` i yuu` do laco' sii` tiquiá'r^ Zacarías.

60 Dsa' i Elisabet do cañíir` jo casí'r~ jaléng' i dsea` do:

—U~, Juam 'né~ nilisiiñ' na.

61 Joba' cajíng'~ i dsea` caguiaang~ do casí'r~ Elisabet:

—Jo ¿jiali' nilisiir` lajo? Jíi'~ jaang'gui dsea` sinúu^ quií'~ ja' siir` lajo.

62 Joba' cajming'~ i dsea` caguiaang~ do Zacarías e jmóor' lí' cóo'~ guóor':

—Jo ¿jial nilisii` i yuu` la, fó' 'nu`?

63 Jo Zacarías camir' cóo' lí' nijmé'r~ jial iñ~ e nilisii` i yuu` do, joba' cajme'r' e Juam nilisiiñ' do. Jo dsíng'~ cangogá' dsíí' jaléng' i dsea` do e calisí' i yuu` do Juan.

64 Jo dsifí' ladob cana' oo~ luu` Zacarías jo canaaiñ` jmiféiñ' Fidiéé'.

⁶⁵ Jɔgʊi jaléng' dseá i neáang' lacúng' lajǐng' lí guing' Zacarías eáam' cangogá dsíir' quiá' jalé' e calí do, jɔ lajɔbi lacaang' jee' mó' lí se' Judea eáam' caliseá e júu' jɔ.

⁶⁶ Jɔ lajǐng' dseá i caliñi' jalé' e calí do cajmǐngi' rúñi':

—¿E' si'íng' i yuu' la mi' nicuáiñ? Dsucɔ' eáam' lí e jmícɔɔ' Fidié' quiá'r'.

Jalé' e ca'ø' Zacarías quiá' Fidié'

⁶⁷ Jɔ mi' cana' oo' luu' Zacarías, dsifí lajɔb ca'íñ' Jmiguí' quiá' Fidié' jɔ canaaiñ' fé'r' jalé' júu' e cangúñ' cacuø' Fidié' ladsifí lado jɔ cajíñ':

⁶⁸ Gújmífém' jaléng' dseá Fí'naa' Fidié' quiá' dseá Israel, dsucɔ' nicajár' jee' jneaa'aa', dseá lí'naa' dseá quiá'r', jɔ nicaleáam'bre jneaa'aa' jee' jalé' dsee' qui'naa'.

⁶⁹ Jɔ caguíñ' lajee' lajaléng' siju' dseata' dseá féng' Daví' i jmóo' ta' qui' Fidié' do jaang' i 'gøng'gui eáang' e quiá' nileáiñ' jneaa'aa' jee' jalé' dsee' qui'ii'.

⁷⁰⁻⁷¹ Cɔ' lajɔb júu' cacuø' Fidié' jaléng' dseá quiá'r' i nicafé' cuaiñ' quiá'r' mali'gui eáang'

e nileáiñ' jneaa'aa' jee' jaléng' i 'ní' níng' jneaa'aa'

jɔgʊi jee' jaléng' i guíng' qui'naa' cajɔ,

⁷² jɔgʊi nilí' fí' lím'bre jaléng' 'lí' dseá' cøng' qui'naa',

cɔ' ja' ni'íng' dsíir' lajǐ' júu' e cajmirør'

cɔɔ' 'lí' yáa' qui'ii' Abraham lajǐ' mali'gui eáang'.

⁷³ Jɔ e lab júu' e cacuø' Fidié' i Abraham do ie' jɔ:

⁷⁴ e nileáiñ' jneaa'aa' jee' jaléng' i 'ní' níng' jneaa'aa',

jɔba' jneaa'aa' nijmó'naa' e ngocáng' dsi'naa' lí' dseáng' laco' iing' Fidié',

jɔ jɔ' e 'gøng'naa' jí' cɔɔ' i dseá i 'ní' ní' qui'ii' do jóng.

⁷⁵ Jɔgʊi lata' see'naa' fí' jmigüi' la,

ni see'naa' e lí'naa' dseá güeang' quiá' Fidié' jɔgʊi dseá i ée' røø' laco' si'í' fí' quini' Fidié'.

⁷⁶ Jɔ mi' calí' e jɔ, jɔ lalab casí' Zacarías i yuu' do:

Jɔgʊi 'na', yuu' qui'ii', nilisii' dseá i caguíng' Fidié' dseá guing' ñifí' i nifé' cuaiñ' quiá'r';

cɔ' 'na' dseá niguiéen' dseá guiá',

cɔ' lana nijaquiéeng' e tí' lí' nijáa' Fí'naa' Dseá Jmáang'.

⁷⁷ Jɔ nijméé' dseá júu' jial nileáng' Fidié' jaléng' dseá jmigüi' e ni'íng' dsee' quiá'r'.

⁷⁸ Jɔ Fidié' nijmér' jalé' e jɔ, cɔ' dsíng' 'neáiñ' jneaa'aa', jɔgʊi eáam' fí' lí' jneaa'aa' cajɔ.

Jɔba' nicacuø'r' jneaa'aa' e lafa' nijneá' cɔɔ' jì' e jlo' niing' 'gøng' fí' lí' see'naa' lana,

⁷⁹ jɔ e jɔba' nijmicɔɔ' quiá' jaléng' dseá i seeng' lafa' sijúung' lí' nuu' sò'.

Jɔ Fidié' ni'é'r' jneaa'aa' fí' guiá' quiá'r' e laco'

nilisee'naa' juguiá' júu' røø'.

Jɔ jalé' e júu' na café' Zacarías ie' jɔ.

⁸⁰ Jɔ cuaam' i yuu' quiá'r' do laco' ngóo' jmí'. Jɔ lajee' cuaaiñ', eáang' ngóo' licuíñ' Fidié' jɔgʊi eáang' ngóo' liguiúñ' la'eáang' cɔɔ' Jmiguí' quiá' dseá do. Jɔ mi' 'lé' cacuáiñ', jɔ cangór' fí' cɔɔ' jee' mó', jɔ jɔb cateáiñ' cartí' mi' caguié' jmí' e nilicuí' dseá Israel quiá'r'.

2

Mi' caliséng' Jesús
(Mt. 1:18-25)

1-2 Jō ie~ jō seeng` jaang` dseata~ dsea` féng' i sii` Augusto i quia' ta~ ie~ jō, jō seeng` jaang` dseata~ dsea` naluu~ quia'r- i sii` Cirenio i guing` líng' ta' fí lí se' Siria. Jō ie~ jō caquia' i Augusto do ta~ e nili'íng` jaléng' dsea`.

3 Jō jaléng' dsea` i taang` fí lí jié` 'né- nidsiliñ` fí góo`bre, jō fí jōb nili'íñ`.

4 Jō mi~ cahui' ta~ lajō, jōba' cagüi'í i Sé` do fí lí guiiñ` fí fii` Nazaret lí se' Galilea, jō cangáñ` fí góor` fí lí se' Judea fí coo` fii` e sii` Belén fí lí caliséng` i dseata~ dsea` féng' i sii` Davi` do, jaang` dsea` siju` Sé` i caliséng` mali`gui eáang'.

5 Jō mi~ cangáng'- Sé` fí góor`, tée`bre Yá`, co' ninée' júu` quia'r- cóoiñ` do, jōgui yuub` niquiéiñ` do cajo.

6-7 Jō mi~ caguiliñ` fí Belén, jōb catí' í' e niliseeng` yuub` quia'- Yá`, dsu' ja` lí calí'r- lí nijér-, co' dsíng'- fíng` jaléng' dsea` i caseáng' e fí fii` do ie~ jō. Jō lí güñng` jaléng' cuea~ güitáb` cajer', jō jōb caliséng' i yuub` do. Jō íb` la'uii` jōo' Yá` i caliséng'. Jō mi~ cangí jō, caquiñ`- coo` 'mi', jō catiráaiñ` dsí' coo` ni'núu` lí gø' jó', dsuco' ja` lí sea` lí guiá- fa' niquiér`.

Mi~ cajnéng` ángeles fí lí taang` dsea` jmóo` í' jō'se'

8 Jō mi~ canuu` e jmii` jō, jō nicajé` coo` tú- máng' dsea` i jmóo` í' jō'se` quia'- fí lí- caluu` fii` Belén.

9 Jō lajee` neáaiñ` e canuu` e jmii` jō, coo` cajném- jaang` ángel i casíng` Fidié` fí lí neáaiñ`, jō dsíng'- jlo` cajneá- e güea` quia'- Fidié` do lacúng' lajíng` lí neáang' i dsea` do, jō dsíng'- cafóíñ`.

10 Jō cajíng'- i ángel do casí'r- jaléng' i dsea` do:

—Ja` fóøng`-na' jíi` coo`, dsuco' juguiáb- quiee` quí'na', jō fíim' dsea` nili'íáang` dsír' uíi~ e júu` jō.

11 Co' fí lab góo` dseata~ dsea` féng' Davi`, jō lana fí lab nicaliséng` Dsea` Jmáang-, dsea` nileáiñ` 'nú' jee` jalé` dsee- quí'na'.

12 Jō niñi`ba' e mi~ nigüi`néng`-na'r jō niguiéng`-na'r quíiñ`- coo` 'mi' jō ráaiñ` dsí' coo` ni'núu` lí gø' jó'.

13 Jō mi~ cató' e café' i ángel do lado, coo` cajném- ángeles i fíng`gui fí lí neáang' i dsea` do, jō lajalém' i ángeles do canaaiñ` e jmiféiñ` Fidié` lajaléiñ` do jōgui canaaiñ` do ør` lala:

14 iMajmiféng`-naa' Fidié` dsea` guing` ñifi-, jōgui jaléng' dsea` jmigüi` i seeng` guiá- cóo'r- güiliseem`bre juguiá- júu` røø` cóo' dsea` do!

15 Jō mi~ cató' e ca'ø` i ángeles do, cangolíim`tur fí lí jalíñ-. Jō i dsea` i jmóo` í' jō'se` do canaaiñ` síiñ` lajee` la'ó` yaaiñ` jō sí' rúíñ` lala:

—Má-aa' fí Belén. Mane`duu' jalé' e nicajíng'- Fí'naa' Fidié` quia'- jalé' e nicalí- jmii` na.

16 Jō catam'- i dsea` do fí lajminá-, jō mi~ caguiliñ` fí Belén, cadséiñ` Yá` cóo' Sé` jōgui i yuub` do e ráaiñ` dsí' coo` ni'núu` lí gø' jó'.

17 Jō mi~ cangí e cangáñ` i yuub` do, jō canaam`bre ni'r` júu` lajii~ e cajíng'- i ángel do cuaiñ` quíaiñ` do.

18 Jō jaléng' dsea` i canúu- e júu` jō dsíng'- cangogá` dsír'.

19 Jō dsíng'- calí dsí' Yá` quia'- jalé' e calí- ie~ jō, jōgui ca'mea`bir e júu` jō fí dsí' moguir`.

20 Jō mi~ cangí jō, caquim'-tu i dsea` jmóo` í' jō'se` do. Jō lajee` ngolíñ` jō ør` quia'- Fidié` jō dsíng'- jmiféiñ` Fidié`, co' calitib` lajii~ júu` e quie' i ángel do ie~ jō.

Mi~ cangojéiñ` Jesús fí guá'- fé' e si' fí Jerusalén

21 Jō mi~ cadsí'- i yuub` do jñiá- jmii~, jō cangojéeng`neiñ` e cató- lí fí ngúu` táaiñ` laco' quí- táng` dsea` Israel. Jō dsífi` ladob catéer` e calisiñ` do Jesús lí laco'gui cajíng'- i ángel do casí'r- Yá` lajii~ mi~ ná- gui e nidsiquiéiñ` i yuub` do.

22 Jo mi~ cangî jo, mi~ cadsí' Yá^ tuló~ jmi~ e caliséng` i yuu` do, cajmiti~bre lajii~ júu^ e casée' Moi' e 'né~ nilí, joguiba' cangoliñ^ cangojéeng` neiñ' fí' guá'- fé' e si' fí' Jerusalén e laco' nidsijeáang~ neiñ' fí' quini~ Fidiée'.

23-24 Jo mi~ nití- í' e nidsilíng~ dsea` Israel sinúu^ guá'- cóo~ yuu` siñuu^ la'uii~ i liseeng` quiá'r~, 'né~ jéeng` sejmií i yuu` do gáng~ bõsi~ osi gáng~ mee~ quiá'- e nijngáng'- jmidsea' fí' nife' quiá'- e sinúu^ guá'- do. Jo jalé' e jo cajmée` i Sé^ do cóo~ i Yá^ do ie~ jo, co' lalab ta~ caquiá' Fidiée' malí~ gui eáang': "Song i~ caliséng` yuu` siñuu^ la'uii~ quiá'-, í'bing' i nijmé~ ta~ lí^ lajii~ e iing~ Fidiée'."

25 Jo ie~ jo seeng` jaang` dseañu' fí' Jerusalén i sii` Simeón, jaang` dseañu' i guiúng~ eáang', jo dsíng'- jmiféiñ' Fidiée', jogui sijeeiñ' i nisíng~ Fidiée' i nileáang~ dsea` góor` dsea` Israel jee~ jalé' dsee~ quiáiñ'. Jo jéeb' Jmiguí quiá'- Fidiée' quiá'- i Simeón do,

26 jo la'eáang' cóo~ e joba' caliñir' lajii~ lami~ jéeng` gui e ja` nijúuiñ' e ja` mí' cangáaiñ' Dsea` Jmáang~, dsea` i nisíng~ Fidiée' do.

27 Jo ie~ jo cajmée' Jmiguí quiá'- Fidiée' e cangó~ Simeón fí' guá'- fé' e si' fí' Jerusalén. Jo mi~ caguiér~ e fí' guá'- jo, fí' job nitaang~ Yá^ cóo~ gui Sé^ e jeeiñ' i yuu` Jesús do e jmóor` jalé' ta~ e caquiá' Fidiée' e 'né~ lí'.

28 Jo mi~ cangáng~ Simeón i yuu` do jo casang'- neiñ' jo canaaíñ' jmiféiñ' Fidiée' jo cajíñ'-:

29 Gui'máam'~ba' Fíi'naa' Fidiée', co' nicalitib~ lajii~ júu^ quií'- e cajmée'~ jnea~ jéeng` gui. Joba' dsíng'- iáang` dsii~ lana, jo nicuøøm` nitøø'- jnea~ fí' ñifí~ quií'-, jnea~ dsea` i jmóo' lajii~ e iing~ 'na';

30-31 co' nicamám~baa i yuu` la, dsea` i nileáang~ jnea'^ jee~ jalé' dsee~ quií'-ii', dsea` see~naa' fí' jmigüí la.

32 Co' i lab dsea` i líng' e jí' e jneá' jee~ jaléng' dsea` jmigüí, jogui la'eáang' i lab cajo e nijmí'gó' dsea` jaléng' dsea` quií'- dsea` Israel.

33 Jo dsíng'- cangogá' dsí' Yá^ cóo~ gui Sé^ quiá'- jalé' e cajíng'- i Simeón do uii~ quiá'- i yuu` do.

34 Jo mi~ calí- e café' Simeón lajo, jo cataiñ'- güea'^ i yuu` do cóo~ sejmiíñ' jogui cajíñ'- casí'r- Yá^:

—I yuu` la nisi'íiñ^ mi~ nicuáiñ` e niguiár~ júu^ jial nijmicuíng` dsea` Fidiée', joba' fím' dsea` jmigüí niquí'- jíng' yaaiñ' fí' quini~ Fidiée'. Dsu' seem` dsea` i ja` ni'íng' jalé' júu^ e niguiáiñ'- do, co' ja` nití- dsí'r,

35 co' niguiéeb' jmi~ mi~ nilidseáang' dsí' jial í' dsí' lajaang` lajaang` dsea` jmigüí. Jogui 'na' dsíng'- nilijiuung~ o' mi~ nijmeáang' dsea` i yuu` la quií'- mi~ níféiñ'.

36 Jo mi~ calí- e fé' Simeón lajo, jo cajám'bre i yuu` do cóo~ sejmiíñ'. Jo dsifí' ladob cangoquiéeng' jaang` dseamí i sii` Aa~ fí' lí' sing' Yá^ cóo~ gui Sé^ e jeeiñ' i yuu` do, jo fé' i dseamí i sii` Aa~ do cuaiñ' quiá'- Fidiée' cajo, jo i dseamí í' líiñ' jóo' jaang` dseañu' i sii` Fanuel i líng' dsea` siju~ jaang` dsea` i calisí' Aser. Jo i dseamí do eáam' niyúíñ'; ochenta y cuatro jii` níngóo' e 'níiñ' jo le'eáam^bir eáang' mi~ cacúng'- guór, jo guié~ jii' mi~ cangí' gui lajo, cajúm~ dseañu' quiá'r-.

37 Jo contøøm~ iuuiñ' sinúu^ guá'- e jmitir~ lajii~ e iing~ Fidiée' e jmiféiñ' dsea` do jogui e jmóor` ayuno cajo.

38 Jo mi~ cangáíñ' i yuu` Jesús do, jo cacuø'r' gui'máang' Fidiée' uii~ quiáiñ'. Jo mifíng' canaaíñ' jma'r' júu^ jaléng' i dsea` i sijeeng' i dsea` i nisíng~ Fidiée' e quiá'- nileáiñ' dsea' jee~ dsee~ quiá'r- jo cajíñ'- casí'-reiñ': "I lab i yuu` i cajíng'- Fidiée' i nisíñ' i ni'íng' dsee~ qui'naa'."

Mi~ cangolíng tu Yá^ cóo~ Sé^ fí' Nazaret

39 Jo mi~ cangí' e cajmiti~ sejmií' Jesús jalé' e ta~ huí' fí' ní' jí' quiá'- Fidiée' do, cangolíng tur cóo~ i yuu` do fí' Nazaret fí' lí' se' Galilea.

40 Jo cuaam` Jesús lajee` jo laco` ngóor` jmí, jo dsíng`- ngóo` litíiñ, jo eáam` jmigüeang` Fidiée` ír.

Mí` cajé` Jesús fí` dsí` guá`- fé` e sí` fí` Jerusalén

41 Jo laco` jii` mí` tí` jmí Pascua quiá`- dsea` Israel, nitíng` sejmí` Jesús e dsilíiñ` fí` Jerusalén.

42 Jo ie` mí` cadsí`- i jiuung` do guitu` jii, jo fí` job cangór` cóo`- sejmíir` cóo`- jaléng` dsea` sínáú` quiá`r` jogui cóo`- jaléng` dsea` i neáng` fí` Nazaret. Jo fí` job cajé` lajaléng` i dsea` do lajee` catí` e jmí do.

43 Jo mí` cadséng`- e jmí do, jo cangolíim`tur lajaléiñ` do fí` Nazaret,

44 dsu` dob nicajé` i jiuung` Jesús do fí` Jerusalén. Jo ja` nicalilí` sejmíir` e nicajer`, có` líiñ` e jee` i dsea` caguiaang`- dob ngaiñ`. Jo catam`- bre fí` lajaléiñ` do lajee` cóo` jmí.

45 Jo mí` caniúíñ` guiá` fí, jo ca'naiñ`- Jesús jee` jaléng` i dsea` caguiaang`- do, dsu` jo lí` cadséng`- neiñ` do. Joba` caquim`-tur fí` Jerusalén e cango`néeiñ` i jiuung` do.

46 Jo mí` caguilíng`-tur fí` Jerusalén, jo ja` cadséng`- neiñ` dsifí` lado car` mí` cadsíng`- ní` jmí gui lajo, joguiba` cadséng`- neiñ`. Dsu` fí` guáb`- guíiñ` do e núur` e síng` jaléng` tifa` quiá`- júu` quiu` ta` quiá`- dsea` Israel, jogui jmguiab` jalé` e jming`- rúng` Jesús cóo`- jaléng` i dsea` í.

47 Jo jaléng` dsea` i teáng`- núu` jial ngí` i jiuung` Jesús do dsíng`- dsigá` dsíir`, có` tím`biñ` eáang`.

48 Jo mí` cangá`- sejmí` Jesús e dob guíiñ`, jo dsíng`- cango`gó` dsíir` jo cajíng`- niquiá`r` casí`-reiñ`:

—Yuu` qui`-ii!, ¿jiali` cajmeáan`- jnea` lana? Dsíng`- nicajmó`oo` fí` cóo`- tiquí`, jo dsíng`- nica`néeng`- naa` 'nu`.

49 Joba` cañí` Jesús quiá`- niquiá`r` jo casí`-reiñ`:

—¿jiali` ngí`na` 'náng`na` jnea`? ¿Su ja` ní`na` e` ta` nisí`ín`n e nijmee` e quiá`- Tiquié` e dsea` guíng`- ñifí`?

50 Dsu` i sejmíir` do ja` cangáiñ` jiali` cajíng`- i jiuung` Jesús do lado.

51 Jo mí` calí`- síiñ` e jo, jo cangolíim`tur laji` gaaiñ` do fí` Nazaret. Jo dsíng`- guíung`- Jesús cóo`- sejmíir`, jo dsíng`- náur`- cajo. Jo eáam` iáang` dsíi` niquiá`r` mí` ca`í`- dsíir` quiá`- jalé` e cangojée` ie` jmí jo.

52 Jo lajee` jo cuaam` Jesús, jo ngóo` litíng`guir laco` jmí, jo dsíng`- iáang` dsíi` jaléng` dsea` cóo`r`, jogui lajobi Fidiée` cóo`- ír cajo.

3

Mí` canaang` Juan i seáang` dsea` jmí` e guiar` júu` quiá`- Fidiée`

(Mt. 3:1-12; Mr. 1:1-8; Jn. 1:19-28)

1 Jo ie` jo níngóo` guíñiá` jüing` e líng` Tiberio dseata` dsea` féng` quiá`- fí` la'úng`- fí` jmgüí. Jo seeng` quiúung`- dseata` dsea` nu`luu` quiá`r`, jaang` i sii` Poncio Pilato i guíng` líng` ta` fí` Judea, jo jaang` i sii` Herodes i líng` ta` fí` Galilea, jo seeng` jaang` rúng` dsea` ngáang`- cóo`- Herodes i sii` Lií` i guíng` líng` ta` fí` Iturea cóo`- cóo` lí` sii` Traconite, jogui jaang` i sii` Lisanías i guíng` fí` cóo` lí` sii` Abilinia.

2 Jo ie` jo seeng` gáng`- jmidsea` laniing`, jaang` i sii` Anás cóo`-gui jaang` i sii` Caifás. Jo ie` jo cajo i Juan do i líng` jóo` Zacarías guíiñ` fí` jee` uó`- quiú` mí` café` Fidiée`- caféng`- neiñ` e nicatíb`- í` e nináiñ` do e niguiár`- júu` quiá`- Fidiée` fí` jee` dsea` jmgüí.

3 Jo mí` cahu`- ta` lajo, jo dsifí` lajob cangó`- i Juan do fí` gua` Jordán, jo fí` job canaaiñ` e guiar` júu` quiá`- Fidiée` fí` quini` dsea` i caseáng` fí` lacuee` e gua` do ie` jo. Jo fí` job e`r` jaléng` dsea` i guilíng`- do, jo sí`-reiñ` e 'né`- niquí`- jíng` yaaiñ` fí` quini` Fidiée`, jo lajoguiba` e nisáiñ` jmí` e laco` cuó` lí` e cajmée` dsea` do lajo.

4 Jo e jo cangojée` lí` laco` fé` fí` ní` jii` quiá`- Fidiée` e cajme` Saí` malí`-gui eáang`, jaang` dsea` i café` cuaiñ` quiá`- Fidiée`, lí` fé` lala:

Ngí jaang` dsea` i fé` teá` fí` ní` guóo` uó` quiá` jò fé`r` lala:

“Jmeáang`na` guiá` fí,
jogui nea`na` condsée,
cò` lana tí` lí` nijáab` Fí`naa`.

⁵ Jò jmiróò`na` lacaang` guiá` fí,
jò jmiróò`na` lacaang` lí` jung`,
jò jmee`na` condsée` fí` lacaang` lí` tu` fí,
jò jaléb` fí` nilí` røø`.

⁶ Jò jalém` dsea` jmigüü` nilí`r` jial e nileáin` jee` jalé` dsee` quiá`r` la`eáang` cóo` i dsea`
í`.”

Jò jalé` e na cajíng` Saí` fí` ní` jì` quiá` Fidiée`.

⁷ Jò mí` caguilíng` dsea` i iing` nisáng` jmí` e fí` gua` lí` táang` i Juan i seáang` dsea` jmí`
do, jò casí` i Juan do lajaang` lajaang` i dsea` i caguilíng` do íe` jò:

—Jóo` jaléng` mí` guíng` `nú`! ¿I` cajme` `nú` júu` e lala cuóøng` nileáng`na` lajii` iihuí`
e nijaquíéng` jmí` na?

⁸ `Né` nijmiliing` yaang`na` e laco` nilí` jaléng` dsea` rúng`na` e dseáng` e já`ba`
nicaquí` jíng` yaang`na` fí` quini` Fidiée`. Jò ja` jmigóøng` yaang`na` e nileáng`na` jee`
dsee` quiá`na` dsu` uí` e Abraham líin` `lí` yáa` qui`na`, cò` e já` e fí` i `nú` e cuóøm`
jmé` Fidiée` siju` Abraham jalé` cuu` e née` la faco` iin` lajò.

⁹ Cofa` jaléng` dsea` i ja` qui` jíng` yaang` fí` quini` Fidiée` líin` laco` e `ma` ofí` e ja`
dseeng` ofí` e cuø, jòba` huí` e `ma` do jò dsitoo` fí` ní` jì` lafa` cuí`b, cò` ja` ee` ta` íng`
jii` cóo`.

¹⁰ Jò mí` canúu` jaléng` i dsea` do jalé` e café` i Juan i seáang` dsea` jmí` do, jòba`
cajmingi` reiñ` do lala:

—¿Jial ní`ee` jnea` guiá` cóo` Fidiée`?

¹¹ Jòba` cañí` i Juan do jò casí`r` i dsea` do:

—E laba` `né` nijmee`na`: Ii` `nú` oo`na` tú` `mí` qui`na`, `né` nicuó`na` cóo` jaang` dsea`
i ja` sea` quiá`; jogui ii` `nú` sea` e ø`na`, `né` nicuó`na` jmá` jia` cóo` jaléng` i ja` sea` e
dó`.

¹² Jò lajee` síng` Juan i seáang` dsea` jmí` do cóo` i dsea` do, jòba` caguilíng` cóo` tú`
míng` no dsicuu` i iing` nisáng` jmí`, jò cajmingi` i Juan do jò cajíñ`:

—Tifa`, ¿e` `né` jmó` jnea` e laco` ní`ee`naa` guiá` cóo` Fidiée`?

¹³ Jòba` cañí` i Juan do quiá` i no dsicuu` do jò casí` reiñ`:

—E laba` `né` nijmée` `nú`: Jò` mí`na` cuu` quiá` dsea` e jmigui`gui laco` ta` qui` fí`
ní` jì` quiá` dseata`.

¹⁴ Jò lajee` síng` i Juan do cóo` i no dsicuu` do, caguilíng` cóo` tú` míng` `lée` fí` lí`
táaiñ` jò cajmingi` reiñ`:

—Jogui jnea`, ¿e` `né` nijmó`naa` e laco` ní`ee`naa` guiá` cóo` Fidiée`?

Jòba` cañí` i Juan do jò casí`r` i `lée` do:

—E laba` `né` nijmití` `nú`: Ja` ee` uóø`na` quiá` dsea` laguidseang`, o`gui fong`na`
dsea`, o`gui jmoo`na` dsee` quiá` dsea` e ngí`gui, o`gui ní`ning`na` dsea` e ja` ee` mí`
cajméer` jii` cóo`; jò güilí`iáang` óo`na` cóo` lajii` e `léng`na`.

¹⁵ Jò lajee` fé` i Juan do e júu`na, jò jaléng` i dsea` caguiaang` do í` dsíur` e` nilí` jogui` í`
dsíur` su Dsea` Jmáam` i Juan i seáang` dsea` jmí` do.

¹⁶ Jò mí` calilí` i Juan do e í` dsíur` i dsea` do lajò, jòba` casí` reiñ` jò cajíñ`:

—E já`, jnea` seáan` `nú` jmí` cóo` layaang` jmí`, jò dsu` nabi` nijáa` jaang`gui dsea`
i niseáng` `nú` jmí` cóo` Jmiguí` quiá` Fidiée` jogui` cóo` jì. Jò i dsea` í` `gøng`gui`
laco` jnea` e jii` jnea` ja` catíin`n fa` nisí` i capi` `ní` `núu` lomíir`. Cò` jnea` nicaseán`n
jaléng` `nú` jmí` cóo` layaang` jmí` e laco` cuø` lí` e nicaquí` jíng` yaang`na` fí` quini`

Fidiée˘; dsu' ír mi~ nigüéeiñ˘ niseáiñ˘ 'nú' jmiñ˘ cóo' Jmiguí˘ quíá'˘ Fidiée˘ e laco' cuø' lí˘ e nicangíng'na' Jmiguí˘ quíá'˘ dsea` do.

17 Jo quieḅ' dsea` do e jmáiñ' ta~ quíá'˘ e nisíñ' micui'iee˘, jo nisér˘ ca' e qui' quíá'˘ do. Jo dsu' e micui'iee˘ do ni'meár˘ fí' dsí' sinúu˘, jogui e qui' quíá'˘ nijí˘ bre fí' lí˘ coo' jí˘ e ja' tóo' jmiñ˘ yu'.

18 Jo jmang'˘ cóo'˘ júu˘ lanaba' caféng'˘ i Juan do jaléng'˘ i dsea` do, jo ca'e'reiñ' jalé' júu˘ quíá'˘ Fidiée˘ quíá'˘ jial laang` dsea` jee˘ jalé'˘ dsee˘ quíá'r˘.

19 Jogui caféng'˘ i Juan do jaléng'˘ dsea` e ja' dseeng` laco' jmóo'˘ i dseata~ Herodes do e jéeiñ˘ lafa' dseamí˘ quíá'r˘ oo~ dseañu˘ rúñ'˘ dsea` ngáang'˘ cóo'r˘ i sii` Lii˘, jogui cajíñ˘ dseata~ Herodes cóo'˘ jalé'˘ e ga' e jmóoiñ'˘ do.

20 Jo mi~ caliñí' i dseata~ do lajii'˘ e júu˘ e fé'˘ i Juan do uí'˘ quíá'r˘, joba' dsíng'˘ caliguiñ˘ jogui cajméer˘ cóo'gui e ga', co' caquiur' ta~ e catam'˘ i Juan do, jo 'nuñib˘ catang'˘ neiñ'˘ do.

Mi~ cajgáang˘ Jesús jmiñ˘
(Mt. 3:13-17; Mr. 1:9-11)

21 Jo dsu' nú'˘ gui e ni'í' i Juan do 'nuñí', lajee˘ cateáaiñ˘ fí' gua` Jordán e seáaiñ˘ dsea` jmiñ˘, jo cóo' jmiñ˘ caguié˘ Jesús fí' jo, jo cajgáaiñ˘ jmiñ˘ cajo. Jo dsifí' mi~ cangí e jo, jo caféng'˘ Jesús Fidiée˘ dsea` guíing˘ ñifí˘, jo lajee˘ jo cana' cateá' fí' ñifí˘,

22 jo fí' job cajgó˘ Jmiguí˘ quíá'˘ Fidiée˘ e líing˘ jaang` mee˘ fí' yá'˘ mogui~ Jesús, jo cana' e líing˘ ií' guicafé'˘ fí' yá'˘ jmiñ˘ jo guicajíñ'˘:

—'Nub` Jóo'˘ i 'neáan`n eáang', jo dsíng'˘ iáang` dsii˘ cóo'˘ 'nu'.

Jaléng'˘ 'lí' yáa'˘ quíá'˘ Jesús
(Mt. 1:1-17)

23 Jo guigui' jii˘ níngoo' Jesús mi~ canaaíñ˘ jmóor' ta~ e sí'íñ˘. Jo jaléng'˘ dsea` líiñ˘ e i Sé˘ do tiquiá'˘ Jesús. Jo tiyáa'˘ quíá'˘ Jesús siir` Elí,

24 jo tiquiá'˘ Elí siir` Matat, jo tiquiá'˘ Matat calisír` Leví, jo tiquiá'˘ Leví calisír` Melqui, jo tiquiá'˘ Melqui calisír` Jana, jo tiquiá'˘ Jana calisír` Sé˘,

25 jo tiquiá'˘ Sé˘ calisír` Matatías, jo tiquiá'˘ Matatías calisír` Amós, jo tiquiá'˘ Amós calisír` Nahum, jo tiquiá'˘ Nahum calisír` Esli, jo tiquiá'˘ Esli calisír` Nagai, jo tiquiá'˘ Nagai calisír` Maat,

26 jo tiquiá'˘ Maat calisír` Matatías, jo tiquiá'˘ Matatías calisír` Semei, jo tiquiá'˘ Semei calisír` Sec, jo tiquiá'˘ Sec calisír` Judá,

27 jo tiquiá'˘ Judá calisír` Joanán, jo tiquiá'˘ Joanán calisír` Resa, jo tiquiá'˘ Resa calisír` Zorobabel, jo tiquiá'˘ Zorobabel calisír` Salatiel, jo tiquiá'˘ Salatiel calisír` Neri,

28 jo tiquiá'˘ Neri calisír` Melqui, jo tiquiá'˘ Melqui calisír` Adi, jo tiquiá'˘ Adi calisír` Cosam, jo tiquiá'˘ Cosam calisír` Elmodam, jo tiquiá'˘ Elmodam calisír` Er,

29 jo tiquiá'˘ Er calisír` Josué, jo tiquiá'˘ Josué calisír` Eliezer, jo tiquiá'˘ Eliezer calisír` Jorim, jo tiquiá'˘ Jorim calisír` Matat,

30 jo tiquiá'˘ Matat calisír` Leví, jo tiquiá'˘ Leví calisír` Simeón, jo tiquiá'˘ Simeón calisír` Judá, jo tiquiá'˘ Judá calisír` Sé˘, jo tiquiá'˘ Sé˘ calisír` Jonám, jo tiquiá'˘ Jonám calisír` Eliaquim,

31 jo tiquiá'˘ Eliaquim calisír` Melea, jo tiquiá'˘ Melea calisír` Mainán, jo tiquiá'˘ Mainán calisír` Matata, jo tiquiá'˘ Matata calisír` Natán,

32 jo tiquiá'˘ Natán calisír` Daví˘, jo tiquiá'˘ Daví˘ calisír` Isaí, jo tiquiá'˘ Isaí calisír` Obed, jo tiquiá'˘ Obed calisír` Booz, jo tiquiá'˘ Booz calisír` Salmón, jo tiquiá'˘ Salmón calisír` Naasón, jo tiquiá'˘ Naasón calisír` Aminadab,

33 jo tiquiá'˘ Aminadab calisír` Aram, jo tiquiá'˘ Aram calisír` Esrom, jo tiquiá'˘ Esrom calisír` Fares, jo tiquiá'˘ Fares calisír` Judá,

³⁴ jə tiquiá'^ Judá calisír` Jacóó^, jə tiquiá'^ Jacóó^ calisír` Isáa', jə tiquiá'^ Isáa' calisír` Abraham, jə tiquiá'^ Abraham calisír` Taré, jə tiquiá'^ Taré calisír` Nacor,

³⁵ jə tiquiá'^ Nacor calisír` Serug, jə tiquiá'^ Serug calisír` Ragau, jə tiquiá'^ Ragau calisír` Peleg, jə tiquiá'^ Peleg calisír` Heber, jə tiquiá'^ Heber calisír` Sala,

³⁶ jə tiquiá'^ Sala calisír` Cainán, jə tiquiá'^ Cainán calisír` Arfaxad, jə tiquiá'^ Arfaxad calisír` Sem, jə tiquiá'^ Sem calisír` Noé, jə tiquiá'^ Noé calisír` Lamec,

³⁷ jə tiquiá'^ Lamec calisír` Matusalén, jə tiquiá'^ Matusalén calisír` Enoc, jə tiquiá'^ Enoc calisír` Jared, jə tiquiá'^ Jared calisír` Mahalaleel, jə tiquiá'^ Mahalaleel calisír` Cainán, jə tiquiá'^ Cainán calisír` Enós,

³⁸ jə tiquiá'^ Enós calisír` Set, jə tiquiá'^ Set calisír` Adán, jə tiquiá'^ Adán 'ñia' Fidiée`.

4

*Mi~ cajmée` fii` i` 'ling'^ quijí` jial niróng` Jesús dsee`
(Mt. 4:1-11; Mr. 1:12-13)*

¹ Jə ie~ jə, mi~ cangf e canghng` Jesús Jmiguu` quiá'- Fidiée`, jə e Jmiguu` do cangojéeng` ír` fí` jee~ uó~ quiú`,

² jə fí` job cajer` lajee` tuló~ jmi~. Jə lajee` jə ja` e cagó'r` jii~ capí`. Jə lajee` táaiñ` fí` jə, jə caguié` fii` i` 'ling'^, jə cajmée` quijí` jial e niróng` dsea` do dsee`. Jə mi~ cangf e tuló~ jmi~ do, jəguiba' cadseá~ jmi'aang` Jesús jóng.

³ Jə dsifí` lajob cajíng` fii~ i` 'ling'^ casí'r` dsea` do:

—jə song já'- e 'nə` lin' i` Joo' Fidiée` camhng` do, joba' jmee` e ni'uíng` iñí'^ e cuu~ née` la!

⁴ Joba' cañi` Jesús quiá'- fii~ i` 'ling'^ do jə casí'-reiñ':

—Lalab fé' fí` ni~ jì` quiá'- Fidiée`: “Ja` niliseeng` jaléng` dsea` jmi`guu` juguiú` e lico' ni'f` nidó'r` jalé` e sea` fí` jmi`guu`. Co' 'né` nijmiti`bre jalé` ta` quiu' fí` ni~ jì` quiá'- Fidiée`, jə lajoguiba' e niliseeñ` juguiú` jóng.”

⁵ Joba' cajmée`tu fii~ i` 'ling'^ quijí` jial e niróng` dsea` do dsee`, jə cangojéeiñ` dsea` do fí` coo` yá'^ mó' e ñí' eáang', jə ca'e'reiñ' jalé` fii` e sea` fí` la'úng` fí` jmi`guu` dseáng` lajee` cateá`.

⁶ Jə cajíñ` casí'r` dsea` do:

⁷ —Jalé` e la nicuøø` quií'- cóo~ jalé`gui e jlo` e sea` fí` jə song nisi'^ uó~ jni'^ jə nijmifén' jnea~, co' e quié`baa lajalé` e na, jə jneab` cuóøng` jmee` e guié` jə cuóøm` cuóøø` doñí` ii` i` iin`n.

⁸ Dsu' dsifí` ladob cañi`tu Jesús quiá'- fii~ i` 'ling'^ do jə casí'-reiñ':

—Güihuíng` cáan`n, Satanás, dsuco' lalab fé'gui fí` ni~ jì` quiá'- Fidiée` cajo: “Jii~ Fidiée` dsea` guíng` ñifí`bing' nijmifén', jə jii~ ta` quiu' í`bre e nijmití'^ cajo.”

⁹ Jə mi~ cangf jə, cajmée`tu fii~ i` 'ling'^ quijí` jial niróng` Jesús dsee`, jə cangojéeiñ` dsea` do fí` yá'^ guá'- fé' e si' fí` Jerusalén jə cajíñ` casí'r` dsea` do:

—Song já'- e 'nə` lin' i` Joo' Fidiée` camhng` do, laco' tee` ee' tí` yá'^ la bíng` uø' cartí` uii~,

¹⁰ co' lalab fé' fí` ni~ jì` quiá'- Fidiée`:

Fidiée` niquiú'r` ta` jaléng` ángeles quiá'r` e nijmér` í` 'nə`,

¹¹ jə nisaiñ' 'nə` cóo~ guóor` lajee` guiáang` guo' guiá'^ güí', jə lajoba' ja` nilihuín` mi~ nititáan` fí` ni~ uó~.

¹² Dsu' Jesús cañi`tur quiá'- fii~ i` 'ling'^ do jə casí'-reiñ':

—Dsu' lalab fé'gui cajo fí` ni~ jì` quiá'- Fidiée`: “Ja` jmoo` jial ni'é` Fii' Fidiée` dsee`.”

¹³ Jə cóo~ e job catí` ní` née` e jmóo` fii~ i` 'ling'^ quijí` jial e niróng` Jesús dsee`, dsu' jii~ coo` née` ja` calí'r` lajo. Jə mi~ cangf jə, mi~ jə ñí' fii~ i` 'ling'^ jial nijmér` e niróng` Jesús dsee`, joba' catiúum`bre dsea` do, jə cangohuím`bre lajee` cateá`.

Mi~ canaang` Jesús jmóor` ta~ quiá'r- fí lí se' Galilea

(Mt. 4:12-17; Mr. 1:14-15)

14 Jo mi~ cangí jo, cangám'-tu Jesús fí lí se' Galilea, jo la'eáang' cóo'~ jalé' bí 'gøng' quiá'- Jmiguí quiá'- Fidié~ canaang` ni' júu^ quiá'r- fí lacoo' fí e néé' fí la'úng- lí se' fí jo.

15 Jo mi~ niguiéer' lacoo' fí lí dséer', dsifí ladob ír' fí dsí' guá'- quiá'- dsea` góor` dsea` Israel, jo fí job e'r' jaléng' dsea` i dsilíng- fí guá'- do jalé' júu^ quiá'- Fidié~. Jo jaléng' dsea` i núu` júu^ quiá'r- eáam' jmiféiñ' dsea` do.

Mi~ cangáng'-tu Jesús fí Nazaret

(Mt. 13:53-58; Mr. 6:1-6)

16 Jo ie~ jo, lajee~ ngí Jesús fí lí se' Galilea, jo caguiéng'-tur fí Nazaret fí lí cacuaiñ-. Jo mi~ jmí~ e jmi'íng' jaléng' dsea` góor` dsea` Israel, dséer' fí Sinúu^ guá'- laco' jji~ e tñiñ` 'ñia'r'. Jo lajee~ táaiñ` fí e sinúu^ guá'- do, jo casíng' 'ñia'r' jee~ jaléng' dsea` góor',

17 jo ca'íñ' cóo' jì e ca'ír' lí tóo' jalé' júu^ quiá'- Fidié~ e cajme' Saíí, jaang` dsea` i café' cuaiñ~ quiá'- Fidié~ mali'gui eáang'. Jo mi~ caneáar' e jì do, joba' cadsér' lí tóo' lala jo ca'ír':

18-19 E Jmiguí quiá'- Fii~ Fidié~baa' e jéeng` jnea~, co' caguíng' Fidié~ jnea~ e laco' niguiaa^ jalé' juguiá- quiá'r- fí jee~ jaléng' dsea` tiñíng-: jogui nicasíñ` jnea~ cajó e laco' niguiaa^ juguiá- quiá'- e nileáang' jaléng' i dsea` i lafa' 'ñúung' cóo'~ dsee- quiá'-,

jogui e nijmee~ e e nilíjné'tu jaléng' dsea` tiuung-, jogui e nilaan- jaléng' dsea` i íng' iihuí' quiá'- dsea` rúng', jogui e nijmées' e júu^ e nicatíb' í' e nijmés' Fidié~ e ni'uíng- guiá- quiá'- dsea` jmigüí. Jo lanab jji~ lí júu^ e fé' fí ni~ jì quiá'- Fidié~.

20 Jo mi~ calí- e í Jesús e júu^ do, jo cajníb'tur e jì do jo cajá'r' i dsea` néé' ni~ e guá'- do, jo caguáb'tur. Jo jalém' i dsea` teáang' sinúu^ guá'- do teáaiñ- jòoiñ- Jesús.

21 Joba' canaang` Jesús s'ír' jaléng' i dsea` do jo cajíñ'-:

—E jmí~ na nicaliti~ jalé' e nicanúu- 'nú' e tóo' e fí ni~ jì la.

22 Jo jaléng' dsea` i teáang' dsíí e guá'- do dsíng'- dsigá' dsíir' jalé' júu^ quiá'- Jesús, jogui jmang'- juguiáb- fé'r' quiá'- dsea` do, jogui jmingí'- rúíñ' la'ó' yaaíñ~:

—¿Su o' i nabi jóo' Sé^ i guíing~ fí fí la?

23 Joba' cañíi' Jesús cas'ír- jaléng' i dsea` do jo cajíñ'-:

—Ja` ngám- nisí' 'nú' jnea~ jji~ laco' júu^ róo': “Tímí~, jmee- mí~ quíi' uo'”; osi nifo'bi' é: “¿Jialí' ja' jmées' fí góo'- la lajalé' e nicaimee'- fí Capernaum?”

24 Jo cajíng'-gui Jesús cas'ír- jaléng' i dsea` do:

—Jo jnea~ jmitaa- óo'na' e jji~ jaang` dsea` i fé' cuaiñ~ quiá'- Fidié~ ja' íng' dsea` góor' ír'.

25 ¿Já^ tóo' óo'na' jalé' e fé' fí ni~ jì quiá'- Fidié~ e calí- mali'gui eáang' mi~ cajá- Líí i café' cuaiñ~ quiá'- Fidié~? Co' ie~ jo ja' catuu` jmí' fí Israel lajee~ 'ní jíing` dsí ca'ná', jogui dsíng'- cajá- oo- cajó.

26 Jo dsu' ie~ jo ja' caquiú' Fidié~ ta~ fa' e cajmées' Líí e guiá- quiá'- i dseamf' dsea` góor' i 'nái-, co' caquiú' dsea` do ta~ e cajmées' i Líí do e guiá- dsu' quiá'- jaang` dseamf' i 'nái- i guíing~ fí lí huíí^ eáang' fí cóo' lí sii' Sarepta quiá'- lí néé' fí Sidón.

27 Jo lajob calí- cajó ie~ malí~gui eáang' mi~ cajá- Cheey~, jaang` dsea` i café' cuaiñ~ quiá'- Fidié~. Co' fím' dsea` Israel dsea` góo' Cheey~, calidsées'r' e cacár- jmohuí' 'lí' fí ngúu' táaiñ` ie~ jo, dsu' jji~ jaang` i dsea` góor' fa' cajmi'leáaiñ-. Co' camíng'- dsea` i sii' Naamán i guíing~ tí lí huíí^ eáang', tí lí se' Siria, jji~ íbing' i ca'láang-, co' lajob ta~ caquiú' Fidié~.

28 Jo mi~ canúu- jaléng' i dsea` i teáang'- dsíí sinúu^ guá'- do jalé' júu^ quiá'- Jesús jo dsíng'- caliguiñ-.

29 J_oba' caguim`bre dsea` do sinúu` guá'-, j_o ca'óøng`neiñ' catí' guiée'~ fií, j_ogui can-gojéeng`neiñ' cartí' coo` yá'` jiáa'. J_o fí' j_ob lí~ lamí~ iin~ nibíin~ dsea` do, co' í' dsíir' e nijngám'~breiñ'.

30 J_o mi~ caguiliñ~ tí' e yá'` jiáa' do e lí~ í' dsíir' e nibíin~ dsea` do, j_o dsu' Jesús caquim'~tur j_o cangíin' jee~ jaléng' i dsea` do, j_o jíi'~ coo` j_o' ee` cajméeiñ' do quiá'r~.

Jaang`dseañu` i jée' i 'ling'` quiá'-

(Mr. 1:21-28)

31 J_o mi~ cangí' j_o, j_o cangób~tu Jesús fí' Capernaum fí' lí~ se' Galilea. J_o mi~ caguiér~ e fí' j_o, j_o ca'ír~ fí' dsíí' sinúu` guá'- quiá'- dsea` góor` dsea` Israel, j_o fí' j_ob canaaíñ' e'r' jaléng' i dsea` í' jalé'` júu` quiá'- Fidiée` lajee` jmíi~ e jmi'íng' jaléiñ' do.

32 J_o dsíng'~ dsigá' dsíí' jaléng' dsea` i núu` júu` quiá'r~, co' fé'r' lí' laco' jaang` dsea` i óo` ta~.

33 J_o e fí' guá'- do e lí~ caguié~ Jesús e cango'éer` dsea` júu` quiá'- Fidiée`, j_o fí' j_ob nising' jaang`dseañu` i jée' i 'ling'` quiá'- . J_o cajmée` i 'ling'` do e ca'óo` i dseañu` do ga` eáang', j_ogui café'r' j_o cajíñ'~ lala:

34—Jéeng'~ na, Jesús, dsea` seeng` fí' Nazaret. ¿Jialí'` ñijmiguíin'` jnea'`? ¿Su cañí'~ e ni'íin'` jnea'`? Cuíim`baa'` nu~, j_oba' ne~naa' e lin' dsea` güeang'` quiá'- Fidiée` dsea` guíing` ñíí'~.

35 J_oba' cajíng~ Jesús i 'ling'` do j_o casí'~ reiñ':

—i Tii~ íí' moní'`, j_o tiúung` i dseañu` na lana!

J_o mi~ cajíng'~ Jesús laj_o, j_o dsifí' ladob cajmée` i 'ling'` do e caquíng'~ i dseañu` do fí' quini` jaléng' i dsea` teáang'~ dsíí' sinúu` guá'- do. J_o j_ogui'ba' catiúung~ i 'ling'` do i dsea` do, j_o jíi'~ coo` j_o' ee` cajmeáiñ' i dseañu` do.

36 J_o dsíng'~ cafóng' jaléng' dsea` j_o jmingí'` rúíñ'` lala:

—¿I' i dsea` na, faa'`aa', e quiu'r' ta~ laco' jaang` dsea` i óo` ta~, j_ogui quíi'~bre jmíi~ e jmihuíñ~ jaléng' i 'ling'` i jée' quiá'- dsea`, j_o dsifí' laj_ob dsihuíng~ jaléng' i 'ling'` do?

37 J_o mi~ calí~ lado, dsíng'~ cani'~ júu` la'úng~ fí' lí~ se' Galilea quiá'- jalé' e guiá' e jmóo` Jesús fí' Capernaum.

Mí~ cajmi'leáang~ Jesús iemisé` Tú` Simón

(Mt. 8:14-15; Mr. 1:29-31)

38 J_o mi~ cangí' j_o, j_o cagüi'`íb' Jesús lí~ iuuiñ~ fí' dsíí' guá'- quiá'- dsea` góor` i seeng' fí' Capernaum, j_o cangór~ fí' quiá'- Tú` Simón. J_o mi~ caguiér~ fí' j_o, nidséeb~ iemisé` Tú` Simón e dsíng'~ iu` guíiñ`. J_o coo` tú~ m'íng'~ dsea` i teáang'~ e sinúu` do camí'r' Jesús jmi'ee` fa' e nijmi'leáaiñ~ i dseamí' do.

39 J_oba' cangó~ Jesús fí' lí~ ráang` i dsea` dsée'~ do. J_o mi~ caguiér~ lí~ ráaiñ' do, j_o cajíiñ~ e jmohuí' e líng' i dsea` do. J_o dsifí' ladob ca'láang~ i dseamí' do, j_o cajém' e iu` guíiñ' do. J_o mi~ cangí' lado, j_o caróo~bre j_o cajméer` e cagó' Jesús cóo'~ i dsea` caguiaang~gui do.

Mí~ cajmi'leáang~ Jesús f'íng' dsea` dsée'~

(Mt. 8:16-17; Mr. 1:32-34)

40 J_o mi~ canuu` e jmíi~ j_o, j_o fíim' dsea` caguiliñ~ e 'náíñ' Jesús, j_o jéeiñ` jaléng' dsea` dsée'~ quiá'r~ e laco' nijmi'leáang~ dsea` do. J_o mi~ caguiliñ~ fí' lí~ guíing~ Jesús, j_o camí'r' dsea` do jmi'ee` lajii'~ ta~ ngolíiñ~; j_oba' lí~ j_o caquidsí' Jesús guóor` fí' moguí~ lajaang` lajaang` i dsea` dsée'~ do, j_o dsifí' ladob 'láaiñ'~.

41 J_o jee~ i dsea` dsée'~ do niquiéeng` dsea` i jée' i 'ling'` quiá'- . J_o laco' ngóo` Jesús e jmi'leáaiñ~ lajaang` lajaang` i dsea` do, j_o laj_ob dsihuíng~ jaléng' i 'ling'` do, j_o sóong` óor` ti'áiñ' Jesús j_o fé'r':

—'Nub` dsea` lin' Dsea` Jmáang~ i J_oo' Fidiée` camíng'~.

J_o dsifí' mi~ canúu~ Jesús e fé' i 'ling'` i jée' quiá'- i dsea` do lado, dsifib' ca'gaaíñ` quiáiñ'~ j_o j_o' cacuø'r' fí' fa' ee` café'` guíiñ' do, co' líb' i 'ling'` do e Jesús líiñ' Dsea` Jmáang~ i cajíng'~ Fidiée` i nisíñ~ fí' jmigúí' la lajii'~ lamali'`gui eáang'.

*Mi~ caguia' Jesús júu^ quíá'- Fidié' fí' lí' se' Galilea
(Mr. 1:35-39)*

⁴² Jo mi~ cajneá- e jmi~ e cajmi'leáng- Jesús jaléng' i dsea` dsée' do, cagüi'íb' Jesús e fi~ do, jo cangór- fí' cõõ` lí' cateáaiñ` 'ñia'r'. Dsu' dsifí' ladob caguilíng- jaléng' dsea` e 'náaiñ' dsea` do calé' catú-, jo jnáiñ' dsea` do e laco' ja` nidséiñ'- fí' lí' jíé'.

⁴³ Joba' cajíng'- Jesús casí'r- jaléng' i dsea` do:

—'Né- ninii' i lacoõ` lacoõ` fi~ e niguiaa^ júu^ quíá'- jial íng- Fidié' dsee- quíá'- dsea` e laco' cuøøng` nicár` nifí' quíáiñ'.

⁴⁴ Joba' canaaiñ` ngir' lacoõ` fi~ e guiar' e júu^ jo fí' lacoõ` guá'- quíá'- dsea` góor` dsea` Israel e téé- fí' la'úng- fí' lí' neáng' dsea` do.

5

*Mi~ cajmée' Jesús e calí'- Tú^ Simón 'ñu' i lí' eáang'
(Mt. 4:18-22; Mr. 1:16-20)*

¹ Jo cõõ` jmi~ cangó- Jesús fí' 'ni' cõõ` guíéé' fé' e sii' Genesaret, jogui sii' bi guíéé' Galilea cajo, jo caguilíng- fíng' dsea` e iñ~ ninúr- jalé' júu^ quíá'- Fidié' e e' dsea` do. Jo dsíng'- fíng' i dsea` i caguilíng- do, joba' dsíng'- sicúung' Jesús jee~ jaléng' i dsea` do.

² Jo lajee' jo, cangá- Jesús tú- móó' e téé- quíá'- 'ni' jmi~, jo i dsea` fi~ e móó' do ninica'uøøm` bre dsíi', jo dob nitaaiñ~ ru'r' 'máa' quíá'r- 'ni' e guíéé' do.

³ Joba' camí' Jesús fí' e cajgóor- dsíi' cõõ` e móó' do e quíá'- Tú^ Simón, jo caguá`bre fí' dsíi', jo casí'r- i dsea` do fa' e nidsihuíng- guijia e móó' do fí' 'ni' uø- quíá'. Jo mi~ cajé' e móó' do ni~ jmi~, jo tí' job ca'e' Jesús jaléng' i dsea` i teáang- 'ni' jmi~ do jalé' júu^ quíá'- Fidié'.

⁴ Jo mi~ cató' e e' Jesús jaléng' i dsea` do jalé' júu^ quíá'- Fidié', jo casí'r- i Tú^ Simón do jo cajíñ':

—Jmee- e nidsé- e móó' la tí' dóo- tí' lí' ni'a'gui quíá'- e guíéé' la. Jo mi~ niguiéé' lí' ni'a'gui, nibí'na' 'máa' quí'na' jo nijmang'na' 'ñu'.

⁵ Joba' cañii' Tú^ Simón jo casí'r- Jesús:

—Tifa', lata~ uøøb` nicataang~naa' jmoo~naa' ta~ bí' 'máa', jo jíi' jaang` 'ñu' ja` mí' calí'naa'. Dsu' 'nu'gui quíá' ta~ lana, joba' nibí'baa' 'máa' quíé- e.

⁶ Joba' cangolíñ^ cartí' lí' ni'a'gui quíá'- e guíéé' do, jo job cabír' 'máa' quíá'r- fí' lí' ca'e' Jesús, jo i lí' 'ñu' calí'r-. Jo mi~ canaaiñ` øøiñ' e 'máa' do, jo canaang' 'guí'ba' do, cõ' dsíng'- fíng' i jó' do nicangotáang'ne' fí' dsíi' e 'máa' do.

⁷ Joba' catø'r- i dsea` la'ó' jmóo` ta~ cõõ'r- i teáang' dsíi' e móó' e cõõ'gui do, jo íb' cangolíng^ e cangojmicóõ' quíá'r- e quíá'- e caguá- e 'máa' do. Jo mi~ caguir' e 'máa' do, jo canaaiñ` uøøiñ' i 'ñu' do, jo catáng'neiñ' do fí' dsíi' e móó' do car` caróng- laji' tú-. Jo jia~ ja` cango'ang' e móó' do, cõ' dsíng'- fíng' i 'ñu' do calí'r-.

⁸ Jo mi~ cangá- Tú^ Simón jalé' e do, dsifí' lajob casí'r- uø- jnir~ fí' quini~ Jesús laco' teáaiñ' dsíi' e móó' do, jo casí'r- dsea` do jo cajíñ':

—Fii', ja` catíin'- sin' cáan'n, cõ' jaang` dsea` dsee- dsea` quib' líng' jnea~.

⁹ Jo cajíng'- Tú^ Simón lajo, cõ' dsíng'- cangogá' dsír' colíng~ cõõ' jaléng' i dsea` caguiaang- gui do dsu' e calí'r- jaléng' i 'ñu' do ie~ jmi~ jo.

¹⁰ Jo jee~ i dsea` í' nitaang~ gáng- dseañu' i jmóo` ta~ colíng~ cõõ' Tú^ Simón, jaaíñ' do siir' Tiáa~ jo jaang'gui i sii' Juan, jo laji' huáaiñ- do líiñ' jóõ' jaang` dseañu' i sii' Zebedeo. Joba' cajíng'- Jesús casí'r- Tú^ Simón:

—Ja' føøñ~, Tú^ Simón, cõ' latí' lana nitú^ e ta~ jmoo' na, jogui nicuøøø' 'nu' cõõ'gui ta~ e líb'jia la lí' e ta~ na cajo, cõ' nijmée' ta~ guía' júu^ quíé- e jee~ jaléng' dsea` jmigüí.

¹¹ Jo mi~ cangí' jo, cangolíim`tur fí' 'ni' uø- quíá' cõõ' laji' tú- e móó' do, jo job catú' i dsea` do laji' tú- e móó' do cõõ' lajalé' e sea` quíá'r-, jo cangolíim`bre cõõ' Jesús.

*Mi~ cajmi'leáng- Jesús jaang` dsea` i líng' jmohu' 'li`
(Mt. 8:1-4; Mr. 1:40-45)*

12 Jo mi~ cangf jo, jo lajee` táang` Jesús fí` cõõ` fii` li~ se` Galilea, jo caguié- jaang` dseañu` i líng' jmohu' 'li` fí` ngúu` táang`. Jo mi~ caguié- quiá- li` sing` Jesús, jo casí`r` uõ- jnir~ jo catúuiñ` cartí` ni~ uõ^ jo camí`r` jmi`ee` dsea` do jo cajíñ- casí-` reiñ`:

—Fii`naa', cuõõm` lí` jmi`leáan` jnea~ song iin` lajo.

13 Joba' cagüing` Jesús i dsea` dsée~ do jo cajíñ- casí-` reiñ`:

—Iim`baa jmi`leáan`-n` 'nu`. Joba' latí` lanab ni`leáan`- lajii~ jmohu' e lin`.

Jo dsifí` mi~ cajíng-` Jesús lajo, cajém` e jmohu' e líng' i dsea` dsée~ do, jo jii~ capí`^ jo ee` líng' guir e jmohu' 'li` do.

14 Joba' caquiú` Jesús ta~ i dseañu` do e ja` ii` nisí`r` jii~ jaang` lajii~ e calí- do, jo casí-` reiñ` do jo cajíñ-` lala:

—Gua~ jo güijáang` uõ^ fí` quini` jmidsea` quí-`ii`, jogui` 'né` líng` ee` cõõ` nigüicá`^ e quiá-` e nicuõ^` gui`máang` Fidiéé` lí`^ laco`gui` ta~ caquiú` Moí`. Joba' i jmidsea` do nijíñ-` e nica`láam`-ba' lajii~ jmohu' e lin`, jo lajob jaléng` dsea` ninír` e jo` lin` jii~ cõõ`.

15 Jo dsu' dsifí` ladob cani`- júu^ e dsíng-` 'gõng` Jesús. Jo dsíng-` fíng` dsea` cangolíng` e 'náñ` dsea` do e iñ~ ninúr`- jalé` júu^ quiá-` Fidiéé`, jogui` iñ~ e nijmi`leáang` dsea` do lajii~ jmohu' e líñ` do.

16 Jo dsu' tá-` cõ` jeeng~ jmi`nám` 'ñia` Jesús, jo 'nó`r` li` ja` ii` dsea` seeng`, jo fí` job dséer` dsisiñ-` cõõ` Fidiéé`.

*Mi~ cajmi'leáng- Jesús jaang` dseañu` i caang` tii~
(Mt. 9:1-8; Mr. 2:1-12)*

17 Jo mi~ cangf jo, cõõ` jmi~ lajee` e` Jesús jaléng` dsea` jalé` júu^ quiá-` Fidiéé`, jo fí` job neáang` cõõ` tú-` muing`~ dsea` Israel i líng` dsea` fariseo colíng` cõõ` tifa` quiá-` júu^ quiú` ta~ quiá-` dsea` Israel. Jo i dsea` do, seeiñ` do jalíñ-` fí` Jerusalén cõõ`-gui` jalé` fii` e néé` quiá-` li~ se` Galilea cõõ`-gui` li~ se` Judea. Jo dsíng-` li~ e jmicõõ`~ quiá-` Jesús e güea` 'gõng` quiá-` Fidiéé`, cõ` dsíng-` tiiñ` e jmi`leáañ` jaléng` dsea` dsée~.

18 Jo lajee` jo caguilíng` tú-` 'ní` muing`~ dseañu` fí` li` táang` Jesús e dsíñ` jaang` dseañu` i caang` tii~, cõ` iñ~ nidsijéeiñ` i dsea` dsée~ do fí` quini` Jesús.

19 Dsu' ja` li~ cadse` i dsea` do fí` li~ ningüñ~, cõ` dsíng-` fíng` dsea` i teáang` e sinúu^ do ie` jo. Joba' cajgóõ-` i dsea` jéeng` i dsea` dsée~ do fí` yá` 'núu` li~ røø. Jo mi~ caguilíñ-` fí` jo, jo ca'õr` cõõ` too, jo fí` job cangüiñ` i dsea` dsée~ do laco` dsíñ-` do e fí` ni` li` ráaiñ`, jo cajgiáang`-neiñ` do jee~ jaléng` i dsea` i teáang` e dsí` sinúu^ do dseáng-` fí` quini` Jesús.

20 Jo mi~ catisíng` i dsea` dsée~ do cartí` ni~ uõ^, dsifí` ladob calilí` Jesús e jáb-` líng` i dsea` dsée~ do cõõ` i dsea` dsí` quiá-`r` do e quí`b-` dsea` do jmi~ e nijmi`leáañ` jaléng` dsea` dsée~. Joba' casí`r` i dsea` dsée~ do jo cajíñ-`:

—Ni`iim`baa dsee-` quí-`, Ruu`.

21 Jo mi~ canúu-` jaléng` tifa` quiá-` júu^ quiú` ta~ quiá-` dsea` Israel cõõ`-gui` jaléng` i dsea` fariseo do e cajíng-` Jesús lajo, jo canaaiñ` i dsí`r` jo siiiñ` la'ó` yaaiñ`: “¿I~ i dseañu` la e jafée`r` jalé` júu^ e jii~ Fidiéeb` dsea` catüiñ` fé`r`? Cõ` jii~ Fidiéé` dsea` guíng` ñiff` catüiñ` ni`iñ` dsee-` quí`naa`.”

22 Dsu' Jesús calilí`-bre jalé` e i dsí` i dsea` do, joba' casí-` reiñ` jo cajmingí-` reiñ` lala:

—¿Jialí` i óo`na` lana?

23 ¿E~ e líng`-na` e ja`gui` huíng` e nifé`^naa`: su e “Ni`iim`baa dsee-` quí-”, õsi e nifé`^naa` é: “Ráan-` jo ngi`?”

24 Dsu' lana jnea~ ni`ée` e 'nú` e jnea~, i cajá-` fí` ñiff-` e lín`-n` jaang` dsea` jmigüí, oo`-baa ta~ e ni`iín`-n` dsee-` quiá-` jaléng` dsea` jmigüí.

Joba' casí-` Jesús i dsea` i caang` tii~ do jo cajíñ-`:

—Ráan-`, Ruu`, jo uõõ`ba` nicó`^ e li~ dsíin`^ na, jo guõng` fí` quí-` náng.

25 Jò mi~ café^l Jesús lado, dsifí^l ladob caróo⁻ i dsea^l caang[~] tí⁻ do jee[~] jaléng^l i dsea^l i teáng⁻ do, jò case^lr e lí[~] dsíiñ[^] do, jò cangáin⁻ fí^l quiá^lr. Jò lajee[~] ngaiñ^l jò jmiféiñ⁻ Fidié[~] dsu^l uíi[~] e ca'láaiñ⁻.

26 Jò lajalém^l i dsea^l i teáng⁻ do dsíng^l- cangogá^l dsíir^l, jò canaaiñ⁻ cuø^r gui'máang^l Fidié[~] jogui jmiféiñ⁻ dsea^l do cajo dsu^l e ca'láang⁻ i dseañu^l i caang[~] tí⁻ do, jò síiñ^l lajee[~] yaaiñ[~]:

—Jíi[~] coo^o néé[~] ja^l mí^l cane^lnaa^l e guiá⁻ e la jmóo^l i dseañu^l na.

*Mí[~] cató^l- Jesús jaang^l dseañu^l i sií^l Leví
(Mt. 9:9-13; Mr. 2:13-17)*

27 Jò mi~ cangí^l jò, jò cagüi^lñb^l Jesús lí[~] iuuiñ⁻ do, jò cangór⁻ fí^l lí[~] jíé^l. Jò lajee[~] iuuiñ⁻ fí^l ngóor^l, cangáin⁻ jaang^l nodsicuu⁻ i sií^l Leví i guing[~] fí^l lí[~] mir^l cuu⁻ e catíng⁻ dseata^l i guing[~] fí^l Roma. Jò cató^l- Jesús i dsea^l do jò casí^l-reiñ^l:

—Leví, má⁻ aa^l cóo^o^l jnea[~].

28 Jò mi~ canúu⁻ Leví e tó^l Jesús, jò dsifí^l ladob catúr⁻ ta[~] jmóor^l cóo^o^l jalé^l e sea^l quiá^lr- jò cangó⁻bre cóo^o^l Jesús.

29 Jò mi~ cangí^l jò, fí^l quiá^l- Leví cajméer^l coo^o^l jmí[~] fe^l e quiá^l- e jmí^lgór^l Jesús, jogui cató^lr- jaléng^lgui nodsicuu⁻ i cuiñ^l e cagó^lr colíng[~], jogui fíim^lbi dsea^l jíéng^l i caseáng^l fí^l jò ie[~] jò.

30 Jò lajee[~] jò, dob neáng^l jaléng^l dsea^l fariseo cóo^o^l jaléng^l tifa^l quiá^l- júu[^] quiu^l ta[~] quiá^l- dsea^l Israel. Jò mi~ cangár⁻ e gø^l Jesús cóo^o^l jaléng^l nodsicuu⁻ cóo^o^lgui jaléng^l dsea^l i sea^l júu[^] e dsíng^l- røøiñ⁻ dsee⁻, jòba^l canaaiñ⁻ éeiñ^l Jesús jò casí^lr- i dsea^l i caguilíng⁻ cóo^o^l dsea^l do:

—¿Jialí^l í^l gø^l tifa^l quií⁻na^l cóo^o^l jaléng^l nodsicuu⁻ cóo^o^lgui jaléng^l dsea^l i sea^l júu[^] e dsíng^l- røøiñ⁻ dsee⁻?

31 Jò mi~ canúu⁻ Jesús e fé^l i dsea^l do lado, jò cañíir⁻ quiáin⁻ jò casí^l-reiñ^l:

—Jaléng^l dsea^l guiúng⁻ ja^l 'neaiñ⁻ tímí^l, co^l lajii[~] dsea^l dsée^l-bing^l i 'neáng⁻ tímí^l.

32 Jò jnea[~] ja^l cagá⁻a fí^l jmigüi^l la e caga^l'nén^l'n jaléng^l dsea^l i guiúng⁻, co^l jaléng^l dsea^l dsee⁻ dsea^l qui^lbing^l i caga^l'nén^l'n e laco^l niquí^l- nijíng^l yaaiñ[~] fí^l quini^l Fidié[~] dsea^l guing[~] ñífi⁻.

*Mí[~] cajmíngi^l- dsea^l Jesús cuaiñ[~] quiá^l- ayuno
(Mt. 9:14-17; Mr. 2:18-22)*

33 Jò mi~ cangí^l e cajíng^l- Jesús lajo, jò caleáb⁻ catú⁻ cajmíngí^ltu i dsea^l Israel i líng^l dsea^l fariseo do jò cajíñ⁻ lala e cajmíngí^lr- Jesús:

—Jaléng^l dsea^l i ngí^l cóo^o^l Juan i seáng^l dsea^l jmí^l cóo^o^lgui jaléng^l jnea^l, dsea^l lí^lnaa^l dsea^l fariseo, dsíng^l- jmoo⁻naa^l ayuno jogui dsíng^l- fé^l'naa^l fa^l, jò ¿jialí^l jaléng^l dsea^l i ngí^l cóo^o^l 'nu^l laco^o^l jmí^lb[~] í^l gø^lr, jò ja^l jmóor^l ayuno laco^l jnea^l?

34 Jòba^l cañíi^ltu Jesús quiá^l- i dsea^l do jò cajíñ⁻ casí^l-reiñ^l:

—Fa^l mí[~] jmoo^l 'nú^l jmí[~] e cung^l guoo^l dsea^l, jòba^l ja^l cuøøng^l e niseáng[~]na^l jaléng^l i dsea^l simíng[~] do e nijmér⁻ ayuno lajee[~] neáiñ^l cóo^o^l i simíng^l i nicúng^l- guó^l do.

35 Jò dsu^l niguiéeb^l jmí[~] mí[~] nitø^ø dsea^l i simíng^l do, jò ie[~] jò mí[~] nijmé⁻ ayuno i dsea^l simíng[~] do.

36 Jogui ca'e^lgui Jesús jaléng^l i dsea^l do jalé^l júu[^] já^l- e lafa^l júu[^] cuento jò cajíñ⁻:

—Mí[~] 'né^l te^l- dsea^l coo^o^l 'mí^l, ja^l jmóor^l fa^l e quiu^lr ca^lna^l 'mí^lqui^l e 'mí[~] jò nite^lr- cóo^o^l coo^o^l 'mí^lqui^l e yáuu^l. Co^l song cajméer^l lajo, ní^lím⁻ e 'mí^lqui^l e 'mí[~] do, jogui ní^lím⁻ e 'mí^lqui^l e yáuu^l do cajo, co^l mí[~] nijgí^l, nijøm^l e 'mí^l 'mí[~] e sito^l do, jò nilife^lgui e lí[~] sí^lgui^l do. Jò mí[~] niliqui^l jò jò ee^l ta[~] íng[^] jíi[~] capí^l jóng.

37 Jogui cajíng^l-gui Jesús casí^lr- jaléng^l i dsea^l do:

—Jø lajobi cajo, ja` guié` dsea` jmi`^ mi`^ huing` jø`^ e laco` gui`ná`^ có` fí coo` dsí` loo` jó` e yúu`~, dsuco` song cajmээр` lajo, joba` ni`gui`ba` do jø nidsi`#b` e jmi`^ do jogui ni`im` e loo` jó` do cajo. Jø co` lajob lí`,

³⁸ joba` guiú`-gui e niguié` dsea` e jmi`^ mi`^ huing` jø`^ do laco` gui`ná`^ có` fí coo` dsí` loo` jó` e `múib`~, jø lajoba` ja` dseáang`~ fa` e ni`guí` e loo` jó` do o`gui fa` e nidsi`#` e jmi`^ do cajo.

³⁹ Jogui jíi`~ jaang` dsea`, mi`~ nicangoyúung`~ e ca`i`r`- jmi`^ mi`^ huing` jø`^ e nicó`, iing`-guir fa` ni`i`r` jmi`^ e ja` mí` lí` lajo, co` jalém` dsea` fé`r: “Eáang`gui jlo`^ jmi`^ mi`^ huing` jø`^ e nicó` laco`gui jmi`^ e ja` lí` lajo.”

Jø jalé` e júu` na ca`e` Jesús jaléng` i` dsea` do ie` jø.

6

Mi` ca`éeng` dsea` quiá`- Jesús láa` quiá`- cui`iee`

(Mt. 12:1-8; Mr. 2:23-28)

¹ Jø mi` cang` jø, coo` jmi`~ lajee` e jmi`íng` jaléng` dsea` Israel, cang`íng` Jesús cóo`~ jaléng` dsea` quiá`r`- fí `ni` lí` sijnea` cui`iee`. Jø lajee` teáaiñ`~ fí lado, jaléng` i` dsea` do canaaíñ` éeiñ`- láa` quiá`- cui`iee`, jø guiár` fí jaguór` jø jíuár`- qui` quiá`-, jø cu`r` e micui`iee` do.

² Jø dob ngolíng`- tú`- `ní` máng`~ dsea` Israel i` líng` dsea` fariseo. Jø mi` cangár`- e éeng` jaléng` i` dsea` do láa` quiá`- cui`iee`, jø dsifí ladob cajmingi`reiñ` jø cajíñ`- lala:

—¿Jiali` jmoo` `nú` coo` e ja` catíng`- nijmé` dsea` mi` jmi`~ e jmi`íng`naa`, dsea` lí`naa` dsea` Israel?

³ Joba` cañí` Jesús quiá`- i` dsea` do jø casí`-reiñ` jø cajíñ`-:

—¿Su ja` mí` ca`í` `nú` fí ni` jì` quiá`- Fidié` lí` fé` jial cajmée` dseata` dsea` féng` Daví` cóo`~ jaléng` dsea` quiá`r`- mi` cadseá`- jmi`laaiñ`?

⁴ Co` ie` jø i` dseata` Daví`^ do ca`i`r`- fí dsí` sinúu` guá`- quiá`- dsea` góor` dsea` Israel, jø camí`r` jmidsea` i` néé` ni` guá`- do iñí`^ e güeang`^ e tíng` dsea` e cuø`r` Fidié`, jø cagø`r` cóo`~ jaléng` i` dsea` i` cóo`r` do. Jø niñí`b` `nú` e ja` cuøng` dø`- lí` doñí` i` dsea` e iñí`^ do, co` lajíi`~ jmidsea`bing` cuøng` lí` dø`- e jø. Dsu` cang`ím` i` dseata` dsea` féng` Daví`^ do e cagø`r` e iñí`^ do ie` jø colíng` cóo`~ jaléng` dsea` quiá`r`-.

⁵ Jø lalab cajíng`- gui Jesús:

—Jø jnea`~, i` cagüéng`- fí jmigüi` la e gáa`a fí ñifí`- e lín`n jaang` dsea` jmigüi`, seab` fí quié`- e e quiá`~ ta` lajee` e jmi`~ e jmi`íng` dsea` góo` dsea` Israel.

Mi` cajmi`leáng` Jesús jaang` dseañu` i` caang` guoo`

(Mt. 12:9-14; Mr. 3:1-6)

⁶ Jø mi` cang` jø, mi` caguié`- coo`gui jmi`~ e jmi`íng` jaléng` dsea` Israel, jø ca`í` Jesús fí dsí` coo` guá`- quiá`- dsea` góor` dsea` Israel, jø canaaíñ` e`r` jaléng` dsea` jalé` júu` quiá`- Fidié`. Jø job nitáang` jaang` dseañu` i` nicaang` guoo` dsée`.

⁷ Jø jaléng` tifa` quiá`- júu` quiu` ta` quiá`- dsea` Israel cóo`~ gui jaléng` dsea` Israel i` líng` dsea` fariseo dob ngir` e téeiñ` Jesús, jø iñ` e nijøø`- su nijmi`leáng`- dsea` do i` dsea` dsée`- do lajee` mi` jmi`~ e jmi`íng` jaléng` dsea` Israel; jø faco` lajo, niguié`r` jial e ni`ñíñ`- dsea` do.

⁸ Jø dsu` Jesús lí`bre jalé` e í` dsí` jaléng` i` dsea` do, jø casí`r`- i` dseañu` i` caang` guoo` do jø cajíñ`-:

—Ráan`- jø ñisíng` uø` fí quini` jaléng` i` dsea` la.

Jø dsifí ladob caróo`- i` dseañu` i` caang` guoo` do, jø cangór`- fí lí` cajíng`- Jesús.

⁹ Jø mi` caguié`- fí lí` e` dsea` do, joba` cajíng`- Jesús casí`r`- jaléng` i` dsea` i` teáang` dsí` e sinúu` guá`- do:

—Sea` cōo` e nijmingí`i` 'nú` jaléng`na` na. ¿E` ta` quiu` fí` ni` jì` quiá`- Moi` e cuóøng` jmó`oo` mi` jmi` e jmi`íng`naa`, su jalé` e ga` ofa` jalé` e guiáb` é? ¿Su e jngáang`naa` jaléng` dsea` dsée` ofa` e jmi`leáam`baa`r` é?

10 Jo mi` cali` e fé` Jesús lajo, jo cajóøiñ` jaléng` i` dsea` i` teáang` dsí` e sinúu` guá` do, jo casí`r` i` dsea` caang` guoo` do jo cajíñ`-:

—Níi` guóo`, dseañu`.

Jo mi` cani` i` dsea` do guóor` e caang` do, dsifí` ladob ca'lóo`, jo jii` cōo` jo` ee` líi`.

11 Jo mi` cangá` jaléng` i` tifa` quiá`- júu` quiu` ta` quiá`- dsea` Israel cōo` gui` jaléng` dsea` Israel i` líng` dsea` fariseo e cajmi`leáam` Jesús i` dsea` dsée` do, dsíng` caliguíñ` jo canaañ` síiñ` lajee` yaaiñ` jial laco` cuóøng` e nijmeaiñ` dsea` do.

Mi` caguíng` Jesús dsea` guitúung` quiá`r`

(Mt. 10:1-4; Mr. 3:13-19)

12 Jo mi` cangí` jo, cōo` jmi` cangó` Jesús fí` cōo` yú` mó`, jo fí` job cateáaiñ` lata` uóø` e síiñ` cōo` Fidiée` dsea` guing` ñifí`.

13 Jo mi` cajneá` e uóø` jo, jo cató`r` jaléng` dsea` i` ngí` cōo`r` do. Jo mi` caguilíñ` do fí` lí` síñ`, jo caguíñ` guitúung` i` dsea` do i` ni`uíng` dsea` apóo` i` nijmé` ta` ni` júu` quiá`r`.

14 Jo lalab síi` i` dsea` guitúung` do: jaang` i` síi` Simón, jo mi` canaañ` ngí` cōo` Jesús jo calisír` Tú`; jaang`gui` i` síi` Dí`, rúng` dsea` ngáang` cōo` i` Simón do; jaang`gui` i` síi` Tiáa`, jaang`gui` i` síi` Juan, jaang`gui` i` síi` Lii`, jo jaang`gui` i` síi` Bartolomé,

15 jaang`gui` i` síi` Mateo, jaang`gui` i` síi` Mó`, jaang`gui` i` síi` Tiáa~, jōo` jaang` dseañu` i` síi` Alfeo; jaang`gui` i` síi` Simón i` líng` dsea` celote;

16 jaang`gui` i` síi` Judas, rúng` dsea` ngáang` cōo` i` Tiáa` do; jo lí` cadséng`gui` jaang`gui` i` síi` Judas Iscariote, dsea` i` cajáng` Dsea` Jmaang` fí` jaguó` jaléng` dsea` cōøng` quiá`- dsea` Israel.

Mi` ca'e` Jesús fíng` dsea` jalé` júu` quiá`- Fidiée`

(Mt. 4:23-25)

17 Jo mi` cangí` jo, cajgám` tu` Jesús fí` e yú` mó` do colíng` cōo` dsea` quiá`r` jo catisíiñ` cōo` lí` iu` cōo` míi` røø`, jo fí` job cajer` e ca'e` reiñ` do jalé` júu` quiá`- Fidiée`. Jo lajee` jo caguilíng` jaléng` dsea` i` jalíng` fí` Jerusalén cōo` jalé`gui` fí` jíe` e tée` lí` se` Judea cōo` jaléng` dsea` i` neáang` fí` 'ni` jmiñi` fí` Tiro cōo` gui` fí` Sidón. Jo jaléng` i` dsea` do caguilíñ` 'náin` Jesús, cō` iñ` e ninúr` jalé` júu` quiá`- Fidiée` e é` dsea` do. Jo gui` fíim`biñ` do jéeiñ` jaléng` dsea` dsée`, cō` niñir` e jmi`leáam` Jesús jaléng` i` dsea` la'f` lí` doñí` ee` jmohuí` e líiñ`.

18 Jo gui` jaléng` dsea` i` jée` i` 'líng` quiá`- cajmihuím` Jesús i` 'líng` do, jo lajoba` ca'láam` jaléng` i` dsea` do.

19 Jo jalém` dsea` ie` jo iñ` nidsilíñ` cáang` Jesús, jo iñ` nigü`r` fa` capí` sibi` dsea` do, jo lajoba` ni`leáaiñ` lí` doñí` ee` jmohuí` e líiñ` la'eáang` cōo` güea` 'gøng` quiá`- dsea` do.

I` jaléng` i` seeng` juguí`

(Mt. 5:1-12)

20 Jo lajee` sing` Jesús colíng` cōo` i` dsea` quiá`r` do, jo cajóøng` neiñ` jo casí`r` dsea` do lala:

—Juguí` jia` quíi` 'nú`, ja` e líi` jialgui` la tiñíng`na`, cō` Fidiéeb` dsea` ni`quie` nífi` quíi`na` lana.

21 'Juguí` jia` quíi`na`, 'nú` dsea` móo`na` oo`, cō` Fidiéeb` nicuó` 'nú` lalíng` mi` nití` í` lajo.

'Juguí` jia` quíi`na`, 'nú` dsea` jiuung` óo`na` car` qui`na`, cō` 'nú`bing` i` níngí` mi` niguiée` jmi`.

22 'Juguí` jia` quíi`na` mi` 'ní` níng` jaléng` dsea` 'nú` uii` quié` jnea~, osi` mi` øøiñ` 'nú` fí` caluu` fí` lí` seeng`na`, osi` mi` jmineaiñ` 'nú`, osi` mi` níjng` jaléng` dsea` e 'lim`ba`

dsu' uíi~ e náu~na' jalé' júu^ quié~e, dsea` i casíng` Fidiéé` fí` jmigüí` la e lín`n jaang` dsea` jmigüí`.

23 Jo e jmíi~ e mi~ nijmeáng` dsea` 'nú' jalé' e ga` lajo, güili'íang` óó'na' dsuco' niliseab` guiéé` quií~na' mi~ nití~ fí` ñíí~. Dsuco' lajob cajmée` jaléng` i` 'líi~ yúu~` quiá~ jaléng` i` dsea` i` 'ní'` níng~` 'nú' do ie~ lamí~ cajmeáiñ` ga` jaléng` i` dsea` i` café` cuaiñ~` quiá~` Fidiéé` malíi~gui eáang`.

Jo mi~ calí~ e ca'e' Jesús jalé' e júu^ na, jo lalab cajíng`-guir:

24 —E ngí~ fíi~ 'nú', jaléng` dsea` sea` cuu~, co' nicañíi~ba' e sii` juguíá~.

25 'E ngí~ fíi~ 'nú', dsea` sea` e cø'na' lalíng` lana, co' niguiéé` jmíi~ mi~ nimó'na' oo~.

'E ngí~ fíi~ 'nú', dsea` jmi'íang` óó'na' cóo~ jalé' e sea` fí` jmigüí` la, co' niguiéé` jmíi~ mi~ nilíjiuung` óó'na' car` níqui'na' uii~ quiá~ jalé' e jo.

26 'E ngí~ fíi~ 'nú' mi~ fé' jaléng` dsea` jmang`- e guiá~ uii~ quií~na', co' lajob cajmée` 'líi~ yúu~` quiá~r~ cóo~ jaléng` dsea` i` cajmícaang~ e café'r` cuaiñ~` quiá~` Fidiéé` malíi~gui eáang`.

'Né~ nijmi'neáang`naa' jaléng` i` 'ní'` níng~` jneaa`aa'

(Mt. 5:38-48; 7:12)

27 Jo mi~ calí~ e cajíng`- Jesús lajo, jo caféng`-guir jaléng` i` dsea` do jo cajíñ~` casí~reiñ': —Náú~na' jalé' júu^ quié~e: 'Né~ nijmi'neáam`ba' jaléng` i` 'ní'` níng~` 'nú', joguí jmee~na' jmang`- e guiá~ cóo~ jaléng` dsea` i` 'léé` quií~na',

28 joguí féeng`na' Fidiéé` uii~ quiá~ jaléng` i` cuø' 'nú' júu^ 'líi^, joguí míi~na' Fidiéé` jalé' e guiá~ uii~ quiá~ jaléng` i` jmineang`^ 'nú'.

29 Song ií` caquiúú` cataang` moní~na', joba' cuøø'na'r e cataang`gui do güiquiúú` jóng. Jo song ií` caguí` 'mí'guiéé~` quií~na', joba' cuøø'na'r la quié` 'mí'quií~na' cajo.

30 Cuøø'na' jaléng` i` mí' 'nú' líi^ doñí` ee` mír~, jo song ií` cacá~ ee`go e sea` quií~na', jo güimíi~na'r.

31 Jmicóo~na' jaléng` dsea`, jo jmee~na' jmang`- e guiá~ cóo~r~ líi^ laco'gui iing~na' e nijmér~ cóo~' 'nú'.

32 'Jo song 'nú' 'neáang`na' lajii~` i` 'neáang` 'nú', joba' ja` güi'í^ óó'na' e jmoo'na' e guiá~, co' lajob jmoo` cajo jaléng` dsea` dsee~ dsea` quií`.

33 Joguí song jmicóo~na' lajii~` dsea` i` jmicóo~` 'nú', joba' ja` güi'í^ óó'na' fa' e jmoo'na' e guiá~, co' lajob jmoo` cajo jaléng` dsea` dsee~ dsea` quií`.

34 Joguí mi~ ee`go jmi'øøng` rúng`na' jo jmoo'na' lajo cóo~ i` dsea` i` líng~na' i` níqui~ e dsí quií~na', joba' ja` güi'í^ óó'na' jóng fa' e jmoo'na' e guiá~, co' lajob jmoo` cajo jaléng` dsea` dsee~ dsea` quií~, jo jmoo` lajo uii~ líng~ ee` sijear~ e níiñ` quiá~` dsea` rúíñ`.

35 'Dsu' 'nú' 'né~ nijmi'neáang`na' jaléng` i` 'ní'` níng~` 'nú', joguí jmang`- e guiá~ 'né~ nijmee~na' cóo~` lajaléng` dsea`. Joguí jaléng` dsea` i` líng~ ee`go jmi'øøng` 'nú', ja` güi'í^ óó'na' fa' dseáng`- e níqui~tur quií~na'. Jo song nijmití~na' jalé' e nicafá~a na, joba' dseáng`- niliseab` guiéé` quií~na', jo lajoguiba' nilíng~na' jóo` Fidiéé` dsea` guiing~` ñíí~, co' jii~` íb` dsea` guiúng~ cóo~` jaléng` dsea` doñí` fa' soo` dsíir` osi ja` cuø'r` gui'máang` dsea` do é mi~ ee`go íñ`.

36 Jo jmee~ba' fíi~ líng~ rúng`na' laco'gui Tiquí`ii' dsea` guiing~` ñíí~ fíi~ líiñ` 'nú'.

Ja` cuø'na' dsee~ dsea` rúng`na'

(Mt. 7:1-5)

37 'Jo ja` cuø'na' dsee~ dsea` rúng`na', jo lajoba' Fidiéé` ja` nicuø'r` 'nú' dsee~ cajo. Jo ja` fó'na' júu^ ga` quiá~` dsea` rúng`na', joba' Fidiéé` ja` nijmér~ lajo cóo~' 'nú'. Íng`na' dsee~ quiá~` jaléng` dsea`, jo lajob nííng~` Fidiéé` dsee~ quií~na' cajo.

38 Cuøø'na' jaléng` dsea` ee`go e 'né~`, jo lajob nííng`na' quiá~` Fidiéé` cajo; jo nijmér~ lajo cóo~' 'nú' lafa' mi~ cuø'na' dsea` micuíi~ e 'néé` í' cóo~' 'ma' í' cuii~, jo mi~ nidsitoo~, 'né~` e nííéng` e 'ma' í' cuii~ do, jo mi~ caróng~` 'né~` e nidsitoo~` teá, jo mi~ calí~ jo, 'né~` e

nili[^] guiso[^] guiá⁻. Jo Fidié[^] nijmér⁻ cóo[^] 'nú[^] lí[^] laco[^]gui la jmoo[^]na[^] cóo[^] jaléng[^] dsea[^] rúng[^]na[^].

³⁹ Jo mi[~] calí⁻ e cajíng[^] Jesús jalé[^] e júu[^] na, jo ca'e[^]guir jaléng[^] i dsea[^] do jo casí⁻reih[^] lala jo cajíñ[^]:

—Song jaang[^] dsea[^] tiuung⁻ nijéñ⁻ jaang[^]gui dsea[^] tiuung⁻, joba[^] dseáng[^] fi[^] ðb[^] nijiuñ[^] laji[^] huáañ⁻ do.

⁴⁰ Jogui jíi[^] jaang[^] dsea[^] i jmitíng[^], tíng[^]guir laco[^] tifa[^] quiá[^]r⁻ lajee[^] e jmitíñ[^]. Dsu[^] mi[~] ca'e[^] i tifa[^] do lajalé[^] e tíñ[^], joguiba[^] røøb[^] nilitíñ[^] jóng.

⁴¹ 'Jo ¿jiali[^] ca[^] cuente lajii[^] qui[^] iñ[^] jmini[^] jaang[^] dsea[^] rún[^], jo dsu[^] ja[^] ca[^] cuente uø[^] e jie[^] ja[^] latøøng⁻ coo[^] 'mab[^] iñ[^] jminí[^]?

⁴² Jo song ja[^] lí[^] cá[^] cuente uø[^] jial tí[^] fe[^] e iñ[^] jminí[^], joba[^] ¿jial niteá[^] o[^] e nifí[^] jaang[^] dsea[^] rún[^] lala: “Rú[^]uu[^], nea[^]du ne[^]ee[^], jo nigui[^]duu e qui[^] iñ[^] jminí[^]”? i jmicaang[^] 'nú[^]! Jáng[^] gui[^]du e 'ma[^] e iñ[^] jminí[^] uø[^], jo lajoguiba[^] nicuøøng[^] jøø[^] guiá⁻ e niguí[^] e qui[^] e iñ[^] jminí[^] i dsea[^] rún[^] do.

Jalé[^] 'ma[^] ofii[^] cuí[^] dsea[^] la'eáang[^] cóo[^] ofii[^] e ðb[^]

(Mt. 7:17-20; 12:34-35)

⁴³ Jo mi[~] calí⁻ jo, jo cajíng[^] gui Jesús casí⁻r⁻ jaléng[^] i dsea[^] do:

—Ja[^] sea[^] 'ma[^] ofii[^] e guiá⁻ e cuø[^] ofii[^] e ja[^] dseeng[^], o[^]gui sea[^] 'ma[^] ofii[^] e ja[^] dseeng[^] fa[^] e cuø[^] ofii[^] e guiá⁻.

⁴⁴ Co[^] jalé[^] 'ma[^] ofii[^], mi[~] cacuø[^] ofii[^] quiá[^], joguiba[^] nililí[^] dsea[^] su guiá⁻ o[^]si ja[^] dseeng[^] e 'ma[^] ofii[^] do. Co[^] ja[^] cuø[^] güñí[^] yá[^] 'matóo[^], o[^]gui mí[^] huíng[^] jø[^] ð[^] yá[^] 'matóo[^] fí[^].

⁴⁵ Jo jaang[^] dsea[^] i guiúng⁻ fé[^]r[^] jalé[^] e guiá⁻, co[^] jmang[^] e guiáb⁻ í[^] dsír[^]. Jogui jaang[^] dsea[^] i soo[^] dsí[^] jmang[^] e gab[^] fé[^]r[^], co[^] jmang[^] e gab[^] í[^] dsír[^]. Co[^] dseáng[^] lajii[^] e í[^] dsíb[^] dsea[^] e fé[^]r[^].

Jial lí[^] mi[~] núu[^] dsea[^] júu[^] quiá[^] Fidié[^]

(Mt. 7:24-27)

⁴⁶ ¿Jiali[^] fi[^]na[^] jnea[^], “Fí[^]i, Fí[^]i”, song ja[^]gui núu[^]na[^] jalé[^] ta[^] quiá[^]u?

⁴⁷ Nifá[^]duu i líng[^] la líng[^] jaang[^] dsea[^] i núu[^] júu[^] quié⁻ e jogui jmitir[^] jalé[^] e fá[^]a:

⁴⁸ i dsea[^] í[^] líñ[^] la líng[^] jaang[^] dsea[^] i cajme[^] coo[^] 'núu[^]. Jo i dsea[^] í[^], nú[^]gui e nijmé[^]r⁻ e 'núu[^] do, catá[^]r⁻ tí[^] fi[^] e a[^] jogui caséer[^] cóo[^] cuu[^] e cóo[^] eáang[^], joguiba[^] cajme[^]r⁻ e 'núu[^] do. Jo mi[~] cajá⁻ jmí[^] dsiing[^], dsíng[^] ca[^]í⁻ jmí[^] e tí[^] e 'núu[^] do, jo dsu[^] jíi[^] coo[^] ja[^] ee[^] calíng⁻, co[^] teáb[^] eáang[^] sí[^].

⁴⁹ Jogui i dsea[^] i ja[^] núu[^] jalé[^] júu[^] quié⁻ e o[^]gui jmitir[^] jalé[^] e fá[^]a, i dsea[^] í[^] líñ[^] la líng[^] jaang[^] dsea[^] i cajme[^] coo[^] 'núu[^], jo ja[^] catá[^]r⁻ tí[^] fi[^]. Jo mi[~] cajá⁻ jmí[^] dsiing[^], eáang[^] ca[^]í⁻ jmí[^] tí[^] e 'núu[^] do, jo ca[^]ím⁻ba[^] do co[^] caqui[^]b⁻.

Jo jalé[^] e júu[^] na ca'e[^] Jesús jaléng[^] i dsea[^] do e fi[^] e mí[^] røø[^] do ie[^] jo.

7

Mi[~] cajmi[^]leáang⁻ Jesús jaang[^] dsea[^] 'léng[^] quiá[^] jaang[^] fi[^] 'lé⁻ romano

(Mt. 8:5-13)

¹ Jo mi[~] cató[^] e caféng[^] Jesús jaléng[^] i dsea[^] do, jo cangám[^]-tur cóo[^] dsea[^] quiá[^]r⁻ fi[^] Capernaum.

² Jo e fi[^] fi[^] Capernaum do nitáang[^] jaang[^] fi[^] 'lé⁻ i niseeng[^] fi[^] Roma. Jo niseeng[^] jaang[^] dsea[^] 'léng[^] quiá[^]r⁻ i iñ[^] dsíng[^], jo i dsea[^] í[^] niráañ[^] dsée[^]r⁻, jo dseáng[^] tí[^] lí[^] nijúum⁻bre co[^] eáam[^] líñ[^].

³ Jo mi[~] caliñ[^] i fi[^] 'lé⁻ do e caguiéng[^] Jesús fi[^] Capernaum, jo dsifi[^] ladob casíñ[^] tú⁻ 'ní[^] máng[^] dsea[^] cóøng[^] quiá[^] dsea[^] Israel e cangoféñ[^] Jesús fa[^] e nidsér⁻ e nidsijmi[^]leáañ[^] i dsea[^] dsée[^] do.

4-5 Jo mi~ caguiling~ i dsea` cóong~ do fi' li~ sing' Jesús, jo camir' dsea` do jmi'ee~ laji~ ta~ ngoliiñ~ jo cajiñ'~:

—I fii' 'lée~ i casii' qui~naa' do, dsing'~ guiúiiñ~ cóo'~ jaléng' dsea` góo'naa' dsea` Israel, co' íbre caquiur' ta~ e calii' guá'~ qui~naa', joba' ii~naa' e nijmicóo'~re lana.

6 Jo mi~ canúu~ Jesús jalé' e cajíng'~ i dsea` do, jo cangó~bre cóoiñ'~ do. Dsa' nú'~gui e niguiéé' Jesús fi' quiá'~ i dsea` do, cajiñ'~ tú~ 'ni' máng'~ dsea` i casíng' i fii' 'lée~ do i quie' júu^ quiá'r~, jo cajiñ'~ casí'r~ Jesús lala:

—Lalab jíng'~ fii'naa':

7 “Fii'i, ja' jmée'~ fi'í' fa' ñi' t'í quié~e, co' ja' catín'~ fa' e ni'úun'~ sinúu^ quié~e, co' dsea' 'góm'~ 'na', o'gui fa' e cateá~ dsii' e caga'nén'n 'na' ñiá'a, co' dsea' fém'~ 'na'. Jo lico' fée'~ e ni'leáang~ dsea` dsée'~ quié~e, jo ni'leáam~bre jóng.

8 Dsa'co' jnea~ seem` dsea` i quiu' ta~ quié~e, jogui seem` dsea` i quiu' ta~ cajo. Jo mi~ fii' i jaang` dsea` quié~e e gua~, joba' dsifi' lajob dséer'; jogui mi~ fii' guu' i jiéng' e nea', joba' dsifi' lajob jáar' cajo; osi mi~ fii' i jaang` dsea` 'léeng'~ quié~e e jmee~ e la, joba' dsifi' lajob jmóor' cajo; jo jalém' dsea` quié~e e náur~ júu^ quié~e.”

Jo jaléb' e júu^ na quie' i dsea` i cangojmijíng' Jesús do.

9 Jo mi~ canúu~ Jesús lado, jo dsing'~ cangogá` dsír' jo caji'r' nir~ cajóoiñ~ jaléng' i dsea` i cóo'r~ do jo casí'~reiñ' jo cajiñ'~ lala:

—Lajee' lajaléng' dsea` góo'naa' dsea` Israel ja' mí' cajín'n jii'~ jaang` i dseáng'~ lajang'~ já'~ líng' júu^ quié~e laco'gui i dsea` romano la.

10 Jo cangolíim tu i dsea` do fi' quiá'~ i fii' 'lée~ do. Jo mi~ caguiliñ~, jo' ee' líng' i dsea` dsée'~ do jii'~ cóo', co' ninica'láam~bre.

Mi~ cajmée' Jesús e caji' tu jóo' jaang` dseamí i 'nii'

11 Jo mi~ cangí jo, cangó~ Jesús fi' cóo' fii' e sii' Naín cóo'~ dsea` guitúung` quiá'r~, jo dsing'~ fii'ng` dsea` i ngolíng~ cóo'r~ ie~ jo.

12 Jo mi~ caguiér~ quiá'~ e fii' do, jo cajiñ'~ cabøø~ dsea` i jéeng` jaang` 'lii~, jo teáaiñ'~ do fi' e ningoliiñ~ fi' codsii'. Jo dsing'~ qui'~ niquiá'~ i 'lii~ do, co' jii'~ dob jóor' i niseeng', jo jii'~ jaang` jo' i seeng` quiá'r~, co' ninicajúm~ dseañu' quiá'r~ cajo.

13 Jo mi~ calilí'~ Jesús e jo' ii' seeng` quiá'~ i dseamí 'nii~ do, jo dsing'~ calí' fii' líng~ neiñ', jo casí'r~ i dseamí do lala:

—Jo' qui'~.

14 Jo mi~ cajiñ'~ lado, jo cangoquieeiñ' quiá'~ li' ngóo' e guóo' e iuung~ i 'lii~ do, jo cagüi'r' e dse' guóo' do. Jo i dsea` i jée' quiá'~ i 'lii~ do, dsifi' ladob cajer'. Jo cajíng'~ Jesús caféiñ' i 'lii~ do:

—Siming', jnea~ tóø-ø 'na': ;Ráan'~ na!

15 Jo dsifi' ladob caji' i 'lii~ do, jogui caguár' jo canaaiñ` fé'r'. Jo Jesús cajáiñ' i siming' do cóo'~ niquiáiñ'~.

16 Jo mi~ cangá~ jaléng' i dsea` do e caji' i 'lii~ do, joba' dsing'~ cangogá` dsír' jogui dsing'~ cafóiiñ' cajo. Jo canaaiñ` jmiféiñ' Fidiée' jo siiiñ` lajee' yaaiñ~:

—Jaang` dsea` i 'gøng' e áang' i fé' cuaiñ~ quiá'~ Fidiée'~ nicagüeiñ~ jee~ jnea~aa' lana.

Jogui fé'guir cajo lala:

—Fidiéeb' nicagüeiñ~ e nijmicóo'r~ jaléng' dsea` góor'.

17 Jo jalém' dsea` i seeng` fi' jalé' fii' e née' fi' li' se' Judea cóo'~gui fi' lacúng' jo, caliñir' e júu^ jo laji~ e cajmée' Jesús do.

Mi~ casíng' Juan i seáang` dsea` jmi~ dsea` quiá'r~ fi' li' táang` Jesús

(Mt. 11:2-19)

18 Jo lajee' jo caliñi' Juan i seáang` dsea` jmi~ do jalé' e jmóo' Jesús, co' e júu^ jo cajmée' i dsea` quiá'~ i Juan do.

19 Joba' cató' i Juan do gáng' dsea` quiá'r, jo casíng`neiñ' fí' lí' táang` Jesús e cangojmingí'r' dsea` do su í'bing' i cajíng' Fidiéé' i nigüéeng' fí' jmigüí' la, osi 'né' e nijém`bir jaang`gui i jiéng' é.

20-21 Jo mi~ caguiling' i dsea` quiá' i Juan do fí' lí' táang` Jesús, jo gui'nang' jmóo` dsea` do mii' quiá' jaléng' dsea` dsée' i líng' doñí' ee` jmohuí': seeng` dsea` tiuung` jogui seeng` dsea` i jée' i 'líng' quiá'. Joba' cangáb' i dsea` gáng' do mi~ cajmi'leáng` Jesús jaléng' i dsea` dsée' do. Jo cangoquiéeng' i dsea` quiá' i Juan do fí' lí' sing' Jesús jo cajmingí'r' dsea` do:

—I Juan i seáng` dsea` jmii` do casíñ` jnea' e cajajmingí'naa' 'na, ¿su 'nub` dsea` i cajíng' Fidiéé' i nigüéeng' fí' jmigüí' la, osi 'né' e nijeem`baa' jaang` i jiéng'gui é?

22 Joba' cañí' Jesús casí'r i dsea` do:

—Güiling'na' güijméé'na' i Juan do júu` jalé' e nicañí'na' jogui jalé' e nicaná'u`na' na: güijméé'na'r júu` jial lijné'tu jaléng' dsea` tiuung`, jogui jial ngí'tu jaléng' dsea` jlúung', jogui jial linúb'tu jaléng' dsea` güiing~, jogui jial 'laang`tu jaléng' dsea` líng' jmohuí' 'lí' fí' ngúu' táang, jogui jial jí'tu jaléng' 'lí, jogui jial guiaa` júu` cajo quiá' jial nileáng` jaléng' dsea` dsee` dsea` qui` jee` jalé' dsee` quiá'r.

23 Jo juguiá` jiu quiá' jaléng' dsea` i ja` litúng` dsí' cóo' jalé' júu` quié` e.

24 Jo mi~ calí` e fé' Jesús lado, jo cangolíng`tu i dsea` quiá' i Juan i seáng` dsea` jmii` do, jo Jesús canaaiñ` sí'r jaléng' i dsea` i taang` cóo'r` do jalé' juguiá` uii` quiá' i Juan do, jo casí`reiñ' do jo cajíñ' lala:

—¿E` caguijøø` 'nú' mi~ caná'u`na' e ningí' i Juan i seáng` dsea` jmii` do fí' guóo' uó` quiú? ¿Já` leáa'?, ja` caguijøøng` 'nú' jaang` dsea` i uaang` júu` quiá' i jmóo` lí' doñí' ee` ta` quiú' dsea` jiéng' i líng' la lí' cóo' cuiñí' e dsée' cataang` lí' doñí' jié' fí' lí' í' guí,

25 o'gui caguijøøng`na' jaang` dseañu' i jlo' sí' i seeng` juguiá`, có' niñí'b` 'nú' e i dsea` la'í' neáaiñ` quiá' dseata` dsea` féng'.

26 Jo ¿i' í' óo'na' i caguijøøng`na'? Jo e já', 'nú' caguijøøng`na' jaang` dsea` i laniing`gui laco'gui i dsea` caguiaang` i café' cuaiñ` quiá' Fidiéé` malii`gui eáng'.

27 Jo nab` nicaliti` laco' fé' Fidiéé` fí' ni` jì quiá'r` cuaiñ` quiá' i Juan i seáng` dsea` jmii` do mi~ cajíñ' lala:

Nisín`n jaang` dsea` i niguiá` júu` quié` e ná'gui e niguó' fí' jmigüí' e laco' niguiár` guiá' fí' lí' ningí'.

Jo lanab` fé' fí' ni` jì quiá' Fidiéé` uii` quiá' i Juan do.

28 Jo casí`gui Jesús jaléng' i dsea` do jo cajíñ' lala:

—Lajee` lajaléng' dsea` i nicafé' cuaiñ` quiá' Fidiéé`, ja` mí' caliséng` jaang` i niing`gui ta` quiá' laco' i Juan i seáng` dsea` jmii` do. Jo dsu' i dsea` i ja` niing` fí' jmigüí' la, dsu' Fidiéé`bing' i quie' nifí' quiá'r, joba' í'bing' i niing`gui laco' i Juan do.

29 Jo jaléng' dsea` i canúu` júu` quiá' i Juan do ie` jo cajgáam`bre jmii`, jogui lajob` cajméé' cajo jiguí jaléng' nodsicuu` i jmóo` ta` quiá' dseata` quiá' Roma, có' calilí'r` e Fidiéé`bing' i ée` røø` laco' catíng`.

30 Dsu' jaléng' i dsea` Israel i líng' dsea` fariseo cóo' jaléng' i tifa' quiá' júu` quiú' ta` quiá' dsea` Israel ja` cali'iñ` fa' cajgáaiñ` jmii` mi~ cajá' i Juan do, có' ja` cali'iñ` lajii' e lamí` sí'iñ` ni'iñ` quiá' Fidiéé`.

31 Jo cajíng'gui Jesús:

—¿I` nifá'a i líng' la líng' jaléng' i dsea` i seeng` lana?

32 Có' jaléng' i líiñ` la líng' jiuung` i taang` tacóo' fí' 'móo', jo mi~ niti'áng' rúíñ` jo fé'r` lala: “Jnea'` cajiá'u`naa' lúu', dsu' ja` cadseeng`na'; jo ca'ó'naa' jalé' e ø` dsea` lí' ráang` 'lí, dsu' ja` caquí'na'.”

33 Có' lalab` caféé' 'nú' mi~ cajá' i Juan i seáng` dsea` jmii` do, có' ca'eeng`na'r e jée' i 'líng' quiá'r` dsu' uii' e ja` 'leáng` gø'r` jogui jii' capí'` jmí'` mí'` huíng` jó'` ja` í'r`.

³⁴ Jogui cagá~ jnea~ fí~ jmigüü' la e lín'n jaang` dsea` jmigüü' e gó'baa jii' laco' gø' dsea', jo dsu' jaléng' 'nú' ca'eeng` na' jnea~ e lín'n jaang` dsea` cúng` i gø' contøng~, jogui e lín'n jaang` dsea` íng` i ngí' cóo'~ jaléng' dsea` i sea` júu' e dsíng' røøiñ` dsee~, osi cóo'~ jaléng' 'ná' nodsicuu~ e jmóo' ta~ mí' cuu~ e catíng~ dseata~ quía'~ Roma é.

³⁵ Jo dsu' cóo'~ jalé' e jmóo' Fidié~, jmijnéeiñ` jial tí' tiiñ` ngáiñ'.

Mi' cagø' Jesús fí' quía'~ jaang` dsea` fariseo i sii' Simón.

³⁶⁻³⁷ Jo mi~ cangí jo, jaang` dsea` fariseo i sii' Simón catø'r~ Jesús fí' quía'r~ e cagø'r' í' e jmii~ jo. Jo e fí' góo' i Simón do niseeng` jaang` dseamí i nijmóo' ta~ 'níng' 'ñia'. Jo mi~ nicaliñí' i dseamí do e nidsé~ Jesús fí' quía'~ i dsea` fariseo do, jo cangó~ bre cajo. Jo lajee~ guing~ Jesús e gø'r' cóo'~ jaléng' i dsea` do, ca'í~ i dseamí do fí' lí~ guing~ Jesús jo quier' coo' sii' e a~ jmii~ jmeafii' e 'mo' eáang'.

³⁸ Jo mi~ caguié~ i dseamí do tí' lí~ guing~ Jesús, jo casí'r' uó~ jnir~, jo canaaiñ` quí'r'. Jo laco' quí'r', jalé' jmii' e ii' jminir~ do tí' fí' tii~ Jesús, jo cóo'~ e jmii' jo canaaiñ` ru'r' tii~ dsea` do, jogui cajmiquiur' tii~ dsea` do cóo'~ jñuguir~. Jo mi~ calí~ lajo, jo cachu'r' tii~ dsea` do, jo casúur~ e jmii' jmeafii' e quier' do fí' tii~ dsea` do.

³⁹ Jo mi~ cangá~ i dsea` fariseo do i catø'~ Jesús fí' quía'r~ do jalé' e cajmée' i dseamí do quía'~ Jesús, joba' canaaiñ' í' dsír': "Facó' já' i fé' cuaiñ` quía'~ Fidié~ i dseañu' la, joba' nilí' bre jóng e~ jalé' dsee~ røøng` i dseamí i güi' tii~ na."

⁴⁰ Joba' Jesús casí'r~ i dsea` do jo cajíñ'~:

—Simón, sea` coo' e 'né~ nifii' i 'nu'.

Joba' cañí' i dsea` fariseo i sii' Simón do jo cajíñ'~:

—¿E~ nifo', Tifa'?

⁴¹ Joba' cajíng'~ Jesús casí'~ reiñ':

—Coo' née'~ caliséng` gáng~ dsea` i røøng` cuu~ quía'~ jaang` dseañu' i jmóo' ta~ jmi'øø' cuu~. Jo jaiñ' do røøiñ` 'ñiá' ciento cutee', jo jaang` guiiñ' do røøiñ` jii'~ cincuenta cutee'.

⁴² Jo mi~ camí' i dsea` do cuu~ quía'r~, jii'~ jaang` i dsea` do ja' ee' sea` quí'r~ quíaiñ'~. Joba' jo' ee' camí' i dsea` fii~ cuu~ do cuu~ quía'r~, jo caláam~ i dsea` do, jo jo' ee' caquí'r' jii'~ coo' 'ñiá'. Féé'~ du 'nu' ne~ du': ¿I~ lajee~ laji' huáang~ i dsea` do eáang` guí' neáang` i dsea` cacuø' cuu~ do?

⁴³ Joba' cañí' i Simón do jo cajíñ'~:

—Jnea~ lín'n e i dsea` i carøøng` jmigui'guí do.

Joba' cañí' Jesús quíaiñ'~ do jo cajíñ'~:

—E uii~, jáb'~ quí'~, lajob líí'.

⁴⁴ Joba' cajøøng~ Jesús i dseamí i guing~ uii~ tii~ do, jo casí'r~ Simón jo cajíñ'~:

—¿Jøøng~ i dseamí la? Mi~ ca'úu' sinúu' quí'~, ja' cacuøø'~ jnea~ jmii' fa' e carúu'~ tii' laco' tíng` jneaa~aa' fí' la; dsu' i dseamí la, dsea` i co' jáab' la, nicaru'bre tii' cóo'~ jmii' ii' jminir~ jogui nicajmiquiur' cóo'~ jñuguir~.

⁴⁵ Jogui ja' cachu' 'nu' nii~ laco' tíng` jneaa~aa' fí' la mi~ neeng~ rú'naa'; dsu' i dseamí la ja' mí' caquiuiñ' e chur' tii' laco' mí' ca'úu' sinúu' quí'~.

⁴⁶ Jogui ja' casúu'~ jmii' jmeafii' moguii~ laco' tíng` jneaa~aa' fí' la; dsu' i dseamí la cagüéiñ` quier' coo' sii' e a~ jmii' jmeafii' e 'mo' eáang', jo nicasúur~ tii'.

⁴⁷ Dsu' jnea~ nifii' i 'nu' e já'~ i dseamí la dsíng'~ nicarøøiñ` dsee~, dsu' jnea~ nica'ím~baa jalé' e dsee~ jo quía'r~, joba' dsíng'~ jmi'neáaiñ` jnea~ lana; dsu' jaléng' guí' i dsea` i líng~ e ja' 'ga' lí' dsee~ røøiñ` e laco' jnea~ ní'ín~n jalé' e jo, joba' ja' 'ga' lí' jmi'neáaiñ` jnea~ jóng.

⁴⁸ Joba' cajíng'~ Jesús casí'r~ i dseamí do:

—Nica'ím~baa jalé' dsee~ quí'~.

⁴⁹ Jo jaléng' i dsea` i neáang` guí do cóo'~ Jesús canaaiñ` siiiñ` lajee~ yaaiñ~:

—¿I~ i dseañu' la e íiñ` dsee~ quía'~ jaléng' dsea'?

⁵⁰ Dsu' Jesús casí'~ guir i dseamí do jo cajíñ'~:

—Jneã nica'ín̄ n jalé' dseē quiá'- dsaco' jáb'- calín'- jalé' júu^ quié-e; joba' lana guóng' cóo' e guiá' fí quiá'-.

8

Jaléng' dseamí i cajmicóo' quiá'- Jesús

¹ Jo mĩ cangí jo, cangó̄ Jesús lacōo' fĩ e cóo' cóo' jalé' fĩ e pí' quiá'- e guiar' jalé' júu^ quiá'- Fidié̄ e quiá'- jial quié' dsea' do nifí quiá'- jaléng' dsea'.

²⁻³ Jo cóo' bre jaléng' i dsea' guitúung' do quiá'r̄, jogui ngolíim̄ bi cajo jaléng' dseamí i nicajmi'leánḡ Jesús lí' doñí ee' jmohuí líiñ', fa' jaléng' i jée' i 'ling' quiá'- lamí̃ jéeng'gui. Jo jeẽ jo quiéeng' jaang' dseamí i sií Yá' i seeng' fi' Magdala i ca'uóøng' guiánḡ i 'ling' quiá'-; jo jaang'gui dseamí i sií Sihuōo' i líng' oõ jaang' dseañu' i sií Chuza i jmóo' tã laniinḡ quiá'- dseatã Herodes; jo jaang'gui i sií Susana, jo fíim̄ bi jaléng' dseamí i jiéng'gui i ngolíinḡ iẽ jo, jo jmicóo'r̄ Jesús cóo' jalé' e sea' capí' quiá'r̄.

Mĩ ca'e' Jesús coo' júu^ já'- e lafa' júu^ cuento quiá'- mĩ bí dsea' mijú' (Mt. 13:1-9; Mr. 4:1-9)

⁴ Jo coo' jmí̃ iẽ jo, mĩ caliñí jaléng' dsea' jiẽ fí lí' táang' Jesús, jo ca'uóøiñ̄ cango'néeiñ' dsea' do; jo dsíng' fíng' dsea' caseáñí' iẽ jo, joba' ca'e' Jesús jaléng' i dsea' do coo' júu^ já'- e lafa' júu^ cuento jo casí'r̄ dsea' do lala:

⁵ —Jaang' dseañu' cangór̄ cangobíir̄ mijú' quiá'r̄ fí lí' nicajír̄. Jo mĩ cabír̄ e mijú' do, sea' e cajiú' lí' ngíng' fí'. Jo mĩ cangíng' jaléng' dsea', caso'øm' bre jalé' e mijú' do, jo e líng'gui cagó' ta' cajo.

⁶ Dsu' sea' bi e cajiú' nĩ cuũ lí' ja' leánḡ guóo' néé'; joba' mĩ ca'íang', dsifib' caliquiú' co' ja' sea' lí' nisó' jmó' quiá'- lí' güí', joba' ca'ím̄ cajo.

⁷ Jogui sea' bi e mijú' do e cajiú' jeẽ mijú' 'matóo'; jo mĩ ca'íang' e mijú' do, jéeng'gui e mijú' 'matóo' do cacuánḡ jo ca'ím̄ e mijú' e cabí' i dsea' do jeẽ e mijú' 'matóo' do.

⁸ Dsu' seab' e mijú' do e cajiú' lí' jlo' uó̄; jo mĩ cacuánḡ jo jlob' cacuó'; sea' e cacuó' lajì cien mí' lacamí' mijú'.

Jo mĩ calí' fé' Jesús jalé' e júu^ na, jo casí' guír jaléng' i dsea' do, jo café'r̄ laco' ninú' i dsea' do røø jo cajiñ'̄:

—Í' 'ná' sea' loguá'na', náu'na' jalé' júu^ quié-e.

E uiinḡ e ca'e' Jesús jalé' júu^ já'- e lafa' júu^ cuento (Mt. 13:10-17; Mr. 4:10-12)

⁹ Jo mĩ cangí jo, jo cajmingí i dsea' guitúung' do cajmingí'r̄ Jesús ẽ guóng' e júu^ e ca'er' do.

¹⁰ Joba' cajíng' Jesús casí'r̄ i dsea' guitúung' do:

—Quiá'- Fidié̄ nicangíng' 'ná' e ngáng'na' jalé' e ja' mí' ní' dsea' jéeng'gui, e dsea' í' iñ̄ cár̄ nifí quiá'- lajaang' lajaang' dsea' jmigüí'. Dsu' jneã éē e jaléng' i dsea' na cóo' júu^ já'- e lafa' júu^ cuento e laco' mĩ ninír̄, nijér̄ lafa' ja' ee' cangá' bre, jogui mĩ ninúr̄, nijér̄ lafa' ja' ee' canúu' bre cajo.

Mĩ cajmée' Jesús júu^ ẽ guóng' e júu^ quiá'- i dsea' bí mijú' do (Mt. 13:18-23; Mr. 4:13-20)

¹¹ Joba' cajíng' Jesús casí'r̄ i dsea' guitúung' do:

—Lalab guóng' e júu^ e ca'é'e na 'micú'': E mijú' do lí' lafa' júu^ quiá'- Fidié̄.

¹² Jo e cajiú' lí' ngíng' fí' do lí' lafa' i dsea' i núu' e júu^ do, jo dsu' lajmináb̄ güéenḡ fí' i 'ling', jo dsifí lajób̄ jmóor' e ja' já' líng' i dsea' do e júu^ jo, jo lajoba' ja' nileáñ' do jeẽ jalé' dseē quiá'r̄.

¹³ Jogui e mijú' e cajiú' fí' nĩ cuũ do lí' lafa' jaléng' dsea' i íang' dsí' íng' jalé' e júu^ jo, jo dsu' ja' huóø eē e já' líiñ̄, co' mĩ huíng' dsijéé' quiá'r̄ uí' e já' líiñ̄ júu^ quiá'-

Fidiée˘, jòba' dsifí lajòb tá˘tur e júu˘ jò, jò ì dsea` íbing' ì líng' la lí' e mijú` e ja` 'leáng` jmó˘ sea` do.

14 Jò e mijú` e cajiú` jee˘ mijú` 'matóo' do lí' lafa' jaléng` dsea` ì núu` júu˘ quiá'˘ Fidiée˘ jò ca'ím`bre e júu˘ jò, jò dsu' laco' ngóo' jmiing˘, eáang`gui guing˘ dsíir` jalé` fí'í` dsí' sea` quiá'r` jogui quiá'˘ jalé` ta` lí` cuu` jogui cajo e quiá'˘ jial nijmi'íáang` dsíir` cóo'˘ jalé` e sea` fí` jmigüí. Jò có' lajòb líiñ', jòba' ja` cuø' fí' quiá'r` fa' e nidsicuáng`gui e júu˘ quiá'˘ Fidiée˘ e já'˘ líiñ` do.

15 Jogui e mijú` e cajiú` lí` jlo` uø` do lí' lafa' jaléng` dsea` ì dsíng'˘ íáang` dsí' íñ` júu˘ quiá'˘ Fidiée˘, jogui eáam` jmóor` náur` jalé` júu˘ quiá'˘ dsea` do, có' ja` litúng` dsíir` jalé` e jò. Jò ì dsea` íbing' ì teáang` teá` cóo'˘ júu˘ quiá'˘ Dsea` Jmáang` , jogui eáam` dsicuáng` e júu˘ jò quiá'r`.

*Coo` júu` já'˘ e lafa' júu˘ cuento quiá'˘ jial mi` jmijneá` dsea` jí`
(Mr. 4:21-25)*

16 Jò mi` calí` e fé` Jesús júu˘ quiá'˘ mi` bí dsea` mijú`, jò cajíng'˘ guir casí'r` jaléng` ì dsea` do:

—Jíi` jaang` dsea` ja` 'gui'r` cajlí` quí` e mi` nicoo` jò nijlír` o'gui nisí'r` cóo` lí` cóong`˘, có' íiñ` e jneá` fí' la'úng` sinúu` quiá'˘ bre. Có' 'né` niquidsír` e quí` do cóo` lí` ñí' e laco' jneá` mi` dsitáaiñ` , jò lajòba' jné` jaléng` dsea` ì dsitáang` e sinúu` do.

17 Jò lajòb lí' cóo'˘ júu˘ quié` e: Ja` sea` jalé` júu˘ quié` e fa' e si`ma` e ja` niní` dsea` , o'gui sea` jalé` júu˘ quié` e fa' e ja` tóo` jmi` niliñí` dsea` jaléiñ`.

18 Jòba' fí` jneá` 'nú', náu`-na' júu˘ quié` e; có' jaléng` dsea` ì ninúu` júu˘ quié` e, jmiguiú`gui niñíiñ` e ngáiñ` , jò dsu' jaléng` dsea` ì ja` náu` júu˘ quié` e, jòba' ni'ím` lajji` e ni'í` dsíir` e ngáiñ` do.

*Mi` cajá` niquiá` Jesús cóo'˘ jaléng` rúíñ`
(Mt. 12:46-50; Mr. 3:31-35)*

19 Jò lajee˘ táang` Jesús e e'r` jaléng` ì dsea` do, caguié` niquiá'r` cóo'˘ jaléng` rúíñ` e 'náíñ` dsea` do. Jò có' ja` cuøong`gui fa' e nidsiquiéeiñ` do tí' quiá'˘ lí` sing` dsea` do, có' dsíng'˘ fíng` dsea` ,

20 jòba' jaang` ì dsea` do cajmea'r` Jesús júu˘ jò casí'r` dsea` do jò cajíñ`˘ lala:

—Na nicagüéng` niquí'˘ cóo'˘ gui jaléng` rún` e 'náíñ` 'nù, jò nab teáaiñ` caluu` lana.

21 Dsu' Jesús cañíir` jò casí'r` ì dsea` do jò cajíñ`˘:

—Jaléng` dsea` ì núu` júu˘ quiá'˘ Fidiée˘ jò jmitir` e júu˘ jò, jaléng` ì dsea` íbing' líng` niquié` e jogui rún` n.

*Mi` cajméé` Jesús e ca'uáang` e í' guí` jogui ca'uáang` e róo` jmi`
(Mt. 8:23-27; Mr. 4:35-41)*

22 Jò mi` cangí` jò, lajee˘ e táang` Jesús fí' Galilea, jò cóo` jmi` ca'ír` fí' dsí' cóo` móo' cóo'˘ ì dsea` guitúung` quiá'r` do jò casí'˘ reiñ`:

—Má`-aa' lí'˘ 'ngóo'˘ cataang` e guiéé' la.

Jò dsifí` ladob cangolíñ` fí' lí' e Jesús.

23 Jò lajee˘ ngolíñ` ni` jmi` jò caquiam'˘ Jesús. Jò lajee˘ güing` dsea` do, jò dsíng'˘ canaang` í' guí, jò mifíng` canaang` dsí'a` jmi` dsí' e móo' do, jò cafóm` ì dsea` guitúung` do, có' fø' nidsi'am` e móo' lí' teáaiñ` do.

24 Jòba' cangoñíiñ` Jesús jò cajíñ`˘ casí'r` dsea` do:

—¡Tifa'! ¡Tifa', nicanaang` dsí'am`baa'!

Jò caróo` Jesús, jò caquiur` ta` e guí` do cóo'˘ e jmi` do. Jò dsifí` ladob cahuíng` e í' guí` jò cahuím` e róo` jmi` cajo, jò tiib` ca'f.

25 Jò casí'˘ Jesús ì dsea` do jò cajíñ`˘ lala:

—¿Jna`gui e fó`na' e já'˘ líng`na' júu˘ quié` e?

Dsu' ì dsea` guitúung` do dsíng'˘ cafóñ' jò cangogá` dsíir` jò cajmingi` rúíñ`:

—¿I i dseañu' la e quiu'r' ta~ jo núu'~ jalé' guí' cóo'~ jalé' jmiñ' júu^ quiá'r'?

Jaang`dseañu' i seeng`fi' Gadara i nijé' i 'ling'^ quiá'-

(Mt. 8:28-34; Mr. 5:1-20)

26 Jo mi~ caguié- Jesús cóo'~ dsea` quiá'r- fi' lí- 'ngóo'~ cataang` e guiéé' do, jo caguiliñ- fi' coo` fiñ' lí- sii` Gadara.

27 Jo mi~ cajgáñ- e móo' do, jo cangoquiéeng` jaang` dseañu' i niseeng` e fiñ' do i nijéé' i fiñg` i 'ling'^ quiá'- lajii'~ maliib` jiu eáang`. Jo ja` ee` si'r^ qui'r', o'gui guiiñ` fi' quiá'r-, jo jii'~ fi' lí- áang` 'liib` güiññ`.

28 Jo mi~ cangáng- i dsea` do Jesús, jo cangoquiéeiñ` fi' quini` dsea` do jo casí'r' uó- jnir~, jo canaaiñ` fé'r' teá' jo sí'r' dsea` do lala:

—¡Jesús, Jóo' dsea` guiiing` ñifi-, ja` jmiguín'^ jnea'! ¡Jo mñ' i 'nu` jmi'ee` fa' nijíeé` o' e ja` nijmeáan'^ jnea'^ ga'!

29 Jo i 'ling'^ i jéé' quiá'- i dsea` do café'r' lado, co' Jesús nicanaaiñ` quiu'r' ta~ i 'ling'^ do e nitiúuiñ- do i dsea` do. Co' lamí~ jéeng`gui, eáang` jmiguiú' néé'~ nicajméé` i 'ling'^ i jéé' quiá'- i dseañu' do e ga` eáang`; jo nañi' fa' jaléng` dsea` nicasaiñ- i dseañu' do, jo nica'ñá'r' guoo` tiiñ- cóo'~ ñi' cadena e laco' jo` nijméiñ- ga', dsu' dsifi' ladob fiññ' do jalé' ñi' cadena, jo jmóo' i 'ling'^ do e dséé' i dseañu' do fi' lí- ja` i i dsea` seeng`.

30 Jo lalab cajíng' Jesús cajmingi' reiñ':

—¿Jial sii'?

Joba' cañi' i 'ling'^ i jéé' quiá'- i dseañu' do:

—Legióm sii- naa'.

Jo cajíng'- i 'ling'^ do lado, co' dsíng'- fiññ' jéer' quiá'- i dsea` do.

31 Jo jaléng' i 'ling'^ do camí'r' Jesús e ja` niquiá'- dsea` do ta~ e nidsiliñ- do fi' lí- 'li'.

32 Jo co' dsíng'- fiñg` cú^ nitaang`ne' gø're' nuu' fi' dse` coo` mó' quiá'- lí- táang` Jesús, joba' camí' i 'ling'^ do jmi'ee` camí'r' dsea` do e nicuór- fi' e nidsitáaiñ- do dsí' jaléng' i cú' do. Joba' cacuø' Jesús jaléng' i 'ling'^ do fi' lajo.

33 Jo dsifi' ladob catiúung- jaléng' i 'ling'^ do i dsea` do, jo cangotáaiñ- dsí' jaléng' i cú' do. Jo mi~ cangotáang- i 'ling'^ do fi' dsí' jaléng' i jó' do, jo dsifi' ladob cacuíre', jo cabíing- yaang`ne' fi' 'ni' jiáa', jo cajiúng`ne' fi' dsí' jmi', jo cajgó'bre' jmiñ' jóng.

34 Jo mi~ cangá- jaléng' i dsea` i jmóo' í i cú' do lajii'~ e calí- do, dsifi' ladob cacuír` cangoliiñ` fi' fiñ', jo caguiar' júu^ lajii'~ e calí- cóo'~ i cú' do, jogui cajmea'r' júu^ jaléng' dsea` i cajíñ' guiá' fi' cóo'~ fi' jee` mó' laco' ngoliiñ`.

35 Jo mi~ caliñ' jaléng' i dsea` seeng` fi' jo jalé' e calí- e jmiñ' jo, jo dsifi' ladob cangoliiñ` fi' lí- táang` Jesús. Jo mi~ caguiliñ- fi' lí- táang` dsea` do, jo cangár- e dob niguiing- i dsea` i lamí~ jéé' i 'ling'^ quiá'- do colíing- cóo'~ Jesús, jo niqui'bre si'r^, jo jo` ee` líiñ' jii'~ coo`. Jo dsíng'- cafóng' jaléng' i dsea` i caguiliñ- do.

36 Jo jaléng' dsea` i cangá- jial ca'laang- i dseañu' i lamí~ jéé' i 'ling'^ quiá'- do, dsifi' ladob caguiar' júu^ jial calí-.

37 Jo mi~ calí- lado, jaléng' i dsea` i seeng` fi' Gadara do camí'r' jmi'ee` Jesús e nigüi'lib' dsea` do e fi' lí- táaiñ- do, co' dsíng'- 'gó' jaléng' i dsea` do. Jo mi~ cajíng'- i dsea` do lado, jo dsifi' ladob ca'í-tu Jesús dsí' e móo' do, jo ca'ír- fi' e nidsém'-tur fi' Galilea.

38 Jo i dseañu' i lamí~ jéé' i 'ling'^ quiá'- do camí'r' Jesús jmi'ee` e nidsér- cóo'~ dsea` do, dsu' ja` cacuø' Jesús fi' lajo. Jo caquiur' ta~ i dseañu' do e cangáñ- do fi' quiá'r-, jo casí'-reiñ' jo cajíñ'-:

39 —Guóng' fi' quí'-, jo güiguia~ júu^ jalé' e guiá- e nicajméé` Fidiéé` cóo'~ 'nu`.

Jo cangám'- i dseañu' do, jo cajmiti-bre jalé' ta~ e caquiur' Jesús, jo caguia'bre júu^ jalé' e guiá- e cajméé` dsea` do cóo'r`.

Mi~ cajmi'leáang- Jesús jóo' Jairo

(Mt. 9:18-26; Mr. 5:21-43)

40 Jo mi~ caguiéng'-tu Jesús fí Galilea, jo dsíng'- fíng' dsea` i niteáang- güijéé` quiá'r-. Jo dsíng'- íaang` dsí' jaléng' i dsea` do dsu' caguiéng'-tu Jesús fí do.

41 Jo lajee` jo, caguié- jaang` dseañu' i sii' Jairo i líng' fii' féng' quiá'- guá'- quiá'- dsea` Israel. Jo mi~ caguié- fí quini~ Jesús, jo casí'r' uó- jnir~ fí quini~ dsea` do jo camir' jmi'ee` fa' e nidsé- dsea` do fí quiá'r-, co' seeng` camíng'~ simí^ jiuung~ quiá'r- i ningóo' guitu' jii` jo niráaiñ' do dséer~ eáang' e dseáng'- tí lí~ nijúum-bre.

42 Jo lajee` ngóo' Jesús fí quiá'- Jairo, dsíng'- fíng' dsea` ngolíñ-, jo dsíng'- sicúung' Jesús jee~ jaléng' i dsea` do.

43 Jo jee~ jaléng' i dsea` i jée' quiá'- Jesús ningóo' jaang` dseamí i nilíng' jmohuí e tuuiñ` lajii~ ningóo' mi~ guitu' jii`. Jo lami~ jéeng' dsíng'- nica'íiñ- cuu- quiá'r- cóo'~ jaléng' timí', jo jii~ jaang` ja` ii` mí cali' fa' i nicajmi'leáang- ír'.

44 Jo guidseaam^ cali'- i dseamí do cangíiñ' jee~ jaléng' i dsea` do, jo cangoquiéeiñ' fí lí- caluu` Jesús jo catíiñ- capí'^ 'ni' sí'^ dsea` do, jo dsifí ladob ca'láaiñ-, jo jii~ capí'^ jmí jo` e tuuiñ` jóng.

45 Jo Jesús dsifí ladob cajmingí'r- jaléng' i dsea` i cóo'r- do jo cajíñ'-:

—¿I~ i catíng- capí'^ sí'i?

Jo co' jaléng' i dsea` do cañír' e jii~ jaang` ja` ii` cajmée' lajo, joba' cañíi' Tú^ Simón:

—Tifa', ¿jialí' jmingí' i~ catíng- capí'^ sí'? Co' jalém' dsea` 'leng' rúíñ' fí la fí na.

46 Joba' cañíi'tu Jesús jo cajíñ'-:

—Lím~bing' ii` cagüi' sí'^, co' 'ñiá'a calilí'^ e lím~bing' i nicajmi'leáan^n cóo' e 'gøn'n.

47 Jo i dseamí do, mi~ canúur- e calilíb'^ Jesús e líng- ii` catíng- sí'r^, joba' dsíng'- cafóíñ' jo dsíng'- jléeiñ` cangór- fí quini~ Jesús, jo casí'r' uó- jnir~ fí quini~ dsea` do. Joba' cajmээр` júu^ fí quini~ jaléng' i dsea` do jialí' cagüi'r' sí'^ Jesús, jo jial ca'láaiñ- ladsifí lado e jmohuí e lami~ líiñ'.

48 Joba' cajíng'- Jesús casí'r- i dseamí do:

—Jóo'o, uíi~ e jáb'- calín'- júu^ quié-e, joba' nica'láam-ba' lajii~ jmohuí e lami~ lin'. Joba' lana guóng' cóo' e guiá- fí quií'-.

49 Jo laco' gui'nam^bi síng' Jesús cóo' i dseamí do, mi~ caguié- jaang` dsea` sinúu^ quiá'- Jairo e quier' júu^ cuaiñ~ quiá'- i simí^ do, jo lalab casí'r- dsea` do:

—Jo` taan'- i tifa' na e dsér- fí quií'-, co' nicajúm- simí^ jiuung~ quií'-.

50 Dsu' mi~ canúu- Jesús lado, dsifí ladob casí'r- Jairo:

—Ja` fóøn' jii~ cóo', lico' 'né- e jáb'- nilíin' e quí~baa jmí~ nijmee~ e e ni'leáang- i simí^ jiuung~ quií'-, jo lajob nilí'.

Jo mi~ cajíng'- Jesús lado, dsifíb' cangór- fí quiá'- Jairo.

51 Jo mi~ caguié- Jesús fí quiá'- dsea` do, jo ja` cacuør' fí fa' e cangotáang' dsea` jíéng'gui, jii~ Tú^ Simón cóo' Tiáa~ cóo' Juan cóo' sejmií i simí^ jiuung~ do, jii~ í'bing' i cangíng' fí e cangotáang' fí dsí' sinúu^ e lí- ráang' i líi~ do.

52 Jo jaléng' i dsea` sinúu^ quiá'- Jairo dsíng'- qui'r' jogui dsíng'- jiuung~ dsíir' dsu' e nicajúng- i jiuung~ simí^ do. Joba' cajíng'- Jesús casí'r- jaléng' i dsea` do:

—Ja` qui'na', co' ja` sijúung^ i jiuung~ na co' lico' güim-bre.

53 Dsu' jaléng' i dsea` do lí'^ cangám-bre Jesús mi~ cajíng'- dsea` do lado, co' ní-bre e nicajúm- i jiuung~ do.

54 Jo lajee` e jmóo` i dsea` do lajo, jo Jesús catíiñ- guoo` i jiuung~ do, jo cató'-reiñ' la'úung` jo casí'-reiñ' lala:

—jRáan'- na, Mí'!

55 Jo mi~ cajíng'- Jesús lado, dsifí ladob cají'tu i simí^ do jo caróo-bre. Jo dsifíb' caquiú' Jesús ta~ e cangíiñ' do e cagó'r'.

56 Jo mi~ cangá- sejmií i jiuung~ do e cajíib'tuiñ' do, joba' dsíng'- cangogá` dsíiñ'; dsu' Jesús caquiú'r' ta~ sejmií i simí^ do e ja` ii` nisíiñ' do jii~ jaang` lajii~ e cajmээр` e sinúu^ do ie~ jmí~ jo.

9

*Mi~ casíng` Jesús dsea` guitúung` quiá'r- e niguiáin~ do júu` quiá'- Fidiéé`
(Mt. 10:5-15; Mr. 6:7-13)*

1-2 Jo mi~ cangí jo, caseáng` Jesús jaléng` dsea` guitúung` quiá'r-, jo caquiá'reiñ' ta~ e nidsiguiáaiñ~ do júu` quiá'- jial iing~ Fidiéé` e nicár` nifí quiá'- dsea, jogui cacuø'reiñ' do bí e quíiñ~ do jmi~ e ni'uóin~ jaléng` i 'ling` i jée' quiá'- dsea, jogui e nijmi'leáaiñ~ do jaléng` dsea` dsée~ i líng' doñí ee` jmohuí.

3 Jo lalab casí~ Jesús i dsea` guitúung` do quiá'r- jo cajíñ~:

—Nigüilíng~ na' jo ja` ee` 'né- cá'na' jii~ coo` quiá'- guiá'^ fí: ja` 'né- cá'na' 'ma'u` o'gui nosúu` o'gui lí' o'gui ñinée-. Jogui jii~ sí'na' e quíi~ba' nicá'na', co' ja` 'né- fa' cá'na' tú- neáng' sí'na'.

4 Jo mi~ nigüilíng~ na' fí coo` fii, jo 'né- ni'no'^na' coo` 'núu` lí~ nijá'na' carta~ taang~ na' e fii jo, jo ja` jmisíng^ na' lí` já'na'.

5 Jo jíe'go fii lí~ nigüilíng~ na' lí~ ja` ni'íng` dsea` 'nú', joba' uøng'na' e fii jo, jo mi~ niteáng~ na' 'ni' e fii do, bó'na' 'lee` e toq~ tí'na' lacø' cuø' lí~ e ja` ca'ée` i dsea` do guiá- coo` 'nú'.

Jo jalé' e ta~ na caquiá' Jesús quiá'- jaléng` i dsea` guitúung` do.

6 Jo ca'uøøm` i dsea` guitúung` do mi~ cangoyúung~ e ca'íñ' jalé' ta~ nijmér-, jo cangolímbre fí jalé' fii e guiar' jalé' júu` quiá'- Fidiéé` quiá'- jial laang` dsea` jee` jalé' dsee- quiá'r-, jogui jmi'leáam~ bir cajo jaléng` dsea` i líng' doñí ee` jmohuí.

*Mi~ cangogá` dsú' Herodes jial fé' dsea` uii~ quiá'- Jesús
(Mt. 14:1-12; Mr. 6:14-29)*

7-8 Jo ie~ jo nicanúu- dseata~ Herodes jalé' e síng` dsea` quiá'- jalé' e guiá- e jmóo` Jesús, jo jii~ ja` ñí i dseata~ do e~ nijmér-, co' seeng` dsea` dsicóor` júu` e nicají'tu jaang` lajee` lajaléng` dsea` i café' cuaiñ~ quiá'- Fidiéé` mali~ gui eáang', jogui seeng` dsea` fé'r` e nicajném~tu Líi^, jaang` dsea` i café' cuaiñ~ quiá'- Fidiéé` mali'gui eáang' cajo, dsu' seem`bi dsea` i fé' e Juan i seáang` dsea` jmi~bing' i nicají'tu calé' catú-.

9 Jo mi~ canúu- i dseata~ do e fé' dsea` e nicají'b'tu i Juan i seáang` dsea` jmi~ do, joba' eáam` cangogá` dsíir` jo cajíñ~:

—Jneab~ dsea` caquiá'-u ta~ e cahuí' moluu~ i Juan do. Jo ¿i~ i éeng` jaléng` dsea` i ngí' jmóo` jalé' e guiá- jogui quí'r~ jmi~ e jmóor` lí'^ doñí ee'?

Joba' lajii~ ie~ job cajmi'úung` dseata~ Herodes e 'nó'r` jial niníiñ- Jesús.

*Mi~ cahéng'` Jesús 'ñiá` mil dseañu`
(Mt. 14:13-21; Mr. 6:30-44; Jn. 6:1-14)*

10 Jo mi~ calicóng`gui lajo, caguilíim`tu i dsea` guitúung` do e cangocóor` júu` fí quini~ Jesús jalé' e guiá- e cajméer` lacoo` fii lí~ cangolíiñ-. Jo mi~ calí- féng' rúíñ', jo cajéem` Jesús i dsea` guitúung` do fí coo` lí~ ja` ii` 'ga' lí' dsea` ngí, quiá'- coo` fii lí~ sii` Betsaida.

11 Jo mi~ caliñí jaléng` i dsea` i seeng` e fii jo jie~ fí lí~ nitáang` Jesús, joba' fíim` dsea` cangolíiñ^ fí lí~ táang` dsea` do. Jo Jesús ca'ím`bre jaléng` i dsea` do mi~ caguilíiñ-, jo canaaiñ` e'r` júu` quiá'- jial iing~ Fidiéé` nicár` nifí quiá'- jaléng` dsea, jogui cajmi'leáam~ bir jaléng` dsea` dsée~ i quiéeng` jee~ i dsea` do cajo.

12 Jo mi~ ningóo` ca'lóo- e jmi~ jo, cangoquiéeng` i dsea` guitúung` do fí lí~ sing' Jesús jo casí'r- dsea` do jo cajíñ~:

—I' júu` jogui síi~ jaléng` i dsea` na güigüilíiñ` jo güigüijméer- quijí- lí~ nijér- coo`-gui jalé' e nidø'r- jíe' fí lí~ lí'r` e tée- 'núu', co' fí lí~ taang~naa' la ja` ee` sea` e niquiee~naa' coo'r-.

13 Joba' cañi` Jesús casí'r- i dsea` guitúung` do:

—'Náb' 'né- cuø'na' e nidø'- jaléng` i dsea` la.

Jo cañi`tu i dsea` guitúung` do:

—¿Jial nilîgui jo? Co' jii' ñiá' iñi'ba' sea' cóo'gui gáng' ñu, jo fíng ja' né' dsé'baa' e dsileá'naa' e nidó' jaléng' i dsea' na.

14 Co' dsíng' fíng' jaléng' i dsea' do; tíbre la ñiá' mil jii' dseañu' jo ja' íng' jaléng' dseamî o'gui jaléng' jiuung' cajo.

Dsu' Jesús casí'r jaléng' i dsea' quiá'r do:

—Sí'na' jaléng' dsea' güigüear' tá' có' nibøø' tá' cincuenta dsea'.

15 Jo lajob cajmée' i dsea' guitúung' do, jo caguáb' i dsea' do laco' ta' caquiú' Jesús.

16 Jo mi' calí' caguá' jaléng' i dsea' do tá' có' nibøø' lacúng' lajíng' lí' sing' Jesús, joba' catíng' dsea' do laj' ñiá' e iñi' do cóo'gui laj' huáng' i ñu' do, jo cajøø'r fí' yá' jmiüü', jo lajoba' cacuø'r gui'máang' Fidié' quiá' e do. Jo mi' calí' jo, cajmées' jmá' jia e do jee' jaléng' i dsea' guitúung' do, joba' íguib cajmée' guié' jee' lajaléng' i dsea' fíng' do.

17 Jo jalém' i dsea' do cagø'r car' calitaaiñ' guiá'. Jo mi' calí' gø'r lajiiñ' do, caseám' bi guitú' matá'gui e røøng' téé' ná' iñi' cóo'gui náng' i ñu' do.

Mi' cajíng' Tá' Simón e Jesús líiñ' Dsea' Jmáang'

(Mt. 16:13-19; Mr. 8:27-29)

18 Jo mi' cangí' jo, cóo' jmiñ' taang' Jesús e féiñ' Fidié', jo cóo'bre i dsea' guitúung' quiá'r do. Jo lajee' jo cajmingí' Jesús jaléng' i dsea' quiá'r do jo cajíñ':

—¿I' jnea' fé' jaléng' dsea'?

19 Joba' cañi' jaléng' i dsea' guitúung' do:

—Seeng' dsea' dsicueáiñ' ñu' cóo' i Juan i seáng' dsea' jmiñ' do, jo seeng'gui dsea' dsicueáiñ' ñu' cóo' Lí' i café' cuaiñ' quiá' Fidié' mali'gui eáang', jogui seem'bi dsea' dsicueáiñ' ñu' e lin' jaang'gui i nicafé' cuaiñ' quiá' Fidié' jogui e nicají'tur lana.

20 Joba' cajmingí'tu Jesús i dsea' guitúung' do jo cajíñ':

—Jogui ñu', ¿i' fó'na' e lín'n?

Joba' cañi' Tá' Simón quiá' Jesús:

—'Ñu' dsea' i líng' Dsea' Jmáang' i casíng' Fidié' dsea' guing' ñif' cuaiñ' quiá'r.

21 Dsu' Jesús ca'ír' 'goo' quiá' jaléng' i dsea' guitúung' do e ja' ii' nisíñ' do jii' jaang' e íbre líiñ' Dsea' Jmáang'.

Mi' cajmée' Jesús júu' e tí' nijngáng' dsea' ír'

(Mt. 16:20-28; Mr. 8:30-9:1)

22 Jo mi' calí' cajíñ' lado, jo casí'guir i dsea' guitúung' do lala:

—E jáb' e jnea' lín'n i dsea' i cajá' fí' ñif' e lín'n jaang' dsea' jmiüü'. Jo dsíng' né' nimoo'o iihuí' e eáang', co' jaléng' dsea' cóøng' quiá' dsea' góo'o dsea' Israel nilí' ní' níim-bre jnea', jogui lajob nijmé' jaléng' dsea' quie' nif' quiá' jaléng' jmidsea' quí'ii' cóo'gui jaléng' tifa' quiá' júu' quiú' ta' quí'ii'. Jo jaléng' íbing' i nijngáng' jnea'; jo dsu' mi' nití' ní' jmiñ' lajo, nijíb'túu calé' catú'.

23 Jo mi' calí' jo, cangób'tur cóo' i dsea' guitúung' do fí' lí' teáang' jaléng' i dsea' fíng' do jo casí'reiñ':

—Song ii' dsea' íng' ni'uíng' dsea' quie' e, joba' güitár' jalé' e lí' dsír' ñia'r, jogui laco' jmiñ' güiseaiñ' lafa' crúu' quiá'r e laco' cuø' lí' e guia' dsír' e nidsingüiñ' jalé' e huíng' uí' e líiñ' dsea' quie' e, jo lajoguiba' ningír' cóo' jnea' jóng.

24 Co' ii' dsea' i í' dsí' e lí'bre nileáng' ñia'r' jee' jalé' dsee' quiá'r, joba' i dsea' í' conguiab' nibíiñ' fí' lí' 'lí'; jo dsu' ii' dsea' nijúuiñ' uí' e líiñ' dsea' quie' e osi uí' e ni'r' júu' quiá' jial niliseeng' dsea' cóøng' cóo' Fidié', joba' i dsea' í' nitíim-bre fí' quini' Fidié' jóng.

25 Jo ja' ee' ta' íng' quiá' jaang' dsea' e silí'r' jalé' e sea' fí' jmiüü' song ja'gui cuiñ' jnea', co' fí' lí' 'lib' nidséiñ' mi' nití' í' e nijúuiñ', jo doguib lí' ninír' iihuí' lata'.

26 Jogui song ii' i 'gó' nifé' e líiñ' dsea' quie' e, osi í' líiñ' e nifé'r' e já' líiñ' júu' quie' e é, joba' lajob nijmee' jnea' cóo' i dsea' í' cajo, jnea' dsea' gáa'a fí' ñif' e lín'n jaang' dsea'

jmigüü; co' lajob nijmee e mi~ nigaa'tuu fi' jmigüü e niniing- 'gøiñ' quia~ Tiquié e Fidié~ jogui cóo~ jaléng' ángeles i güeang' cajo.

27 E já~ e fi~ i 'nú' e i liing~ lajee~ i dsea~ i teáng- la ja` mí júuiñ- cartí ninír` jial lí' mi~ nicá Fidié~ nifi' quia~ lajaang` lajaang` dsea` jmigüü.

Jø jalé' e júu^ na cajíng'- Jesús casí'r- jaléng' i dsea` do ie~ jo.

Mi~ calisíng- jial jnéeng- Jesús

(Mt. 17:1-8; Mr. 9:2-8)

28 Jø mi~ cangf jñiá~ jmii~ e cajíng'- Jesús lajo, jø cajnóor- fi' cóo` yá^ mó' e cangoféiñ' Fidié~, jø cóo~ bre Tú^ Simón cóo~ Tiáa~ jogui Juan.

29 Jø lajee~ táang` Jesús e féiñ' Fidié~, tá~ jiu ladob jnéeng^ calisíng- jial jnéeng- nir~ jogui calisíng- sír^ cajo, jø cajnéng- e tee` jlo^ lafa' joo, jogui calijíñ' laco' jing' iee`.

30-31 Jø lajee~ jø cajnéng- gáng- dseañu' i síng` cóo'r~, jø ni~ Moib~ do cóo~ gui ni~ Lí^, jø laji huáaiñ- do líiñ' dsea~ i café' cuaiñ- quia~ Fidié~ malí~ gui eáang', jø jlob' jing' i dseañu' do cajo, jø síiñ' quia~ jalé' iihuú' e nicá Jesús fi' Jerusalén mi~ nití- í' e nijngáng'- dsea` ír`.

32 Jø dsu' laji` gaang` i dsea` quia~ Jesús i jéiñ` do dsíng'- cajá- e jalgüiñ` dsu' caje`bre e sijnéé` dsír', jøba' cangár- e jlo^ jing' Jesús jø la quie`gui i dsea` gáng- do jiiñ` cajo.

33 Jø mi~ cangá- Tú^ Simón e catang' fi' i dsea` gáng- i teáng- cóo~ Jesús do, jøba' dsifi' lala casí'r- Jesús jø cajíñ'-:

—Tifa', jdsíng'- juguiá- dsu' taang~naa' cóo~ i dsea` na fi' la! Fa' na nijmées~naa' 'ní' 'núu' jiu cóo~ má^ 'ma~, cóo` quíi~ jogui cóo` quia~ Moi~ jogui cóo` quia~ Lí^ cajo.

Dsu' jii~ ja` calilí^ Tú^ Simón e café'r` lado.

34 Jø lajee~ gui'nang' fé'bir mi~ cajnó- cabøø jnií, jø caquiñ- lajee~ teáaiñ- fi' e yá^ mó' do, jø dsíng'- caføng' Tú^ Simón cóo~ Tiáa~ cóo~ gui Juan.

35 Jø lajee~ teáaiñ~ jee~ e jnií do, guicaná' cóo` luu~ dsea` fi' yá^ jmigüü jø guicajíng'-:

—I lab jóo`o i camíng~ i 'neáan`n eáang'. Jmee~na' núu~na' jalé' ta~ quíu'r`.

36 Jø mi~ cangoyúung' e caná' e luu~ dsea` do, cangá- i dsea` gaang` do e jø jnéeng- gui Moi~ o'gui Lí^ fi' do, jø 'ñiab' Jesús sing'guir. Jø mi~ cangf jø, jii~ jaang` dsea` ja` ii` cajmea'r` júu^ jalé' e cangár- e fi' yá^ mó' do ie~ jmii~ jø.

Mi~ cajmi'leáang- Jesús jaang` siming' i iuung- i 'ling' dsí'

(Mt. 17:14-21; Mr. 9:14-29)

37 Jø mi~ cajnea~ cóo`gui jmii~, jø cajnám- bre e fi' yá^ mó' do. Jø dsíng'- fñíng` dsea` cajíñ' i ngolíng- ngo'neé' quia'r`.

38 Jø jaang` dseañu' lajee~ lajaléng' i dsea` fñíng` do cató'r- Jesús e teá` eáang' jø cajíñ'-:

—Tifa', ¿já` jmée^ uí^ dié~ fa' ñijmee' mii' quia~ jóo`o? co' camíng' siming' labíng' i seeng` quie~e;

39 jø jaang` i 'ling' jée' quia'r~, jø yejib- jmóoiñ` do e dsea` joñiñ`, jø óor` teá` jogui iéng' jalé' ja` fi' mo'oor- lajee~ jø, jø dsíng'- jmihuíng`neiñ', jø ja` iíñ~ do nitáur`.

40 Jø nicamí~baa jmi'ee~ dsea` quíi~ fa' e nijmihuíñ- i 'ling' do, dsu' ja` mí cali'r`.

41 Jøba' lalab casí- Jesús jaléng' i dsea` do jø cajíñ'-:

—jDsíng'- ja` já- líng`na' jnea~, jø jmang'- fi' gab` iing~na' cá^na! ¿jial nité' lí'i e niliseen- cóo~ 'nú'? Ñijéeng` i siming' quíi~ do fi' la.

Jø dsifi' ladob cangojéeng` i dseañu' do i dsea` dsée' quia'r` do.

42 Jø mi~ cangoquíéeng` i dsea` dsée' do quia~ lí- sing' Jesús, dsifi' ladob cabíi~ i 'ling' do cabíiñ- i siming' do fi' ni~ uó^, jø cajméer` e cadseá-tu joñiñ` do. Jø dsifi' ladob ca'gaang` Jesús cajíñ- i 'ling' do, jø ngohuíim-biñ' do quia~ i siming' do, jø ca'láam-biñ' do. Jø ngf joguiba' cajáng' Jesús i siming' do cóo~ tiquia'r`.

43 Jø dsíng'- cangogá` dsíi' jaléng' dsea` i cangá- e jø ie~ jø, co' dsíng'- 'gøng' Jesús laco' 'gøng' Tiquia'r^ dsea` guíng~ ñifi`.

Mi~ cajmée tu Jesús júu^ e nijnga'- dsea` quiá'r-
(Mt. 17:22-23; Mr. 9:30-32)

Jò lajee` teáng- jaléng' i dsea` do e dsigá` dsír' quiá'- jalé' e cajmée` Jesús cóo' i siming' do, jò lajee` jò cajíng'- Jesús casí'r- jaléng' dsea` quiá'r-:

44 —Núu- na' røø` jalé' e nifá'^a la lana, jò ja` güi'íng^ óo'na' lata~ taang~na' fí' jmigüi'; có' lana tí' lí' niguiéé' jmii~ e nisáng' dsea` jnea~, dsea` gáa'a fí' ñifí' e lín'n jaang` dsea` jmigüí'.

45 Dsu' mi~ canúu- jaléng' i dsea` guitúung` do jalé' e cajíng'- Jesús, júi~ jaaíñ' do ja` cangáíñ' júi~ camí'^ júu^ jialí' cajíng'- dsea` do lado, có' ja` mí' cangáíñ' fa' nicacuø` Fidiéé` e ningáíñ' e júu^ jò, jògui ja` teá` dsír' fa' e nijming'ír` jialí' cajíng'- dsea` do lado.

¿I~ i niing- gui fí' quini` Fidiéé'?
(Mt. 18:1-5; Mr. 9:33-37)

46 Jò mi~ cangí jò, cóo' jmii~ canaang` i dsea` guitúung` do e guíng' rúíñ' i~ i niing- gui lajee` lajaléíñ' do.

47 Jò dsu' calilí^ Jesús jalé' e sítng` dsea` quiá'r-, jòba' dsifí' ladob cató'r- jaang` jiuung` jò casíng'neiñ' cáaiñ',

48 jò casí'r- jaléng' i dsea` quiá'r- do jò cajíñ'-:

—Doñí' i~ i íng' dsea` i líng' laco' líng' i jiuung` la la'eáang' cóo' jnea~, jòba' güiliñir' jóng e jneab~ íñ'; jò i~ dsea` i íng' jnea~ güiliñir' e ím'bre Fidiéé` dsea` guíng` ñifí-, dsea` casíñ' jnea~ fí' jmigüí' la. Jògui doñí' i~ i ja` jmiféng' 'ña' jee~ jaléng' dsea` rúng', í'bing' i niing- gui lajee` lajaléng'.

Doñí' i~ dsea` i ja` fé' ga` uii~ quí-ii', jòba' uii~ quí-baa' siñ'
(Mr. 9:38-40)

49 Jòba' cajíng'- Juan casí'r- Jesús:

—Tífa', jnea^ nicaneem~baa' jaang` dseañu' i jmóo` ta~ uøøng` jaléng' i 'ling'^ la'eáang' cóo' 'nu', jò có' ja` ngí'guir colíng` cóo' jneaa'aa', jòba' nicajníim'baa' quiá'r- e nijmér- lajò.

50 Jòba' lalab cañí' Jesús quiá'- i dsea` quiá'r- do:

—Ja` jnúng'^na' quiá'- i dsea` do, có' ja` seeng' júi~ jaang` dsea` i nijmé- cóo' e lí' e dsigá` dsí' dsea` la'eáang' cóo' jnea~, jò mi~ nilicøøng`gui lajò, nífé'r` ga` uii~ quíé-e. Có' i dsea` i ja` fé' ga` uii~ quí-ii', jòba' uii~ quí-baa' siñ'.

Mi~ ca'gaang` Jesús quiá'- Tiáa~ cóo' gui quiá'- Juan

51 Jò mi~ cangí jò, nijaquíéeng' jmii~ e nidséng'- tu Jesús fí' ñifí-, jò teáb` née` dsír' cangór- fí' Jerusalén, có' niñi'bre e fí' jòb` nijngáng'- dsea` ír'.

52 Jò nifib' casíñ' dsea` quiá'r- i cangojmée^ quijí- lí~ nijér- lajee` uøø. Jò cangolíng^ i dsea` do fí' cóo' fii' pí' e née' fí' lí' se' Samaria.

53 Jò mi~ caguilíng- i dsea` quiá'- Jesús do fí' jò, ja` ca'íng'neiñ' do o'gui cacuør' lí~ nijéíñ'- do, có' calilí'r^ e iuung- Jesús fí' e ngóor' fí' Jerusalén.

54 Jò mi~ canúu- Tiáa~ cóo' gui Juan e ja` lí~ cangáíñ' do lí~ nijér- fí' jò, jòba' casí'r- Jesús:

—Tífa', ¿su iin' e niquiá'^naa' ta~ e nijjú' jì' fí' yú'^ jmigüí' jò nicáng' jaléng' i dsea` do laco'gui cajmée` Líí' malí~gui eáang'?

55 Jò mi~ canúu- Jesús e cajíng'- i dsea` quiá'r- do lado, dsifí' ladob cajíng' 'ña'r' jò ca'gaaiñ' quiáíñ'- do jò casí'-reiñ':

—¿I~ júu^ quiá'- jmití' 'nú'?

56 Có' ja` cagá- jnea~ fí' jmigüí' la e lín'n jaang` dsea` jmigüí' fa' e nijngán'^n jaléng' dsea` jmigüí', có' jnea~ cagá-a e lí'^ laco' nilaan-re jee~ jalé' dsee- quiá'-bre.

Jò mi~ calí- cajíng'- Jesús lado, jò fí' lí~ jiéb' cangolíñ- e ngojmée^ quijí- lí~ cajer' e uøø` jò.

*Jaléng' dsea` i iing` nidsilíng` cóo' Jesús
(Mt. 8:19-22)*

57 Jo lajee` iuung` Jesús fí cóo' dsea` quiá'r` e ngóor' fí Jerusalén, jaang` dseañu' cangoquíeíñ' fí lí ngóo' dsea` do, jo casí'-reiñ' lala jo cajíñ'-:

—Tifa', iim` jnea` nii` i cóo' 'nu` doñí' jíé' fí lí guó'.

58 Joba' cañí' Jesús quiá'- i dseañu' do jo casí'-reiñ':

—Jaléng' güí' seab` too` lí` güüing`ne', jogui jaléng' ta' seab` sii`re', jo dsu' jnea~, dsea` gáa'a fí ñifí` e lín`n jaang` dsea` jmigüí, jí' lí` quíee` e moguii` ja` sea`.

59 Jo malí` guíjia lajo cajíng' Jesús e sí'r` jaang`gui dsea` lala:

—Nea` cóo' jnea` lana.

Jo dsu' i dsea` do cañír` quiá'- Jesús jo cajíñ'- lala:

—Fí'i, cuóø' jnea` fí` e jang' ní`áan`n tiquié`e, jo mi` ningf` jo, joguiba' ninii` i cóo' 'nu`.

60 Jo dsu' Jesús cañír` quiá'- i dsea` do jo casí'-reiñ':

—Lí` 'nu` gua` lajminá` güiguia` júu` quiá'- jial iing` Fidié` nicár` nifí` quiá'- dsea`, jo cuó' fí` e jaléng' i dsea` i líng' lafa' líng` ní`áaiñ` tiquí' mi` nití` oor` quiá'r`.

61 Jo ngf` jo jaang`gui dsea` casí'r` dsea` do jo cajíñ'-:

—Fí'i, iim` jnea` ninii` i cóo' 'nu`, dsu' lifa' la'uii` cuóø' jnea` fí` e jang' ní`í' i júu` jaléng' dsea` sínúu` quíe`e.

62 Joba' cañí' Jesús quiá'- i dsea` do jo casí'-reiñ':

—Jo i dsea` i já'- nicalíng` júu` quiá' Fidié`, jo dsu' mí` 'noo`bi guíing` dsír` jalé' e sea` fí` jmigüí, joba' i dsea` í` ja` ta` íng` e nicá` Fidié` nifí` quiá'r`. Jo e la lí' lafa' mi` jí` dsea` cóo' güitá`, có' ja` cuóøng` fa' e nijóør` fí` lí' caluu` lajee` e jí'r`.

10

Mí` casíng` Jesús setenta dsea` quiá'r` i cangoguia` júu` quiá'- Fidié`

1 Jo mi` cangf` jo, caguíng' Jesús setenta dsea` lajee` lajaléng' dsea` i ngí` cóo'r~, jo caquiur` ta` e cangolíñ'- do tá'- gáíñ` nifí`gui laco' ngóor' 'ña'r` e cangoguiaiñ` do júu` e nijaquíeem`ba' e ningí` dsea` do lacoø` lacoø` fí`.

2 Jo mi` cató' e caguíng' Jesús jaléng' i dsea` do jo cajíñ'- casí'-reiñ':

—E já'- e dsíng' fíng` jaléng' dsea` i iing` nijmicuíng` jnea~, dsu' ja` ii` 'ga' lí` dsea` seeng` i niguiá` jalé' júu` quíe`e. Joba' 'né` nimí` 'nú' Fidié` e nicuóøng` guir dsea` i niguiá` jalé' júu` quíe`e. Có' lí' la lí' fa' mi` caroo` jalé' e cajní` jaang` dsea`, jo jo` ii` 'ga' lí' dsea` seeng` i nijmicóo' e nisítíng', joba' 'né` nimíñ` i fíng`gui dsea` i nijmicóo' quiá'r` e ní` ta` do.

3 Jo lana nigüilíng`na', jo quíe`na' cuente e nisín`n 'nú' lafa' sín`n jaang` jo'se' jee` jaléng' ie'dsinúu`.

4 Jo ja` 'né` cá`na' jalé' nosúu` o'gui ñinée` o'gui 'né` cá`na' tú` neáang` lomí`na', jogui jí' sí`na' e quí'ba' cá`na'. Jogui ja` jmi`íng` yaang`na' e síng`na' cóo' doñí` ii` dsea` i níjng`na' guíá' fí`.

5 Jo mi` niguilíng`na' quiá'- dsea` lacoø` fí' lí` nisín`n 'nú', joba' sí'na're ladsifí` lala: "Güiliseem`ba' juguíá` júu` røø`."

6 Jo song guíab` ní'íng' i dsea` lí` niguilíng`na' do 'nú', joba' juguíab` niliseeíñ'; jo dsu' song ja` ní'ín' 'nú' cóo' juguíá`, joba' lajob` ja` juguíá` niliseeíñ` yaaiñ` cajo.

7 Jo mi` niguilíng`na' lí` nicuóø` dsea` 'núu', jo job` nijá`na' carta` taang`na' e fí' jo, jogui jalé' e í' gø' i dsea` do e joba' ní'u` nicø'na' cajo; dsuco' lafa' jaang` dsea` i jmóo` ta` ngí`m`bre e léieíñ~, jo lajobi 'nú' cajo. Jo ja` 'né` ngí`na' la guí` 'núu`.

8 Jo mi` niguilíng`na' cóo` fí' lí` iing` dsea` 'nú', quíe`na' doñí` ee`gø` cacuø' i dsea` do 'nú'.

9 Jogui jmi`leáang`na' jaléng' dsea` dséel` i seeng` fí' jo, jo sí'na' jaléng' i dsea` do lala: "Lana nijaquíeéng` e nicá` Fidié` nifí` quiá'- lajaang` lajaang` 'nú'."

10 Dsu' fíng caguilíng-na' cōo' fíi' lí' ja' íng' dsea' 'nú', dsifí' uøøng-na' e fíi' do, jō lajee' jō nifí' na' jaléng' dsea' i' nijíng' na' e jee' fíi' do:

11 “Lana nicabó' naa' 'lee' quiá' jee' fíi' góo' na' e nicaséng' lomí' naa'. Jō latí' lana nilíng' jaléng' dsea' i' seeng' e fíi' la e ja' íñ' jalé' júu' quiá' Fidié', dsu' güilíñí' na' guiú' e nijaquíem' ba' e nicá' Fidié' nifí' quiá' lajaang' lajaang' dsea' jmígü'.”

12 Jō lana fíi' guí' 'nú' e mí' nijáa' jmí' e nicá' dsea' ihuú' uii' quiá' jalé' dsee' quiá' r', eáang' gui' ihuú' nicá' i' dsea' seeng' e fíi' lí' ja' ca' íñ' 'nú' laco' gui' ihuú' e cacá' jaléng' dsea' i' caliséng' fí' Sodoma malí' gui' eáang'.

Dsea' i' ja' já' calíng' júu' quiá' Dsea' Jmáang' (Mt. 11:20-24)

13 Jō mí' calí' jō, jō canaang' Jesús e júiñ' jaléng' dsea' i' seeng' fí' fíi' lí' seeng' jaléng' dsea' i' ja' já' calíng' jalé' júu' quiá' r' jō cajíñ' :

—i' fíi' jaléng' 'nú', dsea' seeng' na' fí' Corazín cōo' jaléng' 'nú' dsea' seeng' na' fí' Betsaida! Cōfa' mí' cajmé' e cōo' jaléng' dsea' seeng' fí' Tiro cōo' gui' fí' Sidón lajalé' e guiú' e quí' i' jmí' e nicajmé' e cōo' 'nú', jōba' dsifí' lajōb' caquí' jíng' yaaiñ' fí' quini' Fidié' faco' mí' lajō, jō catíng' e nineáaiñ' fí' í' eáang' uii' quiá' jalé' dsee' e nicarøøíñ'.

14 Jōba' fíi' i' 'nú', dsea' seeng' na' fí' Corazín cōo' gui' fí' Betsaida, ie' mí' nití' í' e niquidsí' Fidié' í' quiá' lajaang' lajaang' dsea' jmígü', eáang' gui' nicuø' r' 'nú' ihuú' laco' gui' e ihuú' e nilíng' dsea' i' seeng' fí' Tiro cōo' gui' fí' Sidón.

15 Jogui' jaléng' 'nú', dsea' seeng' na' fí' Capernaum, ¿su líng' na' e 'nú' bing' i' nisáng' cartí' yá' gui' jee' jaléng' dsea' ? U', o' lajō, cō' 'nú' bing' i' nijgiáang' tí' lí' 'lí' mí' nití' e í' jō. Cōfa' mí' fí' fíi' Sodoma calí' lajalé' e quí' i' jmí' laco' gui' jíi' e nicajmé' e jee' 'nú', jōba' ja' ca' íng' e fíi' jō, jō siji' 'bi' jaléng' i' dsea' do latí' lana.

Jō cōo' júu' lanab' cajíng' Jesús jaléng' dsea' i' ja' já' calíng' júu' quiá' r'.

Jō mí' calí' jō, jō casí' guir' jaléng' i' dsea' setenta do lajee' ná' gui' e ni' uøíñ' do e nidsilíñ' e nidsiguiar' júu' quiá' Fidié' jō cajíñ' :

16 —i' dsea' i' já' canúu' júu' qui' na', jáb' ninúr' júu' quié' jnea' cajo; jogui' jaléng' dsea' i' ja' íng' 'nú', ja' íñ' jnea' cajo colíng' cōo' Fidié' dsea' guíng' ñifí', dsea' i' casíng' jnea' fí' jmígü' la.

Jō mí' calí' e cajíng' Jesús lajō, jō cangolím' jaléng' i' dsea' setenta do laco' ta' cahuí' ie' jō.

Mí' caguilíng' tu' jaléng' i' dsea' setenta do

17 Jō mí' lí' cōng' gui' lajō, caguilím' tu' i' dsea' setenta do fí' lí' táang' Jesús, jō dsíng' íaang' dsír' mí' caguilíñ', jō casí' r' dsea' do jō cajíñ' :

—Tifa', dsíng' íaang' dsí' naa' jó' naa' lana, cō' jì' gui' jaléng' i' 'líng' i' jée' quiá' dsea' calinúu' r' jalé' júu' qui' naa' mí' casí' naa' r' e ngóo' naa' lafa' guóo' 'nú'.

18 Jōba' cañí' Jesús casí' r' i' dsea' setenta do jō cajíñ' :

—Lajōb' lí', jō camób' jnea' mí' catóng' fíi' i' 'líng' fí' lí' lamí' guíñ' fí' ñifí', jō catóíñ' lafa' mí' casí' cōo' jì' güi' ñiá'.

19 Jogui' jnea' nicacuøø' 'nú' e niquí' na' jmí' jogui' e nilí' ba' jaléng' i' 'líng' mí' jmáíñ' jaléng' dsea' jmígü', jogui' ja' ee' nilíng' na' nañí' fa' nicúng' jaléng' mí' guíng' 'nú' osi' ni' íng' jaléng' tacú' 'nú' é.

20 Jō dsu' ja' güilí' íaang' óo' na' e lico' nilí' na' uøøng' na' i' 'líng' i' jée' quiá' dsea', cō' güilí' íaang' gui' óo' na' e niteáang' na' fí' ni' jì' quiá' Fidié' fí' lí' niteáang' jaléng' dsea' quiá' r' i' nidsilíng' fí' ñifí'.

Mí' calí' íaang' dsí' Jesús (Mt. 11:25-27; 13:16-17)

21 Jō ie' jō, dsíng' calí' íaang' dsí' Jesús la' eáang' cōo' Jmígü' quiá' Fidié', jō cajíñ' casí' r' Tiquíá' r' dsea' guíng' ñifí' :

—Teaa~, lana jmifén'n 'nə, dsea` Fii~ guóo' uó~ jmigüü' la, dsuco' lana nicajmee' e ngám' jaléng' dsea` dsee~ dsea` qui' jalé' júu^ quií', jogui cajmee~ba' e ja` cangáng' júu^ quií' jaléng' dsea` i tüing` eáang' i jmicóøng'~ yaang~ fi' jee~ jaléng' dsea` rúng'. Jo lajob líí, Teaa~, co' lajob cali'iaang` o' e nilí.

²² Jo mi~ calí~ cajíng'~ Jesús jalé' e júu^ na, jo cajíng'~ guir casí'r~ jaléng' dsea` i teáang~ cóo'r~ do ie~ jo:

—Nicacuø' Tiquié'e jnea~ e née' nii~ jalé' e sea' fi' la'úng~ fi' jmigüü'. Jo júí~ jaang` dsea` dseáng'~ mí cuiíñ` jnea~, dsea` lín'n` Jóo' Fidiéé` camíng'~, co' lajúí~ Tiquié`baa dsea` cuiíñ` jnea~; jogui júí~ jaang` dsea` dseáng'~ mí cuiíñ` Tiquié`e dsea` guíng~ ñíff~, co' lajúí~ jneab~ dsea` cuiíñ`re cóo'~ gui lajaléng' dsea` i nisi'íng` quié~ e e nilícuíñ` dsea` do.

²³ Jo mi~ calí~ cajíng'~ Jesús lana, jo cajóøíñ~ lajúí~ dsea` quiá'r~ jo casí'~ reiñ':

—Juguiá~ jia quií' 'nú', dsea` máang`na' jnea~ jogui calícuíng`na' jnea~, co' cangíng`na' e ngám' jia' júu^ quié~ e.

²⁴ Dsuco' dsíng'~ cali'íing~ jaléng' dsea` i café' cuaiñ~ quiá'~ Fidiéé` malí~gui eáang` cóo'~ jaléng' dseata~ dsea` cóøng'~ fa' mi~ cangár~ jalé' e móo~ 'nú' jmí~ ná, dsu' ja` cangár~; jogui eáam' cali'ííñ~ fa' mi~ canúur~ jalé' júu^ quié~ e, dsu' ja` canúur~.

Mí~ ca'e Jesús jial nijmi'neáang` dsea` rúíñ'

²⁵ Jo mi~ calí~ caféng' Jesús jaléng' dsea` quiá'r~, jo cangoquiéeng' fi' lí~ siñ' jaang` tifa' quiá'~ júu^ quií' ta~ quiá'~ dsea` góor` dsea` Israel, co' iíñ~ do e niguié'r' jial ni'ñíñ~ dsea` do cóo'~ lajúí~ júu^ e eiñ', jo cajmíng'í'r~ dsea` do jo cajíñ'~:

—Tifa', ¿e~ 'né~ nijmee~ e laco' niñíñ`n e niliseen~ cøøng` cóo'~ Fidiéé` lata~?

²⁶ Joba' cañí' Jesús quiá'~ i tifa' do jo casí'~ reiñ':

—¿E~ jalé' e fé' fi' ni~ jì quiá'~ Fidiéé` jo jial ngán'?

²⁷ Joba' cañí' i tifa' do jo casí'r~ Jesús:

—“Né~ jmi'neáang`naa' Fidiéé` qui'~ii' car` ngocáng` dsí'baa' jogui cóo'~ jalé' bí seeng` jmíguí qui'~naa' jogui cóo'~ jalé' bí see~naa' jogui cóo'~ jalé' e í dsí'naa'; jogui 'né~ jmi'neáang`naa' jaléng' dsea` rú'naa' lí' laco'gui jmi'neáang` yee~naa'.”

²⁸ Joba' cañí' Jesús quiá'~ i dsea` do jo cajíñ'~:

—Lajob líí laco' fó' na. Jo song nicajmití'^ jalé' e jo, joba' niñíñ' e niliseen' cøøng` cóo'~ Fidiéé` lata~.

²⁹ Jo dsu' i tifa' do iíñ~ e niní jaléng' i dsea` do e í'bre tüing`guir laco' Jesús, joba' casí'r~ dsea` do jo cajíñ'~:

—¿Í~ dsea` i 'né~ nijmi'neáan`n jóng, Tifa'?

³⁰ Joba' cañí' Jesús quiá'~ i dsea` do jo casí'~ reiñ':

—Coo` née'~ jaang` dsea` Israel cagüí'í'r' fi' Jerusalén jo cangór~ fi' Jericó. Jo lajee` ngóor` guiá' fi', catóo'~ íi quiá'r~ i ca'uø' jalé' e quiér', jo jì'gui sí'^ i dsea` do ca'uø'r', jo caquiéng'neiñ' jo jia~ ja` cajngam'bre i dsea` do. Jo mi~ calí~ jo, jo cangolíim`bre, jo dob caseáañ' i dsea` sihuíng` do 'ni' fi'.

³¹ Jo co'ná'~ lajob cangotíng` cangíng` jaang` jmidsea` quiá'~ dsea` Israel fi' lí~ ráang` i dsea` sihuíng` do. Jo mi~ caguiér~ fi' lí~ ráaiñ' do, cajméer` lafa' ja` cangám~breiñ', jo cangám~bre; ja` ee` cajmicóo'r~ i dsea` sihuíng` do.

³² Jo mi'míng~ guíjia lajo cangíng` jaang` dsea` levita. Jo mi~ caguiér~ lí~ ráang` i dsea` sihuíng` do, cajméer` lafa' ja` cangám~breiñ' do cajo, jo cangám~bre; ja` ee` cajmicóo'r~ i dsea` do cajo.

³³ Jo dsu' mi'míng~ guíjia lajo caguié~ jaang` dseañu' i seeng` fi' Samaria i la'ó' 'ní' níng~ rúng' cóo'~ dsea` Israel. Jo mi~ cangáañ~ i dsea` sihuíng` do, dsíng'~ calí~ fi' líng~neiñ'.

³⁴ Jo cangoquiéeiñ' fi' lí~ ráaiñ' do. Jo mi~ cangár~ e sihuím` i dsea` do, jo dsifí lajob cajméer` mí quiáíñ', jo ca'ñú'r` lacaang` lí sihuíng` quiáíñ' do. Jo mi~ calí~ e cajméer`

mí quiá' i dsea` do, jo caseáang`neiñ' fí mocóo' bú' quiá'r, jo cató`reiñ' fí lí seeng` dsea` fí lí cajmээр` í i dsea` do, jo job cajer` cóoñ' do ie` canuu` e jmí jo.

³⁵ Jo mí cajneá` e jmí jo, mí caguia' i dsea` seeng` fí Samaria do guia` e nidséiñ', caguir` cuu` quiá'r jo caquí' quiá' i dsea` lí cajer` do quiá' e nito` fíñ' do i dsea` sihuíng` do. Jo casí'r i dsea` fí 'núu` do jo cajíñ': "Jmee` í i dseañu` la, jo song ca'íng'gui' cuu` quí' cóo' jalé' mí quiá'r, jneab` niquí' quí' mí nigüéeng` túu` calé' catú'."

³⁶ Jo mí calí` e cajíng' Jesús lajo, jo cajmíng' i tifa' do jo cajíñ':

—¿I lajee` laji gaang` i dsea` do i lín' i cajmi'neáang` i dsea` sihuíng` do?

³⁷ Joba' cañí' i tifa' do jo casí'r Jesús:

—I dsea` i calí` fí líng` ír, íbing' cajmi'neé` quiá'r.

Joba' cañí' Jesús jo casí'r i dsea` do:

—Guóng' jo güjmi'neáang` jaléng' dsea` laco' cajmée` i dsea` seeng` fí Samaria do cóo' i dsea` sihuíng` do.

Mí caguie` Jesús fí quiá' Marta cóo' gui Yá`

³⁸ Jo mí cangí jo, jo cangób` tu Jesús laco' iuuiñ` fí e ngóor' fí Jerusalén. Jo lajee` ngoliñ` fí jo, caguiliñ` fí cóo' fí lí niseeng` jaang` dseam` i sii` Marta cóo' jaang` rúñ' dsea` ngáang' cóo'r i sii` Yá`. Jo mí calíñ' i dseam` do e caguilíng` Jesús cóo' dsea` quiá'r fí jo, dsifí lajob cató'r dsea` do fí quiá'r.

³⁹ Jo mí caguie` Jesús fí jo, dob caguá` Yá` quiá' lí guíng` Jesús e núur` jalé' júu` e e' dsea` do.

⁴⁰ Jo lajee` jo iuung` Marta e ja` dsiñíñ` e guiar' guia` jalé' e nidó' Jesús cóo' jaléng' dsea` quiá'r. Joba' cangoquiéiñ` lí guíng` Jesús, jo casí'r dsea` do jo cajíñ':

—Tifa', ¿su ja` cuø' fí' uø' e nijngáng' 'ñiá'a e ni` ta` la? Co' nab guíng` i rún'n na ja` ee` jmijír` fa' e nijmicóo'r` jnea` cóo' jalé' e jmóo`o la. Jié` o' sí' gø` güjmicóo'r` jnea` lana.

⁴¹ Joba' cañí' Jesús casí'r i dseam` do jo cajíñ':

—Marta, Marta, dsíng' guíng` o' dsaco' ja` nidsiñíñ` e nijmée' jalé' e lí' quí'.

⁴² Dsu` sea` cóo' e niing` gui eáang` e 'né` ninúu', jo Yá` rún' nicagui'bre e` e niing` gui e 'né` jmér, jo jí' jaang` jo i' cuøng` lí jníng` quiá'r.

Jo lanab cajíng' Jesús casí'r i dseam` gáng` do ie` jo.

11

Mí ca'e` Jesús jial nisí'naa' cóo' Fidié`

(Mt. 6:9-15; 7:7-11)

¹ Jo cóo' jmí, mí cangí e caféng' Jesús Fidié', cangoquiéeng` jaang` dsea` quiá'r fí lí siñ' jo casí'r dsea` do jo cajíñ':

—Tifa', mí cateáang` i Juan i caseáang` dsea` jmí do fí jmigü` la, ca'e'r` jaléng' dsea` quiá'r jial nisíñ` cóo' Fidié'. Jo ¿su ja` é' 'nu` jnea' cajø?

² Joba' cajíng' Jesús casí'r jaléng' i dsea` do:

—Mí iing` na' siing` na' cóo' Fidié', lalab 'né` naang` na' fo'na':

Tiquí'ii', dsea` guin` ñifí,

güjmifém' jaléng' dsea` jmigü` 'nu', co' 'nu` dsea` fén' fí la'úng` fí jmigü`.

Jogui güjáng' yaang` dsea` fí quini' e laco' niquí' ta` quiá'r lajaang` lajaaiñ`.

Jogui güjmitib` jaléng' dsea` jmigü` jalé' e iing` 'nu' fí jmigü` la

lí' laco'gui líti` fí ñifí quí'.

³ Jogui cuøø' jnea' jalé' e 'né` niquiee`naa' e jmí lana.

⁴ Jogui íng` dsee` uii` quí'naa' quiá' jalé' e ja` dseeng` e nicajmó'naa',

lí' laco'gui jnea' íng'naa' dsee` quiá' jaléng' dsea` rú'naa' dsea` jmigü` mí ee` go nica'léer` quí'naa'.

Jogui jmee í jnea^ lacaang` li` ngi`naa' e laco' ja` nijiá^'naa' fí ni` dsee-,
 jogui jmee í jnea^ cajo e laco' ja` nijmeáng^ jaléng^ i` 'ling'^ jnea^.
 Jo lanab ca'e Jesús ie` jo jial féeng^'naa' Fidiéé`.

⁵ Jo mi` calí` jo, Jesús casí`-guir jaléng^ i` dsea` do jo cajíñ`-:

—Majmó^'naa' cuente e jaang` 'nú^' seeng` jaang` cabóo~ quí`-na', jo i` cabóo~ do niguiéer` e tó'r` 'nú^' fí` quí`-na' e guiáang^` uóø` guienáa` jo nijíñ`-: “Cabóo~, ¿su ja` jiéé` o' fa' jmi'óø'n` jnea` 'ní` í',

⁶ co' dob nicaguié` i` cabóo~ quíé`-e do fí` quíé`-e i` iuung` fí` jang` fí` li` huíi^ eáang`, jo ja` ee` sea` cuóø`øre e nidó'r`-?”

⁷ Jogui jíi^` jaang` 'nú^' ja` ningiñ`-na' quíá^` i` cabóo~ quí`-na' do jo nifí^'na'r: “Ja` ñijmiguíi^, cabóo~, co' uóøb` eáang`, jogui lanabi guiáang^` güñg` jaléng^` jiuung` quíé`-e, jo dsíng^`- fín`-n niráan`-n nicuóø`ø` 'na` jalé^` e fó^` na.”

⁸ Dsu^` jnea` fíi`-i` 'nú^' e doñí^` fa' ja` ráang`-na' uíi^` e líng` i` dsea` do cabóo~ quí`-na', dsu^` niráam`-ba' nicuóø^'na'r e mi'r` 'nú^` do e laco' jo` siñ`^` jmiguíiñ`- 'nú^`.

⁹ Jo lajob` fíi`-i` 'nú^': Míi^`-na' Fidiéé` jalé^` e 'né`-na' jo nicuóø`-bre; jogui mi` 'nó^`-na' e 'né`-na', niguié^`-ba' jalé^` e 'nó^`-na' do; jogui mi` tó^`-na' fí` o'ná^, joba' nineab` e 'núa` do.

¹⁰ Dsaco' ií` dsea` i` mi^` Fidiéé` jalé^` e 'né`-na, ngám`-bre; jogui ií` dsea` i` 'nó^`, niguié^`-bre e 'nó^`-na' do; jogui ií` dsea` i` tó^` fí` o'ná^, nineab` e 'núa` do.

¹¹ Jo ja` lí^` dsii`- e seeng` jaang` 'nú^', dsea` aang`-na' jaléng^` jiuung~, e mi` nimí^`-r` 'nú^` ir~, jo nicuóø^`-na'r cuu~, osi mi` mi^`-r` 'nú^` capí^`-ngúu` 'ña, jo nicuóøng^`-na'r mi^`,

¹² osi nicuóøng^`-na'r jaang` tacú^` mi` nimí^`-r` 'nú^` coo` motu`.

¹³ Jo co' 'nú^', dsea` sí`-ling^`-na' fí` quini` Fidiéé`, tím`-ba' cuóø^`-na' jaléng^` jóo^`-na' jalé^` e guiá^, jo dsu^` eáang`-gui` jlo^` nicuóø`- Tiquí^`-ii' dsea` guing` ñifí`- mi` nimí^`-na'r, co' nicuóø^`-bre 'nú^` Jmiguí` quíá^`-r`.

Mí` cacuóø^` dsea` dsee` Jesús e jmóor` ta` la'eáang` cóo~ i` 'ling'^

(Mt. 12:22-30; Mr. 3:19-27)

¹⁴ Jo mi` cangí` jo, coo` jmiñ` caguíng` Jesús jaang` i` 'ling'^ i` jée` quíá^`- jaang` dseañu^, jo i` 'ling'^ do nínicajméer` e ja` lí` fé^` i` dseañu^` do jíi^` camí^`-júu^`. Dsu^` mi` caguíng` Jesús i` 'ling'^ i` jée` quíá^`- i` dsea` do, dsifí` ladob canaang` fé^`-tuiñ` do. Jo dsíng^`- cangogá` dsíi^` jaléng^` i` dsea` i` teáang`- do mi` calí`- lado,

¹⁵ dsu^` i` líng` i` dsea` do cajíñ`- ca'éeiñ` Jesús:

—La'eáang` cóo~` bí` quíá^`- Beelzebú i` líng` fii` jaléng^` i` 'ling'^, la'eáang` í`bing`- tíng` i` dseañu^` na e uóøiñ` i` 'ling'^ i` teáang`- dsíi^` dsea`.

¹⁶ Jogui i` líng`-gui` i` dsea` do e laco' niguiéer` jial ni`núñ`- Jesús fí` quini` dseata~, joba' camí^`-r` dsea` do e fa' nijméiñ`- coo` e li` e quíi^`-r` jmiñ~, jo lajoba' nicuóø`- li` e Fidiéeb` dsea` casíi^` quíá^`-r`.

¹⁷ Jo dsifí` ladob calilí^` Jesús jalé^` e í` dsíi^` i` dsea` do, joba' cajíñ`- casí^`-reiñ`.

—Niñíb^` 'nú^` jialco' líi^` coo` fíi` li` ja` síng` dsea` røø, co' seeng` jmaquíng` dsea` i` quíu^` ta~ quíá^`-r~, jo ja` ee` juguiá~ seeng` jaléng^` i` dsea` do. Jogui niñí^`-bí` cajo jialco' líi^` quíá^`- dsea` i` seeng` coo` sínúa^` i` teáang^`- ta` jíng`, ja` ee` juguiá~ seeiñ~, co' ja` røø` síiñ`.

¹⁸ Jo song lajob` líi^` cóo~` fii` i` 'ling'^ i` sií` Satanás e quíu^`-r` ta~ condseá^`- dsea` quíá^`-r` e nijmeáiñ` dsea` ga, jogui condseá^`-gui` dsea` do e nijmicóo^`-r` dsea`, joba' ja` e ta` íng` quíá^`-r` song cajméer` lajo, co' ni`ím`- laji` tú`- e ta` do, jo jo` ee` bí` seeiñ` jíi^` coo` jóng. Joba' nicafíi`-i` 'nú^` jalé^` e na, co' fíing` 'nú^` fó^`-na' e la'eáang` fii` i` 'lim^`-ba' e tíiñ`- uóøñ`- jaléng^` i` 'ling'^ i` jée` quíá^`- dsea`;

¹⁹ dsu^` fa` jiu e jmicóo~` fii` i` 'ling'^ quíé`-e laco' fó^`-na' na, joba' ¿i` i` líng`-na' i` jmicóo~` quíá^`- jaléng^` dsea` góo^`-na' i` nica'uóøng` jaléng^` i` 'ling'^ i` jée` quíá^`- dsea`? Co' i` dsea` í` e'r` 'nú^` e o' lajo e í` óo^`-na'.

20 Dsu' song jnea~ tñn~ uøøñ~ jaléng' i 'ling' i jée' quíá'- dsea' la'eáang' cóo'~ güea' quiá'- Fidiée' dsea' guing~ ñifi~, joba' nicatib' í' jóng e nijáang'~ yaang~na' fí' quini' Fidiée' e laco' nicár' ñifi' quíá'-na' lajaang' lajaang'na'.

Jø mi~ calí~ e cajíng'~ Jesús lana, jø casí'~ guir jaléng' i dsea' do jø cajíñ'~:

21 —Jø mi~ seeng' jaang' dseañu' i 'gøng' jogui óor' jalé' e cóo'~ nijmi'øng' 'ñaia'r' mi~ jmi'ø'r' jalé' e sea' quíá'r', jø lñiñ~ e jø ïi' quíá'- jmi~ nicó' quíá'r'.

22 Jø dsu' fing caguié~ jaang'gui dsea' i 'gøng'gui eáang', jø nilí'bre tíñ~ cóo'~ i dsea' jaang'gui do, joba' ni'uó'~bre jalé' e sea' quíáñ'~ do.

23 Jøba' fñi' i 'nú' e ïi' i ja' sing' uii~ quíé~e, joba' 'ní' ním~bre jnea~ jóng, jogui ïi' i ja' jmicóo'~ jnea~ e laco' nilicuíng' dsea' jnea~, joba' ja' siñ' uii~ quíé~e cajo.

Jial lñi' mi~ dsitáang'~tu i 'ling' fí' dsí' dsea'

(Mt. 12:43-45)

24 Jø mi~ calí~ cajíng'~ Jesús lana, jø casí'~ guir jaléng' i dsea' do jø cajíñ'~:

—Mi~ güi'ñi' jaang' i 'ling' i iuung~ dsí' jaang' dsea', ngir' fí' li~ quíu' e 'nó'r' fí' li~ nijmi'íñ'. Jø mi~ ngir' e ja' niguié'r' li~ nijmi'íñ', joba' í' dsí'r': “Ním'~túu' fí' dsí' dsea' e li~ cajú~ u do, có' ja' li~ sea' li~ nijmi'ín'n.”

25 Jø mi~ niguieng'tur dsí' i dsea' do, niguiéñ' lafa' cóo' sñu' li~ siquíáang' guíá~ jø silí' jlo'.

26 Jø mi~ ninír' e dsíng' jlo' dsí' i dsea' do li~ ni'ítur, jø nidsér~ nidsitéer' guíang~ i 'ling'gui laco' ír' e nidsitáañ'~ dsí' i dsea' do. Jøba' ga'guib nilíng~ i dsea' do jóng laco'gui lamí~ iuung~ jaang' i 'ling' do fí' dsí'r'.

Jial lñi' mi~ dseáng'~ e já'~ e íáang' dsí' dsea'

27 Jø lajee' gui'nang'~ e fé'bi Jesús e júu' na mi~ tí' li~ guicafé' jaang' dseamf' e teá' eáang' jee~ jaléng' i dsea' do jø guicajíñ'~:

—Juguiá' o' quíá'- niquí'~, dsea' cangoquieeiñ~ 'næ' jogui cajmicuáañ' 'næ' cajo!

28 Jø dsu' Jesús cañír' quíá'- i dseamf' do jogui casí'r' jaléng' i dsea' do jø cajíñ'~:

—Jø dsu' juguiá'gui quíá'- jaléng' i dsea' i núu' jalé' júu' quíá'- Fidiée' jogui jmitir' jalé' e jø cajo!

Mi' camí' dsea' Jesús e nijmé' dsea' do li' e já'~ba' e tñiñ'

(Mt. 12:38-42; Mr. 8:12)

29 Jø lajee' jø, dsíng'~gui caguilíng~ dsea' fí' li~ táang' Jesús, joba' canaang'tu dsea' do e e'guireiñ' jø cajíñ'~:

—Jaléng' dsea' i seeng' jmi~ na dsíng'~ nirøøiñ' dsee~, joba' mi'r' jnea~ e nijmee~ e li~ e já'~ba' e tñn~, dsu' nicaliseáb' jalé' e lajò lamí~ jéeng'gui. Téé' óo'na' mi~ cajá~ Jonás, jaang' dsea' i café' cuaiñ~ quíá'- Fidiée' mali'gui eáang'.

30 Jø laco' Fidiée' casíñ' i Jonás do e niguiáñ'~ do júu' quíá'- dsea' do jee~ jaléng' dsea' i caliséng' fí' Nínive, jø lajòb cajo casíng' Fidiée' jnea~, dsea' i cajá' fí' ñifi' e lín'n jaang' dsea' jmi'güi', e niguiáa~ júu' quíá'r' jee~ jaléng' 'nú'.

31 Jø mali'gui eáang' cajo caliséng' jaang' dseamf' i ca'éé' cóo' ta~ fé' fí' lí' huí' eáang'. Jø ie~ jø seeng' jaang' dseata~ dsea' féng' fí' Israel i calisí' Salomón i tñng' eáang'. Jø i dseamf' do cangór~ cangonúur' e júu' quíá'- i dseata~ Salomón do. Jø dsu' mi~ niguiéé' jmi~ e niquidsí' Fidiée' í' quíá'- jaléng' dsea' uí'~ jalé' dsee~ quíá'r', joba' i dseamf' do nicuó'r' 'nú' dsee~, có' ja' núu'~na' jalé' júu' quíé~e.

32 Dsuco' mi~ cajá~ i Jonás do e caguiar' júu' quíá'- Fidiée' fí' Nínive, lajalém' i dsea' seeng' e fñi' jø dsifí' lajòb caquí'~ jíng' yaaiñ~ fí' quini' Fidiée', joba' i dsea' í'bing' nijmé'gui dsee~ quíá'-na' mi~ niguiéé' jmi~ e niquidsí' Fidiée' í' quíá'- jaléng' dsea' jmi'güi'. Jø dsu' jnea~ niing'gui laco' i Jonás do.

*Mi' ca'e Jesús jial lí' mi' jmijneá dsea`ji`
(Mt. 5:15; 6:22-23)*

³³ Jò mi' calí jò, jò canaang` Jesús còo` 'lé'gui júu` quiá'r- jò cajíñ'-:

—Mi' jmijneá jaang` dsea` còo` candií` quiá'r-, 'né- nisí'r` còo` lí' ñíí, jòba' nijneá` fí' la'úng- sinúu` quiá'r-. Jò ja` jmijneár` e jì do e laco' nisí'r` fí' còo` dsíí' caja o'gui e ni'meár- fí' còo` lí' ja` jnéeng-, cò' iíñ` e jnéb` jaléng` dsea` i dsitáang` fí' dsíí' sinúu` quiá'r-.

³⁴ Jò jalé` jmini` dsea` íng` ta` e jné'r` laco'gui ta` íng` e candií` do e jneá` mi' canuu`. Jogui jaléng` dsea` i guiá- jmini`, jlo`^gui jné'r` lacaang` fí' lí' ngir` laco'gui jaang` dsea` i jò` 'ga' lí' dseeng` jmini`, cò' i dsea` í jò` 'ga' lí' røø` jné'r` lacaang` fí' lí' ngir`.

³⁵ Jò lajob` lí' còo` 'nú' mi' já- líng`na' jalé` júu` quié` e quiá'- jial laang` Fidié` dsea` jee` jalé` dsee- quiá'r-, cò' e jò lí' lafa' mi' jneá` còo` jì dsíí' còo` sinúu` e nuu`.

³⁶ Jòba' 'né- ñiing` óo' 'nú' jie` mi' jmee`-na' e ja` já- líng`na' e júu` quié` e do, cò' e jò lí' lafa' mi' ja` jneá` jì dsíí' còo` sinúu` e nuu` eáang`.

Mi' cajíng- Jesús jaléng` dsea` fariseo còo` jaléng` tifa' quiá'- júu` quiá' ta` quiá'- dsea` Israel

(Mt. 23:1-36; Mr. 12:38-40; Lc. 20:45-47)

³⁷ Jò mi' cangí e cajíng`- Jesús lado, jaang` dsea` Israel i líng` dsea` fariseo catò'r- Jesús fí' quiá'r- e nidò'r-. Jò mi' caguié- dsea` do fí' quiá'- i dsea` fariseo do, jò cangí`m`bre dsíí' sinúu` jò cangí`ñ` caguár` lí' nidò'r-.

³⁸ Jò i dsea` fariseo do dsíng`- cangogá` dsíir` mi' cangár- e ja` cajmiti` Jesús fa' caru'r` guóor` laco' títng` jaléng` dsea` Israel.

³⁹ Jòba' cajíng`- Jesús casí'r- i dsea` fariseo do:

—Jaléng` 'nú', dsea` fariseo, rúu`-na' jalé` cué` huí` quií`-na' jíí` lí` caluu`, jò dsu' eáam` 'lí` lí' dsíí'. Jò lajob` líng` 'nú' yaang`-na' cajo, cò' guiáb- tíng`na' rúu`-na' ní`na' jee` jaléng` dsea` mi' ja` lí` dsea` jial tí' jmoo`na' ñ` quiá'r- jò ee`gui jalé` 'lí` rúng`na' jmoo`na' còo` jaléng` dsea`.

⁴⁰ jDsinóo' 'nú'! ¿E` ta` íng` quií`-na' e jmoo`na' lajò? Cò' fí' quini` Fidié` 'né- e tee` lajì` tú- taam`.

⁴¹ Jò mi' líng` e cuø`na' jaléng` dsea` i ja` sea` e 'né- quiá'-, jòba' 'né- jmee`-na' lajò e ngocáng` óo`ba', jò lajoba' ni'uíng- guiá- quií`-na' fí' quini` Fidié`.

⁴² 'jE` ngí` fíib- 'nú', jaléng` dsea` fariseo! Cò' dsíng`- guíng` óo`na' e nicuø`na' Fidié` dseáng`- ca'íng`- lajee` guí- íng`- lajalé` oò` quiá'- jmiñi` e ro`na', jò dsu' ja` e guíng` óo`na' fa' e ni`í`na' í` røø` quiá'- jaléng` dsea` rúng`na' o'gui e jmi'neáang`na' Fidié`. Cò' lajalé` e jòba' 'né- nijmití`na' còo`-gui jalé` e caguíee- gui do cajo.

⁴³ 'jE` ngí` fíib- 'nú', jaléng` dsea` fariseo! Cò' íng`na' ní`na' jíí` 'masii` e jlo`^ quiá'- dsea` laniing- mi' nití` fí' guá'-, jogui jmoo`na' e 'nú`bing` i níng`-gui mi' nití` fí' jò cajo. Jogui lajobi mi' jíng`na' jaléng` dsea` guiá' fí', jmoo`na' e jmiféiñ` 'nú' lafa' jíí` 'nú`bing` i còøng`-gui fí' la'úng- jmigüí`.

⁴⁴ 'jE` ngí` fíib- 'nú', jaléng`na' dsea` fariseo! Cò' dsíng`- jmigøøng`na' jaléng` dsea` còo` jalé` e jmoo`na'. Cò' 'nú' líng`na' la lí' lí' si'aang` 'líi`, cò' dsíng`- jlo`^ jíng` tee` lí` lí' ní, jò dsu' lí` lí' dsíí' jolíng`- tee` ngúu` jmé` e teáang`- jòo`.

⁴⁵ Jò mi' canúu- i tifa' quiá'- júu` quiá' ta` quiá'- dsea` Israel e cajíng`- Jesús lado, jòba' dsifí` ladob` 'ní' catíiñ`- júu` quiá'- dsea` do, jò cañír` quiá'- Jesús jò cajíñ`-:

—Tifa', mi' fó` lana la quié- jneab` jminean` cajo.

⁴⁶ Jòba' cañíi` Jesús quiá'- i dsea` do jò cajíñ`- casí`-reiñ`:

—jE` ngí` fíib- 'nú' cajo, jaléng` tifa' quiá'- júu` quiá' ta` quiá'- dsea` Israel! Cò' cuø`na' lee` laguidseaang` jaléng` dsea` jíéng` e jíí` jaang` ja` íi` quií`- jmiñ` niró', jogui jíí` yaang`na' ja` íing`na' fa' taang`na' guóo`na' e niróo- e lee` do.

⁴⁷ 'jE` ngí` fíib- 'nú' jaléng`na', cò' jmo`na' jlo`^ lí' si'aang` jaléng` dsea` i café` cuaiñ` quiá'- Fidié`, jò jaléng` dsea` íb` i cajngang` 'líi` dsea` còøng` quií`na' ie` mali`gui do!

48 Dsu' jalé' e jmoona' do guong' e lafa' røøb` siing`na' cóo' jaléng' 'lii` dsea` cóong` qui`na' jø e lafa' 'núb' cajngang`na' jaléng' i dsea` do cajo.

49 'Jø cø' lajòb líí, jøba' Fidiéé` dsea` eáng` tiiñ` cajíñ' lala: "Nisín`n jaléng' dsea` i fé' cuaiñ` quié` e cóo'`gui jaléng' dsea` apóo` i si'íng` e ni' júu` quié` e jee` 'nú', jø dsu' 'nú', seem`biñ' do i nijmeáng`na' la tí' e já` óo'na', jøgui seem`biñ' do cajo i nijiúng' fí jaguóo`na' cartí` nijngám`ba'r."

50 Jø dsu' Fidiéé` nijmér` e niquí` jaléng' dsea` seeng` jmii` na jalé' e cangongúng` jaléng' dsea` i café' cuaiñ` quiá'r` i nicaliséng` lajii` mi` catiroo` jmigüü` jø latí` lana

51 jø latí` mi` cajnga' dsea` quiá' Abel jøgui cartí` mi` cajnga' dsea` quiá' Zacarías fí jeeng` lí` guiá` jaléng' dsea` jalé' e cuø'r` Fidiéé`. Jøba' fii` i 'nú' e nijméb` Fidiéé` e niquí` jaléng' dsea` seeng` jmii` na jalé' e cangongúng` i dsea` do.

52 'iE ngi` fii`b` 'nú', jaléng' tifa' quiá' júu` quiu' ta` quiá' dsea` Israel! Cø' 'núb' dsea` quié`na' jalé' jì` lí` too` jalé' júu` quiá' Fidiéé`, jø dsu' ja` iing` 'nú' jmití`na' laco' fé' e fí` ni` jì` do, o'gui cuø`na' fí` e nijmiti` jaléng' dsea` i iing` jmé` lajò.

53 Jø mi` cató' e cajíng` Jesús jaléng' i dsea` fariseo cóo' jaléng' i tifa' do, jø jaléng' i dsea` do canaañ` jmiquíum` dsíir` cóo' jalé' júu` e cajíng' Jesús, jø jmiguiab` jalé' e canaañ` jmíngúir` laco' e nijmiguíñ` dsea` do;

54 cø' jaléng' i dsea` fariseo do cóo' jaléng' i tifa' do 'nó'r' jial ni'níñ` Jesús fí` quini` jaléng' dseata` quiá'r` cóo' jalé' e fé' dsea` do.

12

Mi` ca'e` Jesús e ja` dseeng` jmijløng` yee`naa' jee` jaléng' dsea`

1 Jø lajee` e fé' Jesús jalé' e júu` na, caseáng' lí` lí` tú` 'ní` mil dsea`. Jø laco' ngóo` seáng' jaléng' i dsea` do, dsíng' ninaaiñ` 'leng' rúíñ', cø' lajalém`bre iñ` ninúr` jalé' júu` e` Jesús. Jø lajee` jø canaang` Jesús féiñ` jaléng' dsea` guitúung` quiá'r` jø casí`reiñ`:

—Ñiing` óo'na' cóo' jalé' e fé' jaléng' dsea` Israel i líng` dsea` fariseo, cø' jii` yaañ` ja` já' líiñ` jalé' e fé'r', jø jalé' e jø íng` ta` quiá'r` e lico' jmijløng` yaam`bre fí` quini` jaléng' dsea` fii`.

2 Dsuco' ja` sea` coo` e sii` jneaa`aa' e ñng` e ja` tóo` jmii` niliñí` jaléng' dsea`, o'gui coo` e si'má`naa' e ja` tóo` jmii` niní` jaléng' dsea` cajo.

3 Jøba' jalé' e nicafée' 'nú' e ñng`, niliñib` jaléng' dsea`; jøgui lajòbi jalé' e nicafée'na' fí` sinúu` qui`na', niliseab` júu` latøøng` fii` cajo.

I` i catíng` e 'góng'naa'

(Mt. 10:28-31)

4 'Jø lala fii` i jaléng' 'nú', dsea` rú'naa'; ja` føøng`na' jaléng' i iing` jngáng` 'nú', cø' jii` e jøba' tiiñ` jmér`.

5 Dsu' lana nijmée' e 'nú' júu` i` i catíng` i niféng'na': güiféng'na' i dsea` i niquiá' ta` lí` nijúung`na' jøgui qui`r` jmii` e guiéiñ' dsea` fí` lí` 'lí'. Jøba' fii` i 'nú' jgüiféng'na' i dsea` í'!

6 'Jø niñíb` 'nú' e 'nám` dsea` tá' la 'ñíng` ta` cóo' tú` 'ní` í' cuu`. Dsu' e já'ba' e jii` camíng` i ta' do ni'íng` dsíí` Fidiéé` laco'gui ja` ni'íng` dsíir` jii` jaang` 'nú' cajo.

7 Jø jì`gui jalé' jñuquí` 'nú' si'í' Fidiéé` tá' camí'. Jøba' fii` i 'nú' e ja` føøng`na' mi` iing` dsea` nijngáiñ` 'nú', cø' eáng`gui quíng` 'nú' laco'gui fíng` ta'.

Jaléng' dsea` i ja` i` líng` e cuiñ` Dsea` Jmáang`

(Mt. 10:32-33; 12:32; 10:19-20)

8 'Jøgui jaléng' 'nú', dsea` i ja` i` líng`na' e nijmée'na' dsea` júu` e cúíng`na' jnea` fí` jmigüü` la, jøba' jnea`, dsea` cagá` a fí` ñíff` e lín`n jaang` dsea` jmigüü`, lajòb` nijmee` e cajo fí` quini` jaléng' ángeles quiá' Fidiéé` mi` niguilíng` 'nú' fí` jø.

⁹ Dsua' jaléng' dsea`i nijíng' e ja` cuíñ` jnea` jee` jaléng' dsea` jmígüü', joba' lajob nifá'^a fí' quini` jaléng' ángeles quiá'- Fidiéé' e ja` cuín` nre cajo.

¹⁰ Jogui doñi` ii` i` ní' níng` jnea~, dsea` gáa'a fí' ñifí' e lín'n jaang` dsea` jmígüü', ni'ím` Fidiéé' dsee` quiá'r` ; jo dsu' ii` i` café' ga` uii` quiá'- Jmiguü' quiá'- Fidiéé', joba' jo` quí'` jmí` fa' e ni'íng` gui Fidiéé' dsee` quiá'r`.

¹¹ Jo` jaléng' 'nú', song cajiúng' na' fí' jaguó` dseata` quiá'- guá'- qui` naa' osi fí' jaguó` dsea` i` quidsí' í' osi dseata` bi` é, joba' ja` fòøng` na' fa' e ja` ñí' na' jial nijmi'òng' yaang` na' o'gui jial ningí` na' quiá'r` mi` nijmingí'r` 'nú'.

¹² Co' mi` niteáng` na' fí' quini` jaléng' i` dseata` do, dsifí' lajob nijmé` Jmiguü' quiá'- Fidiéé' jial ningí` na' quiá'r` mi` nijmingí'r` 'nú'.

Eáam' dseáang' mi` óo` dsea` cuu` eáang'

¹³ Jo` mi` cangí' e cajíng' Jesús jalé' e júu` na, jo` jee` jaléng' i` dsea` i` teáang` núu` jalé' e júu` jo` guicató` jaang` dseañu` jo` guicajíñ' casí'r` Jesús:

—Tifa', síi` go` rún` n dsea` ngáang' cóo'` o` güicuø'r` jnea` guiéé' quié' e jalé' e caséé' 'líi` tiquié' e mi` cajúñ`.

¹⁴ Joba' cañi' Jesús quiá'- i` dseañu` do jo` casí'` reiñ':

—Ja` casíng' Fidiéé' jnea` jee` 'nú' fa' e lín'n dseata` i` cajajméé'` jmá'` jiu` jalé' e sea` quií'` na'.

¹⁵ Jogui casí'` guir jaléng' i` dsea` teáang` do jo` cajíñ'`:

—Ñiing` óo' na' jo` ja` jmee` na' e dsináang` na' jalé' cuu` o'gui doñi' ee' e sea` fí' jmígüü', co' jii'` jaang` dsea` ja` quí'` jmí` e niquir` quiá'- e niteáng` guir huøø` fí' jmígüü' la fa' jialgui la sea` quiá'r`.

¹⁶ Joba' ca'e' Jesús jaléng' i` dsea` do coo` júu` já' e lafa' júu` cuento e fé' lala jo` cajíñ'`:

—Coo` née'` caliséng` jaang` dseañu` i` sea` cuu` eáang' jo` oor` uø` e jlo'` eáang' cajo, jo` catáñ'` dsea` 'léeng'` quiá'r` i` cajméé' ta` e uø` do. Jo` mi` caroo` jalé' e cajnir` do, dsíng'` jlo'` cacuø` e uø` do, jo` dsu' jo` lí' sea` gui e ni'meá' i` dsea` sea` cuu` do jalé' e caro'r`.

¹⁷ Joba' canaaiñ' í' dsíir': “¿E` nijmee` e cóo'` jalé' e caró'o e jii` lana? Co' ja` sea` lí' ni'meaa` jalé' e jo.”

¹⁸ Jo` coob` mi` ca'òng' dsíir' jial nijmér`, joba' cajíñ'`: “Nica'óm' dsii` jial nijmee` e. Nijiéem` baa` 'núu' quiá'- cuí' quié' e e téé` lana, jo` nijméé'` e e cóo'` gui eáang', jo` job ni'meaa` jalé' e caró'o do cóo'` laji` e sea` quié' e.

¹⁹ Jo` mi` ni'iéng' e 'nuu` do jogui mi` nitée'` líng' jalé' e sea` quié' e, dsíng'` juguiá` niliseen` jo` jii'` coo` fí' í' jo` ee' nijáa' quié' e jóng. Joguiba' nijmi'ín'` teáa` tú' 'ní' jiiing', jo` lajee` jo` nidúu'` nidøø'` ø` jalé' e sea` quié' e jo` dsíng'` nijmi'iaang` dsii` lajee` jo.”

²⁰ Jo` dsu' uøø` job cajíng'` Fidiéé' casí'r` i` dseañu` do: “Dsea` tuung`, náb nití'` í' e nijúun'`, jo` ¿e` ta` íng` quií'` jalé' e oo'` lana mi` niguøng'` fí' jmígüü' coo`?”

²¹ Jo` lanab dsingíng` jaléng' dsea` i` silí'` li` cuu`, co' o' cóo'` e jo` nitíñ'` fí' quini` Fidiéé' mi` nití'` oor` quiá'r`.

To' fíim` Fidiéé' jaléng' dsea` quiá'r`

(Mt. 6:25-34)

²² Jo` mi` cangí' jo, jo` caféng'` gui Jesús jaléng' dsea` guitúung` quiá'r` jo` casí'` reiñ':

—Lala fíi` i` 'nú': ja` jmee` na' fí' í' quiá'- jalé' e nicø'^ na' o'gui jmee` na' fí' í' quiá'- jalé' sí'` na'.

²³ Co' eáang'` gui laniing` 'né' e jmíta` óo' na' e nigüilím' ba' fí' lí' guiá' mi` nití'` fíi` coo` e laco'` gui e nijmee` na' fí' í' quiá'- jalé' e nicø'^ na' cóo'` gui quiá'- jalé' sí'` na'.

²⁴ Jo` quie` na' cuente quiá'- jaléng'` quiee'; ja` jié'` jii` re' o'gui jié'` téé'` jalé' e gø're' o'gui 'mea're' jalé' e nidø'` re', dsu' Fidiéé'` ñi' bre e` héiñ'` jaléng'` i` jó' do quiá'r`. Jo` eáang'` gui quíng'` 'nú' fí' quini` Fidiéé' laco'` gui lajee` fíng' ta` i` seeng' fí' jmígüü'!

25 Jo ʒi~ jaang` 'nú' niquí'~ jm̃i~ nijmee~ na' e nicuáng`guina' ca'ná^ metro laco'gui jii~ tí'na' lana?

26 Jo song ja` quí'~ na' jm̃i~ jmee~ na' e capí'~ lajo, joba' ʒjialí' guing~ óo'na' jalé' e lí' seeng'na'?

27 Jo quie`na' cuente jial jlo'^ jalé' lí' e sea` fí' jmigüí, jogui ja` ee` ta~ jmóo` o'gui quie' fí'~ jial ni'uíng~ e jlo'^. Jo dsu' car` jii~ dseata~ Salomón cóo'~ jalé' e jlo'^ e caliseá` quíar~ ja` casing'~ 'ñia'r' e jlo'^ lí' laco'gui la jnéeng~ cóo' lí'.

28 Cofa' jlob'^ cajmée` Fidiéé` e jnéeng~ jalé' lí' e ja` huóø- té', dsu' jaléng'gui 'nú', dsea` i ja` mí teáng~ teá cóo'~ júu^ quie` e, jmiguiú'gui niñíng'na' quíar~ Fidiéé` jalé' e 'né~ na'.

29-30 Joba' fii~ i 'nú' lana, ja` jmée^na' fí'~ quíar~ jalé' e ni'u^ nicø'^na', dsuco' lajob jmóo` jaléng' dsea` jmigüí i ja` cuíng` Fidiéé`. Jo dsu' 'nú' seem` jaang` Tiquí'na' dsea` guing~ ñiff~ i niñí' jalé' e 'né~ na' lacoó` jm̃i~ lacoó` jm̃i~.

31 Jo fii~ guí' 'nú' lana e 'né~ nijmí'úung'na' e Fidiéé` dsea` nicá` nifí' quí'~ na', jo lajoba' niñíng'na' jalé' e 'né~ na' lacoó` jm̃i~.

*Jalé' e catíng~ dsea` quíar~ Fidiéé` fí' jmigüí` cóo`
(Mt. 6:19-21)*

32 Jo ja` jmee~ 'nú' fí'~, dsea` i ja` fíng' mí cuíng` jnea~, có' Tiquí'na' dsea` guing~ ñiff~ i quie' nifí' quí'~ na' nica'f' dsíir' e nicuó'r~ 'nú' lajii~ e catíng~ na' e íaang` dsíir'.

33 Joba' 'né~ e 'nii^na' jalé' e sea` quí'~ na' jo nijmicóo'~ na' jaléng' dsea` i lí' 'né~ quíar~ lajo; có' ja` ee` ta` íng^ quí'~ na' fíng tá'~ ca'meá` lí' cuu~ cóo'~ jalé' e sea` fí' jmigüí la, có' dsíng'~ fø' nicá` jaléng' i jalé' e sea` quí'~ na' osi nidø'~ jaléng' guisf i 'léé' é. Có' guíú~ guib e nijmee~ na' e nilisea` quí'~ na' fí' ñiff~ jalé' e jlo'^, dsuco' fí' jo jo` seeng` i o'gui fa' dseáng'~ e nilé~ gui guisf.

34 Có' lí' sea` jalé' e lí' a' do, e jobi guing~ a' jóng.

Dseáng'~ 'né~ e siñiing` dsí'naa'

35-36 Joba' fii~ i 'nú' e 'né~ neáng'na' laco' guing~ jaang` dsea` 'léeng' i guing~ fí' quíar~ fii~ e güjeeiñ` e nineár~ 'núú' mí~ niguieng' fii~ i ngí' fí' lí' cung' guoo` dsea`, jo 'né~ sijeeng` i dsea` 'léeng' do e jneá` jib` guiiñ~, joba' dsifib' nineár~ 'núú' mí~ niguieng' fii~ e nitø'.

37 Jo juguiú` jii quíar~ jaléng' dsea` 'léeng' i sijnéé` dsí' mí~ niguieng' fii~. Có' jnea~ jmítaa~ óo'na' e dsíng'~ nili'íaang` dsí' i fii~ do jo nitø'r` jaléng' i dsea` 'léeng' i sijnéé` dsí' do e nidø'r~ colíing~ cóoiñ'~ do e uøø` jo.

38 Jo juguiú` jii quíar~ jaléng' i dsea` 'léeng' i sijnéé` dsí' do mí~ niguieng' fii~, nañí' fa' niguieñ' do guienúú` osi téé~ ogóó' é.

39 Jogui cajo fa' jaang` dsea` niñir' e~ oor~ niguiéé` jaang` i fí' quíar~, nijé~ bre e jo nigüíñ` e uøø` jo, jo lajoba' ja` nicuó'r~ fí' e ni'uó'~ i i do jalé' e sea` quíar~.

40 Joba' lajob 'né~ neáng' 'nú' e siñiing` óo'ba'; có' jnea~, dsea` i cajá` fí' ñiff~ e lín'n` jaang` dsea` jmigüí, nigáa'túu calé' catú` fí' jmigüí la lajee` e ja` ñiing~ óo'na'.

Jaang` dsea` 'léeng' i guiúng~ cóo'~ jaang`gui dsea` 'léeng' i soo` dsí'
(Mt. 24:45-51)

41 Jo dsifí' mí~ cató' e ca'e' Jesús jalé' e júu^ na, jo dsifí' lajob cajmingí' Tú^ Simón cajmingí'r' Jesús jo cajíñ'~:

—Tifa', jalé' e júu^ e nica'é^ na, ʒsu ca'éé'~ jii~ jnea'^ dsea` guitúung'naa' ofa' quíar~ lajii~m` dsea` é?

42 Jo lalab cañí' Jesús:

—Lalab lí' quíar~ jaang` dsea` i néé' ni~ jaléng' dsea` 'léeng' i núu~ gui jalé' ta~ quíar~ fii~, jo guiúng~ guir cóo'~ jaléng' dsea` 'léeng', jogui nicuó'~ reiñ' do e nidø'iñ'~ mí~ nití~ oor~ e gø' dsea`. Jo mí~ cagü'í' i fii~ do e nidsér~ fí' lí' jié', caséer' jalé' ta~ quíar~ jo caguiar' ni~ i dsea` i néé' ni~ jaléng' dsea` 'léeng' do, jo joguiba' cangór~ jóng.

43 Jo mi~ niguieng' tu i fiir~ do, juguiá~ o' quiá~ i dsea` i née' ni~ dsea` 'léeng' do song nicató' jalé' ta~ e casée' fiir~ mi~ cagui'fir' cangór~.

44 Jo já'ba' fñi' i 'nú' e dsíng'~ nili'íang' dsí' i fiir~ do, co' calitib~ jalé' ta~ e casée' cóo'~ i dsea` née' ni~ jaléng' dsea` 'léeng'~ quiá'r~ do, jo joguiba' nicuó'~ reiñ' do e nine'~ niñ'~ do jalé' e sea` quiá'r~.

45 Jo dsu' fíng song ja` cajmiti~ i dsea` née' ni~ i dsea` 'léeng'~ do lajii'~ ta~ caquiá' fiir~, co' ca'f dsír' e ja` mi' niguieng' fiir~ lajminá~, jo lajee~ jo cajméer' soo' dsír' cóo'~ jaléng' dsea` 'léeng'~ i née' nir~, jogui canáñ' í' gø'r' jalé' e sea, jogui cajméer' ta~ í' mée';

46 Jo dsu' lajee~ jmóo' i dsea` née' ni~ i dsea` 'léeng'~ do jalé' e jo, lajee~ job caguiéng' fiir~, jo dsíng'~ nicaliguiñ' do, jo iihu' nicuó'~ reiñ' do lí' laco' catíng' e niñíng' jaang' dsea` i ja` núu' jalé' júu^ quiá' fiir~.

47 'Jo i dsea` 'léeng'~ i ní' jial lí' jalé' e iing' fiir~ e nilí jo dsu' ja` caguiar' guiá~ o'gui calinú'r~ e nijmér~ jalé' ta~ caquiá' fiir~, joba' dsíng'~ niñíñ' iihu' jóng.

48 Jo dsu' i dsea` 'léeng'~ i ja` ní' jalé' e nijmér~ jo eám' ca'léer' quiá' fiir~, joba' i dsea` í' ja' gui niñíñ' iihu' laco'gui i jaang' do. Jo i dsea` i cangíng' jmiguiá, jmiguiá'gui catíng' niguiéer~ cuente mi~ nití' í' lajo; jogui i dsea` i ée' guiá~ cóo'~ lajii'~ ta~ e cangíñ' e née' nir~, joba' eáng'gui guiá~ 'né' guiér~ cuente mi~ nití' í' lajo.

Nijíng' dsea' lajee' la'ó' rúíñ' uí' Jesús

(Mt. 10:34-36)

49 Jo mi~ calí~ e cajíng' Jesús jalé' e júu^ na, jo casí'~ guir jaléng' i dsea` do jo cajíñ'~:

—Jnea~ cagá~ a lafa' e caga'uun~ ji' fí' jmigü' la; jo dsíng'~ lí' dsii' fa' jia~ nicoo' lana!

50 Co' ná~ bi nicaa~ iihu' e eáng', jo dsíng'~ líjiuung' dsii' cartí' nilití~ lajalé' e jo!

51 Jo dsu' jaléng' 'nú' í' óo'na' e cagá~ a fí' jmigü' la e gajmée' e liseeng'na' juguiá~ júu^ røø, dsu' o' lajo; co' uí'~ jnea~ ná~ bi nijmé~ dsea` m'í' cóo'~ dsea` rúíñ'.

52 Co' latí' lana gaang' dsea` nijíñ' cóo'~ gáng' dsea` la'ó' dsea` sinúu^ quiá'r~.

53 Co' tiquiá' dsea` nijíñ' cóo'~ jóor' dseañu', jo jaléng' jóo' dsea` dseañu' nijíñ' cóo'~ tiquiá'r~; jogui niquiá' dsea` nijíñ' cóo'~ jóor' dseamí, jo jaléng' jóo' dsea` dseamí nijíñ' cóo'~ niquiá'r~; jogui iemisé^ dsea` nijíñ' cóo'~ dsea` míloo~ quiá'r~, jogui jaléng' dsea` míloo~ quiá' dsea` nijíñ' cóo'~ iemisér^, co' ja' nisíñ' røø uii~ quié~ jnea~ cóo'~ jalé' júu^ quié~ e.

'Né' óng' dsí' dsea` e jalé' dsijéé' jmí na

(Mt. 16:1-4; Mr. 8:11-13)

54 Jo casí'~ gui Jesús jaléng' i dsea` do jo cajíñ'~:

—Mi~ móo~ 'nú' e ta' jní' nuu' fí' yá'~ jmigü', joba' dsifí' lajob fó'na' e nitú' jmí', jo lajob dsitíng' jóng.

55 Jogui mi~ móo~ 'nú' e hí' guí' quiuu, dsifí' lajob fó'na' e ja' nitú' jmí', jo lajob dsitíng' cajo.

56 i jmicaang~ 'nú'! Co' ní'ba' jalé' e dsijéé' fí' yá'~ jmigü' jogui fí' guóo'~ uó'; joba' ¿jialí' ja' ní'na' e uíng' quiá'~ jalé' e dsijéé' jee~ 'nú' lana?

Jmí'úung'na' e niliseeng'na' juguiá~ cóo'~ jaléng' dsea` i 'ní' níng' 'nú'

(Mt. 5:25-26)

57 Jo mi~ cangí jo, cajíng'~ gui Jesús e júu^ la:

—Jo ¿jialí' ja' lí'na' guí'~na' jnang' e guiá~ jogui jnang' e ja' dseeng' e dsijéé' quií'na'?

58 Co' song i dsea` i 'ní' níng' 'nú' cangojéeiñ' 'nú' fí' quini~ dseata~, joba' jmí'úung'na' e nisiing'~ tu' røø cóo'r~ lajee~ ná'~ gui e niguilíng'~na' fí' quini~ i dseata~ do. Dsaco' song caguilíng'~na' fí' lí' guíñ~, joba' niquiá'r~ ta~ jaléng' í'~ quiá'r~ e nisáñ' 'nú' jo nitáñ' 'nú' dsí' 'nuñí' jóng.

59 Joba' fñi' i 'nú' e ja' nijúu'~na' e fí' dsí' 'nuñí' do cartí' niquí'~na' jalé' cuu~ e nimír~, co' lajob lí' fíng catí' fí' quini~ dseata~.

13

Dsíng' né- e niquí' jíng' yaang~ dsea' fí quini' Fidié'

¹ Jo ie~ jo caguilíng~ coo' tú~ máng' dsea' fí lí~ táang' Jesús i jmóo' júu^ jalé' e ga' e cajméé' dseata~ Pilato cóo' dsea' Israel, co' caquiá'r' ta~ e cajúng~ coo' tú~ máng' dsea' Israel i seeng' fí Galilea, jo e jmi'øng~ i dsea' Israel i cajngaiñ' do cacáñ' cóo' jmi~ jó' i cajngaiñ' fí nife' quía' guá' e si' fí Jerusalén do.

² Joba' cañi' Jesús casí'r~ jaléng' i dsea' do jo cajíñ'~:

—Ja' í' óo'na' e calíng~ jaléng' i dsea' do jalé' e fó'na' na dsu' uí' e røøng'guir dsee~ lajee~ lajaléng' dsea' jmigüí,

³ co' o' lajo; jo song 'nú' ja' niquí'~ jíng' yaang~na' fí quini' Fidié', joba' fí lí' 'lib' nigüilíng'na' dsifí mi~ nijúung~na'.

⁴ Jo ¿su ja' tóo' óo'na' mi~ cajláng~ guijñíng' dsea' coo' 'nú' e ñí' eáang' quía'~ ojmi' Siloé e si' fí dsí' fí Jerusalén? Ja' í' óo'na' e cajúng~ jaléng' i dsea' do dsu' uí' e røøng'guir dsee~ eáang' lajee~ lajaléng' dsea' seeng' fí Jerusalén,

⁵ co' o' lajo. Jo 'nú', song ja' niquí'~ jíng' yaang~na' fí quini' Fidié', joba' fí lí' 'lib' nigüilíng'na' dsifí mi~ nití' oor~ quí'na'.

Mí' ca'e' Jesús quía'~ 'ma' güñí' e ja' ee' cuó'

⁶ Jo casí'~ gui Jesús jaléng' i dsea' do coo' júu^ ja' e lafa' júu^ cuento jo cajíñ'~:

—Coo' néé'~ jaang' dseañu' nicajní'r' coo' 'ma' güñí' fí uó' quía'r'. Jo mi~ catí' í' e líñ' e ni'í', jo cangojòø^bre su ni'í'~ ofí' quía'~ e 'ma' güñí' do.

⁷ Jo mi~ caguiér~, jo casí'r~ i dsea' néé' ni~ e uó' quía'r' do jo cajíñ'~: “Lajee' 'ní' jii' ñingóo' e gaa~ coo' néé' lacoo' jii' e gajòø~ø fa' ni'í' ofí' quía'~ e 'ma' la, dsu' jii' coo' ja' mí' cadsé'e. Joba' fí' i 'nu' e ni'né' nihuí'b', co' ja' tá'~ jmóo' jii' quía'~ e ni' uó' la.”

⁸ Jo dsu' i dsea' i jmóo' í' e uó' do cajíñ'~ casí'r' firr~: “Fí'í', güigui~gui cateá' lajee' jii' lana, jo lajee' jo niñlén'^n i' jo nitá'^a o'.”

⁹ Jo ne~duu' fíng lajogui ni'í'~ ofí' quía'~; jo song ja' ee' lí' ni'í', joguiba' nihuí' jóng.”

Mí' cajmi'leáang~ Jesús jaang' dseamí' i tu' coguí'

¹⁰ Jo mi~ cangí' jo, coo' jmi~ lajee' e jmi'íng' dsea' Israel, ca'e' Jesús jaléng' dsea' do júu^ quía'r' fí dsí' coo' guá'~ quía'~ dsea' góor' dsea' Israel.

¹¹ Jo jee~ jaléng' i dsea' i teáang'~ fí guá'~ do niquiéeng' jaang' dseamí' i nijée' i 'ling'~ quía'~, jo ñingóo' mí' guijñia' jii' e nicajméé' i 'ling'^ do e calitú' coguí' i dseamí' do, jo jii'~ capí'^ ja' e lí' niñ' do.

¹² Jo mi~ cangáng~ Jesús i dseamí' do, dsifí ladob cató'~ reiñ' fí lí' siñ' jo casí'~ reiñ'~:

—Dseamí' rú'uu', jmi~ na ni'leáan'~ lajii'~ jmohuí' e quíe'^ na.

¹³ Jo caquidsir' guóor' fí moguí'~ i dseamí' do, jo dsifí ladob cangohuíng~ i 'ling'^ do, jo canim'~ i dseamí' do, jo canaaiñ'~ jmiféiñ' Fidié' jóng.

¹⁴ Jo dsu' dsíng'~ caliguíng~ i dsea' i néé' ni~ e guá'~ do dsu' e cajmi'leáang~ Jesús i dseamí' do lajee' jmi~ e jmi'íng' jaléng' dsea' góor' dsea' Israel. Joba' casí'~ i dsea' i néé' ni~ guá'~ do jaléng' dsea' i teáang'~ do ie~ jo, jo cajíñ'~:

—Lacoo' seamaan~ sea' jñúu~ jmi~ e jmóo' dsea' ta~, jo lajee' joba' e catíng~ e ñilíng~na' e nilí' mí' quí'na', jo dsu' ja' ñilíng~na' mi~ jmi~ e jmi'íng'naa'.

¹⁵ Jo mi~ cajíng'~ i dsea' néé' ni~ guá'~ do lado, joba' dsifí lajob cañi' Jesús casí'~ reiñ' jo cajíñ'~:

—i jmicang'~ 'nú'! ¿Su ja' güilíng~na' e güí'íng'~na' güitá' quí'na' jmi~ osi bú'^ quí'na' é lacoo' jmi~ mi~ catíng~ e jmi'íng'naa'?

¹⁶ Dsu' i dseamí' la líñ' siju~ Abraham, jo ñingóo' guijñia' jii' e cajméé' Satanás e calidsée'r~ jo cajer' tuiñ'. Jo lacó' güijéeng' 'nú' jó' quí'na' e dsilí're' jmi~ mi~ jmi~ e jmi'íng'naa', lajob catíng~ e nilaang~ jnea' i dseamí' la fí jaguó' Satanás mi~ jmi~ e jmi'íng'naa' cajo.

17 Jo mi~ cajíng'⁻ Jesús lado, dsíng'⁻ calí' i' líng' jaléng' i dsea` i ní' ní' quiá'r⁻ do. Jo dsu' lajaléng' i dsea` caguaang⁻ gui do dsíng'⁻ calí'iaáng' dsír' dsu' e cangár⁻ jalé' e jlo' e cajméé' Jesús ie~ jmíi~ jo.

*Mi~ ca'e' Jesús quiá'⁻ coo` mijú` 'ma` e sii` mostáa`
(Mt. 13:31-32; Mr. 4:30-32)*

18 Jo mi~ calí' jo, jo cajíng'⁻ Jesús:

—¿Jial líng'⁻ na' e lí' mi~ quie' Fidiée' nifí' quiá'⁻ jaang' dsea'? Jogui ¿e~ cóo'⁻ cuóøng' nicóøng'⁻ naa'?

19 Co' e jo lí' la lí' camí'⁻ mijú` 'ma` e sii` mostáa`⁻; jo e mijú` quiá'⁻ e 'ma` do pí'⁻ gui lajee' lajalé' mijú` 'ma` e sea` fí' jmigüí'. Jo dsu' mi~ nijní' dsea` e mijú` do, féb' cuaang' lafa' coo` 'ma', jo fí' yá'⁻ e 'ma` do dsilíng' jaléng' ta' e jmo're' sii` re'.

*Mi~ ca'e' Jesús quiá'⁻ quie'⁻ iñí'⁻
(Mt. 13:33)*

20 Jogui cajíng'⁻ gui Jesús casí'r⁻ jaléng' i dsea` do:

—Jo ¿e~ cóo'⁻ cuóøng' lí' cøøng'⁻ naa' mi~ quie' Fidiée' nifí' quiá'⁻ jaang' dsea'?

21 Co' e jo lí' la lí' capí'⁻ quie'⁻ iñí'⁻ e cáng' dsea' jee' fí' iñí'⁻ quiá'r⁻ e laco' niróo⁻ jalé' e ca` iñí'⁻ do, jo jú'⁻ ja` ñí' dsea' jiali' calí' lajo. Jo dseáng'⁻ lajob lí' cajo mi~ Fidiée' quier' nifí' quiá'⁻ dsea`.

*Coo` o'nú' e dsuu`
(Mt. 7:13-14, 21-23)*

22 Jo mi~ cangí' jo, lajee' iuung⁻ Jesús fí' e ngóor' fí' Jerusalén, ja'bre e e'r' jaléng' dsea` jalé' júu` quiá'r⁻ mi~ ngüiñ' jalé' fí' pí'⁻ osi jalé' fí' cóo'⁻ é.

23 Jo coo` fí' lí' caguiér⁻, cangoquieéng' jaang' dsea' fí' lí' cajer', jo cajmingí' i dsea` do ír' jo cajíñ'⁻:

—Fí'í, ¿su jú'⁻ tú'⁻ 'ní' mím'⁻ tí' dsea` i laang' jee~ jalé' dsee⁻ quiá'⁻?

Joba' cañí' Jesús quiá'⁻ i dsea` do jo casí'⁻ reiñ':

24 —Jmí'úung' na' e nigüitáng'⁻ na' fí' o'nú' e dsuu', dsuco' dsíng'⁻ fíng' dsea' nijmér⁻ quijí' e nidsitáaiñ' fí' jo, dsu' jú'⁻ tú'⁻ 'ní' míng'⁻ bing' i nilí'⁻.

25 Co' mi~ nití'⁻ oor~ e nijní' i dsea' fí' do e o'nú' do, jaléng' 'nú', dsea' nijá' na' fí' caluu', nitó' na'r jo nifí' na'r lala: “Janú", Éé', jmee⁻ uí' diée~ nea` go e o'nú' la.” Jo dsu' lalab niñí' i dsea' fí' e o'nú' do jo nijíñ'⁻: “Ja` cuín'n 'nú'.”

26 Jo mi~ ninúu' na' e nijíñ'⁻ lajo, jo ninaan⁻ 'nú' nifí' na'r: “Colíim~ nica'ie'ee' e nica'nee'⁻ caquiee'ee', jogui 'nub' dsea' nica'é' fí' jee~ fí' góo' naa'.”

27 Joba' niñí' i dsea' fí' e o'nú' do calé' catú'⁻: “Nica'fá'⁻ baa e ja` cuín'n 'nú'. iDo güilíng'⁻ na' lí' do jaléng' 'nú', dsea' i sitíng' 'lée'.”

28 Jo job mi~ niquí'⁻ 'nú' jo dsíng'⁻ nilijiuung~ óo' na' jogui nitú' na' majá' na' mi~ nimáang~ na' Abraham cóo'⁻ Isáa' cóo'⁻ Jacóo' cóo'⁻ jaléng' dsea` i café' cuaiñ' quiá'⁻ Fidiée' malí' gui eáang'; co' jaléng' i dsea' la nineáaiñ' colíing~ cóo'⁻ Fidiée' fí' ñiff⁻ lana, jo dsu' 'nú' fí' caluub' ni'óøng⁻ na'.

29 Jo nijalíng' jaléng' dsea' quiá'⁻ Dsea' Jmáang⁻ fí' la'úng⁻ fí' jmigüí' e nigüear' e nidó'r⁻ ir~ colíing~ cóo'⁻ Fidiée' fí' ñiff⁻.

30 Jo i líng~ dsea` i líng⁻ e niñí' eáang' fí' jmigüí' la, dsu' í'bing' i jú'⁻ capí'⁻ ja` ee` niing⁻ mi~ nití'⁻ í' jo. Jo dsu' i líng~ dsea` i líng⁻ e ja` ee` niñí' jú'⁻ capí'⁻ fí' jmigüí' la, jo í'bing' i eáang' gui niliniing⁻ mi~ nití'⁻ e í' jo.

*Mi~ caqui'⁻ Jesús uii~ quiá'⁻ dsea` i seeng' fí' Jerusalén
(Mt. 23:37-39)*

31 Jo e jmíi~ jo caguilíng⁻ coo` tú'⁻ míng'⁻ dsea` Israel i líng' dsea` fariseo fí' lí' táang' Jesús jo casí'r⁻ dsea` do lala jo cajíñ'⁻:

—'Né niguó[^] fí lí[~] jíé', co' lana niguia' dseata[~] Herodes guiá⁻ e nijngáíñ⁻ 'n^u.

³² J_oba' cañí[~] Jesús quiá⁻ i dsea[~] do j_o casí⁻ reiñ⁻:

—Güilíng⁻ na' güisí[~] na' i 'ná[^] dsinóó[^] í: “Lajee[~] jmí[~] e sea⁻ gui la 'né⁻ nijmité['] e lají[~] ta⁻ cagá⁻ a fí jmigüí[~] la e nijmi['] leáan[^] n jaléng['] dsea[~] dsée[~] jogui nijmihuín[^] n jaléng['] i 'líng['] i jée['] quiá⁻ dsea[~].”

³³ D_su' lajee[~] j_o 'né⁻ niguié['] e lají[~] lí[~] iuun⁻ fí ngóó^o, co' ja⁻ catúng⁻ jaang[~] i fé['] cuaiñ⁻ quiá⁻ Fidié[~] e nijúuiñ⁻ fí caluu[~] fí[~] Jerusalén.

³⁴ 'J_o dsíng['] fí⁻ lín⁻ n jaléng['] 'ná['], dsea[~] seeng⁻ na' fí Jerusalén, co' 'núb['] dsea[~] nicajngang['] na' jaléng['] dsea[~] i café['] cuaiñ⁻ quiá⁻ Fidié[~] jogui nicasi['] lóo['] na' cuu[~] jaléng['] i cajmicó['] quiá⁻ jaléng['] i dsea[~] í cajo. J_o jnea[~], ja⁻ ñii⁻ jó['] gui néé[~] cali['] iin⁻ n e nito['] fí[~] n 'nú['] laco['] to['] fíng[~] jaang[~] tui['] iee[~] jaléng['] tuyuu[~] quiá⁻ re['] fí ná⁻ cuéé['] re['], j_o d_su' ja⁻ cali['] iing⁻ na' laj_o.

³⁵ J_o lana tí[~] lí[~] ni'nám⁻ baa jee[~] 'nú['], j_o j_o nimáang[~] gui['] jnea[~] cartí['] niguié['] oor[~] e nifo['] na' lala: “iJuguiá⁻ o' quiá⁻ i dsea[~] i casíng⁻ Fidié[~] fí jmigüí[~] la cuaiñ⁻ quiá⁻ r⁻!”

14

Mí[~] cajmi['] leáang⁻ Jesús jaang[~] dseañ^u i yaang[~]

¹ J_o mí[~] cangí[~] j_o, co^o jmí[~] lajee[~] e jmi['] íng['] dsea[~] Israel, cató⁻ jaang[~] fí[~] quiá⁻ jaléng['] dsea[~] Israel i líng['] dsea[~] fariseo cató⁻ r⁻ Jesús e nidó⁻ dsea[~] do í['] fí['] quiá⁻ r⁻. J_o lajee[~] j_o, dob teáang[~] jaléng['] dsea[~] Israel i líng['] dsea[~] fariseo i caguiaang⁻ do có^o tifa['] quiá⁻ júu[^] quiá⁻ ta[~] quiá⁻ r⁻ e téeiñ⁻ Jesús lajee[~] j_o.

² J_o jee[~] jaléng['] i dsea[~] teáang⁻ do niquiéeng⁻ jaang[~] dseañ^u i nilíng['] jmohuí['] e yaaiñ⁻.

³ J_o mí[~] cangáng⁻ Jesús i dsea[~] dsée[~] do, dsifí['] laj_o cajmingí['] r['] jaléng['] i dsea[~] neáang[~] do j_o casí⁻ reiñ⁻:

—¿Su cuóøng⁻ e nijmi['] leáan[^] n jaang[~] dsea[~] dsée[~] lajee[~] jmí[~] e jmi['] íng['] naa['] ofa['] ja⁻ cuóøng⁻ é?

⁴ D_su' tiib⁻ cajé['] jaléng['] i dsea[~] do, jí[~] camí['] júu[^] ja⁻ ee⁻ cañí['] r⁻. J_o dsifí['] laj_o catúng⁻ Jesús i dsea[~] dsée[~] do, j_o ca['] láam⁻ biñ['] do lají[~] e jmohuí['] e lamí[~] líiñ[']. J_oba' caquiá['] Jesús ta[~] e cangám['] biñ['] do.

⁵ J_ogui dsifí['] ladob casí⁻ Jesús jaléng['] i dsea[~] i teáang⁻ do j_o cajíñ[']:

—¿Já[^] já[^]? jí[~] jaang[~] 'nú['] ja⁻ niseáang[~] na' jó^o na' osi jó['] núu[^] quií⁻ na' song calíngíng⁻ na' e catóñ['] osi catóng['] ne['] fí có^o dsí['] jí[~] lajee[~] jmí[~] e jmi['] íng['] naa['].

⁶ D_su' caléb['] tu jí[~] jaang[~] i dsea[~] do ja⁻ ee⁻ cañí['] r⁻ jí[~] camí['] júu[^] quiá⁻ Jesús.

Jaléng['] dsea[~] máng[~] quiá⁻ dsea[~] cung['] guó[~]

⁷ J_o lajee[~] j_o cajíng['] i dsea[~] fí[~] jaléng['] dsea[~] Israel i líng['] dsea[~] fariseo do e nigüéá[~] dsea[~] e nidó⁻ r⁻, j_o jalém['] i dsea[~] do cagui['] r⁻ lí[~] niing⁻ gui nigüéár⁻. J_o mí[~] cangá⁻ Jesús e cajmée['] jaléng['] i dsea[~] do lado, j_oba' ca['] e['] reiñ['] e júu[^] la j_o cajíñ[']:

⁸ —Mí[~] jaang[~] dsea[~] i cung['] guó[~] tó['] r⁻ 'n^u fí['] quiá⁻ r⁻, j_o mí[~] niguie['] quiá⁻ i dsea[~] í, ja⁻ jmee['] fa['] ningíñ⁻ e niní['] lí[~] niing⁻ gui, co' jialfa['] caguié⁻ jaang[~] dsea[~] máng[~] i niing⁻ gui laco['] 'n^u fí['] quiá⁻ i dsea[~] do.

⁹ J_o song 'n^u niguiin⁻ lí[~] niing⁻ gui, j_oba' i dsea[~] cató⁻ 'n^u do 'né⁻ nisí['] r⁻ 'n^u e nijéen⁻ lí[~] niguiin⁻ do, j_o nigüéá[~] i dsea[~] jaang[~] do, j_o j_oba' lí[~] nicá['] 'n^u fí['] mí[~] nijéen⁻ e lí[~] niguiin⁻ do, j_o nigüiní['] cartí['] cøøng⁻ gui fí['] lí[~] neáang[~] dsea[~] i ja⁻ niing⁻.

¹⁰ D_su' mí[~] tó['] i dsea[~] do 'n^u fí['] lí[~] néé['] júu[^], 'né⁻ niní['] cartí['] cøøng⁻ gui lí[~] neáang[~] dsea[~] i ja⁻ niing⁻ mí[~] niguie['] quiá⁻ i dsea[~] í. J_oba' mí[~] niníñ⁻ 'n^u, nitó['] r⁻ 'n^u j_o nijíñ[']: “Fí['] la ngíng[~], co' fí['] lab lí[~] gua[~] dsea[~] i niing⁻ gui.” J_oba' niní['] lí[~] niing⁻ gui jee[~] jaléng['] dsea[~] i máng[~] i nineáang[~] quiá⁻ r⁻ do.

11 Dsaco' jaléng' dsea` i jmicóøng' yaang' jee` jaléng' dsea` rúng', íbing' i nicá' fí'í', jo jaléng' dsea` i ja` jmicóøng' yaang' jii' capí', íbing' i niing- gui lajee` lajaléng' dsea` jmigüí'.

12 Jogui casí'- Jesús i dsea` i cató- quiá'r- do jo cajíñ'-:

—Mi` jmoo` 'nua` jmii` jo iin` nihéen` jaléng' dsea`, ja` 'né- nitó'^ jaléng' i cuín' o'gui jaléng' rún' o'gui jaléng' i sea` cuu-. Dsaco' song cajmee'- lajo, joba' lajob nitó'tu jaléng' i dsea` do 'nua` mi` nijmér- jmii` lajaang' lajaaíñ' fí' quiá'r-.

13 Co' guiá-gui e mi` nijmée` 'nua` jmii`, nitó'^ jaléng' dsea` i ja` cuín' jogui jaléng' dsea` tiñíng- cóo' jaléng' dsea` i ja` lí ngí- cóo' jaléng' dsea` bóøng' jogui jaléng' dsea` tiuung-.

14 Jo joguiba' dsíng'- nili'íang` o' jóng dsaco' ja` lí niquí'^ jaléng' i dsea` do táa' quí'- fa' nicuó'r- 'nua` laco' cacuóø' re. Jo dsu' Fidié` dsea` guiing` ñíí', íb` dsea` i nicuó'- 'nua` mi` niguiéé' oor` e nijí'tu calé' catú- jaléng' dsea` i nisiguiúng` fí' quini` Fidié`.

Mi` jaang` dsea` cahéíñ' fíng' dsea` fí' quiá'r-

15 Jo mi` canúu- jaléng' i dsea` do jalé' júu^ quiá'- Jesús, jaang` i dsea` la'ó' neáaiñ' gø'r' do cajíñ'- casí'r- Jesús:

—Juguiá- o' quiá'- jaléng' i nitíng- nidó'- colíng- cóo' Fidié` fí' ñíí' mi` nití- oor` quiá'r-.

16 Joba' casí' gui Jesús jaléng' i dsea` do jo cajíñ'-:

—Coo` née' caguia' jaang` dseañu` guiá- e nidó'- fíng' dsea` i múng' fí' quiá'r-.

17 Jo mi` catí oor` e nidó'r-, jo casíñ' jaléng' dsea` 'léeng' quiá'r- e cangotéer jaléng' i dsea` nisimúng' do. Jo mi` caguié- i dsea` 'léeng' do fí' quiá'- lajaang` lajaang` i dsea` nisimúng' do, jo casí'-reiñ': “Güilíng-na' lajminá-, co' dob nigüíjé` fí'í e nicó'na' colíng- cóo'r-.”

18 Jo dsu' jii' jaang` i dsea` do jo` cali'íñ' fa' cangolíñ-. Jo i la'uii` do cajíñ'-: “Sí' go fí' güijmée` gor féng' dsíir' e ja` nilí` nii'i, co' nabi nicalá'a coo` jmáang' uó^, jo jobi 'né- nijóøø lajminá-.”

19 Jo jaang`gui cajíng'-: “Sí' go fí' güijmée` gor féng' dsíir' e ja` nilí` nii'i, co' nabi nicalón` n'ñiá` jmúng' güitá^ quié` e, jo íbi 'né- nimoo` o` jial jii` re.”

20 Jogui jaang`gui cajíng'-: “Güisí' go fí' e ja` nilí` nii'i, co' la güeam'-bú e ngocúun` n guóo', jo güijmée` gor féng' dsíir' uii` quié` e.”

21 Jo mi` caguiéng'- i dsea` 'léeng' do fí' lí` guiing` fíir` e cangocóor` júu^ e jii' jaang` i dsea` do ja` nilí` guilíñ-, joba' dsíng'- caligúing- i fíir` do mi` canúur- lajo, jo caquiá'r' ta` i dsea` 'léeng' do quiá'r- jo casí'-reiñ': “Gua` güingi` lajminá- lacaang` jee` 'núu, jo güite' jaléng' dsea` tiñíng- cóo' jaléng' dsea` i ja` lí ngí- cóo' jaléng' dsea` tiuung- cóo' jaléng' dsea` bóøng', jo güijalíñ- e nidó'r- fí' quié` e.”

22 Jo cangób- i dsea` 'léeng' do cangojméer^ laco' ta` caquiá' fíir-. Jo malí`gui lajo caguiém'-tur fí' lí` guiing` fíir` jo casí'-reiñ' do lala: “Nicanoté` baa jaléng' i dsea` i café' do 'mii-, jo nab nineáaiñ' lana, dsu' jóo'bi lí` nigüéá'gui dsea`.”

23 Joba' cajíng'- i fíir` do jo casí'-reiñ': “Gua` güingi`gui la'úng- lacaang` lí` ja` mí` caguiéé', jo güite'gui jaléng' dsea`, jo güijalíñ- líng- güiróøng` sínúu^ quié` e.

24 Dsaco' jii' jaang` i dsea` i catóø-ø la'uii` do jo` nidó'r- jii' capí' fí' quié` e.”

'Né- í` dsí' dsea` røø` song iñ` nijmicuíñ` Dsea` Jmáang`

25 Jo mi` cangí jo, dsíng'- fíng' jaléng' dsea` ngolíñ- fí' lí` ngóo' Jesús. Joba' cajer' jo casí'r- jaléng' i dsea` do jo cajíñ'-:

26 —Song ii` iing` ni'uíng- dsea` quié` e, 'né- nili'iing`guir` jnea` laco'gui tiquiá'r^ osi niquiá'r^ osi jaléng' rúñ' osi dseamí quiá'r- osi dseañu` quiá'r- é osi jaléng' jóor', jogui 'né- nili'iing`guir` jnea` laco'gui 'ñia'r' cajo.

27 Jo song ii` dsea` i ja` niseáng' lafa' crúu` quiá'r` e laco' cuø` li` e guia' dsír' e nidsing`iiñ` e huíng' uí' e líiñ` dsea` quié` e jogui ja` ningír` cóo` jnea~, joba' i dsea` i ja` quí'` jmí~ e nilíiñ` dsea` quié` e.

28 Fa' jaang` 'nú' iing`na' nijmée'`na' cóo` 'núu', 'né` nijmée'`na' cuante quí'`na' su seab` cuu` quiá'` e ninaang`na' e nijmée'`na' e 'núu' do car` nité'.

29 Dsaco' fa' lí'` canaang` e líi` e 'núu' do lajo e ja` mí` calíi` cuante røø` jial tí' cuu` nilí`né~, jo jialfa' ja` cató', jo dsíng'` ningíng` dsea` i dsea` fií` e 'núu' e gui`ná'` líi` do

30 jo nijíiñ` : "I dseañu` do nicajmícaaiñ` e cajme'r' 'nur` ofa' nisea` cuu` e nijmité'r' car` ca'ieeng`."

31 Osi jaang` dseata` iñ` nijmér` mí'` cóo` jaang`gui dseata` i jíéng', joba' 'né` ni'í` dsír' su niqú'` jmí~ e nitíñ` cóo` i dseata` do song i dseata` i` jéiñ` tú` 'lé'gui dsea` laco'gui 'ñia'r'.

32 Jo song calilí'` i dseata` do e ja` niqú'` dsea` quiá'r` jmí~ e nitíñ` cóo` i fíng'gui do, joba' 'né` nisíñ` dsea` quiá'r` e nidsimíiñ` do jmí'ee` e jo` nitíñ` cóo` i dseata` i jaang`gui do.

33 Jo lajob líi', doñí` ii` 'nú' i ja` ni'náng` ca' lajalé` e lí` dsír' e sea` fi' jmíguí` la, joba' ja` quí'` jmí~ jóng e nilíiñ` dsea` quié` e.

Jial mí` jo` dseeng` ñi`

(Mt. 5:13; Mr. 9:50)

34-35 Jo cajíng'` gui Jesús casí'r` jaléng'` i dsea` do lala:

—Dsíng'` íng` ta` jalé` ñi~, jo dsu' song ca'íng` lajii` e ñii` do, joba' jo` ee` ta` íng` jíi` cóo` jóng, jo lico' nibíb` dsea`, dsaco' ja` mí'` sea` quiá'` fa' e nilíiñ`tu. Joba' fíi` i 'nú' e ii` 'nú' sea` loguá'na', núu`na' jalé` júu` quié` e.

15

Mí` ca'e' Jesús júu` quiá'` jaang` jo'se'` i sí'íng`

(Mt. 18:10-14)

1 Jo ie` jo dsíng'` fíng` jaléng'` nodsicuu` quiá'` Roma cóo`gui jaléng'` dsea` i sea` júu` e dsíng'` røøiñ` dsee` ngolíiñ` fí` lí` sing'` Jesús e núur` jalé` júu` quiá'` dsea` do.

2 Jo mí` cangá` jaléng'` dsea` Israel i líng'` dsea` fariseo cóo`gui jaléng'` tifa'` quiá'` júu` quiu'` ta` quiá'r` e ngolíng` jaléng'` i dsea` do fí` lí` sing'` Jesús, joba' canaañ` do éeiñ` Jesús jo fé'r`:

—I dseañu` na colíim` ngír' jogui gø'r' cóo` jaléng'` dsea` sea` júu` e dsíng'` røøiñ` dsee`.

3 Jo mí` canúu` Jesús e fé' jaléng'` i dsea` do lado, joba' ca'e'`reiñ` júu` já'` e lafa' júu` cuento jo cajíñ`:

4 —Facó' jaang` 'nú' aang`na' cien jo'se', jo calíngíng`na' cango'íng'` jaang` lajee` taang`na' e móo`na're', 'né` nitiúung`tea' i caguaang`gui do lajee` nigüi`néng'na' i cango'íng' do cartí` niguiéng'na're'.

5 Jo mí` niguiéng'na're', dsíng'` nilí'íang` óo`na' jo nitøø`na're' e dsíng`ne' yú'` 'ná'na'.

6 Jo mí` niguilíng'na' fí` quí'`na', niseáng`na' jaléng'` dsea` cuíng'na' jo nifí'`na'r: "Lana nijmí'íang` dsí'naa', có' cadsém'`baa jaang` jo'se'` quié` e i calíngíng`n cango'íng'."

7 Jo laco' lí'íang` óo' 'nú' mí` dséng'na' jaang` jo'se'` i dsí'íng' quí'`na', joba' lajob lí'íang` dsí' Fidié` colíng` cóo` jaléng'` i neáng` fí` ñifí` quiá'r` mí` caquí'` jíng'` 'ñia'` jaang` dsea` i calilí'` e líiñ` dsea` dsee` dsea` quí'` fí` quinir` laco'gui noventa y nueve dsea` i líng` e ja` líiñ` lajo fí` quiní'` Fidié`.

Mí` ca'e' Jesús júu` quiá'` cóo` cuu` e sí'íng`

8 Joba' cajíng'` gui Jesús casí'r` jaléng'` i dsea` do:

—Fa' jaang` dseamf̄ i óo` guí` cunée` , jò calinghiñ` e cango'ling' coo` e cuu` do fí` dsí' sinúu` quiá'r. Joba' dsifib' nijmijneár` coo` jì jò ni'ír` niquiáaiñ` røð` la'úng` e sinúu` do, jò ni'nó'r` e cuu` do car` niguié'r.

⁹ Jò mi` niguié'r` e cuu` do, jò nitó'r` jaléng'` dsea` i cuíñ` jò nisí'reiñ': "Lana nijmi'iaang` dsí'naa', co' cadse`baa coo` cunée` quié` e e calinghiñ` n cango'ling'."

¹⁰ Jò laco' li'iaang` dsí' jaang` dsea` i dsé' cuu` quiá' , joba' lajob li'iaang` dsí' jaléng'` ángeles quiá'- Fidié` mi` caquí'- jing` 'ñia' jaang` dsea` i calilí` e lhiñ` dsea` dsee` dsea` qui' fí` quini` Fidié`.

Mi` ca'e' Jesús quiá'- jaang` dseañu` i calíng` dsee` quiá'- jaang` jóor`

¹¹ Jò mi` calí` jò, jò ca'e'gui Jesús jaléng'` i dsea` do coo`gui júu` já' e lafa' júu` cuento jò cajíñ':

—Coo` née' caliséng` jaang` dseañu` , jò caliséng` gáng` jóor` dseañu`.

¹² Jò i jiuung` gui do coo` née' casí'r` tiquiá'r` jò cajíñ': "Tea~, mi` nijúung` 'nu, 'né` nilí` jmá'` jiu røð` jalé' e sea` quií'` lana. Joba' fí` i 'nu` fa' jmée`ba' jmá'` jiu jalé' e jò na la seeng`gui." Jò dsifí` lajob cacuø` i tiquiá'r` do lajii` e catíñ` do.

¹³ Jò mi` cangf̄ tú` 'ní` jmí` lajò, ca'níib` i siming'` do jalé' e nicanghiñ` cacuø` tiquiá'r` , jò cóo'` jalé' e cuu` e calí'r` do cagüi`bre góor` jò cangór` fí` li` huí` eáang' , jò fí` job ca'íñ` jalé' e cuu` quiá'r` do, jò cajmirøng` dsee` 'ñia'r` cóo'` jalé' e 'li' e sea` fí` jmigüí`.

¹⁴ Jò dsu' mi` cangf̄ e cadseá'r` jalé' e cuu` quiá'r` do, lajee` job cali'øøng` jalé' e gø'` dsea` e fí` li` táaiñ` do, jò coo` mi` cangir` e jò ee` sea` dór`.

¹⁵ Jò joguiba' cajméer` quijí` ta` nijmér` cóo'` jaang` dseañu` i seeng` e fí` li` táaiñ` do, jò canghiñ` coo` ta` e jmóor` í` cú`.

¹⁶ Jò dsíng'` l` dsíir` fa' nidó'` bjiur` jalé' e gø'` i cú` do lacoo` jmí` , co' ja` ee` 'ga' lí` ngíñ` e nidó'r` 'ñia'r`.

¹⁷ Jò lajee` jò dsíng'` cajo'` dsíir` quiá'` jalé' e cajméer` lami` jéeng`gui do jò ca'f` dsíir': "Ja` ní` jøng'`gui dsea` jmóo` ta` quiá'` tiquié` e jò seab` e gø'r` laling` lana, jò dsu' jnea` lab táan` nijúun` n oo`!

¹⁸ Joba' ním'` túu` fí` góo'` jò ni'ném'` túu` tiquié` e jò nifí` ire: Tea~, dsíng'` nicajmirøng` dsee` 'ñia'`a fí` quini` Fidié` jogui fí` quini'` cajo`.

¹⁹ Jò lana gán'n` e iin` n nijmée'` e ta` lafa' jaang` dsea` 'léeng'` quiá'ba' , jò jò` jmée'` cuente e jóo'` jnea`."

²⁰ Jò mi` cangf̄ e ca'f` dsíir` lado, dsifí` lajob cangáng'` tur fí` góor` , jò cango'néeng'` tur tiquiá'r`.

Jò jaquieem` niguieíñ` quiá'r` mi` tí` lí` cangá` tiquiá'r` e n'ingaiñ'. Jò dsíng'` calí` fí` líng` i dseañu` do i jóor` do, jò e cuí` bre cangojmijíng'` neiñ' jò carøøng` rúíñ`.

²¹ Joba' cajíng'` i siming'` do casí'r` tiquiá'r` : "Tea~, dsíng'` nica'lee` e fí` quini` Fidié` jogui nica'lee`baa fí` quini'` cajo, jò jò` jmée'` cuente e jóo'` jnea`."

²² Dsu' i tiquiá'r` do dsifí` lajob caquiur` ta` dsea` 'léeng'` i née' ni` sinúu` quiá'r` jò casí'` reiñ': "Güiquie`du' 'mi'` e jlo'`gui lajee` lajalé' e sea` jò niquí'` i jóo'` la, jogui güiquie`na' coo` ní` iu` niguoo` jò ñicuøø'`na'r, jogui cuøø'`na'r caneáang'` miloo` e 'mí` e ni'ó'r`.

²³ Jogui güitee`na' jaang` güitá` jiuung` i ni'úung'`gui lajee` lajaléng'`ne' , jò ni-jngáang'`na're' jò nilíng`-ne' jmiñi` . jNá nijmó'oo' coo` jmí` jò ni'né'` niquiee`naa' lajalé'naa'!

²⁴ Dsaco' i jóo'` la huí`b` eáang'` nicangór` jogui huøøb` eáang'` nicango'íñ'; jò lajee` jò ca'f` dsii` e nicajúm`bre, jò lana lín` n e lafa' nicají`tur e nisiñ'` la." Jò lajalém'` i dsea` do canaaiñ` guiar` guiá` e cajmeáiñ'` jmí` i siming'` i caguiéng'` do.

²⁵ Jò lajee` jò dob nitáang` i rúíñ` dsea` féng'` do fí` lí` jmóor` ta` quiá'` tiquiá'r` . Jò mi` cangoquieeíñ` fí` quiá'r` mi` tí` lí` canuu` , jò canúur` e ii` lúu` jò ninaang` e née` tadséeng` fí` quiá'r`.

26 Jo mi~ caguiéiñ' quiá' o'nú^ quiá'r, job sing' jaang` dsea` 'léeng'~, jo cajmingí'r- i dsea` do jo casí'- reiñ': "¿E`gui' jmoo`na' teáang'~na' na?"

27 Joba' cañí' i dsea` 'léeng'~ do jo cajíñ'-: "Mí~ cagüeang'- i siming' rún' i tá'- cangongí' do. Joba' dsíng'- cali'iaang` dsí' tiquí'~, jo caquiur' ta~ e cajúng- jaang` güitá^ jiuung~ i niguang'gui lajee` lajaléng' i seeng` quí'~, joba' jmóor` jmí~ lana."

28 Jo dsu' mi~ canúu- i siming' do lado sóong^ caligüiñ~, jo jo` cali'iiñ~ fa' ca'í-guir e sinúu^ lí~ néé' jmí~ do. Jo mi~ calilí^ tiquiá'r^ e táang` i jóor' do caluu~, dsifí' lajob cagüi'fir' jo caguité`reiñ'.

29 Joba' cajíng'- i siming' do casí'r- tiquiá'r^: "Contøom- nicajmé- e ta~ quí'~ jo jíí~ coo` néé' ja` mí' cajmé- e fa' e ja` núu~u jalé' ta~ quiá', dsu' jíí~ coo` néé' ja` mí' cajmeáan' jnea~ jmí~, o'gui' mí' cacuøon~ jnea~ fa' jaam' jo'chí^ quí'~ e laco' nijmeáang' ~ñiá'a jmí~ cóo'~ jaléng' dsea` cuín'n.

30 Jo dsu' lanagui e nicagüeang'- tu i rún' n na, dsea` nica'liñ- jalé' cuu- quí'~ cóo'~ jalé' e 'lí^ e sea` fí' jmigüí, jo 'nu` nicajngang' jaang` güitá^ jiuung~ i niguo'gui lajee` lajaléng' i seeng` quí'~ii'."

31 Joba' cañí' tiquiá'r^ jo casí'- reiñ': "Yuu` quí'~ii', contøom- guing' 'nu` cóo'~ jnea~, jo jalé' e sea` quíé- e e quí'~ba' cajo.

32 Jo dsu' lana e nicagüeang'- i rún' na dsí' í' e nijmeáang'~naa'r jmí~ jo nijmi'iaang` dsí'naa' jalé'naa'. Co' huøob- nicango'liñ~, jo lajee` jo nica'í dsí'naa' e nicajúm-bre; jo dsu' lanagui e nicagüeang'- tur, lí' e lafa' nicajíb' tur."

16

Mí' ca'e' Jesús quiá'- jaang` dsea` 'léeng'~ i ja' cajméé' ta~ røø` quiá'- fir~

1 Jo mi~ cangí jo, jo ca'e'gui Jesús jaléng' dsea` i núu` jalé' júu^ quiá'r- coo`gui júu^ já'- e lafa' júu^ cuento jo casí'- reiñ':

—Coo` néé'~ caliséng` jaang` dseañu' i sea` cuu-, jo seeng` jaang` dseañu' i jmóo` ta~ contøong- quiá'r- i néé' ni~ jalé' e sea` quiá'r-. Jo coo` jmí~ caguilí' dsee- quiá'- i dsea` 'léeng'~ do e lí^ nicadseá'r- nica'liñ- lajo jalé' e sea` quiá'- fir~.

2 Jo dsifí' lajob catø- i dsea` sea` cuu- do catø'r- i dsea` 'léeng'~ quiá'r- do jo casí'- reiñ': "¿Su jáb^ jalé' dsee- e nicajméé' jaléng' dsea` uii~ quí'~-? Lana nijáa'~ jnea~ cuente quiá'- jalé' e sea` quíé- e, co' latí' lanab jo' nijméé' ta~ cóo'~ jnea~ co' jo' 'neán- n 'nu'."

3 Jo mi~ cangí jo, mi~ caguiéng'- i dsea` 'léeng'~ do fí' quiá'r-, jo canaaiñ' í' dsí'r: "¿E`gui' nijmee~ e náng? Ná la catúun' e jo` ee' ta~ cuø' dsea` jnea~. Dsíng'- fin'- n nijmee~ e ta~ jenuu~, jogui dsíng' i' lín- n nimí~ cuu- fí' jee~ 'núu'.

4 Dsu' nica'óm' dsii- e~ nijmee~ e e laco' niliseeng` dsea` i niliguiúng- cóo'~ jnea~ mi~ ningí e jo` ta~ sea` jmee~ e."

5 Joba' canaaiñ' tó'r' lajaang` lajaang` i nirøong` quiá'- fir~. Jo mi~ caguié- la'uii~ i dsea` i nirøong` do jo cajmingí'- reiñ': "¿Jial tí' røøng` 'nu` quiá'- fí'í?"

6 Joba' cañí' i dsea` do: "Cien sí' e a~ aceite røon- quiá'r-." Jo dsifí' lajob cajíng'- i dsea` 'léeng'~ do casí'r- i dsea` do: "Lab róo` jì lí~ táan' e røon'. Téé' lana e røon' jíí~ cincuenta sí'."

7 Jo mi~ cangí lajo, cajmingí'r- jaang`gui i dsea` i røong` do jo casí'- reiñ': "Jogui 'nu` jial tí' røon'?" Joba' cañí' i dsea` do: "Cien cuéé'~ micui'iee'." Joba' casí'- i dsea` do jo cajíñ'-: "Lab róo` jì lí~ táan' e røon', jo téé' e røon' jíí~ ochenta."

8 Joba' calilí^ i fii~ quiá'- i dsea` 'léeng'~ do e ja` ca'éeiñ' do røø` cóo'~ ta~ quiá'r-, jo lifa' eáam-bre lí'r^ cóo'~ jalé' e cajméer` do. Jo lajob lí' cajo cóo'~ jaléng' i dsea` i ja` cuíng` Fidiéé~, eáang`gui lí'r^ jmóor` jalé' e jmigøoiñ` dsea` rúñ' laco'gui i dsea` i nilíng` dsea` quiá'- Fidiéé~.

9 'Joba' liúun' n 'nú' e jméaang' na' ta~ jalé' e sea` e fí' jmigüü' li~ seeng` dsea` dsee~ dsea` qui' e laco' nilí' na' jaléng' dsea` i niliseeng` guiá~ cóo'~ 'nú'. Jo lajōba' mi~ niguiá' jalé' e sea` quií' na' fí' jmigüü', niliseem'bing' i ni'ing' 'nú' mi~ nití' fí' fií' cóo' jóng.

10 'Jo ii' i ca'ée' jmang' e guiá~ cóo'~ capi' e sea` quiá'r~, joba' lajōb ni'ér~ mi~ nisea' jmiguiá' quiá'r~ cajo. Jo ii' i ja' jmóo' e guiá~ cóo'~ capi' e sea` quiá'r~, joba' lajōb ja' jmér~ e guiá~ fa' jialgui la jmiguiá' e sea` quiá'r~.

11 Jo song ja' jmoo'na' e guiá~ cóo'~ jalé' e sea` quií' na' fí' jmigüü' li~ seeng` dsea` dsee~ dsea` quií' joba' lajōb ja' nicuó' Fidiéé' 'nú' lajii' e catíng' na', dsea` líng' na' dsea` quiá'r~.

12 Jo song ja' ee~ na' røø' cóo'~ jalé' e sea` quiá'~ dsea` jiéng', joba' çí' i nicuó' 'nú' jalé' e catíng' na' do jóng?

13 Jo cajíng'~ gui Jesús e júu' la:

—Jii'~ jaang` dsea` 'léeng'~ ja' qui'~ jmii' fa' nijmér~ ta~ fí' quini' gáng~ fiir~ colíng~, dsuco' song cajméer' lajō, joba' nilí' 'ní' níim~ bre jaang` jogui nijmiti~ bre ta~ e níquiá'~ i jaang`gui do. Jo co' lajōb líí, joba' ja' qui'~ jmii' fa' e nijmití' na' jalé' ta~ quiá' Fidiéé' jogui e nijmití' na' cajo jalé' ta~ seáng' jmiguiá' cuu~ fí' jmigüü'.

14 Jo mi~ canúu~ jaléng' dsea` Israel i líng' dsea` fariseo e cajíng' Jesús jalé' e júu' na, joba' dsifí' lajōb canaaiñ' e lóøiñ' dsea` do, co' eáam' l' dsíiñ' jalé' cuu~ quiá'r~.

15 Jo lalab cajíng'~ Jesús casí'r~ jaléng' i dsea` do:

—'Nú'bing' i tí' dsíí' i ngí' jmijløng'~ yaang~ e ee~ na' røø' fí' quini' jaléng' dsea` jmigüü', jo dsu' Fidiéé' dsea` guíng~ ñifí' niñi'bre guiá~ jial líng' na' lajaang` lajaang` na'. Jo jalé' e jmí'gó' dsea` eáang' fí' jmigüü' la, dseáng' 'ní' níim~ Fidiéé' jalé' e jo.

Eáam' niing~ jalé' júu' quiá' ta~ quiá'~ Moi'

16 Jo mi~ cangí' e cajíng'~ Jesús lajō, jo casí'~ guir jaléng' i dsea` do jo cajíñ'~:

—Mí' cajá~ Juan i seáang` dsea` jmii', lajii'~ júu' quiá' ta~ quiá'~ Moi' ba' mí' sea` cóo'~ gui jalé' júu' e café' i dsea` i café' cuaiñ' quiá'~ Fidiéé' malí'gui eáang'. Jo lati' ie~ jōb jaa' e guiá' dsea` júu' quiá'~ Fidiéé' quiá'~ jial líng' dsea` do dsee~ quiá'~ dsea` jmigüü' jogui jial iñ'~ nicár' nifí' quiá'~ lajaang` lajaang` dsea`. Jo lati' ie~ jōb cuø' bí' yaang~ dsea` e nitiíñ' fí' quini' Fidiéé'.

17 'Jo eáang'gui ja' huíng' e ni'ling' guóo'~ uø' jmigüü' e laco'gui ja' niliti' fa' camí' júu' quiá' ta~ quiá'~ Moi'.

Mí' ca'e' Jesús e ja' cuøøng' e nitiúung~ rúng' dsea` i nisícúng' guó'

(Mt. 19:1-12; Mr. 10:1-12)

18 Jo mi~ cangí' e cajíng'~ Jesús lajō, jo casí'~ guir jaléng' i dsea` do jo cajíñ'~ lala:

—Song jaang` dseañu' catiúuiñ' dseamí' quiá'r~ jo nicúng' tur guóor' cóo'~ jaang`gui dseamí' i jiéng', joba' 'lée'bre jóng' fí' quini' Fidiéé', co' dseeb~ éer'. Jogui i dseañu' i cúng' guoo' cóo'~ jaang` dseamí' i catiúung~ dseañu' quiá'~, joba' 'lée'bre cajo, co' dseeb~ éer' fí' quini' Fidiéé'.

Jaang` dseañu' i sea` cuu~ cóo'~ jaang` dseañu' i tiñíng~

19 Jo mi~ cangí' e cajíng'~ Jesús jalé' e júu' na, jo casí'~ guir jaléng' i dsea` do jo cajíñ'~:

—Coo' nées' caliséng' jaang` dseañu' i sea` cuu~ eáang', jo dsíng'~ jlo' jalé' s'i' e quiér', jogui laco' jmii'~ jmáng' jmii' 'ñia'r'.

20 Jogui cajo seeng` jaang` dseañu' dsea` dsée'~ i sii' Lázaro i tiñíng~ eáang' i líng' 'mi' latøøng~. Jo laco' jmii' gua' i dsea` dsée'~ do fí' o'nú' quiá'~ i dsea` sea` cuu~ do

21 e güjjer' fa' niñiñ' nidø'r~ jalé' e sojiá' 'ni' mes~ quiá'~ i dsea` sea` cuu~ do lajee' guiiñ' e gø'r'; jo jiguí' jaléng' dsii' dsilíng~ ne' e 'lu're' lacaang' li~ líí' 'mi' quiá'~ i dsea` dsée'~ do.

22 Jo cóo' mi~ caguié~ jmii' e cajúm~ i dsea` dsée'~ do, jo casing' Fidiéé' jaléng' ángeles quiá'r~ jo catø~ reiñ' do fí' lí' guíng' Abraham fí' ñifí'. Jo jo' huøø' ngó' mi~ cajúng~ Lázaro

jo cajúm̄ i dsea` sea` cuū do cajo. Jo jaléng` dsea` rúíñ` cangojéeng`neíñ` do fí codsii` jo ca'áam̄ breíñ` do.

²³ Jo mĩ` cajné` dsí' i dsea` sea` cuū do fí jmigüī cōo, joba' fí lí` lib` n̄'iuuiñ` jóng, jo nicár` jalé` iihuí'. Jo lajee` jo caséer` nir` fí yá'^ jo cangáíñ` Abraham cóo' Lázaro e neáaiñ` do coling` fí ñifí`.

²⁴ Joba' canaang` i dsea` sea` cuū do áíñ` i dsea` do jo casí'-reiñ': "Teaa` Abraham, fí gūilín` jnea` jo síng`go Lázaro fa' nicuó'r` jnea` capí'^ jmí, có' nilí'lea` nisí'i, có' dsíng`-quiee` iihuí' e fí ni` jí' la."

²⁵ Joba' cañí` Abraham quiá'- i dsea` sea` cuū do jo casí'-reiñ': "Jóo'o, téé' o', eáam` juguí` cateaang` 'n̄a' fí jmigüī, joguí Lázaro eáam` cangár` iihuí' lajee` jo. Jo lanaguiba` niní Lázaro juguí`, dsu' 'n̄a' nabi nicatí' í' e nimó'^ jalé` iihuí'.

²⁶ Joguí jí' jaang` jneaa`aa' ja' cuóøng` ngüing`naa' lacataang` cataang`, có' cōo` 'ni' e a' eáam` lí' jee` laco' teáng`na' joguí laco' née' jnea'^, jo ja' cuóøng` fa' i dsea` neáang` la ningíñ` fí na o'guí i dsea` teáng`na' cuóøng` jalíñ` fí la."

²⁷⁻²⁸ Joba' cañí` i dsea` sea` cuū do quiá'- Abraham jo casí'-reiñ': "Su ja' jíeé' o', Teaa` Abraham, fa' niguiéen` Lázaro fí jmigüī fí lí` neáang` 'ñíing` rún`n dsea` ngáang` cóo' o e nidsijméé`-reiñ` júu` jial niteáiñ` fí jmigüī, jo lajoba' nitíñ` fí lí` guíá' mĩ` nijúuiñ`, jo ja' nijalíñ` fí lí' iuun` lana e quiee` jalé` iihuí'."

²⁹ Joba' cañí` Abraham quiá'- i dsea` sea` cuū do jo casí'-reiñ': "Dob sea` jalé` jí' lí' fé' jalé` júu` quiá'- Moi` cóo' guí jalé` júu` quiá'- jaléng` dsea` i café` cuaiñ` quiá'- Fidiéé` malí` guí eáang`, jo güjmitir` jalé` e jo."

³⁰ Jo cañí` tu i dsea` sea` cuū do jo casí'-r` Abraham: "Lajob lí', Teaa` Abraham. Dsu' eáang` guí ja' huíng` niquí'- nijíng` yaaiñ` fí quini` Fidiéé` fíng song caguiéng`- jaang` 'lí' jo niguiár` júu` e' jalé` iihuí' e cá' dsea` fí la."

³¹ Joba' cañí` tu Abraham quiá'- i dsea` sea` cuū do jo casí'-reiñ': "Song ja' jí'r` o'guí já' lííñ` jalé` júu` quiá'- Moi` cóo' guí jalé` júu` quiá'- jaléng` dsea` i café` cuaiñ` quiá'- Fidiéé` malí` guí eáang`, joba' lajob ja' nilíjí'r` o'guí já' nilíñ` cajo nañí' fa' jaang` 'lí' nijí'r` jo niguieng` tur fí jmigüī calé` catú`."

17

*Jial dseáang` e nijiúng` dsea` fí ni` dsee`
(Mt. 18:6-7, 21-22; Mr. 9:42)*

¹ Cōo` née' cajíng`- Jesús casí'r` jaléng` dsea` quiá'r`:

—Contøom` nilisea` jalé` e sea` fí jmigüī e nijmé` e nijiúng` dsea` fí ni` dsee`, jo dsu' e ngí' fí` i dsea` i nijmé` e niténg` jaang` guí dsea` rúíñ` fí ni` dsee`.

² Jo i dsea` i nijmé` lajo, guíá' guí ni'uíng` quiá'r` e ni'ñá' dsea` fí moluur` cōo` cuu` fé' jo nidsibíñ` fí é' jmiñí'^ e laco' guí e nijmér` e niténg` fí ni` dsee` jaang` dsea` i ja' mí ngóo' eáang` já' líng` júu` quié` e.

³ Joba' dsíng`- 'né` ñíing` óo'na' cóo' jalé` e jmoo'na'. Jo song jaang` dsea` rúng`na' ca'éer` dsee`, joba' síi'na'r e ja' dseeng` e jmér` lajo. Joguí song caquí'- jíng` 'ñia'r` fí quini` Fidiéé` uí' e dsee` do, joba' íng`na' dsee` uii` quiá'r` jóng.

⁴ Jo doñí' fa' ca'léer` quií'na' guíé` née' lajee` cōo` jmí, joguí guíé` née' cajár` cajasí'r` 'n̄a': "Íng` dsee` uii` quié` e quiá'- jalé` e nicajmeáan` n' 'n̄a', dsu' lana jo nijmee` guí", joba' 'nú' 'né` ím`ba' dsee` uii` quiá'r` lacoo` née' e jár` jamí'r` 'nú' jmí'ee`.

Jial 'gøng` mĩ` já' líng` dsea` jalé` júu` quiá'- Fidiéé`

⁵ Jo mĩ` cangí' jo, cajíng` i dsea` guitúung` do casí'r` Jesús:

—Jmee` e já' nilíng` guí jalé` júu` quiá'-.

⁶ Joba' cañí` Jesús casí'r` i dsea` quiá'r` do:

—Ũ, fa' cóo' capí'ba' e já' líng'na' júu' quié' e, joba' cuóom` nifí'na' e 'ma' fé' si' la e niráang` 'ñia' catí' jmó' jò nidsising' 'ñia' fí' ni' jmiñí', jò dsifí' lajob niliti' jalé' e ta' e niquiá'na' do.

E' jalé' e catíng` e nijmé` jaang` dsea` 'léeng`

⁷ Jò mi' cangí' jò, jò cajíng' gui Jesús e júu' la:

—Fa' 'nú' seeng` jaang` dsea` 'léeng' qui'na' i jmóo` jalé' ta' caluu' cóo' jalé' ta' sinúu' qui'na', jò laco' jmi' mi' niniúin' ta' jhi' osi ta' ní' güitá' é, ja' nitø'na'r e ni' nidø'r` cóo' 'nú',

⁸ co' niquiá'na're ta' jò nifí'na'r: “Guia' guiá' e nidø'ø jò ningin' fí' quini' jalé' e jò. Jò mi' ningí' joguiba' ni'u' nicø' 'nu' uø'.”

⁹ Jò mi' cató' e jmóor` jalé' e jò, ja' ngüiñ` gui'máang' quiá' fir~, co' júi' do ta' quiá'bre.

¹⁰ Jò lajob catíng` nijméé' 'nú' cajo mi' ningí' e jmití'na' jalé' ta' quiu' Fidié', co' 'né' fo'na': “Júí' dsea` 'léeng' lí' jnea', co' ja' caquh'naa' jmi' e nijmó'naa' lí' gui, co' lico' nicajmó'naa' júi' laco' catim`baa'.”

Mi' cajmi'leáang` Jesús guíng` dsea` i líng' jmohu' 'li'

¹¹ Jò mi' cangí' jò, lajee' iuung` Jesús fí' e ngóor' fí' Jerusalén, cangüiñ' jee' uø' lí' iáng' Samaria cóo' Galilea.

¹² Jò mi' cangüiñ' coo' 'ni' fii', job ca'uøøng` guíng` dsea` dsée' i líng' jmohu' 'li' fí' ngúu' táang'. Jò mi' cangáin' Jesús, huib` cajer' e áin' dsea` do

¹³ jò casí'r`:

—iTifa' Jesús, fii' güilín' jnea' e lí'naa' lala!

¹⁴ Jò mi' canúu` Jesús e tó' i dsea` do, dsifí' ladob casí'-reiñ':

—Güilíng'na' güijeang` yaang`na' fí' quini' jmidsea` lí' laco' ta' quiu' fí' ni' jì quiá' Moi~.

Jò dsifí' ladob caquing' laji' guíng` i dsea` dsée' do e nijmitir` lajúi' ta' caqui' Jesús. Jò lajee' teáaiñ' fí', ladob ca'láaiñ` lajúi' jmohu' e líiñ' do.

¹⁵ Jò dsifí' mi' calilí' jaang` i dsea` dsée' do e ca'láaiñ`, dsifí' lajob caquing' tur' fí' lí' sing' Jesús jò canaaiñ' jmiféiñ' Fidié' e ngocáng' dsí'r'.

¹⁶ Jogui casí'r' uø' jnir` fí' quini' Jesús, jò catúuiñ' car` cajnúu` nir` tí' ni' uø', jò lajob cacuø'r' gui'máang' dsea` do e cajmi'leáang`neiñ'. Jò i dseañu' do seeiñ' fí' Samaria, dsea` i 'ni' níng` rúng' cóo' dsea` Israel.

¹⁷ Joba' cajíng' Jesús casí'r` i dseañu' do:

—¿Su o' guíng` 'nú' tí'na' dsea` ca'láang`na' lajúi' jmohu' e lamí' líng'na'? Jò ¿jngang` gui i ñúng` gui do?

¹⁸ ¿Su júi' 'nub` dsea` seen' fí' Samaria dsea` cañijmiféng' Fidié' dsea` guíng` ñiff'?

¹⁹ Joba' cajíng' Jesús casí'-guir i dsea` do:

—Ráan' jò guøng' fí' quií', co' nica'láam`ba' lajúi' jmohu' e lamí' lin', co' jáb' calín' lajúi' júu' quié' e.

Jial mi' nijáatu Dsea` Jmáang` fí' jmigüi' la
(Mt. 24:23-28, 36-41)

²⁰ Jò cajmingí'tu dsea` Israel i líng' dsea` fariseo cajmingí'r` Jesús jò cajíñ':

—¿Lí' nináng' e nicá' Fidié' nifí' quiá' jaléng' dsea` jmigüi'?

Joba' cañí' Jesús quiá' i dsea` do jò casí'-reiñ':

—Mi' nináng' e jò jee' jaléng' dsea` jmigüi', ja' lí' la lí' coo' e cuøøng` lí' jøø'na';

²¹ o'gui cuøøng` nijíng' dsea': “Lab canaang”, osi “Dob canaang` é”; co' latí' lanab ninaang` e quie' Fidié' nifí' jee' 'nú'.

²² Jogui canaang` Jesús sí'r' jaléng' i dsea` quiá'r` do jò cajíñ':

—Niguiéé' jmíi' mi' nili'ing'na' e nimáang'gui' jnea~, dsea` i` jaa' fi' ñiff' e lín'n jaang` dsea` jmigüi', jo dsu' jo' qui' fa' e nimáang'gui' jnea~, co' jo' seen' fi' jmigüi' la ie' jo.

²³ Jogui fíing' dsea` nijmígóor' jo nijíñ': "Fí lab táaiñ'", osi: "Fí dob táaiñ' é", dsu' ja' já' güilíng'na', o'gui güilíng'na' fi' li' nitó'r' 'nú'.

²⁴ Dsaco' la jnéeng' fi' yú' jmigüi' mi' jmijneá' güi'ñiá' jire', lajob nilí' mi' nigáa'túu' fi' jmigüi' la, jnea~ dsea` lín'n jaang` dsea` jmigüi' i` jaa' fi' ñiff'.

²⁵ Jo dsu' ná' gui' e nidsijéé' jalé' e jo, 'né' nicaa' jalé' iihuú', jo fíim' dsea` jmigüi' nilí' 'ní' níñ' jnea~.

²⁶ Jo laco' calí' mi' cateáang' Noé fi' jmigüi' la malí' gui' eáang', lajob nijmé' dsea` jmigüi' cajo lajee' nú' gui' e nigáa' jnea~ calé' catú' fi' jmigüi', jnea~ dsea` lín'n jaang` dsea` jmigüi' i` jaa' fi' ñiff'.

²⁷ Co' ie' jo cajmée' dsea` e jo' e guing' dsír' e jié', co' lico' guing' dsír' quiá' jii' e ni'í' nidó' bre jogui' quiá' e nicúng' guó' joor'; jo lajob cajméer' cartí' mi' caquiú' Fidiéé' ta~ quiá' Noé e ni'ír' cóo' dsea` sinúú' quiá'r' fi' dsír' e móo' e nicajme'r' do. Jo lajee' jo catí' í' e tuu' jmí' jo ca'á' jmí' la'úng' fi' jmigüi', jo jalém' dsea` jmigüi' cajúñ' ie' jo. Jo dseáng' jii' Noé cóo' dsea` sinúú' quiá' bre caláaiñ' ie' jo.

²⁸ Jo lajob cajmée' dsea` cajo mi' cateáang' jaang' i` calisí' Lot fi' jmigüi' la; jo' ee' guing' dsír' e jié', co' lico' guing' dsír' jii' e ni'í' nidó' bre cajo, jogui' e teáaiñ' ta~ 'nó' jogui' ta~ láa' jalé' e sea' fi' jmigüi', jogui' jmóor' ta~ jni' jalé' e sea' jogui' ta~ jmo' jalé' 'núú' e jlo' cajo.

²⁹ Jo coob' mi' caquiú' Fidiéé' ta~ e cagüi' Lot fi' fí' Sodoma, jo jmí' job cajméer' e cajú' j' e quiéeng' azufre fi' yú' jmigüi', jo lajoba' ca'ím' congüia' lajaléng' i` dsea` i` neáang' fi' fí' Sodoma ie' jo.

³⁰ Jo laco' cajmée' dsea` ie' jo, lajob nijmé' tu' dsea` jmigüi' mi' tí' li' nijaquiéeng' e nigáa'túu' fi' jmigüi' la, jnea~ dsea` lín'n jaang` dsea` jmigüi' i` jaa' fi' ñiff'.

³¹ Jo mi' niguiéé' e jmí' jo, ii' dsea` i` taang' fi' caluu' osi fi' yú' 'núú' é, øong' gui' quiá'r' güicuú' bre jo ja' güi' dsír' fa' e niqúññ' e nidsi'uóø'r' jalé' e sea' quiá'r'. Jogui' ii' dsea` i` táang' fi' li' jmóor' ta~ quiá'r', øong' gui' quiá'r' güicuú' bre jo ja' güi' dsír' fa' e nidséng' guir' fi' quiá'r'.

³² Jo téé' óo'na' jial cangong'ing' dseamí' quiá' Lot mi' cajóø'r' jial sojiú' j' jee' fí' Sodoma.

³³ Jo jaléng' dsea` i` líng' e quí' bre jmí' e nileáang' yaaiñ', joba' í'bing' i` nijúung' mi' nití' í' lajo. Jogui' jaléng' dsea` i` lí' e ja' quí'r' jmí' e nileáang' yaaiñ', joba' í'bing' nitíng' fi' quini' Fidiéé' mi' nití' í' lajo.

³⁴ Joba' fí' i' 'nú' lana, mi' niguiéé' e oor' jo, gáng' dsea' teiñ' jmi'íñ' fi' ni' co'ma'; jo jaaiñ' do nijér', jogui' jaang' guir' nidséiñ' cóo' jnea~ fi' ñiff'.

³⁵ Jo gáng' dseamí' i` teáang' dsí' colíng'; jaaiñ' do nijér', jogui' i` jaang' gui' do nidséiñ' cóo' jnea~.

³⁶ Jo gáng' dseañú' taaiñ' colíng' e jmóor' ta~ quiá'r'; jaaiñ' do nijér', jogui' i` jaang' gui' do nidséiñ' cóo' jnea~.

³⁷ Jo mi' canúu' jaléng' i` dsea` do e cajíng' Jesús lado, joba' cajmíng' r' dsea` do lala:

—Fíi', ¿jie' fi' li' nidsijéé' jalé' e jo, faa'aa'?

Joba' cañí' Jesús quiá' jaléng' i` dsea` do jo cajíñ':

—Jié' li' róo' ngúu' jmé', fi' job li' niseáang' jaléng' tují'.

18

Mi' ca'e' Jesús quiá' jaang' dseamí' i' 'nú'

¹ Jo mi' cangí' jo, canaang' Jesús e'r' jaléng' i` dsea` do cóo' júu' já' e lafa' júu' cuento, jo ca'e' reiñ' e 'né' fíiñ' Fidiéé' contøong' e ngocáng' dsír',

² jo lalab casí'r':

—Coo`née~ caliséng` jaang` dsea` i quidsí` í` fí` coo` fíi, jo` i dsea` do ja` ee` jmiféiñ` Fidiée` jii` capí` o`gui jmi`gór` jaléng` dsea` rúñ`.

³ Jo` fí` job` niseeng` jaang` dseamf` i` 'nái~, jo` ninicajméer` má~ cóo`~ jaang` dsea` góor`. Joba` i` dseamf` do contøom` dséer` fí` quiá~ i` dsea` i` quidsí` í` do e` dsimái~ reiñ` fa` e` niquidsiñ` do í` lajii` e` líi` seeiñ`.

⁴ Jo` huóøb` jia` cangocá` ja` ee` jmijí~ i` dsea` i` quidsí` í` do lajii` júu` quiá~ i` dseamf` do, jo` dsu` coob` mi` ca`f` dsír`: “Ja` iing` jnea~ jmifén`n Fidiée` o`gui jmi`goo` jii` jaang` dsea` jmigüi`,

⁵ dsu` nú~gui e` niguiá~ féng` dsii` cóo`~ i` dseamf` 'nái~ la, nijmi`óm`baar e` laco` jo` ningí`guir ta` jmigüing` jnea~ laco` jmi~.”

⁶ Jo` mi` calí` e` cajíng` Jesús e` júu` na, jo` casí`r` jaléng` i` dsea` do jo` cajíñ`:

—Lanab` jii` líi` e` cajíng` i` dsea` i` ja` quidsí` í` laco` catíng` do.

⁷ Jo` dsu` eáang`gui jmi`óng` Fidiée` jaléng` dsea` quiá`r` i` féng` ír` uóø` jmi~.

⁸ Co` fíi` i` 'nú` e` ja` nijmi`hiñ` lajii` jmi`ee` e` nilimí`r`. Dsu` mi` nigáa`tu` jnea~ calé` catú~, jnea~ dsea` lín`n` jaang` dsea` jmigüi` i` jáa` fí` ñifí~, ne` duu` su` niguiéng` guái` coo` tú~ máng` dsea` i` já~ líng` júu` quié`e.

Mi` ca'e` Jesús júu` quiá~ jaang` dsea` fariseo cóo`~ jaang` nodsicuu`

⁹ Jo` mi` cangí` jo, ca'e`gui Jesús coo`gui júu` e` catíng` jaléng` i` dsea` i` jmóo` ta` jmicóøng` yaang` jogui e` góøm` níñ` dsea` caguiaang`, jo` lalab` casí`r` i` dsea` í`:

¹⁰ —Coo`née~ cangolíng` gáng` dseañu` e` cangoféiñ` Fidiée` fí` guá~: jo` jaañ` do líiñ` dsea` Israel i` líng` dsea` fariseo, jo` i` jaang` do jmóor` ta` mí` cuu` e` catíng` dseata` seeng` fí` Roma.

¹¹ Jo` laco` sim` i` dsea` Israel i` líng` dsea` fariseo do mi~ canaañ` fé`r` fa` quiá`r` jo` cajíñ` lala: “Fidiée` quí`ii, gui`máam`ba` 'leáang` co` ja` líng` jnea~ laco` líng` dsea` caguiaang`; co` seeng` dsea` i` jmóo` ñi` jogui seeng` dsea` i` soo` dsíi` jogui seeng` dsea` i` ngí` 'léé` e` güñiñ` cóo`~ dseañu` osi` dseamf` i` o` quiá`r`. Jogui ja` lín`n` jii` capí` laco` líng` 'ná` nodsicuu` i` sing` do.

¹² Co` jnea~ jmóo`o` ayuno` tú~ née~ laco` seamaan~, jogui cuóø`baa` 'nu` lajii` e` sea` jia` quié` e` laco`gui ta` huí` fí` ni` jì` quiá~ Moí~.”

¹³ Jo` lajee` fé` i` dsea` Israel i` líng` dsea` fariseo do lado, huím` jia` caje` i` nodsicuu` do, jo` ja` cateá~ dsír` fa` caséer` nir` fí` yá~, jo` lico` catú` gui`bre` jo` canaañ` quiáur` nidsír` jo` lajee` jo` fé`r`: “i`fíi` Fidiée` dsea` guiin` ñifí~, íng` dsee` uii` quié`e, co` dsea` dsee` dsea` quib` lín`n`!”

¹⁴ Jo` lalab` cajíng` gui` Jesús:

—Lala` fíi` i` 'nú` e` iáam` dsíi` i` nodsicuu` do mi~ cangáñ` fí` quiá`r~, co` nica`ím` Fidiée` dsee` quiá`r~, jo` dsu` ja` ca`íng`re`r` dsee` quiá~ i` dsea` fariseo do. Jo` lajob` nidsingíng` jaléng` dsea` i` jmicóøng` yaang~, co` í`bing` i` nicá` fí`i, jo` dsu` jaléng` dsea` i` ja` jmicóøng` yaang` jii` capí`, í`bing` i` niliniing` gui` fí` quini` Fidiée` mi~ nití` í` lajo.

Mi` cajmigüeang` Jesús jaléng` jiuung`

(Mt. 19:13-15; Mr. 10:13-16)

¹⁵ Jo` mi~ cangí` jo, fíng` dsea` caguiliñ` e` jéiñ` jaléng` jiuung` quiá`r` fí` lí` táang` Jesús e` iñ` e` nijmigüeang` dsea` do jaléng` i` jiuung` do. Jo` mi~ cangá~ i` dsea` guitúung` do e` jmóo` dsea` lajo, joba` canaañ` 'gaam`bre` quiá~ jaléng` i` sejmií` i` jiuung` do.

¹⁶ Jo` dsu` dsifí` ladob` cató~ Jesús jaléng` i` dsea` quiá`r` do jo` casí` reiñ`:

—Cuóø`na` fí` jaléng` i` jiuung` na` güjalíñ` fí` la, jo` ja` jniing`na` quiá`r`. Dsaco` jaléng` dsea` i` líng` laco` la líng` i` jiuung` na, í`bing` i` catíng` e` Fidiée` quié` nifí` quiá`r`.

¹⁷ Jo` jnea~ jmitaa` óo`na` e` dseáng` i` i` ja` iing` ni`íng` e` Fidiée` nicár` nifí` quiá`r` laco`gui íng` jaang` jiuung~, joba` ja` too` jmi~ e` ni`íng` Fidiée` dsea` do cajo.

Mi casang Jesús cóo jaang dseañu i sea cuu
(Mt. 19:16-30; Mr. 10:17-31)

18 Jo mi cangfi jo, cangoquiéeng' fi li táang' Jesús jaang' dseañu i líng' jaang' fi quiá' jaléng' dsea i nee ni guá' quiá' dsea Israel, jo cajmingi'r dsea do jo cajín'':

—Tifa' i guiá' dsii', ¿e' né' nijmee e e laco' nilí' i e niliseen cøong' cóo' Fidié' car ngongü' jmi'?

19 Joba' cañi' Jesús quiá' i dseañu' do jo casí' reiñ':

—¿Jiali' fi' jnea' e guiá' dsii'? Co' jii' Fidié' dsea' guing' ñiff' bing' i líng' lajo.

20 Jo niñib' 'nu' jalé' júu' quiu' ta' quiá' Fidié' e fé' lala: “Ja' lee' e güín' cóo' dseamfi osi dseañu' i o' quií' ; ja' jngán' dsea' rún' ; ja' jmé' ü ; ja' cá' júu' e o' já' ; jogui jmi' goo' tiquí' cóo' niquí'.”

21 Jo dsifí' ladob cañi' i dseañu' do quiá' Jesús jo casí'r dsea' do:

—Lajalé' e jo nicajmé' e náu' u' lati' jii' mi' simim' baa.

22 Jo mi canúu' Jesús e cajíng' i dseañu' do lado, jo dsifí' ladob cañi' tur quiá' i' do jo casí' reiñ':

—Coo' gui' né' e nijmití' : guóng' fi' quií' jo güi' niñ' lajalé' e sea' quií' , jo e nilí' quiá' e jo güijmee' guié' jee' jaléng' dsea' tiñing' , jo joguiba' nilisea' juguiá' quií' mi' nití' fi' jmi' güi' cóo' . Jo mi' calí' e nijmé' lajo, joguiba' niñi' jo dsé' ee' cóo' jnea' jóng.

23 Dsu' mi' canúu' i dseañu' do e cajíng' Jesús lado, dsíng' calí' jiuung' dsí' , co' dsíng' sea' cuu' quiá'r' .

24 Jo mi' cangá' Jesús e calí' jiuung' dsí' i dseañu' do dsu' canúur' lado, joba' dsifí' ladob casí'r' jaléng' i dsea' i teáng' do jo cajín'':

—¿Dsíng' huíng' lí' quiá' jaléng' dsea' sea' cuu' e nijáng' yaaiñ' fi' jaguó' Fidié' e laco' dsea' do nicá' nifi' quiá'r' !

25 Jo eáng' gui' ja' huíng' e jaang' jó' camello ningíng' ne' fi' dsí' too' jmini' mocuu' e laco' gui' jaang' dsea' sea' cuu' nijáng' 'ña' r' fi' jaguó' Fidié' e laco' dsea' do nicá' nifi' quiá'r' .

26 Jo mi' canúu' jaléng' i dsea' i teáng' do e cajíng' Jesús lado, dsifí' ladob cajmingi'r' dsea' do jo cajín'':

—Jo ¿i' jaléng' i nitíng' fi' quini' Fidié' jóng song lajobi nilí'?

27 Joba' cañi' Jesús quiá' jaléng' i dsea' do jo casí' reiñ':

—Jalé' e ja' quí' dsea' jmi' güi' jmi' nijmér' , lajib' cuøong' lí' jmé' Fidié' dsea' guing' ñiff' .

28 Jo mi' canúu' i Tú' Simón do e cajíng' Jesús lado, jo dsifí' ladob casí'r' dsea' do jo cajín'':

—Fí' i' , jnea' , dsea' ngí' naa' contøong' cóo' 'nu' , nicatú' baa' lajalé' e sea' qui' naa' , co' ii' naa' e ngí' naa' cóo' 'nu' latab' .

29 Joba' cañi' Jesús quiá' i Tú' Simón do jo casí' reiñ':

—E já' e fí' i' 'nú' , doñi' ii' 'nú' catú' na' 'nú' na' , osi ca' naang' na' quiá' tiquí' na' osi niquí' na' osi jaléng' rúng' na' osi dseamfi quií' na' osi jaléng' jóo' na' é dsu' uí' e nicajáng' yaang' na' fi' jaguó' Fidié' e laco' quiér' nifi' quií' na' , jo ii' dsea' i nijmé' lajo,

30 í' bing' i niñing' jalé' e 'né' fi' jmi' güi' la ; jo mi' nití' fi' jmi' güi' cóo' , niñiñ' e niliseeñ' cøong' cóo' dsea' do lata' .

Mi' cajmé' tu Jesús júu' e nijgáng' dsea' r'
(Mt. 20:17-19; Mr. 10:32-34)

31 Jo mi' cangfi jo, lajee' iuung' Jesús fi' e ngóor' fi' Jerusalén cóo' jaléng' dsea' i ngolíng' cóo'r' , jo lajee' jo co' cató' bre i dsea' guitúung' quiá'r' do jo casí' reiñ':

—Lana ningóo' fi' Jerusalén fi' li' niliti' jalé' júu' e cajíng' uii' quié' e jaléng' i dsea' i café' cuaiñ' quiá' Fidié' mali' gui' eáng' , jnea' dsea' gá'a' fi' ñiff' e lán' n' jaang' dsea' jmi' güi' .

³² Jo fí job lí~ nijáng' jaléng' dsea` góo`naa' jnea~ fí jaguó` jaléng' dsea` i ja` cuíng` Fidiéé'. Jo jaléng' i dsea` î niløøiñ~ jnea~ jogui nijmineaiñ'^ jnea~ jogui ni'níñ~ jnea~

³³ Jo nijmihuúñ' jnea~ la tí' e já~ dsíur' cartí' nijngáiñ'~ jnea~; jo dsu' mi~ nití~ 'ní' jmíi~ lajo e nijngáng'~ dsea` do jnea~, joba' nijíb'túu calé' catú'.

³⁴ Jo mi~ canúu~ i dsea` guitúung` do e cajíng'~ Jesús lado, jíi'~ camí'^ júu^ ja` cangáiñ' o'gui ñir' e~ uíng~ quiá'~ e café' dsea` do lado.

*Mi~ cajmi'leáang~ Jesús jaang` dsea` tiuung~ fí Jericó
(Mt. 20:29-34; Mr. 10:46-52)*

³⁵ Jo mi~ cangí e casíng~ Jesús cóo' i dsea` guitúung` do, catam'~ tur fí teáaiñ'~ jo caguiliñ'~ quiá'~ cóo' fí lí~ sii Jericó. Jo 'ni' fí niguiing~ jaang` dsea` tiuung~ e mir' jalé' e 'né~ cóo'~ jaléng' dsea` i ngíng' e fí lí~ guíñ~ do.

³⁶ Jo mi~ canúu~ i dsea` tiuung~ do e dsíng'~ fíng' dsea` guijalíng~ fí lí~ guíñ~, jo cajmíng'~ i dsea` i ngíng' quiá'~ do e~gui' calí' e jalíng~ fíng' dsea`.

³⁷ Joba' cajme' dsea` júu^ i dsea` tiuung~ do e Jesús dsea` seeng' fí Nazaret gui'ná' ngíñ' fí do cóo'~ dsea` quiá'r'.

³⁸ Jo mi~ canúu~ i dsea` tiuung~ do lado, jo canaaiñ' áiñ' Jesús jo casí'r' dsea` do:

—jJesús, siju' dseata~ Daví'^, fí~ güilín' jnea~!

³⁹ Jo dsu' mi~ canúu~ i dsea` ngolíng~ nifí' do e canaang' i dsea` tiuung~ do e áiñ' Jesús, joba' canaaiñ' 'gaam`bre quiáñ'~ do e laco' jo nifé'guiñ' lajo. Jo dsu' i dsea` tiuung~ do lí'^ lí' teá'gui canaaiñ' am`bre dsea` do jo fé'tur lala:

—jJesús, siju' dseata~ Daví'^, fí~ güilín' jnea~!

⁴⁰ Jo dsifí' mi~ canúu~ Jesús e tó' i dsea` tiuung~ do, dsifí' ladob cajer', jo caquiur' ta~ e cangotéé' dsea` i dsea` tiuung~ do jo cangojéeng'neiñ' tí' quiá'~ lí~ sing' Jesús. Jo mi~ caguíéñ'~ do quiá'~, jo cajmíng'~ reiñ':

⁴¹ —¿E~ iin'~ e nijmee~ e quií'~?

Joba' cañí' i dsea` tiuung~ do jo casí'r' Jesús:

—Fí'i, iin'~ e nijmée'^ e nilijné' baa.

⁴² Joba' cañí' Jesús casí'r' i dsea` tiuung~ do:

—jGüilijné' jo! Jo nica'láam`ba', co' jáb'~ nicalín'~ júu^ quié~ e.

⁴³ Jo dsifí' lajob calijné' i dsea` tiuung~ do, jo canaaiñ' jmiféñ' Fidiéé' lajee' e ngóor' cóo'~ Jesús. Jo jaléng' dsea` i cangá~ e cajmée' Jesús ie~ jo, cajmifém'bre Fidiéé' cajo.

19

Jesús cóo'~ jaang` nodsicuu~ i sii` Zaqueo

¹ Jo mi~ cangí jo, caguíé~ Jesús fí Jericó. Jo mi~ cangáiñ' jee~ fí, dsíng'~ fíng' dsea` caseáiñ'.

² Jo e fí jo niseeng' jaang' fí~ jaléng' nodsicuu~ i sii` Zaqueo i sea` cuu~ eáang',

³ jogui eáam' iñ~ do nijmicuíñ' Jesús, dsu' ja` lí'r' niníñ~ dsea` do co' dsíng'~ fíng' dsea` caseáiñ' ie~ jo, jogui Zaqueo líiñ' jaang' dseañu' i ja` 'ga' lí' féng'.

⁴ Jo mi~ calilí'r' e ja` tíñ~ fa' niníñ~ Jesús, jo cangojéem`bre quiá'~ jaléng' i dsea` do, jo cajgóor' fí cóo' yú'^ 'ma' e sii' sicómoro, co' calilí'r' e fí job cuøøng' niníñ~ dsea` do.

⁵ Jo jo huøø' lí'ii~ cangíng' Jesús uii~ e 'ma' lí~ dsíng' Zaqueo do, jo cajøøng'neiñ' do lí' dsíñ'~ jo casí'~ reiñ':

—Jminá~ güíng' lí' dsíin'^ na, Zaqueo, co' lana 'né~ nijaa~ fí quií'~.

⁶ Jo mi~ canúu~ Zaqueo lajo, guiáb~ jmóor', jo dsifí' ladob cajgáiñ~ e cango'íiñ' Jesús, jo colíim~ cangáiñ'~ cóo'~ dsea` do fí quiá'r'.

⁷ Jo mi~ cangá~ jaléng' dsea` e cangó~ Jesús fí quiá'~ i nodsicuu~ i sii` Zaqueo do, dsifí' lajo canaaiñ' éeiñ' Jesús, jo fé'r' e dsea` do cangojer' fí quiá'~ jaang' dsea` i røøng' dsee~ eáang'.

8 Jō mi~ nineáaiñ' fí' quiá'- Zaqueo, lalab cajíñ'- do casí'r- Fíi'naa' Jesús:

—Janú', Fíi', lana nicuó^ø jaléng' dsea' tiñíng- condseá'- jalé' e sea' quié'-e, jō quiá'- lajaang' lajaang' dsea' i nicajmé'-e iñ' quiá'-, lana nijáa'-are quié' 'lé'gui laco' jii' e nicacá'-a quiá'r- do.

9 Jō mi~ canúu- Jesús lajō, lalab casí'r- dsea' do:

—Jmii~ na niseeng' dsea' e fí' dsíi' sinúu^ la i nicaláang- jee~ jalé' dsee- quiá'-, cō' i dseañu' na nicajmilir~ e lām'bre sijū' 'lii~ yúu~ Abraham cajo.

10 Cō' jnea~, dsea' i jaa' fí' ñiff- e lán'n jaang' dsea' jmigüi', cagá'-a e lí' laco' caga'nén'n jōgui e cagaleaan^ jaléng' dsea' i røøng' dsee- fí' quini' Fidié'.

Mi~ ca'e' Jesús e ta~ e cajmée' dsea' cōo' cuu- quiá'- dseata~

11 Jō mi~ cangf' jō, lajee' iuung- Jesús fí' e ngóor' cōo' dsea' quiá'r- fí' Jerusalén, jō ca'e'r' jaléng' dsea' do cōo' júu^ já'- e lafa' júu^ cuento, dsuco' nijaquíem' e niguilíiñ- fí' Jerusalén, jō fí' job' i dsíi' jaléng' dsea' e Jesús niquiá'r- ta~ jee~ jaléng' dsea' góor' dsea' Israel lí' laco'gui la jmóo' jaang' dseata~ dsea' féng' i seeng' fí' jmigüi' la.

12 Jō lalab casí'r- jaléng' i dsea' do:

—Cōo' née' caliséng' jaang' dsea' 'goo', jō cali'iiñ~ e nilíiñ- dseata~ dsea' féng' fí' cōo' fii' lí' huíi'. Jō mi~ ca'iñ' e ta~ do, 'né- niquim'- tur fí' góor', cō' fí' job' lí' nilíiñ- dseata~ dsea' féng'.

13 Dsu' nú'-gui e nigüi'fir' lí' nidsi'íiñ~ e ta~ do, cató'r- guíng- dsea' 'léeng' quiá'r-, jō cacuø'reiñ' do jmá'- cō' cuu- e 'mo'^ eáang' lajaang' lajaaíñ' jō cajíñ'- casí'-reiñ': "Jmee'-na' ta~ cōo' e cuu- la lajee' ninii' i jō cartí' nigüéang'túu."

14 Jō dsu' jaléng' dsea' góo' i dseata~ dsea' féng' do ja' iñ~ e nilíiñ'- do e ta~ jō, cō' dsíng' 'ní' níng-neiñ', joba' casíiñ' do nifi'gui tú- 'ní' máng' dsea' i caguijmée' júu^ i dsea' nija'- ta~ do e ja' jii'r- i dsea' góor' do fa' e i do nilíng- dseata~ dsea' féng' quiá'r-.

15 'Jō dsu' ja' lí' cacóng', cō' calím- i dsea' do dseata~ dsea' féng' lajii' laco' ta~ cahuí'. Jō mi~ cangoyúung' jō, cangám'- tur fí' góor'. Jō mi~ caguiéiñ'- fí' quiá'r-, jō caquiur' ta~ e calité' i dsea' guíng- i cacuø'r' cuu- do lamí~ ná'-gui e nigüi'fir' nidsér-, cō' cali'iiñ~ e calidseáang' dsíir' jial tíi' cuu- nicalíiñ'- do lajaang' lajaaíñ'.

16 Jō mi~ caguié- i la'uii~ do, joba' cajíñ'- casí'r- i dseata~ dsea' féng' do: "Fíi', cajmé'-baa ta~ cōo' e cuu- e casee' cōo' jnea~ do, jō nicalí'-baa gui- 'lé'gui e laco' jii' e casee' do."

17 Joba' cajíng'- i dseata~ dsea' féng' do casí'r- i dsea' 'léeng' quiá'r- do: "Eáam' guiá'- lajō, 'nuð' jaang' dsea' 'léeng' i guiúng-, cō' tii'm'ba' jmé'^ ta~ cōo' capí' cuu-, jō lana nicuó^ø 'nu' e nilíiñ'- jaang' dseata~ quiá'- gui' fii'."

18 Jō mi~ cangf' jō, caguié- jaang'gui i dsea' 'léeng' do, jō casí'r- i dseata~ dsea' féng' do jō cajíñ': "Fíi', cajmé'-baa ta~ cōo' e cuu- e casee' cōo' jnea~ do, jō lana nicalí'-i 'ñiá' 'lé'gui lajō."

19 Joba' cañi' i dseata~ dsea' féng' do quiá'- i dsea' 'léeng' quiá'r- do jō casí'-reiñ': "Nicuó^ø'baa 'nu' e nilíiñ'- dseata~ quiá'- 'ñiá' fii' cajo."

20 Jō mi~ cangf' jō, caguié- jaang'gui i dsea' 'léeng' do, jō casí'r- i dseata~ dsea' féng' do jō cajíñ': "Fíi', lab quiee~e cuu- quií'- e casee' cōo' jnea~ do. Ca'meá'baa laco' mi~ ca'iin'-n do,

21 cō' 'góm'baa 'nu', cō' lí' tí' o' e sitíng' jalé' ta~ jmóo' dsea' jiém'."

22 Joba' cañi' i dseata~ dsea' féng' do quiá'- i dsea' 'léeng' quiá'r- do jō casí'-reiñ': "'Nuð' jaang' dsea' 'léeng' i fí' i soo' dsíi', jō lana nijmiti'-baa lajii' e nicafee' na.

23 Song niñi'bi' e sitíiñ' n cuu- quiá'- jalé' ta~ jmóo' jaléng' dsea' jiéng', joba' 'jialí' ja' caguite' e cuu- quié'-e do fí' banco e laco' sea'ba' e dsí' mi~ cagüean'-n?"

24 Joba' caquiur' i dseata~ dsea' féng' do ta~ quiá'- jaléng' i dsea' i teáang- do jō casí'-reiñ': "Gui'-na' cuu- e quier' na, jō cuóø'-na' i dsea' i quie' jmigui'gui na."

25 Jo mi~ canúu~ jaléng' i dsea` do e cajíng' i dseata~ dsea` féng' do lado, jo cañír lajaléiñ' do jo cajíñ'-: "Fii'naa', jiali' e i na niñiñ', co' guí-gui cuu~ niquier'."

26 Joba' cañír i dseata~ dsea` féng' do quiá'- i dsea` do jo casí'-reiñ': "Niñib`'nú' e jaléng' dsea` i sea` quiá', jmiguiá'gui nilisea` quiá'r~; dsu' jaléng' dsea` i ja` sea` quiá'-, conguiab' ni'íng~ e capi' e sea` quiá'r~."

27 Jo lana niñijéng`du' jaléng' dsea` i ja` cali'íng~ e nilín~n dseata~ dsea` féng', jo nijngáng`^na'r fí' quini~ la lana."

Mi~ ca'í~ Jesús fí'jee~ fi~ Jerusalén

(Mt. 21:1-11; Mr. 11:1-11; Jn. 12:12-19)

28 Jo mi~ cangî e ca'e' Jesús jaléng' i dsea` do e júu^ na, joba' ca'íb~tur fí' iuuiñ~ e ngóor' fí' Jerusalén.

29 Jo mi~ nijaquíéng' e niguiéer' fí' quiá'- coo` fi~ e si~ Betania cóo'~ coo'gui fi~ e si~ Betfagé, fi~ e née' tii~ mó' e si~ Olivos quiá'- fi~ Jerusalén, jo fí' job casíñ' gáng~ i dsea` guitúung` quiá'r~ do

30 jo cajíñ'- casí'-reiñ':

—Güilíng~du' e fi~ e née' quiá'-gui na, jo mi~ niguilíng~na' fí' jo, jo nimáang~na' jaang` bú' i sing' 'ñiung' i ja` ii' mí' caguá' jii~ jaang`. Jo síng'~na're' jo ñijéng`na're' fí' la.

31 Jo song ii' jmíng'f' 'nú' jiali' síng'~na're', joba' nifí'na'r: "E Fii'baa' 'neáng~tear i bú' la lana."

32 Jo mi~ cangoyúung'~ e canúu~ i dsea` gáng~ do lado, jo cangolíim~bre jóng. Jo mi~ caguilíñ~ e fi~ do, job caliti~ jii~ laco' cajíng' Jesús lami~ jéng'gui do.

33 Jo lajee~ e taaiñ~ e si'r li~ 'ñúu' quiá'- i bú' do, dob caguilíng~ dsea` fi~ i jó' do, jo casí'r~ i dsea` gáng~ do jo cajíñ'-:

—¿jiali' síng'~na' bú' qui'naa'?

34 Joba' cañír i dsea` gáng~ do quiá'- i dsea` fi~ bú' do jo casí'-reiñ':

—Co' lana 'neáng~tea Fii'naa' i bú' la, joba' síng'~na're'.

35 Jo catób~ i dsea` gáng~ do i jó' do, jo casí'r~ tú~ 'ni' si'r^ fí' mocóoiñ' do. Jo mi~ caguilíñ' fí' li~ táang` Jesús, mifíng` caguíem~bre dsea` do.

36 Jo laco' iuung~ Jesús fí' e ngóor' fí' Jerusalén, lajaléng' dsea` i ngolíng~ cóo'r~ do canaiñ' ni'r jalé' si'r^ guiá' fí' fí' li~ ningíng~ dsea` do.

37 Jo mi~ canaang` jgáang` lajaléng' i dsea` do fí' dse' mó' Olivos, canaiñ' ti'áiñ' Fidié~ e iáang` dsíir' jogui jmiféiñ' dsea` do quiá'- jalé' e quí'~ jmí~ e nicajmée` dsea` do e dsigá` dsíi' dsea`.

38 Jo jalém' i dsea` do canaiñ' fé'r` jo cajíñ'-:

—Majmiféng'naa' i dseata~ dsea` féng' i güeang' i jáa' cuaiñ~ quiá'- Fidié~! Jo lana juguiá' jii' quiá'- dsea` fí' ñifí~, jo güijmi'goo~baa' Fidié~ dsea` guíng~ fí' jo!

39 Jo mi~ canúu~ jaléng' dsea` Israel i líng' dsea` fariseo i ngolíng~ do e fé' jaléng' i dsea` do lado, joba' casí'r~ Jesús lala jo cajíñ'-:

—Tifa', jíng' jaléng' dsea` quiá'- laco' jo güijmiféng'li'r 'nu'.

40 Dsu' Jesús cañír quiá'- i dsea` Israel i líng' dsea` fariseo do jo casí'-reiñ' jo cajíñ'-:

—Li' jii~ laba' lí', co' íng song jo jmiféng' jaléng' i dsea` la jnea~, joba' jalé' cuub~ niróo~ jóng jo nifé' e jmiféng' jnea~.

41 Jo malí~guíjii' lajo, mi~ caguilíñ~ quiá'- Jerusalén fí' li~ nijnéng~ e fi~ jo, jo canaang` Jesús qui'bre uii~ quiá'- jaléng' dsea` i neáng' fí' jo

42 jo cajíñ'-:

—Fa'jii' e já' líng' 'nú', dsea` neáng'na' fí' na, jalé' júu^ quié~e, joba' latí' lanab jóng niliseeng`na' juguiá' júu^ røø` cóo'~ Fidié~! Jo dsu' lana ja` quí'~ jmí~ ningáng'na' jalé' júu^ quié~e, co' ja` íng~na' núu'na'.

43 Jo dsu' niguiéeb' jmí~ mi~ nidsingíng~na' iihuí' mi~ tí' li~ nirí~ jaléng' dsea` i 'ní' níng~ 'nú' lacúng' lajíng' e fi~ la, jo nijmér~ má' cóo'~ 'nú',

⁴⁴ Jo nijngáin' jaléng' 'nú'. Jo lí jo, niquí'r jalé' 'nú' na' catí tii' fií, jo jii' coo' cuu' jo nisér' fa' e sifing' gui e quie' gui eáang' 'nú' na', dsuco' ja' calicuing' na' jnea' e lán' n' Dsea' Jmáang' mi' cataan' n' jee' 'nú' fi' jmigüi' la.

Mi' ca'uøng' Jesús jaléng' dsea' i jmóo' ta' 'nú' fi' dsí' guá'
(Mt. 21:12-17; Mr. 11:15-19; Jn. 2:13-22)

⁴⁵ Jo mi' cangí jo, mi' caguié' Jesús fi' Jerusalén, dsifí ladob ca'ír' fi' dsí' sinúu' guá' quía' dsea' góor' dsea' Israel. Jo mi' cangáin' jaléng' dsea' i teáang' ta' jmóo' 'móo' coo' jalé' e 'núr', jo dsifí ladob ca'øng' neiñ'

⁴⁶ Jo cajíin' casí' reiñ':

—Lalab fé' fi' ni' jì quía' Fidié': “E fi' dsí' sinúu' guá' quie' e la íng' ta' e jmiféng' dsea' jneab'”; jo dsu' 'nú' nicajmee' na' lí' cúng' seáng' jaléng' i coo' jalé' e jmoo' na' lana.

⁴⁷ Jo mi' cangí jo, lacoo' jmíib' dséé' Jesús e dsí' ée' r' jaléng' dsea' jalé' júu' quía' Fidié' e fi' guá' do. Jo lajee' jo jaléng' fi' jmidsea' coo' gui jaléng' tifa' quía' júu' quíu' ta' quía' dsea' Israel coo' gui jaléng' dseata' i seeng' fi' Jerusalén jmóor' quijí' quía' jial nijngáin' dsea' do,

⁴⁸ Jo dsu' ja' líng' niguié' r' jial nijmér' lajo, co' jalém' i dsea' teáang' núu' do tib' dsír' e núur' jalé' júu' e e' dsea' do.

20

I' quíu' ta' quía' Jesús e jmóor' jalé' e jmóor'
(Mt. 21:23-27; Mr. 11:27-33)

¹ Jo coo' jmí' mi' cangí e jo, lajee' e táang' Jesús fi' guá' e er' jogui guiar' júu' quía' Fidié' jee' jaléng' dsea' quía' jial nileáng' dsea' jee' jalé' dsee' quía' r', jo lajee' job caguiling' jaléng' fi' jmidsea' coo' gui jaléng' tifa' quía' júu' quíu' ta' quía' dsea' góor' dsea' Israel coo' gui jaléng' yáu' dsea' cøng' quía' e guá' do,

² Jo casí' r' Jesús lala jo cajíin':

—Jmee' júu' i' quíu' ta' quí' e jmoo' jalé' e jmoo' na. Jo ¿i' cacuø' 'nú' e ta' na?

³ Joba' cañí' Jesús quía' jaléng' i dsea' do jo casí' reiñ':

—Sea' bi coo' e 'né' nijmingí' jnea' 'nú' cajo. Nii' na' quie' e lana.

⁴ ¿i' i caquíu' ta' quía' i Juan e caseáaiñ' dsea' jmí? ¿Su Fidié' ofa' dsea' jmigüib' é?

⁵ Jo mi' canúu' jaléng' i dsea' do e cajíng' Jesús lado, jo lajee' yaam' bre canaaiñ' sáin' jo sí' rúin':

—¿Jial nisí' naa' r, faa' aa'? Song casí' naa' r e Fidiéeb' casíng' dsea' do, joba' nijíñ' nisí' r' jneaa' aa' jóng: “¿Jialí' ja' já' calíng' na' jalé' júu' quía' r?”

⁶ Jo song nisí' na' r e dsea' jmigüib' caquíu' ta' quía' i Juan do, joba' jaléng' i dsea' la fø' nijngám' bre jneaa' aa' jóng coo' jmang' cuu', co' ní' bre guíu' e cajá' i Juan do e fé' r' cuaiñ' quía' Fidié'.

⁷ Jo jii' jaang' i dsea' do ja' cateá' dsír' fa' ee' cañír' quía' Jesús cuaiñ' quía' i Juan do, jo lí' casí' r' dsea' do e ja' ní' bre.

⁸ Joba' cañí' Jesús quía' i dsea' do jo casí' reiñ':

—O' gui jnea' nijméé' 'nú' júu' cajo i' i quíu' ta' quie' e e jmóo' o' jalé' e jmóo' o' la lana.

Júu' quía' dsea' léng' i soo' dsí'
(Mt. 21:33-44; Mr. 12:1-11)

⁹ Jo dsifí mi' cangí jo, jo canaang' Jesús e e' r' jaléng' i dsea' do coo' júu' já' e lafa' júu' cuento, jo casí' reiñ' do lala jo cajíin':

—Coo' née' nicaliséng' jaang' dseañu' jo nicajní' r' jmang' huíng' jø' latøng' fi' ni' uø' quía' r'. Jo mi' cató' e caguiar' guíu' lajalé' e do, jo catáin' dsea' léng' i cane' ni' latøng' e uø' do i nijmé' ta' jmá' jiu. Jo mi' calí' jo, jo cagüi' bre jo cangór' fi' lí' huí'.

10 Jo mi~ catí í' e caroo` e mí' huiing` jó' do, jo caguiéiñ' jaang` dsea` quiá'r- e tí lí' táaiñ' do i cangomi~ lajii'~ guiéé` quiá'r- e catíiñ- quiá'- e ta~ jmá'- jia e jmóo` i dsea` do fí' ni~ guóo'~ uó- quiá'r-. Jo dsu' mi~ caguiéng'- i dsea` quiá'r- do e lí' taang~ i dsea` jmóo` ta~ e uó- do, caquié'biñ' do quiá'r- e lafa' e nicuó'-reiñ' do lajii'~ guiéé` quiá'- i dsea` fii~ uó- do, jo caguiém'breiñ' do calé' catú- fí' lí' cajár-, jo ja` ee` cacuø'reiñ' do jii'~ coo`.

11 Jo mi~ caliñí' i dsea` fii~ uó- do e calí- lado, dsifí' ladob caguiéiñ' jaang`gui dsea` quiá'r- i cangomi~ guiéé` quiá'r- quiá'- lajii'~ ta~ jmóo` uó- quiá'r-. Jo dsu' mi~ caguiéng'- i dsea` quiá'r- do fí' lí' taang~ i dsea` jmóo` ta~ do, cacóøm'bre cajo lí' laco'gui cangónging- i dsea` la'uii~ do, jo jii'~ coo` ja` ee` cacuø'reiñ' do cajo.

12 Jo mi~ caliñí'tu i dsea` fii~ do e calí- lado, jo caguiém'bre jaang`gui dsea` quiá'r-. Jo dsu' gab` cajméé` i dsea` jmóo` ta~ do coo' i dsea` do cajo, co' caquiém'breiñ' jogui cacuing'neiñ', jo ja` ee` cacuø'reiñ' do jii'~ coo` cajo, jo ca'óøm'breiñ' do.

13 Jo mi~ cangí jo, jo ca'f dsíi' i dsea` fii~ uó- do: “¿E~ nijmee~ e náng? Jo seem` camáing'~ jóo`o i 'neáan`n eáang', jo íb` niguiéen`n lana, jo jangám- íguiñ i nijmi'gór.”

14 Jo dsu' mi~ caguiéng'- i siming' do lí' taang~ i dsea` jmóo` ta~ do, jo dsifí' ladob canaaíñ' do síiñ lajee` yaaíñ': “Jii'~ i nabing' i seeng' i nilíng- fii~ e uó- la mi~ nijúung- tiquiá'r. Joba' majngáang'naa'r lana, ná la cagüéiñ- fí' la, jo jnea'^ dsea` nilí-ii' fii~ latøng- e uó- la.”

15 Jo mi~ cangoyúung' e casíng- i dsea` do røø` lado, jo caguím'bre i siming' do jee~ e uó- e lí' sijnea~ e huii huiing` jó' do jo fí' job cajngang'neiñ'.

Jo mi~ cató' e jmóo` Jesús e júu` na, jo cajmingi'r lajaléng' i dsea` i teáang- do jo casí'-reiñ' lala jo cajíñ'-:

—¿E~ líng-na' e nijmé- i dsea` fii~ e uó- do mi~ niliñir' e nicajngam' jaléng' i dsea` 'léeng'~ do jóor'?

16 Co' nidsém'-bre, jo mi~ niguiéiñ' nijngám'-bre lajaléng' i dsea` 'léeng'~ do, jo i jiém' nitáiñ' i nijmé- ta~ e uó- quiá'r- do.

Jo mi~ canúu- jaléng' i dsea` i teáang- do e cajíng'- Jesús lado, lajalém'bre cañir' jo cajíñ'-:

—Ja` güli'iing~ dsíi' Fidiéé` e nilí lajo.

17 Jo mi~ canúu- Jesús e cajíng'- jaléng' i dsea` do lado, jo lí' cajóøm'-breiñ' do, jo lí- jo casí'-reiñ' do lala jo cajíñ'-:

—¿E~ e líng-na' e guóng' e tóo` fí' ni~ jii' quiá'- Fidiéé` lí' fé' lala?:

E cuu~ e ja` calijii'~ i dsea` i jmo' 'núu',

lana nilíi' coo` cuu~ e niing-gui quiá'- tí- fii'.

18 Jo doñí' i i catitaang` e fí' ni~ e cuu~ do, joba' cuib'^ niliñ- jóng. Jogui fíng song e cuu~ do cató' jo cajíng- jaang` dsea`, joba' congua' táab'- niliñ- jóng.

Mi~ cajmingi'- dsea` Jesús cuaiñ~ quiá'- e catíng- dseata~

(Mt. 21:45-46, 22:15-22; Mr. 12:13-17)

19 Jo mi~ canúu- jaléng' fii~ jmidsea` cóo'~ jaléng' tifa' quiá'- júu` quiá' ta~ quiá'- dsea` Israel e cajíng'- Jesús lado, joba' lajmináb- lamí' iññ- nisáiñ' dsea` do, co' calíi'r e uií quiá'-bre café' dsea` do. Jo dsu' jii'~ coo` ja` ee` cateá- dsíir' fa' ee` cajmeáiñ' dsea` do, co' 'góm'bre jaléng' dsea` fii' i tí dsíi' núu` jalé' júu` quiá'- Jesús.

20 Jo mi~ cangí jo, jaléng' i tifa' do cóo'~gui jaléng' jmidsea` casíiñ- lajee` la'ó' yaaíñ~ e casíiñ` coo` tú- máng' dsea` i nijmé- lafa' dsea` guiá- dsíi' cóo'~ Jesús, jo cajméer` lajo quiá'- e nijméiñ'- do quijí- jial nifé' dsea` do júu` guí-, co' í dsíir' e fa' lajo nilí'r e nitííng' dsea` do fí' quini~ dseata~.

21 Joba' mi~ caguiliñ'- do fí' lí' táang` Jesús, jo cajmingi'r dsea` do lala jo cajíñ'-:

—Tifa', nineb~ jnea'^ røø` e jmang'- júu` jáb'- jalé' e e' 'nú, jogui ja` jóø- 'nú cajo jial líng' dsea` lí' caluu~, jogui 'nú e' jnea' jial dseáng'- laco' iing~ Fidiéé` e se~ naa'.

22 J_oba' cajajmingí' naa' 'na: ¿Su 'né' niquí'naa' cuu' e catíng' dseata' dsea' féng' i guing' fí' Roma osi ja' 'né' quí'naa' é?

23 J_o dsu' dsifí' ladob calilí' Jesús e iing' i dsea' do nijmigóøng'neiñ', j_oba' cajíñ' casí' reiñ':

24 —Ée' na' jnea' coo' cuu'. J_oba' ne' duu' jial lí', j_o ¿i' dsea' i táang' fí' ni' la jogui jial siir'?

J_oba' cañí' i dsea' do casí'r' Jesús j_o cajíñ':

—Dseata' dsea' féng' i guing' fí' Romab táang' fí' na.

25 J_oba' cañí'tu Jesús j_o casí'r' i dsea' do:

—Lají' e catíng' dseata' dsea' féng', cuóø' na' dseata' dsea' féng'; jogui lají' e catíng' Fidié', cuóø' na' Fidié' cajo.

26 J_o dsíng' cangogá' dsí' i dsea' i téeng' Jesús do mi' cañí' dsea' do lado fí' quini' jaléng' i dsea' i teáng' do, co' lí' lí' cango'gó'gui dsí'bre lají' e cañí' dsea' do, j_o tiib' cajer' lajiiñ' do.

Mí' cajmingí' dsea' jial lí' mi' nijí'tu dsea' calé' catú' (Mt. 22:23-33; Mr. 12:18-27)

27 J_o mi' cangí' j_o, caguilíng' coo' tú' míng' dsea' Israel i líng' dsea' saduceo fí' lí' táang' Jesús. J_o jaléng' i dsea' saduceo do ja' já' líiñ' e nijí'tu jaléng' 'lí'. J_oba' cangojmingí'r' dsea' do j_o cajíñ':

28 —Tifa', Moi' cajme'r' fí' ni' jì' quiá'r' e song cajúng' jaang' dseañu' j_o ja' jóor' caliséng' cóo' dseamí' quiá'r', j_oba' 'né' nicúng' guó' i dseamí' 'ní' do cóo' rúng' dsea' ngáng' cóo' i 'lí' do. J_o i yuu' la'uii' i niliseeng' quiá'r' cóo' i dseañu' do, 'né' nijmér' e lafa' jóob' i dseañu' quiá'r' lamí' uii' do, co' lanab fé' fí' ni' jì' quiá'— Moi'.

29 J_oba' sí' na' 'na' e júu' la: Coo' ya' caliséng' guiáng' dseañu' la'ó' rúñ', j_o i dsea' nifí' do cacúm' guóor', j_o ja' e huóø' cateáaiñ' fí' jmigüi' la co' cajúm' bre, j_o jí' jaang' jóor' ja' i' caliséng'.

30 J_o mi' cangí' e cajúng' i dseañu' do, j_o cacúm' guoo' i dseamí' 'ní' do cóo' rúng' i 'lí' dseañu' quiá'r' i catí' gáng' do. J_o dsu' laj_ob cangongíiñ' cajo, co' cajúm' bre, j_o jí' jaang' jóor' ja' i' caliséng'.

31 J_o mi' cangí' j_o, cacúm'tu guoo' i dseamí' do cóo' i rúng' i 'lí' dseañu' quiá'r' i catí' gaang' do, j_o ja' huóø' cangó' j_o cajúm' bre cajo, j_o jí' jaang' jóor' ja' i' caliséng'. J_o laj_ob cangongíiñ' lajaléñ' do. J_o coob' mi' cató' júuiñ' lajì' guiáñ' do, j_o jí' jaang' jóor' ja' i' caliséng'.

32 J_o dsu' j_o huóø' ngó' mi' cangí' j_o, j_o cajúm' i dseamí' do cajo.

33 J_oba' jmingí' naa' 'na' lana jial lí' mi' nití' fí' coo'. ¿i' dseáng' dseamí' quiá' nilíng' i dseamí' do lajee' lajì' guiáng' i dseañu' do? Co' lajì' guiám' bre cacúng' guóor' cóo' i dseamí' do fí' jmigüi' la.

34 J_oba' cañí' Jesús quiá' i dsea' saduceo do j_o cajíñ' casí' reiñ':

—Cum' guoo' jaléng' dseañu' dseamí' fí' jmigüi' la.

35 J_o dsu' jaléng' dsea' i niíng' e nijí'tur calé' catú' jee' jaléng' 'lí' fí' jmigüi' coo' j_o nicúng' gui guoor' fí' j_o,

36 jogui ja' quí' jmí' fa' e nijúung' guir, co' laj_ob líng' jaléng' ángeles quiá' Fidié' fí' ñifí', ja' cúng' guóor' o'gui júuiñ'; jogui jóo' Fidié' nilíng' jaléng' i dsea' do uí' e nicají'tur calé' catú'.

37 J_o jì' gui Moi' cajme'r' fí' ni' jì' quiá' Fidié' e nijí'b'tu 'lí', co' ie' lamí' cangár' e gui' coo' 'matóo' e gui' jì, j_o jee' e jì' do café' Fí'naa' j_o cajméer' júu' e í'bre líiñ' Fidié' quiá' Abraham cóo' gui Isáa' jogui Jacóo'.

38 Dsuo' Fidié' líiñ' Fidié' quiá' jaléng' dsea' jí', j_o ja' líiñ' Fidié' quiá' jaléng' 'lí', co' jmang' dsea' jí'bing' i seeng' cøøng' cóo' Fidié'.

39 Jo mi~ canúu~ i lling~ tifa' quiá'- júu^ quiu' ta~ quiá'- dsea` Israel do e cajíng'- Jesús lado, joba' dsifí ladob cañír` quiá'- Jesús jo casí'r- dsea` do lala jo cajíñ'-:

—Eáam' guiú~ laco' cafée'~ na, Tifa'.

40 Jo mi~ cangí jo, jíi~ jaaiñ~ do jo ee` cateá~ gui dsír' fa' ee` cajmíngi' guir Jesús.

¿I' dsea` siju~ lling' Dsea` Jmáang~?

(Mt. 22:41-46; Mr. 12:35-37)

41 Jo mi~ cangí jo, jo cajmíngi' Jesús jaléng' i dsea` do jo cajíñ'- casí'-reiñ':

—¿Jialí' fé' dsea` e siju~ dseata~ Daví'b^ lling' Dsea` Jmáang~?

42 Co' lalab cajíng'- dseata~ Daví'^ fí' ni~ jì` quiá'- Fidié~:

Lalab cajíng'- Fidié~ casí'r- Fí'i:

“Ní lí'- lí' dsée' laco' guin~n

43 cartí' mi~ nijmee~ e e jaléng' dsea` i 'ní' níng~ 'nu`

nisí'r' uó~ jnir~ fí' quini'^ e laco' nijmi'gór` 'nu`.”

44 Joba' jmingí~ jnea~ e song 'ñia'bi dseata~ Daví'^ sí'r' Dsea` Jmáang~ Fí'i, joba' ¿jial cuóøng' e Dsea` Jmáang~ líiñ' dsea` siju~ dseata~ Daví'^ jóng?

Jalé' e ga` e jmóo` jaléng' tifa' quiá'- júu^ quiu' ta~ quiá'- dsea` Israel

(Mt. 23:1-36; Mr. 12:38-40; Lc. 11:37-54)

45 Jo lajee~ jo, fíim' dsea` teáaiñ~ e núur' jalé' júu^ quiá'- Jesús, jo cajíng'- dsea` do casí'r- jaléng' dsea` i ngí cóo'r~ do lala:

46 —Ñiing~ óo'na' cóo'~ jaléng' tifa' quiá'- júu^ quiu' ta~ quiá'- dsea` góo'naa' dsea` Israel, co' jaléng' í' tí dsír' e ngír' quier' jalé' sí'^ dsea` 'goo', jogui dsíng'- iñ~ e nijmiféng' dsea` ír' mi~ jie' jín' dsea` lacaang' fí' jee~ 'núu', jo mir' 'masií' e niing~ gui mi~ dsiliñ~ fí' sinúu^ guá'-, jogui mi~ tí jmií' e ngíiñ' e gø'r', mir' lali~ lí' jlo'^gui e nigúeár', jo lajoba' e jlo'^gui jnéeiñ~ fí' quini~ jaléng' dsea` rúíñ'.

47 Jogui uø'r' jalé' e sea` quiá'- jaléng' dseamí i 'nñ', jogui jmicaaiñ~ e fé'r' fa' e cuee' eáang' fí' quini~ dsea`. Jo co' dseáng'- lajob líiñ', joba' í'bing' i eáang'gui ni'íng' iihuí' mi~ nití' í' lajo.

21

Mi~ cacuø' jaang` dseamí i 'nñ- cuu- quiá'r- fí' guá'-

(Mr. 12:41-44)

1 Jo mi~ cangí jo, lajee~ táang' Jesús fí' sinúu^ guá'-, jo cangár~ e dsitea' dsea` sea` cuu~ jmiguiú' cuu~ quiá'r- fí' dsí' guóo' quiá'- guá'-.

2 Jo dsu' lajee~ job mi~ cangáíñ~ jaang' dseamí i 'nñ- i tiñíng~ eáang' i catá'- dsí' e guóo' do tú~ cuu~ e jiáang' eáang' e quíng' cóo' ñiné~.

3 Jo mi~ cangá~ Jesús e calí' lado, jo casí'r- jaléng' i dsea` i teáang~ do jo cajíñ'-:

—Dseáng'- e já' e fíi' i 'nú' e i dseamí 'nñ- nabíng' i nicacuø' jmiguiú'gui cuu~ lajee~ lajaléng' i dsea` sea` cuu~ i níngíng' na.

4 Co' jaléng' i dsea` sea` cuu~ na nicacuø' jalé' e niseáng~ quiá'-bre, jo dsu' i dseamí 'nñ- na nicacuø' jalé' e sea` quiá'r- jo cóo'~ e naba' sí'í' nilár~ capí'^ e ni'í' nidø'r~.

Mi~ cajíng'- Jesús e ni'tim~ guá'- fé' e si' fí' Jerusalén

(Mt. 24:1-2; Mr. 13:1-2)

5 Jo mi~ cangí jo, fíim' dsea` i la'ó' ngí cóo'~ Jesús teáaiñ~ síiñ' cuaiñ~ quiá'- e guá'- fé' e si' fí' Jerusalén jogui dsigá' dsír' e dsíng'- jlo'^ e guá'- do, co' dsíng'- niguo'^ jalé' cuu~ cóo'~ e sí'ieeng' e guá'- do, jogui sím'bir cajo quiá'- jalé' e jlo'^ e nicacuø' dsea` quiá'- e sí'í' e guá'- do. Jo mi~ canúu~ Jesús e síng' jaléng' i dsea` do lado, joba' cajíñ'- casí'-reiñ':

6 —Niguiéeb' jmií~ mi~ niquí'- jalé' e móo~ 'nú' e tée~ na, jo jíi'~ cóo'~ cuu~ jo` nijé~ fa' e sífíng' gui rúng' lí'^ laco' jlo'^ jnéng~ e na lana.

Jial nilí mi~ nijaquíeng' e tí lí ni'íng- jmiǵüí'
(Mt. 24:3-28; Mr. 13:3-23)

7 Jō mi~ canúu- jaléng' i dsea` do e cajíng' Jesús lado, jō cajmingi'r dsea` do jō cajíñ'- :
—Tifa', ¿lí nilí jalé' e fó' na? ¿Jial nilí mi~ nijaquíeng' e nidsijéé' jalé' e jō?

8 Jōba' cañí Jesús quiá'- i dsea` do jō cajíñ' casí'-reiñ':

—Dsíng' 'né' ñiing~ óo' 'nú' jō ja` güiligøng'na', co' fíim' dsea` nijalíng- jō nijíñ'- :
“Jneab~ Dsea` Jmáang~”, jōgui nijíng'-guir: “Lanab nicaguié` oor~ e ni'íng- jmiǵüí'.” Jō dsu' ja` jmiǵíng'na'r jüi~ coo', jō jie~ mí ligøng'na'.

9 Jōgui mi~ ninúu'na' e nijáa' mii~ jō ninéé' ta~ tíng', ja` fòøng'na' jüi~ coo', co' jalé' e jō 'né' nilitib~ lajee' nú'-gui e ni'íng- jmiǵüí'.

10 Jōgui cajíng'-gui Jesús casí'r- jaléng' i dsea` do:

—Jaléng' dsea` i neáang' coo' fii' nitiñ~ coo'~ coo'gui fii', jōgui coo' 'lé' dsea` nitiñ~ coo'~ coo'gui 'lé' dsea` cajo.

11 Jōgui eáang' teá nijó' uó- fí la fí na, jōgui nijáa' oo~, jōgui nilisea` jmiǵuiá' íng'- jmohuí' la'úng- fí jmiǵüí', jōgui jmiǵuiá' ím'~ jalé' e nijnéng' fí yá^ jmiǵüí', jō dsíng'- niféng' jaléng' dsea` mi~ ninír' jalé' e jō.

12 Jō dsu' nú'-gui e nidsijéé' jalé' e nifá'-a na, fíng' dsea` nili'ní' níñ- 'nú', dsea` cúing'na' jnea~, jō dsíng'- ga` nijmeáiñ' 'nú' uí'~ jnea~. Jō nidsijééiñ' 'nú' fí sináa' guá'- e laco' ni'níñ- 'nú' fí quini~ jaléng' dsea`, jōgui nitáiñ' 'nú' fí dsí' 'nuñí', jō lí- jō nidsijééiñ' 'nú' fí quini~ jaléng' dseata~ dsea` cóøng'~ uí'~ e líng'na' dsea` quié'-e.

13 Jō mi~ nidsing'ng'na' jalé' e na, jōb mi~ nili'na' niføng'na' jaléng' i dsea` do jial ca'uíng'na' dsea` quié'-e.

14 Jō ja` jmee'na' fí'í' fa' e ja` ñí'na' jial ningii'na' quiá'- jaléng' i dsea` do mi~ nijmingi'r- 'nú' quiá'- jalé' dsee- e niñíng'na'.

15 Co' jneab~ nijmee~e e niliñí'na' jial ningii'na' quiá'r-, jōgui nijmee~e e tíng'na' eáang', jō jüi~ jaang' i dsea` i 'ní' níng- 'nú' do ja` niquí'r~ jmi~ fa' e niñír- quií'na'.

16 Jō dsíng'- niliseeng' i 'ní' níng- 'nú', co' jì'gui jaléng' tiquí'na' jōgui niquí'na' jōgui jaléng' rúng'na' jōgui jaléng' i cúing' 'nú' nijmér- lajō cóo'~ 'nú' jō jì'gui cartí nijngáñ'- i líng' 'nú'.

17 Jō lajalém' dsea` jmiǵüí' nili'ní' níñ- 'nú' uí'~ e líng'na' dsea` quié'-e.

18 Jō dsu' jüi~ camí' jñuquí'na' ja` nidsi'íng'.

19 Jō jie~ mí litúng- áa'na' e fí niteáang'na' cóo'~ jnea~, co' lajōba' e cuóøng' e nitiing'na' fí quini~ Fidiéé' mi~ nití' í' lajō.

20 Jō mi~ nimó'na' e nijalíng- jaléng' 'léé- e nirír- latøøng- fii' Jerusalén, jōba' güilíñí'na' jóng e jō huóø- róo' e fii' jō, co' tí lí ni'íim-.

21 Jō co' lajōb nilí, jōba' dsifí lajōb 'né' uøng' jaléng' dsea` i neáang' jee~ fii' Jerusalén e nicuír- fí jee~ mó' nú'-gui e nirí- jaléng' 'léé- lacúng' lajíng' e fii' jō. Jō jaléng' dsea` i taang~ jmóo' ta~ fí caluu' fii' jō güi'í' dsíur' fa' e niquing'-guir fí jee~ fii', co' lí^ güicuí'bre cajo. Jōgui jaléng' dsea` i neáang' latøøng- lí se' Judea 'né' nicuí'-bre cajo e laco' cuóøng' nijmi'øng' yaaiñ~.

22 Co' ie~ jōb mi~ ni'íng' dsea` iihuí', jō lajōguib e niliti~ jüi~ laco' fé' fí ni~ jì' quiá'- Fidiéé'.

23 Jō dsu' dsíng'- fii' jaléng' dseamí i ngí' quiéeng' yuu' osi i ngí' jéeng' yuu' cu' tú' ie~ jō! Co' dsíng'- nicá' dsea` iihuí' la'úng- fí jmiǵüí', jō dsu' eáang'guib nicá' i dsea` i seeng' fí Jerusalén la iihuí' lajee' lajaléng' dsea` jmiǵüí'.

24 Jō fíim' dsea` nijúuiñ- fí jee~ mii~, jōgui fíim' dsea` niteiñ' jō nidsilíñ' 'nuñí' fí fii' lí' jíé'; jō jaléng' dsea` i jalíng- fí lí huí' i ja` cúing' Fidiéé' nijaso'øøm'bre fii' Jerusalén cartí mi~ nidsíng- e í' e nisi'í' quiá'-.

Jial mi~ nijáa'tu Dsea` Jmáang~
(Mt. 24:29-35, 42-44; Mr. 13:24-37)

25 'Jo dsíng' nilisíng jial jnéeng iee` cóo`gui si` cóo`gui jaléng` núu. Jogui dsíng' nidsigá` dsíi` dsea` jogui niféiñ` cajõ uíi` e ga` nirõo` jmiñi` jogui ga` nitá` mii`.

26 Jo dsíng' niféng` dsea` jo fíim` dsea` ni`fing` dsíir` cóo` jalé` e fõ` do mi` ni`f` dsíir` jalé` e nilí` ie` jo, có` j`gui jalé` e sea` fí` yá` jmi`güi` nijõ` lafa` mi` jõ` uó`.

27 Jo joguiba` mi` nimáang`na` jnea~, dsea` lán`n jaang` dsea` jmi`güi` i` jáa` fí` ñiff`, e nigáa`a ni`quín`n jee` cabõõ` jni` cóo` e niing` j` e 'gõng` quiá` Fidié`.

28 Jo mi` nináng` e nidsijéé` jalé` e nicafá`a na, joba` cuõõ` b`i` yaang`na` jóng, jogui jõõ`na` yeji` fí` yá` jmi`güi`, có` nijaquíem`ba` e nileáng`na` congua` jee` jalé` dsee` quíi`na`.

29 Jo lí` jo casí` Jesús jaléng` i` dsea` do cóo`gui júu` jo cajíñ` casí`reiñ`:

—Quié`na` cuente jial lí` jalé` 'ma` güiñi` osi` lí` doñi` ee` 'ma`é`.

30 Jo mi` móo` 'nú` e ninaang` iéé` jalé` má` e sí` quiá`, 'nú` niñi`na` e jii` jmi`b` nijaquíéeng` jóng.

31 Jo mi` canaang` liti` jalé` e nicafá`a na, joba` güiliñi`na` guiá` e nijaquíem`ba` e nicá` Fidié` nifí` quiá` lajaang` lajaang` dsea` jmi`güi`.

32 'Jo e já` e fí`i` 'nú` e jalé` e na` 'né` nilitib` ná`gui e nijúung` jaléng` dsea` i` seeng` jmi`na`.

33 Jo ni`fim` la`úng` jmi`güi` la` cóo`gui la`úng` yá` jmi`güi`, jo dsu` jalé` júu` quié` e ja` tóo` jmi`fa` e ja` niliti` lajalé` e jo.

34-35 'Jo có` lajõb` nilí`, joba` fí`i` 'nú` e dsíng` 'né` ñiing` óo`na` jo ja` cuõ` fí` yaang`na` jii` capí` e nirõng`na` dsee` cóo` jalé` e 'li` e sea` fí` jmi`güi`. Jo ja` jmoo`na` ta` í` méé` o`gui ngí`na` e eáang`gui guiing` óo`na` jial niliseeng`na` fí` jmi`güi` la, jo lajõba` ja` nidsingíng`na` la dsingíng` jaang` nóo` i` guiéé` lí` róo` cóo` leá`. Có` jaléb` e jo nilí` mi` niguiéé` e jmi` jo jee` jaléng` dsea` i` seeng` fí` la`úng` fí` jmi`güi`.

36 Joba` liúun`n 'nú` e dseáng` la` guim`ba` 'né` e neáang`na` e neé` guiá` quíi`na` contõong`, jo contõong` 'né` mii`na` jmi`ee` Fidié` uii` quíi`na` e laco` ja` güitíng`na` jalé` e nilí` ie` jo jogui e laco` cuõõng` nigüiquiéeng`na` fí` quini`, jnea` dsea` lán`n jaang` dsea` jmi`güi` i` jáa` fí` ñiff`.

Jo jalé` e júu` na` ca'e` Jesús ca'e`r` jaléng` i` dsea` do ie` jmi` jo.

37 Jo mi` cangí` jo, laco` jmi` dsí`éé` Jesús jaléng` dsea` jalé` júu` quiá` Fidié` fí` guá` fé` e sí` fí` Jerusalén. Jo laco` 'lõo` dséer` dsijer` fí` cóo` yá` cuo` e sii` Olivos e fí` 'ni` fii` Jerusalén do.

38 Jo lajalém` dsea` dsiliñ` e fí` guá` do laca`ee` e dsinúur` jalé` júu` e guia` Jesús.

22

Mi` casíng` jaléng` dsea` jial e nisáñ` Jesús

(Mt. 26:1-5, 14-16; Mr. 14:1-2, 10-11; Jn. 11 :45-53)

1 Jo ie` jo nijaquíéeng` cóo` jmi` e sii` Pascua quiá` jaléng` dsea` Israel, jo ie` jmi` jo gõr` iñi` e ja` quie` quiéeng`.

2 Jo lajee` jo canaang` jaléng` fí` jmidsea` cóo`gui jaléng` tifa` quiá` júu` quia` ta` quiá` dsea` Israel e sáñ` jial niguié`r` e nijngáñ` Jesús, jo dsu` ja` teá` dsíir` e nijmér` jalé` e 'li` e í` dsíir` do, có` dsíng` 'gõñi` jaléng` dsea` i` seáng` fí` Jerusalén lajee` e jmi` jo.

3 Jo lajee` jo ca`í` fii` i` 'ling` i` sii` Satanás fí` dsíi` Judas Iscariote, jaang` lajee` dsea` guitúung` quiá` Jesús.

4 Jo dsifí` lajõb` cangór` cangosiñ` cóo` jaléng` fí` jmidsea` cóo`gui jaléng` dseata` quiá` guá` quiá` dsea` Israel quiá` jial nilí`r` nisáñ` Jesús e laco` nijáñ` dsea` do fí` quini` i` dsea` í`.

5 Jo dsíng` cali`iáang` dsíi` jaléng` i` dsea` do mi` canúur` e júu` jo, jogui cacuõr` júu` quiá`r` e nicuõr` Judas Iscariote cuu` e 'lééñ` do e quiá` e nijáñ` Jesús.

⁶ Jo ca'ib- dsír' quiá'- rúin' e nijmér- lajo, jo mifing` canaang` Judas e 'nó'r' jial e nijáin' Jesús fí' jaguó` jaléng' i dsea` do.

*Mi` cagó' Jesús í' canuu` cóo` dsea` guitúung` quiá'r`
(Mt. 26:17-29; Mr. 14:12-25; Jn. 13 :21-30; 1 Co. 11 :23-26)*

⁷ Jo mi` cangí' jo, 'ña' ie~ jmi~ e gø' jaléng' dsea` Israel iñí'^ e ja` quiéeng` quie'^, jogui ie~ job cajo 'né- e nijngáin'- jaang` jo'se' jiuung` lacoo` sinuu^ quiá'r- e nijmér- e jmi~ Pascua do,

⁸ Jo 'ña' ie~ jmi~ jo caqui' Jesús ta~ quiá'- Tã` Simón cóo' gui Juan jo cajín'- casí'- reiñ':
—Güiling-na' jo güiguia~na' guiá- lí~ nijmó^naa' jmi~ Pascua, jo fí' job niquiee~naa' coling~ canuu` na.

⁹ Joba' cajmingí'- i dsea` gáng- do Jesús jo casí'r- dsea` do:

—¿Jie~ fí' lí~ iing` 'nu' e nidsiguiá^naa' guiá- jalé' e jo?

¹⁰ Joba' cañí' Jesús quiá'- i dsea` do jo casí'- reiñ':

—Mi~ nigüitáng~na' jee~ fi~ Jerusalén, job nimáng~na' jaang` dseañu' i ngang' quiéé` cóo` dsuu- e a~ jmi~, jo nigüilím`ba' laco' ngaiñ', jo e 'nú' lí~ ni'ír' do, job nigüitáng~na' cajo.

¹¹ Jo nifí'^na' i dsea` fi~ e 'nú' do: “Lalab jing'- tifa' quí'-ii': ¿Jie~ sinuu^ lí~ nijmee~ e jmi~ Pascua cóo' jaléng' dsea` guitúung` quié-e?”

¹² Jo ni'é'r- 'nú' cóo` 'nú' yá' lí~ nisiling` guiá-, jo fí' job niguiá^na' guiá- quiá'- e niquiee~naa' do.

¹³ Jo cangolím^ i dsea` gáng- do mi~ cangoyúung'^ e cajíng'- Jesús lajo, jo cadsém`bre i dsea` do, jo calitib~ laco' cajíng'- Jesús jéeng`gui do. Jo fí' job caguiar` guiá- e nidó'r- ie~ canuu` jo.

¹⁴ Jo mi~ nijaquiéeng' oor~ e nidó'r-, jo cangolím- Jesús cóo' i dsea` guitúung` do fí' lí' ninéé' guiá- e nidó'r-. Jo mi~ caguilíin- jo caguá`bre mes~ lajaléin' do,

¹⁵ jo canaang` Jesús sí'reiñ' do lala:

—iDsíng'- cali'iin~n e nijmee~ e e jmi~ Pascua la cóo' 'nú' ná'-gui e nijúun~n!

¹⁶ Co' jo` nijmee~ e e jmi~ jo cóo' 'nú' cartí' mi~ nití- í' e nijí'tu rú'naa' fí' ñifí- quié-e.

¹⁷ Jo lí- jo catíin- cóo` cóo^ e a~ jmi'^ mí'^ huíng` jó'^ jo cacuø'r' gui'máng'^ Fidiéé~, jo lí- jo casí'r- jaléng' i dsea` quiá'r- do jo cajín'-:

—Jó'-o e cóo^ la, jo jmee~na' jmá'-jiu e a~ dsí' lajee~ lajaléng'na' na.

¹⁸ Dsuo' jo` nidúu~u e jmi'^ mí'^ huíng` jó'^ la cartí' nijí'tu rú'naa' fí' ñifí- quié-e.

¹⁹ Jo mi~ cangí' jo, jo casá'r- cóo' iñí'^ jo cacuø'r' gui'máng'^ Fidiéé~. Jo mi~ cangoyúung'^ jo, jo cajméer' jmá'-jiu e iñí'^ do lajee~ lajaléng' i dsea` guitúung` do. Jo lí- jo casí'- reiñ' jo cajín'-:

—Quié'na' e iñí'^ la, co' e la lí' e ngúu' táan`n la, dsea` nijúun~n uii~ quiá'- jaléng' dsea` jmigüí. Jo jalé' e la 'né- nijmee~na' e laco' niguiéng' óo'na' jnea~.

²⁰ Jo mi~ cangoyúung'^ e cagó'r' e iñí'^ do, jo catíng-tur e cóo^ e lí- a~ jmí'^ mí'^ huíng` jó'^ do jo cajín'-:

—E a~ dsí' e cóo^ la lí' cóo` júu^ 'mí- e jmirø' Fidiéé~ cóo' dsea` jmigüí. Jo e júu^ jo niliti~ mi~ nitú' jmi'øon- uí' dsee- quiá'- jaléng' dsea` jmigüí.

²¹ Jo dsu' lana, lab guing~ i dsea` i ni'níng- jnea~ fí' quini~ jaléng' dsea` i ní' ní- quié-e.

²² Dsuo' lana jnea~, dsea` lín`n jaang` dsea` jmigüí i jáa' fí' ñifí-, 'né- nidsingín~n lí'^ laco' la fé' fí' ni' jì' quiá'- Fidiéé~. Jo dsu' e ngí' fi~ i dsea` i ni'níng- jnea~ fí' quini~ jaléng' i dsea` í'!

²³ Jo mi~ canúu- i dsea` guitúung` do e cajíng'- Jesús lado, jo canaain` jmingí' rúin':

—¿I~ jaang` jnea~aa', faa~aa', dsea` née'ee' la i ni'níng~naa' Fí'naa' Jesús?

I i niing`gui

24 Jo mi~ cangoyúung' e cagó'r, jo canaang` i dsea` guitúung` do jmiquíum' dsíir` quiá'~ uíi' e sáin` quiá'~ i i niing` gui lajee` la'ó' ír'.

25 Joba' cañíi` Jesús quiáin'~ do jo casí'~ reiñ':

—Jaléng' dseata` i quiu' ta` quiá'~ jaléng' dsea` i ja` cuíng` Fidiéé` jmóor` laguidseaang` e jmiti` dsea` jalé' ta` e quiu'r'. Jo jalém' i dsea` do 'né` fé'r' e eámam` guiá` jogui e eámam` jlo` laco' ta` quiu' dseata` quiá'r'.

26 Jo dsu' 'nú', dsea` líng'na' dsea` quié` e, ja` cuóong` fa' e líng'na' lajo. Co' ii` 'nú' i iing` i niliniing` gui, 'né` nijmee` na' laco' jmóo` jaang` dsea` i ja` niing`; jogui ii` 'nú' iing` i niquiá'~ ta`, 'né` nijmee` na' lajii'~ ta` e iing` dsea` rúm'ba'.

27 Co' e já' e í dsíi' dsea` e eáang` gui niing` i dsea` i guiing` gó' laco' gui i dsea` i caguié' e jmiñi' do. Dsu' jnea` sín' n la jee` 'nú' lí' laco' jaang` dsea` i jmóo' lajii'~ e iing` dsea` rúng'.

28 Jo co' nicangí'ba' cóo' jnea` contóong` lajee` nicangongín` n jalé' iihuú' fí jmiçüü' la,

29 jo uíi' e lajob` nicajmee` na', joba' nicuóó' 'nú' e niquiá' na' ta` colíng` cóo' jnea` fí ñiff` lí' laco' gui la nicangíng` jnea` quiá'~ Tiquié` e Fidiéé` dsea` guing` ñiff` e niquiá' u ta` cajo.

30 Jo colíim` ni'né' niquiee` naa' cóo' jnea` fí jo, jogui róob` niquidsi' naa' í' cajo quiá'~ laji` guitu' 'lé' dsea` Israel.

*Mi~ cajmée` Jesús júu` e nijíng'` Tú` Simón e ja` cuiñ` dsea` do
(Mt. 26:31-35; Mr. 14:27-31; Jn. 13 :36-38)*

31 Jo mi` calí` jo, cajíng'` gui Jesús casí'r` Tú` Simón:

—Simón, Simón, lana nicamíng` Satanás 'nú' e niguia` jir' 'nú' lafa' mi` jir' dsea` qui` cuiíee`.

32 Jo dsu' jnea` nicamí' i Tiquié` e dsea` guing` ñiff` uii` quií' e laco' ja` güilín' e nilitúng` a' júu` quié` e. Jo 'nu', mi` nifo' tu' calé' catú` e lín' dsea` quié` e, joba' jmicóo' jóng` jaléng' dsea` rún' e laco' teá' gui nisiñ' cóo' júu` quié` e.

33 Joba' cañíi` Tú` Simón jo casí'r` Jesús jo cajíñ'~:

—Fíi', teáb` dsí' jnea` e ninii` i cóo' 'nu' fí 'nuñí' fíng song casáng' dsea` 'nu', jogui colíim` nijúu` naa' fíng cali'né` lajo.

34 Joba' cañíi` Jesús quiá'~ Tú` Simón jo casí'~ reiñ':

—Tú` Simón, e laba' fíi' i 'nu', e dsa'ó' góo' na, nú' gui e niquí' tuidséé', 'nu' nifo' 'ní' née' e ja` cuín' jnea`.

Mi~ nijaquíéng` oor` e nidsing` Jesús jalé' iihuú'

35 Jo lí` jo, cajmíng'` Jesús jaléng' i dsea` quiá'r` do jo cajíñ'~ casí'~ reiñ':

—Mi` casín` n 'nú' e ja` quié` na' nosúu' quií` na' o' gui cuu`, jogui jíi' lomíi` na' e ó'ba', joba' jíi' cóo' ja` ee` cali'né` gui, ¿já` leáa'?

Joba' cañíi` i dsea` do jo casí'r` Jesús:

—Dseáng' lajob` líi', Fíi'.

36 Joba' cajíng'` tu` Jesús casí'r` jaléng' i dsea` do:

—Jo dsu' lana fíi' i 'nú', jaléng' 'nú' i sea` nosúu' quiá'~ cóo' gui lí` téé' cuu` quií` na', joba' quié` na' jalé' e jo; jogui ii` 'nú' i ja` sea` ñisú' quiá'~, joba' 'niñ' na' cóo' 'mi' guiéé` quií` na' jo leáa' na' cóo' e ní' jo.

37 Dsaco' lana tí` niliti` jalé' e fé' fí ni` jì quiá'~ Fidiéé` lí` fé' lala uii` quié` e: “Jo jee` jaléng' dsea` i soo' dsíi' cali'íiñ'”. Dsaco' lajalé' e fé' fí ni` jì quiá'~ Fidiéé` uii` quié` e, dseáng'~ 'né` nilitib` e jo.

38 Joba' cañíi` i dsea` do quiá'~ Jesús jo cajíñ'~:

—Fíi', lab sea` tú` ñisú'.

Joba' cañíi` tu` Jesús jo cajíñ'~:

—Nitéb^h jii^h lana.

Mi^h casang^h Jesús cóo^h Fidié^h fi^h mó^h Olivos
(Mt. 26:36-46; Mr. 14:32-42)

³⁹ Jo mi^h cang^h e cajíng^h Jesús e júu^h jo, dsifí ladob cagüi^hir^h jo cangó^h tur fi^h mó^h Olivos lí^h laco^h gui jii^h e quí^h tii^h e jmóor^h. Jo cangolím^h jaléng^h i dsea^h quiá^h do cajo tí^h leáiñ^h laco^h cangó^h dsea^h do.

⁴⁰ Jo mi^h caguiliñ^h e fi^h mó^h jo, job cajíng^h Jesús casí^h i dsea^h quiá^h do:

—Féeng^h na^h Fidié^h, jo lajoba^h ja^h dseáng^h e nijíung^h na^h fi^h ni^h dsee^h.

⁴¹ Jo lí^h jo, dob catiúung^h tear i dsea^h quiá^h do, jo ñia^h bre cangór^h tí^h doguijiá lí^h laco^h í^h e tí^h cóo^h cuu^h e bí dsea^h cóo^h guóor^h. Jo casí^h uó^h jnir^h jo canaaiñ^h féiñ^h Fidié^h jo cajíñ^h:

⁴² —Teaa^h, song iin^h joba^h cuóom^h lí^h laan^h jnea^h jee^h jalé^h iihu^h e tí^h lí^h nidsing^h n^h; jo dsu^h ja^h güilí laco^h iing^h jnea^h, có^h güilitib^h jial dseáng^h jii^h iing^h 'na^h e niliti^h.

⁴³ Jo mi^h cajíng^h Jesús lajo, jo dsifí lajob cajnéng^h jaang^h ángel i casíng^h Fidié^h, jo cacuó^h dsea^h do bí e quiá^h e nité^h cóo^h jalé^h iihu^h e tí^h lí^h nidsing^h iñ^h.

⁴⁴ Jo lajee^h jo eáng^h gui canaang^h Jesús jmiféiñ^h Tiquiá^h, jo canaang^h sojiúñ^h jmiguiee^h e lí^h la lí^h jmí^h ðiñ^h cartí^h ni^h uó^h.

⁴⁵ Jo mi^h calí^h e féiñ^h Tiquiá^h, jo cangám^h tur fi^h lí^h caseáiñ^h i dsea^h quiá^h do, jo cadséng^h neiñ^h do e güim^h biñ^h do lajaléiñ^h, có^h dsíng^h nicalijiuung^h dsír^h.

⁴⁶ Joba^h cató^h Jesús i dsea^h do jo casí^h reiñ^h lala jo cajíñ^h:

—¿Jiali^h güing^h 'nú^h? Jminá^h ráang^h na^h jo féeng^h na^h Fidié^h dsea^h guing^h ñiff^h uii^h quiá^h na^h yaang^h na^h, jo lajoba^h ja^h dseáng^h e nijíung^h na^h fi^h ni^h dsee^h.

Mi^h casang^h dsea^h Jesús

(Mt. 26:47-56; Mr. 14:43-50; Jn. 18:2-11)

⁴⁷ Jo laco^h gui^h nang^h e fé^h bi Jesús e júu^h na, mi^h canaang^h guilíng^h fíng^h dsea^h. Jo jaang^h lajee^h lajaléng^h i dsea^h guitúung^h do i sii^h Judas Iscariote, í^h bing^h i quie^h nifí^h quiá^h i dsea^h do. Jo cangoquiéiñ^h fi^h lí^h sing^h Jesús jo cachu^h ni^h dsea^h do.

⁴⁸ Jo dsu^h lalab caí^h Jesús quiáiñ^h do:

—Judas, ¿su cóo^h e chu^h ni^h baa e nijáan^h jnea^h fi^h jaguó^h jaléng^h i ní^h níng^h jnea^h, dsea^h i jáa^h fi^h ñiff^h i líng^h jaang^h dsea^h jmigüi^h?

⁴⁹ Jo mi^h cangá^h dsea^h guitúung^h quiá^h Jesús e calí^h lado, jo cajmíngi^h Jesús jo cajíñ^h:

—Fí^h naa^h, ¿su nití^h naa^h cóo^h ñis^h?

⁵⁰ Jo jaang^h i dsea^h guitúung^h do caguir^h ní^h quiá^h, jo caquiá^h logua^h dsée^h quiá^h jaang^h dsea^h i jmóo^h ta^h quiá^h i jmidsea^h i laniing^h do.

⁵¹ Jo dsifí lajob cajíng^h Jesús casí^h i dsea^h quiá^h do:

—Jo^h e cang^h na^h r jii^h cóo^h; nilí^h jii^h lana.

Jo dsifí lajob cagüi^h Jesús e lí^h ná^h quiá^h i dsea^h sicuáng^h do, jo ladsifí lanab ca'lóo^h loguaiñ^h do.

⁵² Jo lí^h jo, casí^h Jesús jaléng^h fi^h jmidsea^h cóo^h jaléng^h i née^h ni^h guá^h cóo^h gui jaléng^h dsea^h cóong^h quiá^h guá^h quiá^h dsea^h góor^h dsea^h Israel, có^h lajalém^h i dsea^h í^h caguiliñ^h e nitóor^h Jesús, jo cajíñ^h casí^h i dsea^h do:

—Lana cagüilíng^h 'nú^h e quie^h na^h jalé^h ñis^h cóo^h gui jalé^h ma^h e nijmang^h na^h jnea^h lafa^h jaang^h iñ^h.

⁵³ Jo laco^h jmí^h laco^h jmí^h ca'ée^h e 'nú^h júu^h quiá^h Fidié^h fi^h guá^h qui^h naa^h, jo dsu^h ja^h cateá^h óo^h na^h fa^h e caséng^h na^h jnea^h lajee^h jo; jo dsu^h lanagui cagüé^h oor^h e güijé^h 'nú^h, có^h Fidié^h dsea^h nicacuó^h fi^h lajo e i 'lim^h niquiá^h ta^h e uó^h lana.

Mi^h cajíng^h Tú^h Simón e ja^h cutiñ^h Jesús

(Mt. 26:57-58, 69-75; Mr. 14:53-54, 66-72; Jn. 18:12-18, 25-27)

⁵⁴ Jo dsifí lajob casaiñ^h Jesús, jo cató^h dsea^h do fi^h quiá^h i jmidsea^h laniing^h quiá^h dsea^h Israel. Jo huím^h ngang^h Tú^h Simón e tí^h leáiñ^h laco^h ngolíng^h i dsea^h do e téer^h Jesús.

55 Jo mi~ caguiliñ' fí jo, jo canaang` i dsea` i casó'- quiá'- Jesús do e jì'r' jì fí guiá'^ jóo' siguí, jo caguár` lacúng' lajínng` e jì do mi~ cacóo-. Jo dob caguá` Tú^ Simón cajo jee~ jaléng' i dsea` do.

56 Jo mi~ cangá- jaang` dseamf` i jmóo` ta~ quiá'- i jmidsea` do e dob guing~ Tú^ Simón jee~ jaléng' i dsea` i neáang' do, jo canaaiñ` jmicuíng` neiñ' jo casí'- reiñ':

—Jaa~, cangib` i dseañu` la cóo'- Jesús cajo.

57 Jo mi~ canúu- Tú^ Simón lado, jo dsifí lajób cajíñ'- casí'r- i dseamf` do:

—Ja` cúing` jneaiñ' do, dseamf`.

58 Jo mi~ míng- guijiñu lajo, jiéng' gui calicuí` quiá'r- jo cajíñ'-:

—Dsea` quiá'- Jesús líng' gui 'nu` cajo.

Jo mi~ canúu- tu Tú^ Simón lado, jo dsifí ladob cañí` tur jo cajíñ'-:

—Ja` jee~ i do quíng' jnea~, dseañu`.

59 Jo mi~ cangf` cóo` oor~ lajo, jiéng' gui jaang` dsea` cajíñ'-:

—E já'- ba' líng' i dseañu` la dsea` quiá'- Jesús, có' i seeng` fí Galileab la cajo.

60 Joba' cañí` tu Tú^ Simón jo casí'r- i dsea` do jo cajíñ'-:

—Ja` ñii- ee` e fól' na, dseañu`.

Jo ja` mí cató' bi e fé' i Tú^ Simón do lajo mi~ tí lí~ caqui' jaang` tuidsee`.

61 Jo job mi~ cají' Jesús nir~ jo cajóñiñ- Tú^ Simón tí lí~ siñ', jo dsifí lajób cadseng'- dsí' i Tú^ Simón do e cajíng'- Jesús lami~ neáaiñ` gø'r` do: “Dsa'ó` góo` na, nú'- gui e niquí' tuidsee`, 'nu` nifo` 'ní` née' e ja` cuín' jnea~.”

62 Jo mi~ cadseng'- dsí' i Tú^ Simón do e cajíng'- Jesús lajo, jo dsíng'- calijiuung~ dsír', jo dsifí lajób cagüi` ñr' jo dsíng'- canaaiñ` qui'r` jóng.

Mi~ cajmeáng' dsea` Jesús

(Mt. 26:67-68; Mr. 14:65)

63 Jo mi~ cangf` jo, jaléng' i dsea` i jée' quiá'- Jesús canaaiñ` lóñiñ` dsea` do jogui bóong- neiñ',

64 jo cajnír' jmini~ dsea` do jo cabár` moniñ'~ jo cajmíngi' reiñ' lala jo cajíñ'-:

—¿I` i cabóong- 'nu`? jmee- júu^, ne`ee'!

65 Jo jmiguiñu` bi jalé` e fé'r' e jmineaiñ`^ dsea` do lajee~ jo.

Mi~ cangojéiñ` Jesús fí lí~ siseáng' jaléng' dsea` cóong' quiá'- guá'-

(Mt. 26:59-66; Mr. 14:55-64; Jn. 18 :19-24)

66 Jo mi~ cajneá- e jmiñ` jo, jo caseáng' jaléng' dsea` cóong'~ quiá'- dsea` Israel cóo'~ jaléng' fii~ jmidsea` cóo'~ gui jaléng' tifa' quiá'r-, jo cató'r- Jesús fí lí~ nisiseáiñ' do, jo cajmíngi'r' dsea` do lala jo cajíñ'-:

67 —Jmee- júu^, ne`ee', ¿su 'nub` Dsea` Jmáang'?

Joba' cañí' Jesús quiá'- jaléng' i dsea` do jo cajíñ'-:

—Song nijmee~ jnea~ júu^ røø, ja` já'- nilíng` 'nú' júu^ quié- e jóng.

68 Jogui song ee` nijmíngi` i 'nú', ja` e ñí` na' níngi` na' quié- e cajo.

69 Jo dsu` latí` lana jnea~, dsea` cagá- a fí ñiff- e lín` n jaang` dsea` jmigüí, niní` i lí' lí' dsée' laco' guing~ Fidiée` dsea` guing~ ñiff-, dsea` i 'gøng' eáang' la'úng- fí jmigüí.

70 Jo mi~ canúu- jaléng' i dsea` do e cajíng'- Jesús lado, jo lajalém` bre cajmíngi'r' dsea` do jo cajíñ'-:

—Jo ¿su 'nub` Jóo' Fidiée` dsea` guing~ ñiff- liya?

Joba' cañí` tu Jesús quiá'- jaléng' i dsea` do jo cajíñ'-:

—Dseáng'- lajób lí' lí' laco' la nicafée' na' na.

71 Jo mi~ canúu- jaléng' i dsea` do e cajíng'- Jesús lajo, jo casíñ- lajee~ lajaléiñ' do jo cajíñ'-:

—¿E~ gui ta~ e 'neáng- guí' jaléng' dsea` i tí' ni'? Có' yee~ baa' nicanú` uu' náng` jial laco' lí' júu^ quiá'r-.

23

Mi~ caguiéng' Jesús fí' quini~ dseata~ dsea` féng' i sii` Pilato
(Mt. 27:1-2, 11-14; Mr. 15:1-5; Jn. 18 :28-38)

¹ Jo mi~ cangf jo, lajalém' i dsea` do cangojéiñ` Jesús fí' quini~ jaang` dseata~ dsea` féng' i sii` Pilato.

² Jo mi~ caguiliñ` do fí' do, jo canaañ` jmóor` dsee` quiá' dsea` do jo cajíñ`:

—I dseañu` la ngir` lacaang` jee` 'núu` ta` jmiguíng` jaléng' dsea` i seeng` fí' lí` quiá' 'nu` ta`. Jogui ngir` fé'r` e ja` 'né` niquí'naa' cuu` quiá' i dseata` dsea` féng' i guing` fí' Roma, jogui fé'bir cajo e íbre líiñ` Dsea` Jmaang` i nisíng` Fidiéé` i nicá` nifi` quiá' jaléng' dsea` gó'naa' dsea` Israel.

³ Jo mi~ canúu` i dseata~ Pilato do lado, jo cajmingi'r` Jesús jo cajíñ`:

—¿Su 'nub` dsea` i quie` nifi` quiá' dsea` Israel?

Joba' cañi` Jesús jo cajíñ`:

—Dseáng' lajob lí' lí' laco' la nicafée' 'nu` na.

⁴ Jo mi~ canúu` Pilato e cajíng' Jesús lajo, jo casí'r` jaléng' i fii` jmidsea` do cóo'gui jaléng' i dsea` i teáng' do jo cajíñ`:

—Ja` niguié' jnea` jii` cóo` dsee` e sea` quiá' i dseañu` la.

⁵ Jo mi~ canúu` jaléng' i dsea` do lado, jo eáang'gui canaañ` jmóor` dsee` quiá' Jesús jo cajíñ`:

—I dseañu` na eáang` ngir` ta` jmiguíng` dsea` cóo' jalé' e er'. Jo canaañ` jmóor` lajo cati' lí' se' Galilea carti' cagüéiñ` fí' la, fí' lí' se' Judea, e jmóor` lajo.

Mi~ cangojéiñ` Jesús fí' quini~ jaang` dseata~ i sii` Herodes

⁶ Jo mi~ canúu` Pilato e café' dsea` lajo, jo cajmingi'r` su fí' lí' se' Galileab seeng` Jesús.

⁷ Jo mi~ cajíng' dsea` e fí' job seeiñ`, joba' casíiñ` dsea` do cóo' jaang` dseata~ i sii` Herodes i líng` dseata~ dsea` féng' quiá' Galilea, có' ie~ jo dob nitáang` i dseata~ do fí' Jerusalén.

⁸ Jo mi~ cangá` Herodes e cangáiñ` Jesús, dsíng' cali'iaang` dsíir', có' líib` nicajá` e iñ` e niníiñ` dsea` do, có' fíim` dsea` dsicóor` júu` quiá' jalé' e guíu` e nicajmée` dsea` do, jogui güijer` fa' ee` nijmé` dsea` do e lí`.

⁹ Jo jmiguíu` jalé' e cajmingi'r` dsea` do, dsu` jii` camí' júu` ja` ee` cañi` Jesús quiáiñ` do.

¹⁰ Jo lajee` jo, dob teáng` jaléng' fii` jmidsea` quiá' dsea` Israel cóo' jaléng' tifa' quiá'r`, jo dseáng' eáam` teáiñ` do jmóor` dsee` quiá' Jesús.

¹¹ Jo mi~ cangá` Herodes e ja` ee` ngii` Jesús, joba' cajmicóo' rúíñ` cóo' jaléng' 'lée` quiá'r` e canaañ` lóoiñ` dsea` do, jo caquíñ` dsea` do caneáang` sí' dseata~ dsea` féng'. Jo lí' jo, i dseata~ do caguiéng'tur Jesús fí' lí' guing` dseata~ Pilato calé' catú`.

¹² Jo ie~ jmii` jo røøb` casíng` tu dseata~ Herodes cóo' dseata~ Pilato, có' lamí` jéeng'gui 'nib` nicangáng` rúíñ`.

Mi~ cahu` ta` e nijúung` Jesús

(Mt. 27:15-26; Mr. 15:6-15; Jn. 18 :39-19 :16)

¹³ Jo mi~ caguiéng' tu Jesús fí' lí' guing` dseata~ Pilato, jo caquiñiñ` do ta` e caseáng' jaléng' fii` jmidsea` cóo'gui jaléng' dseata~ jogui cóo' jaléng' dsea` fii`.

¹⁴ Jo mi~ caseáng' jaléng' i dsea` í, jo lalab cajíñ` casí' reiñ`:

—'Nú' cañijéeng` na' i dseañu` la fí' la e jmoo` na' dsee` quiá'r` e ngir` jmiguíiñ` jaléng' dsea` fii`; jo jnea` nicajmingi'r` jalé' e júu` jo fí' quini` 'nú' lajaléng' na' na, jo dsu` jii` cóo` dsee` ja` mí` cadsé' e e røøiñ` lí' laco' jii` e 'náng` na're.

¹⁵ Jogui nicasíim` bíir` fí' lí' guing` dseata~ Herodes, dsu` o'gui i dseata~ í líng` ee` dsee` cadsé'r` quiá' dsea` la, joba' fí' lab nicaguiéng'tureiñ`. Jo niñ`ba' e jii` cóo' ja` ee` mí` cajméer` fa' cuøøng` e nijngáng` na'r,

16 jō dsu' nicuøø'baar iihuú', jō lí- jō nilaam-tur calé' catú'.

17 Jō lajee' e jmii' jō táng' dseata~ Pilato e jmi'íáaiñ' dsí' jaléng' dsea' fi' jō láaiñ' camíng'~ dsea' i iuung' fí' dsí' 'nuañí'.

18 Jō dsu' jaléng' i dsea' fi' do canaañ' óor' teá' jō fé'r' e éeiñ' Jesús:

—jā' laan' i dseañu' ná! jLeaang- Barrabás!

19 Jō i Barrabás do nica'ír- 'nuañí' dsu' uí' e 'ní' níñ- jaléng' dseata~ jogui e ninicajngaiñ' dsea' cajo.

20 Jō dsu' dseata~ Pilato eáang'gui iñ' e nileáiñ- Jesús laco'gui i Barrabás do, jōba' casí'-tur dsea' fi' calé' catú'.

21 Jō dsu' jéeng'gui i dsea' fi' do canaañ' fé'r' cóo'~ júu' teá'gui jō cajíñ'- e éeiñ' Jesús:

—jFí' dse' crúu' teáaiñ' na! jFí' dse' crúu' teáaiñ' na!

22 Jō lí- jō, catí' 'ní' néé'~ cajíng'-tū dseata~ Pilato casí'r- jaléng' dsea' fi':

—Jō ¿e'gui dseáng'- e ga' nicajméer'? Ja'gui ee' dsee- niguié' jnea~ e røøiñ' fa' e cuóøng' e nijúuiñ'. Dsu' lifa' nicuøø'baar iihuú', jō lí- jō, nilaam-tur calé' catú'.

23 Jō dsu' jaléng' dsea' fi' cóo'~gui jaléng' fi' jmidsea' eáang'gui canaañ' ta'r' mii' e mí'tur e nitáng- Jesús fí' dse' crúu', jō lajōb' cajméer' cartí' calí'r- lajji' e mir' do.

24 Jō lajōb' cajméé' dseata~ Pilato lí' laco' jii' e mí' i dsea' i teáang- do,

25 jō caleám'bre i Barrabás do, dsea' i 'ní' níng- jaléng' dseata~ jogui nicajngaiñ' dsea', co' uíng' quiá'- e jōba' e iuuiñ' 'nuañí', jō cajám'bre Jesús fí' jaguó' jaléng' dsea' i 'ní' níng- dsea' do; jō cajméer' lajō cóo'~ jaléng' dsea' fi', co' lajōb' cali'íiñ' do.

Mí' catáng- Jesús fí' dse' crúu'

(Mt. 27:32-44; Mr. 15:21-32; Jn. 19 :17-27)

26 Jō mí' cangí' jō, jō cangojéem'bre Jesús fí' lí' nitáiñ- fí' dse' crúu'. Jō lajee' teáaiñ' do fí' e ngolíñ-, cajíñ' jaang' dseañu' i laco' nijang' jee' ta' quiá'- i sii' Simón i seeng' fí' coo' fi' e sii' Cirene, jō caquiur' ta' e cajéeng' i dseañu' do crúu' quiá'- Jesús laguidseang'; jō cangór- caluu' laco' ngóo' dsea' do.

27 Jō fíim' dsea' i ngolíng- laco' ngóo' Jesús, jogui dsíng'- fíng' dseam' i ngolíng- qui' jō tí'óor' e lijjuung' dsíir' uii' quiá'- Jesús.

28 Dsu' Jesús cají' nir' cajóøiñ- jaléng' i dseam' do jō cajíñ'- casí'-reiñ':

—Dseam' i seeng' fí' Jerusalén, ja' qui'na' uii' jnea~, dsu' qui'na' uii' qui'na' yaang'na' jogui uii' quiá'- jōo'na'.

29 Co' niguiéeb' jmii' mí' nífé' jaléng' dsea': "Juguiá'-jiu quiá'- jaléng' dseam' i ja' cuóøng' nidsiquieeng' yuu', jō ja' i' caliséng' quiá'- i cacuó'r- tá'."

30 Jō ie' jōb' mí' nináng' jaléng' dsea' e nimí'r- jalé' mó' jō nijíñ'-: "Líng' güjjiá' sñ' lí' néé'naa'"; jogui nisí'r' jalé' mó': "Meeng- jnea' lajminá'."

31 Co' song lanab cuø'na' jnea~ iihuú', dsea' ja' dsee- røøñ-, jōba' jial tí'gui nidsingíng' 'ná', dsea' røøng'na' dsee-.

32 Jō jaléng' i dsea' i ngolíng- do jéeiñ' gáng- i' i nidsijngáaiñ' colíng' cóo'~ Jesús.

33 Jō mí' caguiliñ- coo' cuo' lí' sii' Cuo' Mogui' 'Lí', jō fí' jōb' cateáaiñ' Jesús fí' dse' crúu' cóo'~ laj' gáng- i' i' do, jmá'- jáng' crúu' lajaaiñ' do: jō jmá'- jáng' i' i' do catáiñ- lacataang' cáang' Jesús, jaang' lí' lí' dsée' jogui jaang' lí' lí' tuung'.

34 Jō lajee' gui'ná' e táang' Jesús fí' dse' crúu' cajíñ'-:

—Teaa~, íng' dsee- uii' quiá'- jaléng' i dsea' na, co' e ja' lí'biñ' na jalé' e jmóor'.

Jō mí' calí- e cateáaiñ' dsea' do fí' dse' crúu', jaléng' i 'léé- do canaañ' cóor' quiá'- i' nilí' lajee' lajaléiñ' do i nicóo' sí' Jesús fí' quiá'-.

35 Jō lajalém' dsea' teáaiñ- e jøør- jalé' e calí-, jō jaléng' i dseata~ do canaañ' lóøiñ- Jesús jō sí'r' dsea' do lala jō fé'r':

—Caleám'bre jaléng' dsea' jíéng', jōba' güileáang' 'ñia'r' náng, song dseáng'- já'- e i'bre líiñ' Dsea' Jmáang-, dsea' i casíng' Fidiéé' fí' jmigüi' la.

³⁶ Jò jaléng' ì 'lée- do lóòm-bre dseá do cajo, jò dsiquíéiñ' quiá'- lí táang' dseá do fí dse' crúu^, jò cuø'r' dseá do jmí'^ mí'^ huíng' jò'^ e tí'.

³⁷ Joguì sí'r' dseá do lala jò fé'r':

—Leaang- uø' náng song dseáng'- já'- e 'nu' lin' ì dseá ì quié' nifí quiá'- dseá Israel.

³⁸ Joguì tóo' còo' 'majmá' yá'^ guí crúu^ lí táaiñ' lí silí' còo' jalé' jmí' griego còo' gui jmí' latín joguì còo' jmí' hebreo, jò lalab guóng': "Í lab ì dseá ì quié' nifí quiá'- dseá Israel."

³⁹ Jò jaang' ì ìi' ì taang' fí dse' crúu^ do gab' fé'r' uii~ quiá'- Jesús cajo, jò sí'r' dseá do lala:

—Song dseáng'- já'- e 'nu' lin' Dseá Jmáang-, jòba' leaang- uø' jóng joguì leaang- jnea'.

⁴⁰ Jò dsu' ì ìi' ì jaang' guí do ca'gaam-bre quiá'- ì ìi' rúíñ' do jò cajíñ'- casí'- reiñ':

—¿Su ja' jáa' quií'- fa' e 'góng' Fidié' dseá guíng' ñifí-, 'nu' dseá tán' fí dse' crúu^ la cajo?

⁴¹ E líng' uim'ba' e taang' jnea' la, cò' laguib qui'naa' quiá'- jalé' e nica'lee~naa', dsu' ì dseañu' la jíi'~ còo' ja' ee' mí' ca'léer'.

⁴² Jòba' cajíñ'- casí'r- Jesús:

—Jesús, güigüéng' o' jnea~ mí~ ninaan'- níquiá'^ ta~ la'úng- fí jmigüi'.

⁴³ Jòba' cañí' Jesús quiá'- ì dseañu' î jò cajíñ'- casí'- reiñ':

—E já'- e fíi' ì 'nu', dseañu', e náb nidsi'íe'ee' còo' jnea~ fí ñifí- lí guíng' Tiquié'e.

Mí' cajúng- Jesús

(Mt. 27:45-56; Mr. 15:33-41; Jn. 19 :28-30)

⁴⁴ Jò lajee' táang' Jesús fí dse' crúu^ mí' catí' guieñí'- joo', jòb mí' calí- núu^ fí guóo' uø' jò, jò cateá'- cartí' la ìi' 'ní' e ca'lóo'.

⁴⁵ Jò cajlín- iee', jò lajee' jò casíng- tú- dseá'- joo' e 'mí' e í' guíá'^ joo' guá'- e sí' fí Jerusalén.

⁴⁶ Jòb mí' ca'óo' Jesús jò cajíñ'-:

—Teaa~, fí jaguóo'ba' nisée~e jmigüi' quié~e náng.

Jò dsifí' mí' cajíñ'- lajò, jò cajúm-bre.

⁴⁷ Jò mí' cangá- fii' 'lée- quiá'- dseá romano e calí- lado, joguìba' cajmiféiñ' Fidié' jò cajíñ'-:

—Dseáng'- já'-ba' e ja' dsee- nirøøng' ì dseañu' na.

⁴⁸ Jò jaléng' ì dseá ì teáang- do cangá-bre jalé' e calí- do, jò mí' caquiñ'- e ngolíñ', jòba' canaañ' bár' fí nidsiir', cò' fí'ib' eáang' calíñ'.

⁴⁹ Dsu' jaléng' dseá ì cangí' còo' Jesús còo'~guí jaléng' dseamî ì cajalín- còo' dseá do catí' lí' se' Galilea, huíib' cajer' jòør- jalé' e calí- do ie~ jò.

Mí' ca'áng- Jesús

(Mt. 27:57-61; Mr. 15:42-47; Jn. 19 :38-42)

⁵⁰ Jò ie~ jò seeng' jaang' dseañu' ì guíung- eáang' ì sii' Sé^ ì caliséng' fí còo' fii' lí' sii' Arimatea fí' lí' se' Judea. Jò líiñ' do jaang' dseá féng' ì quiu' ta~ quiá'- dseá Israel.

⁵¹ Jò ì dseañu' do güije-bre e nicá' Fidié' nifí' quiá'- lajaang' lajaang' dseá jmigüi', joguì ja' calijí'r' cajo dsu' e cahuí' ta~ e nijúung- Jesús lí'^ lacò'gui casíng- ì dseata~ caguiaang- rúíñ' do.

⁵² Jòba' mí' cajúng- Jesús, cangó- ì Sé^ do fí quini' dseata~ Pilato, jò camir' fí' e ni'áaiñ- Jesús, jò cacuø'bi ì dseata~ î fí' e nijmé- Sé^ lajò.

⁵³ Jò dsifí' lajòb cangó- fí' lí' táang' Jesús fí dse' crúu^, jò cajgiáaiñ- dseá do, jò caquiñ' còo' 'mí' té' e niguo', jò cangojéiñ' dseá do e ca'áiñ- fí' dsí' còo' too' jiáa', cò' lajòb qui' títng' jaléng' dseá Israel e áaiñ- 'líi~ quiá'r-. Jò e fí' jò jíi'~ jaang' 'líi~ ja' mí' ca'áang- lamí' jéeng'gui.

⁵⁴ Jò ie~ jmí~ jò nilí' e guati'ló- jmí~ e jmi'íng' jaléng' dseá Israel.

⁵⁵ Jo jaléng' i dseamf i cajalíng- cóo' Jesús catí lí se' Galilea cangolíim^bre cajo, joba' cangá-bre jie' lí ca'áng- Jesús jogui jial caquiee' dsea' do dsí' e too' do.

⁵⁶ Jo mi~ calita~ dsí' i dseamf do jie' lí ca'áng- Jesús, joba' cangolíim^bre jóng fí lí neáaiñ' fí Jerusalén, jo cangoguiar~ guiá- jalé' jmiñ jmeafñ cóo' gui jalé' noo~ jmeafñ e nidsisuiñ dsea' do mi~ ningf jmiñ e jmi'íng' jaléng' dsea' Israel, co' lajob quí' títng' jaléng' dsea' ie~ jo cóo' jaléng' 'liñ quiá'r-. Jo cajmi'ím' i dseamf do mi~ catí í' lajo lí laco' gui ta~ quia' fí ní jì quiá'- Fidié'.

24

Mi~ cají'tu Jesús

(Mt. 28:1-10; Mr. 16:1-8; Jn. 20:1-10)

¹ Jo mi~ cangá e jmiñ e jmi'íng' jaléng' dsea' Israel, jo jmiñ la'uii' quiá'- seaman~ la'ee' eáang' jaléng' i dseamf i cajalíng- cóo' Jesús catí Galilea do caleáb' catú- cangolíiñ' fí lí sí'aang' Jesús, jo quier' jalé' jmiñ jmeafñ cóo' gui jalé' noo~ jmeafñ e nicaguiar' guiá- lamí jéeng' gui do quiá'- e sí'í' nisúuiñ- dsea' do.

² Jo mi~ caguiliñ- e too' jiáa' lí ca'áng- Jesús, jo cangár- e nisinab' e oo' ée' do, jo cab' niróo' e cuu~ e cajní- mi~ ca'áng- dsea' do.

³ Jo cangotáam~bre fí dsí' e ée' do, dsu' jo' cadséiñ' Jesús fí dsí' jo.

⁴ Jo mi~ cangá- i dseamf do lajo, jo dsíng'- cafóíñ' jii' jo' ñir' e~ nijmér-. Jo lajee' jo coo' cangá-bre e cajnéng- gáng- dseañu' quiá'- laco' teáaiñ-, jo i dseañu' do qui'r' 'mi' té e jì' jlo'.

⁵ Jo dsíng'- cafóng' i dseamf do mi~ tí lí cangáiñ- i dseañu' do, jo catúuiñ' cartí ní uó' dsu' e cafóíñ' dsea' do. Joguiba' café' i dseañu' do e caféiñ' i dseamf do jo cajíñ'-:

—¿Jialí' ngi'na' 'náng'na' jee~ jaléng' 'liñ i dsea' i jì' lana?

⁶ Co' nicajíb'tur calé' catú-, joba' jo' i seeng' fí la. Téé' ó'na' jial cajíñ'- lamí cateáaiñ' cóo' 'nú' fí Galilea,

⁷ mi~ cajíñ'- e ír', dsea' cagüeiñ- fí jmigüi' e jáar' fí ñifí- e líiñ' jaang' dsea' jmigüi', dseáng'- 'néb- e nijáng' dsea' ír' fí jaguó' jaléng' dsea' dsee- dsea' qui' cartí nijnga'- dsea' do quiá'r- fí dse' crúu^, jo dsu' mi~ nidsíng- 'ní jmiñ lajo, nijíb'tur calé' catú-.

⁸ Jo mi~ canúu- i dseamf do e júu^ na, joguiba' cadseng'- dsíir' jalé' júu^ quiá'- Jesús.

⁹ Jo dsifí lajob caquing'-tur, jo cangojmée'r' júu^ i dsea' guijáng' quiá'- Jesús cóo' gui jaléng' i dsea' caguiaang' gui do.

¹⁰ Jo jaléng' i dseamf i caguicóo' júu^ do siir' Yá^ i seeng' fí Magdala, jaang' gui i sií' Sihuoq-, jaang' gui i sií' Yá^ ni quiá' Tiáa~, jogui quíim' bi dseamf i caguiaang' gui cajo.

¹¹ Jo mi~ canúu- i dsea' guijáng' do lado, ca'f' dsíir' e ngaam' i dseamf do, jo ja' ee' já'- caliñ- lajii' júu^ e quíeiñ' do.

¹² Jo dsu' Tú^ Simón dsifib' cangór- güi'í' e cangojóør^ e fí too' ée' do. Jo mi~ caguiér- fí jo, jo catúuiñ' cajóør- jo cangár- e jii' e 'mi' e caquing'- dsea' doba' née' gui. Jo dsifí ladob cangáng'-tur, jo dsíng'- cangogá' dsíir' quiá'- jalé' e cangár- do.

Mi~ cangolíng- gáng- dsea' quiá'- Jesús fí Emaús

(Mr. 16:12-13)

¹³ Jo e jmiñ jo, gáng- lajee' la'ó' i dsea' i cangi' cóo' Jesús do cataiñ'- fí e cangolíiñ' fí coo' fñ lí sií' Emaús e née' guicó' kilómetro lí' lí caluu' fñ Jerusalén.

¹⁴ Jo lajee' teáng' i dsea' do fí, jo ngolíiñ- sñiñ' quiá'- jalé' e nicalí- fí Jerusalén lajee' e jmiñ jo.

¹⁵ Jo lajee' ngolíiñ-, cangoquiéeng' Jesús, jo canaaiñ' ngir' colíng- cóoiñ' do.

¹⁶ Jo jóør- i dsea' gáng- do Jesús, dsu' ja' cangáiñ' fa' e calicuíñ' dsea' do ladsifí lado.

¹⁷ Jo cajmingi' Jesús i dsea' gáng- do jo casí'-reiñ' jo cajíñ'-:

—¿E~ jalé' e siing' 'nú' lajee' teáng'na' fí? ¿Jialí' líng'na' fí'?

18 Jo jaang` i dseañu` do i nisi` Cleofas cañir` quiá` Jesús, jo casí`r` dsea` do jo cajíñ` :
 —Lajim` dsea` niñir` jalé` e nicalí` fí` Jerusalén lajee` e jmiñ` e cangáing` na. Jo ¿su jii`
 'nab` dsea` guiin` fí` Jerusalén e ja` ní` jalé` e nicalí` fí` jo?

19 Joba' cajmingí`tu Jesús quiá` i dsea` do jo cajíñ` casí`-reñ`:

—¿E` jalé` e nicalí` fí` jo?

Joba' cañi` i dsea` gáng` do jo cajíñ`-:

—Mó` já`naa' siñ`naa' jalé` e calíng` Jesús i seeng` fí` Nazaret, jaang` dsea` 'gøng` i café`
 cuaiñ` quiá` Fidié` , jo cajméer` jalé` e quí`r` jmiñ` e dsigá` dsí` dsea` , jogui eáang` 'gøng`
 jalé` júu` e café`r` cajo;

20 jogui siñ`naa' jial cajmée` jaléng` fí` jmidsea` cóo`gui jaléng` dseata` quí`ii' mi`
 cajíñ` dsea` do fí` jaguó` jaléng` dsea` fí` e laco` niteaiñ` dsea` do fí` dse` crúu` cartí`
 nijngáng`-neñ`.

21 Jo jnea` nisita` dsí`naa' e íbre dsea` i nileáng` jnea`, dsea` lí`naa' dsea` góor` dsea`
 Israel. Jo dsu` lana ningóo` 'ní` jmiñ` e cangojée` jalé` e jo.

22 Jo cóo` tú` míng` dseamí` i quíng` jee` jnea` nicaguiliñ` 'ma'ee` e fóiñ` jnea`, cóo`
 nicangoliñ` e ja` mi` jnea` røø` fí` lí` ca`áng` dsea` do,

23 jo dsu` jo` seeng` i 'lí` do e too` lí` ca`ír` do mi` caguiliñ`. Joba' mi` caquing`-tur,
 quíeer` júu` e cangáñ` ángeles quiá` Fidié` i cajíng` e nicajíb`tu Jesús calé` catú`.

24 Jo lí` jo, cangolíng` fí` jo cóo` tú` míng` dsea` i la'ó` ngí` cóo`naa' e fí` do, jo
 cangá`bre cajo dseáng` jii` laco` júu` e quíee` i dseamí` do, jo dsu` ja` cangáñ` Jesús.

25 Joba' cajíng` Jesús casí`r` i dsea` gáng` do:

—iSóong` ja` iing` 'nú` e ningáng`na' jalé` ee` líí, jogui dsíng` jmi`íng`na' e já`-
 nilíng`na' jalé` júu` e caguia` jaléng` dsea` i café` cuaiñ` quiá` Fidié` mali`gui eáang`!

26 Cóo` dseáng` 'né`ba' e cangóngíng` Dsea` Jmáang` jalé` e jo ná` gui e nidséng` tur
 calé` catú` fí` nífi` quiá`r`.

27 Jo dsifí` ladob canaang` Jesús e sí`r` i dsea` gáng` do jalé` júu` e fé` uii` quiá`r` fí` ni`
 jì` quiá` Fidié` , jo canaiñ` catí` júu` quiá` Moí` cóo`gui jalé` júu` caguiee`gui e cajme`
 i dsea` i café` cuaiñ` quiá` Fidié` .

28 Jo mali`gui lajo, mi` caguilíng` i dsea` gáng` do e fí` lí` ngoliñ` do, jo cajmée` Jesús
 e lafa' e ngóo`bir tí` lí` huí`gui,

29 dsu` i dsea` gáng` do cajméer` e cajeb` Jesús e fí` do jo casí`-reñ` do:

—La je` cóo` jnea`, cóo` nica`lóob` eáang` jo tí` lí` ní`núu`.

Jo mi` cajíng` i dsea` do lado, jo cajeb` Jesús fí` lí` cajé` i dsea` gáng` do.

30 Jo mi` tí` lí` caguár` e nidó`r` ir` e canuu`, jo catíng` Jesús cóo` iñí` jo cacuø`r`
 gui`máang` Fidié` , jo lí` jo caffíñ` e iñí` do jo cacuø`r` i dsea` gáng` do.

31 Jo mi` cajmée` Jesús lado, job mi` calilí` i dsea` gáng` do e ni` dseáng` Jesús i dsea`
 do. Jo dsu` dsifí` ladob cango`íng` dsea` do e laco` gui`ná` jøøm`bir.

32 Jo dsifí` ladob canaang` i dsea` gáng` do sí` rúñ`:

—Lado 'mí` , lajee` téel`naa' fí` , dsíng` cali`iáang` dsí`naa' mi` cajmea`r` jneaa`aa' júu`
 jalé` e fé` fí` ni` jì` quiá` Fidié` uii` quiá`r` , dsea` líiñ` Dsea` Jmáang` , ¿já` já`?

33 Jo jo` cajmi`íng` yaang` i dsea` gáng` do, cóo` dsifí` ladob caquing`-tur cangoliñ` fí`
 Jerusalén fí` lí` caseáng` tur cóo` jaléng` i dsea` guijáng` do cóo`gui dsea` caguiaang` i
 ngí` cóo`r` do.

34 Jo dsifí` mi` cangáng` rúñ` , jo lalab cajíng` i dsea` fíng` do jo casí`-reñ`:

—E já`ba' e nicají`tu Fí`naa' , cóo` Tú` Simón nicangá` quiá`r` .

35 Jo joguiba' cajmée` i dsea` gáng` do júu` jalé` e calíñ` guiá` fí` , jo jial calicuíñ` Jesús
 mi` tí` lí` caffíng` dsea` do iñí` e nidó`r` .

*Mi` cajmijnéng` 'ñia` Jesús fí` quini` dsea` quiá`r`
 (Mt. 28:16-20; Mr. 16:14-18; Jn. 20 :19-23)*

36 Jø lajee˘ gui'ná˘ sím`bi i dsea` do jalé˘ e júu˘ na, coo` cajném˘ Jesús jø casíng˘ 'ñia'r˘ jee˘ jaléng˘ i dsea` do jø casí˘ reiñ˘ do lala:

—Güiliseem˘ 'ná˘ juguiá˘ júu˘ røø.

37 Jø mi˘ cangáng˘ i dsea` do Jesús, dsíng˘ cafóñ˘ jø canaañ˘ í dsíir˘ e jøøiñ˘ jaang˘ dsea` guí˘.

38 Jøba˘ cajíng˘ Jesús casí˘r˘ jaléng˘ i dsea` do:

—¿Jialí˘ 'gó˘na? Jø ¿jialí˘ jmoo˘na e ja˘ já˘ lǎng˘na e jnea˘?

39 Fíng na jøø˘du˘ guóo`o cóo˘gui tíi, co˘ dseáng˘ jneab˘ la. Güing˘na˘ jnea˘ jogui jøøng˘na˘ jnea˘, co˘ jaang˘ dsea` guí˘ ja˘ teáañ˘ móo`o˘gui sea˘ loo˘ táañ˘ lacó˘ móo˘ 'ná˘ e sea˘ quié˘ e lana.

40 Jø mi˘ cajíng˘ Jesús lado, jø ca'e'r˘ jaléng˘ i dsea` do laji˘ tú˘ guoor˘ cóo˘gui tíir˘.

41 Jø dsu˘ i dsea` do ja˘ já˘ calím˘ bir uíi˘ e dsíng˘ dsigá˘ dsíir˘ jogui e íáang˘ dsíir˘ cajo. Jøba˘ cajíng˘ Jesús casí˘r˘ jaléng˘ i dsea` do:

—¿Su ja˘ ee˘ sea˘ cuó˘jiu˘ døø˘ø lana?

42 Jøba˘ i dsea` do cacuo˘r˘ Jesús ca'náang˘ 'ñu˘ i cuíng˘ cóo˘gui ca'ná˘ mi˘ e a˘ ta˘.

43 Jø ca'ím˘ Jesús e do, jø cagó˘bre do fí quini˘ jaléng˘ i dsea` do.

44 Jø mi˘ cangoyúung˘ e cagó˘r˘, jø casí˘r˘ jaléng˘ i dsea` do jø cajíñ˘:

—Lajalé˘ e nicalín˘n, e jøb e café˘ i 'ná˘ lamí˘ cangi˘naa˘ colíng˘ e dseáng˘ 'né˘ e nilitib˘ jalé˘ e fé˘ uii˘ quié˘ e fí ni˘ jì quiá˘ Fidié˘ e cajme˘ Moi˘ jogui fí ni˘ jì e cajme˘ dsea˘ i café˘ cuaiñ˘ quiá˘ Fidié˘ jogui e fé˘ fí ni˘ jì e sii˘ salmos.

45 Jø lí˘ jø, cajmée˘ Jesús e cangáng˘ jaléng˘ i dsea` do jalé˘ e fé˘ fí ni˘ jì jø uii˘ quiá˘r˘. Jø lí˘ jø casí˘ reiñ˘ lala jø cajíñ˘:

46 —Lajøb too˘ fí ni˘ jì quiá˘ Fidié˘ e dseáng˘ nisi˘í˘ba˘ e cajún˘n, jnea˘ dsea˘ lín˘n Dsea˘ Jmáang˘ i casíng˘ Fidié˘ fí jmigüí˘ la, jø mi˘ catí˘ 'ní˘ jmí˘ lajø, cajíb˘ túu˘ calé˘ catú˘;

47 jogui 'né˘ e nini˘ dsea˘ júu˘ quié˘ e lacoo˘ fí fí la'úng˘ fí jmigüí˘, jø 'né˘ nináng˘ e jø catí˘ Jerusalén e lacó˘ niquí˘ jíng˘ yaang˘ dsea˘ fí quini˘ Fidié˘, jø lajogui˘ba˘ quí˘ jmí˘ e ni'íng˘ dsee˘ quiá˘r˘.

48 Jø 'núb˘ nicañí˘na˘ jalé˘ e nicalín˘n.

49 Jø jnea˘ nicuóøø˘ 'ná˘ e cajíng˘ Tiquié˘ e lamí˘ jéeng˘gui e nicuó˘r˘ 'ná˘, dsu˘ fí Jerusalén labi˘ 'né˘ já˘na˘ cartí˘ ni'íng˘na˘ e Jmiguí˘ 'gøng˘ quiá˘ Fidié˘ e jáa˘ fí ñiff˘, jø e jøb e nijmicoo˘ 'ná˘ lata˘.

Mi˘ cangáng˘ Jesús fí ñiff˘

(Mr. 16:19-20)

50 Jø mi˘ cangí˘ jø, cajéeng˘ Jesús i dsea˘ quiá˘r˘ do fí caluu˘ fí Jerusalén, jø cangolíñ˘ fí coo˘ lí˘ sii˘ Betania. Jø mi˘ caguilíñ˘ fí jø, jø casé˘ Jesús guoor˘ fí yá˘ jø lajøb catañ˘ güea˘ i dsea˘ quiá˘r˘ do.

51 Jø lajee˘ gui'ná˘ bi˘ táñ˘ güea˘ i dsea˘ quiá˘r˘ do, mi˘ canaañ˘ soor˘ fí yá˘ e cangáñ˘ fí ñiff˘.

52 Jø dsu˘ lajaléng˘ i dsea˘ guijáng˘ do caquím˘ tur fí Jerusalén mi˘ cangoyúung˘ e cajmiféñ˘ dsea˘ do, jø dsíng˘ íáang˘ dsíir˘ cangolíñ˘.

53 Jø mi˘ cangí˘ jø, sojiéb˘ niteáañ˘ fí dsí˘ sinúu˘ guá˘ e jmiféñ˘ Fidié˘.

Jø lajøb nilí˘.

Jø lanab jíi˘ lí˘ júu˘ e cajme˘ Lucas.

E lab júu^ quiá'- Dsea` Jmáang- e cajme' JUAN

Lajíi'~ mi~ ná'-gui e nitiroo`jmiigüü'ba' e niseeng`Dsea`Jmáang`

1 Jo jíi'~ lati' mi~ uiim~ nisea` e sii` Júu^ do, jo e jo líng' Joo' Fidiéé'; jo cøøm` seeng` cõo'~ Fidiéé', cõ' íb` dseáng'- Fidiéé' cajo.

2 Jo colíim~ seeng` e Júu^ do cõo'~ Fidiéé' lajii'~ lati' mi~ uing~.

3 Jo la'eáang' cõo'~ e Júu^ dob cajmée` Fidiéé' lajalé' e sea' fí' jmiigüü'; joba' lajalé' e sea' fí' jmiigüü' cajmée` Fidiéé' colíing~ cõo'~ e Júu^ do.

4 Jo la'eáang' cõo'~ e Júu^ daba' cuø' e see`naa' fí' jmiigüü', jogui íb` cajo i líng' i Jíng' quiá'- Fidiéé' i cuø' e tíing` ngáng' jaléng' dsea` jmiigüü'.

5 Jo i Jíng' quiá'- Fidiéé' do jmoo` e lijneá' lacaang` lí' nuu` só', jogui e nuu` só' do ja` mí' caquíi'~ jmíi' fa' nijmé- e niyúng` i Jíng' quiá'- Fidiéé' do.

6-7 Jo malíi'~gui caliséng` jaang` dseañu' i calisí' Juan i seáang` dsea` jmíi'; jo Fidiéé' caguíng' ír` jogui casíng`neiñ' e laco' dsea` do nini'r- júu^ quiá'- i Jíng' quiá'- Fidiéé' do, jogui e laco' ninú- jogui e já'- nilíng` jaléng' dsea` lajii'~ júu^ e niguiá'- dsea` do.

8 Jo dsu' i Juan i seáang` dsea` jmíi' do ja` líiñ' dseáng'- i Jíng' quiá'- Fidiéé' do, cõ' líiñ' jaang` dsea` i casíng` Fidiéé' e laco' nini'r- júu^ quiá'- i Jíng' do jee~ jaléng' dsea` góor` dsea` Israel.

9 Jo cagüéng- i dseáng'- já'- Jíng' quiá'- Fidiéé' do fí' jee~ dsea` jmiigüü' e laco' nijmér- jial e niliseeng` dsea` fí' lí' jneá' jí'.

10 Jo i dsea` i líng' Júu^ quiá'- Fidiéé' do niseem`bre lajii'~ lati' mi~ uing~; jo nañí' fa' la'eáang' cõo'~ íbre cajmée` Fidiéé' lajalé' e sea' fí' jmiigüü', jo dsu' jaléng' dsea` jmiigüü' ja` já'- calíiñ- júu^ quiá'- dsea` do.

11 Jogui dseáng'- fí' góo`bre cagüéiñ- cajo, dsu' ja` ca'íng' dsea` góor` ír'.

12 Jo dsu' jaléng' i dsea` i ca'íng' ír` jogui i já'- calíng- júu^ quiá'r-, joba' cacuø'reiñ' fí' e ca'uíiñ'- do joo' Fidiéé'.

13 Jogui líiñ' do joo' Fidiéé' dsu' o' uíi' e caliséiñ' fí' jmiigüü' la, o'gui fa' líing~ ii' quiu' ta~ quiá'r- e ca'uíiñ- lajo, dsuco' líiñ' do lajo uíi' e 'ñiab' Fidiéé' cajméer` e ca'uíiñ'- do joo'.

14 Jo e Júu^ do ca'uíng- dseáng'- jaang` dsea` jmiigüü', jo caliséng` jee~ jneaa`aa' fí' jmiigüü' la, jogui dsíng'- jmi'neáang` jneaa`aa', jogui jmang'- júu^ já'- quié'. Jo mi~ calicuíng`naa' e Júu^ do i líng' Joo' Fidiéé' i camíng'~ do, joba' caline`baa' jóng` jial dseáng'- jlo'~ niñ-, jo dsu' e jo catíiñ- jíi'~ dseáng'- 'ñia'`bre e cacuø' Tiquiá'r` ír', cõ' dseáng'- eáam` 'née` dsea` do quiá'r-.

15 Jo lalab cajíng'- Juan i seáang` dsea` jmíi' do cuaiñ~ quiá'- dsea` do mi~ cajíñ'- lala:

—Jo i lab i dsea` i éeng` jnea~ do ie~ lami~ cafá'- a lala: “Jo i dsea` i nijáa' cøøng`guijiu laco'gui cagüéng- jnea~ fí' jmiigüü' la niing-`guir eáang` laco' jnea~, dsuco' lajii'~ mi~ ná'-gui eáang` e niliseeng` jnea`ba' e niseeiñ'.”

16 Jo cõ' eáam` guiúng- dsea` do cõo'~ jneaa`aa', joba' cuø'r` jneaa`aa' jalé' güea'^ quiá'r- cõo'~gui jalé'gui e 'né- quí-ii' dseáng'- lalíng` e jíi'~ ja` catíi`naa' lajo.

17 Jo la'eáang' cõo'~ Moí~ cacuø' Fidiéé' jneaa`aa' júu^ quiu' ta~ quiá'r-; jo dsu' la'eáang' cõo'~ Dsea` Jmáam`ba' e nicaline`naa' jial tíi' 'neáang` Fidiéé' jneaa`aa' jogui la'eáang' cõo'~ íb` cajo e liti~ júu^ quiá'- Fidiéé'.

18 Jo jíi'~ jaang` dsea` jmiigüü' ja` mí' cangáaiñ` dseáng'- 'ñia' Fidiéé', dsu' jíi'~ i Joo' camíng'~ do i líng' Fidiéé' cajo, jíi'~ íbing' i nicajmijnéng` jial líng' Tiquiá'r` Fidiéé' uíi' e dseáng'- cøøm` seeiñ` cõo'~ dsea` do.

Mi café Juan i seáng dsea jmi cuaiñ quía Dsea Jmáng
(Mt. 3:11-12; Mr. 1:7-8; Lc. 3:15-17)

19 Jo coo jmi jaléng i dsea i quie nifí quía jaléng dsea Israel i seeng fí Jerusalén casíñ coo tú mning jmidsea quía r coo gui jaang gáng dsea levita fí lí táang i Juan i seáng dsea jmi do e cangojmingi r dsea do lala:

—¿I dsea lin'?

20 Joba cañi i Juan do dseáng la lí jo casí reiñ do lala:

—O jnea i Dsea Jmáng i í áa na i nisíng Fidié i nicá nifí quí na.

21 Jo cajmingi tu i dsea do i Juan do calé catú jo cajíñ:

—Jo ¿i dseáng líng nu jóng? ¿Su Lí i café cuaiñ quía Fidié mali gui eáng?

Joba cañi tu i Juan do jo cajíñ:

—U, o í jnea.

Joba calé catú cajmingi tu i dsea do jo cajíñ lala:

—¿Osi nu bi i dsea i caguíng Fidié i nifé cuaiñ quía r i sijeeng naa fí jmigü la?

Joba cañi tu i Juan do quíañ do jo cajíñ:

—U, o í jnea cajo.

22 Joba i dsea do calé catú cajmingi r i Juan do jo cajíñ:

—Jo song o lajogui, joba ¿i gui dseáng líng nu jóng? Jo coo dseáng la guím ne lé naa júu i dseáng líng nu quía i dsea i casíng jnea do, joba ¿e fó nu uo e lin'?

23 Joba cañi tu i Juan do quíañ do:

—Jnea lin n jaang i fé i caguéng fí ni guóo uo quí, jo quie júu quía Fidié e catíng nu e fé lala: “Nea na condsee coo fí, coo tí lí nijáab Fí naa” —lí laco cajíng Fidié fí ni jí quía r e cajme Saí, jaang dsea i café cuaiñ quía Fidié ie mali gui eáng.

24 Joba i dsea i casíng dsea fariseo fí lí táang i Juan i seáng dsea jmi do cangosiñ coo dsea do

25 jo cajmingi tu reiñ:

—Jo song ja líng gui i Dsea Jmáng i nisíng Fidié fí la i nicá nifí quí naa o gui Lí i o gui i dsea i fé cuaiñ quía Fidié, joba ¿jali j moo ta seáng dsea jmi jóng?

26 Joba cañi tu i Juan do quíañ do jo cajíñ:

—Jnea seán dsea jmi jí coo layaang jmi; jo dsu jee nu niseem jaang i ja mí cuíng na.

27 Jo lana tí lí nilicuímba i dsea í, coo tí lí ninám bre ta quía r. Jo jnea fí quini í ja ee quín n, coo jí gui coo nisií ñi ñá lomir ja quín n.

28 Jo jalé e la cangojéé fí coo fí lí sií Betania e néé lí lí ngóo gua Jordán, coo fí job lí táang i Juan i seáng dsea jmi do ie jo.

Jesús líñ i Jo se Jiuung quía Fidié

29 Jo mí cajneá coo gui jmi lajo, i Juan do cangár e nijaquíéng Jesús fí lí siñ. Joba café r uii quía dsea do, jo casí r jaléng i dsea i teáng coo r do lala:

—Fing na joo na, dob nijáa i líng i Jo se Jiuung quía Fidié i líng jalé dsee e røong dsea jmigü.

30 Jo i dsea lab i éeng jnea do ie lámí café a lala: “Mí nisóong jnea, nijáa jaang i niing gui eáng laco jnea, dsuco i dsea í lají mí ná gui eáng e niliseeng jnea ba e niseeñ.”

31 Jo jí jnea ja mí caliñ bí i dseáng dsea do, jo dsu cagá a fí jmigü la e gaseán dsea jmi e laco jaléng dsea góo dsea Israel nilicuíñ dsea do.

32 Jo cajíng gui i Juan do lala cajo:

—Coo jmi camó jnea Jmiguí quía Fidié e cajgó fí ñifí jo cajé fí yá gui Jesús e líng jaang mee.

³³ Jo lajee e ná' gui lajo ja` mí ñi` jnea` i` líng` dsea` do, jo dsu' Fidié` i` casí` quié` e e cagaseáan` n dsea` jmi` casí`r` jnea` lala: "I dsea` i` nimáan` i` nijgié` Jmiguí` quié` e fí` yá' gui, i` dsea` í`bing` i` niseáng` dsea` jmi` cóo` Jmiguí` quié` e."

³⁴ Jo camób` jnea` mi` cangojéé` jalé` e jo, joba' dseáng` lajam` nita` dsii` e Jesús líiñ` dseáng` i` jóo` Fidié` camíng` do.

La'uii` dsea` i` ca'uíng` dsea` quiá` Jesús

³⁵ Jo mi` cajneá` coo`gui jmi` lajo, i` Juan i` seáng` dsea` jmi` do táaiñ` colíng` cóo` gáng` dseañu` i` nilíng` dsea` quiá`r`.

³⁶ Jo lajee` job cangár` e cangíng` Jesús, joba' cajíñ` casí`r` i` dsea` quiá`r` do e fé`r` uii` quiá`r` dsea` i` cangíng` do jo cajíñ`:

—Fing na jóo`na, i` dsea` ngóo` dob i` líng` i` Jo`se` Jiuung` quiá`r` Fidié` i` íng` jalé` dsee` e røng` dsea` jmi`güí`.

³⁷ Jo dsifí` mi` canúu` i` dsea` gáng` do lají` e cajíng` i` Juan do, joba' lajmináb` cangolíñ` tí`leáaiñ` laco` ngóo` Jesús.

³⁸ Jo mi` calilí` Jesús e líng` i` ngolíng` caluur`, joba' dsifib` cají`r` nir` e cajóøiñ` i` dsea` do jo cajmíng` reiñ`:

—¿I` ñilíng`na` 'náng`na`?

Joba' cañí` i` dsea` do quiá`r` Jesús jo cajíñ`:

—Tifa', ¿jie` fí` quiá`r`?

³⁹ Joba' cañí` Jesús quiá`r` i` dsea` do jo casí`r` reiñ`:

—Má`aa' cóo` jnea`, jo lajob nilíñ`na`.

Jo colim` cangolíñ` cangojmiñ` jie` quiá`r` Jesús, jo fí` job cajer` colíng` lata` e jmi` jo, co` la i` quiá` e calóob` níngóo` ie` jo.

⁴⁰ Jo jaang` lajee` i` dsea` gáng` i` canúu` júu` quiá`r` Juan i` seáng` dsea` jmi` do siir` Dí` i` nilíng` dsea` ngáang` cóo` jaang`gui dseañu` i` sii` Simón, jo íb` i` cangotáang` cóo` Jesús do.

⁴¹ Jo dsifí` lajob cangó` Dí` e cango`néiñ` i` rúíñ` i` sii` Simón do, jo mi` cadséng`neiñ` do lalab casí`r`:

—Janú`, Simón, lana nicalicuím`baa i` dsea` i` cajíng` Fidié` i` nisíñ` fí` jmi`güí` la i` sii` Dsea` Jmáang` i` nicá` nífi` qui`ii` do.

⁴² Jo dsifí` lajob i` Dí` do cangojéiñ` i` rúíñ` i` sii` Simón do fí` lí` guíng` Jesús; jo mi` tí` lí` cangá` dsea` do quiá`r` Simón lalab cajíñ` casí`r` reiñ`:

—Jo `nab` i` sii` Simón, jo lin` jóo` jaang`gui i` sii` Juan, jo dsu` latí` lana nilisii` Cefas osi Tú` cóo` jmi` griego é.

Mi` cató` Jesús Lii` cóo` Natanael

⁴³ Jo mi` cajneá` coo`gui jmi` lajo, ca`f` dsí` Jesús e cangó`tur fí` lí` se` Galilea, jo fí` job cajíng` rúíñ` cóo` jaang` dseañu` i` sii` Lii`, jo lalab casí`r` reiñ` do:

—Má`aa' cóo` jnea`.

⁴⁴ Jo i` Lii` do niseiñ` fí` coo` fí` e sii` Betsaida, jo dsea` góo`bre nilíng` i` Dí` do cóo`gui Tú` Simón, co` coob` fí` lí` seeíñ`.

⁴⁵ Jo dsifí` lajob cangó` Lii` e cango`néiñ` jaang`gui dseañu` i` sii` Natanael, jo mi` cajíng`neiñ` do, lala casí`r` reiñ`:

—Lanab nicalicuíng`naa` i` dsea` i` ca'éeng` Moi` fí` ní` jì` quiá`r` malí`gui eáang`, jogui` cajo i` ca'éeng` jaléng` dsea` i` café` cuaiñ` quiá`r` Fidié` lí` laco`gui cajme`r` fí` ní` jì` malí`gui eáang`. Jo i` dsea` íb` i` sii` Jesús i` seeng` fí` Nazaret i` líng` jóo` Sé`.

⁴⁶ Jo mi` canúu` Natanael e júu` jo, joba' cajíñ` lala:

—Ja` lí` dsii` e fí` Nazaret nigüi`fí` jaang` i` ní`é` guíá` cóo` dsea` rúng`.

Joba' cañí` Lii` quiá`r` i` dsea` do jo cajíñ`:

—Má`aa' fí` lí` guíñ`, jo lajoba' nilicuíñ` dsea` do.

47 Jo mi~ cangá- Jesús e nijaquíéng' dsea` do fí lí siñ', joba' cajíñ'- lala e café'r` uii~ quiá'- Natanael:

—I nab dseáng'- lajang'^ jaang` dsea` góo`naa' dsea` Israel i ja` quie' júu^ ta~ júu^.

48 Jo mi~ canúu- Natanael e jo, joba' cañíir` quiá'- Jesús jo cajmingí'r- dsea` do lala:

—Jo ¿jial nicuín' jnea~ jial lín'n?

Joba' cañíi' Jesús quiáiñ'- do jo cajíñ'-:

—Co' lajúi~ ná'-gui e nitó' Lii~ 'nua, jéem' nicamáng- jnea~ 'nua e guiin~ uii~ 'ma` güiñí'.

49 Joba' cañíi'tu Natanael quiá'- Jesús jo casí'r- dsea` do lala:

—Tifa', 'nab` dseáng'- i líng' Joo' Fidiéé~, jogui 'nab` cajo dsea` lín' dseata~ dsea` féng' quiá'- jaléng' jneaa~aa', dsea` lííi' dsea` Israel.

50 Joba' cañíi'tu Jesús quiá'- i dsea` do calé' catú- jo casí'-reiñ':

—¿Su já'- lín' lana dsu' uii~ e fá'a e camán- n 'nua e guiin~ uii~ 'ma` güiñí'? Jo dsu' jnea~ fíi' i 'nua e nábi nimó' jalé' e niing- gui eáang' e tiin- jmee~e.

51 Jo lalab cajíng'- gui Jesús cajo e casí'r- lajaléiñ' do:

—Jo lalab jmitaa` óo'na' cajo e nimó'ba' jial jnéeng- fí ñifí- fí lí guing~ Fidiéé~, jogui jial soo' jogui jgáang` jaléng' ángeles quiá'- Fidiéé' fí lí sín'n, jnea~ dsea` gáa'a fí ñifí e lín'n jaang` dsea` jmigüí.

2

Mi~ cajmée` Jesús la'uii~ e quí'r~ jmíi~

1 Jo mi~ cangá' ní' jmíi~ lajo, jo ie~ jo caliseá' coo' jmíi~ e cung' guó' dsea` fí coo' fíi' jia e sii' Caná e née' lí se' Galilea. Jo ie~ jo dob táang` Yá^, niquiá'^ Jesús,

2 jo Jesús cóo' gui i dsea` quiá'r- do líiñ' dsea` i simíng' quiá'- e jmíi~ e tí do, joba' fí dob quijgeáiñ' cajo.

3 Jo lajee~ e teáaiñ' e jmíi~ do, coob` mi~ cadseá- e jmí'^ mí'^ huíng` jó'^ e jmáiñ' ta~ do, joba' niquiá'^ Jesús cajíñ'- casí'r- dsea` do lala:

—Ngóo' cadseáb- e jmí'^ mí'^ huíng` jó'^ e jmáang` ta~ do.

4 Joba' cañíi' Jesús quiá'- i niquiá'r^ do jo cajíñ'- casí'r- dsea` do lala:

—Neaa~, ¿jialí' fí' jnea~ lana? Co' lana ja' mí' cat'fbi í' e nijmee~e lajúi~ ta~ e si' lín^n do.

5 Joba' cajíng'- tu niquiá'^ Jesús e sí'r i dsea` i jmóo' ta~ jmícoo' e sínúu^ do:

—Jmee~na' lajaléb' ta~ quiu' i Jesús na.

6 Jo ie~ jo nitée- jñúu- tu' cóo' e líí cóo' layaang~ cuu~, jo e jo íng^ ta~ e a~ jmíi~ e jmáng' dsea` Israel ta~ e laco' jmiguiúng- yaaiñ' fí quini' Fidiéé~, co' lajob quí' tñiñ' e jmóor'. Jo lacoo' e dsíi' tu' cuu~ do ab' jia la cincuenta si la setenta litro jmíi~.

7 Jogui Jesús casí'r- jaléng' i dsea` i jmóo' ta~ e sínúu^ do lala:

—Jmiróøng'na' jmíi' lacoo' lacoo' e tu' na.

Joba' dsifí' lajob cajmiróøng' i dsea` do dseáng'- la có' e tu' do.

8 Jo mi~ cangá' jo, cajíng'- tu Jesús casí'-reiñ':

—Lana fíi' i 'ná' güiseáng' jia' e nicaguié'na' dsíi' e tu' do, jo güica~na' quiá'- i dsea` née' ni~ e jmíi~ la.

Joba' lajob cajméeiñ' do.

9 Jo i dsea` i quie' nifí' quiá'- e jmíi~ do ca'í'-bre capí'^ e do, jo dsu' jmí'^ mí'^ huíng` jó'^ nica'uíng'- do, jo júi~ ja' ñir' jial ca'uíng'- do lajo. Jo júi~ i dsea` jmóo' ta~ sínúu^ dobing' i ñi' jial ca'uíng- jmí'^ mí'^ huíng` jó'^ e jmíi~ do, dsuco' yaam~bre cajmiróøiñ' jmíi~ e dsíi' tu' do. Jo mi~ ca'í'- i dsea` quie' nifí' e jmíi~ e ca'uíng- jmí'^ mí'^ huíng` jó'^ do, joba' dsifí' lanab cató'r- i simíng' i cacúng' guó' do

10 jo casí'-reiñ':

—Lajím` dsea` cuø' la'uii~ e jmí'^ mí'^ huíng` jó'^ e jlo'^gui, joba' mi~ tí lí nica'í'- i dsea` simíng' do jmiguiúung' jia e jmí'^ e jlo'^ do, joguiba' e niguié'r e jmí'^ mí'^ huíng` jó'^ e

uóng-gui do quiá'- i dsea`simíng` do. Jo dsu' 'nu` nica'meá'ba' e jmf' m' huíng` jó' e jlo'gui do quiá'- tí' lí' níngoo' dséng` jmí'.

11 Jo e la cajmée` Jesús fí' e fí' e sií` Caná e née' lí' se' Galilea. Jo e lab la'uii' e quí' r' jmí' e dsigá' dsí' dsea' e cajmээр` fí' jmígü' la, jo lajoba' cajmijnéiñ` jial tí' 'göiñ'. Jo jaléng' dsea` quiá' r' jáb' calíñ` júu` quiá' dsea` do.

12 Jo mí' cangí' jo, Jesús cangór` fí' cōo' fí' e sií` Capernaum colíng` cōo' níquiá' r' cōo' gui jaléng' rúíñ' jogui cōo' jaléng' dsea` quiá' r' cajo; jo fí' job cajer' cōo' tú' jmí' lajo.

*Mí' ca'uóong` Jesús jaléng' dsea` i jmóo' ta` 'nñ' fí' guá'-
(Mt. 21:12-13; Mr. 11:15-18; Lc. 19:45-46)*

13 Jo mí' cangí' gui lajo, cō' nijaquíem' bi e jmí' quiá' dsea` Israel e sií` Pascua, joba' Jesús cagü' fí' Capernaum jo cangór` fí' Jerusalén.

14 Jo mí' tí' lí' caguiér` fí' jo, dsifib' cangór` fí' guá' fé' e si' fí' jo, jo fí' siguí' job cadséiñ' jaléng' dsea` i teáng' ta` 'níng' jaléng' güitá' cōo' gui jaléng' jo' se' jogui jaléng' mee'. Jogui cangáñ' cajo jaléng' i neáng' ta` jmisíng` cuu' e 'né' jaléng' dsea` i dsitáng' fí' e guá' fé' do.

15 Joba' mí' tí' lí' cangáng` Jesús jaléng' i dsea` í, dsifí' lalab casá' r' cōo' tú' 'nii' jo catáñ' 'máng' jo cōo' e job ca'uóoiñ' i dsea` do colíng` cōo' i jó' núu' i jéiñ' do e 'nñiñ'. Jogui cajím' Jesús jalé' mes` quiá' jaléng' i dsea` i neáng' ta` jmisíng` cuu' do, jo caguiáb' e cuu' do fí' ni` uó'.

16 Jogui lalab casá' Jesús jaléng' i dsea` i jmóo' ta` 'níng' jaléng' mee' do jo cajíñ':
—iUóong` na' jaléng' i mee' na, jo ja' jmoo' na' 'móo' fí' guá' lí' jmiféng' dsea` Tiquié` e Fidié'!

17 Jo dsifí' lajob cadseng' dsí' i dsea` quiá' r' do lajii' e tōo' fí' ni' jì' quiá' Fidié' lí' fé' lala: “Ligüim` jnea` mí' ja' jmí' gó' dsea` guá' lí' jmiféng' dsea` Tiquié' e.”

18 Joba' i dsea` Israel i quie' ní' do cañí' r' quiá' Jesús jo casá' r' reiñ' do lala:

—¿E` quí' jmí' nijmée' e laco' nilita` dsí' naa' e cangín' fí' e cajmee' lajalé' e ná?

19 Joba' cañí' tu Jesús quiá' i dsea` do:

—Íng' na' e guá' fé' e si' la, jo jnea` gui quí' baa' jmí' e nijmilíng` túu' cōo' 'ní' jmí'.

20 Joba' cañí' tu i dsea` Israel do quiá' Jesús:

—Jial lí' e lajo, cō' tuló' dsí' jñúu' jii' calí' h' jnea' e calí' e guá' fé' na, jogui 'nu' fó' lana e cōo' 'ní' jmí' b' lí' nijmilíng` tú'.

21 Jo dsu' café' Jesús lajo e éeng' 'ñia' r' cōo' ngúu' táam` bre mí' cajíñ' cuaiñ' quiá' e guá' fé' do.

22 Jo dsu' cartí' mí' cangí' e cají' tu Jesús, jo lajoguiba' e cadseng' dsí' i dsea` quiá' r' do lajii' júu' e cajíng' dsea` do ie` jo, ie` lami' cajíñ' e cōo' 'ní' jmí' b' nilí' r' e nijmilíng` tur e guá' fé' do. Jo joguiba' dseáng' já' calíng` i dsea` quiá' Jesús do lajii' júu' e silí' fí' ni' jì' quiá' Fidié' cōo' gui jalé' júu' e cajíng' dsea` do lajee` cateáañ' fí' jmígü' la.

Niñib' Jesús jial líng' dsea` lajiiñ'

23 Jo lajee` táam` bi Jesús fí' Jerusalén, lajee` jmí' e quí' tíng' dsea` Israel e jmóor` jmí' e sií` Pascua do, jo lajee` jo jmiguiab' jalé' e quí' Jesús jmí' cajmээр` fí' quini' jaléng' i dsea` i siseáng' do ie` jo, joba' i fí' m' i dsea` í já' calíng` júu' quiá' dsea` do.

24 Jo dsu' Jesús ja' ta` dsí' r' cōo' i dsea` do cō' nicuím` breiñ' do guiá' jial líñ' do lajiiñ'.

25 Jo cō' niñi' bre 'ñia' r' guiá' jial líng' dsea` jmígü', joba' ja' 'neáñ' dsea` jiéng' i nijmeá' júu' í' jial í' dsí' dsea` jmígü'.

3

Mí' casíng` Nicodemo cōo' Jesús

1 Jò mi~ cangf̂jiu lajo, lajee~ e táam`bi Jesús fí Jerusalén, jò ie~ jò nitáang` fí jò jaang` dsea` Israel i sií Nicodemo i nilíng` dsea` fariseo, jò i dsea` í` l̄iĩñ` jaang` dsea` i laniing` jee~ jaléng` dsea` góor` dsea` Israel.

2 Jò cõõ` lajee~ e uõõ` cangór~ e cango`eer~ Jesús, jò mi~ caguiér~ fí jò lalab casí`r~ dsea` do:

—Tifa', n̄ineb~ jnea`^ rõõ` e Fidiéeb~ dsea` casíĩñ` 'nu` fí j̄m̄igüĩ la e cañi`ée~ jnea`^, dsuco' j̄jĩ~ jaang` dsea` j̄m̄igüĩ ja` quí`r~ j̄m̄i~ fa' l̄iĩng~ ee` li~ nijmér~ e dsigá` dsíi' dsea` j̄jĩ~ laco' quí`r~ 'nu` j̄m̄i~ e j̄moo' f̄ing song ja` j̄micõõ~ Fidiéé~ quiá'r~.

3 Jõba' cañiĩ` Jesús quiáĩñ` do jò cajíĩñ`-:

—E laba' j̄mitaa` o', e doñi' j̄i` dsea` i ja` niníng`~tu calé` catú~ e ni`uĩĩñ` jaang` dsea` i 'm̄iĩng~ la'eáang` cõõ~ Fidiéé~, jõba' ja` quí`r~ j̄m̄i~ jóng fa' e dsea` do nicá` nifí quiá'r~.

4 Jõba' cajm̄ingĩ`tu Nicodemo e cajm̄ingĩ`r~ Jesús jò cajíĩñ`-:

—¿Jial quí`r~ j̄m̄i~ e jaang` dsea` yáũ~ niqing`~tur fí dsíi' tu' niquiá'r` jò niníng`~tur calé` catú`?

5 Jõba' cañiĩ`tu Jesús quiá'~ Nicodemo jò cajíĩñ`- casí`r~reiñ`:

—E laba' j̄mita`guĩ o' cajo, e doñi' j̄i` dsea` i ja` ngáang`~ la'eáang` cõõ~ j̄m̄i~ jõgui cõõ~ J̄m̄iguĩ quiá'~ Fidiéé~, jõba' ja` quí`r~ j̄m̄i~ fa' e nilí`r` e Fidiéé~ nicá` nifí quiá'r~.

6 Cõõ' doñi' j̄i` dsea` i níng`~ quiá'~ tiquiá'` niquiá'`, jõba' j̄jĩ~ dsea` j̄m̄igüĩb` l̄iĩñ`; jò dsu' jaléng` i dsea` i liseeng` la'eáang` cõõ~ J̄m̄iguĩ quiá'~ Fidiéé~, jõba' J̄m̄iguĩ jõb jée' quiá'r~.

7 Jò ja` güidsigá` o' dsu' uíi'~ e f̄i~i` 'nu` na, e laj̄m̄` dsea` 'né~ e niliseeng`~tur e laco' ni`uĩĩñ` dsea` 'm̄iĩng~ la'eáang` cõõ~ Fidiéé~.

8 Cõfa' guí fí la fí nab íi', jò lico' nuu`-baa' e j̄i` dsu' ja` j̄néeng~ e jõõ`naa' jie~ fí ngóó` osi jie~ fí jaa` é. Jò dseáng`~ lajõb l̄iĩ` cajo cõõ~ i dsea` i uíing~ dsea` 'm̄iĩng~ la'eáang` cõõ~ J̄m̄iguĩ quiá'~ Fidiéé~, cõõ' ja` lí` dsea` jõõr~ jial mi~ uíing~ dsea` lajõ.

9 Jõba' cajm̄ingĩ`tu Nicodemo cajm̄ingĩ`r~ Jesús calé` catú~ jò casí`r~ dsea` do:

—¿Jial cuõõng` e nilí` e fó` na, Tifa'?

10 Jõba' cañiĩ`tu Jesús quiá'~ dsea` do jò cajíĩñ`- casí`r~reiñ`:

—¿Jaang` tifab' l̄iĩng` 'nu` quiá'~ dsea` Israel, jò ja` ngám`bi jalé` e fá`a la?

11 Jò jnea~ j̄mitaa` o' e laj̄jĩ~ e neb~ jnea`^, j̄jĩ~ jõba' fé`naa', jõgui laj̄jĩ~ e nuu`-naa' jõgui ne`naa', laj̄jĩ~ e jõb júu` e guia`naa' jee~ 'nú'; jò dsu' 'nú' ja` já~ l̄iĩng`na' laj̄jĩ~ júu` e fé`naa' do.

12 Jò song 'nú' ja` já~ l̄iĩng`na' mi~ fá`a júu` cuaiñ~ quiá'~ fí j̄m̄igüĩ la, jõba' ¿jial já~ nilíng`na' jóng mi~ fá`a cuaiñ~ quiá'~ fí ñifí`?

13 Jò j̄jĩ~ jaang` dsea` ja` mí` cajgóor~ fí ñifí~, cõõ' dseáng`~ laj̄jĩ~ 'ñiá'`baa dsea` gáa`a fí jò; jò cagüén` n fí j̄m̄igüĩ la e l̄iĩn`n jaang` dsea` j̄m̄igüĩ.

14 Jò lí` laco' cajm̄ée` Moi` ie~ lamí~ cajmeáaiñ` jaang` mí` cõõ~ layaang~ ñi` jò cateáaiñ` fí yá`^ cõõ` 'ma', jõgui dseáng`~ lajõb 'né~ nidsingĩng~ jnea~ cajo, jnea~ dsea` gáa`a fí ñifí~ e l̄iĩn`n jaang` dsea` j̄m̄igüĩ, cõõ' niteáng~ dsea` jnea~ fí cõõ` dse` 'ma` cajo

15 e laco' doñi' j̄i` dsea` i já~ nilíng` júu` quié~ e quí`r~ j̄m̄i~ e niliseeiñ` cõõng` cõõ~ Fidiéé~ lata`.

Dsíng`- 'neáang` Fidiéé~ jaléng` dsea` j̄m̄igüĩ

16 Jò cõõ' eámam` 'neáang` Fidiéé~ jaléng` dsea` j̄m̄igüĩ, jõba' cacuõõiñ` i Jóor` camĩng`~ do e laco' cajúng~ dsea` do cuaiñ~ quiá'~ jaléng` dsea` j̄m̄igüĩ; jò lajõba' jaléng` dsea` i jáng` yaang~ fí jaguó` dsea` do ja` quí`r~ j̄m̄i~ fa' e ni`náĩñ` quiá'~ Fidiéé~, cõõ' cõõm` niliseeiñ` cõõ~ dsea` do lata`.

17 Dsuco' Fidiéé~ ja` casíĩñ` i Jóor` do fí j̄m̄igüĩ la e laco' ni`fí~ dsea` do í` e nidsilíng` dsea` fí lí` 'li`^, cõõ' casíĩñ` dsea` do fí la e lí`^ laco' nileáiñ` dsea` jee~ jalé` dsee~ quiá'~ biñ`.

18 Jò doñi' j̄i` dsea` i jáng` 'ñia' fí jaguó` i Jóo' Fidiéé~ do, jõba' i dsea` í` ja` ni`iñ` iihuĩ` uii` quiá'~ jalé` dsee~ quiá'r~ mi~ nití` í` lajõ; jò dsu' i dsea` i ja` jáng` 'ñia' fí jaguó` i Jóo'

Fidiéé do, jōba' i dseá' í ní'ím'bre iihuá' uii~ quiá'- jalé' dsee- quiá'r-, cō' ja' mí' cajáng' 'ñia'r' fí' jaguó' i Jōó' Fidiéé' camáing' do.

¹⁹ Jōba' lajaléng' dseá' i ja' jáng' yaang~ fí' jaguó' Fidiéé', nibíiñ- fí' lí' 'lí' uí' e eáang'gui catí' dsíir' e cajméer' jalé' e ja' dseeng'; cō' ie~ mí' cagüéng- fí' jmigüü' la i Jíng' quiá'- Fidiéé' do, ja' calijíi' jaléng' dseá' i dseá' í, cō' e lí' nua' sō' dob cajmeáang'gui quiá'r- e laco'gui i Jíng' quiá'- Fidiéé' do é.

²⁰ Jō jaléng' dseá' i jmóo' jmang'- e 'lí' 'ní' níim'-bre i Jíng' quiá'- Fidiéé' do, jō jii' capí' ja' iñ~ nidsiquiéeiñ' fí' cáang' dseá' do, cō' ja' iñ~ e nililí' dseá' jmigüü' jalé' e 'lí' e jmóor' do.

²¹ Jōgui dsu' jaléng' i dseá' i seeng' cōng' cōo' júu' quiá'- Fidiéé' laco' catíing-, jōba' tib' dsíir' e dsiquiéeiñ' fí' quini' i Jíng' quiá'- Fidiéé' do e laco' cuø' lí' quiá'r- e jaléb' e jmóor' do cōm' røø' laco'gui jii' e iing~ Fidiéé' e nilí'.

Mí' café'tu Juan i seáang' dseá' jmí' do cuaiñ~ quiá'- Jesús

²² Jō mí' cangí'guijia lajō, cangób- tu Jesús colíing- cōo' jaléng' dseá' quiá'r- fí' lí' se' Judea, jō fí' jōb' cajer' huøøm- jia e seáaiñ' jmí' jaléng' dseá' i guilíing- fí' do.

²³ Jō ie~ jōb' cajo i Juan do táaiñ' ta~ seáang' dseá' jmí' fí' quiá'- cōo' fí' lí' sií' Enón ca' lí' née' cōo' fí' e sií' Salim, cō' fí' jōb' lí' sea' jmí' jmiguiúung', jōgui fíim' dseá' dsilíiñ- fí' jō e sáaiñ' jmí'.

²⁴ Jō jalé' e la calí- lajee' nú'-gui e nitáaiñ' i Juan do fí' dsí' 'nuañ'.

²⁵ Jō i líing- i dseá' i ngí' cōo' i Juan do canaaiñ' jiiñ' cōo' jaang'gui dseá' Israel cuaiñ~ quiá'- jalé' e qui' tiiñ' jmóor' e laco' liguiúiiñ- fí' quini' Fidiéé'.

²⁶ Jōba' cangolíim'-bre e cangosí'r' i Juan do, jō lalab casí'r- dseá' do:

—Tífa', i dseá' i lamí' táang' cōo' 'nua' lí' lí' 'ngóo' gua' Jordán do i ca'eeng- 'nua' do jōgui i nicafée' uii~ quiá'- do, lana dseá' í' dob nitáaiñ' seáaiñ' dseá' jmí', jō fíing'gui dseá' nidsiquí'r' ír' laco'gui 'nua'.

²⁷ Jōba' lalab cañí' Juan quiá'- i dseá' do:

—Lajim' dseá' lí'r' jalé' e sea' quiá'r- dsu' uí' e Fidiéé'bing' i jmicōo' quiá'r- e lí'r' jalé' e jō.

²⁸ Jō 'núb' dseá' nicanáa-na' røø' mí' café'-a e o' jnea~ Dseá' Jmáang-, cō' jnea~ lín'n jaang' i casíng' Fidiéé' i cagüéng- jéeng'gui laco' dseá' do e laco' cagaguaa- guiá' fí' quiá'- dseá' do.

²⁹ Cofa' cōo' lí' cung' guó' dseá', jō i siming' do í'bing' i jée' quiá'- i simí' i cacúng'- guó' cōo'r- do, jōgui i dseá' i ngóo' caluu' i siming' do eám' lí'íáang' dsíir' mí' núur' e sáiiñ' do. Jōgui dseáng'- lajōb' lí' quié- jnea~ lana, cō' dseáng'- eám' íáang' dsii- mí' núu' lajō.

³⁰ Jō dseá' do eáang'gui ngóo' líniiñ-, jō dsu' jnea~ lí' lí' ngóo' lí' uóng- guá.

Dseá' i jáa' fí' ñifí'

³¹ Jō lalab cajíng'-gui Juan:

—Jō i dseá' i jáa' fí' ñifí' níing- guir jee~ jaléng' dseá' jmigüü'; jōgui i dseá' i líing' dseá' jmigüü', jmang'- júu' quiá'- fí' jmigüü'ba' quier'. Jō i dseá' i jáa' fí' ñifí' do, níing- guir jee~ jaléng' dseá' jmigüü'.

³² Jō íb' dseá' i fé' quiá'- lajii' e nicangár- jōgui lajii' e nicanúur- fí' lí' guíing- Tiquiá'r' fí' ñifí-, jō dsu' jii' jaang' dseá' ja' jí'r- lajii' júu' e fé' dseá' do.

³³ Jō dsu' doñí' i dseá' i já'- líng' júu' quiá'- dseá' do, jōba' tí' nir~ e jmang'- júu' já'-ba' fé' Fidiéé'.

³⁴ Jō i dseá' i nicasíng' Fidiéé' fí' jmigüü' la, jmang'- júu' quiá'- dseá' í'ba' fé'r', dsu'cō' Fidiéé'bing' i cuø' dseá' do lalíng' Jmiguü' quiá'r-.

³⁵ Jō Fidiéé' eám' 'neáaiñ' i Jōor' camáing' do, jōgui cacuø'r' dseá' do e óoiñ' ta~ e ninée' niñ~ lajalé' e sea' fí' jmigüü'.

³⁶ Jø doñí' ì dsea` ì jáng` yaang` fí jaguó` ì Jóo` Fidiée` do, jøba' niliseeñ` cøøng` còo` dsea` do lata` ; jø dsu` ì dsea` ì ja` iing` jáng` yaang` fí jaguó` ì Jóo` Fidiée` do, jøba' ja` qui` jmi` fa' e niliseeñ` cøøng` còo` Fidiée` lata~, cø' lí' lí' latab` niñiñ` ihu` eáang` e cuø' Fidiée` jaléng` ì dsea` la'í'.

4

Mi` cangñg` Jesús fí lí' se' Samaria

¹ Jø mi` cangñgui lajò, lajee` e táam`bi Jesús fí lí' se' Judea, calilí` jaléng` dsea` Israel ì líng` dsea` fariseo e fíng`gui dsea` nidsiqui'` quiá'- Jesús e sáiñ` jmi` laco'gui ì dsea` ì dsiqui'` Juan ì seáang` dsea` jmi` do.

² Jø dsu' e já'-, ø' dseáng'- Jesús dsea` ì seáang` dsea` jmi` do, cø' dsea` quiá'-bre ì jmóo` ta` lajò e júu` siná'r` quiá'- dsea` do.

³ Jøba' mi` caliñí' Jesús lajii'` e í dsí' ì dsea` Israel ì líng` dsea` fariseo do uii` quiá'r-, jøba' cagüi'`bre colíng` còo` dsea` quiá'r- fí lí' se' Judea, jø cangolíng`-tur fí lí' se' Galilea.

⁴ Jø dseáng'- la guím` 'né` ngüñ` fí lí' se' Samaria lajee` e teáaiñ` fí e ngolíñ` fí lí' se' Galilea.

⁵ Jø lajòb` caguiliñ` fí cøo` fii` e née` dsí' lí' se' Samaria lí' sii` Sicar, fí quiá'- lí' róo` guóo` uø` quiá'- 'li` yúu` Jacóo` e cangñiñ` fí jaguó` ì jóor` ì sii` Sé` do lajii'` malí'.

⁶ Jø fí jøb` lí' lí' cøo` too` e a' eáang` lí' níng` jmi`, jø fí jøb` lí' calí` ojmí` quiá'- 'li` yúu` Jacóo`. Jø nijaquíeng` guieñb'- mi` caguié` Jesús colíng` còo` dsea` quiá'r- e fí ojmí` do, jø fí jøb` cajmi'íng` dsea` do cø' eám` nifiñ` e ngír', jø dob` caguár` cáang` e too` a` jmi` do.

⁷⁻⁸ Jø lajee` jø ì dsea` quiá'r- do cangolíñ` e cangoleáar` jalé' e nidø'r- e fí fii` Sicar do. Jø e fí ojmí` dob` caje` Jesús 'ña'r` lajee` jø, jø cø'ná` lajòb` caguié` jaang` dseamf` ì seeng` fí lí' se' Samaria e fí ojmí` do, jøba' lalab` casí'- Jesús ì dseamf` do:

—¿Já` cuø'`jiu'` jnea` jmi` dúu'`u?

⁹ Jø cø' jaléng` dsea` Israel dseáng'- ja` røø` seem`bre còo` jaléng` dsea` ì seeng` fí lí' se' Samaria, jøba' ì dseamf` do cañír` quiá'- Jesús lala:

—¿Jial` cuøøng` fo` lajò? Cø' jaang` dsea` Israel líng` 'nu`, jø ja` lítíng` 'nú' fa' líng` ee` mii`na' jnea', dsea` lí'naa' dsea` Samaria.

¹⁰ Jøba' cañí'tu` Jesús quiá'- ì dseamf` do:

—Facø' jii` ñí' 'nu` jalé' e guiá- e iing` Fidiée` e cuø'r- 'nu`, jøgui` facø' ñí' cajo` ì jnea` dsea` ì mii`'i 'nu` jmi`, jøba' facø' lajò, 'nub` dsea` catín'- e nimí' jnea` jmi` jóng, jøba' jneab` nicuøøø` 'nu` e jmi` còo` e cuø` e seeng` dsea` lata`.

¹¹ Jøba' cañí' ì dseamf` do quiá'- Jesús jø casí'r- dsea` do lala:

—Fí'i, jii'` cøo` ja` quié` 'nu` còo` e niguí'` jmi` fí dsí' e too` la, jø dsíng'- a'. Jøba' ¿e` còo` niquíin` e jmi` e fó' e nicuø'` jnea` do?

¹² Jø 'li` yúu` qui`-ii' Jacóo` caséer` e ojmí` la qui`-ii', cø' fí lab` lí' cacár- jmi` e jmáiñ` ta` cajo, jøgui` lajòb` jaléng` jóor` còo`-gui jaléng` jó' núu` ì ca'eáaiñ`, fí lab` lí' ca'uø'r` jmi` e calíng` neiñ' do. Jø ¿su` 'nu` í o' e níng`-gui` laco' ì dsea` í?

¹³ Jøba' cañí'tu` Jesús quiá'- ì dseamf` do jø cajíñ'-:

—Jaléng` dsea` ì í' jmi` e uøø` dsí' e too` la niguiáb`tu` jmijmiiñ` calé' catú-;

¹⁴ jø dsu' ì dsea'gui` ì ni'í' e jmi` e nicuøøø`re do, jøba' jø` tóo` jmi` fa' e niguiá'gui` jmijmiiñ`. Dsucø' e jmi` jø lí' lafa' e contøøm`- sea` jmi` fí dsí' tu'r` còo` e cuø` e seeñ`, jø e jø lí' e contøøm`- seeñ` cøøng` còo` Fidiée` lata`.

¹⁵ Jøba' cañí'tu` ì dseamf` do quiá'- Jesús jø casí'r- dsea` do lala:

—Fí'i, iim`baa` nicuø'` jnea` e jmi` e fó' na e laco' jø` niguiá'gui` jmijmiiñ` ø'gui` 'né`-gui` fa' e gáa`a` tí' la e gaquiee` jmi`.

¹⁶ Jøba' cajíng'- Jesús casí'r- ì dseamf` do:

—Guóng' cateá jo güitee dseañu' quí' jo ñíling tu' fí la.

17 Jōba' cañí' i dseam̄ do quiá' Jesús:

—Ja' cóo' dseáng' dseañu' quíe.

Jōba' cañí' tu Jesús quiá' dsea' do:

—Jáb' laco' café' na, dseam̄, e o' dseáng' dseañu' quí' i cóo' lana;

18 dsuco' lami' jéeng' gui 'ñíng' gui dseañu' i nicacúng' guóo' cóo', jōba' i dseañu' i cóo' na lana ja' líiñ' dseáng' dseañu' quí'.

19 Jo mi' tí lí' canúu' i dseam̄ do e cajíng' Jesús e júu' jo, jōba' cañí' quiá' dsea' do lala:

—Fí'i, lanab calilí' i e 'nu' lin' jaang' dsea' i fé' cuaiñ' quiá' Fidié'.

20 Jo jaléng' 'lí' yúu' quí' ii', dsea' Samaria, quí' tñiñ' e jmiféiñ' Fidié' fí' ni' e mó' la, jo dsu' jaléng' gui 'nú', dsea' Israel, fó'na' e júi' fí' Jerusalén lí' 'né' e nijmiféng' naa' Fidié'.

21 Jōba' cañí' tu Jesús quiá' i dseam̄ do jo casí' reiñ':

—Já' güilín' júu' quíe, dseam̄, e nijaquíem' e nití' í' e 'nú' nililí' na' e ja' 'né' nigüilíng' na' fí' e yá' mó' na e güijmiféng' na' Tiquí' ii' Fidié', o' gui 'né' fa' e nigüilíng' na' cartí' Jerusalén cajo e laco' güijmiféng' na' dsea' do.

22 Co' 'nú', jaléng' dsea' Samaria, júi' ja' cúing' na' i' i' jmiféng' na' do; jo dsu' jaléng' jnea', dsea' lí' naa' dsea' Israel, nicuíim' baa' i' i' 'né' jmiféng' naa' do, co' jee' jnea', dsea' lí' i' dsea' Israel, jōb lí' cagúing' Fidié' jaang' i nileáng' dsea' jee' jalé' dsee' quiá' r'.

23 Jo catíb' e í' jo, jo dseáng' lanab líy, e jaléng' dsea' i dseáng' lajang' júu' i jmiféng' Tiquí' ii' Fidié' 'né' nijmér' dseáng' laco' sí' la' eáang' cóo' Jmiguí' quiá' dsea' do, dsuco' dseáng' lajob iing' Tiquí' ii' Fidié' e nijmé' jaléng' dsea' i jmiféng' ír'.

24 Dsuco' Fidié' líiñ' Jmiguí', jōba' jaléng' dsea' i jmiféng' ír', 'né' nijmér' lajo la' eáang' cóo' Jmiguí' quiáb' dsea' do dseáng' laco' sí'.

25 Jōba' cañí' tu i dseam̄ do quiá' Jesús jo cajíñ':

—Niñib' jnea' e tí' lí' nijáab' i cajíng' Fidié' i nisíñ' do i líng' Dsea' Jmáang' i nicá' nifí' quí' ii', jōba' mi' tí' lí' nigüéeng' dsea' do fí' la, í' guib' dsea' i ni'é' jnea' jalé' e jo.

26 Jōba' cañí' tu Jesús quiá' do jo cajíñ':

—Dsea' í' bi' jnea' i sing' s'ing' cóo' 'nú' lana.

27 Jo lajee' gui' nang' fé' Jesús e jōb, mi' caguilíng' i dsea' quiá' r' do i cangolíng' e cangoleáa' e nidó' r', jo mi' cangáñ' Jesús e táang' dsea' do s'íiñ' cóo' jaang' dseam̄, jōba' eáam' cangogá' dsíir' mi' cangár' lajo. Jo dsu' júi' jaang' dsea' do ja' cateá' dsíir' fa' ee' nijming' r' Jesús uii' quiá' i dseam̄ i sing' do, osi' e' quiá' e s'íiñ' do é.

28 Jo ngí' jo, jo dob casé' i dseam̄ do e dsuu' quiá' r' do e lí' sí' ní' niguié' r' jmi' do, jo caquim' tur' fí' jee' fi'; jo mi' caguíeiñ' fí' jo, canaaiñ' guiar' júu' jee' jaléng' dsea' góor' jo sí' reiñ' lala:

29 —Má' aa', jo majmicuíng' naa' jaang' dseañu' i nicamán' n i nicajmea' jnea' júu' quiá' jalé' ba' e nicajmé' e jéeng' gui, jo jangám' íb' i dsea' i cajíng' Fidié' i nisíñ' fí' jmigüí' la i líng' Dsea' Jmáang' i nicá' nifí' quí' ii'.

30 Jo mi' canúu' i dsea' góor' do e júu' jo, dsifib' ca' uøøiñ' fí' jee' fi' colíng' cóo' i dseam̄ do jo cangolíñ' fí' lí' táang' Jesús.

31 Jo dsu' lajee' ná' gui e niguilíñ' do fí' lí' táang' Jesús, i dsea' quiá' Jesús do casí' r' dsea' do jo cajíñ':

—¿Já' cø' jiu' í', Tifa'?

32 Jōba' dsea' do cañí' lala:

—Seab' cóo' e jíe' gui e 'né' nidó' ø' ø' e júi' 'nú' ja' ní' na' jial lí'.

33 Jo mi' tí' lí' canúu' i dsea' quiá' r' do e jo, jōba' canaaiñ' s'íiñ' lajee' la' ó' yaaiñ' jo jming' r' rúñ':

—Jangám' song' líng' i' nijaca' e nicagó' r'.

34 Joba' cañíi Jesús quiá' i dsea` quiá'r do jo casí' reiñ':

—'Né~ nijmee~ e lajii' e iing~ i dsea` i casíng` jnea~ do, jogui e nijmité' e lajii' ta~ e cangá'n'n quiá' dsea` do, joba' e job e lí' lafa' mi~ gó'ø ii~ e litaan~n guiá'.

35 Jo dsu' 'nú' fó'na' lala: “'Né~ bi quiúung~ gui si' e nicuó~ lajii' e cangojneá~ do”; jo dsu' jnea~ gui fii~ i 'nú' e 'né~ cá'na' cuente e lajii' e sijnea~ do nicalineáang~, joba' nicuó' lí' jóng e nicatib` í' e nisitíng'.

36 Dsaco' i dsea` i jmóo' ta~ e sitíng' lajii' e roo` do, joba' ím'bre lajii' e catíiñ~ quiá' e ta~ e jmóor` do. Co' jalé' e roo` e sitíiñ' do lí' laco' jaléng' dsea` i liseeng` cøong` cóo' Fidié~ lata~. Jo co' lajob lí', joba' i dsea` i jni' do cóo' gui i dsea` i sitíng' do, røøb` nilí'iaang` dsír' laji` tú~ iñ' do mi~ caroo` e cajnír` do.

37 Co' e jáb' dseáng' lajii' e júu` róo` e fé' lala, “I jiém' i dsea` i jni' do, jogui i jiém' bi i nisití' mi~ niró'.”

38 Jo jneab~ dsea` casín~n 'nú' e caguisitíng'na' lajii' e caroo` do e jii' 'nú' ja caquié'na' ta~ quiá' jial cangojneá~ jalé' e jo, co' i jiém' i dsea` i cajmée' ta~ jo, jogui 'náb' dsea` i nicali'øong` lajii' ta~ e cajmée' i dsea` í'.

39 Jo i fii'm' dsea` i seeng` e fii' Sicar do jáb' calíiñ~ júu` quiá' Jesús la'eáang` cóo' júu` e cajmée' i dseamí' do ie~ mi~ cajíiñ' lala: “I dseañu' do nicajmea'bre jnea~ júu` quiá' jalé'ba' e nicajmé~ e jéeng'gui.”

40 Jo mi~ tí' lí' caguilíng~ i dsea` góo' i dseamí' samaritana do fí' lí' táang` Jesús, joba' camír' jmi'ee' fa' nijé~ bi dsea` do cóo' ír'. Joba' lajob cajmée' dsea` do, caje'bre cóoiñ' do lajee' tú~ jmi'.

41 Jo i fii'm' bi i dsea` í' cajáng' yaaiñ~ fí' jaguó' Jesús mi~ canúur~ lajii' júu` e fé' dsea` do.

42 Jo lalab casí' i dsea` do i dseamí' dsea` góor` do:

—Jo lana dseáng' lajang' júu` nijá' lí'naa' júu` quiá' i dsea` na, co' dseáng' nicanú'baa' yee'naa' jial lí' júu` quiá'r~, jo o' jii' e júu` e cajmée' 'nu' jnea' do. Joba' nine'baa' jogui nita~ bi dsí'naa' cajo e dsea` íb' i láang` dsea` jmigüi' jee~ jalé' dsee~ quiá'ñ'.

Mi~ cajmi'leáang` Jesús jaang` siming' jiuung`

43 Jo mi~ cangí' e tú~ jmi' e caje' Jesús cóo' i dsea` do, cagüi'í'bre e fí' guóo' uó' lí' se' Samaria do jo ca'ib~tur fí' e ngóor' fí' lí' se' Galilea.

44 Dsaco' lí' laco'gui jii' júu` e tíng' Jesús, e jii' jaang` dsea` i fé' cuaiñ~ quiá' Fidié~ fa' jmi'gó' dsea` góor' ír'.

45 Jo dsu' mi~ caguéng' Jesús fí' góor' fí' lí' se' Galilea, jalém' i dsea` i seeng` fí' jo guiáb~ ca'íñ' dsea` do, co' jaléng' i dsea` í' cangolíim'bre fí' Jerusalén e catí' jmi' Pascua, jogui cangá~bre jalé' e quí' jmi' e cajmée' Jesús ie~ jo.

46 Jo lajee' jo caquim' tu Jesús fí' e fii' e sii' Caná do e née' lí' se' Galilea e fí' lí' cajmээр' e ca'uíng~ jmi' mí' huíng' jó' e jmi' do. Jo fí' job niseeng' jaang` dsea` nu'luu~ quiá' jaang` dseata~ dsea` féng', jo dsea` í' niseeng' jaang` siming' jiuung~ quiá'r i niráang` dsée' fí' e fii' e sii' Capernaum.

47 Joba' mi~ tí' lí' calíiñ' dsea` do e nitáang` Jesús e fí' fii' jo e jaiñ' fí' lí' se' Judea, joba' cangó~bre fí' lí' táang` dsea` do, jo camír' dsea` do jmi'ee' fa' e nidséiñ' do fí' quiá'r e nidsijmi'leáaiñ' i siming' jiuung~ quiá'r do, co' ráaiñ' do e tí' lí' nijúum~bre.

48 Joba' cañíi Jesús quiá' i dsea` do jo cajíiñ':

—'Nú' ja' já' nilíim'bi' fíng song ja` nimó'na' jalé' lí' e quí' i jmi' jmóo'.

49 Joba' cañíi tu i dsea` nu'luu~ do quiá' Jesús jo casí'r~ dsea` do:

—Fí'i, fa' gíéé' o' e guó'ba' lajminá~ fí' quié~ e ná' gui e nijúung~ i jiuung~ quié~ e do.

50 Joba' lalab cañíi Jesús quiá' i dseañu' do jo casí' reiñ':

—Quíng' tu fí' quíi', co' nica'láam~ jóo'.

Joba' lajob cajmée' i dseañu' do, caquim'~tur fí' quiá'r~, co' jáb' calíiñ~ lajii' júu` e casí' Jesús ír'.

51 Jo lajee iuuiñ fí e ngaiñ fí quiá bre mi cajíñ guiá fí i dsea léeng quiá r i jalíng fí jo, jo lalab cajíng dsea do mi cajíñ:

—Nica láam jóo.

52 Jo mi canúu i dsea do e júu jo, joba cajming reiñ do e í dseáng e ca láang i jóor do.

Joba lalab cañi i dsea léeng do quiá r:

—Lado guié la ii coo e ca lóob caguá iu guíñ jo ca láam bre.

53 Jo mi canúu i tiquiá i jiuung do e júu jo, joba dseáng calilí r e dseáng e í job mi casí Jesús ír e nica láam jóor. Joba i dsea do colíng cóo jaléng dsea sinúu quiá r cajám yaaiñ fí jaguó Jesús ie jo.

54 Jo cóo e nab catí tú e lí e quí Jesús jmí e cajméer ie mi caquing tú fí lí se Galilea e jaiñ fí lí se Judea.

5

Mi cajmi leáang Jesús jaang dsea i caang tí

1 Jo mi cangí gui lajo, mi catí tú í e jmóo dsea Israel jmí fí Jerusalén, joba fí job caquing tú Jesús e ngotíñ e jmí jo.

2 Jo ie jo, e fí dsí ía cuu e si lacúng Jerusalén do, quiéng coo o'nú fí lí ngíng jaléng jo se jiuung i tíng dsea Israel jngaiñ mi tí jmí. Jo quiá e o'nú do silí coo lí a jmí e fe eáang e sii Betzata cóo jmí hebreo. Jo e fí ni e lí a jmí do quiéng níá ni'núu ji,

3 Jo fí job seeng fíng dsea dsé e lí doñí ee jmohuí líñ; do i tiuung, dogui i jlúu, dogui i caang tí i teng ni uó. Jo jaléng í sijeeñ e nijó e jmí do.

4 Co fé dsea e seab mi jgáang jaang ángel fí dsí e jmí do, joba nijób e jmí do mi nijgiáang í; jo mi calí jo, i dsea la'uii i ni fí dsí e jmí do, joba ni leáam bre jóng lí doñí ee jmohuí líñ.

5 Jo jee jaléng i dsea dsé do ni quiéng jaang dseañ i nidsé lajii ningoó guigui dsí níá ii.

6 Jo mi caguié Jesús fí jo, cangáñ i dseañ i dsé do e dob ráaiñ jogui caliñir e lajii lí ba nidsé i dsea do, joba cajming reiñ do jo casí reiñ:

—¿Iñ e ni leáan lajii jmohuí lin'?

7 Joba cañi i dsea dsé do quiá Jesús lala:

—Fíi, ja ii seeng fa ii nijmicoo jnea e ni'ú u fí dsí e jmí do mi cangí e nijó, jo co' lacoo ya' mi iin n ni'ú u fí jo, dsea jiém dsijéng quié e.

8 Joba cañi Jesús quiá i dsea do:

—Ráan, jo see e 'ma lí dsín na jo guóng'.

9 Jo dsifí lanab ca láang i dseañ do, jo cacó bre e 'ma lí dsíñ do, jo canaiñ ngí bre jóng. Jo ie jo dseáng cangotíng jmí e jmi'ing dsea Israel.

10 Joba mi cangá i dsea quié nifí quiá dsea Israel e ni quié i dsea ca láang do e 'ma lí dsíñ do, joba lalab casí r dsea do:

—Jmí e jmi'im dsea lana, joba ja cuóong fa e co' e 'ma na.

11 Jo dsu lalab cañi i dsea i lami dsé do quiá i dsea góor dsea Israel i casí ír lajo:

—Jo i dsea i cajmi leé quié e do casí r jnea lala: “Ráan, jo see e 'ma lí dsín na jo guóng'.”

12 Joba cajming tú i dsea Israel do i dseañ do jo cajíñ:

—¿Iñ gui i dsea i casí 'nu e nicó e 'ma lí dsín do jogui e niguón'?

13 Jo dsu i dseañ do jii ja ñir i i cajmi leáang ír do, co' ladsifib cango'ing tú Jesús jee i dsea fíng i siseáng do ie jo.

14 Jo mi~ cangf̂ jo, dob cadséng' tu Jesús i dsea` i cajmi'leáaiñ` do fi' dsí' sináa^ guá'- fé' e si' fi' Jerusalén jo lalab casí'- reiñ' do:

—Janú', lana nica'láam`ba' lajii~ jmohuú' e lami~ lin', jo jie~ mí ee`tu' dsee` calé' catú-, dsuco' f̂ng song cajmee`tu' lajo, joba' huñg'guib nidsijéé' quíi'- jóng.

15 Jo ngf̂ jo, cangób` i dseañu' i lami~ dsée' do e cangojmea'r' júu^ jaléng' i dsea` i quie' nifi' quíá'- dsea` Israel e Jesús sii` i dsea` i cajmi'leáang` ír' do.

16 Joba' jaléng' i dsea` Israel do ningir' 'náaiñ` Jesús e laco' nijmeáiñ` dsea` do ga` uíi~ e cajmées` dsea` do e jo 'ñia' ie~ jmii~ e jmi'ing' jaléng' dsea` góor` dsea` Israel.

17 Jo dsu' Jesús lalab casí'r` jaléng' i dsea` do:

—Tiquié` e ja` mí catár` jii~ cateá` ta` quíá'r`, jogui lajob jmóo` jnea~ cajo.

18 Jo mi~ canúu` jaléng' i dsea` i quie' nifi' quíá'- dsea` Israel do e cajíng' Jesús lajo, joba' eáang'guib ca'f̂ dsíir' e nijngáiñ` dsea` do, co' o' jii~ e cajmi'leáaiñ` i dsea` dsée' do 'ñia' ie~ jmii~ e jmi'ing' dsea` góor` dsea` Israel, co' lajob cajo fé'r' e røøb` líiñ' cóo~ Fidiéé` mi~ fé'r' e Fidiéeb` dsea` líng' Tiquíá'r`.

Ja`jmóo` i Jóo' Fidiéé` i camñng' do la tñiñ` 'ñia'r`

19 Jo co' niñib` Jesús jial í dsí' i dsea` do, joba' lalab casí'r` dsea` do:

—E laba' jmitaa^ óo'na', e jii~ cóo` cuøøng` lí jmee~ jnea~ la tñiñ` 'ñiá'a, jnea~ dsea` lín'n i Jóo' Fidiéé` camñng'~, co' dseáng'~ lajii~ e móo`o e jmóo` Tiquí'ii', lajii~ e joba' e jmóo`o cajo. Co' jalé' e móo` jnea~ e jmóo` Tiquí'ii', joba' e job jmóo`o cajo.

20 Co' Tiquí'ii' eáam` 'neáaiñ` jnea~, jogui e'bre jnea~ jalé' e jmóor`; jogui ni'é` bir jnea~ cajo jalé' e niing`gui e laco' nidsi'gó` óo' 'nú' eáang'gui.

21 Co' lí^ laco' jmóo` Tiquí'ii' e jmi'j' tur jaléng'` líi~ jogui e cuør' e niliseeng`tuiñ', joba' lajobi jnea~, dsea` lín'n Jóor', lajob jmóo`o cóo~ jaléng' dsea` i iin`n jmee` cóo~ lajo.

22 Jo Tiquí'ii' ja` quidsir' í' quíá'- jii~ jaang` dsea` uíi~ dsee` quíaiñ`, co' jneab` dsea` nicangñ'n quíá'r` e ta` jo e catñn` n nijmee` e lajo.

23 Jo cajmées` Tiquí'ii' lajo e lí^ laco' lajiiñg` dsea` nijmi'gór` jnea~ lí^ laco'gui jmi'gó` dsea` ír'. Dsuco' i dsea` i ja` jmi'gó` jnea~, dsea` lín'n Jóo' Fidiéé`, joba' lajob cajo ja` jmi'gór` Tiquí'ii', dsea` i casíng` jnea~ fi' jmi'güi` la.

24 Jo e laba' jmitaa^ óo'na', e doñi' i dsea` i já` líng` júu^ quie` e jogui náur` júu^ quíá'- i dsea` i casíng` jnea~ fi' jmi'güi` la, joba' jaléng' dsea` í` niñim`bre e seeiñ` cøøng` cóo~ Fidiéé` lata` jo ja` nidsilíiñ` fi' lí` 'lí^; co' líi` lafa' lami~ sijúum`bre, jo dsu' lana líi` lafa' nicají' tur la'eáang` cóo~ Fidiéé`.

25 Jogui dseáng'~ jmita`baa óo'na' e tí lí~ nitíb` í' jo dseáng' lanab liy e jaléng' dsea` i lafa' líng` uíi~ jalé' dsee` quíá'r` ninúr` júu^ quie` e, dsea` lín'n Jóo' Fidiéé`; jogui jaléng' dsea` i ni'ing' e júu^ jo, niliseem`bre la'eáang` cóo~ jnea~.

26 Jo lí^ laco' Tiquí'ii' Fidiéé` 'ñia'bre dsea` cuør' e seeng` dsea`, joba' lajob cajo dsea` í'bing' i nicacuø' jnea~, dsea` lín'n Jóor', e laco' 'ñiá'baa dsea` cuøøø` dsea` e seeiñ`.

27 Jogui nicacuø'bir jnea~ e oo` ta` e niquidsii` í' quíá'- jaléng' dsea` jmi'güi` uii~ quíá'- jalé' dsee` quíaiñ`, co' jneab` dsea` cagá` a fi' ñifi` e lín'n jaang` dsea` jmi'güi`.

28 Jo ja` güidsigá` óo'na' quíá'- jalé' e fñi` i 'nú' la, co' niguiéeb` jmii~ mi~ jaléng' dsea` i ni'liing` ninúr` júu^ quie` e

29 jo ni'uóñiñ` fi' dsí' ée` quíá'r`. Jo ie~ jo jaléng' i dsea` i ca'ée` jmang' e guiú` nijí' tur e laco' niliseeiñ` cøøng` cóo~ Fidiéé`, jo dsu' jaléng' i dsea` i cajmées` jalé' e ja` dseeng` nijí' tur e lí^ laco' ni'íñ` i iihuá'.

Jie` fi' lí` jáa' fi' quíá'- Jesús cóo~ jalé' e jmóor`

30 Jo fñi` túu` 'nú' e jii~ cóo~ cuøøng` lí jmee~ jnea~ la ñii` 'ñiá'a. Co' jnea~ mi~ quidsii` í' quíá'- jaléng' dsea`, e jo jmóo`o laco' ta` quíá' Tiquí'ii' Fidiéeb`, jogui dseáng' røøb` jalé' e jmóo`o do cajo. Jo ja` jmóo`o la tñiñ` 'ñiá'a jalé' e jo, co' lajii~ e iing` Tiquí'baa' e jmóo`o, co' dsea` íb` i casíng` jnea~ fi' jmi'güi` la.

31 Jo faco' jnea~ fá'a juguiá~ cuaiñ~ quié~ e 'ñiá'a, joba' ja` e quíng' jíi~ coo` e júu^ do fí' quiniá^ 'nú' jóng.

32 Jo dsu' seem` jaang`gui i fé' guiá~ uii~ quié~ e, jogui tab~ dsii~ e jalé' e júu^ do quíim' fí' quiniá^ 'nú'.

33 Jo 'núb' dsea` casíing`na' dsea` i cangojmingí~ i Juan i seáang` dsea` jmií~ do i~ dseáng'- jnea~, jo tab~ dsii~ e j mang'- júu^ jáb'- dseáng'- fé' i Juan do.

34 Jo dsu' jnea~ ja` 'neán~n dsea` jíeng' i nijmé~ júu^ uii~ quié~ e i~ dsea` líng' jnea~; jo fá'a e júu^ la e lí' laco' 'nú' nilí'na' leáng'na' jee~ jalé' dsee~ quíi'na'.

35 'Jo jalé' júu^ e caguia' i Juan do lí' laco' cajlí~ quíi' e coo` e laco' e' dsea` fí'; jo 'nú' lajee~ cateá'ba' cajmi'íáang` óo'na' cóo'~ jalé' e júu^ e caguia' i Juan do.

36 Jogui jalé' e jmóo' jnea~ do eáang`gui cuø' lí~ i~ jnea~, jo eáang`guib niing~ laco' e júu^ e cajíng'- i Juan do uii~ quié~ e; co' lajíi~ e jmóo' jnea~, ta~ job e cacuø' Tiquí'ii' Fidiéé~ jnea~ e nijmee~ e. Jo jalé' e jmóo'o do cuø' lí~ e Tiquí'ii' Fidiéeb~ dsea` casíiñ` jnea~ fí' jmígúf la.

37 Jo i Tiquí'ii' do, dsea` íb` i fé' juguiá~ uii~ quié~ e. Jo dsu' 'nú' ja` mí' canáa~na' júu^ quíá'r~ o'gui mí' cañíng`na're cajo,

38 o'gui seeng`na' e jmití'na' júu^ quíá'- dsea` do, co' ja` mí' ca'íng`na' jnea~ dsea` casíiñ` fí' jmígúf la.

39 Jogui 'nú' dseáng'- tá' camí' júub^ jmitíng`na' e fé' fí' ní~ jí' quíá'- Fidiéé~, co' sijeeng`na' e fa' lajob niliñí'na' jial cuøng` e seeng`na' cøng` cóo'~ dsea` do lata~; jo dsu' jalé' e júu^ do lajíi~ uii~ quié~ baa e fé'.

40 Jo dsu' 'nú' ja` iing`na' fa' nijáang`~ yaang`na' fí' jaguóo` e laco' niliseeng`na' cøng` cóo'~ Fidiéé~.

41 'Jo fí' guí' 'nú', ja` e lí' quié~ jnea~ jial lí' jalé' e fé' dsea` jmígúf uii~ quié~ e,

42 dsu' nicuíim` jnea~ 'nú' guiá~ jial líng`na', jo níñi'baa guiá~ e ja` 'neáang`na' Fidiéé~.

43 Jo jnea~ cagá~ a fí' jmígúf la cuaiñ~ quíá'- Tiquiéé~ e, jo dsu' 'nú' ja` iing`na' jnea~. Jogui faco' jaang`gui dsea` i nijáa` i ja` ii` seeng` i sí' quíá'r~, jo dsu' ni'íim`ba' i dsea` í'.

44 Jo ¿jial já'~ nilíng` 'nú' júu^ quié~ e fíng song líco' jmiféng' rúng`na' lajee~ la'ó' yaang`na' jo dsu' ja` jmi'goo'na' 'ñia' Fidiéé~ dsea` fé'r' guiá~ uii~ quié~ na'?

45 Jo ja` í' óo'na' e jnea~ ni'náñ~n 'nú' fí' quiniá~ Tiquiéé~ e, co' 'lí' yáa~ quíi'na' i sií' Moi~ dsea` ca'níiñ` 'nú' cóo'~ júu^ quíá' ta~ e cajme'r' do, jo íb` i sijeeng` 'nú' i nijmicóo'~ quíi'na'.

46 Cofa' 'nú' já'~ calíng`na' lajíi~ júu^ e cajme' i Moi~ do fí' ní~ jí' quíá'r~, joba' lajob já'~ líng`na' jnea~ cajo, co' e fí' ní~ júu^ jo cuaiñ~ quié~ baa e fé'.

47 Jo song 'nú' ja` já'~ líng`na' e júu^ e cajme' í', joba' ¿jial cuøng` e já'~ nilíng`na' lajíi~ júu^ e fí' i 'nú' jóng?

Jo lanab jíi' lí' júu^ quíá'- Jesús e casí'r~ dsea` i quié' nifí' quíá'- dsea` Israel ie~ jo.

6

Mí' cahéng' Jesús 'ñiá' mil dseañu'

(Mt. 14:13-21; Mr. 6:30-44; Lc. 9:10-17)

1 Jo mí' cangf jo, coo` jmií~ cangó~ Jesús lí' lí' 'ngóo' e guiéé' e sií' Galilea do, jogui sií'bi cajo Tiberias.

2 Jo fíim' dsea` ngolíiñ~ fí' lí' ngóo' dsea` do, dsuco' jéeng`gui nicangár~ jalé' e lí' e quíi' dsea` do jmií~ e jmóor' mí' jmi'leáaiñ~ jaléng' dsea` dsée'.

3 Jo mí' caguíé~ Jesús colíing` cóo'~ dsea` quíá'r~ fí' lí' lí' 'ngóo' e guiéé' do, jo cangolíiñ` fí' coo' yá' mó', jo mí' caguilíiñ~ fí' jo, dob caguár` colíing` cóoiñ' do.

4 Jo nijaquíéeng' jmií~ Pascua ie~ jo e quí'~ túng` dsea` Israel e jmóor' fí' Jerusalén.

5 Jo lajee~ guíing~ Jesús e fí' yá' mó' do, cangár~ e i fíng' dsea` nijalíng~ fí' lí' guíiñ~, joba' lalab casí'r~ jaang` lajee~ i dsea` quíá'r~ do i sií' Lii~ jo cajíiñ'~:

—¿Jie~ fí' nidsileá'aa' jalé' e nidø' i dsea` 'leáang~ i nicagüilíng~ la lana?

6 Dsu' cajíng' Jesús e jo e lí' laco' niliñir' e~ nijíng' i Lii' do cuaiñ~ quiá' e jo, co' niñi' bre guiá' 'ñia'r' quiá' jial nijmér~ cuaiñ~ quiá' e do.

7 Jo lalab cañi' Lii' e casí'r' Jesús:

—Nañi' fa' nili' léé' cabøø~ iñi' e nidsé~ laji' cuu' e 'léeng' dsea' lajee' guiáng' si', dsu' ja' niliim' bi' quiá' lajii'ng' i dsea' na e nitíñ' jmá' capí' lajaang' lajaañ'.

8 Jo mi' canúu' e júu' jo i dsea' jaang' gui quiá' Jesús i sií' Dí', i líng' rúng' Tú' Simón, joba' lalab casí'r' Jesús:

9 —Lab sing' jaang' jiuung' i quie' 'ñiá' iñi' e lí' cóo' mí' cebada cóo' gui gáng' 'ñu' i nicuúng', jo dsu' e la ja' jie' lí' nidsibó' jee' i dsea' fíng' na.

10 Joba' cañi' tu Jesús quiá' i dsea' quiá'r' do jo cajíñ' :

—Sí' go' jaléng' i dsea' na güi' né'r' lí' nigüéar' lajaang' lajaañ'.

Jo e fí' mó' jo ia' sea' nuu' rø', joba' fí' job caguá' jaléng' i dsea' do, jo jee' i dsea' do quíng' jie' ja' 'ñiá' mil dseañu'.

11 Jo mi' cangí' jo, ca'ím' Jesús e iñi' e se' i jiuung' do jo cacuø'r' gui' máang' Fidié'; jo mi' cangí' jo, canaañ' jmóor' guié' jee' jaléng' i dsea' i caseáng' do ie' jo. Jo lajob cajo cajmээр' cóo' i 'ñu' do, cajmээр' bre guié' jee' jaléng' i dsea' do car' jie' jí' iñi' do.

12 Joba' mi' tí' lí' calitaang' i dsea' do guiá', lalab cajíng' Jesús casí'r' i dsea' quiá'r' do: —Sití' na' jalé' 'ná' e caseáng' gui na, jo tea' na' líng', co' jí' ca' ná' ja' 'né' nidsitøng'.

13 Joba' lajob cajmээр' i dsea' do, casitím' bre jalé' e 'ná' e caseáng' gui do quiá' laji' 'ñiá' e iñi' cebada do, jo guitú' 'matá' gui carøng' cóo' e 'ná' e caseáng' do.

14 Jo mi' tí' lí' cangá' i dsea' fíng' do e lí' e quí' Jesús jmii' e cajmээр' do, joba' canaañ' síiñ' lajee' yaañ' jo fé'r':

—I nab dseáng' dsea' i cajíng' Fidié' i nisíñ' fí' jmigüi' la i nifé' cuaiñ~ quiá'r'.

15 Jo niñib' Jesús e i dsea' i fíng' do iñi' nitøø' bre ír' la'úung' e laco' nicár' nifí' quiáñ' do, joba' cajmi' nám' tu 'ñia'r' jee' i dsea' do, jo cajgóor' calé' catú' cartí' yú' e mó' do e laco' niliúng' 'ñia'r'.

Mi' cangí' Jesús fí' ni' jmii'

(Mt. 14:22-27; Mr. 6:45-52)

16 Jo mi' tí' lí' jaquiéeng' e ni' í' núu' e jmii' do, i dsea' quiá' Jesús do catisím' bre fí' lí' née' e guiéé' do.

17 Jo mi' caguiliñ' fí' 'ni' e guiéé' do, cangotáam' bre fí' dsí' cóo' móo', jo canaañ' cua' bre e guiéé' do e teáañ' fí' ngoliñ' fí' Capernaum. Jo coøb' mi' ca' í' núu', jo dsu' Jesús ja' mí' cajím' bi' rúñ' cóo' i dsea' quiá'r' do.

18 Jo lajee' ngolíng' i dsea' quiá' Jesús do e teáañ' fí' dsí' e móo' do, jo cóo' canaang' e í' guí' e teá' eáang', joba' canaang' e róo' jmii'.

19 Jo lajee' ngoliñ' e fí' ni' jmii' do tib' jiu' la 'ñiá' osi' jñu' kilómetro, jo cóo' cangám' bre Jesús e nijaquiéeng' dsea' do fí' quiá' e móo' do e nijaiñ' ngir' fí' ni' jmii'. Jo mi' cangáng' i dsea' do Jesús e jang' dsea' do ngir' fí' ni' jmii', joba' cajá' e 'gó' bre.

20 Joba' dsifí' lanab cajíng' Jesús casí'r' i dsea' do lala:

—jneab' la, jo ja' føøng' na!

21 Jo i dsea' quiá'r' do e íaang' dsí' bre ca' iñ' dsea' do fí' dsí' e móo' lí' teáañ' do; jo dsu' lajee' job e jí' ja' lí' lanab catíñ' lajaléñ' do fí' uø' quiá' e fí' lí' si' í' nitíñ' do.

Mi' canaang' i dsea' fíng' do 'náñ' Jesús

22 Jo mi' cajneá' e jmii' jo, jaléng' dsea' i sijeeng' Jesús lí' lí' 'ngóo' cataang' e guiéé' do calilí'r' e jaléng' i dsea' quiá' Jesús do nicangolíim' bre cóo' e móo' cóo' 'ñia' e si' do jéeng' gui, jo dsu' Jesús ja' mí' cangaiñ' cóo' i dsea' quiá'r' do.

23 Jo lajee' job caguiliñ' jiéng' gui dsea' i teáang' dsí' móo' i jalíng' fí' cóo' fí' e sií' Tiberias, jo caguiliñ' fí' guóo' uø' quiá' quiá' fí' lí' cagó' i dsea' i fíng' do mi' cangí' e cacuø' Fí' naa' Jesús gui' máang' Fidié'.

24 Jòba' mi~ tí lí~ calilí^ ì dsea` fíing' do e jo` seeng` Jesús fí' do o'gui ì dsea` quiá'r~ do, jòba' cajgóo~bre fí' dsí' còo` móo', jò cangoliñ^ cango'néem~bre dsea` do fí' Capernaum.

Jesús líiñ' laco' e iñí' e cuø' e seeng' dsea` lata~

25 Jò mi~ tí lí~ caguiling` ì dsea` fíing' do fí' lí' lí' 'ngóo'~ cataang` e guiéé' do, jòba' fí' jòb cajíñ' Jesús jò lalab cajmingí'r~ dsea` do:

—Tifa', ¿lí~ cañing'~ 'nua' fí' la?

26 Jòba' cañíi' Jesús quiá'~ jaléng' ì dsea` do jò cajíñ'~:

—E laba' jmitaa^ óo'na' e 'nú' 'náng'tu' jnea~ lana, dsuco' lado guiéé~ caquié'na' car caróm~ba', jò dsu' ja' 'náng'na' jnea~ uiing~ quiá'~ e nicangáng'na' e~ guøng' jalé' e lí~ e quí'~ i jmiñ' e nicajmé~ e do.

27 Jòba' fíi' i 'nú' ja' jmiquíng'~lí óo'na' cuaiñ~ quiá'~ jalé' e gø' dsea` e ja' huøø^ ee~, cò' 'nú' lí' lí' 'né~ e guing~ óo'na' cuaiñ~ quiá'~ jalé' e taang~ dsea` e sea` contøøng~, cò' e jòba' e cuø' e seeng` dsea` cøøng` còo' Fidiéé~ lata~. Jò e jòba' nicuøø^ jnea~ jaléng' dsea~, jnea~ dsea` gáa'a fí' ñiff~ e lín'n jaang` dsea` jmigüi', cò' ta~ jòba' casíng` Tiquí'ii' Fidiéé~ jnea~ fí' jmigüi' la.

28 Jòba' cajmingí'r~ ì dsea` do Jesús, jò casí'r~ dsea` do lala:

—¿E~ 'né~ nijmó^ jnea'^ e laco' niliti~ jalé' e iing~ Fidiéé~ e nijmó^oo'?

29 Jòba' lalab cañíi' Jesús quiá'~ dsea` do:

—E lab e iing~ Fidiéé~ e 'né~ nijmee~na', e ni'íng'~na' jnea~, dsea` ì casíñ' fí' jmigüi' la.

30 Jòba' cañíi'tu ì dsea` do quiá'~ Jesús, jò casí'r~ dsea` do lala:

—Jogui 'nua', ¿e~ lí~ e quí'~ jmiñ' cuøøng` lí' jméé'^ quí'naa' la e laco' já'~ nilí'naa' júu' quí'~? jogui ¿e~ jalé' jmoó' 'nua'?

31 Cò' lalab júu^ sea` quiá'~ 'lí~ dsea` áang' quí'ii' e cangüiñ' e cagø'r' iñí'^ e sií' maná lajee~ cangir' fí' ni~ guóo'~ uø' quí' malii~gui lí'^ laco'gui la fé' fí' ni~ jì quiá'~ Fidiéé~ lí' fé': "Jò Fidiéé~ dsea` cacuø' jaléng' ì dsea` do iñí'^ e cagø'r' e jáa' fí' ñiff~."

32 Jòba' lalab cañíi' Jesús quiá'~ ì dsea` do jò cajíñ'~:

—E laba' iin~n jmitaa^ óo'na', e o' Moi' ì cacuø' ì dsea` áang' quí'na' do e iñí'^ e cajalí' fí' ñiff~ do, dsuco' 'ñiab' Tiquié'e Fidiéé~ dsea` cuør' e iñí'^ e já'~ e jáa' fí' ñiff~ do.

33 Dsuco' jnea~, dsea` gáa'a fí' ñiff~, lín'n laco' e iñí'^ e cuø' Tiquí'ii' Fidiéé~ do e laco' liseeng` dsea` cøøng` còo'r~ lata~.

34 Jòba' ì dsea` do camí'r' Jesús lala jò cajíñ'~:

—Fí'i, cuøø'~ jnea'^ contøøng~ e iñí'^ jò.

35 Jòba' casí'~ Jesús jaléng' ì dsea` do jò cajíñ'~:

—Jneab~ dsea` lín'n e iñí'^ e cuø' e seeng` dsea` lata~; jogui ì dsea` ì já'~ líng' júu' quié~ e jogui nicajáng' yaaiñ~ fí' jaguóo'o, jòba' jò tóo' jmiñ' fa' niguiá'gui jmi'aañ~ o'gui jmiñiñ'.

36 Jogui lí'^ laco' jii' e nicafíi' i 'nú', nañí' fa' nicañíim'ba' jnea~, dsu' ja' já'~ lím'bi' jnea~.

37 Jò jaléng' dsea` ì nicacuøng' Fidiéé~ jnea~, jòba' jaléng' dsea` í' ím'bre jnea~; jogui jaléng' ì dsea` í' ni'íim'~baare cajo.

38 Cò' jnea~ ja' cagá'a fí' ñiff~ e cagajmée'e lajii'~ e iin~n 'ñiá'a, cò' cagá'a e lí'^ laco' cagajmée'e lajii'~ e iing~ Tiquié'e e nijmee~baa, cò' íb' dsea` ì casíng' jnea~ fí' jmigüi' la.

39 Jò ì dsea` ì casíng' jnea~ fí' jmigüi' la iin~ e ja' ni'íng' jii'~ camíng' ì dsea` ì nicacuøiñ' jnea~ do, cò' lí'^ lí' iin~ e nijmee~ e e nijí'tur mi~ tí lí' jò.

40 Cò' lajii'~ e iing~ Tiquié'e Fidiéé~ e jaléng' dsea` ì jáng' yaang~ fí' jaguóo'o jogui já'~ líiñ' júu^ quié~ e, jnea~ dsea` lín'n Jóo' Fidiéé~, jòba' iing~ Fidiéé~ 'ñia'r' e jaléng' ì dsea` í' ni'íim'bre e niliseeíñ' cøøng` còo'r~ lata~; jogui jnea~ nijmee~ e e nijí'tur mi~ tí lí' nití' í' lajò.

41 Jò mi~ tí lí' canúu~ ì dsea` Israel do e júu^ quiá'~ Jesús do, jòba' canaaíñ' éeiñ' dsea` do lajee~ la'ó' yaaiñ~, cò' dsea` do fé'r' e íbre dsea` líiñ' e iñí'^ e cajgó~ fí' ñiff~.

42 J_ob_a' canaa_{iñ} s_i' r_uiñ' lala:

—J_o ¿su o' i Jesús labi i líng' i j_oo' Sé' do? Co' jneaa~aa' cuim'baa' i~ niquiá'r^ jogui i~ tiquiá'r^, j_o ja' ne~naa' jialí' fé'r' e jáar' fí ñiff'.

43 J_o mi~ canú~ Jesús e júu^ j_o, j_ob_a' casí'~reiñ' do lala:

—Túu'na' e éeng'na' jnea~.

44 J_o f_i i 'nú' e j_ii~ jaang` dsea` cuøøng` lí jáng' 'ñia'r' fí jaguóo`o fíng song Tiquí'ii' Fidié~ i casíng` jnea~ fí jmigüi' la ja' nijajéeng` i dsea` í fí quinií~; jogui jneab~ dsea` nijmé~e e nijí'tu jaléng' i dsea` í mi~ tí lí j_o.

45 J_o lalab fé' fí ni~ jì quíá'~ Fidié~ e cajme' i dsea` i café' cuaiñ quíá'r~ mali~gui eáang' ie~ lami~ cajíñ' lala: “Fidiéeb` dsea` ni'é'r~ lajaang` lajaang` dsea~.” J_ob_a' jaléng' dsea` i ninú~ júu^ quíá'~ Tiquí'ii' do jogui nilitíiñ` guiá~ quíá'~ dsea` do, j_ob_a' cóo'~ jneab~ nijatáaiñ~ jóng.

46 J_o dsu' ofa' fá'a e seeng` dsea` i nicangáng~ Tiquí'ii', co' laj_ii~ jnea~bing' i nicangáng~ dsea` do, j_o íb` dsea` i casíng` jnea~ fí jmigüi' la.

47 J_o e laba' jmitaa^ óo'na' e jaléng' dsea` i já' líng' júu^ quíé~e, j_ob_a' cøøng` liseeiñ` cóo'~ Fidié~ lata~.

48 J_o dseáng'~ jneab~ lín'n e iñí'^ e cuø' e seeng` dsea` lata~.

49 J_o jaléng' 'lí~ yúu'~ quíi~ 'nú' cagó'bre e iñí'^ e sií maná do ie~ lami~ cangir' fí ni~ guóo'~ uø~ quíú' do, j_o dsu' nañí fa' cagó'r' e j_o co' cajúm~bre mi~ catí í' quíá'r~;

50 j_o dsu' jnea~gui fá'a quíá'~ e iñí'^ e jáa' fí ñiff' do, co' ií dsea` i ni'íng' e nidó' e j_o, j_ob_a' ja' tóo' jmií~ fa' nijúuiñ~.

51 Jogui co' jneab~ dsea` lín'n e iñí'^ e nicajá~ fí ñiff' e laco' cuø' e seeng` dsea` lata~, j_ob_a' doñí ií dsea` i ni'íng' e nidó' e iñí'^ j_o, j_ob_a' dseáng'~ lata~ niliseeiñ` cøøng` cóo'~ Fidié~. J_o e iñí'^ j_o lí ngúu' táam'baa, co' e j_ob_a' nijáa'~a e laco' cøøng` niliseeng` dsea` cóo'~ Fidié~ lata~.

52 J_o mi~ tí lí canú~ i dsea` Israel do e júu^ j_o, j_ob_a' canaa_{iñ} t_ing' júu^ quíá'r~ lajee~ la'ó' yaaiñ~ uii~ quíá'~ Jesús, j_o jmíng'í~ rúíñ' lala:

—J_o ¿jial cuøøng` e i dseañu' na nicuør~ ngúu' táaiñ` e lafa' niquiee~naa'?

53 J_ob_a' cañí'tu Jesús quíá'~ i dsea` do j_o casí'~reiñ':

—Dseáng'~ e laba' jmitaa^ óo'na', e song 'nú' ja' ni'íng'~na' jnea~ laco'gui mi~ jmitaang~ yaang~na' guiá~ cóo'~ e iñí'^ do, o'gui ni'u'na' jmi'øøñ~, jnea~ dsea` cagá~a fí ñiff' e lín'n jaang` dsea` jmigüi', j_ob_a' ja' quíí~ jmií~ jóng e nilí'na' e niliseeng'na' cøøng` cóo'~ Fidié~ lata~.

54 Co' i dsea` i íng' jnea~ lí' laco'gui mi~ jmitaang~ yaaiñ~ guiá~ jogui í'r' jmi'øøñ~, j_ob_a' dsea` íb` i niñíng` e niliseeiñ` cøøng` cóo'~ Fidié~ lata~; jogui jneab~ nijmee~e e nijí'tu jaléng' í mi~ nití' í' laj_o.

55 Dsuco' mi~ íng' dsea` jnea~, lí' coo' e gø' dsea` e laniing~ íng' ta~ quíá'r~, jogui e jmi'øøñ~ do, lí' coo' e í' dsea` e laniim~ cajo.

56 Co' i dsea` i íng' jnea~ lí' laco'gui mi~ jmitaang~ yaang~ dsea` guiá~ jogui i í' jmi'øøñ~ do, j_ob_a' cøøm` niliseeiñ` cóo'~ jnea~, jogui laj_obi jnea~ cajo cøøm` niliseen~ cóo'~ ír'.

57 J_o Tiquí'ii' Fidié~ i casíng` jnea~ fí jmigüi' la contøøm~ seeiñ~, jogui la'eáang' íba' seeng` jnea~ cajo; jogui laj_obi jaléng' i dsea` i íng' jnea~ laco'gui mi~ jmitaang~ yaaiñ~ guiá~, dseáng'~ contøøm~ niliseeiñ` la'eáang' cóo'~ jnea~.

58 J_o fá'a e júu^ na cuaiñ~ quíá'~ e iñí'^ e cajgó~ fí ñiff', co' e iñí'^ la ja' lí laco' e iñí'^ e sií maná do e cagó' 'lí~ yúu'~ quíi~na' lajee~ cangir' fí ni~ guóo'~ uø~ quíú', co' nañí fa' cagó'bre e j_o, j_o dsu' cajúm~bre mi~ catí í' quíá'r~; dsu' jaléng' i dsea` i íng' jnea~ laco'gui mi~ jmitaang~ yaaiñ~ guiá~ cóo'~ e iñí'^ do, j_ob_a' dseáng'~ latab~ niliseeiñ` cøøng` cóo'~ Fidié~.

59 J_o lanab j_ii~ lí' júu^ quíá'~ Jesús e ca'e'r' jaléng' dsea` i caseáng' e fí sinúu' guá'~ quíá'~ dsea` Israel e si' fí Capernaum.

Seem`dsea`i ja`ing` júu` quiá'- Dsea` Jmáang`

60 Jõba' mi' tí' lí' canúu' ì dsea` do lajii' e cajíng' Jesús do, ì fíim' jaléng' ì dsea` do ì lamí' ngí' cóo'r' do cajíñ' lala:

—Dsíng' huíng' e ni'íng' naa' lajii' e júu' e fé'r' na, jõ ja' lí' dsi'naa' e seeng`dsea`i ja' nilíng' lajii' júu' quiá'r'.

61 Jõ cõ' niñib' Jesús lajii' e ée' ì dsea` do quiá'r', jõba' cajmingí'r' dsea` do lala:

—¿Su 'ní' máam' 'ná' e júu' quié' e la?

62 ¿E' ni'í' áa'na' fíng song nimáang`na' jnea` e niníng' túu' fí' lí' lamí' guiin`n fí' ñíff', jnea` dsea` cagá' a fí' jõ e lín'n jaang`dsea` jmigüi'?

63 Jõ e Jmiguí' quiá'- Fidiéeb' e cuø' e seeng`dsea` lata~, jõ dsu' ja' quí' dsea` jmigüi' jmí' fa' e nijmér' e niliseeng`dsea` lata~; jõgui jalé' júu' e nicafí' 'ná' na lí' la'eáang` cóo' Jmiguí' quiá'- Fidiéé', jõgui cajo cuø' e liseeng`dsea` lata~.

64 Jõ dsu' seem` 'ná' ì ja' mí' ca'ím' bi' júu' quié' e latí' lana.

Jõ cajíng' Jesús lajõ cõ' ñi'bre guiá' latí' mi' uíng' ì jaléng' ì dsea` do ì dseáng' ja' ni'íng' ír', jõgui ì ì nijáng' ír' fí' jaguó' jaléng' dsea` cøøng' e quiá'- e nijúuiñ'.

65 Jõgui lalab cajíng' guir:

—Jõ uí' e lajõb' lí', jõba' nicafí' 'ná' e jii' jaang`dsea` cuøøng' lí' jáng' 'ña'r' fí' jaguó'o' fíng song ja' nijajéng' Tiquí'ii' Fidiéé' ír' fí' quini'.

66 Jõ latí' ie' jõb, ì fíim' dsea` ì lamí' ngí' cóo' Jesús catiúum`bre dsea` do, jõ caquium'bre e ngir' cóo' dsea` do.

67 Jõ cõ' calilíb' Jesús e jõ, jõba' cajmingí'r' ì dsea` guitúung` quiá'r' do jõ cajíñ':

—Jõ ¿su la quié' 'náb' iing`na' nijmi'naang`yaang`na' quié' e cajo?

68 Jõba' cañi' Tú' Simón quiá'- Jesús jõ cajíñ':

—Fí'naa', dseáng' ja' í' dsi'baa' e nidsitáang`naa' cóo' dsea` jiéng', cõ' jii' 'nub' dsea` cuø' júu' quiá'- jial seeng`dsea` cøøng` cóo' Fidiéé' lata~.

69 Jõba' jnea', nicajáang` yee`naa' fí' jaguó'o', cõ' dseáng' nitab` dsi'naa' e 'nub' lin' dsea` ì casíng' Fidiéé' fí' jmigüi' la e lin' dsea` güeang` quiá'r'.

70 Jõba' lalab cañi' Jesús quiá'- ì dsea` quiá'r' do:

—Jneab` dsea` nicaguín`n 'ná' e nilíng`na' dsea` guitúung` quié' e, jõ dsu' jee` 'náb' quijgeáang` jaang` ì nilíng` dsea` quiá'- fii' ì 'líng'.

71 Jõ mi' cajíng' Jesús lajõ, café'r' dsu' e éeiñ' ì Judas ì líng' jõo' Simón Iscariote, jõ ja' e lí' e ì Judas do quíim'bir jee' ì dsea` guitúung` do, dsu' dsea` í'bing' ì nijáng' Jesús fí' quini' dsea` cøøng' e quiá'- e nijúuiñ'.

7

Ji'gui jaléng' rúng' Jesús ja`já' líiñ` júu` quiá'- dsea` do

1 Jõ mi' cang'gui lajõ, dob ngí' Jesús fí' jalé' fii' e tée' lí' se' Galilea e jmóor` lajii' ta' sinúr'. Jõ ie' jõ ja' iin` dsér' fí' lí' se' Judea, cõ' jaléng' dsea` góor` dsea` Israel ì teáang` nífi' ì seeng` fí' jõ 'náíñ' dsea` do e iin` nijngám' breiñ'.

2 Dsu' ie' jõ nijaquiéeng` jmí' quiá'- dsea` Israel e quí' tiiñ` jmo'r' 'núu' má' 'ma' e laco' jmiguiéng' dsír' jial mi' cangir' fí' ni' guóo' uø' quiá' malí' gui eáang',

3 jõba' lalab cajíng' jaléng' ì rúng' Jesús do jõ casí' reiñ':

—Ja' guíng' já' fí' la, jõ fí' lí' se' Judeab guó', jõ lajõba' jaléng' dsea` ì tí' dsí' núu' júu' quí' ì seeng` fí' jõ nijøø'r' jalé' e quí' jmí' jmoo'.

4 Cõ' mi' jaang`dsea` iin` e nilicuí'gui dsea` quiá'r', jõba' fí' lí' jøø' dseab' 'né' jmér' jalé' e jmóor' do. Jõ cõ' 'na' jmoo' jalé' e dsigá' dsí' dsea', jõba' fí' quini' dsea` fíim' 'né' jmé' jalé' e jõ.

5 Jõ fé'r' lajõ cõ' ji'gui jaléng' ì rúng' Jesús do ja`já' líiñ` júu' quiá'- dsea` do.

6 Jõ lalab cañi' Jesús quiá'- ì rúñ' do jõ cajíñ':

—Ja`gui mí catí í' quié`e e nijmijnéeng` ñiá'a fí quini` fíing` dsea, jo dsu' quíi` 'nú' doñí` ee` jmíib` cuóøng` lí güilíng`-na' jié' fí lí` iing`-na'.

7 Jo fíi`-i` 'nú' e ja` ee` uing`~ sea` quía'- jaléng` dsea` jiéng` e nilí` 'ní' níñ` 'nú', jogui dsu' jnea`gui contøøm` 'ní' níng` dsea, co' jnea` jmóo`o e liñí` dsea` røø` uii` quía'- jalé' e ga` e jmóor`.

8 Joba' fíi`-i` 'nú' e cuóøm` lí güilíng`-na' e jmíi` jo, jo dsu' ja` lí` nii` jnea` lajminá`, co' nabi ja` mí catí í' quié`e e nijmee` e lajo.

9 Jo lanab casí`- Jesús i` rúñ` do, jo dob cajer` fí lí` se` Galilea, jo i` rúñ` do cangolíim` bre fí lí` tí` jmíi`.

Mí` cangotíng`- Jesús jmíi` quía'- 'nú' má' 'ma' fí` Jerusalén

10 Jo mí` cangí` e cangolíng` i` rúng` Jesús do fí lí` catí` jmíi`, joguiba' cangó` Jesús fí jo, jo ja` fíing` dsea` i` ngolíng`- cóo`r~, co' ja` iññ` dsér` fí jo jee` dsea` fíing`.

11 Jo lajee` tí` e jmíi` do, jaléng` dsea` quie` nifí` quía'- dsea` Israel ngir` ta` 'náng` Jesús, jo sñiñ` lajee` la'ó' yaaiñ` jo fé'r` lala:

—¿Jie` fí` iuung` i` dseañu` do?

12 Jo eám` sñng` jaléng` i` dsea` Israel i` siseáng` do cuaiñ` quía'- jalé' e jmóo` Jesús. Jo jee` do quieéng` i` lüng` dsea` i` fé' lala: “Jaang` dseañu` i` guiúm` liññ` do”; jogui jee` dobi` quieéng` dsea` i` fé' cajo: “I` dseañu` í` ja` dseeng` éer, jogui lico' ngir` ta` jmigøøng` jaléng` dseab`.”

13 Jo jee` jaléng` i` dsea` do jíi`~ jaaiñ` teá` dsír` nifé'r` uii` quía'- Jesús, co' 'gó' bre fíng` ee` cajmée` i` dsea` Israel i` quie` nifí` do quía'r` song canúur` jalé' e sñiñ` do.

14 Jo níngoo` guiám`~ e jmíi` do mí` caguié` Jesús fí` dsíi` sinúu` guá' fé' quía'- dsea` góor` dsea` Israel e si' fí` Jerusalén, jo mifíing` canaiñ` e` bre dsea` mí` caguié` fí` jo.

15 Jo eám` dsigá` dsíi` i` dsea` quie` nifí` quía'- dsea` Israel do e núur` jalé' júu` 'goo' e guía` dsea` do, jo lalab sñiñ` lajee` yaaiñ` jo fé'r`:

—¿Jial jmóo` i` dseañu` na e tñiñ` ngáiñ` júu` quía'- Fidiéé, jo ja` ne`ee' fa' jié' lí` nicajmitñiñ`?

16 Joba' lalab cañíi` Jesús quía'- i` dsea` do:

—O' dseáng`- júu` quie` e lajii`~ e ée` e 'nú' la, co' e júu` la jáa' quía'- i` dsea` i` casíng` jnea` fí` jmigüí` lab.

17 Jo doñí` i` dsea` i` guía` dsíi` e nijmitir` laco' la iing` Fidiéé, joba' dsea` í`bing' i` niñí` su jáa' quía'- Fidiéé` jalé' e ee` do osi lí`^ fá'a e la tññ` 'ñiá' baa é.

18 Dsuco' i` dsea` i` fé' la tñng` 'ñia' jmóor` lajo e lí` laco' nijmiféng` dsea` í`bre; jo dsu' i` dsea` i` jmi'úung` e nijmiféiñ` i` dsea` i` casíi` quía'r` do, joba' i` dsea` í` jmang`- júu` jáb`- quier', jo jíi`~ jaang` ja` i` cuóøng` lí` cuó' dsee` ír, co' ja` dsee` sea` quía'r`.

19 Jo cajíng`- gui Jesús:

—Jo e já`- e Moi`bing' cacuø' 'nú' e júu` quia' ta` quía'- Fidiéé` do, jo dsu' jíi`~ jaang` 'nú' ja` jmití`na' e júu` jo. Jo ¿jiali' e iing`-na' nijngáng`^na' jnea`~?

20 Jo mí` canúu` i` dsea` do lajo, joba' cañíir` quía'- Jesús jo cajíñ`-:

—I` 'lim`^ jée` quíi` 'nu! Co' jnea`^ ja` í` dsí`naa' fa' e nijngáng`^naa' 'nu`.

21 Joba' cañíi` tu` Jesús quía'- i` dsea` do jo casí`- reiñ`:

—Mí` 'noo` dsigá`bi áa' 'nú' cóo`~ lajii`~ e cajmé`-e do 'ñia' ie` jmíi` e jmi'íng`naa', jneaa`aa' dsea` líi` dsea` Israel.

22 Jo ie` malíi`gui do Moi` caquiur` ta` e nitó`- coo` e lí` fí` ngúu` táang` lajii`~ yuu` siñuu` lí` laco' quíi`- tñng`naa', jo dsu' e jo o' jíi`~ quía'- Moi` jáa', co' jáa' tí` quía'- 'líi` yúu`~ quíi`-ba'; jogui 'nú' tóo`ba' e lí` do fí` ngúu` táang` jiuung`~ siñuu` quíi`-na' mí` catí` í' quía'r` lajo, jo ja` e líi` quíi`-na' nañí` fa' 'ñia' ie` jmíi` e jmi'íng`naa'.

23 Jogui song 'nú' tóo`na' e lí` do quía'- jiuung`~ siñuu` quíi`-na' dseáng`- 'ñia' ie` mí` jmíi` e jmi'íng` jneaa`aa', dsea` Israel, co' dseáng`- ie` jmíi` jo catí` í' e nijmé`na', jo

jmoo`na' lajō e lí` laco' nijmití`na' e júu` quiá' ta` quiá'- Moi, jōba' lana ja` e uiing` sea` quií`na' e jmiguíng` yaang`na' cóo`~ jnea` uí` e cajmi`leáan`n i dseañu` do `ñia' ie` jmí` e jmi`ing`naa'.

²⁴ Jōba' fí`-i 'nú', ja` cuó`^na' dsee` jaang` dsea` quiá'- lajii` e í` óo`na' e jmóor, co' 'né`-jang`- jmitá` óo`na' dseáng`- røøb` su dseeng` o`si ja` dseeng` é lajii` e jmóo` i dsea` í, jo lajoguiba' cuøøng` e ni`í`na' í` røø`.

Mí` cajíng`- Jesús jie` fí` dseáng`- lí` jáar`

²⁵ Jo mi` canúu` i líng` dsea` i neáng` fí` Jerusalén do júu` quiá'- Jesús, jōba' canaaíñ` jmíng`- rúíñ` jo jíñ`:

—Jo ¿su o' i dseañu` nabi i ngí` dsea` 'naíñ' e quiá'- nijngáng`-neiñ'?

²⁶ Jo jíi` jaang` dsea` ja` i jnáng` quiá'r`, co' dob siñ` guiar` júu` quiá'- Fidié` jee` dsea`. Jo jangám` í` dsí` jaléng` dsea` i quie` nifí` qui`-ii' e dseáng`- já`-ba' e dsea` dob i Dsea` Jmáang` i sijeeng`naa' i nicá` nifí` qui`-ii'.

²⁷ Jo jneaa`guí` ne`baa' røø` jie` fí` lí` jáa' i dseañu` na, jo dsu' mi` nití` í` e nijáa' i dsea` i sijeeng`naa' do, jíi` jaang` dsea` ñir` jie` fí` lí` nijáa' dsea` do.

²⁸ Jo mi` tí` lí` canúu` Jesús lajii` e sáing` i dsea` do lajee` e iuuiñ` e'r` dsea` fí` sináú` guá`- fé' e si' fí` Jerusalén, jōba' cañír` teá` jo cajíñ`:

—E já` e nicuíim`ba' jnea`, jogui` niñ`bi` jie` fí` lí` gáa'a. Jo dsu' jnea` ja` cagá`-a fí` la e la ñi`- 'ñiá'a, co' cagá`-baa dsu' júu` e siná`u quiá`- i lajang` do e jíi` 'nú' ja` cuíng`na' í`.

²⁹ Jo dsu' jnea` cuíim`baare guíá`, co' cuaiñ` quiá`-bre e cagá`-a fí` jmigüí` la, jogui` dsea` í`bing` i casíng` jnea` cajo.

³⁰ Jo mi` canúu` jaléng` i dsea` Israel do júu` quiá'- Jesús, jōba' lamí` iñ` nisám`bre dsea` do, jo dsu' ja` calí`r`- fa' cajméer` lajō, co' ja` mí` catí` í` quiá'- dsea` do fa' e nidsing`iñ`- lajō.

³¹ Jo lajee` jaléng` i dsea` i teáng`- núu` júu` quiá'- Jesús do, fíim` i dsea` í` já`- calíñ`- júu` quiá'- dsea` do ie` jo, jo lalab sáíñ`:

—Mí` nigüéeng` i Dsea` Jmáang` i sijeeng`naa' i nicá` nifí` qui`-ii', ja` lí` dsi`naa' e nijmér`- jmigui`gui jalé' e lí` e quí`r` jmí` laco`gui la jmóo` i dseañu` la lana.

Mí` cajmée` dsea` quijí`- jial nisáíñ` Jesús

³² Jo mi` canúu` dsea` Israel i líng` dsea` fariseo lajii` e sáing` dsea` uii` quiá'- Jesús, jōba' jaléng` i dsea` í` cóo`~gui jaléng` fí` quiá'- jmidsea` casíñ` jaang` gáang`- í` quiá'- guá'- e laco' nidsiséiñ` Jesús e fí` lí` iuung` dsea` do.

³³ Jo co' niñib` Jesús e í` dsí` i dsea` do, jōba' cajíñ`- casí`r` jaléng` i dsea` teáng`- do ie` jo:

—Ja` huøø` eáang` nitaang` jnea` cóo`- 'nú' fí` la, jo mi` ningí` jo, niním`-túu cóo`- i casíng` jnea` e cagá`-a fí` jmigüí` la.

³⁴ Jo ie` jo, fíim` 'nú' ni`nang`na' jnea` jo dsu' jo` niguiéng`na' jnea`, co' ja` quí`- jmí` e nigüíling`na' fí` lí` ninín`n.

³⁵ Jo mi` canúu` i dsea` i quie` nifí` quiá'- dsea` Israel e jo, jo ladsifí` lanab canaaíñ` e jmíng`- rúíñ` lala jo fé'r`:

—¿Jie` fí` lí` nidséng`- i dseañu` na e jo` quí`- jmí` fa' e niguiéng`naa're? Jo jangám` song nidsér` fí` guóo`- uó`- lí` huí` fí` lí` neáng` jaléng` dsea` góo`naa' dsea` Israel e nidsi`éer` jaléng` dsea` i ja` líng` dsea` góo`naa' i neáng` fí` jo.

³⁶ Jo ¿e` guøøng` mí` fé' i dseañu` na e ni`náng` dsea` ír` jo dsu' ja` íi` niguié' quiá'r`, jogui` e ja` cuøøng` íi` nidsilíng` fí` lí` niguiéiñ` do?

Jo lanab casíng` i dsea` quie` nifí` quiá'- dsea` Israel do ie` jo.

Jial lí` mí` íng` dsea` Jmiguí` quiá'- Fidié`

³⁷ Jo 'ñia' ie~ ngóo' cadséng- jmii~ e jmóo' dsea` Israel ie~ jo, jo dseáng'- ie~ jmii~ job e í' dsír' e niing- gui lajee' e jmii~ e jmóor' do. Jo ie~ job casíng' 'ñia' Jesús fí' quini' jaléng' dsea` jo café'r' teá' jo cajíñ'-:

—Song ií' 'nú' lí'na' e jmijmíng-na', joba' ñilíng-na' fí' lí' sín'n la, jo nilí'ba' jmii~ e u^na'.

³⁸ Jo lí' laco'gui la fé' Fidiée' fí' ni~ jì' quiá'- lí' fé'r' lala: “Jo mi~ já'- líng' dsea` júu^ quié-e, jo e jo lí' lafa' niníng' jmii~ fí' dsír'; jo e jo cuó' e liseeiñ` cøøng` cóo' Fidiée' lata~.”

³⁹ Jo cajíng'- Jesús lana uí' quiá'- Jmiguí' quiá'- Fidiée' e ni'íng' jaléng' dsea` i nijá'- líng' júu^ quiá'r-. Jo dsu' e Jmiguí' do ja' mí' cagüea' jee' ír', co' ja' mí' casám'bi Jesús e nidséiñ'- fí' lí' cajár- fí' ñifí' e ni'uíng-tur dsea` laniing-.

Mi~ ca'naang' jaléng' dsea` quiá'- rúíñ' uii~ Jesús

⁴⁰ Jo mi~ canúu- i dsea` do júu^ quiá'- Jesús, jo i líng' i dsea` í' canaaiñ` sñiñ' lala:

—Dseáng'- i dseañu' lab i sijeeng'naa' i nisíng- Fidiée' i nifé' cuaiñ~ quiá'r-.

⁴¹ Jogui i líng'gui i dsea` do fé'r':

—I lab Dsea` Jmáang- i sijeeng'naa' do i nicá' nifí' quí-ii'.

Jo dsu' i líng'guiiñ' do fé'r':

—U~, o' Dsea` Jmáang- i na, co' ja' cuóøng` e dsea` í' nijáar' e líiñ' jaang` dsea` i seeng` fí' lí' se' Galilea.

⁴² Co' lalab fé' Fidiée' fí' ni~ jì' quiá'r- e dseáng'- 'néb- e Dsea` Jmáang- líiñ' dsea` siju` dseata~ Daví'^, jogui 'né- e niníñ' fí' Belén e fí' lí' calí' góo' dseata~ Daví'^.

⁴³ Jo lajob jaléng' i dsea` do ca'naam`bre quiá'- rúíñ' uí' Jesús.

⁴⁴ Jo lajee' i dsea` í' seem'biñ' do i lamí~ iing~ nitøø Jesús e nijníñ- dsea` do, jo dsu' ja' calí'r- fa' cajméer` lajo.

Jaléng' dsea` i quie' nifí' quiá'- dsea` Israel ja' íñ' Jesús

⁴⁵ Jo mi~ caguilíng'tu i í' quiá'- guá'- i casíng' dsea` Israel i líng' dsea` fariseo do i lamí~ sí'í' nisáng' Jesús do, jo i dsea` fariseo do colíng' cóo' jaléng' fii~ jmidsea` cajmíng'f'r- dsea` do jo cajíñ'-:

—¿Jialí' ja' catee-na're?

⁴⁶ Joba' cañí' i í' do quiá'iñ'- do lala:

—Jíi~ jaang` dsea` ja' mí' calicuíng'naa' i fé' jlo' laco' fé' i dsea` do.

⁴⁷ Joba' lalab cañí' i dsea` Israel i líng' dsea` fariseo do quiá'- i í' do:

—Jo ¿su la quie' 'núb' cajo nicaligóng'na' júu^ quiá'r-?

⁴⁸ Co' jíi~ jaang` dsea` quie' nifí' quí-ii' o'gui dsea` Israel i líng' dsea` fariseo caguiaang-gui fa' já'- nicalíñ- júu^ quiá'- i dsea` do.

⁴⁹ Jo dsu' i dsea` i la 'nú' i ja' cuí' júu^ quiu' ta~ quiá'- dsea` Israel, fí' lí' 'lib'^ catíng-na' quiá'- Fidiée'.

⁵⁰ Jo mi~ canúu- i Nicodemo do, jaang` dsea` Israel i líng' dsea` fariseo i cangó- cango'ee' Jesús coo' née', joba' dsea` í' lalab cañír' quiá'- dsea` do:

⁵¹ —Lí' laco'gui la fé' fí' ni~ jì' quiá'- júu^ quiu' ta~ quí-ii', e ja' cuóøng` nicuóø'naa' dsee- jaang` dsea` e jíi~ ja' mí' cane'ee' røø' jalé' e jmóor' do, su guiá- osi ja' dseeng' é.

⁵² Joba' lalab cañí' i dsea` do quiá'- Nicodemo:

—Jo ¿su dsea` Galileab líng' 'nu' cajo? Jo jminá- jmitíng' júu^ quiá'- Fidiée', jo lajoba' nilíñ'^ e jíi~ jaang` dsea` i fé' cuaiñ~ quiá'- Fidiée' ja' mí' cajáar' fí' lí' se' Galilea.

⁵³ Jo mi~ cangí jo, lajaléng' i dsea` do caquiñ'- cangolíñ' fí' quiá'r-.

8

Jaang` dseamí i catáng' i iuung- ta~ 'lée'

¹ Jo mi~ cangí e cangolíng' jaléng' i dsea` do, ca'íb- Jesús fí' e cangór- fí' coo' yú'^ mó' e sii' Olivos.

² Jo mi~ cajneá e jmi~ coo`gui do, joba' caquim' tur fi' guá' fé' e si' fi' Jerusalén, jo mi~ caguiéiñ' fi' jo, fíim' dsea` i cangoquiéng' fi' lí' siñ', joba' caguár` lana jo mifíng` canaiñ` e'bre i dsea` do júu` quiá' Fidiée`.

³ Jo lajee` e guing` Jesús e e'r' i dsea` do, caguiling` coo` tú` m'ing' dsea` Israel i líng' dsea` fariseo colíng` cóo' tifa' quiá' júu` quiá' ta~ quiá' dsea` Israel, jo jéiñ` jaang` dseamf` i n'icatóøiñ` i iuung` ta~ 'lée' cóo' jaang` dseañu' i o' quiá'r`. Jo mi~ caguiliñ` fi' jo, dob casíñ' i dseamf` do jee` i dsea` i teáng` do ie` jo,

⁴ jo lalab casí'r` Jesús:

—Tifa', i dseamf` la nicatóøng` naa're lajee` e guiáng' iuuiñ` ta~ 'lée' cóo' jaang` dseañu' i o' quiá'r`.

⁵ Jo fi' ni~ júu` quiá' ta~ e cajme' Moi~ fé' e jaléng' i dseamf` i jmóo` lajo 'né` niquiúng' dsea` ír` cuub` cartí' nijúuiñ`. Jogui 'nu', ¿jial fó'?

⁶ Jo cajíng' i dsea` do lana e lí' laco' 'nór' jial niguié'r' e nicuó'r` Jesús dsee` fi' quini` dseata`. Jo dsu' Jesús dsifí mi~ canúur` e jo lico' catúum`bre, jo mifíng` canaiñ` jmo'r' fi' jee` 'lee' cóo' niguóor`.

⁷ Jo co' ja` quiung' i dsea` do e jming' bir Jesús cuaiñ` quiá' e jo, joba' casíng' tu 'ñia' dsea` do jo cajíñ' casí'r` i dsea` do:

—Doñi` i' 'ná' e lí' áa'na' e ja` ee` dsee` røøng`na' jii~ coo`, joba' teáng`na' i dseamf` na la'uii` cuu`.

⁸ Jo mi~ cangf` e cajíñ' lajo, caléb' tu catúuiñ' fi' ni~ uó`, jo canaiñ` jmo'tur jee` 'lee' cóo' niguóor`.

⁹ Jo dsifí mi~ canúu` i dsea` do lajii~ e cajíng' Jesús, dsifí lanab canaiñ` dsilíñ` tá' jáiñ`, jo la'uii` canaang` ngolíng` jaléng' i niyáui` gui, jo cøøng`gui lajo cangolíng` jaléng' i le'eáang`gui, jo lajob cajméer` car` cató' uøøiñ` lajiiñ`. Jo coob` mi~ calilí' Jesús e 'ñia'bre catúung`guir cóo' i dseamf` do,

¹⁰ joba' casíng' tu 'ñia'r', jo mifíng` cajming'r` i dseamf` do jo cajíñ'`:

—¿Jie` fi' ningotáang' i dsea` i lamí` 'ning' 'nu' do? Jo ¿su jii~ jaaiñ` ja` ee` cajmeáiñ' 'nu'?

¹¹ Joba' cañi' i dseamf` do quiá' Jesús jo cajíñ'`:

—U~, jii~ jaaiñ` ja` ee` cajmeáiñ' jnea~, Fíi.

Joba' cañi' tu Jesús quiá' i dseamf` do jo cajíñ'`:

—O'gui jnea` ee` nijmeáan` n' nu' cajo, jo lana guóng' fi' quiá', jo jo` güibeáang' gui uø' dsee` melé`.

Jesús láñ' e j' e jneá`jee` dsea` jmigüi`

¹² Jo mi~ cangf` jo, cangób` tu Jesús fi' lí' siseáng' dsea`, jo lalab casí'r` jaléng' dsea` do:

—Jnea` lán'n e j' e jneá`jee` dsea` jmigüi`; joba' jaléng' dsea` i ngí colíng` cóo' jnea~, niliseab` e j' do quiá'r` co' e joba' e cuø' e seeng` dsea` lata~, jogui cajo jo` tóo` jmi~ fa' niliseeng`guir fi' lí' nu` só'.

¹³ Jo mi~ canúu` dsea` Israel i líng' dsea` fariseo e júu` jo, joba' lalab cañir` quiá' Jesús:

—'Nu' lico' fó' jii~ uui` quiá' jalé' e guiá' e jmoo' uøø'ba', joba' jalé' e fó' do ja` e quíng' jii~ coo`.

¹⁴ Joba' cañi' Jesús quiáiñ' do jo cajíñ'`:

—Quím' jalé' e júu` e fá' jnea~, nañi' fa' 'ñiá'baa fá'a uui` quie` e 'ñiá'a, co' ñi'baa guiá' jie` fi' lí' cagá` a jogui jie` fi' lí' niníng' túu` cajo; jo dsu' 'nú'gui ja` ñi'na' jii~ coo' e jo.

¹⁵ Co' 'nú' ñna' í' quiá' jaléng' dsea` lí' laco'gui la í' óona' yaam`ba'. Jo dsu' jnea`gui ja` jmóo`o lajo quiá' jii~ jaang` dsea` la ñii` 'ñiá'a.

¹⁶ Jo song` jmóo`o lajo dsu' laco' catím` niquidsii` í', jo ja` 'ñiá'a niquidsii` í' cajo, co' Tiquí'ii' i casíng' jnea` fi' jmigüi` la, íb` i jmicoo' jnea` e quidsii` í' quiá' dsea` laco' catíng`.

¹⁷ Jo fi' ni~ júu` quiá' ta~ quiá' 'nú' fé' e mi~ seeng` gáng` dsea` i tí' ni~ røø` quiá' lajii~ e calí` do, joba' quím' e júu` do laco' sí'í`.

18 Jo jnea~ lín'n jaang`i tí' ni~ quiá'- jalé' e jmóo`o do, jogui Tiquí'ii' dsea`i casíng`jnea~ fí' la líiñ' jaang`gui dsea`i tí' ni~ quiá'- jalé' e jo cajo.

19 Joba' cajmingí'- i dsea` do Jesús jo cajíñ'-:

—Jo ¿jnanng`gui Tiquí'` jóng?

Joba' cañí' Jesús quiá'- i dsea` do jo casí'- reiñ':

—'Nú' ja` cuíng`na' jnea~, o'gui cuíng`na' Tiquí'e cajo; co' faco' cuíng`na' jnea~, joba' cuím`ba' la quie' Tiquí'e cajo.

20 Jo jalé' e júu` na cajíng'- Jesús lajee` e iuuíñ` e'r dsea` fí' dsí' sinúu` guá'- fé' e si' fí' Jerusalén ca' e fí' lí' téé' guóo' e ta'r cuu` quiá'- guá'- . Jo dsu' jíí'~ jaang` dsea` ja` i cateá'- dsí' fa' casaiñ'- dsea` do lajee` jo, co' ja` mí' catí'bi í' e nijmé` dsea` lajo.

“Ja` quí'- jmí~ nigüilíng`na' fí' lí' niníng` jnea~”

21 Jo mí' cangí' jo, lalab casí'-tu Jesús i dsea` fíng` do:

—Jnea~, coob` mí' nití' í' e ninín`n, jo 'nú' ni'nám`ba' jnea~, jo dsu' 'nú' nijúum`ba' jee` jalé' dsee` quí'-na'. Co' 'nú' ja` quí'- jmí~ fa' e nigüilíng`na' fí' lí' niníng` jnea~.

22 Jo mí' canúu` i dsea` Israel i teáng` do ie` jo e júu` jo, joba' lalab cajíñ'-:

—Jangám` song í' dsí' i dsea` na e nijngáng'- 'ñia'r', joba' jíñ'- e ja` cuóøng` nidseá'naa' cóo'r` fí' lí' nidséiñ'-.

23 Jo mí' calilí' Jesús e fé' i dsea` do lajo, joba' casí'r` dsea` do:

—'Nú' jíí' fí' lab jíí' lí' seeng`na', jo dsu' jnea~ fí' yúb` gáa'a; co' jíí' dsea` jmigüí' lab líng` 'nú', jo dsu' jnea~ ja` lín'n jíí' dsea` jmigüí'.

24 Jo uíng` lajoba' fí' i 'nú' e nijúum`ba' jee` jalé' dsee` quí'-na'; co' song ja` já'- líng`na' e jneab` dseáng'- lín'n jíí' laco' fá'a e lín'n, joba' jee` jalé' dsee` quí'-ba' nijúung`na'.

25 Joba' cañí' i dsea` do jo cajmingí'r` Jesús lala:

—Jo, ¿i` dseáng'- líng` 'nu` jóng?

Joba' cañí' Jesús quiá'- i dsea` do jo casí'- reiñ':

—Lí' laco'gui nicañí' i 'nú' lami~ jéeng`gui, íb` jnea~.

26 Jo jmiguiub` jalé' e sea` e fí' i 'nú' jogui e niquidsii` í' quí'-na' cajo. Jo dsu' i dsea` i casíng` jnea~ fí' jmigüí' la jmang'- e jáb'- jalé' júu` quiá'r-, jo lajíí' júu` e fá' jnea~ jee` jaléng` dsea` jmigüí' røøb` laco' jíí' júu` e núu` jnea~ e fé' i dsea` i dseáng'- casíng` jnea~ fí' jmigüí' la.

27 Jo dsu' i dsea` do ja` cangáíñ` e Jesús fé'r` uii~ quiá'- Tiquiá'r`.

28 Jo casí'- Jesús i dsea` do lala:

—Jo mí' nitáang`na' jnea~ fí' yú', jnea~ dsea` cagá'-a fí' ñíff` e lín'n jaang` dsea` jmigüí', joba' nililí'na' jóng e jneab` dseáng'- lín'n jíí' laco' fá'a e lín'n, jogui jíí' coo` ja` e jmóo`o la ñii` 'ñiá'a, co' lico' fá'a lajíí' e nica'e' Tiquí'ii' jneab`.

29 Jo i dsea` i casíng` jnea` do, seem`bre cóo' jnea~ lana; jo ja` mí' catiúuiñ` jnea~ 'ñiá'a jíí' cateá', co' dseáng'- contøøm` jmóo`o lajíí' e iíñ` e nijmee`e.

30 Jo mí' tí' lí' cató' e fé' Jesús e júu` na, joba' fíim` dsea` já'- calíñ` júu` quiá'- dsea` do ie` jo.

Mí' ca'e' Jesús jial líng` dsea` i silaang`jee` dsee` quiá'-

31 Jo mí' cangí' jo, casí'-gui Jesús jaléng` i dsea` Israel i já'- calíng` júu` quiá'r` do, jo cajíñ'- casí'- reiñ':

—Song 'nú' nijmití'na' lí' laco' jíí' e nica'ée` e 'nú' e nijmee`na', joba' dseáng'- dsea` quie`baa ni'uíng`na' jóng;

32 jogui lajob niliñí'na' dseáng'- la'uíng` jalé' júu` quie`e, jo lajoba' ni'uíng`na' dsea` i silaang`jee` jalé' dsee` quiá'.

33 Joba' cañí' i dsea` do quiá'- Jesús jo cajíñ'-:

—Jnea^ lí'naa' dsea` siju` 'lii` yúu` Abraham, jo jíi` coo` née' ja` mí calí-naa' dsea` 'léeng' quiá'- dsea` jiéng'; joba' zjal lí' e fón' 'nua' e ni'uíng-naa' lafa' dsea` silaang'?

34 Joba' lalab casí'- Jesús i dsea` do:

—E laba' jmitaa` óo'na', e jaléng' dsea` i beáng' dsee- yaang` líiñ' lafa' dsea` 'léeng', co' e dsee- quiá'r- dob quiu' ta` ír'.

35 Cofa' jaang` dsea` 'léeng' quiá'- dsea` ja` catíiñ- jalé' e sea` quiá'- fir~, jo dsu' jaang` jóo' dsea` catíim- bre lajalé' e jo.

36 Jo lajob, song jnea` calaan- 'nú' jee` jalé' dsee- e nica'ee-na', joba' dseáng'- lajang' júu`ba' e nileáng` 'nú' jee` jalé' e dsee- quií-na' do.

37 Jo niñib` jnea` guiá- e dsea` siju` 'lii` yúu` Abraham líng' 'nú'; jo dsu' 'nú' iing-na' jngang-na' jnea~, co' ja` iing-na' íng-na' júu` quié-e.

38 Jo jnea` fá'a lajii' e nica'e' Tiquié e jneab~, jo dsu' 'nú' jmoo'na' lajii' e fé' tiquí'ba'.

39 Joba' cañíi' i dsea` do quiá'- Jesús jo cajíñ'-:

—'Lií` yúu` Abrahambing' líng' dsea` mí áang' quí-naa'.

Jo dsu' Jesús cañíir' quiá'- i dsea` do jo casí'- reiñ':

—Facó' já'- e 'nú' líng-na' siju` 'lii` yúu` Abraham, joba' laco' cajmée` íb` catíng- e nijmee-na' jóng facó' lajo.

40 Jo dsu' 'nú' iim-bi' e nijngang-na' jnea~, nañí' fa' jmang'- júu` jáb'- fá' jnea` lí' laco'gui nica'e' Fidiée` jnea`. Jogui 'lii` yúu` quií-na' Abraham dseáng'- ja` cajmée`bre lajo.

41 Co' 'nú' dseáng'- laco' jmóo` tiquí'ba' jmoo'na'.

Joba' cañíi' i dsea` do quiá'- Jesús, jo casí'r- dsea` do:

—Ja` lí' jnea` dsea` i ja` ñí' i` tiquíá'; co' jaam` Tiquí'naa' seeng', jo íb` Fidiée`.

42 Joba' cañíi' Jesús quiá'- i dsea` do jo cajíñ'-:

—Facó' já'- e Fidiée` líng' Tiquí'na', joba' 'neáam' 'nú' jnea` facó' lajo, co' íb` dsea` i casíng` jnea` e cagá` a fí' jmigüi` la, jogui lab sín'n lana. Co' jnea` ja` cagá` a la ñii' 'ñiá'a, dsuco' dsea` íbing' i casíng` jnea` fí' la.

43 Joba' fá' jnea` e ja` mí ngáng' 'nú' júu` quié-e lana, dsuco' ja` iing-na' núu-na' e jo.

44 Jo fii` i 'lim' líng' tiquí' 'nú'; jogui co' dsea` quiá'- bre líng-na', joba' jmoo'na' lajii' e iñ. Jo latí' mí` uim` e fii` i 'ling' jmóor` ta` jngang' dsea`, jogui dseáng'- jíi' coo` e jmóor` do ja` cóong` cóo' júu` quiá'- Fidiée`, jogui dseáng'- jmang'- júu` e o' já'-ba' quiér'. Jo mí` fé'r` júu` e o' já'-, joba' dseáng'- fé'r' laco' la líib' jóng, co' jaang` dsea` adseam` líiñ', jogui líiñ' tiquíá' jalé' e júu` e o' já'- do.

45 Jo jnea` gui jmang'- júu` já'-ba' fá'a, dsu' ja` já'- líng-na' júu` quié-e.

46 Jo jíi' jaang` 'nú' cuóong` lí' fo'na' e jnea` lín'n jaang` dsea` róong` dsee-, co' jaang` dsea` i quié' jmang'- júu` jáb'- líng' jnea~, joba' zjalí' ja` já'- líim-bi' júu` quié-e?

47 Jo jaléng' i dsea` i líng' dsea` quiá'- Fidiée` núu`bre jalé' júu` quiá'- Fidiée`; jo dsu' 'nú'gui ja` líng-na' dsea` quiá'- Fidiée`, joba' ja` iing-na' núu-na' júu` quiá'- dsea` do.

Niseem` Dsea` Jmáang` lajii'` ná'-gui e niliseeng` 'lii` yúu` Abraham

48 Jo mí` canúu- dsea` Israel lajii' e cajíng'- Jesús do, joba' casí'r- dsea` do lala:

—Nijáb'- júu` quií-naa' e fé'naa' uii` quií-, e 'nua' lin' jaang` dsea` samaritano jogui e iuung- i 'ling' a'.

49 Joba' cañíi' Jesús quiá'- i dsea` do jo casí'- reiñ':

—U~, jíi' jaang` i 'ling' ja` i iuung- dsii- la, co' lajii' e jmóo` e lico' jmi'goo- Tiquié e Fidiée`; jo dsu' 'nú'gui ja` e jmi'goo'na' jnea` jíi' capí'.

50 Jo dsu' jnea` ja` fá'a e iin`n e nijmi'goo'na' jnea~, jo dsu' seem` jaang` i iing` e 'nú' nijmi'goo'na' jnea~, jo dsea` íb` i quidsí' í' laco' catíng-.

51 Joba' jmitaa` óo'na' e doñí' ii' i núu' júu` quié-e, joba' dsea` í' ja` tóo` jmí' fa' e nijúuiñ-.

52 Joba' cañíi' dsea` Israel quiá'- dsea` do:

—Lanaguib dseáng' nicalita dsi'naa' e i 'lim' iuung' áa' 'nu'. Co' 'lii' yuu' Abraham cóo' gui jaléng' dsea i café' cuaiñ' quia' Fidié' malii' gui eáang' cajúm-bre, jogui dsu' 'nu' fó' e doñi' i dsea i núu' júu' quí' , joba' ja' tóo' jmi' fa' e nijúuiñ'.

⁵³ Jogui 'nu', ¿su í a' e niing' gui' laco'gui i 'lii' yuu' Abraham do? Co' í nicajúm-bre, jogui jaléng' dsea i café' cuaiñ' quia' Fidié' malii' gui eáang' cajúm-bre cajo. Jogui 'nu', ¿i' í o' e lin'?

⁵⁴ Joba' cañi' Jesús quia' i dsea do jo casí' reiñ':

—Faco' jnea' jmi'goo' 'ñiá'a, joba' ja' e quíng' jii' cóo' e jmó'o do faco' lajo. Jo dsu' Tiquié' e Fidié' dsea i jmi'gó' jnea', i dsea i fó'na' i líng' Fidié' quí'na' cajo.

⁵⁵ Jo dsu' 'nú' ja' cuíng'na' dsea í, dsu' jnea' gui guiáb' cuín'nre, jogui faco' jnea' fá'a e ja' cuín'nre, joba' dsea' adseaam' lín'n jóng' lí' laco'gui la líng' 'nú' faco' lajo. Jo dsu' jnea' gui guiáb' cuín'n dsea do jogui jmiti'baa júu' quia'r'.

⁵⁶ Jo i 'lii' yuu' quí'na' Abraham do, eáam' cali'iaang' dsír' mi' caliñir' jalé' e nids-ing'ing' jnea', jo co' dseáng' cangá-bre e jo, joba' eáam' cali'iaang' dsír'.

⁵⁷ Jo mi' canúu' i dsea' Israel do jalé' e casí' Jesús ír', joba' cañi' quia' dsea do:

—'Nu' ja' mí' guó'bi' cincuenta jii', jo fó' e cañim'ba' 'lii' yuu' Abraham.

⁵⁸ Joba' cañi'tu Jesús quia' i dsea do jo casí' reiñ':

—E laba' iin'n jmitaa' ó'na' e niseem' jnea' lajii' mi' ná'gui e niliseeng' 'lii' yuu' Abraham do.

⁵⁹ Jo mi' canúu' i dsea do e júu' jo, joba' dsifí' lajob casitiiñ' cuu' cóo' e sí'í' nijngáñ' Jesús; jo dsu' dsea do ladsifib' ca'méiñ', jo cagü'í'bre e fí' dsí' siná'u' guá' fé' do e sí' fí' Jerusalén.

9

Mi' cajmée' Jesús e calijné' jaang' dseañu' i tiuung'

¹ Jo mi' cangí'gui lajo, cóo' née' cangíng' Jesús colíng' cóo' i dsea' quia'r' do fí' quia' li' guiing' jaang' dsea i tiuung' latí' mi' cangáang'.

² Joba' i dsea' quia' Jesús do cajmingí' reiñ' lala jo cajíñ':

—Tifa', ¿jali' cangáang' i dsea' na e tiuuiñ'? ¿Su calíñ' lana uí' dsee' quia'r' ofa' uí' dsee' quia' sejmii'bre é?

³ Joba' cañi' Jesús quia' i dsea' quia'r' do jo casí' reiñ':

—Ja' lí' lajo e uí' dsee' quia'r' calíñ' lana, o'gui uí' dsee' e óo' sejmii'r'. Co' calíñ' lana e lí' laco' cuø' lí' e lajib' quí' Fidié' jmi' lí' jmér'.

⁴ Jo lajee' e jneá', 'né' jmó'baa' ta' lí' laco'gui jii' júu' e siná'naa' quia' dsea i casíng' jnea' fí' jmigüí' la; dsuco' cóob' mi' niná', joba' jii' jaang' dsea jo' quí' jmi' fa' nijmé'guir' ta'.

⁵ Jo lajee' e táam'bá' fí' jmigüí' la, joba' jneab' lín'n e jì' e cuø' e jné' dsea' jmigüí'.

⁶ Jo mi' cangí' e café' Jesús e júu' na, jo cañi' fí' ní' uó', jo cóo' e jme'e'r' do cacáiñ' jee' lee', jo cajmээр' capí' jii', jo cóo' e job' casúur' jmini' i dsea' tiuung' do.

⁷ Jo mi' cangí' jo, lalab' casí' reiñ' do jo cajíñ':

—Gua' jo güirúu' jminí' fí' dsí' guié' silíng' e sii' Siloé —jo e Siloé do guóng' Jaang' i Casíng' Dsea'.

Joba' lajob cajmée' i dsea' tiuung' do, cangó-bre e cangorúu'r' jminir', jo nijné'bre mi' tí' lí' caquiñ' fí' jo.

⁸ Jo jaléng' dsea i neáang' jíng' laco' lí' guiñ' do cóo' gui jaléng' dsea' jiéng' i ní' quia'r' lamí' jéeng'gui e guiñ' mir' cuu', joba' jaléng' i dsea' í' jmingí' rúñ' jo fé'r':

—¿Su o' i dseañu' nabi i lamí' gua' ta' mí' cuu' do?

⁹ Jo i líng' i dsea' do jíñ':

—Dsea' í'bi na.

Jogui i líng' gui fé':

—U̇, o' í na, lí' lajoiu jnéem-bre.

Jō mi̇ calíí' i dsea' tiuung- do e s̄ng' dsea' uii' quiá'r-, jōba' cañír' jō cajíñ'-:

—Jnea' b̄i dsea' í.

10 Jōba' cajmingí'- i dsea' do i dsea' lamí' tiuung- do jō casí'-reiñ':

—Jō ¿jial cajmee'- e calijné'tu'?

11 Jōba' cañíí' i dsea' lamí' tiuung- do quiá'- i dsea' do jō casí'-reiñ':

—I dseañu' i sii' Jesús dob cajmi'leáaiñ' jnea' e lico' cajméer' capí' jii' cóo' jme'e'r', jō cóo' e jōb casúur' jminii-, jōgui caquiur' ta' jnea' e ninii' i nirúu' u jminii- e fí' guiéé' silíng' e sii' Siloé do, jōba' lajōb cajmé-e. Jō dsifí' mi̇ calí' rúu' u jminii-, ladsifí' lanab calijné'e.

12 Jō mi̇ cangí' jō, cajmingí'-tu i dsea' do i dsea' lamí' tiuung- do jō cajíñ'-:

—Jō ¿jnang' gui i dseañu' í lana?

Jōba' cañíí' i dsea' lamí' tiuung- do jō casí'-reiñ':

—Ja' ñii' jnaaiñ'.

Mi̇ cajíng'- i dsea' tiuung- do i i cajmi'leáang- ír'

13-14 Jō 'ñia' ie' jm̄i' e cajméé' Jesús e jii' do cóo' e calijné' i dsea' i lamí' tiuung- do, ie' jō dseáng'- cangotíng' jm̄i' e qui' t̄ng' dsea' Israel e jmi'íñ'. Jōba' jaléng' dsea' i cuí' quiá'- i dsea' tiuung- do cató-bre i dsea' í jō cangojeáang'neiñ' fí' quini' dsea' Israel i líng' dsea' fariseo.

15 Jōba' mi̇ caguiéiñ'- do fí' jō, i dsea' Israel i líng' dsea' fariseo do cajmingí'-reiñ' jial calí' e calijnéiñ'. Jō dsea' do cañír' quiá'- i dsea' Israel do jō casí'-reiñ':

—Mó', jii' b' casúu- dsea' do jminii-, jō mi̇ cangí' jō, cangorúu' u, jō lajōba' calijné'e.

16 Jō mi̇ canúu- i dsea' Israel i líng' dsea' fariseo e júu' jō, jōba' i líiñ'- do cajíñ'-:

—I dsea' i cajméé' e jō ja' lí' dsí'naa' líiñ' dsea' quiá'- Fidiéé', co' ja' jmi'gór' e jm̄i' e jmi'íng' jneaa'aa', dsea' líiñ' dsea' Israel.

Dsu' caguaang'-gui i dsea' Israel i líng' dsea' fariseo do fé'r' jō jíñ'-:

—Jō ¿jial quí' i dseañu' do jm̄i' nijmér- jalé' e jō song jaang' dsea' dsee- dsea' quib' líiñ'?

Jō e jō ca'uíng- e lajee' la'ó' íbre canaiñ' e jō s̄iñ' røø.

17 Jō mi̇ cangí' jō, cajmingí'-tur i dsea' i lamí' tiuung- do jō casí'-reiñ':

—Jō laco' fó' na e ca'láam-ba'. Jō ¿e' fó' uii' quiá'- i dsea' i cajmi'leáang- 'nu' do?

Jōba' cañíí' dsea' do quiá'- i dsea' Israel i líng' dsea' fariseo do jō casí'-reiñ':

—Jnea' l̄n-n e dsea' í líiñ' jaang' dsea' i fé' cuaiñ' quiá'- Fidiéé'.

18 Jō dsu' jaléng' i dsea' Israel i líng' dsea' fariseo do ja' iñ' fa' ja' calíñ- e lamí' tiuung- i dsea' i nijné' lana jōba' cató'r- sejmií' i dsea' do.

19 Jō mi̇ caguilíñ'- do, jōba' cajmingí'-reiñ' do jō cajíñ'-:

—¿Su jōo'ba' líng' i dseañu' la? Jō jméé'-na' jnea' júu' røø, ¿su dseáng'- tiuuiñ- calisémbre? jō song lajō, ¿jial calí' e lana nijné'r'?

20 Jōba' lalab cañíí' sejmií' i dsea' i lamí' tiuung- do jō cajíñ'-:

—Cuím' jnea' guiá' jōo'naa', jōgui ne'baa' røø e tiuum-bre caliséiñ';

21 jō dsu' ja' ne'naa' jial e calijné'r', o'gui ne'naa' i i cajméé' e calijné'r' cajo; jō nab cuøøng' nijmingí' na're 'ñia'r' co' nifém'bre, jō 'ñia'bre cuøøng' lí' jmeá'r' 'ná' júu' dseáng'- laco' calí'.

22 Jō cajíng'- i sejmiir- do lajō, co' 'gó'bre fíng ee' cajmeáng' dsea' Israel i líng' dsea' fariseo ír'. Co' i dsea' í, røøb' nicasíiñ- e song seeng' dsea' i jmicuíng' Jesús e líiñ' do Dsea' Jmáang- i sijeeng' dsea' Israel i nicá' nifí' quiá'r-, jōba' jaléng' i dsea' i jmóo' lajō, jō' sea' fí' quiá'r- fa' e niquíng' guir jee' dsea' Israel o'gui cuøøng' fa' e nidsilíng'-guir fí' guá'- quiá'- dsea' do cajo.

23 Jō uíng- lajōba' cajíng'- sejmií' i dsea' i ca'láang- do e yaang' i dsea' Israel i líng' dsea' fariseo do 'né' nijmingí'r- i jōoiñ' do co' nifém'biñ' do.

24 Jo i dsea` Israel do calé` catú` cató`r- i dsea` i lami` tiuung- do jo lalab casí`-reiñ':
 —Féé` júu` já`- fí` quini` Fidiéé`, co` nineb` jnea` røø` e i Jesús do líiñ` jaang` dsea` dsee` dsea` quib`.

25 Joba' lalab cañí` i dsea` lami` tiuung- do quiá`- dsea` do jo cajíñ`-:
 —Ja` ñi` jnea` su líiñ` dsea` røøng` dsee` osi o' lajo é, lajii` e ñii` quiá`r- e jnea` lami` tiuum`-baa, jogui lana nicajméer` e nicalijné`-baa.

26 Joba' i dsea` do cajmingí`-tur i dsea` i ca`láang- do jo cajíñ`-:

—¿E` jii` e cajméé` i dsea` do quiá`- e calijné`?

27 Joba' cañíñ` do quiá`- i dsea` do jo casí`-reiñ':

—Nicañí`-baa 'nú` lajii` e cajméer` quié`-e do, jo dsu` 'nú` ja` já`- líng`na'. Joba' ¿jiali` iing`na` e nifá`-túu` calé` catú`- e jo? Ofa` iim`-ba` é e ni`uíng`na` dsea` quiá`r- cajo.

28 Jo mi` canúu`- i dsea` Israel i líng` dsea` fariseo do lado, joba' canaaiñ` s'`r i dsea` i ca`láang- do júu` 'ní` jo s'`reiñ':

—'Nu` lin` jaang` dsea` quiá`- i dsea` í, jo dsu` jnea`-gui dsea` quiá`- 'lii` yáu`- Moi` lí`naa`.

29 Co` jnea`- ne`-baa` røø` e Fidiéeb` dsea` casíñ`- cóo`- Moi`; jo dsu` i Jesús do jii` ja` ne`-naa` jie` fí` lí` jáar`.

30 Joba' lalab cañí` tu i dseañu` i ca`láang- do quiá`- i dsea` do:

—Ee`bi` júu` jo, e ja` ñi`na` jie` fí` lí` jáar`, dsu` jnea`-gui, dsea` í`bing`- nicacuø` jnea` e calijné`-e.

31 Jo ne`-baa` røø` e ja` núu` Fidiéé` júu` quiá`- jaléng` dsea` røøng` dsee`-; co` lajii` dsea` i jmiféng` í`bre jogui i jmóo` lajii` e iin`, jii` dsea` í`bing` i núur` júu` quiá`-.

32 Jo ja` jie` lí` mi` canú` júu` e seeng` dsea` i quí`- jmí` e nijmér`- e nilijné` jaang` dsea` i tiuung- latí` mi` caliséng`.

33 Cofa` i dsea` la ja` jáar` e casí` Fidiéé` quiá`r-, joba' jii` coo` ja` e quí`- jmí` lí` jmér`- jóng faco` lajo.

34 Jo mi` canúu`- i dsea` Israel i líng` dsea` fariseo e júu` quiá`- i dsea` i ca`láang- do, joba' cajíñ`- casí`-reiñ` lala:

—'Nu`, dsea` cangáan`- e eáang` silí`- dsee` 'nu`, jogui lana, ¿jiali` 'nu` ni`iin`- e ni`é`- jnea`- jial`-né`- jmó`oo`?

Joba' i dsea` Israel i líng` dsea` fariseo do caguíñ` i dsea` i lami` tiuung- do conguaí` e fí` dsí` sinúu` guá`- quiá`r- do.

Lafa' tiuum` dsea` mi` røøiñ` dsee`

35 Jo mi` cangí`-gui lajo, caliñí` Jesús e caguíim` dsea` Israel i líng` dsea` fariseo do fí` sinúu` guá`- quiá`r- i dsea` i lami` tiuung- do, jo dseáng`- jo` íng`-neiñ` do. Jo mi` cajíng`-tu rúng` Jesús cóo`- i dsea` i lami` tiuung- do, joba' cajmingí`-r- i dsea` do jo casí`-reiñ':

—¿Su` já`- líng` 'nu` júu` quiá`- i dsea` i jáa` fí` ñiff`- e líiñ` jaang` dsea` jmigüí`?

36 Joba' cañí` i dsea` do quiá`- Jesús jo cajíñ`-:

—Jméé`- jnea` júu` i` i dsea` í, jo lajoba' já`- nilín`n júu` quiá`r-.

37 Joba' cañí` Jesús quiáíñ`- do jo casí`-reiñ':

—Nicañíim`-bi` dsea` í, jneab` í` cóo`- i sin`- s'`in`- lana.

38 Joba' i dseañu` i ca`láang- do casí`r- uø`- jnir` fí` quini` Jesús jo casí`r- dsea` do:

—Jáb`- lín`n júu` quiáí`-, Fí`i.

39 Jo mi` cangí` jo, cajíng`-tu Jesús casí`-reiñ` jo cajíñ`-:

—Jnea` cagá`-a fí` jmigüí` la e lí`- laco`- niquidsii`- í` quiá`- jalé`- dsee`- quiá`- dsea`- jmigüí`, jo lajoba' jaléng` dsea` i lafa' tiuung- uí`- dsee`- quiá`r- ni`-uíñ`- dsea` i lafa' i jné`-tu calé` catú`, jogui i dsea` i í` dsí` e jné`r-, joba' ni`-uíñ`- dsea` i lafa' tiuung-.

40 Jo mi` tí` lí` canúu`- e jo coo`- tú`- máng`- dsea` Israel i líng` dsea` fariseo i niteáang`- cóo`- Jesús ie` jo, joba' cajmingí`-r- dsea` do jo cajíñ`-:

—Jo, ¿su` jnea`- lí`naa` lafa' dsea` tiuum`- jóng?

41 J_oba' cañí' Jesús quiáin' do calé' catú' j_o casí' reñ':
 —Faco' 'nú' líng'na' lafa' dsea' tiuung', j_oba' ja' e dsee' oo'na' quiá' lajii' dsee' qui'na' jóng. J_ogui dsuco' 'nú' í' ó'na' e lafa' jné'ba', j_oba' seab' dsee' qui'na'.

10

Jaang' dsea' i jmóo' í' guiá' jo'se' quiá'

1 J_o mi' cangí' j_o, casí' gui Jesús jaléng' i dsea' i caseáng' do j_o cajíin':
 —E laba' iin' n jmitaa' ó'na', e doñí' ii' dsea' i iing' nicuá' iá' fí' lí' sijning' jo'se' quié' e j_o ja' 'nó'r' e ningíin' fí' o'ia' quiá' e iá' do, j_oba' i dsea' í' líin' jaang' ii' i' léé'.

2 J_o dsu' i dsea' gui i í' fí' o'ia' quiá' e iá' do, j_oba' dsea' í' líin' jaang' i jmóo' í' røø' jo'se' quiá'.

3 J_ogui i dsea' i jmóo' í' jn' e lí' teáng' i jo'se' do, náa'bre o'ia' e laco' ninging' i dsea' i jmóo' í' guiá' i jo'se' do. J_o i dsea' i jmóo' í' guiá' i jo'se' do nitó'r' lajaang' lajaang' i jo'se' do quiá'r' lí' laco' la siii' do, j_o jaléng' i jo'se' do nicuí'bre' luu' i fii're' do. J_o i fii're' do uøøm'bre i jo'se' do e laco' dsijéeng'nein' fí' jee' mó'.

4 J_o mi' cató' e uøøin' do lajaléng'ne', j_oba' 'ñiab' i dsea' do quier' nifí' quiá' i j_o' quiá'r' do, j_o laj_ob nidsilíng' i jo'se' do laco' ngóo' fii're', co' guiáb' nicuí'm'bre' luu' dsea' do.

5 J_o dsu' jaléng' i jo'se' do ja' dsiqui're' dsea' i ja' cuíng'ne', co' lí' lí' cuí'bre' mi' níng'ne' i dsea' la'í', co' ja' cuí're' luu' i dsea' la'í'.

6 J_o Jesús casí'r' i dsea' do cóo' júu' lana, j_o dsu' i dsea' do ja' cangáin' e guøng' e júu' e casí' Jesús i dsea' do ie' j_o.

Jesús líin' jaang' dsea' i jmóo' í' guiá' jo'se' quiá'

7 J_o lalab casí' gui Jesús i dsea' do j_o cajíin':
 —E laba' jmitaa' ó'na': Jnea' lín'n e jn' quiá' e iá' e lí' dsitáang' i jo'se' do.
 8 J_o jaléng' i dsea' i jmígóo' i nicajalíng' lajii' nú' gui e nigáa' jnea' do, jaléng' i dsea' í' líin' ii' i' léé', j_o dsu' jaléng' i dsea' i líng' lafa' jo'se' quié' e ja' calijí'r' júu' quiá' dsea' do.

9 J_o jnea' fá'túu e lín'n e jn' do, j_oba' jaléng' dsea' i íng' jnea' j_ogui ningíin' fí' e jn' quié' e do, j_oba' dsea' í'bing' i nilí' nileáng' jee' jalé' dsee' quiá'. Co' jaléng' i dsea' do líin' lafa' jo'se' quié' e i' cuøøng' lí' dsitáang' j_ogui uøøng' j_ogui dsé'bre' e gø're'.

10 'Dsu' lajii' ta' quiá' jaléng' i ii' do lico' jmóor' ta' uøøng' jaléng' jo'se' quié' e j_ogui jmóor' ta' íng'nein' j_ogui jngang'nein' cajo; j_o dsu' jnea' gui caguén' n fí' jmígú' la e lí' laco' niliseeng' dsea' cøøng' cóo' Fidié' lata' dseáng' lí' laco' sí'í'.

11 J_o jnea' lín'n jaang' dsea' i jmóo' í' guiá' jo'se' quiá', j_o cartí' jáam' 'ñiá'a e laco' ja' ni'íng' jii' jaang' i jo'se' quié' e do.

12 J_o dsu' i dsea' gui i ja' jí' e ta' j_o, j_o lico' lí' dsír' jii' e 'léem'bre, j_oba' fíng' caguié' jaang' ie' dsinú' lajee' e nír' i jo'se' do j_o cuí'bre' jóng, j_o dob' tiúuin' i jo'se' do. J_o laj_ob jmóor', co' ja' líin' dseáng' i dsea' i ní' guiá' jo'se' j_ogui co' o' jo'se' quiá' guir' cajo. J_oba' cuø'bre' fí' i ie' dsinú' do e nijmeáng'ne' j_ogui nicúng'ne' i jo'se' do j_ogui e nisojóng' i caguaang' gui do fí' la fí' na.

13 J_o tiúum' i dsea' do i jo'se' do, co' lico' lí' dsír' cuub', j_o ja' ee' fí'í' óor' quiá' i j_o' i jéin' do.

14-15 'J_o fii-túu 'nú' e jnea' lín'n jaang' dsea' i jmóo' í' guiá' jo'se' quiá'. J_o lí' laco' Tiquié' e guiáb' cuíin' jnea', j_oba' laj_ob jnea' cajo guiáb' cuín're; j_ogui laj_ob cajo guiáb' cuíng' jnea' jaléng' i líng' lafa' jo'se' quié' e, j_oba' laj_ob cajo jaléng' í' guiáb' cuíng're' jnea'. J_ogui jnea', cartí' jáam' 'ñiá'a e nijúun' n uí' jaléng' í' e laco' ja' ni'íng'ne'.

16 J_o dsu' seem'bi dsea' i nabi nilíng' lafa' jo'se' quié' e i ngí' fí' caluu'bi lana. J_o co' ja' mí' líin' dsea' quié' e, j_oba' 'né' nitøø'baar cajo. J_o jaléng' i dsea' i nilíng' lafa' jo'se'

quíe e do nilinúu bre júu quié e, joba' coob`'lé' ni'uíñ lajee lajñiñ, jo jii~ jneab dsea` nijmee e í` ír`.

17 Jo Tiquí`ii' eáam' 'neáaiñ` jnea~ co' nijáang~ 'ñiá'a e nijúun~n e laco' nijí'túu calé' catú`.

18 Jo jii~ jaang` dsea` sea` fí' quiá'r~ e nijngáañ` jnea~, co' 'ñiá'a`baa dsea` cuøø` fí' 'ñiá'a` e nilíin~n lajo, co' seab` fí' quié e e nijáang~ 'ñiá'a` e nijúun~n jogui e nijmee e e nijí'túu cajo, co' lajob ta~ caquiú' Tiquié e.

19 Jo mi~ tí li~ canúu~ dsea` Israel lajii~ júu` quiá'~ Jesús, caléb' catú` canaaiñ` e jo` sñiñ` røø` uíi~ e júu` e canúur~ do.

20 Joba' fíim`bre lajee` la'ó' ír` canaaiñ` sñiñ` jo sí'` rúñiñ` lala:

—¿Jialí'` já'~ nuu`na' júu` quiá'~ i Jesús na? Co' i` 'lim'` iuung~ dsíiñ'` na. ¡Jaang` dsea` ngaam` líiñ'` na!

21 Jo dsu` i` líng~gui i` dsea` do fé'r` jo jíñ'~:

—Jii~ jaang` dsea` lí'r` fé'r` dseáng` laco' fé' i` dseañu` na faco' já'~ e iuung~ i` ling'` dsír'. Co' jii~ jaang` dsea` i` iuung~ i` ling'` dsíi` lí'r` jmér~ e nilijné'` jaang` dsea` tiuung~ laco'gui cajmée i` dseañu` na.

Ja` júi~ dsea` Israel júu` quiá'~ Jesús

22 Jo coo` née~ mi~ cang`gui lajo, coo` e jii` güi~ lajee e jmóo` dsea` Israel jmii~ e jmiguiéng'` dsír' e caligüeang`tu calé' catú` e guá'~ fé' quiá'r~ e si' fí' Jerusalén, co' lamí` jééng`gui gab` cajmée` dsea` fí' dsíi` jo;

23 jo ie~ jo, dob táang` Jesús fí' coo` ni'núu` quiá'~ e guá'~ fé' do, jo tá'~ coo` íng'~ ngir' e fí' coo` ni'núu` quiá'~ e guá'~ do, fí' lí' siñ` ni'núu` quiá'~ 'lí~ yúu~ Salomón.

24 Jo lajee` ngí` Jesús dob mi~ carñi` dsea` Israel fí' lí' siñ', jo cajmingí'r~ dsea` do lala:

—Jo ¿lí` catí' nijmée'` júu` røø` e su` 'nu` dsea` i` casíng` Fidiéé` fí' la e lin'` Dsea` Jmáang~ i` sijeeng` jnea` do i` nicá` nifí' qui`-ii'? Jo lana jmee` du júu`, ¿su` 'nu` í'?

25 Joba' cañií` Jesús quiá'~ i` dsea` Israel do jo casí'~ reiñ':

—Nicañi~ bí' 'nú' e íb` jnea~, jo dsu` 'nú' ja` já'~ calíng~na' júu` quié e. Co' jaléb' e nicañií~ 'nú' e nicajmé e, jmóo`o la'eáang` cóo' ta~ huí' quiá'~ Tiquié e, jo lajalé' e jo cuø` lí' e íb` dseáng'~ lín'n;

26 jo dsu` 'nú' ja` já'~ líng`na' e íb` jnea~, co' ja` líng`na' lafa' jo'se` quié e.

27 Co' i` dsea` i` líng` lafa' jo'se` quié e do nicuí' bre lúu`u, jogui jnea~ nicuíim`baare' cajo, joba' dsea` í` jneab` dsiqui`re'.

28 Co' jnea~ cuøø`baa jaléng' i` dsea` í` e seeiñ` cøøng` cóo' Fidiéé` lata~, jo ja` tóo` jmii~ fa' ni'náañ` quiá'~ Fidiéé` o'gui fa' quí'~ jmii~ e ií` nijéng'~ tu' jaléng' i` dsea` í` fí' jaguóo`.

29 Jo lajii~ e nicang`ñn` e nicacuø' Tiquié e jnea~, e jo lí' e niing~gui eáang` lajee` lajalé', jo jii~ jaang` dsea` quí'r~ jmii~ fa' e niguí'~ guir e jo.

30 Jo jnea~ cóo'~gui Tiquié e jaam` dsea` lí'naa'.

31 Jo mi~ canúu~ dsea` Israel lajii~ e cajíng'~ Jesús, joba' casitír' cuu~ calé' catú` e lamí` iñ` niqiuíiñ` dsea` do cartí` nijngáng'~ neiñ'.

32 Jo lalab cajíng'~ Jesús quiá'~ i` dsea` Israel do jo casí'~ reiñ':

—Jmiguiab` jalé' e quí'~ i` jmii~ e nicajmé e jee` 'nú' la'eáang` cóo' güea' quiá'~ Tiquié e. Jo lajee` lajalé' e jo, ¿jñang~ e catíng~ e nijngáng'~na' jnea~ cóo'~ layaang` cuu~?

33 Joba' lalab cañií` dsea` Israel quiá'~ Jesús jo cajíñ'~:

—Ja` í` dsí` jnea` e nijngáng'~naa' 'nu` uíi~ jalé' e guiá' e nicajmee' do, co' nijmé`naa' lajo uíi~ e gab` lí' e júu` e fó' na fí' quini` Fidiéé`. Co' 'nu` jii~ dsea` jmigüíb` lin', jogui iin~ jmée' e røøb` cøøn' cóo' Fidiéé`.

34 Joba' lalab cañií` Jesús quiá'~ i` dsea` do jo casí'~ reiñ':

—Jo lalab fé' Fidiéé` fí' ni~ júu` quiú' ta~ quiá'r~: “Jnea` fá'a e 'nú' líng`na' laco' diéé`.”

35 Jo nine~baa' røø` lajii~ e fé' e fí' ni~ jì' quiá'- Fidiée~ do e ja` cuøøng` fé'naa' e o' já'-; jo e fí' ni~ e júu^ do quiá'- Fidiée~ fé' e jaléng' dsea` cóo~ i casíng' Fidiée~ júu^ quiá'r- líiñ' laco' diée~.

36 Jo có' Fidiéeb~ dsea` caguíñ' jnea~ jogui casíñ' jnea~ fí' jmigüí' la, joba', ¿jial cuøøng` fo' 'ná' e jnea~ fá'a júu^ e ga` fí' quini~ Fidiée~ mi~ fá'a e Jóo' dsea` íb' lín'n?

37 Jo ja` já'- güilíng`na' jnea~ song jnea~ ja` jmóo`o dseáng'- laco' la jmóo` Tiquié'e.

38 Jogui dsu' song jmóo`bñ e quíi' i jmii~ do e nañí' fa' ja` já'- líng`na' jnea~, joba' lí' já'- güilíng`na' cóo~ jalé' e quíi' i jmii~ do e laco' niliñí'na' e jaam` dsea` líng' jnea~ cóo~ Tiquié'e, jogui lajobi' ír` cóo~ jnea~ cajo.

39 Jo mi~ canúu~ dsea` Israel lajii~ e cajíng'- Jesús do, joba' caléb' catú~ lami~ iññ~ e nisaiñ' dsea` do, jo dsu' dsea` do dsifib' caleáng' 'ñia'r'.

40 Jo mi~ cangí' jo, caquim'-tu Jesús fí' lí' lí' 'ngóo~ gua` Jordán, jo fí' dob cajer' e fí' lí' caseáng' Juan jmii~ jaléng' dsea` lami~ jéeng'gui.

41 Jo lajee~ táang' Jesús fí' jo, i fíim' dsea` cangolíng' e iññ~ ninúr- júu^ quiá'- dsea` do, jo lalab fé' i dsea` í':

—E jáb'- e i Juan do ja` cajméer' jii~ cóo~ e lí~ e quíi'r~ jmii~ lajee~ cateáiñ' fí' jmigüí' la, jo dsu' lajaléb' e cajíñ'- uii~ quiá'- i dseañu' la, dseáng'- jáb'-.

42 Joba' ie~ jo i fíim' dsea` i já'- calíng- júu^ quiá'- Jesús e fí' jo.

11

Mi~ cajúng- jaang` dseañu' i sii` Lázaro

1 Jo mi~ cangí'gui lajo, lajee~ e táam'bi Jesús fí' jo, jo ie~ jo niseeng` jaang` dseañu' i sii` Lázaro cóo~gui gáng- gui dseamí' rúíñ', jaang` i sii` Yá' jogui jaang` i sii` Marta, jo laji' gaaíñ' do seeíñ' fí' cóo' fí' lí' sii` Betania. Jo ie~ jo guiáng' ráang' Lázaro e dsée'r~.

2 Jo i dseamí' i sii` Yá' i rúng' Lázaro, íb' i ca'éé- jmii~ jmeafii' tii~ Jesús jogui cajmiquiúr- cóo~ jñuguir~ tii~ dsea` do lami~ jéeng'gui.

3 Jo có' eáam' dsée'gui Lázaro, joba' i dseamí' rúíñ' i gáng- do casíñ' júu^ fí' lí' táang' Jesús, jo lalab júu^ quie' i dsea` do quiá'- Jesús:

—E lab júu^ quiee~, e i dsea` i seeng` røø` cóo~ do i eáam' 'neáan' do i sii` Lázaro eáam' líiñ' lana.

4 Jo dsifí' mi~ canúu~ Jesús e jo, joba' lalab cañíir` quiá'- i dsea` do:

—Jo e jmohuí' e líiñ'- do ja` nijéng- ír' fí' ni~ 'mó-, có' e jo nili'íng' ta~ e lí' laco' niliñí' dsea` jial tí' 'gøng' Fidiée~, jogui laco' niliñí' dsea` cajo jial tí' 'gøng' jnea~, dsea` lín'n Jóo' dsea` do.

5 Jo doñí' fa' eáam' 'neáang' Jesús i dseamí' i sii` Marta do jogui i sii` Yá' jogui i dseañu' i sii` Lázaro do,

6 dsu' ja` cangór- dsifí' fí' quiáiñ'- do mi~ caliñir' e niráang' i Lázaro do dsée'r~, jo cajmi'ím~bi 'ñia'r' tú~ jmii~gui e fí' lí' táaiñ' do.

7 Jo mi~ cangí' e tú~ jmii~ do, joba' lalab casí'- Jesús i dsea` quiá'r- do:

—Má-túu' fí' lí' se' Judea.

8 Joba' cañíi' i dsea` í' quiá'- Jesús, jo casí'r- dsea` do:

—Tífa', ja` mí' ngóo'bi eáang' e jaléng' dsea` Israel i seeng' fí' jo lami~ iññ~ nijngáiñ'- 'nu' cóo~ layaang~ cuu~, jo 'nu' caléb' catú~ iin' guó' fí' jo.

9 Joba' cañíi' Jesús quiá'- i dsea` quiá'r- do jo casí' reiñ':

—E jáb'- e sea` guitú' oor~ lajee~ e jmii~; cofa' jaang' dsea` ngír' lajee~ e jmii~ do, joba' ja` dseáng' niqiuíiñ', có' jneáb' lí' ngír';

10 jo dsu' song jaang' dsea` ngír' fí' cóo' lí' nuu', joba' quiung' guiáam'bre ngír', có' ja` sea` jì' cóo' e cuø e jneá' lí' ngír'.

11 Jo mi~ cangí' e café'r e júu^ na, jo cajíng'- guir casí'r- i dsea` quiá'r- do:

—I dsea` rú`uu' i sii` Lázaro do nicaquiam`-bre, jo dsu` lana ninii`i e nijmijnée`túu dsí`bre.

¹² Joba' cañí' i dsea` quiá'- Jesús do, jo cajíñ'- casí'r- dsea` do:

—Fí`naa', jo laco' fó' na e nicaquiam`- i dseañu` í, joba' e jo cuø' li~ e nitíim`tur.

¹³ Jo dsu' cajíng'- Jesús lado co' e ninicajúm- i Lázaro do, jogui i dsea` quiá'r- do í dsír' e já'-ba' e lí' güim` Lázaro lí' laco'gui jí' e nicajíng'- dsea` do.

¹⁴ Joba' cajíng'- Jesús casí'r- i dsea` quiá'r- do dseáng'- lajang'- jo casí'- reiñ':

—Lana niráang` Lázaro 'liim`bre.

¹⁵ Jo guiá'-gui quií- 'nú' e ja` mí ngó'o fí' do latí' lana, co' lajoba' e já'-gui nilíng`na' júu` quié'-e, joba' eám' íaang` dsii-. Jo lanaguiba' dsé`ee' fí' quiá'r-.

¹⁶ Jo i dsea` quiá'- Jesús i sii` Tomás i lineang` dsea` suung` mi~ canúur- lají' e júu` jo, joba' casí'r- i dsea` rúñ' i caguiaang`gui do lala:

—Má`aa' jneaa`aa' cóo'r~ cajo, jo song cajnga' dsea` quiá'r-, joba' la quié' jneaa`aab' nijúu`naa' cóo'r~ cajo.

Jesús i cuø' e jí'tu dsea` mi~ ningí e júuiñ-

¹⁷ Jo mi~ caguié- Jesús colíing` cóo' dsea` quiá'r- e fí' Betania e fí' lí~ cajúng- i Lázaro do, jo ningóo' quié' jmiib~ e nica`áng- dsea` do mi~ caguiliñ' fí' jo.

¹⁸ Jo e fí' e sii` Betania do ja` huí- néé' laco'gui Jerusalén, co' tíb'jiu jí' la 'ní' kilómetro,

¹⁹ joba' fíim` dsea` Israel i neáang' fí' jo cangolíñ' e cango'eer~ i Marta do cóo'gui Yá^ e laco' ja` liñ' do fi' uii~ quiá'- e cajúng- i rúñ' i sii` Lázaro do.

²⁰ Jo mi~ caliñí' Marta e ningóo' Jesús fí' do, joba' cagüi'ír' e cangojmijíñ' dsea` do; jogui i Yá^ rúñ' do, dob cajer' fí' sináa` lajee~ jo.

²¹ Joba' mi~ cajíng' i Marta do Jesús, lalab casí'r- dsea` do jo cajíñ'-:

—Fa' jiu~gui mi~ cagüén'- jéeng'guijia fí' la, joba' ja` cajúng- i rún'n do jóng faco' lajo.

²² Jo dsu' tab~ dsii- e quib'- jmií' e nijmicóo'~ Fidiée' jnea~ song nimí'~ire lajo, co' doñí' ee' e mí'~ 'nu' dsea` do, dseáng'- ngíim`ba'.

²³ Joba' cañí' Jesús quiá'- i dseamí do jo casí'- reiñ':

—Nijíb'tu i rún' do.

²⁴ Joba' cañí' i dseamí do quiá'- Jesús jo cajíñ'-:

—Jáb'-, niñ'baa e jo e nijíb'tu i rún'n do mi~ nití- í' e nijí'tu jaléng' 'li~ mi~ tí' lí' jo.

²⁵ Jo mi~ cangí jo, lalab cañí'tu Jesús quiá'- i dseamí do jo casí'- reiñ':

—Jneab~ dsea` i cuø' e jí' dsea`, jogui e nijí'tur mi~ ningí e nijúuiñ-. Joba' jaléng' i dsea` i já'- líng' júu` quié'-e, jo nañí' fa' júung- jí'~ ngúu' táaiñ', dsu' ja' tóo' jmií' fa' ni'náiñ' e seeiñ` cøøng` cóo'~ Fidiée';

²⁶ jogui jaléng' dsea` i já'- líng' júu` quié'-e jogui e seem`bir mi~ tí' lí' jo, joba' ja' tóo' jmií' fa' ni'náiñ' e seeiñ` cøøng` cóo'~ Fidiée' cajo. Joba' ¿su já'- lín' jalé' e júu` e fí' i 'nu' la?

²⁷ Joba' cañí' i dseamí do quiá'- Jesús jo casí'r- dsea` do lala:

—Lajob lí', Fí'i, dseáng'- jáb'- líng' jnea~ e 'nub` lín' i jóo' Fidiée' camíng' i sijeeng' jnea^ i nijáa' fí' jmigüi' la i nicá' nifí' qui-i'.

Mi~ caqui' Jesús tí- ée` quiá'- Lázaro

²⁸ Jo mi~ cangí e síng' Marta cóo'~ Jesús, caquim`-bre e cangotéer` i rúñ' i sii` Yá^ do. Jo mi~ caguiéiñ'- fí' quiá'r-, lalab casí'r- i rúñ' do lí' ja` núu` dsea` jo cajíñ'-:

—Dob guing` i tifa' do, jo 'nub` tó'r` lana.

²⁹ Joba' dsifí' mi~ canúu- Yá^ e júu` jo, ladsifí lanab cagüi'ír' jo cangór- fí' lí' tó' Jesús ír'.

³⁰ Jo Jesús ja` mí' ca'í'-bir e fí' jee~ fí' do, co' dobi guiiñ~ e fí' lí' cajíng' rúñ' cóo'~ i Marta do.

³¹ Jo mi~ tí' lí' calilí' i dsea` Israel i caguilíng- cango'ee' ír' e laco' ja` liñ' do fi' í', jo mi~ cangár- e cagüi'í' i Yá^ do lajminá- e fí' dsí' sináa` quiá'r- do, joba' cangolíim`-bre

ti'leáaiñ cajo laco' ngóo' i dseamî do, co' í dsíir' e ngóin' do ngoquí'bre e fí lí ca'áng i 'lii' rúin' do.

³² Jo mi' tí lí caguié i Yá^ do fí lí sing' Jesús, ladsifí lanab casí'r' uø~ jnir' fí quini' dsea` do jo casí'r' dsea` do lala jo cajín'':

—Faco' mi' 'nu' cagüén' jéeng'guijiu fí la, joba' ja` cajúng i 'lii' rún'n do jóng faco' lajo.

³³ Jo mi' tí lí cangá Jesús e qui' i Yá^ do cóo'~ gui jaléng' i dsea` Israel i caguilíng cóo'r' do, joba' eám' calicu' dsíir' i dsea` do, jogui eám'bi calijiuung dsíir' cajo,

³⁴ joba' cajmingí'r' jaléng' i dsea` do jo casí'-reiñ':

—¿Jie' fí lí ca'áng-na' i dsea` do?

Joba' cajíng' jaléng' i dsea` do casí'r' Jesús:

—Má~aa' jo madsijøø'naa' fí jo.

³⁵ Jo canaang` Jesús qui'bre cajo.

³⁶ Jo mi' calilí^ i dsea` Israel do e qui' Jesús, joba' lalab cajín'':

—¡Eám' ni'neáang` i dseañu' na i 'lii' na!

³⁷ Jo dsu' jee~ i dsea` Israel do seem'bing' i fé' lala:

—I nabí i dseañu' i cajmée` e calijné' i dsea` i lamí tiuung` do, jo ja` i ñi' jiali' ja` cajméer` fa' e ja` cajúng` i dseañu' i nica'áng` na.

Mi' cají'tu Lázaro

³⁸ Jo fí dsíí' tó cuub` ca'áaiñ i 'lii' Lázaro do, jo o'nú^ e ée` do cajníir' cóo'~ coo` 'loo' e fe'. Jo eám' lijiuung` dsíí' Jesús cangoquíeeiñ' e fí lí ca'áng i 'lii' do.

³⁹ Jo lalab cajín' casí'r' jaléng' i dsea` i teáang` do ie~ jo:

—Je'na' e 'loo' e sijní' e o'nú^ e ée` na.

Jo dsu' mi' canúu` i dseamî i sii` Marta do i rúng' i 'lii' do e cajíng' Jesús lado, joba' lalab casí'r' dsea` do:

—Fí'naa', quié' jmi~ ningóo' e ca'áng` i rún'n na, jo lana nisi'léb' ngúu' táaiñ, faa~aa'.

⁴⁰ Jo lalab cañí' Jesús quiá' i dseamî do:

—¿Já^ mí cafí' i 'nu' e song dseáng' já' lín' júu^ quié'e, joba' nimó'ba' jóng jial tí' laniing` 'gøng' Fidié'?

⁴¹ Jo mi' cangî jo, cajéb' i dsea` do e cuu~ e sijní' fí o'nú^ ée` quiá' i Lázaro do, jogui Jesús dsifí lanab cajøør' fí yú^ jmiçüü' jo cajín'':

—Teaa~, lana cuøø-ø 'nu' gui'máang', co' jáb' canúu' júu^ quié'e.

⁴² Jogui ñi'bí' guiú' cajo e contøøm` já' nuu' 'nu' júu^ quié'e, jo dsu' fí' i 'nu' lana e lí' laco' jaléng' i dsea` i teáang` la jmi~ na nijá' líiñ' e 'nub' dsea` casín' jnea~ fí jmiçüü' la.

⁴³ Jo mi' cangî e cajíng' Jesús e júu^ na, jo café'r' teá jo cajín'':

—¡Júu' fí lí iuun' na, Lázaro!

⁴⁴ Jo mi' calí' e café' Jesús lajo, joba' dsifí lanab cagüi'í' i dsea` i lamí 'líng` do, jo laco' sibé'bi' 'mi' guotíir', jogui nir~ sibé' coo' jmáang' 'mi'. Jo mi' cangî jo, lalab cajíng' Jesús casí'r' i dsea` i teáang` do ie~ jo:

—Síi'na' e 'mi' e sibeáng' i dsea` i cají'tu na, jo lajoba' cuøøng` e ngír'.

Mi' casüng` dsea` i quie' nifí quiá' dsea` Israel e nisáin' Jesús

(Mt. 26:1-5; Mr. 14:1-2; Lc. 22:1-2)

⁴⁵ Jo mi' cangî gui lajo, i fíim' dsea` Israel i cangolíng` cóo'~ Yá^ do já' calíñ` júu^ quiá' Jesús, co' cangá`bre jalé' e qui' dsea` do jmi~ ie~ mi' cajméer` e cají'tu i Lázaro do.

⁴⁶ Jo dsu' i líng` gui i dsea` Israel i cangá` e cajmée` Jesús do cangocóor` júu^ fí quini' jaléng' dsea` góor` i líng` dsea` fariseo jalé' e cangár` do.

⁴⁷ Jo mi' caliñí' i dsea` fariseo do e jo, joba' casíiñ` cóo'~ jaléng' fii~ jmidsea` e laco' niseáng' i dseata` i quie' nifí quiá' dsea` Israel e laco' nisíiñ` e~ nijmér` cóo'~ Jesús. Jo lalab jmingí' rúin':

—¿E~ nijmó'oo' cóo' i dseañu' do? Co' eáam' jmiguiá' jalé' e quí'r~ jmí~ jmóor' e dsigá' dsí' dseá'.

⁴⁸ Jo song ja`nijning~naa' quiá'r~, joba' fím' dseá' nidsitáaiñ~ cóo' dseá' do, jo dseáam' e dseata~ i neáang' fí' Roma nija'íiñ~ guá'~ quí'~ii' osi lajaléng'naa' dseá' lí'naa' dseá' Israel fing song caliñir' jalé' e jo.

⁴⁹ Jo jaang`lajee~ i fii~ jmidsea` do nisiir` Caifás, jo líiñ' fii~ quiá'~ jaléng' jmidsea' ie~ jo, joba' lalab cajíñ'~ casí'r~ jaléng' i dseá' rúíñ' caguiaang~gui do jo café'r':

—iDseáng'~ jíi'~ cóo' ja` ee` ní'`'nú'!

⁵⁰ Jo ja` í' óo'na' e guiá'~gui quí'~ii' e nijúung~ jaang` dseá' góo'naa' cuaiñ~ quí'~ii' lajalé'naa' e laco'gui e ni'íing~naa' lajaléng'naa' dseá' lí'naa' dseá' Israel.

⁵¹ Jo i Caifás do ja` cajíñ'~ lajo uíi' e la tíiñ'`ñia'r', dsu' fii~ jmidseab` líiñ' ie~ jo, joba' Fidiéeb' cacuø'` ír' e cajíñ'~ lajo e Jesús nijúuiñ~ cuaiñ~ quiá'~ jaléng' dseá' góor' dseá' Israel;

⁵² Jo o' jíi' e nijúung~ dseá' do uii~ quiá'~ jaléng' dseá' góor', co' lajob cajo nijúuiñ~ e laco' nitø'r' jaléng' dseá' quiá'~ Fidiéé' i siguiáng'` fí' la'úng~ fí' jmigüi' e laco' ni'uíiñ'~ do coob`'lé' lajee~ lajaléiñ'.

⁵³ Joba' latí' ie~ job canaang` jaléng' i dseata~ quiá'~ dseá' Israel do e 'nó'r' jial e nijngáiñ'~ Jesús.

⁵⁴ Jo uing~ lajoba' jo`'ga' lí' jmiñéeng'gui`ñia' Jesús jee~ jaléng' dseá' góor' dseá' Israel, jo cagüi'`bre e fí' lamí' táaiñ' do e lí' se'` Judea, jo fí' dob cangór' fí' cóo' fii' e sii' Efraín e neé' quiá'~ fí' guóo'~ uó'` quiá', jo fí' job cajer' cóo'~ jaléng' dseá' quiá'r'.

⁵⁵ Jo mi~ cangí'gui lajo, lajee~ e nijaquíéeng' jmí~ e quí'~ tíng' dseá' Israel e jmóor' laco' jíi' e sii' Pascua, joba' quí'~ tíiñ' e dsilíiñ' fí' Jerusalén ná'~gui e jmí~ jo e laco' jmiguiúng~ yaaiñ~ fí' quini' Fidiéé' jo dsiguiar~ guiá'~ lajíi' e quí'~ tíiñ' jmóor' do.

⁵⁶ Jo mi~ caguilíng~ i dseá' Israel do fí' Jerusalén, jo seem'biñ' do ngír' ta` 'náng' Jesús ie~ jo, jogui jmingí'~ rúíñ' lajaang` lajaaíñ' lajee~ e teáaiñ' fí' dsí' sinúu' guá'~ fé' e si' fí' jo, jo síiñ'`:

—Jo ¿e' fól' 'nú'? ¿Su nijáa'gui i dseá' í' fí' la lajee~ jmí~ osi ja` nijáar' é?

⁵⁷ Jo jaléng' dseá' Israel i líng' dseá' fariseo cóo'~gui jaléng' fii~ jmidsea` quiá'r' nicangíiñ' júu' quiá'~ jaléng' i dseá' i caguilíng~ e jmí~ do e song jaang` lajee~ ír' nija'r~ júu' jie~ fí' táang' Jesús, jo e güijmée'bre júu' ladsifí', jo lajoba' e niteng' dseá' do.

12

Mi~ ca'éé~ jaang` dseamí' jmí' jmeafíi' tí~ Jesús

(Mt. 26:6-13; Mr. 14:3-9)

¹ Jo mi~ cangí'gui lajo, jñúu~ jmíib~ jmóo'gui e nití' e jmí~ Pascua quiá'~ dseá' Israel do, jo cangób~tu Jesús fí' Betania e cango'ee'tur Lázaro i cajméer' e cají'tu ie~ lamí~ jéeng'gui do.

² Jo mi~ tí' lí' caguiér' fí' quiá'~ dseá' do, i dseá' seeng' fí' sinúu' do cajméer' cóo' jmí~ e jmi'gór' Jesús, joba' cagø'r' colíng~ ie~ canúu' e jmí~ jo; jo dob guíng~ Lázaro e gø'r' colíng~ cóo' i dseá' do cajo, jogui i rúíñ' i sii' Marta do, íb' i jmóo' ta~ ngíng' jmiñi' quiá'~ jaléng' i dseá' i neáang' gø' do ie~ jo.

³ Jo lajee~ guíng~ Jesús gø'r', cóo' caguiéb~ Yá' i rúng' Lázaro fí' lí' guíng~ dseá' do, jo quiér' cóo' dsuú~ niguo' e a~ trescientos gramos jmí~ jmeafíi' e lí' cóo'~ layaang~ nardo e 'mo' eáang', jo cóo'~ e job ca'éer' fí' tíi' Jesús lajee~ e guíng~ dseá' do gø'r'; jo mi~ cangí' jo, cajmiquí'r' cóo'~ jñuguir~. Jo latøøm~ e fí' dsí' sinúu' do cajó~ jmeá' quiá'~ e jmí~ jmeafíi' do ie~ jo.

⁴ Jo mi~ cangoyúung' e jo, jaang` lajee~ dseá' guitúung' quiá'~ Jesús i sii' Judas Iscariote i nisi'í' i ni'níng' dseá' do, lalab cajíng'` í' ie~ jo:

5 —¿Jialí' ja` mí cango'nhĩ e jm̃ĩ jmeaf̃ĩ la cóo'~ 'ní ciento cutee` e laco' nilisea` cuu` e nilicóo'~ jaléng' dsea` tiñíng`?

6 Jo cajíng' Judas Iscariote e jo dsu' o' já' dseáng' e f̃ĩ líiñ` jaléng' dsea` tiñíng`, co' jaang` ìb` líiñ' do, co' ie` jo íbre dsea` néé' nir` taloo` téé' cuu` e líí' quiá' Jesús colíng` gui cóo' i dsea` guitúung` quiá'r` do; joba' i Judas Iscariote do gui`bre e cuu` do mi` iñ` 'ñia'r`.

7 Joba' lalab cañí' Jesús quiá' i dsea` í:

—Ja` e fi' jii'~ cóo' i dseam̃ na, co' lajii'~ e nicajméer` na e nicaguiar' guiá` quié` e mi` nití` í' e quiá' ni`ám`baa.

8 Jo contøøm` cuøøng` lí jmicóo'~ 'nú' jaléng' dsea` tiñíng`, jo dsu' jnea` gui ja` contøøng` táan`n cóo'~ 'nú' fi' jmigüi' la.

Mi` ca'f` dsí' dsea` e nijngáñ` i Lázaro do

9 Jo mi` cang`guijiu lajo, i f̃im' dsea` Israel caliñir' e dobi táang` Jesús e fi' Betania do. Joba' cangolíñ` cangojóø`bre fi' jo, jo dsu' o' jii'~ Jesús dseáng' i ngir' 'náiñ' do, co' lajob 'náiñ' Lázaro cajo i cajméé` Jesús e cají'tu calé' catú`.

10 Joba' i fi' jmidsea` do casíiñ` røø` e la quie' tí Lázarob nijngáñ`,

11 co' fé' i dsea` Israel i quie' nifi' do e uí' íb` f̃ĩng` i dsea` góor` do ninaang` 'naaiñ` cóo'~ i dsea` rúñ` caguiaang` gui do, jo cóo'~ Jesús ninaaiñ` dsitáañ`.

Mi` ca'í` Jesús fi' jee` f̃ĩ Jerusalén

(Mt. 21:1-11; Mr. 11:1-11; Lc. 19:28-40)

12 Jo lajee` ná' gui jm̃ĩ Pascua e tí fi' Jerusalén do, f̃im' dsea` cangolíñ` fi' jo e cangotíñ` e jm̃ĩ do; jo mi` cajneá` cóo' gui jm̃ĩ, job caliñí' dsea` e tí niguiéé' Jesús fi' Jerusalén e quiá' e jm̃ĩ do.

13 Jo mi` caliñí' i dsea` do e jo, joba' cangoquiá'r` moo` quiee`, jo cangolíñ` cango'íñ` Jesús catí' caluu` f̃ĩ e quiá' nijmiféiñ' dsea` do. Jo mi` ca'íñ` dsea` do, lalab fé'r` teá e iáang` dsíir`:

—iMajmifém'baa' i dsea` na! iJogui juguiá`jiu quiá' i dsea` na i casíng` Fidiéé' fi' jmigüi' la cuaiñ` quiá'r`! iJogui majmifém'baa'r cajo i dsea` na i líng` dsea` güeang` i quie' nifi' quiá' jaléng' dsea` góo`naa' dsea` Israel!

14 Jo lajee` iuung` Jesús fi', lado cadséiñ` jaang` bú', jo íb` caguár` lí' laco'gui la fé' fi' ni` jì quiá' Fidiéé' e cajme' dsea` malii` gui eáang` lí' fé' lala:

15 Ja` f̃øøng` na' jaléng' 'nú' i seeng` fi' f̃ĩ Sión;

jo jóø`na', lab nijáa' i dseata` dsea` féng' qui`na' e guiiñ` fi' mocóo'~ jaang` bú' jiuung`.

16 Jo dsu' la'uii` ja` calilí' b̃ĩ i dsea` guitúung` quiá'r` do e guøng' jalé' e do; lí' mi` cang`gui lajo, mi` cang` e cangáng' tu Jesús fi' ñifi`, jogui calilí' i dsea` do e jalé' e cajméé' Jesús do ninitóob' fi' ni` jì quiá' Fidiéé' e cajme' dsea` lajii'~ malii` gui eáang` lí' fé' uii` quiá' Jesús.

17 Jo ie` jo, jaléng' i dsea` i cangá` mi` cató' Jesús i Lázaro do e nigüi'íñ' do fi' dsí' éé' quiá'r` co' cají'b` tur, joba' jaléng' i dsea` íb` i cani' e júu` jo jee` jaléng' i dsea` caguiaang` gui do.

18 Jo lajob i f̃im' dsea` cangolíñ` e cangojmijíñ' Jesús, co' caliñí'bre jalé' e quí'~ dsea` do jm̃ĩ e cajméer` e fi' do ie` jo.

19 Jo i dsea` Israel i líng` dsea` fariseo do lalab síiñ` la'ó' yaaiñ`:

—Nab nimóo` 'nú', jii'~ cóo' ja` e quí'~naa' jm̃ĩ nijmó`oo' lana, co' jnéeng` ne`baa' e jia' ja' lajim` dsea` nisitáañ` cóo'~ i Jesús na lana.

Mi` ca'nang' dsea` griego Jesús

20 Jo jee` jaléng' i dsea` i cangolíng` fi' Jerusalén e cangojmiféiñ' Fidiéé' lajee` e jm̃ĩ jo, jee` i dsea` íb` niquiéeng` cóo' tú` m̃ĩng' dsea` griego.

21 Jo i dsea` griego do cangoquiéiñ' fí lí sing' jaang` dsea` guitúung` quiá'- Jesús i sií Lii~, jo í seeiñ' fí Betsaida e néé' lí se' Galilea, jogui i dsea` griego do camí'r' jmi'ee' i Lii~ do jo casí'-reiñ':

—Dsíng'- ii~ jnea'^ e nilicuíng'naa' Jesús.

22 Joba' dsifí' mi~ canúu~ Lii~ e jo, cangó-bre cangosí'r' Dí i líng' jaang`gui dsea` guitúung` rúíñ' cajo, joba' lajì huáam-bre cangolíñ^ e cangojmée'r' júu^ Jesús lajii' e jíng'- i dsea` griego do.

23 Joba' lalab cañí' Jesús quiáiñ'- do:

—Lana tí nití' í' quié'- e e ninín'^túu fí ñifí' fí lí cagá- a mi~ cagüen- n fí la e lín'n jaang` dsea` jmigüí'.

24 Jogui jnea~ jmitaa^ óo'na' e fa' camí'^ micui'iee' e ja` mí' cató' fí ni~ uó^ jo o'gui níi'~ cajo, joba' lamí~ líb' lí e camí'b'^ e mijú' do; jo dsu' song camí'^gui e micui'iee' do catób' fí ni~ uó^ jogui caní'b'~, joba' jmiguiab' ni'uíng'- do mi~ niró'.

25 Cofa' i dsea` i eáang'gui guíng~ dsí' jalé' e dsijée' fí jmigüí' la, joba' ni'ím- quiá'- i dsea` í mi~ tí lí jo; jo dsu' i dsea` i ja` guíng~ dsí' jalé' e dsijée' fí jmigüí' la, joba' i dsea` í guíab- ni'uíng- quiá'r- mi~ tí lí jo, co' cøøm niliseeiñ' cóo' Fidiée' lata~.

26 Jogui song jaang` dsea` iin~ e nilíñ- jaang` dsea` i jmóo' lajii'~ e iin~n, joba' 'né- ngír- colím~ cóo'~ jneab~; jogui lacaang` jié' fí lí seen-, joba' fí job' 'né- seeiñ' cóo'~ jnea~ cajo. Jo song seeng` dsea` i jmóo' lajii'~ e iin~n, joba' Tiquié^e dsea` guíng~ ñifí- nijmí'gó'bre i dsea` í cajo.

Mi~ cajíng'-tu Jesús e nijngáng'- dsea` ír'

27 'Jo fá'guí lana e dseáng'- dsíng'- nijáa' fí'í' quié'-e; jo ¿e~ nijmee~e? ¿Su nifá'a: "Teaa~, leaang- jnea~ jee~ jalé' iihuí' e nidsingñ- n do"? U~, o' lajo, co' jnea~ cagá- a fí jmigüí' la e lí' laco' nidsingñ- n jalé' e jo.

28 Joba' fí-i 'nua, Teaa~, jmee- e laco' nijmí'gó' dsea` 'nua.

Jo dsifí' mi~ cangí' e cajíng'- Jesús lajo, joba' guicaná' coo' luu~ fí yá^ jmigüí', jo guicajíng'- lala:

—Nícajmé-baa lajo, jo dsu' tí lí~ nijmee~baa calé' catú-.

29 Jo jaléng' i dsea` i teáang- núu' do ie~ jo cajíñ'- e líng~ ee' guicangoo' fí yá^ jmigüí'; dsu' i líng~gui i dsea` do fé'r':

—Jaang` ángel i níguicafé' na.

30 Jo mi~ cangí' jo, jo cañí' Jesús quiá'- i dsea` do jo cajíñ'-:

—Ja` catíng- jnea~ e guicajíng'- e luu~ do, co' 'núb' dsea` catíng-na' e jo.

31 Jo lanab catí' í' e Fidiée' níquidsir' í' quiá'- jaléng' dsea` jmigüí' uii~ quiá'- jalé' dsee- quiá'r-, jogui lanab cajo catí' í' e ni'íng- bí' quiá'- fí i 'líng' i quiu' ta' fí jmigüí' la.

32 Jo dsu' mi~ ningí' e niteáng- dsea` jnea~ fí dse' crúu^ e laco' nijúun- n, jo lajoba' nitóøø jaléng' dsea` e laco' ni'uíñ- dsea` quié'-e.

33 Jo cajíng'- Jesús lana co' niñi'bre guíu- jial nijnga'- dsea` quiá'r-.

34 Jo mi~ tí lí~ canúu- jaléng' dsea` i teáang- do ie~ jo e júu^ quiá'- Jesús do, joba' lalab cañí'r' quiá'- dsea` do:

—Níneb~ jnea'^ røø' e tóo' fí ni~ jì' quiá'- Fidiée' e latab~ niliseeng` Dsea` Jmáang-, joba' ¿jialí' fó' 'nua' e i dsea` i jáa' fí ñifí' e lííñ' jaang` dsea` jmigüí' 'né- nisáíñ' fí yá^ mi~ nijnga'- dsea` quiá'r-? Jogui ¿i~ i dsea` i julí' na?

35 Joba' lalab cañí' Jesús quiá'- i dsea` do:

—Jnea~ bí' e jì' e jnea' jee~ 'nú' lajee~ lana, jo dsu' jo' huøø- e líng'guí lajo jee~ 'nú' fí la. Joba' jmi'úum'ba' e seem'ba' guíu- lajee~ e seem-bí' jee~ 'nú' fí la e laco' ja` nilí' e lí' nua' do 'nú'. Dsüco' jaléng' dsea` i seeng` e fí lí~ nua, joba' jii'~ ja` ñír' jie~ fí lí~ seeiñ'.

36 Joba' jáang~ yaang~na' e fí lí~ jnea' jì' do lajee~ e seem-bí' jee~ 'nú' e laco' qui'~ jmi~ e niliseeng'na' contøøng- fí lí~ jnea' jì'.

Jō mĩ tí lí cangí e cajíng' Jesús jalé' e júu na, jōba' cangó-bre, jō ca'náam 'ñia'r jee' ñ dsea`do.

Jialí' ja' já' líng' dsea`Israel júu` quiá' Jesús

³⁷ Jō ie~ jō, ja' e lí e Jesús cajméer` jalé' e lí laniing` e quí'r~ jmíi' fí quini` jaléng' dsea` góor` dsea` Israel, jō dsu' ja' já' lí m'bi ñ dsea`do júu` quiá' Jesús;

³⁸ jō lajōba' e caliti` e cajme' Saí', jaang` dsea` ñ café' cuaiñ~ quiá' Fidié~ malí~ gui eáang' ie~ lamí~ cajíñ' lala:

Fí'naa', çí ñ já' nicalíng` júu` quiá' e guía'naa'?

Jōgui çí ñ nicalíñ' jial tí' 'gø'n', Fí'naa' Fidié~?

³⁹ Jō lajōb jaléng' dsea`do júi' ja' lí'r` ningáíñ', cō' lalab cajme' gui Saí' cajo fí ni~ jì quiá' Fidié~ lí fé' lala:

Jnea~ Fidié~ jō fá'a e júu` la:

⁴⁰ Nicajñ'baa jminir~ jōgui nicajñ'baa moguir~ cajo

e laco' ja' cuóøng` nilíñir` júu` quié` e

o'gui cuóøng` e ningáíñ' jial lí' cajo;

jō lajōba' ja' niquí' jíng' yaaiñ~ fí quinií` ,

jōgui lajōbi jnea~ ja' nijmi'leáan` nre cajo.

⁴¹ Jō cajíng' Saí' lana, cō' nicangá-bre jial tí' laniing` 'gøng' Jesús, jōba' fé'r` uii~ quiá' dsea`do.

⁴² Jō nañi' fa' cajím' ñ yúu' Saí' do e júu` jō, dsu' fím' dsea` Israel já' calíñ` júu` quiá' Jesús ie~ jō, jōgui fím' dseata` dsea` Israel ñ laniing` já' calíñ` júu` quiá' dsea`do ie~ jō cajo. Jō dsu' ja' fé'r` lajō fí quini` jaléng' dsea` jiéng', cō' 'góm'bre jaléng' dsea` Israel ñ líng' dsea` fariseo e ni'uóøng` neiñ' fí dsí' sinúu` guá' quiá'r` ,

⁴³ cō' eáang' gui iñ~ e dsea` jmigü'bing' nijmi'gó' ír` laco'gui e nijmé` 'ñia' Fidié~ lajō cóo'r` .

Jial dseáng' 'né' nijmi'gó' dsea`júu` quiá' Jesús

⁴⁴ Jō mĩ cangígui lajō, lalab cajíng' Jesús cóo' júu` teá':

—Jaléng' dsea` ñ já' líng' júu` quié` e, jōba' ñ dsea` í o' júi' júu` quié` e já' líñ, cō' lajōb já' líñ júu` quiá' Tiquí'ii' Fidié~ cajo, dsea` ñ casíng' jnea~ fí jmigü' la.

⁴⁵ Jō doñi' ñ dsea` ñ níng` jnea~ , jōba' níim`bre cajo ñ dsea` ñ casíng' jnea~ fí jmigü' la.

⁴⁶ Jō jneab` dsea` líñ`n e jì do, jō cagá` a fí jmigü' la e lí' laco' jaléng' dsea` ñ já' líng' júu` quié` e ja' niliseeiñ' fí lí` nuu` .

⁴⁷ Jō ñ dsea` ñ lico' núu` jalé' júu` quié` e jō dsu' ja' jmóor` núu'r` jalé' e jō, jōba' o' jnea~ dsea` niquidsii` í' quiá' ñ dsea` í. Cō' ja' cagá` jnea~ fí jmigü' la e laco' niquidsii` í' quiá' jaléng' dsea` , cō' jnea~ cagá` a e lí' laco' nilaan`re jee~ jalé' dsee` quiá'bre.

⁴⁸ Jō jaléng' ñ dsea` ñ ja' júi' jnea~ o'gui já' líñ` júu` quié` e, jōba' ñ dsea` í niseem`bing' ñ ni'f` í' quiá'r` quiá' jalé' e dsee` e nica'éer` do; cō' cóo' jalé' e júu` e nicafá` a na, cóo' júi' jōb nitidsí' í' quiá'r` mĩ tí lí jō.

⁴⁹ Cō' jnea~ ja' fá'a la ñiñ` 'ñiá'a, dsuco' Tiquí'ii' ñ casíng' jnea~ fí jmigü' la, íb` ñ nicaqui' ta~ quié` e lajúi' e 'né` e nifá'a.

⁵⁰ Jō lajōb niñi' jnea~, e jaléb' ta~ e quiu' Tiquié` e do cuø' e liseeng` dsea` cøøng` cóo' Fidié~ lata~ . Jōba' lajōb lí', jaléb' e fá' jnea~ dseáng' fá'a júi' laco' ta~ ca'ín`n quiá' Tiquí'ii'.

13

Mĩ caru' Jesús tñ` dsea`guitúung` quiá'r`

¹ Jō mĩ cangígui lajō, lajee` e guati'ló` jmíi' Pascua e quí' tñng` dsea` Israel jmóor` fí Jerusalén, jō ie~ jō niñib' Jesús e nicatíb' í' quiá'r` e nitúr` fí jmigü' la jō nidséiñ`

nidsigüea`tur cóo`~ Tiquí`ii' fí ñifí~. Jo lajee` cateáaiñ` fí jmi`güi` la, eáam` cajmi`neáaiñ` jaléng` dsea` i ca`u`ing` dsea` quiá`r~, jo lajob` cajmeer` cartí` cangáng`~ tur fí ñifí~.

2-3 Jo ie` jo, tí lí~ ni`íb` fii` i`'ling`^ fí dsí` Judas, jóo` jaang` dseañ` i` sii` Simón Iscariote, jo i` fii` i`'ling`^ do cajmeer` e ca`f` dsí` i` Judas do e ni`náiñ` Jesús fí` quini` jaléng` dsea` i` quie` nifí` quiá`~ dsea` Israel. Jo Jesús niñi`bre guiá`~ e fí lí~ guing` Fidiéé` jáar` mi` cagüéiñ` fí` jmi`güi` la, jogui e fí` job` nidséng`~ tur mi` nití` í` quiá`r~. Jo i` Tiquí`ii' dob i` nicacuø` ír` fí` e neé` nir` lajalé`.

4 Jo ie` job` cagø` Jesús í` can` còo`~ dsea` guitúung` quiá`r~, jo lajee` e neáaiñ` gø`r` dob mi` caráaiñ` e fí` lí` guiiñ` do jo caguir` e si`r` e quier` lí` lí` ni~, jogui ca`ñú`r` cóo` jmaang`~ 'mi` fí` 'ñúñ`.

5 Jo mi` cang` jo, caguié`r` jmi` fí` dsí` cóo` úu` e ja` a` eáang`, jo cóo`~ e job` canaaiñ` ru`r` tí` lajaang` lajaang` i` dsea` guitúung` quiá`r~ do, jo mi` calí` jo, cajmiquié`r` cóo`~ e 'mi` e ca`ñú`r` tu`r` do.

6 Jo mi` tí` lí` catíng` Tú` Simón e nijgí` tír` e nirú`~ Jesús, joba` lalab cañir` quiá`~ dsea` do:

—Fí`i, ja` catíng`~ 'nu` e nirú`~` tí`i.

7 Jo lalab cañi` Jesús quiá`~ dsea` do:

—Ja` mí` ngáng`~ 'nu` lana e` guóng`~ lajii`~ e jmóo`o la, jo dsu` lajee` lab ningán`.

8 Jo cañi`tu Tú` Simón quiá`~ Jesús jo cas`r` dsea` do:

—i`Dseáng`~ ja` cuø`baa fí` e 'nu` nirú`~` tí`i!

Joba` lalab cañi`tu Jesús quiá`~ dsea` do:

—Lí`^ jii`~ e laba` lí`, e song ja` nirú`~` u` tí`~, joba` ja` quí`~ jmi` jóng e líng`gui` dsea` quie`~e.

9 Joba` cañi`tu Tú` Simón quiá`~ dsea` do jo cajíñ`~:

—Jo song lajob` nilí` Fí`i, joba` guiá`~gui e nirú`~`ba` la quie` guóo`o cóo`~`gui moguii` cajo.

10 Jo dsu` lalab cañi`tu Jesús quiá`~ Tú` Simón jo cajíñ`~:

—Doñi` ii` dsea` i` lalí` calá`, joba` ja` 'né` lá`~ tur ladsifí` lado, jo jii`~ tí`~bre 'né` nirú`~` tur có` sijgím`^bre latø`iñ`. Jogui 'nú` lím`ba` dsea` sijgíng`^, nañi` fa` ja` lajaléng`na` líng`na` lajo.

11 Jo cajíng`~ Jesús lana e ja` lajii`ng` i` dsea` do líiñ` dsea` sijgíng`^, có` niñi`bre guiá`~ i` i` dsea` i` ni`ning`~ ír` fí` quini` dsea` i` quie` nifí` quiá`~ dsea` Israel.

12 Jo mi` tí` lí` cató` e ru` Jesús tí` jaléng` i` dsea` guitúung` do quiá`r~, joba` caquib`~ tur e si`r` do, jogui caguáb`~ tur e fí` lí` guiiñ` gø`r` do, jo mifíng`~ cajíñ`~ lala:

—¿Su ñi` 'nú` e` guóng`~ jalé` e nicajmé` e quí`~na` na?

13 Có` 'nú` ca`líng`~na` jnea` e lín`n Fí`na` jogui e lín`n Tifa` quí`~na', jo e jáb`~, lajob` lí`, có` lajob` dseáng`~ lín`n.

14 Jo có` jnea~, dsea` lín`n Tifa` jogui Fii` quí`~na', nicarú`~`baa tí`~na` lajaang` lajaang`na', joba` lajob` cajo 'né` jméé`^ 'nú`, 'né` rú`~`ba` tí` dsea` rúng`na`.

15 Jo jnea` nica`éé`~baa 'nú` jial` 'né` nijmee`~na` e laco` 'nú` nijmee`~na` røøb` laco`gui jii`~ e nicajmé`~ jnea`.

16 Jo e laba` jmitaa`^ óo`na', e jii`~ jaang` dsea` 'léeng`~ niing`~guir laco` fii`r~, jogui e jii`~ jaang` dsea` i` ngí` ta` quie` júu`^ niing`~guir laco`gui i` dsea` i` casíng`~ ír` do.

17 Jo song ngám`ba` jalé` e júu` na jogui jmiti`bi` e iáang`^ óo`na` cajo, joba` juguiáb`~ niliseeng`na` jóng.

18 'Jo dsu` e fá`a na ja` catíng`~ 'nú` lajii`ng`na`; có` ñi`baa guiá`~ i` jaléng` i` nicaguín`~n. Dsu` dseáng`~ 'né` litib` jii`~ laco` fé` fí` ni` jii` quiá`~ Fidiéé` e cajme` dsea` malii`gui eáang` lí` fé` lala: "Jaang` lajee` dsea` i` gø` colíng`~ cóo`~`baa lana, ni`ní` ním`~bre jnea`~."

19 Jo fii`~i` 'nú` e júu` na lana e lí`^ laco` niñi`ba` jéeng` mi` tí` lí` nidsijéé` jalé` e jo. Jo mi` tí` lí` nilí` lajo, joba` jáb`~ nilíng`na` jóng e jneab` dseáng`~ lín`n jii`~ laco` fá`a e lín`n.

²⁰ Jōguì e laba' jmitaa^ óóna', e doñí' ìì dseà` ì ní'íng' ì dseà` ì sún`n do, jōba' ím'bre jnea~ cajo; jōguì doñí' ìì dseà` ì íng' jnea~, jōba' ím'bre ì dseà` ì casíng' jnea~ fí' jmigü' la cajo.

*Mi~ cajíng' Jesús e Judas Iscariotebing' ì ni'níng' ír`
(Mt. 26:20-25; Mr. 14:17-21; Lc. 22:21-23)*

²¹ Jō mi~ cangí e cajíng' Jesús lajō, jōba' dseáng' eáam' fí'í' calíñ~, jō cajíng' casí'r` ì dseà` guitúung` quiá'r` do jō casí'` reiñ':

—E laba' jmitaa^ óóna', e jaang` lajee` la'ó' 'nú'bing' ì ni'níng` jnea~ fí' quini` ì dseà` quie' nifí' quiá'` dseà` góo`naa' dseà` Israel.

²² Jō mi~ canúu` ì dseà` guitúung` do e júu` jō, jō lico' cajóong` rúm'bre, jō dsu' ja` calilí'r` ì dseáng'` ì éeng` Jesús do.

²³ Jō jaang` lajee` ì dseà` guitúung` ì iing` Jesús eáang' do dseáng'` cáam` dseà` do guiñ~, jō lajōba' cuóom` sáññ` cóo'` dseà` do lajee` e neáañ' gø'r'.

²⁴ Jō co' huím`bigui guíng` Tú` Simón, jōba' cajméer` li~ cóo'` guóor` quiá'` ì dseà` ì guíng` cáang` Jesús do e laco' dseà` í' nijmíng'í'r` dseà` do ì~ lajee` ír` ì éeng` Jesús do.

²⁵ Jō ì dseà` ì guíng` cáang` Jesús do cangoquiéiñ' quiá'` gui laco' guíng` dseà` do, jō lalab cajmíng'í'r` dseà` do:

—Fí'í', çí` ì dseà` ì julí na?

²⁶ Jōba' lalab cañí' Jesús quiá'` dseà` do:

—Lana nijmi'leaa` cóo` 'ná'`jiu` íñí', jō ìì ì dseà` ì nicuóøø` e jō, íb` ì fá'a na.

Jō dsifí' mi~ café` Jesús e júu` jō, jōba' cajmi'leá'bre e íñí' do, jō ì Judas ì líng' jóo' Simón Iscariote, íb` ì cacuø'r` e jō.

²⁷ Jō dsifí' mi~ ca'íng' ì Judas do e íñí' do, jōba' dsifí' lajōb ca'í' fii` ì 'líng' ì sii` Satanás fí' dsír'. Jōba' lalab casí'` Jesús ír`:

—Lají'` e nica'í' o' e nijméé', jōba' jmeeb` lajminá`.

²⁸ Jō mi~ canúu` ì dseà` ì caguiaang` gui do lají'` e cajíng'` Jesús do, ja` cangáiñ' jiali'` cajíng'` dseà` do lajō.

²⁹ Jō co' ie` jō ì Judas Iscariote do líññ` dseà` ì sí'má'` cuu` quiá'` Jesús cóo'` gui quiá'` ì dseà` guitúung` quiá'r`, jōba' ì líng` ì dseà` do ca'í' dsír' e Jesús sí'r` ì Judas do e líng` ee` nidsileáa' dseà` do quiá'` e ni'nér` lajññ` lajee` jmí` osi quiá'` e nicuø'r` jaléng' dseà` tíññing` é.

³⁰ Jō dsifí' mi~ ca'íng' Judas Iscariote e íñí' do, jōba' cagü'í'bre e fí' lí' neáañ' do. Jō nicanuub`.

Júu` laniing` quiá'` Dseà` Jmáang`

³¹ Jō mi~ tí' lí' cangí e cagü'í' ì Judas Iscariote do, jōba' lalab casí'` Jesús ì dseà` quiá'r` ì cajé'gui do:

—Jō lanab nicalilí'` 'nú'` jial tí' niguo'` líng' Fidié` mi~ calilí` jial tí' niguo'` líng' jnea~, dseà` cagá` a fí' ñíff` jō cagüén` n fí' jmigü' la e lín`n jaang` dseà` jmigü'.

³² Jō song lajōb lí', e jnea~ dseà` cagüén` n fí' jmigü' la lín`n jaang` dseà` jmigü' e ni'ée`e 'nú'` jial tí' niguo'` líng' Fidié`, jōba' Fidié` lajōb nijmér` cóo'` jnea~ cajo, jō lajee` tab` nijmér` lajō.

³³ Jōguì 'nú', dseà` líng'na' jōo'o, e laba' fí'` ì 'nú' e jō huøø` táang`guí cóo'` 'nú' fí' la. Jōguì 'nú' ni'nam'ba' jnea~ jō dsu' jō niguiéng'na' jnea~; co' lí' laco'gui jí'` e nica'fí' ì dseà` Israel caguiaang` gui ie` lamí` jéeng'gui do, jō lajōb fí'` ì 'nú' lana cajo e ja` cuóong` nigü'líng'na' fí' lí' niníng'` jnea~.

³⁴ Jō uíng` e jōba' e nicuóøø` 'nú' e júu` laniing` la e ja` mí' cafí'` ì 'nú' lamí` jéeng'gui, jō e lab e jō: jmi'neáang'na' dseà` rúng'na'. Jō lí' laco' la 'neáang` jnea~ 'nú', lajōb dseáng'` 'né' jmi'neáang'na' dseà` rúng'na' cajo.

³⁵ Jo song lajɔb jmoona' e dseáng' jmi'neáang'na' dsea` rúng'na', joba' lajim` dsea` nililí'r` jóng e dseáng' dsea` quié`baa líng'na' song jmooba' lajo.

Mi` cajmée` Jesús júu` e nijíng'` Tú` Simón e ja` cuíñ` dsea` do
(Mt. 26:31-35; Mr. 14:27-31; Lc. 22:31-34)

³⁶ Jo mi` canúu` Tú` Simón lajii` e cajíng'` Jesús do, joba' cajming'`r` dsea` do lala jo cajín'`:

—Fíi', ¿jie` fí` lí` niguó'`?

Joba' cañíi` Jesús quiá'` dsea` do jo casí'r`-reiñ':

—Ja` cuóøng` niguøng` 'na` lana e fí` lí` ninín`^n, jo dsu' mi` nilicøøng`guijiu lajo, joguiba' e nicuøøng` guøn`^ jóng.

³⁷ Joba' lalab cañíi` Tú` Simón quiá'` Jesús jo casí'r` dsea` do:

—Fíi', ¿jiali'` ja` cuóøng` e ninín`^n cóo'` 'na` lana? ¿Co'` guiab` dsii` e nijáang'` 'ñiá'a e nijúun` n e laco'` nijmicóo'`o` 'na`!

³⁸ Joba' lalab cañíi` Jesús quiá'` i` Tú` Simón do jo casí'r`-reiñ':

—¿Su dseáng'` já'` e nijmée`^ e laco'` fó'` na, Tú` Simón? Co'` lana jmitaa` o'` e lajee` e ná'` gui e niquí'` jaang` tuidsee`, 'na` nifo'` 'ní` ya'` e ja` cuín`^ jnea`.

14

Jesús láiiñ` e fí` cóo'` e guilíng` dsea` fí` lí` guíng` Tiquiá'r`

¹ Jo mi` cangí` e casíng` Jesús cóo'` i` Tú` Simón do, joba' lalab casí'r` guir i` dsea` quiá'r` do:

—Ja` jmáang` yaang`na' fí'í` 'ná', dsea` já'` nicalíng`na' júu` quiá'` Fidiée`, jogui ja` jmitúng` óo'na' cóo'` júu` quié`e, co'` 'né` e jáb'` nilíng'na' cajo.

² Co'` fí` lí` guíng` Tiquié`e fí` ñiff`, féb'` jóo` e quiá'` nigüea` jaléng` dsea` quiá'r` ; cofa'` ja` líi'` lajo, joba' ja` mí` cañíi` 'ná'` jóng e tí` lí` ninín`^n e niguiaa` guiá'` fí` lí` nigüiní'na' cóo'` jnea` fí` lí` guíng` Tiquié`e faco'` lajo.

³ Jo mi` tí` lí` cangí` e niguiaa` guiá'` e fí` lí` nigüiní'na' do, joba' nigáab`túu` calé'` catú` fí'` la e laco'` nitøø` 'ná'` e nigüilíng`na' cóo'` jnea`, jo fí` job nidsi'ie`ee' colíng` cóo'` jnea`.

⁴ Co'` niñib` 'ná'` jie` fí` lí` ninín`^n jogui nicuí'bi' cajo e fí` e dsijée` fí` jo.

⁵ Jo mi` cangí` e cajíng'` Jesús e júu` jo, joba' jaang` lajee` i` dsea` quiá'r` do i` sii` Tomás lalab cañíi'r` quiá'` dsea` do:

—Fíi', ja` ne` jnea`^ jie` fí` lí` niguøng`^ 'na', joba' ¿jial lí` e nilicuí'naa' jnang` e fí` jo?

⁶ Joba' lalab cañíi` Jesús quiá'` dsea` do:

—Jneab` dsea` lín`n e fí` e laco'` cuóøng` niguilíng` dsea` fí` ñiff`, jogui jneab` dseáng'` cuóø`ø` 'ná'` e liñí'na' jalé'` júu` quiá'` Fidiée`, jogui jii` jnea`bi` cuóø`ø` 'ná'` cajo e seeng`na' cøøng` cóo'` Fidiée` lata`. Jo jii` la'eáang` cóo'` jneab` cuóøng` e niguilíng` dsea` fí` quini` Tiquí'ii' Fidiée`.

⁷ Jo song nicuíim` 'ná'` guiá'` jnea` lana, joba' nilicuíim`ba' Tiquié`e cajo; jo dsu' latí` lanab ninaang` cuíng`na' dsea` do, co'` nicañíim`ba're.

⁸ Jo mi` calí` fé'` Jesús e júu` na, joba' lalab cañíi` jaang`gui dsea` quiá'r` i` sii` Lii` do jo casí'r` dsea` do:

—Fíi', cuóø'` jnea`^ fí` e nineeng`naa' Tiquí'ii' dsea` guíng` ñiff`, jo jii` joba' má'`naa' 'na`.

⁹ Joba' lalab cañíi` Jesús quiá'` i` Lii` do jo cajín'`:

—Lii`, ningóob` eáang` e seen` jee` 'ná', jo ¿su ja` mí` calicuíim`bi' jnea`? Dsuo'` jaléng` dsea` i` níng` jnea`, joba' i` dsea` í` níim`bre Tiquié`e cajo; joba' ¿jiali'` má'` jnea` fí` e laco'` nimáang`na' Tiquí'ii'?

¹⁰ Jo ¿su ja` já'` lín` 'na` e jnea` cøøm` seeng` cóo'` Tiquí'ii' jogui e Tiquí'ii' cøøm` seeiñ` cóo'` jnea` cajo? Co'` jalé'` e fíi` 'ná'` na ja` fá'a e la tñn` 'ñiá'a, co'` Tiquí'ii' i` seeng` cøøng` cóo'` jnea` do, dsea` íb` i` jmóo` lajii` ta` quiá'`.

11 Jo 'né- liñí'ba' e jnea~ cøøm` seen- cóo'~ Tiquí'ii', jogui lajobi ír` seeiñ` cøøng` cóo'~ jnea~ cajo, jo song ja` já'~ líng`na' e júu` jo, joba' lico'` já'~ güilíng`na' júu` quíe~ e mí` móo`na' jalé' e jmóo`o.

12 Jogui e laba' jmitaa` óo`na' cajo, e doñí' i' i` já'~ líng` júu` quíe~ e, joba' nijmé`bre jalé' e quíi'~ jmíi'~ lí' laco'gui jii'~ la nicajmé` jnea~ cajo; jo dsu' sea`ba' do e nijmér` e niguó'gui eáang', co' jnea~ ninín`n e nijaa` cóo'~ Tiquí'ii' dsea` guing` ñifí`.

13 Jo jalé' e nimíi'~na' Fidié` la'eáang' cóo'~ jnea~, joba' jneab~ nijmee~ e jalé' e jo quíi'~na', jo lajoba' nijmiféng' dsea` Tiquíe` e Fidié` la'eáang' cóo'~ jalé' e jmóo` jnea~ do.

14 Jo doñí' eeb` cuøøng` lí` jmee~ jnea~ song camíi'~na' Fidié` lajo la'eáang' cóo'~ jnea~.

Mi` cacuø` Jesús júu` e nisíng` Fidié` Jmiguí` quíá'r`

15 'Jo fíi`guíi' 'nú' e song dseáng'~ lajang'~ júu` 'neáang`na' jnea~, joba' nijmée`ba' náu'~na' júu` quíe~ e jóng.

16-17 Joba' jnea~ nimíi'~i Tiquí'ii' dsea` guíiñ` ñifí` e nisíñ` Jaang` i` nijmicóo'~ 'nú', jo e job líi' Jmiguí` quíá'~ Fidié` cóo'~ e cuø'` 'nú' e liñí'na' jalé' júu` quíá'~ Fidié`. Jo e Jmiguí` do contøøm` niliseeng` cóo'~ 'nú'. Jo jaléng' dsea` i` ja` mí` ca'íng' jnea~, joba' ja` quíi'~ jmíi'~ fa' e ni'íñ' e Jmiguí` do, co' ja` mí` cangár` o'gui cuíir` cajo; jo dsu' 'nú'gui nicuú'ba' e Jmiguí` do, co' niseem` cóo'~ 'nú' lana, jogui tí` lí` nití` í' e niliseem` fí` áa`na' cajo.

18 'Jo fíi`guíi' 'nú' e ja` quíi'~ jmíi' fa' niseáan`n 'nú' e lafa' 'núng`na', co' nigáab`túu` calé' catú` jo niliseem`túu` cóo'~ 'nú'.

19 Jo lajee` lab, jaléng' dsea` i` ja` cúing` jnea~ jo` niníng`guir jnea~; jo dsu' 'nú' nimáam`tu' jnea~ jogui contøøm` niliseeng`na' cóo'~ jnea~ cajo, co' seem` jnea~ cóo'~ 'nú' lata`.

20 Jo ie~ job nililí'na' e jnea~ cøøm` seen- cóo'~ Tiquíe` e, jogui 'nú' cøøm` seeng`na' cóo'~ jnea~, jogui jnea~ cøøm` seen- cóo'~ 'nú' cajo.

21 Jogui i` dsea` i` íng' júu` quíe~ e jogui jmóor` náu'r` jalé' e júu` jo, joba' i` dsea` í` cuø' lí' e dseáng'~ lajam`ba' e 'neáaiñ` jnea~, jo lajob Tiquíe` e nijmi'neáam`bre i` dsea` i` jmi'neáang` jnea~ do, jogui jnea~ nijmi'neáam`baa i` dsea` í` cajo, jogui ni'é`baare jial dseáng'~ línn`.

22 Joba' cañíi' jaang`gui dsea` guitúung` quíá'~ Dsea` Jmáang` i` sii` Judas, dsu' o' i` Iscariote do, jo casí'r` dsea` do lala:

—Fíi', ¿jali' e ni'ééng` uø' fí` quini` jnea' jo o' fí` quini` jaléng' dsea` i` ja` líng' dsea` góo`naa'?

23 Joba' cañíi' Jesús quíá'~ i` Judas do jo cajíñ'~:

—Jaléng' dsea` i` jmi'neáang` jnea~, joba' jmóo`bre náu'r` jalé' júu` quíe~ e; jo Tiquíe` e Fidié` nijmi'neáam`bre i` dsea` í` cajo, jo lajob Tiquíe` e colíng`gui cóo'~ jnea~ cøøm` nilisee`naa' cóo'~ i` dsea` í`.

24 Jogui i` dsea` i` ja` 'neáang` jnea~, joba' ja` jmóor` náu'r` jalé' júu` quíe~ e. Jo jalé' e júu` e fá' jnea~ la, o' dseáng'~ júu` quíe~ e 'ñiá'a co' e quíá'~ Tiquí'baa', jo íb` dsea` i` casíng` jnea~ fí` jmigüi' la.

25 'Jo fíi' i` 'nú' jalé' e júu` la lajee` e táam`bíi` cóo'~ 'nú' fí' jmigüi' la;

26 jo dsu' mí` ninín`n fí' ñifí` fí' lí' guing` Tiquíe` e, joba' dsea` íb` i` nisíng` Jmiguí` quíá'r` cuaiñ` quíe~ e e laco' nijmicóo'~ 'nú', jo lajoba' niguíéng' áa`na' jalé' e júu` e nicafíi' i` 'nú' lajee` e nicataang`naa' colíng`, jogui ni'é'~ 'nú' jalé' e 'né` ñí'na' cajo.

27 'Jo mí` tí` lí` nití` í' e ninín`n, joba' nisée~ e cóo'~ 'nú' e niliseem`ba' juguiá` cóo'~ Fidié`. Jogui nicuøø`baa 'nú' laco'gui la seeng` jnea~ juguiá` cóo'~ dsea` do, jo dsu' ja` nicuøø` e jo laco'gui la cuø' dsea` i` ja` cúing` Fidié`. Joba' fíi`guíi' 'nú' e ja` jmeáang'~ yaang`na' fí'í` uii` quíá'~ jalé' e nidsíng`na', o'gui føøng'~na' cajo uii` quíá'~ jalé' e jo.

28 Jo nicanáa`ba' e nicafíi' i` 'nú' lami` jééng`gui e ninín`n fí' lí' guing` Tiquí'ii', jo dsu' nigáab`túu` jo niliseem`túu` cóo'~ 'nú' calé' catú`. Jo faco' dseáng'~ já'~ e 'nú' 'neáang`na'

jnea~, joba' cali'iaam` óo'na' jóng mi~ caliñí'na' e ninín'^n fí lí~ guing~ Tiquí'ii' faco' lajo, co' íbre dsea` niing~ guir laco'gui jnea~.

²⁹ Jo uing~ e joba' e fñi' i 'nú' jalé' e la e lí'^ laco' mi~ nití' í' e nidsijée' jalé' e jo, jo lajoguiba' e já' nilíng'na' jalé' e júu^ quié~ e do.

³⁰ 'Jo lana jo' 'ga' lí' siing~ guí' cóo'~ 'nú', co' nijaquíem' i fií' i 'ling'^ i quiu' ta~ fí' jmigüí' la, jo dsu' nañí' fa' ja' bí' óo' i fií' i 'ling'^ do e niquiá'r~ jnea~ ta~,

³¹ dsu' lajob dseáng'~ nisi'í' e nidsijée' e laco' niliñí' jaléng' dsea` jmigüí' e 'neáam`baa Tiquí'ii' jogui e jmóo'ò lajii'~ ta~ e nicaquiá'r' quié~baa.

Jo mi~ cató' e fé' Jesús jalé' e júu^ na, joba' cajíñ' casí'r~ i dsea` guijáng` quiá'r~ do lala: —Ráang~na' na, jo ma'uøø~duu' la.

15

Jesús líiñ' e huíng`jól' e jlo'^ siníi'

¹ Jo mi~ cangí'gui lajo, lalab cajíng'~gui Jesús casí'r~ i dsea` guijáng` quiá'r~ do:

—Jnea~ líiñ' e huíng`jól' e jlo'^ siníi', jogui Tiquié' e líiñ' laco' i dsea` jmáng' í' guiá' e huíng`jól' do.

² Jo song coo` guo' e huíng`jól' quié~ e do ja' cuø' mí'^ huíng`jól', joba' niquiáb'~ Fidiée' e guo' jo; jo dsu' song guiá'~bi cuø' mí'^ huíng`jól', joba' Fidiée' ni'ia'~bre jogui nisám~bre guo' quiá'~ e laco' ni'í'~jmiguiá'gui.

³ Jogui 'nú' lana nisiguiúm~ba' la'eáang' e nica'íng'~na' lajii'~ júu^ e nica'fñi' i 'nú'.

⁴ Jo güiliseem'bi' cøøng` colíng~ cóo'~ jnea~ lí'^ laco'gui la seeng` jnea~ cøøng` colíng~ cóo'~ 'nú'. Cofa' coo` guáng' quiá'~ mí'^ huíng`jól' ja' quí'~ jmíi' ni'í'~ 'ñia' song si'naam' e guáng' do quiá'~ e huíng` quiá'~; jo lajob lí'gui cóo'~ 'nú' cajo, ja' quí'~ jmíi'~nijmee~na' e guiá'~ song ja' seeng'na' cøøng` colíng~ cóo'~ jnea~.

⁵ 'Jo fñi' túu' 'nú' e jneab~ líiñ' e huíng`jól' do, jogui 'nú' líng'na' guáng' quiá'~ e huíng` do. Jo doñí' ii' dsea` i seeng` cøøng` cóo'~ jnea~, joba' jnea~ seem~baa cøøng` cóo'~ ír' cajo, joba' eáam' íng' ta~ jalé' e jmóor'; cofa' ja' seeíñ' cøøng` cóo'~ jnea~, joba' jii'~ coo' e guiá'~ ja' ee' quí'r~ jmíi'~jmér' jóng.

⁶ Co' i dsea'gui i litúng~ dsí' e seeíñ' cøøng` cóo'~ jnea~, joba' i dsea' í' ni'nám`bre cóo'~ jnea~, joba' ni'íim~ quiá'r~ lí'^ laco'gui mi~ liquiá' e guáng' e si'naang` quiá'~ e huíng`jól' do, jo sitím' jalé' e jo, jo niné' fí lí' nicób' jóng.

⁷ 'Jogui song 'nú' ja' tú'na' e seem`ba' cøøng` colíng~ cóo'~ jnea~ jogui e teáb` teáang'~na' cóo'~ júu^ quié~ e cajo, jo song lajob jmoo'na', joba' míi'~na' jnea~ ee' iing~na' jo lajob nilí'.

⁸ Jogui mi' 'nú' eáam' íng' ta~ jalé' e jmoo'na', jo e joba' cuø' lí' e líng'na' dseáng'~ lajang' dsea` quié~ e, joba' nijmiféng' dsea` Tiquié' e Fidiée' dsea` guíng~ ñifí'.

⁹ Jo jnea~ eáam' 'neáan`n 'nú' lí'^ laco'gui la 'neáang` Tiquí'ii' jnea~; joba' fñi' i 'nú' e güiliseem'bi' e ñí'na' jial tí' e 'neáan`n 'nú'.

¹⁰ Jo song 'nú' núu'~ba' jalé' júu^ quié~ e, joba' seem`ba' e 'neáam`bí' 'nú' jóng lí'^ laco'gui la jmóo' jnea~ núu'~ba' lajii'~ júu^ quiá'~ Tiquié' e, joba' seem~baa e jmi'neáang` Tiquié' e jnea~.

¹¹ 'Jo fón`n 'nú' lana e lí'^ laco' nili'iaang` áa'na' laco'gui e iaang` dsí' jnea~, jogui e dseáng'~ la iéb' nili'iaang` óo'na' cajo lí'^ laco' catíng~ e líng' dsea` quié~ e.

¹² Jogui fñi' túu' 'nú' e júu^ quié~ e e 'né' líti' do, jo e lab e júu^ jo: 'né' nijmi'neáam`ba' dsea` rúng'na' lí'^ laco'gui jnea~ jmi'neáan`n 'nú' lajaang` lajaang'na'.

¹³ Jo e jmi'neáang` dsea` rúñ' e laniing~gui eáang' lí' mí' jáng' 'ñia'r' e laco' nijmicóo'r~ dsea` seeng` røø` cóo'r~ nañí' song cajúñ' dsu' uí'~ e cajméer` lajo.

¹⁴ Jo song núu'~ba' jalé' júu^ quié~ e e nica'fñi' i 'nú' e 'né' jmee~na', joba' dsea` seeng` røø` cóo'~ jneab~ líng'na' jóng.

15 Jo lana jo` líng'na' dsea` i lico' jmóo` ta` quié`-e, dsuco' i dsea` la'í` jii'~ ja` ñir' e` uing` e ta` e jmóor` quiá'~ i fir` do. Dsu' lana nilíng'na' dsea` seeng` røø` cóo'~baa, co' nicacuøø`baa 'nú' e nicaliñi'na' jalé' e júu` e ca'fin'~n quiá'~ Tiquié`e.

16 Jogui o' 'nú' dsea` caguíng'na' jnea` e quiee` nifi' quií'na', dsuco' jneab` dsea` nicaguín'~n 'nú' e laco' ni'uíng'na' dsea` quié`-e, jogui nicacuøø`ø` 'nú' ta` e nigüiling'na' nigüijmee'na' jmang'~ e nili'íng` ta` quií'na' lata`. Jo lajoba' Tiquí'ii' Fidié` nicuøø`bre 'nú' jalé' e nimí'na're la'eáang` cóo'~ jnea`.

17 Jo e lab e fii`túu` 'nú' do calé' catú` e` 'né` nijmee'na': nijmi'neáang'na' dsea` rúng'na'.

'Ní' níng` dsea` Jesús cóo'`gui jaléng'` dsea` quiá'r`

18 Jo fii`guí` 'nú', dsea` quié`-e, e ja` güidsigá` óo'na' e 'ní' níng` jaléng'` dsea` jmigüí` 'nú', dsu' güiliñi'na' guiá` e jnea`bing' la'uii` i cali' 'ní' níng` jaléng'` dsea` do.

19 Co' faco' 'nú' líng'na' dsea` jmigüí` i ja` cuíng` jnea`, joba' nijmi'neáam` jaléng'` i dsea` í` 'nú' jóng lí` laco'gui la jmi'neáang` rúíñ' la'ó' yaaiñ`. Jo dsuco' jneab` dsea` caguín'~n 'nú' jee` jaléng'` dsea` jmigüí` i ja` cuíng` jnea` e laco' ni'uíng'na' dsea` quié`-e, jo uí'~ e lajoba' e jaléng'` i dsea` í` ni'ní' níñ` 'nú', co' 'nú' jo` líng'na' laco' ír`.

20 Jo téé` áa'na' lajii'~ e nicafii` 'nú' do: "Jii'~ jaang` dsea` jmóo` ta` níng` guir laco' fir`." Jo quié'na' cuente e gab` nijmeáng'` dsea` jnea`, joba' lajob` nijmeáng'` dsea` 'nú' cajo; jogui song ja` mí` calinúu'r` júu` quié`-e, joba' lajob` ja` nilinúu'r` júu` quií'na' cajo.

21 Jo jalé'b` e ga` na` nijmeáiñ'` 'nú' uí'~ e líng'na' dsea` quié`-e, jo nijmér` lajo co' ja` cuíñ` i dsea` i casíng` jnea` fí` jmigüí` la.

22 Jo faco' mi` jnea` ja` cagüén`-n fí` jmigüí` la e caga'ée`-e dsea` jmigüí` júu` quiá'~ Fidié`, joba' ja` calilí'r` jóng e líiñ` dsea` røøng` dsee` faco' lajo; jo dsuco' lanagui nicagüém`baa fí` la e quiee` júu` quiá'~ Fidié`, joba' jo` cuøøng` lí` fé'r` náng e ja` dsee` røøiñ`, co' dseáng'~ lajob` líiñ`.

23 Jo jaléng'` dsea` i 'ní' níng` jnea`, joba' la quie` Tiquié`e dsea` guing` ñiff` 'ní' níñ` cajo.

24 Jo ja` dsee` røøng` dsea` jmigüí` faco' mi` jnea` ja` cajmé`-e jee` ír` jalé' e quí'~i jmiñ` e cajmé`-e e jii'~ jaang` dsea` jiéng'` ja` quí'r` jmiñ` mi` cajméer`. Jo ja` ee` lí' e nicangáb` jaléng'` i dsea` í` jalé' e quí'~i jmiñ` do, jo dsu' mí` 'noo'bi` 'ní' níñ` jnea` jogui 'ní' níñ` Tiquié`e cajo.

25 Jo dsijéé` jalé' e na, co' dseáng'~ 'néb`-liti` lajii'~ laco' tóo` fí` ni` jì` quiá'~ Fidié` e cajme' dsea` malii`gui eáang` lí` fé' lala: "Eáang` calí` 'ní' níng` dsea` jnea` e jii'~ ja` uing` sea`."

26 Jo dsu' mi` niguiéng'~túu` fí` ñiff`, joba' nisín`-n e Jmiguí` quiá'~ Tiquí'ii' Fidié` e sáiñ` e laco' nijmicóo'~ 'nú'; jo e Jmiguí` dob cajo e ni'é'~ 'nú' jalé' e já'~ jogui e nifé' uii` quié`-e jalé' e ní' e jmóo`o.

27 Jogui 'nú' cajo dsea` catíng'na' e nifo'na' uii` quié`-e fí` quini` dsea` jmigüí`, co' conrøøb` nicalisé'naa' jii'~ ie` latí` mi` calicuíng` rú'naa' do.

16

1 Jo fii`-i 'nú' jalé' e júu` la e lí` laco' ja` nilitúng`-óo'na' e já'~ líng'na' júu` quié`-e.

2 Co' jaléng'` dsea` góo'naa' dsea` Israel ni'uóñ`- 'nú' fí` dsí' guá'~ quií'naa', jo jiguí` niguiéé` jmiñ` e doñi` ii` dsea` i nijgáng'~ 'nú' ni'í` dsír' e lajoba' e jmitir` ta` fí` quini` Fidié` fíng song cajméer` lajo.

3 Jo nijmér` jalé' e na uí'~ e ja` mí` calicuím`bir jnea` o'gui mí` calicuíñ` Tiquí'ii' dsea` guing` ñiff` cajo.

4 Jo fii`-i 'nú' lana e lí` laco' mi` nití` í' e nidsijéé` jalé' e jo, joba' niguiéng'` áa'na' e nicafii`baa 'nú' jéeng`gui e nilí` lajo.

Lajíi' ta' óo Jmiguí' quiá'- Fidié'

'Jo ja' mí' cafíi' i 'nú' jalé' e na latí' mí' uing~, co' lajee' jo táam' jnea' cóo' 'nú'.

⁵ Jo dsu' lanagui ngóo' catíb' í' quié' e e ninín' túu' fí' ñiff' e nijaa' cóo' i dsea' i casíng' jnea' fí' jmigüi' la, jo jíi' jaang' 'nú' ja' mí' cajmingíi' na' jnea' jie' fí' lí' ninín' n.

⁶ Jogui 'nú' lí' lí' jmoo' na' fí' íb' dsu' fíi' i 'nú' jalé' e júu' na.

⁷ Jo dsu' dseáng' jáb' júu' e fíi' i 'nú' la, e guiá' gui' ni' uing' quií' na' e niním' baa. Co' fíng' song' ja' ninín' n, joba' ja' quí' jmíi' jóng' e nigüéeng' i nijmicóo' 'nú' fí' jmigüi' la, jo dsu' mí' niguién' n fí' ñiff', joba' jneab' dsea' nisín' n i nijmicóo' 'nú' fí' jmigüi' la.

⁸ Jo mí' nigüéeng' í, joguib' nijmitar' dsíi' dsea' jmigüi' jalé' dsee' quiáin' jogui' jial' lí' e seeng' dsea' e ja' éer' dsee', jogui' cajo' jial' í' Fidié' í' laco' catíng'.

⁹ Jogui' e Jmiguí' do nijmita' dsíi' dsea' e líng' dsea' i røøng' dsee' uíi' e ja' já' líiñ' júu' quié' e;

¹⁰ jogui' e Jmiguí' do cajo' nijmita' dsíi' dsea' e jnea' ja' røøng' dsee' co' niníng' túu' cóo' Tiquí' ii' Fidié' jo' jo' nimáang' gui' jnea' fí' jmigüi' la.

¹¹ Jogui' cajo' e Jmiguí' quiá' Fidié' doba' nijmita' dsíi' dsea' jmigüi' e nica' íb' Fidié' í' laco' catíng' quiá' fíi' i 'líng' i quiu' ta' fí' jmigüi' la, co' dseáng' latab' ni' íñ' iihuíi'.

¹² Jo jmigui' bí' jalé' e sea' nífi' i 'nú', dsu' ja' nífi' i 'nú' jalé' e jo' dseáng' lana' e lí' laco' ja' ni' uing' jmigui' quií' na'.

¹³ Jo dsu' mí' tí' lí' nigüéeng' e Jmiguí' quiá' Fidié' do jee' 'nú', joba' e job' e nicá' jman' júu' já' quií' na', jogui' e job' cajo' e ní' é' gui' 'nú' jalé' e ja' mí' cafíi' i 'nú' lana; co' ja' nífé' jíi' laco' í' dsíi' 'ña' e Jmiguí' do, co' lajíi' júu' e ní' íng' quiá' Fidié', jíi' joba' e nífé'; jogui' cajo' ní' é' 'nú' e jalé' e nidsijé' fí' jmigüi' lajee' lí' dsé' gui.

¹⁴ Jo e Jmiguí' do nífé' guiá' uii' quié' e, co' nicuó' 'nú' lajíi' e ní' íng' quié' baa' e laco' nilíi' na' jalé' e jo.

¹⁵ Jo lajib' jalé' e sea' quiá' Tiquí' ii' e quié' baa' lí' cajo, jo' uíi' e lajoba' e fá' a' e lajalé' e júu' e ní' íng' e Jmiguí' do' jaa' fí' quié' baa, jo' jaléb' e jo' nicuó' 'nú' e ningáng' na'.

¹⁶ Jo' fíi' guíi' 'nú' cajo' e jo' huóø' táang' guíi' jee' 'nú', joba' jo' nimáang' gui' jnea'; jo' dsu' mí' níng' guíi' lajo, joba' nimáam' tu' jnea' calé' catú'.

Cateá'ba' e calíng' dsea' guijáng' quiá'- Jesús fí' í'

¹⁷ Jo' mí' canúu' i dsea' guijáng' do' lajíi' júu' e cajíng' Jesús' do, joba' canaaiñ' jmingí' rúin' la' ó' yaaiñ' jo' sáiñ':

—¿E' gui' guóng' e fé' i Fíi' naa' na' mí' jíñ' e jo' huóø' dsé' e táang' guir' fí' jee' jneaa' aa', joba' jo' nineeng' guíi' re, jo' dsu' mí' níng' guíi' lajo, joba' nineem' túu' re' calé' catú'—? jogui' ¿e' gui' guóng' e jíñ' e nidséiñ' fí' lí' guíng' Tiquíá' r' fí' ñiff'?

¹⁸ Jogui' cajo, ¿e' gui' guóng' e jíñ' e jo' huóø' dsé' e táang' guir' jee' jneaa' aa'? Jo' lana' dseáng' jíi' capí' ja' ngáng' naa' e' guóng' jalé' e fé' r' na.

¹⁹ Jo' dsifib' calilí' Jesús' e i dsea' quiá' r' do' líim' ee' iñ' nijmingí' r' dsea' do, joba' lalab' cañiir' quiá' i dsea' quiá' r' do' jo' cajíñ':

—Jnea' nicafíi' i 'nú' e jo' huóø' dsé' e máang' gui' jnea' fí' jmigüi' la, jo' dsu' mí' níng' guíi' lajo, nimáam' tu' jnea' calé' catú'. Jo' ¿su' e nab' e iing' na' e ní' na' do' e' guóng'?

²⁰ Jo' dsu' jnea' jmitaa' óo' na' e mí' tí' lí' ní' í' e í' jo, joba' eáam' fí' í' ní' líng' na' jóng' co' jí' gui' cartí' níqui' ba', jogui' ie' jo' jaléng' dsea' i ja' cuíng' jnea' eáam' nijmi' íaang' dsíi' r'. Jo' dsu' 'nú' gui' cateá'ba' ní' líng' na' fí' í' ie' jo, co' cóo' e joba' nijmé' e ní' í' íaang' tu' óo' na'.

²¹ Co' e la' lí' laco' gui' mí' jaang' dseam' íñ' iihuíi' lajee' dsea' jmohuíi' quiá' r' e liseeng' jiuung' quiá' r'; jo' dsu' dsifí' mí' caliséng' i yuu' do' quiá' r', joba' íim' dsíi' r' lajíi' e iihuíi' e ca' íñ' do, co' eáam' jmi' íaang' dsíi' r' dsu' uíi' e nicaliséng' i yuu' do' quiá' r'.

22 Jo lajob líng' 'nú' fi'í' lana, jo dsu' mi~ nimáang~tu' jnea~ calé' catú-, joguiba' nili'íang' áa'na' dseáng'- laco' si'í', jo e jo jii~ jaang' cuóong' lí' jé'gui quí'na' e íang' óo'na' do.

23 Jo ie~ jmi~ jo, jo' e nijmingí'~gui' jnea~ jii~ cōo; cō' e já'-ba' e fii~i' 'nú' e ie~ jo Tiquí'ii' nicuó'~bre 'nú' jalé' e nimí'~na're la'eáang' cōo'~ jnea~.

24 Jo dsu' latí' lana, jii~ cōo' ja' ee' mí' camí'~na're la'eáang' cōo'~ jnea~; jo dsu' mí'~na're joba' niñím'ba', jo lajoba' nili'íang' óo'na' dseáng'- laco' si'í'.

Jial laniing' 'gōng' Dsea' Jmáang'

25 Jo nicafii~i' 'nú' jalé' júu^ e huíng'jiu ngáng'na', jo dsu' tí' lí' nití'~ í' e jo' nifōng'~guí' 'nú' cōo'~ jalé' e júu^ jo, cō' ie~ jo dseáng'- condséeb' nifí'~i' 'nú' cuaiñ' quíá'- Tiquí'ii' dsea' guíing'~ ñiff'.

26 Jo mi~ nití' e í' jo, 'nú' nimí'~na're e nijmicōo'r~ 'nú' la'eáang' cōo'~ jnea~; jo ja' fá' jnea~ e nimí'~i' Tiquí'ii' uí'~ 'nú',

27 cō' 'ñiab' Tiquí'ii' 'neáaiñ' 'nú' cajo uí'~ e 'neáam'ba' jnea~ jogui e já'- nilíng'na' e Fidié' dsea' casíiñ' jnea~ fí' jmigüí' la cuaiñ' quíá'r'.

28 Cō' fí' lí' guíing' Tiquí'baa' cajú-u mi~ cagüén' n fí' jmigüí' la, jo dsu' lanagui nitú'baa fí' la e laco' niníng'~túu fí' lí' guíiñ' fí' ñiff'.

29 Jo mi~ cangí' e cajíng'- Jesús lajo, joba' lalab cajíng'- i dsea' guijáng' quíá'r' do jo casí'r' dsea' do:

—Jo lanaguiba' fó' 'nu' condséé' dseáng'- laco' la ngáng'naa' náng.

30 Jogui lana nine~baa' cajo e lajib' ñí' 'nu', joba' jo' né' fa' ii' nijmingí'~gui' 'nu', cō' cōo'~ jii~ e júu^ nab nijáb'~ lí'naa' e Fidiéeb' dsea' casíiñ' 'nu' fí' jmigüí' la cuaiñ' quíá'r'.

31 Joba' cañí' Jesús quíá'- i dsea' quíá'r' do jo casí'~reiñ':

—Jo ¿su lanaguiba' já'- nilíng'na' lajii'~ júu^ e fii~i' 'nú'?

32 Jo dsu' lana dseáng'- ngóo' catí' í' e nináng' sojōng'na' lajaang' lajaang'na' fí' la fí' na, joba' 'ñiá'baa nitiúung'~guí. Jo dsu' e já'- e ja' 'ñiá'a seen' cajo, cō' seem' Tiquí'ii' colíng' cōo'~ jnea~ contōong'.

33 Jo fii~i' 'nú' jalé' e júu^ la e lí' laco' niliseeng'na' juguí' júu^ røø' la'eáang' e seeng'na' cōong' cōo'~ jnea~; jo 'nú' fí' jmigüí' la ni'íng'na' iihuí', jo dsu' ja' jmitúng' óo'na' uí'~ e jo, cō' jnea~ nicalí'~baa fii~ i' líng'~ i' ngí' ta' jmigōong' dsea' fí' jmigüí' la.

17

Mí' camí' Jesús uí' quíá'- dsea' quíá'r'

1 Jo mi~ cangí' e café' Jesús jalé' e júu^ jo fí' quini' dsea' guijáng' quíá'r', joba' caséer' nir' fí' yá'~ jmigüí' jo cajíñ'~ lala:

—Tea~, lanab catí' í' quíé' e, joba' jmi'goo' jnea~ e lí' laco'gui jnea~ nijmi'goo' 'nu'.

2 Cō' 'nu' nicacuóo'~ jnea~ e oo' ta' jee' jaléng' dsea' jmigüí' e laco' jaléng' dsea' quí'~ i' nicacuóon'~ jnea~, nicuóo'øre e niliseeiñ' cōong' cōo'~ 'nu' lata~.

3 Jo niñíiñ' e seeiñ' cōong' cōo'~ 'nu' lata~ fíng song calicuíiñ' 'nu' jogui caliñír' e jii'~ 'nub' dsea' lin' Fidié' i' já'-, jogui fíng song calicuíiñ' jnea~ cajo e lín'n Dsea' Jmáang' i' casíng' 'nu' fí' jmigüí' la.

4 Jo jnea~ nicajmi'goo'~baa 'nu' jee' jaléng' dsea' jmigüí', cō' lana nicatám'baa lajii'~ ta' quíé' e e casín' jnea~ e cagajmée' e fí' jmigüí' la.

5 Joba' fón'n 'nu' lana, Tea~, e nijmi'gōo' jnea~ mi~ niguién'~túu fí' cáan' na lí' laco'gui la jmi'goo' 'nu' jnea~ fí' ñiff' quí'~ lajii'~ ie~ mi~ nú'~gui e catiroo'~ jmigüí'.

6 Jo jaléng' dsea' i' caguíng'~ 'nu' jee' jaléng' dsea' jmigüí' e laco' ca'uíiñ' dsea' quíé' e, joba' nicajmé'~baa e nicalíñír' i' dseáng'~ líng' 'nu'. Jo lajíng' dsea' i' cacuóon'~ jnea~ do, dsea' quí'~ba' líiñ', jogui lana nica'ím'bre jalé' júu^ quí'~.

7 J_oba' lana jaléng' i dsea` quié`-e do niñir' e jalé' e nica'íng' jnea~, 'nub` dsea` nicacuóø' jnea` e j_o,

8 co' nicaní' baa jee` jaléng' i dsea` quié`-e la jalé' júu` e ca'ín' n quií'~, j_o nica'ím' bre jalé' e júu` j_o. J_o dsea` do nicalilí' bre e dseáng' 'nub` dsea` casín' jnea` fí' jmigüí' la, j_ogui dseáng' jáb' lúñ` cajo e gáa' jnea` fí' lí' guing' 'nu' fí' ñiff'.

9 J_ogui lana mñí' i 'nu' uii` quiá'~ jaléng' i dsea` í; j_o dsu' ja` mñí' i 'nu' uii` quiá'~ jaléng' dsea` jmigüí' i ja` líng' dsea` quií'~, dsu' júí' dsea` i cacuóø' n' jnea` dobing' i mñí' uii` quiá'~, co' júí' í'bing' i líng' dsea` quií'~.

10 J_o e quíib' 'nu' lajalé' e sea` quié`-e j_ogui e quieb' jnea` lajalé' e sea` quií'~, j_ogui la'eáang' i dsea` la nijnéng' jial tí' niguo' lín'n.

11 J_oba' fñí' guñí' 'nu', Teaa~, j_o nija` gui jnea` fí' jmigüí' la, dsu' jaléng' gui i dsea` quié`-e la nijé` bir fí' jmigüí' la lajee` e niníng' jnea` e nijaa` cóo' 'nu'. J_o co' 'nub` dsea` güean', j_oba' mñí' i 'nu' e nijméé' í' i dsea` quié`-e la la'eáang' cóo' e 'gøñ' do lí' laco'gui e nicacuóø' jnea` e 'gøñ' n cajo, j_o laj_oba' niliseeng' i dsea` quié`-e la cøng' cóo' jneaa`aa' lí' laco'gui la seeng' 'nu' cóo' jnea` dseáng'~ conrøø'.

12 J_o lajee` e nicataan' n fí' jmigüí' la cóo' jaléng' i dsea` quié`-e la, nicaneb' nii` re j_ogui nicajmé` baare í' la'eáang' cóo' e 'gøng' quií'~ lí' laco'gui e nicuóø' jnea` e lín'n. J_o júí' jaang' i dsea` quié`-e la ja` mí' ca'naaiñ` cóo' jnea~, dsu' dseáng' júí' i jaang' i nijáng' jnea` fí' jaguó' jaléng' dsea` i 'ní' níng' jnea~, júí' í'bing' i nica'naang' congua', j_o dsu' nicalí' laj_o e lí' laco' niliti' lajúí' e tóo' fí' ní' jì' quí'ii' e cajme' dsea` malí' gui eáang'.

13 J_o lanagui catí' í' e ninín' n fí' lí' guin'~; j_o dsu' jalé' e júu` e fá'a la, fá'a lajee` e táam`bí' fí' jmigüí' la e lí' laco' jaléng' i dsea` quié`-e la nili'iaang' dsíir' dseáng' laco' sí' í' lí' laco'gui la iaang' dsii' 'ñiá'a cajo.

14 J_o jnea` nicaní' baa júu` quií'~ jee` i dsea` quié`-e la, j_o dsu' jaléng' dsea` jmigüí' i ja` cuíng' 'nu' 'ní' níim` bre jaléng' dsea` quié`-e la, co' jaléñ' la ja` jí'r` jalé' e 'lí' e sea` fí' jmigüí' la o'gui jnea` jí' i jalé' e j_o cajo.

15 J_o dsu' ja` mñí' i 'nu' e laco' ni'uøøñ' i dsea` quié`-e fí' jmigüí' la, co' lajúí' e mñí' i 'nu' e nijméé' í' í'bre e laco' ja` nijmigøøng' i 'líng' í'.

16 J_o lí' laco'gui jnea` ja` jí' i jalé' e 'lí' e sea` fí' jmigüí' la, j_oba' laj_ob líng' i dsea` quié`-e la cajo, co' ja` jí'r` jalé' e j_o.

17 J_o mñí' guñí' 'nu' e nijmigüeang' i dsea` quié`-e la e laco' nijmér' lajúí' ta` e niquiá' quiá'~ bre la'eáang' e nica'íñ' jalé' júu` quií'~.

18 J_o lí' laco'gui 'nu' casín' jnea` jee` jaléng' dsea` i ja` cuíng' 'nu' fí' jmigüí' la, j_oba' laj_ob jnea` cajo nisñn` i dsea` quié`-e la jee` jaléng' dsea` i ja` cuíng' 'nu'.

19 J_o nijáang' 'ñiá'a e nijmee` e lajúí' e iing' 'nu' e lí' laco' i dsea` quié`-e na nijáng' yaaiñ` e nijmér' lajúí' e iing' 'nu'. J_o nilí' laj_o la'eáang' cóo' e já' líng' i dsea` quié`-e la jalé' júu` quií'~.

20 J_o ja` mñí' i 'nu' dseáng' júí' uii` quiá'~ i dsea` quié`-e la, co' laj_ob cajo mñí' i 'nu' uii` quiá'~ jaléng' i ná` gui i nijá' líng' júu` quié`-e mí' tí' lí' ninúr' e júu` e ní' i dsea` quié`-e la.

21 J_o mñí' i 'nu' e jaléng' i dsea` í niliseeiñ` dseáng' cøng' lajee` la'ó' rúñ' e laco' ni'uíñ` lafa' jaang' dsea` la'eáang' e seeiñ` cøng' cóo' jneaa`aa', Teaa~, lí' laco'gui seeng' 'nu' cøng' cóo' jnea` j_ogui jnea` seen` cøng' cóo' 'nu'. J_o mñí' i 'nu' e güiliseem` bre cøng' laj_o la'ó' í' lí' dseáng' laco' sí' í', j_o laj_oba' nilijá' líng' jaléng' dsea` jmigüí' e 'nub` dsea` casín' jnea` fí' jmigüí' la.

22 J_ogui nicacuóø' baa jaléng' i dsea` quié`-e la e niligüeaiñ' lí' laco'gui 'nu' nicacuóø' jnea` e nicaligüean' n, j_o laj_oba' i dsea` quié`-e la ni'uíñ` lafa' jaam` dsea` lí' laco'gui la líng' jnea` cóo' 'nu' e jaam` dsea` lí'í'.

²³ jogui niliseeng` jnea` cøøng` cóo` ír` jogui 'nua` cøøng` cóo` jnea~, jo lajoba' ni'uíng` lajiiñ` do dseáng` lafa' jaam` dsea', jo lajoba' nililí` jaléng` dsea` jmigüi` e 'nua` dsea` casín` jnea` fí` jmigüi` la, jogui e eáam` 'neáan`re cajo lí` laco'gui la 'neáang` 'nua` jnea`.

²⁴ Jo mii`guí` 'nua`, Teaa~, co' 'nua` dsea` cacuóøñ` jnea` jaléng` i` dsea` quíe` e la, joba' iing` jnea` e seem`bre cøøng` cóo` jnea` fí` lí` niní`i, jo lajoba' ninír` jial tí` niguoa` lí`n`n, jo e job` e cacuóøñ` 'nua` jnea` do. Co' lajii` lí`ba' e 'neáan` 'nua` jnea~, co' lajii` latí` mí` ná` gui e catiroo` jmigüi`ba' e jmoo` lajo cóo` jnea`.

²⁵ Teaa~, dseáng` eáam` guiúng` 'nua`, jo fíim` dsea` i` seeng` fí` jmigüi` la ja` cuíñ` 'nua`; jo dsu' jnea` dseáng` lajam` cuíñ` 'nua`, jogui niñi`bi jaléng` i` dsea` quíe` e la e 'nua` dsea` casín` jnea` fí` jmigüi` la.

²⁶ Jogui nicacuóøñ`baar e caliñir` i` dseáng` líng` 'nua`, jogui mí` 'noo`bi nifí`ire lajo cajo e laco' nijmi`neáang` rúñ` lí` laco'gui la 'neáang` 'nua` jnea~; jogui lajoba' niliseeng` jnea` cøøng` cóo` ír` cajo.

18

Mi` casang`- dsea` Jesús

(Mt. 26:47-56; Mr. 14:43-50; Lc. 22:47-53)

¹ Jo mí` cangí` e casíng` Jesús cóo` Tiquiá'r, joba' cagüi`í`bre colíng` cóo` i` dsea` guíang` quíá'r` do e fí` dsíí` 'núu` tú` fíng` do, jo cangoliiñ` lí` lí` 'ngóo` lí` iu` coo` íí` e sii` Cedrón. Jo mí` catáñ` lí` lí` 'ngóo` e íí` do, jo caguiliiñ` fí` coo` dsíí` iá, jo fí` job` calí` Jesús colíng` cóo` i` dsea` quíá'r` do.

² Jogui i` Judas Iscariote i` nicanaang` 'náng` Jesús do, guiáb` cuír` e fí` dsíí` iá` jo, co' lamí` jéeng`gui jmiguiab` ya' caseáng` Jesús cóo` i` dsea` quíá'r` do e fí` jo.

³ Jo fí` job` caguié` Judas Iscariote ie` jo, jo nijéeiñ` i` fíng` 'léé` quíá` dsea` romano cóo`gui coo` tú` míng` dsea` i` néé` ní` guá` quíá` dsea` Israel i` casíng` fii` jmidsea` quíá` dsea` do colíng` cóo` i` dsea` góor` i` líng` dsea` fariseo cajo. Jo jaléng` i` dsea` do quier` jalé` ñisü` cóo`gui jalé` quí` e coo` e laco' cuø` jì` e jné`r.

⁴ Jo co' niñi`bi Jesús jalé` e tí` lí` nidsing`iiñ` do, joba' mí` calilí`r` e caguilíng` i` dsea` do fí` jo, joba' casíng` 'ñia`r` tí` quini`gui laco' la teáng` i` dsea` quíá'r` do, jo lalab cajmíng`í`r` i` dsea` i` caguilíng` do jo cajíñ`:

—¿Í` ñilíng`na' 'náng`na' fí` la?

⁵ Joba' cañí` i` dsea` do quíá` Jesús jo cajíñ`:

—Jesús i` seeng` fí` Nazaret 'néng`naa'.

Joba' cañí` Jesús quíáñ` do jo casí`r` dsea` do:

—Jnea`bi dsea` í`.

Jo ie` jo dob quíng` Judas Iscariote jee` i` dsea` i` caguilíng` tóø` Jesús do.

⁶ Jo mí` tí` lí` cajíng` Jesús e í`bre siir` lajo, joba' lajím` i` dsea` i` caguilíng` do cató` yaaiñ` ladsifí` lana cartí` caneáñ` uó`.

⁷ Jo mí` cangí` jo, Jesús cajmíng`í` tur` i` dsea` do jo casí`-reiñ`:

—¿Í` dseáng` i` 'náng`na' fó`na'?

Joba' cañí` tu` i` dsea` do quíá` Jesús jo cajíñ`:

—Jesús i` seeng` fí` Nazaret 'néng`naa'.

⁸ Joba' Jesús cañí` tur` quíáñ` do calé` catú` jo casí`-reiñ`:

—Jo nicafí`baa 'nú` e jneab` dsea` í`, jo song` jneab` dsea` 'náng`na', joba' cuóøñ`ba' fí` i` dsea` quíe` e la e nidsilíñ`.

⁹ Jo café` Jesús e júu`na e lí` laco' caliti` lajii` júu` quíá'r` e café`r` lamí` jéeng`gui mí` cajíñ` lala: “Teaa~, jaléng` i` dsea` quí` i` cacuóøñ` jnea` do, jii` jaang` ja` ii` ca'naang` cóo` jnea`.”

¹⁰ Jo dsifí` lanab cagui` Tú` Simón ñisü` e quier` ie` jo, jo caqui`r` cataang` logua` dsée` quíá` jaang` dseañ` i` sii` Malco i` nilíng` dsea` 'léeng` quíá` i` jmidsea` i` laniing` ie` jo.

11 Jo mi~ cangá~ Jesús quiá~ lajii~ e calí~ do, joba' lalab casí~r~ Tâ~ Simón jo cajíñ~: —Tâ~, te~tu' nîsu' quiá~ eáang~ quiá~, co' Tiquié~baa i cuø' jnea~ e iihuí~ la, joba' 'né~ ni'ím~baa jii~ laco' e nicuø~r~.

Mi~ cangojgeáaiñ~ Jesús fí~ quini~ jaang~ jmidsea` i sii` Anás

(Mt. 26:57-58; Mr. 14:53-54; Lc. 22:54)

12 Jo mi~ cangí~ jo, jaléng~ i 'lée~ do cóo~gui i fii~ quiá~r~ do colíing~gui cóo~ i dsea` Israel i née~ ni~ guá~ quiá~r~, casam~bre Jesús jo ca'ñá~r~ guoo` dsea` do.

13 Jo la'uii~ cangojgeáaiñ~ dsea` do fí~ quiá~ jaang~ jmidsea` i sii` Anás, co' i~ nilíiñ~ ngoo~ quiá~ i jmidsea` i sii` Caifás ie~ jo, jo i Caifás do líiñ~ jmidsea` laniing~ quiá~ dsea` Israel ie~ jii~ jo.

14 Jo i jmidsea` Caifás lab cajo, lami~ jéeng~gui casí~r~ dsea` i quie' nifí~ quiá~ dsea` Israel e guiá~gui ni'uíng~ quiá~ jaléng~ i dsea` i e nijúung~ jaang~ dseañu' cuaiñ~ quiá~ góor~ laco'gui e nijúung~ i fíng~ i dsea` góor~ do.

Mi~ cajíng~ Tâ~ Simón e ja` cutiñ~ Jesús

(Mt. 26:69-70; Mr. 14:66-68; Lc. 22:55-57)

15 Jo mi~ catør~ Jesús fí~ quiá~ i jmidsea` Anás do, jo ti'leáam~ gáng~ dsea` quiá~ Jesús laco' cangáng~ dsea` do, jaaiñ~ do siir~ Tâ~ Simón, jogui i jaang~gui do cuíim~ rúíñ~ cóo~ i jmidsea` laniing~ do, joba' ca'í~biñ~ do e fí~ dsíí~ lí~ catør~ Jesús,

16 dsu~ i Tâ~ Simón do fí~ caluu~ o'nú~ cajer'. Jo mi~ calilí~ i dsea` quiá~ Jesús i cúing~ rúng~ cóo~ i jmidsea` laniing~ do e caluub~ cajé~ Tâ~ Simón, joba' cagüi~bre fí~ caluu~ jo casíiñ~ cóo~ i dseamf i sing' jmóo' í~ e jn~ do e laco' nicuøiñ~ do fí~ e ningíng~ Tâ~ Simón fí~ dsíí~ siguí~ quiá~ e 'nú~ do, joba' cacuøbiñ~ do fí~ lajo.

17 Jogui i dseamf i jmóo' í~ e jn~ do, lalab cajmingí~r~ Tâ~ Simón jo cajíñ~:

—¿Su o' dsea` quiá~ i dseañu' i ni'í~ nabí~ nu'?

Joba' cañí~ Tâ~ Simón quiá~ i dseamf do jo casí~reiñ~:

—U~, o' í~ jnea~.

18 Jo co' ie~ jo eáam~ güí~, joba' jaléng~ dsea` 'léng~ i jmóo' ta~ sinúu~ quiá~ i jmidsea` Caifás do cóo~gui jaléng~ i née~ ni~ guá~ quiá~ dsea` Israel nînicají~r~ jî e siguí~ do, jo fí~ dob neáaiñ~ jmiguiáíñ~ ca' jî. Jo fí~ dob cajé~ Tâ~ Simón e jmiguiáíñ~ cóoiñ~ do cajo.

Mi~ caguiéng~ Jesús fí~ quini~ fii~ jmidsea`

(Mt. 26:59-66; Mr. 14:55-64; Lc. 22:66-71)

19 Jo lajee~ e teáang~ i dsea` i jmiguiáng~ e fí~ siguí~ do, joba' dob iuung~ Jesús cóo~gui i fii~ jmidsea` do e fí~ dsíí~ sinúu~ do. Jo lajee~ jo i fii~ jmidsea` do canaaíñ~ jmingí~r~ Jesús uii~ quiá~ dsea` quiáíñ~ do cóo~gui jalé~ e nica'e'r~ jaléng~ i dsea` í~ cajo.

20 Joba' lalab cañí~ Jesús quiá~ i dsea` do jo casí~reiñ~:

—Jnea~ nica'éé~ e jaléng~ dsea` fí~ jee~ dsea` fíim~; jogui contøøm~ nica'éé~ere fí~ dsíí~ sinúu~ guá~ jiu~ osi fí~ guá~ fé~ quiá~ dsea` góo'naa' dsea` Israel e si' fí~ Jerusalén e fí~ lí~ seaiñ~ e laco' jmiféiñ~ Fidié~; jo ja' mí~ caguiá'a jalé~ e júu~ jo fa' coo' lí~ ja' lí~ nú~ dsea`.

21 Joba', ¿jialí~ jnea~ jmingí~ e jo? Co' cuøøm~ güijmingí~ jaléng~ i dsea` i nicanúu~ jalé~ júu~ quié~ e e nicaguiá'a do, joba' íbing~ i nijmeá~ 'nú~ júu~ e jalé~ e nica'í~ ire do. Co' niñib~ jaléng~ i dsea` í~ jalé~ e júu~ e nica'fá~ a do.

22 Jo mi~ tí~ lí~ cañí~ Jesús quiá~ i fii~ jmidsea` do e júu~ jo, joba' jaang~ i dsea` i née~ ni~ guá~ quiá~ dsea` Israel do cajnéer~ moni~ Jesús, jo mifíng~ casí~r~ dsea` do jo cajíñ~:

—¿Su lanab ngí~ quiá~ i fii~ jmidsea` na?

23 Joba' cañí~ tu~ Jesús quiá~ i dsea` do jo casí~reiñ~:

—Song gab~ lí~ e júu~ e nica'fá~ a na, joba' iin~n jméa~ júu~ jialí~ e lí~ lajo e nica'fá~ a na; jogui song guiáb~ lajii~ e júu~ e nica'fá~ a na, joba' ¿jialí~ caba' monii~?

24 Jo mi~ cangí~ jo, i fii~ jmidsea` Anás do caguiéiñ~ Jesús e 'ñúung~ dsea` do fí~ quini~ i fii~ jmidsea` rúíñ~ i sii~ Caifás do.

Mi~ cajíng'-tu Tú^ Simón e ja` cuiñ` Jesús

(Mt. 26:71-75; Mr. 14:69-72; Lc. 22:58-62)

²⁵ Jò lajee` jò, dobi sing' Tú^ Simón e jmguiáin' fí' 'ni' jí e fí' siguí' do, jò còò` cajmíngí' i dseá` teáng- do ír jò cajíñ'-:

—¿Su o' quíim'~bi 'nua` jee~ dseá` quiá'- i dseañu' i iuung- do?

Jòba' cañíi Tú^ Simón quiáin'- do jò casí'-reíñ':

—U~, o' í' jnea~.

²⁶ Jò mi~ cangí' jò, jaang`gui dseá` 'léeng'~ quiá'- i jmidsea` laniing- do i líng' ee~ i dseañu' i caquiú' Tú^ Simón logua~ do, jò dseá` í' cajmíngí'r- Tú^ Simón lala jò cajíñ'-:

—¿Su o' 'nua`bi i camán- n mi~ cangoséng'~naa' i Jesús na e fí' dsíí' iá` do?

²⁷ Jogui calé' catú- cajíng'- Tú^ Simón e o' dseá` í' líiñ', jòba' dsifí' mi~ cangí' lajò mifíng' caqui' jaang` tuidsee^ jóng.

Mi~ cangojgeáaiñ` Jesús fí' quini` dseata` Pilato

(Mt. 27:1-2, 11-14; Mr. 15:1-5; Lc. 23:1-5)

²⁸ Jò mi~ cangí' jò, caguíim`bre Jesús fí' quiá'- i jmidsea` Caifás do, jò cangojgeáaiñ` dseá` do fí' quini` jaang` dseata~ romano i sií' Pilato. Jò dsuco' ie~ jò nijaquíéeng' nijneáb', jogui guatí'ló- jmíib~ cajo, jòba' ja` cangotáang'~ i dseá` Israel do fí' dsíí' e 'nuff' do, co' faco' mi~ cajméer` lajò, jòba' ja` jmitir~ jóng lajii~ júu^ quiú' ta~ quiá'r- quiá'- lajii~ e quí' tñiñ` e jmóor` mi~ tí' jmíi` Pascua; jò co' ja` cangotáang'~ guir fí' dsíí' jò, jòba' cuøòm` dór- e jmiñi~ e silíng' e gø'r' ie~ jmíi~ jò.

²⁹ Jò mi~ tí' lí' cangá- dseata~ Pilato e nitée` dseá` Jesús, jòba' cagüi'ír' jò casí'r- jaléng' i dseá` do lala:

—¿E~ dsee- e cuø'na' i dseañu' na?

³⁰ Jòba' cañíi dseá` Israel quiá'- i dseata~ Pilato do jò casí'-reíñ':

—Fa' jiu~ gui i dseañu' la ja` jmóor` ta~ 'lée' jee~ jaléng' dseá`, jòba' ja` jáang'~naa're jóng fí' quini'^ faco' lajò.

³¹ Jòba' lalab cañíi dseata~ Pilato quiá'- i dseá` Israel do jò cajíñ'-:

—Tee- 'nú' yaang~na' i dseañu' góo'na' na jò quidsi'na' í' quiá'r- yaang~na' lí'^ laco'gui la quí' tñng'na' cóo' júu^ quiú' ta~ quíi'na', 'nú' dseá` líng'na' dseá` Israel.

Jò mi~ canúu- i dseá` Israel do e júu^ jò, jòba' lalab cajíñ'-:

—Dsua' jnea'^, dseá` lí'naa' dseá` Israel, ja` sea` fí' quí'naa' quiá'- dseá` romano e nicuøø'naa' iihuá' lí'^ doñi' i dseá` cartí' nijúuiñ'.

³² Jò jòb caliti~ lajii~ júu^ e cajíng'- Jesús lamí~ jéeng'gui quiá'- jial lí' 'mó- e nitíñ-.

³³ Jò mi~ cangí' jò, ca'íb-tu dseata~ Pilato fí' dsíí' 'nuff' quiá'r-, jò cató'r- Jesús fí' lí' quidsir' í', jò cajmíngí'r- dseá` do jò cajíñ'-:

—¿Su 'nua`bi i líng' dseata~ dseá` féng' i quie' nifí' quiá'- dseá` Israel?

³⁴ Jòba' cañíi Jesús quiáin'- do jò casí'r- dseá` do:

—¿Su uøø'ba' iin'~ ñí'^ e jmíngí'~ jnea~ na, ofa' lí'^ canúu'- e fé' dseá` jiem' é?

³⁵ Jòba' lalab cañíi dseata~ Pilato quiá'- Jesús jò casí'r- dseá` do:

—Ja` dseá` Israel líng' jnea~ la. Co' jaléng' dseá` góo' dseá` Israel colíng'~gui cóo'~ jaléng' fí' jmidsea` quíi'na', dseá` í'bing' i nicajáng' 'nua' fí' quini- la lana. Jogui 'nua', ¿e~ dsee- sea` quíi' quiá'- e 'náng' dseá` 'nua'?

³⁶ Jòba' lalab cañíi tu Jesús quiá'- i dseata~ do jò cajíñ'-:

—Ja` sí'íng' jnea~ e niquiá'^u ta~ laco'gui quiú' ta~ jaang` dseá` jmígüi' fí' la, co' faco' lajò, jòba' seem` dseá` quie' e i nijmeáan'~n ta~ e laco' ja` nijáng' dseá` jnea~ fí' quini` dseá` góo'o dseá` Israel faco' lajò. Co' lí'^ laco' fá'a na, e ja` sí'ín^n e niquiá'^u ta~ laco' jaang` dseá` jmígüi'.

³⁷ Jòba' cañíi tu dseata~ Pilato quiá'- Jesús jò casí'r- dseá` do:

—Jò 'nua` dseá` lin' dseata~ dseá` féng' i quie' nifí' quiá'- dseá` Israel liya.

Jòba' cañíi tu Jesús quiá'- i dseata~ do jò casí'-reíñ':

—Lajob líí lí' laco'gui nicafee' na, e jneab~ i dseata~ dsea` féng' í. Co' jnea~ cagá~ a fí' jmigüí' la mi~ cangáan~ n e laco' niguiaa~ jalé' júu^ já'-. Jo jaléng' dsea~ i já' líng' e júu^ jo, joba' dsea` quie~baa lííí' , co' núu~bre jalé' júu^ quie~e.

³⁸ Jo mi~ canúu~ dseata~ Pilato lajii~ júu^ quia~ Jesús, joba' cajmingí'r~ dsea` do lala jo cajíí'~:

—Jo ¿jnan~ e júu^ já' do?

Mi~ cahuí' ta~ e nijúung~ Jesús

(Mt. 27:15-31; Mr. 15:6-20; Lc. 23:13-25)

Jo mi~ cangí' e cajmingí' dseata~ Pilato e júu^ jo, joba' cagüí'íb'tur calé' catú~ fí' lí' teáng^ i dsea` Israel do e laco' nisíng~tur cóoíñ'~ do calé' catú~, joba' lalab casí'r~ i dsea` do:

—Jíí'~ coo` dsee~ ja` niguié' jnea~ e nica'ée` i dseañu' la.

³⁹ Jo co' 'nú' quí'~ t'ing'na' e laan~ jaang` dsea` góona' i sijnúng~ lajee~ mi~ tí' jmíí'~ quí' na' e catí' lana e sii' Pascua, joba' jmingí'í' 'nú' lana, ¿su iing~na' e nilaan~ i dseata~ dsea` féng' quí'na' i sing' la?

⁴⁰ Jo mi~ canúu~ jaléng' dsea` Israel i teáng~ do ie~ jo e júu^ quia~ i dseata~ Pilato do, joba' lajím~bre canaaiñ` ta'r míí'~ jo fé'r~:

—Ja laan~ i dsea` na! Jo íleang~ Barrabás!

Jo i Barrabás i éeiñ` do sijnííñ'~ do dsu' uí'~ e jmóor` ta~ 'ní' níng~ dseata~.

19

¹ Jo mi~ canúu~ dseata~ Pilato lajii~ júu^ e casí'~ dsea` ír` do, joba' caquiur' ta~ e nisám' i 'lée~ quia'r~ do Jesús e laco' nibóøng~neiñ' do cóo'~ loo~ jó' e líí' 'nií'.

² Jo mi~ cangí' jo, i 'lée~ do cajméer` coo` lí' corona cóo'~ layaang~ tóo', jo e job catá'r~ fí' moguí' Jesús, joguí' cajlííñ` dsea` do cóo'~ coo` 'mi' niung' e líí' laco' e quie' dsea` níng~ i quíu' ta~.

³ Jo mi~ cangí' jo, cangoquieeiñ' fí' quia~ lí' sing' dsea` do, jo lalab canaaiñ` lóøiñ` dsea` do jo sí'r` lala:

—iGüiliseem` huøø^, dseata~ dsea` féng' quia~ dsea` Israel!

Jo lajee~ jo jnoor` fí' moni~ dsea` do.

⁴ Jo mi~ tí' lí' cagüí'í'tu dseata~ Pilato e fí' lí' teáng^ i dsea` Israel do, joba' lalab casí'~reiñ' do jo cajíí'~:

—E laba' fíí' i 'nú', e lab nisín^ n i dseañu' la fí' quini'na' e laco' nilíí'na' e jíí'~ coo` dsee~ ja` mí' cadsé' e quia'r~, co' lajib` nicajmingí'í' ire.

⁵ Jo lajee~ job cagüí'í' Jesús e ní'íu~ e lí' corona e líí' cóo'~ yaang~ tóo' do fí' moguir~, joguí' jlííñ` e 'mi' e niung' huíng' do. Jo lajee~ nising' Jesús fí' quini~ i dsea` do, lalab cajíng'~ dseata~ Pilato e sí'r` jaléng' i dsea` teáng~ do ie~ jo:

—iLab nising' i dseañu' la fí' quini'na' náng!

⁶ Jo mi~ tí' lí' cangá~ jaléng' fíí' jmidsea` quia~ dsea` Israel cóo'~gui jaléng' dsea` i néé' ní' guá'~ quia'r~ e nising' Jesús do, joba' lalab canaaiñ` áíñ' i dseata~ do jo fé'r~:

—iFí' dse' crúu^ teáng^ i dsea` na!

Joba' cañí' dseata~ Pilato quia~ i dsea` teáng~ do ie~ jo, jo casí'~reiñ'!

—Tee~ba're, jo yaam~ba' güiteáng'na're fí' dse' crúu^, co' jnea~ ja` mí' cadsé' e jíí'~ coo` dsee~ quia'r~ quia~ lajii~ e nicajmingí'í' ire.

⁷ Jo dsu' lalab cañí' i dsea` Israel i teáng~ do ie~ jo quia~ dseata~ Pilato jo casí'r~ dsea` do:

—Seab` coo` júu^ quíu' ta~ quí~ jnea^, dsea` líí' dsea` Israel, jo lalab líí': Song jaang` dsea` fé'r` e røøb` cóøiñ` cóo'~ Fidiéé~, joba' 'né~ nijúum~bre jóng. Jo lajob líí' cóo'~ i dsea` na, joba' dseáng'~ 'né~ nijúum~bre.

⁸ Joba' mi~ tí' lí' canúu~ dseata~ Pilato e júu^ jo, eáng'gui cafóíñ' jóng.

⁹ Jo ca'ib-tur e fi' li' quiu'r' ta' do coling' cõo' Jesús, jo fi' job cajmingi'r' dsea' do jo cajin':

—¿Jie' fi' li' ñi' 'nu'?

Jo dsu' Jesús jii' cõo' ja' e cañir' quia' dsea' do.

¹⁰ Jõba' cañi'tu dseata' Pilato jo casir' Jesús jo cajin':

—¿Su ja' iin' ngii' jii' cõo' quie' e jõng? ¿Su ja' ñi' 'nu' e cuõøm' nifi'i dsea' quie' e e niteaiñ' 'nu' fi' dse' cruu', jõgui cuõøm'bi cajo e nifi'ire e nileaiñ' 'nu' facõ' lajo?

¹¹ Jõba' lalab cañi' Jesús quia' i dseata' do jo casir' dsea' do:

—Jii' cõo' bi' ja' sea' quii' e niquia' ta' quie' e facõ' ja' Fidié' nicacuø'r' 'nu' e catin' lajo; jõba' i dsea' i cajang' jnea' fi' jaguõ', eang'guib røøiñ' dsee' laco'gui 'nu'.

¹² Jo job mi' canaang' dseata' Pilato e 'nõr' jial nileaiñ' Jesús, jo dsu' mi' calilí' i dsea' Israel do e jo, jõba' canaiñ' ta'guir' mii' jo s'r' dsea' do lala:

—Song nilaan' i dsea' na, jõba' li' lafa' 'ni' máam'ba' jõng i dseata' dsea' féng' i guing' fi' Roma, co' li' doñi' ii' dsea' i jing' e liiñ' jaang' dseata' dsea' féng', jõba' li' lafa' e 'ni' níim-bre i dseata' i guing' fi' Roma do.

¹³ Jo mi' ti' li' canuu' dseata' Pilato e cajing' i dsea' Israel do lajo, jõba' caquiur' ta' e niguim-biñ' do Jesús jo nidsijeiñ' dsea' do dseang' li' quidsi' dseata' Pilato i' quia' dsea' fi' cõo' li' sii' Gabata, jo cõo' jmi' hebreo guõng' Guia' fi' li' Sinii' Cuu'.

¹⁴ Jo ie' jo dseang' guati'lõ' jmi' Pascua quia' dsea' Israel, jo nú' guieñb' ningõo' mi' cajing' dseata' Pilato e casir' i dsea' Israel do:

—iLab sing' i dseata' dsea' féng' i quie' nifi' quii' na!

¹⁵ Jo dsu' jaléng' i dsea' do canaiñ' ta'tur' mii' jo fé'r':

—iGüijúung' i dseañu' na fi' dse' cruu'!

Jõba' cajmingi' dseata' Pilato jaléng' i dsea' do jo casir' reiñ':

—¿Su jneab' catin' n nijngán' n jaang' dseata' dsea' féng' i quie' nifi' quii' na?

Jõba' cañi' jaléng' fii' jmidsea' i teang' do ie' jo, jo casir' i dseata' do lala:

—iDseang' jii' dseata' dsea' féng' i guing' fi' Roma, jii' dseata' i'bing' i seeng' quii' naa!

¹⁶ Jõba' dseata' Pilato cajám'bre Jesús fi' quini' jaléng' i dsea' do ie' jo, jo i dsea' do cangõjem'bre Jesús fi' li' nitang' dsea' do fi' dse' cruu'.

Mi' catang' Jesús fi' dse' cruu'

(Mt. 27:32-44; Mr. 15:21-32; Lc. 23:26-43)

¹⁷ Jõba' ca'uõøm' i dsea' do jeeiñ' Jesús, jo 'ñiab' dsea' do dsiiñ' cruu' quia'r' cangõr' fi' cõo' li' sii' Cuõ' Mogui' 'Li' e sii'bi' Gõlgota cõo' jmi' hebreo e fé' dsea' Israel.

¹⁸ Jo mi' caguiliñ' fi' jo, jõba' fi' job cateaiñ' dsea' do fi' dse' cruu', jo jaang'gui dsea' taang' la cataang' caaiñ' fi' dse' cruu' cajo.

¹⁹ Jo ie' jo i dseata' Pilato do caquiur' ta' e nitõ' fi' yá' gui' cruu' quia' Jesús e júu' la: “Jesús i seeng' fi' Nazaret, dseata' dsea' féng' quia' dsea' Israel.”

²⁰ Jo e jo catõ' cõo' 'ni' íing' jmi', jmi' latín cõo' jmi' hebreo jõgui jmi' griego. Jo fim' dsea' Israel ca'ir' e júu' jo ie' jo, co' e fi' li' catang' Jesús do ja' huii' eang' laco' la née' fii' Jerusalén.

²¹ Jo dsu' mi' cangá' fii' jmidsea' quia' dsea' Israel lajii' júu' e toõ' fi' yá' cruu' quia' Jesús, jõba' lalab casir' i dseata' Pilato do jo cajin':

—Guiá'gui ja' nitõ' e júu' na, jo güitõ' lala: “Lab i jmigõo' e liiñ' dseata' dsea' féng' quia' dsea' Israel.”

²² Jo mi' canuu' dseata' Pilato e júu' jo, jõba' lalab cañir' quia' i dsea' do jo casir' reiñ':

—Lajii' e júu' e nicaquiá' u ta' e nicatõ' na, dseang' lanab nijé'.

23 Jo mi~ tí li~ cangî e cateáng- i 'lée- do Jesús fí dse^ crúu^, joba' casitíiñ' sí^ dsea` do jo cajméer' guiéé^ lajee` quiúuiñ- la'ó' líiñ' 'lée-, jmacó' e 'mi' do quiá'r- lajaang' lajaaiñ'. Jo dsu' e sí^ Jesús e coo'gui do, 'mi' contøom- lí' jo ja` sí'mi' cajo.

24 Jo lajee` jo i 'lée- do canaiñ` síiñ' la'ó' yaaiñ~ lala:

—Ja` guing~ nisiing- naa' e 'mi' na, jo macó'oo' ne~duu' i~ nilí' nicóo`.

Jo cóo'~ e nab caliti~ jii'~ laco' la fé' fí ni~ jì quiá'- Fidiéé` e cajme' dsea` malii~ gui eáang' lí' fé' lala: “Cajméeb` dsea` guiéé^ jalé' sí' i, jogui cacóor` quiá'- i~ nilí'^ e sí' i e contøong- do.” Jo lajob dseáng'- cajmée i 'lée- do cóo'~ sí^ Jesús.

25 Jo lajee` e táang' Jesús fí dse^ crúu^, dob teáng- quiúung- dseamî e tii- laco' sí' e crúu^ do; jo jaaiñ' do líng' niquíá' Jesús, jogui jaang'gui rúng' dsea` ngáang'~ cóo'~ niquíá'r^, jogui jaang'gui i sii` Yá^ i líng' dseamî quiá'- jaang' dseañu' i sii` Cleofas, jo jaang'gui i sii` Yá^ i seeng' fí Magdala.

26 Jo lajee` job cangáng- Jesús niquíá'r^, jo cáang' i niquíá'r^ do sing' jaang' dsea` quiá'- Jesús i eáang' 'neáaiñ', jo lajee` jo lalab casí'- Jesús i niquíá'r^ do e éeiñ i dsea` quiá'r- i iiii~ eáang' do jo cajíñ'-:

—Janú', dseamî, nab sing' i líng' laco' jóo' do.

27 Jo mi~ cangî e jíñ'- e jo, joba' casí'r- i dsea` i iiii~ eáang' do lala:

—Nab sing' i líng' laco' niquíí'^.

Joba' mi~ cajíng'- Jesús lajo, i dsea` i iiii~ eáang' do ca'ím'bre niquíá'^ dsea` do e líiñ' do laco' dsea` sínúu^ quiá'r-.

Mi~ cajúng- Jesús

(Mt. 27:45-56; Mr. 15:33-41; Lc. 23:44-49)

28 Jo mi'míng- guijiu lajo, jo co' niñib' Jesús e nicatób' jalé' ta~ quiá'r-, jogui e laco' niliti~ jii'~ laco' fé' fí ni~ jì quiá'- Fidiéé` e cajme' dsea` malii~ gui eáang', joba' cajíñ'- lala:

—Dsíng'- jmi~miiñ-.

29 Jo ie~ jo nisi' coo` dsuu- e røong` a~ jmi'^ mí'^ huíng` jó'^ e nijí', joba' cayé' dsea` e jmi'^ mí'^ huíng` jó'^ do cóo'~ coo' joo', jo casiguír' fí coo' yú'^ síi-, jo cóo'~ e job ca'úuiñ' fí mo'oo- Jesús.

30 Jo cayub' Jesús e jmi'^ mí'^ huíng` jó'^ jí' do. Jo mi~ cangî jo, joba' cajíñ'-:

—Nab nicató' lajii'~ ta~ cagá-a.

Jo co' cató' e café'r' e júu^ jo, jo cajgiéer- moguir~ jo mifíng` cajúm- bre jóng.

Mi~ ca'ía' jaang' 'lée- ñisú' fí mo'uóø' Jesús

31 Jo 'ña' ie~ jmi~ e cajúng- Jesús do, lí' e guati'ló- jmi~ Pascua quiá'- dsea` Israel, jo co' ja` quí' títng' i dsea` í fa' e seáang- 'líi~ quiá'r- fí dse^ crúu^ lajee` e jmi~ jo, co' dseáng'- jmi~ e laniim- quiá'r- ie~ jo, joba' camí' dsea` Israel fí i dseata~ Pilato do e nicuóíñ'- do fí e nijér- tii- i dsea` taang~ dse^ crúu^ do e laco' nijúuiñ'- do jminá- gui, jo lajoba' cuóøng` e nijgiáaiñ' do e fí lí' taaiñ'~ do.

32 Joba' cangim i 'lée- do fí e nidsiliiñ- e nijér- tii- i dsea` gaang` i taang~ dse^ crúu^ do; jogui lajob cajméer~, cajée`bre tii- i dsea` la'uii i táang` dse^ crúu^ cáang` Jesús do; jo mi~ cangî jo, lajob cajméer` quiá'- i dsea` jaang'gui do i táang` dse^ crúu^ cajo ca' dse^ crúu^ lí' táang` Jesús.

33 Jo mi~ caguilíng- i 'lée- do fí lí' táang` Jesús fí dse^ crúu^, joba' calilí'r^ e ni'líim~ dsea` do, joba' jo e cajmeáiñ' dsea` do fa' cajée`guir tiiñ'-.

34 Jo nañí' fa' e calilí' i 'lée- do e ni'líim~ Jesús, dsu' jaang` lajee` la'ó' ír' ca'iar' ñisú' fí dse^ mo'uóø' dsea` do, jo ladsifí lanab catuu` jmi~ cóo'~ gui jmi'øøíñ-.

35 Jo i dsea` i fé' e júu^ la, dseáng'- e já'ba' e cangár- laco' calí-, joba' dseáng'- jáb'- júu^ e fé'r' do e laco' jaléng' 'nú' jáb'- nilíng'na' dseáng'- laco' calí-.

36 Jo cangojée` jalé' e la e lí'^ laco' caliti~ lajii'~ júu^ quiá'- Fidiéé` e fé' fí ni~ jì quiá'r- e cajme' dsea` malii~ gui eáang' lí' fé' lala: “Jii'~ coo' móo` teáaiñ'~ ja` nijé.”

³⁷ Jogui fé'bigui cajo lala e fí' ni~ jì' jo: "Nimáam~baa' i dsea` i liing~ ee` ca'ia` dsea` quiá'~."

Mi~ ca'áng~ Jesús

(Mt. 27:57-61; Mr. 15:42-47; Lc. 23:50-56)

³⁸ Jo mi~ cangf~ e ca'ién~ Jesús ñis~', joba' ie~ jo cangó~ jaang` dseañu' i sií` Sé^ i niseeng` fí' coo` fií` e sií` Arimatea, jo cangór~ cangomí'r` dseata~ Pilato fí' e nidsijgiáaiñ` Jesús fí' lí` táang` dsea` do fí' dse` crúu^ jo nidsijéeng` neiñ' fí' lí` ni'áiñ~. Jo i Sé^ do nilíiñ` jaang` dsea` quiá'~ Jesús, dsu' jii~ la ñir' 'ña'bre, co' 'góm'bre jaléng' dsea` Israel fíng song caliñiñ' do e nilíiñ' lajo. Jo cacuøb' dseata~ Pilato fí' lajo, jo cangób~ Sé^ e cangojgiáaiñ` Jesús fí' lí` táang` dsea` do fí' dse` crúu^, jo mifíng` cangojéeiñ` dsea` do fí' lí' ca'am~biñ'.

³⁹ Jo jaang`gui i sií` Nicodemo cangór~ cajo colíng~ cóo' i Sé^ do fí' lí' sing' crúu^ fí' lí' táang` Jesús. Jo i Nicodemo do quier' jé' ja` guigui kiil~ e jmeafi~ jlo' e sicáng' cóo' tú~ íng' mii', coo` e sií` mirra jogui cóo' gui e sií` áloe. Jo i Nicodemo la, íb i cangó~ cangosiing` cóo' Jesús coo` néé' e canu~.

⁴⁰ Jo lajob i Sé^ do cóo' gui Nicodemo cajgiám~bre Jesús fí' dse` crúu^, jo mifíng` canaaiñ` súuiñ~ dsea` do jalé' e jmeafi~ do jo caquíng` neiñ' cóo' coo' 'mi' té' e siyá' e jmí jmeafi~ do, co' lajob qui'~ túng` jaléng' dsea` Israel e jmóor' cóo' jaléng' 'lí~ quiá'r~ mi~ ni'áang~ neiñ'.

⁴¹ Jo e fí' lí' cateáaiñ~ Jesús fí' dse` crúu^, fí' job nilí' coo` dsí' íá, jo e fí' jo nisea` coo` too` ée' e 'mí' lí' jii~ jaang` ja` ii' mí' ca'áng~.

⁴² Jo e fí' dsí' e too` ée' do cangojéeiñ` Jesús e ni'áiñ~, dsuco' quiáb' lí' nilí' e too` ée' do, jogui co' nijaquíem' cajo e jmí~ e jmi'íng' dsea` Israel.

20

Mi~ cají'tu Jesús

(Mt. 28:1-10; Mr. 16:1-8; Lc. 24:1-12)

¹ Jo la'uii~ jmí~ quiá'~ e seamaan~ mi~ cangf~ e jmí~ do, e ee'bi eáang` lajee` ná' gui e nijneá, cangó~ Yá^ i seeng` fí' Magdala fí' lí' ca'áng~ Jesús; jo mi~ caguiér~ fí' jo, joba' cangár~ e nisijéb' e cuu~ e cajlí~ e fí' oo~ too` e lí' ca'áng~ dsea` do.

² Jo mi~ tí' lí' calilí'r^ e jo` seeng` Jesús e fí' dsí' tó` ée' do, joba' caquim'~tur gü'í' e fí' lí' guíng~ Tú^ Simón colíng~ gui cóo' i dsea` quiá'~ Jesús i 'neáaiñ` eáang` do. Joba' lalab cajíng' i Yá^ i seeng` fí' Magdala do mi~ caguiéiñ' jo casí' reiñ':

—Ninicaguim` dsea` Fí'naa' e fí' lí' ca'áiñ~ do, jo ja` ne~naa' jé' fí' lí' nicangojéeiñ`.

³ Jo mi~ canúu~ Tú^ Simón cóo' gui i dsea` rúíñ' i jaang`gui do lajii' júu^ e quíeé i Yá^ i seeng` fí' Magdala, joba' dsifib' ca'uøøiñ` e cangolíñ` lajminá~ e fí' lí' ca'áng~ Jesús do.

⁴ Jo laj' huáam~bre ngolíñ~ cuír, lifa' i jaang`gui do jminá~ gui cangór~ laco' Tú^ Simón, joba' jéeng`gui bre caguiér~ e fí' lí' ca'áng~ Jesús do.

⁵ Jo mi~ caguiér~ fí' jo, dsifib' catúuiñ' jo cajøør~ fí' dsí' e too` ée' do, jo cangár~ e 'mi' e cabeang' dsea` do e laco' milíib' néé', jo lifa' ja` ca'ír~ e fí' dsí' too` ée' do.

⁶ Jo jiaub~ cøong` lajo caguié~ Tú^ Simón, jo condséeb' ca'ír~ e fí' dsí' tó` ée' do mi~ caguiér~, joba' cangá~bre e 'mi' e cabeang' dsea` do cajo e laco' milíib' néé';

⁷ jogui cangá~bir cajo e dob róo' e 'mi' e cali'íng^ ta~ e quiá'~ cabé' mogui~ dsea` do, jo cangár~ e ja` róo' ca' laco' róo' e 'mi' e cabeang' dsea` do, jo tí' doguijiaub róo' e sibéeng` ca' laco' róo' e jo.

⁸ Jo mi~ cangf~ jo, ca'í~ i dsea` i jaang`gui do i caguié~ la'uii~ e fí' too` ée' do, joba' cangá~bre jalé' e calí~ e fí' dsí' tó` ée' do, jo dseáng'~ jáb' calíñ~.

⁹ Jo dsu' i dsea` gáng~ do dseáng'~ ja` mí' cangám'bir laco' la fé' fí' ni~ jì' quiá'~ Fidié~ e cajme' dsea` malí~ gui eáang` lí' fé' e dseáng'~ sí'í'ba' e nijí'tu Jesús.

¹⁰ Jo mi~ cangf~ jo, caquim'~tu i dsea` quiá'~ Jesús i gáng~ do fí' quiá'r~.

*Mi~ cajmijnéeng`ñia` Jesús fí` quini` Yá^ i seeng` fí` Magdala
(Mr. 16:9-11)*

11 Jō mi~ caguié~tu Yá^ e fí` li~ ca'áng~ Jesús, jōba' dob cajer' qui'r' fí` caluu~ e too` ée` do. Jō lajee~ siñ' qui'r' dob catúuiñ' e laco' nijøør~ e fí` dsíí' tó` ée` do,

12 jōba' cangár~ e neáang` gáng~ ángeles i qui' 'mi' té` e fí` dsíí' tó` ée` do, jō jaaiñ' do guiiñ~ li~ catiroo~ mogui~ Jesús jogui jaaiñ' do guiiñ~ fí` li~ cané~ tñ~ dsea` do.

13 Jō i ángeles do cajmingí'r~ i dseamf do jō casí'-reiñ':

—Janú', dseamf, ¿jiali' sin' qui'?

Jōba' cañíi i dseamf do quiá'- i ángeles do jō casí'-reiñ':

—Qui' i dsuco' ja` ñii~ ii` ñinicaguing` Fíi i ca'áng~ dsea` e fí` dsíí' tó` na, jō ja` ñii~ jie~ ñicangojéeiñ` lana.

14 Jō jōbi lico' nicató' e jíñ'- e jō mi~ tí` li~ cajing' 'ñia'r', jō cangáañ~ Jesús e dob nising' dsea` do cáaiñ~, jō dsu' jíi~ ja` ñir' e íb` dsea` do.

15 Jōba' cajíng'- Jesús casí'r~ i dseamf do lala:

—Janú', dseamf, ¿jiali' sin' qui'? ¿i~ sin' 'nán'` lana?

Dsu' i dseamf do í` dsíir' e i dsea` i jmóo' í` e dsíí' iá` dob i sing' sáing` cóo'r~ do, jōba' lalab casí'r~ dsea` do:

—Janú', ée', song 'nub` ñicaguiin~ i Fíi do, jōba' iin~n jmée~ jnea~ júu^ jie~ fí` li~ ñicaguijéen're, jōba' fí` jōb ni'nén'^nre.

16 Jōba' cañíi Jesús quiá'- i dseamf do lala jō casí'-reiñ':

—iYá^!

Jōba' cajing' 'ñia' i Yá^ do jō cajíñ'- cóo'~ jmíi' hebreo lala:

—iRabuni! —e guóng' tifa'.

17 Jōba' cañíi tu Jesús quiá'- i dseamf do jō casí'-reiñ':

—Ja` güín' jnea~, có' nabi ja` mí` cají' tu rú'naa' cóo'~ Tiquié^e. Jōba' fíi` i 'nu` lana e niguøn' güijmée~ júu^ jaléng' dsea` i ñilíng' laco' rún' n e nijmijíng' tu rú'naa' cóo'~ i líng' Tiquié^e jogui íbi i líng' Tiquié^na' cajo, jō íb` Fidiéé` quié~ e jogui íb` Fidiéé` quié~ na' cajo.

18 Jō mi~ cangf jō, cangám'- i Yá^ i seeng` fí` Magdala do jō cangojmeáa'~ bre júu^ jaléng' i dsea` quiá'- Jesús do e ñicangám~ bre dsea` do jogui casí'-bireiñ' cajo jalé' e júu^ e ca'íñ' quiá'- dsea` do.

*Mi~ cajmijnéeng`ñia` Jesús fí` quini` dsea` quiá'r~
(Mt. 28:16-20; Mr. 16:14-18; Lc. 24:36-49)*

19 Jō mi~ ca'í~ nuu` 'ñia' ie~ jmii~ jō, e jmii~ la'uii~ quiá'- seamaan~ do, jō ie~ jō ñinicasitíng' rúng' i dsea` quiá'- Jesús do fí` cóo` dsíí' 'núu' li~ jní` røø, có' 'góm' bre jaléng' dsea` góor` dsea` Israel fíng song calilí' í` e niseáng' tu rúng' i dsea` do calé' catú~. Jō lajee~ neáang` i dsea` do, jōba' mi~ tí` li~ ca'í~ Jesús fí` jō, jō casíng' 'ñia'r' guiá'^ joo` e li~ neáang` i dsea` quiá'r~ do, jō lalab caféng' neiñ' do jō casí'-reiñ':

—iGüiliseem'ba' juguiá~ júu^ røø!

20 Jō mi~ cangf e cajíng'- Jesús e júu^ na, jōba' canaaiñ' e'r' i dsea` quiá'r~ do fí` li~ cacuí' guotiir~ cóo'~ gui mo'uóør'. Jōba' i dsea` quiá'r~ do eám' cali'íáang` dsíir' mi~ cangáng~ tur i Fiir~ do.

21 Jō mi~ cangf jō, lalab cajíng'- tu Jesús casí'r~ i dsea` quiá'r~ do:

—iGüiliseem'ba' juguiá~ júu^ røø! Jō lí^ laco'gui Tiquí'íi' casíñ' jnea~ fí` jmígüí' la, jōba' lajōb cajo jnea~ nisín^n 'nú' fí` jmígüí' la.

22 Jō mi~ cangf jō, cajiáur~ fí` li~ neáang` i dsea` quiá'r~ do jō casí'-reiñ':

—Íng'~na' Jmiguí' quiá'- Fidiéé~.

23 Jogui doñí' ii` dsea` i ñilíng'na' dsee~ quiá'-, jōba' ñilíim~ dsee~ quiá'- i dsea` í; jogui doñí' ii` dsea` i ja` ñilíng'na' dsee~ quiá'-, jōba' ja` ñilíng~ dsee~ quiá'- i dsea` í cajo.

Mi` já'- calíng~ Mó^ e cají' tu Jesús

24 Jo jaang` dsea` guitúung` quiá'- Jesús i sii` Mó` dsea` suung~, íb` i ja` seeng` ie~ lamí` cajmijnéeng` 'ñia' Jesús jee~ i dsea` quiá'r- do.

25 Jo mi~ cangf` jo, lalab casí'- i dsea` caguaang- do Mó` jo cajíñ'-:

—Nicanem~baa' Fí'naa'.

Jo dsu' Mó` lalab cañír` quiá'- i dsea` rúíñ' do jo casí'- reiñ':

—Ja` já'- nilín`n e fó`na' na song ja` nimoo~o guóor` lí~ ca'ía- mí^ clavo, jogui song ja` nijnúu^u niguóo`o lacaang` lí~ sicuá' quiá'r-, jogui song ja` nigüí`i mo'uóør` e lí~ ca'ía- ñisü'.

26 Jo mi~ cangf` jñiá- jmí~ lajo, caseáng`tu rúng` i dsea` quiá'- Jesús do calé` catú- fí` coo` sínúu^ lí~ sijní` røø, jo ie~ jo quím` Mó` cóo~ i dsea` rúíñ' caguaang-gui do. Jo lajee` job ca'í-tu Jesús fí` dsíí` sínúu^ e lí~ neáaiñ' do jo casíng`tu 'ñia'r` guiá'^ jóo, jo lalab caféng`tureiñ' do jo cajíñ'-:

—iGüiliseem`ba' juguiá- júu^ røø!

27 Jo mi~ cangf` jo, lalab casí'- Jesús i Mó` do jo cajíñ'-:

—Jøø- guóo`o, jogui jnúu- niguóo` lí~ sicuá' quié- e la, jogui jnúu- niguóo` e lí~ sicuá' mo'uóø- la cajo. Ja` jmoo` e ja` já'- lín` jo já'- güilín` lana. jnea`bi la!

28 Jo mi~ canúu- Mó` e jo, joba' cañír` quiá'- Jesús jo cajíñ'-:

—iDseáng'- e já'- e 'nub` Fí'i jogui 'nub` Fidiéé` quié- e cajo!

29 Joba' cañíi`tu Jesús quiá'- Mó` jo casí'r- dsea` do jo cajíñ'-:

—¿Su car` cañin` jnea~, joguiba' já'- calín'- e nicajíb`túu? Dsu' juguiá-gui quiá'- i dsea` i já'- calíng- e nicajíb`túu e júi~ ja` mí` cangáam`bir jnea~.

E uing` e cajme' Juan e jì' la

30 Jo lajee` cateáng- Jesús fí` jmigüi` la, jmiguiab` jalé` e lí~ e quíi`r~ jmí~ cajméer` fí` quini` jaléng` dsea` guitúung` quiá'r-, jo dsu' jmiguiab`bi jalé` e jo ja` silí` e fí` ní` jì' la.

31 Jo dsu' lajii~ e silí` e fí` ní` jì' la nicalí- e lí^ laco` já'- nilíng` jaléng` dsea` e dseáng'- Jesús líiñ` i Dsea` Jmáang- i nicá` nifí` quiá'- dsea` Israel jogui i líng` i Jóo` Fidiéé` i camíng` do, jo lajoba' jaléng` dsea` i já'- nilíng` júu^ quiá'- dsea` do quí'~ jmí~ e niliseeiñ` cøøng` cóo~ Fidiéé` lata~.

21

Mi~ cajmijnéeng` 'ñia' Jesús fí' lí' se' Galilea

1 Jo mi~ cangf`gui lajo, cajmijnéem` 'ñia' Jesús calé` catú- fí` quini` guiáng- i dsea` i la'ó` quíng`~ jee~ dsea` guitúung` quiá'r- e fí` 'ni' coo` guiéé` lí~ sii` Tiberias e néé` lí' se' Galilea.

2 Jo i lab jaléng` i dsea` i taang~ do ie~ jo: jaaiñ' do siir` Tú^ Simón, jo jaang`gui i sii` Mó^ i sii`bi Dsea` Suung~ cajo, jo jaang`gui i sii` Natanael i seeng` fí` coo` fí` e sii` Caná e néé` lí' se' Galilea, jogui gáng`gui i líng` jóo` jaang` dseañu` i sii` Zebedeo, jogui gáng`gui dsea` jiéng` i quíng`~ jee~ dsea` quiá'- Jesús.

3 Jo lajee` job cajíng'- Tú^ Simón e sí'r` i dsea` rúíñ' i siseáng' e fí` 'ni' guiéé` do ie~ jo, jo cajíñ'-:

—Nii`teáa ta~ sáang' 'ñu`.

Joba' cañíi` i dsea` do quiá'- Tú^ Simón jo casí'- reiñ':

—Ii~baa' dsé`ee' cóo~ 'nu` cajo.

Joba' lajob` cajméer`, jo cangotáam`bre fí` coo` dsíí` móo` jo cangolíñ` fí` lí~ ni'a`gui quiá'- e jmí~ do; jo fí` job canaañ`bír` 'máa' quiá'r- e nisaiñ' 'ñu`, jo dsu' e uóø` jo dseáng'- jii~ camíng` 'ñu` ja` iì` calí'r-.

4 Jo mi~ níngoo` nijneá` e uóø` jo, jo cajmijnéeng` 'ñia' Jesús fí` quiá'- e guiéé` do, jo dsu' mí` cangáng- i dsea` quiá'r- do ír`, júi~ ja` calicuíñ` dsea` do lajminá-.

5 Joba' cajmíngí'- Jesús i dsea` do jo cajíñ'-:

—Janú' síming', ja` mí` lí'na' 'ñu`, ¿já` já'-?

Joba' cañíi` i dsea` quiá'r- do jo cajíñ'- casí'r- dsea` do:

—Ũ, jiĩ jaang` ja` ii` mi` cali`naa'.

⁶ Jōba' cañiit̃u Jesús quiá'` i dsea` quiá'r` do jō cajíñ'`:

—Bí'na' 'máa' quí'na' fí' é'` jmĩ lí' lí' dséé' lacō' ngóo' e móo' quí'na' na, jō mó' du' fa' ja` lí'na' 'ñũ.

Jōba' lajōb cajmée' i dsea` do, cabi`bre e 'máa' quiá'r` do fí' dsí' jmĩ; jō mĩ cangf̃ jō, i 'leáam` 'ñũ cali'r` e jiĩ o' ró'r` fa' ni'óng` guir e 'máa' do dsu' e ni'ii` teáng'` 'ñũ.

⁷ Jōba' i dsea` quiá'` Jesús i iñ̃ eáang` do lalab casí'r` Tú` Simón jō cajíñ'`:

—i'Fí'baa' i sing'` dóo'`!

Jō dsifí' mĩ calilí'` Tú` Simón e Fii`bre i sing'` do, jōba' lajmináb` caqu'`r` s̃i'r` e ca'uø'r` lajee` jmóor` tã, jō ngf̃ jō canaañ` bár` jmĩ e nidsér` fí' lí' sing'` dsea` do, jōba' lajōb cajmée'.

⁸ Jō i dsea` caguiaang` gui i cóo'` Tú` Simón do caguilím`bre e fí' 'ni' jmĩ do e teáañ'` dsí' móo' e øøiñ` e 'máa' do, cō' sirøøm` teáng'` 'ñũ, jō huim` jiu lí' cangobíir` e 'máa' do lacō'gui 'ni' guíeé', cō' tíb'jiu la cien metros.

⁹ Jō mĩ tí' lí' caquing'` tur fí' uø` quiú', jōba' cangár` cōo' lí' ñnicají' dsea` j̃, jō e fí' nĩ jito' quiá'` e j̃ do ñráang` jaang` 'ñũ cóo'`gui iñí'`.

¹⁰ Jō lalab cajíng'` Jesús casí'r` i dsea` quiá'r` do:

—Cuøng`na' jaang` gáng` 'ñũ i nicalí'`na' na.

¹¹ Jō mĩ cajíng'` Jesús lajō, jōba' cajgóo` Tú` Simón fí' yá' e móo' do quiá'r`, jō ca'øøiñ` e 'máa' do dseáng'` catí' nĩ tóo'` 'ni' jmĩ. Jō dseáng'` eáam' ii' do, cō' ciento cincuenta y tres 'ñũ cali'r` iẽ jō, jō jmang'` i cøøm'` cajo; jō dsu' cateáb'` e 'máa' do e ja' ca'guĩ nañí' fa' f̃im' i 'ñũ do cali'r`.

¹² Jō mĩ cali' e jō, lalab cajíng'` Jesús casí'r` i dsea` quiá'r` do:

—Ñilíng`na' ñiquié'`na' í' ta'é`.

Jō jiĩ jaang` i dsea` quiá'r` do ja' teá' dsír' fa' ee' nijmingí'r` dsea` do ĩ dseáng'` líng' dsea` do, cō' ñi`bre e dsea` dob líng' Fíir`.

¹³ Jō mĩ cangf̃ jō, cangoquiéeng` Jesús fí' quinĩ i dsea` quiá'r` do jō casá'r` e iñí'` do jōgui casañ'` i 'ñũ do cajo, jō canaañ` jmóor` guíeé` jeẽ i dsea` quiá'r` do. Jō jalém`bre cagó'r` iẽ jō.

¹⁴ Jō cóo'` e lab catí' 'ni' yá' e cajmijnéeng` 'ña' Jesús fí' jeẽ dsea` quiá'r` iẽ mĩ cangf̃ e cají'`tur calé'` catú'`.

Mĩ casang` Jesús cóo'` Tú` Simón

¹⁵ Jō mĩ tí' lí' cangf̃ e cagó'r` e í' ta'é` do, lalab cajmingí'` Jesús i Tú` Simón do jō casí'r` dsea` do lala:

—Tú` Simón, jōo' jaang` dseañũ` i sĩ Juan, ¿su eáang`gui 'neáan'` jneã lacō'gui i dsea` quié` e i caguiaang`gui la?

Jōba' cañiit̃u Tú` Simón quiá'` Jesús jō casí'r` dsea` do lala:

—Lajōb lí' Fíi'i, cō' ñí'ba' 'nũ guíú' e 'neáam`baa' 'nũ.

Jōba' cañiit̃u Jesús quiá'` Tú` Simón jō cajíñ'`:

—Te' f̃ing` røø` jaléng'` dsea` i líng' lafa' jo'se'` jiuung` quié` e.

¹⁶ Jō mĩ cangf̃ jō, caléb'`tu cajmingí'` Jesús i Tú` Simón do jō casí'`tur dsea` do:

—Tú` Simón, jōo' jaang` dseañũ` i sĩ Juan, ¿su 'neáan'` jneã?

Jōba' cañiit̃u Tú` Simón quiá'` Jesús jō cajíñ'`:

—Lajōb lí' Fíi'i, cō' ñí'ba' guíú' e 'neáam`baa' 'nũ.

Jō ngf̃ jō, caléb'`tu cajíng'` Jesús casí'r` dsea` do lala:

—Jmee` í' jaléng'` dsea` i líng' lafa' jo'se'` quié` e.

¹⁷ Jō cóo'` e la catí' 'ni' yá' e jmingí'` Jesús i Tú` Simón do jō cajíng'`tur calé'` catú'`:

—Tú` Simón, jōo' jaang` dseañũ` i sĩ Juan, ¿su 'neáan'` jneã?

Jō mĩ canúu'` Tú` e júu' jō calé'` catú'`, jōba' fí'lb'` calíñ'`, cō' cóo'` e la catí' 'ni' yáb' e jmingí'` Jesús ír` su 'neáang` dsea` do ír`.

Joba' cañí'tu Tú^ Simón quiá'- dsea` do jo cajíñ'-:

—Fí'i, guiáb- dseáng'- ñí^ 'nə' lajalé', joba' ñí'ba' e 'neám'baa 'nə'.

Jo ngí jo, calé^ catú- cañí' Jesús quiá'- Tú^ Simón jo casí'r- dsea` do lala:

—Jmee- í^ jaléng' dsea` i líng' lafa' jo'se^ quié- e.

¹⁸ Jo e laba' jmitaa^ o', e ie~ lamí~ bí'bi a', guia'ba' guiá- quií'- e guo' jíe^ fí lí~ iin~; jo dsu' mí~ tí lí~ nidseáan'-, niní'~ cuéé' jo dsea` jíém' niguiá- guiá- quií'-, jogui nijéiñ- 'nə' jíe^ fí lí~ ja~ iin~ guó'^.

¹⁹ Jo casí'- Jesús i Tú^ Simón do lana e lí^ laco' jmóor` júu^ jial nijúung- dsea` do mí~ nití- í' lajo, jogui nidsingíiñ'- do lajo e lí^ laco' nijmí'gó` dsea` Fidiée^ cóo'- e 'mó- quiá'r- do. Jo mí~ cangí jo, cajíng'- gui Jesús casí'r- Tú^ Simón:

—Ja` güihuín'- cóo'~ jnea~!

I dsea` quiá'- Jesús i iin~ eáang' do

²⁰ Jo mí~ cangí e cajíng'- Jesús e júu^ na, joba' caji'tu Tú^ Simón nir~ jo mífíng` cangáiñ- i dsea` quiá'- Jesús i eáang' 'neáaiñ' do e jáaiñ' do caluur~, jo i dsea` íb` cajo i caguá` cáang' Jesús ie~ mí~ cagó'r' í' canəə, jo cajmíngí'r- dsea` do e i~ dseáng' lajee^ la'ó' ír` i ni'níng' ír'.

²¹ Jo mí~ tí lí~ cangáng-tu Tú^ Simón i dsea` do, joba' lalab cajmíngí'r- Jesús jo cajíñ'-:

—Fí'i, jo i dseañə' i sing' la, ¿e~ nidsingíiñ'?

²² Joba' cañí'tu Jesús calé^ catú- quiá'- i dsea` do jo casí'-reiñ':

—Jo song jnea~ iin~ n e seem'bi i dseañə' la cartí mí~ nigüéeng-túu fí jmigüí la calé^ catú-, joba' ¿e~ cuaiñ~ quií- 'nə' uii~ quiá'- i dseañə' la? Lí^ 'nə', ja` güihuín'- cóo'~ jnea~.

²³ Jo job mí~ canaang` e ngí júu^ jee~ jaléng' dsea` quiá'- Dsea` Jmáang- e i dsea` i iing~ Jesús eáang' do ja` nijúuiñ-. Jo dsu' ja` cajíng'- Jesús fa' dseáng'- e ja` nijúung- i dsea` do, có' lalaba' cajíñ'-: “Song jnea~ iin~ n e seeiñ` cartí mí~ nigüéeng-túu fí jmigüí la calé^ catú-, joba' ¿e~ cuaiñ~ quií- 'nə' faco' lajo?”

²⁴ Jo i dsea` i iing~ Jesús eáang' dob cajo, í'bing' i tí' ni~ jalé' e cangojée' do jogui jmo'r' jalé' e júu^ la. Jogui ne~baa' røø e jmang'- júu^ já'-ba' fé'r'.

²⁵ Jo jmiguiə'bi jalé' e cajmée` Jesús jíi'~ laco' e silí' e fí ni~ jí' la, jogui faco' nilí' fí ni~ jí' dseáng'- lajalé' e cajméer` do, joba' jíi'~ fí jmigüí ja` nilí- jalé' e jí' jo faco' lajo.

Jo lanab cadséng- jalé' júu^ quiá'- Dsea` Jmáang- e cajme' Juan.

Jo lajob nilí'.

Jalé' e cajmée` dsea` i óo` ta` quiá'- Fidiée`

Mi` cacuø` Dsea` Jmáang` júu` quiá'r` e ni'íng` dsea` Jmiguí` quiá'- Fidiée`

¹ Jnea` Lucas nicajmée` e la'uii` cøø` jì e catíng` 'nú, Teófilo, lí` fé' jalé' e cajmée` Jesús jogui jalé' e ca'er' latí` mi` canaaiñ` jmóor` ta` quiá'r`

² cartí` mi` caguié` jmíi` e cangáañ` fí` ñífi`. Dsú` lajee` ná` gui e nidséiñ` do, caseáiñ` jaléng` i dsea` quiá'r` i caguíñ` i cangí` cóo'r` do, jo la'eáang` cóo` Jmiguí` quiá'- Fidiée` casí`-reiñ` jalé' e 'né` nijméiñ` do fí` quini` jaléng` dsea`.

³ Jo dsú` lana nijmée` e e jì la quiá'- mi` cangí`ba' e cajúng` Dsea` Jmáang` jogui cajíb`tur calé' catú` jo cajmijnéeng` 'ñia'r` jee` jaléng` i dsea` apóo` i óo` ta` quiá'- Fidiée` do e laco' niliñí` dsea` do e lajam`-ba' e nicajíb`tur. Jo mi` cangí` jo, cateáang` guir jíi` tuló` jmíi` fí` jmigüi` la, jo lajee` jo éeng` 'ñia'r` jee` jaléng` i dsea` do e dseáng`- nicajíb`tur, jogui lajee` jo ca'e'r' jaléng` i dsea` í` jial iing` Fidiée` cár` nifí` quiá'- dsea` jmigüi`.

⁴ Jo lajee` e táam`bi Jesús cóo` jaléng` i dsea` quiá'r` do, jo casí`r` jaléng` í` e ja` mí` uóíñ` do lajminá` fí` Jerusalén, jogui casí`-guir dsea` do cajo jo cajíñ`:

—Nijøøm`-ba' fí` Jerusalén la cartí` niliti` lajíi` e júu` e nicacuø` Tiquié` e 'nú` lamí` jééng`gui, lí` laco`gui jíi` e nicafí` i 'nú` jééng`gui cajo.

⁵ Dsú` e já`-ba' e i Juan do caseáañ` dsea` jmíi` cóo` jmíi`, dsú` lajee` lajminá` jnea` nicuøø` 'nú` e niñíng`na' Jmiguí` quiá'- Fidiée`.

Mi` cangáng`- Jesús fí` ñífi`

⁶ Jo mi` cangí` jo, i dsea` quiá'- Jesús i teáang` cóo'r` do fí` mó' Olivos ie` jo cajmingí`r` dsea` do lala:

—Fí`ií', ¿su lana nicatí` í' e nijmée`tu' e ni'neeng`naa' dseata` quí`naa' yee`naa' fí` góo`naa'?

⁷ Jøba' cañí` Jesús quiá'- i dsea` do jo cajíñ`:

—Ja` 'né` ñí`na' e` jmíi` o`gui e` jíi` nijmé` Tiquié` e Fidiée` jalé' e nijmér`, cø` jíi` 'ñia`bre ñir` jogui sea` fí` quiá'r` e nijmér` e jo.

⁸ Dsú` mi` niñíng`na' Jmiguí` quiá'- Fidiée` lajaang` lajaang`na', job nilisea` bí` quí`na' e laco' nigüiguiá`na' júu` quié` e fí` la'úng` jee` fí` Jerusalén cóo`gui latøøng` lí` se' Judea, jogui lajobi cajo fí` lí` se' Samaria, jogui fí` la'úng` fí` jmigüi`.

⁹ Jo mi` lí` casí`r` lajo, lajee` teáang` i dsea` quiá'r` do jøøm`-breiñ`, canaang` Jesús soor` fí` yá` jmigüi` cartí` caquiñ` jee` cabøø` jní', jo jo` cangáng`-guir dsea` do.

¹⁰ Jo lajee` teáang` i dsea` do jøør` fí` lí` cangáng`- Jesús, cøø` cajném` gáng` dseañu` i qui' 'mí' té` fí` lí` teáang` i dsea` do

¹¹ jo cajíñ`- casí`-reiñ`:

—Dsea` Israel i seeng` fí` Galilea, ¿jiali' teáang`na' jøø`-na' fí` yá`? Cø' Fidiée` nicatø`r` fí` ñífi` i Jesús i cangí` cóo` 'nú' do, jo laco' cañí`na' jial cajgóor` fí` yá` do, lajob nijáa`tur fí` jmigüi` la calé' catú` mi` nití` í' lajo.

Mi` caguíñ` Matí` e ni`r` cuaiñ` quiá'- Judas Iscariote

¹² Jo mi` cangí` jo, caquim` i dsea` cangí` cóo` Jesús e fí` mó' Olivos do, jo cangolíim`tur fí` Jerusalén, cø' quiáb`- néé` e fí` jo, jogui jíi` jo cuøøng`ngí` dsea` Israel mi` jmíi` e jmi`íñ`.

¹³ Jo mi` caguilíñ` fí` jo, cangotáañ` fí` cøø` dsí` sinúu` e tú` fíng`, cø' fí` job lí` nineáañ`. Jo i dsea` i caseáng` fí` jo siir` Tú` Simón jogui Jacóo` jogui Juan jogui Dí` jogui Lii` jogui Mó` jogui Bartolomé jogui Mateo jogui jaang`gui i sii` Jacóo` jøø` Alfeo, cóo`gui jaang`gui i sii` Simón i líng` dsea` celote, jo cóo` jaang`gui cajo i sii` Judas rúng` Jacóo`.

¹⁴ Jo jalém` i dsea` na seáañ` contøøng` e féiñ` Fidiée` colíng` cóo` jaléng` rúng` Jesús cóo`gui Yá`, niquíá` dsea` do, cóo`gui jaléng` dseamí` caguiaang`gui.

15 Jo jaléng' dsea` i caseáng' fí jo tíbre ciento veinte. Jo nineáaiñ' lajim`bre mi` caráng` i Tú` Simón do jo café'r` júu` quíá'r` jo casí'r` dsea` do:

16 —Dsea` rú'uu', ne`baa' e calitib` jalé' e cajíng' Jmiguí` quíá' Fidié` la'eáang' cóo' i dsea` áang' quí`ii' i sii` Davi' i caliséng` mali` eáang', jo catéer` fí ni` jì` quíá' Fidié` lí` fé' uii` quíá' i Judas Iscariote do i cacá` nifí` quíá' i dsea` i 'ní'` cangáng` Jesús mi` casaiñ' dsea` do.

17 Jo i Judas Iscariote do líiñ' jaang` dsea` i lamí` quíng' jee` jnea'^, dsea` lí'í' dsea` quíá' Jesús, jo seab` guíeé` quíá'r` cóo' jalé' ta` e jmoo`naa'.

18 Dsa' mi` cangí` e ca'níiñ` dsea` do, jo cóo' e cuu` e calí'r` quíá' lajii` e 'lí' e cajméer` do, calár` cóo` uó', jo fí` job ca'íng' 'ñia'r' jo cajngang' 'ñia'r', jo e fí` ni` uó'` dob catóíñ' jo cajná' moguir` jogui tu'r' ca'guii` jo cajúm`bre.

19 Jo mi` caliñí` jaléng' dsea` seeng' fí` Jerusalén e calí` lado, joba' catéer` e nilisií` Acéldama e uó'` do e guóng' cóo' jmí' quíá'r` Uó' lí` Catuu` Jmí'øng`.

20 Jo cajíng'`gui i Tú` Simón do uii` quíá' Judas Iscariote:

—Jo tóo` cóo` fí` ni` jì` quíá' Fidié` e sii` salmos lala:

'Né` e jøb` nijé` ée` quíá'r`;

jo jíi` jaang` ja` ii` nigüea`.

Jogui tóo`gui cajo:

'Né` e jaang`gui i nijmé` ta` cuaiñ` quíá'r`.

Jo lajob toó` fí` ni` jì` quíá' Fidié`.

21-22 'Joba' 'né` niguíng'`naa' jaang`gui i ningí` cóo' jneaa`aa' i ni'íng` cuaiñ` quíá' i Judas Iscariote do, jogui røøb` niguiá`naa' júu` jial mi` cají'tu` Jesús mi` cangí` e cajúíñ`. Dsa' 'né` e líiñ' jaang` i cangí` cóo' jneaa`aa' lata` catí` mi` casée` Juan jmíi` quíá' Jesús jogui cartí` mi` cangáiñ' fí` ñifí`.

Jo lanab cajíng'` Tú` Simón casí'r` jaléng' i dsea` do ie` jo.

23 Joba' cagúing' jaléng' i dsea` do gáng` dseañu': jaang` i sii` Sé` Barsabás jogui sii`bir Justo cajo, cóo' jaang`gui i sii` Matí`.

24-25 Jo mi` cangí` jo, jaléng' i dsea` do camí'r` Fidié` lala jo cajíñ':

—Fíi`naa', 'nub` dsea` nicuíi` dsíi` dsea` lajaang` lajaañ`. Míi`naa' 'nu` e nifí` jnea'^ i lajee` laji` huáang` i dsea` la nicaguíin` e ningí` cóo' jnea'^, dsea` guijáng`naa', dsea` ca'uíng`naa' dsea` quíi`, e ni'íiñ` cuaiñ` quíá' i Judas Iscariote do, dsea` nicangáiñ' fí` lí` catíiñ` uíi` e dsee` e ca'éer` do.

26 Jo mi` cangí` jo, cacóor` e quíá'` ii` nilí` lajee` laji` huáaiñ` do; joba' Matí`bing' calí`, jo íb` ca'íng` cuaiñ` quíá' i Judas do, jo colim` canaaiñ` ngí'r` cóo' i dsea` apóo` guijáng` do ladsifí` lado.

2

Mí` ca'íng' dsea` quíá'` Dsea` Jmáang` Jmiguí` quíá'` Fidié`

1 Jo mi` cangí` jo, jo cagüea` cóo` jmíi` quíá' dsea` Israel e sii` Pentecostés quíá' mi` catí` cincuenta jmíi` e canaang` roo` jalé' e jnir'. Jo ie` jo, dob nisiseáng' jaléng' dsea` quíá' Dsea` Jmáang` e fí` lí` tíiñ` e seaiñ' do.

2 Jo lajee` teáaiñ' e fí` dsíi` sinúu` jo, cóo` canúu`bre e ii` fí` yá'^ jmigüü` laco'gui ii` mi` íi` guí` e teá' eáang', jo cóob` mi` canaang` ii` fí` la'úng` e fí` dsíi` sinúu` lí` neáaiñ' do,

3 jo cajnéng` cóo` e líi`jiu` la líi` mi` sóng' jì` fí` yá'^ guí` lajaang` lajaang` i dsea` do. Jo cajé` cóo` e jo quíá' lajaang` lajaañ' do.

4 Jo lajob ca'íñ' Jmiguí` quíá' Fidié`, jo lajaang` lajaam`bre canaaiñ` fé'r` jmíi` e jíe` e ja` mí` cuír` jéeng`gui líi` laco'gui ta` jmóo` e Jmiguí` do jee` ír`.

5 Jo ie` jo teáang'` fíng' dsea` Israel fí` Jerusalén i jalíng` fí` la'úng` fí` jmigüü` e laco' nijmitir` lajii` e tíng` dsea` do fí` jo e jmiféiñ' Fidié`.

⁶ Jo miñ canúur e ii do lafa e í' guí, jo casitíng' rúíñ' jogui caseáng' rúíñ' ladsifí lado fí jo, fí lí' neáang' dsea' quíá' Dsea Jmáang'. Jo miñ caseáñ' lajñiñ' do e fí jo, ja ñir' jiali' núur e nifé' i dsea' do jmíí' quíá'r- lajaang' lajaaiñ'.

⁷ Jo dsíng' cangogá' dsíí' jaléng' i dsea' i caseáng' do ie~ jo, co' ja í' dsíir' e ninír' jalé' e jo, jo canaaiñ' sñiñ' lajee' yaaiñ' lala:

—iDsea' góo'naa' dsea' Israel i seeng' fí Galileabi lajñing' i fé' na!

⁸ Jo jiali' nñu'naa' e fé'r' jmíí' quí'naa'?

⁹ Jo jmaquíim' bi lí' see'naa' lajaang' lajaang'naa', co' lab néeng'naa' lana dsea' góo'naa' dsea' Israel i seeng' fí Partia, jogui i seeng' fí Media, jogui dsea' Elam, cóo'gui dsea' Mesopotamia, jogui cóo' dsea' i seeng' fí Judea, jogui i seeng' fí Capodocia, cóo'gui dsea' seeng' fí Ponto, cóo'gui dsea' seeng' fí Frigia cóo'gui fí Panfilia lí' se' Asia,

¹⁰ jogui cajo dsea' seeng' fí Egipto, cóo'gui dsea' seeng' fí lí' se' Libia quíá' laco' Cirene jogui quíéem' bi dsea' cajo i jalíng' fí Roma

¹¹ i líng' dsea' Israel latí' miñ cangáang'~, jogui i líng'gui jobi nica'uúñ' laco'gui jneaa'aa', dsea' Israel. Jogui quíim' bi dsea' i jalíng' fí lí' se' Creta cajo cóo'gui fí lí' se' Arabia. Jo lajaang' lajaam'baa' nñu'naa' e fé'r' jmíí' quí'ii' e quíá' jial laniing' 'gøng' Fidiéé' cóo' jalé' e jmóor' do jee' dsea'.

¹² Jo dsíng' dsigá' dsíir' lajñiñ', co' ja ñir' jiali' calí' la do, jo sñiñ' lajee' yaaiñ':

—¿E' uíing' e calí' jalé' e lala, faa'aa'?

¹³ Dsa' i líng'gui i dsea' i caseáng' do jmineam' breiñ' do jo fé'r':

—iMéeb' nica'íñ' na! iE ni'ím' biñ' na! Joba' fé'r' lajo.

Jalé' e casí' Tñ' Simón dsea' i teáang' do ie~ jo

¹⁴ Jo miñ canúu' Tñ' Simón e fé' i dsea' do lado, joba' caráaiñ' café'r' uii' quíá' lajñiñ' la'ó' calíñ' dsea' ngí' cóo' Jesús, jo lalab casí' reiñ' do cóo' júu' teá':

—Dsea' rú'uu' dsea' Israel cóo'gui jaléng' dsea' jiéng' i nineáang' fí Jerusalén la, núu'na' júu' e nifá'a la jogui quíe'na' cuente røø'.

¹⁵ Co' jnea' ja íng'naa' laco'gui la í' óo'na', co' ee'bi, nábi nití' la ii' ñu' la'ee'.

¹⁶ Jo ja lí' laco' la í' óo'na', co' lanagui niliti' laco'gui cajíng' Joel i café' cuaiñ' quíá' Fidiéé' malí'gui miñ' cajíñ' lala:

¹⁷ Lalab nidsijéé' miñ' nijaquíéeng' e ni'íng' jmíguí,

co' lalab cajíng' Fidiéé' malí'gui:

Nicuøøø Jmíguí' quíe' e laca'íng' dsea' jmíguí;

jogui jaléng' jóo'na' dseañu' dseam' niguiár' júu' e fé'r' cuaiñ' quíe' e,

jogui jaléng' siming' ninír' laco'gui miñ' quír' jalé' e nijmee' e,

jogui jaléng' dsea' yúu' niquír' jalé' e nidsijéé' cøøng'gui.

¹⁸ Jogui nicuøøø jaléng' dseañu' dseam' i jmóo' lajñi' e iing' jnea' Jmíguí' quíe' e,

jo lajob niguiár' júu' cuaiñ' quíe' e miñ' nití' í' lajo.

¹⁹ Jogui fí' yá' jmíguí' nijmee' e jalé' e quí' i jmí' e dsigá' dsíí' dsea',

jogui fí' guóo' uø' la niní' dsea' jmi'øøng' cóo'gui jì' e coo' jogui niróo' jmiñi' e 'ññu'.

²⁰ Jo jo' nijneá'gui jì' iee',

jogui si' yúum' bre nijnéiñ' laco'gui la lí' jmi'øøng'.

Jo nidsijéé' jalé' e jo nú'gui e jmí' laniing' 'gøng' do

miñ' nijáat' Dsea' Jmáang' fí' jmíguí' la e niquidsir' í' quíá' dsea' jmíguí'.

²¹ Jo jaléng' dsea' i mi' jnea' e nijmicóo' ore,

dsea' íb' i nileáang' e ja' ni'íñ' iihuí' miñ' nití' í' lajo.

Jo lanab lí' júu' quíá' Fidiéé' e ca'íng' Joel malí'gui eáang'.

²² Jo lalab cajíng'gui Tñ' Simón casí'r' dsea' góor' dsea' Israel ie~ jo:

—Núu-gui' jalé' e júu^ e nifíi' 'nú' la. Lajíi-baa' nine~naa' guiá' jalé' e quíi' Jesús i seeng' fí Nazaret jmií~ jmóor', jò dsigá' dsíi' dsea' cóo' jalé' lí' e quíi'r' jmií~ jmóor' la'eáang' cóo' Fidiée'. Jòba' caline~naa' e dsea' íb' casíiñ' dsea' do fí' la.

²³ Jogui cajáng' dsea' Jesús fí jaguóona' lí' laco' nisi'í' quiá' Fidiée' lami~ jéeng'gui, có' lajòb' nisi'íiñ' quiá' dsea' do. Jogui 'nú' caséng'na're cartí' cajngang'na're e cateáang'na'r fí dse' crúu^ la'eáang' cóo' jaléng' dsea' soo' dsíi' rúng'na'.

²⁴ Dsui' Fidiée' cajméer' e cají'b'tu dsea' do, jogui caleáam'bre dsea' do ni' 'mó', dsuco' ja' cuóong' e Jesús nijé' guir' e 'líiñ'.

²⁵ Dsuco' lalab cajíng' dseata~ quí'ii' Daví' malíi~gui eáang' e fé'r' cuaiñ' quiá' Jesús mi~ cajíñ' lala:

Contøøm~ ñii' e Fí'i Fidiée' quier' nifí' quié' e lacaang' fí' lí' ngíi',
jogui íbi i to' fíing' jnea~ jíé' fí' lí' seen',
jòba' dseáng' ja' e fí'í' quié' e jíi' cóo'.

²⁶ Jò dseáng' eáam' íaang' dsii' cartí' øø' quiá' e íaang' dsii' do, jò contøøm~ seen' e ta~ dsii' e jéem' Fí'i jnea~.

²⁷ Có' ja' nicuó' Fidiée' fí' e nija' jnea~ fí' dsíi' tó' ée',
o'gui nicuó'r' fí' fa' lí' nijgié' lajò ngúu' táan'n, dsea' güeán'^n i jmóo' lajii' ta' e iing' ír'.

²⁸ Có' dsea' íb' dsea' ca'e' jnea~ jial laco' niliseen' fí' jmigüi' cóo'r',
jò lajòba' eáam' nilí'íaang' dsii', có' colíim~ niliseen' cóo'r'.
Jò lanab jíi' lí' júu^ quiá' dseata~ quí'ii' Daví' e café'r' cuaiñ' quiá' Jesús.

²⁹ Jò fíi' guíi' 'nú', dsea' rú'naa', cuóø'tea' jnea~ fí' e nifón'^n 'nú' car' ngocáng' dsii' e i quí'ii' dseata~ Daví' do ja' fé'r' uii' quiá'r' 'ñia'r', có' e já'ba' cajúm'bre jogui ca'ám'bre cajo, jò e ée' quiá'r' do síj'i'bi latí' lana jee~ jneaa'aa'.

³⁰ Dsui' i Daví' do calíiñ' jaang' dsea' i café' cuaiñ' quiá' Fidiée' malíi~gui eáang', jogui ñi'bre guiá' e Fidiée' cacuó'r' dseáng' júu' já' quiá'r' e nicuó'iñ' jaang' lajee' i dsea' síjur' do i nilíng' dseata~ dsea' féng' quí'ii', dsea' lí'íi' dsea' Israel.

³¹ Jò e lafa' nijóøb' i dseata~ Daví' do jò café'r' uii' quiá' Dsea' Jmáang', i dsea' i casíng' Fidiée' fí' jmigüi' la e quiá' nijí'b'tu dsea' do mi' ningí' e nijúuiñ' ie~ mi~ cajíñ' e ja' nijé' i dsea' na fí' dsíi' tó' ée' quiá'r', o'gui nijgié' jalé' ngúu' táaiñ' fí' dsíi' e too' ée' do.

³² Jò lajòb' lí', có' Fidiée' cajméer' e cají'tu Jesús mi~ cangí' e cajúíñ', jò lajaléb' e calí' do neb~ jneaa'aa' lajii'naa'.

³³ Jogui mi~ cangí' e cají'tur do, cangáíñ' fí' lí' guing' Fidiée' fí' ñiff' e ngogüeár' lí' lí' dsée' laco' guing' dsea' do. Jò fí' jòb' ca'íng' dsea' do e Jmiguí' e cacuó' Tiquiá'r' Fidiée' e laco' nicuó'r' jaléng' dsea' quiá'r' lí' laco'gui júu^ e nicacuó'r' lami~ jéeng'gui. Jò e lab lajii' e nicañíi' 'nú' jogui e nicanúu'na' lajee' lana.

³⁴ Dsuco' o' i 'líi' dseata~ Daví' i cangáng' fí' ñifí' la quie' ngúu' táaiñ' do laco'gui cangáng' Jesús, dsuco' 'ñiab' i Daví' do cajíñ' lala ie~ jò:

Ñia' Fidiée' casí'r' Fí'naa' jò cajíñ':

"Fí' lab niní' lí' lí' dsée' laco' guin~n la

³⁵ cartí' nijmee~ jnea~ e nilinúu' jaléng' dsea' júu^ quí'ii', jaléng' i 'ní' níng' 'nu'."

³⁶ Jò güiline'baa' guiá' jaléng' jneaa'aa', dsea' lí'íi' dsea' Israel, e i Jesús i cateáang' 'nú' fí' dse' crúu^ do, íbing' cacuóøng' Fidiée' e líiñ' Fii' quiá' jaléng' dsea' jmigüi', jogui caleáaiñ' jneaa'aa' jee~ dsee' quí'ii' cajo.

³⁷ Jò mi~ canúu' jaléng' i dsea' i síseáng' do e júu^ quiá' i Tú' Simón do, dsíng' calíiñ' fí'í'. Jòba' cajmíng'í'r' i Tú' Simón do cóo'gui i dsea' apóo' caguaang'gui do jò cajíñ' casí' reiñ':

—Dsea' rú'uu', ¿e~ mí' sea' uii' quiá' jalé' dsee' e nica'ee'naa'?

³⁸ Jò cañíi' Tú' Simón quiá' jaléng' i dsea' do jò cajíñ':

—'Né qui' jíng' yaang' na' fí quini' Fidié', jogui nisáng' na' jmii' lajaang' lajaang' na' laco' cuø' li' e ni'ling' na' dsea' quiá' Dsea' Jmáang', jo lajoba' ni'ling' Fidié' jalé' dsee' quiá' na', jogui nicuø'r' 'nú' Jmiguí quiá'r' cajo.

³⁹ Jo e Jmiguí e ni'ling' na' do quiá'r' catím' ba' cóo' gui jaléng' joo' na' cajo cóo' gui lajüng' jaléng' dsea' lí' doñi' jié' fí seeñ, lí' lajaléng' i' nisi'ling' quiá' Fidié' i' ni'uíng' dsea' quiá'r'.

⁴⁰ Jo cóo' e júu' lab jogui cóo' e jié' gui cajo e caliúng' Tú' Simón jaléng' i' dsea' i' caseáñ' fí Jerusalén ie' jo, jo lalab casí' reiñ':

—Jáang' yaang' na' fí jaguó' Fidié' e laco' ja' nigüilíng' na' fí lí' 'lí' lí' laco' gui dsilíng' jaléng' dsea' dsee' dsea' quiá'!

⁴¹ Jo lajób jüi' lí' júu' quiá' Tú' Simón e casí'r' i' dsea' do. Jo lajób lí', jaléng' i' dsea' i' já' calíng' lajüi' júu' quiá' i' Tú' Simón do, cajgáam' bre jmii' e laco' cuø' li' e ca'uíng' dsea' do dsea' quiá' Dsea' Jmáang'. Jo ie' jo 'ní' milgui dsea' i' ca'uíng' dsea' quiá' Dsea' Jmáang', jo caquim' bre cóo' jaléng' i' dsea' quiá' Dsea' Jmáang' caguaang' gui do ie' jmii' jo.

⁴² Jogui lajim' i' dsea' do dseáng' ja' jmitúng' dsír' lajüi' e júu' e guía' jaléng' i' dsea' apoo' do, jogui røøb' jmóor' jmá' jia cóo' jalé' e sea' quiá'r'. Jogui lajób' cajo e féiñ' Fidié' jogui seáng' rúñ' lajüiñ' do e gø'r' ir' colíng' e laco' jmiguiéng' dsír' Dsea' Jmáang'.

Jalé' e guiá' e ca'ée' la'uii' dsea' i' já' calíng' júu' quiá' Dsea' Jmáang'

⁴³ Jo ie' jo lajalém' dsea' dsigá' dsír' jalé' e lí' e quí' jmii' e jmóo' jaléng' i' dsea' apoo' do.

⁴⁴ Jo lajaléng' i' dsea' i' nijá' calíng' júu' quiá' Dsea' Jmáang', eáam' guiá' conrøø' seeñ, jogui jmóor' jmá' jia lajüi' e sea' quiá'r' lajaang' lajaañ';

⁴⁵ có' 'ní' bre jalé' e sea' quiá'r', jo e cuu' e lí'r' do jmóor' jmá' jia lí' jialco' lí' 'né' quiá'r' lajaang' lajaañ'.

⁴⁶ Jo lacoø' jmii' seáng' rúñ' fí sinúu' guá', jo fí quiá' la'ó' rúñ' eáam' íaang' dsír' gø'r' ir' colíng' e ja' jmijløng' yaaiñ',

⁴⁷ jogui jmiféiñ' Fidié'. Jo jaléng' dsea' eáam' guiá' fé'r' uii' quiáñ', jogui lacoø' jmii' lacoø' jmii' jmóo' Fidié' e fíng' gui dsea' ca'uíñ' dsea' quiá' Dsea' Jmáang'.

3

Mi' ca'láang' jaang' dsea' jlúung'

¹ Jo cóo' jmii' i' Tú' Simón do cóo' gui Juan cangolíñ' fí guá' fé' quiá' dsea' góor' dsea' Israel e si' fí Jerusalén la i' 'ní' e ca'lóo', có' e oor' jo tíng' dsea' Israel e dsiféiñ' Fidié'.

² Jo e fí guá' jo dsigüea' jaang' dsea' i' jlúung' latí' mi' cangáang'. Jo fí job' dsijéng' dsea' i' dseañu' jlúung' do lacoø' jmii', jo dsigüeeiñ' fí cóo' o'nú' quiá' e guá' do e sii' Lí' Niguo' e laco' mi'r' jaléng' dsea' i' dsitáang' fí jo jalé' e 'né'.

³ Dsu' mi' cangáng' i' dsea' jlúung' do Tú' Simón cóo' gui Juan e tí' lí' nidsitáañ' fí dsí' e sinúu' guá' do, joba' cajíng' i' dsea' jlúung' do casí'r' i' dsea' gáng' do:

—Já' cuø' jnea' lajüi' e íaang' o'?

⁴ Jo lico' cajøøm' Tú' Simón cóo' gui Juan i' dsea' jlúung' do, jo cajíng' Tú' Simón casí' reiñ':

—Jøøng' jnea'.

⁵ Joba' tiib' cajeiñ' do lí' eáam' cango'gó' dsír', có' líiñ' e líng' ee' nicuøb' i' dsea' do ír'.

⁶ Joba' casí' Tú' Simón i' dsea' jlúung' do jo cajíñ':

—Ja' oo' cutee' o' gui cunee' fa' e nicuøø' 'nú', dsu' lajüi' e cuøøng' cuøø' nicuøbaa: la'eáang' cóo' 'nia' júu' quiá' Dsea' Jmáang', dsea' seeñ' fí Nazaret, ráan' jo ngi'.

7 Jo mi~ calí- fé' Tú^ Simón lajō, catíiñ- guoò dsée' quiá'- i dsea` jlúung~ do jo caseang~neñ'; jo dsifí lajōb catíng~ bî tî- i dsea` jlúung~ do cóo~gui lutîr^.

8 Jo lico' ca'ím- i dsea` jlúung~ do, jo dsifí lajōb casíñ'-, jo canaañ- ngíbre jóng. Jo mi~ cangá jo, calí-bre cóo~ i dsea` gáng- do fí dsí' sinúu^ guá'- e ningir', jo cangáñ'- íiñ' fí dsí' jo e jmiféñ' Fidiée~.

9 Jo mi~ cangá- jaléng' i dsea` do e cangib' i dsea` jlúung~ do jogui e jmiféñ' Fidiée~,

10 joba' eáam' cango'gó' dsí' i dsea` do, jogui cafóm'bir cajo mi~ cangár- e ca'láam- i dsea` jlúung~ do, co' niñib' i dsea` do e i dsea` jlúung~ dob i lamî gua' e fí o'ná' guá'- lí' sii Lí' Niguo'^ do e mir' jalé' e 'nér-.

Mî café' Tú^ Simón júu^ güí- quiá'r-

11 Jo mi~ cangá jo, i dsea` jlúung~ i ca'láang- do dseáng'- jo` tiúum- bre Tú^ Simón cóo~gui Juan. Jogui lajîim i dsea` teáang- fí do ie~ jo eáam' cango'gó' dsír', jogui canaañ' e dsiliñ- e fí siguí quiá'- guá'- fé' do fí lí' sii Ni'núu' quiá'- dseata~ Salomón, co' fí jōb taang~ i dsea` gaang` do.

12 Jo mi~ cangá- Tú^ Simón e guilíng- jaléng' i dsea` do fí do, joba' casí'- reiñ' jo cajíñ'-: —¿Jialí' dsi'gó' óo' 'nú', dsea` rú'naa' dsea` Israel, uí' e ca'láang- i dseañu' la? ¿Jialí' jøng~na' jnea'^ gó-naa'? Co' o' jnea'^ dsea` cajmi'leáang^naa' i dseañu' la fa' cóo~ la'eáang' e 'gøng'naa' o'gui la'eáang' e dsíng'- jmiféng'naa' Fidiée~.

13 Dsu' Fidiée~ i cajmiféng' 'lí' yúu~ quí-ii' i sii Abraham jogui Isáa' jogui Jacóo^ cóo~ jaléng'gui dsea` áang' quí-naa', íb' Fidiée~ i caguiéng- yá'gui i Fí'naa' Jesús i jmóo' lajîi~ e iing~ dsea` do. Dsu' 'nú' cajáang'na'r fí quini~ jaléng' dseata~, jogui caguijeaang~na'r fí quini~ dseata~ dsea` féng' i sii Pilato. Jo i dseata~ í lamî iñ~ e nileám-bre Jesús, dsu' 'nú' ja` cacuó^na' fí lajō fa' e caleáañ- dsea` do.

14 Jogui lafa' e nilaang-na're dsea` líiñ' jaang` dsea` güeang'^ jogui éer` røø, dsu' lí' riquib' cajmee-na'. Co' 'nú' camí^na' e caláang- jaang` dsea` i 'lée i nicajngang' dsea` rúng' lafa' e nilaang-na' ír',

15 jogui lajōb camí^ 'nú' e cajnga' dsea` quiá'- i dsea` i cuø' jneaa~aa' e see-naa' cøøng` cóo~ Fidiée~ lata~. Dsu' Fidiée~ cajmээр' e cají'tu dsea` do calé' catú- jee~ jaléng' 'lí', jo ne~baa' guiá- lajîi-naa', dsea` lí' dsea` apóo^, jalé' e jo.

16 Dsuco' e la'eáang' e jáb'- calíng- i dsea` jlúung~ i jøøng~ máang'na' la e quíib~ Jesús jmî e cajmi'leáañ- dsea` do, joba' nicalibím-tur jogui nica'láam-bre lana lí' laco'gui nicañí- na' na.

17 Jo niñi'baa guiá-, dsea` rú'naa' dsea` Israel, e ja` nîb^ 'nú' o'gui dsea` i quie' nifí quí-ii' ñir' jalé' e cajmee-na' mi~ cajngang'na' Jesús.

18 Dsu' mi~ cajngang'na're, jōb dseáng'- cajmiti~ Fidiée~ lajîi~ júu^ e cacuør' lamî jééng'gui e caguiá' jaléng' dsea` i café' cuaiñ~ quiá'r- mi~ cajíñ'- lala, e dseáng'- nisí'í'ba' e nijnga'- dsea` quiá'- i dsea` i sijeeng~naa' fí jmigüí la i nisíng- Fidiée~ i nileáng- jneaa~aa' jee~ dsee- quí-ii'.

19 'Joba' fí-i 'nú' e quí'- jíng' yaang~na' fí quini~ Fidiée~ jogui jáang' yaang~na' fí jaguór', jo lajōba' ni'íiñ- dsee- quí-na'. Jo jangám- Fí'naa' Dsea` Jmáang- nijmér- e nilí'íáang' óo'na' jogui e niliseeng'na' juguiá- júu^ røø cóo'r~.

20 Jo Fidiée~ nisíng-tur Jesús fí jmigüí la, jo dsea` íb' cajo i caguiéng' dsea` do latí mi~ uing~ e laco' nilíiñ- dsea` quie' nifí quí-ii', dsea` lí' dsea` Israel, lí' laco'gui nicañí- lamî jééng'gui.

21 Dsu' lajee~ lana, fí ñifí-bi 'né- seeiñ' cartí mi~ niguiá-tu Fidiée~ guiá- lajalé' e sea' fí jmigüí laco'gui too~ fí ni~ jî quiá'r- jogui laco'gui casí'r- dsea` quiá'r- i café' cuaiñ~ quiá'r- malí~gui eáang',

22 lí' laco' cajíng'- Moi' ie~ jo ie~ mi~ casí'r- jaléng' 'lí' dsea` cøøng' quí-naa' lala: "Fí'naa' Fidiée~ niguíng' jaang` dsea` lajee~ dsea` góo'naa' i nifé' cuaiñ~ quiá'r- lí'

laco'gui caguíñ' jnea~ e fá'a cuaiñ~ quiá'r-. Jogui 'né~ jmee~na' núu'~ba' jalé' júu^ quiá'r-.

²³ Dsaco' jaléng' dsea` i ja` nilijíi~ jalé' júu^ quiá'- dsea` do, ni'ím-bre jo ni'nám-bre congua' jee~ jneaa~aa', dsea` lí'íi' dsea` quiá'- Fidiéé'." Jo lanab cajíng'- Moi~ ie~ jo.

²⁴ 'Jo lajím` dsea` i café' cuaiñ~ quiá'- Fidiéé' malií~gui eáang', canaang' latí' cóo'~ Samuel cartí' lana, røøb` júu^ caguiar' quiá'- jalé' e dsijéé' lajee' lana.

²⁵ Jogui 'nú'~bi cajo catíng~na' lajii~ júu^ e cacuø' Fidiéé' lami~ jéeng'gui la'eáang' cóo'~ dsea` i cagua' júu^ quiá'r-. Jogui nicatím~bi 'nú' cajo júu^ e nisilí' quiá'- Fidiéé' cóo'~ jaléng' 'líi~ dsea` cóøng'~ quí-ii'. Dsaco' Fidiéé' casí'r- Abraham ie~ malií~ do mi~ cajíñ'- lala: "Ni'ee~e guiá~ cóo'~ lajíng' dsea` seeng' fí' la'úng~ fí' jmígüi' la'eáang' cóo'~ jaang' dsea` sijú' i nijáa' mi~ nití- í' lajo." Jo lajob cajíng'- Fidiéé' casí'r- Abraham ie~ jo.

²⁶ Jo mi~ cangí e cajmijí'tu Fidiéé' i jóor' Dsea' Jmáang~ do, la'uii~ casíñ' dsea` do jee~ jneaa~aa', dsea` lí'íi' dsea` Israel, e laco' niñíng'naa' e ni'náng'naa' jee~ jalé' e 'lí' e jmoo~naa' lajaang' lajaang'naa'.

Jo lanab lí' jalé' júu^ e cagua' Tú' Simón ie~ jo.

4

Mi~ caguiéng'- Tú' Simón cóo'~gui Juan fí' quini~ dseata~

¹ Jo lagui'ná'~bi fé' Tú' Simón cóo'~gui Juan júu^ quiá'r- fí' quini~ jaléng' dsea` e fí' guá'- fé' quiá'- dsea` góor' dsea` Israel do, mi~ caguilíng~ jmidsea` cóo'~gui i fii~ quiá'- dsea` jmóo' í' guá'- do jogui cóo'~bir dsea` Israel i líng' dsea` saduceo cajo.

² Jo jaléng' i dsea` í' eáam' liguíñ~ dsu' e Tú' Simón cóo'~gui Juan ngír' ta~ e' dsea` e quiá'- jí'tu jaléng' dsea` mi~ ningí e júuiñ'- lí' laco'gui calí' cóo'~ Jesús.

³ Jo casam'~bre i dsea` gáng~ do dsifí' lado uíi~ e jo, jo catáng'neiñ' 'nuñí' e laco' niquidsir' í' quiáñ'- do mi~ nijneá, co' nica'lóob~ mi~ casang'~neiñ' do.

⁴ Dsu' fíim' jaléng' dsea` i nicanúu~ e júu^ e guía' dsea` do nicajám' yaaiñ~ fí' jaguó' Jesús, jo lajii' dseañu'~bi cadsíñ~ ji~ ja' ñiá' mil la'ó' ca'uíñ~ dsea` quiá'- Dsea' Jmáang~ ie~ jo.

⁵ Jo mi~ cajneá~ e jmíi~ jo, caseáng' jaléng' dsea` quie' nifí' quiá'- dsea` Israel fí' do fí' Jerusalén cóo'~gui jaléng' dsea` cóøng'~ quiá'r- jogui jaléng' tifa' quiá'- júu^ quiu' ta~ quiá'- dsea` Israel.

⁶ Jo jee~ job quiéeng' Anás i líng' dsea` mogui~ quiá'- jaléng' fii~ jmidsea` quiá'- dsea` Israel, jogui jmidsea` Caifás, jogui Juan, jogui Jaang~, lí' lajaléng' dsea` sinúu' caguaiang~gui quiá'- i dsea` mogui~ quiá'- jaléng' fii~ jmidsea` do.

⁷ Jo jaléng' i dsea` í' caquiur' ta~ e nitóør' Tú' Simón cóo'~gui Juan fí' jee~ lí' teáaiñ~, jo fí' jee~ job casíñ'- dsea` do, jo lalab cajmingí'r- dsea` do ie~ jo, jo cajíñ'-:

—¿I~ nicacuø' 'nú' fí' e cajmi'leáang'na' i dsea` na?, osi ¿i~ júu^ quiá'- é?

⁸ Jo co' Tú' Simón eáang' jmico'~ Jmiguí' quiá'- Fidiéé' quiá'r-, joba' cañíir' quiá'- i dsea` góor' do jo cajíñ'- casí'- reiñ':

—Elaba' fíi~ i 'nú', jaléng' dsea` teáang~na' nifí' quí-ii', cóo'~gui jaléng' 'nú', dsea` cóøng'~ quí-ii',

⁹ co' 'nú' jmíngíi~na' quiá'- jalé' e guiá~ e nicajmó'naa' cóo'~ i dsea` lami~ jlúung'~ na e laco' niliñí'na' jial calí' e ca'láaiñ~.

¹⁰ Joba' nijmób^ jnea' júu^ fí' quini' 'nú' e laco' niline'naa' cóo'~gui dsea` Israel caguaiang~gui e i dseañu' i sing' quini'naa' lajii~naa' la'ó' tée~naa' la ca'láaiñ~ la'eáang' cóo'~ Dsea' Jmáang~ i seeng' fí' Nazaret, i dsea` i cateáang' 'nú' fí' dse' crúu^ do, jogui i cajmijí'tu Fidiéé' calé' catú'.

¹¹ Jo 'nú' í' óo'na' e i Jesús do líiñ' lafa' coo' cuu~ e ja' ta~ líng' quiá'- tíi~ fii~, dsu' o' já' e lajo, dsaco' dsea` do lanagui niliñí' lafa' e cuu~ e niing~gui lajee' lajalé'.

12 Jo jíi' i Jesús dob dsea` cuóøng` nileáiñ` jneaa`aa' jee` jalé' dsee` qui`naa', co' jo` i seeng` i jiéng'gui fi' la'úng` fi' jmigüi' fa' e nicacuóøng` Fidiée` i nileáng` jneaa`aa' jee` dsee` qui`ii'.

13 Dsu' mi` cangá` jaléng' dsea` i teáang` nifi' quiá'- dsea` Israel do e eáang` ja` 'gó' Tú` Simón cóo'~gui Juan e fé'r` jalé' júu` quiá'- Dsea` Jmáang` , joba' eáam` cangogá` dsíi' i dsea` do mi` canúur` jial tting` Tú` Simón fé'r', co' niñi'bre e ja` 'ga' lí' mí' jmiting` dsea` do, joba' calilí'r` e dsea` cangí' cóo'~ Jesús liiñ' do laji' huáaiñ`.

14 Jo jíi' ja' e bí' sea` quiá'- i dsea` do fa' e nijmér` dsee` quiáiñ'- do, co' jee` dob sing' i dsea` i nica'láang` do.

15 Joba' caquiá' i dsea` quie' nifi' do ta` e ca'uøøm` Tú` Simón cóo'~gui Juan fi' caluu` lajee` cateá' fi' quini` i dsea` fñing` i siseáng' do. Jo mi` cangí' jo, jo canaang` i dsea` i siseáng' do sñiñ` lajee` yaaiñ` jo sí' rúiiñ':

16 —¿E` nijmó`oo' cóo'~ i dseañu' gáng` na? Co' lajim` dsea` seeng` fi' Jerusalén ñir` e nicajméeiñ` lí' lajii' e cangñiñ` e tñiñ`, jo ja` cuóøng` fé'naa' e o' já'- e jo.

17 Jo e laco' jo` nini'-gui lajii' júu` e guiar' do jee` jaléng' dsea`, joba' nité'baa' fò' quiá'r` e laco' jo` ningí' guir` guiar' júu` cuaiñ` quiá'- i Jesús do.

18 Jo lajob` cajméer`; catób' tureiñ' do e fi' lí' siseáng' i dsea` fñing` do, jo caquiá'r' ta` quiáiñ'- do e jo` ee` nifé'guiñ' o'gui nié'guiñ' do jíi'~ cóo' júu` cuaiñ` quiá'- Jesús.

19 Dsu' i Tú` Simón do cóo'~gui Juan cañir` quiá'- i dseata` quiá'r` do jo casí'-reiñ':

—Íi' óo' 'nú' yaang`na' jial e guiá'-gui, ¿su guiá'-gui e nijmití'naa' lajii' ta` quiá' 'nú' laco'gui e nijmití'naa' la'uii' ta` quiá' Fidiée`?

20 Co' ja` cuóøng` e nitá' jnea' e nifé'naa' lajii' e nicane`naa' jogui lajii' e nicaná'naa' quiá'- Jesús.

21 Jo mi` canúu` jaléng' i dsea` i quie' nifi' do jalé' e júu` jo, caleáb'tu casí'-reiñ' do e lñing` ee` nijmeáng'neiñ'; dsu' ja` cateá' dsíir' fa' cajméer` lajo, jo catiúum`breiñ' do, co' ja` cadsé'r` jial uing` e nijmér` lajo, co' lajim` dsea` i teáang` do ie` jo jmiféiñ' Fidiée` quiá'- lajii' e calí' do ie` jmñ' jo.

22 Jo i dseañu' i ca'láang` la'eáang' cóo'~ güea' quiá'- Fidiée` do ningóor' lí'gui tuló' jii'.

Mi` camí' dsea` quiá'- Dsea` Jmáang` Fidiée` e nijmicóo' i quiá'r`

23 Jo mi` ca'uøøng` Tú` Simón cóo'~gui Juan e fi' lí' siseáng' dsea` do co' nisílaam`bre, joba' caseáng'tu rúiiñ' cóo'~ jaléng' i apóo` rúiiñ' caguiaang`gui do, jo cajmea`reiñ' júu` jalé' e cajíng'- jaléng' fi' jmidsea` quiá'- dsea` góor` dsea` Israel cóo'~gui jaléng' dsea` cóøng'~ quiá'r`.

24 Jo mi` cató' jma' rúiiñ' e júu` do, jo caféiñ' Fidiée` congua' lajñiñ' do jo cajíiñ'-:

—Fíi'i', 'nab` dsea` cajmee'- yá' jmigüi' cóo'~gui guóo' uó' jogui jalé' jmñ' lí' lajalé' e sea` quiá'- laca'íng'~ laca'íng'.

25 Jo lalab` casíi'~ 'nu' i dseata` Daví' i cajmée` lajii' e iing` 'nu' do, jo la'eáang' cóo'~ Jmiguí' quií'- cajme'r' lala:

Ja` dseeng` e niliguing` jaléng' dsea` jmigüi' quiá'- Fidiée`.

Ja` e ta` íng` e nijmé` dsea` Israel e ni'í' dsíir' jalé' e ja` ta` íng`.

26 Co' lajaléng' dseata` dsea` féng' i quiá' ta` fi' jmigüi' la jmicóøng'~ yaaiñ` fi' quini` Fidiée`,

jo colñim` cóo'~ i dsea` quie' nifi' qui`ii' 'ní' níiñ` 'nu', Fíi'naa',

colñing`gui cóo'~ Dsea` Jmáang` i nicaguín'~ 'nu' do.

Jo lanab` cajme' i dseata` Daví' do.

27 Jo síi'naa' 'nu', Fíi'naa', e lajob` calí' mi` dseata` Herodes cóo'~gui dseata` Poncio Pilato caseáng' rúiiñ' fi' la fi' Jerusalén cóo'~ jaléng' dsea` i ja` lñing` dsea` Israel cóo'~gui jaléng' dsea` góo'naa' dsea` Israel, e cajméer` 'ni' níiñ` Jóo' Jesús i güeang' i jmóo' lajii' e iing` 'nu' do i caguín' do.

28 Jo jaléng' i dsea` do nicajméer` jalé' e na, co' lajob si'í` quíi` 'nu` e nidsijéé' jalé' e na, jo nicalitib` lana.

29 Jogui lana, Fí'ii', 'nu`bi dsea` ninuu` jalé' e ga` e fé' i dsea` do uii` quí-ii', joba' mii`naa' 'nu` e nicuó'ba' bî jaléng' jnea'^, dsea` jmoo`naa' lajii` e iin'~, e niguiá'guí' júu` quíi` e ja` 'gó'naa'.

30 Jogui jmicóo` jnea'^ cóo`~ güea'^ quíi` cajo e quíi`naa' jmii` nijmi'leáang`naa' jaléng' dsea` dsée'~ jogui e nijmó'naa' jalé' e li` jogui jalé' e quíi`naa' jmii` la'eáang' cóo`~ Jóo' Jesús i güeang` do.

Jo jii` lanab lí' júu` quíi` i dsea` apóo` do e caféiñ' Fidiéé` ie` jo.

31 Jo mi` cató' féng' i dsea` apóo` do Fidiéé`, dsifí' ladob cajlé` fí' lí' siseáng' lajiiñ' do. Jo Jmiguí' quíi` Fidiéé` eáam' jmicóo` quíi`r` lajiiñ' e laco' guiar' júu` quíi` Fidiéé` fí' ni` fii` e ja` 'gó'r' jii` capí'.

Jalé' e sea` quíi`- dsea` quíi`- Dsea` Jmáang` lí' e røøb` quíi`r` lajiiñ`

32 Jo eáam' fiiñg' jaléng' dsea` quíi`- Dsea` Jmáang`, jogui røøb` dseáng' siiiñ` jogui røøb` éer` lajaléiñ' do. Jo jii` jaaiñ' do ja` jmóor` e lajii` e sea` quíi`r` lí' quíi`r` yaaiñ~, co' jalé' e jo røøb` quíi`r` lajiiñ`.

33 Jogui i dsea` apóo` do eáang'gui nisea` bî quíi`r` e guiar' júu` quíi`- jial mi` cají'tu Fí'naa' Dsea` Jmáang` mi` cangf e cajúñ` ; jogui Fidiéé` eáam' jmicóo`r` lajiiñg' i dsea` do cóo`~ güea'^ quíi`r`.

34 Jo lajim` i dsea` do sea`ba' e 'né'r`-, co' jaléng' i óo` uó` osi 'nur` é, joba' 'nii`bre e jo, jo e cuu` e lí'r` do fí' jaguó` i dsea` apóo` dob ngiiñ`.

35 Jo íguib` nijmé` jmá'-jiu lajee` lajiiñ' do lí' jialco' lí' lí' quíi`r` lajaang` lajaam`bre.

36 Jo lajob cajo cajmée` jaang` dsea` Israel i líng' dsea` levita i sii` Sé` i niseeng` fí' coo` lí' sii` Chipre. Jo i dsea` í calisír` quíi`- i dsea` apóo` do Bernabé, e guóng' dsea` i jmicóo` jaléng' dsea` rúng' ;

37 jo i dseañu` la ni'óo`bre coo` uó`-, jo ca'nii`bre' do, jo e cuu` e calí'r` quíi`- e uó` e ca'nii`r` do, fí' jaguó` i dsea` apóo` dob caguiar' laji`.

5

Dsee` e ca'ée` Ananías cóo`~ Safira

1 Jo mi` cangf`gui lajo, ca'nii`b` jaang` dseañu` i sii` Ananías coliiñg` cóo`~ dseamf` quíi`r` i sii` Safira coo` uó`.

2 Jo røøb` casiiñg` i dseañu` do cóo`~ dseamf` quíi`r` e caje`bre cóo`~ condseá'- e cuu` e calí'r` do, jo dsu' jii` condseá'-ba' cacuø'r` i dsea` apóo` do.

3 Joba' lalab casí'- Tú` Simón i Ananías do jo cajíñ`-:

—Ananías, ¿jiali' cacuøø' fí' uø' e ca'í' fii` i 'líng' i sii` Satanás fí' o' e cajmee'- adseaan' quíi`- Jmiguí' quíi`- Fidiéé`, jogui cajé' cóo`~ condseá'- e cuu` e calí' quíi`- uó` e ca'nii` do?

4 ¿Su o' quíi`- e uó` do? Jogui mi` cangf` e ca'nii`~, ¿su o' quíi`- e cuu` e calí' do? ¿Jiali' ca'í' o' e cajmee'- lajo? Jo o' jii` cóo`~ jnea'^, dsea` apóo`, nicajmee'- adseaan', co' cóo`~ Fidiéé` dsea` nicajmee'- lajo.

5-6 Jo mi` calí' núu` Ananías e júu` jo, dsifí' lajob caquiiñ'- jo cajúm`bre. Jo mi` cangf` jo, caguiliñg` tú` 'ní` máng'~ siming', jo caquiiñ' 'mi' i 'líi` Ananías do jo cangojéeng`neiñ' fí' lí' ca'áam`breiñ' do. Jo jaléng' dsea` i caliñí' lajii` e calí' do ie` jo dsíng'~ cafóñ'.

7 Jo mi` cangf` 'ní' oor` lajo, caguiéng' dseamf` quíi`- Ananías fí' jo, jo jii` ja` ñir` jalé' e nicalí' do.

8 Jo cajmíngí'- Tú` Simón i dseamf` quíi`- 'líi` Ananías do jo cajíñ`-:

—Jmée'~ jnea` júu`, ¿su ca'nii`ba' e uó` do cóo`~ jii` 'móo'~ e nicafée'na' do?

Jo cañí' i dseamf` do:

—E já'-, lajob calí', co' ca'nii`baa' cóo`~ jii` e 'móo'~ jo.

⁹ Joba' casí' Tù^ Simón i dseamî do:

—¿Jialí' casiing`na' røø` cóo`~ dseañu` quiá' e cajmee`na' adseaang`na' quiá' Jmiguí' quiá' Fidiée`? Lana dob nijalíng` i siming` i cango'áang` dseañu` quiá' do, jogui 'nu`gui nijéiñ` e nidsi'áaiñ` lana.

¹⁰ Jo dsifí' lajob caquíng` i Safira do uii` tî` Tù^ Simón e ni'liim`bre. Jo mi` caguilíng` i siming` do, ni'liim` i dseamî do. Jo cangojéem`breiñ' do fí' lí' ca'áaiñ` jø cataiñ` cáang` e lí' ca'áang` i 'lii` dseañu` quiá'r` do.

¹¹ Jo lajüing` dsea` quiá' Dsea` Jmáang` i teáang` do ie` jø cóo`~gui jaléng` dsea` i caliñí' jalé' e calí` do, eáam` cafóñí'.

Jalé' e lí' e quí'~ dsea` apóo` jmü` e cajméer`

¹² Jo mi` cangí' jø, jmiguiub` jalé' lí' e quí'~ jmü` cajmée` i dsea` apóo` do jee` jaléng` dsea`. Jo lajüim` i dsea` quiá' Dsea` Jmáang` do seáñí' fí' guá' fé' quiá' dsea` Israel lí' sii` Ni'náú' quiá' dseata` Salomón.

¹³ Dsu' jüi` jaang` dsea` jiéng` ja` teá' dsíir` e nidsitáaiñ` cóo`~ i dsea` do doñí' fa' eáam` jmi'gó'reiñ' do.

¹⁴ Jo lajee` jø ngóo` lifüim` jaléng` dsea` i jáng` yaang` fí' jaguó` Dsea` Jmáang`, do dseañu` jogui dseamî.

¹⁵ Jo jaléng` dsea` uøøiñ` jaléng` dsea` dsée' quiá'r` e dsíñ` ni` 'ma', jø dsijéeiñ` fí' jee` 'núú' e laco' mi` ningíng` Tù^ Simón fí' jø, fa' jüi` capí' i` quiá'-bre nití' lí' teng' jaang` gáng` i dsea` dsée' do, jø lajob ni'leáaiñ` do.

¹⁶ Jogui füm` dsea` i seeng` fí' jalé' fii` e téé'~ quiá' Jerusalén dsilíiñ` fí' jø e jéeiñ` jaléng` dsea` dsée'~ quiá'r` cóo`~gui jaléng` dsea` i jée' i 'ling` quiá'. Jo lajaléng` i dsea` do 'láam`bre.

Mi` cangotáang` tu` i dsea` apóo` do fí' dsí' 'nuñí'

¹⁷ Jo i dsea` mogui` quiá' jaléng` fii` jmidsea` quiá' dsea` Israel cóo`~gui jaléng` dsea` Israel i líng` saduceo eáang` calí` dsihuñíñ` quiá' i dsea` apóo` do cóo`~ jalé' e jmóoiñ` do.

¹⁸ Joba' casam`bre i dsea` apóo` do, jø catáng`neiñ' fí' dsí' 'nuñí' quiá' fí.

¹⁹ Dsu' lajee` teáaiñ` e dsí' 'nuñí' dob, casing` Fidiée` jaang` ángel quiá'r`, jø íb` i caneáa' jní' quiá' e 'nuñí' do lajee` uøø, jø ca'uøøm`bre i dsea` apóo` do, jø mifüing` casí'~reiñ' do lala:

²⁰ —Güilíng`tu' fí' dsí' guá' fé' do quiá'na', jø güisíi`tu' jaléng` dsea` fí' jø jial laco' niliseeiñ` cøøng` cóo`~ Fidiée` lata`.

²¹ Joba' mi` cajneá' e jmü` cóo`~gui do, ee`gui cangolíng` i dsea` apóo` do fí' lí' si' e guá' fé' do quiá'r`, jø cangotáaiñ`~ dsí', jø canaaiñ` e'r` jaléng` i dsea` i caseáng` fí' jø lí' laco'gui ta` caquiü' i ángel do.

Jo lajee` jø, i dsea` mogui` quiá' jaléng` fii` jmidsea` do cóo`~gui jaléng` dsea` quiá'r` i teáang`~gui do, cató'r` jaléng` dseata` i quie' nifí' quiá' dsea` Israel. Jo mi` nisiseáiñ' lajaléiñ' do, cahuí' ta` e nidsitée` i néé' ni` guá' do i apóo` i teáang`~ dsí' 'nuñí' do, jø nidsijgeáang`neiñ' e fí' lí' siseáng' dsea` do.

²² Dsu' mi` caguilíng` i dsea` néé' ni` guá' i si'í` ngotée` i dsea` apóo` i teáang`~ fí' dsí' 'nuñí' do, jø mi` caguilíñ` fí' jø, jø i` cadséiñ' jüi` jaang`. Jo caquim`bre e quieer` e júu` do fí' quini` i dsea` siseáng' do jø lalab casí'~reiñ':

²³ —Mi` caguíe`naa', dseáng` jní' guiáb` jní' quiá' e 'nuñí' do, jogui i 'lée` i jmóo` í' do, dob teáaiñ` fí' quini` jní'; dsu' mi` caneáa'naa', jüi` jaang` jø i` seeng` fí' dsí' jø.

²⁴ Jo mi` canúu` i fii` jmidsea` do cóo`~gui dsea` mogui` i fii` i néé' ni` guá' fé' do e júu` jø, joba' canaaiñ` siiiñ` e` nidsijee' quiá'r` cóo`~ i dsea` góor` do.

²⁵ Jo lajee` jø, cóo` caguieb` jaang` dsea` i quie' júu` e fí' lí' siseáng' dsea` do, jø lalab casí'r` dsea` í':

—I dsea` i cateáng' 'nú' 'nuñí' do, dob niteáaiñ' fí dsí' sinúu' guá' fé' qui'na' lana e e'tur.

²⁶ Joba' cangolíng' i fii' née' ni' guá' do cóo'gui jaléng' dsea' quiá'r' e cango'néem' breiñ' do. Jo mi' cadséng' neiñ' do, ja' ee' cajmeáiñ' jii' cóo', có' 'gó'bre fing casi'ló' i dsea' i teáng' do cuu' ír'.

²⁷ Jo cató-breiñ' do fí lí' siseáng' i dseata' i quie' nifi' quiá' dsea' Israel. Jo mi' caguiliñ' fí jo, lalab casi' jaléng' i dsea' mogui' quiá' jaléng' fii' jmidsea' do ír'.

²⁸ —Jnea' nicaté' baa' fò' qui'na' jééng'gui e jo' ni'é'na' jaléng' dsea' cuaiñ' quiá' i dsea' góo'naa' i sii' Jesús do, jo jò'na' lana e fí latøøm' fii' Jerusalén nicaguiá'na' e júu' jo, jogui la quie'gui jnea' iing'na' cuó'na' dsee' cuaiñ' quiá' e cajnga' dsea' quiá' i Jesús do.

²⁹ Joba' cañi' Tú' Simón cóo' i apóo' caguiaang'gui do, jo cajíñ' casi'r' i dsea' góor' i siseáng' do:

—Laniing'gui eáang' 'né' e jmití'naa' jalé' ta' quiu' Fidié' laco'gui e nijmití'naa' ta' quiu' jaléng' dsea' jmigü'.

³⁰ Có' i Fidié' i jmiféng' 'lii' dsea' cóøng' qui'naa' do, dsea' í'bing' cajmé' e cají'tu Jesús, i dsea' góo'naa' i cajngang'na' fí dse' crúu' do.

³¹ Jogui Fidié' nicaseáng' neiñ' do, jogui nicaguiéiñ' lí' lí' dsé' laco'guiiñ' 'ñia'r', jogui nicacuø'reiñ' do ta' e nicár' nifi' quiá' dsea' jmigü', jogui e leáiñ' dsea' jee' jalé' dsee' quiáiñ'. Jogui cajmé' Fidié' lajo e laco' niqui' jing' yee'naa' fí quinir', jneaa'aa' dsea' lí'ii' dsea' Israel, jo lajoba' ni'iiñ' dsee' qui'ii'.

³² Jo neb' jnea' guiá' la'uiing' e júu' jo lí' laco'gui la ñi' Jmigu' quiá' Fidié' cajo, jo e Jmigu' jo e nicacuø' Fidié' jaléng' dsea' i núu' júu' quiá'r'.

³³ Jo mi' canúu' i dsea' Israel i siseáng' do lajii' júu' quiá' i dsea' góor' Tú' Simón do, dsifí ladob caliguiñ' jo cartí' mi' iiñ' nijngám' breiñ' do.

³⁴ Dsu' jee' i dseata' i siseáng' do niquiéng' jaang' dsea' Israel i líng' dsea' fariseo i sii' Gamaliel, jo líiñ' jaang' tifa' quiá' júu' quiu' ta' quiá' dsea' góor', jo eáam' jmi'gó' jaléng' dsea' i tifa' do. Jo i tifa' do caróor' lí' guiiñ' jo caquiur' ta' e ca'uøøng'tea i dsea' apóo' do e lí' siseáiñ' do.

³⁵ Jo mi' cangí jo, i tifa' fariseo do casi'r' jaléng' i dsea' i siseáng' do ie' jo, jo cajíñ':

—Dsea' góo'naa' dsea' Israel, ñiing' óo'na' cóo' jalé' e í' óo'na' nijmee'na' cóo' i dsea' góo'naa' na.

³⁶ Téé' óo'na' ie' ñingóo'jiu do caseáang' i dseañu' i sii' Teudas do teá' 'ñia'r' e jíñ' e líiñ' jaang' dsea' laniing', jo fii'm' dsea' caligóíñ' lí' lí' quiu' ciento dsea' bing' cangotáang' cóo'r' ie' jo. Dsu' cajngam' dsea' i Teudas do mi' cangí jo, jogui jaléng' dsea' quiá'r' casojóm' bing' do, jo jii' jo cadséng' quiá'r'.

³⁷ Jo mi' cangígui lajo, cóo' jmi' e cali'íng' dsea', caróo' jaang' dseañu' i sii' Judas i seeng' fí Galilea i cajíng' e líiñ' jaang' dsea' laniing'; jo fii'm' dsea' calí'r' i caligøng' ie' jo. Dsu' mi' cangígui lajo, dseab' cajnga' quiá'r' cajo, jogui jaléng' i dsea' quiá'r' do casojóm' biñ' do cajo.

³⁸ Joba' fii' jnea' 'nú' e tiúung'na' jaléng' i dsea' na, jo ja' quíng'na' jii' cóo' cóo'r'. Có' faco' e júu' la quiá' lajii' yaang' dsea' jmigü', cuøøm'bi' ñingíng'.

³⁹ Dsu' song e júu' la e quiá' Fidié', joba' ja' quí' jmi' nilí' 'nú' e ni'íng'na'. Joba' fii' i 'nú' e ñiim' óo'na', jo jie' mi' jmee'na' e teáng'na' ga' uii' quiá' Fidié'.

Jo mi' calí' e fé' i tifa' Gamaliel do e júu' jo, ca'ím' i dsea' do júu'.

⁴⁰ Jo catób'tur i dsea' apóo' do calé' catú' fí lí' siseáng' i dsea' fíng' do; jo mi' niteáaiñ' do, jo cabøøng' neiñ' jogui ca'ii'tur 'goo' quiáiñ' do e jo' niguiá'guiñ' do júu' quiá' i Jesús do. Jo mi' cangí jo, joguiba' caleáang' neiñ' do.

⁴¹ Jo ca'uøøm' i dsea' apóo' do e fí jo e íaang' dsíir', có' Fidié' bing' i nicacuø' ír' e laco' nidsing'iiñ' iihu' uí' Jesús.

42 Jo canaang`tu i dsea` apoo` do e e`r` jaléng` dsea` júu` quia`- Jesús laco` jmi~, jogui guiar` jalé` e júu` do fí` dsí` sinúu` guá`- fé` quia`- dsea` Israel e si` fí` Jerusalén jogui lajobi lacaang` fí` sinúu` quia`- dsea` cajo.

6

Mi` ca`náaiñ` guiáng` dsea` i nijmicóo` quia`- e nili` guiee` jalé` e `né`

1 Jo ie~ jo, eáam` ngofíng` dsea` i jáng` yaang` fí` jaguó` Dsea` Jmáang`-; joba` i dsea` i fé` jmi` griego canaaiñ` jmiquím`- dsír` quia`- i dsea` Israel i fé` jmi` hebreo, jo fé`r` e jaléng` dseam` griego i `nii`- ja` íñ` røø` lajii`- e ngíiñ` e `né`- laco` jmi~.

2 Joba` caseáng` i dsea` guitúung` do lajaléng` dsea` i nilíng` dsea` quia`- Dsea` Jmáang` jo casí` reiñ` do jo cajíñ`-:

—Ja` dseeng` e jnea` nitú`naa` e guia`naa` júu` quia`- Fidié` e laco` nijmó`naa` guiee` lajii`- e si` í` niñíng`na`.

3 Joba` fii`-i `nú`, dsea` rú`naa` dsea` quia`- Dsea` Jmáang`- , `néng` rúng`na` lajee` la`ó` yaang`na` guiáng` dseañu` i la`ó` nicuíng` rúng`na` røø` cóo`- jogui ningáng`na` quia`- rúng`na` jogui i la`ó` nijmicóo`- Jmiguí` quia`- Fidié` quí`na`. Joba` dsea` í`bing` niguiá`na` ni` e ta` jmóo` guiee`- na.

4 Jo jnea`- nijmó`bii` ta` féng` Fidié` jogui ta` guia` júu` quia`- Dsea` Jmáang` lajee` jo cajo.

5 Jo lajiim` i dsea` do casíiñ` røø` ie~ jo. Joba` ca`náaiñ`- Téé~, jaang` dseañu` Israel i já`- líng` júu` quia`- Dsea` Jmáang`- car` ngocáng` dsír` jogui i jee` Jmiguí` quia`- Fidié` quia`-, cóo`-gui Lii` cóo`-gui Prócoro cóo`-gui Nicanor cóo`-gui Timón, jogui Pármenes jogui cóo`- Nicolás, jaang` i niseeng` fí` Antioquia, jo i dsea` í` nicaquí`- jing` `ña`r` e laco` nica`uíiñ`- dsea` Israel.

6 Jo mi` cangí` jo, cangosíng` yaaiñ` fí` li` teáng`- dsea` apoo`, jo í`guibing` cami` Fidié` uii` quiaíñ`- do, jogui mifíng` caquidsir` guóor` moguiñ`- lajaang` lajaaiñ` e laco` cuø` lí` e ca`íiñ` e ta` do.

7 Jo lajob` ngóo` ni` júu` quia`- Fidié`, jogui ngóo` dsifim`bi i dsea` i jáng` yaang` fí` jaguó` dsea` do fí` Jerusalén. Jo jiguí` i fíim` jmidsea` Israel íñ` júu` quia`- Dsea` Jmáang`- ie~ jo.

Mi` casaiñ`- Téé`

8 Jo co` eáam` `gøng` i Téé` do la`eáng` cóo`- güea` `gøng` quia`- Fidié`, joba` jmóo`bre jalé` e quí`- jmi~ jogui jalé` e li` fí` jee` dsea` seeng` fí` jo.

9 Jo cóo` jmi~ fíim` dsea` Israel dsea` góo` i Téé` do canaang` jmiquíng`- dsír` cóoiñ`- do, jo i dsea` Israel i fíng` do quieéng` i líng` dsea` i teáng`- jee` `lé` e sii` Liberto colíng` cóo`- dsea` i seeng` fí` Cirene cóo`-gui fí` Alejandría, jogui jaléng` dsea` seeng` lí` se` Cilicia cóo`-gui lí` se` Asia cajo.

10 Jo jaléng` dsea` í`bing` canaang` jmiquíng`- dsír` cóo`- i Téé` do, dsu` ja` lí`guir` fa` e røø` nicóng`- júu` quia`r` cóo`- i Téé` do, co` eáam` tiiñ` do la`eáng` cóo`- Jmiguí` quia`- Fidié`.

11 Joba` i dsea` í` ca`náaiñ`- dsea` `léng`- i nijmé`- dsee`- uii` quiaíñ`- do e laco` nicuø`r`- dsee`- i Téé` do e feiñ` do jmang`- júu` ga` uii` quia`- Moi` jogui uii` quia`- Fidié` cajo.

12 Jo lajob` calí`-, júu` job` teá` casá`- jaléng` dsea` Israel i seeng` fí` do colíng` cóo`- jaléng` dsea` cóong`- quia`r` cóo`-gui jaléng` tifa` quia`- júu` quia` ta` quia`r`-, jo jmang`- i calí`- `ni` níim`- i Téé` do. Jogui jaléng` i dsea` Israel do casam`-bre Téé` jo caguijeaaiñ` fí` quini` jaléng` dseata` i quie` nífi` quia`r`-.

13 Jo mi` caguiliñ` fí` jo, dob` niteáng`- dsea` i nisi`neaang` i nífé` ga` uii` quia`- Téé~,

14 jo lalab` cajíng`- i dsea` do:

—Nicanú`naa` e fé` i Téé` do cuaiñ` quia`- Jesús i seeng` fí` Nazaret e ní`im`-bre guá`- fé` quí`naa` e si` fí` Jerusalén, jogui e nijmisíiñ`- jalé` e quí`- tii`naa` jmoo`naa` e casé`- Moi` do e `né`- jmití`naa`.

15 Jo i dseata~ Israel do cóo'~gui i dsea` i neáng' do ie~ jo, mi~ cajóøiñ~ Téé~, jo cangáng~neiñ' do e líí' niñ'~ laco' líí' ni~ jaang` ángel i casíng` Fidiée`.

7

Mi~ cajmi'øng'`'ñia'` Téé~ cóo'~ layaang` júu`

1 Jo mi~ cangí jo, i dsea` mogui~ quiá'~ jaléng' fii~ jmidsea` quiá'~ dsea` Israel do cajmingí'r~ i dsea` góor` Téé~ do song e jáb'~ lajii'~ júu` e nicanúur~ fé' dsea` uii~ quiáíñ'~ do.

2 Joba' cañii` Téé~ quiá'~ i dsea` mogui~ fii~ jmidsea` do jo casí'~ reiñ' lala:

—Núu~na' júu` quié~e, dsea` cóøng'~ qui~ii' jogui dsea` rú'naa' dsea` lííí' dsea` Israel. Cajmijnéem` 'ñia'` Fidiée` qui~ii' i laniing~ 'gøng'` do fí quini` 'líí~ yúu'~ qui~ii' Abraham malíí~gui eáang` lajee` e cateáang` 'líí~ yúu'~ do fí Mesopotamia lajee` e ná'~gui nidsér~ e nidsigüear` fí Harán.

3 Jo lalab casí'~ Fidiée` dsea` í ie~ jo: “Túu' góo'` cóo'~gui jaléng'` dsea` sijú'~, jo niguó'` fí guóo'~ uó'~ lí~ ni'ée^e 'nua'.”

4 'Jo lajob cajmée` 'líí~ yúu'~ qui~ii' Abraham, cagüíí'bre e fí Caldea do jo fí dob cangogüear` fí Harán. Jo mi~ cangí jo, cajúm~ tiquiá'r^'. Jo Fidiéeb` cató'~ quiá'~ i Abraham do fí Canaán fí lí~ néé' jneaa~aa' lana.

5 Dsu' ja` cacuø'` Fidiée` dsea` í jii'~ cóo' uó'~ ie~ jo. Jo Fidiée` casí'r~ 'líí~ yúu'~ Abraham e nicuø'~bre dsea` siju` dsea` do e uó'~ do, nañi' fa' jii'~ jaang` jóo'` 'líí~ yúu'~ Abraham ja` mí seeng` ie~ jo.

6 Jogui casí'~bi Fidiée` i Abraham do e jaléng'` dsea` Israel i líng'` dsea` áang` qui~naa' nidsilíñ~ e nigüear` e lííñ' dsea` fii' jiié' fí cóo' ni` guóo'~ uó'~ e néé' huíí~. Jo fí job nijméñ'~ do ta~ laco' dsea` si'níing` jogui gab` nidsingííñ~ do lajee` quiá' ciento jii'.

7 Jo casí'~bigui Fidiée` i Abraham do jo cajíñ'~: “Jnea~ nicuøøø ihuúí jaléng'` dsea` i nijmeáng'` ta~ jaléng'` dsea` quié~e e lííñ'` do dsea` si'níing`. Jo mi~ ningí jo, ni'uóm` jaléng'` i dsea` quié~e do fí jo, jo jaléng'` í nijmér~ lajii'~ e iim~baa e fí guóo'~ uó'~ na.” Jo lanab casí'~ Fidiée` i Abraham do ie~ jo.

8 'Jo Fidiée` cacuø'r` júu` 'líí~ yúu'~ Abraham, jo catigua` júu` e tóo' lí~ fí ngúu' táang` lajii'~ yúu' siñuu` e laco' cuø' lí~ e Fidiéeb` líng'` Diéé~ quiá'r~, jo lajob ta~ caquiú' Fidiée` quiá'~ 'líí~ yúu'~ Abraham e nijmiti~bre e jo. Joba' mi~ tí lí~ caliséng` jaang` jiuung` siñuu` quiá'r~ i calisí Isáa', jo catéé~bre lí~ fí ngúu' táaiñ'` do mi~ cadsíñ~ jñiá~ jmíí` lí'^ laco' ta~ cahuí' quiá'r~. Jogui lajob cajmée` i Isáa' do mi~ caliséng` jaang` jóor' siñuu` i calisí Jacóo^, jogui lajob cajmée` Jacóo^ cajo cóo'~ laji' guitúung` jóor' siñuu` i caliséng` quiá'r~. Jo i guitúung` dseañu' íb' líí tiquiá' laji' guitu' 'lé' dsea` Israel i líng'` dsea` áang` qui~ii' do.

9 'Jo co' jaléng'` i jóo' Jacóo^ i líng'` dsea` áang` qui~ii' do calí~ dsihuúí~bre quiá'~ i rúíñ'` i sii` Sé^ do, joba' ca'níim`breiñ' do cóo'~ dsea` i seeng` fí Egipto, jo i dsea` í fí job cajéng`neiñ'. Jo dsu' eáam` cajmicóo'~ Fidiée` quiá'~ i Sé^ do,

10 jo caleáam`breiñ' do jee~ jalé' ihuúí' e si'í' e nidsingííñ'~ do, jogui cacuø'reiñ' do e tím'biñ' eáang`, jogui cajméer` e guiúb~ ca'ée` i dseata~ dsea` féng'` quiá'~ Egipto cóo'r~, jogui cacuø'reiñ' cóo' ta~ e lííñ'` do dsea` nu'luu` quiá'~ dseata~ dsea` féng'` e fí Egipto do, jogui e néé' niñ'` do fí 'nu~ i dseata~ féng'` do cóo'~gui jaléng'` i dsea` i jmóo' ta~ fí jo.

11 'Jo mi~ cangí jo, cajá~ jii' oo~ fí latøng~ Egipto cóo'~gui fí Canaán, jo eáam` ihuúí' cangongíng~ dsea` cóøng'~ qui~naa' co' jo sea` e nidó'r~.

12 Dsu' mi~ caliñi' i Jacóo^ do e seab` micui'íee' fí Egipto, joba' fí job casíñ' jaléng'` jóor' i líng'` dsea` áang` qui~ii' do. Jo e job la'uii~ ya' e cangolíñ'^ do fí Egipto.

13 'Jo mi~ cangolíng~ tu' i jóo' Jacóo^ fí Egipto e catí tú~ ya', joguiba' cajmée` Sé^ júu` cóo'~ jaléng'` i dsea` í e rúíñ'` dsea` ngáang` cóo'~bre lííñ'` do. Jo lajob caliñi' i dseata~ Egipto do e dsea` Israel líng'` Sé^ laco'gui jneaa~aa'.

14 Jo mi~ cangî jo, caquiã' Sé ta~ e nidsé tiquiá'r^ Jacó^ coling~ cóo~ jaléng' dsea` sinúu^ quiá'r- fí lí guing~ dsea` do fí Egipto. Jo lí^ lajee~ lajiiñ la'ó^ cangoliiñ fí jo tíbre setenta y cinco.

15 'Jo lajob cajmée` Jacó^, cangogüeá`bre fí Egipto cóo~ jaléng' dsea` sinúu^ quiá'r-. Jo fí job cajúñ-, jo fí jobi cajo cajúng- jaléng' dsea` áang' quí-naa'.

16 Jo jalé' móa` teáng' i Jacó^ do cangocóor' fí Siquem lí se' Canaán, jo ca'oor- fí dsí' tó'ée' lí calá- 'li~ yúu~ Abraham quiá'- jaang` i calisí Hamor e fí Siquem do.

17 'Jo mi~ nijaquíeng' e nijmiti~ Fidié~ lajii~ júu^ e cacuø'r' 'li~ yúu~ quí-ii' Abraham lamí` jéng'gui eáang', jo eám' nicangofing~ dsea` áang' quí-ii' dsea` Israel e fí Egipto do.

18 Jo ie~ jo mi~ caguá' jaang'gui dseata~ dsea` féng' i caquiã' ta~ e fí Egipto do, jo i dseata~ î jo` calicuíñ Sé^.

19 Jo i dseata~ î, eám' ga` ca'éer` cóo~ jaléng' dsea` góo`naa' dsea` Israel, jogui caquiã' i dseata~ do ta~ e 'né- nitiúuiñ- do jaléng' yuu` siñuu^ quiá'r- e laco' nijúuiñ- do.

20 'Jo ie~ job cajo cangáang' i yuu` siñuu^ Moi~ do, jo eám' iáang' dsí' Fidié~ cóo~ i yuu` do. Jo sejmii'biñ' do cajmicuóo' quiá'r- lajee~ gaang' si'.

21 Jo coob` mi~ catí í' e 'né- nitiúuiñ- i yuu` do quiá'r-, joba' cangotiúum~bre. Jo jaang' simí' quiá'- i dseata~ dsea` féng' Egipto do, íb` cadséng' i yuu` do, jo catø`bre fí quiá'r-, jo cajmicuáang'neiñ' do lafa' jóo`bre.

22 Jo mi~ cacuaiñ- do, calitím`bre lajii~ e tting` dsea` egipcio, jogui eám'bi 'gøiñ' cajo e tiiñ' jalé' júu^ cóo~ gui jalé' e jmóo` dsea` do cajo.

23 'Jo mi~ cadsí- i Moi~ i ling` dsea` áang' quí-ii' do tuló- jii, ca'f dsíir' e nidsi'eer~ dsea` góor` dsea` Israel i taam~bi fí Egipto do.

24 Jo mi~ caguiér- fí jo, cangáñ- jaang` dsea` egipcio i táang` jmáng' jaang` dsea` góor` dsea` Israel. Jo cajmi'øm' Moi~ i dsea` góor` do, jogui cajngam'bre i dsea` egipcio do.

25 'Jo í dsí' i Moi~ do e nililí^ jaléng' i dsea` góor` dsea` Israel do e la'eáang' cóo~ íbre nileáng- Fidié~ jaléiñ' do, jo dsu' ja` calilí^ i dsea` góor` do jalé' e jo.

26 Jo mi~ cajneá- lajo, ngó-tu Moi~ calé' catú- e cango'eer~ dsea` góor` dsea` Israel. Jo mi~ caguiér- fí jo, cangáñ- gáng- la'ó^ dsea` góor` i taang~ ta~ tting', joba' cali'iiñ~ e nisíng-tuiñ' do røø` jo casí'-reiñ': "¿Jialí' taang~ 'nú' ta~ tting' la'ó^ rúng'na'?"

27 'Joba' i dsea` i jmáng' i jaang'gui do caligüim~bre quiá'- Moi~, jo ca'lem'breiñ' do jo casí'-reiñ' lala: "¿I~ caguíng' 'nu' e lín' jaang` fii~ quí-ii' i quidsi' í' jee~ jnea'?"

28 ¿Su í o' e nijngan' jnea~ laco'gui cajngan' i dsea` egipcio do lado guíe-?"

29 'Jo mi~ canúu- Moi~ e júu^ jo, cagüi'bre fí Egipto jo cangór- cangogüeár' fí coo` guóo~ uø- e née` huí- e sii` Madián. Jo fí job caguár' laco' jaang` dsea` i jáa' fí lí huí-. Jo fí job caliséng` gáng- jóor' siñuu^.

30 'Jo mi~ cangî tuló- jii lajo, coo` jmii~ lajee~ e ngí Moi~ fí coo` guóo~ uø- lí ja` ii 'ga' lí dsea` seeng` fí quiá'- coo` mó' e sii` Sinai, jo fí job cangár- coo` 'matóo' e gui` ia` jì dsu' ja' e coo`. Jo lajee~ job cajmijnéeng' 'ñia' jaang` ángel quiá'- Fidié~ e fí jee~ jì quiá'- e 'ma' e gui~ e ia` jì do.

31 Jo eám' cango'gó` dsí' Moi~ mi~ cangár- e jo. Jogui mi~ cangoquíeíñ' cartí' quiá'- gui e laco' nijøø- guíá' e jo, jo canúur- luu~ Fidié~ e guicajíng'- lala:

32 "Jneab~ Fidié~ i jmiféng' jaléng' 'li~ dsea` cóong' quí-na' i calisí Abraham cóo~ gui Isáa' jogui Jacó^."

Jo mi~ canúu- Moi~ e júu^ jo, eám' caføiñ' car` cajlém~bre, jo jii~ jo` niteá` dsíir' fa' nijøø- guir e lí gui~ 'matóo' e ia` jì do.

33 Jo guicañí'tu Fidié~ quiá'- Moi~ jo casí'-reiñ' do lala: "Uøø~ lomii~, Moi~, dsuco' güeam' e ni~ guóo~ uø- lí si'ø' na lana, co' quiáb'- sín'n.

34 Jo nicamó`baa guiá- jial tí' iihuí' e íng' dsea` quíe- e, dsea` Israel, i taang~ fí Egipto, jogui nicanú`bí jalé' dsee- e jmóo` dsea` egipcio quiá'r-. Joba' cagüén-n 'ñiá'a e laco'

nijmicóo'baare e nileáiñ. Jo fíi-i 'nu' e lana nisín^n 'nu' fí Egipto e laco' nigüileaan' jaléng' dsea' quié-e."

³⁵ Jo casí' gui Téé' i dsea' do e júu^ la:

—Jo nañí' fa' ja' cali'ing~ dsea' Israel e i Moi~ do nicár' nifí' quiá'r~ jogui casí' biguir lala cajo: “¿I' caguíng' 'nu' e lín' jaang' fíi' quí-ii' i quidsi' í' jee~ jnea'^?” jo dsu' Fidiéé' casíiñ' i Moi~ do jee~ jaléng' dsea' quiá'r~ e niquiá'r~ ta~ jaléng' dsea' góor' dsea' áang' quí-ii', jogui e nileáng~ neiñ' jee~ iihuí' e íñ' fí Egipto. Jo ca'íñ' e ta~ jo la'eáang' cóo' i ángel i cajnéng' fí e lí' gui' 'matóo' e ia' jì do jo dsu' ja' coo'.

³⁶ Jo i Moi~ dobing' ca'uóøng' jaléng' dsea' áang' quí-ii' dsea' Israel fí Egipto, jo í'bing' lajee' tuló~ jii' cajméer' jalé' e lí' jogui jalé' e quí'r~ jmí' la'eáang' cóo' güea'^ quiá' Fidiéé' lajee' jéiñ' dsea' áang' quí-ii' mí' cacuo'r' fí mar Rojo jogui mí' cangír' fí jee~ uó' quiú'.

³⁷ Jogui i Moi~ dobi cajo i casí' jaléng' dsea' góor' dsea' Israel cóo' e júu^ la: “Fidiéé' nijmér~ e fí jee~ 'nu' nigüi'í' jaang' dsea' i nifé' cuaiñ' quiá' dsea' do laco'gui la jmóo' jnea~.”

³⁸ Jogui Moi~bi cajo i ca'íng' júu^ quiá' i ángel do fí yá'^ mó' Sinaí; jo lí' jo cangíiñ' quiá' 'lí' dsea' áang' quí-ii' dsea' Israel lajee' e siseáiñ' do fí ní' guóo' uó' quiú'. Jo Moi~bi cajo i ca'íng' e júu^ quiá' Fidiéé' cóo' e cuø' e see~naa' cøøng' cóo' Fidiéé' lata~, jo í'bi cajo dsea' cangíiñ' fí jaguóo'naa' e júu^ jo, dsea' lí'naa' dsea' góor' dsea' Israel.

³⁹ 'Dsu' ja' cali'ing~ jaléng' 'lí' dsea' áang' quí-naa' fa' calíná'u'r~ júu^ quiá' dsea' do o'gui calijí'r~ júu^ quiáiñ' do cajo, có' cali'iñ' e niquim'~tur calé' catú' fí Egipto.

⁴⁰ Jo i dsea' Israel do casí'r~ Aarón, jaang' rúng' dsea' ngáang' cóo' Moi~ do, jo casí'-reiñ' lala: “Jmí'ng' diéé~ quí-ii' i ní'é' jneaa'aa' fí. Có' ja' ne~naa' e calí' cóo' i Moi~ do i ca'uóøng' jneaa'aa' fí Egipto, có' ja' mí' cagüeam'bir e fí yá'^ mó' lí' cangór' do”.

⁴¹ Joba' cajmeáang' i dsea' Israel dsea' áang' quí-ii' do jaang' diéé~ i líng' la líng' güitá' jiuung~ cóo' layaang~ cunée'. Jo mí' cangí' e cajmíiñ' i diéé~ do, jo canaiñ' jmifém'breiñ' do, jo jngaiñ' jaléng' jó' e cuøiñ' i diéé~ do, jogui jmóor' jmí' e jmiféiñ' i diéé~ í' cajo i cajmeáiñ' cóo' layaang~ guóor' do.

⁴² Jo uí' joba' ca'náam~ 'ñia' Fidiéé' cóo' jaléng' dsea' quiá'r~ dsea' Israel dsea' áang' quí-ii', jo ja' cajnir' fí quiáiñ' do e nijmiféiñ' jaléng' náu' i sitóng' yá'^ jmigüi; có' lajob too' fí ní' jì quiá' Fidiéé' e cajme' i dsea' i café' cuaiñ' quiá'r~ malí'gui eáang' mí' cajíñ' lala:

Dsea' Israel:

'Nú', lajee' tuló~ jii' e cangí'na' fí ní' guóo' uó' quiú', ja' cajmí'goo'na' jnea~ fa' cajngang'na' jó' i cacuoøng'na' jnea~.

⁴³ Có' 'nú' ie~ jo cajméé'na' 'núu' lí' cajmiféng'na' i diéé~ i sii' Moloc cóo'gui náu' quiá' i diéé~ i sii' Refán.

Jo laji' huáang~ i diéé~ í' yaam~ 'nú' cajmeaang'na're.

Jo uí' joba' nisín^n 'nú' cartí cóo' guóo' uó' lí' huí' tí' dogui laco' lí' se' Babilonia. Lanab too' e fí ní' jì do.

⁴⁴ Jo café'bi Téé~ júu^ quiá'r~ jo casí'-reiñ' jo cajíñ'~:

—Jo lajee' ngí' jaléng' 'lí' dsea' cøøng' qui-naa' fí jee~ guóo' uó' quiú', quier' cóo' 'núu' e lí' cóo' layaang~ 'mí', jo fí dsí' job jmiguiéng' dsír' jalé' júu^ e cacuo' Fidiéé' ír' lamí' jééng'gui. Jo e 'núu' do calí' dseáng' laco' ta~ caqui' Fidiéé' quiá' Moi' lí' laco'gui jii' í' e ca'íng' dsea' do quiá' Fidiéé' mí' cangár~ jalé' e jo.

⁴⁵ Jo mí' cangí' jo, jaléng' dsea' áang' quí-naa' ca'ím'bre e 'núu' 'mí' do. Jo mí' cagüiñ' cóo' Josué e fí guóo' uó' la, quíe'bre e 'núu' 'mí' do, jo quíe'bre cajo mí' calí'r~ jalé' uó' quiá' jalé' fí e caguíe'gui e cacuo' Fidiéé' jaléng' i dsea' í'. Jo lajobi jmóor' latí' mí' catí' í' e caqui' dseata~ Daví' ta~.

46 Jo eáam' cali'iaang` dsí' Fidié' cóo' i dseata` Daví' do, jogui Daví' cali'iiñ` cajme'r' cóo' 'núu' fí' lí' nijmiféng' dsea` i Fidié' quí'ii' jogui i líng' Fidié' quíá' 'lí' yáa' Jacóo` cajo.

47 Jo dsu' i jóo' Daví' i sii' Salomón, í'bing' i cajme' e 'nu' Fidié' do.

48 Jo dsu' Fidié' dsea` féng' dsea` ñíng' ja` seeiñ' fí' dsí' 'núu' e jmo' dsea` jmigüi` yaaiñ` lí' laco'gui cajíng' i dsea` áang' quí'ii' i café' cuaiñ` quíá' Fidié' malí'gui eáang' i calisí' Saí' mí' cajíñ' lala:

49 Jnea` Fidié', jo fí' ñíff' lí' guin`n quíá' ta`,
jogui fí' guóo' uó' la lí' jmi'íng' tí'.

Jogui 'nú', dsea` Israel, ¿e` íng' 'núu' e nijmé' 'nú' quíe`e?,
jogui, ¿jie` fí' lí' nijmi'ín' n cajo?

50 Dsuo' 'ñiáb' jnea` cajmé` e lajalé' e sea` fí' la'úng' fí' jmigüi`.

Jo lanab jí' lí' júu` quíá' Fidié' e cajme' Saí' fí' ní' jí' quíá'r` malí'gui eáang'.

51 Jo café' bi` Té' júu` quíá'r` jo cajíñ':

—Dsu' 'nú' quíe`na' logua` dsea` i ja` cuíng' Fidié' jogui dsí' dsea` i ja` cuíng' dsea` do cajo, co' saam` áa'na' jmoo'na'. Jogui røøb` líng' 'nú' cóo' jaléng' 'lí' dsea` áang' quí'naa', co' contøøm` 'ní' máang'na' Jmiguí' quíá' Fidié'.

52 Co' jaléng' i dsea` í'bing' eáam' ga` cajmeáiñ' jaléng' dsea` i café' cuaiñ` quíá' Fidié' malí'gui jo cajngam'bre jaléng' dsea` í' mí' caféiñ' cuaiñ` quíá' i dsea` i ja` røøng` dsee` i tí' lí' nijáa' do. Jogui lanagui nicagüém` fí' jmigüi` la i dsea` i ja` røøng` dsee` do, jo dsu' 'nú' 'níb' cañíng'na're cartí' canjngam'ba're.

53 Jo nañí' fa' e nica'íng'na' júu` quíá' ta` quíá' Fidié' la'eáang' cóo' jaléng' ángeles quíá'r`, jo dsu' ja` cajmee`na' 'núu'na' e jo.

Mí' cajnga' dsea' quíá' Té' cóo' layaang` cuu`

54 Jo mí' canúu` jaléng' i dsea` quíe' ní' quíá' dsea` Israel e júu` quíá' Té' do, dsíng' caligüiñ` quíá' dsea` do carjí' tar' majar`.

55 Dsu' i Té' do eáam' jée' Jmiguí' quíá' Fidié' quíá'r`, jo caséer` nir` fí' yá' jmigüi` jo cangár` cateá' fí' lí' laniing` 'gøng' quíá' Fidié', jogui cangáiñ` Jesús e sing' dsea` do lí' lí' dsée' cáang' Tiquíá'r` Fidié'.

56 Jo casí' Té' i dsea` siseáng' do:

—jØø`na'! Lana móo'o' fí' ñíff', jo dob máan'n i dsea` i cajá' fí' ñíff' e líiñ' jaang` dsea` jmigüi'; jo máan'nre e siñ' fí' lí' lí' dsée' laco' guíng` Fidié'.

57 Jo dsu' i dsea` i teáang` do i 'nñng' Té' cajní'bre loguar` jo canaaiñ` guiar' 'goo' lajiiñ' do e nisáiñ' Té' jo casam'bre.

58 Jo caguíng'neiñ' do fí' caluu` e fí' jo, jo canaaiñ` táang'neiñ' cuu`; jo jaléng' i dsea` i 'ní' ní' quíá'r` do caséer' sí'r` cóo' jaang` siming' i sii' Saulo lajee` e táang'neiñ' do cuu`.

59 Jo lajee` jo canaang` Té' e féiñ' Fidié' jo cajíñ':

—Fí'i` Jesús, ín' jmiguí' quíe` e jmí' na.

60 Jo mí' cangí' e café'r' e jo, casí'r' uó' jnir` jo canaaiñ` fé'r` teá':

—Fí'i, ja` jmée'` cuente e dsee` e ca'ée' i dsea` la.

Jo mí' calí' café'r' e júu` na, jo cajúm`bre.

8

Mí' cajmeáng' Saulo ga' jaléng' dsea' quíá' Dsea' Jmáang`

1 Jo røøb` casíng` i Saulo do cóo' jaléng' i dsea` i cajnga' quíá' i Té' do.

Jo 'ñia' ie` jmí' jo canaang' jaléng' i dsea` do jmáiñ' jaléng' dsea' quíá' Dsea' Jmáang` i neáang' fí' Jerusalén. Joba' casojómm` jaléng' i dsea` í', jo cangolíñ' fí' guóo' uó' lí' se' Judea cóo' gui lí' se' Samaria; jo jí' i dsea` apóo` dobing' cajé'gui fí' jo.

² Jo cōo` tú` m̄ing` dsea` i jmi'gó` Fidié` , íb` ca'áang` i 'lii` Téé` do, jo eáam` calijiuung` dsír' uii` quiáin` do cajo.

³ Jo lajee` jo i Saulo do ngir' lacōo` sinúu` quiá'- jaléng` dsea` i cúing` Dsea` Jmáang` e jmáin` ga` jaléng` dsea` do jogui t̄ōr` laguidseaang` jaléng` í jo dsijeáaiñ` fí` dsí' 'nũñí'; jo do quiéeng` jaléng` dseañu` jogui jaléng` dseamf̄.

Mi` cagua' dsea` júu` quiá'- Dsea` Jmáang` fí' lí' se' Samaria

⁴ Jo lajee` jo, jaléng` dsea` quiá'- Dsea` Jmáang` i ca'uøøng` fí` Jerusalén do naaiñ` guiar' júu` quiá'- Dsea` Jmáang` lacōo` fí' lí' guiliñ` quiá'- jial nileáng` jaléng` dsea` jee` jalé' dsee` quiá'r`.

⁵ Jo jee` i dsea` í quiéeng` jaang` i sii` Lii` , jo í cangór` fí` cōo` fii` laniing` lí' se' Samaria, jo fí` job canaiñ` e'r` jaléng` dsea` júu` quiá'- Dsea` Jmáang`.

⁶ Jo fii`m` dsea` seáiñ` e fí' lí' táang` i Lii` do, jo lajiiñ` do eáam` ngocáng` dsír' núur` júu` quiá'- Dsea` Jmáang` e guia' dsea` do, jogui ní'bir cajo jalé' lí' e quíi` jmi` e jmóo` dsea` do.

⁷ Jo ie` jo i fii`m` dsea` i jée' i 'ling` quiá'- cajmi'leáng` i Lii` do, jo jaléng` i 'ling` do dsíng` óor` m̄i` uoiñ` lí' teáaiñ` dsí' jaléng` i dsea` do. Jogui ca'láam` bi jaléng` dsea` i caang` t̄i` cōo` gui jaléng` dsea` i ja` lí' ngí' jii` capí'.

⁸ Jo jaléng` i dsea` i seeng` fí' jo eáam` cali'áang` dsír' cōo` jalé' e cajmée` i Lii` do ie` jo.

⁹ Dsu' e fí' fii` jo niseeng` jaang` dseañu` i sii` Simón, jo nijmóor` ta` dsea` láang` latí' maliib` ; jo ninicajár` ta` jmigøøng` jaléng` dsea` i seeng` e fii` lí' se' Samaria do, jo fé'r` e jii` íbre líiñ` jaang` dsea` i niing` gui lajee` lajiiñ`.

¹⁰ Jo jaléng` dsea` dseáng` cōo` gui'náb` núur` e ngocáng` dsír' lajii` júu` e guia' i Simón do, jo lalab fé'r` cuaiñ` quiáin` do:

—I nab dseañu` i sii` i 'gøøng` eáang` quiá'- Fidié`.

¹¹ Jo lajalém` i dsea` do já'- líiñ` júu` quiá'- i Simón do, cō' la'eáang` cōo` e láaiñ` do nicalí' bre nicajmigøøiñ` dsea` lajii` maliib` eáang`.

¹² Jo dsu' m̄i` já'- calíng` jaléng` i dsea` í jalé' júu` e guia' i Lii` do quiá'- jial iing` Fidié` cár` nifí' quiá'- lajaang` lajaang` dsea` jmigüi, jogui cuaiñ` quiá'- Jesús i líng` Dsea` Jmáang` i sijeeng` dsea` Israel, joba' dseañu` dseamib` jáng` yaiñ` fí' jaguó` Fidié` m̄i` núur` jalé' júu` e guia' i Lii` do, jo mifíng` casaam` bre jmi` e lacō' cuø` lí' e nilíiñ` dsea` quiá'- Dsea` Jmáang`.

¹³ Jo jii` gui i Simón do já'- caliñ` jalé' júu` e cagua' i Lii` do, jo cajgáam` bre jmi` cajo, jo canaiñ` ngir' cōo` i Lii` do doñí' jié' fí' lí' ngiñ` do, jo sóong` dsigá` dsír' nír` jalé' e lí' e quíiñ` do jmi` jmóor`.

¹⁴ Jo m̄i` caliñí' jaléng` i dsea` apóo` i neáang` fí' Jerusalén do e ca'íng` jaléng` dsea` i seeng` fí' lí' se' Samaria jalé' júu` quiá'- Fidié` , joba' casíñ` Tú` Simón fí' jo cōo` gui Juan.

¹⁵ Jo m̄i` caguiliñ` do fí' jo, canaiñ` m̄i'r` Fidié` uii` quiá'- jaléng` dsea` quiá'- Dsea` Jmáang` i seeng` fí' Samaria do e lacō' ni'íñ` do Jmiguí' quiá'- Fidié` ,

¹⁶ cō' lamí` jéeng` gui jii` jaang` ja` ii` m̄i` ca'íng` Jmiguí' quiá'- dsea` do, cō' licō' nicajgáaiñ` jmi` bi e lacō' cuø` lí' e nilíiñ` dsea` quiá'- Dsea` Jmáang`.

¹⁷ Jo Tú` Simón cōo` gui Juan caquidsir` guóor` fí' mogui` lajaang` lajaang` i dsea` quiá'- Dsea` Jmáang` do, jo lajob ca'íñ` do Jmiguí' quiá'- Fidié` lajaang` lajaañ`.

¹⁸ Jo m̄i` calilí' i Simón do e ím` jaléng` i dsea` do Jmiguí' quiá'- Fidié` e licō' quidsi' i dsea` apóo` do guóor` fí' moguiñ` , joba' dsifí' lajob casí'r` i dsea` do jo cajíñ`:

¹⁹ —Nicuøø`baa` 'nú' cuu` e nijmee`-na' e nilí'b` jnea` cajo e nicuøø`ø` jaléng` dsea` Jmiguí' quiá'- Fidié` e licō' niquidsii` guóo`o` moguir` lacō' gui la jmoo` 'nú' na.

²⁰ Joba' cañí' Tú` Simón quiá'- i Simón do jo casí'-reiñ`:

—iNe`duu` e 'lí' nilín` cōo` cuu` quií' , cō' ca'í' o' e cōo` cuu` quií`-ba' nilí' lajii` e ngíng` dsea` cuø' Fidié`!

21 Ja` ee` catíng` 'nũ jii` capí` e ta` la, dsuco` ja` í o` laco` catíng` fí quini` Fidiée`.

22 Túu` lajii` e 'li` e í o` na, jo mii` Fidiée` e ni`íng` guir dsee` quíi`- quíá`- lajii` e ca`íi` o`, jo ne`duu` su cuóøng`gui lajo quíá`r`.

23 Co` nilí`baa e dsíng`- dsihuín` laco` sin` na, jogui dsee` quíi`- jéeng` 'nũ lafa` 'ñúum`ba`.

24 Jo cañíi` i Simón do quíá`- Tú` Simón jo casí`-reiñ`:

—Féeng`na` Fíi`naa` Fidiée` uii` quíe`- e laco` ja` güiguié` güilín`n jalé` e nicafée`na` na.

25 Jo mi` cangí jo, mi` cangoyúung` e cajmée` i dsea` apóo` do júu` quíá`- jalé` e guiá` e nicajmée` Fidiée` cóo`r` jogui caguiar` júu` quíá`- Fíi`naa` Jesús fí jo, jo lajee` e niteáaiñ` fí e ngoliñ` fí Jerusalén canaañ` guiar` júu` quíá`- Fíi`naa` Jesús fí jmiguiab` jalé` fi` pí` e tée` li` se` Samaria cartí caguilíng`tur fí Jerusalén.

Lii` cóo` jaang` dseañu` i seeng` fí Etiopía

26 Jo mi` cangí jo, casíng` Fidiée` jaang` ángel i cajmijnéeng` 'ñaia` fí quini` i Lii` do, jo lalab cajíñ`- casí`-reiñ`:

—Gua` guiá` quíi`- , jo gua` fí lí` lí` uóø`- laco` ngóo` fí Jerusalén e guié` cartí fi` Gaza; jo e fí jo ngíng` la tóo` ni` guóo`- uó` quíú`.

27 Jo lajob cajmée` Lii`, caguiém` guiá`- 'ñaia`r`, jo cangó`bre fí li` caquiá` i ángel do ta`. Jo guiá` fib` cajíng` rúíñ` cóo` jaang` dseañu` i niseeng` fí Etiopía i nilíng` jaang` dseata` dsea` féng` i jmóo` ta` 'mea` cuu` quíá`- reina Candace e fí góor` do. Jo i dseañu` do nicangó`- fí Jerusalén e cangojmiféiñ` Fidiée`.

28 jo e ni`iuuiñ` fí e ngang`tur fí góor` e guíñ` fí cóo` ni` bóø` e jñu` cuea`. Jo lajee` jo, ngaiñ` ir` cóo` jì` e cajme` Saíi`, jaang` dsea` i café` cuaiñ` quíá`- Fidiée` mali`gui eáng`.

29 Jo cajíng`- Jmiguí quíá`- Fidiée` casí`r` i Lii` do:

—Gua` jo güiquiéeng` laco` ngo` e bóø` do.

30 Jo mi` cangoquiéeng` Lii` fí jo, joba` canúur` e í i dseañu` do e jì` e cajme` i Saíi` do, joba` cajmingi`reiñ` do jo cajíñ`-:

—¿Su ngám`ba` e í` na?

31 Jo cañíi` i dseañu` do quíá`- Lii` jo cajíñ`-:

—U~, ja` ngán`n, co` jii` jaang` ja` ii` seeng` nijmeá`- jnea` júu` e` guóng` jalé` e too` la.

Jogui i dseañu` etiope do cató`r`- Lii` e caguaiñ` do ni` e bóø` do colíng` cóo`r`.

32 Jo lalab fé` e fí ni` jì` lí` gui`ná` ir` do:

Cangojéeng` dsea` ír` fí lí` nijúuiñ`

laco`gui la jéeng` dsea` jaang` jo`se` i dsijngáaiñ`;

jo jii` capí` ja` ee` ca`óor` laco`gui ja` óo` jaang` jo`se` mi` sitíng` dsea` jñú`re`.

33 Jo gab` cajmeáng` dsea` ír`, jo jii` jaang` ja` seeng` i quidsí` í` quíá`r` røø`.

Jo jii` jaang` jo` ii` quíi`- jmii` nijmé` júu` cuaiñ` quíá`- jaléng` dsea` sijur` co` cajnga` dsea` quíá`r`.

joba` congua` cango`íiñ` fí jmigüi` la.

Jo lanab líi` júu` e í i dseata` etiope do.

34 Jo mi` calí` ir` e jì` do, jo cajmingíi` i dseata` do cajmingi`r` Lii` jo cajíñ`-:

—Jmee` uii` dié~, jmée`- jnea` júu` i` cuaiñ` quíá`- fé` i Saíi` do e fí ni` jì` la. ¿Su quíá`r` 'ñaia`r` ofa` quíá`- i jiém` é?

35 Joba` canaang` Lii` jma`r` júu` i dseañu` do e cuaiñ` quíá`- Jesús guóng` e fé` e fí ni` jì` lí` iñ` do; jo ngí jo casí`-reiñ` quíá`- jial láang` Jesús jaléng` dsea` jee` jalé` dsee` quíaiñ`-.

36 Jo lajee` teáaiñ` fí la do, cóo` caguilím` bre lí` sea` jmii`, joba` lalab cajíng`- i dseata` etiope do casí`r`- Lii`:

—Lab sea` jmii` e la. ¿Já` cuóøng` nisán`n jmii`, faa`aa`?

37 Joba` cañíi` Lii` quíá`- i dseañu` do jo casí`-reiñ`:

—Song` já`- lín` e ngocáng` o` júu` quíá`- Jesús, cuóøm` nisán`n jmii`.

Joba' cañíi ì dseata~ do:

—Jáb'~ lín'n e ì Jesús do líiñ' ì Joo' Fidiée~ camúing'~ do.

³⁸ Jo dsifí' ladob caquiá' ì dseata~ do ta~ e cajé' e bóø'~ lí' dsíiñ'^ do; jo cajgáiñ' e fí' lí' sea' jmíi' do, jo fí' job caseáang' Lii' jmíi' ì dseata~ do e laco' cuø' lí' e ca'uiiñ'~ do dsea' quiá'~ Dsea' Jmáang'~.

³⁹ Jo mí' calí' uøøiñ' fí' dsíi' jmíi', jo Jmiguí' quiá'~ Fidiéeb' cacó'~ quiá'~ Lii', jo jo' cangáng'~gui ì dseata~ do ír'; jo ca'í'b'~túiñ' do fí' iuuiñ', jo dsíng'~ íáang' dsíi' cangáiñ'~ fí' góor'.

⁴⁰ Jo catí' coo' fíi' e sii' Azoto nicaguié' Lii', jo fí' job canaaiñ' ngir' fí' lacoo' lacoo' fíi' e guiar' júu' quiá'~ Dsea' Jmáang'~ cartí' caguiér'~ fí' coo' fíi' lí' sii' Cesarea.

9

Mí' cajáng'~'ñia' Saulo fí' jaguó' Dsea' Jmáang'~

(Hch. 22:6-16; 26:12-18)

¹⁻² Jo co' ie~ jo ja' mí' caquiá'~bi dsíi' Saulo e í' dsíi' e nijngáiñ'~ jaléng' dsea' quiá'~ Dsea' Jmáang'~, joba' cangór'~ fí' quini' dsea' moguí'~ quiá'~ jaléng' fíi' jmidsea' quiá'~ dsea' Israel ie~ jo e cangomir'~ fí' e nidsér'~ fí' lacoo' guá'~ quiá'~ dsea' góor' dsea' Israel e tée'~ fí' fíi' Damasco e nidsisíiñ'~ jaléng' dseañu' dseamí' ì já'~ líng' júu' quiá'~ Dsea' Jmáang'~, jo nitøø'reiñ' do e 'núuiñ'~ fí' dsíi' 'nuñi'^ e tée'~ fí' Jerusalén.

³ Jo cangúim' Saulo fí' e nijmér'~ lajo, joba' fí' Damasco cangór'~. Jo dsu' mí'~ nijaquiém' e niguiéer' e fí' jo, coo' cajneáb'~ coo' jì' e teá' eáang' lacúng'~ lajíng' e lí' ngóor' do, jo e jì' do jnéeng'~ jáa' catí' yú'^ jmigüi'.

⁴ Jo dsifí' lajob caquíng'~ Saulo fí' ni~ uø'~, jo mifíng'~ canúur'~ e líng'~ iì' guicafé' fí' yá'^ jmigüi' jo guicajíñ'~ sí'r' Saulo:

—Saulo, Saulo, ¿jiali'~ jmáan'~ ga' jnea'~?

⁵ Joba' cañíi' Saulo quiá'~ ì guicafé' do jo cajíñ'~:

—¿I'~ 'nu', Fíi'?

Jo cañíi'~tu ì guicafé' do jo cajíñ'~:

—Jneab'~ Jesús ì ngí' 'nu' jmáan'~ ga' lana, jo ja' ta~ íng'^ quií'~ e jmoo'~ lajo, co' lí'^ lí' eáang'~gui jmáang'~ uøø'ba' e jmoo'~ lajo.

⁶ Jo dsíng'~ cafóng'~ Saulo mí' canúur'~ lado, joba' cañíir' jo cajíñ'~:

—Fíi', ¿e' iin'~ e nijmee'~e?

Joba' cañíi'~tu ì guicafé' do jo cajíñ'~:

—Ráan'~, jo gua'~ fí' Damasco, jo fí' job nihuí'~ ta~ e' 'né'~ nijmée'^.

⁷ Jo jaléng' dsea' ì ngolíng'~gui cóo'~ Saulo ie~ jo dsíng'~ cafóñ'~, co' canúu'~bre e luu'~ e guicafé' do, dsu' jii'~ jaang' ja' iì' cangáiñ'~.

⁸ Jo mí' caróo'~ Saulo e lí' caquiíñ'~ do, jo mí' née' júu' e cajóør'~ dsu' jo' nijneá' jminir'~ jii'~ capí'^ co' nitium'~bre. Jo ì dsea' ì ngolíng'~ cóo'r'~ dob ca'méeng'~ ír' cartí' caguiér'~ cartí' Damasco.

⁹ Jo fí' job cajer'~ 'ní' jmíi'~ tøøng'~ e ja' jné'r' jii'~ capí'^ o'gui'~ fí' gø'r' cajo.

¹⁰ Jo e fí' Damasco do niseeng'~ jaang' dseañu' ì líng' dsea' quiá'~ Dsea' Jmáang'~ ì nisii' Ananías. Jo coo'~ jmíi'~ cajmijnéng'~ 'ñia' Dsea' Jmáang'~ fí' quini' ì dsea' í' lafa' mí'~ quir', jo casí'r'~ dsea' do lala:

—¡Ananías!

Joba' cañíi' Ananías quiá'~ dsea' do jo cajíñ'~:

—Lab sín'n, Fíi'.

¹¹ Jo cajíng'~ Fíi'naa' Dsea' Jmáang'~ casí'r'~ ì Ananías do:

—Ráan'~, jo gua'~ fí' coo'~ jee'~ 'núu' lí' sii' Derecha. Jo mí'~ niguié' quiá'~ jaang' dsea' ì sii' Judas, jo nijming'~ñ'~ jaang' dseañu' ì sii' Saulo ì seeng' fí' Tarso, co' lana guíiñ'~ féiñ'~ jnea'~.

12 Jo jnea~ nicajmé~ e e nicangáng~ Saulo 'nu` lafa' mi~ quir' e guie' fí lí~ guiiñ~, jo niquidsi' guóo' fí moguir~, jo lajōb nilijné'tur calé' catú~.

13 Jo mi~ canúu~ Ananías e jo, lalab cañír~ jo cajíñ'~:

—Fíi'i, fíim' dsea` nicajmea'r' jnea~ júu^ uii~ quiá'- i dseañu' í quiá'- jalé' e ga` e nicajmeaíñ' dsea` quíi'~ fí Jerusalén.

14 Jogui lana nijáar' fí la e niquier' júu^ quiá'- jaléng' fii~ jmidsea` e nisáíñ' jaléng' dsea` quíi'~ jo nidsiteáng'neiñ' fí dsí' 'nuñí'.

15 Jōba' cañíi' Fíi'naa' Dsea` Jmáang~ quiá'- Ananías jo cajíñ'~:

—Gua~, jo güjmiti' lajii'~ ta~ quiá'~u, cō' jnea~ nica'náan~ n i dseañu' do e niguiár~ jalé' júu^ quié~ e jee~ jaléng' dsea` i ja` líng' dsea` Israel cōo'~gui jaléng' dseata` dsea` cōong'~ quiá'r~ jogui fí quini~ jaléng' dsea` Israel cajo.

16 Jo jnea~bi ni'éé~ e Saulo jial tíi' iihuí' 'né~ nidsingíiñ~ uii~ quié~ e.

17 Jo dsifí ladob cangó~ Ananías fí lí~ niguiing~ i Saulo do. Jo mi~ caguiér~ fí jo, ca'í~bre fí dsí' sinúu^ lí~ guiiñ'~ do, jo caquidsir' guóor' moguiñ'~ do, jo cajíñ'~ casí'~reiñ':

—Saulo, rú'uu', i Fíi'naa' Jesús i cajmijnéng' 'ñia' lajee' iuun'~ fí e ñi' fí la casíiñ' jnea~ lana e nijmee~ e e nilijné'tu' calé' catú~ jogui e niñíin' Jmigu' quiá'- Fidié'.

18 Jōba' caquidsí' Ananías guóor' fí yá' mogui~ Saulo, jo dsifí lajōb casojiá' e lí' la lí' hui' 'ñu' jminí' dsea` do, jo dsifí ladob calijné'r'. Lí' jo caróor~ jo mifíng' cajgáaiñ~ jmí e laco' cuø' lí' e ca'uúíñ~ dsea` quiá'- Dsea` Jmáang~.

19 Jo mi~ cangí jo, cagó'r' ir~ jo catíim'~tur bí quiá'r'. Jo caje'bir cōo' tú~ jmí~ mi~ cangí jo cōo'~ jaléng' dsea` quiá'- Dsea` Jmáang~ i neáng' fí Damasco.

Mí' caguiá' Saulo júu^ quiá'- Dsea` Jmáang~ fí Damasco

20 Jo lajee' jōb canaang' Saulo guiar' júu^ quiá'- Dsea` Jmáang~ lacoō' guá'- quiá'- dsea` góor' dsea` Israel e téē~ fí Damasco, jo sír' jaléng' dsea` e i dsea` góor' Jesús do líng' i Jōo' Fidié' camíng'~ do.

21 Jo jaléng' dsea` i núu` e júu^ quiá'r~ do, sóong' dsigá' dsíir' jo fé'r':

—¿Su o' i nabi i dseañu' i ngí' jmáng' ga' jaléng' dsea` quiá'- Dsea` Jmáang~ i neáng' fí Jerusalén? Jo ¿su o' i nabi cajo i cagüéng~ fí Damasco la e nitóor' e 'ñúung'~ jaléng' dsea` quiá'- Dsea` Jmáang~ fí quini~ jaléng' fii~ jmidsea` quiá'- dsea` Israel fí Jerusalén?

22 Jo dsu' lajee' jo, eáang'gui cuø' bí 'ñia' Saulo e guiar' e júu^ do. Jo jalém' i dsea` Israel i seeng' fí Damasco do cajer' jii'~ ja' ñir' e~ dseáng'~ niñír~, cō' i Saulo do guiar' júu^ e dseáng'~ jáb'~ e Jesús líiñ' Dsea` Jmáang~ i sijeeng' dsea` Israel.

Mí' caláang~ Saulo fí jaguó' dsea` góor' dsea` Israel

23 Jo mi~ cangígui lajo, jaléng' dsea` Israel i seeng' fí Damasco do canaaiñ' síiñ' røø' jial nijngáíñ'~ i Saulo i líng' dsea` góor' do.

24 Jo dsu' ca'óm' Saulo júu^ lajii'~ e í dsí' i dsea` do e nijmeáng'neiñ'. Jo uøø' jmíib' neáng' i dsea` i siteeng' ír' do fí oo~ iá' cuu~ e níí' eáang' lí' güí'íng' jee~ fí Damasco e quiá'- siteeíñ' e nijngáng'~neiñ'.

25 Dsu' cōo' uøø' jaléng' i dsea` quiá'- Dsea` Jmáang~ i neáng' fí Damasco do cataiñ'~ Saulo fí dsí' cōo' 'matá' e fe', jo cajgiáang~neiñ' do fí dse' e iá' cuu~ e sí' lacúng' fí do, jo lajōb caleáaiñ' dsea` do.

Mí' caguiéng'~tu Saulo fí Jerusalén

26 Jo mi~ cangí jo, caguiém'~tu Saulo fí Jerusalén, jo cali'iiñ~ e niseaíñ' colíng~ cōo'~ jaléng' dsea` quiá'- Dsea` Jmáang~ i neáng' fí jo; dsu' lajim' i dsea` do 'góm'breiñ', cō' ja' já'~ líiñ' e nilíng' Saulo dsea` quiá'- Dsea` Jmáang~.

27 Jo dsu' jaang' dseañu' i sii' Bernabé caguiéeeñ' Saulo fí quini~ jaléng' dsea` apóo' i neáng' fí Jerusalén, jo cajmea'reiñ' júu^ jial cangáng~ Saulo Fíi'naa' Dsea` Jmáang~ lajee'

iuuiñ' fí e ngóor' fí Damasco, jogui jalé' e caféng' Fí'naa' Dsea` Jmáang- ír', jogui jial teá' dsír' guiar' júu^ quiá'- Jesús e fí Damasco do.

²⁸ Jo lajob mi~ caje' Saulo fí Jerusalén, jo colim~ canaaiñ' ngir' cóo'~ dsea` quiá'- Dsea` Jmáang- i neáang' fí jo.

²⁹ Jo dseáng'- ngocáng' dsí'bre guiar' jogui sáiñ' júu^ quiá'- Dsea` Jmáang- jee~ jaléng' dsea` Israel i fé' jmi' griego. Jo dsu' lajaléng' i dsea` í jmóor' úung' e nijngám' bre Saulo.

³⁰ Jo mi~ calilí' i dsea` quiá'- Dsea` Jmáang- i caguiaang- do e í dsí' i dsea` do lado, joba' caguim' bre Saulo fí fíi' Jerusalén, jo cangojéeng' neiñ' do fí Cesarea; jo mi~ cangá' jo, caguiéng' neiñ' do fí góor' li~ sií Tarso.

³¹ Jo jaléng' dsea` quiá'- Dsea` Jmáang- i seeng' fí lacaang' li~ se' Judea cóo'~ li~ se' Galilea cóo'~ gui li~ se' Samaria juguiá' júu^ røb' niseeiñ', jogui eáang' gui ngóo' líjá'- líiñ' jalé' júu^ quiá'- Dsea` Jmáang- car' ngocáng' dsír'. Jo lajalém' bre jmóor' úung' e jmiféiñ' Fí'naa' Dsea` Jmáang-, jo lajob ngóo' lífíng' dsea` i jáng' yaang~ fí jaguó' Dsea` Jmáang- lacoo' jmii~ lacoo' jmii~ la'eáang' cóo'~ Jmiguí' quiá'- Fidié'.

Mi~ cajmi'leáang- Tú^ Simón jaang' dseañu' i caang~ tii~

³² Jo lajee~ jo ngí' i Tú^ Simón do e dsí'eer~ jaléng' dsea` quiá'- Dsea` Jmáang-, jo lajee~ jo cangór- fí cóo' fíi' li~ sií Lida e cango'eer~ jaléng' dsea` íb' cajo i neáang' fí jo.

³³ Jo mi~ caguiér- fí jo, cadséiñ' jaang' dseañu' i caang~ tii~ i sií Eneas, jo ningóo' mí jñiá- jii' e niráaiñ' do cóo' li~ ráaiñ'.

³⁴ Jo lalab casí'- Tú^ Simón i dseañu' í jo cajíñ'-:

—Eneas, Dsea` Jmáang- nijmi'leáaiñ' 'nu' jmii~ ná. Ráan'-, jo sée' li~ ráan'.

Jo dsifí' lajob caróo- Eneas e li~ ráaiñ' do.

³⁵ Jo lajalém' dsea` seeng' fí Lida cóo'~ gui fí Sarón cangár- e caróob- i Eneas do, joba' cajám' yaaiñ' fí jaguó' Dsea` Jmáang- ie~ jo.

Mi~ cajmijí' tu Tú^ Simón jaang' dseamí i sií Dorcas

³⁶ Jo ie~ jo niseeng' jaang' dseamí i líng' dsea` quiá'- Dsea` Jmáang- fí cóo' fíi' li~ sií Jope. Jo i dseamí do nisiir' Tabita, e guóng' Dorcas cóo'~ jmi' griego. Jo i dseamí í contøøm- jmóor' jalé' e guiá' jogui jmicóo'r~ jaléng' dsea` i ja' sea' e 'né'.

³⁷ Jo ie~ jo nicalidséeb' i Dorcas do, jo cajúm- bre. Jo jaléng' dsea` i seeng' cóo'r~ do ie~ jo caláng' neiñ', jo caquiáang' neiñ' fí dsí' sinúu' 'núu' yá'.

³⁸ Jo e fíi' Jope do quiáb'- née' laco'gui née' e fíi' Lida e fí li~ táang' i Tú^ Simón do. Jo có' caliñib' jaléng' dsea` quiá'- Dsea` Jmáang- i neáang' fí Jope e fí Lidab táang' Tú^ Simón, joba' dsifib' casíiñ' gáng- dseañu' fí do; jo mi~ caguiliñ' fí jo caguisí' reiñ' do lala:

—Tú^ Simón, má' aa' fí Jope lajminá'.

³⁹ Jo cangób- Tú^ Simón cóo'~ i dsea` do fí Jope. Jo mi~ caguiér- fí jo, jo caguiéeng' neiñ' do fí li~ ráang' i dseamí 'lii~ do. Jo jaléng' dseamí 'nii~ i niteáang' li~ ráang' i 'lii~ do dsíng'- qui'r' caríir' lacúng' lajíng' li~ síng' Tú^ Simón mi~ caguié- dsea` do fí do; jo ca'e' reiñ' jalé' mi'ñúung' cóo'~ gui jalé' 'mi' e jié' e nica'mí i Dorcas do jogui e nicangíiñ' cuø' dsea` do lamí~ seeiñ'.

⁴⁰ Jo ngí' jo, caquiú' Tú^ Simón ta~ e ca'uøøm' jaléng' i dsea` i teáang' e sinúu' do fí caluu'. Jo lí- jo, casí'r' uø- jnir~ jo canaaiñ' féiñ' Fidié', jo lí- jo, mifíng' cajøoiñ' i 'lii~ do jo cajíñ'- casí'- reiñ':

—i Tabita, ráan'!

Jo dsifí' ladob caneáa' i dseamí do jminir~, jo mi~ cangáiñ- Tú^ Simón, caróo- bre jo caguár'.

⁴¹ Jo Tú^ Simón catíiñ- guoo' i dseamí do jo casíng' neiñ'. Jo lí- jo, cató'- tur jaléng' dsea` quiá'- Dsea` Jmáang- i ca'uøoiñ' e fí sinúu' do cóo'~ gui jaléng' dseamí 'nii~ i teáang' do, jo ca'eiñ' jaléng' i dsea` do i dseamí do e nicají' biñ' do.

42 Jo jalém' dsea` seeng` fí Jope caliñir` jalé' e calí- do ie~ jo, jo fíim' dsea` cajáng' yaaiñ` fí jaguó' Dsea` Jmáang- ie~ jo.

43 Jo mi~ cangf` jo, huóøm- bi cajé' Tú^ Simón e fí fíi jo fí quiá'- jaang` dseañu' i sii` Simón i nijmóo` ta~ jmi'ua~ loo~ jó'.

10

Tú^ Simón cóo~ jaang` fii~ 'léé- i sii` Cornelio

1 Jo ie~ jo niseeng` jaang` dseañu' i sii` Cornelio fí cóo` fí li~ sii` Cesarea i nilíng' fii~ quiá'- cóo` 'lé' e sii` italiano.

2 Jo i Cornelio do colíng~ cóo~ jaléng' dsea` sinúu^ quiá'r-, røøb` e eám' jmiféiñ' Fidiéé` jogui eám' núu'r~ jalé' júu^ quiá'- dsea` do, jogui jmicóo~' bir cóo~ cuu- jaléng' dsea` Israel i ja` sea` e 'né~, jogui contøøm- féiñ' Fidiéé` cajo.

3 Jo cóo` jmii~ ngóo` jiia la ii- 'ní' e ca'lóo- i Cornelio do líng~ ee` cangár- lafa' mi~ quir', jo dseáng'- røøb` cangáiñ- jaang` ángel i líng' guotii- Fidiéé` i ca'í- fí li~ guiiñ~ jo cajíng'- dsea` do lala:

—i Cornelio!

4 Jo dob cajé' i Cornelio do jóøiñ- i ángel do, jo eám' 'gó'r` cajmíng'í'r- dsea` do lala:

—¿E~ 'né- jmee~e, Fíi'?

Jo cañi' i ángel do quiá'- Cornelio jo cajíñ'-:

—Ninúub- Fidiéé` jalé' júu^ quiá'- mi~ fón're, jogui ní'bre jalé' e guiá- e jmoo' e jmicóo~' jaléng' dsea` i 'né- licóo~'.

5 Jo lana nisín'^ dsea` quiá'- fí Jope jo nidsite'r` Simón i sii` Tú^ cajo e nijaiñ' fí la.

6 Jo lana dob guiiñ~ fí quiá'- jaang`gui i sii` Simón cajo, jaang` dseañu' i guíng~ fí 'ni' jmiñi' i jmoo` ta~ jmi'ua~ loo~ jó'.

7 Jo mi~ cangoyúung'- e cangáng'- i ángel i café' quiá'r- do, dsifí lanab cató'- i Cornelio do gáng- dsea` 'lééng~ quiá'r- cóo~'gui jaang` 'léé- i nicuíñ` guiá- jogui i eám' jmi'gó' Fidiéé` cajo.

8 Jo mi~ calí- jma'reiñ' do júu^ jalé' e cangár- do cóo~'gui e cajíng'- i ángel do, jo casím'breiñ' do fí fíi Jope.

9 Jo mi~ cajneá- e jmii~ jo, lajee` gui'nang'~ teáaiñ~ do fí jo nijaquíem' niguilíñ- fí Jope, jo níngóo' guieñi'- ie~ jo, jo lajee` job cajgóo- i Tú^ Simón do fí yá'^ 'núu' e li~ guiiñ~ do fí Jope e cangoféiñ'~ Fidiéé`.

10 Jo sóong- nijmi'aañ- lajee` jo, jo ni'iiñ~ dør- i~bre. Jo lajee` guiiñ~ dob, lajee` e née` guiá- e nidør-, canaang` ní' jalé' e cacuø' Fidiéé` e si'iiñ^ e ninír' lafa' mi~ quiá' dsea`.

11 Jo cangár- e cana' fí yá'^ jmigüi, jo jnééng- cajgó- cóo` e lí' laco' cóo` 'mi' e fe', jo jnééng- 'ñúu~ laji quiú quiúung'.

12 Jo e dsí' 'mi' do jnééng- teáang~ langíng- íng'~ jó' nuu i dsi~ tú- guoo` jogui tú- tí-, jo quiééng`gui cajo jaléng' mi' cóo~' jaléng' qui' jogui langíng- íng'~ ta'.

13 Jo canúur- e cajíng'- jaang` i guicafé' jo guicajíñ'- do:

—Ráan'-, Tú^ Simón, jngang' i jó' na jo quié'.

14 Jo Tú^ Simón cañiir` jo cajíñ'-:

—U~, Fíi', jii~ cóo~' née'~ ja` mí cacún'- n jaléng' i jó' na, co' lajo ta~ huí' fí ni~ júu^ quiu' ta~ qui'naa', jnea'^ dsea` lí'naa' dsea` Israel.

15 Joba' guicajíng'- tu i guicafé' do:

—Jalé' e jíng'- Fidiéé` e cuøøm` lí' cø', ja` e ta~ e fo'^ 'nu' e ja` cuøøng'.

16 Jo mi~ cati' 'ni' née'~ e guicafé' i dsea` do e júu^ jo, cangób'- tu e 'mi' do fí yá'^ jmigüi.

17 Jo cajé' Tú^ Simón i dsíir' e~ guóng' jalé' e cangár- do. Jo lajee` jo caguilím- i dsea` quiá'- Cornelio do fí quiá'- i Simón do e níngf` cangir' jmíng'ir-. Jo mi~ caguilíñ- fí li~ guíng~ i Tú^ Simón do,

18 Jò cajmingíur` cóo`~ júu` teá` su dob li` guing` jaang` dseañu` i sii` Simón i sii`bi Tú` cajo.

19 Jò lajee` jò, dobi sing` Tú` Simón e í dsíur` quiá`- jalé` e cangár` do mi` tí li` café` Jmiguí` quiá`- Fidiéé` jò casí`- ír` lala:

—Janú`, Tú` Simón, nab teáng` gaang` dseañu` i 'náng` 'nu`.

20 Ráan`- jò guó` cóo`r~, jò ja` ee` í o` jii`~ cóo`, có` jneab` dseá` casín`-n i dseá` na fí` la.

21 Jò cajgám` i Tú` Simón do li` dsíñ`, jò cango`iñ` i dseá` quiá`- Cornelio do jò cajíñ`- casí`-reiñ`:

—Jneab` i ngi`na` 'náng`na`. ¿E` júu` quié`na`?

22 Jò cañi` i dseañu` gaang` do jò cajíñ`-:

—Jáanaa` ta` quiá`- jaang` fi` 'léé` qui`naa` i sii` Cornelio, jaang` dseañu` i guiung` eáang` jogui contøom` jmiféiñ` Fidiéé`. Jò jaléng` dseá` góo` dseá` Israel eáam` jmi`gór` dseá` do jogui 'neáañ` cajo. Jò jaang` ángel quiá`- Fidiéé` casí`- ír` e nitó`r` 'nu` fí` quiá`r` jò ninúr` lajii`~ júu` quií`- e 'né` nifí`re.

23 Jò catób`- Tú` Simón i dseañu` gaang` do fí` sinúu` li` guiiñ~, jò dob cajer` colíng` e uóø` jò. Jò mi` cajneá` lajò, cangób` Tú` Simón cóo`~ i dseá` do fí` Cesarea, jogui cangolím`-bi cóo`r` cóo` tú`- máng`~ dseá` quiá`- Dseá` Jmáang` i neáang` fí` Jope.

24 Jò mi` cajneá` cóo`gui jmi` lajò, joguiba` caguiliñ` cartí` Cesarea fí` li` niguiing` i Cornelio do sijeeng` ír` colíng` cóo`~ jaléng` dseá` sinúu` quiá`r` cóo`~gui jaléng` dseá` i cuiñ` eáang` i cató`r`- fí` quiá`r` e laco` ni`iñ` i Tú` Simón do.

25 Jò mi` caguié` i Tú` Simón do fí` jò, dob nising` i Cornelio do o`nú` e nigüijeeng`neiñ`. Jò mi` cangáng` rúñ`, dsifí` ladob casí` Cornelio uó`- jnr` fí` quini` i Tú` Simón do e laco` nijmiféng`neiñ`.

26 Dsu` Tú` Simón dsifí` ladob caseang`neiñ` jò casí`-reiñ`:

—Ráan`, Cornelio, có` jneá` lín`n jaang` dseá` jmigüí` laco` 'nu`.

27 Jò lajee` gui`ná` sñiñ` ladob, ca`í` Tú` Simón fí` dsíí` sinúu`, jò fím` dseá` nisiseáng` fí` jò mi` cangotáaiñ`.

28 Jò lalab casí`- Tú` Simón i dseá` do:

—Niñib` 'nú` e jnea`, dseá` lí`naa` dseá` Israel, ja` cuóøng` e dsitóo`naa` dsíí` sinúu` quiá`- dseá` la 'nú` i ja` líng` dseá` Israel, o`gui cuóøng` siing`naa` cóo`~ dseá` la 'nú` cajo. Dsu` lana Fidiéé` nica`e`r` jnea` e jò cuóøng` e nifá`a e dseá` la 'nú` i ja` líng` dseá` Israel fa` e uóøng`na`.

29 Jòba` mi` caguilíng` dseá` quií`- e tó`r` jnea~, dsifib` cagá`-a cóo`r~, jò jii`~ cóo` ja` ee` dsee` caséé`e. Jòba` iin`n dseáang` dsii`- e` ta` cate`na` jnea`.

30 Jòba` cañi` Cornelio quiá`- Tú` Simón jò cajíñ`-:

—Ningóo` quiú` jmi` lana, jò e í` laco` ngóo` lana, lab guiin`n fí` sinúu` la e jmifén`n Fidiéé` la ii`- 'ní` e ca`lloo`. Jò lajee` jò, cóo` cajném` jaang` dseañu` i quií` cóo` 'mi` e ji` eáang`,

31 jò cajíñ`- casí`r`- jnea`-: “Cornelio, nicanúub` Fidiéé` jalé` júu` quií`-, jogui nicalíñi`bre jalé` e guiá`- e nicajmee`- cóo`~ jaléng` dseá` i ja` sea` jalé` e 'né`-.

32 Quiúu` ta` dseá` quií`- jò güiguiliñ` fí` Jope, jò güiguite`r` jaang` dseañu` i sii` Simón, sii`bir` Tú` cajo, i táang` fí` quiá`- jaang`gui dseañu` i sii` Simón i guing` 'ni` jmiñi` i jmóo` ta` jmi`ua` loo` jó`.”

33 Jòba` dsifí` lajòb casín`-n dseá` quié`- e e caguitéer` 'nu`, jò eáam` guiá`- la nicajmee`- e nicañi`ba`. Jogui lana lab nisee`naa` lajii`naa` fí` quini` Fidiéé`, jò eáam` ii`naa` nú`naa` jalé` júu` e ca`líng` 'nu` quiá`- Dseá` Jmáang` e catí`naa` e ninú`naa`.

Jalé` júu` quiá`- Tú` Simón e café`r` fí` quiá`- Cornelio

34 Jò mi` cató` fé` i Cornelio do, jò canaang` Tú` Simón fé`r` júu` quiá`r` jee` jaléng` i dseá` i siseáng` fí` quiá`- i Cornelio do jò cajíñ`-:

—Ná`guiba' nínɡán`n røø` e doñí` iib` dsea` íng` Fidiéé` ja` e líí` ii` dsea`,

³⁵ co' ím` Fidiéé` dsea` i jmi'gó' ír` jogui` i jmóo` e guiá` cóo'r` doñí` jíé' fí` lí` seeiñ`.

³⁶ Jo Fidiéé` cangíiñ` júu` quiá'r` la'eáang` cóo'~ jaléng` jnea`, dsea` líí`naa' dsea` Israel, quiá'~ jial niliseeng` dsea` juguiá` júu` røø` la'eáang` cóo'~ Dsea` Jmáang~, co' íb` Fii` jaléng` dsea` jmigüí`.

³⁷ Jo guiáb` ñí` 'nú` jalé' e calí` ie` ja` mí` ngóo` eáang` fí` guóo'~ uó` qui`naa', jnea` dsea` líí`naa' dsea` Israel, jo canaang` jalé' e jo catí` Galilea mí` cangí` e caguaí` Juan júu` quiá'r` e 'né` nisáng` dsea` jmíi` e laco' cuø` lí` e quí'~ jíng` yaaiñ` fí` quini` Fidiéé`.

³⁸ Jo niñib` 'nú` cajo jial cacuø' Fidiéé` Jmiguí` quiá'r` Jesús i cacuáng` fí` Nazaret, jo cóo' e bí` jo cajmée` Jesús jmang' e guiá~, jogui` cajmi'leáaiñ` jaléng` i íng` iihuí` uí' e fií` i líng` quiá' ta` quiá'r`; jo jalé' e jo calí'r` cajméer, co' seem` Fidiéé` contøøng` cóo'~ ír`.

³⁹ Jo caneb` jnea` jalé' e guiá` e cajmée` Jesús ie` jo fí` Jerusalén, lí' latøøng` lí` se' Judea. Jo mí` lí` cøøng` lajo, cateáang` dsea` ír` fí` dse' crúu` jo fí` job cajúíñ`.

⁴⁰ Dsu' Fidiéé` cajméer` e cajíb'tu` dsea` do mí` cadsíng` 'ní` jmíi` lajo, jogui` cajméer` e cajnéng` dsea` do jee` jnea`.

⁴¹ Dsu' ja` cajmijnéeng` 'ñia'r` jee` lí' doñí` ii` dsea`, co' lajii` jee` jneab` cajmijnéeng` 'ñia'r', dsea` i nicaguíng` Fidiéé` lajii` lamí` jééng` gui` quiá' e nijmó`naa' júu` røø` jalé' e calí` cóo'~ Jesús. Jo jneab` dsea` ca'né' caquiee`naa' cóo'r` mí` cangí` e cají'tur` calé' catú`.

⁴² Jogui` Jesús casíiñ` jnea` e niguiá`naa' júu` quiá'r` jee` jaléng` dsea`, jogui` e nijmó`naa' júu` røø` e Fidiéé` dsea` casíiñ` dsea` do e niquidsir' í' jee` jaléng` dsea` jmigüí` i jí'gui` cóo'~ gui` jaléng` i ni'liing` mí` catí` í' lajo.

⁴³ Jo jaléng` dsea` i nicafé' cuaiñ` quiá' Fidiéé` lajii` malí' eáam` café'r` cuaiñ` quiá' Jesús, jogui` cajím`-bir` cajo e doñí` ii` dsea` i jáng` yaang` fí` jaguó` Jesús ni'ím` dsee` quiá'r` la'eáang` cóo'~ dsea` do.

Mí` ca'íng` jaléng` dsea` i ja` líng` dsea` Israel Jmiguí` quiá' Fidiéé`

⁴⁴ Jo laco' gui'nang' sim'bi Tú` Simón e fé'r` jalé' júu` quiá' Dsea` Jmáang` fí` jee` i dsea` i siseáng' do, mí` tí` lí` cangíng` jaléng` i dsea` do Jmiguí` quiá' Fidiéé`.

⁴⁵ Jo jaléng` i dsea` Israel i nilíng` dsea` quiá' Dsea` Jmáang` i caguilíng` cóo' Tú` Simón fí` quiá' i Cornelio do, eáam` cangogá` dsíir` mí` calilí'r` e cangím` jaléng` dsea` i ja` líng` dsea` Israel Jmiguí` quiá' Fidiéé` cajo,

⁴⁶ co' núur` sáing` i dsea` do cóo'~ jmíi' e jíé'gui` laco' jmíi' quiá'r` jogui` jmiféiñ' Fidiéé` cajo.

⁴⁷ Joba' cajíng' i Tú` Simón do casí'r` i dsea` do ladsifí` lado:

—Jii` jaang` ja` ii` cuøøng` jníng` e nisáng` i dsea` la` jmíi` e laco' cuø` lí` e nilíiñ` dsea` quiá' Dsea` Jmáang~, co' nica'ím`bre` Jmiguí` quiá' Fidiéé` laco'gui` nica'íng` jnea` cajo.

⁴⁸ Jo caquiá' Tú` Simón ta` e cajgáam` i dsea` do jmíi` e laco' cuø` lí` e nilíiñ` dsea` quiá' Dsea` Jmáang~. Jo mí` cangí` jo, jaléng` i dsea` do camí'r` Tú` Simón e fa' nijé`-bi` dsea` do cóo' tú` jmíi` cóo'r` fí` jo.

11

E` uiing` e caguiar` júu` quiá' Dsea` Jmáang` fí` jee` dsea` i ja` líng` dsea` Israel

¹ Jo mí` cangí` jo, jaléng` dsea` apóo` cóo'~ gui` jaléng` dsea` quiá' Fidiéé` caguaiang` gui` neáang` lacaang` lí` se' Judea, caliñir` júu` e jaléng` dsea` i ja` líng` dsea` Israel nica'ím`bre` cajo júu` quiá' Dsea` Jmáang~.

² Jo mí` caguieéng`-tu` i Tú` Simón do fí` Jerusalén, i líng` dsea` Israel i líng` dsea` quiá' Dsea` Jmáang~ canaiñ` cuø'reiñ' dsee`

³ jo sí'reiñ':

—¿Jialí' caguié' lacaang` quiá' jaléng' dsea` i ja` líng' dsea` Israel jō caguiquié' cóo'r?

4 Jō canaang` Tú` Simón jma` reiñ' júu` latí` uing~ quiá' jalé' e calí` do jō cajíñ'`:

5 —Lajee` táan`n fí` Jope, jō lajee` guiaang` e fón`n Fidié`, camó`o líng~ ee` camó`o lafa' mi~ qui' dsea'; jō camó`o cajgó` fí` yá'` jmigüi` cóo` 'mi' e fe` eáang', jō 'ñúu` laji` quiú` quiúung`, jō catisí` fí` lí` sín`n.

6 Jō mi~ cajóø`ø` røø` dsí' e 'mi' do, jō camó`o e teáang` langíng` íng` jó` nuu` i dsi` tú` guoo` jogui tú` tii` cóo` gui jaléng' mi` jogui jaléng' qui' cóo` langíng` íng` ta'.

7 Jō canú` u e líng` i` guicafé' jō guicajíñ': "Ráan` na, Tú` Simón, jngan' i jó` na jō cun`re'."

8 Jō cafá`-a: "U~, Fí'i, jii` cóo` nées` ja` mí` cacún` n jaléng' i jó` na, co' lajō ta` huí` fí` ni` júu` quiu` ta` qui`naa', jnea` dsea` lí`naa' dsea` Israel."

9 Jōba' canú` túu` e luu` e guicafé' fí` guia` güi` do jō casí` jnea` lala: "Jalé' e jing` Fidié` e cuøøng` lí` cø', ja` ta` e fo` 'nu` e ja` cuøøng` jme` lajō."

10 Jō 'ní` nées` catí` e jgóo` e 'mi' do; jō mi~ cangoyúung`, jō cajgóob` tu fí` yá'` jmigüi`.

11 Jō lajee` guiaang` e móo`o jalé' e jō, caguilíng` gaang` dseañu` i 'náng' jnea` i jalíng` tí` Cesarea caguilíñ` fí` lí` guiin`n do.

12 Jō caquiú` Jmiguí` quiá' Fidié` ta` jnea` e cangó`o cóo` i dsea` do e ja` casé'e` jii` cóo` ta` uí' e ja` líng' dsea` do dsea` Israel. Jō cóo` baa` jñúung` gui` i dsea` quiá' Dsea` Jmáang` la cangó`o. Jō mi~ caguié` e fí` Cesarea, lajalé` baa' cangotóo` naa' fí` quiá' jaang` dseañu` i sii` Cornelio.

13 Jō fí` jō cajmea`r` jnea` júu` jial cangáiñ` jaang` ángel i líng' guotii` Fidié` fí` quiá'r`; jō cajíng` i ángel do casí` reiñ' do lala: "Síng` dsea` quií' fí` Jope, jō güiguite`r` jaang` dseañu` i sii` Simón, i sii` b; Tú` cajo.

14 Jō í`bing' nijíng` jial cuøøng` nileáng`na' jee` dsee` quií`na' colíng` cóo` jaléng' i seeng` quií`na'."

15 Jō mi~ canaang` e fón`nre, jōb mi~ cangíiñ` Jmiguí` quiá' Fidié` lajaléiñ` do lí` laco`gui cangíng` jnea`, dsea` lí`naa' dsea` Israel, latí` mi~ uing`.

16 Jō joguib` cadseng` dsii` lajii` e cajíng` Fí`naa' Dsea` Jmáang` lami~ cateáaiñ` cóo` jnea` fí` jmigüi` la mi~ cajíñ` lala: "E ja`-ba' e Juan caseáaiñ` dsea` jmii`, dsu' 'nú' nisáng`na' jmii` cóo` Jmiguí` quiá' Fidié`."

17 Jō song` Fidié` cacuø`r` i dsea` i ja` líng' dsea` Israel Jmiguí` quiá'r` laco`gui cacuø`r` jnea`, dsea` lí`naa' lajō mi~ ca'íng`naa' júu` quiá' Fí`naa' Dsea` Jmáang`, jōba' çí` jnea` e nijñin`n lajii` ta` quiá' Fidié`?

18 Jō mi~ canúu` jaléng' i dsea` Israel i líng' dsea` quiá' Dsea` Jmáang` jalé' júu` quiá' Tú` Simón, dsifí` lajōb jō e cañíir` jii` cóo` quiáiñ` do, jō canaiñ` jmiféiñ` Fidié` jō fé'r`:

—E jáb' e nicacuø' Fidié` jaléng' dsea` i ja` líng' dsea` Israel e niquí' nijíng' yaaiñ` fí` quinir` laco` cacuø`r` jnea`, jō lajōba' ni`uíñ` dsea` i catíng` seeng` cøøng` cóo` Fidié` lata`.

Jaléng' dsea` quiá' Dsea` Jmáang` i seeng` fí` Antioquía

19 Jō ie` do, mi~ cangí` e cajnga` dsea` quiá' i Téé` do, mi~ canaang` jmáang' dsea` ga` jaléng' dsea` quiá' Dsea` Jmáang`, jōba' i líng` i dsea` í` cangolíñ` cartí` lí` se' Fenicia jogui lí` se' Chipre cóo` Antioquía lí` se' Siria. Jō mi~ caguilíñ` fí` jō, canaiñ` e'r` jaléng' dsea` Israel júu` quiá' Fí`naa' Jesús, dsu' jii` dsea` í`bing' ca'e'r` jō ja` ca'e'r` dsea` jíéng`gui.

20 Jō nañí` fa' e lajōb cajmér`, dsu' cóo` tú` máng' dsea` i niseeng` fí` lí` se' Chipre cóo` gui fí` Cirene i nica'íng' Dsea` Jmáang` ie` do caguilíñ` fí` Antioquía, jō caguia`bre júu` quiá' Fí`naa' Jesús jee` jaléng' dsea` i ja` líng' dsea` Israel.

21 Jō eáam` cajmicóo` Jmiguí` quiá' Fidié` quiá' i dsea` do, jōba' fíim' dsea` i ja` líng' dsea` Israel caquí' cajíng' yaaiñ` fí` quini` Fidié` ie` jō; jogui catú`bre jalé' e lami` tñiñ` jmóor` jééng`gui jogui ca`uíñ` dsea` quiá' Dsea` Jmáang`.

22 Jo mi~ caliñí i dsea` quiá'- Dsea` Jmáang- i neáang' fí Jerusalén do jalé' e calí' fí Antioquía, jōba' casíñ i Bernabé do fí jo.

23 Jo mi~ caguié- í fí jo, cangár- e dseáng'- já'-ba' e nica'uíng- dsea` quiá'- Dsea` Jmáang- jaléng' i dsea` i ja` líng' dsea` Israel i seeng' fí jo. Jo eám' cali'íáang' dsí' i Bernabé do ie~ jo, jōgui casí'r- jaléng' i dsea` do e ja` nitiúuiñ'- do Dsea` Jmáang-, jōgui e nijmiti`bir e ngocáng' dsí'r' jalé' júu^ quiá'- dsea` do cajo.

24 Jo i Bernabé do líiñ' jaang' dseañu' i guiúng- eáang', jo contøøm- jée' Jmiguí quiá'- Fidié' quiá'r- cóo' jalé' e jmóor' do, jōgui jáb'- líiñ' júu^ quiá'- Dsea` Jmáang- car' ngocáng' dsí'r'; jo lajōb fím' dsea` ca'uíñ- dsea` quiá'- Dsea` Jmáang- ie~ jo.

25-26 Jo mi~ cangí jo, jo cangó- Bernabé fí Tarso e cango'néeiñ' Saulo. Jo mi~ cadséiñ' dsea` do, cajéem`breiñ' do fí Antioquía. Jo fí jōb cajer' laji huáaiñ'- do lajee` cóo' jii` tøøng- e e'r' fíing' dsea` júu^ quiá'- Dsea` Jmáang-. Jo e fí Antioquía dob li~ la'uii~ calisí dsea` quiá'- Dsea` Jmáang- jaléng' i dsea` i cajáng' yaang' fí jaguó' Jesús.

27 Jo ie~ jo, cóo' tú- máng' dsea` i jmóo' ta~ e fé'r' cuaiñ' quiá'- Fidié' ca'uøøiñ' fí Jerusalén jo cangoliñ' fí Antioquía.

28 Jo mi~ caguiliñ' fí jo, jaaiñ' do i sii' Agabo casíng' 'ñia'r' fí quini'gui, jo cajíñ'- la'eáang' cóo' Jmiguí quiá'- Fidié' e tí nijáa' jii' oo- fí jo. Jo jalé' e jo cangojée' lajee` jii' quiá'- jaang' dseata~ dsea` féng' i calisí Claudio.

29 Jōba' jaléng' dsea` quiá'- Dsea` Jmáang- i neáang' fí Antioquía ca'í' dsí'r' e nisíñ- jalé' e nijmicóo'r- i dsea` quiá'- Dsea` Jmáang- i neáang' fí li~ se' Judea, lí' jíé' jii' li~ quí'r- jmí~,

30 jo lajōb cajméer'. Jo la'eáang' Bernabé jōgui Saulo cangolí jalé' e do quiá'- jaléng' dsea` cóøng' i neáang' fí li~ se' Judea.

12

Mi~ cajnga' dsea` quiá'- Jacóo'

1-3 Jo lajee` jo, lajee` jmóo' dsea` Israel jmí~ quiá'r- e gø'r' iñí' e ja` quie'^ quiéeng', jo ie~ jo canaang' Herodes Agripa, jaang' dseata~ dsea` féng' i quiu' ta~ fí Jerusalén, jo canaiñ' jmáíñ' ga` i líng' dsea` quiá'- Dsea` Jmáang- i neáang' fí jo. Jo lajee` jo, caquiur' ta~ e cajnga' dsea` quiá'- i Jacóo' cóo' ñisú', jaang' dsea` i óo' ta~ quiá'- Fidié'; jo i dsea` í líiñ' jaang' dsea` ngáang' cóo' i Juan do. Jo mi~ calilí' i dseata~ Herodes do e catíb' dsí' jaléng' dsea` Israel e cajnga' dsea` quiá'- i Jacóo' do, jōba' caquiur' ta~ e catám' i Tú' Simón do cajo.

4 Jo mi~ catáñ'^ dsea` do jo caquiur' ta~ e dsí' 'nuñí' ca'íñ'- do ladsifí lado. Jōgui mifíng' caquiur' ta~ guijnúung- 'lée- quiá'r- i nidsijmée- í i Tú' Simón do, jōgui e nijmér- dsiguiéng' tá'- la quiúung- dsea` e laco' ja` sitúung'; jo í dsí'r' e mi~ níng' e jmí~ doba' nisíñ' dsea` do fí quini' jaléng' dsea` fí.

5 Jo e eám'ba' jée' 'lée- quiá'- i Tú' Simón do li~ iuuiñ- e laco' ja` dseáang' niliúng- 'ñia'r'. Jo lajee` jo, lajalém' dsea` quiá'- Dsea` Jmáang- féiñ' Fidié' uii~ quiá'- dsea` do e ngocáng' dsí'r'.

Mi~ caguíng' jaang' ángel quiá'- Fidié' Tú' Simón fí dsí' 'nuñí'

6 Jo mi~ nijneá' e uøø' jōba', sí'í' e nidsijéeng' i dseata~ Herodes do Tú' Simón fí quini' jaléng' dsea` fí e niquidsir' í' quiáíñ'- do. Dsu' 'ñia' e uøø' jo, dob ráang' Tú' Simón güñíñ' fí dsí' e 'nuñí' do, jo 'ñíu' guóor' cóo' ñí' cadena, jōgui teáang- jmá'- jáng' 'lée- i jmóo' í' ír' lacataang' cáaiñ', jōgui jíeng' gui' 'lée- i teáang- jmóo' í' e o'nú' 'nuñí' do.

7 Jo lajee` jo, cóo' cajném- jaang' ángel i casíng' Fidié' fí li~ ráang' i Tú' Simón do fí dsí' 'nuñí', jo jlo' cajneá' fí latøøng- e dsí' jo. Jo i ángel do cangoquiéeiñ' li~ ráang' Tú' Simón jo cagü'r' mo'uøø' dsea` do; jo dsifí'bi cajné- dsíñ' do li~ ráaiñ' güñíñ', jo lalab casí'- i ángel do ír'.

—Jminá- ráan- na, Tú^ Simón.

Jō dsifí lajōb casojiá' e ní^ cadena e 'ñúu~ guoo` Tú^ Simón do.

⁸ Jō cajíng' i ángel do calé^ catú- casí'r- dsea` do:

—Quí' sí' lajminá- jogui øø~ lomii~.

Jōba' lajōb cajmée` Tú^ Simón ladsifí lado. Jō cajíng' gui i ángel do casí'r- dsea` do lala:

—Te' 'mijñú` iá~ lúu~ jō má-aa' cóo~ jnea~.

⁹ Jō dsifí lajōb cango'leáang` i Tú^ Simón do laco' cagüi'í' i ángel do, jō jíi' ja` ñir` si já'- si ja' já'- lajii' e jíng' i ángel do, cō' nír` e do lafa' mi~ quíbre.

¹⁰ Jō cangüm'bre li~ teáang` i 'lée- do la'uii~, jō lí- jō, cangüiñ` li~ teáang- cōo` 'lé'gui. Jō mi~ tí li~ ningóo` uóñ` fí' cōo` o'nú^ li~ lí' layaang~ ní^ e mifíng` ni'uóñ` cartí caluu~, 'ñiab' e jní^ do caná, jō ca'uøøm'bre. Jō cueeb'jiu capi' li~ cangoliñ` e ngir` colíng~ lado. Jō mi~ cangoyúung' jō, catúub- i ángel do quiá'- i Tú^ Simón do, jō 'ñia'biñ' do cangáng'- guir.

¹¹ Jō mi~ calilí' i Tú^ Simón do e dseáng'- jáb'- jalé^ e cangongüiñ- do jōba' cajíñ'-:

—Nab nicamó-o e dseáng'- já'-ba' nicasíng` Fidiée~ i ángel do quiá'r- e cajaleaaiñ^ jnea~ fí' jaguó` i dseata~ Herodes do e laco' ja` calí'r- cajmicóo~ rúñ` cóo~ dsea` góo` dsea` Israel fa' ee` cajmeaiñ' jnea~.

¹² Jō mi~ cangí e calilí'r^ e jō, condseéb' cangáiñ'- fí' quiá'- jaang` dseamí i sii` Yá^, niquiá^ jaang` dseañu~ i sii` Juan, sii`bir Marcos cajo. Jō fím' dsea` quiá'- Dsea` Jmáang- siseáng' fí' jō e féiñ' Fidiée~ lajee~ jō.

¹³ Jō mi~ caguiéng'- i Tú^ Simón do fí' jō, dsifí lajōb cabár` jní^ o'nú^ e tór` i dsea` teáang' dsíí do e laco' nineaiñ'- do 'núu. Jōba' cangó- jaang` simí^ i jmóo` ta~ i sii` Rode e ngoñir` i i bá e jní^ do.

¹⁴ Jō dsifí mi~ calicuír' luu~ i Tú^ Simón do, sóong- cali'íáang` dsíir', jō lafa' e nineár- e 'núu do e ningíng- Tú^ Simón, dsifí lajōb caquing'- tur cangojmée'r~ i teáang'- dsíí do júu^ e Tú^ Simómbing' sing' bá e jní^ do.

¹⁵ Jō cajíng'- i dsea` teáang' do casí'r- i simí^ do:

—iNgaam` 'nu, simí^!

Dsu' i simí^ do jíñ'- e já'-ba' e Tú^ Simómbing' guisíng'^ e tór` o'nú^.

Dsu' i dsea` caguaiang- do cañíir':

—O' Tú^ Simón do. Jangám- i ángel i jmóo` í quiá'-bre do.

¹⁶ Jō lajee` síng` i dsea` do lado, dob sing' Tú^ Simón e bá`bir jní^ fí' caluu~. Jō lí^ mi~ caneáar' e jní^ do, joguib calilí'r^ e Tú^ Simómbing' nising', jō sóong^ cafóñ' mi~ cangáiñ- dsea` do.

¹⁷ Dsu' i Tú^ Simón do cajmээр` li~ cóo~ guoor` e laco' jō ta'li i dsea` do míi~. Jō mi~ ni'iuuiñ- dsíí sinúu^, joguiba' cajmea'r' i dsea` do júu^ la'uiing~ lanú'- jial cajmicóo~ Fidiée~ quiá'r- e cagüi'íir' dsíí e 'nuñí^ do jō cajíñ'- casí'-reiñ':

—Jmée'-na' júu^ Jacóo^ cóo~gui dsea` quiá'- Dsea` Jmáang- i caguaiang-gui do jalé^ e guíu- e cajmée` Fidiée~ cóo~ jnea~ fí' dsíí 'nuñí^.

Jō mi~ calí- sñiñ` lado, jō cagüi'í'bre jō fí' li~ jíéb' cangór-.

¹⁸ Jō mi~ cajneá- cōo~gui jmi~, mi~ cangá- jaléng' i 'lée- do e jō Tú^ Simón seeng` fí' dsíí 'nuñí^, sóong- cangogá dsíir' lajaléñ` do, cō' jíi' ja` ñir` e calí- cóoiñ' do.

¹⁹ Jō mi~ caliñí i dseata~ Herodes do e jō Tú^ Simón seeng` fí' dsíí 'nuñí^, jōba' caquiur' ta~ e cali'ném'^biñ' do, dsu' jō li~ cadséng'neiñ'; jōba' catór- lajüng` 'lée- i síí^ cajmée` í quiá'- Tú^ Simón do, jō caquiur' ta~ e cajúm-biñ' do lajüñ` dsifí lado uíi~ e caláang- i Tú^ Simón do. Jō mi~ li~ cøøng`gui lajō, cagüi'í' b' dseata~ Herodes li~ guíñ~ li~ se' Judea, jō cangór- cangogüear` fí' Cesarea.

Mi~ cajúng- i dseata~ Herodes Agripa do

²⁰ Dsu' ie~ jō, sóong^ nisigüing^ i dseata~ Herodes do quiá'- jaléng' dsea` i niseeng` fí' Tiro cóo~ Sidón, dsu' i Herodes do i 'né- nicuó- fí' e nilísea` jalé^ e nidó'- i dsea` seeng` fí' Tiro cóo~gui i dsea` i seeng` fí' Sidón; jōba' i dsea` seeng` fí' lajì tú- fii jō dseáng'- 'néb- e

niliseeĩn` røø` cõo` i dseata` do e laco' nilisea` jalé` e gõiñ' do. Jo calí`-bre jaang` dseañu` i líng` jaang` dsea` nu`luu` quiá'- i dseata` Herodes do i sii` Blasto, jo cacuø`rein' do cuu` e laco' niféiñ' do uii` quiáiñ'-. Jo lajoguiba' calí'r- e siiiñ` cõo` i dseata` Herodes do.

²¹ Jo catéeiñ` do cõo` jmii` lí` e iĩñ` nisiñ`- cõo` jaléng` i dsea` do. Jo e jmii` jo, dsea` seeng` fí Tiro cõo`gui fí Sidón caguiliñ`- fí lí` guing` i dseata` Herodes do. Jo ie` jo i dseata` Herodes do caquí'r- sí'r` lali` e jlo`^gui e sea` quiá'r-, jo caguár` ni` 'masii` quiá'r` lí` guár` mi` quidsir` í`, jo canaaiñ` bír` güi`- quiá'r`- jee` jaléng` i dsea` fii` do.

²² Jo mi` canúu` jaléng` i dsea` do jalé` júu` quiá'- i dseata` Herodes do jo canaaiñ` fé'r` teá` lala:

—Jaang` diéé` i fé` na lana, o' dsea` jmigüi` na!

²³ Jo dsifí lajob jaang` ángel quiá'- Fidiéé` cajméer` e catóm` i dseata` Herodes do e dsée'r` ladsifí lado, cõo' cacuø` fí e cajmiféng` dsea` ír` laco' Fidiéé` 'ñia'r'. Jo cajúm` i dseata` Herodes do cõo` jmohuí` e cacuø` i ángel do e cagó` joo` ír`.

²⁴ Dsu` lajee` jo, eáang`gui ngóo` ni` júu` quiá'- Fidiéé` jogui doñi` jieb` ninúu` dsea` e júu` jo.

²⁵ Jo mi` tí` lí` cató' ta` quiá'- i Bernabé cõo`gui Saulo fí Jerusalén, jo cangolím`tur fí Antioquía, jo téé`bre Juan i sii`bi Marcos cajo.

13

Mi` canaang` Bernabé cõo` Saulo e guiar` júu` quiá'- Fii`naa' Jesús lacaang` fí lí` jie`

¹ Jo mi` caguiliñ` fí Antioquía caseaiñ` cõo` jaléng` dsea` quiá'- Dsea` Jmáang` i nineáang` fí jo, jo jee` jo niquiéeng` jaléng` dsea` i fé` cuaiñ` quiá'- Fidiéé` cõo`gui jaléng` tifa' quiá'- júu` quiá'- dsea` do; jaaiñ` do nisiir` Simón i sii` Simón Le`, jaang`gui i sii` Lucio i caliséng` fí Cirene, jaang`gui i sii` Manaén i cacuáng`- colíing` cõo` i dseata` Herodes do i calíng` dseata` dsea` féng` quiá'- Galilea, jogui Bernabé cõo`gui Saulo do.

² Jo cõo` jmii` lajee` guiaang`- teáang` i dsea` do e jmiféiñ` Fii`naa' Fidiéé` jogui jmóor` ayuno e ja` gø'r` ir` lajee` jo, casí`- Jmiguí quiá'- Fidiéé` ír` lala jo cajíñ`-:

—Cuøøng`na' jnea` i Bernabé na cõo`gui Saulo quiá'- e nináiñ` jmér` lajii` ta` e nicatøø`-øre na.

³⁻⁴ Jo mi` cangoyúung` e féiñ` Fidiéé` jogui cajméer` ayuno, dsifí lajob caquidsi` i dsea` do guóor` fí moguí` Bernabé cõo`gui Saulo e laco' cuø` lí` quiá'- lajii` ta` nidsiliñ`- do. Jo mi` calí` jo, ca'í`breiñ` do júu`, jo cangolím`biñ` do, jo cõo`-bre i Juan Marcos do i jmicõo` quiá'r`.

Mi` caguia' gáang` i dsea` óo` ta` quiá'- Fidiéé` júu` quiá'- Dsea` Jmáang` fí Chipre

⁵ Jo Jmiguí quiá'- Fidiéeb` casí` quiá'- i Bernabé do cõo`gui Saulo fí cõo` oo` jmii` e sii` Seleucia e née` 'ni` jmiñi`^-. Jo mi` caguiliñ` fí jo, cangotáaiñ` fí cõo` dsí` móo` jo cangoliiñ` fí cõo` oo` jmii` lí` sii` Salamina e née` fí lí` se' Chipre. Jo mi` caguiliñ` fí jo, jo cajgám`-bre e móo` do, jo dsifí lajob cangoliiñ` fí lí` téé` guá'- quiá'- dsea` góor` dsea` Israel jo canaaiñ` guiar` júu` quiá'- Fidiéé` fí jo.

⁶ Jo mi` cangí` jo, cangüiñ` la'úm` e ni` uó` e née` ni` jmiñi`^ do cartí` caguiliñ` fí oo` jmii` e sii` Pafos. Jo fí job cajíñ` jaang` dsea` Israel i sii` Barjesús, jo cõo` jmii` griego siir` Elimas. Jo i dseañu` do nilíiñ` jaang` dsea` láang` i ngí` ta` jmigøøng` jaléng` dsea`, cõo' jiiñ` e líiñ` jaang` i fé` cuaiñ` quiá'- Fidiéé`, dsu` o' já'- e lajo.

⁷ Jo i dsea` láang` do nilíiñ` jaang` i jmóo` lajii` e iing` dseata` dsea` féng` i sii` Sergio Paulo, jaang` dseañu` i tíing` eáang`. Jo mi` caliñi` i dseata` dsea` féng` do e fí góo`bre nitáang` Bernabé cõo`gui Saulo, joba' catø`-reiñ` cõo' iĩñ` ninúr` júu` quiá'- Fidiéé` e guiaiñ` do.

⁸ Dsu` i dsea` láang` do cajnímbre quiá'- i dseata` dsea` féng` do e laco' ja` já'- nilíiñ` do júu` quiá'- Fidiéé` e guia` i Saulo do.

⁹ Jo eáam' jéeng' Jmiguí' quíá' Fidié' i Saulo do i sii' bi Paa' cajo, joba' cajóøiñ' i Elimas do la'úung'

¹⁰ Jo casí'r' dsea' do:

—'Nu' lin' jaang' adsee' féng' jogui jóo' fii' i 'ling'; co' jni' fí' quíá' jaléng' dsea' i iing' jmé' e guiá'. ¿Jialí' jnin' fí' quíá' jaléng' dsea' i iing' nisíng' yaang' fí' guiá' cóo' Dsea' Jmáang'?

¹¹ Lana Fí'naa' Fidié' nicuø'r' 'nu' coo' iihuí', jo nijá' e jo lí' jóø' jii' capí' cartí' mi' niquiá' Fidié' ta' e nilijné'tu' calé' catú'.

Jo dsifí' lajob calinú' jmini' i Elimas do, jo canaaiñ' jmóor' quijí' i dsea' i nisó' 'ma'u' quíá'r' co' jo lí' jóø'r' jii' capí'.

¹² Jo mi' cangá' i dseata' dsea' féng' do e calí' lado, dsifí' lajob já' calíiñ' júu' quíá' Dsea' Jmáang' co' eáam' dsigá' dsíir' jalé' júu' quíá' dsea' do e e' i dsea' apóo' do.

Mi' cangolíng' Paa' cóo' Bernabé fí' Antioquía lí' se' Pisidia

¹³ Jo mi' calí' ta' quíá' i Paa' do cóo' gui Bernabé cóo' gui Juan Marcos e fí' Pafos do, joba' ca'uøøm'bre fí' jo e teáaiñ' fí' dsíí' móo', jo cangolíiñ' fí' Perge e néé' fí' lí' lí' ngóo' jmiñí' lí' se' Panfilia. Dsu' i Juan Marcos do jo' cangó' guir cóo'iñ' do, jo caquim' tur fí' Jerusalén.

¹⁴ Jo mi' cangí' jo, ca'uøøm' i Paa' do cóo' gui Bernabé fí' Perge, jo cangolíiñ' fí' coo' gui fii' lí' sii' Antioquía e néé' lí' se' Pisidia. Jo mi' caguiliñ' fí' jo, coo' jmiñ' lajee' e títng' dsea' góor' dsea' Israel e jmi'íñ', cangotáaiñ' fí' guá' quíá' dsea' do, jo fí' job caguár' jee' jaléng' dsea' i teáng' do ie' jo.

¹⁵ Jo mi' cangoyúung' e calí' i dsea' do e júu' quiu' ta' quíá' Fidié' cóo' gui e júu' quíá' jaléng' dsea' i café' cuaiñ' quíá' Fidié' do malí' gui eáang', jo mi' cangí' jo, i dsea' i néé' ni' e guá' do casí'r' i dsea' gáng' do jo cajiñ' :

—Rú'uu', song sea' júu' e iing'na' fong'na' jaléng' dsea' góo'na' la e laco' nijmicóo' quíá'r', cuøøm' fong'na'r lana.

¹⁶ Jo dsifí' lajob caróo' i Paa' do lí' guiiñ', jo cajméer' lí' cóo' guóor' e laco' ninú' i dsea' do júu' quíá'r', jo lalab cajiñ' casí'r' i dsea' do:

—Núu'na' júu' quíé' e jaléng' 'nú', dsea' góo'oo' dsea' Israel, jogui jaléng' 'nú' dsea' ja' líng'na' dsea' Israel i jmi'goo'na' Fidié' quí' jnea':

¹⁷ Lajii' malí' eáang' Fidié' caguíiñ' 'lii' dsea' cóøng' quí'ii', jo lajee' e neáaiñ' fí' Egipto, cajméé' Fidié' e eáam' cangofíiñ', doñí' fa' líiñ' dsea' seeng' fí' fii' lí' o' góor'. Jo mi' cangí' jo, ca'uøøm'bre i dsea' do fí' Egipto la'eáang' cóo' e 'gøiñ' do.

¹⁸ Jo lajee' tuló' jii' e cangiñ' do fí' ni' guóo' uø' quiú', cajméeb' Fidié' féng' dsíir' uii' quíáiñ' do.

¹⁹ Jo mi' caguilíng' i dsea' cóøng' quí'ii' dsea' Israel do fí' lí' se' Canaán, ca'íim' Fidié' jaléng' dsea' i neáang' fí' jo; guié' fii' ca'íiñ' ie' jo e laco' caliseá' uø' e cacuø'r' 'lii' dsea' cóøng' quí'ii' e fí' lí' se' Canaán do.

²⁰ Jo mi' cangí' cuatrocientos cincuenta jii' e caguá' dsea' cóøng' quí'ii' dsea' Israel fí' Egipto, joguib cacuøøng' Fidié' lajüng' dsea' í' dsea' i cacá' nifí' quíá' dsea' góor' i líng' dsea' cóøng' quí'ii' do. Jo dsea' góo'oo' i sii' Samuel i fé' cuaiñ' quíá' Fidié', í'bing' cacá' nifí' quíá' dsea' áang' quí'ii' do cartí' lí' cadséng'.

²¹ Jo mi' cangí' joguiba' dsea' góo'oo' camiiñ' Fidié' jaang' dseata' dsea' féng' i niquiá' ta' quíá'r' jee' la'ó' dsea' góo'oo' do. Joba' Fidié' cacuøøiñ' jaang' dseata' dsea' féng' i calisí' Saúl, jóo' jaang' dseañu' i calisí' Cis, siju' Míng', jaang' lajee' guitúung' 'lé' dsea' áang' quí'ii' do; jo i Saúl dob caquiú' ta' quíá' dsea' áang' quí'ii' lajee' tuló' jii'.

²² Jo mi' cangí' jo, caguíim' Fidié' i dseata' Saúl do e liiñ' ta', jo caguíeeiñ' jaang' dseañu' i sii' Daví' i nilíng' dseata' dsea' féng' quíá' dsea' Israel, jóo' jaang' dseañu'

i sii' Isaí. Jo lalab cajíng' Fidiéé e éeiñ` i dseata` Daví` do ie` jo: “Eáam` iáang` dsii` cóo` Daví` i líng` jóo` Isaí, co' nijmiti` bre lajii` e iin`n.”

23 Jo jaang` lajee` dsea` siju` i dseata` Daví` do, íb` dsea` góo`oo' Jesús i cajíng' Fidiéé lajii` lamali`gui do i nisíñ` fí` jmigüi` la e nileáiñ` jneaa`aa' jee` dsee` quí`ii', dsea` lí`hi' dsea` Israel, lí` lacogui` jii` júu` e nicacuør` jéeng`gui.

24 Dsu' ná`gui e cagüéng` Jesús fí` jmigüi` la, cangí` jaang` dsea` góo`oo' i sii` Juan e ni'r` júu` jee` jnea` dsea` Israel quiá` jial` 'né` niquí` jíng` yaang` dsea` fí` quini` Fidiéé` jo lajoguiba' cuøøng` nisáiñ` jmií`.

25 Jo mi` nijaquíem`ba' e nité` ta` quiá` i Juan i seáang` dsea` jmií` do, cajíñ` casí`r` jaléng` dsea` lala: “Ja` í` óo`na' e jnea` i dsea` i sijeeng`na' do i jíng` Fidiéé` i nisíñ` fí` jmigüi` la, co' nabi` nijáa` dsea` í` cøøng`gui`na, jo fí` quini` í` ja` quíng` jnea` co' sí`i` capi` ní` 'ñáá`lomíir`.”

26 Dsea` rú`uu', jaléng` jnea` dsea` Israel dsea` siju` 'lí` yáa` quí`ii' Abraham lí`naa', jogui` jaléng` 'ná', dsea` ja` líng`na' dsea` Israel i jmi`gó` Fidiéé`, catí`m`baa' lajalé`naa' e juguiá` e guíaa` la quiá` jial` nileáang`naa' jee` dsee` quí`naa'.

27 Dsuco' jaléng` jnea` dsea` Israel i seeng` fí` Jerusalén cóo` lajaléng` dsea` quie` nifi` quí`ii' ja` calilí`r` i dseáng` Jesús i cajíng` Fidiéé` i nisíñ` fí` jmigüi` la e lacogui` nileáiñ` jneaa`aa' jee` dsee` quí`ii', o'gui` cangáiñ` jalé` júu` quiá` Fidiéé` e cajme` i dsea` i fé` cuaiñ` quiá` dsea` do e í` dsea` fí` lacogui` fí` dsí` guá` quí`ii' mi` jmií` e jmi`íng`naa'. Dsu' mi` cateáaiñ` i Jesús do fí` dse` crúu`, e jii` yaaiñ` ja` calilí`r` e joguib` caliti` jalé` e cajme` i dsea` i café` cuaiñ` quiá` Fidiéé` fí` ni` jì` quiá`r` malí`gui eáang`.

28 Jo nañi` fa' jii` coo` dsee` ja` cadsé` dsea` góo`oo' dsea` Israel quiá` dsea` góo`naa' Jesús e quiá` nijngáiñ` dsea` do, dsu' cangomí`bre fí` dseata` Pilato e quiá` niquí` dsea` do ta` e nijngáiñ` Jesús.

29 Jo mi` cangoyúum` e caliti` jalé` e fé` fí` ni` jì` quiá` Fidiéé` uii` quiá` Dsea` Jmáang` latí` jii` malí`, jo cajgiáam`bre dsea` do fí` dse` crúu` lí` cajúñ`, jo cango`áaiñ` fí` dsí` coo` too` jíaa` lacogui` litíng` dsea` góo`oo'.

30 Jo dsu' Fidiéé` cajméer` e cají`tu dsea` do mi` cadsí` 'ní` jmií` lajo.

31 Jo lajee` jmiguiá` jmií` cajmijnéeng` 'ñia`r` jee` jaléng` dsea` i cangí` cóo`r`, tí` lí` se` Galilea jo cartí` Jerusalén. Jo jaléng` dsea` íb` i ninaang` guí` júu` quiá` Fí`naa' Jesús jee` jaléng` dsea` jmigüi` lana colíng` cóo` jnea`.

32-33 Jo jnea` cuøø`naa' 'ná` lana e juguiá` e cacuø` Fidiéé` dsea` cøøng` quí`ii' lajii` malí`, co' nicajmiti`bre e júu` jo quí`naa', dsea` lí`naa' dsea` sijur`, mi` casíñ` jóo`r` fí` jmigüi` la lí` lacogui` la fé` fí` ni` jì` salmo e catí` tú` do lí` fé` lala: “Nub` jóo`o, jo jmií` na nijmée`e e nilíñi` dsea` e jneab` lín`n Tiquí`i`.”

34-35 Jo Fidiéé` cajméer` e cají`tu Jesús mi` cangí` e cajúñ`, jogui` jo` nijúung`tur o'gui` nijgié` ngúu` táaiñ`; co' lalab café` Fidiéé` fí` ni` jì` quiá`r`: “Nijmiti`baa` la'eáang` cóo` 'ná` jalé` júu` jlo` niguó` jogui` já` e cafí` i dseata` Daví`”. Jogui` lalab café`guir` cajo: “Ja` cuøø` fí` e lí` nijgié` lajo ngúu` táang` 'na`, dsea` güeang` quie` e i jmóo` lajii` e iing` jnea`.”

36 Jo o' quiá` Daví` fé` e júu` la, co' mi` cajmiti` i Daví` do lajii` e iing` Fidiéé` e nijmér`, joguiba' cajúñ`, jo fí` dob` ca`áiñ` fí` cáang` lí` sí`aang` 'lí` tiquí`r`, jo ngúu` táaiñ` cajgob` fí` ná` uø`.

37 Dsu' ngúu` táang` Jesús i cajmijí` Fidiéé` quiá` do ja` cajgo` lajo.

38 Dsea` rú`naa', dseáng` 'né` níb` 'ná' e jii` la'eáang` cóo` Jesúsba' e íng` Fidiéé` jalé` dsee` quí`ii'.

39 Jogui` doñi` i` i` já` líng` jalé` júu` quiá` dsea` do, nileám`bre jee` jalé` dsee` quiá`r` fí` quini` Fidiéé`; co' jii` jaang` dsea` jmigüi` caláaiñ` jee` dsee` quiá`r` la'eáang` e jmitir` júu` quiá` ta` e cajme` Moi` do.

40 Niing` óo`na' jaléng` 'ná', dsea` rú`naa', e ja` cuø` fí` yaang`na' e güitíng`na' lacogui` cajíng` jaang` dsea` i café` cuaiñ` quiá` Fidiéé` malí`gui eáang` mi` cajme`r` lala:

41 Quié'na' cuente jaléng' 'nú' i ja' jí' júu' quié' e
o'gui já' líng'na' e júu' jo.

Jo güidsigá' óo'na' jogui nijúum'ba',

co' jmiguiá' jalé' e nijmee' jnea' jee' 'nú'

jo jí' capi' ja' já' nilíng'na', fa' jialgui la jalíng' dsea' e jma'r' 'nú' júu' røø' quiá' jalé'
e jo.

Jo lanab cajíng' Fidié' fí' ni' jì' quiá'r'.

42 Jo mi' calí' fé' i Paa' do jalé' júu' güí' quiá'r', jo ca'uøøm'bre dsí' e guá' do. Jo fím' dsea' i ja' líng' dsea' Israel cangolín' e cangomá'r' Paa' e niguiá'gui dsea' do júu' mi' nití' coo'gui jmí' e jmi'íng' dsea' Israel.

43 Jo lajee' ngolín' do, fím' dsea' Israel cóo' jaléng' dsea' jiéng' i nica'uíng' dsea' Israel ngolín' colíng' cóo' Paa' cóo'gui Bernabé. Jo casí'r' jaléng' i dsea' do e ja' nijmitúng' dsí' cóo' Fidié', jogui e güí'ib' dsí'r' røø' jalé' e guiá' e cajmée' Fidié' cóo'r' e cangúin' e cacuo' dsea' do e íáng' dsí'r'.

44 Jo mi' catí' coo'gui seamaan' do, coo' jmí' e jmi'íng' dsea' Israel, fíng' dsea' i seeng' e fí' do caguilín' e fí' guá' quiá' dsea' Israel do e caguinúur' júu' quiá' Fí'naa' Fidié' e guiá' i Paa' do, ja' ja' latøøng' fí'ib' caguilíng' ie' jo.

45 Dsu' mi' cangá' dsea' Israel i ja' já' líng' júu' e guiá' i Paa' do jial tí' fíng' jaléng' dsea' i caseáng' fí' dsí' sinúu' guá' quiá'r' do, sóong' calí' dsihuín' quiá' dsea' do, jo canaain' fé'r' e jmang' júu' e o' já'ba' guiá' i Paa' do, jogui jmineam'bre dsea' do cajo.

46 Joba' i Paa' do cóo'gui Bernabé jí' capi' ja' 'gó'r' casí'r' jaléng' i dsea' góor' dsea' Israel do, jo cajín' casí'r' rein':

—E catí'b' jnea' e 'né' guiá'naa' júu' quiá' Fidié' la'uii' jee' 'nú'. Jo dsuco' 'nú' ja' iing'na' líng'na' e júu' do, jo lajoba' ja' catíng'na' e niliseeng'na' cøøng' cóo' Fidié' lata', joba' jnea' fí' jee' dsea' i ja' líng' dsea' góo'oo' dsea' Israel canaang'naa' guiá'naa' júu' quiá' Fidié' lana.

47 Co' lajob ta' caquiá' Fí'naa' Fidié' fí' ni' jì' quiá'r' malí'gui mi' cajín' lala:

Jnea' nisín' 'na' fí' jee' laca'íng' dsea' i seeng' fí' jmigüi' e lin' lafa' jì' quié' e, jogui niguiá' jalé' júu' quiá' jial nileáng' dsea' jee' jalé' dsee' quiá'r'.

48 Jo mi' canúu' jaléng' i dsea' i ja' líng' dsea' Israel júu' quiá' i Paa' do, sóong' calí'íáng' dsí'r', jo canaain' fé'r' e eáam' guiá' júu' quiá' Fí'naa' Fidié' e guiá' dsea' do, jo dsifí' lajob já' calíng' e júu' jo lají' dsea' i nisí'íng' i niliseeng' cøøng' cóo' Fidié' lata'.

49 Jo lajob cani' júu' quiá' Fí'naa' Dsea' Jmáang' fí' la'úng' e guóo' uó' do.

50 Jo dsu' i dsea' Israel do caguiféin' coo' tú' máng' dseam' dsea' Israel i jmi'gó' Fidié' jogui i si'gøng' e fí' jee' fí' do, colíng' cóo' jaléng' dsea' quié' nifí' quiá' e fí' do cajo, jo casíin' røø' e cajmeáin' gab' Paa' cóo'gui Bernabé cartí' ca'uøøm'bre dsea' do cartí' caluu' lí' se' e fí' do.

51 Joba' dsifí' lajob ca'uøøm' i Paa' do cóo'gui Bernabé cóo'gui jaléng' dsea' i jmicóo' quiá'r'. Jo mi' caguilín' 'ni' e fí' do, job cabó'r' 'lee' toø' lomí'r' laco' cuø' lí' e ja' íng' dsea' ír' e fí' fí' e lí' ca'uøøin' do. Jo dsifí' lajob cangolín' fí' coo'gui fí' lí' sií' Iconio.

52 Jo jaléng' dsea' i nilíng' dsea' quiá' Dsea' Jmáang' i seeng' fí' Antioquía, eáam' íáng' dsí'r' cajer', jogui eáam' jee' Jmiguí' quiá' Fidié' quiá'r' cajo.

14

Lajee' taang' Paa' cóo' Bernabé fí' Iconio

1 Jo mi' caguilíng' i Paa' do cóo'gui Bernabé fí' Iconio, cangotáain' colíng' fí' dsí' guá' quiá' dsea' góor' dsea' Israel e sí' fí' jo lí' laco'gui qui' tíin'. Jo co' guiar' jalé' júu' quiá' Dsea' Jmáang' la'eáang' cóo' e 'gøng' quiá' Jmiguí' quiá' Fidié', joba' fím' dsea' Israel cóo'gui dsea' i ja' líng' dsea' Israel já' calíin' jalé' e júu' do ie' jo.

² Jo dsu' jaléng' dsea` Israel i ja` já' líng' e júu' e guia' i dsea` góor' i sii Paa- do cóo'~gui Bernabé, canaaín' jmiǵø̃m bre i dsea` i ja` líng' dsea` Israel e laco' dsea` î nijmér- e 'ní' níiñ- jaléng' i dsea` quía'- Dsea` Jmáang- do.

³ Joba' mi~ canaang` calí- lado, huø̃-bi caje' i Paa- do cóo'~gui Bernabé fí jo e guiar' júu' quía'- Dsea` Jmáang- e ja` 'gó'r' jii~ coo', co' ta~ dsíir' e eáam' jmicóo'~ Fíi'naa' Fidiée' quía'r-. Jo i Paa- do cóo'~gui Bernabé cangáiiñ' quía'- Fidiée' e nijmér- jalé' e lí' e quíi~ jmiñ-. Jo cóo'~ jalé' e jo jmili~ Fidiée' e já'- e júu' e guia' i dsea` do quía'- jial 'neáang' Fidiée' dsea` jmiǵüf.

⁴ Jo jaléng' dsea` i seeng` e fiñ Iconio do tú- 'lé' ca'uíiñ-; coo' 'lé' casíng'- uii~ quía'- jaléng' dsea` Israel i ja` ca'íng' júu' e caguia' dsea` do, jogui coo' 'lé'gui casíng'- uii~ quía'- i dsea` apóo^ do.

⁵ Jo jaléng' dsea` Israel i ja` ca'íng' e júu' do cóo'~gui jaléng' dsea` i ja` líng' dsea` Israel casíiñ- røø cóo'~ jaléng' dseata~ e quía'- nijmeáiñ' ga` i dsea` apóo^ do, jogui nijmi huñg` neiñ' cóo'~ layaang` cuu~.

⁶ Jo dsu' mi~ caliñi' Paa- cóo'~gui Bernabé lajii~ e í dsíi' i dsea` do e gab` nijmeáng' neiñ', joba' cangoliñ^ e sí'í jmi'øng' yaaiñ' fí Listra cóo'~gui fí Derbe, coo' fiñ e née' lí se' Licaonia,

⁷ jo fí job caguiar' júu' quía'- Dsea` Jmáang-.

Mi~ casi'ló' dsea` cuu~ i Paa- do fí Listra

⁸ Jo mi~ caguiliñ' fí Listra, fí jo niseeng` jaang` dseañu' i nicaang~ tii- latí mi~ cangáaiñ', jo ja` lí ngír- jii~ capí^.

⁹ Jo dob guiiñ' e núur' júu' e guia' i Paa- do. Jo mi~ cangáng- i Paa- do dsea` do, dsifí lajob calilí'r^ e i dsea` do jáb'- líiñ' e quíib'- Fidiée' jmiñ' e nijmi'leáang- ír'.

¹⁰ Jo dsifí lajob cajíng'- i Paa- do casí'r- i dsea` jlúung'- do e fé'r' teá' jo cajíiñ'-:

—iRáan'-, jo jmee- sín'- røø'!

Jo dsifí lajob ca'íng- i dseañu' do, jo lajob casíng' 'ñia'r' jo canaaín' ngír bre.

¹¹ Jo mi~ cangá- jaléng' dsea` i teáang- do ie~ jo lajii~ e cajmée' Paa- cóo'~ i dsea` jlúung'- do, dsifí lajob canaaín' fé'r' teá' cóo'~ jmi' quía'r- e éeiñ' i Paa- do cóo'~gui Bernabé jo jiiñ'-:

—Gáng- diée~ nicagüilíng- jee~ jneaa~aa' i líng' la líng' dsea` jmiǵüf.

¹² Jo lajalém'bre fé'r' e i Bernabé do líiñ' jaang` diée~ quía'r- i sii Zeus jogui i Paa- do líiñ' jaang'gui diée~ quía'r- i sii Hermes, co' í bre dsea` quier' nifí e guiar' e júu' do jee~ jaléng' dsea` do.

¹³ Jo e guá'- fí lí jmi féng' dsea` i diée~ Zeus do, dob nisi' dseáng'- lí í- jee~ fiñ do, jo i jmidsea` i jmóo' ta~ e fí guá'- jo caguijéiñ' jaléng' güitá^ jogui caguicar' jalé' lí fí lí neáang' i dsea` gáng- do, co' í dsíir' e nijmifém'breiñ' do colíng~ cóo'~ jaléng' dsea` i teáang- do ie~ jo lafa' jaang` diée~ quía'-bre; jogui lamí- í dsíir' e nijngáiñ'- i güitá^ do fí quini~ i dsea` gáng- do e laco' nijmiféng'neiñ'.

¹⁴ Dsu' mi~ calilí' i Paa- do cóo'~gui i Bernabé do lajii~ e lí dsíi' i jmidsea` do cóo'~gui jaléng' dsea` e nijmér- cóoiñ' do, dsifí lajob ca'guír- sí'r^ jo cangotáaiñ' jee~ jaléng' i dsea` do, jo canaaín' sí'reiñ' cóo'~ júu' e teá':

¹⁵ —¿Jialí' jmoo'na' lana? Co' o' diée~ jnea^, jnea^ lí'naa' dsea` jmiǵüf laco'gui la líng' 'nú'. Jo cajá-naa' fí la uiiñ~ job cajo e cajasíi'naa' 'nú' e 'né- nitá'ba' lajii~ e tíng'na' jmoo'na' lí^ laco'gui iing~na' jmee-na' lana cóo'~ jnea^, co' ja' ee' ta' íng' quíi-na' jii~ capí^ e jo, jo quíi~ jíng' yaang~na' fí quini~ Fidiée' i dseáng'- já'- do, co' íb' dsea` cajmээр' jmiǵüf cóo'~gui guóo'~ uø- cóo'~gui jmiñí^, lí^ lajalé' e sea' la'úng- fí jmiǵüf.

¹⁶ Jo nañi' fa' lamí- jéeng'gui ja' cajníng' Fidiée' quía'- jaléng' dsea` e cajméeb' dsea` lí' doñi' ee' já- dsíir',

17 Jo dsu' contøø̃m̃ nicajméer' lĩ e seem'bre jeẽ jaléng' dsea`jmigüí' cóo'~ jalé' e guiá' e jmóor', co' íbre dsea`jmóor' e sea`jalé' jmíí, jogui e jlob' cuø' jalé' e dsijnea' fí nĩ guóo'~ uø̃, jogui e sea`lalíng' jalé' e quiee'naa', jogui íbre cuø' e íaang' dsí'naa' cajo.

18 Dsu' mĩ cangî e caféng' i Paa- do jaléng' i dsea` do, guidseaam' calí'r- cajníí' e ja`cajngang' i dsea` do jaléng' i jó' i sí' í' nijngáiñ' e nicuóñ' i dsea` gáng- do e nijmiféng' neiñ' lafa' diéẽ.

19 Jo mĩ cangî jo, caguilíng- coo' tú- máng'~ dsea` Israel i jalíng- fí' Antioquía cóo'~ gui fí' Iconio. Jo i dsea` í' cajméer' e calí- 'ní' ním- dsea` Listra i Paa- do, jogui casíñ' røø' e cuub̃ nisi'ló'r' dsea` do, jo lajob cajméer'. Jo mĩ cangî e casí'ló'reiñ' do cuũ, jo cajnúung' neiñ' fí' caluu' fí' co' líñ' e cajngam'breiñ' do.

20 Dsu' mĩ cangî jo, caguilíng- jaléng' dsea` quiá'- Dsea` Jmáang- fí' lacúng' lĩ ráang' i Paa- do fí' caluu' e fí' do, jo dsifí' lajob caróo' tuiñ' do, jo ca'ib- tur e fí' jeẽ fí' do. Jo mĩ cajnea' e jmíĩ jo, ca'uøø̃m̃ i Paa- do cóo'~ gui Bernabé e fí' jo, jo cangolíñ' fí' coo' fí' lĩ sii' Derbe.

21 Jo mĩ caguilíñ' fí' Derbe, fí' job canaaiñ' guiar' júu' quiá'- Dsea` Jmáang-, jo fí' jo fím' dsea` i jalé' calíng- júu' e guiá' dsea` do iẽ jo, jo dsea` quiá'- Dsea` Jmáam- ca'uíñ'. Jo mĩ cangî jo, caquim'- tu i Paa- do cóo'~ gui Bernabé fí' Listra cóo'~ gui Iconio jogui Antioquía.

22 Jo jalé' e fí' na cangíng' tur calé' catú-, jo caféiñ' jaléng' dsea` quiá'- Dsea` Jmáang- i seeng' fí' jo e ja` nitiúuiñ' do lajii' fí' guiá' lĩ niteáaiñ' cóo'~ Dsea` Jmáang-; jogui casí' guireiñ' do cajo e jaléng' dsea` i iing' e Fidiée' nicá' nifí' quiá'r- 'né' nidsingíñ' jalé' iihuí'.

23 Jogui ca'náam-bir fí' lacoø' fí' do coo' tú- máng'~ dsea` cóøng' i nicá' nifí' quiá'- jaléng' dsea` quiá'- Dsea` Jmáang- i seeng' lacoø' lacoø' e fí' do; jo mĩ calí- jo, cajméer' ayuno e laco' jøøng- guir caféiñ' Fidiée' uiĩ quiá'- i dsea` cóøng' do. Jogui caseáang' neiñ' do lajaléiñ' do fí' jaguó' Fí'naa' Fidiée', co' jáb'- calíng- dsea` do júu' quiá'- dsea` í'.

Mĩ cangolíng' tu Paa- cóo'~ Bernabé fí' Antioquía lĩ se' Siria

24 Jo mĩ cangî e cataiñ' fí', jo cangíñ' fí' guóo'~ uø̃ lĩ se' Pisidia; jo mĩ cangî jo, caguilíng' tur fí' Perge lĩ se' Panfilia,

25 jo fí' job caguia' júu' quiá'- Dsea` Jmáang-. Jo mĩ cangî jo, cangolíng' tur fí' coo' gui fí' lĩ sii' Atalia.

26 Jo fí' job cangotáaiñ' fí' coo' dsíí' móo' jo cangolíñ' la dsí' nĩ jmiñí' car' caguilíng' tur calé' catú- fí' Antioquía lĩ se' Siria fí' lĩ cajáng' dsea` i Paa- do cóo'~ gui Bernabé fí' jaguó' Fidiée' quiá'- e cangoguiar' júu' quiá'- Dsea` Jmáang- fí' jalé' e fí' do. Jo co' catób' e tã do quiá'r-, joba' caquim'- tur.

27 Jo dsifí' mĩ caguilíng- tu Paa- cóo'~ Bernabé e fí' Antioquía do, dsifí' lajob caseáiñ' jaléng' dsea` quiá'- Dsea` Jmáang- i neáang' e fí' jo, jo cajmea'reiñ' júu' lajalé' e guiá' e cajméé' Fidiée' cóo'r- lacaang' lĩ cangolíñ' do, jogui jial cacuø' Fidiée' e ni'íng' jaléng' dsea` i ja` líng' dsea` Israel júu' quiá'- Dsea` Jmáang-.

28 Jo mĩ cangî jo, huøø-bi cajé' Paa- cóo'~ gui Bernabé fí' Antioquía lĩ se' Siria colíng' cóo'~ dsea` quiá'- Dsea` Jmáang- i neáang' fí' jo.

15

Mĩ caseáng' rúng' jaléng' dsea` i quie' nifí' quiá'- dsea` quiá'- Dsea` Jmáang- fí' Jerusalén

1 Jo iẽ jo ca'uøøng' coo' tú- máng'~ dsea` Israel fí' Judea jo cangolíñ' fí' Antioquía lĩ se' Siria. Jo mĩ caguilíñ' fí' jo, canaaiñ' e'r' jaléng' dsea` quiá'- Dsea` Jmáang- i neáang' fí' jo e quiá'- ja' nileáiñ' do jeẽ jalé' dsee- quiá'r- fíng song ja' jmitir' jalé' júu' quiá' tã quiá'- Fidiée' e cajme' Moí e nitó- lĩ fí' ngúu' táang' jiuung' siñ' quiá'r- lí' laco' la litíng' dsea` Israel.

² Jo mi~ caliñi' Paa~ cóo'~gui Bernabé quiá'- jalé' e ni'e' i dsea` do, joba' eáam' lahuíng' casíng~ i Paa~ do cóo'~ i dsea` í. Joba' Paa~ cóo'~ Bernabé cali'íiñ^ cóo'~ cóo' tú~ máng'~gui dsea` quiá'- Dsea` Jmáang~ i jiéng' quiá'- e nidsisiñ~ e júu^ do fí Jerusalén.

³ Jo dsea` quiá'- Dsea` Jmáang~ i neáang' fí Antioquíabing' caguié' quiá'r-. Jo mi~ cangíiñ' fí lí~ se' Fenicia cóo'~gui Samaria, cajmea'r' júu^ jaléng' dsea` quiá'- Dsea` Jmáang~ i neáang' fí jo jial nicatú jaléng' dsea` i ja` líng' dsea` Israel e lamí~ qui' tñiñ' e jmiféiñ' diée' e laco' niteáaiñ~ teá' fí guiá~ cóo'~ Fidiée'. Jo jalém' i dsea` quiá'- Dsea` Jmáang~ do cali'íiáng' dsíir' mi~ canúur~ e júu^ do.

⁴ Jo mi~ caguiéng'~ Paa~ cóo'~ Bernabé fí Jerusalén colíng~ cóo'~ i dsea` caguiang~gui do, joba' i dsea` quiá'- Dsea` Jmáang~ i neáang' fí do cóo'~gui jaléng' dsea` cóong'~ quiá'r~ cóo'~gui jaléng' dsea` apóo^ ca'íiñ' i Paa~ do cóo'~gui Bernabé cóo'~gui i dsea` caguiang~ do fí jo. Jo Paa~ cóo'~gui dsea` caguiang~gui do cajmea'r' júu^ jaléng' i dsea` í jial cajmicóo'~ Fidiée' quiá'r~ quiá'- lajii'~ ta' e cangoliiñ' do.

⁵ Dsu' cóo' tú~ máng'~ dsea` Israel i líng' dsea` fariseo i nijá' calíng~ júu^ quiá'- Dsea` Jmáang~ caróor~ jo café'r' júu^ quiá'r~ jo cajíiñ'~:

—La guím' 'né' e jaléng' dsea` i ja` líng' dsea` Israel i líng' dsea` quiá'- Dsea` Jmáang~ nitó~ lí' fí ngúu' táang' jaléng' jiuung~ siñuú^ quiá'r~ lí' laco' litíng' jnea'^, dsea` Israel. Jogui la guím' 'né' e nihuí' ta' quiá'r~ e nijmiti~bre jalé' júu^ caguié~gui e quiu' ta' quiá'- Fidiée' e cajme' Moi~.

⁶ Jo caseám' yaang~ jaléng' i dsea` apóo^ do cóo'~gui jaléng' dsea` cóong'~ quiá'- dsea` quiá'- Dsea` Jmáang~ i neáang' fí Jerusalén. Jo caseáiñ' do e laco' casíiñ~ la'uiing~ laná'~ quiá'- e júu^ do.

⁷ Jo mi~ cangoyúung'~ e nicasíiñ~ lahuíng', joba' caróo~ Tú' Simón jo café'r' júu^ quiá'r~ jo cajíiñ'~:

—Dsea` rú'uu', dsea` quiá'- Dsea` Jmáang~, niñíb^ 'nú' e níngóob' eáang' ca'náang~ Fidiée' jnea~ jee~ 'nú' quiá'- e niguiaa~ jalé' juguiá~ quiá'r~ jee~ jaléng' dsea` i ja` líng' dsea` Israel e quiá'- jial nileáiñ' jee~ dsee~ quiá'r~, jo lajob dsea` í ni'uíiñ~ dsea` quiá'- Dsea` Jmáang~.

⁸ Jo Fidiée' dsea` cuíir' dsíi' lajaang~ lajaang~ dsea` jmigüi', jo cajméer' lí' e ím'bre i dsea` i ja` líng' dsea` góo'oo' dsea` Israel do, co' cacuø'reiñ' Jmiguí' quiá'r~ laco'gui nicacuø'r' jnea~aa', dsea` lí'íi' dsea` Israel, lajii'~ i ja' líng' júu^ quiá'r~.

⁹ Jo jii'~ cóo' ja' ee' cagui' Fidiée' fa' jnea~aa', dsea` Israel, lí'naa' jmaquíng' cóo'~ jaléng' dsea` i ja` líng' dsea` Israel, co' ca'ím~bre dsee~ quiá'iñ' do laco'gui ca'íiñ~ dsee~ qui' jnea~aa' la'eáang' e ja' lí'naa' jalé' júu^ quiá'r~ e ngocáng' dsi'naa'.

¹⁰ Jo lana, ¿jiali' ja' ja' líng'na' lajii'~ e nicajmée' Fidiée' quiá'- jial laang' dsea` jee~ dsee~ quiá'r~? 'Nú' iing~na' cuó'^na' i dsea` i ja` líng' dsea` Israel i ja' líng' júu^ quiá'- Dsea` Jmáang~ cóo' lee~ e jii'~ jnea~aa', dsea` Israel, o'gui 'lí' dsea` cóong' qui'ii' caquí'~naa' jmiñ~ casé^ee' quiá'- e niliti~ jalé' e júu^ quiu' ta' do.

¹¹ Jo nine~baa' e røøb' nicaláang~naa' jee~ jalé' dsee~ qui'ii' uíi' e eáam' guiúng~ Fí'naa' Jesús e jii'~ ja' catíi~naa' lajo, jo ja' e lí' su lí'íi' dsea` Israel osi o' lajo é.

¹² Jo dsifí mi~ cangoyúung'~ e café' i Tú' Simón do jalé' júu^ quiá'r~, tiib~ caguá' jaléng' i dsea` do; jii'~ cóo' jo' ee' cañiir'. Jo lajee~ jo cajmée' i Paa~ do cóo'~gui Bernabé júu^ quiá'- jalé' e guiá~ jogui jalé' lí' e quíi'~ jmiñ~ cajméer' jee~ jaléng' dsea` i ja` líng' dsea` Israel lajee~ cangir' lacaang' fí lí' jié'.

¹³ Jo dsifí mi~ cató' fé' i Paa~ do cóo'~gui Bernabé jalé' júu^ quiá'r~, dsifí lajob caróo~ Tiáa~, jo café'r' júu^ quiá'r~ cajo jo cajíiñ'~:

—Núu~na' jalé' júu^ quié~e, jaléng' 'nú', dsea` rú'naa' dsea` quiá'- Dsea` Jmáang~.

¹⁴ Nab nicajmea' i Tú' Simón na jnea~aa' júu^ jial mi~ canaang' Fidiée' e 'neáaiñ' jaléng' dsea` i ja` líng' dsea` Israel, jogui nicaguiñ' jee~ jaléng' dsea` í e laco' ni'uíiñ~ dsea` quiá'r~.

15 Jo lajaléb' e nicajíng' i Tú[^] Simón na lana, røøb` dseáng' lí' cóo' jalé' e cajme' jaléng' i dsea` i café' cuaiñ` quiá'- Fidiée' lajii~ lamali'gui eáang' lí' fé' lala:

16 Jo mi~ ningf e la, jnea~ Fidiée' nigáab'túu calé' catú'-

jogui nijmée'túu e 'na~ Davi'^ e nicaquí'~;

jogui nijmée'túu røø jalé' cuí'~ fiing' quiá'-,

jogui nijmi'ieeng'tu røø.

17 Jo nijmé-e jalé' e jo e laco' lajalém' dsea` i ja` líng' dsea` Israel nijmicuíñ` jnea~ fí' la'úng' fí' jmigüí'.

18 Jo jneab~ Fidiée' i nicajmijnéeng` jalé' e na lajii~ lamali' eáang',

jo nicacuø'baa júu^ quié-e e jmee-e jalé' e jo.

Jo lanab cajíng' Fidiée' fí' ni~ jì quiá'r-.

19 'Joba' fá' jnea~ e ja' 'né- nijmiguíng^naa' jaléng' dsea` i ja` líng' dsea` Israel i nicatú jalé' e quí'- tñiñ` lamí~ jéeng'gui e jmiféiñ' lí' doñí' ee', jogui lana nijmiféiñ' i Fidiée' i já'- do.

20 Jo masíng^naa' cóo` jì' quiá'r- lí~ niféeng'naa'r e jo` cuøøng` e jmeáiñ` ta~ jalé' e cacuø' dsea` jéng' i diée~ i o' já'- i jmiféiñ` do, có' na 'lib'^ jalé' e jo, jogui e niquiúm'-bre e éer` dsee- e güññ` cóo' dseañu' osi dseamí i o' quiá'r-, jogui e jo` nidó'-guir jmi'øøng- jó' o'gui ngu~ jó' 'lí~ i siyáang' jmi'øøng-.

21 Co' jaléb' e júu^ quiu' ta~ na quiá'- Fidiée' e cajme' Moi~ nica'íb` jaléng' dsea` quié' nifí' quiá'- guá'- quiá'- dsea` góo'oo' dsea` Israel fí' lacaang` sinúu^ guá'- quí'-ii' e téé- fí' la'úng- jee~ fi' laco' jmi~ mi~ tí' e jmi'íng'naa'.

22 Jo dsifí' mi~ cató' e café' i Tiáa~ do júu^ quiá'r-, lajalém' i dsea` apóo^ do cóo'~gui jaléng' dsea` cóøng' quiá'- dsea` quiá'- Dsea` Jmáang-, lí' lajaléng' dsea` quiá'- Dsea` Jmáang-, casññ` røø e ca'náañ` cóo` tú- míng' dsea` i nidsilíng- fí' Antioquía cóo' Paa- cóo'~gui Bernabé e nidsicar' e jì lí' toø` júu^ e casññ' do. Jo caguíñ' jaang` dseañu' i sií Judas Barsabás jogui jaang` i sií Silas, gáng- dseañu' i niing- eáang' jee~ jaléng' dsea` quiá'- Dsea` Jmáang-.

23 Jo lalab fé' e jì' e quié' i dsea` do mi~ cangolíñ`:

“Lajalé' jnea'^, dsea` apóo^, cóo'~gui jaléng' dsea` cóøng' quiá'- jaléng' dsea` quiá'- Dsea` Jmáang- i neáang' fí' Jerusalén la, guicóo'baa' jaléng' 'nú', dsea` rú'naa' dsea` quiá'- Dsea` Jmáang-, dsea` ja` líng'na' dsea` Israel jogui seeng'na' fí' Antioquía cóo'~gui laco' fi' lí' se' Siria cóo'~gui lí' se' Cilicia.

24 Nicalíneb~ jnea'^ e nica'uøøng` cóo` tú- míng' dsea` i seeng' fí' la latññ` yaaiñ~, jo nicangolíñ` e nicangojmigüíñ` 'nú' fí' na cóo' júu^ quiá'r-. Jogui nicajmigøøiñ` 'nú' e dseáng' 'né- e catím`ba' e nitó'na' lí' fí' ngúu' táang'na' lí' laco' lí' dsea` góo'oo' dsea` Israel cóo' jiuung~ siñu^ quiá'-, jo dsu' ja' 'né- jmee-na' lajo; jogui nicajmigøøiñ` 'nú' cajo e 'né- jmití'na' jalé' júu^ quiu' ta~ caguíee-gui e cajme' Moi~.

25-26 Joba' nicasñ~naa' røø lajalé'naa' la e nica'neáang^naa' jaang` gáng- dsea` lajee~ la'ó' jnea'^ e nidsilíñ` nidsi'eer~ 'nú' fí' na. Jo nijalíñ` colíng` cóo' i dsea` rú'naa' i 'neáang'naa' eáang' i sií Paa- cóo'~gui i sií Bernabé, gáng- dsea` rú'naa' i jiã` ja` mí' cajnga' dsea` quiá'r- uí'~ e guiar' júu^ quiá'- Fí'naa' Dsea` Jmáang-.

27 Jo nisíng'naa' fí' na cajo i Judas Barsabás cóo'~gui Silas la, jo íb` nijmeá'- 'nú' júu^ quiá'- jalé' e la cartí' quini^na' na.

28 Co' lajii~ e iing~ Jmiguí' quiá'- Fidiée' jogui jnea'^ cajo e nimí'naa' 'nú' e jo nijmée^gui' lajii~ e ta~ huí' e jíé' do:

29 Lico' 'né- e nitú'ba' e cø'^na' ngu~ jó' i nicacuøng' dsea` jaléng' i diée~ i o' já'- i ja' quí'~ jmi~ jmé- jii~ cóo', jo jo` cø'^na' jmi'øøng- jó' o'gui ngu~ jó' 'lí~ i siyáang' jmi'øøng-, jogui jo` ee'na' dsee- e güñng'na' cóo' dseañu' osi dseamí i o' quií'na'. Jo song núu'ba' jalé' e júu^ la, joba' guiáb- ni'ee'na'. Jo lanab jii~ lí' júu^ quí'-ii'. Jo güiliseem'ba' cóo' e guíá'-.”

³⁰ Jo dsifí mi~ cali'íing^ i dsea` quiúung- do, cangolíim-bre cóo~ i Paa- do cóo~gui Bernabé fí Antioquía, jo quiebre e jì e casíng^ i dsea` neáng' fí Jerusalén do. Jo dsifí mi~ caguiliñ- fí jo, dsifí lajob caseáin' jaléng' dsea` quiá'- Dsea` Jmáang- i seeng' fí jo, jo caja'bre i dsea` do e jì do.

³¹ Jo mi~ ca'í jaléng' dsea` quiá'- Dsea` Jmáang- e jì do, dsíng'- cali'íang` dsíir', co' jmang'- juguiáb- fé' e fí ni~ jì do.

³² Jo co' i Judas Barsabás cóo~ Silas do cangúin' quiá'- Fidié' quiá'r- e eáam' tuiñ' guiar' júu^ quiá'- dsea` do jee~ jaléng' dsea`, joba' mi~ café'r' júu^ quiá'r', cacuø'guireiñ' bí e laco' já'-gui niliñ' júu^ quiá'- Dsea` Jmáang-.

³³ Jo mi~ cangí jo, jaléng' dsea` quiá'- Dsea` Jmáang- juguiá- ca'í'r' júu^ i dsea` gáng- do, dsu' jí' i Judas Barsabás do cangáng'- tur fí Jerusalén, jo íb' quíee' juguiá- quiá'- jaléng' dsea` quiá'- Dsea` Jmáang- i neáng' fí Antioquía i caguíeng' ír' do.

³⁴⁻³⁵ Dsu' Silas cóo~ Paa- cóo~ Bernabé dobi cajer' fí Antioquía; jo fímbi dsea` quiá'- Dsea` Jmáang- i jiéng' caje' cóo'r- e guia'guir júu^ quiá'- Dsea` Jmáang- jee~ jaléng' dsea` i seeng' fí jo.

Mi~ catí tú- née' e cangí Paa- ta' guia' júu^ quiá'- Dsea` Jmáang-

³⁶ Jo mi~ lí cøøng'gui lajo, coo' jmii~ cajíng'- Paa- lala casí'r- Bernabé:

—Má- túu' calé' catú-, madsí'ee'naa' jaléng' dsea` rú'naa' dsea` quiá'- Dsea` Jmáang- i neáng' fí lajalé' fí lí nicangí'naa' e e'naa' jalé' júu^ quiá'- Dsea` Jmáang- lami~ jéeng'gui, jo dsine' duu' jial seeiñ' lana.

³⁷ Jo Bernabé lami~ iñ~ nijéiñ- calé' catú- i Juan Marcos do.

³⁸ Jo dsu' Paa- jo cali'íiñ' fa' cajéeng'neiñ' do, co' catúu- biñ' do quiá'r- lami~ jéeng'gui lami~ caguiliñ- fí coo' guoo' uø- lí se' Panfilia, jo jo' ee' cajmicóo~ i Juan Marcos do quiá'- Paa- ni~ e ta' do ie~ jo.

³⁹ Jo lahuim'jia eáang' casíng- i Paa- do cóo~ Bernabé uii~ quiá'- i Juan Marcos do. Jo e jo cajmée' e casojom-bre quiá'- rúin', jo Bernabé cajéeiñ' i Juan Marcos do, jo cangotáaiñ' dsíi' coo' móo', jo cangolíim-tur la tóo' ni~ jmiñí' cartí lí se' Chipre.

⁴⁰ Jogui i Paa- do cató'r- i Silas do i cangó- cóo'r-; jo mi~ cangoyúung' jo jaléng' dsea` quiá'- Dsea` Jmáang- caguíar' fí jaguó' Fidié' lajii' e ta' e nidsilíiñ- do, jo dsifí lajob cataiñ- fí.

⁴¹ Jo cangolíng-tur lacoo' fí lí se' Siria cóo~gui lí se' Cilicia e cuø'r' bí jaléng' dsea` quiá'- Dsea` Jmáang- i neáng' fí jo e laco' ja' nijmitúng- dsíiñ' lajii' fí guia- lí niteáaiñ- cóo~ Dsea` Jmáang-.

16

Mi~ cajmicóo~ Timoteo i Paa- do cóo~gui Silas

¹ Jo caguí'íib' Paa- cóo~ Silas fí Antioquía, jo caguiliñ- la'uii~ fí Derbe. Jo mi~ cangí jo, caguiliñ- fí coo'gui fí e siñ' Listra; jo fí job calicuiñ' jaang' dsea` i nilíng' dsea` quiá'- Dsea` Jmáang- i siñ' Timoteo, joo' jaang' dseam' dsea` Israel i líng' dsea` quiá'- Dsea` Jmáam- cajo, jogui tiquiáin' do dsea` griegob nilíiñ'.

² Jo jaléng' dsea` quiá'- Dsea` Jmáang- i seeng' fí Listra cóo~gui fí Iconio, guiab- fé'r' uii~ quiá'- i Timoteo do.

³ Jo cali'íing~ Paa- e nijéiñ- Timoteo fí lí dsiguiar~ júu^ quiá'- Dsea` Jmáang-, dsu' ná'-gui lajo cajmitib~ i Timoteo do lajii' e títng' dsea` Israel e tóor' lí fí ngúu' táang' lajii' dseañ', jo cajmээр' lajo e laco' ni'im' dsea` Israel laji' gaang' dsea` do cóo~ júu^ røø' fí lí niguiliñ-, co' jalém' dsea` seeng' fí jo ñir' e dsea` griegob líng' tiquiá' i Timoteo do.

⁴ Jo mi~ cangí jo, catam'-bre fí, jo lacoo' fí e ngúin', sír' jaléng' dsea` quiá'- Dsea` Jmáang- lajii' júu^ e quier' quiá'- dsea` apóo' cóo~gui jaléng' dsea` cøøng' quiá'- dsea` quiá'- Dsea` Jmáang- i neáng' fí Jerusalén.

5 Jø lajɔb eáang'gui já' calíng' i dsea` do júu` quiá' Dsea` Jmáang-, jø lacoɔ` jmiĩb` naang` dsifiñ'.

Mi` cangáng- Paa- jaang` dseañu` i seeng` fí Macedonia lafa' mi` quir'

6 Jø mi` cangí jø, Paa- cóo' i dsea` gáng' gui do cangim` bre fí li` se' Frigia cóo' gui li` se' Galacia, có' Jmiguí quiá' Fidié` ja` cacuø' fí ír' fa' e niguiár- júu` quiá' Dsea` Jmáang- fí li` se' Asia.

7 Jø caguiliñ- fí 'ni' li` iáng' cóo' Misia, có' fí job' í dsíir' e ningiñ- fí li` se' Bitinia, dsu' calé' catú- Jmiguí quiá' Fidié` ja` cacuø' fí ír' e ningiñ- fí jø.

8 Jø lajɔb cangiiñ` lacuee` li` se' Misia cartí caguiliñ- fí cóo' oo- jmiĩ li` sií Troas.

9 Jø fí job, cóo' uøø` i Paa- do cangáin- jaang` dseañu` i seeng` li` se' Macedonia e lafa' mi` quir', jø i dseañu` do siñ' fí quini` Paa- e mir' jmi'ee` jø jíñ': "Ngiing` fí Macedonia la, jø jmicóo'` jnea'`."

10 Jø mi` cangí e cangá- Paa- e jø lafa' mi` quir', dsifí lajɔb caguía- naa' guiú- qui- naa', jnea` Lucas cóo' gui Silas cóo' gui Paa-, jø cangó- naa' fí Macedonia, có' calitab` dsí' naa' e Fidié` bing' i catø- qui- naa' do e nidsiguia- naa' júu` quiá' Dsea` Jmáang- fí jø.

Mi` cangolíng` Paa- cóo'` Silas fí Filipos

11 Jø dsifí lajɔb ca'uøø- naa' fí Troas e téel- naa' dsí' móo', jø ngó- baa' condsée' fí cóo' guóo'` uø- li` se' Samotracia e née' guiá'` jóo' jmiñi'`. Jø mi` cajneá- lajɔ, caguie- naa' fí cóo' oo- jmiĩ li` sií Neápolis.

12 Jø fí job ca'uøø- naa' dsí' móo' cangó- naa' fí Filipos, cóo' fiĩ li` quiu' dsea` Roma ta~, jogui líí cóo' fiĩ e laniing- quiá' li` se' Macedonia cajo. Jø fí job cajá- naa' tú- 'ni' jmiñ'.

13 Jø lajee` taang- naa' fí do, cóo' jmiĩ lajee` e títng` dsea` góo- naa' dsea` Israel e jmi'íñ', ca'uøø- naa' cangó- naa' fí 'ni' fiĩ do quiá' li` iu` cóo' gua, có' fí job' í dsí' naa' e seáng' dsea` góo- naa' e féiñ' Fidié`. Jø mi` caguie- naa' fí jø, dob ca'lié- naa', jø canaang- naa' é' naa' júu` quiá' Dsea` Jmáang- jaléng' dseamí i caseáng' fí do ie` jø.

14 Jø jaang` lajee` i dseamí caseáng' do ie` jø nisiir` Lidia i niseeng` fí cóo' fiĩ li` sií Tiatira, jø jmóor` ta` 'ni' 'mi' e jlo'` eáang'. Jø i dseamí í eáang' jmféiñ' Fidié`, dsu' lajee` núur` júu` e guiá' Paa-, Fidié` cacuø'r' i dseamí do e cana' moguiñ' e laco' ni' íñ' lajii' e júu` e guiá' i Paa- do.

15 Jø mi` ca'íng' i dseamí do júu` quiá' Dsea` Jmáang-, jø cajgáam- bre jmiĩ cóo'` gui jaléng' dsea` sinúu` quiá'r- e laco' cuø' li` e ca'uiñ- dsea` quiá' Dsea` Jmáang-. Jø mi` cangí jø, cajíng' i dseamí do sí'r` jnea'`:

—Song 'nú' dseáng'` já' líng' na' e jnea` lín' n dsea` quiá' Fí' naa' Dsea` Jmáang-, ñilíng- na' fí quié- e jø fí job' nijá' na'.

Jø camí'r` jnea'` jmi'ee` e cajé' baa' fí quiá'r-.

Mi` cajnáng- Paa- cóo'` Silas fí dsí' 'nuñí'

16 Jø cóo' ya', lajee` ngóo- naa' fí li` seáng' dsea` góo- naa' e féiñ' Fidié`, jø lajee` ngóo- naa' fí jø cajíng' naa' jaang` simí i jmóo' ta~ quiá' fíir- e ja' e 'léeiñ-` jii' cóo'; jø i 'lim'` nijée' quiá' i simí do, jø la'eáang' cóo' i 'ling'` dob jmóor` jalé' e jmóor`. Jø jmóo' i 'ling'` do e lí' i simí do gui'r' e~ jalé' nilí dsa' ó' iée'. Jø cóo' e jøb' li' fiĩ i simí do jmiguia' cuu'.

17 Jø i simí í canaaiñ` tí' leáam` bre caluu' naa' jø fé'r` teá jø jíñ':

—Jaléng' i dseañu` la líiñ' dsea` i jmóo' lajii' e iing` Fidié` dsea` féng' dsea` ñíng', jogui guiar` júu` sí'r` jaléng' 'nú' jial nileáng' dsea` jee~ jalé' dsee- quiá'r-.

18 Jø yejib- dseáng'` fé' i simí do lajɔ, jogui lajee` jmiguia' b' jmiĩ cajo cartí mi` ningóo' guiá' 'níb' dsí' Paa-, jøba' cajíñ' casí'r- i 'ling'` i jée' quiá' i simí do jø cajíñ':

—La'eáang' cóo'` júu` quiá' Dsea` Jmáang- quiá' ta~ e júu' li` iuun' na.

Jø dsifí lajɔb catúu` i 'ling'` do quiá' i simí do.

19 Jo dsu' mi~ cangá~ i fi~ i simí^ do e jo` li~ nilí'guir cuu~ la'eáang' cóoiñ~ do, joba' casam~bre Paa~ cóo'~gui Silas, jo cangojeáang~neiñ' fí' quini~ dseata~ dseáng~ guiá^ jóo' e fi~ do.

20 Jo i dseata~ i guib cangojeéng~neiñ' fí' quini~ i dseata~ i quidsí' í', jo lalab cajíng~ i fi~ i simí^ do casí'r~ i dseata~ quidsí' í' do:

—I dsea` Israel la ngir' jmóor` ga` jee~ fi~,

21 jogui er` jalé' e ja` cuóøng` ni'íng~naa' o'gui nijmití^naa', jneaa~aa' dsea` lí'í' dsea` romano.

22 Jo canaang` dsea` fi~ e iñ~ nijmeám~breiñ' do, jogui i dseata~ quidsí' í' do caquiur' ta~ e ni'uóíñ~ do sí^ i dsea` do jogui nibóøng~neiñ' do cóo'~ sñ~.

23 Jo mi~ cangí e cabóøng~neiñ' do eáang', jo fí' dsí' 'nñí^ catáíñ' dsea` do, jogui caquiur' ta~ i dsea` i jmóo' í^ 'nñí^ e nijméiñ' í^ dseáng~ røøb` i dsea` sijnáng~ do.

24 Jo mi~ calíng~ i dsea` i jmóo' í^ e 'nñí^ do e júu^ jo, joba' catáíñ' i dsea` do cartí' a'gui dsí' e 'nñí^ do, jogui tíiñ~ do cacuíñ' cóo'~ tú~ 'ma` e dsí~ too`.

25 Jo ie~ uóø` guienúu` job, lajee` e Paa~ cóo'~gui Silas féiñ' Fidié~ jogui ør' e quiá~ jmfíiñ' Fidié~ cajo, jo i dsea` caguiaang~gui i sijnáng~ do lico' núu`bre,

26 jo lajee` job, coo` cajóob` uó~ e teá eáang' jo canaang` sojá~ tí~ fi~ quiá~ e 'nñí^ do. Jo dsifí' lajob cana` jalé' jn^ quiá~, jogui casojiáb` jalé' ñí^ cadena e 'ñúung~ jaléng' i dsea` sijnáng~ do.

27 Jo mi~ cajné~ dsí' i dsea` i jmóo' í^ 'nñí^ do jogui cangár~ e ni'óob' jalé' jn^ quiá~ e 'nñí^ do, joba' dsifí' lajob caguir' ñisú^ quiá'r~ e sí'í^ nijngáng~ 'ñia'r', co' í' dsí' e nicaláam~ jaléng' i dsea` sijnáng~ do.

28 Dsu' dsifí' lajob guicafé' Paa~ e teá eáang' jo guicajíñ~:

—Ja` e jmáang~ uó' jjí~ coo`, co' lab tée~naa' lajñ~naa'!

29 Joba' i dsea` jmóo' í^ 'nñí^ do camir' coo` jí, jo ca'ír~ güi'í' fí' dsí' e 'nñí^ do e jléiñ' dsu' e 'gó'r, jo mi~ caguiér~ li~ teáang~ dsea` do jo catúuiñ' uii~ tí~ i Paa~ do cóo'~gui Silas.

30 Jo mi~ cangí jo, ca'uóøm~breiñ' do fí' caluu~ jo cajmingí~reiñ':

—¿E~ 'né~ jmee~ e laco' nileáan`n jee~ jalé` dsee~ quié~e?

31 Joba' cañí' i dsea` do:

—Já~ güilín' júu^ quiá~ Fí'naa' Jesús jo ni'ím~ dsee~ quí'~ cóo'~gui dsee~ quiá~ jaléng' dsea` sinúu^ quí'~.

32 Jo canaaiñ' sí'guir dsea` do cóo'~gui dsea` sinúu^ quiáíñ~ júu^ quiá~ Fidié~.

33 Jo 'ñia' ie~ uóø` jo, i dsea` jmóo' í^ e 'nñí^ do cajméer` mñí' li~ sícuí' quiá~ i Paa~ do cóo'~gui Silas. Jo lí~ jo, cajgáang~ i dsea` jmóo' í^ 'nñí^ do jmñi colíng~ cóo'~ dsea` sinúu^ quiá'r~ e laco' cuø' li~ e ca'uúing~ jaléng' dsea` do dsea` quiá~ Dsea` Jmáang~.

34 Jo mi~ cangí jo, cató'r~ i dsea` gáng~ do fí' quiá'r~ jo cacuø'reiñ' e cagó'r'. Jo i dsea` í colíng~ cóo'~ dsea` sinúu^ quiá'r~ dsíng~ cali'íang` dsí'ir, co' jáb~ calíñ~ júu^ quiá~ Fidié~.

35 Jo mi~ cajneá~ lajo, i dseata~ i quidsí' í' do casíñ~ tú~ 'ni' mñng' í' quiá'r~ i quie' júu^ quiá~ i dsea` jmóo' í^ 'nñí^ do e nileáíñ~ Paa~ cóo'~gui Silas.

36 Jo lalab casí~ i dsea` jmóo' í^ 'nñí^ do Paa~:

—I dseata~ i quidsí' í' do nicasíñ~ júu^ quié~ e nilaam~ba' 'nú'. Jo nicuóøm` güilíng`na' juguiá~.

37 Joba' cañí' Paa~ quiá~ i í~ i quie' júu^ do:

—Caquiur' i dseata~ do ta~ e cabóøng~ dsea` jnea^, dsea` calisénaa' fí' lí~ quiur' dsea` Roma ta~, fí' jee~ dsea` fi~ e jíí~ ja` mí' caquidsir' í' quí~naa', jogui catáíñ' jnea^ 'nñí^; jogui lana iñ~ leáiñ~ jnea^ e ñng', dsu' ja` uónaa' cartí' güilíñ~ yaaiñ~ e ni'uóíñ~ jnea^ song lajo.

³⁸ Jō cangocóob` i hî~ do júu` fí lî~ neáng` dseata~ i quidsí` í` do. Jō mi~ canúur~ júu` e quieé` i hî~ do, cafóm`bre cō` e canúur~ júu` e dsea` i caliséng` fí lî~ quiu` dsea` Roma tab` líng` i dsea` gáng` do.

³⁹ Jō cangolíng` i dseata~ quidsí` í` do e ngomir` jmi`ee` fí quini` Paa~ cóo` Silas e nijméiñ` do féng` dsíir` quiá~ jalé` e calí` do. Jō mi~ cangî jō, ca'uøøm`bre jō camir` jmi`ee` dsea` do e ni'uøm`biñ` e fí jee` fiñ` do.

⁴⁰ Jō mi~ cangî e ca'uøøng` i Paa~ do cóo` gui Silas fí dsíi` 'nuñí`, cangolíim`tur fí quiá~ Lidia. Jō fí jōb cajíng`tu ruiñ` cóo` jaléng` dsea` quiá~ Dsea` Jmáang~, jōgui cacuø`guir bî dsea` do cajo. Jō ngî jō, ca'uøøm`bre e fí do, jō fí lî~ jiéb` cangolíñ`.

17

Mi~ cateáng` Paa~ fí Tesalónica

¹ Jō lajee` gui`nang` e teáng` Paa~ fí cóo` gui Silas, cangíñ` fí cóo` fiñ` e sii` Anfípolis cóo` gui Apolonia. Jō mi~ cangî jō, caguilíñ` fí cóo` fiñ` e sii` Tesalónica, jō fí jōb si` cóo` guá~ quiá~ dsea` Israel lî~ féiñ` Fidiéé`.

² Jō có` lajii~ e táng` Paa~ e dséer` fí guá~ quiá~ dsea` góor` dsea` Israel lacō` née` mi~ tí` jmiñ` e jmi`íng` jaléng` dsea` í, jō lajee` 'ní` semaan` casíñ` cóo` jaléng` i dsea` i caseáng` do cuaiñ` quiá~ jalé` e fé` fí ni~ jî` quiá~ Fidiéé` e cajme` dsea` malí` gui eáng`, jō sí`r` dsea` do

³ e dseáng` 'né`ba' e cajúng` i Dsea` Jmáang` do; jō mi~ cangî e cajúñ~, dseáng` 'né` e cajíb`tur. Jō casí`guir i dsea` do cajo jō cajíñ`:

—I Jesús nab i líng` Dsea` Jmáang~, i dsea` i laang` jneaa`aa' jee` dsee` quí`ii', jō júu` quiá~ i nab e ngî` jnea` guiaa` jee` 'nú`.

⁴ Jō i líng` dsea` Israel jáb~ calíñ` júu` e guia` i Paa~ do cóo` gui Silas, jō røøb` canaiñ` ngir` cóo` dsea` do. Jōgui fíim`bi dsea` griego i eáng` jmi`gō` Fidiéé` cóo` gui fíng` dseamî i laniing` quiá~ e fiñ` do, jáb~ calíñ` e júu` jō cajo.

⁵ Dsu` uíi~ e jō ca`uíng` e jaléng` dsea` Israel i ja` já~ líng` e júu` do, eám` calí` dsihuíñ` jōgui caliguiñ` quiá~ jaléng` i dsea` i calí` já~ líng` e júu` jō. Jōba' caseáñ` tú` 'ní` míng` 'ná` fí` i tá~ teáng` jee` 'núu` e lacō` i dsea` í nitá~r` mí~ jōgui nijmiguíñ` jaléng` dsea` i neáng` fí fiñ` jō. Jōgui lajōbi caguilíñ` fí quiá~ Jasón e 'náñ` Paa~ cóo` gui Silas e lacō` ni'uøøng` neiñ` do jō nitøø`reiñ` fí quini` dsea` fiñ`.

⁶ Jō có` ja` cadséng`guir i dsea` i síi` 'náñ` do, jōba' cató~r` Jasón laguidseaang` cóo` gui cóo` tú~ míng` gui dsea` quiá~ Dsea` Jmáang` i nineáng` fí jō ie~ jō, jō cató~reiñ` do fí quini` dseata~ e ta`r` mí~ jō fé`r` lala:

—I dseañu` do nica`léebre la`úng` fí jmi`güi` cóo` júu` e guiar` do, jōgui fí lab nicagüilíñ` lana e iñ` jmér` lajō.

⁷ Jō i Jasón na nica`íng` neiñ` fí sinúu` quiá~r~, jō lajim`bre ja` jmi`gōr` lajii~ ta~ quiu` dseata~ dsea` féng` romano, cō` fé`r` e seem` jaang`gui dseata~ dsea` féng` i sii` Jesús.

⁸ Jō mi~ canúu~ jaléng` dsea` fiñ` e júu` do cóo` gui jaléng` dsea` quie` nifi` quiá~ e fiñ` do, eáng`gui cató~r` mí~.

⁹ Jō cuub` caguia` i Jasón do cóo` gui i dsea` caguiaang` do fí quini` dseata~ e lacō` calí~r` catúu~tu i dsea` do quiá~r`.

Mi~ caguilíng`gui Paa~ cóo` Silas fí Berea

¹⁰ Jō mi~ canuu` ie~ jmiñ` jō, jaléng` dsea` quiá~ Dsea` Jmáang` casíñ` Paa~ cóo` gui Silas lajminá~ fí Berea. Jō dsifí mi~ caguilíñ` fí jō, cangolíñ` fí guá~ quiá~ dsea` góor` dsea` Israel lí` lacō`gui la líñ` jmóor`.

¹¹ Jō jaléng` i dsea` Israel i seeng` fí Berea eáng`gui iñ` ninúr~ júu` guia` dsea` do lacō`gui dsea` seeng` fí Tesalónica, jō lajmináb~ ca`íñ` e júu` jō, jōgui lacōo` jmiñb~ cuø`r`

bí e jmitíiñ jalé' e júu^ toq̄ fí ni~ jì quiá'- Fidiée' e gui'r su e jáb'- e júu^ e caguaí Paa^- do.

12 Jō lajee' i dsea` í, fíim'bre já'- calíñ- e júu^ jō, jogui lajobi fíim' dseañu` dseamí griego i niing- i seeng' fí jō jáb'- calíñ'- do júu^ quiá'- Dsea` Jmáang- e guía' i Paa^- do cóo'~ gui Silas.

13 Dsu' mi~ caliñí' jaléng' dsea` Israel i seeng' fí Tesalónica e nitáang' Paa^- e guiar' júu^ quiá'- Fidiée' fí Berea, joba' fí job cangolíñ- cangojméer' ga` cóo'~ jaléng' dsea` i seeng' fí jō.

14 Joba' dsea` quiá'- Dsea` Jmáang- i seeng' fí Berea cajméer' e lajmináb- cagüi'í' Paa^- fí jō, jō cangór- condsée' fí 'ni' jmiñí'^, dsu' fí Bereab cajé' Silas cóo'~ gui Timoteo lajee' jō.

15 Jō jaléng' dsea` quiá'- Dsea` Jmáang- i cóo'~ Paa^- cangolíim-bre cóoiñ~ do cartí' coo' fí e sii` Atenas. Jō mi~ cangí jō, caquim'- tur fí Berea jō niquíeer' júu^ quiá'- Paa^- e Silas cóo'~ gui Timoteo nidsilíñ- fí lí~ táang' Paa^- lajminá- .

Lajee' táang' i Paa^- do fí Atenas

16 Jō lajee' táang' i Paa^- do fí Atenas e sijeeiñ~ Silas cóo'~ Timoteo, fí'í' eáang' calíñ- , co' i dsea` seeng' fí Atenas do jie~ ja' latøng- fíib' jmfíeñ' jaléng' diée~ i o' já'- i ja' quí~ jmi~ jmé- jii'~ coo'.

17 Joba' eáam' tting' júu^ quiá'r- cóo'~ i dsea` góor' dsea` Israel cóo'~ gui jaléng' dsea` caguaiang- gui i jmi'gó' Fidiée' fí dsí' guá'- quiá'- dsea` Israel. Jō dseáng'- lacoo' jmi~ lacoo' jmi~b~ sñiñ` e júu^ do cajo cóo'~ jaléng' dsea` i seáng' fí guía' joo' fí quiá'- fí Atenas.

18 Jogui lajobi i ling~ dsea` i jmitíng' júu^ quiá'- Epicuro cóo'~ gui dsea` estoico i jmitíng' júu^ quiá'- Zenón, canaaiñ` sí' rúñ' cóo'~ Paa^- cajo, jō i ling~ i dsea` do fé'r jō sí' rúñ' lajee' yaaiñ` e éeiñ` Paa^- jō fé'r':

—¿E~ e fé' i dsea` cuee' mi'mí na?

Jogui fé' gui i caguaiang- gui do:

—Lí' dsea` seeng' lí~ jiéb' i na, jogui iñ~ nijmígóoiñ` dsea` cóo'~ jalé' e fé'r' na e quiá'- jaléng' diée~ i 'míng- .

Jō fé'r' e jō co' uí'~ e guía' Paa^- júu^ quiá'- Jesús, jogui jial mi~ cajméé' Fidiée' e cají'tu dsea` do jee~ jaléng' 'lí~ .

19 Joba' cajeeiñ` Paa^- fí coo' yú'^ cuo' lí~ sii` Areópago fí lí~ tting' jaléng' dsea` Atenas e seáiñ' e sñiñ` jalé' júu^ quiá'r- . Jō mi~ caguié- Paa^- fí jō, jō cajmíng' i dsea` do ír':

—¿Já^ cuøng' line~naa' e jalé' júu^ 'míng- e quié' 'nu' e e' jnea'^?

20 Co' fó' 'nu' jmang'- júu^ jiéb' jii, joba' ii~naa' e nilinee' e~ guøng' e júu^ jō.

21 Jō lajñng' i dsea` seeng' fí Atenas do cóo'~ gui jaléng' dsea` i jalíng- fí lí~ jié' i neáang' fí do, contøøm- tí dsíir' núur' jogui sñiñ` lajii'~ júu^ 'mí- e quié' lí'- doñí' ii'.

22 Joba' caróo- Paa^- jee~ jaléng' i dsea` i neáang' do e fí lí~ sii` Areópago, jō cajíñ'- cas'r- jaléng' i dsea` do:

—Lalab fí- i 'nú', dsea` seeng'na' fí la fí Atenas, e jalé' e móo'o quí- na' e líng'na' dsea` i eáang' jmiféng' fíng' diée~ .

23 Co' cangoyéé' e fí lí~ seáng' 'nú' e jmiféng'na' jaléng' diée~ quí- na', jō fí job cadsé' e coo' nife' lí~ toq̄ júu^ e fé' lala: “Diée~ i ja' mí cuíng' dsea`.” E jáb'- e fó' 'nú' quiá'- jaang' Diée~ i ja' cuíng'na', quiá'- íb' e nifí' gui jnea~ 'nú' lana.

24 Jō dsea` íb' i cajméé' la'úng- jmiçüi' cóo'~ gui jalé' e sea' fí jō. Jogui íb' i líng' fí jaléng' i neáang' fí yú'^ jogui cóo'~ jaléng' i seeng' fí jmiçüi' la, jogui ja' guíñ~ lí'^ doñí' jié' sinúu^ guá'- e cajme' dsea` jmiçüi',

25 o'gui 'né- e dsea` jmiçüi' nito' fíng' ír' osi i nijmicóo'~ ír' é, co' íbre cuø'r' jaléng' dsea` e jí'r jogui guí e cá' dsea` cóo'~ gui lajalé' gui e jié'.

26 'Co' cóo' jaang` dseañub` cajmeáaiñ` lajüing` dseá` i seeng` la'úng` fí` jmigüü` e laco' nigüear` fí` lacaang` guóo' uó` ; jogui quia'r` ta` jie` júi` seeng` dseá` fí` jmigüü`, jogui jie` fí` lí` catüing` nigüear`.

27 Jo cajmeáang` Fidiée` lajüing` jneaa`aa' e laco' ni'néeng`naa' dseá` do, jo niguiém`baa're song ni'néng`na're. Dsüco' e jáb' e ja` huüi` seeng` Fidiée` cóo' lajaang` lajaang` jneaa`aa'.

28 Co' la'eáang` Fidiée`ba' seé`naa' jí`naa' jogui ngi`naa' lí` laco'gui cajíng` i` lüing` dseá` góo`na' malí` i` jmo' júu` ie` mi` cajíñ` lala: "I siju` Fidiée`b` jnea`."

29 'Jo co' e já' e lí`na' dseá` siju` Fidiée`, joba' ja` cuøng` e í` óo`na' e Fidiée` líiñ` laco' jaléng` diée` i` jmáang` dseá` cóo' cunée` osi cóo' cutee` osi dseá` cuü` é, jo jmáang` dseá` jialco' iim`bre jaléng` í`.

30 Jo Fidiée` nicajmée`bre féng` dsír' malí`gui eáang` cóo' jalé` e laang` dseá` cóo'r`, dsü' lana niqiu'r` ta` lajüing` dseá` i` seeng` fí` la'úng` jmigüü` e niqiu'` jíng` yaaiñ` fí` quinir`, jo nitár` e jmóor` jalé` e ja` dseeng`, jo lajoba' ni'ling` Fidiée` dsee` quia'r`.

31 Co' Fidiée` nicatée`bre coo` jmí` e niquidsir` í` laco' sí` quia' jaléng` dseá` jmigüü` la'eáang` cóo' i` dseañu` i` caguíñ` 'ña'r` do; jo Fidiée` nica'e'r` jaléng` dseá` e jo mi` cajméer` e cají`tu` Dseá` Jmáang` jee` jaléng` 'lí`.

32 Jo mi` canúu` i` dseá` seeng` fí` Atenas do e fé` Paa` cuaiñ` quia' e jíb`tu` dseá` jee` jaléng` 'lí`, i` lüing` i` dseá` do lí` calóøm`bre Paa` jogui i` lüing`gui fé`:

—Cuøøm` lí` nú`naa' e fó` na coo`gui jmí`.

33 Jo lí` e jo, güi`b` Paa` fí` do.

34 Dsü' i` lüing`gui i` dseá` do jáb' calíñ` júu` e guia' i` Paa` do. Jo jee` í` quiéeng` jaang` dseañu` i` sií` Dionisio i` lüing` jaang` dseata` quia' Areópago, jogui jaang` dseamf` i` sií` Dámaris, jogui dseá` i` jiéng`gui cajo.

18

Lajee` táang` Paa` fí` Corinto

1 Jo mi` cangf` jalé` e jo, cagüi`b` Paa` fí` Atenas, jo cangór` fí` coo`fi` e sií` Corinto.

2 Jo job` calicuíñ` jaang` dseañu` i` lüing` dseá` Israel i` sií` Aquila i` niseeng` fí` coo`fi` lí` se' Ponto. Jo ie` jo ja` mi` ngóo` eáang` e nicagüilíng` i` Aquila do cóo'gui dseamf` quia'r` i` sií` Priscila e jalíñ` fí` Italia. Jo ca'uøøiñ` fí` jo co' i` dseata` quia' Roma do i` nisii` Claudio caquiur` ta` e 'né` uøm` jaléng` dseá` Israel fí` Roma lí` se' Italia. Jo coo`jmí` cangó` Paa` e cango'eer` i` Aquila do cóo'gui Priscila,

3 co' røøb` ta` óor` cóoiñ` do e jmo'r` 'nú`jiu` cóo' layaang` loo` jó' e laco' lí'r` e 'né`. Jo job` cajé` Paa` cóo' i` dseá` do e laco' nijmér` ta` colüing`.

4 Jo lacoo`jmí` mi` tí` e jmi'íng` dseá` góor` dseá` Israel, dsée` Paa` fí` guá`-jiu` lí` seáng` i` dseá` í` e féiñ` Fidiée`. Jo fí` job` féiñ` jaléng` dseá` Israel cóo'gui jaléng` dseá` i` ja` lüing` dseá` Israel e laco' já' nilíng` dseá` do júu` quia' Dseá` Jmáang` e guiar`.

5 Jo mi` caguilíng` Silas cóo' Timoteo fí` Corinto fí` lí` guíng` Paa` cóo' Bernabé e jalíñ` fí` Macedonia, jo i` Paa` do catábre e ta` jmóor` do, jo canaaiñ` e guiar` júu` quia' Dseá` Jmáang` lacoo`jmí` lacoo`jmí`, jogui sí'r` jaléng` dseá` góor` dseá` Israel e dseáng` já`ba' e Jesús líiñ` i` dseá` i` cajíng` Fidiée` i` nisíñ` fí` jmigüü` la lajüi` malí`.

6 Dsü' i` dseá` Israel do 'nib` cangáiñ` Paa`, jo canaaiñ` sí`reiñ` jmang` júu` ga`. Joba' Paa` cabó'r` 'lee` too` sí'r` e laco' cuø` lí` e ja` jíi` dseá` ír`, jo casí'r` i` dseá` i` ja` jíi` ír` do lala:

—Dsee` quí`na' yaam`ba' e nigüilíng`na' fí` lí` 'lí', dsüco'jo` e cuaiñ` quie`e. Latí`lanab nií`i` cóo' dseá` i` ja` lüing` dseá` góo`o` dseá` Israel e ni`é`ere júu` quia' Dseá` Jmáang`.

7 Jo mi` cangf` jo, cagüi`b` Paa` fí` dsíi` e guá`-jiu` do, jo cangór` fí` quia' jaang` dseañu` i` sií` Ticio Justo i` jmiféng` Fidiée` contøøng`, jo cáang` e guá'` dob` líi` quia'r`.

⁸ Jo jaang` fii` i nee` ni` e guá'` jiu do i sii` Crispo cóo`~ lajaléng` dsea` sináa` quia`r`- jáb`- calíñ` júu` quia`- Fí'naa' Dsea` Jmáang`-. Jogui lajobi` fíim` dsea` i neáang` fí` Corinto, mi` canúur` júu` quia`- Dsea` Jmáang`-, jáb`- calíñ`- joba' cajgáam`-bre jmií` e laco' cacuø` li` e ca'uiñ`- dsea` quia`- Dsea` Jmáang`-.

⁹ Jo cóo` uøø` cajmijnéeng` 'ñaia' Dsea` Jmáang`- fí` quini` Paa`-, jo e jo cangár`- lafa' mi` quir', jo cajíng`- Dsea` Jmáang`- casí`r`- dsea` do:

—Ja` jmoo` 'góo'` jii`~ capí`^, jo guia`gui júu` quie`- e jee` jaléng` dsea` jo ja` quiun`^ e jmoo` lajo.

¹⁰ Co' jnea` seem`-baa colíng`~ cóo`~ 'nu, joba' jii`~ jaang` dsea` ja` ii` lí` nijmeáng` 'nu` ga`. Co' fíim`bi` dsea` niseeng` e fí` fí` la i ni'uíng`- dsea` quie`-e.

¹¹ Jo fí` Corintob cajé` Paa`- cóo` jii` dsi` ca'ná`^ e e'r` i dsea` seeng` fí` jo jalé` júu` quia`- Fidié`.

¹² Jo cóo` nee`~ lajee` jii` e calíng`- jaang` dseañu` i sii` Galión dseata` dsea` féng` quia`- li` se' Acaya, jaléng` dsea` Israel i neáang` fí` do ie` jo casíiñ`- røø` e nijmér`- dsee` quia`- Paa`-. Joba' casang`-neiñ` jo cangojeáaiñ` fí` li` neáang` dseata` dsea` quidsí` í`.

¹³ Jo mi` caguiliñ` fí` jo, lalab casí`r`- i dseata` do jo cajíñ`-:

—I dseañu` dsea` góo`naa' la ngir` ta` jmigøøng` jaléng` dsea` quia`- jial e 'né`- niféng` dsea` Fidié`, dsu' ja` náu`r`~ lajii`~ júu` quia` ta` quí`-ii`.

¹⁴ Jo si'í` niñi` Paa`- e nisí`r` dseata` Galión lajii`~ e 'náng` i dsea` do ír`, dsu' jéeng`gui Galión cañir` quia`- i dsea` Israel do jo cajíñ`-:

—Song dseáng`- lahuíng` nica`ée` i dsea` na` o`si líng`~ ii` nicaingaiñ`' é, joba' catíng`- e niquidsii`- í` fa' lajo.

¹⁵ Dsu' e na` lí` lajii`~ júu` e catíng`-na' yaam`-ba' na quia`- lajii`~ júu` quia` ta` quí`-na', joba' yaam`-ba' catíng`-na' niguí`~na' e na, co' jnea` ja` iin`~n niquín`^n e júu` na.

¹⁶ Jo caquia` i dseata` do ta` e cagüi`ñb` Paa`- cóo`~ jaléng` i dsea` caguiaang`-gui e fí` li` quidsí` i dseata` do í`.

¹⁷ Jo lajíng` i dsea` i jmoo` dsee` quia`- Paa`- do casaiñ`- jaang`gui dseañu` i sii` Sóstenes i líng` fii` quia`- guá'` jiu quia`- dsea` Israel e si' fí` do, jo job cabøøiñ` i dsea` do fí` quini` li` neáang` i dseata` dsea` quidsí` í` do, dsu' ja` e jíng`- dseata` Galión jii`~ cóo` quia`- jalé` e jmoo` i dsea` do.

Mi` caquing`-tu Paa` fí` Antioquia

¹⁸ Jo mi` cangí` jo, huøø`-bi` cajé` Paa`- fí` Corinto. Jo mi` cangí`gui lajo, ca'í`bre júu` jaléng` dsea` quia`- Dsea` Jmáang`- i neáang` fí` do, jo cangolíñ` fí` cóo` oo`- jmií` e sii` Cencrea. Jo lajee` e taam`-bir fí` jo, catu`r` cuo` moguir` laco' tíng` dsea` góor` dsea` Israel e laco' niliti` lajii`~ júu` nicacuø`r` Fidié` lamí` jéeng`gui. Jo mi` cangí` jo, cangotáaiñ` fí` dsí` móo` colíng`~ cóo`~ Aquila cóo`~gui dseamí` quia`- í` i sii` Priscila jo colíim` cangolíñ` fí` li` se' Siria.

¹⁹ Jo mi` caguilíng`-tur e oo`- jmií` li` sii` Éfeso do, job caseáng` Paa`- i Aquila do cóo`~gui dseamí` quia`- i sii` Priscila, jo cangó`-bre 'ñaia`r` fí` li` si' guá'` jiu quia`- dsea` góor` dsea` Israel. Jo fí` job casíiñ`- cóo`~ jaléng` dsea` í` i caseáng` fí` do ie` jo.

²⁰ Jo i dsea` i siseáng` fí` guá'` jiu do casí`r`- Paa`- e fa' nijé`-bir huøø`- cóoiñ`~ do, dsu' Paa`- jo calí`iñ`.

²¹ Jo ca'í`bre júu` i dsea` do jo casí`r`-:

—'Né` e seem`-baa fí` Jerusalén e nití`- jmií` e nijaquieéng` fí` jo. Jo lí` jial ta` niquia`- Fidié` quie`-baa e nigáa`-túu e ga'ee` e 'ná` fí` la calé` catú`-.

Jo mi` cangí` jo, cagüi`ñb` Paa`- e fí` Éfeso do e iuiñ` fí` dsí` móo',

²² jo cangó`-tur fí` Cesarea, jo fí` job cajer` e laco' nicuø`r`- guicóo`~ jaléng` dsea` quia`- Dsea` Jmáang`- i neáang` fí` jo. Jo mi` cangí` jo, cangám`-tur fí` Antioquia, jo fí` job cajer` huøøb`-jiu.

²³ Jo mi~ li~ cøøng`gui lajo, cagüi`ñib`tur calé` catú` , jo cangi`tur laco` laco` fi~ e néé` fi` li` se` Galacia cõo`~gui li` se` Frigia e cuø`guir bí` jaléng` dsea` quiá`- Dsea` Jmáang` e laco` ja` nilitúng` dsíiñ` lajüi` fi` niteáaiñ` cõo`~ Dsea` Jmáang`.

Mi~ caguiá` Apolos júu` quiá`- Dsea` Jmáang` fi` Éfeso

²⁴ Jo ie~ jo caguié`- jaang` dseañu` dsea` Israel i sii` Apolos fi` Éfeso. Jo i dseañu` í` niseeiñ` fi` cõo` fi~ e sii` Alejandría e néé` li` se` Egipto. Jo dsea` do eáam` jlo`^ tiiñ` guiar` júu` jogui eáam` cuír` jalé` e fé` fi` ni` jì` quiá`- Fidiéé` e cajme` dsea` malü`gui eáang`.

²⁵ Jogui eáam` nicajmitüiñ` júu` quiá`- Fí`naa` Fidiéé` e cajme` dsea` í` , jogui dseáng`- e íáang` dsí`bre fé`r` , jogui dseáng`- røøb` er` e júu` quiá`- Jesús do, doñí` fa` jüi` e ñir` do e ca`e` Juan e quiá`- jial seáaiñ` dsea` jmü` lajee` cateáaiñ` fi` jmigüi` la, dsu` ja` ñir` e Jesús ca`er` e `né` sáaiñ` dsea` jmü` e laco` cuø` li` e lüiñ` dsea` quiá`r`.

²⁶ Jo i Apolos do canaaiñ` guiar` júu` quiá`- Dsea` Jmáang` dseáng`- fi` dsí` guá`- quiá`- dsea` Israel e jüi` ja` jáa` quiá`r` fa` 'gó`r`. Dsu` mi` canúu` i dseañu` Aquila cõo`~gui dseam` quiá`r` i sii` Priscila júu` e guia` i Apolos do, joba` cajéem`breiñ` fi` li` jié` jo casí`-reiñ` dseáng`- laco` la lí` e fi` e `né` cá` dsea` e laco` niliseeiñ` cøøng` cõo`~ Fidiéé`.

²⁷ Jo mi~ cang` jo, cali`iing` Apolos e ningüiñ` fi` li` se` Acaya. Joba` jaléng` dsea` quiá`- Dsea` Jmáang` i seeng` fi` Éfeso do eáam` cajmicõo`~reiñ` , jogui casíiñ` cõo` jì` quiá`- jaléng` dsea` quiá`- Dsea` Jmáang` i seeng` fi` Acaya do e laco` ni`íng`neñ` cõo`~ júu` røø` juguiá` . Jo mi~ cang` jo, cangó`-bre fi` jo.

Jo mi~ caguié` Apolos fi` Acaya, eáang` cajmicõo`r` jaléng` dsea` i calicuíng` Dsea` Jmáang` uíi` e eáang` guíung` Fidiéé` cõo`~ dsea` do.

²⁸ Co` fi` quini` jaléng` i dsea` i neáang` do sí`r` jaléng` i dsea` Israel e ja` í` dsíiñ` dseáng`- laco` catúng` , jogui se`r` teá` lajüi` e fé` fi` ni` jì` quiá`- Fidiéé` e dseáng`- já`-ba` e Jesús lüiñ` i dsea` i casíng` Fidiéé` fi` jmigüi` la e laco` nileáng` dsea` jee` dsee` quiá`r`.

19

Mi~ caguiéng`-tu Paa` fi` Éfeso

¹ Jo lajee` táang` i Apolos do fi` Corinto li` se` Acaya, jo i Paa` do cangüiñ` fi` li` lí` jee` mó` , jo caguié`-tur fi` Éfeso. Jo fi` job` cajíñ` i fíing` dsea` quiá`- Dsea` Jmáang` ,

² jo lalab cajmingi`- Paa` i dsea` quiá`- Dsea` Jmáang` do jo cajíñ`-:

—¿Su ca`íng`- `nú` Jmiguí` quiá`- Fidiéé` mi` já`- calíng`-na` júu` quiá`- Dsea` Jmáang`-?

Joba` cañí` i dsea` do jo cajíñ`-:

—Ja` mí` nú` jnea`^ jüi` cõo` ya` quiá`- e jo. ¿E`gui e jo?

³ Jo cajmingi`-tu Paa` i dsea` do jo casí`-reiñ`:

—¿E` uíing` quí`-na` mi` cajgáang`-na` jmü` jóng`?

Joba` cañí`-tu i dsea` do quiá`- Paa` jo casí`-reiñ`:

—Jnea`^ cajgáang`-naa` jmü` e caséé` Juan e laco` cuø` li` e caquí`- jíng` yee`-naa` fi` quini` Fidiéé`.

⁴ Joba` casí`-tu Paa` i dsea` do:

—Lajob` lí` , cõo` i Juan do caseáaiñ` dsea` jmü` lajüi` i caquí`- jíng` yaang` fi` quini` Fidiéé` ; jogui casí`-bir jaléng` dsea` í` cajo e `né` ni`ím`-biñ` do i dsea` i nijáa` cøøng`gui do mi~ nisóong` ír` ; jo dsea` íb` Jesús lana.

⁵ Jo mi~ canúu` jaléng` i dsea` i teáang` do lajo, dsifí` ladob cajgáaiñ` jmü` e laco` cuø` li` e ca`uíñ` dsea` quiá`- Dsea` Jmáang`.

⁶ Jogui mi~ caquidsí` Paa` guóor` fi` mogui` i dsea` do, dsifí` ladob ca`íng` i dsea` do Jmiguí` quiá`- Fidiéé` , jo canaaiñ` fé`r` jmü` e jié`gui laco` jmü` quiá`r` , jogui sñiñ` jalé` júu` e íñ` e jáa` quiá`- Fidiéé`.

⁷ Jo lajee` lajüing` i dsea` do tíir` guitúuiñ` yaang` dseañu`.

8 Jo mi~ cangf jo, lajee~ gaang` si', dsée' i Paa- do fi' guá'- quía'- dsea` góor` dsea` Israel, jo fi' job guiar' júu^ quía'- Dsea` Jmáang- e ja` gó'r' jii~ capí', jo sí'r' jaléng' i dsea` do jogui` nór' jial laco' já'- nilíng` dsea` do e iing~ Fidiéeb` quier' nifí quía'- jaléng' dsea`.

9 Dsu' i líng~ i dsea` do ja` jí'r~ e júu^ do o'gui iin~ já'- nilíin~ cajo. Jo canaaín~ fé'r' fi' quini~ jaléng' dsea` jíéng' e gab` jalé' e júu^ do quía'- jial cúing` dsea` Dsea` Jmáang-. Joba' Paa- cajmihuím- 'ñaia'r' jee~ i dsea` góor` do, jogui cajém`bre jaléng' dsea` quía'- Dsea` Jmáang- i caguaiang- do, jo cangojéeng`neiñ' fi' coo` escueel~ quía'- jaang` dseaña' i sii` Tirano, jo fi' job féiñ' i dsea` do júu^ quía'- Dsea` Jmáang- lacoo` jmii~ lacoo` jmii~.

10 Jo lajob cajméer` lajee~ tú- jiiing~, joba' jaléng' dsea` Israel cóo' gui jaléng' dsea` i ja` líng' dsea` Israel i neáang' fi' jalé' fi' e tée' li~ se' Asia canúur- júu^ quía'- Fíinaa' Dsea` Jmáang- e caguaia' i Paa- do.

11 Jo lajee~ jo i Paa- do jmóor` jalé' e quí'r~ jmii~ la'eáang' cóo'~ güea'^ e cangúin~ e cacuo' Fidié'.

12 Jo seem` dsea` quier' jalé' paay~ quía'r- osi jalé' sí'r^ fi' quini~ Paa- e fa' jii~ capí'b' nijnúng- dsea` do e 'mi' do, joba' i dsea` do nicóor' fi' quía'r- fi' li~ seeng` i dsea` dsée' do, jo cóo' e jo ni'leáam- i dsea` dsée' do lajii~ jmohuú' e líiin'. Jogui lajobi jaléng' dsea` i jée' i 'líng'^ quía'- dsihuím- jaléng' i quía'r- jo 'laám-bre.

13 Jo ie~ jo, i líng~ dsea` Israel i ngi' lacoo` fi' e jmicaaiñ~ e iin~ uóin~ i 'líng'^ i jée' quía'- dsea`, jo iin~ nijóor- su e já'- e uøong` i 'líng'^ i jée' quía'- dsea` la'eáang' cóo' júu^ quía'- Fíinaa' Jesús. Jo lalab canaaín~ sí'r' jaléng' i 'líng'^ i jée' quía'- i dsea` do:

—iLa'eáang' cóo' júu^ quía'- Jesús e guia' i Paa- do quía' u ta~ e uøong' na' li~ teáang' na' na!

14 Jo e jo cajmée' laji' guiáng- jóo' jaang` dseaña' Israel i sii` Esceva i nilíng' jaang` fi' jmidsea` quía'- dsea` Israel.

15 Dsu' coo` née' lajee~ ngir' ta~ jmóo' lajo, jo i 'líng'^ i jée' quía'- i dsea` do cañír' quíaín'- do jo cajín'-:

—Cuím` jnea~ Jesús, jogui ñi'bú i~ i sii` Paa- do, dsu' ja` ñii- ii` 'nú'.

16 Jo dsifí' ladob i dsea` i jée' i 'líng'^ quía'- do canaaín~ quiém'bre lahuím' jaléng' i jóo' Esceva do, jo dseáng'- lajim`biñ' do calí'r- caquiéin' co' dsíng'- bíin~. Jo cangolíim` i dsea` sihuíng' do fi' quía'r- mi~ cangf jo, dsu' ringúum`bre cangolíin`.

17 Jo lajiing` i dsea` Israel i neáang' fi' Éfeso cóo' gui jaléng' dsea` i ja` líng' dsea` Israel i neáang' fi' job cajo, caliñi'bre jalé' e calí- do ie~ jo, joba' eáam' cafóin'. Jo lajob ngóo' li'gong' júu^ quía'- Fíinaa' Jesús jee~ jaléng' dsea`.

18 Jogui fíim`bi jaléng' dsea` i já'- calíng- júu^ quía'- Dsea` Jmáang- ie~ jo caguilíin~ e róoiñ' dsee- quía'r- fi' quini~ jaléng' dsea` quía'- jalé' e ga' e nicajméer` lamí~ jééng' gui.

19 Jogui fíim`bi jaléng' dsea` i nicajmée' ta~ dsea` láang' lamí~ jééng' gui cajo caguilíin~ quier' jì quía'r- li~ too~ jalé' e 'li'^ e jmitíin~, jo cajír' fi' quini~ jaléng' dsea` i teáang- do ie~ jo. Jo mi~ caguo!- júu^ jial tí' 'móo' tée' e jì do, jmiguiab' eáang' cagü'íng', lí'^ lí cincuenta mil cuteeb`.

20 Jo lajob naang` ni' gui júu^ quía'- Fíinaa' Dsea` Jmáang- fi' la fi' na, jogui jmóo' e líin' dsea` cajo jial tí' 'gong' Fidié'.

21 Jo mi~ cangf e cangojée' jalé' e jo, joba' calí dsí' i Paa- do e nidsé-tur e nidsi'eer~ jaléng' dsea` quía'- Dsea` Jmáang- i neáang' fi' li~ se' Macedonia cóo' gui fi' li~ se' Acaya, jo e mi~ ningf jo, ningíin~ tí' Jerusalén. Jogui fé'bir cajo e mi~ ningf e dsér- fi' Jerusalén, dseáng'- 'né-ba' e dsér- tí' Roma.

22 Jo casíin~ gáang- dsea` quía'r- fi' li~ se' Macedonia, i do i sii` Timoteo jo jaang' gui i sii` Erasto, jo laji' huáaiñ- do jmóor' ta~ jmicoo' Paa-. Jo Paa- fi' dobi cajer' 'ñaia'r' lajee~ jo fi' li~ se' Asia.

Mi~ caliseá' mii~ fi' Éfeso

23 Jø ie~ jø, eáam' cató' dsea` mii'~ fí Éfeso uii~ quiá'~ e fíim' dsea` ca'uúing~ dsea` quiá'~ Dsea` Jmáang~.

24 Jø e mii'~ jø ca'uúing~ uii'~ jaang` dseañu'` i sii` Demetrio i nijmóo` ta~ cóo'~ layaang~ cutee`. Jø i dsea` i nijmóor` ta~ jmilíng~ guá'~ jia e líi' cóo'~ cutee`, jø e jøb guá'~ quiá'~ i diée~ i sii` Artemisa. Jø i Demetrio do jmiguiub' quír' e 'léeng'~ jaléng' i dsea` i jmóo` ta~ cóo'r~ do.

25 Jø cóo` néé'~ caseáin'` dsea` i jmóo` ta~ cóo'r~ colíng~ gui cóo'~ jaléng' dsea` i jmóo` ta~ e røøb'jia cóo'~ e ta~ jmóo` ír` do cajo, jø lalab casí'r~ jaléng' i dsea` do:

—Dsea` rú'uu', niñib` 'nú' guiá~ e la'eáang' e ta~ lab joba' guiáb~ sea` jalé' e 'né~ quí~ii'.

26 Dsu' laco'gui la júu` sea` jogui ne~naa' cajo e i Paa~ do ngir' fé'r' e jaléng' i diée~ i jmáang` dsea` cóo'~ guóor` ja` líiñ' dseáng'~ diée~ já'~; jø lajòb nicalí'r~ e nicaligøng` jaléng' dsea` i seeng` fí Éfeso la cóo'~ gui jaléng' dsea` i seeng` jie~ ja` latøøm~ lí se' Asia.

27 Jø lajii'~ e júu` e ngí' i Paa~ do fé'r', dseám'~ quí~ii' fíng ca'íng~ lajii'~ ta~ quí~ii' e sea`, jogui la quie'gui guá'~ quiá'~ i diée~ i sii` Artemisa do nitáb` dsea` e jmicuír', jogui nitáb` dsea` e jmi'gór` lajii'~ e 'gøng' i diée~ í, dsuco' latøøng~ lí se' Asia jmiféng' dsea` ír', jø jie~ ja` latøøng~ jmigüib` cajo.

28 Jø mi~ canúu~ jaléng' i dsea` i caseáng' fí do jalé' e jø, eáam' caliguiñ~, jø canaañ` oor` teá' jø fé'r':

—jEáang' 'gøng' diée~ Artemisa quí~ii' i jmiféng' jnea'^, dsea` Éfeso!

29 Jø eáam' cangogáang` dsea` cóo'~ jalé' e júu` jø, jogui canaang` catá'r` mii'~ latøøng~ e fii jø. Jø lajee` jø, lajim`bre casam'~ i dseañu'` i sii` Gayo cóo'~ Aristarco, gáng~ dseañu'` i seeng` fí Macedonia i nicóo'~ Paa~. Jø cajñúung`neiñ` do cartí caguiliñ` fí lí títng` dsea` e seáin'` colíng~ mi~ ee'go jmóor`.

30 Jø i Paa~ do cali'iiñ` e ni'ír' e niféiñ' i dsea` fíng' do, dsu' jaléng' dsea` quiá'~ Dsea` Jmáang~ ja` cacuør' fí lajò.

31 Jø jee~ i dseata~ dsea` féng' quiá'~ lí se' Asia do niquiéeng` cóo` tú~ máng'~ dsea` i niseeng` røø` cóo'~ Paa~, jø casiiñ` júu` e sí'reiñ' e guiá~ gui e ja` ni'í dsea` do e lí teáang'~ i dsea` fíng' do.

32 Jø lajee` jø, jee~ i dsea` fii` do, i líng~ dsea` fé'r` cóo` júu` jogui i líng~ gui e jie'gui, jø dsíng'~ téé'~ mii'~; jø fíim' i dsea` do jii'~ ja` ñir' e~ uúing~ e caseáin'`.

33 Dsu' i líng~ i dsea` do casí'r~ jaang` dseañu'` i sii` Jaang~ jalé' e calí~ ie~ jø, jø íbing' casíng` dsea` Israel fí quini` i dsea` fíng' do laguidseaang`. Jø mi~ caguiér~ fí quini` i dsea` fíng' do, jø cajméer` lí cóo'~ guóor` e laco' nifé'r' uii~ quiá'~ jaléng' dsea` Israel fí quini` jaléng' i dsea` fíng' do.

34 Dsu' mi~ calilí'^ i dsea` fíng' do e i Jaang~ do líiñ' dsea` Israel, dsíng'~ caliguiñ~ jø canaañ` oor` teá' lajee` tú~ oor~ jø fé'r':

—jEáang' 'gøng' diée~ Artemisa quí~ii' i jmiféng' jnea'^, dsea` Éfeso!

35 Jø mi~ casóong~jia e ta' dsea` mii'~ do, i tiji` quiá'~ e fí Éfeso do canaañ` féiñ' jaléng' i dsea` do jø cajíñ'~:

—Dsea` rú'naa' i seeng` fí Éfeso, jalém' dsea` seeng` fí jmigüi` ñir' e i dsea` seeng` fí la néé' nír' guá'~ quiá'~ i diée~ 'gøng' i sii` Artemisa la, jogui fí yá'~ jmigüib' lí catóin'` e líiñ' dsea` cuu~ jø catisiiñ'~ fí la.

36 Jø jii'~ jaang` dsea` ja` cuóøng` lí jín'~ e o' lajò e na, joba' catii~na' jø ja` e jmoo`na' jii'~ cóo` e ja` mí ca'í' óo`na' røø`.

37 Cø' laji` gáng~ i dseañu'` i nicajéeng` 'nú' fí la ja` e mí cajmeáin'` jii'~ cóo` guá'~ quí~ii', o'gui mí café'r' e ga' uii~ quiá'~ i sengfí~ quí~ii' do cajo.

38 Jogui song i Demetrio do cóo'~ gui jaléng' dsea` i jmóo` ta~ cóo'r~ do nicadsé'r` dsee~ quiá'~ i dsea` na, dob neáang` jaléng' dsea` i quidsí' í' cóo'~ gui lí 'niiñ' dsea` fíng ee'go

dsee⁻ røøng[^] dsea[;]; jø[^] fí[^] job[^] li[~] catíng⁻ e nijmér⁻ dsee⁻ fí[^] quini[~] i[^] dseata[~] í[^], jøgui[^] job[^] li[~] catíng⁻ e nijmi[']øng[^] yaaíñ[~] lajaang[^] lajaaíñ[^].

³⁹ Jøgui[^] song[^] sea[^]gui[^] júu[^] quié[^]na['] e jié[^], dob[^] cuøøng[^] lí[^] jmee⁻na['] fí[^] ni[~] fií[^] mi[~] seáng['] dsea[^] fiííñ[^].

⁴⁰ Jøgui[^] cóo[^] jalé[^] e nicalí⁻ na, eáam[^] dseáang['] quí⁻ii['] fíng[^] ií[^] cajmée[^] dsee⁻ quí⁻ii['] quiá⁻ jalé[^] e nicajmó[^]oo['], có[']ja[^] e uiing[~] sea[^] jíí[^] cóo[^] e nijmi[']øng[^] yee[~]naa['] fíng[^] calíngⁱⁱ e[~] uiing[~] quiá⁻ e nicató[^] dsea[^] mii[~].

⁴¹ Jø[^] mi[~] calí⁻ fé[^] i[^] tiji[^] do e júu[^] na, jø[^] ca[']fi⁻bre[^] júu[^] quiá⁻ jaléng['] i[^] dsea[^] siseáng['] do jø[^] cagüi[']fi⁻bre.

20

Mi[~] cangó⁻tu⁻ Paa⁻ fí⁻ Macedonia cóo[^] Grecia

¹ Jø[^] mi[~] casóong⁻ e ta['] dsea[^] mii[~] do, cató['] i[^] Paa⁻ do jaléng['] dsea[^] quiá⁻ Dsea[^] Jmáang⁻ e laco['] líng[~] ee[^] níféng['] neiñ[^] do. Jø[^] mi[~] cangí[^] jø[^], ca[']fi⁻bre[^] júu[^] i[^] dsea[^] í[^] jø[^] cangób⁻tur[^] fí[^] lí[~] se['] Macedonia.

² Jø[^] laco[^] laco[^] fií[^] e téé[^] fí[^] jø[^] cangór⁻ e dsi[']eer[~] jaléng['] dsea[^] quiá⁻ Dsea[^] Jmáang⁻ i[^] neáang['] fí[^] jø[^], jø[^] eáang['] jmicóo[^] reiñ['] cóo[^] jalé[^] júu[^] quiá⁻ Dsea[^] Jmáang⁻. Jø[^] mi[~] cangí[^] jø[^] caguiéb⁻tur[^] fí[^] lí[~] se['] Grecia,

³ jø[^] fí[^] job[^] cajer['] gaang[^] sí[^].

Jø[^] mi[~] cangí[^] jø[^], dseáng['] ni[']iuuiñ⁻ fí[^] e nisó[']r[^] móo[^] e nidsé⁻tur[^] fí[^] lí[~] se['] Siria mi[~] caliñir['] e jaléng['] i[^] dsea[^] góor[^] dsea[^] Israel do nicasiíñ⁻ røø[^] e líng[~] ee[^] nijmeáiñ⁻ i[^] Paa⁻ do. Jøba['] ca[']f[^] dsíí[^] Paa⁻ e caquim[']-tur[^] fí[^] guóo[^] uø⁻ jø[^] cangíng['] tur[^] calé[^] catú⁻ fí[^] Macedonia.

⁴ Jø[^] cóo[^]-bre[^] jaléng['] i[^] dsea[^] la: jaang[^] i[^] sii[^] Sópater dsea[^] i[^] seeng[^] fí[^] Berea, jøo[^] jaang[^] dsea[^] i[^] sii[^] Pirro; jøgui[^] Aristarco, cóo[^] jaang[^]gui[^] i[^] sii[^] Segundo i[^] seeng[^] fí[^] Tesalónica; jøgui[^] jaang[^]gui[^] i[^] sii[^] Gayo i[^] seeng[^] fí[^] Derbe; jøgui[^] Timoteo, jøgui[^] lajobi[^] Tíquico cóo[^] Trófimo, dsea[^] i[^] seeng[^] fí[^] lí[~] se['] Asia.

⁵ Jø[^] jaléng['] i[^] dsea[^] quiá⁻ Dsea[^] Jmáang⁻ la jéem[']bre[^] cangolíñ[^], jø[^] doguib[^] cajéeiñ[^] jnea['] cartí['] oo⁻ jmii[^] lí[~] sii[^] Troas.

⁶ Jøgui[^] jnea[^], Lucas, cají['] rú[']naa['] cóo[^] Paa⁻ fí[^] Filipos, jø[^] fí[^] job[^] ca[']uøø⁻naa['] cangó⁻naa['] e téé[~]naa['] dsíí[^] móo[^] mi[~] cangí[^] jmii[^] e gø['] dsea[^] iñí[^] e ja[^] quie[^] quiéeng[^]. Jø[^] lajee[^] ñiá[^] jmii[^] guiba['] caguié⁻naa['] cartí['] Troas, jø[^] fí[^] job[^] cataang⁻naa['] guié⁻ jmii[^]; jøgui[^] fí[^] job[^] cajo[^] cají['] rú[']naa['] cóo[^] i[^] dsea[^] caguiaang⁻ do.

Mi[~] cateáng['] Paa⁻ fí⁻ Troas

⁷ Jø[^] e jmii[^] la[']uii[^] quiá⁻ semaan[~] caseáng['] rú[']naa['] jaléng['] dsea[^] quiá⁻ Dsea[^] Jmáang⁻ e quiá⁻ niquiee[~]naa['] i[']naa['] colíng[~] e laco['] jmiguiéng['] dsi[']naa['] Dsea[^] Jmáang⁻. Jø[^] lajee[^] jø[^] café[^] Paa⁻ güí⁻ quiá⁻ fí[^] quini[~] dsea[^] i[^] caseáng['] e uøø[^] do. Jø[^] có['] iuung⁻ Paa⁻ fí[^] e nigüi[']fi⁻bre[^] mi[~] nijneá[^] e uøø[^] jø[^], jøba['] cueeb[^] júu[^] quiá⁻ r[^] cajmээр[^] cartí['] uøø[^] guienúab[^].

⁸ Jø[^] fí[^] job[^] téé[^]naa['] lajii⁻naa['] fí[^] cóo[^] 'núú['] yá[^], jø[^] fí[^] job[^] sea[^] jmiguiú['] ji[^] e jneá[^].

⁹ Jø[^] jee[~] jaléng['] i[^] dsea[^] do quiéeng[^] jaang[^] siming['] i[^] sii[^] Eutico, jø[^] i[^] siming['] í[^] dob[^] guiiñ[~] otoo[^] e núur[^] júu[^] guia['] Paa⁻. Jø[^] có['] eáam[^] cuee[^] júu[^] quiá⁻ Paa⁻ e café['] r[^], jøba['] cajá⁻ jaligüíng[^] i[^] siming['] do lajee[^] guiiñ[~] do, jø[^] caquiam[']-bre[^] e eáang[']. Jø[^] lajee[^] guing[~] i[^] siming['] do e güiiñ[^] lanab, cóo[^] catóm[']-bre[^] cartí['] ni[~] uø[^]. Jø[^] e otoo[^] tí[^] lí[~] catóíñ[^] do gui[^] tí[^] lí[~] catí['] ní['] fíng⁻ e 'núú['] do. Jø[^] mi[~] cangoseáng['] neiñ[^] do ni[']liim[~]biñ[^] do.

¹⁰ Jøba['] cajgáng⁻ Paa⁻ e lí[~] iuuiñ⁻ guiar['] güí⁻ do, jø[^] cangoseáiñ[~] i[^] siming['] do, jø[^] carøøng[^] neiñ[^] do jø[^] cajíñ⁻ casí['] r[^] i[^] dsea[^] quiá⁻ Dsea[^] Jmáang⁻ caguiaang⁻ do:

—ja['] føøng[']na['], dsea[^] rú[']naa[']! Có['] jíb[']tu[^] i[^] siming['] la.

¹¹ Jø[^] mi[~] cangí[^] e caseang['] Paa⁻ i[^] siming['] do, cajgóob⁻tur[^] fí[^] lí[~] iuuiñ⁻ guiar['] júu[^] fí[^] lí[~] catí['] ní['] fíng⁻ e 'núú['] do. Jø[^] fí[^] job[^] caffíñ[^] iñí[^], jø[^] caquiee[~]naa['] colíng[~]. Jø[^] mi[~] calí⁻ e jø[^],

canaam`tur fé'r júu` quiá'r` cartí' cajneá` e uóø` jø. Jø mi` calí` e jø, jø ngí` jøguiba' ca'ír` fí` cangór`.

12 Jø mi` catø` dsea` sinúu` quiá'- i siming` do fí' quiá'r` e nicajíb`'túiñ', jøba' eámá' cali'íang` dsíí' jaléng` i dsea` do.

Mi` cagüi'í' Paa` fí' Troas jø cangór` fí' Mileto

13 Jø mi` cangí` jø, jnea`^ cóo` i dsea` cagüiaang`-gui do cangojéem`baa' quiá'- Paa` e téé`-naa' dsíí' móo' cartí' cagüié`-naa' tí' cóo` fíi` e sii` Aso. Jø fí' jøguib` si'í' e dsitee`-naa' Paa` laco' nicasi`-naa' røø` jéeng`gui, có' 'ñia'r` cali'íiñ` e cangór` e ngír` la tóo` ni` guóo`^ uó`.

14 Jø mi` cají`- rú`-naa' cóo`-r` fí' Aso, jø calí`-bre dsíí' móo' lí` téé`-naa', jø cangó`-baa' fí' fíi` lí` sii` Mitilene.

15 Jø mi` cangí` jø, ca'uøø`-baa' fí' Mitilene, jø mi` cajneá` e jmi` cóo`-gui do, cangüing`-naa' fí' quini` e fíi` e sii` Quío. Jø mi` catí` tú`- jmi` lajø, cangüing`-naa' cóo` ni` guóo`^ uó`-jiu e néé' ni` jmiñí`^ e sii` Samos. Jø cóo`-gui jmi` cali'íi`-naa' e téé`-naa' fí', jøguiba' cagüié`-naa' fí' Mileto.

16 Jø cajmó`-naa' lajø, có' i Paa` do ja` cali'íiñ` ngór` fí' Éfeso ie` do lí`^ laco' ja` niquíiñ` eáang` e dsér` fí' lí' se' Asia, dsuco' iñ` e niguieíñ` lajmináb` fí' Jerusalén e nidsitiñ`^ jmi` Pentecostés e tí' fí' jø.

Júu` güi` e cacuø` Paa` fí' quini` dsea` cóøng` i seeng` fí' Éfeso

17 Jø lajee` táang` Paa` fí' Mileto, catø`-r` jaléng` dsea` cóøng`^ quiá'- dsea` quiá'- Dsea` Jmáang` i neáang` fí' Éfeso e nidsiliñ`- do fí' lí` táaiñ` fí' Mileto.

18 Jø mi` caguilíng`- jaléng` i dsea` cóøng`^ do, jø casí`-reiñ` jø cajíñ`-:

—Ñíb` 'nú` guíá`- jial guíá`- nica'ee` cóo`^ jaléng` 'nú` latí' mi` cagüén`-n fí' la fí' lí' se' Asia.

19 Jøgui contøøm` nicangí`- jee` 'nú` e jmóo`-o lajji`^ e iing` Fíi`-naa' Dsea` Jmáang`-, jøgui e ja` jmiféng`^ 'ñiá`-a, jøgui e jiuung`- dsi`-baa cóo`^ jalé` e lami` iing` dsea` góo`-o dsea` Israel nijmeáiñ` jnea` uíi`^ e guiaa`- júu` quiá`- Dsea` Jmáang`-.

20 Dsu' ja` catú` e guiaa`- jalé` e júu` na, có' jmang`^ jalé` júu` e guíá`- quíi`-ba' e nica'ée`-e 'nú` lacaang`- jee` dsea` jøgui cajo lacaang` sinúu` quíi`-na'.

21 Jø eáang` nicafíi` i jaléng` 'nú`, dsea` líng`-na' dsea` góo`-o dsea` Israel, cóo`^ gui dsea` i ja` líng` dsea` Israel, e niquíi`- jíng`- yaang`-na' fí' quini` Fidiée` jøgui e já`- nilíng`-na' júu` quiá`- Fíi`-naa' Dsea` Jmáang`-.

22 Jøgui lanagui nii`-i fí' Jerusalén laco' ta` quiu` Jmiguí` quiá`- Fidiée` e jíi`- ja` ñii`- ee` nisijéé`- quíe`-e jøgui ee` nidsingün`-n fí' jø.

23 Jø lajji`^ e ñii`- e laco` fíi` lí` níi`-i, jmab` jnea` júu` Jmiguí` quiá`- Fidiée` e nisijéé`^ 'nuñí` quié`-e osi jalé`- iihuí` e jíé`-gui é.

24 Dsu' ja` e lí' quié`-e e seen`- tá`- e júun`-n dsu' lífa' e jmiti`-baa jalé`- e ta` na e íaang` dsii`-, lajji`^ ta` e calín`-n quiá`- Fíi`-naa' Jesús e nijmiti`-baa car` cató' cóo`^ jalé` ta` guíá` júu` e Fidiéeb` dsea` nijmi`-neáaiñ` jneaa`-aa' nañí' fa' ja` catíi`-naa' e jø.

25 Jøgui lana ñiñi`-baa e jíi`^ jaang` 'nú` jø nimáang`-gui jnea` calé`- catú`- fí' jmigüí` la, dsu' lajee` táan` cóo`^ 'nú` nicanúu`-na' júu` e guiaa`- quiá`- jial iing` Fidiée`- quier` nífi` quiá`- jaléng` dsea` jmigüí`.

26 Jøba' iin`-n fíi`-i 'nú` lana, jaléng` dsea` cóøng`^, e song seeng` 'nú` i ja` cajmicuíng` Dsea` Jmáang`-, jøba' o' dsee`- quíe`-e song lajø.

27 Dsuco' lajib` júu` quiá`- Dsea` Jmáang`- e si'í` guiaa`- jee` 'nú` nicajmiti`-baa, jø jíi`^ cóo` fa' cajmé`-e e ja` cajmitii`-.

28 Jø lajøb eáang` 'né`- ñiing`- óo`-na', jøgui jmee`- í` yaang`-na' cóo`^ gui lajaléng` dsea` i líng` dsea` quiá`- Dsea` Jmáang`- lí`^ laco' gui ta` nicaquiá` quií`-na' Jmiguí` quiá`- Fidiée` e

nilíng'na' laco' dsea` jmóo` í` guiá- jo'se' quiá'- . Jo lajob 'né- nijmee-na' í` jaléng' dsea` quiá'- Dsea` Jmáang-, co' la'eáang' cóo~ jmi'øøiñ- 'ña'r' dob e ca'uíng-na' dsea` quiá'r- .

²⁹ Jo niñib' jnea~ e mi~ ningf e ninín'n do, nijalíng- dsea` jiéng'gui i iing~ nijmigóøng` 'nú', jo i dsea` í` lñiñ' laco' ie'dsinúu^ i ni' oo- i iing~ nijmiguiéeng` quiá'- jaléng' dsea` e laco' nitiúung- dsea` Dsea` Jmáang- .

³⁰ Jo lajee` yaam~bi' nigüéang' i líng~ 'nú' i ni'é- júu^ e o' já'- e laco' nijmigóøng'na' dsea` quiá'- Dsea` Jmáang- e nijmitir~ e júu^ e o' já'- do.

³¹ Joba' 'né- e siñiim` áa'na' contøøng-; jogui téé' óo'na' e lajee` 'ni' jii` e calisé'n cóo~ 'nú', dseáng' ja` catu e fñn'n 'nú' jalé' juguiá- júu^ røø` cartí' qui' baa uii~ qui'na' na.

³² Jogui lana, dsea` rú'naa', nijáan~n 'nú' fí' jaguó' Fidiéé` jogui cóo~ jalé' júu^ e iáang` dsí' quiá'r- . Co' jii~ íb` dsea` lí'r' e jmicóo'r- 'nú' e laco' nilicuíng'gui' Dsea` Jmáang- , jogui nicuó'r- 'nú' jalé' e sí'í' nicuó'r- 'nú', dsea` líng'na' dsea` güeang'^ quiá'r- , lí' laco'gui jii~ júu^ e nicacuó'r` jéeng'gui.

³³ Dsu' ja` e mí' camá' i 'nú' jii~ cóo, o'gui cuu- o'gui 'mi'.

³⁴ Jo ja` cajmé- e lajo, co' niñib- 'nú' guiá- e cajmé- e ta` cóo~ layaang~ guóo'baa e laco' sea'ba' jalé' e 'né- quié- e cóo~ gui jaléng' dsea` i ngí' cóo~ o' cajo.

³⁵ Jo contøøm- nica'éé- e 'nú' e lajob 'né- nijmee-na' ta~, jogui e jmicóo~na' jaléng' dsea` 'né- quiá'- lajo, jo lajee` jo jmi'guiéng' óo'na' lajii~ júu^ e cajíng'- Fí'naa' Jesús lajee` táaiñ' fí' jmi'guí' la mi~ cajíñ'- lala: "Juguiá- gui quiá'- i dsea` i líng~ ee'go cuó'r' dsea` rúíñ' laco'gui i dsea` i líng~ ee'go íng' quiá'- dsea` rúíñ'."

³⁶ Jo mi~ cangf e cajíng'- Paa- jalé' e júu^ na, jo casí'r' uó- jnir~, jo caféiñ' Fidiéé` cóo~ jaléng' i dsea` caguiaang- do.

³⁷ Jo lajiiim` i dsea` do calijiuung~ dsíir` jogui canaaiñ` røøiñ` Paa- jogui casá'r- guoo` dsea` do,

³⁸ jogui eáam'bi' fí'í' calíiñ- cajo, co' e cajíng'- Paa- e jo` niníng- gui rúíñ' cóo'iñ~ do. Jo mi~ cangf jo, cangojeáam^ i dsea` do Paa- cartí' lí' ca'í- dsea` do fí' dsí' móo'.

21

Mi~ cangáng'- tu Paa- fí' Jerusalén

¹ Jo ie~ jo, dob ca'í'naa' júu^ jaléng' dsea` quiá'- Dsea` Jmáang- i seeng` fí' jo, jogui jnea' cangó- baa' condsée' fí' cóo` guoo~ uó- jiu e née' ni~ jmiñí'^ e sií' Cos e téé'naa' fí' dsí' móo'. Jo mi~ cajneá- lajo, caguié- naa' fí' Rodas. Jo fí' job ca'uøø- naa' e cangó- naa' fí' Pátara.

² Jo fí' job cajíng'naa' cóo` móo' e ía~ fí' ngóo' fí' lí' se' Fenicia, joba' cóo~ e job cangó- naa'.

³ Jo lajee` ngóo'naa' ladob cane'naa' Chipre e née' ni~ jmiñí'^, jo cajé' lí' lí' guoo'naa' tuung~ mi~ cangíng~naa' fí' jo. Jo cangó- baa' cartí' lí' se' Siria. Jo co' e móo' do ngóo' ngocá' lee~ fí' cóo` oo- jmiñ' lí' sií' Tiro e née' lí' se' Fenicia, joba' cóo~ e móo' job cangó- naa'.

⁴ Jo e fiñ' job cajíng' rú'naa' cóo~ jaléng' dsea` quiá'- Dsea` Jmáang- i neáang' fí' jo, jo cóo~ íb` cajé'naa' lajee` guié- jmiñ~ . Jo Jmiguí' quiá'- Fidiéé` nincasí'- i dsea` í' e laco' nijmeaiñ'- do júu^ Paa- e ja` nidsé- dsea` do fí' Jerusalén co' dseáam~ quiá'r- .

⁵ Jo mi~ casúung- e guié- jmiñ~ do, ca'uøø- baa' colíng~ cóo~ jaléng' dsea` quiá'- Dsea` Jmáang- i neáang' fí' jo, jo jéeiñ' latøøng- sinúu^ quiá'- bre cangojeáaiñ^ jnea' fí' 'ni' jmiñí'^, dseañu' cóo~ jaléng' dseam^ quiá'r- jogui jaléng' jiuung~ quiá'r- , jo colíim~ ca'uøø- naa' catí' 'ni' fí' do. Jo mi~ caguié- naa' fí' 'ni' jmiñí'^, lajalé'naa' do casí'naa' uó- jni'naa', jo caféeng'naa' Fidiéé'.

⁶ Jo lí- jo, ca'í' júu^ rú'naa', jo mifíng` casó'baa' dsí' móo', jogui i dsea` do caquim'- tur cangolíñ' fí' quiá'r- .

7 Jo mi~ ca'uøø~naa' fi' Tiro, jo caguié~naa' fi' Tolemaida. Jo fi' job cató' e ngi~naa' cóo'~ móo'. Jo fi' job cajo caféeng'~naa' jaléng' dsea` quiá'- Dsea` Jmáang~ i neáang' fi' jo, jo cajé^baa' cóo'r~ cóo' jmi~.

8 Jo mi~ cajneá~ lajo, ca'uøø~baa' fi' Tolemaida, jo caguié~naa' fi' Cesarea. Jo mi~ caguié~naa' fi' jo, cangó~naa' fi' quiá'- i Lii~ do, dsea` i guia' júu^ quiá'- Dsea` Jmáang~ i quíng'~ jee~ dsea` guiáng~ i jmicóo'~ dsea` i óo' ta~ quiá'- Fidié~, jo fi' job cajé^naa' cóo'r~.

9 Jo i Lii~ do niseeng' quiúung~ jóor' simí' i nicangíng' e jmóor' ta~ fé' cuaiñ~ quiá'- Fidié~.

10 Jo ningóob'~ jiu jmi~ e taang~naa' fi' do mi~ caguié~ jaang' dsea` Israel i jáa' fi' Judea i nisii' Agabo; jo i dseañu' i ni'óor' ta~ e fé'r' cuaiñ~ quiá'- Fidié~.

11 Jo mi~ cangoquiéng' i dsea` do fi' quini~naa', jo catúñ~ e 'mi' e 'ñúu' tu' Paa~, jo cóo'~ e job ca'ñá'r' guóor' cóo'~ tíir~ jo cajíñ'~:

—Lalab nicajíng'~ Jmiguí' quiá'- Fidié~ e ni'ñúng' dsea` góo'oo' dsea` Israel i fii~ quiá'- e 'mi' 'ñúu' tu' la, jogui nijáiñ' dsea` do jaguó' jaléng' dsea` i ja lúng' dsea` Israel.

12 Jo mi~ caná^naa' e júu^ na, jnea^ colíng~ cóo'~ jaléng' dsea` quiá'- Dsea` Jmáang~ i neáang' fi' Cesarea, jo camí~naa' Paa~ jmi'ee' e laco' ja' ni'ír' fi' e nidsér~ fi' Jerusalén.

13 Dsu' Paa~ cañíir' jo cajíñ'~:

—¿Jialí' jiuung~ óo' 'nú' uii~ quié~ jnea~, jogui jmáang'~na' jnea~ e lúñ~ n fi'í'? Co' ja' e líí' quié~ jnea~ e ni'ñúng' dsea` jnea~, co' ja' 'gó'o e cartí' jngám'~ bre jnea~ fi' Jerusalén song lajo uii' e jmóo'o ta~ guia' júu^ quiá'- Fii'naa' Jesús.

14 Jo co' ja' calí'~guí' e ca'í~ júung' Paa~ fa' e ja' nidsér~ fi' Jerusalén, jo jíí'~ e laba' casí'~guí'r':

—Güilb' lajíí'~ e iing~ Fidié~ cóo'~ 'nú'.

15 Jo mi~ cangí e jo, caguiá^baa' guiá~ qui~naa', jo cangó~baa' colíng~ cóo'~ Paa~ fi' Jerusalén.

16 Jo cangolíim~bi cóo'~ jnea^ cóo' tú~ máng'~ dsea` quiá'- Dsea` Jmáang~ i neáang' fi' Cesarea.

Jo mi~ caguié~naa' fi' Jerusalén, jo cangojé^naa' fi' quiá'- jaang' dseañu' i nilíng' dsea` quiá'- Dsea` Jmáang~ lajíí'~ líí~, jo siir' Mnasón, jaang' dsea` i seeng' fi' lí' se' Chipre.

Mi~ cango'ee' Paa~ i Tiáa~ do

17 Jo mi~ caguié~naa' fi' Jerusalén, jaléng' dsea` quiá'- Dsea` Jmáang~ i neáang' fi' jo ca'íñ' jnea^ e iáang' dsíir'.

18 Jo mi~ cajneá~ lajo, cangób~ Paa~ cóo'~ jnea^ e cango'ee'naa' i Tiáa~ i quie' nifi' quiá'- dsea` quiá'- Dsea` Jmáang~ fi' Jerusalén. Jogui ie~ jo, fi' job siseáng' jaléng' dsea` cóong'~ quiá'- Dsea` Jmáang~ cajo.

19 Jo mi~ caguié~naa' quiá'- i dsea` do, cacuø' Paa~ guicóo'~ jaléng' i dsea` siseáng' do. Jo mi~ cangí jo, casí'~ reiñ' la'uiing~ laná'~ jalé' e cajmée' Fidié~ cóo'~ ír' lajee' e caguiar' júu^ quiá'- Dsea` Jmáang~ jee~ jaléng' dsea` i ja lúng' dsea` Israel.

20 Jo mi~ canúu~ Tiáa~ cóo'~ jaléng' dsea` cóong'~ do jalé' e guiá~ e cajmée' Paa~ la'eáang' cóo'~ güea^ quiá'- Fidié~ jo canaaiñ' jmfieñ' Fidié~. Joba' casí'r' Paa~ jo cajíñ'~:

—Lajob líí', ruu'. Niñíib' 'nú' e lajee' dsea` góo'oo' dsea` Israel, i lí' lí' milbing' i nijá' calíng~ júu^ quiá'- Dsea` Jmáang~, jo lajíim' i dsea` i jmo'r' 'goo' jo fé'r' e dseáng'~ guíim'ba' 'né' e nijmití'bí' jalé' júu^ quiu' ta~ e casée' Moi'.

21 Jogui nicajméeb' i dsea` na júu^ e 'nú' nica'ée'~ jaléng' dsea` Israel i seeng' jee~ dsea` i ja lúng' dsea` Israel e jo 'né' nijmitir~ lajíí'~ júu^ quiu' ta~ quiá'- Fidié~ e cajme' Moi~, jogui nicasí'~re e ja 'né' tér~ lí' fi' ngúu' táang' jiuung~ siñuú^ quiá'r~ lí' laco' litíng' jaléng' jnea^, dsea` lí'íí' dsea` Israel, o'gui 'né' jmitir~ jalé' e tíí'naa', dsea` líí'naa' dsea` Israel cajo.

22 Jo ¿e~gui' nijmó'oo' jóng? Co' niliñib' jaléng' dsea` góo'naa' la e nicagüén'~ fi' la.

23 Jo jii~ mii~ laba' sea` e 'né~ jmée'^ lala: Lana seeng` quiúung~ dseañu' jee~ jneaa~aa' e iin~ nijmitir~ lajii~ júu^ e cacuø'r Fidiée~ lamí~ jéeng'gui.

24 Jöba' gua~ cóo'~ i dsea` í jö güjmeé~ jalé' e tíng` dsea` na laco' niliguiún'- fí quini~ Fidiée~ coling~ cóo'r~. Jögui qui~ quiá'- jalé' e 'né~ i dsea` quiúung~ do e laco' niliti~ lajii~ e si'í' fí quini~ Fidiée~, jö lajoba' cuøng` e nihuí' guir~ e laco' cuø' li~ e cajmitir~ e júu^ do fí quini~ Fidiée~; jö lajob niliñir' lajiiñ` e o' já'- jalé' e nicajíng'- dsea` góo'oo' dsea` Israel uii~ quí'- do, có' nicaliñí'bre e 'nu` núu'ba' lajii~ júu^ quiu' ta~ quiá'- Fidiée~ e cajme' Moi~ do.

25 Jögui nicasiing~naa' júu^ e nicasiñ~naa' røø' jalé'naa', dsea` téé~naa' nifí quiá'- dsea` quiá'- Dsea` Jmáang~, jö caguiéeng'naa' júu^ quiá'- jaléng' dsea` i ja líng' dsea` Israel i nijá'- calíng~ júu^ quiá'- Dsea` Jmáang~ e fé' lala: Ja` cuøng` cø'na' ngúu' quiá'- jaléng' jó' i nicajíng' dsea` jiéng' fí quini~ diée~ quiá'r~, o'gui cuøng` cø'na' jmi'øøng~ jaléng' jó', o'gui ngu~ jaléng' jó' i nisiyáang' jmi'øøng~, o'gui cuøng` 'léer' e güing` dseañu' osi dseamí cóo' dsea` i o' quiá'r~.

Mi~ casó~tu dsea` quiá'- Paa~ fí dsí' guá'- fé' e si' fí Jerusalén

26 Jö lajob cajmée~ Paa~, cangó~bre cóo'~ i dsea` quiúung~ do mi~ cajneá~ lajõ, jö cajméer` jalé' e caquiú' Moi~ ta~ laco' cuøng` e niliguiúng~ dsea` fí quini~ Fidiée~. Jö mi~ cangí jö, calí~bre e dsí' sinúu^ guá'- fé' e si' fí Jerusalén do quiá'- e nijmér~ júu^ cóo'~ i dsea` quie' nifí quiá'- guá'- do lí jmii~ e i dsea` quiúung~ do nijmité'r` jalé' e ta~ caquiú' Moi~ do e laco' cuøng` nidsicar' jalé' e si'í' e nicuø'r Fidiée~ lajaang` lajaaiñ`.

27 Jö mi~ nijaquiéem'ba' e nidsíng~ e jmi~ guié~ do mi~ cangá~ i líng~ dsea` Israel i seeng` fí lí se' Asia e iuung~ Paa~ fí dsí' sinúu^ guá'- do. Jö dsifí lajob canaaiñ` ta'r` mii~ jee~ jaléng' i dsea` i teáng~ do, jö casaiñ` dsea` do, jö canaaiñ` fé'r` teá jö cajíñ`:

28 —Jaléng' dsea` rú'uu' dsea` Israel ñilíng~na' ñijmicóo'na' jnea'^ fí la, có' lab sing' i dseañu' dsea` góo'oo' i ngí ta~ guiá' júu^ e ja` cøng` røø' cóo'~ lajii~ e tíñ' fí góo'naa', o'gui cøng` røø' cóo'~ júu^ quiu' ta~ quiá'- Fidiée~ e cajme' Moi~ cóo'~ gui guá' quí-ii' cajo. Jö ja` mi~ cajmi'gór' guá'- güeang' quí-ii', có' cajajéeiñ` fí dsí' sinúu^ guá'- quí-ii' dsea` i ja` líng' dsea` góo'oo' dsea` Israel.

29 Jö café' i dsea` do lajõ, có' cangár~ lamí~ jéeng'gui e ngí jaang` dseañu' i ja' líng' dsea` Israel i seeng` fí Éfeso i sií Trófimo cóo' Paa~ fí Jerusalén, jö líiñ` e caguijéeng` i Paa~ do i Trófimo do fí dsí' sinúu^ guá', dsu' o' já'- e cajméer` lajõ.

30 Jö mi~ canúu~ jaléng' dsea` i caseáng' ie~ jö jalé' e fé' i do uii~ quiá'- Paa~, jö sóong` canaaiñ` ta'r` mii~. Jö dsifí lajob caguilíng~ dsea` cuíir' fí lí sing' Paa~ dsu' núur' e téé' mii~, jö caseáng' latøng~ fii' fí lí taang~ i Paa~ do. Jö jaléng' i dsea` do casam'~bre Paa~ jö cajñúuiñ` dsea` do cartí caluu' e guá'- do, jögui cajní'bre jni' quiá'- e sinúu^ guá'- do cajo.

31 Jö si'í' e tí nijngám'~bre i Paa~ do mi~ caguié~ júu^ fí quini~ fii~ féng' quiá'- 'léé~ romano e sóong` ta' jaléng' i dsea` i seeng` fí Jerusalén do mii~.

32 Jö dsifí lajob cangolíñ` cuíir' cóo'~ i 'léé~ quiá'r~ cóo'~ gui i quiu' ta~ jee~ ír' fí lí ta' i dsea` do mii~. Dsu' mi~ cangá~ jaléng' i dsea` i siseáng' fí lí sing' Paa~ do e ngolíng~ i 'léé~ romano do cóo'~ gui fii~, jö caquium'bre e bøoiñ` i Paa~ do dsifí lado.

33 Jö i fii~ féng' quiá'- i 'léé~ do cangoquiéeiñ` fí lí sing' Paa~ jö casang' neiñ', jö caquiú'r' ta~ e niñúñ' Paa~ cóo'~ tú~ ní^ cadena. Jö mi~ calí~ e cañúñ' i Paa~ do, jö canaaiñ` jmingí'r~ i dsea` siseáng' do jö cajíñ`:

—¿I~gui i dsea` ná? ¿E~gui e nicajméer'?

34 Jö teágui eáang` café' jaléng' i dsea` do. Jö i líng~ fé' e jié', jögui e jié'gui fé' i líng~, jö ja' calí~ i fii~ 'léé~ do fa' caliñir' e uíng~ e ta' i dsea` do mii~. Jö lí^ caquiú'r' ta~ e cangáng' i Paa~ do fí 'núu' quiá'- jaléng' i 'léé~ do.

³⁵ Jo mi~ caguiling` i 'lee- i tee` Paa- do fi` li~ tee` joo~ li~ soo` dsea` e nidsitaaĩn~ e fi` dsii` sinuu^ quia~ jaleng` i 'lee- do, jo cadsim`bre i Paa- do fi` yu^ 'nar~, co` dsing` ga` jmoo` jaleng` i dsea` i teang- do e iin~ nijmeaiĩn` ga` Paa-.

³⁶ Jo lajim` i dsea` do ngoliĩn- ti`leaaĩn` laco` ngang` i Paa- do e jee` i 'lee- do, jo ta`r` mii~ jo fe`r`:

—jngang`na` i dseañu` ná!

Mi~ cajmi`ong` Paa- 'nia`r` fi` quini` jaleng` dsea` fii`

³⁷ Jo ti` li~ nitam` i 'lee- do Paa- fi` dsii` sinuu^ quia~ jaleng` 'lee- mi~ cafeng` Paa- i fi~ 'lee- do cõo~ jmií griego jo cas`r`:

—¿Su cuõong` nisiing` tea`a cõo~ 'nu` cateá?

Joba` cañi` i fi~ 'lee- do quia~ Paa-:

—¿Su tiim`ba` fo` jmií griego?

³⁸ ¿Su o` 'nub` i dsea` egipto i 'ni` níng- jaleng` dseata~ cõo~ jaleng` dsea` ie~ ja` mi` ngoo` na i cali~ caseang` quia~ mil dseañu` fi` jee~ mó`, jo cangir` ta~ jngang` dsea`?

³⁹ Jo cañi` i Paa- quia~ i fi~ 'lee- do:

—U~, o` i jnea~. Jnea~ lín`n jaang` dsea` Israel, jo calisen`n fi` cõo` fii` niing- e sii` Tarso e nee` li~ se` Cilicia. Jo car` uii~ diee~ cuõo~`tea` jnea~ fi` e nifón`n jaleng` dsea` fii` lana.

⁴⁰ Jo cacuõb` i fi~ 'lee- do fi` e nife` i Paa- do. Jogui dob nisiĩn` carti` yu^ joo~ li~ teang- dsea` fíng` do, jo cõo~ guoo`bre cajmeer` li~ e caquiung` i dsea` do e ta`r` mii~. Jo mi~ ca`fi~ tii~, joguiba` canaang` Paa- e feiĩn` jaleng` i dsea` do cõo~ jmií hebreo jo cajiiĩn` cas`r` reiĩn`:

22

¹ —Dsea` ru`uu!, dsea` goo`o dsea` Israel, cõo~ gui jaleng` dsea` i líng` dsea` mogui~ quí-ii!, núu`na` júu^ quie~ e e nifá`a quia~ jalé` e nicajmé` e e laco` ningáng`na` e o` já` jalé` dsee- e cuõ`na` jnea~.

² Jo mi~ canuu- jaleng` i dsea` Israel i teang- do e fe` Paa- cõo~ jmií quiaĩn` do, eáang`gui tii~ cajer`. Jo café`gui Paa-:

³ —Jnea~ lín`n dsea` Israel laco` 'nú`, jogui calisen`n fi` cõo` fii` e sii` Tarso li~ se` Cilicia. Dsu` fi` Jerusalén lab li~ cacuan`n, jogui cajmitiĩn`n cõo~ jaang` tifa` i niing- quí-ii` i sii` Gamaliel. Jo fi` job cajmitiĩn`n jalé` e tĩng` dsea` goo`naa` e jmoo` lajii~ ti` maliĩn` jogui latí` lana. Jogui contõom- nicajmi`úun`n e nicajmitii~ jalé` júu^ quia` ta~ quia~ Fidié` car` ngocáng` dsii~ laco`gui la jmoo` 'nú` lana cajo.

⁴ Jo lami~ jéeng`gui gab` cajmeaan`n jaleng` dsea` teang- fi` guiá- cõo~ Dsea` Jmaang-, jogui ca`ñún`nre, jogui catán`nre dsii` 'nuñi` cõo` gui`náb`, dseañu` dseamib`, jo seem` i líng` dsea` do carti` cajum`bre.

⁵ Jogui jaleng` i dsea` mogui~ quia~ fi~ jmidsea` quí-ii` cõo~ gui jaleng` dsea` cõong~ quí-naa` ñi`bre guiá- dseang` e jáb` lajob cajmé`e. Dsuo` i`bing` i cacuõ` jnea~ jalé` ji` e quiee- quia~ dseata~ i neáang` fi` Damasco e laco` nicuõ`r` jnea~ fi` e nijmán`n dsea` quia~ Dsea` Jmaang- i seeng` fi` jo, jo nitõõ`re fi` Jerusalén, jogui nijmihuĩn`nre fi` jo cajo.

Mi~ cajing` Paa- jial calicutiĩn` Dsea` Jmaang-

(Hch. 9:1-19; 26:12-18)

⁶ Dsu` ie~ jo, lajee` e iuun- fi` ngoo`o fi` Damasco, jo mi~ cati` i` e guieñi~ joo~, jo lajee` e nijaquieeiĩn` niguié`e fi` Damasco, cõo` cajném- cõo` ji` e ji` eáang` e jáa` fi` yu^ jmigüi, jo dsing` cajnea~ lacung` lajiiing` li~ ngoo`naa`.

⁷ Jo dsifi` lajob caquin`n fi` ni~ uõ-, jo canu`u e líng~ i` guicafé` fi` yu^ jmigüi jo guicajiiĩn` s`r` jnea~: “Saulo, Saulo, ¿jialí` ngi` jmáan` jnea~ ga?”

⁸ Joba` cangii~ quia~ i guicafé` do jo cafá`a: “¿I` 'nu`, Fii`i?” Joba` cañi`tu i guicafé` do jo guicajiiĩn` : “Jneab` Jesús i caliseng` fi` Nazaret i ngi` 'nu` jmáan` ga` lana.”

⁹ Jogui jaléng' dseá i ngolíng' cóo' jnea~ ie~ jo cangá-bre e ji' do joba' eáam' cafóin', dsu' ja' canúur' luu' i guicafé' do i cató' jnea~ do, júi' jneab' dseá canú-u.

¹⁰ Jo cangii' jnea~ quiá' i guicafé' do jo cafá'-a: “¿E' 'né- nijmee~e, Fí'i?” Jo cañi'tu i guicafé' do jo guicajíi': “Ráan'- jo gua~ fí' iuun'- fí' Damasco, jo fí' job nilijmeá' júu^ jalé' e 'né- nijmée'^.”

¹¹ Jogui dsuco' tiuum-baa cajá'a uíi' e ji' e ji' e cajnéng' do, joba' i dseá i ngolíng' cóo' do, íbing' i cajéng' jnea~ cartí' caguié- e tí' Damasco.

¹² Jo e fí' jo niseeng' jaang' dseañu' i nisii' Ananías i eáang' jmi'gó' Fidiéé' jogui eáam' náur' júu^ quiá' ta~ quiá'- Fidiéé' e cajme' Moi'. Jo jaléng' dseá góo'oo' i seeng' e fí' Damasco do guiáb- fé'r' uii' quiá'- i Ananías do.

¹³ Jo i Ananías do cangór- fí' lí' cajá'a. Jo mi' caguiér- fí' jo, jo casí'r- jnea~: “Saulo ruu', güilijnéb'tu' calé' catú-.” Jo dsifí' lajob calijné'túu, jo nicuóom' jóó^ calé' catú-.

¹⁴ Jo cajíng'-gui i Ananías do casí'r- jnea~: “Tiquí'ii' Fidiéé' nica'náaiñ- 'nu' e laco' niliñí' jalé' e iing' Fidiéé' e nijmée'^, jogui ca'náaiñ- 'nu' cajo e laco' nimáan' Dseá Jmáang' i líng' Fidiéé' i ja' dsee- óo' júi' cóo' jogui ninúu'^ jalé' e fé'r' dseáng'- 'ñia'r'.

¹⁵ Co' 'nab' dseá ni'uín'- dseá quiá'r-, jogui nijmée' dseá júu^ la'úng- fí' jmigüí' lajalé' e niñi' jogui lajalé' e ninúu'- cajo cuaiñ' quiá'- Dseá Jmáang'.

¹⁶ Jogui lana, ¿e~ e sijeeng'gui'? Sín'- jo nisán' jmii' e laco' cuø' lí' e ca'uín'- dseá quiá'- Dseá Jmáang', jogui mii' dseá do e ni'íiñ- dsee- quií'-.”

Mi' cajmée' Paa- júu^ jial mi' cango'eer' dseá i ja' líng' dseá Israel

¹⁷ Jo mi' caquin'- n e cagüean'- n fí' la fí' Jerusalén, jo cangó- o fí' guá'- fé' e cangofón' n Fidiéé'. Jo lajee' jo camó- o líng' ee' camó- o lafa' mi' qui' dseá.

¹⁸ Jo camán- n Fí'naa' Dseá Jmáang'- e jíiñ'- sí'r' jnea~ lala: “Jmi'úung' quií'-, jo júu' lajmi'ná- fí' na fí' Jerusalén co' ja' nijmijí- jaléng' i dseá i seeng' fí' na lajúi' júu^ e guia' quié-e.”

¹⁹ Joba' jnea~ lalab cangii' quiá'- dseá na jo cafí-ire: “Fí'i, ñib' i dseá do guiá- e jnea~ ngii' laco' laco' lí' téé- guá'- quiá'- dseá góo'oo' e jmán' n jaléng' dseá i cúing' 'nu', jogui tø- re fí' 'nuñí' jogui jmi'huñ' nre cajo.

²⁰ Jogui ie~ do mi' cajngang' dseá i Téé- do, jaang' dseá i cajmée' lajúi' e iing' 'nu' jogui caguiar' júu^ quií'- cajo, dob síng' jnea~ ie~ jo e cuøø' júu^ quié- e e cajnga' dseá quiá'- i Téé- do. Jogui jnea~ bi' cajo dseá cajmé- e í' sí'^ i dseá i cajnga' quiá'- i dseá do lajee' e cajngang' neiñ'.”

²¹ Jo dsu' cajíng'- Fí'i Dseá Jmáang'- casí'r- jnea~: “Teáng' fí' uø', dsuco' lana nisín' n 'nu' fí' fii' lí' huíi' lí' seeng' dseá i ja' líng' dseá góo' dseá Israel.”

Mi' casíng- Paa- cóo' jaang' fii' 'lée-

²² Jo júi' job júi' caquiuiñ' núur' júu^ quiá'- Paa-, co' mi' canúur- e nidsé- dseá do e niguiár- júu^ quiá'- Dseá Jmáang- jee~ jaléng' dseá i ja' líng' dseá Israel, joba' canaaíñ' óo'tur jo fé'r': “Ja' 'né- e seeng' i dseá na fí' jmigüí' la! jngang' naiñ' na!”

²³ Jogui ta' biguir mii' jogui bó'r' 'lee' toø' sí'r', jogui bí'r' 'lee' fí' yá'^ cóo' jaguór' co' dsíng' guíiñ-.

²⁴ Joba' i fii' 'lée- do caquiur' ta~ e nitaiñ' Paa- fí' dsí' 'nu' jaléng' i 'lée- do. Jogui caquiur' ta~ cajo e nibóøng- dseá do cóo' loo' e laco' dseá do nijmér- júu^ jiali' e ta' jaléng' dseá mii' uii' quiá'r-.

²⁵ Dsu' lajee' e ni'ñúum' Paa- røø' e lico' dsi'íng'gui e nibóøm-breiñ' do, lajee' job cajming' Paa- i dseá nu'luu~ quiá'- fii' 'lée- i sí'^ nijmeáng' ga' ír' do jo cajíiñ'- casí'-reiñ':

—¿Su seab' fí' quií- 'nú' e nijmi'huñg' na' jaang' dseá i caliséng' fí' lí' quiu' dseá romano ta~ e júi' ja' mí' calita~ bi' dsí' su dseáng'- óor' dsee-?

26 Jō mi~ canúu~ i dsea` nu`luu~ quiá~ i fii~ 'lée~ do e cajíng' i Paa~ do lajō, jōba' dsifí ladob cangáin~ e cangojmée'r' júu^ i fii~ 'lée~ do quiá'r~ jō casí~ reiñ':

—¿E~ nijmée^ 'nu` cōqō~ i dseañu` do, cō' dsea` caliséng` fí lí~ quiu` dsea` romano tab~ jíñ~ e líñ~?

27 Jō dsifib' cangoquiéeng' i fii~ 'lée~ do fí lí~ sing' Paa~, jō cajmíngí~ reiñ' do jō cajíñ~:

—¿Su jáb~ e dsea` romanob líng' 'nu`?

Jō cañí~ Paa~ quiá~ i fii~ 'lée~ do jō cajíñ~:

—E jáb~, íb` jnea~.

28 Jō cañí~tu i fii~ 'lée~ do quiá~ Paa~ jō cajíñ~:

—Jial jnea~ eám' cacáng~ cuu~ quié~ e e ca'uín~ n dsea` romano.

Jō cañí~tu Paa~ casí'r~ i fii~ 'lée~ do:

—Dsu' jnea~ lín'n dsea` romano latí' mi~ cangáam~baa.

29 Jō jaléng' i dsea` i sí'á' nijmihuúng' i Paa~ do, caliúum` yaaiñ~ fí quini` dsea` do. Jō jiguí i fii~ 'lée~ do caliúum` ñia'r' cajo mi~ caliñir' e dsea` romanob líng' i Paa~ do; jōgui ca'íb~ fō' quiá'r~ dsu' e nica'ñúng' neiñ' jéeng'gui.

Mi~ cangojéeñ' Paa~ fí quini` dsea` quie' nifí quiá~ dsea` Israel

30 Jō mi~ cajneá~ e jmii~ jō, cō' eám' iing~ i fii~ 'lée~ do e niliñir' røø` e~ uing~ e dsee~ e jmóo` dsea` Israel quiá~ i Paa~ do, jō cajé`bre e ñí` cadena e 'ñúung~ dsea` do, jō caquiur' ta~ e niseáng' jaléng' fii~ jmidsea` cōqō~gui jaléng' dseata~ i quie' nifí quiá~ dsea` Israel e niseáin' do colíng~ e quiá~ nisíñ~ uii' quiá~ i Paa~ do. Jō mi~ nisiseáng' jaléng' i dsea` do, jō caquiur' ta~ e cagüi'íb i Paa~ do fí dsí' 'nuñí^, jō cangojéeng' neiñ' fí quini` jaléng' i dsea` i caseáng' do.

23

1 Jōba' cajóøng~ Paa~ jaléng' i dsea` i quie' nifí quiá~ dsea` Israel i caseáng' do jō casí~ reiñ':

—Dsea` rú'uu!, eám' guiú~ nica'ee~ jnea~ fí quini` Fidiée' latí' lana, cō' ñi`baa e jmang~ e guiá~ba' nicajmé~ e fí quini` dsea` do.

2 Jō dsifí lajōb i dsea` mogui~ quiá~ jaléng' fii~ jmidsea` i sii` Ananías caquiur' ta~ quiá~ i dsea` i teáng~ quiá~ laco' sing' Paa~ e nijnéin~ do moni~ Paa~.

3 Dsu' i Paa~ do cañíur' dsifí lado, jō casí'r~ i jmidsea` Ananías do jō cajíñ~:

—iFidiéeb~ nibá quií~ 'nu` cajo, dsea` jløng'! Song 'nu` guiin~ na lana quiá~ niquidsi' í' lajii~ laco' júu^ quiu' ta~ quiá~ Fidiée' e laco' sí'íb^, jō çjali' e 'nu` quiú' ta~ e nibóøng~ dsea` jnea~? Cō' fé' fí ni~ júu^ quiu' ta~ quiá~ Fidiée' e ja` cuóøng` jmé~ dsea` lajō.

4 Jōba' cañí~ i dsea` i teáng~ do quiá~ Paa~ jō casí~ reiñ':

—¿Su lanab fí' dsea` mogui~ quiá~ jaléng' fii~ jmidsea` quiá~ Fidiée'?

5 Jōba' cañí~tu Paa~ quiá~ i dsea` do jō cajíñ~ casí~ reiñ':

—Dsea` rú'uu!, ja` ñi` jnea~ e i dsea` na líiñ dsea` mogui~ quiá~ jaléng' fii~ jmidsea`, jōba' cafá~ a lajō, dsu' facō' ñi` jnea~ e lajō, ja` cafá~ a lajō jóng. Cō' fí ni~ jì quiá~ Fidiée' e cajme' dsea` mali~ lalab fé': “Ja' fo' ga` quiá~ dsea` i quiu' ta~ fí góo'.”

6 Jō mi~ calilí^ Paa~ e i líng~ i dseata~ quiá~ dsea` Israel i caseáng' do líiñ' dsea` saduceo, jōgui i líng~guiñ' do quiñ~ jee~ dsea` Israel i líng' dsea` fariseo, jōba' cajíng' Paa~ casí'r~ i dsea` do cōqō~ júu^ teá jō cajíñ~:

—Dsea` rú'uu!, dsea` fariseob líng' jnea~ cajo, jōgui dsea` siju` dsea` íb` jnea~ cajo. Jōgui i dsea` na 'niiñ jnea~ cō' e já~ lín'n e jí'tu dsea` mi~ ningí e júuiñ~.

7 Dsu' mi~ cató' fé' Paa~ e jō, jaléng' i dsea` i líng' fariseo do cōqō~gui jaléng' dsea` i líng' saduceo canaaiñ~ e jmiquím~ dsí' rúñ' lajee` yaaiñ~, jō ca'uíng~ tú~ 'lé' i dsea` i caseáng' do ie~ jō.

⁸ Co' jaléng' i dsea` i líng' saduceo do fé'r e jo` jí'tu dsea` mi~ ningf e nijúuiñ, jogui fé'r e ja` seeng` jaléng' ángeles o'gui sea` jalé' jmiguí quíá'- dsea'; dsu' jaléng' gui i dsea` i líng' fariseo do jáb'- líiñ jalé' e júu^ jo.

⁹ Jo lajim` i dsea` do cató'r` mii~ calé` catú-, jogui i líng`gui i tifa' quíá'- júu^ quiu' ta~ quíá'- dsea` Israel i quíng' jee~ dsea` i líng' fariseo, íb` dsea` caróor` jo casíng' yaaiñ` jo cajíñ'-:

—I dseañu' la jíi~ coo` e ga` ja` e mí cajméer'; lí' jangám` song nicasíiñ` cóo` jaang` dsea` guí` osi cóo` jaang` ángel é.

¹⁰ Dsu' eáang'gui ta' jaléng' i dsea` do mii~ lacoo` ya'. Jo i fii~ 'lée- do cafóm'bre fíng cajmée` i dsea` do cui' Paa-. Joba' cató'r` tú- 'ni' máng' 'lée- quíá'r- e laco' niguíng`neíñ' lí' iuuiñ, jo nidsijeáang`neíñ' fí' 'nu~ jaléng' i 'lée- do calé` catú-.

¹¹ Jo mi~ canuu` coo`gui jmii~ lajo, cajmijnéeng' 'ña' Fí'naa' Dsea` Jmáang` fí' quini` Paa- jo casí'-reíñ' jo cajíñ'-:

—Cuóø' bí uø', Paa-, co' laco' nicaguiá'^ júu^ quíe- e fí' Jerusalén la, lajob` 'né- guiá'^ júu^ quíe- e cajo fí' Roma.

Mi~ casíng` dsea` jial nijngáiñ'- Paa-

¹² Jo mi~ cajneá- e jmii~ jo, i líng` i dsea` Israel do casíiñ` røø` e nijngáiñ'- i Paa- do, jogui cacuoø' júu^ rúíñ' lajee` yaaiñ` do e dseáng'- ja` nidó'r- o'gui ni'í'r` jíi~ coo` cartí` nilí'r` e nijngáiñ'- Paa-.

¹³ Jo jaléng' i dseañu' dsea` Israel i casíng` lajo tír' lí'gui lí' tuláiñ-.

¹⁴ Jo cangolíiñ` fí' quini` fii~ jmidsea` quíá'- dsea` góor` dsea` Israel cóo`gui fí' quini` dsea` cóøng' quíá'r- jo casí'-reíñ' lala:

—Jnea' nicacuø'naa' júu^ quí-naa' lajee` yee~naa' e ja` ni'né' niquiee~naa' jíi~ coo` cartí` nilí'naa' nijngáng'^naa' Paa-.

¹⁵ Jogui 'nú' lana cóo'gui i dseata` i quie' nifí' quí-ii' caguaang`gui na, nifí'na' fii~ 'lée- e nijajeáaiñ` i Paa- do dsa'ó' fí' quini'na', jogui nijmee~na' e niligøøiñ` lico' nifí'na'r e nijmingí'na'r jalé' e dsee- e sea` quíá'r- la'uiing` lanú'. Jogui jnea', dsea` tuláng`naa', nijmeáang` guiá- yee~naa' e nijngáang`naa'r guiá'^ fí' ná'-gui e nigüeáiñ' catí' la.

¹⁶ Dsu' jaang` siming', jóo' i dseamí' rúng' Paa- do, nicaliñí'bre lajíi~ e guiá' guiá- i dsea` do quíá'- e nijngáiñ'- i Paa- do. Joba' cangór` dsifí' lado fí' 'nu~ jaléng' i 'lée- do fí' lí' iuung` Paa- e cangojmée~reíñ' júu^.

¹⁷ Jo mi~ ca'íng' Paa- e júu^ do, dsifí' lajob` cató'r- jaang` dsea` nu'luu` quíá'- fii~ 'lée- jo casí'-reíñ' jo cajíñ'-:

—Jéeng` i siming' la fí' quini` fii~ quíi', co' líng` ee` júu^ quie`bre e catíng` í.

¹⁸ Joba' i dsea` nu'luu` quíá'- i fii~ 'lée- do cajéeiñ` i siming' do fí' quini` fii~ quíá'r-, jo lalab casí'r- i fii~ quíá'r- do:

—I dsea` sijnáng` i sii` Paa- do cató'r- jnea~, jo camí'r` jnea~ e cagajéen` n i siming' la fí' quini', co' líng` ee` júu^ quier' quíi'-ba' jíñ'-.

¹⁹ Jo i fii~ 'lée- do catíiñ` guoo` i siming' do, jo cajéeng`neíñ' fí' coo` lí' ja` ii` dsea` núu, jo cajmingí'-reíñ' jo cajíñ'-:

—¿E` júu^ quíe'^ quíe- e, siming'?

²⁰ Joba' cañí' i siming' do jo cajíñ'- casí'-reíñ':

—Fím' dsea` góo`o dsea` Israel nicasíiñ` røø` e nimí'r- 'nu' fí' e dsa'ó' niguiéen~ Paa- calé` catú- fí' quini` jaléng' dseata` i quie' nifí' quí-ii', dsea` lí'ii` dsea` Israel. Jo i dsea` í` niguiar` guiá- e nijmigøøiñ` 'nu' e laco' nisíng`gui røø` cuaiñ` quíá'- dsee- e sea` quíá'- i Paa- do. Dsu' e jo nijmér- e lí' laco' 'nu' niguiéem~ba' dsea` do, jo lajob` nilí'r` nijngáng'-neíñ'.

²¹ Dsu' ja` já'- güilín', co' lí'gui tuláng` dsea` góo`o dsea` Israel nisijeeiñ` Paa- e íng` guiá'^ fí' e iíñ` nijngáng'-neíñ'. Jogui nicacuø' júu^ rúíñ' lajee` yaaiñ` e ja` ni'í' nidó'r- jíi~

coo`lajee` e nu`-gui e nili`r` nijngaiñ`- Paa` . Jogui lana, guiab` nineaaiñ` e lico` sije` guir e niqiu`^ 'nu` ta` lajob e niguiéeng`-na` i Paa` na fi` quini` i dsea` quidsi` í` do.

²² Joba' i fii` 'lée- do casí`r- i siming` do e ja` ii` nisíñ` do jii`- jaang` lajii`- júu` e casíñ`- do. Jo mi` cangí` jo, ca'f`bre júu` i siming` do.

Mi` caguiéiñ` Paa` fi` quini` dseata` dsea` féng` i sii` Félix

²³ Jo dsifi` lajob i fii` 'lée- do cató`r- gáng- dsea` nu`luu` quiá`r- jo casí`-reiñ` jo cajíñ`- : —Guieeng`-na` guiá- tú- ciento 'lée- i ngí` tii-, jogui setenta i nigüea` cuea`, jogui tú- cientogui i nicá` ñisü`, jo nidsé`ee' fi` Cesarea la ii`- ñá- e uóø` na.

²⁴ Jogui caquiü`'gui i fii` 'lée- do ta` quiá- i dsea` nu`luu` quiá`r- do e niguiéiñ`- do guiá- cuea` i nigüea` i Paa` do. Jogui jaléng` i 'lée- do nisínú`r` júu` e nijáiñ` Paa` e guiúm`-biñ` fi` quini` i dseata` dsea` féng` i sii` Félix i guing` líng` ta` fi` Cesarea.

²⁵ Jo i fii` 'lée- do casíñ` coo` jì` cóo`- dsea` quiá`r- e catíng- i dseata` dsea` féng` do jo lalab fé` e jì` do:

²⁶ “Jnea` Claudio Lisias, fii` 'lée- quiá- dsea` Jerusalén. Jo nisín`n e jì` la e tíng- 'nu`, Félix, dseata` dsea` féng` i jmi`gó` dsea` eáang` lí` quiú` ta` fi` na fi` Cesarea. Guicóo`'ba'.

²⁷ E laba' iin`n fii` i 'nu`, e jaléng` dsea` Israel i seeng` fi` la nicasíñ`- i dseañu` la i sii` Paa`, jo si`í` e nijngám`-breiñ`. Dsu` dsifi` mi` caliñi` jnea` e dsea` romanob líiñ`, dsifi` ladob cangó`-o cóo`- 'lée- quié- e jo calaam`-baare.

²⁸ Jo có` jnea` iin`n e calidseáang` dsii`- e` uing` e 'niiñ` i dsea` do, joba' cajóø`n`-re fi` quini` dseata` i quie` nifi` quiá- dsea` Israel.

²⁹ Jo job caguo`- júu` e ni`niiñ` dsea` do uí`- e ja` jmiti` Paa` lajii`- júu` quiü` ta` quiá- Fidié` e laco` tíng` i dsea` góor` dsea` Israel do e jmóor`. Dsu` ja` e dsee` sea` quiáiñ`- e eáang` fa` dsí` í` e nijngáng`-neiñ` o`gui e nitáng`-neiñ` fi` dsí` 'nuñi`.

³⁰ Dsu` mi` caliñii` e i dsea` Israel do niguiar` guiá- e nijngám`-bre Paa`, joba' fi` nab niguiéen`-n dsea` do cóo`- 'nu`. Jogui nicafii`-bí jaléng` i dsea` i 'níng` ír` do e nab nijmér` júu` cóo`- 'nu` e` uing` e jmóor` dsee` quiá- dsea` do. Jo lanab jii`- lí` júu` quié`-e, dseata` Félix. Guicóo`'ba'.”

³¹ Jo 'ñia` e uóø` jo jaléng` i 'lée- do cajém`-bre Paa` fi` e fii` lí` sii` Antípatris lí` laco` ta` caquiü` i fii` quiá`r- do.

³² Jo mi` cajnea`- e jmi` coo`gui do, jaléng` i 'lée- i cangolíng` e ngí` do caquim`-tur fi` Jerusalén fi` lí` si` 'nur` do. Jogui jaléng` i 'lée- i dsiing` cuea` do cangolíim`-bre cóo`- Paa` cartí` Cesarea.

³³ Jo mi` caguilíng` i 'lée- i jéeng` Paa` do cartí` Cesarea, jo cajú`-bre e jì` do i dseata` dsea` féng` i guing` quiü` ta` fi` jo, jogui cajám`-bir Paa` cajo.

³⁴ Jo mi` calí`- í` i dseata` Félix do e jì` do, joba' cajmingi`r` i Paa` do jie` fii` lí` seeiñ`. Jo mi` caliñir` e fi` lí` se` Ciliciab seeng` i Paa` do, joba' casí`-reiñ` do jo cajíñ`-:

³⁵ —Mi` nigüilíng` jaléng` i dsea` i jmóo` dsee` quií`- do, joguib` nisii`-naa' e` uing` e 'niiñ` 'nu`.

Jo mi` cangí` jo, caquiü`r` ta` e jéeb` dsea` quiá- i Paa` do, jo fi` dob cajmée`reiñ` í` fi` dsí` 'nuú` lí` caquiü` dseata` Herodes ta`.

24

Mi` cajmi`óng` 'ñia` Paa` fi` quini` dseata` dsea` féng` i sii` Félix

¹ Jo mi` cangí` 'ñia` jmi` lajo, caguié- i dsea` mogui` quiá- jaléng` fi` jmidsea` i sii` Ananías do fi` Cesarea colíng` cóo`- coo` tú- máng`- dsea` cóøng`- quiá- dsea` Israel cóo`-gui jaang` dseañu` i tíng` féng`- dsea` eáang` i sii` Tértulo. Jo jaléng` i dsea` la caguilíñ` fi` Cesarea do, jo caguiméer` dsee` quiá- Paa` fi` quini` i dseata` dsea` féng` i guing` fi` jo.

² Jo mi` cahuí` ta` e caguijéeiñ` Paa` fi` quini` i dseata` do e quiá- e níng- e júu` do, joba' canaang` i Tértulo do e 'niiñ` Paa` fi` quini` i dseata` Félix do jo lalab cajíñ`-:

—'Máam' 'nu, dseata dsea féng' quí-ii', e la'eáang' 'nu'ba' e see-naa' juguiá- júu^ røø. Jogui la'eáang' e eáam' tiin' cajo, jmiguiab' jalé' e guiá- nica'uíng' latøøng' góo'naa'.

³ Jo jaléb' e jo eáam' iáang' dsí' jnea', dseata quí-ii' Félix; jo gui'máam' 'ba' quiá'- jalé' e jo.

⁴ Jo ja' iin~n e jmi'ing' guá' 'nu' eáang', fa' nijiéeb' o' e ninúu' lajii' júu^ quí-naa' cateá' lajo.

⁵ Jo lana nicadsé'naa' jalé' e ga' e jmóo' i dseañu' na fí' latøøng' fí' jmgüi' e 'nóor' mii' quiá'- jaléng' dsea' Israel e laco' ni'náng' dsea' quiá'- rúin'. Jogui lám'bir cajo dsea' mogui' quiá'- coo' 'lé' dsea' Israel i sii' nazareno.

⁶ Jogui ja' jmi'gór' lajii' e tí'naa' fí' guá'- fé' quí-ii' fí' Jerusalén; co' iin~n nidsijeeiñ' dsea' i ja' líng' dsea' Israel fí' dsí' sinúu' guá'- quí-ii' do, jo uíng' e joba' e caséng'naa're.

⁷ Jo lamí' ii~naa' ni'naa' í' quiá'- r' jii' laco' fé' júu^ quiu' ta' quí-ii', dsu' dsifí' lajob i fii' 'lé- i sii' Lisias do caguiñ' dsea' do laguidseang' fí' jaguóo'naa'.

⁸ Jo cajíñ' e lajaléng' jnea' dsea' cuøø-naa' dsee- catíng' e nija'níng'naa'r fí' quini'.

⁹ Jogui mi' calí- fé' Tértulo e jo, jogui café'gui jaléng' dsea' Israel i teáang'gui cóo'r' do, jo jíñ' e dseáng'- já'-ba' jalé' e jmóo' i Paa- do, jo røøb' dseáng'- síiñ' cóo' i Tértulo do e jmóor' dsee- quiá'- Paa-.

¹⁰ Jo mi' cangí' jo, i dseata Félix do cajméer' lí' cóo' guóor' e sí'r' Paa- e cuøøm' nifé' dsea' do júu^ quiá'- r'. Joba' caróo- Paa- jo cajíñ'-:

—Eáam' iáang' dsii' e nijmi'øng' 'niá'a quini' 'nu, dseata quí-ii', cuaiñ' quiá'- jalé' dsee- e jmóo' i dsea' na quie-e. Co' ni'baa' guiá- e 'nab' dsea' i quidsí' í' røø quiá'- dsea' góo'naa' dsea' Israel lajii' níngóob' eáang'.

¹¹ Jo cuøøm' nilidseang' o' e nabi'ngóo' guitu' jmi' e caguié- e fí' Jerusalén e jmifén'n Fidié'.

¹² Jo ja' cadsé' jaléng' dsea' na jii' coo' dsee- e laco' ni'núñ' jnea~, fa' e sín'n jiiñ' cóo' dsea', o'gui tá'a mii' jee~ jaléng' dsea' fí' sinúu' guá'- fé' quiá'- dsea' góo'o e si' fí' jo, o'gui fí' dsí' sinúu' guá'- jii' quiá'- dsea' góo'o cajo, o'gui lacaang' lí' jié' fí' jee' fii'.

¹³ Jo jaléng' i dsea' 'níng' jnea' i teáang' la ja' niguié'r' jii' coo' dsee- quie-e e jmóor', co' ja' e røøn- jii' coo' laco'gui la fé'r'.

¹⁴ 'Dsu' e já'- e jmóo'o lajii' e iing' Fidié' i jmiféng' 'lii' dsea' cøøng' quie-e, dsea' Israel, laco' cøøng' røø cóo' fí' guiá- quiá'- Dsea' Jmáang-. Jo fé' i dsea' góo'o na e jnea~ ja' jmitii- lajii' júu^ quiu' ta' quiá'- Fidié' e cajme' Moi'; dsu' o' já'- e lajo, co' jnea~gui jáb'- lán'n jalé' e júu^ jo cóo'gui jalé' e júu^ e cajme' dsea' i café' cuaiñ' quiá'- Fidié' malii'gui eáang'.

¹⁵ Jogui jáb'- lán'n røøb' laco'gui i dsea' í' e jí'tu jaléng' 'lii' la'eáang' cóo' Fidié' nañí' fa' líiñ' dsea' guiúng' osi i sitíng' e 'léé' é.

¹⁶ Joba' cuøø-bi dsii' e ee' e guiá- fí' quini' Fidié' jogui fí' quini' dsea' rún'n dsea' jmgüi' cajo.

¹⁷ 'Dsu' mi' cangí' tú- 'ní' jii' e ngii' fí' lí' jié', joguiba' caquin'-túu fí' Jerusalén e ngocuøø-ø cuu- jaléng' dsea' tiñíng-, jogui ngocuøø-ø Fidié' laco' litíng' dsea' góo'o dsea' Israel e cuø'r' dsea' do.

¹⁸⁻¹⁹ Jo lajee' táan'n jmóo'o jalé' e jo e níng' e caliguiún-n fí' quini' Fidié' laco'gui la fé' dsea' góo'o dsea' Israel, jo ie~ jo ja' 'ga' lí' siseáng' dsea' e jøør- quiá'- lajii' e lí' quie-e, o'gui mii' té- jii' capí' cajo. Jo job mi' caguilíng- coo' tú- mánng' dsea' Israel i jalíng- fí' lí' se' Asia, jo cadséiñ' jnea~ fí' dsí' guá'- fé' e si' fí' Jerusalén do. Jo i dsea' íb' i catíng- e nigüilíng- fí' la e 'niñ' jnea~ faco' sea' dsee- quie-e e quini'.

²⁰ Jogui co' ja' dsee- caliseá' quie-e, joba' i dsea' i teáang- la lana cuøøm' nijmér- júu^ song cadsé'r' dsee- quie-e e líng' ee' cajmé- e mi' cajéiñ' jnea~ fí' quini' dseata i quie' ní' quí- jnea', dsea' lí' dsea' Israel.

21 Co' lajji' e tóo` dsii e cafa' a cóo' júu^ teá lajee sín'n fí quini' i dsea` quidsí í' do jo cafa' a: "Lana 'nú' cuø'na' jnea~ dsee~ dsuco' e já' lín'n e jí'tu jaléng' 'lí' mĩ ningf e júuĩñ'."

22 Jo co' niñib' i dseata~ Félix do guiá~ jial jalé' júu^ quiá' Dsea` Jmáang~, joba' mĩ canúur~ jalé' júu^ e cajíng' Paa~ do, caje'bi quiá' e niquidsir' í' lajminá~ quiá' dsea` do jo casí' reiñ':

—Mĩ nigüéeng~ i fii' 'lée~ Lisias, í'guibing' nijmé' júu^ røø' jnea~ cuaiñ~ quiá' e dsee~ e sea' quí' e 'níng' jaléng' dsea' 'nú'.

23 Joba' casí' i dseata~ Félix do i dsea' nu'luu~ quiá' i fii' 'lée~ do e gü'iuum~bi Paa~ sijñiñ~ lajee~ jo, lifa' cuøøm' e jaléng' dsea' i cuíng' dsea' do nijmicóo' reiñ' lajee~ iuuiñ' do.

24 Jo mĩ cangígui tú~ 'ní jmi~ lajo, caguiéb~ tu i dseata~ Félix colíng~ cóo' dseamí quiá'r~ i sii' Drusila i líng' dsea' Israel, jo caguiliñ~ fí lí' tidsí í' quiá' dsea'. Jo dsifí lajob caqui' i dseata~ do ta~ e nilité' Paa~ e fí lí' quidsir' í' do. Jo mĩ caguié~ Paa~ fí jo, jo canaaiñ' guiar' júu^ quiá' Dsea` Jmáang~ jial laco' nijáng' yaang~ dsea' fí jaguó' dsea' do. Jo canúub~ i dseata~ do jalé' e júu^ quiá' Paa~ do.

25 Dsu' mĩ canaang' Paa~ e fé'r' jalé' júu^ quiá' jial nisíng' yaang~ dsea' fí guiá~, jogui jial ja' nibeáng' dsea' dsee~ yaaiñ~, jogui jial mĩ nití' í' e niquidsí Fidié' í' quiá' lajaang' lajaang' dsea' jmigü', joba' mĩ canúu~ i dseata~ Félix do jalé' e júu^ quiá' Paa~ do, jo caføm' bre jo cajíñ' casí'r~ Paa~:

—Guøm' tu' fí lí' iuun' do lana. Nab nijmee~ e júu^ lí' e jøø'n~, joguiba' nitøø'túu' 'nú' fí la.

26 Jogui cajo i dseata~ Félix do cuub~ íng' dsír' e nicuó' Paa~ ír' e laco' e nileaiñ~ dsea' do. Jo uing~ joba' e tór' Paa~ sojié' e sñiñ' cóo'iñ~.

27 Jo tú~ jí' cangocá' e jmóor' lajo. Dsu' mĩ cangí jo, cagü'íib' i Félix do e líiñ' dseata~ dsea' féng', jo calí~ jaang'gui dsea' cuaiñ~ quiá'r~ i sii' Porcio Festo. Jo co' i dseata~ Félix do iñ~ e guiáb~ nijér~ cóo' dsea' Israel, joba' caseáam' bre Paa~ lado la sijñim' biñ'.

25

Mĩ caguié~ Paa~ fí quini' dseata~ dsea' féng' i sii' Festo

1 Jo coob' mĩ catí í' e nilíng~ Festo dseata~ dsea' féng', jo mĩ cangí 'ní jmi~ lajo cagü'í'bre fí Cesarea jo cangór~ fí Jerusalén.

2 Jo mĩ caguié~ fí jo, dsifí lajob jaléng' fii' jmidsea' cóo' gui jaléng' dsea' Israel i laniing~ i neáang' fí Jerusalén ie~ jo caguiliñ~ e jmóor' dsee~ quiá' Paa~ fí quini' i dseata~ Festo do.

3 Jo jaléng' i dsea' jmóo' dsee~ quiá' Paa~ do cami'r' jmi'ee~ i dseata~ do e laco' niquiá' dsea' do ta~ i Paa~ do e nidséng' tur fí Jerusalén e quiá' nitidsí í' quiá'r~ fí jo, dsu' iñ~ jmér~ lajo e lí' laco' nilí'r' e nijngáng' neiñ' guiá' fí e tu'í'b'.

4 Joba' cañí' i dseata~ Festo do quiá' i dsea' jmóo' dsee~ quiá' Paa~ do jo casí' reiñ' jo cajíñ':

—Fí dob iuung~ Paa~ sijñiñ~ fí Cesarea, jo 'ñiá' baa' í' dsii~ ninín'^n fí do e jo jmi'íng' 'ñiá' a.

5 Jo jaléng' dseata~ quí' na' 'né~ nidsilíñ~ cóo' jnea~ fí Cesarea, jo song sea' dsee~ e nica'éé~ i dseañu' do, joba' fí job cuøøng' jmee~ na' dsee~ quiá'r~.

6 Jo caje'bi dseata~ Festo fí Jerusalén jñiá~ si guí~ jmi~ gui. Jo mĩ cangí jo, joguiba' caquiñ' fí Cesarea. Jo mĩ cajneá~ e jmi~ jo, jo cangó' bre fí lí' nigüear' e niquidsir' í'. Jo caqui'r' ta~ e calité' Paa~ fí jo.

7 Jo mĩ tí lí' calí~ Paa~ fí jo, dob niteáang~ jaléng' dsea' Israel i jalíng~ tí Jerusalén i jmóo' dsee~ quiá'r~ do, jo cangoquiéiñ' fí quini' i dseata~ do jo canaaiñ' jmóor' dsee~

quíá' Paa, jo iib`eáang' e dsee e cuø'reiñ' do, dsu' jii' coo` ja e cadse'r` fa' dseáng' e já' lajii' e dsee e jmóor` quiá' dsea` do.

⁸ Joba' cañi' i Paa do fi' quini' i dseata do cóo' júu e jmi'óng' ñia'r' jo cajíñ' -

-Jii' coo` e ga` ja` mí cajmé` jnea~, o'gui fa' nicafá' a ga` uii~ quiá' jalé' júu^ quiu' ta` quiá' dsea` góo` dsea` Israel, o'gui fa' nicafá' a ga` uii~ quiá' guá' fé' quiá' dsea` í cajo, o'gui quiá' dseata dsea` féng' i guing~ quiu' ta` fi' Roma.

⁹ Jogui co' i dseata Festo do iin~ e jér` guiáb` cóo' jaléng' dsea` Israel, joba' cajming'r` Paa` jo cajíñ' casí` reiñ' lala:

-¿lin~ e guó' fi' Jerusalén, jo fi' job niquidsi` jnea` í' qui' lajii' e 'núng` dsea` 'nu`?

¹⁰ Joba' cañi' Paa` quiá' i dseata Festo do jo cajíñ' -

-Fi' lab iuun` fi' li` quidsi' dseata dsea` féng' dsea` guing~ fi' Roma í', joba' fi' lab li` catúng` e nitidsi' í' quié` e. Jogui guiáb` ñi' 'nu` cajo, dseata` qui` ii', e jii' coo` e ga` ja` mí cajmé` e quiá' jaléng' dsea` góo`.

¹¹ Jogui song nica'ee` dsee e lahuñg' e dsi` í' e nijngáng'^na' jnea~, cuøm` lí jmee` na' lajo, jo ja` e fá'a jii' coo`. Dsu' song ja` gui sea` jii' coo` dsee` quié` e laco' jii' e 'núng` dsea` jnea~, jii' jaang` dsea` sea` fi' quiá'r` e nijáñ' jnea` fi' quini` dsea` i 'ní' ní` quié` e. Joba' mi~ e ñiab' i dseata dsea` féng' i quiu' ta` fi' Roma niquidsir' í' quié` e.

¹² Jo mi~ cangf` jo, i dseata Festo do casíñ` cóo' jaléng' i dseata` rúñ' caguiaang` gui do. Jo lí` jo cajíñ' casí'r` Paa`:

-Lí'^ laco' nicamí' 'nu` uø' e i dseata dsea` féng' dsea` quiu' ta` fi' Roma do, í'bing' niquidsi' í' quié', jo cóo' íb` niguó'^ lana.

Mi~ casñg` dseata Festo cóo' jaang` dseata dsea` féng' i sii` Agripa

¹³ Jo mi~ cangf` tú` 'ní` jmi~ lajo, i dseata dsea` féng' i sii` Agripa do coling~ cóo' i dseamí` rúñ' i sii` Berenice cangolíñ` fi' Cesarea e cango'eer` i dseata Festo do.

¹⁴ Jo huøb` jia cajer' cóoiñ' do fi' Cesarea. Joba' lajee` jo, i dseata Festo do casí'r` i dseata dsea` féng' Agripa do lajii' e lí' quiá' i dsea` i sii` Paa` do, jo cajíñ' casí` reiñ':

-Lana lab iuung` jaang` dseañu' i sijnúng` i caseáang` dseata Félix mi~ cagüi'ír'.

¹⁵ Jogui mi~ cataan` cateá' fi' Jerusalén, jaléng' fi' jmidsea` quiá' dsea` Israel cóo' gui jaléng' dsea` cóøng` quiá'r` caguilíñ` 'núñ' i dseañu' i sii` Paa` do fi' quini~, jogui camí'r' jnea` e fa' niquiá'^u ta` e nijúum` dsea` do.

¹⁶ Joba' cangüi` quiá' jaléng' i dsea` i jmóo` dsee` quiá' Paa` do e ja` lajo títng` dseata dsea` féng' i guing~ fi' Roma fa' e quiu'r' ta` e dseáng' nijúung` dsea` lajee` ná' gui e niquidsir' í' quiá' i dsea` røøng` dsee` do jogui e nisiñ` cóo' i dsea` i 'núng` ír` cajo e laco' nijmi'óng' yaaiñ` cóo' jalé' e dsee` e 'núng` dsea` ír` do.

¹⁷ Joba' mi~ cagüilíng` i dsea` i jmóo` dsee` quiá' Paa` do fi' la, jo` e cajmi'ñg` 'ñiá'a, co' dsifí` mi~ cajneá` e jmi~ cóo' gui do cangó`baa fi' li` niquidsii` í', jo caquiá'^u ta` e calitéb'^ i Paa` do fi' li` iuuiñ`.

¹⁸ Dsu' jaléng' i dsea` i caseáng' i 'núng` ír` do ja` canú` u fa' e fé'r` uii~ quiá' i Paa` do laco' jii' e lamí` í` dsí` jnea`.

¹⁹ Co' lajii' dsee` e jmóor` quiáñ' e quiá' lajii' júu e já' líñ' quiá' Fidié` quiá'r`, jogui quiá' jaang` dseañu' i sii` Jesús i nicajúng` do jogui fé'r` e jí'biñ' do.

²⁰ Jo co' jo` ñi` jnea` ee` nijmee` e cóo'r` quiá' jalé' e dsee` e jmóo` dsea` quiá'r` do, joba' cajming'í' ire e song iin~ e nidsér` fi' Jerusalén e nitidsi' í' quiá'r` fi' jo.

²¹ Dsu' ñia'r' cajíñ' e ja` iin~ dsér`, jogui nicamir' e i dseata dsea` féng' i guing~ fi' Romabing' i niquidsi' í' quiá'r`. Joba' caquiá'^u ta` quiá'r` e lamí` iuum` bir sijñíñ` cartí` niguiéen' nre fi' quini` i dseata dsea` féng' do.

²² Joba' cañi' i dseata Agripa do quiá' dseata Festo jo cajíñ' -

-Iim` bi` jnea` nuu` júu^ quiá' i dseañu' do cajo.

Joba' cañi' dseata Festo quiá' i dseata dsea` féng' do jo casí` reiñ':

—Dsa'ób` ninúu` lajii` júu` quiá'r`.

Mi` caguié` Paa` fí` quini` dseata` dsea` féng` Agripa

²³ Jo mi` cajneá` cōo`gui jmi` lajo, i dseata` dsea` féng` Agripa do cōo`gui i Berenice do caguiliñ` cangotáaiñ` laco' dsea` 'goo` fí` sinúu` lí` tidsi` í' quiá'- jaléng' dsea` jo jée' jaléng' fi` 'lée- quiá'r- cōo`gui jaléng' dsea` niing- i jalíng- cōo'r`. Jo mi` caseáng' jaléng' i dsea` do fí` do, i dseata` Festo do caquiur' ta` e cangotée' 'lée- i Paa` do jo cangojéeng`neiñ' fí` lí` nisiseáng' dsea` do.

²⁴ Jo mi` caguiér- fí` jo, lalab cajíng'- i dseata` Festo do:

—Dseata` dsea` féng' Agripa cōo`gui lajiing` dsea` i siseáng' la lana cōo`jnea`aa', nab nising' i dseañu` do lana. Jo lajiim` dsea` Israel nicajacōor` dsee- quiá'- i dseañu` na lajee` cataan`n fí` Jerusalén jogui fí` la fí` Cesarea cajo, jogui dsíng'- ta'r` mii` e mi'r` jnea` fa' e niquíu`ta` e nijúum`biñ' na.

²⁵ Dsu` jnea`gui lín`n e ja` e mi` 'léer` jii` cōo` fa' e dsi` í' e nijúuiñ`. Jo 'ñia`guir nicamir` e i dseata` dsea` féng' dsea` guing` fí` Romabing' i niquidsi` í' quiá'r`, joba' nica`f` dsii` e fí` job niguiéen`nre.

²⁶ Jo cō' ja` ñi`guíe` e dseáng'- e nifí`i i dseata` dsea` féng' do cuaiñ` quiá'- i dseañu` na, joba' catóø`øre la'uii` fí` quini` 'nu`, dseata` dsea` féng' Agripa, e laco' niquidsi` í' quiá'r`. Jo lajoba' sea` e nitōo`jnea` fí` ni` ji` e niguiéen`n quiá'- dseata` dsea` féng' i guing` fí` Roma.

²⁷ Cō' gab`jiu` lí' lín`n e niguiéen`n jaang` dsea` i sijning` jogui ja` ñii` e` nitōo`o fí` ni` ji` quiá'- lajii` e 'ning` dsea` ír` do.

26

Mi` café` Paa` fí` quini` dseata` dsea` féng` Agripa

¹ Jo mi` cangf` e café` dseata` Festo júu` quiá'r`, joba' casí'- dseata` dsea` féng' Agripa i Paa` do jo cajíñ'-:

—Cuóøm` fo` júu` quiá'- lana.

Jo dsifí` ladob cajmée` Paa` lí` cōo` guóor` e quiá'- nifér` jo lalab canaañ` fé'r`:

²—Dseata` Agripa, eám` iáang` dsii` e nifá`a júu` quié` e fí` quini` 'nu` lana e nijmi`óng' 'ñiá`a quiá'- jalé` dsee- e nicajaca` dsea` gōo`oo' dsea` Israel quié`e.

³ Jo cō' cuíib` 'nu` jalé` e tñng` jnea`, dsea` lí`ii` dsea` Israel, cōo`gui jalé` júu` qui`ii' e si`naa', joba' mii` jmi`ee` quini` lana e ninúu` jalé` júu` quié`e e nifí`i 'nu` car` niteám`baa.

Jial seeng` Paa` ná`-gui e calicúñ` Dsea` Jmáang`

⁴ Lajiiim` dsea` gōo`oo' dsea` Israel ñir` jial calisén`n jee` ír` fí` gōo`oo' jogui fí` Jerusalén latí` jii` le'eám`baa.

⁵ Jogui ñi`bi` guíu` jaléng' i dsea` í` e dsea` fariseob líng` jnea` latí` jii` mali`, jogui cuóøm` nijíñ` lajo song` iñ`. Jogui lajee` jaléng' jnea`, dsea` lí`ii` dsea` Israel, dsea` fariseo i lajang`-gui jmiti` lajii` júu` quiu` ta` qui`ii' quiá'- jial`né` nijmiféng' dsea` Fidiée`.

⁶ Jogui lanagui nicajéeiñ` jnea` fí` la e quiá'- nitidsi` í' quié`e, dsuco' e jnea` jáb'- lín`n lajii` júu` quiá'- Fidiée` e casée' 'lii` dsea` áang` qui`ii' e jí'tu jaléng' dsea` mi` ningf` e júuiñ`.

⁷ Jo e lab júu` e cacuø` Fidiée` 'lii` dsea` áang` qui`ii' do, jo laji` guitu` 'lé` dsea` gōo`oo' dsea` Israel sijeem`bre i dsea` i cajíng'- Fidiée` i nisíñ` fí` jmigü` la. Joba' uøø` jmi` ja` tú` dsea` gōo`oo' e jmiféiñ' Fidiée` jogui e jmóor` lajii` e iing` dsea` do. Jo uí` e já'- lín`n e nicagüéng` i dsea` i sijeeng`naa' do, joba' cuø` dsea` gōo`oo' dsea` Israel jnea` dsee- lana, dseata` qui`ii' Agripa.

⁸ Joba' jjiá' ja` iing` 'nú', dsea` gōo`oo' dsea` Israel, já'- líng`na' e Fidiée` cajmээр` e cají'tu` Jesús jee` jaléng' 'lii` mi` cangf` e cajiiñ`?

Mi~ cajíng' Paa~ jial cajmeáiñ' ga` jaléng' dsea` quiá'- Dsea` Jmáang~

⁹ Dsua' e já'-ba' e ca'f dsii- ie~ lamí~ jééng'gui do e cajmeáan'~n ga` jaléng' dsea` quiá'- Jesús i seeng' fí Nazaret.

¹⁰ Jo lajob cajmé- e fí jee~ fí Jerusalén, e cangomí~ júu^ fí quini~ jaléng' fí~ jmidsea` e catán'n fíng' dsea` quiá'- Dsea` Jmáang~ fí dsí' 'nuañí'. Jogui mi~ huí' ta~ e júung~ jaléng' i dsea` í, dob sín'n e cuøø- júu^ quié- e cajo.

¹¹ Jogui jmiguiúung` née'~bi cajmeáan'~nre e laco' nitúr` lajii' júu^ e já'- lúñ` quiá'- Dsea` Jmáang~ do. Jo jalé' e na cajmé- e fí lacoø` sínúu^ guá'- quí-ii', dsea` lí'í' dsea` Israel. Jogui dseáng'- eáam' 'ní' camán~nre lajaléñ' do, co' jì'gui ngí~ e jmáan'~nre ga` cartí' doñí' jíé' fí seem`bre. Lajob cajmé- e lajee` ná'- gui e calicuín`n Dsea` Jmáang~.

Mi~ cajíng'-gui Paa~ júu^ quiá'- mi~ calicuín` Dsea` Jmáang~
(Hch. 9:1-19; 22:6-16)

¹² Jo coø` ya', lajee` e iuun- fí ngóo' fí Damasco cuaiñ~ quiá'- e jmáan'~n ga` jaléng' dsea` quiá'- Dsea` Jmáang~ i seeng' fí do, jo ie~ jo n'ngóo' quié- ta~ cóo'~gui júu^ quiá'- jaléng' fí~ jmidsea` quiá'- dsea` góo'oo' dsea` Israel e nijmeáan'~n ga` jaléng' dsea` cuíng' Dsea` Jmáang~.

¹³ Jo lajob fí~ guí' 'nua', dseata~ Agripa, e lajee` gui'ná' iuun- fí e ngóo' fí Damascob, í' e ngóo' guieñí' jób' camó-o coø` jì' e jì' jlo' e eáang'gui jíng' jì' laco'gui jì' iee~. Jo e jì' do jáa' fí yú'~ jmigüí, jo cajneá- fí lacúng' lajíng' lí~ ngóo'naa' do lajee` e téé'~naa' fí ngóo'naa' fí Damasco.

¹⁴ Jo dsifí mi~ cangí e cajneá- e jì' do, lajii'-baa' la'ó' ngóo'naa' do caquíng'-naa' fí ni~ uó-. Jo canú- jnea~ e líng~ ii' guicafé' cóo'~ jmí' hebreo e tó'r' jnea~ jo guicajíñ' lala: "Saulo, Saulo, ¿jialí' jmáan'~ jnea~ ga'? Co' jalé' e jmoo' na e jmáang'~ uøø'ba' na, laco'gui dsingíng~ jaang' güitá' mi~ iá' fí re' sñ- sñ' mo'uøø're' song ja' náu'~re'."

¹⁵ Jo cangí~ quiá'- i guicafé' do jo cafá'-a: "¿i' 'nua', Fí'í'?" Jo cañí'tu i guicafé' do jo guicajíñ': "Jneab~ Jesús i ngí' 'nua' jmáan'~ ga' lana.

¹⁶ Jo lana, ráan'- jo jmee- sín'-, dsuco' lana cajmijnéeng' 'ñiá'a fí quini' e laco' nijme' lajii' e iin~n jogui niguiá' júu^ quié- e fí quini~ jaléng' dsea` quiá'- jalé' e nicañí'- la lana jogui cóo'~ jalé' e nabi niliñí' quié- e cajo.

¹⁷ Jogui lana nilaam~baa' 'nua' jee~ jaléng' dsea` góo' dsea` Israel i 'ní' níng~ 'nua' cóo'~gui jee~ dsea` i ja' líng' dsea` Israel cajo. Jogui jneab~ nisín^n 'nua' jee~ jaléng' dsea` i ja' líng' dsea` Israel.

¹⁸ Jo ta~ lajoba' nisín^n 'nua' e laco' güi'éé' dsea` jial laco' ninea' moguir~, jogui e jo' niliseeng'guir e dsee- quiá'r- quiu' ta~ ír, co' lí' lí' né- e niquí' jíng' yaaiñ~ fí quini'baa, jo lajoba' jo' niliseeñ' e quiu'gui fí~ i líng' i sii' Satanás ta~ quiá'r-, jo nináiñ' e jnea~ dsea` nicaa~ nifí quiá'r-. Jo nisín^n 'nua' jee~ jaléng' dsea` i ja' líng' dsea` Israel lajo e laco' já'- nilíng' i dsea` í lajii' júu^ quié- e, joba' niñiñ' e ni'íng~ jalé' dsee- quiá'r-, jogui ni'íñ' lajii' e catíng~ e cuøø-ø jaléng' dsea` quié- e, dsea` i caguíng' Fidié~ e laco' ni'uíng~ dsea` güeang' quiá'r-."

Mi~ cajmé' Paa~ náu'r~ quiá'- lajii' e cangár- do

¹⁹ Jo lajob lí', dseata~ Agripa, cajmé-baa' náu'~u lajii' e camó-o jogui canú-u e jáa' fí yú'~ jmigüí.

²⁰ Jo la'uii~ canaan- e jmóo'o ta~ guiá' júu^ quiá'- Dsea` Jmáang~ fí jee~ jaléng' dsea` seeng' fí Damasco, jogui mi~ cangí jo fí jee~ jaléng' dsea` seeng' fí Jerusalén, lí' latøøng~ lí' se' Judea. Jogui lajobi fí jee~ dsea` góo'oo' dsea` Israel e fí~ ire e nijáng' yaaiñ~ fí jaguó' Dsea` Jmáang~ jogui e niquí'- níng' yaaiñ~ fí quini' Fidié~, jogui e 'né- ni'é- jmang' e guiáb- e laco' cuø' lí' e nicaquí' jím' yaaiñ~ fí quini' Fidié~.

²¹ Jo uí'~ jalé' e júu^ e guíaa- dob, casang'~ jaléng' dsea` góo'oo' dsea` Israel jnea~ fí siguí quiá'- guá'- quí-ii', jo jì'gui lamí~ iñ~ e nijngám'-bre jnea~.

²² Dsu' Fidiée' eáam' jmicóo'r~ jnea~, joba' guiáb~ seen~ latí' lana. Jogui dseáng'~ ja' jmitúng^ dsii~ e guia' bii' júu^ quiá'~ Dsea' Jmáang~ fi' jee~ lajüing' dsea', jiuuiñ~ tá'~ e cóoñ'~. Jogui ja' fá'a jüi'~ cóo' júu^ e ja' cóong' røø' cóo'~ jalé' e café' i dsea' i café' cuaiñ~ quiá'~ Fidiée' malii' gui eáang', fa' la Moi' e caséer' júu^ e la guím' 'né~ niliti' fa' la e fé' lala

²³ e dseáng'~ nisi' í' ba' e nijúung~ Dsea' Jmáang~, dsu' mi' ningí' e nijúuiñ~ do, í'bre dsea' la'uii~ nijí'tur jee~ jaléng' 'lii'. Jogui í'bre dsea' niguiár~ júu^ jee~ jaléng' dsea' góo'oo' dsea' Israel jial nileáng' jaléng' dsea' í' jee~ dsee~ quiá'r~ jogui cajo jial nileáng' jaléng' dsea' i ja' lüing' dsea' Israel jee~ dsee~ quiá'r~. Jo e júu^ e niguiá' Dsea' Jmáang~ do lí' la lí' cóo' j' e jnea' e jmicóo'~ jaléng' i dsea' í'.

Mi' caféng' Paa~ dseata~ Agripa jial ni'uíng~ dsea' do dsea' quiá'~ Dsea' Jmáang~

²⁴ Jo mi' calí' fé' Paa~ e júu^ jo e jmi'óng' 'ñia'r', jo dsifi' lajob café' i dseata~ Festo do cóo'~ júu^ tea' jo cajíñ'~:

—iNgaam' 'nu', Paa~, nica'léeb' quí'~ e nicajmitün' eáang', jo cóo'~ e jo nica'uíng~ e nicalicaam~ba'!

²⁵ Joba' cañí' i Paa~ do quiá'~ dseata~ Festo jo cajíñ'~ casí'~reiñ':

—Ja' ngaang~ jnea~, dseata~ quí'~ii' Festo, dsu' 'nu' í' o' lí' rijíim', có' lajalé' e fá' jnea~ la jmang'~ júu^ guiáb~ jogui jmang'~ júu^ jáb'~ cajo.

²⁶ Nab guíing~ dseata~ dsea' féng' Agripa, jo ní'bre la'uíing~ jalé' e júu^ na. Jo ja' 'gó'o' e fá'a fi' quinir', có' ní'baa røø' e ní'bre la'uíing~ lanú'~ cajo jalé' e guiá' e cajmée' Jesús fi' jmigüi' la, dsuco' jalé' e jo o' e calí' lí' ja' i' jøø' osi lí' ja' jnéeng~ é.

²⁷ Jogui 'nu', dseata~ dsea' féng' Agripa, niñib' jnea~ e jáb'~ lüing' 'nu' jalé' júu^ e caguia' i dsea' i café' cuaiñ~ quiá'~ Fidiée' malii' gui eáang'.

²⁸ Joba' cañí' i dseata~ Agripa do quiá'~ Paa~ jo cajíñ'~:

—Jíuu'ba' ja' mi' calí' jnea~ e ni'uíin~n dsea' quiá'~ Dsea' Jmáang~.

²⁹ Joba' cañí'tu Paa~ quiá'~ dseata~ Agripa jo casí'~reiñ':

—Nañí' si jiu' osi jmiguii'bi é ja' mi' calí' i 'nu', dsu' iing' Fidiée' e lajüim' 'nú' ni'uíng~na' dsea' quiá'~ Dsea' Jmáang~ laco'gui la lüing' jnea~; jo dsu' o' laco' jnea~ lana e 'ñúun'~n cóo'~ ní' cadena.

³⁰ Jo mi' cangí' e cajíng'~ Paa~ e júu^ jo, jo caróob~ i dseata~ dsea' féng' Agripa do cóo'~gui i dseata~ Festo do colüing~ cóo'~ i rúin' dsea' ngáang'~ cóo'r~ i sii' Berenice lí' lajüing' i dsea' i neáang' do ie~ jo.

³¹ Jo mi' cangí' jo, ca'uøøm'bre e cangosiiñ~ e júu^ do lajee' yaaiñ~ fi' lí' jié'. Jo lalab síiñ' lajee' yaaiñ~ jo fé'r':

—I dseañu' la ja' e mi' ca'léer' jüi'~ cóo' fa' dsi' í' e nijúuiñ~ o'gui e sijñüing'guir fi' dsí' 'nuñí'.

³² Jogui cañí' i dseata~ dsea' féng' Agripa do quiá'~ dseata~ Festo jo casí'~reiñ':

—Cuøøm' nileáng' i dseañu' la lana faco' mi' ja' mi' camir' 'ñia'r' jéeng'gui e niquidsí' i dseata~ dsea' féng' i guíing' fi' Roma do í' quiá'r~ lajüi'~ e lí' quiá'r~.

27

Mi' casíñ' Paa~ fi' Roma

¹ Jo mi' catigua' júu^ quiá'r~ e niguiéiñ' jaléng' jnea'^ fi' Roma lí' se' Italia, joba' Paa~ cóo'~ i dsea' sijñüing' caguiaang~gui do cangolíñ' e jée' jaang' fi' 'léé~ i sii' Julio; jo i dsea' í' iuuiñ~ jee~ cóo' íng'~ 'léé~ quiá'~ dseata~ dsea' féng' i guíing' fi' Roma.

² Jo jnea~ Lucas cangó'oo' colüing~ cóo'~ Paa~. Jo cangó'naa' e téé'naa' fi' dsí' cóo' móo' e jaa' fi' cóo' fi' e sii' Adramitio e nisi' t' lí' nigüi'í' e nidsé' fi' lacaang' oo~ jmü' quiá'~ lí' se' Asia. Jogui ngóo'bi colüing~ cóo'~ jnea'^ jaang' dseañu' i sii' Aristarco i seeng' fi' Tesalónica, cóo' fi' lí' se' Macedonia.

³ Jo mi~ cajneá~ e jmi~ jo, caguié~naa' fí' coo'gui oo~ jmi~ e sii Sidón. Jo fí' job i fii~ 'lée~ i sii Julio i jmóo' í' Paa~ do cacuø'r' fí' Paa~ e nidsi'eeiñ'~ jaléng' dsea' cuíñ', jo lajob i dsea' í' nijmicoo'r' dsea' do cóo'~ jalé' e 'né~ quiáñ'~.

⁴ Jo mi~ cangî jo, ca'uøø~naa' fí' oo~ jmi~ e sii Sidón do e quíng'~naa' guí, joba' cangîng~naa' fí' lí' lí' ca' fí' coo' guoo'~ uø~ e néé' ni~ jmiñí'~ e sii Chipre fí' lí' ja' 'ga' lí' bá' e guí do, dsuco' eáang' jna' laco' ngóo'naa'.

⁵ Jo cangîng~naa' fí' 'ni' jmiñí'~ la tóo' lí' se' Cilicia cóo'~gui lí' se' Panfilia cartí' caguié~naa' fí' coo' fii' e sii Mira, coo' fii' lí' se' Licia.

⁶ Jo fí' job i fii~ 'lée~ i sii Julio do cangár~ coo' móo' quiá'~ fii' e sii Alejandría, jo iu~ fí' ngóo' fí' lí' se' Italia. Jo fí' dsíí' móo' job cangotóo'~naa' e quiá'~ cangó~naa' fí' lí' si'í' ngóo'naa'.

⁷ Jo jmiguiab' jmi~ ngocá' e ngí'naa' tá'~jiu lado. Jo e quie' ta~ eáam' caguié~naa' fí' coo' fii' lí' sii Gnido. Jo eáam'bi' í' e guí do laco' ngóo'naa', joba' cayee~naa' fí' quini~ coo' fii' e sii Salmón, jo cangîng~naa' lí'~ lí' 'ni' e uø~ e sii Creta e néé' ni~ jmiñí'~.

⁸ Jo cangîm~baa' guidseaang' lado lacuee' 'ni' jmiñí'~ cartí' caguié~naa' coo' lí' sii Buenos Puertos, e néé' quiá'~ coo' fii' lí' sii Lasea.

⁹ Jo jmiguiab' jmi~ nicangocá' e téé'~naa' fí' lado la tóo' ni~ jmiñí'~, jogui ningóo' lidseáam'~ cajo e téé'~naa' dsíí' móo', co' ie~ jo nijaquíéeng' jii' güíib~, joba' eáam' nidseáang'~. Joba' cajíng'~ Paa~ casí'r~ i dsea' i ngolíng'~ dsíí' e móo' do ie~ jo, jo cajíñ'~:

¹⁰ —Dsea' rú'uu', móo' jnea~ e eáam' nidseáang'~ quí'~ii' laco' ngóo'naa' la. Jo dseáang'~ ni'íng'~ quí'~naa' e móo' la cóo'~gui jalé' lee~ e quie', jogui la quie' tí' jneaa~aab' dseáang'~ quí'~ii' e ni'íng'~naa' cajo.

¹¹ Jo dsu' i fii~ 'lée~ do, eáang'gui cajmi'gór' dsea' fii~ e móo' do cóo'~gui fii~ i quie' e móo' do laco'gui e cajmi'gór' Paa~.

¹² Jo co' e oo~ jmi~ e sii Buenos Puertos do ja' 'goo' fa' e fí' jo ningíñ'~ lajee~ jii' güíi~, joba' lajiiñ' la'ó' ngolíñ'~ do ca'í' dsíir' e guiá'~gui e ni'uóm'bre e fí' oo~ jmi~ jo, jo nijmér~ quiíj'~ jial niguilíñ'~ fí' coo'gui oo~ jmi~ lí' sii Fenice, coo' oo~ jmi~ e néé' lí' se' Creta e jøøng'~ lí' lí' guíee'~ cóo'~gui lí' lí' ée' guoo'~ uø~. Joba' ja' dseáang'~ fa' mi~ cajer' fí' jo lajee~ jii' güíi~, co' fí' job lami~ í' dsíir' nijér~ lajee~ jii' jo.

Mi~ caróo'~ jmiñí'~ e eáang'

¹³ Jo mi~ canaang' e uáam~jiu e guí e jáa' fí' lí' lí' huøø~ do, joba' ca'í' dsíir' e nitam'~tur fí'. Jo ca'uøøm'bre e fí' oo~ jmi~ do e teáañ'~ dsíí' móo', jo cangíñ'~ quiáb'~ e 'ni' Creta do.

¹⁴ Dsu' jo huøø~ cali'íi' ca'íi' guí e teá' eáang' e jáa' lí' lí' ñíi'~ laco' ngóo' e móo' do, jo fí' lí' jiéb' canaang' cá' e móo' do.

¹⁵ Jo canaang' øøng' fí' lí' jiéb' fí' lí' í' guí. Jo dsuco' jo lí'~naa' fa' e nidsé~gui røø' e móo' do laco' í' guí, joba' lí'~ ngó~naa' jié' fí' ta~ quiu' guíb'.

¹⁶ Jo cangîng~naa' lí' caluu' coo' guoo'~ uø~~jiu e sii Cauda e néé' ni~ jmiñí'~, co' fí' job ja'gui í' guí e teá' eáang'. Jogui eáam' cacá'~ jaléng' i dsea' i quie' e móo' do ta~ e casitír' e móo'~jiu e ngí' fí' caluu' móo' fé' quiá'r~ e laco' nileáang'naa' fíng lí' cali'né~ lajo.

¹⁷ Jo mi~ cangî e caséer' e la fí' ni~ móo' quiá'r~, jo cajmeáiñ' ta' 'nii~ e mi~ quiá'~ e ni'ñúr' e móo' fé' do laco' nicuø'~ bí' quiá'. Jogui dsuco' 'gó'bir fíng cacung'~ móo' quiá'r~ jee~ cuu'~ tóo'~ fí' lí' sii Sirte, joba' cabír' fí' ni~ jmiñí'~ coo' 'majii' e ii' eáang' jogui neaang' rúng' cóo'~ móo' laco' ja' ningí'~ jmiñá'. Jo cangolíim~bre laco' jii'~ ta' quiu' guí.

¹⁸ Joba' mi~ cajneá~ e jmi~ jo, eáang'gui huíng' ni'í' guí jogui eáang'gui niróo~ jmi~ cajo, joba' canaaiñ' uø'r' e lee~ e téé'~ dsíí' e móo' do jo cabír' fí' é' jmiñí'~.

¹⁹ Jo mi~ catí' 'ni' jmi~ lajo, canaaiñ' uø'r'bre cóo'~ layaang' guoor' jalé' 'nii~ e guiquíng'~ 'mi' quiá'~ e móo' do.

20 Jō jmiguiab' jmii~ cangoca' e jii~ iee` ja` jnéeng- o'gui jnéeng- jaléng' núu' mi~ canuu` cajo. Jō co' ja` niquiúm'-bi e í' guí' cóo'~gui e róo- jmii, jōba' dseáng'- ni'í' dsi'naa' e jo` nití'~baa'.

21 Jōgui co' jmiguiab' jmii~ ningóo' e ja` quiee~naa' i'naa', jōba' caróo- Paa- jee~ jaléng' i dsea` do jō cajíñ'- casí'-reiñ':

—Dsea` rú'uu', guiá-~guiab ca'uíng- quí-ii' fa' mi~ cajmee-na' núu'~na' lajii'~ júu^ quie-e e ja` ca'uøø-naa' fí' oo- jmii` Buenos Puertos fí' lí' se' Creta, jō ja` cangongí-naa' e lana, o'gui ca'íng- jii~ coo' quí-ii' faco' mi~ canuu'~na' júu^ quie-e.

22 Jōgui lana fii- i'nú' e ja` jmitúng^ óo'na' jii~ coo', co' jii'~ jaang' 'nú' ja` nijúung-na'; jii'~ móo'ba' e ni'íng-.

23 Co' dsi'lóo^bi cajnéng- jaang' ángel quíá'- Fidiée~ quie-e i jmóo' lajii'~ ta~ quia' dsea` do,

24 jō cajíñ'- casí'r- jnea~ lala: “Ja` fóøñ~, Paa-, co' dseáng'- 'néb- e niguie' fí' quini~ dseata~ dsea` féng' i guíng~ fí' Roma. Jō la'eáang' cóo'~ 'nab' cajo Fidiée~ nileáañ- lajiiing' dsea` i teáang'~ cóo'~na' fí' dsi' móo' na.”

25 Jō lajōb lí', dsea` rú'naa', cuøø'~ bí' yaang-na', co' jalé'ba' e jíng'- Fidiée~ dseáng'- jmiti~bre, jōgui nitab~ dsii- e dseáng'- nilitib~ laco' jii'~ e cajíng'- i ángel do casí'r- jnea~.

26 Jōba' fí' coo' ni~ guóo'~ uø- e néé' ni~ jmiñí', fí' jōb 'né- nidsitíng'~naa', co' niffim- móo' jéeng'gui.

27 Jō coo' uøø, mi~ cangí' tú- seamaan~ e téé'~naa' fí' lado, jō caguié-naa' fí' jmiñí' lí' sií' Adriático; jō dseáng'- lami~ róo-~bi jmii, jōba' fí' la fí' nab dsée' móo' lí' téé'~naa' cóo'~ e guí' e í' do. Jō uøø' guienúu' quíá'- e jmii~ jō mi~ calilí' i dsea' quie' e móo' do e nijaquieém' nitíng'~naa' uø- quíá'.

28 Jōba' caguiar' í' jial tí' a'gui e jmii' do, jō calilí'r^ e ni'a'gui jii'~ guigui' dsí' jñúu- metros. Jō mi~ caguiliñ- tí' doguijia, jō caguia'tur í' calé' catú-, jō calilí'r^ e a'gui jii'~ guieguiée' metros.

29 Jō co' 'gó'bre fing casicøøng- e móo' do cóo'~ cuu' 'loo', jōba' cabír' quíá' 'lo'~ ní' lí' caluu' e móo' do e laco' jo` ningí'~gui e móo' do. Jō lajee~ jō féiñ' Fidiée~ e jo` güili'~gui e nijnea'.

30 Jō dsu' i dsea' i quie' e móo' do ca'í' dsíir' e nicuí-bre jō nitú-bre e móo' do. Jōba' canaañ' jíe-bre e móo' pí' e téé'~ dsí' móo' fé' do e laco' nijmi'øng' yaañ' ni~ jmii. Jō jmóor' lafa' e nibír' 'lo'~ ní' e sea' fí' quini~ e móo' do.

31 Jō dsifí' mi~ calilí' Paa- e jmóo' i dsea' do lado, jōba' casí'r- i fii' 'lée- do cóo'~gui jaléng' 'lée- quíá'r- jō casí'-reiñ' jō cajíñ'-:

—Song ja` nijé- jaléng' i dsea` na dsí' e móo' la, ja` lí' 'nú' leáng'na' cajo.

32 Jōba' i 'lée- i ngolíng- dsí' e móo' do caquiur' 'nii~ e 'ñúu'~ e móo' pí' do, jō cató' fí' ni~ jmiñí'.

33 Jō lajee~ e nú'-gui e nijnea' ie~ jō, Paa- caquiur' ta~ quíá'- jaléng' i dsea' i ngolíng- do e nidø'r- capí'^jia jō casí'-reiñ':

—Lana ningóo' tú- seamaan~ e í' dsi'naa' e ne~duu' e~ nidsijée' quí-ii', jō jii'~ i'naa' ja` mí' caquiee~naa' laco' jii'~ e quí'- tí'naa'.

34 Jōba' fii- i'nú' lana e 'né'ba' cøb'^jia' í'na', co' la guím' 'né- quí-na' lajō, co' cóo'~ e jōba' cuø' bí' quí-na' e seeng'na'; jō jneaa~aa' jii'~ coo' ja' e nilí-ii', jii'~ camí'^ jñú' guí'naa' ja` ni'íng-.

35 Jō mi~ cangí' e fé' Paa- lajō, jō catíiñ- coo' iñí' jō cacuø'r' gui'máang' Fidiée~ fí' quini~ jaléng' i dsea' do. Jō lí' jō caffíñ' e iñí' do jō canaañ' gø'bre.

36 Jō lajiiim' i dsea' do cangotáañ- e cagø'bre cajo.

37 Jō lajii-naa' la'ó' ngóo'naa' dsí' e móo' do tí'baa' tú- ciento dsí' setenta y seis dsea'.

38 Jō mi~ cangí' caquiee~naa' guiá- lajii-naa' do, cabíb' i dsea' do e micui'iee' e téé'~ dsí' e móo' do e laco' jōgui ii' e móo' do.

Mi cango'ang' mío'

³⁹ Jo mi cajneá e uóø jo, jaléng' i dsea i quie e mío' do ja ñir jial sii e uó quiú e tí li tiiñ' do, dsu' cangá-bre coø li cuóøng' e nijé e mío' do li ja té' cuu eáang', joba' fi job ca'f dsir e nitiiñ' cóo' e mío' do.

⁴⁰ Jo caquiur' e 'nii e guineaang' lo' ñi' do, jo dob cajiur' fi é' jmiñ'. Jogui cajléiñ' e 'ma e íng' ta e quia' ta quia' fi e mío' do. Jo mi cang' jo, caséer' fi yá' e 'mi' e í' fi quini e mío' do, jo cacá' guí e laco' cuóøng' ngi jminá' gui e mío' do. Jo lajoguib canaang' dsiquiéeng' e mío' do fi 'ni' li nilí' guóo' uó'.

⁴¹ Dsu' ná' gui e nitíng' uó' quiú e mío' do, fi jee cuu' tóob' ná' jmiñi' ca'í, jo fi job cacú'. Jo latøøm' fi quini quia' cacú' fi jee cuu' tóo' e jii' jo cuóøng' lí jø'. Jogui lí' lí caluu' e mío' do canaang' licuüib' cóo' bí quia' e jmiñ' e róo' do.

⁴² Jo jaléng' i 'lée i teáang' dsí e mío' do cali'iiñ' e nijngám' bre jaléng' i dsea i téer' ñúung' do e laco' ja nileáng' yaaiñ' do e nicuür' fi 'ni' jmiñ' mi nináiñ' e nitér' jmiñ'.

⁴³ Dsu' i fi quia' i 'lée do ja cacuør' fi lajo fa' e i 'lée do cajméer' lajo, co' la guím' né' nijáiñ' jaléng' i dsea i téer' ñúung' do fi quini dseata'. Jo lí' caquiur' ta quia' jaléng' i dsea do e ii' jaléng' i tíng' té' jmiñ' güidsitáam' bre dsifí lado, jo nitiiñ' jminá' gui fi lí' nilí' guóo' uó'.

⁴⁴ Jogui jaléng' i caguiaang' gui do nitér' jmiñ' cóo' 'majii' osi ni cuí' 'majmá' quia' e mío' do é. Jo lajob catí' naa' cóo' e guia' fi lí' nilí' guóo' uó' lajalé' naa' do.

28*Mi caguié' Paa' cóo' gui i dsea' caguiaang' gui do fi Malta*

¹ Jo mi nicaláang' naa' lajii' naa' do fi ni' jmiñi', joguiba' caline' naa' e nisi' Malta fi ni' guóo' uó' li catí' naa' do.

² Jo i dsea' i seeng' fi do eám' guia' ca'éer' cóo' jnea' lajii' naa' do. Jo co' jmiñ' tuu' ie' jo, jogui dsíng' güi' cajo, joba' i dsea' seeng' fi do caji'r' ji e fe' jo cató'r' jnea' e nidsiquiéeng' naa' e fi ca' ji do.

³ Jo ie' jo i Paa' do cangoquier' coø' seang' cui' quiu' jo cató'r' fi ni' ji; dsu' lajee' job cagüi'fi jaang' mi' i guíng' fi jee e cui' do mi calilí're' e guí' ji, jo cacu're' luguoo' Paa'.

⁴ Jo mi cangá' i dsea' i seeng' fi do e cacu' i mi' do luguoo' Paa', joba' canaang' sí' rúiiñ' lajee' la'ó' teáaiñ' do jo jiiñ':

—Lí' fíng' o' jaang' dsea' 'mób' i dseañu' na, co' caláam' bre fi ni' jmiñi', dsu' cóo' e caliñ' nagui jo cuóøng' ii' nileáng' ír', co' jo catíng' e seeiñ' quia' Fidié'.

⁵ Jo dsu' Paa' dsifí ladob cabó'r' guóor' fi ni' ji, jo catóm' i mi' do, jo jii' coø' ja e caliñ'.

⁶ Jo lajii' i dsea' i seeng' fi do sijer' fa' e niliyee' lí' cacu' i mi' do guoo' Paa' osi e nijúum' bir lajee' jo é. Jo ngoca' bjiu e sije' i dsea' do su lüng' ee' nilíng' Paa', dsu' ja e calíng' dsea' do jii' coø'. Joba' dsifib' cajmísíng' i dsea' do e í' dsír', jo canaiñ' fé'r' e i Paa' do líiñ' jaang' dié'.

⁷ Jo quia' e fi lí' té' naa' ca' ji do nisea' tú' 'ni' jmáang' uó' quia' jaang' dseata' dsea' féng' i niseeng' fi Malta i sii' Publio. Jo í' eám' guia' ca'íñ' jnea' jogui cajmicóo'r' jnea' lajee' 'ni' jmiñ' e cajé' naa' fi do.

⁸ Jo ie' jo tiquia' i Publio do niráiñ' dséer' e líiñ' jmohuí' e iu' guíiñ' jogui e eáang' siuiñ'. Joba' cangó' Paa' e cango'eer' dsea' do. Jo mi caguié' fi jo, camí'r' Fidié' uii' quia' dsea' do. Jo lí' jo, caquidsir' guóor' fi mogui' dsea' do, jo lajob cajmi'leáiñ' dsea' do.

⁹ Jo mi caliñi' jaléng' gui dsea' dséer' i niseeng' e fi do e ca'láang' i tiquia' Publio do, jo cangolím' bre fi lí' táang' i Paa' do e laco' dsea' do nijmi'leáang' neiñ' lajii' jmohuí' e líiñ'. Jo lajalém' biñ' do ca'láiñ' ie' jo.

¹⁰ Jo lajiing` i dsea` do eáam` cali'iaang` dsíir` cóo`~ jnea`, jogui cajmicóo`r` jnea` cajo lajee` gaang` si` e cataang`naa' fí Malta do. Jo mi` cangf` jo, mi` cangotóo`~túu' fí calé` catú-, cajmicóo`~bre jnea` cajo cóo`~ jalé` e 'né- quí`naa' guiá` fí lajee` e téé`naa' fí ngóo`naa' fí Roma.

Mi` caguié` Paa- fí Roma

¹¹ Jo mi` cangó`naa' fí jo, téé`naa' fí cóo` móo' e jié` e nicaje' fí Malta lajee` jii` güi-; jo e móo' do nijáa' fí cóo` oo- jmi` e sii` Alejandria. Jo jéeng` gáng- diéé` dsea` suung` i li~, jaang` i sii` Cástor jogui jaang`gui i sii` Pólux.

¹² Jo ca'uøø`baa' fí Malta, jo cato`~túu' fí e ngóo`naa' fí Roma. Jo mi` cangf` jo, caguié`naa' fí cóo` fi` li` sii` Siracusa, jo fí job` cajá`naa' 'ní` jmi~.

¹³ Jo fí job` ca'uøø`~túu' e téé`naa' dsíi` móo', jo cangó`naa' la tóo` 'ni` jmiñi`^ cartí` caguié`naa' fí cóo` fi` e sii` Regio. Jo mi` cajneá- e jmi~ jo, co' lí` lí` uøøb- jó` guí, jo mi` cajneá- cóo`gui jmi~ lajob` caguié`naa' cóo`gui oo- jmi~ li` sii` Puteoli.

¹⁴ Jo fí job` cají`- rú`naa' cóo`~ jaang` gáng- dsea` quiá`- Dsea` Jmáang-. Jo íb` cató`- jnea` e cajé`naa' cóo`r` fí jo lajee` cóo` seamaan-. Jo tá`- jiu lajob` caguié`naa' cartí` Roma.

¹⁵ Jo jaléng` dsea` quiá`- Dsea` Jmáang- i neáang` fí Roma niñi`bre júu` quí`naa' e téé`naa' fí. Joba' cangoliñ` e cangojmijíñ` jnea` cartí` cóo` fi` li` sii` Foro de Apio jogui fí cóo`gui li` sii` Las Tres Tabernas. Jo mi` caneeng` rú`naa', dsifí` ladob cacuø` Paa- gui`máang` Fidiéé~, jogui eáam` cali'iaang` dsíir` cajo.

¹⁶ Jo mi` caguié`naa' fí Roma, cacuøb` i 'léé- do fí e nigüéa` Paa- quiá`- dsea` jiéng`, jogui e jaam` 'léé- i nijmé- gui í` ír`.

Lajee` táang` Paa- fí Roma

¹⁷ Jo mi` cangf` 'ní` jmi~ lajo e caguié` Paa- fí Roma, joba' camir` fí e calité`^ jaléng` dsea` quie` nifí` quiá`- dsea` Israel i neáang` fí Roma do. Jo mi` tí` li` caseáng` í` lajiiñ` fí jo, joba' lalab casí`- Paa- jaléng` í`:

—Dsea` góo`naa', ja` e mí` jmé- jnea` jii`~ cóo` e ga` uii~ quiá`- dsea` góo`oo' dsea` Israel o'gui cóo`~ jalé` e táng` jaléng` 'li~ yúu` quí`-ii'. Dsu' fí Jerusalén cajáng` dsea` góo`oo' dsea` Israel jnea` fí jaguó` dsea` romano,

¹⁸ jo mi` cangf` e cajmingí`- i dsea` romano do jnea` jalé` e 'náng` dsea` góo`oo' jnea~, cali'iiñ` fa' mi` caleáam`bre jnea` co' ja` e uuing` sea` quie`-e fa' dsí` í` e nijmeáiñ` jnea` cartí` nijúun`-n.

¹⁹ Jo co' dsea` góo`oo' ja` cali'iiñ` fa' e caleáang`tu i dsea` romano do jnea` e júu` røø, joba' cali'iiñ` jnea` 'niá`a e i dseata` dsea` féng` i guiiñ` fí Romabing` i niquidsí` í` quie`-e, nañi` fa' ja` e dsee- sea`re' quie`-e jii`~ cóo`, o'gui sea` jii`~ cóo` dsee- fa' e ni'náng` jnea` dsea` góo`o cajo cuaiñ` quiá`- jalé` e júu` jo.

²⁰ Jo uuing` e joba' e catóøø`-ø`nú` fí la e laco' niliñi`na' jogui nisi~naa' coliiñ` e~ uuing` e 'ñúun`-n la lana, co' uuing` e já`- lín`n e nicagüéng` i sii` Dsea` Jmáang` do fí jmiñi` la, jo íb` dsea` i sijeeng` jaléng` dsea` góo`oo'.

²¹ Jo cañi` i dsea` do quiá`- Paa- jo cajíñ`- casí`-reiñ`:

—Jii`~ cóo` jì` ja` mí` calíng`~ jnea` e jáa' fí Judea fa' e fé' uii` quí`-, o'gui jii`~ jaang` dsea` rú`naa' dsea` Israel i nigüilíng` fí la fa' nicajíñ`- júu` ga` uii` quí`- cajo.

²² Dsu' ii`naa' nú`naa' júu` quí`- lana quiá`- jalé` e í` o', co' ne`baa' guiá- doñi` jiéb` fé` dsea` ga` quiá`- jaléng` 'nú', dsea` cúing`na' Dsea` Jmáang-.

²³ Jo lajob` cajméer, catéer` cóo` jmi~ li` niseáng` jaléng` dsea` Israel e fí li` guiiñ` Paa-. Jo mi` tí` li` nisiseáng` lajiing` dsea` fí do, joba' canaang` Paa- e guiar` júu` fí jee` i dsea` do quiá`- jialiing` Fidiéé` nicár` nifí` quiá`- lajaang` lajaang` dsea` jmiñi`. Jo guia` Paa- e júu` do tí` la`eeb` jo cartí` ca'lóo-. Jo sí`r` i dsea` do e laco' já`- niliñ` júu` quiá`- Jesús la'eáang` cóo`~ júu` quiu` ta` quiá`- dsea` Israel e cajme' Moi` cóo`~gui jalé` e fé' fí ni` jì` quiá`- i dsea` i café` cuaiñ` quiá`- Fidiéé` mali~gui eáang`.

²⁴ Jo i líng i dsea` do jáb' caliñ e júu e guía Paa` do, jogui calisém`bi cajo i ja` calijí e júu` jo.

²⁵ Jo co' ja` røø` sñng i dsea` do laca'ling' ca'íñ' quiá' lajii' e júu e guía Paa` do, joba' canaaiñ` dsilím`bre. Jo lalab casí' Paa` i dsea` do:

—Lanab dseáng' cajíng' Jmiguí quiá' Fidié` casí'r` 'lii` dsea` cøøng' qui`naa' la'eáang' cóo' jaang` dsea` féng' i café' cuaiñ` quiá' Fidié` malii`gui eáang' i sii` Saíi` mi` cajíñ' lala:

²⁶ Gua` jo güisíi' jaléng' dsea` Israel e nañi' fa' jialgui e ninúr` dsu' ja` iñ` ningáiñ' jii' coo'; jogui nañi' fa' jialgui e nijøør`, dsu' ja` iñ` ninír` jii' coo`.

²⁷ Co' dsíng' ja` iing` jmitíng` jaléng' i dsea` í` jogui ja` lír' í` dsír' røø` jogui jnir' loguar` cóo' gui jminir` cajo e laco' ja` lír' núur` o'gui jøør` o'gui lír' ningáiñ' cajo.

Jo lajob ja` lír' niquí' jíng' yaaiñ` fi' quini` e laco' jnea` quí' jmi` nijmi'leáan`nre jóng.

Jo lanab líi` júu` quiá' Saíi` e cajme'r' malii`gui eáang'.

²⁸ Jogui güiliñib` 'nú' guiá' e latí lanab ninaan` nigüiaa` júu` quiá' Dsea` Jmaang` jee` jaléng' dsea` i ja` líng' dsea` góo'oo' dsea` Israel quiá' jial nileáng` Fidié` ír` jee` jalé` dsee` quiá'r`, jo i dsea` í` iim`bre núur` e júu` jo.

²⁹ Jo mi` cangí e cajíng' Paa` e júu` jo, gui'nang' uøøm`bi i dsea` Israel do e jmigüing` rúñ' lajee` yaaiñ`, co' ja` røø` sññ`.

³⁰ Jo mi` cangí jo, caje`bi Paa` tú` jíng'gui e fi' 'núu' lí` quí'r` do e si' fi' Roma. Jo fi' job iñ' jaléng' dsea` i dsilíng` i dsí'ee` ír`.

³¹ Jo dseáng' eáam' ja` 'gó'r` guiar' e júu` do quiá' jial iing` Fidié` nicár` nifi' quiá' lajaang` lajaang` dsea` jmigüí. Jogui e'guir jaléng' i dsea` i guilíng` do cajo jalé` júu` quiá' Fíi`naa' Dsea` Jmaang`. Jo jii' jaang` dsea` ja` ii` jñíng' quiá'r` fa' ja` cuøøng` jmér` lajo.

Jo lanab jii' líi` júu` e cajme'r' Lucas e catíng` Teófilo.

Júu^ e toq̃ fí ni~ jì quiá'- Paa- e catíng- dsea` seeng` fí ROMA

¹ Jnea~ Paa- lín'n jaang` dsea` i jmóo` lajii~ e iing~ Dsea` Jmáang-. Jo Fidiée`bing' i cató' jnea~ e laco' ca'uín-n jaang` dsea` apóo^ i óo` ta~ quiá'r- jogui caguín' jnea~ e laco' niguiaa- júu^ quiá'- Dsea` Jmáang- quiá'- jial laang` dsea` jee~ jalé' dsee- quiá'r-.

² Jo nicajméeb` Fidiée` júu^ quiá'- jalé' e júu^ quiá'- Dsea` Jmáang- na lami~ jéeng'gui la'eáang` cóo'~ jalé' jì e cajme' jaléng' dsea` i nicafé' cuaiñ~ quiá'r- mali~gui eáang'.

³⁻⁴ Jo e júu^ jo fé' cuaiñ~ quiá'- Fí'naa' Dsea` Jmáang- i líng' Jóo' Fidiée`. Jo dsea` do cajar- fí jmigüi' la e líiñ' jaang` dsea` jmigüi', dsuco' líiñ' dsea` siju~ dseata~ Daví'. Dsu' cajmijnéeng` Fidiée` e la'eáang` cóo'~ Jmiguí' quiá'r- 'ñia'bre e Fí'naa' Dsea` Jmáam-bing' líng' i Jóor' camíng'~ i dsíng' 'gøng' do. Jo cajmijnéeiñ' lajo ie~ lami~ cajmijii~ tur i Jóor' do jee~ jaléng' 'lii~.

⁵ Jo la'eáang` cóo'~ Dsea` Jmáang-, jogui uíi' e eáang' guiúng- Fidiée`, joba' cacuø'r' jnea~ e ta~ laniing- la e ca'uín-n jaang` dsea` apóo^ quiá'r-. Jo lín'n lajo e laco' niguiaa- júu^ quiá'r- jee~ jaléng' dsea` jmigüi', jo lajoba' nijá'- líng' dsea` jogui nijmér- nua'r- e júu^ quiá'- dsea` do.

⁶ Jo jee~ jaléng' i dsea` í quiim' 'nú' cajo, dsea` i cató' Fidiée` e laco' ca'uíng-na' dsea` quiá'r-.

⁷ Jo e jì la catíng- 'nú', dsea` rú'naa' dsea` quiá'- Dsea` Jmáang- i seeng` fí na fí Roma. Jo eáam' 'neáang` Fidiée` 'nú' jogui nicaguín' 'nú' e ni'uíng-na' dseáng'- dsea` quiá'r-. Jo mii' i Tiquí'ii' Fidiée` cóo'~ gui Fí'naa' Dsea` Jmáang- e ni'ír- güea' quiá'r- jee~ jaléng' 'nú', jogui e nicuø'r- 'nú' e seeng'na' juguiá- júu^ røø`.

Lajee` e iing~ Paa- dsi'eer~ dsea` quiá'- Dsea` Jmáang- i seeng` fí Roma

⁸ Jo la'uii~ júu^ quié' e e fii-guú' 'nú', dsea` rú'naa' dsea` quiá'- Dsea` Jmáang-, quiá'- e cuøø' gui'máang' Fí'i Fidiée` uii~ quií-na' lajiiing-na' la'eáang` cóo'~ Fí'naa' Dsea` Jmáang-, dsuco' fí la fí na fé' dsea` jial e já'- líng'na' júu^ quiá'- Dsea` Jmáang- e car' ngocáng' óo'na'.

⁹ Jo guiáb- niñí Fidiée` e laco' ya' mi~ fón'nre, mii~ire uii~ quií-na'. Jo jnea~ jmóo'o dseáng'- e ngocáng' dsii- lajii~ e iing~ dsea` do e guiaa- e júu^ quiá'- i Jóor' Dsea` Jmáang- do.

¹⁰ Jogui mii~bii yejí Fidiée` cajo e song e iáang` dsír' e nicuø'r- jnea~ fí, joba' ninii~ i e ni'ee' e 'nú' jóng.

¹¹ Jo eáam' iin~n e nijmee~ e lajo e laco' cuøøng` e nijmicóo'~o 'nú' cóo'~ jalé' e guiá' e ngíng'naa' e cuø' Fidiée` jneaa~aa' la'eáang` cóo'~ Jmiguí' quiá'r-. Jo la'eáang` cóo'~ jalé' e joba' e nisíng'-gui' teá' fí guiá- cóo'~ Dsea` Jmáang-;

¹² Jo laco' cuøøng` fá'a e nijmicóo'~gui rú'naa' la'eáang` e já'- lí'naa' júu^ quiá'- Dsea` Jmáang-.

¹³ Jo eáam' iin~n e ñí'na', dsea` rú'naa' dsea` quiá'- Dsea` Jmáang-, e jmiguiab' ya' nica'f dsii- e ninii~ i fí na e ni'ee' e 'nú', dsu' cartí' lana jmiguiab' e nicajníng' quié'e, joba' ja' mí' calí- fa' e nicagá'-a fí na. Jo uing~ quiá'- e ninii~ i fí na e laco' nijmicóo'~o jaléng' i dsea` na e laco' ni'uíñ- dsea` quiá'- Dsea` Jmáang- lí' laco' jii~ e nicalí- fí góo' dsea` lí' jié'.

¹⁴ Co' 'né- e niguiaa-baa júu^ quiá'- Dsea` Jmáang- jee~ jaléng' dsea` i neáang` fí góo' dsea` cóo'~gui jaléng' dsea` i neáang` fí jee~ mó' lí' huíi-, jogui jee~ jaléng' dsea` i tíng' jì cóo'~gui jee~ dsea` i ja' líng' lajo;

¹⁵ joba' dsíng'- iin~n e ninii~ i fí na fí Roma e laco' niguiaa- júu^ quiá'- Dsea` Jmáang- jee~ jaléng' 'nú', dsea` neáang'na' fí na.

Jial 'gøng' júu^ quiá'- Dsea`Jmáang-

16 Jo fñ-guáí 'nú', dsea` rú'naa' dsea` quiá'- Dsea` Jmáang-, jnea~ dseáng'- eám' nita~ dsii- cóo' júu^ quiá'- Dsea` Jmáang-, co' la'eáang' cóo' e júu^ 'gøng' do niquáí~ Fidié~ jmí e nileáiñ- jaléng' dsea` jee~ jalé' dsee- quiáiñ-. Jo la'uii~ catíng- lajo jaléng' dsea` Israel, jogui lajobi cajo jaléng' dsea` i ja líng' lajo.

17 Jo e júu^ quiá'- Dsea` Jmáang- na e' jneaa~aa' e nica'íng' Fidié~ jneaa~aa' e lí'naa' dsea` i ja røøng` dsee- fí quinir~ la'eáang' e já- lí'naa' júu^ quiá'r-, jo jo` ee` 'né- jmó`guáí' e jié'gui, co' lalab fé' fí ni~ jì quiá'r-: "Jo la'eáang' e já- líng' jaang' dsea` júu^ quiá'- Fidié~, joba' Fidié~ íñ' i dsea` í e lííñ' jaang' dsea` i ja røøng` dsee- fí quinir~."

Jalém' dsea`jmigüí` óor` dsee-

18 Jo ninee` jøø`baa' e Fidié~ i guing~ fí ñíí-, íb` i guíng- quiá'- jalé' e ja` dseeng` cóo'gui jalé' e 'li^ e jmóo` dsea`, dsuco' cóo' jalé' e 'li^ e jmóo` jaléng' i dsea` í, jñííñ' quiá'- jaléng' dsea` rúíñ' i iing~ nilicuí` júu^ sea` contøøng- quiá'- Fidié~.

19 Co' lajalé' e cuøøng` niliñí' dsea` quiá'- Fidié~, guiáb- niñí' jaléng' i dsea` í, co' 'ñiab' Fidié~ nicajméer` e nicaliñí' jaléng' dsea` jmigüí` lajalé' e jo.

20 Co' lajii~ latí mi~ canaang` uiiñ~ jmigüí, lajii~ e líng' Fidié~ e ja` quí~ dsea` jmí niliñir', fa' la e 'gøíñ' e sea` lata~ jogui e dseáng'- jii~ íbre lííñ' Fidié~, jo lajalé' e jo cuøøng` niliñí' dsea` la'eáang' cóo' jalé' e nicajméer` fí la'úng- fí jmigüí. Joba' jaléng' i dsea` í ja` cuøøng` fa' e nifér' e ja` caliñir' e seeng` Fidié~.

21 Jo nañí' fa' niñí'bre e seeng` Fidié~, dsu' ja` cajmi'gór` dsea` do laco' catíng-, o'gui cacuø'r` dsea` do gui'máang' cóo' jalé' e guiá' e nicajmée` dsea` do. Dsu' o' lajo, co' lí' lí' í dsír' jmang'- júu^ e ja` uing~ seab, jogui nicajñíb- moguir~ fa' e ni'í- dsír' jalé' e guiá'.

22 Co' fé'r' yaaiñ~ e lííñ' dsea` i tíng` eáang', dsu' o' já- lajo, co' íib` lííñ'.

23 Dsuco' jo` jmiféiñ' Fidié~ i 'gøng' i seeng` car` ngongí` jmí, jo nicanaaiñ` cajmeáaiñ` dié~ quiá'r- cóo' guóor` i líng- la líng' dsea` jmigüí` osi i líng- la líng' tá' é, osi i líng- la líng' jó' quiá' tí- é, osi i líng- la líng' jaléng' jó' i dsijñúung` uø- é; jo lajaléng' íb` i cajmiféiñ' e lafa' e nijmiféiñ' Fidié~.

24 Jo uí~ e jmóo` i dsea` do jalé' e 'li^ do, joba' Fidié~ nicatiúum- bre jaléng' í e laco' nijméiñ'- do jalé' e 'li^ jo e lí dsír', co' eám' ga` beáng' dsee- yaaiñ~ lajee` la'ó' yaaiñ~.

25 Dsu' lafa' e nijmitir~ lajii~ e júu^ quiá'- Fidié~ e sea` contøøng-, jo lico' jmitir~ lajii~ júu^ e o' jáb-, jogui jmí'gór` jogui jmiféiñ' lajii~ e sea` fí jmigüí' e cajmée` Fidié~ e lafa' e nijmiféiñ' 'ñia' Fidié~ i cajmée` jalé' e jo. Co' jii~ dsea` íb` i catíng- i nijmiféng' dsea` car` ngongí` jmí. Jo lajob` 'né` lí.

26 Jo uí~ e jmóo` jaléng' i dsea` do lajo, joba' Fidié~ nicatiúum- breiñ' do e laco' nijméiñ'- jalé' e 'li^ e lí dsíñ' do e quí'- tííñ' jmóor`. Dsuco' la quie' cartí' jaléng' dseamí nicatú`bre lajii~ e catíng- jmóor` cóo' jaléng' dseañu', jo nicanaaiñ` jmóor` lajo lajee` la'ó' dseamííñ-.

27 Jogui lajobi cajo cajmée` jaléng' dseañu', nicatú`bre lajii~ e catíng- jmóor` cóo' jaléng' dseamí, jo nicanaaiñ` e jo` téiñ- yaaiñ~, co' nijmóor` lajii~ e ja` catíng- nijmér- lajee` la'ó' dseañuíñ'. Jo la'ó' dseañu' bre nijmóor` lajii~ e 'li^ rúíñ', joba' fí ngúu` táam` jaléng' i dsea` la'f` íñ' iihuí' e jáa' quiá'- Fidié~ uí~ e jmóor` jalé' e 'li^ lajo.

28 Jo co' jo` iing~gui dsea` fa' e nijmicuíñ` Fidié~, joba' Fidié~ nicatiúum- bre jaléng' í, jo jo` jñííñ' quiáiñ'- do e ni'í- dsíñ' jalé' e 'li^ e já- dsíñ', jo cóo' jalé' e í dsíñ' do canaang` jmóor` jalé' e ja` dseeng` e ja` catíng- nijmér-.

29 Jo jaléng' i dsea` í jmóor` laji` íng' e ja` dseeng` e sea` fí jmigüí, jogui jmóor` laji` íng' e lí dsíí` ngúu` táaiñ, jogui eám' jmáíñ' ga` jaléng' dsea` rúíñ', jogui eám' dsihuííñ' quiá'- jaléng' dsea` rúíñ', jogui jmóor` ta` jngang' jaléng' dsea` rúíñ', jogui jmóor` ta` tíng', jogui jmigøíñ` dsea` rúíñ', jogui contøøm- í dsír' e ga` quiá'- dsea` rúíñ', jogui jmóor` ta` quie' adsee,

³⁰ jogui fé'r` júu` ga` quiá'- jaléng` dsea` rúin', jogui 'ní' ním-bre Fidié, jogui ja` i' líin` cóo`~ jalé` e ga` e jmóor, jogui fé'r` júu` róo` uii` quiá'r- yaaiñ, jogui eáam` jmijlóng` yaaiñ` jee` jaléng` dsea` rúin', jogui` nó'r` jial` nijmi` uiiñ` jalé` e ja` dseeng, jogui ja` jmóor` núu'r` lajii` ta` quiu` dsea` cóong` quiá'r-,

³¹ jogui ja` iin` e ningáin` lí` doñí` ee` e guiá-, o'gui jmitir` jalé` júu` e fé'r, jogui ja` 'neáin` jaléng` dsea` rúin', jogui ja` tiiñ` iin` dsee` quiá'- jaléng` dsea` rúin` o'gui fi' líin` jii` jaang` dsea` rúin` cajo.

³² Jo jaléng` i` dsea` la'í` niñi`bre guiá- e Fidié` nicacuør` júu` quiá'r- e doñí` ii` dsea` i` jmóo` lajo, dseáng`- 'né- e nijúum`-bre. Dsu` ja` ee` lí` e niñir` lajo, dsu` mí` 'noo`bi` jmóor` jalé` e ja` dseeng` lajo, jo` jiguí` cartí` iáang` dsí`bre mi` jmóo` jaléng` dsea` jiéng` e ga` lajo.

2

Fidié`bing` i` quidsi` í` laco` catang` quiá'- lajaléng` dsea` jmigüi`

¹ Jöba` fi` guí` 'nú', dsea` rú`naa', ii` 'nú' cuø`na` dsee` dsea` rúng`na', ja` e lí` ii` líng`na', dsu` mí` jmoo`na` lajo, yaam`ba` cuø`na` dsee` yaang`na` jóng, dsuco` 'nú' jmoo`na` ga` lí` laco` la` jmoo` i` dsea` íb` cajo.

² Jo` nine`baa` røø` e laco` catam` quidsi` Fidié` í` quiá'- lajaléng` dsea` i` jmoo` e ga` lajo.

³ Dsu` 'nú', dsea` cuø`na` dsee` jaléng` dsea` rúng`na', ja` güi`f` óo`na` fa` e ja` niquidsi` Fidié` í` qui`na` laco` catang-, co` 'nú', røøb` jmoo`na` cajo laco` jmoo` jaléng` i` dsea` i` jmoo` e ga` lajo.

⁴ Jo` eáam` guiúng` Fidié` cóo`~ 'nú', jogui eáam` féng` dsíir` cajo. Jo` uii` e eáam` guiúin` do, jöba` nisijeein` 'nú' cartí` niqui`- jing`~ yaang`na` fi` quinir`. Dsu` 'nú', ja` iing`na` jmeé`na` cuente jial` tí` guiúin` cóo`~ 'nú'.

⁵ Jo` co` jaléng` 'nú' eáam` ue` óo`na` jogui ja` iing`na` fa` e niqui`- jing`~ yaang`na` fi` quini` Fidié, jöba` eáam` nijmi`múng`na` jalé` iihuí` e catang`na` mi` nití` í` e niquidsi` Fidié` í` laco` catang` quiá'- lajaang` lajaang` dsea` jmigüi`.

⁶ Co` ie` jmi` jöb` mi` niquir` quiá'- lajaang` lajaang` dsea` lí` jialco` jii` e nica`ée` dsea` lajee` e seein` fi` jmigüi` la.

⁷ Jo` jaléng` dsea` i` nó` jial` e nífé` Fidié` guiá- uii` quiá'r- jogui jial` e niñiin` quiá'- dsea` do` jalé` e jlo` e catiin` jogui jial` e niliseein` lata` uii` e cuø` dsíir` e jmóor` jalé` e guiá-, jöba` lajaléng` dsea` i` jmoo` lajo, Fidié` nicuø`-bre jaléng` í` e niliseein` cóong` cóo`r` lata`.

⁸ Jo` dsu` lajaléng` dsea` i` jmoo` lajii` e lí` dsíir` yaaiñ` jogui ja` núu'r` jalé` ta` huí, co` lí` lí` tí`gui` dsíir` e jmóor` jalé` e ja` dseeng, jo` uii` jöba` Fidié` eáam` nisiguíin` quiá'- jaléng` í, jo` iihuí` e eáam` nicuø`-rein`.

⁹ Jöba` jaléng` i` dsea` i` jmoo` jalé` e ga` lajo, eáam` fi`í` niliin` cóo`~ jalé` iihuí` e ni`ín` e jáa` quiá'- Fidié, jo` jee` jo` quiéng` jaléng` dsea` i` líng` dsea` Israel` jogui dsu` lajöbi` cajo jaléng` dsea` i` ja` líng` dsea` Israel.

¹⁰ Dsu` jaléng` i` dsea` i` jmoo` jmang`- jalé` e guiá-, 'ñiab` Fidiéeb` nicuø`r` jaléng` í` jalé` e jlo` e catiin`, jogui nífé'r` guiá- uii` quiáin`, jogui nicuø`r` e niliseein` juguiá- contøong` cajo. Jo` jee` jo` quiéng` jaléng` dsea` Israel, jogui dsu` lajöbi` cajo jaléng` dsea` i` ja` líng` dsea` Israel.

¹¹ Co` Fidié` ja` cår` cuente jial` líng` dsea`, co` røøb` lí`naa` lajii`naa` fi` quinir`.

¹² Jo` jaléng` dsea` i` ée` dsee- e ja` mí` calicuír` e júu` quiu` ta` quiá'- Moi, jöba` mi` nití` í` e júuin` ja` ni`í` í` quiá'r- la`eáang` cóo`~ e júu` quiu` ta` do; jo` dsu` jaléng` dsea` i` ée` dsee- nañí` fa` nicuú`bre jial` fé` e júu` quiu` ta` do, jöba` mi` nití` í` e júuin`, cóo`~ e júu` quiu` ta` dob` ni`í` í` quiá'r- laco` catang`.

¹³ Co` ja` ni`íng` Fidié` jaléng` i` dsea` i` lico` núu` e júu` quiu` ta` do e líiin` dsea` i` ja` røøng` dsee- fi` quinir`, dsuco` lajii` dsea` i` jmoo` núu` laco` fé` e júu` jo, jii` í`bing` i` ni`íng` Fidié` e líiin` dsea` i` ja` røøng` dsee- fi` quinir`.

14 Jo jaléng' dsea`i ja` líng' dsea` Israel ja` sea` quiá'r- e júu` quiu' ta` do; dsu' mi` jmóor' laco' fé' e júu` quiu' ta` do, jmóor' jii' laco' í' dsír' yaam`bre, joba' lafa' yaam`bre sea` júu` quiu' ta` quiá'r- jóng.

15 Dsuo' cóo' lajalé' e jmóor' do cuø' li` quiá'r- e dseáng' fí' dsí'bre sea` jalé' e júu` quiu' ta` do. Co' cóo' jii' e í' dsír' yaaiñ` do nija' júu` quiá' jalé' e jo, jogui cajo cóo' jalé' e í' dsír' do ni'ning- ír' osi nijmi'øng' ír' é.

16 Jo nidsijéé' lajalé' e jo lí' laco' cafá' a na mi` niguiéé' jmii' e Fidiéé' ni'ír- í' lí' jialco' ca'f' dsí' dsea` jogui jialco' cajméer' li` ja` ní' dsea` jiéng'. Jo nijmér- lajo la'eáang' cóo' Fí'naa' Dsea` Jmáang- lí' laco' jii' lí' e júu` e guia' jnea`.

Jial seeng' dsea` Israel cóo' e júu` quiu' ta` quiá'r- e cajme' Moi`

17 Jo fii' guu' jaléng' 'nú', dsea` fó'na' e líng'na' dsea` Israel jogui e teá' teáang'na' cóo' júu` quiu' ta` quiá' Moi` jogui e jmijløng' yaang`na' dsu' uii' e líng'na' dsea` si'guáng' quiá' Fidiéé';

18 jogui fó'na' cajo e niñ'bi' lajii' e iing' Fidiéé' e nijmées'na', jogui e júu` quiu' ta` do jmicóo' 'nú' e nigui'na' jnang' e guia' e nijmées'na',

19 jogui e dseáng' nitab` óo'na' e nili'ba' nijmicóo'na' jaléng' dsea` i lafa' tiuung- uii' e ja` já' líiñ' e seeng' jaang' Fidiéé', jogui fó'bi' cajo e lí'bi' nijmicóo'na' jaléng' dsea` i seeng' fí' lí' nuu' sò' uii' e eáang' beáng' dsee- yaaiñ`;

20 jogui fó'na' cajo e nitab` óo'na' e lí'ba' é'na' jaléng' dsea` i ja` lí' gui' jnang' jalé' e guia' e nijmér-, jogui e tii'm'ba' jmées'na' lajo cajo cóo' i dsea` i tá' caliñi' e júu` quiu' ta` quiá'na' do, dsuo' e fí' ni` júu` quiu' ta` do í' óo'na' e fí' job' li` sea` uing' e laco' tii'ng'na' ngáng'na' jogui e laco' líi'na' jalé' júu` já'.

21 Joba' fii' i jaléng' 'nú' e 'núb' e'na' jaléng' dsea` jiéng', jo dsu' eáang'gui 'né- e nijmiti'ng'na' yaang`na'; jogui 'nú' guia'na' júu` jee` jaléng' dsea` e ja` dseeng' e jmóo' dsea` ii, jo dsu' cuøøng' 'nú'bi' jmoo'na' ii' quiá' dsea` rúng'na';

22 jogui fí'na' dsea` e ja` dseeng' e léé' dsea` e güiñ' cóo' i o' quiá'r-, jo dsu' cuøøng' 'nú'bi' jmoo'na' jalé' e ja` dseeng' lajo; jogui ní' máang'na' jaléng' diéé' i jmáang' dsea` cóo' guóor', dsu' cuøøng' 'nú'bi' jmoo'na' ii' jalé' e sea' fí' sinuu' guá' quiá' jaléng' i diéé' do;

23 jogui eáang' jmijløng' yaang`na' quiá' e júu` quiu' ta` quiá' Moi` do, jo dsu' ja` jmi'goo'na' 'ña' Fidiéé', co' ja` jmoo'na' nuu'na' jalé' e júu` quiu' ta` do.

24 Co' e jáb'- e líng' uiim`ba' e fé' fí' ni` jii' quiá' Fidiéé' lala: "Jaléng' dsea` i ja` líng' dsea` Israel gab` fé'r' uii' quiá' Fidiéé' uii' cóo' jalé' e ga' e jmoo' 'nú', dsea` líng'na' dsea` Israel."

25 Dsuo' e jáb'-, doñi' ii' 'nú' i nuu' e júu` quiu' ta` quiá' Moi` do, seab' lí' íng' ta` quiá'na' e tóo' lí' fí' ngúu' táang'na' lí' laco' la litíng'naa', dsea` lí'naa' dsea` Israel. Jo dsu' song ja` nuu'na' e júu` quiu' ta` do, joba' ja' e ta' íng' quiá'na' jóng e tóo' lí' fí' ngúu' táang'na' do.

26 Jo song ii' 'nú' ja` mí' cató- lí' fí' ngúu' táang' jo dsu' jmiti'ba' lajii' e júu` quiu' ta` do, joba' Fidiéé' ím'bre 'nú' jóng lafa' jaang' dsea` i nicató- lí' fí' ngúu' táang', nañi' fa' ja` mí' cali're lajo.

27 Jo i dsea` i ja` tóo' lí' fí' ngúu' táang' dsu' jmiti`bre e júu` quiu' ta` do, joba' cóo' i dsea` í' cuø' li` e jaléng' 'nú', dsea` líng'na' dsea` Israel, oo'ba' dsee- fí' quini' Fidiéé'. Co' nañi' fa' nicatób- e lí' do fí' ngúu' táang'na' jogui e seab' quiá'na' e júu` quiu' ta` do, dsu' ja` jmiti'na' laco' fé' e júu` jo.

28 Dsuo' e jáb'-, lajob' lí', jii' jaang' dsea` líiñ' dseáng'- dsea` Israel dsu' uii' e jmóor' jii' e quí' tii'ng' dsea` áang' quiá'r- fa' e tóor' lí' fí' ngúu' táaiñ'.

29 Dsuo' i dsea` i dseáng'- já'- líng' dsea` Israel, fí' dsí'bre lí' líiñ' lajo, jogui e quí' tii'ng' e jmóor' lí' fí' ngúu' táaiñ' do, o' fí' jo lí' 'né- jmér- lajo, co' lafa' fí' dsí'bre lí' nitóo' e lí' do lana, co' dsea` quiá'- Dsea` Jmáang- nilíiñ', jo Jmiguí' quiá'- Fidiéé' dsea` jmóo' lajo, jo

o' júu^ quiá' ta~ quiá'- Moi~ e jmóo` lajo. Jo i dsea` i líng' lajo, Fidiée`bing' i fé' guiá- uii~ quiá'r- jo o' dsea` jmigüi i fé' lajo.

3

¹ Joba' ¿su guiá-gui e lí'naa' dsea` Israel, jogui su e quíng'gui qui'-ii' e tóo' li~ fí' ngúu' táang'naa' lí' laco' qui'- tí'naa'?

² E jáb'-, lajob líí, co' jmiguiab' uing~ sea` e guiá- e lí'naa' dsea` Israel, jo e laba' e niing-gui e jneaa~bing' i nicangíng' júu^ quiá'- Fidiée`.

³ Jo dsu' e jáb'-, i líng~ la'ó' dsea` góo'naa' dsea` Israel nicatú`bre e já'- líiñ' júu^ quiá'- Fidiée`. Dsu' Fidiée` contøom- jmitir~ júu^ quiá'r- nañí' fa' i líng~ dsea` góo'naa' ja' cajméer` já'- líiñ' e júu^ jo.

⁴ Co' e jáb'-, contøom- fé' Fidiée` júu^ já'-, nañí' fa' dsea` jmigüi contøom- quier' júu^ ta~ júu^ . Co' lalab fé' fí' ni~ jì quiá'- Fidiée` lí' fé' cuaiñ' quiá'r-:

Jo mi~ núu` dsea` júu^ quiá'-

conguiab' líñir' e jman' júu^ já'-ba' fó' 'na',

jo contøom- lí' mi~ cuø' dsea` 'na' dsee-.

Jo lanab fé' fí' ni~ jì quiá'- Fidiée`.

⁵ Jo dsu' song jalé' e ga` e jmoo`naa' íng' ta~ e laco' eáang'gui nililí' dsea` jialco' jmóo` Fidiée` jman' jalé' e guiá-, joba' ¿e~ nife`ee' jóng? ¿Su e gab` jmóo` Fidiée` mi~ cuø' iihuí' uí'~ jalé' e ga` e jmoo`naa' do? (Dsu' fá'-a e júu^ la lí' laco' la fé' doñí' ii' dsea` jmigüi.)

⁶ Dsu' Fidiée` júi~ coo` e ga` jmóor`. Co' faco' ja' cuø' iihuí' mi~ jmóo` dsea` e ga`, joba' ¿jial lí'r' e ni'ír' í' røø` quiá'- lajaléng' dsea` jmigüi?

⁷ Jo seem` dsea` i fé' e cóo'~ jalé' júu^ e o' já'- e fé'r', eáang'gui nililí' dsea` jial fé' Fidiée` jman' júu^ já'-, jo lajoba' nijmi'gó' dsea` ír'. Jo song lajob líí, joba' ¿jiali' ngíng' i dsea` í' dsee- e líiñ' jaang' dsea` dsee- dsea` qui'?

⁸ Jo song lajob líí' cajo, joba' cuøong` fe`ee' jóng, ¿jiali' ja` jmóo'oo' e ga` e laco' ni'uíng- jman' e guiá-? Jo lanab fé' i líng~ dsea` e cuø'r' jnea~ dsee-, co' fé'r' e e júu^ lanaba' ée- jnea~ dsea` rún'n, jo dsu' dseáng'- o' lajo. Jo jaléng' i dsea` i fé' ga' lajo lí' catíiñ- e ni'íñ' lajii~ iihuí' quiá'- jalé' e ga` e jmóor` do.

Jalém' dsea` røøiñ' dsee-

⁹ Joba' ¿su jneaa`aa', dsea` lí'naa' dsea` Israel, guiúng-gui' fí' quini` Fidiée` laco'gui i dsea` i ja' líng' lajo? ¡U~, dseáng'- o' lajo! Dsuco' nicafíi-baa' 'nú' e lajalém' dsea` i líng' dsea` Israel jogui lajalém' dsea` i ja' líng' lajo dseáng'- røøb` líiñ', co' jalé' dsee- quiá'- bre silí' ír'.

¹⁰ Co' lalab fé' fí' ni~ jì quiá'- Fidiée`:

¡Ja' seeng` júi~ jaang` dsea` fa' e éer` røø` contøong-!

¡Co' dseáng'- júi~ jaang` dseáng'- ja' ii' seeng` i jmóo` lajo!

¹¹ Jogui ja' seeng` dsea` i quiá'~ jmi~ ningáng',

o'gui i iing~ ni'náng' Fidiée` cajo.

¹² Co' lajím` dsea` nicacár- fí' ga',

jogui lajím` cajo ja' ee` uing~ sea` quiá'r- júi~ coo`.

¡Co' ja' seeng` jaang` dsea` fa' i ée' røø'!

¡Co' dseáng'- júi~ jaang` dseáng'- ja' ii' seeng` i jmóo` lajo!

¹³ Jo jalé' júu^ e fé'r', jman' júu^ 'lib' líí.

Jo eáam` jmigóoiñ` dsea` rúñ' cóo'~ jalé' e fé'r'.

Jo jalé' e júu^ jo eáam` 'léé',

lí' laco' líí' e nó' quiá'- jaang` mi' i guíng-.

¹⁴ Jo lajalé' e fé'r' do jman' júu^ guíib-,

jo cóo'~ jalé' e jo eáam` bíiñ- jaléng' dsea` rúñ'.

¹⁵ Jo contøong- guíng- dsír' e nijngáiñ'- dsea` rúñ'.

16 Jo lajii' fi teaiñ' dseáng' jmang' lajii' e 'lé-bre dseáng'.

Jo cuør' iihuñ' jaléng' dsea' rúñ'.

17 Jo dseáng' jii' capí' ja ñir' jial dseáng' e seeñ' juguiá' cóo' Fidié'.

18 Jogui dseáng' jii' capí' ja ñir' e 'né' e nijmi'gór' Fidié'.

Jo lanab lí' júu' quiá' Fidié'.

19 Jo nine'baa' røø' e lajalé' e júu' quiá' ta' e cajme' Moi' jaléng' dsea' Israelbing' catíng' nijmiti', jo lajoba' jii' jaang' dsea' jmigüí' cuøøng' fa' nijíñ' e ja' røøiñ' dsee' fi' quini' Fidié', co' dsea' í'bing' i' í' laco' catíng' quiá' lajaléng' dsea' jmigüí'.

20 Co' Fidié' ja' ni'íñ' jii' jaang' dsea' e liiñ' jaang' dsea' i' ja' røøng' dsee' fi' quini' dsu' uí' e jmitir' e júu' quiá' ta' do. Dsuo' jii' li' íng' ta' e júu' quiá' ta' do e lico' line'naa' e lí'naa' dsea' røøng' dseeb'.

Jial íng' Fidié' jneaa'aa' la'eáang' e já' lí'naa' júu' quiá'r'

21 Jo dsu' lana Fidié' nicacuør' jneaa'aa' e nine'naa' jial e íñ' jneaa'aa' e lí'naa' dsea' i' ja' røøng' dsee' fi' quini'. Jo jmóor' lajo dsu' o' uí' e jmití'naa' júu' quiá' ta' e cajme' Moi'. Jo røøb' cóøng' e júu' na laco'gui e fé' e fi' ni' e júu' quiá' ta' do jogui laco' e café' jaléng' dsea' i' café' cuaiñ' quiá' Fidié' malí'gui eáang'.

22 Jo røøb' íng' Fidié' lajaléng' dsea' jmigüí' e liiñ' dsea' i' ja' røøng' dsee' fi' quini' la'eáang' e já' líiñ' júu' quiá' Dsea' Jmáang'.

23 Co' lajim' dsea' jmigüí' nica'éer' dsee', jo uí' e joba' ja' catíñ' e nitíñ' e niliseeñ' cóo' Fidié' fi' li' niing' 'gøøng' dsea' do.

24 Dsu' uí' e Fidié' eám' 'neaiñ' jneaa'aa' e jii' ja' catí'naa' lajo, joba' ca'íñ' jneaa'aa' e lí'naa' dsea' i' ja' røøng' dsee' fi' quini'. Jo cajméer' lajo la'eáang' e nicaléang' Dsea' Jmáang' jneaa'aa' jee' jalé' dsee' qui'ii' ie' lami' cajúñ' fi' dse' crúu'.

25 Jo Fidié' cacuøøiñ' Dsea' Jmáang' e laco' cajúng' dsea' do fi' dse' crúu'. Jo la'eáang' cóo' e jmi'øøng' Dsea' Jmáang' e catuu' fi' jo, ca'íñ' dsee' quiá' dsea'. Jo Fidié' cacuøøiñ' dsea' do e laco' cuø' li' e contøøm' jmóor' jmang' e guiá' jogui e eám' féng' dsíir' cajo, dsuo' ja' iu' dsíir' jalé' dsee' e ca'éè' dsea' lami' jéeng' gui.

26 Jo cajméer' lajo e laco' niliñ' dsea' jmi' na e ím'bre dsea' e líiñ' dsea' i' ja' røøng' dsee' fi' quini'. Jo e na cuø' li' e jii' íb' dsea' i' jmóo' jmang' jalé' e guiá', jogui jii' íb' cajo i' íng' doñi' jii' dsea' i' já' líng' júu' quiá' Dsea' Jmáang' e liiñ' dsea' i' ja' røøng' dsee' fi' quini'.

27 Jo lana jii' coo' fa' e nijmi'jlong' yee'naa' fi' quini' Fidié' e í' dsí'naa' e ni'íñ' jneaa'aa' dsu' uí' e jmití'naa' e júu' quiá' ta' do, co' ni'ím'bre jneaa'aa' dsu' uí' e já' lí'naa' júu' quiá' Dsea' Jmáang'.

28 Jo lanaba' nicaline'naa' røø' e Fidié' ni'ím'bre dsea' e liiñ' dsea' i' ja' røøng' dsee' fi' quini' dsu' uí' e já' líiñ' júu' quiá' Dsea' Jmáang', dsu' o' uí' e jmitir' e júu' quiá' ta' do.

29 Dsu' Fidié' ja' líiñ' jii' Fidié' quiá' dsea' Israel, co' lím'bre cajo Fidié' quiá' lajaléng' dsea' jmigüí'.

30 Co' dseáng' jaam' Fidié' dseáng' i' seeng', jo jii' í'bing' i' íng' dsea' i' já' líng' júu' quiá' Dsea' Jmáang' e liiñ' dsea' ja' røøng' dsee' fi' quini', nañi' su líiñ' do dsea' Israel osi' ja' líiñ' lajo é.

31 Jo dsu' uí' e já' lí'naa' júu' quiá' Dsea' Jmáang', joba' dseáng' ja' cuøøng' fa' e ni'náng' ca' lajii' e fé' e fi' ni' júu' quiá' ta' do. Co' lí' lí' jmi'goo' bii' jial tí' niing' e fé' e júu' jo.

4

Jo lí' laco' cajméé' lí' yúu' Abraham, lajob 'né' jmó'oo'

1 Jo lana, dsea' rú'naa', nisi'naa' capí' cuaiñ' quiá' e' calí' cóo' lí' yúu' qui'ii' Abraham.

² Cofa' mi~ ca'ing' Fidiée' 'lii~ yúu~ Abraham e liiñ' do jaang` dsea` i ja` røøng` dsee` fí` quinir` dsu' uíi~ jalé' e guiá~ e ca'éeiñ', joba' seab` cuøøng` lí` jmijløng` 'ñia'r` jøng, dsu' o' fí` quini~ Fidiée' faco' lajo.

³ Dsuo' lalab fé' fí' ni~ jì` quiá'- Fidiée': "Jo 'lii~ yúu~ Abraham jáb'- calíiñ- júu^ quiá'- Fidiée', joba' Fidiée' ca'íiñ' dsea` do e liiñ' do jaang` dsea` i ja` røøng` dsee` fí` quinir~."

⁴ Jo lajob líi, fa' jaang` dsea` jmóor` ta~, joba' e 'léeiñ' do ja` ngúiiñ` lí^ ta~ ngúiiñ`, co' quiá'- lajii' ta~ e jmóo`bre quiá'- e joba' ngúiiñ`.

⁵ Jo dsu' fa' jaang` dsea` já'- líiñ` júu^ quiá'- Fidiée', joba' Fidiée' ím`bre dsea` do e liiñ' do jaang` dsea` i ja` røøng` dsee` fí` quinir~ nañi' fa' ja` mí` cajméeiñ' do jii~ coo' e guiá~.

⁶ Co' caféb' dseata~ dsea` féng' Daví^ ie~ malii~gui do quiá'- jial tí' juguiá~ quiá'- lí^ doñi' ii` dsea` mi~ jo` iu~ dsí' Fidiée' cóo~ lajalé' e nicajméer` lami~ jéeng'gui, jogui e nica'ing'neiñ' e liiñ' do jaang` dsea` i ja` røøng` dsee` fí` quinir~.

⁷ Jo lalab cajíng' i dseata~ do ie~ malii~gui do:

jjo eáam' juguiá~ quiá'- jaléng' dsea`
mi~ Fidiée' nica'íiñ` dsee` quiá'- lajalé' e ga' e nicajméeiñ',
jogui e nica'leáng'neiñ' jee~ jalé' dsee` quiá'íiñ'!

⁸ Jo eáam' juguiá~ quiá'- jaléng' dsea`
i jo` iu~ dsí' Fíi'naa' Fidiée' jalé' dsee` e nica'éeiñ`.
Jo lanab jii' líi` júu^ quiá'- dseata~ dsea` féng' Daví^.

⁹ Jo e juguiá~ na ja` catíng` jii~ dsea` Israel i quí'- tíng` tóo' lí~ fí` ngúu' táang', co' catím` cajo jaléng' dsea` i ja` líng` dsea` Israel dsea` i ja` quí'- tíng` lajo. Co' lí^ laco' la nicasíi~naa' 'ná' e Fidiée' ca'ím`bre 'lii~ yúu~ Abraham e liiñ' do jaang` dsea` i ja` røøng` dsee` fí` quinir` dsu' uíi~ e já'- calíng` dsea` do júu^ quiá'- Fidiée',

¹⁰ Jo ¿lí' ca'ing' Fidiée' i 'lii~ yúu~ Abraham do e liiñ' do lajo? ¿Su ná'-gui e cató- lí~ fí` ngúu' táaiñ` osi mi~ cangí` jo` é? Mó^ ná'-gui e cató- lí~ fí` ngúu' táam`bre ca'ing' Fidiée' ír` e liiñ' do jaang` dsea` i ja` røøng` dsee` fí` quinir~.

¹¹ Jo mi~ cangí' e ca'ing' Fidiée' i 'lii~ yúu~ do, joguiba' cató- lí~ fí` ngúu' táaiñ` do e laco' cuø' lí~ e nica'ím' Fidiée' ír` e líiñ' jaang` dsea` i ja` røøng` dsee` fí` quinir` dsu' uíi~ e já'- calíiñ'- do júu^ quiá'- Fidiée'. Jo uíi~ e joba' i 'lii~ yúu~ Abraham do ca'uíiñ` lafa' tiquiá'^ jaléng' dsea` i já'- líng` júu^ quiá'- Fidiée'. Co' Fidiée'bing' i íng' dsea` i já'- líng` júu^ quiá'r` e laco' nilíiñ'- do dsea` i ja` røøng` dsee` fí` quinir~, jo ja` ee` líi' fa' ja` mí` cató- lí~ fí` ngúu' táaiñ' do.

¹² Jogui i 'lii~ yúu~ Abraham do líim`bre cajo lafa' tiquiá'^ jaléng' dsea` Israel i nica'tó- lí~ fí` ngúu' táang'. Jo i 'lii~ yúu~ do líiñ' lafa' tiquiá'^ jaléng' í` dsu' o' uíi~ e nica'tó- lí~ fí` ngúu' táaiñ' do; co' 'né' e nijmiti~biñ' do cajo lí^ laco' cajmée' i 'lii~ yúu~ Abraham do ie~ lami~ já'- calíiñ` júu^ quiá'- Fidiée' lajee' e ná'-gui e cató- lí~ fí` ngúu' táaiñ`.

Mi~ cacuø' Fidiée' júu^ quiá'r` 'lii~ yúu~ Abraham

¹³ Jo ie~ malii~gui do Fidiée' cacuø'r` júu^ 'lii~ yúu~ Abraham cóo'gui jaléng' dsea` sijur` e niñim`biñ' do lajalé' e sea` fí` jmigüi. Jo e júu^ la caliti` dsu' o' uíi~ e 'lii~ yúu~ Abraham cajmée' náur` e júu^ quiu' ta~ e cajme' Moi~. Co' calí- lajo la'eáang' e jáb'- calíng` i 'lii~ yúu~ do júu^ quiá'- Fidiée', jo uíi~ e joba' e ca'ing' dsea` do ír` e líiñ' jaang` dsea` i ja` dsee` røøng` fí` quinir~.

¹⁴ Jo song lajii' dsea` i jmiti~ e júu^ quiu' ta~ do ni'íiñ' lajalé' e sea` fí` jmigüi, joba' cuøøng` fe`ee' jøng e ja` ee` ta` íng` e já'- líng` dsea` júu^ quiá'- Fidiée', jogui e júu^ e cacuø' Fidiée' lami~ jéeng'gui do ja` ee` quíng' cajo.

¹⁵ Co' song ja` jmiti~ dsea` dseáng'- røø e júu^ quiu' ta~ do, joba' iihuáb' íiñ' quiá'- Fidiée' jøng. Jo dsu' lí~ ja` sea` e júu^ quiu' ta~ do, joba' ja` ee` cuøøng` lí' 'lé' dsea` cóo' e jo.

¹⁶ Jo Fidiée' cacuø'r' 'lii~ yúu~ Abraham júu^ quiá'r` uíi~ e já'- calíng` i 'lii~ yúu~ do júu^ quiá'- dsea` do. Jo cajmée' Fidiée' lajo e laco' jaléng' dsea` i líng' siju` 'lii~ yúu~ Abraham

nita~ dsíir e dseáng~ nijmitib~ Fidiée~ e júu^ jo la'eáang' e eáang' 'neáaiñ` jaléng' i dsea` í e jii~ ja` catúñ~ do lajo. Jo lí^ laco' cuøøng` fe`ee' e júu^ na, e jalé` e jing' Fidiée~ e nicuø'r~ jaléng` dsea`, dsu' o' jii~ dsea` i catúng~ e júu^ quia' ta~ do i nicuø'r~ jalé` e jo, co' nicuø'~ bre cajo jaléng' i dsea` i já~ líng` júu^ quia'r~ lí^ laco' cajmée` i 'lii~ yúu~ Abraham do. Jo lajoba' i 'lii~ yúu~ do ca'uíñ~ lafa' tiquia'^ jaléng' jneaa~aa', dsea` i já~ lí'naa' júu^ quia'~ Fidiée~.

17 Jo lí^ laco' la fé' Fidiée~ fí' ni~ jì' quia'r~ lí~ fé'r` lala cuaiñ~ quia'~ 'lii~ yúu~ Abraham: “Nicajmé~ e e nilín~ lafa' tiquia' i fíng' 'lé' dsea` jmigüf.” Jo lanab fé' Fidiée~ fí' ni~ jì' quia'r~. Jo e júu^ la calitib~, co' 'ñiab' Fidiée~ dsea` cacuø'r'. Jogui jáb~ calíng~ Abraham e júu^ e cangúñ~ quia'~ dsea` do. Jo jii~ Fidiée~ bing' i quí~ jmí~ e nijmijí'r~ jaléng' 'lii~ jogui e nijmér~ e nilisea` doñí ee` e ja` mí sea' fí' jmigüf.

18 Jo lajee~ e nidseáam~ eáang' i 'lii~ yúu~ Abraham do, jogui jo` quí'r~ jmí~ fa' e niliseeng` jóor' co' eáam' niyúu'r~, jo dsu' jáb~ calíñ~ do júu^ quia'~ Fidiée~ e quia'~ niliseem` jóor' nañí fa' ja` quí'r~ jmí~ lajo. Jo dsu' lajob calí~, jo “ca'uíñ~ lafa' tiquia' i fíng' 'lé' dsea` jmigüf” lí^ laco'gui la nicasí' Fidiée~ ír` lami~ jéeng'gui ie` lami~ cajíng'~ dsea` do lala: “Lanab niliseeng` fíng' dsea` sijúf.”

19 Jo dseáng'~ ja` calitúm~ dsíi' 'lii~ yúu~ Abraham e já~ líiñ` júu^ quia'~ Fidiée~, nañí fa' ie~ jo ningóor' jie~ ja` cien jii, jogui nilí'bre cóo'~ dseam' quia'r~ i sií Sara do e tí lí~ nijúum~ bre. Jo lajì gám~ bre ie~ jo eáam' nidseáaiñ~, joba' jo` quí'~ guír jmí~ fa' e niliseeng` jóor'.

20 Jo i 'lii~ yúu~ Abraham do dseáng'~ jáb~ calíñ~ jogui dseáng'~ calitab~ dsíir e dseáng'~ nijmitib~ Fidiée~ lajii~ júu^ e cacuø'r' dsea` do, jo eáang'gui já~ calíñ~ jogui cajmita~gui dsíir e dseáng'~ nijmitib~ Fidiée~ lajii~ e nicajíñ~ lami~ jéeng'gui do. Jo uí~ joba' eáam' cajmiféiñ' Fidiée~, e

21 co' dseáng'~ nitab~ dsíir e dseáng'~ quíib~ dsea` do jmí~ e nijmitir~ lajii~ júu^ e nicacuø'r' lami~ jéeng'gui.

22 Jo uí~ e já~ calíñ~ do e júu^ jo, joba' ca'íng' Fidiée~ ír` e líiñ' do jaang` dsea` i ja` røøng` dsee~ fí' quinir~.

23 Jo e ca'íng' Fidiée~ i 'lii~ yúu~ Abraham do e líiñ' do jaang` dsea` i ja` røøng` dsee~ fí' quinir~ o' jii~ quia'~ 'lii~ yúu~ í dseáng'~ fé' e júu^ na,

24 dsuco' catúm~ jneaa~aa' e júu^ na cajo. Co' ím' Fidiée~ jneaa~aa' e lí'naa' dsea` i ja` røøng` dsee~ fí' quinir~ dsu' uí~ e já~ lí'naa' júu^ quia'r~. Jo jáb~ lí'naa' cajo e Fidiée~ bing' i cajmijí'tu Fí'naa' Dsea` Jmáang~

25 mí cangí e cacuøøiñ` dsea` do e cajúñ~ fí' dse' crúu^ uí~ jalé` dsee~ quí~ii'. Jo mí cangí jo, cajmijí'tur Dsea` Jmáang~ e laco' la'eáang' í cajméer` cóo'~ jneaa~aa' e nilí'naa' dsea` i ja` røøng` dsee~ fí' quinir~.

5

Jial íng' Fidiée~ dsea` e líiñ' dsea` i ja` røøng` dsee~ fí' quinir~

1 Jo lana Fidiée~ nica'íñ' jneaa~aa' e lí'naa' dsea` i ja` røøng` dsee~ fí' quinir~ dsu' uí~ e nijá~ lí'naa' júu^ quia'r~. Jo co' lajob nilí'naa', joba' juguíá~ júu^ røø` nisee~naa' lana cóo'~ Fidiée~ la'eáang' cóo'~ jalé` e nicajmée' Fí'naa' Dsea` Jmáang~ cóo'~ jneaa~aa'.

2 Jo la'eáang' cóo'~ Dsea` Jmáam~ba' e nisee~naa' lajo cóo'~ Fidiée~. Jo nicangúng'naa' e jo uí~ e já~ lí'naa' júu^ quia'r~. Jo lajob nisee~naa' lana, jogui eáam' íaang` dsí'naa', co' nitab~ dsí'naa' e dseáng'~ niliseem~baa' cøøng` cóo'~ Fidiée~ fí' lí~ niing~ 'gøiñ' mí nití e í' jo.

3 Jogui o' quia'~ jii~ e na e jmi'íáang` dsí'naa', co' lajob cajo jmi'íáam` dsí'naa' cóo'~ jalé` e huíng' e dsijéé' quí~ii'. Co' nine~baa' guíá~ e mí ningí e dsingúng'naa' jalé` e jo, joba' eáang'guib niliféng' dsí'naa' cóo'~ doñí ee` e nidsijéé' quí~ii' jóng.

4 Jo mi~ jmoo~naa' e féng' dsi'naa' cóo'~ jalé' e dsing'ing~naa' do, joba' guiáb~ fé' Fidiéé' uii~ qui~ii' jóng. Jo mi~ jmoo' Fidiéé' lajo cóo'~ jneaa~aa', joba' eáang'gui lita~ dsi'naa' e niliseem~baa' cøøng' cóo'~ Fidiéé' fi' li~ niing~ 'gøiñ'.

5 Jo e nita~ dsi'naa' na dseáng'~ nilitib~, co' la'eáang' cóo'~ Jmiguí' quiá'r~ e nicacuø'r' jneaa~aa' e nicaline~naa' jial tí' e ja' cøøng' cóo'~ e 'neáaiñ' jneaa~aa' do.

6 Jo dsu' lajee~ e ja' quí'~guí' jmi~ fa' e nilaang~ yee~naa' jee~ jalé' dsee~ qui~ii', jo dsu' lajee~ job mi~ catí' í' e cagüéng~ Dsea' Jmáang~ fi' jmigüí' la e laco' cajáng' 'ñia'r' e cajúíñ~ cuaiñ~ qui~ii', dsea' lí'naa' dsea' dsee~ dsea' qui'.

7 Dsu' huím' eáang' nicuøng~ 'ñia' jaang' dsea' e nijúuiñ~ uii~ quiá'~ jaang' dsea' i'ée' røø, jo dsu' coo' jangám~ seeng' jaang' dsea' i' nicuøng~ 'ñia' e nijúuiñ~ cuaiñ~ quiá'~ jaang'gui dsea' i' dseáng'~ lajang'~ guiúng~.

8 Jo dsu' lajee~ e lí'naa' dsea' dsee~ dsea' qui', Fidiéé' ca'e'r' jneaa~aa' jial tí' ja' cøøng' cóo'~ e 'neáaiñ' jneaa~aa', co' casíñ' Dsea' Jmáang~ e laco' dsea' do cajúíñ~ uii' dsee~ qui~ii'.

9 Jo lana nica'ím' Fidiéé' jneaa~aa' e nilí'naa' dsea' i' ja' røøng' dsee~ fi' quinir~ la'eáang' cóo'~ e jmi'øøng~ Fii'naa' Dsea' Jmáang~. Jo co' lajob cajméer' cóo'~ jneaa~aa', joba' lana eáang'gui nita~ dsi'naa' e Dsea' Jmáam~bing' i' nileáang~ jneaa~aa' jee~ jalé' iihuí' e nilisea' mi~ tí' lí' ni'f~ Fidiéé' í' quiá'~ lajaléng' dsea' jmigüí'.

10 Jo lajee~ e ja' see~naa' røø' cóo'~ Fidiéé' jogui e 'ní' máang'naa're, jo lajee~ job cajméer' e caliséng'naa' juguíá~ júu^ røø' cóo'r' la'eáang' e cajúng~ Jóor' Dsea' Jmáang~ fi' dse' crúu^ . Jo co' lajob cajméer' cóo'~ jneaa~aa', joba' lana eáang'gui nita~ dsi'naa' e dseáng'~ nileám'baa' jee~ jalé' dsee~ qui~ii' la'eáang' e cají'tu Dsea' Jmáang~ mi~ cangí' e cajúíñ~.

11 Jo o' jí'~ quiá'~ e na e jmi'íáang' dsi'naa', co' lajob jmi'íáang' dsi'naa' cajo cóo'~ lajalé' e nicajméé' Fidiéé' cóo'~ jneaa~aa' la'eáang' cóo'~ Fii'naa' Dsea' Jmáang~; dsuco' la'eáang' dsea' dob e nisee~naa' lana juguíá~ júu^ røø' cøøng' cóo'~ Fidiéé'.

Mi~ canaang' e sea' dsee~ fi' jmigüí'

12 Jo lajob lí', dsea' rú'naa'; jo la'uii~, mi~ canaang' e caliseá' dsee~ fi' jmigüí' la, calí~ lajo uii'~ jaang' dseañu' i' calisí' Adán. Jo dsifi' mi~ cangí' e ca'éer' dsee~, job mi~ canaang' e caliseá' 'mó' ; jo co' lajob cajmééiñ' do lamí~ uii~, joba' lajím' dsea' latí' lana sea' 'mó' quiá'r~ uii'~ jalé' e dsee~ e éer'.

13 Jo dsea' dsee~ dsea' quib' nilíng' dsea' lajúí'~ ie~ nú'~gui e niñíng' Moi~ e júu^ quiu' ta~ quiá'~ Fidiéé'. Jo dsu' mi~ ja' sea' júu^ quiu' ta~, joba' ja' cuøøng' lí' ñíng' dsea' dsee~ e ja' mí' cajmitir~ e júu^ jo.

14 Jo lajob lí', lajaléng' dsea' i' caliséng' jí'~ ie~ lamí~ cajá~ Adán jo ie~ cartí' cajá~ Moi~ caliseáb' 'mó' quiá'r~, joba' cajúm~bre. Jo calíñ'~ lajo uii'~ jalé' dsee~ e ca'éer', lifa' ja' ca'éer' dsee~ e laco' dsee~ e ca'éé' Adán, co' i' dsea' do ja' cajméer' núu'r' coo' ta~ caquiú' Fidiéé'. Jo i' Adán labing' i' líng' coo' e li~ quiá'~ jaang' i' niing~ i' nijáa' cøøng'gui.

15 Jo ja' cuøøng' cøøng~naa' røø' e dsee~ e ca'éé' Adán jogui e cacuø' Fidiéé' jneaa~aa' e íáang' dsírí'. Dsuco' uii'~ e dsee~ e ca'éé' i' Adán do ie~ jo, joba' caliseá' 'mó' fi' jmigüí' la, jo mi~ calí~ lajo, joba' lajím' dsea' júuiñ~ jóng. Jogui e cang'ing'naa' quiá'~ Fidiéé' uii'~ e 'neáaiñ' jneaa~aa' do cajmilir~ lajo cóo'~ jí'~ 'ñia' Dsea' Jmáang~. Co' e cajméé' Dsea' Jmáang~ do dseáng'~ ja' sea' e cuøøng' lí' cóng~ cóo'~ e jo, co' la'eáang' jí'~ cóo'~ íb' fím' dsea' jmigüí' tíñ'~ fi' quini' Fidiéé'.

16 Jo e cang'ing'naa' quiá'~ Fidiéé' uii'~ e eáang' 'neáaiñ' jneaa~aa' do ja' cuøøng' lí' cøøng~naa' cóo'~ e dsee~ e ca'éé' i' Adán do. Co' mi~ ca'ééiñ' do dsee~, joba' canaang' e caliseá' 'mó' fi' jmigüí', jo uii'~ joba' ca'naam' dsea' jóng e seeiñ' cøøng' cóo'~ Fidiéé'. Jo dsu' e cang'ing'naa' quiá'~ Fidiéé' do jmoo' e íñ' jneaa~aa' e nilí'naa' dsea' i' ja' røøng' dsee~ fi' quinir~. Jo e jo jmoo' Fidiéé' cóo'~ jneaa~aa' la'eáang' cóo'~ Dsea' Jmáang~, co' í'bing' i' nica'íng~ lajalé' dsee~ quiá'~ dsea' jmigüí'.

17 Jo dsu' e jáb'⁻, mi' ca'ée' i Adán do la'uii' dsee⁻, joba' canaang' e caliseá' bí' quiá'⁻ 'mó'⁻, co' dseáng'⁻ lajím' dsea' jmigüi' tñiñ' e jo. Jo dsu' eéang'guib sea' bí' quiá'⁻ lajii'⁻ e cuo'⁻ Fidiée'⁻ i fiing' dsea' jmigüi' e ing'neiñ' e líiñ' dsea' i ja' røong' dsee⁻ fí' quinir'⁻. Jo jmóo' Fidiée'⁻ lajo la'eéang' cóo'⁻ jii'⁻ 'ñia' Dsea' Jmáang'⁻ uii'⁻ e eéang' guiúiiñ' cóo'⁻ dsea' jmigüi'. Jo co' lajob líi', joba' røøb' ni'ñiñ'⁻ í' cóo'⁻ Dsea' Jmáang'⁻ mi' nití'⁻ í' lajo.

18 Jo co' la'eéang' cóo'⁻ e coo' dsee⁻ e ca'ée' i Adán do, job mi' ca'naang' dsea' e seeiñ' cøong' cóo'⁻ Fidiée'⁻. Jo dsu' la'eéang' cóo'⁻ e coo' e guiá' e cajmée' Dsea' Jmáang'⁻ fí' dse'⁻ crúu'⁻, joba' lana niseab' fí' e lajaléng' dsea' nilíiñ' dsea' i ja' røong' dsee⁻ fí' quini' Fidiée'⁻.

19 Jo co' ja' cajmée'gui i Adán do náu'r' lajii'⁻ ta' caquiá'⁻ Fidiée'⁻, joba' lajalém' dsea' jmigüi' ca'uiiñ' dsea' dsee⁻ dsea' qui'. Jogui lajobi cajo, la'eéang' e cajmée' Dsea' Jmáang'⁻ náu'r', joba' íng' Fidiée'⁻ i fíim' dsea' jmigüi' e líiñ' do dsea' i ja' røong' dsee⁻ fí' quinir'⁻.

20 Jo mi' caliseá' e júu' quiá'⁻ ta' e cajme' Moi' do, joba' eéang'guib calilí'⁻ dsea' e røoiñ' dsee⁻ jóng. Jo dsu' mi' calimíng'⁻ eéang' dsee⁻ quiá'⁻ dsea', joba' Fidiée'⁻ eéang'guib caliguiúiiñ' cóo'⁻ jaléng' dsea' nañi' fa' ja' catíiñ'⁻ lajo.

21 Jo dsu' e jáb'⁻ e dsee⁻ e ée' dsea' jmigüi' seab' bí' quiá'⁻, co' fí' 'mób'⁻ sí'. Jo dsu' e eéang' guiúng' Fidiée'⁻ cóo'⁻ jneaa'aa' do eéang'guib sea' bí' quiá'⁻, co' nica'ím'bre jneaa'aa' e líi'naa' dsea' i ja' røong' dsee⁻ fí' quinir'⁻. Jo cajméer' lajo cóo'⁻ jneaa'aa' e laco' nilisee'⁻naa' car' ngongí' jmi' la'eéang' cóo'⁻ Fíi'naa' Dsea' Jmáang'⁻.

6

Lafa' dsea' 'míng'⁻ nilí'naa' la'eéang' cóo'⁻ Dsea' Jmáang'⁻

1 Jo fii'guí' 'nú', dsea' rú'naa', e ja' cuøong' e ni'í'gui dsi'naa' e nibeéang'⁻gui dsee⁻ yee'naa' e laco' eéang'gui niliguiúng' Fidiée'⁻ cóo'⁻ jneaa'aa'.

2 iCo' dseáng'⁻ o' lajo! Dsuo' jneaa'aa' lafa' nicajúm'baa' uii'⁻ e nica'náng'naa' jee' jalé'⁻ dsee⁻ e lamí' quie' nifí' qui'ii'. Jo co' lajob nilí'naa', joba' jo' cuøong' fa' e nibeéang'⁻gui dsee⁻ yee'naa'.

3 Dsuo' nine'baa' guiá' e ie' mi' cajgáang'naa' jmi' uii'⁻ e nilí'naa' dsea' quiá'⁻ Dsea' Jmáang'⁻, joba' lafa' e cajúm'baa' jóng cóo'⁻ dsea' do fí' dse'⁻ crúu'⁻.

4 Co' ie' mi' cajgáang'naa' jmi' do líi' lafa' e røøb' ca'áng'naa' cóo'⁻ Dsea' Jmáang'⁻ mi' cangí' e cajúiiñ'. Jogui mi' cají'tu Dsea' Jmáang'⁻ la'eéang' cóo'⁻ e güea'⁻ 'gøng' quiá'⁻ Tiquiá'r'⁻ Fidiée'⁻, joba' lafa' cajíb'tu jneaa'aa' cajo e laco' nilisee'⁻naa' e nilí'naa' lafa' dsea' 'míng'⁻.

5 Jo co' lafa' cajúm'baa' ie' lamí' cajúng' Dsea' Jmáang'⁻, joba' lana lafa' jaam' dsea' nilí'naa' cóo'r'. Jo co' cajíb'tu Dsea' Jmáang'⁻ mi' cangí' jo, joba' jneaa'aa' cajo nijíb'túu' ie' jo e laco' nilisee'⁻naa' cøong' cóo'r'.

6 Jo nine'baa' guiá' e ie' mi' catáng' Dsea' Jmáang'⁻ fí' dse'⁻ crúu'⁻, cacó'bre lajalé' e ja' dseeng' e lamí' jmoo'naa' do, jo lajoba' ca'ím' e si' fí' qui'ii' e ni'ee'naa' dsee⁻ do. Jo co' lajob calí', joba' lana jo' quiá'gui ta' jneaa'aa' jalé' dsee⁻.

7 Dsuo' fa' mi' júung' jaang' dsea', joba' jo' cuøong' fa' e nijmirøng'gui 'ñia'r' dsee⁻.

8 Jogui co' jneaa'aa' lafa' nicajúm'baa' røø' cóo'⁻ Dsea' Jmáang'⁻, joba' nitab' dsi'naa' e dseáng'⁻ nilisee'⁻baa' cøong' cóo'r' car' ngongí' jmi'.

9 Jo co' cajíb'tu Dsea' Jmáang'⁻ mi' cangí' e cajúiiñ', joba' guiáb' nine'naa' e jo' cuøong'gui fa' e nijúung'tur calé' catú', co' jo' sea' bí' quiá'⁻ 'mó' fa' e niquiá'⁻gui ta' ír'.

10 Jo coo' ya'ba' cajúng' Dsea' Jmáang'⁻ fí' dse'⁻ crúu'⁻ uii'⁻ jalé' dsee⁻ qui'ii', jo lajoba' ca'íiñ' car' ngongí' jmi' e bí' quiá'⁻ jalé' e dsee⁻ jo. Jo mi' cangí' jo, cají'tur calé' catú' e laco' lana niseeiñ' cøong' cóo'⁻ Fidiée'⁻ car' ngongí' jmi'.

11 Jo lajob jaléng' 'nú' cajo 'né' í' óo'na' e lafa' nicajúm'ba' uii'⁻ e jo' quiá'gui ta' 'nú' jalé' dsee⁻ qui'na'. Co' lanagui 'né' í' óo'na' e seeng'na' cøong' cóo'⁻ Fidiée'⁻ la'eéang' e nilíng'na' jaang' dsea' cóo'⁻ Dsea' Jmáang'⁻.

12 Jo cò' lajòb líí, dsea`rú`naa' dsea`quíá'- Dsea`Jmáang-, jòba' fíí`guí`'nú` e ja`cuø`gui fí`yaang~na' fa' e dsee- quíi~na' quíá'-gui ta~ 'nú` e laco' nijmití'na' lajii~ e lí`óó'na' yaang~na'.

13 Jo ja`jáang~'yaang~na' fí`ni~ dsee- e laco' nilisea`fí`quíi~na' e nijmée^na' jalé` e ja`dseeng` e lí`óó'na' yaang~na', dsuço' o' lajò e 'né- jmée^na' lana; cò' lí`lí`'né- jmée^na' e nijáang~'yaang~na' fí`jaguó`Fidiée~, cò' lana nilíng'na' dsea`i lafa' nicajúng- jogui i lafa' nicají`tu calé` catú-. Jo cò' lajòb nilíng'na', jòba' 'né- jmée^na' e nijáang~'yaang~na' fí`jaguó`Fidiée~ e laco' dsea`do nijmér- cóo~'nú` jialco' iin~ e nijmée^na' jmang'- jalé` e guíá-.

14 Jo jò`'né-gui fa' e quíí`gui ta~ 'nú` jalé` dsee- quíi~na', cò' lana niseeng'na' uíi~ e eáang`'neáang`Fidiée~ 'nú', jò jò`seeng'na' fa' e quíí`gui ta~ quíi~na' e júu`quíí` ta~ e cajme' Moi` do.

Jial laang`dsea`e seeiñ`e jo`quíí` ta~ dsee- ír`

15 Jo cò' lana nisee~naa' uíi~ e eáang`'neáang`Fidiée~ jneaa~aa' jogui e jo`quíí`gui ta~ quíi~na' e júu`quíí` ta~ do, jòba' ja`dseeng`fa' e nibeáang~'gui dsee- yee~naa'.

16 Jo guíáb- niñí`'nú` e song nijáang~'yaang~na' e nijmée^na' ta~ quíá'- jaang`dsea`, jòba' 'né- jmití`ba' jóng jalé` ta~ e níquíá'- i dsea`do, cò' lafa' dsea`si`niim~ nilíng~na' quíá'- i dsea`i líng`fíi`na' do. Jo lajòb líí e la, song 'nú` jmití`na' lajii~ ta~ quíí` dsee- quíi~na', jòba' lafa' dsea`i nisijúum- líng'na' jóng, cò' nisi`naam`ba' cóo~ Fidiée~. Jo dsu' song 'nú`gui jmoo`na' núu~na' júu`quíá'- Fidiée~, jòba' ni`ím`bre 'nú` jóng e líng'na' dsea`i ja`røøng`dsee- fí`quinir~.

17 Dsu' lana guí`máam~ Fidiée~ uii~ quíi~na', cò' ie~ lamí~ jéeng`gui do dsee- quíi~ba' silíí`'nú', jò dsu' lanagui nicajmití`ba' e ngocáng`óó'na' lajii~ e júu`quíá'- Fidiée~ e nica`íing`na' do.

18 Jo cò' jò`silíí`gui 'nú` jalé` dsee- quíi~na' lana, jòba' nicajáang~'yaang~na' e nijmée^na' jmang'- lajii~ e guíá-.

19 Jo nífá`a e júu`la cóo~ júu` e fé`doñi`ii` dsea`jmigüi` e laco' ningáng`na' røø` e júu`la, cò' fíng`ja`nijmee~ e lajò, huím`jií` líí quíi~na' e ningáng`na'. Cò' 'nú', ie~ lamí~ jéeng`gui do, dseáng~- cajáang~'yaang~na' e cajmee~na' jmang'- jalé` e 'lí` e ja`dseeng`; jò dsu' lajòb lana cajo`'né- e nijáang~'yaang~na' fí`jaguó`Fidiée~ e laco' nijmée^na' jmang'- lajii~ e guíá- e iing~ dsea`do e nijmée^na'.

20 Jo lajee~ e silíí`'nú` jalé` dsee- quíi~na', ja`cajáang~'yaang~na' fa' e cajmée^na' lajii~ e iing~ Fidiée~.

21 Jo jíi~ cóo` e guíá- cadsé`na' quíá'- jalé` e ja`dseeng` e cajmée^na' ie~ lamí~ jéeng`gui do, cò' lanagui ní`i` líim~ba' cuaiñ~ quíá'- jalé` e jò. Cò' mí~ jmoo` dsea` jalé` e jò, jíi~ fí`'mób- sí`.

22 Dsu' lanagui jò`silíí`gui quíi~na' jalé` dsee-, cò' lanagui nicajáang~'yaang~na' fí`jaguó`Fidiée~. Jo cò' lajòb nicajmee~na', jòba' lana dseáng~- jmang'- lajii~ e guíá- e iing~ Fidiée~ nijmoo`na' jogui e niliseeng`na' cøøng`cóo~ dsea`do car`ngongí` jmíi~.

23 Jo lajòb líí, dseáng~- jíi~ 'mó`ba' íng` dsea`mí` eer` dsee-. Jo dsu' la'eáang` e eáang`'neáang`Fidiée~ jneaa~aa', jòba' cacuø`r` e íaang`dsíir` e nilisee~naa' cøøng`cóo~ Fíi`naa' Dsea`Jmáang- car`ngongí` jmíi~.

7

Júu`quíí` ta~ quíá'- dsea`sicúng`guó`

1 Jo jaléng`'nú', dsea`rú`naa' dsea`quíá'- Dsea`Jmáang-, nícuíi`ba' røø`jial líí jalé` júu`quíí` ta~ quíá'- Fidiée~, jogui niñí`bi` cajo e e júu`quíí` ta~ do quíí` ta~ dsea`jíi~ lajee~ e seeng`dsea`fí`jmigüíb`.

² Co' faco' jaang` dseamî cacúng' guór, joba' dseáng' ja` cuóøng` fa' e nitiúuiñ` i dseañu' quiá'r` do lajee` e seeñ` do fí jmiǵüi, co' lajob fé' e fí ni` e júu` quiu' ta` do. Jogui fíng song cajúng` i dseañu' do, joba' i dseamî do jo` catúng` fa' e nijmiti` guir laco' fé' e fí ni` júu` quiu' ta` do cuaiñ` quiá'` dsea` sicúng'` guó`.

³ Jo song i dseamî do 'léer' e güüiñ` cóo'` dseañu' i jiéng` lajee` e seem`bi i dseañu' quiá'r` do, joba' dseeb` éer` jóng fí quini` Fidiée`. Jogui song cajúng` i dseañu' quiá'r` do, joba' jo` catúng` guir fa' e nijmitir` laco' fé' e fí ni` júu` quiu' ta` do cuaiñ` quiá'` dsea` i sicúng'` guó`. Joba' ja` dsee` ni`ér` fí quini` Fidiée` song nicúñ` guóor` cóo'` i dseañu' i jiéng` do.

⁴ Jo lajob líí cóo'` jaléng` 'nú', dsea` rú'naa' dsea` quiá'` Dsea` Jmáang`, co' la'eáang` cóo'` e cajúng` Dsea` Jmáang` fí dse` crúu` do, líí lafa' e cajúm` 'nú' cajo. Jo lana jo` quiu'gui ta` 'nú' e júu` quiu' ta` quiá'` Fidiée` do. Jo calí` lajo e laco' nilíng`na' dsea` quiá'` Dsea` Jmáang`. Jo co' dsea` quiá'` i dsea` i cají'tu calé` catú` nilíng`na', joba' lajúi` e iing` Fidiée` nijmoo`na' lana.

⁵ Jo ie` lami` jmiti`naa' jalé' e ja` dseeng` e lí dsii` ngúu` táang`naa', e júu` quiu' ta` do calí'íng` ta` e laco' eáang`gui lí dsii`naa' e nijmoo`naa' jalé' e ja` dseeng` do. Jo jalé' e jo dseáng'` júi` fí 'mób` si`.

⁶ Jo dsu' lana jo` quié'gui nifí quí`ii' lajúi` e fé' e júu` quiu' ta` do, co' nilíng`naa' lafa' dsea` i sijúum`, co' jo` silí'gui jneaa`aa' jalé' dsee` quí`ii'. Jo co' lajob nilíí, joba' lana fí 'máb` nitée`naa' e nijmoo`naa' la'eáang` cóo'` Jmiguí quiá'` Fidiée` lajúi` e iing` Fidiée` e nijmoo'`o', jo o' la'eáang` cóo'` e júu` yáa` quiu' ta` do.

Lajúi` dsee` e sea` quié`e

⁷ Jo e laba' iin`n fíi`i` 'nú', dsea` rú'naa' dsea` quiá'` Dsea` Jmáang`, e o' dsee` e júu` quiu' ta` do. Co' dseáng'` o' lajo! Dsaco' faco' mi` ja` mí sea` e júu` quiu' ta` do, joba' ja` tóo` jmi` caliñi` jnea` jóng e ee`e dsee`. Co' mi` cajme' jnea` júu` e júu` quiu' ta` do mi` fé' lala: "Ja` jmoo" e lí o' jalé' e sea` fí jmiǵüi", joba' la'eáang` cóo'` e júu` jo caliñi` jnea` e lí dsii` jalé' e sea` fí jmiǵüi.

⁸ Jo la'eáang` cóo'` e júu` quiu' ta` do calí'íng` ta` e laco' jnea` caliñii` e eám` ee` dsee` fí jmiǵüi la uí' e eáang` lí dsii` jalé' e sea` fí jo. Dsu' mi` ja` sea` júu` quiu' ta`, joba' ja` lí` dsea` e éer` dsee` jóng.

⁹ Jo nú`gui e ningán`n lajúi` ta` huí' quiá'` e júu` quiu' ta` do, lín`n e seen` juguiá` júu` røøb`. Jo dsu' mi` cangán`n røø lajúi` e júu` jo, joba' eáang`gui casi' fí quié`e jóng e iin`n ni`ee`e dsee`, jogui e júi` 'mób` nisijéé' quié`e uí' e jmoo'o jalé' e jo.

¹⁰ Jo lajob calí, co' e júu` quiu' ta` do e lami` lín`n e si'í` e nijmicóo'` jnea` e laco' jial niliseen` juguiá` júu` røø, dsu' ja` calí` lajo, co' ca'léeb' quié`e e lafa' cajúm`baa uí' jalé' dsee` e ca'ee`e do.

¹¹ Dsaco' la'eáang` cóo'` e júu` quiu' ta` do calí'íng` ta` e laco' jnea` caliñii` e jmiǵóob` jalé' dsee`, co' dseáng'` júi` fí 'mób` si`.

¹² Joba' fíi`i` 'nú', dsea` rú'naa', e güeam` jalé' e júu` quiu' ta` do, jogui lajob líí cajo laco` e júu` ta` huí' do, jogui røøb` quiu' ta` quiá'` dsea, jogui guiá`bi cajo.

¹³ Co' e laba' líí e lí` laco' calili` e dseáng'` lajam`ba' líí dsee` jalé' dsee` quié`e. Jo e dsee` quié`e do cajmeáng` ta` e júu` ta` huí' quiá'` Fidiée` do e laco' casíng` jnea` fí 'mó`. Jo lajoba' la'eáang` cóo'` e júu` ta` huí' do caju' júu` e dseáng'` lajam`ba' 'lí` jalé' dsee` quiá'` dsea`.

¹⁴ Jo nine`baa' røø` e Fidiée`bing' cacuó` e júu` quiu' ta` do, jo dsu' jnea`gui lín`n júi` dsea` jmiǵüib`, jogui jaang` i jmiti` lajúi` ta` quiu' dsee` quiá'`.

¹⁵ Jo júi` 'ñiá'a ja` ngán`n ee` jalé' e jmoo'o, dsaco' ja` jmoo'o jalé' e iin`n 'ñiá'a, co' jalé' e 'ní' máam`baa, e joba' jmoo'o.

¹⁶ Jogui song jmoo'o jalé' e ja` iin`n jmee`e do, joba' cóo'` e jo cuøø` lí` e eám` guiá` e júu` quiu' ta` do.

17 Jo lajob líí, dsuco' o' 'ñiá'a dsea`jmóo`jalé' e ja`dseeng`do, dsuco' dsee`quíe`baa e quiu' ta` e jmóo`o`jalé' e jo.

18 Co' nicuíim`'ñiá'a e dsea`dsee`dsea`quib`lín'n, joba' jíí' coo` e guiá- lí'i jmee`nañí' fa' eáam`iin`n e nijmee`e jalé' e guiá-, lifa' dseáng'- ja`lí'i e nijmee`e jalé' e jo.

19 Dsu' ja`jmóo`o`jalé' e guiá- e iin`n jmee`e, co' jmang'- jalé' e ga` e ja`iin`n jmee`baa, dseáng'- e joba' jmóo`o`.

20 Jo song`jmóo`o`jalé' e ja`iin`n jmee`e do, joba' o' 'ñiá'a dsea`jmóo`jalé' e jo, dsuco' dsee`quíe`baa quiu' ta` jnea` e jmóo`o`jalé' e lajo.

21 Joba' nicalilí'i e nañí' fa' iim`baa jmee`e jalé' e guiá-, dsu' jmang'- jalé' e ga`ba' lí'i jmóo`o`.

22 Dsuco' eáam`iin`n e nijmitii` jalé' júu` quiu' ta` e cajme' Moi`;

23 lifa' e dsee`quíe`e do eáam` quiu' ta` jnea` jogui eáam`silí' jnea` cajo, co' 'ní' ním`rúng` cóo` lajíí' e í dsii- e iin`n nijmee`e.

24 ¿E ngí` fíib` jnea`! ¿Í` i nileáng` jnea` jee` jalé' dsee`quíe`e e laco' ja` nijúun`n uíí' e jo?

25 Jo dsu' jnea` í dsii- e nijmitii- e júu` quiu' ta` do, dsu' jnea`, dsea`dsee`dsea`quib`lín'n, joba' ja`lí'i nijmee`e lajo, co' dsee`quíe`baa quié`nifí` quié`e. Jo lajob líí, lifa' gui'máang` Fidié` e nicaleáaiñ` jnea` jee` jalé' e jo la'eáang` cóo` Fí'naa' Dsea`Jmáang`.

8

Jial seeng`dsea`e Jmiguí`quíá'- Fidié`quíe`nifí`quíá'r-

1 Joba' fíi`guí`'nú', dsea`rú'naa' dsea`quíá'- Dsea`Jmáang`, e lajaléng` jneaa`aa', dsea`lí'naa' dsea`i seeng`cøøng` cóo` dsea`do, jo`quí'- jmíi` fa' e cuø'-gui dsea`dsee`jneaa`aa'.

2 Jo lajob nilí'naa', co' e bí`'gøøng` quiá'- Jmiguí`quíá'- Fidié` cóo` e cuø' e see`naa' cøøng` cóo` Dsea`Jmáang`, e joba' e nicaleáang` jneaa`aa' jee` bí` quiá'- dsee` jogui jee` bí` quiá'- 'mó` cajo.

3 Jo e júu` quiu' ta` do ja`caquíi` jmíi` fa' e caleáang` jneaa`aa' jee` bí` quiá'- dsee`quí`ii'. Co' e júu` jo` ja` sea` bí` quiá'- fa' e cajmée` lajo uíí' e quiu' ta` quiá'- dsea`i líng` dsea`dsee`dsea`quí'. Jo dsu' lana Fidié` nicajmée`bre jalé' e ja`caquíi` jmíi` cajmée` e júu` do. Co' nicasiíñ` i Jóor` camíng` do e lííñ' do jaang` dsea`jmigüí` i sea`ngúu` táang` la jneaa`aa'. Jo cajmée` Fidié` lajo e laco' cajaiñ` i Jóor` do e cajúíñ'- do fí`dse` crúu`, jo lajoba' ca'íiñ` conguiá' e bí` quiá'- jalé' dsee`quíá'- dsea`jmigüí`.

4 Jo cajmée` Fidié` lajo e laco' jneaa`aa' quíi`naa' jmíi` e nijmití'naa' laco' catíng` e júu` quiu' ta` do. Co' jo` see`naa' fí` jmigüí` la e jmoo`guí` jalé' e lí` dsíí` ngúu` táang`naa', dsu' lana nisee`naa' e nijmoo`naa' lí' laco' la iing` Jmiguí`quíá'- Fidié` e nijmó`naa'.

5 Jo jaléng` dsea`i seeng` e guiing` dsíir` lajíí' e lí` dsíí` ngúu` táaiñ` lico' seeíñ` e jmitir` dseáng'- lajíí' e job dseáng'- . Jo dsu' jaléng`gui dsea`i seeng` lí' laco' la iing` Jmiguí`quíá'- Fidié` e seeíñ`, joba' dseáng'- jíí' e iing` e Jmiguí` do guiing` dsíir` e jmóor`.

6 Jo dseáng'- jíí' fí` 'mób` dseáng'- sí' quiá'- jaléng` dsea`i jmóo` lajíí' e lí` dsíí` ngúu` táaiñ`. Jo dsu' jaléng`gui i jmóo` lajíí' lí' laco' la iing` Jmiguí`quíá'- Fidié`, joba' jaléng` í` juguiá- júu` røøb` niliseeíñ` lata` cóo` Fidié`.

7 Jo jaléng` dsea`i guiing` dsíí' e iíñ` jmér` lajíí' e lí` dsíí` ngúu` táaiñ`, joba' i dsea` í` 'ní' ním`bre Fidié`, dsuco' ja` iíñ` o'gui quíi'r` jmíi` fa' e nijmér` náu'r` lajíí' júu` quiu' ta` quiá'- dsea`do.

8 Co' jaléng` dsea`i jmitir` lajíí' ta` quiu' e lí` dsíir` yaaiñ` ja` quíi'r` jmíi` fa' e nili'íáang` dsíí' Fidié` cóo'r`.

9 Jo dsu' 'nú'gui, dsea`nilíng`na' dsea`quíá'- Dsea`Jmáang`, jo` seeng`na' fa' e jmití`gui` lajíí' e lí` óo`na' yaang`na', co' lana niseeng`na' e nijmoo`na' lajíí' e iing` Jmiguí`quíá'- Fidié` e nijmée`na'. Jo líí` lajo, co' seeng` Jmiguí`quíá'- Fidié` cóo` 'nú'. Jo i dsea`i seeng`

e ja` seeng` Jmiguí` quiá'- Dsea` Jmáang` cóo'r~, joba' i dsea` í ja` líiñ' dsea` quiá'- dsea` do jóng.

10 Jo ja` ee` lí' e nisi'ling` e ni'ling` ngúú` táang`na' mi~ nití` í' e nijúung`na' uí' e líng`na' dsea` dsee` dsea` qui', dsuco' seem` Dsea` Jmáang` cóo'` 'nú', jogui seem` jmiguí` quií`na' cajo. Jo lí' lajo uí' e nica'ím' Fidiéé` 'nú' e nilíng`na' dsea` i ja` røøng` dsee` fí` quinir`.

11 Jo la'eáang` cóo'` Jmiguí` quiáb'- Fidiéé` cajmээр` e cají'tu Jesús mi~ cang` e cajúñ`. Jo e Jmiguí` job cajo seeng` cóo'` 'nú' lana, joba' 'ñiab' Fidiéé` nijmér` e nijí'tu 'nú' calé' catú` mi~ nití` í' lajo. Jo nijmér` lajo cóo'` 'nú' la'eáang` cóo'` Jmiguí` quiá'r` e seeng` cóo'`na' lana.

12 Jo lajob lí', dsea` rú'naa' dsea` quiá'- Dsea` Jmáang`, dseáng'- lajam`ba' 'né` e see`naa' e jmoo`naa' lají' e iing` Jmiguí` quiá'- Fidiéé` e nijmó'oo', jo dseáng'- ja` catíng`naa' e nijmó'guí' lají' e lí` dsi'naa' yee`naa'.

13 Jo dsu' song mi' 'noo'bi' seeng` 'nú' e jmoo`na' lají' e lí` óo'na' yaang`na', joba' dseáng'- conguiab` jóng ni'náng`na' cóo'` Fidiéé`. Jogui dsu' song la'eáang` cóo'` Jmiguí` quiá'- Fidiéé` niquiung`na' congua' e jmoo`na' jalé' e jo, joba' latab` niliseeng`na' cóo'` Fidiéé` jóng.

14 Jo jaléng` dsea` i seeng` e Jmiguí` quiá'- Fidiéé` quie' nifi' quiá'r`, joba' í'bing' dseáng'- i líng` jóo' Fidiéé`.

15 Dsuco' Fidiéé` nicacuø'r` 'nú' Jmiguí` quiá'r` e laco' ni'uíng`na' jóor` jo o' laco' e nisilí'tu 'nú' cóo'` jalé' e 'gó'na' contøøng`. Dsuco' la'eáang` cóo'` e Jmiguí` quiá'- Fidiéé` do see`naa' e cuøøng` lí` si'naa' cóo'` jogui e sí'naa'r lala: "iTeaa'!"

16 Jo e Jmiguí` quiá'- Fidiéé` do røøb` sáing` cóo'` jmiguí` quií`ii' e laco' nita` dsi'naa' e dseáng'- já'ba' e nilí'naa' jóo' Fidiéé`.

17 Jo uí' e dseáng'- nilí'naa' jóo' Fidiéé`, joba' ni'ím'baa' jalé' e catí'naa' e si'í' nicuø'r` jaléng` jóor` lí' laco' jí' júu` e nicacuø'r` lami` jéeng`gui. Jo jalé' e jo conrøøb` quií`ii' cóo'` Dsea` Jmáang` song dseáng'- lajang` ni'íng`naa' jalé' iihuí' uí' e lí'naa' dsea` quiá'r`. Jo song nijmé'naa' lajo, joba' conrøøb` nilisee`naa' cóo'r` fí' lí' niing` 'gøiñ' mi~ nití` í' lajo.

Eám' jlo'` jalé' e niñíng`na' quiá'- Fidiéé`

18 Jo fí' guí' 'nú', dsea` rú'naa' dsea` quiá'- Dsea` Jmáang`, dseáng'- nitab` dsii` e lajalé' iihuí' e dsingíng`naa' lajee` lana fí' jmigüí' la ja` ee` tí' song nicøøng`naa' cóo'` mi` tí' lí' nilisee`naa' cøøng` cóo'` Fidiéé` fí' ñifi' quiá'r`.

19 Jo lajalé' e cajmээр` Fidiéé` dseáng'- eám' nisijeeng` e jmí' e nijmijnéeng` Fidiéé` jaléng` dsea` quiá'r` i líng` jóo'.

20-21 Jo ni'ím` lajalé' e sea` fí' jmigüí', co' j mang'- e cuøøng` ni'ím`ba' sea`. Jo lí' lajo dsu' ofa' e lajo iing` e lí', co' lí' lajo uí' e lajo cali'ing` Fidiéeb`. Jo ja` ee` lí' lí' lajo, co' nitab` dsí' e j mang'- jalé' e 'mí' e jlo'` niing` nilisea` ie` jo lí' laco'gui nilíng` jaléng` dsea` quiá'- Dsea` Jmáang`.

22 Jo guiáb` nine`ee' e cartí' lanab lajalé' e cajmээр` Fidiéé` e sea` fí' jmigüí' eám' quie' iihuí' jogui dsíng'- seáang` dsí' cajo dsu' uí' e nisijeeng` e nileáng` jee` jalé' iihuí' lí' laco' lí' cóo'` jaang` dseam` i tí' lí' niliseeng` jiuung` quiá'.

23 Jogui o' jí' e sea` fí' jmigüí' dsingíng` lajo, co' lajob dsingíng` jneaa`aa' cajo, dsea` nicangíng`naa' Jmiguí` quiá'- Fidiéé` jéeng`gui e laco' cuø' lí' quiá'- jalé' e niñíng`naa' cøøng`gui. Jo dseáng'- eám' nisijeeng`naa' ie` jmí' mi~ dseáng'- ni'íng` Fidiéé` jneaa`aa' e lí'naa' dseáng'- jóor'. Jo ie` jo nileáñ` jneaa`aa' congua', co' nijmisím`bre jialco' lí' ngúú' táang`naa'.

24 Jo co' nicalaam`baa' jee` jalé' dsee` quií`ii', joba' nitab` dsi'naa' e ni'ím`baa' lají' e nisijeeng`naa' do e catí'naa' quiá'- Fidiéé`. Jo song nijøø`baa' lají' e nisijeeng`naa'

do, joba' jo` ee` ta`gui jóng e sijeeng`guí' e jo. Co' doñí ee` e niní dsea`, jo` 'né`gui fa' e nijéng`guir e ni'íñ' e jo.

²⁵ Jo co' ja` mí jòø`guí' lajii' e nisijeeng`naa' e ni'íng'naa' quiá'- Fidié` do, joba' 'né` e dseáng'- ja` nilitúng` dsi'naa' e sijeeng`naa' e jo.

²⁶ Jogui e Jmiguí` quiá'- Fidié` e nicangúng`naa' do, e joba' e jmicóo' jneaa`aa' uí' e ja` quí'naa' jmí` jmé`naa' yee`naa'. Co' faco' mí` ii`naa' síng`naa' cóo' Fidié`, ja` quí'naa' jmí` jmé`naa' laco' sí'í'. Joba' e Jmiguí` quiá'- Fidié` e seeng` cóo' jneaa`aa' do, e joba' e mí` uí' quí`ii' laco' sí'í' fí` quini` Fidié`. Jo jmóo` lajo dseáng'- e jii' ja` sea` júu` jial nífé' e mí` uí' quí`ii' e Jmiguí` do.

²⁷ Jo Fidié`bing' dseáng'- i` niñí jialco' jii' í` dsí' lajaang` lajaang` dsea`, jogui niñí`bre guiá` cajo e` jmí`ee` mí` e Jmiguí` quiá'r` do. Co' e Jmiguí` do mí` jmí`ee` uii` quiá'- lajaléng` dsea` quiá'- Fidié` lí' jialco' la iing` dsea` do 'ñia'r' e nilí'.

Dseáng'- lí'baa' jee` jalé' iihuí'

²⁸ Jo guiáb` nine`naa' e lajaléb' e dsingí`naa' fí` jmigü` la, jmóo` Fidié` lajo e laco' ni'uíng` guiá` quí`naa', dsea` lí'naa' dsea` quiá'r` i` 'neáng` ír'. Co' dsea` do nicaguíñ' jaléng` jneaa`aa' e laco' nijmó`naa' jialco' iíñ` 'ñia'r' e ni'uíng`.

²⁹ Jo lajii' latí` mí` uing` niñí` Fidié` i` jaléng' i` nilíng` dsea` quiá'r`. Jo lajii' latí` ie` jo cajo cali'íñ` e lajaléng' í` ni'uíñ` dseáng'- laco' líng' i` Joor` Dsea` Jmáang` do, jo lajoba' i` Joor` camíng` do ni'uíñ` jaang` i` niing`gui jee` lajaléng' i` rúíñ' do.

³⁰ Jo jaléng' dsea` i` nisí'íng` quiá'- Fidié` jii' latí` mí` uing` do, nicatø`bre jaléng' í` e laco' ni'uíñ` do dsea` quiá'r`. Jo jaléng' dsea` i` nicatø'r` do nica'íng`neiñ' e nilííñ' dsea` i` ja` røøñ` dsee` fí` quini`. Jogui jaléng' í` nicangííñ' quiá'- dsea` do e nicuøøng` e niliseeíñ` cóo' dsea` do fí` ñíff` quiá'r` fí` lí` niing` 'gøíñ'.

³¹ Jo co' lajob lí', joba' ¿e` cuøøng` lí` fé'gui jóng? Jo co' Fidié`bing' i` sing' uii` quí`ii', joba' jii' jaang` jo` ii` quí'gui jmí` nijme` guiáa` jneaa`aa'.

³² Jo Fidié` ja` ca'áaiñ` í', co' cacuøøm`bre i` Joor` Dsea` Jmáang` do e laco' cajaiñ' e cajúíñ' do fí` dse' crúu` uí' quí`ii', dsea` lí'naa' dsea` quiá'r`. Jo co' lajob cajmeer', joba' lana cuøøng` lí` fe`ee' e nicuø`bre cajo e íaang` dsíir` lajalé' e 'né`naa'.

³³ Jo jaléng' jneaa`aa', dsea` i` nicaguíng' Fidié`, jii' jaang` cuøøng` lí` cuø'-gui jneaa`aa' dsee` fí` quini. Co' 'ñiab' Fidié` dsea` nica'íñ' jneaa`aa' e laco' lana nilí'naa' dsea` i` ja` røøng` dsee` fí` quini.

³⁴ Jo uí' e nilí'naa' lajo, joba' jo` ii` quí'gui jmí` fa' i` nijmi'náng`gui jneaa`aa' cóo' Fidié`. Co' Dsea` Jmáam`bing' i` cajúng` fí` dse' crúu` uí' dsee` quí`ii', jogui dsea` íb` cajo i` cají'tu calé' catú` mí` cangí` jo; jo dsu' lana dob niguiíñ` fí` ñíff` lí' lí` dséé' laco' guíng` Tiquiá'r` Fidié` e mir' uii` quí`ii', dsea` lí'naa' dsea` quiá'r`.

³⁵ Joba' lana dseáng'- nitab` dsi'naa' e jii' jaang` o'gui jii' cóo' cuøøng` lí` jníng` quí`ii' e 'neáng` Dsea` Jmáang` jneaa`aa' nañí' fa' e íng'naa' iihuí' osi e huíng` dsijéé' quí`ii' é, osi e jmáng' dsea` jneaa`aa' ga` dsu' uí' e lí'naa' dsea` quiá'- Dsea` Jmáang` é, osi e ja` 'ga' lí' sea' e quíee`naa' é, osi e nijngám`-bi dsea` jneaa`aa' é. Jo lajalé' e na jii' cóo' cuøøng` lí` jníng` e 'neáng` Dsea` Jmáang` jneaa`aa'.

³⁶ Jo dseáng'- lajob lí' lí' laco' fé' fí` ni` jì` quiá'- Fidié` lí' fé' lala:

Jo uí' e lí'naa' dsea` quí'`

joba' contøøm` dseáng'` see`naa',

co' gab` jmáng' dsea` jneaa`aa'

lí' laco' la dsingúng` jaang` jo'se' i` tí` lí` nijngáng'- dsea`.

Jo lanab fé' júu` quiá'- Fidié`.

³⁷ Jo lajaléb' e dsingí`naa' lajee` see`naa' fí` jmigü` la ja` jmóo` guiáa' jneaa`aa', co' Dsea` Jmáam`bing' i` jmicóo' jneaa`aa' uí' e eáng' 'neáiñ' jneaa`aa'.

38-39 Joba' fñi' i' núa', dsea' rú'naa', e dseáng' lajam' nita' dsii' e jii' coo' quí' jmi' e nijmi'náng' jneaa'aa' e eáang' 'neáang' Fidiée' jneaa'aa'; co' ja' quí' jmi' jmé' lajo' mó', o'gui jalé' e dsing'ing'naa' lajee' see'naa', o'gui jaléng' ángeles quía' Fidiée', o'gui jalé' guí' e í' fí' guía' gúí', o'gui jalé' e dsing'naa' lajee' lana osi lí' dsé'gui é, o'gui jalé' e sea' fí' yú' jmi'gúí', o'gui jalé' e sea' fí' núa' uó', o'gui lí' doñi' ee' e cajmée' Fidiée' e sea' fí' jmi'gúí'. Co' jii' coo' ja' cuó'ng' fa' e nijmé' e ni'náng'naa' e eáang' 'neáang' Fidiée' jneaa'aa'. Jo e jo nica'jmitar' dsi'naa' la'eáang' coo' Fí'naa' Dsea' Jmáang'.

9

Mi' caguíng' Fidiée' dsea' Israel e ni'uíñ' dsea' quía'r'

1 Jo fñi' guí' núa', dsea' rú'naa', e dseáng' júu' jáb' fá' jnea' la, co' dsea' quía' Dsea' Jmáam' lín'n. Jogui e Jmi'guí' quía' Fidiée' e quie' nifí' quía' jalé' e í' dsii', e joba' tí' ni' e dseáng' ja' fá'baa' júu' ta' júu'.

2 Jo dseáng' eáam' lijiuung' dsii' jogui dseáng' contøøng' e cu' dsii' jaléng' dsea' gó'oo' dsea' Israel.

3 Co' jnea' jì'gui cartí' iin' n e si'lin' n fí' quini' Fidiée' e laco' si'naan' coo' Dsea' Jmáang' e faco' lajogui e nilí' i e nijmicoo' o' jaléng' i dsea' gó'oo' do e laco' ja' ni'íñ' iihuí' uí' jalé' dsee' quía'r'.

4 Jo dsea' siju' dsea' Israel líng' jaléng' í' lí' laco'gui la líng' jnea' cajo. Jo Fidiée' bing' i nica'guíng' jaléng' jnea' e laco' nica'uíng'naa' dseáng' joo'. Jo contøøng' caliséng' Fidiée' fí' jee' jaléng' dsea' áang' quí'ii' e jmi'jnéiñ' jial tí' jlo' líñ' coo' jalé' e quí'r' jmi' jmóor'. Jogui cajmirør' júu' coo' jaléng' i dsea' í', jogui cacuø'bir cajo júu' quí' ta' quía'r'. Jogui cajím' bir jial 'né' e nijmiféiñ' do í' laco' catíng', jogui cajím' bir cajo ie' jo e nicuø'breiñ' do lajee' ngó'oguijia' jalé' e catíñ' lí' laco' júu' e nica'cuø'reiñ' lamí' jéeng'gui.

5 Jo jaléng' i dsea' í', dsea' siju' 'lí' dsea' cøøng' quí'baa' líñ'. Jo Dsea' Jmáang' fí' jee' job' caguí'hir' cajo ie' lamí' cajár' fí' jmi'gúí' la e líñ' jaang' dsea' jmi'gúí'. Jogui Dsea' Jmáang' Fidiée' líñ' cajo i quie' nifí' quía' lajalé' e sea' fí' la'úng' fí' jmi'gúí'. Jo co' lajob' líñ', joba' contøøm' 'né' e nijmiféng'naa're. Jo lajob' 'né' lí'.

6 Dsu' ofa' caje' e ja' cajmiti' Fidiée' lajii' júu' quía'r' e cacuø'r' dsea' Israel; co' cajmiti'bre jalé' e júu' jo, lifa' e ja' lajüing' dsea' siju' dsea' Israel dseáng' já' líñ' dsea' quía' Fidiée'.

7 Jogui o' lajüing' dsea' siju' 'lí' yúu' Abraham líñ' dseáng' joo' dsea' do, dsuco' lamí' jéeng'gui lalab casí' Fidiée' i 'lí' yúu' Abraham do: "Jaléng' dsea' i dseáng' já' i nilíng' sijú' niliseiñ' la'eáang' coo' joo' i sií' Isáa'."

8 Jo uí' e júu' na, joba' lana cuó'ng' fe'ee' e o' lajaléng' dsea' siju' 'lí' yúu' Abraham dseáng' já' líñ' joo' Fidiée', co' dseáng' o' lajo. Dsuco' lajii' dsea' i seeng' i já' líng' lajii' júu' e cacuø' Fidiée' i 'lí' yúu' Abraham do lamí' jéeng'gui, lajii' í'bing' i dseáng' já' líng' joo' Fidiée'.

9 Dsuco' e lab júu' e cacuø' Fidiée' i 'lí' yúu' Abraham do lamí' casí'r' lala: "Coo' lajee' lana, lajee' jii' ni'í, nigáa'túu, jo i dseamí' quí' i sií' Sara niliseeng' jaang' yúu' siñ' quía'r'."

10 Dsu' o' jii' e jo, co' lajob' cajméer' cajo coo' i dseamí' i sií' Rebeca do i caliséng' jiuung' suung' quía'. Jo i tiquía' i jiuung' í', íb' i líng' 'lí' yúu' quí'ii' i sií' Isáa'.

11-13 Jo núa' gui e niliseeng' i jiuung' dsea' suung' do, lajee' e núa' gui e ja' mí' cajméiñ' do jii' coo' e guía' osi e ja' dseeng' é, jo lajii' latí' ie' job' cajíng' Fidiée' lala e casí'r' i Rebeca do: "I jiuung' dsea' suung' i niliseeng' quí' nifí', í'bing' i nijmé' ta' quía' i jiuung' i niliseeng' cøøng'guijia' do." Jo røøb' cøøng' e júu' na lí' laco' la fé' Fidiée' fí' ni' jì' quía'r' lí' fé' lala: "Jo eáang' cajmi'neáang' jnea' i Jacóo' do, dsu' ja' cajmée' e lajo coo' i Esáu do." Jo coo' e júu' na jmita' dsi'naa' e 'ñiab' Fidiée' sea' fí' quía'r' e niguíñ' dsea'

ī iin̄ i ni'uíng- dsea` quiá'r- lí^ laco' iin̄ e nijméiñ'- do, jō ja` e lí' su nicajméer` e guiá-
osi e ja` mí cajméer` lajō é.

14 Jō uíi~ jalé" e na ja` cuóøng` lí fe`ee' fa' e Fidiéé` ja` ír` í` røø` laco' catíng-, jco'
dseáng'- o' lajō!

15 Co' lalab cajíng'- Fidiéé` ie~ malii~gui do, ie~ lamí~ casí'r- Moí~ lala: "Guiúum~baa
nijmee~e cóo'~ lajaléng" dsea` i iin~n nijmee~e cóo'~ lajō, jōgui nilíb' fí' lín~n cajo cóo'~
jaléng" i iin~n i nijmee~e cóo'~ lajō."

16 Jō lajōb lí', co' 'ñiab' Fidiéé` i fí' líng- dsea` lí^ jialco' iin̄ e nijmér- cóo'~ lajaang`
lajaang` dsea`. Co' ja` jmóor` jialco' iing` dsea` o'gui jialco' bí cuø' yaang` dsea` cajo.

17 Jō lanab lí' e júu^ na lí^ laco' la fé' fí' ni~ jì quiá'- Fidiéé` lí' sí'r` i dseata~ dsea` féng'
quíá'- Egipto ie~ malii~gui do, ie~ lamí~ cajíñ'- lala: "Cacuóø-ø 'nù' e lín' dseata~ dsea`
féng' e laco' niliñí' dsea` fí' la'úng- fí' jmigüí' jial tí' e 'gøng' jnea~, jōgui e niliñí' dsea` cajo
e jii~ jneab~ lín'n Fidiéé` quiá'- lajaléng" dsea` i seeng` fí' jmigüí'."

18 Jō lajōb lí', co' Fidiéé` fí' lím~bre jaléng" dsea` i iin̄ nijmér- cóo'~ lajō, jōgui jmóo`bir
cajo e ue' dsí' jaléng" i dsea` i ja` iing~ ninú- júu^ quiá'r-.

19 Jō uíi~ e júu^ na, joba' cuóøm` sea` lí' jmíngí' 'nù' jnea~ lala: "¿Jialí' cuø' Fidiéé`
jneaa~aa' dsee- cóo'~ jalé" dsee- e ee-naa'? Co' jii~ jaang` cuóøng` lí' jníng- jalé" e iing~
dsea` do e nijmér-."

20 Jō dsu' jnea~ fí' i 'nù', dsea` lín' jii~ dsea` jmigüí', e ja` sea` fí' quiá'- fa' e nifí' Fidiéé` e~
uiing~ sea` quiá'- jalé" e jmóor`. Cofa' coo' tu' ja` fí' sea` quiá'- fa' e nisí' i dsea` i cajméé`
do: "¿Jialí' cajmeaan'- jnea~ lala?"

21 Co' i dsea` i jmóo' tu' do seab` fí' quiá'r- e nijmér- doñí' ee` iin̄ cóo'~ e guóo'~ e jmáíñ'
ta~ do. Co' cóo'~ e guóo'~ jōb cuóøng` lí' jmér- coo' tu' e nijmeáiñ' ta~ jii~ mí~ jmí~ niing-
osi e nijmér- coo'gui e nijmeáiñ' ta~ lacoo' jmí~ lacoo' jmí~ é.

22 Jō Fidiéé` cali'iin̄ e nijmijnéiñ' jial tí' 'gøíñ' jōgui jial e nicuó'r- iihuí' jaléng" dsea`
uíi~ quiá'- jalé" dsee- quiáiñ'-; jō dsu' ja` mí cajméer` lajō uíi~ e eáang` jmóor` té'r` e féng'
dsí' cóo'~ jaléng" i dsea` i catíng- ni'íng" e iihuí' jō jōgui i catíng- ni'íng- conguaí' fí' lí'
lí^

23 Jō Fidiéé` iin̄ e jmili~bre cajo cóo'~ jneaa~aa' jial tí' jlo^ niing- 'gøíñ' cóo'~ jalé" e
quí'r~ jmí~ jmóor`, co' calí' fí' líiñ- jneaa~aa', joba' latí' mí~ uiim~ caguiééiñ' jneaa~aa'
guiá- e laco' nilisee-naa' cóo'r` fí' lí' niing- 'gøíñ'.

24 Jō nicatø'- Fidiéé` jneaa~aa', dsea` i eáang` 'neáiñ', e laco' nica'uúing-naa' dsea`
quíá'r-, jō ja` ee` lí' si lí'naa' dsea` Israel osi ja` lí'naa' lajō é.

25 Jō lajōb lí' lí^ laco' la fé' Fidiéé` fí' ni~ jì e cajme' Oseas ie~ malii~gui do ie~ lamí~ café'
Fidiéé` lala:

Jaléng" dsea` i ja` mí calíng` dsea` quié`e,
dsu' lana nifí'ire e dsea` quié`baa nilíiñ';
jōgui jaléng" dsea` i ja` mí cajmi'neáan`n lamí~ jéeng`gui,
dsu' lanagui nijmi'neáam`baa jaléng" í.

26 Jō fí' ni~ e jì jōb cajo fé'gui Fidiéé` lala:

Cartí' lana ja` líng`na' dsea` quié`e,

jō dsu' lanagui jōo`baa nilíng`na' quié` jnea~, dsea` lín'n Fidiéé` i seeng` car` ngongí'
jmí~.

Jō lanab lí' júu^ quiá'- Fidiéé` e cajme' Oseas.

27 Jō lalab fé' Saí' fí' ni~ jì quiá'- Fidiéé` cuaiñ~ quiá'- jaléng" dsea` Israel:

Nañí' fa' jialgui la fíng` jaléng" dsea` Israel

lí^ laco'gui la jmiguiá' tóo' e néé' fí' 'ni' jmiñí'^,

jō dsu' jii~ tú- 'ní' mím'bing' i nilí' nileáng` jee~ jalé" iihuí' e nijaquiéeng'.

28 Co' jō huøø- nidsé-gui e dseáng'- nijmiti~ Fidiéé` laco' sí'í' e 'goo' e nica'ír- lamí~
jéeng`gui quiá'- lajaang` lajaang` dsea` jmigüí'.

29 Jo lalab café\gui Saíí ie~ malií~gui do cajo:
 Jo faco' Fidiée~ i quíí~ jmií~ jmé~ doñí' ee'
 ja` caseáaiñ' tú~ 'ní m'íng' dsea` siju`naa', dsea` Israel,
 joba' dseáng'~ conguiab' nica'íiñ~ jnea'^ jóng
 lí^ laco'gui cajméer` cóo'~ jaléng' dsea` i caliséng' fí' Sodoma cóo'~gui fí' Gomorra.
 Jo lanab fé' Saíí fí' ní~ jì` quiá'- Fidiée~ e cajme'r' ie~ malií~gui do.

Cat#m~ dsea` Israel júu^ quiá'- Dsea` Jmáang~ cajo

30 Jo uíí~ quiá'- jalé' e júu^ na, joba' nicuóong' lí fe`ee' lana e nica'ím' Fidiée~ jaléng' dsea` i ja` líng' dsea` Israel e niliíñ' do dsea` i ja` røong` dsee~ fí' quinir` dsu' uíí~ e já'- calíiñ'- do júu^ quiá'- dsea` do, nañí' fa' ja` cajméeiñ' do quijí~ jial e ni'íng' Fidiée~ ír`.

31 Jo dsu' jaléng' dsea` i líng' dsea` Israel i eáang' cuø' bí yaang~ e jmitir~ la'uiing~ jalé' júu^ quií' ta~ e laco' ni'íng' Fidiée~ ír' e líiñ' dsea` i ja` røong` dsee~ fí' quinir~, jo dsu' ja` calí'r~ lajo.

32 Jo dsu' ja` calí'r~ lajo uíí~ e cacuø' bí yaaiñ~ e jmitir~ laco' catíng~ e júu^ quií' ta~ do e laco' lajo ni'íng' Fidiée~ ír' e líiñ' dsea` i ja` røong` dsee~ fí' quinir~. Jo co' lajob cajmée' dsea` Israel, joba' cangong#m~bre e caquiuiñ'` cóo'~ e cuu~ e quiung' dsea`.

33 Co' lalab fé' fí' ní~ jì` quiá'- Fidiée~ lí' fé' dsea` do lala cuaiñ~ quiá'- Dsea` Jmáang~: Niquiee~ e cóo' cuu~ fí' Sión,
 jo cóo'~ e cuu~ jo seem` dsea` i niquiung'~.
 Jo dsu' jaléng' dsea` i já'- líng' júu^ quiá'- Fí'naa' Dsea` Jmáang~,
 joba' ja` niligøoiñ` cóo'~ e jo,
 co' Dsea` Jmáam~bing' líng' lafa' e cuu~ do.

10

1 Dsea` rú'naa' dsea` quiá'- Dsea` Jmáang~, e laba' iin~n car` ngocáng` dsii~ jogui m'íí' Fidiée~, e jaléng' dsea` góóo dsea` Israel nileáiñ' jee~ jalé' dsee~ quiá'r~.

2 Jo jnea~ fá^a uíí~ quiá'r~ e eáam' iíñ~ nijmér~ lajúí~ e iing~ Fidiée~, lifa' ja` jmóor` dseáng'~ laco' iing~ 'ñia' Fidiée~ e nijmé~ jaléng' dsea` quiá'r~.

3 Dsaco' i dsea` í ja` iíñ~ ningáiñ' jial e íng' Fidiée~ dsea` e líiñ' do dsea` i ja` røong` dsee~ fí' quinir~. Jo co' lajob líiñ', joba' yaam~bre 'nó'r' jial e ni'íng' dsea` do ír' la'eáang' cóo'~ jalé' e la tiiñ' yaaiñ~, jo cab' 'náaiñ' jalé' e nicagua' Fidiée~ uiing~ e nilí' dsea` lajo.

4 Jo Dsea` Jmáam~bing' i ca'íng~ bí quiá'- e júu^ quií' ta~ do e laco' doñí' ií dsea` i já'- líng' júu^ quiá'r~ nilí'r' e ni'íng' Fidiée~ ír' e líiñ' jaang' dsea` i ja` røong` dsee~ fí' quinir~.

5 Jo lalab cajme' Moi~ ie~ malií~gui do cuaiñ~ quiá'- e íng' Fidiée~ dsea` e líng' dsea` i ja` røong` dsee~ fí' quinir~ la'eáang' e jmitir~ e júu^ quií' ta~ do, jo lalab fé' e júu^ jo: "Jaléng' dsea` i jmiti~ dseáng'~ røø` contøong` e júu^ quií' ta~ quiá'- Fidiée~, joba' la'eáang' cóo'~ e job niliseeiñ` cajo."

6 Jo dsu' lalab fé'gui cajo fí' ní~ jì` quiá'- Fidiée~ cuaiñ~ quiá'- jial ni'íng' Fidiée~ dsea` e líng' dsea` i ja` røong` dsee~ fí' quinir~ uíí' e nijá'- calíiñ'- júu^ quiá'- dsea` do, jo lalab fé' e júu^ jo: "Jie~ mí' í o' e júu^ la: ¿í~ seeng' i cuóong' nidséng' fí' ñifí'?" —co' fíng song í o' lajo, joba' nijmoo' jóng e lafa' nijgiáam` Dsea` Jmáang~ fí' lí~ guíiñ~.

7 Osi í'bi o' é: "¿í~ seeng' i cuóong' nijgiáang' fí' lí~ neáang' jaléng' 'líi'?" —co' fíng song í o' lajo, joba' nijmoo' jóng e lafa' nijíb'tu Dsea` Jmáang~ calé' catú~.

8 Co' lalab fé'gui fí' ní~ jì` quiá'- Fidiée~: "Jo quiáb'- seeng' cóo'~ 'nú' e júu^ quiá'- Fidiée~ lí' laco' la fól'na' jogui lí' laco' í óó'na'." Jo e júu^ nab e guia'naa' jee~ 'nú' e quiá'- jial já'- líng' dsea` júu^ quiá'- Dsea` Jmáang~.

9 Jo e júu^ job e la, e song fól' fí' quini~ dsea` e Jesús líiñ' Fíí' jogui já'- lín' car` ngocáng' o' e Fidiée~ cajmijí'r' dsea` do mí~ cangí e cajúíñ', joba' nileám~ Fidiée~ 'nú' jóng jee~ jalé' dsee~ quií'~.

10 Co' la'eáang' e já'- lí'naa' e car` ngocáng` dsi'naa' e júu` jo, joba' nilí'baa' e ni'íng' Fidiée' jneaa~aa' e lí'naa' dsea` i ja` røøng` dsee` fí` quinir~, jogui nileám` Fidiée' jneaa~aa' cajo jee~ jalé` dsee` quí`naa' la'eáang' e fé'naa' fí` quini` dsea` e Dsea` Jmáam`bing' i líng' Fí'naa'.

11 Jo lalab fé'gui fí` ni~ jì` quiá'- Fidiée': "Jo dsu' jaléng' dsea` i já'- líng' júu` quiá'- Dsea` Jmáang~, joba' ja` quí'~ jmí~ fa' e nilitúng` dsír' e já'- calíñ` e júu` jo."

12 Jo røøb` lí'naa' fí` quini` Fidiée', ja` ee` lí' su lí'naa' dsea` Israel osi ja` lí'naa' lajo é, co' jaam` Fí'naa' Fidiée' seeng` quí`naa' lajñ`naa', jo` jlob` cuø` dsea` do mi~ ee`go` mi' dsea` ír`.

13 Co' lalab fé'gui fí` ni~ jì` quiá'- Fidiée' cajo: "Jo jaléng' dsea` i mi' Fidiée' e nileáng` neiñ' jee~ jalé` dsee` quiá'r~, joba' lajob` nijmé` dsea` do."

14 Dsu' ja` cuøøng` lí` mi' dsea` Fidiée' song ja` mi' já'- líñ` júu` quiá'- dsea` do; jogui ja` cuøøng` fa' e nijá'- líng` dsea` júu` quiá'- Fidiée' song ja` mi' canú`guir e júu` jo; jogui cajo ja` cuøøng` lí` núr` e júu` quiá'- Fidiée' do song ja` gui`ii` seeng` fa' i nini` e júu` quiá'- dsea` do;

15 jogui ja` cuøøng` e nini` e júu` quiá'- dsea` do song ja` ii` seeng`gui fa' i nisíng` dsea` e nijmér` lajo. Jo lalab fé' fí` ni~ jì` quiá'- Fidiée' cuaiñ` quiá'- e júu` na: "Dsíng' ia' mi` güilíng` jaléng' dsea` i quie` júu` quiá'- Fidiée'."

16 Jo dsu' jíi~ tú` 'ní` mím'~ dsea` Israel i já'- líng' e júu` jo lí' laco' la fé' Saíí' fí` ni~ jì` quiá'- Fidiée' lí` fé'r` lala: "Fí'i, jíi~ tú` 'ní` míng'~ dsea` i já'- nicalíng` júu` quiá'- e guia' jnea'."

17 Jo cuøøng` fe`ee' lana e la'eáang' e guia' dsea` júu` cuaiñ` quiá'- Dsea` Jmáang~, joba' núu` dsea` e júu` jo; jogui la'eáang' e núu` dsea` e júu` jo, joba' já'- líñ` e jo.

18 Jo uíi'~ joba' jmíngí~ jnea~ lala: ¿Su ja` mi' canúu` dsea` Israel e júu` cuaiñ` quiá'- Dsea` Jmáang` do? Mó' dseáng'~ nicanúu`-biñ'. Jo e jáb' e jo, co' dseáng'~ lajob` nicalí` lí' laco'gui la fé' fí` ni~ jì` quiá'- Fidiée' lí` fé' lala:

Jo fí` latøøng` jmígüíb` nicanúu` dsea` júu` quiá'- i dsea` i guia' júu` quiá'- Fidiée', jogui fí` dseáng'~ tí` lí` huíi` eáang' fí` ni` guóo'~ uø` nicanú` júu` quiá'r` cajo.

19 Jo caléb'` catú` jmíngí~ jnea~: ¿Su ja` mi' cangám'`bi dsea` Israel jalé' e júu` jo? Mó' dseáng'~ nicangám'`bre, co' lalab cajme' Moi' ie~ malí~gui do e fé' Fidiée':

Jnea~ Fidiée' nijmee` e e jaléng' dsea` i ja` líng' dsea` Israel ni'uíñ` dsea` quie` e,

jo lajoba' nilí` dsihuíng' jaléng' dsea` Israel quiá'- jaléng' i dsea` í.

Jogui nijmee` e cajo e niliguíng` dsea` Israel quiá'- jaléng' i dsea` í i ja` 'goo`ngáng' do.

20 Jo eáam` lahuíng' fé' Saíí' e júu` la lí` fé' Fidiée' lala:

Jo jaléng' dsea` i ja` ca'nang'` jnea~, cadsém'`bre jnea~.

Jogui jaléng' dsea` i ja` cajmíngíng' jnea~,

cajmijnéem` 'ñiá'`a jee~ jaléng' í.

21 Jo dsu' lalab cajme'gui Saíí' e fé' Fidiée' cuaiñ` quiá'- jaléng' dsea` Israel: "Contøøm` caníi'` i guóo` e jmicóo'`o` 'nú', dsea` saang` óó'na' cóo'` jnea~ jogui dsea` i ja` iing` jmé` núu'` júu` quié` e."

11

Mi` caguíng' Fidiée' jaléng' dsea` Israel

1 Jo co' lajob` lí', joba' lana jmíngí~ jnea~ lala: ¿Su Fidiée' nicatiúum`bre jaléng' dsea` quiá'r` dsea` Israel? ¡U~, dseáng'~ o' lajo! Co' téé' óó'na' e dsea` Israel líng' jnea~ cajo, jo dsea` siju` 'líi` yúu'~ Abraham líin`n, jogui jee~ 'lé' quiá'- Mim` iuun` cajo.

2 Jo Fidiée', lajii'~ latí` mi~ uiim~, caguiñ' jaléng' dsea` Israel e laco' ni'uíñ' do dsea` quiá'r~, jogui cartí` lana jíi~ coo` ya' ja` mi' catiúung` neiñ' do cajo. Co' lí'` dsii` e guiáb` ñí` 'nú' lajii' e cajíng'` Líí', jaang` i café' cuaiñ` quiá'- Fidiée' ie~ malí~gui do, ie~ lami~ caféñ' Fidiée' e ca'níñ' jaléng' dsea` Israel lala:

3 “Fíi, nicajngam' dsea` jaléng' i dsea` i fé' cuaiñ` quíi' , jogui nicajgiéem`bre jalé' nife' quíi' li` jmiféng' dsea` 'nua; jo lajii' jneab` dsea` quíi' i ja` mí` cajngang' dsea, jo dsu' lajob` iin` nijmér` cóo' jnea` cajo.”

4 Jo dsu' lalab` cañi' Fidié` quíi' i Líi` do jo casí` reiñ` do lala: “Líi, dsu' o' jii' 'nua` dsea` quíe` e i seeng`gui lana, có' seem`bi guíe` milgui dsea` quíe` e i ja` mí` casí' uó` jni` e jmiféiñ' i dié` dseacu` i sii` Baal.”

5 Jo lajob` líi` lana cajo, có' seem`bi tú` 'ni` máng' dsea` Israel i nicaguíng' Fidié` e laco' nilíiñ` do dsea` quíi'r` . Jo nicalí` lajo` uíi' e eáang` 'neáang` Fidié` jaléng' i dsea` í.

6 Jo Fidié` nicaguíng' neiñ' do uíi' e eáang` 'neáam`breiñ' jo o' uíi' cóo' jalé' e nicajméesiñ' do. Có' faco' nicaguíng' Fidié` jaléng' i dsea` do la'eáang` cóo' jalé' e nicajméesiñ' do, joba' cuóong` fe`ee' jóng e eáang` 'neáang` Fidié` jneaa`aa' do jo` cuóguir` líi` tá' cuør` e iáang` dsíir` jóng.

7 Jo lalab` líi, ja` calí` dsea` Israel e ni`uúñ` dsea` quíi' Fidié` líi` laco'gui` jii' e 'nó'r'. Jo dsu' i dsea` i caguíng' Fidié` 'ñia'r` do, calíi` í e ca'uúñ` dsea` quíi' dsea` do. Jo dsu' jaléng' i dsea` caguiaang`gui do cali'ueb' moguir`, có' ja` iin` fa' canúur` júu` quíi' Fidié`.

8 Jo calí` lajo` líi` laco' la fé' fí` ni` jì` quíi' Fidié` líi` fé' lala: “Jo Fidié` cajmées` cóo' jaléng' dsea` Israel e ue' moguiñ` e laco' ja` ningáiñ' laco' catíng` , jogui cajmées`bre jminiñ` cajo e lafa' ja` cuóong` nijóoiñ` jogui loguaiñ` cajo e lafa' ja` cuóong` ninúñ` .” Jo lanab` líng` i dsea` í cartí` lana.

9 Có' lalab` fé'gui fí` ni` jì` quíi' Fidié` e cajíng' dseata` dsea` féng' Daví':
Míi' i 'nua, Fidié`, e lajee` e seáng' rúng' dsea` góo'o dsea` Israel e gø'r` ir` colíng` jii' laco' quíi' tiiñ',
jo lajee` jo, lajee` jii' e ja` líi`bre,
míi` e ni'uúing` ga` quíi'r` e laco' nitéiñ' fí` ni` dsee` ,
jo lajoba' ni'íiñ' iihuí` laco' catíng` .

10 Jogui míi' i 'nua` cajo, Fidié`, e lafa' güijnáb` jminir` e laco' ja` cuóong` nijóør` jogui e lafa' nijúm' mocó'r` congua'.

Mí` caleáang` Fidié` jaléng' dsea` i ja` líng` dsea` Israel jee` jalé' dsee` quíiñ'

11 Jo lana nijmíngi` túu` calé' catú': Jo mí` caquiung' dsea` Israel, ¿su dseáng' conguiab' ca'naaiñ` quíi' Fidié'? U, dseáng' o' lajo. Jo dsu' mí` cajmées` dsea` Israel saang` dsíir` cóo' Fidié`, jo e jo cali'íng` ta` e laco' jaléng' dsea` i ja` líng` dsea` Israel nitíiñ` e nileáang` Fidié` ír`jee` jalé' dsee` quíiñ' . Jo lajoba' eáam` nilí` dsihuíng` jaléng' dsea` Israel quíi' jaléng' i dsea` í uíi' e lajo` nicajmées` Fidié` cóoiñ` do.

12 Jo có' saam` dsíi` jaléng' dsea` Israel cajmées` cóo' Fidié`, joba' dseeb` ca'éer`. Jo dsu' e jo eáam` cali'íng` ta` e laco' ca'uúing` guíi` quíi' jaléng' dsea` jmígüi'. Jo nañi' fa' ja` calí` dsea` Israel e ca'íng' Fidié` ír', dsu' eáam` guíi` nica'uúing` quíi' jaléng' dsea` i ja` líng` dsea` Israel. Jo có' lajob` líi, joba' cuóong` líi` fe`ee' jóng e eáang`gui guíi` ni'uúing` quíi' jaléng' dsea` i ja` líng` dsea` Israel ie` lami` nijá' líng` jaléng' dsea` Israel júu` quíi' Fidié`.

13 Jo dsu' sea`bi júu` e 'né` fíi' i 'nú', dsea` ja` líng`na' dsea` Israel. Jo Fidié`bing' i nicasíng` jnea` e laco' niguiaa` júu` quíi'r` jee` jaléng' 'nú'. Jo jnea` eáam` jmi'goo` e ta` e nicang`n`n` quíi' dsea` do.

14 Jo uíi' e jmóo'o` lajo` cóo' ta` quíe` e, joba' jnea` iin` n e faco' lajogui` nilí'i` e ni'íng' jaléng' dsea` góo'o dsea` Israel e nileáiñ` jee` jalé' dsee` quíi'r`.

15 Jo uíi' e nica'náam` 'ñia' Fidié` e seeiñ` cóong` cóo' dsea` Israel, joba' jaléng' dsea` i caguiaang`gui nicalí`bre e niseeiñ` juguii` júu` røø` cóo' Fidié`. Jo dsu' mí` ni'íng`tu Fidié` jaléng' dsea` Israel, e jo líi` lafa' mí` jí'tu jaang` 'líi`.

16 Jo lajɔb líí e júu^ na lí^ laco'gui la líí mi~ jmóo` dsea` iñí^; cɔ' song la'uii~ e iñí^ e nijmé~ dsea` do quiá^- e nicuø'r- Fidié~, joba' lajaléb' e ca~ caguiee~ gui do güeam'^ cajo. Jogui song jmó^ quiá^- cɔɔ' 'ma` catíng- Fidié~, joba' güeam'^ cajo e guo' quiá^- e 'ma` do.

17 Jo cuøng` fe`ee' e i líng~ dsea` Israel líiñ' lafa' guo' 'ma` ofii` e cajní dsea` jo dsu' cahuíb' e guo' jo. Jo eáang^ quiá^- e guo' e cahuí' do, fí job caje' e guo' 'ma` ofii` e iáang` 'ñia' fí jee~ mó'. Jo jaléng` 'nú', dsea` ja` líng`na' dsea` Israel, 'nú'bing' i líng` lafa' e guo' e 'ma` ofii` jo.

18 Jo cɔ' lajɔb líng`na', joba' fii~ guíi` 'nú' jie~ mí' í óo`na' e niing~ gui' laco'gui e guo' 'ma` e nicahuí' do, cɔ' song í óo`na' lajo, joba' 'né- e jmiguiéng' óo`na' e o' 'nú' i se' e jmó^ quiá^- e 'ma` do, cɔ' la'eáang` e jmó^ doba' e jí' 'nú', dsea` líng`na' lafa' guo' 'ma` ofii` e ca'iaang` 'ñia' fí jee~ mó'.

19 Jo dsu' jangám~ ni'í' o' jo nifo'^ lala: "Cahuíb' e guo' quiá^- e 'ma` do e laco' nija` jnea~ ée^ quiá^- e lí~ cahuí' do."

20 Jo e jáb^-, lajɔb calí-, dsu' cahuíb' jalé' e guo' jo uíi~ e ja` já^- calíng- júu^ quiá^- Fidié~. Jo dsu' 'nu', dsea` ja` lin' dsea` Israel, lafa' casém^-ba' e fí dse' e 'ma` jo uíi~ e já^- calín^- júu^ quiá^- Fidié~. Jo cɔ' lajɔb calín^-, joba' ja` 'né- e jmijlɔng'^ uø' uíi~ quiá^- e jo, cɔ' lí^ lí' 'né- e ñiing~ o'.

21 Jo cɔ' ja` cajmée` Fidié~ féng' dsír' cɔo'~ e guo' 'ma` e guita~ cajní dsea` joba' caquiá'bre, jo cɔ' lajɔb cajmée`guir cɔo'~ e guo' jo, joba' dseáam~ e nijmér- lajo cɔo'~ 'nu` cajo.

22 Jo cɔ' lajɔb líí, joba' ne~naa' jial tíí e guiúng- Fidié~ lifa' ñbre í' laco' catíng- mi~ ee`gɔ jmóo` dsea` e ja` dseeng`. Jo cɔ' lajɔb líiñ', joba' iihuíb' cacuø'r' jaléng' i dsea` i cajmée`saang` dsír' cɔo'r~. Jo dsu' eáam' guiúñ- cɔo'~ 'nú', dsea` ja` líng`na' dsea` Israel, lifa' 'né- e seeng`na' e contøng- já^- líng`na' júu^ quiá^-bre. Jo dsu' song ja` jmoo`na' lajo, joba' dseáam~ jóng e lafa' nihuíng`na' e fí dse' e 'ma` jo.

23 Jo song já^- nilíng` jaléng' dsea` Israel júu^ quiá^- Fidié~ jogui e niquí^- jíng'tu yaaiñ~ fí quini` dsea` do, joba' caléb' catú^- ni'uíng-tur lafa' guo' quiá^- e 'ma` e lí~ cahuíñ' do. Cɔ' quíib' Fidié~ jmii~ e nijmé-tur e niséng'-tur e guo' quiá^- e 'ma` e caquiá'r' do.

24 Jo cɔ' 'nú', dsea` ja` líng`na' dsea` Israel, lafa' cahuíng`na' fí cɔo' 'ma` ofii` e ca'iaang` 'ñia' fí jee~ mó', jo lafa' caséng'-na' fí cɔo' 'ma` ofii` e guita~ cajní dsea` nañí' fa' ja` jmóo`re dsea` lajo, dsu' lajɔb calí- cɔo'~ 'nú'; jo cɔ' lajɔb calí- cɔo'~ 'nú', joba' eáang`guib ja` huíng' e lafa' niséng'tu Fidié~ e guo' e nicaquiá'r' do quiá^- e 'ma` e guita~ cajní dsea`. Jo jalé' e guo' jo, íb' lafa' jaléng' dsea` Israel, jo ie~ mi~ nilí lajo, joba' nisém'tu calé' catú^- e guo' quiá^- dseáng'- e 'ma` e guita~ cajní dsea`.

Nileám` jaléng` dsea` Israel jee~ jalé' dsee- quiá'r- mi~ nití- e í' jo

25 Dsea` rú`naa' dsea` quiá^- Dsea` Jmáang~, iim~baa e ñí`na' e júu^ la quiá^- Fidié~ e ja` mí' cajmijnéeiñ` lamí~ jéeng`gui e laco' lajo ja` nijmijlɔng'^ yaang`na' e tting`na' eáang`. Jo e lab e júu^ jo, e i líng~ dsea` Israel eáam' nicajmér` laaiñ` cɔo'~ júu^ quiá^- Fidié~, jo dsu' calí- lajo e lí^ laco' ni'ie' jíe' jíi~ sí'í' 'né- tí- i dsea` i ja` líng` dsea` Israel i nijá^- líng` júu^ quiá^- Fidié~.

26 Jo mi~ ningí e nidsijée' jalé' e jo cɔo'~ jaléng' dsea` i ja` líng` dsea` Israel, joguiba' nileáng` jaléng' dsea` Israel jee~ jalé' dsee- quiá'r-. Jo e na líí lí^ laco' la fé' fí ní` jí' quiá^- Fidié~ lí' fé'r' lala:

Jo fí Sión lí~ nijáa' i dsea` i nileáng- dsea` jee~ jalé' dsee- quiáiñ^-.

Jo íb' i nijé' jalé' e ja` dseeng` jee~ jaléng' dsea` siju` 'lii~ yúu~ Jacóo^.

27 Jo e nab e júu^ e nijmirøø- cɔo'~ jaléng' í

mi~ nití- í' e ni'ín~n jalé' dsee- quiá'r-.

Jo lanab jíi~ lí' júu^ quiá^- Fidié~.

28 Jo latí jmi~ na, i fím' dsea` Israel 'ní' níim~bre Fidié~, cɔ' ja` mí' ca'íñ' júu^ quiá^- dsea` do e quiá^- jial laang` dsea` jee~ jalé' dsee- quiá'r-. Jo líí lajo e lí^ laco' cuøng`

nijá' líng'na' júu^ quiá'- Fidié', 'nú' dsea` ja` líng'na' dsea` Israel. Jo dsu' mí 'noo'bi 'neáng' Fidié' jaléng' dsea` Israel dsu' uí' e caguín' jaléng' dsea` áang' quiáin' do jogui e cajmées' júu^ tigua` cóoín' do cajo.

²⁹ Co' jalé' e cuø' Fidié' lí' doñí' ii' dsea` jo` quiá' jmi~ fa' e niguí-tur calé' catú, o'gui fa' e nitiúung-tur jaléng' i dsea` i nicatø'r i nilíng' dsea` quiá'r.

³⁰ Jo lamí~ jéeng'gui jaléng' 'nú', dsea` ja` líng'na' dsea` Israel, eáam' cajmee-na' e saang' óo'na' cóo' Fidié'. Jo dsu' lanagui, uí' e lajob nicajmées' cajo jaléng' dsea` Israel, joba' Fidié' lana nifi' líin' 'nú'.

³¹ Jo lajob nicajmées' dsea` Israel cóo' Fidié' lana, jo dsu' calí- lajo cajo e lí' laco' lana nilí fi' líng' Fidié' 'nú', dsea` ja` líng'na' dsea` Israel, jogui calí- lajo cajo e lí' laco' lajo nilí fi' líng' Fidié' jaléng' i dsea` Israel do.

³² Jo lajim' dsea` jmigüi nicajmées' saang' dsíir' cóo' júu^ quiá'- Fidié', co' lajob si'í' quiá'- dsea` do. Jo calí- lajo e lí' laco' mí nilicøng'gui, nilí fi' líng' Fidié' lajaléng' i dsea` í.

³³ Jo dseáng' ja` cøng' cóo' jial tí' e guiúng' Fidié' cóo' lajaléng' dsea` jmigüi, jogui lajob cajo ja` cøng' cóo' jial tí' e tíin' ngáin'.

Jo jíi' jaang' dsea` jmigüi quí'r~ jmi~ fa' e ningáin' jial laco' jíi' e í dsíi' dsea` do cóo' jalé' e nijmér-, jogui jial e nijmér- lajalé' e jo.

³⁴ Co' lalab fé' Fidié' fí' ní' jì quiá'r-:

Jíi' jaang' dsea` jmigüi quí'r~ jmi~ fa' e nilíin' jialco' í dsíi' Fidié' o'gui cajo fa' e nijíin' e jalé' e 'né- nijmé- dsea` do.

³⁵ Jogui jíi' jaang' dsea` jmigüi ja` ee' mí cacuø'r' Fidié' jéeng'gui e laco' dsea` do nijmér- qui' táa' cóo' dsea` jmigüi. Jo lanab lí' júu^ quiá'- Fidié' e tóo' fí' ní' jì quiá'r-.

³⁶ Dsuo' lajalé' e sea' fí' jmigüi Fidié' bing' i cajmées', jogui la'eáng' íbre e sea' jalé' e jo, jogui e quiá'- bir lí' lajalé' e jo cajo. Jjoba' car' ngongí' jmi~b' 'né- e nijmiféng'naa' Fidié'!

Jo lajob 'né- niliti~.

12

Jáang' yaang'na' fí' jaguó' Fidié' lafa' coo' feá'

¹ Dsea` rú'naa' dsea` quiá'- Dsea` Jmáang-, uí' e eáang' fí' líng' Fidié' jneaa~aa', joba' mii' i 'nú' jmi~ee' e nijáang' yaang'na' fí' jaguó' e líng'na' lafa' coo' feá' e jíi', jogui e güeang'na' e líng'na' dseáng' jíi' e quiá'-bre, jogui e jlo' nití- dsíir' cajo; co' e nab feá' e 'né- nijíi'na' fí' quini' Fidié' e laco' nijmiféng'naa're.

² Jogui jie' mí síng' yaang'na' e fí' ja` dseeng' lí' ngí' dsea` jmigüi i seeng' jmi~ na, co' ja` 'né- jmée-na' lajo. Co' lí' lí' 'né- e nicuø' fí' yaang'na' e nilisíng- jialco' í óo'na', jo lajoba' nilisíng- jialco' ee-na' fí' jmigüi la, jogui cajo e quí'na' jmi~ e nilíin'na' e iing' Fidié' e nijmées'na' lí' lajalé' e guiú- jogui e jlo' e tí' dsíi' dsea` do jogui cajo e røø' e ja` cøng' cóo'.

³ Jo Fidié' nicacuø'r' jnea~ coo' ta' uí' e lajo cali'iaáng' dsíir' cajmées' cóo' jnea~. Jo co' lajob cajmées'gui, joba' fii' i 'nú', dsea` rú'naa' dsea` quiá'- Dsea` Jmáang-, e jíi' jaang' 'nú' 'né- ní' áa'na' e niing-gui eáang' laco' jíi' e catíng- ní' áa'na' cuaiñ' quií'na'. Co' 'né- e ní' áa'na' jíi' laco' catím- lí' laco' jíi' tí' e cangíng'na' quiá'- Fidié' e já- líng'na' júu^ quiá'r-.

⁴ Dsuo' lajaang' lajaang' jneaa~aa' seab' jmini'naa' cóo' gui loguá'naa' jogui e jíe'gui cajo, jo lacoo' e jo quií' i' jmaquíim' ta' íng' lacoo'.

⁵ Jo lajob lí' jneaa~aa' cajo, dsea` lí'naa' dsea` quiá'- Dsea` Jmáang-, co' nañi' fa' fíim'baa' eáang', dsu' lafa' jaam' dsea` lí'naa' i já- líng' júu^ quiá'- Dsea` Jmáang-. Jo ja' ee' lí' lí' lí'naa' jmaquíing' lajaang' lajaang'naa', dsu' lafa' jaam' dsea` lí'naa' lajaléng'naa'.

6 Jo e cuø' Fidié' jneaa~aa' e iáang` dsíir' jmaquíim' nicangíing`naa' lajaang` lajaang`naa'. Joba' song nicacuø'r' jneaa~aa' e tii~naa' guia`naa' júu^ quiá'r- fí' quini` dsea` jíéng', joba' lajob 'né- jmó'oo' lí' laco' jíi'~ tíi' e nicangíing`na' e já' lí'naa' júu^ quiá'r-.

7 Jogui song nicacuø'r' jneaa~aa' e nijmé^naa' ta~ e nijmicóo~naa' dsea` rú'naa', joba' lajob 'né- jmó'oo'. Jogui song nicangíing`naa' quiá'r- e tii~naa' e ni'é^naa' dsea` rú'naa' júu^ quiá'- Dsea` Jmáang-, joba' lajob 'né- jmó'oo' jóng.

8 Jogui song nicangíing`naa' quiá'r- e tii~naa' e nicuø'^naa' bí' dsea` rú'naa', joba' lajob 'né- jmó'oo'. Jogui song nicangíing`naa' quiá'r- e nijmicóo~naa' dsea` rú'naa' cóo~ jalé' e sea` quí-naa', joba' lajob 'né- jmó'oo' e ngocáng` dsí'naa'. Jogui song nicangíing`naa' quiá'r- e oo~naa' cóo~ ta~, joba' eám' 'né- e ñiing~ dsí'naa' e nijmó^naa' e ta~ jo. Jogui song nicangíing`naa' quiá'- Fidié' e nijmicóo~naa' jaléng' dsea` rú'naa' i lí' 'né- quiá'- lajo, joba' lajob 'né- jmó'oo' e iáang` dsí'naa'.

Jial 'né- seeng` dsea` quiá'- Dsea` Jmáang-

9 Jo fíi-guú' 'nú', dsea` rú'naa' dsea` quiá'- Dsea` Jmáang-, dseáng'- e ngocáng` óo'ba' 'né- nijmi'neáang`na' dsea` rúng`na', jo o' lí' júu^ e fó'na' e jmoo'na' lajo. Jogui 'né- e 'ní' máam'ba' jalé' e ja` dseeng', co' lí' lí' dseáng'- jíi'~ e guíá-ba' 'né- nijmée^na'.

10 Jogui jmi'neáang`na' dsea` rúng`na' lí' laco'gui catíng- e jmoo` dsea` quiá'- Dsea` Jmáang-, jogui nijmi'goo` rúng`na' cajo.

11 Jo ja` 'né- jmée^na' fíng'-na', co' lí' lí' 'né- e nicuø'^ bí' yaang~na' e nijmée^na' jalé' ta~ e nicangíing`na' quiá'- Fidié'.

12 Jo e iáang` óo'ba' 'né- seeng`na' la'eáang' e dseáng'- nitab~ óo'na' e niliseem`ba' cøøng` cóo~ Fidié' fí' ñíí' quiá'r- mi~ nití- e í' jo. Jogui 'né- e jmée^na' féng' óo'ba' cóo~ jalé' fí'í' dsí' e dsingíing`na', jogui cajo ja` 'né- tú'na' e fóng'na' Fidié'.

13 Jo jaléng' dsea` rúng`na' dsea` quiá'- Dsea` Jmáang- i lí' sea`go fí'í' dsí' quiá'-, joba' 'né- e nijmicóo~baa're jóng. Jogui líng`na' cóo~ júu^ røø` jaléng' dsea` i guíling- fí' quí-na'.

14 Jogui míi~na' Fidié' cóo~ e guíá- uíi~ quiá'- jaléng' dsea` i jmáng' 'nú' ga', jo dseáng'- lajob 'né- jmée^na' cóo'r~ jogui jie~ mi~ fó'na' júu^ 'lí' uíi~ quiá'r-.

15 Jo jmi'íáang` óo'na' cóo~ jaléng' dsea` rúng`na' dsea` quiá'- Dsea` Jmáang- i iáang` dsí', jogui jmee~na' fí'í' fíng seeng` i líng' lajo.

16 Jo røøb` 'né- seeng`na' jee~ la'ó' 'nú', dsea` líng`na' dsea` quiá'- Dsea` Jmáang-. Jo ja` 'né- e jmíjløng'^ yaang~na', co' lí' lí' 'né- e seeng`na' e røøb` líng`na' laco'gui líng' i dsea` i ja` jmíjløng'^ yaang~ jee~ jaléng' 'nú'. Jogui ja` gúí'í' óo'na' e dseáng'- líng`na' dsea` i tíng` ngáng'.

17 Jo ja` jmoo'na' qui' taa' cóo~ dsea` rúng`na' song ee'go ca'lée'r' quí-na', co' 'nú' 'né- nijmi'úung`na' e nijmée^na' dseáng'- jmang'- e guíáb- cóo~ doñi' ii' dsea` rúng`na'.

18 Jo jíé' jíi'~ cartí' lí' quíi~na' jmi~ jmee~na' e niliseeng`na' juguíá- júu^ røø` cóo~ lajaléng' dsea` rúng`na'.

19 Jo e laba' iin`n fíi-guú' 'nú', dsea` rú'naa' dsea` quiá'- Dsea` Jmáang- i 'neáan`n eáang', e mi~ ee'go ca'lée' dsea` quí-na', ja` 'né- fa' e nicó'na' quí-na', co' ja` dseeng' e jmée^na' lajo; co' lí' lí' 'né- e nisée~na' fí' jaguó' Fidié' e júu^ jo, co' í'bing' i ní'í' í' laco' catíng-; co' lalab fé'r' fí' ní' jí' quiá'r-: "Jneab~ Fidié' dsea` catíng-n e ní'í' i' laco' catíng-, jo jneab~bing' i ní'quí' taa' dseáng'- laco' sí'í'." Jo lanab jíi'~ lí' júu^ e jíng'- Fí'naa' Fidié' fí' ní' jí' quiá'r-.

20 Jo lalab fé'gui cajo fí' ní' jí' quiá'r-: "Jo song jaang` dsea` i 'ní' níng- 'nua' mí'r' 'nua' e níðø'r- osi e ní'í'r' é, joba' 'né- cuø'ba're lajíi'~ e mí'r' 'nua' do. Jo mi~ nijme'^ lajo, lajoba' ní'í' i' líng- i 'ní' níng- 'nua' do cóo~ lajíi'~ e jmóor` cóo~ 'nua' do."

21 Jo jie~ mi~ cuøøng` uø' fa' e jalé' e ja` dseeng' ní'í' 'nua', co' la'eáang' e jmoo' jalé' e guíá-, lajoba' ní'í' jalé' e ja` dseeng' do.

13

¹ Jo e laba' iin~n fñi~guñi' 'nú', dsea` rú'naa' dsea` quiá'- Dsea` Jmáang~, e lajñim` 'nú' 'né' jmeé^na' núu'na' jalé' ta~ quiu' dseata~ i seeng`. Dsaco' Fidiéé'bing' i nicacuø' e ta~ jo quiá'- jaléng' dseata~, jogui cajo ñiab' Fidiéé' dsea` nicaguiar' uuing~ e seeng` jaléng' í.

² Jo co' lajob líí, joba' jaléng' dsea` i jmóo' laang` cóo' lajñi' ta~ quiu' dseata~, joba' ja' jmóor` núu'r~ jóng lajñi' ta~ e nicaquiá' Fidiéé'. Jo jaléng' dsea` i jmóo' lajo, joba' yaam~bre 'nó'r' e nidsijéé' huñing' quiá'r~, co' iihuñb' ni'íñ'.

³ Dsaco' jaléng' dseata~ ja` seeiñ' fa' e nifeiñ' jaléng' dsea` i jmóo' jalé' e guiá-, dsaco' jaléng' dsea` i jmóo' ga'bing' i nijmeaiñ' lajo. Jo song 'na' iin~ e niliseen' e ja' 'gón' dseata~, joba' 'né' e ni'ee'- e guiáb- jóng, jo lajoba' nifé' dseata~ guiá' uui~ quií'.

⁴ Co' Fidiéé'bing' i caguíng' jaléng' dseata~ e laco' nijmicóo'r' 'na'. Jo dsu' song jmoo' jalé' e ja` dseeng', joba' 'né' jme' 'gó'ba' cóo'r~ jóng; co' e liing~ ta~ba' e quie' dseata~ 'ma'u' quiá'r~, co' cóo' e joba' e cuø' li' ee' ta~ óor', co' ñiab' Fidiéé' dsea` cacuø'r' dseata~ e óoiñ' do ta~ e laco' nicuø'r' iihuñ' jaléng' dsea` i jmóo' laang` lajñi' ta~ quiu'r'.

⁵ Jo uii' e lajob líí, joba' dseáng'- laguíim` 'né' e nijmée'^ núu' jalé' ta~ quiu' dseata~, dsu' o' fa' e laco' ja' ni'íin' iihuñ', co' uøø'ba' 'né' e ni'í' o' e dseáng'- e guiá'ba' e nijmée'^ lajo.

⁶ Jo uuing~ e lajob cajo, joba' quíí' 'na' cuu- e mí' dseata~; dsaco' Fidiéé'bing' i caguíng' jaléng' dseata~, joba' jñi' jo ta~ quiá'-bre e quiá'- e quiu'r' ta~.

⁷ Joba' fñi~guñi' 'nú', dsea` rú'naa' dsea` quiá'- Dsea` Jmáang~, jmiti'na' lajñi' e catíng~na'; joba' cuøø'na' jaléng' i dsea` i óo'go ta~ lajñi' e catíñ' e niñiñ', fa' jaléng' i catíng~ e ni'íng' jalé' cuu- e soo' fñi, joba' qui'na' e jo; jogui jalé' e cuu- e quiá'- ee'go ta~ jmoo'na' osi ee'go sea` quií'na', joba' qui'na' e jo cajo. Jogui jmi'goo'na' jaléng' dsea` i óo'go ta~, co' lajob catíng~ e nijmée^na', jogui jmiféng'na' lajaléng' dseata~ laco' catíng~ cajo.

⁸ Jo ja' jmirøøng` yaang~na' cóo' jñi' jaang` dsea`, co' lí' lí' 'né' e nijmi'neáang`na' dsea` rúng'na'; dsaco' i dsea` i jmi'neáang` dsea` rúng' nicajmiti~bre røø' lajñi' júu^ quiu' ta~ e cajme' Moi'.

⁹ Jo lalab fé' e júu^ quiu' ta~ do: "Ja' 'lee' e nigüñ' cóo' dseam' osi dseañu' i o' quií'-, jogui jie~ mí' jngán' dsea` rún', jogui ja' jmoo' ñi, jogui ja' fó' júu^ ta~ júu^ e laco' ni'lee' quiá'- dsea` rún', o'gui jmoo' dsihuñ' quiá'- jaléng' dsea` rún' cajo." Jo jalé' e júu^ quiu' ta~ na cóo'gui jalé'gui e júu^ quiu' ta~ e caguiee~gui do dseáng'- lalab jñi' líí cóo' e júu^ quiu' ta~ e fé' lala: "Jmi'neáang` jaléng' dsea` rún' lí' laco'gui jmi'neáan' uø'."

¹⁰ Dsaco' i dsea` i jmi'neáang` jaléng' dsea` rúng', jmang'- jalé' e guiáb- jmóor` cóo' jaléng' i dsea` í. Co' mí' jmi'neáang` dsea` rúñ' dseáng'- laco' sí'í, joba' jmiti~bre laco' fé' jalé' júu^ quiu' ta~ e cajme' Moi'.

¹¹ Jo sea`bi uuing~ quiá'- e nijmé^naa' lajo, co' dseáng'- 'né' e ñi'baa' guiá- jialco' nilíí e see~naa' jmi~ na, jogui cajo 'né' e ñi'baa' e nicatíb' í' e nijmijnée' dsi'naa' contøøng~. Co' dseáng'- nijaquíém' e jmi~ e nijáatu Fí'naa' Dsea` Jmáang~ fí' jmiñi' la e laco' nitøø' jneaa~aa', dsea` i nicaleáiñ' jee~ jalé' dsee~ quiá'-. Dsaco' lana dseáng'- niquíá'-gui e jmi~ jo laco'gui ie~ lamí' já'- calí-naa' júu^ quiá'r~.

¹² Co' lana nilíí lafa' e tí' lí' nijneá, co' nijaquíém' e jmi~ jo; joba' 'né' e nitú'baa' jalé' e ja` dseeng` e lamí' jmoo~naa' e quií' tíng' dsea` jmóor' fí' lí' nuu, co' ja' 'né' jmó'oo' lajo. Co' lí' lí' 'né' e nijmó'oo' jalé' e quií' tíng' dsea` jmóor' fí' lí' jneá, e jmáang~naa' ta~ jalé' e nicacuø' Fidiéé' jneaa~aa' e laco' nijmi'øng' yee~naa' lí' laco'gui jalé' e jmáang~ ta~ jaang` 'lée' mí' dséer' fí' jee~ 'nií'.

¹³ Jo contøøm~ 'né' ee~naa' røø' laco' catíng~ lí' laco'gui la jmóo' dsea` i seeng` fí' lí' jneá; co' ja' 'né' e jmó'oo' fa' e seáng~ rú'naa' e nidsi'ne'naa' méé' osi e nidsé'ee' lí' tí' jmi~ e ta' dsea' mñi~ eáang', osi e güñi'naa' cóo' dseañu' osi dseam' i o' quií'naa', osi lí'

doñí ee` e`li` e` jié`gui é, o`gui e` jmoo`naa` ta` j`ing` osi ta` dsihu`ing` quiá`- dsea` rú`naa` é.

¹⁴ Co' o' lajo e` né`- jmée` 'nú', co' lí` lí` 'né` e` teá`gui nisíng`-na' cóo`- júu` quiá`- Fí`naa' Dsea` Jmáang` e` jmáang`-na' ta` jalé` e` jmi`ðng` yaang`-na' e` nicacuø`r` 'nú' lí` laco`gui jalé` e` jmi`ðng` 'ña' jaang` 'lée`. Jogui ja` 'nó'na' jial e` nijmi`iáang` óo`na' cóo`- jalé` e` ga` e` lí` óo`na' e` sea` fí` jmigü` la.

14

Ja`en` dsea`rún` dsea`quiá`- Dsea`Jmáang`

¹ Jo` fí`-guí` 'nú', dsea` rú`naa' dsea` quiá`- Dsea` Jmáang`, íng`-na' røø` jaléng` dsea` quiá`- Dsea` Jmáang` i` ja` mí` 'goo` teáang`- teá` cóo`- júu` quiá`- dsea` do, jo` ja` jmoo`na' ta` j`ing` cóo`r` uí`- quiá`- jalé` e` í` óo`na'.

² Co' seem` dsea` quiá`- Dsea` Jmáang` i` í` dsí` e` cuøø`m` lí` dør`- lí` doñí` ee` jmiñi`, jogui dsu` seem`bi cajo` i` jiu`bi mí` teá` sing` cóo`- júu` quiá`- Dsea` Jmáang`- jo` í` dsí` e` jii`- ja`'ba' cuøøng` lí` dør`-.

³ Jo` co' lajob` lí`, joba` i` dsea` quiá`- Dsea` Jmáang` i` í` dsí` e` cuøø`m` lí` dør`- lí` doñí` ee` jmiñi`, joba` ja` cuøøng` fa' e` jmi`lðng` 'ña' r` uí`- quiá`- i` dsea` rú`naa' i` gø`' layaang`- ja` do; jogui i` dsea` i` í` dsí` e` cuøø`m` lí` dør`- layaang`- ja', joba` ja` cuøøng` e` ni`éiñ`- i` dsea` rú`naa' i` í` dsí` e` cuøø`m` lí` dør`- lí` doñí` ee` jmiñi`. Jo` dsu` quiá`- Fidié` ja` ee` lí` e` gø`' dsea` lajalé`, co' nica`ím`bre i` dsea` i` líng` lajo.

⁴ Jo` ja` dseeng` fa' e` ni`éen`- jaang` dsea` i` jmóo` ta` quiá`- jaang`gui dsea`. Dsuco` cuaiñ` quiá`- i` fii` quiá` ta` quiá`r`- dob song ca`uíng`- guiá`- lajii` ta` jmóor` osi ca`uíng`- ga` é. Jo` dsu` guiáb`- ni`uíng`- quiá`r`, co' eám` 'gøng` Fí`naa' Dsea` Jmáang`- jo` í`bing` i` nijmicóo`- e` ni`uíng`- guiá`- quiá`- i` dsea` do.

⁵ Jogui cajo: Seem` dsea` quiá`- Dsea` Jmáang` i` í` dsí` e` niing`-gui e` líng`- jmiñi`, jogui seem`bi cajo` i` í` dsí` e` røøb` lí` lajalé` jmiñi` jo` ja` sea` jmiñi` fa' e` niing`-gui. Jo` dsu` lajaang` lajaam` dsea` 'né`- e` ta` dsí` røø` cóo`- lajii`- e` í` dsí` do.

⁶ Jo` co' i` dsea` quiá`- Dsea` Jmáang` i` í` dsí` e` niing`-gui e` líng`- jmiñi` jo` jmóor` lajo e` laco` nijmi`gór` Fí`naa' Fidié`. Jogui i` dsea` quiá`- Dsea` Jmáang` i` í` dsí` e` cuøø`m` lí` dør`- lí` doñí` ee` jmiñi` jo` jmóor` lajo e` laco` nijmi`gór` Fí`naa' Fidiéeb` cajo, jogui cuø`bre gui`máang`- dsea` do. Jogui i` dsea` quiá`- Dsea` Jmáang` i` í` dsí` e` lajii`- ja`'ba' cuøøng` lí` dør`- jo` jmóor` lajo e` laco` jmi`gór` Fí`naa' Fidié` jogui cuø`bre gui`máang`- dsea` do cajo.

⁷ Jo` jii`- jaang` jneaa`aa', dsea` lí`naa' dsea` quiá`- Dsea` Jmáang`- see`-naa' la ne`naa' yee`naa' o`gui júung`-naa' la ne`naa' yee`naa' cajo.

⁸ Co' song see`-naa' fí` jmigü` la, lí` lajo e` laco' e` jmi`goo`-naa' Fí`naa' Dsea` Jmáang`-; jogui song catí` í' e` nijúu`naa', lí` lajo e` laco' e` nijmi`goo`-naa' Fí`naa' Dsea` Jmáam`- cajo. Jo` ja` e` lí` song see`-naa' fí` jmigü` la osi nijúu`naa' é, co' dsea` quiá`- Dsea` Jmáam`- lí`naa'.

⁹ Jo` cajúng`- Dsea` Jmáang`- jo` mí` cangí` jo, cají` tur calé` catú`-; jo` calí` lajo e` laco' nilíiñ` Fii` qui`-naa', dsea` see`-naa' fí` jmigü` la, jogui lajob` líiñ` Fii` cajo quiá`- jaléng` dsea` quiá`r` i` nicajúng`-.

¹⁰ Jo` co' lajob` lí, joba` ja` fí` sea` quiá`- fa' e` ni`éen`- dsea` rún` dsea` quiá`- Dsea` Jmáang`- , o`gui fa' e` nijøø`n`re e` uøng`-gui cajo. Co' téé` óo`na' e` lajaang` lajaam` jneaa`aa' 'né`- ngíng`-naa' fí` quini` Dsea` Jmáang`- mí` tí` lí` nití`- í' lajo e` laco' dsea` do niquidsir` í' qui`-ii' laco' sí`í`.

¹¹ Co' lalab fé` Fí`naa' Fidié` fí` ni` jii` quiá`r`:

Jnea` Fidié` fá`-a e` dseáng`- e` já`-ba' e` seen`- ,
jogui fí` quini`baa` lí` nisí` laj`ing` dsea` uø`- jnir`- e` laco' nijmiféiñ` jnea`- ,
jogui nijíñ`- e` jii`- jneab` Fidié`.
Jo` lanab fé` Fidié` fí` ni` jii` quiá`r`-.

¹² Jo cō' lajob nilí, jōba' lajaang` lajaam` jneaa~aa' 'né- e niguiéē^naa' júu^ fí' quini~ Fidiéē mi~ tí' lí' nití' í' e niquidsir' í' quí-ii'.

Ja`jmoo` e niténg` dsea`rún` fí' ni~ dsee`

¹³ Jo cō' lajob líí, dsea` rú'naa' dsea` quiá'- Dsea` Jmáang-, jōba' ja' 'né- e éeng~naa' jaléng` dsea` rú'naa'. Cō' lí' lí' 'né- e nijmi'úung`naa' e ja` nijmées^naa' jii~ cōō` e ga` e dseáng~ e niténg` dsea` rúng`naa' fí' ni~ dsee` osi e nitúr` e já'- líííñ` júu^ quiá'- Dsea` Jmáang- é.

¹⁴ Jogui jnea~, la'eáang' e lín`n jaang` dsea` i` jmóo`o lajii~ e iing~ Fí'naa' Dsea` Jmáang-, jōba' eáam` nita~ dsii- e lajaléb` e quiee~naa' e sea` fí' jmi'gúí' la jmang'- e guiáb- líí. Jo dsu' seem` dsea` i` í' dsíí' e seab` e ja` dseeng`, jōba' lajob líí' dsu' lajii~ quiá'- i` dsea` íb`.

¹⁵ Jogui song cōō~ jalé' e cō'^na' seem` dsea` rúng`naa' dsea` quiá'- Dsea` Jmáang- i` ja` tí' dsíí' jalé' e jmoo`naa' do, jo song lajob líí, jōba' lafa' ja` jmi'neáam`ba' i` dsea` rúng`naa' do jóng. Jo uíi~ e lajob líí, jōba' fíí' i` 'nú' e ja` cuóøng` e cōō~ jalé' e cō'^na' nijmé- e niténg` dsea` rúng`naa' fí' ni~ dsee-, cō' uíi~ i` dsea` í'bing' e cajúng- Dsea` Jmáang- fí' dse` crúu^.

¹⁶ Jōba' fíí' i` 'nú', ja` jmoo`naa' jii~ cōō` e laco' dseáng~ e nifé' dsea` ga` uii~ quiá'- jalé' e í' óó'naa' e guiá-.

¹⁷ Jo mi~ Fidiéē` quier` nifí' quí-`naa', jo` quiu'gui ta~ quí-ii' fa' jalé' e quiee~naa' osi jalé' e 'né'^naa' é, cō' e laba' e eáang`gui 'né- nijmó^oo' la'eáang` cōō~ Jmiguí' quiá'- Fidiéē, e see~naa' e jmoo~naa' laco' iing~ Fidiéē, jogui e see~naa' juguiá- júu^ røø, jogui e iáang` dsí'naa' cajo.

¹⁸ Jo i` dsea` i` jmóo` lana cōō~ lajii~ e ta~ e cangííñ` quiá'- Dsea` Jmáang-, jōba' i` dsea` í' jmi'íáam`bre dsíí' Fidiéē` jogui guiáb- fé' jaléng` dsea` rúíñ' uíi~ quiá'r- cajo.

¹⁹ Jo lana fíí' i` 'nú', dsea` rú'naa', e contøøm- 'né- e nijmi'úung`naa' e nijmó^oo' jalé' e laco' nilisee~naa' juguiá- júu^ røø cōō~ jaléng` dsea` rú'naa', jogui cajo e nijmicōō~ rú'naa' e laco' nilí'naa' e teá'gui nisíng`-naa' cōō~ júu^ quiá'- Dsea` Jmáang-.

²⁰ Jo uíi~ cōō~ jalé' e cō'^na' ja` jmoo`naa' e laco' dseáng~ ni'íng- lajii~ e jmóo` Fidiéē` cōō~ lajaang` lajaang` dsea` quiá'r-. Jo dseáng~ e jáb-, guiáb- lajalé' e gø' dsea`, dsu' e doba' ja` dseeng` e song cōō~ jalé' e cō'^na' do nijmé- e niténg` dsea` rúng`naa' dsea` quiá'- Dsea` Jmáang- fí' ni~ dsee-.

²¹ Jōba' guiá- gui e ja` cō'^na' ngúu' o'gui u'^na' jmi'^ mí'^ huíng` jø'^ o'gui jmées^naa' jii~ cōō` e laco' dseáng~ e niténg` dsea` rúng`naa' dsea` quiá'- Dsea` Jmáang- fí' ni~ dsee-.

²² Jōba' fíí' i` 'nú' e jii~ yaam`ba' 'né- níí'naa' fí' quini~ Fidiéē` jial tí' já'- líng`naa' cuaiñ` quiá'- e jo. Jo eáam` juguiá- quiá'- i` dsea` i` ta~ dsíí' e guiáb- jalé' e jmóor, cō' ja` cuø' dsee- 'ñia'r' lajee` e jmóor` lajo.

²³ Jogui dsu' song sea` cōō` jmiñi~ e ta~ dsíí' i` dsea` í' e ja` cuóøng` lí' dør- jo song cagó'r` e jo, jōba' dseeb- ca'éer` jóng fí' quini~ Fidiéē, cō' dseáng~ ja` tab~ dsíí' e cajméer` e guiá- mi~ cajméer` e jo.

15

O' jii~ uø' 'né' jmi'íáang` o', cō' lajob 'né' jme' cōō~ dsea`rún'

¹ Jo fíí' guíí' 'nú', dsea` rú'naa' dsea` quiá'- Dsea` Jmáang-, e jaléng` jneaa~aa', dsea` eáang`gui teá' nitée~naa' cōō~ júu^ quiá'- dsea` do, 'né- e nijmicōō~baa' jaléng` dsea` rú'naa' i` ja`gui teáang- teá' cōō~ e júu^ jo. Cō' ja' 'né- jmó^oo' dseáng~ lajii~ e guiá- quí-`naa' yee~naa'.

² Jo lajaang` lajaang` jneaa~aa' 'né- see~naa' e jmi'íáang`naa' dsíí' jaléng` dsea` rú'naa' e laco' ni'uíng- guiá- quiá'r-, jo lajōba' cuóøng` e teá'gui nisíñ'- cōō~ júu^ quiá'- Dsea` Jmáang-.

³ Co' jì'gui Dsea` Jmáang- ja` ca'no'r- jial laco' nijmi'iaang` dsíir` 'ñia'r', co' lí' lí' cangong'íiñ- jii~ laco' fé' fí' ni~ jì' quiá'- Fidiée' lí' fé' lala: "Jalé" e ga' e café' dsea' uii~ quií'-, jneab~ cangong'íing- jalé' e jo."

⁴ Jo lajalé' júu^ e fé' fí' ni~ jì' quiá'- Fidiée' e cajme' dsea' lamali~gui eáang' calí- lajo e lí' laco' e' jneaa~aa' jialco' nijmó'naa' té'ee' cóo'~ jalé' e huíng' e dsijée' quí-ii', jogui cuø' jneaa~aa' bí' cajo; jo lajoba' dseáng'- nita~ dsì'naa' e nilisee~baa' cøøng' cóo'~ Fidiée' fí' ñiff- quiá'r- mi~ nití- e í' jo.

⁵ Jo Fidiée' dsea' i cuø' jneaa~aa' e jmoo~naa' té'naa' cóo'~ jalé' e dsing'íing- naa' do jogui e cuø'r' jneaa~aa' bí' cajo. Jo uii~ e lajob lí', joba' mii~i dsea' do e güijmicóo'~ bre 'nú' e laco' røøb' niliseeng'na' lajee' la'ó' 'nú' lí' laco'gui ca'ée' Fí'naa' Dsea' Jmáang-.

⁶ Jo lajoba' nijmiféng'naa' Fidiée', Tiquiá' Fí'naa' Dsea' Jmáang-, colíing~ lajii~naa'.

Mi~ canúu- dsea' i ja' líng' dsea' Israel júu^ quiá'- Dsea' Jmáang-

⁷ Jo lajob fii~gui 'nú', dsea' rú'naa' dsea' quiá'- Dsea' Jmáang-, e íing'~ rúng'na' e íaang' óo'na' lí' laco'gui ca'íng' Dsea' Jmáang- 'nú', jo lajoba' e nijmiféng' dsea' Fidiée'.

⁸ Jo jnea~ fii~i 'nú' e Dsea' Jmáang- cagüeiñ- fí' jmigüí' la e laco' nijmicóo'r~ dsea' Israel. Jo calí- lajo e lí' laco' cuø' lí' e dseáng'- jmitib~ Fidiée' júu^ quiá'r- lí' laco' júu^ e cacuø'r' 'líi' dsea' áang' quí-ii', dsea' Israel, ie~ mali~gui do.

⁹ Jogui cajá-bi Dsea' Jmáang- cajo e laco' jaléng' dsea' i ja' líng' dsea' Israel nijmiféiñ' Fidiée' uii~ e eáang' fí' líng- dsea' do jaléng' i dsea' í' lí' laco'gui la fé' fí' ni~ jì' quiá'- Fidiée' lí' fé' lala:

Jo nijmifén'n 'nú' jee~ jaléng' dsea' i ja' líng' dsea' Israel,
jogui nijmifén'n 'nú' cóo'~ jalé' e øø-.

¹⁰ Jo lalab fé'gui cajo fí' ni~ jì' quiá'- Fidiée':
jmi'iaang' óo'na', dsea' quiá'- Fidiée' i ja' líng' dsea' Israel,
colíing~ cóo'~ jaléng' dsea' i líng' dsea' Israel!

¹¹ Jo lalab fé'gui fí' ni~ jì' quiá'- Fidiée' cajo:
Jmiféng'na' Fí'naa' Fidiée' jaléng' 'nú', dsea' i ja' líng' dsea' Israel,
i seeng' jalé' fii~jiu jogui jalé' fii~ cóo'~.

¹² Jo lalab fé'gui fí' ni~ jì' quiá'- Fidiée' e cajme' Saíi':
Nabi nijáa' jaang' dsea' siju' Isái,
jo íb' i niquiá' ta~ quiá'- jaléng' dsea' i ja' líng' dsea' Israel.
Co' cóo' i dsea' i nijáa' do,
íb' i nicuø- e ta~ dsíi' jaléng' i dsea' í'.

Jo lanab fé' fí' ni~ jì' quiá'- Fidiée'.

¹³ Joba' mii~i Fidiée' i cuø' e ta~ dsì'naa' do e güicuø'~bre 'nú', dsea' já'- líng'na' júu^ quiá'r-, e seeng'na' e íaang' óo'na' jogui e seeng'na' juguiú- júu^ røø; jo lajoba', la'eáang' cóo'~ bí' e 'gøng' quiá'- Jmiguí' quiá'r-, dseáng'- eáang'gui güijmitar~ óo'na' e niliseeng'na' cóo'r' fí' ñiff- quiá'r- mi~ nití- e í' jo.

¹⁴ Dsea' rú'naa' dsea' quiá'- Dsea' Jmáang-, dseáng'- eáam' nita~ dsii- e 'nú' eáam' guiúng- na' cóo'~ jaléng' dsea' rúng'na', jogui e guiáb- niñí'na' jial 'né- seeng'na', jogui cajo eáam' quíi~na' jmi~ e cuø'na' bí' rúng'na'.

¹⁵ Dsu' e fí' ni~ jì' la nicateá- dsii- e nicajmé'e quíi~na' tú- 'ní' mí' júu^ e teáb'jiu; jo dsu' cajmé- e lajo e lí' laco' nijmiguién'n áa'na' jalé' e jo. Jo lajob cajmé- e uii~ e ta~ e nicang'ín'n quiá'- Fidiée', co' dseáng'- eáam' guiúng- dsea' do cóo'~ jnea~ e jii~ ja' catíin-n lajo.

¹⁶ Jo cajméer' lajo cóo'~ jnea~ e lí' laco' nijmee~ e lajii~ e iing~ Dsea' Jmáang- fí' jee~ jaléng' dsea' i ja' líng' dsea' Israel. Jo cang'ín'n cóo' ta~ quiá'- Fidiée' e lí' laco' niníi~i júu^ quiá'- jial láang' dsea' do jaléng' dsea' jee~ jalé' dsee- quiáiñ'. Jo jmóo'o lajo e lí' laco' cuøøng' nijøø'n'n fí' quinir~ jaléng' i dsea' í' e líiñ' do lafa' coø' feá'- e jlo' jmeafii~ e nití- dsíir' jogui e nicaligüeang' la'eáang' cóo'~ Jmiguí' quiá'r-.

17 Jo dsea` quiá'- Dsea` Jmáang- líng' jnea~, joba' seab` uing~ quié- e eéang' jmi'iaang` dsii- uí'~ jalé' e ta~ e nicangúin' n e jmóo'ò quiá'- Fidiée'.

18 Dsũco' ja` teá dsii- e nifá'^a jii'~ coo' júu^ e jié'gui jii'~ laco' e nicajmée` Dsea` Jmáang- cóo'~ jnea~ e quiá'- e nicaguiaa- júu^ jee~ jaléng' dsea` i ja` líng' dsea` Israel e laco' nijméiñ'- do núu'r~ lajii'~ ta~ quiu' Fidiée'. Jo lajob nicajméesiñ' do la'eéang' cóo'~ jalé' júu^ e nicaguiá'-a cóo'~ gui jial nica'ee- jee~ jaléng' i dsea` í,

19 jogui cóo'~ jalé' e lí~ e quí'~ Fidiée' jmi~ e jmóor' cóo'~ e güea'^ e 'gøng' quiá'- Jmiguí quiá'r-. Jo lanaba' guiáb- nicanán'n e ta~ do quié- e e quiá'- e ní'i júu^ quiá'- Dsea` Jmáang- quiá'- jial laang` dsea` jee~ jalé' dsee- quiá'r-, jo e jo canaan- fí Jerusalén cartí caguié- e fí lí' se' Iliria.

20 Jo nicajmé- e úung` e niní'i júu^ e quiá'- jial laang` dsea` jee~ jalé' dsee- quiá'r- dseáng'- e fí lí' ja` mí canúu- dsea` júu^ quiá'- Dsea` Jmáang- jii'~ coo' ya' lamí jéeng'gui. Jo calí- lajo uí'~ e jnea~ ja` iin~n fa' e niní'i~ e júu^ jo fí lí' nicajmées` dsea` lajo.

21 Co' cajmé- e lajo lí'^ laco' caliti~ laco' la fé' fí ní' jì quiá'- Fidiée' lí' fé' lala:

Jaléng' dsea` i dseáng'- jii'~ coo' ya' ja` mí canúu- júu^ quiá'- Dsea` Jmáang-, dseáng'- ninú- bre e júu^ jo;

jogui dseáng'- ningám' e júu^ jo jaléng' dsea` i ja` mí canúu- e júu^ jo cajo.

Jo lanab fé' fí ní' jì quiá'- Fidiée'.

Mí' ca'f' dsí' Paa- e nidsér- fí Roma

22 Jo uí'~ e ngii- ta~ guiá' júu^ quiá'- Dsea` Jmáang-, joba' ja` mí cacuø' fí quié- e fa' e ninii'i e ni'ee'e 'nú', dsea` rú'naa' dsea` quiá'- Dsea` Jmáang- i neéang' fí na fí Roma, nañí fa' jmiguíuab' ya' nica'f' dsii- e nijmee~ e lajo, dsu' ja` mí calí- quié- e lajo.

23 Dsu' lanagui nicanób' ta~ jmóo'ò e fí guóo'~ uø- la; jo co' ningóob'jiu eéang' e í dsii- e ni'ee'e 'nú',

24 joba' sijeem~ e lajob nilí lajee~ e iuun- fí e ngóo'ó fí guóo'~ uø- lí' sií España. Jo mí ningí e nineeng~ rú'naa' fí na, joba' iin~n e jaléng' 'nú' nijmicóo'~na' jnea~ cóo'~ jalé' e 'né' e lajee~ e ngóo'ó fí España.

25 Jo dsu' nú' gui e ngóo'ó fí na fí Roma, jang'- níng'^teáa fí Jerusalén e nicoo'ò capí' jalé' e 'né' dsea` quiá'- Dsea` Jmáang- i tiñíng- i seeng' fí jo.

26 Dsũco' jaléng' dsea` quiá'- Dsea` Jmáang- i seeng' fí Macedonia cóo'~ gui i seeng' fí Acaya ca'f' dsíir' yaaiñ~ e líng~ e caseáñ' capí' jogui e nisíñ- quiá'- dsea` rú'naa' dsea` quiá'- Dsea` Jmáang- i tiñíng- i seeng' fí Jerusalén.

27 Jo guiáb- cajmées` i dsea` í uí'~ e ca'f' dsíir' e nijmicóo'r~ i dsea` rú'ñ' do lajo. Dsũco' jaléng' dsea` quiá'- Dsea` Jmáang- i líng' dsea` Israel eéam' nicajmicóo'r~ jaléng' dsea` quiá'- Dsea` Jmáang- i ja` líng' dsea` Israel e laco' teá'gui casíñ' yaaiñ~ fí guiá- cóo'~ Dsea` Jmáang-. Jo uí'~ e lajob líí, joba' jaléng' dsea` quiá'- Dsea` Jmáang- i ja` líng' dsea` Israel dseáng'- 'né'-ba' líng~ ee'go jmicóo'r~ jié' jii'~ quí'r~ jmi~ cóo'~ jaléng' i dsea` Israel do.

28 Joba' dsifí mí nité' e ta~ e nijmee~ e do e quiá'- nijáa'~a dsea` quiá'- Dsea` Jmáang- i neéang' fí Jerusalén jalé' e caseáng' do, joguiba' nijúu~u e ninii'i fí España jóng, jo lajee~ e iuun- fí e ngóo'ó fí jo, joba' í dsii- e ningiñ~n cateá' fí na fí Roma.

29 Jo eéam' nita~ dsii- e mí niguiéé'e e ni'ee'e 'nú' fí na, eéam' guiá- nijmé- Dsea` Jmáang- cóo'~ jneaa~aa'.

30 Dsea` rú'naa' dsea` quiá'- Dsea` Jmáang-, la'eéang' cóo'~ Fí'naa' Dsea` Jmáang- jogui la'eéang' cóo'~ e Jmiguí quiá'- Fidiée' e cuø' jneaa~aa' e eéam' 'neéang' rú'naa' do, joba' lana mí' i 'nú' jmi'ee' e nijmicóo'~ rú'naa' colíng~ e nimí'na' Fidiée' uii~ quié- e.

31 Jo mí'na' dsea` do e nijmér- í jnea~ jee~ jaléng' dsea` i ja` já' líng' júu^ quiá'- Fidiée' i neéang' fí lí' se' Judea. Jogui mí'na'r cajo e eéang' nilí'íng^ ta~ quiá'- jaléng' dsea` rú'naa' dsea` quiá'- Dsea` Jmáang- i neéang' fí Jerusalén lajii'~ e quiee- quiá'r-.

³² Jo ngí jo, song nicuó^ˉ Fidié[˘] fí, joba' niguié[˘]baa fí na jóng cóo^ˉ~ juguiá[˘] e ni'ee[˘]e 'ná', jo lajoba' cuøøng[˘] lí jmi'ín[˘] n lajee[˘] see[˘] naa' colíing[˘].

³³ Jo má[˘] i Fidié[˘] i cuø[˘] e seeng[˘] dsea' juguiá[˘] júu[˘] røø[˘] e güiliseem[˘] bre cóo^ˉ~ jaléng[˘] 'ná' lata[˘].

Jo lajob nilí.

16

Júu[˘] guicóo^ˉ~ quiá[˘]- Paa[˘] e catíng[˘] dsea[˘] seeng[˘] fí Roma

¹ Dsea[˘] rú[˘]naa' dsea[˘] quiá[˘]- Dsea[˘] Jmáang[˘] i seeng[˘] fí na fí Roma, lana fí[˘] i 'ná' cuaiñ[˘] quiá[˘]- jaang[˘] dseam[˘] i sii[˘] Febe i jmóo[˘] ta[˘] jmicóo^ˉ~ jaléng[˘] dsea[˘] quiá[˘]- Dsea[˘] Jmáang[˘] i seeng[˘] fí Cencrea.

² Jo i dseam[˘] la dsea[˘] quiá[˘]- Dsea[˘] Jmáam[˘] líiñ[˘], joba' ím[˘]ba're cóo^ˉ~ e guiá[˘] lí[˘] laco'gui catíng[˘] e íng[˘] dsea[˘] i dsea[˘] la'í. Jogui jmicóo^ˉ~ na're cóo^ˉ~ lí[˘] doñí[˘] ee[˘] e 'né[˘], dsuco[˘] e eám[˘] nicajmicóo^ˉ~ jaléng[˘] dsea[˘] rú[˘] lí[˘] laco'gui la nicajméer[˘] cóo^ˉ~ jnea[˘].

³ Jogui guiéen[˘] n júu[˘] guicóo^ˉ~ quiá[˘]- Prisca cóo^ˉ~ gui i dseañ[˘] quiá[˘]- r i sii[˘] Aquila, co[˘] i dsea[˘] na røøb[˘] nicajmó[˘]naa' ta[˘] guia[˘] júu[˘] quiá[˘]- Dsea[˘] Jmáang[˘] cóo^ˉ~ r.

⁴ Co[˘] laj[˘] gám[˘] i dsea[˘] na jiu[˘] ja[˘] mí[˘] cajúum[˘] bre dsu[˘] uí[˘] e nicajmicóo^ˉ~ jnea[˘]. Jo co[˘] lajob nicajméer[˘] cóo^ˉ~ jnea[˘], joba' cuøø[˘] øre gui'máang[˘]; jo dsu[˘] o[˘] jí[˘] jnea[˘] jmóo[˘] o lajo, co[˘] lajob jmóo[˘] cajo jaléng[˘] dsea[˘] quiá[˘]- Dsea[˘] Jmáang[˘] i ja[˘] líng[˘] dsea[˘] Israel.

⁵ Jogui guiéen[˘] n júu[˘] guicóo^ˉ~ quiá[˘]- jaléng[˘] dsea[˘] rú[˘]naa' dsea[˘] quiá[˘]- Dsea[˘] Jmáang[˘] i seáng[˘] fí na fí quiá[˘]- Prisca cóo^ˉ~ gui Aquila. Jogui guiéem[˘] baa júu[˘] guicóo^ˉ~ cajo quiá[˘]- i seen[˘] røø[˘] cóo^ˉ~ i 'neáan[˘] eáng[˘] i sii[˘] Epeneto, co[˘] íb[˘] la'uii[˘] dsea[˘] i calíng[˘] dsea[˘] quiá[˘]- Dsea[˘] Jmáang[˘] fí la'úng[˘] fí lí[˘] se[˘] Asia.

⁶ Jogui guiéem[˘] baa júu[˘] guicóo^ˉ~ quiá[˘]- Yá[˘] cajo, co[˘] eám[˘] nicajméer[˘] ta[˘] jmicóo^ˉ~ jee[˘] 'ná'.

⁷ Jogui guiéen[˘] n júu[˘] guicóo^ˉ~ quiá[˘]- dsea[˘] góo[˘] i sii[˘] Andrónico cóo^ˉ~ gui Junias, dsuco[˘] conrøøb[˘] cajníng[˘] naa' fí dsí[˘] 'nañí[˘] cóo^ˉ~ r. Jogui jaléng[˘] dsea[˘] apóo[˘] quiá[˘]- Dsea[˘] Jmáang[˘] eám[˘] guiá[˘] fé[˘]r uii[˘] quiá[˘]- laj[˘] gáng[˘] i dsea[˘] góo[˘] na, jo i dsea[˘] na jéeng[˘] gui b calicuír[˘] júu[˘] quiá[˘]- Dsea[˘] Jmáang[˘] laco'gui jnea[˘].

⁸ Jogui guicóob[˘] i dsea[˘] i sii[˘] Ampliato, i dsea[˘] quiá[˘]- Dsea[˘] Jmáang[˘] i eáng[˘] røø[˘] seen[˘] cóo^ˉ~.

⁹ Jogui guicóob[˘] cajo i dsea[˘] i sii[˘] Urbano i jmóo[˘] ta[˘] colíng[˘] cóo^ˉ~ jnea[˘]; jogui guicóo^ˉ~ b[˘] cajo i dsea[˘] i sii[˘] Estaquis i eáng[˘] seen[˘] røø[˘] cóo^ˉ~ cajo.

¹⁰ Jogui guicóo^ˉ~ b[˘] cajo i dseañ[˘] i sii[˘] Apeles i nicagüi[˘] guiá[˘] jee[˘] jalé[˘] e huíng[˘] e nicangongíiñ[˘] uí[˘] e teá[˘] siñ[˘] cóo^ˉ~ júu[˘] quiá[˘]- Dsea[˘] Jmáang[˘]; jogui guicóob[˘] cajo jaléng[˘] i dsea[˘] sinúu[˘] quiá[˘]- Aristóbulo.

¹¹ Jogui guicóob[˘] cajo i dsea[˘] góo[˘] i sii[˘] Herodión cóo^ˉ~ gui jaléng[˘] i dsea[˘] sinúu[˘] quiá[˘]- Narciso, co[˘] dsea[˘] quiá[˘]- Dsea[˘] Jmáam[˘] líiñ[˘] cajo.

¹² Jogui guicóob[˘] Trifena cóo^ˉ~ gui Trifosa, co[˘] laj[˘] gám[˘] biñ[˘] na jmóor[˘] laj[˘] ta[˘] e nicangíiñ[˘] quiá[˘]- Dsea[˘] Jmáang[˘]; jogui guicóob[˘] cajo i dseam[˘] i sii[˘] Pérsida i eáng[˘] seen[˘] røø[˘] cóo^ˉ~, co[˘] i dseam[˘] na eám[˘] nicajméer[˘] ta[˘] e nicangíiñ[˘] quiá[˘]- Dsea[˘] Jmáang[˘].

¹³ Jogui guicóob[˘] cajo i dseañ[˘] i sii[˘] Rufo, jaang[˘] dsea[˘] i dsíng[˘] ní[˘] dsea[˘] e cuiñ[˘] Dsea[˘] Jmáang[˘] jogui e eám[˘] teá[˘] siñ[˘] cóo^ˉ~ júu[˘] quiá[˘]- dsea[˘] do cajo; jogui guicóob[˘] ni quiá[˘] r[˘] cajo, dsuco[˘] í líng[˘] lafa[˘] ni quié[˘] baa cajo.

¹⁴ Jo guicóob[˘] Asíncrito cóo^ˉ~ gui Flegonte cóo^ˉ~ gui Ermes cóo^ˉ~ gui Patrobas cóo^ˉ~ gui Ermas cóo^ˉ~ gui jaléng[˘] dsea[˘] quiá[˘]- Dsea[˘] Jmáang[˘] i neáng[˘] cóo^ˉ~ r do.

¹⁵ Jogui guicóob[˘] Filólogo cóo^ˉ~ gui Julia cóo^ˉ~ gui Nereo cóo^ˉ~ gui i dseam[˘] rú[˘] do, jogui guicóo^ˉ~ Olimpas cajo cóo^ˉ~ gui laj[˘]ng[˘] dsea[˘] quiá[˘]- Dsea[˘] Jmáang[˘] i neáng[˘] cóo^ˉ~ lajaléng[˘] dsea[˘] na.

16 Jogui jaléng' 'nú', dsea` líng'na' dsea` quiá'- Dsea` Jmáang-, lacoó` ya' mi` fón' rúng'na' se' guoo` rúng'na'. Jo lajaléng' dsea` quiá'- Dsea` Jmáang- i seeng` fí' la guieíñ' júu` guicóo'` quíi`na'.

17 Dsea` rú'naa' dsea` quiá'- Dsea` Jmáang-, iin`n nimíi`i 'nú' lahuíng' e nijmée` í` yaang`na' cóo'` jaléng' i dsea` i ngí' ta` jmóo` 'nii` jee` jaléng' dsea` quiá'- Dsea` Jmáang-, jogui jmóor` quiíi`- jial nitú` dsea` fí' guíá- lí` niteáaiñ` cóo'` Dsea` Jmáang-, dsucó' cóo'` jalé' e jmóor` do ja` cóøng` røø` cóo'` júu` quiá'- Dsea` Jmáang- e nica'íing' 'nú'. Jöba' fíi` i 'nú' e ni'naam` yaang`na' jee` jaléng' i dsea` í'.

18 Dsucó' jaléng' i dsea` la'í` ja` jmóor` ta` e nicangíiñ` quiá'- Fíi'naa' Dsea` Jmáang-, co' jmóor` jíi` laco' i dsíir` yaam`bre. Jogui fé'r` júu` jlo`^ e róo` e lí`^ laco' lí'r` jmigóøiñ` dsea` i ja` quíi`- tíng` jmóo` jalé' e ga, jo lajöba' lí'r` jaléng' í'.

19 Jo lajím` dsea` quiá'- Dsea` Jmáang- ñir` e eáam` núu` 'nú' júu` quiá'- Dsea` Jmáang-. Jo uíi` e líng'na' lajo, jöba' eáam` íáang` dsii` cóo'` 'nú' jogui iin`n e cóo'` jalé' e niñí'na' do nilí'íng` ta` quíi`na' quiá'- e nijmée`na' jmang' jalé' e guíá- jo o' quiá'- e nijmée`na' jalé' e ja` dseeng`.

20 Jo Fidiée` i cuø` e seeng` dsea` juguiá- júu` røø, lajmináb- nijgiáaiñ` fii` i 'ling' i sii` Satanás cartí` uii` tíi`na', jo lajöba' jo` cuøøng` fa' e nilí'guir` 'nú'. Jo mii`i Fíi'naa' Dsea` Jmáang- e ni'ír- güea` quiá'r- fí' jee` 'nú' lajüing`na'.

21 Jogui Timoteo, jaang` dsea` rú'naa' i jmóo` ta` quiá'- Dsea` Jmáang- colíng` cóo'` jnea~, guiem`bre júu` guicóo'` quíi`na' cajo, jogui lajöb` jaléng' i dsea` góo` i sii` Lucio cóo'` gui Jasón jogui Sosípater guiem`bre júu` guicóo'` quíi`na' cajo.

22 Jogui jnea` Tercio, dsea` jmo`o e fí' ni` jì lajalé' júu` quiá'- Paa-, guiem`baa júu` guicóo'` quíi`na' cajo, co' dsea` quiá'- Dsea` Jmáang- lín`n cajo.

23 Jogui lajöb` Gayo guiem`bre júu` guicóo'` quíi`na' cajo, co' fí' quiá'-bre guing` jnea` lana, jo fí' jöb` cajo lí` seáng' jaléng' dsea` quiá'- Dsea` Jmáang- e jmiféiñ` Fidiée`. Jogui Erasto guiem`bre júu` guicóo'` quíi`na' cajo, jo lana líiñ` dsea` i 'mea` cuu` quiá'- fí; jogui lajöb` jaang` dsea` quiá'- Dsea` Jmáang- i sii` Cuarto guiem`bre júu` guicóo'` quíi`na' cajo.

24 Jo güi'íb` Fíi'naa' Dsea` Jmáang- güea` quiá'r- jee` jaléng' 'nú'. Jo lajöb` nilí'.

Júu` lí` cadséng` quiá'- Paa` e jmiféiñ` Fidiée`

25 Jo majmifém`baa' Fidiée`, co' í`bing' i quíi` jmíi` i nijmé- e teá'gui nisíng'na' cóo'` júu` quiá'- Dsea` Jmáang- lí`^ laco' la fé' e júu` quiá'- Dsea` Jmáang- e guíá` jnea` e quiá'- jial laang` dsea` jee` jalé' dsee` quiá'r-. Jo e júu` nab líi` e júu` quiá'- Fidiée` e lamí` si'maang` lajii` nú'-gui e nitiroo` jmigüí. Jo dsu' lanagui nicajmijnéem`bre e jo, jo e júu` jöb` e guíá` jnea` na.

26 Dsu' lanagui nicaliñib` dsea` e júu` na la'eáang` cóo'` jalé' jì e cajme' jaléng' i dsea` i café' cuaiñ` quiá'- Fidiée` malíi`gui eáang`. Jo calí- lajo e lí`^ laco' nilití` ta` e caquiá' Fidiée` i seeng` car` ngongíi` jmíi` do. Jo dsu' e júu` e si'ma` quiá'- Fidiée` do, nicajmijnéem`bre lana e lí`^ laco' lajaléng' dsea` jmigüí` nijá'- líiñ` e jo jogui e nijmér` núu'r` cajo.

27 Jo la'eáang` cóo'` Fíi'naa' Dsea` Jmáang- majmifém`baa' lata` jíi` Fidiée`, co' jíi` íb` i eáang` tíng` ngáng'. Jo lajöb` nilí'.

Jo lanab cató' e jì e cajme' Paa- e catíng- dsea` quiá'- Dsea` Jmáang- i neáang` fí' Roma.

Júu^ e toq̃ fí ni~ jì la'uii~ quiá'- Paa- e catíng- dsea` seeng` fí CORINTO

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-. Jo nicató'- Fidié~ jnea~ e nijmee~ e ta~ jo uíi~ e lajo nicali'iiñ~. Jo jnea~, colíng~ cóo~ i dsea` rú'naa' dsea` quiá'- Dsea` Jmáang- i sii` Sóstenes, s'ing'naa' e jì la

² e catíng- jaléng' 'nú', dsea` rú'naa' dsea` quiá'- Dsea` Jmáang- i neáng' fí na fí Corinto. Jo Fidié~ nicató'- 'nú' e nilíng-na' dseáng- jíi~ dsea` quiá'-bre la'eáang' cóo~ Fí'naa' Dsea` Jmáang-. Jogui lajob nicajméer` cóo~ jaléng' dsea` i seeng' fí li~ jié' i jmiféng' Fí'naa' Dsea` Jmáang-, co' í'bing' i líng' Fíir lí' laco'gui la líng' qui~ jneaa'aa' cajo.

³ Jo m'í~i Tiquí'ii' Fidié~ jogui Fí'naa' Dsea` Jmáang- e ni'ír- güea'^ quiá'r- jee~ 'nú' jogui e nicuó'r- 'nú' e niliseeng'na' juguiá- júu^ røø`.

Júu^ gui'máang' quiá'- Paa- e cuø'r' Fidié~

⁴ Jo ja` mí' catúu e cuøø-ø gui'máang' Fidié~ uíi~ quiá'na' uíi~ cóo~ jalé' e guiá- e nicajméer` cóo~ 'nú' la'eáang' cóo~ Fí'naa' Dsea` Jmáang- e jíi~ ja` catíng-na' lajo, jo dsu' lajob nicajméer`.

⁵ Dsaco' la'eáang' cóo~ Fí'naa' Dsea` Jmáang- jmigui'ba' nica'íng-na' quiá'- Fidié~, co' nicang'ing'na' e eáang' tíng'na' guiá'na' júu^ quiá'r- jogui e eáang' ngáng'na' e júu^ jo cajo.

⁶ Jo cóo~ jalé' e na cuø' li~ e nicali'ti~ lajíi~ júu^ e nicafá'- a cuaiñ~ quiá'- Dsea` Jmáang-.

⁷ Jo lajob nicali-, joba' nicang'ím'ba' lajalé' e cuø' Jmiguí' quiá'- Fidié~ lajee~ e sijeeng'na' e jmí~ e nijnéng-tu Fí'naa' Dsea` Jmáang- fí jmigü' la.

⁸ Jo Dsea` Jmáam-bing' i nicuó'- 'nú' bí e laco' teáam-bi' teá' fí guiá- li~ niteáang-na' cóo'r~, jo lajoba' jíi~ jaang' ja` ii' cuøøng' lí' cuó'- 'nú' dsee- mí' tí' lí' nití' í' e nijáa'tu Dsea` Jmáang- fí jmigü' la.

⁹ Jo dseáng'- jmitib~ Fidié~ jalé' júu^ quiá'r- e cacuø'r' jéeng'gui, jogui í'bi cajo i cató'- jneaa'aa' e nilisee-naa' cøøng' cóo~ Joor' Dsea` Jmáang- i líng' Fí'naa' cajo.

E- uíng- e ja` s'ing' røø` dsea` quiá'- Dsea` Jmáang-

¹⁰ Jo la'eáang' cóo~ júu^ quiá'- Dsea` Jmáang- m'í~i 'nú' e ngocáng' dsii-, dsea` rú'naa', e nisiing~tu' røø, co' ja` 'né' e jmée'na' tá'- coo' 'lé' lajee~ la'ó' 'nú'. Co' 'nú' lí' lí' 'né' e seeng'na' conrøøb' e í' óo'na' jogui e ee-na' guiá- laj'ing'na'.

¹¹ Jo uíng~ quiá'- e fí~i 'nú' e júu^ la, dsea` rú'naa', dsaco' dsea` sinúu^ quiá'- Cloé nicajmea'r' jnea~ júu^ e jmoob' 'nú' ta~ j'ing' jee~ la'ó' 'nú', dsea` líng'na' dsea` quiá'- Dsea` Jmáang-.

¹² Co' i dsea` í' nicasí'r- jnea~ e i líng~ 'nú' fó'na' e líng'na' dsea` quié~ e, jogui i líng~gui 'nú' fó'na' e líng'na' dsea` quiá'- Apolos, jogui i jiéng'gui fé' e líiñ' dsea` quiá'- Tú^, jogui i líng~gui dsea` í' dsíir e jíi~ í'bre líiñ' dseáng'- jíi~ dsea` quiá'- Dsea` Jmáang-.

¹³ Jo ja` 'né' jmée'na' lajo, co' ja` f'ing' Dsea` Jmáang- seeng'; jogui o' jnea~ cajo dsea` catáng- fí dse' crúu e laco' nileáng'na' fí jee~ jalé' dsee- quiá'na', o'gui cajgáang-na' jmí~ la'eáang' cóo~ jnea~. iCo' dseáng'- o' lajo!

¹⁴ Jo gui'máang' Fidié~ e jíi~ jaang' 'nú' ja` mí' caseán-n jmí~, co' dseáng'- jíi~ Crispo cóo~gui Gayobing' i nicajmé~ e cóo~ lajo.

¹⁵ Jo uíi~ e lajob lí', joba' jíi~ jaang' 'nú' cuøøng' lí' fo'na' e cóo~ júu^ quiá'- Paab- cajgáang-na' jmí~.

¹⁶ Jaa-, dsu' cadsém' dsii- cajo e caseám-baa jmí~ i dsea` sinúu^ quiá'- Estéfanas, jo dsu' jo` tóo~ dsii- fa' ii' caseáng-guá' jmí~ i jiéng'.

17 Dsaꝛco' ja` casíng` Dsea` Jmáang` jnea` fí` jmigüü` la fa' e nijmee` e ta` seáang` dsea` jmüi, co' casíim`bre jnea` dsa' quíá'` e niguiaa` júu` quíá'` jial laang` dsea` jee` jalé` dsee` quíá'`-bre. Jo mi` caguiá'a e júu` jo, ja` cafá'`-a cóo'` júu` e tíing` dsea` jmigüü` e laco' ja` nijmi`uón`n jial tíí` e níing` e cajúng` Dsea` Jmáang` fí` dse` crúu`.

Jial 'gøng' Fidiée` cóo'` jalé` e tiiñ`

18 Jo jaléng` i dsea` i niteáang` fí` ngolíng` fí` lí` 'lí'` í` dsíir` e júu` úib` líí` e quíá'` e cajúng` Dsea` Jmáang` fí` dse` crúu`. Jo dsa' o' lajo líí` e júu` jo quí` jneaa`aa', co' e júu` jo líí` júu` e 'gøng'. Co' la'eáang` e júu` joba' nicaláang`naa' jee` jalé` dsee` quí` ii'.

19 Jo lajob líí` líí` laco' fé` Fidiée` fí` ní` jì` quíá'r` lí` fé'r` lala:

Nijmee` e ni'ím` lajíí` e í` dsíí` dsea` jmigüü` e tiiñ`,

jo cab' ni'naan` lajíí` e í` dsíir` e ngáiñ`.

Jo lanab fé` Fidiée` fí` ní` jì` quíá'r`.

20 Jo ÷jnan`gui i dsea` i í` dsíí` e eáang` tiiñ` ngáiñ`? Jogui ÷jnan`gui i dsea` i í` dsíí` e ñir` lajalé'? Jogui cajo ÷jnan`gui i dsea` i tíing` júu` quíá'` cóo'` jalé` e sea` fí` jmigüü` la? Jo dsa' lajalé` e í` dsíí` dsea` jmigüü` e tiiñ` ngáiñ`, Fidiée` nicajméer` e jalé` e jo líí` júu` úib`.

21 Jo la'eáang` e eáang` tíing` ngáng` Fidiée`, joba' caguiar` uing` e ja` nilicuíng` dsea` ír` la'eáang` cóo'` jalé` e í` dsíí` dsea` e tiiñ` ngáiñ` fí` jmigüü` la. Co' líí` lí` cali'íiñ` e nileáiñ` dsea` jee` jalé` dsee` quíáiñ`- la'eáang` e já'` líing` dsea` e júu` cuaiñ` quíá'` e cajúng` Dsea` Jmáang` fí` dse` crúu`, nañí` fa' e júu` jo líí` lafa' júu` úib`.

22 Jo jaléng` dsea` Israel 'náíñ` Fidiée` dsa' la'eáang` cóo'` jalé` e quíí` dsea` do jmüi` jmóor` e dsigá` dsíí` dsea`. Jogui jaléng` dsea` i ja` líing` dsea` Israel 'náíñ` Fidiée` dsa' la'eáang` cóo'` e tiiñ` ngáiñ` fí` jmigüü` la.

23 Jo dsa' jnea`^ guíanaa' júu` quíá'` e` uing` e cajúng` Dsea` Jmáang` fí` dse` crúu`. Jo dsa' e júu` jo líí` júu` e 'ní` níing` jaléng` dsea` Israel, jogui jaléng` dsea` i ja` líing` dsea` Israel í` dsíir` e júu` úib` e jo.

24 Jo lajíí` e cangongíng` Dsea` Jmáang` fí` dse` crúu` calí` lajo e líí` laco' niliñí` dsea` jial tíí` 'gøng` Fidiée` jogui jial tíí` tiiñ` cóo'` jalé` e jmóor`. Jo jalé` e jo catíng` jaléng` dsea` i nicatø' Fidiée` e ni'uíñ` dsea` quíá'r`, nañí` su líing` dsea` dsea` Israel osi ja` líiñ` lajo é.

25 Jo jaléng` dsea` jmigüü` í` dsíir` e júu` úib` líí` lajalé` e nicaguiá` Fidiée` uing` e nicajméer`. Jo dsa' o' já'` e líí` lajo, co' eáang`guib` tíing` ngáng` Fidiée` cóo'` lajalé` e jmóor` laco'gui jíí` e í` dsíí` dsea` jmigüü` e eáang` tiiñ` ngáiñ`. Jogui eáang`guib` 'gøng` Fidiée` cóo'` e guiar` uing` e jmóor` laco'gui jíí` e í` dsíí` dsea` jmigüü` e eáang` líng` ta`.

26 Jo fíi`-i 'ná', dsea` rú'naa' dsea` quíá'` Dsea` Jmáang`, e 'né` e tóob` áána' e mi` catø' Fidiée` 'ná' e laco' ni'uíng`na' dsea` quíá'r` jo jíí` tú` 'ní` máng` 'ná' líing`na' dsea` i tíing` ngáng` jíí` laco' í` dsíí` dsea` jmigüü`, jogui jíí` tú` 'ní` máim`ba' líing`na' dsea` i óo` ta` fí` jmigüü` la osi líing`na' dsea` sínáú` quíá'` jaléng` dsea` 'goo` é.

27 Jo dsa' Fidiée`bing` i caguíng` jaléng` dsea` i í` dsíí` dsea` jmigüü` i íí'. Jo cajméer` lajo e líí` laco' nicuø'r` fí'í' jaléng` dsea` jmigüü` i í` dsíí` i tíing` ngáng` eáang`. Jogui caguíñ` jaléng` dsea` i í` dsíí` dsea` jmigüü` i ja` 'ga' lí` ta` íng`. Jo cajméer` lajo e líí` laco' nicuø'r` fí'í' jaléng` dsea` jmigüü` i í` dsíí` e dsíng`- íiñ` ta`.

28 Jogui Fidiée` nicaguíñ` jaléng` dsea` i í` dsíí` dsea` jmigüü` i ja` ta` íng` jíí` capí` osi i uóng` osi i ja` sea` uing` quíá'` jíí` cóo' fí` jmigüü` la é, jo dsa' cajméer` lajo e líí` laco' ni'íiñ` jalé` e í` dsíí` dsea` jmigüü` e níing` eáang`.

29 Jo co' lajob cajmée` Fidiée`, joba' jíí` jaang` dsea` cuøng` lí` jmér` ráaiñ` fí` quini` dsea` do.

30 Jo dsa' 'ñiab` Fidiée` nicajméer` e lafa' jaam` dsea` nica'uíng`na' cóo'` Dsea` Jmáang`, jogui nicajméer` cajo e laco', la'eáang` cóo'` dsea` do, niline`naa' jial tíí` tiiñ` ngáiñ`; co' la'eáang` cóo'` Dsea` Jmáam`ba' nicajméer` e nilí'naa' dsea` i ja` røng` dsee` fí` quini`

jogui e nilí'naa' dseáng' jii' dsea' quía'-bre jogui cajo e nicaláang-naa' jee' jalé' dsee' quí'ii'.

³¹ Jo co' lajob lí', joba' fé' fí' ni' jì' quía'- Fidié' lí' fé' lala:

Jogui song seeng' dsea' i iing' jmiféng' 'ñia',
 joba' guiá'-gui e gü'jmifém'bre Fíi'naa' Fidié'.
 Jo lanab fé' fí' ni' jì' quía'- Fidié'.

2

E' uing' e catáng' Dsea' Jmáang' fí' dse' crúu'

¹ Jo téé' óóna', dsea' rú'naa', e mi' cangó'-o fí' na fí' Corinto e cangofí' i 'nú' júu' quía'- Fidié' quía'- e uing' jalé' e cangojéé' cóo' Dsea' Jmáang', jo dsu' ja' cafón'-n 'nú' cóo' júu' e ñí' o'gui cóo' júu' e 'goo' cajo.

² Jo lajee' e cataan' n jee' 'nú' ja' cafá'-a júu' e jié'gui, co' dseáng'- lajii' júu' quía'- Dsea' Jmáam'-ba' ca'í' dsii' e cafá'-a jo dseáng'- jii' e júu' quía'- e uing' e catáng' Dsea' Jmáang' fí' dse' crúu'.

³ Jo mi' caguié'-e jee' 'nú' e quía'- e niguiaa'- e júu' jo, í' dsii' e ja' 'goo' quí' i jmi' nijmee'-e lajo jogui e jléem'bí' cajo uí' e 'gó'o'.

⁴ Jo mi' cafón'-n 'nú' e guiaa'- e júu' jo, ja' cajmeéan' n ta' júu' jlo' e laco' já'- nilíng'na' júu' quíe'-e. Co' 'nú' já'- calíng'-na' e júu' quía'- Fidié' e guiaa'- do la'eéang' cóo' jalé' e quí' jmi' e cajmées' Jmiguí' quía'- Fidié' e dsigá' dsí' dsea'.

⁵ Jo cafón'-n 'nú' lajo e lí' laco' nijá'- líng'na' júu' quía'- Dsea' Jmáang' la'eéang' cóo' güea' 'gøng' quía'- Fidié' jo o' la'eéang' cóo' jalé' e tñng' ngáng' dsea' jmigüí'.

La'eéang' cóo' Jmiguí' quía'- Fidié' e licúing' dsea' ír'

⁶ Jo dsu' jnea' sñm'baa' júu' jlo' cóo' i dsea' rú'naa' i dseáng'- lajang' niteéang'- teá' cóo' júu' quía'- Dsea' Jmáang', lifa' e júu' jlo' e sñ'naa' do e quía'- jial tí' tñng' ngáng' Fidié'. Jo dsu' e júu' jo o' jii' júu' laco' ngáng' dsea' jmigüí' o'gui jii' laco' júu' e tñng' fé' jaléng' dsea' quí' ta' fí' jmigüí' la, jo jaléng' i dsea' í' ja' uøø'-eer' fí' jmigüí' la.

⁷ Jo dsu' jalé' júu' e guia'naa' do lí' júu' jlo' e tñng' ngáng' jii' 'ñia' Fidié', jo e júu' jo ja' cajmijnéiñ' lamí' jééng'gui. Co' caguiar' uing' lajii' mi' nú'-gui e cajmées' latøøng'-jmigüí' e laco' nilisee'-naa' cóo' fí' lí' niing' 'gøiñ' mi' nití' e í' jo.

⁸ Jo jaléng' dsea' i quí' ta' fí' jmigüí' la ja' mí' cangám'bir e júu' jo, cofa' mi' cangáiñ' lamí' jééng'gui, joba' ja' cateáiñ' fí' dse' crúu' i Fíi'naa' Dsea' Jmáang' i jáa' fí' ñí'.

⁹ Jo lí' laco' fé' fí' ni' jì' quía'- Fidié' lí' fé' lala:

Fidié' nicaguiar' guiá'- e nicuø'r- i dsea' i 'neéang' ír'
 jalé' e ja' mí' canga' jii' jaang' dsea' jmigüí'

o'gui mí' canúur'- cajo,

jo jii' gui jalé' e ja' mí' ca'í' dsí'.

Jo lanab fé' fí' ni' jì' quía'- Fidié'.

¹⁰ Jo Fidié' nicajmées' e nicaline'naa' lajalé' e na la'eéang' cóo' Jmiguí' quía'r-. Jo e Jmiguí' quía'r- doba' gui' júu' la'uing', jo jii' gui jmóo' lajo cóo' e ja' cóøng' cóo' e í' dsí' 'ñia' Fidié'.

¹¹ Jo lajob lí' cajo, co' jii' jaang' dsea' cuøøng' líñir' jial í' dsí' jaang'gui dsea' rú'ñ', co' jii' jmiguí' quía'- i dsea' do cuøøng' lí' jmé'- lajo. Jogui lajobi, dseáng'- lajii' Jmiguí' quíab'- Fidié' ñí' lajii' e í' dsí' 'ñia' Fidié'.

¹² Jo jaléng' jneaa'-aa', dsea' lí'naa' dsea' quía'- Dsea' Jmáang', ja' ca'íng'-naa' jii' laco' tñng' ngáng' dsea' jmigüí', co' lajii' Jmiguí' e jáa' quía'- Fidié' ba' nica'íng'-naa' e laco' niline'naa' jalé' e cuø' Fidié' jneaa'-aa' uí' e eéang' guiúñ' cóo' jneaa'-aa'.

¹³ Joba' mi' guia' jnea' jalé' e júu' na, jmóo' lajo la'eéang' cóo' jalé' e nica'e' Jmiguí' quía'- Fidié' jo o' cóo' júu' e nicalitín' n jii' laco' tñng' ngáng' dsea' jmigüí'. Co' la'eéang'

cóo~ Jmiguí quíá~ Fidié~ba' guia'naa' e júu^ na jee~ jaléng' dsea` i seeng` la'eáang' cóo~ Jmiguí quíá~ Fidié~.

¹⁴ Jo i dsea` i ja` seeng` la'eáang' cóo~ Jmiguí quíá~ Fidié~ ja` lír` ni'íñ` jalé` e cuø Jmiguí quíá~ Fidié~, co' i dsea` i í dsíir' e íib' lí' jalé` e júu^ jo. Jogui ja` cuøng` fa' e ningáñ` e júu^ jo cajo, co' jii~ la'eáang' cóo~ Jmiguí quíá~ Fidié~ba' quí~ dsea` jmi~ e nigui'r- jalé` e jo.

¹⁵ Jogui i dsea` i seeng` la'eáang' cóo~ Jmiguí quíá~ Fidié~ quí~bre jmi~ e nigui'r- lajalé`. Jo uíi~ e lajob líñ, joba' jii~ jaang` dsea` jmi~ i ja` seeng` la'eáang' cóo~ Jmiguí quíá~ Fidié~ quí~r~ jmi~ e ni'níng-neñ'.

¹⁶ Co' lalab fé' fí' ni~ jì quíá~ Fidié~:

Jo jii~ jaang` dsea` jmi~ cuøng` líñir' jialco' í dsí' Fidié~;

jo jii~ jaang` cajo cuøng` lí sí' dsea` do e~ jalé` e 'né~ nijmér~.

Jo lanab jii~ lí júu^ quíá~ Fidié~. Jo dsu' jaléng' jneaa~aa', dsea` see~naa' la'eáang' cóo~ Jmiguí quíá~ Fidié~, røøb' í dsí'naa' laco'gui í dsí' Fí'naa' Dsea` Jmáang~.

3

Jmaquíim' ta~ ng#ng'naa' quíá~ Fidié~

¹ Dsea` rú'naa' dsea` quíá~ Dsea` Jmáang~, dseáng' ja` mí calí^ jnea~ fa' e nicafón~n 'nú' laco'gui fón~n dsea` i dseáng' lajang^ seeng` la'eáang' cóo~ Jmiguí quíá~ Fidié~. Co' lí^ lí nicafón~n 'nú' lafa' dsea` i mí 'noo'bi eáang' lí dsí' jalé` e sea' fí' jmi~ la, jogui cajo lafa' dsea` i tá'bi já~ calíng~ júu^ quíá~ Dsea` Jmáang~.

² Jo uíi~ e líng'na' lajo, joba' ca'ée~ e 'nú' ie~ jo júu^ quíá~ Dsea` Jmáang~ cóo~ júu^ e ja` hu#m'. Co' 'nú' líng'na' lí^ laco'gui la líng' jaang` yuu i cu' tá' i ja` mí cuøng` dó' jmiñi~. Jo dseáng' mí 'noo'bi líng' 'nú' lajo cartí jmi~ na.

³ Co' 'nú' dseáng' mí 'noo'bi seeng'na' e lí óo'na' jalé` e sea' fí' jmi~ la. Co' mí jmoona' ta~ dsihuíng' quíá~ rúng'na' jogui mí jmoona' ta~ jíng', joba' cuø lí jóng e dseáng' mí 'noo'bi jmití'na' lajii~ e lí óo'na' yaang'na' lí^ laco'gui la jmoo` doñi' ii dsea` jmi~.

⁴ Co' mí fó'na' lala: “Jnea~ lín'n dsea` quíá~ Paa~”, jogui i jiéng'gui jíng': “Jnea~ lín'n dsea` quíá~ Apolos”, joba' cuø lí jóng e dseáng' lajii~ e lí óo'na' yaam~ba' jmití'na'.

⁵ Joba' fii~ i 'nú' e jnea~ cóo~gui i Apolos do lí'naa' dsea` i jmoo` lajii~ ta~ e nicang#ng'naa' quíá~ Dsea` Jmáang~, jo la'eáang' cóo~ jnea'ba' e já~ nicalíng~ 'nú' júu^ quíá~ Dsea` Jmáang~. Co' lajaang' lajaang' jnea' jmoona' jii~ laco' ta~ e nicacuø' Fidié~ jnea'.

⁶ Co' jnea~ lafa' cajngá'a coo` mijú, jogui i Apolos do lafa' caguieñ' jmi~ e mijú do, jo dsu' Fidié~bing' i cajmée` e lafa' e cacuáng~ e mijú do.

⁷ Joba' cuøng` lí fe`ee' e ja` e níng~ i dsea` i cajní do o'gui i dsea` i caguieng' jmi~ do, jo dsu' jii~ Fidié~bing' i níng~gui, co' íbing' i cajmée` e cacuáng~ e mijú do.

⁸ Jo i dsea` i jni' e mijú do jogui i dsea` i guieng' jmi~ do, røøb' ta~ quíá~r-. Jo dsu' ñiab' Fidié~ dsea` nicuø'r- lajaang' lajaañ` do jíe' jii~ ta~ e nicajméeñ'.

⁹ Ds#co' jnea~ cóo~ i Apolos do røøb' jmoona' ta~ lajii~ ta~ e nicacuø' Fidié~ jnea'. Jogui jaléng' 'nú' líng'na' lafa' guoo~ uø~ e jmáng' Fidié~ ta~. Jogui lím'ba' cajo lafa' 'nar~.

¹⁰ Jo uíi~ e eáang' guiúng~ Fidié~ cóo~ jnea~, joba' cacuø'r- jnea~ ta~ e lín'n lafa' jaang' tijii i caguia' uíng~ tíi~ fii~, jogui dsea` jíem' i nicanaang' se' ie' e fí' ni~ jo. Jo lífa' lajaang' lajaam` dsea` 'né~ ñíng~ dsíir' jial laco' jmo'r' e 'nú' do.

¹¹ Ds#co' ja' quí~ jmi~ fa' e nijmé~ dsea` coo'gui tíi~ fii~ e jíe', co' ñiab' Fidié~ dsea` nicaguiar' uíng~ e tíi~ fii~ do, jo íb` Dsea` Jmáang~.

12 Jo e fi' ni~ tii~ fii~ e nisea` do cuo`om` li' jme'^ dsea` 'nau' e lli' coo~' layaang~ cunee` osi coo~' cutee` osi coo~' cuu~ e 'mo'^ eang' e osi coo~' 'ma' osi coo~' layaang~ nuu' osi coo~' qui' cuiñi'^ bi e.

13 Jo ie~ jmii~ mi~ nigüéeng~ tu Fii'naa' Dsea` Jmaang~ fi' jmigüi' la e quia'~ niquidsir' í' quia'~ lajaang` lajaang` dsea` jmigüi', ie~ jmii~ job mi~ nilili~ røø` jial lli' jalé' e ta~ e nicajmée` dsea`. Dsaco' 'ña' ie~ jmii~ jo la'eang' coo~' ji' nilili~ jialco' lli' jalé' e ta~ jo e nicajmée` dsea`.

14 Jo i dsea` i nicajme' 'nau' e ja` dseang~ e nicó` coo~' e ji' do, joba' i dsea` í' ni'im` bre lajii~ e catiñi~ do.

15 Jo dsu' song nicó` jalé' e nicajme'r' do, joba' lajaléb' ni'ing~ quia'r~ jóng, lifa' nileám` bre e ja` nicaiñ` laco' mi~ laang` dsea` coo~' li' iu~ ji'.

16 Jogui 'né~ ñi'ba' cajo e 'nú' líng'na' lafa' guá'~ quia'~ Fidiée~, jogui fi' job li~ seeng` Jmiguí' quia'~ Fidiée~ coo~' 'nú'.

17 Jogui song i líng~ 'nú' nijgiéeng`na' e guá'~ quia'~ Fidiée~ do, joba' 'ñiab' Fidiée~ ni'iñi~ 'nú' cajo. Dsaco' güeam'^ e guá'~ do quia'r~, jogui 'nú' líng'na' lafa' e guá'~ do cajo.

18 Joba' fii~ i 'nú', ja` jmigøøng` yaang~na' lala: e song jaang` 'nú' í' ó'na' e tiiing` ngáng'na' jii~ laco' tiiing` ngáng' dsea` fi' jmigüi' la, joba' 'nú' 'né~ jmeang~ yaang~na' lafa' dsea` i ja` tiiing` ngáng' e lajo, jo lajoba' dseang~ lajang'^ ni'uíng~na' dsea` i tiiing` ngáng'.

19 Dsaco' lajalé' e í' dsii' dsea` jmigüi' e eang' tiiñ` ngáiñ', jmang'^ júu^ íib' lli' jalé' e jo fi' quini~ Fidiée~. Co' lalab fé' fi' ni~ ji' quia'~ Fidiée~: "Fidiée~ nijmeaiñ' ta~ jalé' e í' dsii' dsea` e tiiñ` ngáiñ' e laco' nijmigøøng` yaaiñ`."

20 Jogui lalab fé'gui fi' ni~ ji' quia'~ Fidiée~ cajo: "Ñib' Fidiée~ e jmang'^ júu^ íib' lli' jalé' e í' dsii' dsea` e eang' tiiñ` ngáiñ' fi' jmigüi' la."

21 Jo uii' e lajob lli', joba' jii~ jaang` 'nú' 'né~ e nijmiráang` yaang~na' dsu' uii' e sitaang`na' coo~' doñi' i dsea` jmigüi'. Dsaco' lajaléb' e sea` e quíib~ 'nú' lajalé' e jo;

22 dsaco' jnea~ jogui Apolos jogui Tú^ jogui lajalé' e sea` fi' jmigüi' jogui e seeng`na' osi e nijúung`na' e, jogui lajee` lana osi li~ dsé'gui e dseang~ e quíib~ 'nú' lajalé' e jo.

23 Jogui lajaléng' 'nú' dsea` quia'~ Dsea` Jmaang~ nilíng'na', jogui Dsea` Jmaang~ cøøng` seeiñ` coo~' Fidiée~.

4

Ta~ e jmoo` dsea` apoo` i sñng` Dsea` Jmaang~ cuaiñ~ quia'r~

1 Joba' fii~ i 'nú', dsea` rú'naa', e 'nú' 'né~ ni'í' ó'na' e jnea'^ lí'naa' dsea` i jmoo` lajii~ ta~ e nicacuø' Dsea` Jmaang~ jnea'^, jogui cajo e lí'naa' dsea` i siná' júu^ e ni'é'naa' jalé' júu^ quia'~ Fidiée~ e ja` mí' cajmijnéeiñ` lamí~ jéeng`gui.

2 Jogui jaléng' dsea` i nisiná'^ júu^ e oor` coo~' ta~, joba' dseang~ 'né~ jmiti~ bre laco' si'í' e ta~ jo.

3 Jogui jnea~, ja` dsii'gó` dsii~ fíng song niquidsi'na' í' quie~ e osi e niquidsi' í' quie~ e e fi' quini~ dseata~ dsea` jmigüi' i jmoo` lajo. Co' ji'gui 'ña'a' ja` í' dsii~ fa' e nijmee~ e lajo quie~ e coo~' lajalé' e jmoo`o.

4 Jo nañi' fa' í' dsii~ e ja` mí' cajmé~ e jalé' e ja` dseeng`, dsu' o' uii' e jo fa' dseang~ e nita~ dsii~ e lín'n jaang` dsea` i ja` røøng` dsee~ fi' quini~ Fidiée~. Dsaco' jii~ Fii'naa' Fidiée~ bing' i quidsi' í' quí'naa' dseang~ laco' catíng~.

5 Jo uii' e lajob lli', joba' 'nú' ja` cuo`øng` fa' e quidsi'na' í' quia'~ dsea` rúng'na' lajee~ nú' gui e nigüéeng~ tu Fii'naa' Fidiée~ fi' jmigüi' la. Dsaco' ie~ jo í'bing' i nijmijnéeng` jalé' e cøøng~ lajee~ lana, jogui nijmilir~ cajo jial dseang~ í' dsii'naa' coo~' jalé' e jmoo~naa'. Jo ie~ joguiba' nifé' Fidiée~ guiá~ quia'~ jaléng' dsea` i catíng~ lajo lí'^ jialco' jii~ lli' e nicajmeer` lamí~ jéeng`gui.

⁶ Dsea` rú`naa' dsea` quiá'- Dsea` Jmáang-, fñ-i 'nú' lajalé' e júu` na e lí' laco' ni'uíng- guiá- quí-na' jogui e laco' nijmée`na' laco'gui la jmóo` jnea~ jogui laco'gui la jmóo` Apolos. Jo fñ-i 'nú' lajo e lí' laco' ni'ee-na' jíi~ laco' fé' júu` quiá'- Fidiée~, jo lajoba' jíi~ jaang` 'nú' cuóøng` nijmijløng`^ yaang~na' dsu' uíi~ e sitáang`na' cóo~ jaang` dsea` rúng`na', co' e jo 'léeb' quiá'- i caguaiang`gui do mi~ jmoo`na' lajo.

⁷ Jo jíi~ jaang` 'nú' cuóøng` lí fo`na' e niing`gui' laco' dsea` rúng`na' caguaiang`gui. Jogui lajalé' e sea` quí-na', 'ñiab' Fidiée` dsea` nicacuø'r` 'nú' jalé' e jo. Jo co' lajob líí, joba' ja` 'né- nijmijløng`^ yaang~na' e lafa' cóo~ bí quí-na' yaang~na' nicalí`na' lajalé' e jo.

⁸ Jo 'nú' jmicaang`na' e í óo`na' e la'ieb` nisea` quí-na' e ngúing`na' quiá'- Fidiée~, jogui í áa`na' e niseab` quí-na' lajalé' e iing`na', jogui cajo í áa`na' e nilíng`na' dsea` 'goo` i quíu' ta~ e jíi~ jo` 'neáng-na' jnea` fa' e nijmicóo`guí' 'nú'. Jo e`gui guiá- fa' dseáng`- já- e nilíng`na' dsea` 'goo` i quíu' ta~, jo lajoba' jnea` cuóøng` lí dsitáang`naa' cóo~ 'nú' jee~ e ta~ jo.

⁹ Jo jnea~ í dsii- e Fidiée~ nicajméer` cóo~ jnea`, dsea` i sñng` Dsea` Jmáang- cuaiñ~ quiá'r-, e línaa' dsea` i uøng`gui i lafa' nihuí' ta~ i 'né- nijúung-. Co' jnea` nica'uíng-naa' dsea` i tí dsíí ngñm- jaléng` dsea` jmigüi` jogui jaléng` ángeles mi~ jóøiñ- jnea`.

¹⁰ Jo uíi~ e línaa' dsea` quiá'- Dsea` Jmáang-, joba' í dsíí dsea` jmigüi` e dsea` úib` línaa'; jo dsu' 'nú' í áa`na' e uíi~ e líng`na' dsea` quiá'- Dsea` Jmáang-, joba' tiing`na'. Jogui jnea` línaa' dsea` i ja` quíi~ jmii~, jo dsu' 'nú' í áa`na' e eáam` quíi~na' jmii~. Jogui eáam` góøng` jóøng- dsea` jnea`, jo dsu' eáam` jmí'gó` dsea` 'nú'.

¹¹ Jogui jnea` latí' lana ngi`bí' e léénaa' iihuí' e íng`naa' oo- jogui e jmijmñng-naa' jogui e ja` sea` sí'naa' e 'né-naa', jogui gab` jmáng` dsea` jnea`, jogui cajo ja` sea` 'núu' lí ni'íé`naa'.

¹² Jogui dseáng`- eáam` jmoo`naa' ta~ cóo~ layaang` guóo`naa'. Jogui mi~ fé' dsea` júu` 'lí' uii~ quí-naa', joba' mñ~naa' Fidiée~ e ni'í'r- güea' quiá'r- quiá'- i dsea` í, jogui jmoo`baa' té'naa' cóo~ jaléng` dsea` i jmáng` ga` jnea`,

¹³ jogui cóo~ juguiá- ngñ-naa' quiá'- i dsea` i jmineang` jnea`. Jogui latí' jmii~ na jmáng` dsea` jmigüi` jnea` e línaa' lafa' quí quiá'-bre, jogui dseáng`- e lafa' ja` ta` íng`naa' jíi~ coob` quiá'r-.

¹⁴ Jo ja` jmo`o e júu` la quí-na' e lí' laco' nicuøøø` 'nú' fí'í', co' jmo`o e júu` la quí-na' e lí' laco' niliúun`n 'nú', co' lafa' jóo`baa` líng`na' i 'neáan`n eáang`.

¹⁵ Jo nañí fa' seeng` lí' lí guí- mil tífa' quí-na' i e' 'nú' júu` quiá'- Dsea` Jmáang-, dsu' ja` fñng` i lafa' tiquí'na' seeng` i caguaí` júu` quiá'- Dsea` Jmáang-, dsuco' jíi~ jneab` lín`n lafa' tiquí'na', dsea` líng`na' dsea` quiá'- Dsea` Jmáang-. Co' jneab` dsea` caguaí`a júu` jee~ jaléng` 'nú' e quiá'- jial nileáng`na' jee~ jalé' dsee` quí-na'.

¹⁶ Jo co' lajob líí, joba' mñ~i 'nú' jmi'ee~ e jmée`ba' laco' jíi~ e jmóo` jnea~.

¹⁷ Jo uiing` e lajoba' e sñn`n i Timoteo fí na i líng` lafa' jóo`o i 'neáan`n eáang`, jogui i contøøng` sing' teá` cóo~ júu` quiá'- Dsea` Jmáang-. Jo í'bing` i nijmicóo` 'nú' e nijmiguiéiñ` óo`na' jial ee- jnea~ dsu' uíi~ e lín`n dsea` quiá'- Dsea` Jmáang- lí' laco'gui jíi~ e ée- jnea~ jaléng` dsea` quiá'- Dsea` Jmáang- i neáang` laco` fñ lí ngñn`n.

¹⁸ Jo i líng` 'nú' nicajmijløng`^ yaang~na' dsu' uíi~ e í óo`na' e jo` ninii`i fa' e ni'ée`guí 'nú' fí na.

¹⁹ Jogui song Fí'naa' Fidiée~ nicuø'r- jnea~ fí lajo, joba' ngóo`baa` fí na e ni'ee~ e 'nú' lajmináb`-jiu` jóng, jo lajoba' nimoo`o quiá'- jaléng` i dsea` i jmijløng`^ yaang~ do jie~ jíi~ quí'r` jmii~ e nijmér- cóo~ jalé' e fé'r` do osi lico' eáang` jlo`^ mo'oor- jíi~ quiá'- e fé'bre é.

²⁰ Dsuco' o' cóo~ la'eáang` e fé' dsea` e cuø` lí- e Fidiée~ quie' nifí quiá'r-, co' la'eáang` cóo~ bí` gøng` quiá'- Fidiée`ba' e lí lajo.

21 Joba' fñ̄-i 'nú'': ¿Jnang~ e iing~na' e nijmee~ e quíi~na' mi~ niguié~ e fí na? ¿Su e nijjín^ñ 'nú' cóo~ jalé' e ga' e jmoo'na', osi e nifón^ñ 'nú' cóo~ juguiá~ uíi~ e 'neáan'n 'nú' é?

5

Jial tidsi' í' quiá'- dsea' i 'lée' cóo~ dseamí'

1 Jo fñ̄-i 'nú', dsea' rú'naa' dsea' quiá'- Dsea' Jmáang~, e nicaliseá' júu^ jee~ 'nú' e seeng' jaang' 'nú' e jéeiñ' lafa' dseamí' quiá'r~ i dseamí' i catí' gáng~ quiá'- tiquiá'r^'. Jo dseáng'~ eéam' 'lí' e jo, co' jì'gui jaléng' dsea' i ja' cuíng' Dsea' Jmáang~ ja' jmóor' lajo.

2 Jo dsu' 'nú' mi' 'noo'bi jmiyløng'^ yaang~na', jo dsu' lí' lí' 'né- e nijmeáang~ yaang~na' fi'lb^ uíi~ e jo. Co' i dseañu' i jmóo' e 'lí' lajo 'né- e ni'ðøm^ba're jee~ 'nú', dsea' líng'na' dsea' quiá'- Dsea' Jmáang~.

3 Jo dsu' e já'- e ja' seeng' jnea~ jee~ 'nú' fí na lajee~ lana, jo dsu' lafa' seem~baa cóo~ 'nú' fí na, joba' la'eáang' cóo~ Fíi'naa' Dsea' Jmáang~ nica'í'-baa í' lacó' catíng~ quiá'- i dsea' i jmóo' e 'lí' lajo.

4 Joba' mi~ seáang~ rúng'na' lajaléng'na', dsea' líng'na' dsea' quiá'- Dsea' Jmáang~, líí' e lafa' seem~baa jee~ 'nú' jogui cajó niliseem' cóøng' cóo~ 'nú' e güea'^ 'gøng' quiá'- Fíi'naa' Jesús.

5 Joba' i dseañu' i ca'ée' dsee~ do 'né- nijáang~na'r fí jaguó' fii~ i 'ling'^ i sií Satanás e lacó' ni'ling~ nguú' táaiñ'. Joba' mi~ nigüéeng~tu Fíi'naa' Dsea' Jmáang~ fí jmiçüi' la, jangám~ nileáang' jmiçüi' quiá'r~.

6 Joba' fñ̄-guá' 'nú', dsea' rú'naa', ja' 'né- fa' e nijmijløng'^ yaang~na' cuaiñ~ quiá'- e jo. Dsaco' niñi'ba' lajii' júu^ róo' e fé' lala: "Jo cóo~ capí'^ quieb'^ nijmé- e niróo~ lajì ca~ iñi'^."

7 Jo co' lajob líí', joba' fñ̄-i 'nú', dsea' rú'naa' dsea' quiá'- Dsea' Jmáang~, e 'né- cab' sée'na' jalé' e 'lí' e 'lée' quíi~na' e líí' lafa' quie'^ e nisíngíng', jo lajoba' nilíng~na' lafa' e iñi'^ e líí' cóo~ ca~ e ja' quieéng' quie'^ e gø' dsea' Israel mi~ tí jmiñ~ Pascua. Jo dseáng'~ lafa' e iñi'^ dob líng' 'nú'. Jo Dsea' Jmáang~ i líng' i Jo'se' Jiuung~ quiá'- Fidiée~, í'bing' i cacó~ jalé' dsee~ quí-ii' mi~ cajáng' 'ñia'r' e cajúñ~ fí dse' crúu^,

8 joba' 'né- e nijmó'naa' jmiñ~ Pascua e ngocáng' dsi'naa' jogui e guiá~ dsi'naa', dsaco' e job e líí' lafa' e iñi'^ e ja' quieéng' quie'^, co' 'né- e nijmó'naa' e jmiñ~ jo e ja' í' dsi'naa' jalé' e 'lí' o'gui e saang' dsi'naa', co' jalé' e 'lí' lajo líí' lafa' e iñi'^ e quieéng' quie'^ e nisíngíng' do.

9 Jo e fí ni' jì' quie~ e e nicajmé'^ e quíi~na' lamí~ jéeng'gui do fñ̄-i 'nú' e ja' quíng'na' jee~ jaléng' i dsea' i jmóo' ta~ 'lée' cóo~ jalé' e lí' dsií' nguú' táaiñ'.

10 Jo dsu' e júu^ jo ofa' cafñ̄-i 'nú' e ni'naang~ yaang~na' congua' cóo~ jaléng' i dsea' i jmóo' jalé' e 'lí' lajo, osi cóo~ jaléng' i eáang' iing~ e silí' jalé' e sea' fí jmiçüi', osi cóo~ jaléng' i jmóo' ð, osi cóo~ jaléng' i jmi féng' jaléng' diée~ i o' já'- . Co' song iing~na' e ni'naang~ yaang~na' congua' e quíng'na' jee~ jaléng' i dsea' lana, joba' 'né- e ni'naam~ yaang~na' fí jmiçüi' la.

11 Jo e laba' si'í' e cafñ̄-i 'nú' e dseáng'~ ja' quíng'^na' jee~ i dsea' i jíng' e líiñ' dsea' quiá'^ Dsea' Jmáang~ jo dsu' jmóo'bre jalé' e 'lí' e lí' dsií' nguú' táaiñ', osi e eáang' iñi~ e silí'r' jalé' e sea' fí jmiçüi', osi e jmi féiñ' jaléng' diée~ i o' já'- , osi e ngir' ta~ quie' jalé' adsee, osi e jmóor' ta~ í' méé', osi e jmóor' ð é. Jo cóo~ jaléng' i dsea' lana jì'gui co' quiá'- cø'^na' í'na' ja' seáang'~ rúng'na' cóo'r~.

12-13 Jo dsu' jnea~ ja' catíñ~n e ni'ñi' i' quiá'- jaléng' dsea' i ja' líng' dsea' quiá'- Dsea' Jmáang~, co' Fidiée'bing' i niçuidsi' í' quiá'- lajaléng' i dsea' í'. Jo dsu' 'nú', dsea' líng'na' dsea' quiá'- Dsea' Jmáang~, 'né- ni'ñi'ba' í' jee~ la'ó' rúng'na'. Joba' fñ̄-i 'nú' e 'né- ni'ðøm^ba' jee~ 'nú' i dsea' i ca'ée' dsee~ do.

6

Dsea` quiá'- Dsea` Jmáam`bing' i` né` ni'í- í` jee` la'ó` rúíñ'

¹ J_oba' fíi`guá' 'nú', dsea` rú`naa' dsea` quiá'- Dsea` Jmáang-, e mi` jaang` 'nú' sea` dsee` quiá'na' cóo~ jaang`gui dsea` rúng`na' dsea` quiá'- Dsea` Jmáang-, j_oba' ja` cuóøng` fa' e má'na' dsea` i` ja` cúing` Fidiéé` e ni'í- í` quiá'na', dsuco' guiá`gui e dsea` quiá'- Dsea` Jmáam`bing' i` ni'í- í` quiá'na'.

² J_ogui` 'né-` ní`ba' cajo e jaléng` dsea` quiá'- Dsea` Jmáam`bing' i` ni'í- í` quiá'- jaléng` dsea` jmigüi` mi` nití- e í` j_o; j_o co' laj_ob` nijméé`na', j_oba' 'né-` ní`ba' jial` ni'í`na' í` cóo~ jalé` e ja` 'ga' lí` niing- e dsijéé` jee` 'nú'.

³ J_ogui` 'né-` ní`ba' cajo e j_i'gui` jaléng` ángeles` quiá'- Fidiéé` 'né-` ni'í`naa' í` quiá'r- mi` nití- e í` j_o. J_o co' laj_ob` nilí, j_oba' lajang` júu`gui` 'né-` ni'í`naa' í` mi` ee`g_o dsijéé` lajee` see`naa' fí` jmigüi` la.

⁴ J_oba' song` i` líng~ lajee` la'ó` 'nú', dsea` líng`na' dsea` quiá'- Dsea` Jmáang-, jmoo`na' ta` jíng, j_oba' fíi`-i` 'nú' e ja` dseeng` e nigüilíng`na' fí` quini` dseata` i` ja` cúing` Fidiéé` e laco' ni'í- í` quiá'na', co' jaléng` i` dsea` í` ja` catíng- e quiíñ` jee` la'ó` 'nú'.

⁵ J_o uíng~ e fíi`-i` 'nú' lana e lí` laco' nicá`na' fí'í', co' lí` dsii- e dseáng'- seem` jaang` dsea` i` lajang` quí~ jmí~ ni'í- í` jee` la'ó` 'nú', dsea` líng`na' dsea` quiá'- Dsea` Jmáang-.

⁶ J_o dsu' o' jii~ lico' jmoo`na' ta` jíng` lajee` la'ó` 'nú', dsea` líng`na' dsea` quiá'- Dsea` Jmáang-, co' j_i'gui` güilíng`na' fí` quini` dseata` i` ja` cúing` Fidiéé` e laco' ni'í- í` quiá'na' cuaiñ` quiá'- e ta` jíng` do.

⁷ J_o cóo~ jii~ e ta` jíng` e jmoo`na' do, cóo~ jii~ e j_obi` eáam` ni`léé` quiá'na', dsuco' guiá`gui e nijméé`na' té`ba' cóo~ jalé` e ga` e dsingíng`na', j_ogui` guiá`gui cajo e nijméé`ba' té`na' mi` jmoo` dsea` rúng`na' i` quiá'na'.

⁸ J_o dsu' 'nú' lí` riquí' jmoo`na', co' lajee` la'ó` yaang`na', dsea` líng`na' dsea` quiá'- Dsea` Jmáang-, jmoo`na' ga` quiá'- rúng`na' j_ogui` j_i'gui` jmoo`na' i` quiá'- rúng`na' cajo.

⁹ J_o 'nú' 'né-` ní`ba' e jaléng` dsea` i` 'léé` ja` quiá'- jmí~ fa' e nicá` Fidiéé` nifí` quiá'r-. J_o uíi~ e laj_ob` líí, j_oba' fíi`-i` 'nú' e ja` güijmigóøng` dsea` 'nú', co' jaléng` dsea` i` jmoo` jalé` e 'lí` lala ja` quiá'- jmí~ fa' e nicá` Fidiéé` nifí` quiá'r-; fa' jaléng` dsea` i` jmoo` jalé` e 'lí` e lí` dsíí` ngúu` táaiñ, j_ogui` jaléng` i` jmiféng` jaléng` diéé` i` o' já', j_ogui` jaléng` i` güíng` cóo~ dsea` j_iéng` mi` níngí` e cacúng'- guór, j_ogui` jaléng` dseañu' i` tí` dsíí` jmang` yaang` lafa' dseamí, j_ogui` jaléng` dseañu' i` tí` dsíí` güíng` cóo~ jaléng` dseañu',

¹⁰ j_ogui` jaléng` i` jmoo` i, j_ogui` jaléng` i` eáang` iing~ silí~ jalé` e sea` fí` jmigüi, j_ogui` jaléng` i` jmoo` ta` í` méé, j_ogui` jaléng` i` jmoo` ta` quíé` júu` e o' já', j_ogui` jaléng` i` jmi'í- e sea` quiá'- dsea` rúíñ` la'eáang` e jmigóøng`neiñ'. J_o jaléng` i` dsea` la'í` ja` quiá'- jmí~ fa' e Fidiéé` nicá` nifí` quiá'r-.

¹¹ J_o jalé` e 'lí` lanab` lami~ jmoo` i` líng~ 'nú' lami~ jéeng`gui, j_o dsu' lana` nica`ím- Fidiéé` jalé` dsee` quiá'na' j_ogui` nica`jméer` e dseáng'- jii~ dsea` quiá'-bre` níling`na'. J_ogui` la'eáang` cóo~ Fíi`naa' Dsea` Jmáang- j_ogui` cóo~ Jmiguí` quiá'- Fidiéé` 'nú' níling`na' lana` dsea` i` ja` dsee` røøng` fí` quini` Fidiéé`.

'Né` jmi`gób` dsea` Fidiéé` cóo~ ngúu` táaiñ`

¹² J_o fíi`guá' 'nú' e júu` la e seem` dsea` i` fé` lala: "Cuóøm` lí` jmé`-e lí` doñí` ee` e iin`n." J_o e jáb'- e j_o, lifa' ja` laj_i` íng` ta` quiá'r-. J_o e jáb'- e cuóøm` lí` jmé`naa' lí` doñí` ee` iin`naa' jmé`naa', lifa' ja` 'né-` cuóø~ fí` yee`naa' e níquiú'- ta` jneaa`aa' jalé` e lí` dsíí` ngúu` táang`naa' do.

¹³ J_ogui` fé`bi` dsea` e júu` la cajo: "J_o jalé` e quíee`naa' dsitoo~ fí` dsíí` tú`naa', j_ogui` e tú`naa' do íng` ta` quiá'- e guíng` jalé` e quíee`naa' do." J_o e jáb'- e júu` j_o, lifa' Fidiéé` tóob` jmí~ mi` nííñ- laj_i` tú- e j_o. J_ogui` ja` cajméé` Fidiéé` ngúu` táang` dsea` e lico' íng` ta` e nijmé- dsea` jalé` e ja` dseeng`, dsuco' jalé` ngúu` táang` dsea` íng` ta` e nijmé- dsea` lajii~

e iing~ Fí'naa' Dsea` Jmáang~, jogui la'eáang' cóo'~ Fí'naa' Dsea` Jmáam~bing' cuóøng` jmé'naa' lajo.

¹⁴ Jogui lí' laco' cajmijí' Fidié~ i Fí'naa' Dsea` Jmáang~ do la'eáang' cóo'~ güea'^ 'gøng' quiá'r~ mi~ cangî e cajúin~, joba' lajob cajo nijmér~ cóo'~ jneaa~aa' mi~ nití' í' lajo.

¹⁵ Jogui 'né~ ñíb^ 'nú' cajo e jaléng' 'nú', dsea` líng'na' dsea` quiá'- Dsea` Jmáang~, líng'na' lafa' jaam` dsea` cóo'~ dsea` do. Jo có' lajob líí, joba' dseáng' ja` dseeng` e jaang` dsea` nigüíin` cóo'~ jaang` dseamî i jmóo` ta~ 'níng` 'ñia'.

¹⁶ Jogui 'né~ ñíb^ 'nú' cajo e mi~ jaang` dseañu' güíin` cóo'~ jaang` dseamî i jmóo` ta~ 'níng` 'ñia', joba' lafa' jaam` dsea` uíin` lajee~ laji` gáin'~ do. Dsaco' lalab fé' fí' ní' jì quiá'- Fidié~: "Jo mi~ güíng` dseañu' cóo'~ dseamî, uíin` lafa' jaam`bre."

¹⁷ Jo dsu' mi~ uíng` dsea` dsea` quiá'- Dsea` Jmáang~, joba' jaam` dsea` uíin` cóo'~ dsea` do la'eáang' cóo'~ Jmiguí quiá'- Fidié~.

¹⁸ Joba' fíi~ 'nú', dsea` rú'naa', cúing'~na' jalé' e 'lí' lajo e lí' dsíí' ngúu' táang` dsea`. Dsaco' lí' doñí' ee` dsee~ e jíe' e ée` dsea' ja` 'léé' e jo quiá'- ngúu' táain~, jo dsu' i dsea` i jmóo` e 'lí' lajo, joba' 'léé'bre cóo'~ ngúu' táain~.

¹⁹ Jogui 'né~ ñíb^ 'nú' cajo e ngúu' táang'na' líí lafa' guá'- quiá'- Jmiguí quiá'- Fidié~ e nicacuø'r' 'nú', jogui e Jmiguí doba' seeng` cøøng` cóo'~ 'nú'. Jo có' lajob líí, joba' jo líí quií~na' yaang`na' e ngúu' táang'na' do,

²⁰ có' Fidié~bing' i nicalóng~ 'nú' cóo'~ cóo' 'móo'~ e ñíí' eáang'. Jo uíi~ e lajob líí, joba' contøøm~ 'né~ e nijmi'goo~na' Fidié~ cóo'~ jalé' e jmoo'na' fí' ngúu' táang'na'.

7

Jalé' e 'né~ jmiti~ dsea` mi~ cúin` guóor`

¹ Jogui lana niquíi~ i júu^ quií~na' lajii~ e cajmingí'na' jnea~ ie~ lami~ jéeng'gui do e fí' ní' jì quií~na' do. Jo jnea~ lalab fíi~ 'nú' e guiá~ gui quiá'- dseañu' e ja` nigüíin` dseamî;

² jo dsu' uíi~ e ja` téeng~ dsea` yaain~ e iin~ güíin` cóo'~ dsea` i o' quiá'r~, joba' lajaang` lajaang` dseañu' 'né~ seeng` dseamî quiá'r~, jogui lajaang` lajaang` dseamî 'né~ seeng` dseañu' quiá'r~ cajo.

³ Jo i dseañu' do 'né~ nijmiti~bre lajii~ e catíin` cóo'~ i dseamî quiá'r~ do; jogui lajobi i dseamî quiá'r~ do cajo 'né~ nijmiti~bre lajii~ e catíin` cóo'~ i dseañu' quiá'r~ do.

⁴ Có' i dseamî quiá'- i dseañu' do jo` seeng`guir fa' e quiu'guir ta~ 'ñia'r' cóo'~ ngúu' táain~, có' quiá'- dseañu' quiá'-bre nilí'. Jogui lajobi cajo i dseañu' quiá'r~ do, jo` seeng`guir fa' e quiu'guir ta~ 'ñia'r' cóo'~ ngúu' táain~, có' quiá'- dseamî quiá'-bre nilí'.

⁵ Jo có' lajob líí, joba' fíi~ 'nú' e ja` sée'~na' 'leáang~ e nigüing'na' colíing` cóo'~ i dsea` i nicacúung'~na' guóo'na' cóo'~. Jo dsu' cuóøm` cajo e ni'naang~ teá' yaang`na' quiá'- rúng'na' e ja` nigüing'na' colíing` e laco' nijmiféng'na' Fidié~, lifa' røøb` 'né~ siing`na' e nijmée^na' lajo. Jo mi~ ningî jo, 'néb~ e nigüing`tu' colíing~, jo lajoba' ja` dseáng' quií~na' e nijmigøøng` fíi~ i 'líng'^ i sii` Satanás 'nú' e laco' nijjúng'na' fí' ní' dsee~.

⁶ Jo lajalé' e fíi~ 'nú' na lí' júu^ tím~baa jo o' dseáng'~ fa' lana fé' fí' ní' jì quiá'- Fidié~ e 'né~ nijmiti~ dsea`.

⁷ Jo dsu' jnea~ iin`n e lajalém' dsea` ja` nicúin` guóor` lí' laco'gui la líng' jnea~; jo dsu' ja` lajii~naa' cangíng'naa' røø` quiá'- Fidié~, có' jmaquíim' cangíng'naa' quiá'- dsea` do lajaang` lajaang'naa'.

⁸ Jogui lana fíi~ 'nú', dsea` i ja` mí' cacung' guó', cóo'~gui jaléng' dseamî i 'níi~, e guiá~gui e ja` nicúng'na' guóo'na' lí' laco'gui la líng' jnea~.

⁹ Jogui dsu' song ja` té'na' e iing`na' güing'na' cóo'~ dseañu' osi dseamî é, joba' 'né~ cúum'~ba' guóo'na' jóng, có' guiá~gui quií~na' e nijmée^na' lajo e laco'gui e ngí'na' suung'na' e iing`na' e nigüing'na' cóo'~ dsea`.

10 Jogui lana lalab fñi' i 'nú', dsea` i nisicúng` guó, jo dsu' o' cóo` júu` quié` e ñiá` a e fñi' i 'nú' la, dsuco' Fí'naa' Dsea` Jmáam`bing' i quiu' ta` e júu` e fé' lala: “Ja` cuóøng` e jaang` dseamf` nitiúuiñ` dseañu'` quiá'r`.”

11 Jogui dsu' song i dseamf` do dseáng`- catiúum`bre dseañu'` quiá'r`, joba' 'né` nijér` e ja` nicúm` guóor` cóo` dseañu'` i jiéng` osi e nisíng`-tur røø` é cóo` i dseañu'` quiá'r` i catiúuiñ` do. Jogui lajob cajo, ja` cuóøng` e jaang` dseañu'` nitiúuiñ` dseamf` quiá'r`.

12 Jo lana nifñ`guí` 'nú' e júu` la lajii` e í` dsii`- ñiá` a jo o' júu` e sinú`u` quiá'- Fí'naa' Dsea` Jmáang`, e song jaang` dseañu'` i líng` dsea` quiá'- Dsea` Jmáang` seeng` dseamf` quiá'r` i ja` líng` lajo, jo dsu' song i dseamf` do íám` dsíir` e seeiñ` cøøng` cóo` i dseañu'` quiá'r` do, joba' ja` cuóøng` fa' e i dseañu'` i líng` dsea` quiá'- Dsea` Jmáang` do nitiúuiñ` i dseamf` quiá'r` do.

13 Jogui song jaang` dseamf` i líng` dsea` quiá'- Dsea` Jmáang` sicúng` guóor` cóo` jaang` dseañu'` i ja` líng` lajo, jo dsu' íám` dsíiñ` do e seeiñ` cóo` i dseamf` do, joba' ja` cuóøng` e i dseamf` do nitiúuiñ` i dseañu'` do.

14 Co' i dseañu'` i ja` líng` dsea` quiá'- Dsea` Jmáang` ligüeam`bre fí` quini` Fidié` la'eáang` e sicúng` guóor` cóo` jaang` dseamf` i líng` dsea` quiá'- Dsea` Jmáang`. Jogui lajob lí' cajo, song jaang` dseamf` i ja` líng` dsea` quiá'- Dsea` Jmáang` sicúng` guóor` cóo` jaang` dseañu'` i líng` dsea` quiá'- Dsea` Jmáang`, joba' ligüeam`bre fí` quini` Fidié`. Jo song lajob lí', joba' i jiuung` quiá'r` i seeng` do ligüeam`bre fí` quini` Fidié`. Jo dsu' song ja` lí' lajo, joba' i jiuung` quiá'r` i seeng` do, 'lim`bre fí` quini` Fidié`.

15 Jogui song i dseañu'` osi i dseamf` i ja` líng` dsea` quiá'- Dsea` Jmáang` dseáng`- jmóor` laguidseang` e nitiúung`- rúñ', joba' güijmée`bre lajo. Jo mi` dsijée' lajo, joba' i dseañu'` osi i dseamf` i líng` dsea` quiá'- Dsea` Jmáang` do ja` 'né` e jniñ` i dsea` i iing` güi'fí` do, dsuco' Fidié` nicatø'r`- jneaa`aa', dsea` lí'naa' dsea` quiá'r`, e laco' nilisee`naa' juguiú` júu` røø`.

16 Dsuco' ja` ñi` 'nu', dseamf` i líng` dsea` quiá'- Dsea` Jmáang`, su nilí` e ni'uíng` i dseañu'` quiá'- do dsea` quiá'- Dsea` Jmáang`. Jogui lajobi cajo, ja` ñi` 'nu', dseañu'` i líng` dsea` quiá'- Dsea` Jmáang`, su nilí` e ni'uíng` i dseamf` quiá'- do dsea` quiá'- Dsea` Jmáang`.

17 Joba' fñi' i 'nú' e 'né` niliseeng`na' jii` laco' e cangúng`na' quiá'- Fidié`, jogui lí' laco'gui la líng`na' mi` catø'- Fidié` 'nú' e ni'uíng`na' dsea` quiá'r`. Jo lanab jii` lí' júu` e quiá'u` ta` quiá'- lajaléng` dsea` quiá'- Dsea` Jmáang`.

18 Jogui song Fidié` nicatø'r` jaang` dsea` i nicatø`- lí' fí` ngúu` táang` lí' laco' quí'` títng` dsea` Israel, joba' lajob 'né` niteáiñ`- fí` jmigüi` la; jogui song Fidié` nicatø'r` jaang` dsea` i ja` mi` catø`- lí' fí` ngúu` táang`, joba' ja` 'né` fa' e nijmitir` lajii` e jo.

19 Co' ja` e lí' song tóo` lí' fí` ngúu` táang` dsea` osi ja` lí' lajo é, co' e laba' e niing`-gui eáang` e 'né` nijmiti` dsea` jalé` júu` quiu' ta` quiá'- Fidié`.

20 Joba' 'né`- jé` dsea` jii` laco' líiñ` ie` mi` catø'- Fidié` ír` e niliñ` dsea` quiá'- dsea` do.

21 Jo song dsea` si'niing` i jmóo` ta` quiá'- dsea` líng` 'nu' ie` mi` catø'- Fidié` 'nu' e ca'uíin` dsea` quiá'r`, jo dsu' ja` jmoo' fí'f` e lín' lajo. Jo dsu' song sea`bi` fí` quiá'- e ni'náang`- uø' e lín' lajo, joba' jmi'o` jóng.

22 Dsuco' i dsea` i líng` dsea` si'niing` i jmóo` ta` quiá'- dsea` ie` lami` catø'- Dsea` Jmáang` ír` e ca'uíiñ` do dsea` quiá'r`, joba' lana nilíiñ` do jaang` dsea` i nisilaang` i nijmóo` lajii` e iing` Dsea` Jmáang`; jogui lajob lí' cajo cóo` i dsea` i silaang` ie` lami` catø'- Dsea` Jmáang` ír`, co' lana nilíiñ` lafa' dsea` si'niing` i jmóo` lajii` e iing` Dsea` Jmáang`.

23 Jo co' lana Dsea` Jmáam`bing' nicalóng`- 'nú' cóo` cóo` 'móo` e ñií', joba' lana jo` cuø' fí` yaang`na' fa' e nijmeáng`tu dsea` 'nú' lafa' dsea` si'niing`.

24 J_oba' fii-i 'nú', dsea` rú'naa' dsea` quiá'- Dsea` Jmáang-, e lajaang` lajaam` 'nú' 'né- niliseeng`na' fí` quini` Fidiée` lí'` jii~ laco' la líng`na' ie~ lami~ catø'- dsea` do 'nú' e calíng`na' dsea` quiá'r-.

25 J_ogui lana nifii-i 'nú' cuaiñ~ quiá'- jaléng` dsea` i ja` mí cacung` guoo, j_o nifá'^a e júu^ la jii~ laco' í` dsii- 'ñiá'baa, j_o o' laco' ta~ quiu' Dsea` Jmáang-. Co' dsea` do nicatø'r- jnea~ e ni'uúin`n dsea` quiá'r- uii~ e fi' líiñ~ jnea~, j_o laj_oba' cuøøng` e lí` jmita~ óo'na' júu^ quié-e.

26 J_o uii~ e eáam` nihuíng` see~naa' jmi~ na, j_oba' jnea~ í` dsii- e guiá- gui quiá'- jaléng` dseañu' e nijér- jii~ laco' líiñ-.

27 J_oba' fii-i jaléng` 'nú', dseañu', e song niseeng` dseamf` quií- na', j_oba' ja` tiúung`na're; j_ogui song ja` mí seeiñ, j_oba' ja` mí 'náng`dur lajminá-.

28 J_o ja` dsee- ee~na' song nicúung`na' guóo'na'; j_ogui laj_ob cajo ja` ee` dsee- ée` jaang` simí` song nicúíñ` guóor-. J_o dsu' jaléng` dsea` i cúng` guoo, huím`jiu nidsijée' quiá'r-, j_ogui jnea~ ja` iin`n e nidsingíiñ` laj_o.

29 Dsea` rú'naa' dsea` quiá'- Dsea` Jmáang-, lajii~ e laba' iin`n e fii-i 'nú', dsuco' j_o huøø- e róo`gui jmigüí. J_oba' jaléng` dsea` i nisicúng` guoo` 'né- seeiñ` e lafa' ja` líiñ` laj_o;

30 j_ogui jaléng` dsea` i seeng` fi'í' lí' 'né- seeiñ` e lafa' teáaiñ~ jmi~; j_ogui jaléng` dsea` i lafa' teáng` jmi~ 'né- e jmeáng` yaaiñ~ e lafa' seeiñ` fi'í'; j_ogui jaléng` dsea` i jmóo` ta~ láa' lí' doñí` ee, j_oba' 'né- seeiñ` e lafa' o' quiá'-bre e j_o;

31 j_ogui jaléng` dsea` i jmóo` ta~ jmi'óo~ jalé' e sea' fí` jmigüí la 'né- niliseeiñ` e lafa' ja` jmi'óo~bre e j_o. Dsuco' e fi' jmigüí e lí` see~naa' jmi~ na, tóob` jmi~ ni'íng-.

32 J_o jnea~ iin`n e ja` ningíng`na' jalé' fi'í' dsí' e sea' fí` jmigüí la. J_o i dseañu' i ja` mí cacung` guó, eáang`gui guíng~ dsíir' e jmóor` jalé' e iing~ Dsea` Jmáang- j_ogui jial e nijmi'íaiñ` dsí' dsea` do.

33 J_o dsu' i dseañu' i nisicúng` guó, eáang`gui guíng~ dsíir' cóo' jalé' e dsijée' fí` jmigüí j_ogui jial e nijmi'íaiñ` dsí' dseamf` quiá'r-.

34 J_oba' jmaquíim` guíng~ dsíir' e~ nijmér- laca'íng` ca'íiñ~. J_o i dseamf` i ja` mí sicúng` guó cóo' gui i dseáng`- ja` cacúng` guó, eáang`gui guíng~ dsíir' e jmóor` lajii~ e iing~ Dsea` Jmáang- j_ogui e éer` guiá- fí` quini` dsea` do cóo' jalé' e jmóor` j_ogui cóo' jalé' e í` dsíir'. J_o dsu' i dseamf` i nisicúng` guó, eáang`gui guíng~ dsíir' cóo' jalé' e dsijée' fí` jmigüí j_ogui jial e nijmi'íaiñ` dsí' dseañu' quiá'r-.

35 J_o fii-i 'nú' e júu^ na o' e laco' nijníng- quií- na', co' jnea~ fá'-a e lí' laco' ni'uúing- guiá- quií- na' j_ogui e laco' niliseeng`na' e ee~na' røø` e jmoo'na' e ngocáng` óo'na' lajii~ e ta~ e nicangíng`na' quiá'- Dsea` Jmáang-.

36 J_o song jaang` dseañu' í` dsíir' e dseáng`- ni'néb- e nicúíñ` guóor` cóo' i dseamf` i síng` cóo'r- do, dsuco' tí` lí~ ningáng` í` quiá'- i dseamf` do e nicúíñ` guóor`, j_ogui song í` dsíir' e j_oba' dseáng`- la guíng`gui 'né-, j_oba' güijmée`bre lajii~ e líiñ- e guiá- gui do, j_o güicúm`bre guóor`, dsuco' ja` e dsee- e j_o.

37 J_o dsu' i dseañu' i coo` nica'f` dsí' j_ogui ja` lí` dsíir' jalé' e iing~ ngúu` táaiñ, j_ogui dseáng`- nita~ dsíir' e dseáng`- ja` nicúíñ` guóor`, co' laj_ob dseáng`- iin~ nijmér-, j_oba' guiáb- nijmér- song cajmée` laj_o.

38 J_o i dseañu' i nicúng` guó cóo' i simí' i ninée' júu^ quiá'r- cóo' do, j_oba' coo` e guiáb- jmóor; j_o dsu' i dseañu' i ja` nicúng` guoo, coo` e guiá- gui jmóor-.

39 J_ogui jaléng` dseamf` i nisicúng` guó, dseáng`- la guíim` 'né- e ja` nitiúuiñ- dseañu' quiá'r- lajee` e seeng` í; j_o song cajúm`bi i dseañu' quiá'r- do, j_oba' cuøøm` nicúng`tur guóor` calé' catú- cóo' dseañu' i jíéng`, lifa' i dseañu' í` 'né- e líiñ` dsea` quiá'- Dsea` Jmáam-.

⁴⁰ Jo dsu' jnea~gui' í dsii' e nili'iaang`gui dsí' i dseamî do fing song ja` nicúng`tur guóor`. Jo jalé' e júu^ na lí^ júu^ tîim`baa. Jo jnea~ í dsii' e seem` Jmiguí' quiá'- Fidiée` cøng` cóo'~ jnea~ cajo.

8

Jalé' jmiñi' e cuø' dsea` diée` i o' já'

¹ Jogui lana nifí^ i 'nú' cuaiñ~ quiá'- jalé' jmiñi' e lí' feá'- e cuø' dsea` jaléng' diée` i o' já'. Jo e jáb'- laco'gui fé' dsea` e lajî~baa' nine~naa' cuaiñ~ quiá'- jalé' e jo; jo dsu' cóo'~ e nine~naa' do jmóo' e í dsí'naa' e nilí'naa' dsea` niing-, jo dsu' e jmi'neáang` rú'naa' e joba' eáang`gui íng` ta~ e nidsicuáng` quí-ii' cóo'~ júu^ quiá'- Dsea` Jmáang-.

² Jogui song jaang` dsea` í dsír' e líng`gø nitîiñ, jo dsu' o' já' e jo, co' mí' 'noo`bi 'né` líñir' e laco' nilitîiñ` laco' sí'í^.

³ Jo dsu' i dsea` i 'neáang` Fidiée~, joba' Fidiée~ nicuíim`bre i dsea` í.

⁴ Jogui lana nifí^ i 'nú' cuaiñ~ quiá'- jalé' jmiñi' e có'na' e lí' feá'- e cuø'na' jaléng' diée` i o' já'; jo guiáb- nine~naa' e jaléng' i diée` la'í ja' e ta` íiñ` jii'~ cóo' fí' jmigüí, dsuco' dseáng'- jaam` Fidiée` i dseáng'- já' i seeng`.

⁵ Jo nañí' fa' i líng` dsea` jmigüí' í dsír' e seeng` jaléng' diée` fí' yá'^ jmigüí jogui fí' ni` guóo'~ uø-, jo co' lajob í dsír', joba' i fîm` lafa' diée` quiá'r- seeng` jogui lafa' fiir`.

⁶ Jo dsu' jaléng' jneaa~aa', dsea` lí'naa' dsea` quiá'- Dsea` Jmáang-, guiáb- nine~naa' e jaam` Fidiée` i seeng`, jogui íb` i líng` Tiquiá'^ jaléng' dsea` jmigüí, jogui jneaa~aa' se~naa' e laco' nijmó^naa' lajii'~ e iñ~. Jogui cajo jaam` Fí'naa' seeng`, jo íb` Dsea` Jmáang-; jo la'eáang` íb` e sea' lajalé' e sea' fí' la'úng- fí' jmigüí, jogui la'eáang` íb` cajo e se~naa' fí' jmigüí la.

⁷ Jo dsu' ja' lajîng` dsea` ñir' e júu^ na. Dsuco' i dsea` i lamí~ quí'- tîng` e jmiféiñ' jaléng' diée` i o' já', mí' 'noo`bi gø'r` jalé' e jmiñi' e lí' feá'- e í dsír' e nicacuø' jaléng' diée` quiá'r-. Jo lajee` e gø'r' e jo, líiñ` e jmi'lim'^ yaaiñ~ cóo'~ i diée` i o' já' do, co' ja' cóo' e í dsír'.

⁸ Jo dsu' ja' ee` jmíngíi` Fidiée` ee` jalé' e quíee~naa' e laco' ni'íñ` jneaa~aa' fí' quinir~, dsuco' jo` nilí- guí' dsea` i guiúng- gui dsu' uí'~ e quíee~naa' e jo, jogui o'gui nilí- naa' dsea` i ga`gui dsu' uí'~ e ja` quíee~naa' e jo.

⁹ Jo dsu' jie~ mí' jmeáang`na' ta~ e fí' sea` quí- na' do e laco' nijmée^na' e niténg' fí' ni` dsee- jaléng' i dsea` rúng'na' i ja' mí' 'goo` teáang- teá cóo'~ júu^ quiá'- Dsea` Jmáang-.

¹⁰ Jo song i líng` 'nú', dsea` niñí^na' guiá- cuaiñ~ quiá'- e júu^ jo, jo nigüilíng`na' nigüiquié'na' fí' lí' jmiféng' dsea` jaléng' diée~, jo lajee` jo jaang` dsea` rúng'na' i ja' 'goo` sing' teá cóo'~ júu^ quiá'- Dsea` Jmáang- cangáiñ- 'nú' e jmoo`na' lajo, joba' dseám' e i dsea` í nijmér- lajo cajo e iñ~ nidø'r- jalé' e nicacuø' dsea` diée` i o' já'.

¹¹ Jo caquíe'ba' e jo uí'~ e niñí^na', jo dsu' mí' cajmee~na' lajo, joba' jmoo`na' e nicá' fí' ga` i dsea` rúng'na' i ja' mí' 'goo` sing' teá cóo'~ júu^ quiá'- Dsea` Jmáang- do. Jo uí'~ i dsea` íb` cajo e cajúng- Dsea` Jmáang- fí' dse' crúu^.

¹² Jo mí' jmoo`na' e tú- ni'í- dsí' i dsea` rúng'na' i ja' mí' 'goo` sing' teá cóo'~ júu^ quiá'- Dsea` Jmáang-, joba' dseeb- ee- 'nú' cajo fí' quini` Dsea` Jmáang-.

¹³ Jo uí'~ e lajob lí', joba' song cóo'~ jalé' e gø'ø do nijmee~ e e niténg' dsea` rún'n fí' ni` dsee-, joba' guiá- gui quíe- e e jo` nidøø' guí e jmiñi' jo, jo lajoba' ja' dseáang' e nijmee~ e e niténg' dsea` rún'n fí' ni` dsee-.

9

Lajii' e catîng- i dsea` apóo^ i sîng` Dsea` Jmáang- cuaiñ~ quiá'r-

¹ Jo fî- i 'nú', dsea` rú'naa', e ja' 'né' guié- e júu^ lajii'~ e jmóo'o, co' dseáng'- líim`baa jaang` dsea` i sîng` Dsea` Jmáang- cuaiñ~ quiá'r-. Co' dseáng'- nicamám`baa Fí'naa' Jesús

jogui cajo, lajee e nicajmé e ta jee 'nú' e nicangín n quía Dsea Jmáang, joba 'nú' nica'uíng na dsea quía dsea do.

² Jo jangám seeng dsea i ja jmicuíng jnea e lín n jaang dsea i síng Dsea Jmáang cuaiñ quía r, jo dsu' nijmicuíng na jnea e lín n jaang dsea la í. Jo cuø lí e dseáng l' lajob lín n uí e la'eáng jnea ba' e nica'uíng 'nú' dsea quía Dsea Jmáang.

³ Jo jí lalab lí júu e quí i quía jaléng i dsea i éeng jnea cuaiñ quía jalé e jo.

⁴ Jo jnea dseáng catí baa' e ní íng naa' jalé e ní né niquiee naa' cuaiñ quía jalé ta jmoo naa'.

⁵ Jogui seab fí quí naa' cajo e niliseeng dseam quí naa' i líng dsea quía Dsea Jmáang i jeeng naa' lacaang fí lí ngí naa' lí laco'gui la jmoo i dsea caguaang i síng Dsea Jmáang cuaiñ quía r jogui laco' la jmoo jaléng dsea ngáang cóo Dsea Jmáang cóo gui Tú Simón.

⁶ Jogui su í óo 'nú' e jí Bernabé cóo gui jnea bing' i dseáng 'né' nijmé ta e laco' sea jalé e 'né' naa'?

⁷ Dsaco' jí jaang 'léé quí jalé' e 'né' lajee e jmoor e ta jo. Jogui jí jaang dsea i jní mí huíng j' fa' ja cu' r e jo. Jogui cajo jí jaang dsea i jmoo ta ní jo' se' fa' ja í' r fí quía i j' í.

⁸ Jo jie mí í óo na' e fí i 'nú' jalé e júu la lí la í dsí dsea jmigüí, dsaco' lajob fé' cajo fí ní j' quía Fidié e cajme' Moi,

⁹ Jo lalab fé': "Ja jní mo'oo j' núu quí lajee e ø're' cui'iee." Jo fé' Fidié jalé e júu na o' fa' í dsí jí uí quía jaléng j' núu,

¹⁰ co' í dsí uí jnea a' cajo, dsea lí naa' dsea jmoo ta quía r. Jo casé Fidié e júu quí ta na quía r e laco' ní uíng guí quí baa', dsaco' i dsea i jmoo ta jí uø cóo gui i dsea i jmoo ta quía cui'iee, jmoor jalé e jo dsu' uí e nisijeeiñ líng ee nisitím bre mí nití í lajo uí e ta e cajméer do.

¹¹ Jo jneab dsea lafa' nicajní naa' jee 'nú' uí e nicaguiá naa' júu quía Dsea Jmáang, joba í dsí naa' e o' leáng song líng go e mí naa' 'nú' e nijmicóo na' jnea cóo jalé e 'né' naa'.

¹² Jogui song dsea jéng seab fí quía r e mí r 'nú' jalé e 'né', joba jnea eáng gui catí naa' e nijmó na' lajo cóo 'nú'.

Dsu' jnea ja mí camí naa' 'nú' lají e sí í e catí naa' do, co' lí lí nica' íng naa' iihuí e nicajmó naa' ta jí e laco' sea jalé e 'né' naa', jo lajoba' ja nijning naa' quía e júu quía Dsea Jmáang e guí naa' do.

¹³ Jo níñ b' 'nú' e jaléng dsea i jmoo ta fí sínú guá cuø m lí jmeáñ ta jalé e feá e dsica dsea fí jo. Co' jaléng i dsea do i jmoo ta e fí nife do e fí lí jngaiñ jaléng j' i líng feá, joba cuø m lí d' r e ngúu quía jaléng i j' i jngaiñ fí jo.

¹⁴ Jogui lajobi cajo Fí naa' Dsea Jmáam bing' nicaguiá uíng e jaléng i dsea i jmoo ta guí júu quía r 'né' seeiñ e íñ lají e 'né' la'eáng cóo e ta e jmoor do.

¹⁵ Jo dsu' jnea dseáng ja mí cajmeám baa ta lají e sí í e catí n do, o' gui jmo' o e júu la quí na' e laco' 'nú' líng ee nicuø na' jnea e 'né' e. iDsaco' guí guí quí e e nijúun e laco' gui i líng dsea níjé e íáng dsí uí e nicaguiá júu quía Dsea Jmáang jee 'nú' do e jí cóo ja mí cajmicóo na' jnea cóo jalé e 'né' e!

¹⁶ Jo dsu' jnea ja guí a e júu quía Dsea Jmáang do e laco' jmí l'ng' 'nía' a, dsaco' e la guí m baa 'né' nijmee e ta jo e cangín n quía Fidié. iCo' e ngí fí jnea fíng song ja níguí a e júu jo!

¹⁷ Jo song guí a e júu jo e íáng dsí 'nía' a, joba lí m ee nisea quí e e ní í n; jo dsu' song jmoo o e ta jo laguidseaang, dsu' dseáng 'né' jmee baa, co' lajob ta e nicacuø Fidié jnea.

18 Jo lajob líí, co' lajii~ e catiin~n e 'léen~n do, e job e íaang` dsii~ e guiaa~ júu^ quiá~ Dsea` Jmáang~ e ja` e caa~ jii~ ca'í', joba' cuóøng` fe'ee' e ja` jmáan~n ta~ lajii~ e catiin~n e ni'íin~n do quiá~ e ta~ guia' júu^ quiá~ Dsea` Jmáang~ e jmóo'ò.

19 Jo nañí fa' ja` lín'n lafa' dsea` si'nning` i jmóo' ta~ quiá~ dsea', jo dsu' jnea~ nicajmeáang~ 'ñiá'a e lafa' jaang` dsea` lajob lín'n quiá~ lajaléng` dsea` e laco' lajo nilí'i fíing`gui dsea` i ni'uíng~ dsea` quiá~ Dsea` Jmáang~.

20 Co' lajee~ e seen~ jee~ jaléng` dsea` Israel, jmóo'ò laco' la jmóo' jaang` dsea` la'íb` e laco' lajo nilí'i e jaléng` í ni'uiiñ~ dsea` quiá~ Dsea` Jmáang~. Jo jnea~ jmáang~ 'ñiá'a e lafa' e júu^ quiá' ta~ quiá~ Moi~ quiá' ta~ jnea~, nañí fa' ja` lí're' lajo. Co' jmóo'ò lajo e laco' nilí'i e jaléng` i dsea` í ni'uiiñ~ dsea` quiá~ Dsea` Jmáang~.

21 Jogui e laco' nilí'i i dsea` i ja` seeng` e quiá' ta~ quiá'r~ e júu^ quiá' ta~ quiá~ Moi~ do, joba' jnea~ jmáang~ 'ñiá'a e lafa' jaang` dsea` la'íb` lín'n cajo, nañí fa' dseáng~ e júu^ quiá' ta~ quiá~ Fidiée`ba' e quiá' ta~ quié~e, jogui lajob jmóo' cóo'~ jnea~ cajo e júu^ quiá~ Dsea` Jmáang~.

22 Jogui mi~ seen~ jee~ jaléng` dsea` i ja` mí 'goo` teáang~ teá cóo'~ júu^ quiá~ Dsea` Jmáang~, joba' lafa' jaang` dsea` la'íb` jmáang~ 'ñiá'a cajo e laco' lajo nilí'i e ni'uíng~ i dsea` í dsea` quiá~ Dsea` Jmáang~. Joba' cuóøng` fe'ee' e nicajmeáang~ 'ñiá'a røøb` laco' la líing` lí^ doñí i~ dsea` e lí^ laco' lajo cuóøng` nilí'i tú~ 'ní máing` dsea` i nileáng` jee~ jalé` dsee~ quiá~.

23 Jo jmóo'ò jalé` e na e laco' niníi~ júu^ quiá~ Dsea` Jmáang~ jogui e laco' røøb` ni'íing~naa' e jlo^ e cuø e júu^ jo.

24 Jo 'nú' niñí'ba' e mi~ sea` ta~ cuíi, i fíim` dsea` cuíir~, jo dsu' lifa' jaam`bing` i nilí' i niguieng` nifi'gui, jo lajoba' niñiñ~ lajii~ e catíiñ~. Jo co' lajob líí, joba' fíi~ i 'nú' e cuø~ bí yaang~na' e laco' lajim`ba' nilí'na' lajii~ e catíing~na' do.

25 Jo jaléng` dsea` i guia' guiá~ quiá~ jéeng`gui e quiá~ e nicuír~, 'né~ e ja` nijmér~ e jié` e dseáng~ e ni'lé~ quiá'r~. Jo jmóo'ò lajo e laco' líing~ e iñ~ e nilí'r~, jo lifa' e nilí'r` do tóob` jmí~ ni'íing~. Jo dsu' jaléng` jneaa`aa', dsea` lí'naa' dsea` quiá~ Dsea` Jmáang~, cuø` bí yee~naa' e laco' nilí'naa' e niñíing`naa' lajii~ e catíi~naa' do e jo tóo` jmí~ fa' e ni'íing~ gui.

26 Jogui dsu' jnea~ ja` cuíi i e lí^ tá~ cuíi i, o'gui jmóo'ò lafa' ta~ táng` e báa fí guia' gúí.

27 Jo dsu' ja` jmóo'ò lajo, co' lí^ lí jnea~ quiá~ ta~ ngúu' táan` e laco' nijmé~ náu~, jo jmóo'ò lajo e laco' ja` dseáng~ e niseáan` ca' mi~ nicangf` e nicaguiá'a júu^ quiá~ Dsea` Jmáang~ jee~ jaléng` dsea`.

10

Ja` dseeng` e jmiféng` dsea` jaléng` dié~ i o'já~

1 Jo fíi~ guí 'nú', dsea` rú'naa' dsea` quiá~ Dsea` Jmáang~, ja` iin~n fa' e ni'íing` óo'na' jalé` e cangongíng~ 'lí~ yúu~ dsea` áang` quí'naa' ie~ lami~ ca'uøøiñ` fí Egipto, jo Fidiée` ca'e' reiñ` do fí la'eáang` cóo'~ cabøø` jníi, jogui e lajaléiñ` do cangíiñ` fí ni~ jmiñí^ e sii` mar Rojo.

2 Jo ie~ jo lajaléng` i dsea` í ca'uiiñ~ dsea` i sitáang` cóo'~ Moi~ ie~ lami~ lafa' cajgáaiñ~ jmí~ cóo'~ e jníi do jogui ie~ mi~ cangíiñ` e fí ni~ jmiñí^ do.

3 Jogui lajob cajo, lajim` i dsea` do cajmitaang~ yaaiñ~ cóo'~ ca'íing~ jmiñi~ e cangíiñ` quiá~ Fidiée`.

4 jogui cajo cangíiñ` quiá~ Fidiée` ca'íing~ jmí~ e ca'íéng` fí dse' cuu~ jiáa'. Jo e jiáa' doba' e jée' quiá'r~ lajee~ e ngir` fí ni~ guóo'~ uø~ quiá'. Jo e jiáa' jo cuóøng` lí fe'ee' e íb` Dsea` Jmáang~.

5 Jo dsu' i fíim` i 'lí~ yúu~ dsea` áang` quí'naa' do cajúiiñ~ lajee~ e ngir` fí ni~ guóo'~ uø~ quiá' uíi~ e ja` catí dsii` Fidiée` cóo'~ jalé` e cajméesiñ` do.

6 Jo lajalé` e na cangojée' cóo'~ i 'lí~ yúu~ dsea` áang` do e laco' cuø' cóo' li~ quí~ii' e ja` 'né~ nijmó'oo' jalé` e ga` e lí dsii'naa' lí^ laco' cajmée` i dsea` í.

7 J_oba' ja` jmiféng'na' jaléng' dié~ i o' já' lí' laco'gui cajmée` i líng~ i 'lí~ yúu' dseá` áang' do, lí' laco'la fé' fí' ní' jì' quiá'- Fidiée' lí' fé' lala: "Jaléng' dseá` caguár' ca'í' cagó'r', j_o mí' cangf' j_o, caróor~ e catañ' jmí~."

8 J_ogui ja` 'né~ e ní'lee~naa' e nigúng'naa' cóo'~ dseañu' osi dseam' i o' qui'naa' lí' laco'gui cajmée` i líng~ i 'lí~ yúu' dseá` áang' do ié~ j_o, c_o' uí' e cajméer' laj_o, j_oba' cajúñ' ié~ j_o lí' lí' guíeé~ 'ní' míl dseá` lajee' c_o' jmí~.

9 J_ogui ja` 'né~ jmé'naa' e nisí'naa' Dseá` Jmáang~ ne~duu jial tí' 'g_oiñ' lí' laco'gui cajmée` i líng~ i 'lí~ yúu' dseá` áang' do, c_o' uí' e cajméer' laj_o, j_oba' cajúñ' e cacu' jaléng' mí' guíng~ quiá'r~.

10 J_ogui ja` jmiquíng' áa'na' cóo'~ Fí'naa' Fidiée' lí' laco'gui cajmée` i líng~ i 'lí~ yúu' do, c_o' uí' e cajméer' laj_o, j_oba' casíng' Fidiée' dseá` mojí' i cajnga' quiá'r~.

11 J_o lajalé' e j_o cangongúng~ 'lí~ dseá` áang' qui'naa' e lí' laco' niline'naa' e ja` 'né~ jmó'oo' laj_o, j_ogui cató' fí' ní' jì' quiá'- Fidiée' cajo e lí' laco' ní' 'goo' qui'naa', jneaa'aa' dseá` see'naa' jmí~ na, mí' tí' lí' ní'jaquíéng' e ní'íng~ jmi'gú'.

12 J_o c_o' lajob lí', song jaang' 'nú' í' áa'na' e teáb' sing'na' cóo'~ júu' quiá'- Dseá` Jmáang~, j_oba' dseáng' eáam' 'né~ e ní'ng~ áa'na' e laco' ja` niténg'na' fí' ní' dsee~.

13 J_o jí' jaang' 'nú' ja` mí' cangongúng'na' e dseáng' niténg'na' fí' ní' dsee~ e ja` mí' cangongúng~ dseá` rúng'na'. J_o dsu' 'nú' cuóom' lí' jmita' óo'na' cóo'~ júu' quiá'- Fidiée', c_o' dseáng' jmiti'bre júu' quiá'r~. J_o ja` nicuór' fí' fa' e nidsingúng'na' laj_o eáang'gui e jí' laco' té'na', c_o' lajee' e dsingúng'na' laj_o, nijmé'bre jial té'na' e ja` niténg'na' fí' ní' dsee~.

14 J_o uí' e lajob lí', dseá` rú'naa' i 'neáan' eáang', j_oba' fí' guí jaléng' 'nú' e jmi'náng' yaang'na' e ja` jmiféng'na' jaléng' dié~ i o' já'.

15 J_o fí' i 'nú' lana, c_o' eáam' guí' moguí'na', j_o yaam' 'nú' cuóong' lí' fo'na' su já' osi o' já' é jalé' e júu' e fí' i 'nú' na.

16 J_o mí' cuóo'naa' gui'máang' Fidiée' e 'né'naa' capí' jmí' mí' huíng' j_o' dsu' uí' e jmi'guíéng' dsi'naa' e cajúng' Dseá` Jmáang~ fí' dse' crúu', j_o mí' jmoo'naa' laj_o, j_oba' guóng' e jaam' dseá` uíng'naa' cóo'~ dseá` do la'eáang' e jmi'óoiñ' do. J_ogui mí' fiing'naa' iñí' e quíe'naa' do lajee' j_o, j_oba' guóng' cajo e jaam' dseá` uíng'naa' cóo'~ dseá` do la'eáang' cóo'~ e ngúu' táaiñ' do.

17 J_o nañí' fa' fí'baa' la'ó' jneaa'aa' dseá` lí'naa' dseá` quiá'- Dseá` Jmáang~, dsu' laj_obaa' quíe'naa' colíng~ c_o' iñí', j_o e j_o guóng' e lafa' jaam' jneaa'aa' lí'naa' lajalé'naa' colíng~ cóo'~ Dseá` Jmáang~.

18 J_o quíe'na' cuente e mí' g_o' jaléng' dseá` Israel jalé' ngu' j_o' e lí' feá'- e nicacuór' Fidiée' fí' nife', j_oba' lí' lafa' c_o' c_oom' uíng~ cóo'~ Fidiée' fí' nife' do.

19 J_o dsu' cóo'~ e júu' la ofa' fí' i 'nú' e íng' ta~ jaléng' dié~ i o' já', o'gui fa' e íng' ta~ jalé' e feá'- e cuó' dseá` jaléng' i dié~ í' cajo.

20 C_o' laj_o i' e júu' laba' e iin~n e fí' i 'nú', e mí' jaléng' dseá` i ja` cúing' Fidiée' jmóor' feá'- ngu' j_o' e cuó'r' lí' doñí' i' dié~ quiá'r~, j_oba' jaléng' i 'lím' cuó'r' jalé' e j_o, j_o o' Fidiée' dseá` cuó'r'. J_o dsu' jneá' ja' iin~n e quíng'na' jee~ jaléng' i 'líng'.

21 J_oba' dseáng' ja' cuóong' fa' e ní'u'na' jalé' e jmi'guíéng' óo'na' Fí'naa' Dseá` Jmáang~ j_ogui cajo e ní'u'na' jalé' e cuó' dseá` jaléng' i 'líng', o'gui cuóong' fa' e nicó'na' iñí' e jmi'guíéng' óo'na' Fí'naa' Dseá` Jmáang~, j_ogui cajo e nicó'na' jalé' e feá'- e cuó' dseá` jaléng' i 'líng'.

22 J_o ja` jmó'naa' laj_o e laco' ja` niligúing~ Fidiée' qui'naa'. J_o ja` gü'í' dsi'naa' e 'g_ong'gui jneaa'aa' laco' dseá' í'. iC_o' dseáng' o' laj_o!

Jalé' e cuóong' jmóo' dseá` quiá'- Dseá` Jmáang~

23 J_o dsu' seem' dseá` i fé' lala: "Cuóom' lí' jmee~ jneá~ lí' doñí' ee' iin~n." J_o dsu' e jáb' e j_o, lifa' ja' lajalé' íng' ta~ qui' i'. J_ogui e jáb' e cuóom' lí' jmé' dseá` lí' doñí' ee' iñí', lifa'

ja` lajalé` e jo nijmicóo~ quiá'r- e eáang`gui nidsicuáng` quiá'r- cóo~ júu^ quiá'- Dsea` Jmáang-.

24 Jo dsu' ja` 'né- e lico' nijmé`naa' jmang` e guiá- e qui`naa' yee`naa', co' lajob 'né- jmé`ee' guiá- quiá'- jaléng` dsea` rú`naa' cajo.

25 Joba' fh- guí` 'nú' e cø`ba' lí` doñí` ee` ngúu' e 'nñ` dsea` fí` lí` 'nñr', jo ja` jmingi`na' cuaiñ~ quiá'- e jo e laco' ja` ni'f- óo`na' jmiguiá` su cuóong` cø`na' osi ja` cuóong` é.

26 Dsaco' latøong- jmigüi` jogui lajalé` e sea` fí` jo lí` quiá'- Fí`naa' Fidié`.

27 Jo song jaang` dsea` i ja` líng` dsea` quiá'- Dsea` Jmáang- catø'r- 'nú' e nigüiquié`na' fí` quiá'r-, jogui 'nú' iim`ba' güilíng`na', joba' güilíng`na' jóng, jogui quié`na' lí` doñí` ee` e niguiá- fí` ni` mes` e ja` jmingi`na' jüi~ coo` cuaiñ~ quiá'- jalé` e nicuø'r- 'nú' do su cuóong` cø`na' osi ja` cuóong` é.

28 Jogui dsu' song jaang` dsea` casí'r- 'nú' lala: "Lajalé` e jmiñi` la nicacuóø`naa' e lí` feá'- jaléng` dié`." Jo song lajob lí`, joba' ja` cø`na' uí~ i dsea` i cajíng'- do, jogui cajo e laco' ja` ni'f- dsíir` jmiguiá` cuaiñ~ quiá'- e jo.

29 Jo dsu' cuaiñ~ quiá'- jial` í` dsíi` i dsea` i cacuø` 'nú' e jmiñi` doba' e fá`-a, jo o' cuaiñ~ quié`na' e jial` í` óo`na'. Jo dsu' jangám- nijmingi` 'nú' lala: "Jo ¿jiali' éeng` i dsea` do jnea` cóo~ jalé` e gø`ø` uí~ jmiguiá` jalé` e í` dsíir'?"

30 Co' song cuóø`baa` gui`máang` Fidié` cuaiñ~ quiá'- lajüi~ e gø`ø` do, joba' ¿jiali' éeng` dsea` jnea` dsu' uí~ e gø`ø` e jo?"

31 Jo song cø`na' osi`na' osi`na' osi`na' lí` doñí` ee` e jié`gui` é, joba' jmee`na' lajalé` e jo e laco' nijmiféng`na' Fidié`.

32 Jo jie` mi` ee`na' e ga` e laco' dseáng` e niténg` fí` ni` dsee- si jaléng` dsea` Israel osi` jaléng` i ja` líng` lajo, osi` jaléng` dsea` quiá'- Dsea` Jmáang- caguiaang`gui` é.

33 Co' jnea` jmi`uum`baa` e jmóo`o e jmi`iaan`n dsíi` jaléng` dsea` cóo~ jalé` e jmóo`o, jo ja` 'nó`-o jmóo`o e lico' ni`uíng` guiá- quié` e 'ñiá`a, co' 'nó`-o jmóo`o e jial` ni`uíng` guiá- quiá'- dsea` caguiaang-. Jo jmóo`o lajo e lí` laco' nilí` i dsea` í` e nileáiñ` jee` jalé` dsee- quiá'r-.

11

1 Jo co' lajob jmóo`o, joba' fh- guí` 'nú', dsea` rú`naa', e 'né- ee`na' laco' la ee` jnea~, co' jnea` ee` laco' ca`ée` Dsea` Jmáang-.

Jial`né- líng` dseamí` mi` jmiféiñ` Fidié`

2 Jogui lana eám` íaang` dsii- cóo~ 'nú', dsaco' contøom- jmiguiéng` áa`na' jnea` jogui contøom- jmití`na' cajo jalé` júu^ quiá'- Dsea` Jmáang- e nica`ée- e 'nú' lami` jéeng`gui.

3 Jo dsu' jnea` iin`n e ningám`ba' e Dsea` Jmáam`bing' líng` dsea` mogui~ quiá'- lajaléng` dseañu`, jogui dseañu`bing' líng` dsea` mogui~ quiá'- dseamí, jogui Fidiéeb` dsea` líiñ` dsea` mogui~ quiá'- Dsea` Jmáang-.

4 Jogui song jaang` dseañu` ja` guir` loguir~ lajee` e féiñ` Fidié` osi` mi` fé'r` júu^ quiá'- dsea` do é, joba' ja` jmi`gór` dsea` mogui~ quiá'r- jóng.

5 Jogui song jaang` dseamí` ja` quidsir` 'mi' fí` moguir~ mi` féiñ` Fidié` osi` mi` fé'r` júu^ quiá'- dsea` do é, joba' ja` jmi`gór` i dsea` mogui~ quiá'r- do. Jo song jmóor` lajo, joba' fi`ib` quiá'r-, co' lí` e lafa' cahuí` cuo' moguir~.

6 Dsaco' song jaang` dseamí` ja` quidsir` 'mi' fí` moguir~, joba' guiá-gui` quiá'r- e nijmicuó`bre` moguir~ conguaí. Jogui song i dseamí` í` i` lím`bre` e nihuí` jñuguir~ osi` e nilicuo` moguir~ é, joba' guiá-gui` quiá'r- e güijlí`bre` cóo~ coo` 'mi' lajee` e jmiféiñ` Fidié`.

7 Jo jaléng` dseañu` ja` 'né- iu` loguir` lajee` e féiñ` Fidié`, dsaco' la'eáang` dseañu`ba' jmili` Fidié` jial` líiñ`, jogui` jmijnéiñ` cajo jial` tí` niing` 'gøiñ'. Jo dsu' jaléng` dseamí` jmilir~ jial` tí` niing`gui` dseañu`.

8 Co' ja` cajmeáang` Fidié` la'uii` dseañu` la'eáang` cóo` dseamf, co' la'eáang` cóo` dseañu`ba' e cajmeáaiñ` la'uii` dseamf.

9 Jo o' uii` dseamf e ca'uíng` dseañu`, co' uii` dseañu`ba' e ca'uíng` dseamf.

10 Jo uii` e lajob líí, jogui uii` jaléng` ángeles quía` Fidié`, joba' jaléng` dseamf 'né`ba' e quier` 'mi' dsí fí moguir` e laco' cuø` lí` e jmi'gór` dseañu` mogui` quía`r`.

11 Jo dsu' jee` jaléng` dseañu` quía` Dsea` Jmáang` 'neám` rúng` dseañu` cóo` gui dseamf, co' ja` ee` quí`r` jmi` jmér` la` tiiñ` yaaiñ`.

12 Jo nañi' fa' e jáb` e la'eáang` dseañu`ba' e ca'uíng` dseamf lami` uing`, jo dsu' e jáb` cajo e la'eáang` dseamfba' e liseeng` dseañu`. Jo lajaléb` e jo Fidié`bing` i` caguaí` uing` e líí` lajo.

13 Jogui 'nú', ¿jial fó`na? ¿Su guiá` osi ja` dseeng` é e ja` dsí` 'mi' fí mogui` jaléng` dseamf mi` jmiféiñ` Fidié`?

14 Jo yee`baa' cuøong` lí` í` dsi`naa' e fi'ib` líí` e jaang` dseañu` séer` guir` e licuee`.

15 Jogui dsu' quía` jaang` dseamf cóo` e jlob` líí` e séer` guir` e licuee`, dsuco' canghiñ` quía` Fidié` e cuee` guir` e laco' jmáañ` ta` e jo e lafa' jlí` 'mi' fí moguir`.

16 Jo song seeng` dseañu` i` iing` nidsisí` júu` cuaiñ` quía` e júu` la, joba' 'né` ñi`bre e o' jii` jnea`aa' o'gui dseañu` quía` Dsea` Jmáang` caguaiang` gui quí` tii`naa' e jmoo`naa' cóo` lé`gui e jié` e ja` røø` líí` cóo` e júu` la.

Laco' síí` 'né` jmó`naa' mi` quiee`naa' i`naa' coling`

17 Jogui lana, dseañu` rú`naa', e júu` e nifí` 'nú' la ofa' e nifá`a guiá` uii` quí`na'. Co' lí` e líí` líí` léeb` quí`na' mi` seáang` rúng`na' e jmiféng`na' Fidié` e lafa' e nijmé` e guiá` quí`na'.

18 Jo la'uii` nifí` 'nú' e nicasi` dseañu` jnea` e ja` røø` siing`na' mi` seáang` rúng`na' e jmiféng`na' Fidié`. Jo seab` mi` jáb` líng` jnea` e júu` jo.

19 ¿Co' 'nú' í` óo`na' e dseáng` 'né` e sitáang`na' tá` cóo` lé', jo lajoba' niliñi` dseañu` i` dseáng` lajang` líng` dseañu` quía` Dsea` Jmáang`!

20 Jo uii` e lajob jmoo`na', joba' mi` seáang` rúng`na' e có`na' coling`, ja` jmoo`na' fa' dseáng` e jmiguiéng` áa`na' Fii`naa' Dsea` Jmáang`.

21 Dsuco' mi` nití` í` e nicø` 'nú' í`na', joba' seem` 'nú' e güijéem`ba' e có`na' í`na'. Jo uii` e jmoo`na' lajo, joba' i` líng` 'nú' jo` tíng`na' có`na' jii` capí`, jogui lajee` jo i` líng` 'nú' jii` gui cartí` dseañu` íim`ba'.

22 Jo dsu' 'nú', niseab` 'nú'na' lí` cuøong` u` cø`na', joba' ¿jiali` jmoo`na' ja` jii`na' jaléng` dseañu` quía` Dsea` Jmáang`, jogui jiali` cuø`na' fi'í` jaléng` i` dseañu` i` ja` sea` jii` capí` quía`? Jo uii` e lajob jmoo` 'nú', joba' jii` ja` ñii` ee` nifá`a uii` quí`na'. ¿Co' dseáng` ja` íaang` dsii` cóo` jalé` e jmoo`na' do!

Mi` gø` dseañu` quía` Dsea` Jmáang` coling` e laco' jmiguiéng` dsíir` dseañu` do

(Mt. 26:26-29; Mr. 14:22-25; Lc. 22:14-20)

23 Jo lab nifí` túu` 'nú' e júu` e ca'ling` jnea` quía` Fii`naa' Dsea` Jmáang` líí` lajii` e nica'ée` e 'nú' lami` jéeng`gui e fé` lala: 'Ñia' ie` uøø` e cajáng` dseañu` Fii`naa' Dsea` Jmáang`, dseañu` do catíiñ` iñi`

24 jogui cacuø`r` gui`máang` Fidié`. Jo mi` cangí` jo, caffiiñ` jo cajíñ` casí`r` dseañu` quía`r` lala: "Jó`o e iñi` la jo quí`na'. Dsuco' e lab nguú` táan` e nijáa`a mi` nijúun`n uii` dsee` quí`na'. Jo jmee`ba' laco' jii` e jmoo`o` jmi` na e laco' nijmiguiéng` óo`na' jnea`."

25 Jo mi` cangí` e cagø`r` e íí` canu` do, jo catíiñ` cóo` cóo` e a` jmi` mí` huíng` jø` jo cajíñ`": "E a` dsíí` e cóo` la guóng` júu` tigua` e 'mí` e nijmé` Fidié` cóo` 'nú' la'eáang` cóo` jmi`øø`n` e nití` mi` nitán`n fí` dseañu` crúu`. Joba' laco` ya` mi` ni`u`na' e jmi` e la a` dsíí` e cóo` la, jmee`ba' lajo e laco' nijmiguiéng` óo`na' jnea`."

26 Jo lajob líí, cò' lacoò ya' mi~ có'na' iñí^ quiá^- Dsea` Jmáang- jogui mi~ ú'na' e a~ dsíí cóo^ quiá'r- do, joba' jmiguiéng' óo'na' e cajúñ- fí dse' crúu^. Jo lajob 'né- jmée'na' cartí mi~ nití- í' e nijáatür fí jmigüí la calé' catú-.

Jial 'né- dór- dsea` e jmiguiéng' dsíir' Dsea` Jmáang-

27 Jo cò' lajob líí, joba' doñí iì dsea` i ja' jmoo' laco' catíng- e jmi'gór` Dsea` Jmáang- mi~ gò'r' iñí^ quiá^- dsea` do jogui mi~ í'r' e a~ dsíí cóo^ quiáíñ-, joba' dseeb- éer` cóo'~ ngúu' táang` dsea` do jogui cóo'~ jmi'øøíñ-.

28 Joba' lajaang` lajaam` dsea` 'né- í- dsíir' jial lííñ` nú'-gui e nidó'r- e iñí^ do jogui ná'-gui e ni'í'r' e jmi'^ e a~ dsíí e cóo^ do.

29 Dsaco' song gò'r' jogui í'r' e jo e ja' í dsíir' e~ guóng' e calí- cóo'~ ngúu' táang` Dsea` Jmáang-, joba' lico' 'nóor' e nicuó'- Fidiéé' ír' iihuí'.

30 Jo uíi'~ e lajob jmoo' 'nú', joba' fíim' 'nú' lana dsée'na' osi ua~ íí' áa'na' osi nicajúm- bí' é.

31 Jo faco' jang' í- dsí'naa' røø` jial líí'naa' nú'-gui e niquiee'naa', joba' ja` ee` uuing~ sea` e nicuó'- Fidiéé' jneaa~aa' iihuí'.

32 Jo nañí fa' cuó'- Fidiéé' jneaa~aa' iihuí', dsu' jmóor` lajo e laco' ni'é'r- jneaa~aa' jial 'né- see~naa' fí quinir~, jo lajoba' ja` ni'náíñ- jneaa~aa' ie~ jo colíng~ cóo'~ jaléng' dsea` i ja` cúing` ír'.

33 Jo cò' lajob líí, dsea` rún'n, joba' mi~ seáng'~ rúng'na' e quiá^- e nicó'^na', 'né- jøøm- rúng'na' e laco' nicó'^na' colíng~ lajaléng'na'.

34 Jogui song i líng~ 'nú' eáang` jmi'aang-na', joba' guiá-gui quií-na' e jang'- nicó'ba' fí quií-na', jo lajoba' ja` nicuó'- Fidiéé' 'nú' iihuí' uíi'~ e ja` røø` jmoo'na' mi~ seáng'~ rúng'na' quiá^- e nicó'^na'. Jogui jalé' e júu^ e jié' e cajmingí'gui 'nú' jnea~ do, mi~ niguiéé'túu fí na e ni'éé'e 'nú', joguiba' moo~duu e~ nilí^.

12

Jalé' e ngíng` dsea` e cuó' Jmiguí quiá'- Fidiéé'

1 Dsea` rú'naa' dsea` quiá'- Dsea` Jmáang-, e laba' iin~n e ñí' 'nú' guiá- cuaiñ~ quiá'- jalé' e ngíng` dsea` e cuó' Jmiguí quiá'- Fidiéé'.

2 Jogui 'nú' ñí'ba' guiá- e ie~ lami~ ja` mí líng'na' dsea` quiá'- Dsea` Jmáang-, joba' cuøb' fí yaang~na' e jmi'goo'na' jaléng' dié~ i ja' fé'.

3 Jo cò' lajob lami~ líng' 'nú', joba' lana iin~n e ñí'na' e jíi'~ jaang` dsea` i fé' la'eáang` cóo'~ Jmiguí quiá'- Fidiéé' cuóøng` lí fé'r' jalé' júu^ 'lí' uíi~ quiá'- Jesús. Jogui lajobi cajo, jíi'~ jaang` dsea` cuóøng` lí fé'r' e Jesús líng' Fíir~ fíng song i dsea` í ja' fé'r' la'eáang` cóo'~ e bí' e 'gøng' quiá'- Jmiguí quiá'- Fidiéé'.

4 Jogui e laba' fí-guá' 'nú', e jmiguiub' íng'~ sea` e cuóøng` lí íng' dsea` e tñíñ, dsu' lifa' jíi'~ Jmiguí quiá'- Fidiéé'ba' e cuó' jalé' e jo.

5 Jogui jmiguiub' íng'~ ta~ sea` e cuóøng` lí jmé- dsea`, dsu' lifa' jíi'~ Fí'naa' Dsea` Jmáam-bíñ i cuó' jalé' e jo.

6 Jogui cajo jmiguiub' íng'~ sea` e tíng` dsea` jmóor', dsu' lifa' dseáng' lajíi'~ 'ñia' Fidiéé'bing' i jmóo' lajalé' e jo quiá'- lajaléng' dsea'.

7 Jo cuøb' Fidiéé' lajaang` lajaang` dsea` líng~ ee~ tñíñ e laco' cuó' lí e seeng` Jmiguí quiá'- Fidiéé' cóo'r~, jo lajoba' ni'uíng- guiá- quiá'- lajaléng' dsea` quiá'- Dsea` Jmáang-.

8 Jo la'eáang` cóo'~ Jmiguí quiá'- Fidiéé' i líng~ dsea` ngííñ e tñíñ ngáiñ' cóo'~ jalé' e fé'r'; jogui i líng~gui cajo, la'eáang` cóo'~ e Jmiguí doba' e ngííñ e eáang` tñíñ júu^ quiá'- Fidiéé'.

9 Jo i líng~ dsea` ngííñ e la'eáang` cóo'~ e Jmiguí do e já- lííñ e quí'~ Fidiéé' jmí~ jmér- doñí ee; jogui i líng~ dsea` ngííñ cajo la'eáang` cóo'~ e Jmiguí do e jmi'leáaiñ- jaléng' dsea` dsée'~;

10 jogui i lling~gui dsea` ngúin` e tiiin` e quúir~ jmi~ jmér~ jalé` e dsigá` dsí` dsea`; jogui i lling~gui dsea` ngúin` e tiiin` guiar` júu` e ín` quiá~ Fidié~; jogui i lling~gui dsea` ngúin` quiá~ Fidié~ e ñir` su fé` i lling~ dsea` la'eáang` cóo~ Jmiguí quiá~ Fidié~ osi la'eáang` cóo~ jmiguí quiá~ i`lim` é; jogui i lling~gui dsea` ngúin` e tiiin` fé`r` jmí` e ja` ñir` jéeng`gui; jogui i lling~gui dsea` cajo` ngúin` e jmóor` júu` e` guóng` e júu` e nicajing` i` dsea` i` nicafé` e jmí` do.

11 Jo` jii~ Jmiguí quiá~ Fidié~ba` e jmóo` lajalé` e na, jogui e Jmiguí job` cajo` e cuo` lajaang` lajaang` dsea` lí` jialco` í` dsí` e guiá~gui.

Lajalém` dsea` quiá~ Dsea` Jmáang` líin` lafa` jaam` dsea`

12 Jo` nañi` fa` jmiguiab` guotii~ dsea` sea`, jo` dsu` jaam` dsea` líin` cóo~ jalé` e jo. Jogui lajob` lling` Dsea` Jmáang` cajo.

13 Jo` co` lajob` lí, joba` lajalém` jneaa`aa` cajgáang`naa` jmi` la'eáang` cóo~ jii~ Jmiguí quiá~ Fidié~ e laco` ni`uíng`naa` lafa` jaam` dsea`, nañi` si` línaa` dsea` Israel` osi ja` línaa` lajo, osi línaa` dsea` si`ning` i` jmóo` ta` osi ja` línaa` lajo` é, jo` dsu` lajalém`baa` cangíng`naa` e Jmiguí quiá~ Fidié~ do.

14 Jo` dsu` lajaang` lajaang` jneaa`aa` jmiguiab` guotii~naa` sea`, lifa` jaam` dsea` línaa`.

15 Jogui song` tii~ dsea` nijing` lala: “Dsucó` ja` lín`n` guoo`, joba` ja` lín`n` 'náan`n` quiá~ guotii~.” Jo` dsu` o` uii~ e ja` lling` lajo` fa` nijé~ e jo` lí` 'náang` guotii~ dsea`.

16 Jogui song` logua~ dsea` nijing` lala: “Dsucó` ja` lín`n` jmini~, joba` ja` lín`n` 'náang` quiá~ guotii~.” Jo` dsu` o` uii~ e ja` lí` lajo` fa` e nijé~ e jo` lí` 'náang` quiá~ guotii~ dsea`.

17 Jogui fa` jii~ jminib` dsea` sea`, joba` ¿jial` cuóong` lí` e ninúr`? Jogui fa` dseáng` jii~ loguab` dsea` sea`, joba` ¿jial` cuóong` e nicár` jmea`?

18 Jo` dsu` Fidié~ nicajméer` lacoó` guotii~ dsea` jogui` nicaséer` e jo` lacoó` ée` quiá~ jie~ lí` ñir` e guiá~gui` nili`ling` ta` quiá~ dsea`.

19 Jo` faco` ca`lim~ guotii~ dsea` sea`, joba` ja` seein` jóng.

20 Jo` dseáng` e jáb` e jmiguiab` guotii~ dsea` sea`, jo` dsu` jaam` dsea` líin` cóo~ lajalé` e jo.

21 Jo` co` lajob` lí, joba` jmini~ dsea` ja` cuóong` e nijing` e nisi` guoo: “Ja` 'neán`n` 'na”, o`gui` mogui~ fa` e nijing` e nisi` tii~: “Ja` 'neán`n` 'na”.

22 Co` dseáng` o` lajo, co` jalé` guotii~ dsea` e í` dsíir` e ja`gui` niing~, e joba` e eáang`gui` 'né`.

23 Jogui jalé` guotii~ dsea` e ja` 'ga` lí` jii`r~, e joba` e eáang`gui` qui`r` røø. Jogui jalé` e guotii~ dsea` e í` dsíir` e eáang`gui` ga` jnéeng~, e joba` e eáang`gui` tiiing` jmáin` guiá~,

24 jo` dsu` ja` ngii` lí` 'né` jmé~ dsea` lajo` cóo~ e guotii~ e guiá~gui` jnéeng~. Jo` dsu` Fidié~ cajméer` e laco` e guotii~ dsea` e eáang`gui` ja` jii`r~, e joba` e eáang`gui` nijmeáin` guiá~.

25 Jo` lajob` 'né` lí` e laco` ja` si`naang` quiá~ rúng` jalé` guotii~ dsea`, co` lí` lí` 'né` e lacoó`b` guotii~ dsea` 'né` jmé~ í` quiá~ rúng`.

26 Jo` song` e lling~ guotii~ dsea` íng` iihuí, joba` lajaléb` e caguiee~gui` do íng` cajo; jogui` song` e lling~ guotii~ dsea` eáang`gui` jmáng` dsea` guiá~, joba` lajaléb` e caguiee~gui` do lí`íáam` dsí` cajo.

27 Jogui` lana` fá`-a` e lajalém` 'nú` lling`na` lafa` jaam` dsea` cóo~ Dsea` Jmáang~, jogui` lajaang` lajaam`ba` lling`na` lafa` jmacó` guotii~ dsea` do.

28 Jo` Fidié~ nicali`iinn` e jee~ jaléng` dsea` quiá~r~ seeng` la`uii~ dsea` apoo` i` síng` Dsea` Jmáang~ i` nijmé~ ta` ni` júu` quiá~r~; jogui` lí~ cati` tú~ i` dsea` i` fé` cuaiñ~ quiá~ Fidié~; jogui` lí~ cati` 'ní` jaléng` dsea` i` tiiing` e` júu` quiá~ Fidié~; jogui` ng` jo` jaléng` i` dsea` i` quii~ jmi~ jmóo` jalé` e dsigá` dsí` dsea`; jogui` jaléng` i` dsea` i` jmi`leáang~ jaléng` dsea` dsée~; jogui` jaléng` i` dsea` i` jmicóo~ jaléng` dsea` rúng` cóo~ jalé` e 'néin`~; jogui` jaléng` i` dsea` i` quie` nifi` quiá~ jaléng` dsea` quiá~ Dsea` Jmáang~; jogui` jaléng` i` dsea` i` fé` jmí` e ja` ñir` jéeng`gui.

29 Jo dsu' ja' lajaléng' dsea' líiñ' dsea' i s'ing' Dsea' Jmáang' i nijmé' ta' ni' júu' quiá'r', o'gui lajaléng' dsea' jmóor' ta' fé' cuaiñ' quiá' Fidié', o'gui lajaléng' dsea' t'iiñ' er' júu' quiá' Fidié', o'gui lajaléng' dsea' quí'r' jmí' e jmóor' jalé' e dsigá' dsí' dsea',

30 o'gui lajaléng' dsea' quí'r' jmí' e jmí'leáañ' jaléng' dsea' dsé', o'gui lajaléng' dsea' lí'r' fé'r' jmí' e ja' ñir' jéeng'gui, o'gui lajaléng' dsea' fa' quí'r' jmí' e nigui'r' e guøng' e jmí' do.

31 Jo dsu' 'nú' 'né' e jmí'úung'na' e niñing'na' e lali' e jlo'gui e cuø' Jmiguí' quiá' Fidié'. Jogui lana ni'ée' e 'nú' cōo' fí' dseáng' e jlo'gui eáang'.

13

Jial lí' mi' 'neáang' dsea' rúíñ'

1 Jogui song jnea' cangín'n quiá' Fidié' e fá'a jalé' jmí' e fé' dsea' jmigüí' e ja' mí' cui'i' jéeng'gui, jogui j'gui fá'a e jmí' e fé' jaléng' ángeles quiá' Fidié', jo dsu' ja' jmi'neáan'n jaléng' dsea' rún'n, joba' lín'n jóng lafa' mí' ii' ñí' osi mí' ii' ñí' chi' e ta' mii' eáang' mí' ii' bá'.

2 Jogui song jnea' ngín'n quiá' Fidié' e fá'a júu' e ín'n quiá'r', jogui ñii' jalé' e í' dsí'r' e nijmér' cøøng'gui, jogui eáang' t'ín' ngán'n, jogui dseáng' e lajam'ba' já' lín'n júu' quiá'r' cō' quí'baa jmí' jmee' e nilis'ing' ée' quiá' jalé' mó', jo dsu' ja' gui 'neáan'n jaléng' dsea' rún'n, joba' ja' ee' quíng' quié' e jii' cōo' jalé' e jo.

3 Jogui song jnea' jmóo'baa jmá' j'jee' jaléng' dsea' tiñing' lajii' e sea' quié' e, jogui song la quié'gui tí' 'ñiá'baa nijáang' 'ñiá'a fí' ni' j', jo dsu' ja' gui 'neáan'n jaléng' dsea' rún'n, joba' e jo ja' ee' ta' íng' quié' e jii' cōo'.

4 Jo mí' jmi'neáang' dsea' dsea' rúíñ' e jo lí' e jmóo'bre féng' dsí'r', jogui e eáam' guiá' dsí'r', jogui ja' jmóor' dsihu'íñ', jogui ja' jmi'jlong' 'ñia'r', jogui ja' jmiráang' 'ñia'r',

5 jogui ja' jmóor' soo' dsí'r', jogui o' jii' uii' quiá'r' 'ñia'r' í' dsí'r', jogui ja' ní' dsí'r' o'gui iá' dsí'r' f'ing song ee' go cajmeáng' dsea' ír',

6 jogui ja' jmi'íang' dsí'r' cōo' jalé' e ga' e jmóo' dsea', jo dsu' jmi'íam' dsí'r' mí' jmóo' dsea' e guiá'.

7 Dsuco' mí' 'neáang' dsea' rúíñ', e jo lí' e ja' ni'r' júu' mí' ii' dsea' rúíñ' jmóo' ga', jogui ta' dsí'r' cōo' dsea' rúíñ', jogui jmang' e guiáb' sijeeiñ' quiáñ' do, jogui jmóo'bre té'r' mí' jmáng' dsea' ga' ír'.

8 Jo dsu' e 'neáang' dsea' rúíñ' ja' tōo' jmí' fa' e ni'íng'. Jo dsu' tōob' jmí' e nité' e júu' e fé' dsea' e íñ' quiá' Fidié', jogui lajob' cajo e t'ing' fé' dsea' jmí' e ja' ñir' jéeng'gui, jogui cajo jo' nili'né'gui jalé' e t'ing' ngáng' dsea'.

9 Dsuco' jalé' e t'ing' ngáng' dsea' jogui jalé' júu' e fé' dsea' e íñ' quiá' Fidié' ja' ié' jalé' e jo.

10 Dsu' mí' nití' í' e nijmi'íé' Fidié' lajalé', joba' niguiáb' lajalé' e ja' ca'íé' do.

11 Cō' jnea' ie' lamí' jiuun'n do, la fé' jaang' jiuum' fá'a, jogui í' dsii' la' í' dsí' jaang' jiuung' jogui lajob' jmóo' cajo. Jo dsu' mí' cacuán'n, cab' casee' e lajalé' e jo e jmóo' jaang' jiuung'.

12 Jo dsu' lanagui ja' ne'naa' røø' jial lí' lajalé', cō' lí' lafa' mí' jøøng' yee'naa' fí' ni' espejo e ja' 'goo' jnéng'. Jo dsu' niguiéeb' jmí' mí' niline'naa' jial dseáng' lí' lajalé'. Cō' lana jalé' e t'ín' ngán'n ja' mí' ñii' dseáng' la'íé' jial lí', jo dsu' niguiéeb' jmí' mí' nili'ñii' jial dseáng' lí' lajalé' lí' laco' la cuíng' Fidié' jnea'.

13 Jogui dsu' ní' íng' jii' sea' e ja' tōo' jmí' fa' ni'íng', jo e lab e jo: e já' lí'naa' júu' quiá' Dsea' Jmáang', jogui e nita' dsi'naa' cōo'r', jogui e jmi'neáang'naa' rú'naa'. Jo dsu' e jmi'neáang'naa' rú'naa' do, e job e niing'gui eáang' lajee' laji' e ní' na.

14

Jial mi~ ngúng` dsea` e fé'r` jmí' e ja` ñir` jéeng`gui

1 Joba' fíi-guá' 'nú', dsea` rú'naa', jmi'úung`na' e nijmi'neáang`na' rúng`na', jogui jmeé'na' quijí~ e niñíng`na' jalé' e cuø Jmiguí' quíá'- Fidiéé' e tñng` dsea', dsu' lifa' dseáng'- la guíng`gui eáang' e niñíng`na' e tñng`na' fó'na' júu^ e íng`na' quíá'- Fidiéé'.

2 Dsuo' i dsea` i cangúng` e fé'r` jmí' e ja` ñir` jéeng`gui, Fidiéé'bing' i féiñ' jo o' dsea` jmigüí, co' jii~ jaang` dsea` jéng` ngáng' e jmí' do. Jo i dsea` do fé'r` e jmí' do la'eáang` cóo'~ Jmiguí' quíá'- Fidiéé', jo jalé' e fé'r` do ja` mí cajmijnéeng` Fidiéé' lamí~ jéeng`gui.

3 Jo dsu' i dsea` i cangúng` e tñiñ` fé'r` jalé' e júu^ e íñ' quíá'- Fidiéé' jmóor` lajo e laco' jmicóo'r~ e teá'gui nisíng'- dsea` cóo'~ júu^ quíá'- Dsea` Jmáang~, jogui e laco' nicuø'- reiñ' bí, jogui cajo e laco' nijmití'r~ dsíiñ'.

4 Jogui i dsea` i fé' jmí' e ja` ñir` jéeng`gui, jii~ quíá'r~ 'ñia'bre jmicóo'~ jalé' e jo e laco' teá'gui nisíñ'- cóo'~ júu^ quíá'- Dsea` Jmáang~. Jo dsu' i dsea` i cangúng` e tñiñ` fé'r` jalé' júu^ e íñ' quíá'- Fidiéé', jmóor` lajo e laco' jmicóo'r~ e teá'gui nisíng'- i dsea` rúíñ' caguiaang`gui cóo'~ júu^ quíá'- Dsea` Jmáang~.

5 Jo eáam` iing` jnea~ e lajim` 'nú' tñng`na' fó'na' jmí' e ja` cuí'na' jéeng`gui, dsu' lifa' eáang`gui iing` jnea~ e tñng`na' fó'na' jalé' júu^ e íng`na' quíá'- Fidiéé', co' e joba' eáang`gui niing` laco'gui e fó'na' jmí' e ja` ñi'na' jéeng`gui. Jo dsu' song seem`bi dsea` i nijmé~ júu^ e guóng` e fó'na', jo lajoba' teá'gui nisíng'-na' cóo'~ júu^ quíá'- Dsea` Jmáang~.

6 Jo uí'~ e lajob líí, dsea` rú'naa' dsea` quíá'- Dsea` Jmáang~, joba' ja` ee` ta~ nilí'íng` quí'na' jii~ cóo' e jnea~ ngóo' ni'ee` e 'nú' jo nifón'n 'nú' cóo'~ jmí' e ja` ngáng`na'. Jo dsu' eáam` nilí'íng` ta~ quí'na' song nifí' i 'nú' lajii~ e nicajmijnéeng` Fidiéé' lafa' mí~ quíi~, osi e ni'ée` e 'nú' jalé' e tñn` ngán'n, osi e nifí' i 'nú' jalé' e júu^ e íñ' quíá'r~, osi líng` ee` ni'ée` e 'nú' é.

7 Jo lajob líí cajo cóo'~ lí' doñí' ee` lúu' e bó' dsea` osi e jiáur` é, co' song ja` røø` bó'r` osi jiáur` laco' laco', joba' ja` quí'~ jmíi~ e nilicuí' dsea` e~ e bó'r` do.

8 Jogui fa' cóo' jee` 'nií, co' song ja` røø` nijíáur` dsea` lúu' trompé'^ e laco' nicuø' lí~ e nináng` e 'nií do, joba' jii~ jaang` dsea` nilí'í'r^ e ni'né- guiéng` guiá' yaaiñ~ e quíá'- nináng` e 'nií do.

9 Jo lajob líí cóo'~ 'nú' cajo, co' song ja` fó'na' júu^ e laco' ningáng` dsea` rúng`na', joba' ¿jial ningáíñ' lajii' e fó'na' do? iCo' mí~ jmoo'na' lajo, joba' lafa' fó'na' fí' guiá'^ güí!

10 Jo dseáng'- e jáb'- e jmiguiab' jmí' fé' dsea` la'úng` fí' jmigüí, lifa' laco' jmí' e fé' dsea` seab` líng` uing` quíá'-.

11 Jogui song jnea~ ja` ñii~ e guóng` e júu^ e sí' dsea` jnea~, joba' jnea~ lán'n lafa' jaang` dsea` i jáa' fí' lí' huíib` quíá'- i dsea` i féng` jnea~ do, co' ja` ngán'n jmí' quíá'r~, jogui lajobi líng` jnea~ quíá'- i dsea` í cajo, co' ja` ngáíñ' jmí' quíé~ e.

12 Jo co' 'nú' jmoo'na' quijí~ e oo'na' jalé' e cuø Jmiguí' quíá'- Fidiéé', joba' jmi'úung`na' e niñíng`na' lalíng` jalé' e nilí'íng` ta~ quíá'- e laco' teá'gui nisíng`na' cóo'~ júu^ quíá'- Dsea` Jmáang~.

13 Jo jaléng` dsea` i cangúng` e fé'r` jmí' e ja` ñir` jéeng`gui, joba' 'né- mí'r~ Fidiéé' e nijmicóo'~ dsea` do quíá'r~ e laco' nisí'r` dsea` rúíñ' e~ guóng` e júu^ e fé'r` do.

14 Co' song jnea~ fón'-n Fidiéé' cóo'~ jmí' e ja` ñii~ jéeng`gui, jo dsu' jmoo'o lajo la'eáang` cóo'~ jmiguí' quíé'-baa, lifa' jii~ 'ñiá'baa jaa~ e ja` ee` ngán'n lajii~ e fá'-a do.

15 Jo co' lajob líí, joba' mí' fón'-n Fidiéé', 'né- jmée` e lajo cóo'~ jmiguí' quíé'-baa, jogui dsu' 'né- ngám'baa cajo lajii~ e fá'-a do. Jogui mí' øø- e jmifén'n Fidiéé', 'né- øø- cóo'~ jmiguí' quíé'-baa, jogui dsu' 'né- ngám'baa lajii~ e øø- do cajo.

16 Dsuo' song 'nu' jmifén' Fidiéé' cóo'~ lajii~ jmiguí' quíi', jo dsu' lajee~ jo ninú- jaang`gui dsea` i ja` mí' ngáng' e júu^ e fó' do, joba' i dsea` í ja` cuøøng` nisí'r` Fidiéé' e lajob nilí, dsuo' ja` ngáíñ' lajii~ e júu^ e fó' do.

17 Jò jangám, eáam' jlo' e júu' gui'máang' e cuø' Fidié' do, jò dsu' song ja' gui ngáng' i dsea' i núu' do, jòba' ja' e jmicóo' quíá'r- jii' coo' fa' e nidsicuáng' gui quíá'r- cóo' júu' quíá'- Dsea' Jmáang'.

18 Jò cuøø-ø gui'máang' Fidié', dsuco' eáang' gui tñn- fá'a jmí' e ja' ñii- jéeng' gui laco' gui lajaléng' 'nú'.

19 Jò dsu' lacaang' jee' li' seáng' dsea' quíá'- Dsea' Jmáang', eáang' gui iin- n fón'^nre cóo' tú- 'ní' mí'^ júu' e laco' ngáiñ' e lafa' e nifón'^nre cóo' jmiguiá' júu' cóo' jmí' e dseáng'- ja' ngáiñ'.

20 Jò fñ-guñ 'nú', dsea' rú'naa', e ja' í' áa'na' laco' gui í' dsí' jaang' jiuung', co' 'né' líng'na' lafa' jaang' jiuung' cóo' lajalé' e ja' dseeng', jò dsu' la í' dsí' jaang' dsea' féng' 'né' í' áa'na'.

21 Jò lalab fé' Fidié' fí' ni' jì' quíá'r-: "Nifón'^n jaléng' dsea' Israel cóo' jmí' e ja' ngáiñ' jogui nisín'^n dsea' i ja' líng' dsea' Israel e laco' niguiar' júu' quíé' e jee' jaléng' ír', jò dsu' ja' já'- nilím'bir jnea'." Jò lanab jii' fé' Fí'naa' Fidié' fí' ni' jì' quíá'r-.

22 Jò co' lajob lí', jòba' mí' fé' dsea' jmí' e ja' ñir' jéeng' gui, e jò cuø' coo' lí' quíá'- jaléng' dsea' i ja' líng' dsea' quíá'- Dsea' Jmáang' jò o' quíá'- jaléng' i líng' dsea' quíá'- Dsea' Jmáang'. Jò dsu' mí' fé' dsea' jalé' júu' e íñ' quíá'- Fidié', e jò cuø' coo' lí' quíá'- jaléng' dsea' quíá'- Dsea' Jmáang' jò o' quíá'- i dsea' i ja' líng' lajò.

23 Dsuco' faco' lajee' e siseáng' jaléng' 'nú', dsea' quíá'- Dsea' Jmáang', e jmiféng'na' Fidié', jò teáng'na' fól'na' jmí' e ja' ñí'na' jéeng' gui, jò lajee' jò ní' fí' jò jaang' dsea' i ja' mí' ñí' e' gui e fól'na' do, osi jaang' i ja' mí' já'- líng' júu' quíá'- Dsea' Jmáang' é, jòba' i dsea' í' ní' dsír' e ja' røø' lí'ba'.

24 Jogui song lajím' 'nú' fól'na' jalé' júu' e nica' líng'na' quíá'- Fidié' jò lajee' jò ní' jaang' dsea' i ja' mí' já'- líng' júu' quíá'- Dsea' Jmáang' osi jaang' i ja' mí' ñí' e' gui e fól'na' do, jò dsu' mí' ninú' i dsea' do e júu' jò, jòba' dsifí' lajob ní' dsír' e røøm'bre dsee', jogui 'ña'bre ní' dsír' jial líiñ' mí' ninúr' lajii' e fól'na' do.

25 Jò mí' ninúr' jalé' e júu' do, joguiba' nilí' r' guíá' jial dseáng'- líiñ', jò jòba' mí' nisí' r' uó' jnir' e nijmiféiñ' Fidié', jò joguiba' nijá'- líiñ' e dseáng'- lajam'ba' seeng' Fidié' jee' lajaléng' 'nú'.

Jmee'na' røø' lajii' e cat#ng-na'

26 Jò co' lajob lí', dsea' rú'naa' dsea' quíá'- Dsea' Jmáang', jòba' fñ-i 'nú' e júu' la, e mí' seáng'na' e jmiféng'na' Fidié', i líng' 'nú' cuøøng' lí' ó'na' e jmiféng'na' Fidié', jogui i líng' 'nú' cuøøng' lí' é'na' dsea' júu' quíá'- dsea' do, jogui i líng' 'nú' cuøøng' lí' fo'na' jalé' e nica'e' Fidié' lafa' mí' quí'na', jogui i líng' 'nú' cuøøng' lí' fo'na' jmí' e ja' ñí'na' jéeng' gui, jogui i líng' gui 'nú' cuøøng' lí' fo'na' e' guóng' e jmí' do. Jò dsu' lajalé' e jò 'né' jmé'na' e laco' nidsicuáng' gui quí'na' cóo' júu' quíá'- Dsea' Jmáang'.

27 Jò mí' fé' dsea' jmí' e ja' ñir' jéeng' gui, cuøøm' lí' fé' gáng' dsea' osi gaang' dsea' e jmí' do, jò dsu' lifa' 'né' e tá'- jám' nijmé- lajò; jogui cajo i líng' 'nú' 'né' jmé'ba' júu' e' guóng' e jmí' do.

28 Jò song ja' seeng' dsea' i nijmé- júu' e' guóng' e jmí' do, jòba' guíá'- gui quí'na' e ja' nifo'ba' e jmí' e ja' ñí'na' jéeng' gui do fí' lí' seáng' rúng'na', jò lí' féng'na' Fidié' la tñng'na' yaang'na' e ja' núu' dsea' jéng'.

29 Jò lajob cajo, song seeng' dsea' i fé' jalé' júu' e íñ' quíá'- Fidié', jòba' güífé'bre gáiñ' osi gaañ' é, jogui jaléng' dsea' i núu' jalé' e júu' jò, güí' b- dsír' cuaiñ' quíá'- e júu' jò.

30 Jogui song Fidié' líng' ee' ca'e'r' jaang' gui dsea' lafa' mí' quíiñ' lajee' e fé' b'i dsea' i ca'íng' e júu' do, jòba' guíá'- gui e niquiúm'- i dsea' i fé' e júu' e ca'íñ' quíá'- Fidié'.

31 Jò lajòba' lajaang' lajaang' i dsea' i fé' júu' e íñ' quíá'- Fidié' 'né' jém-bre e nitíiñ' cuaiñ' quíá'r-, jò lajòba' lajím' dsea' ninúr' e júu' jò e laco' nilíñir' jogui e nicuó' gui bí' yaañ'.

³² Co' i dsea` i fé' jalé' júu` e íñ' quiá'- Fidiéé` 'né- quí' bre jmi~ e nijéiñ- cartí nitíñ- e nifé'r'.

³³ Jo lajob 'né-, co' Fidiéeb` dsea` cuør` e seeng` dsea` juguiá- júu` røø, jo dsu' ja` iñ~ e eáang` ta' dsea` mñ~ e jíi~ ja` ñí dsea` jnang` i fé'.

Jo lí' laco' qui' tñng` dsea` quiá'- Dsea` Jmáang-,

³⁴ e jaléng` dseamí ja` cuøøng` fé'r' fí quini` dsea` mí tí í' e seáng' dsea` e jmiféiñ' Fidiéé, dsuco' ja` catíng- fa' e nijmér- lajo. Co' 'né- jmi'gór` dseañu` quiá'- lí' laco' fé' fí ní júu` quiu' ta` quiá'- Fidiéé.

³⁵ Jogui song jaang` dseamí líng` ee` ja` cangáiñ', joba' guiá- gui e nijmingí'r- dseañu` quiá'r- fí 'núu', dsuco' ja` catíng- e jaang` dseamí nifé'r' fí quini` dsea` lajee` e siseáng' dsea` quiá'- Dsea` Jmáang- e jmiféiñ' Fidiéé.

³⁶ Jogui téé` áa'na' e o' cóo' 'nú' canaang` uing` júu` quiá'- Dsea` Jmáang-, o'gui jíi~ 'nú' cajo dsea` i nica'íng' e júu` jo.

³⁷ Jogui song i líng` 'nú' í' áa'na' e cangíng`na' e tíng`na' fó'na' cuaiñ~ quiá'- Fidiéé, osi í' áa'na' e cangíng`na' e tíng`na' e jié'gui é e cuø Jmiguí quiá'- Fidiéé, joba' 'né- ta` óo'na' e jalé' e júu` e jmo' jnea~ la lí' júu` ta` huí' quiá'- Fí'naa' Dsea` Jmáang-.

³⁸ Jogui song i dsea` í ja` já- líiñ` e lí' lajo, joba' ja` 'né- já- líng`na' e líng` ee` cangáiñ` e cuø Jmiguí quiá'- Fidiéé.

³⁹ Jo co' lajob lí', dsea` rú'naa' dsea` quiá'- Dsea` Jmáang-, joba' fí- i 'nú' e jmi'úung`na' e niñing`na' e nifo'na' jalé' júu` e íng`na' quiá'- Fidiéé, jogui cajo ja` jñing`na' quiá'- dsea` rúng`na' e nifé'r' jmi' e ja` ñir` jéeng`gui.

⁴⁰ Jo dsu' lajalé' e jo 'né- jmée`na' røø lí' laco' catíng-.

15

Jial mi~ caji'tu Dsea` Jmáang-

¹ Jo lanagui, dsea` rú'naa' dsea` quiá'- Dsea` Jmáang-, iin~ n e nijmiguíéng' áa'na' cuaiñ~ quiá'- e júu` e quiá'- jial laang` dsea` jee~ jalé' dsee- quiá'r- e nicaguiá'a jee~ 'nú'. Jo e júu` job e nica'íng` 'nú', jogui cajo eám` teáang`na' teá` cóo'.

² Jogui lajobi cajo, la'eáang` cóo' e júu` job e nicaláang` 'nú' jee~ jalé' dsee- quiá'-na', jo lajob lí' song ja` niqing`tu' tucang`na' calé' catú-; dsuco' song cajmee`na' lajo, joba' ja` ee` ta` cali'íng` quiá'-na' jóng lajíi' e nijá'- calíng`na' do.

³ Jo nica'ée- baa 'nú' lajalé' júu` e nica'ín`n, jo e lab e júu` jo e niing`gui: Dsea` Jmáam- bing` i cajúng- uíi' jalé' dsee- quiá'-na' lí' laco' la fé' fí ní jì quiá'- Fidiéé.

⁴ Jo mi~ cangí e cajúñ-, joba' ca'áiñ-, jo dsu' mi~ catí 'ní jmi~ lajo, cajl'b'tur calé' catú- lí' laco' la fé' fí ní jì quiá'- Fidiéé cajo;

⁵ Jo la'uii- cajmijnéeng` 'ñia'r' fí quini` Tú` Simón, jo mi~ cangí jo, cajmijnéeng` 'ñia'r' fí quini` dsea` guitúung` quiá'r-.

⁶ Jo mi~ cangígui lajo, cajmijnéeng` 'ñia'r' fí quini` i lí'gui lí' lí' 'ñiá' ciento dsea` quiá'r-, jo i líng` i dsea` í nicajúm- bre, jo dsu' i fímbi seeng` lana.

⁷ Jo mi~ cangí jo, cajmijnéeng`gui 'ñia'r' fí quini` Tiáa~, jo mi~ cangí jo, cajmijnéeng` 'ñia'r' cajo fí quini` jaléng` i dsea` caguiaang`gui i sñiñ` cuaiñ~ quiá'r-.

⁸ Jo tí lí' dséng`gui cajmijnéeng` 'ñia'r' fí quini-, jnea~ dsea` lín`n lafa' jaang` jiuung` i caliséng`nú'-gui e catí í' lajo.

⁹ Jo jnea~ lín`n jaang` dsea` i ja` niing` jíi~ capí' jee~ lajaléng` i dsea` i sñng` Dsea` Jmáang- cuaiñ~ quiá'r-, jo dseáng'- ja` catím- baa fa' e nilisií- lajo uíi' e lami~ jéeng`gui gab` cajmeáan`n jaléng` dsea` quiá'- Dsea` Jmáang-.

¹⁰ Jo oo- e ta~ oo- la dsu' uíi' e eáang`guiúng` Fidiéé cóo' jnea~. Jo e guiúñ- cóo' jnea~ do eám` nicali'íng` ta~, co' jnea~ eáang`gui nicacuø' dsii- cóo' e ta~ e jmóo' la lí' laco'gui i dsea` caguiaang`gui do. Jo nañí fa' o' jnea~re dsea` nicajmé- e lajo, co' Fidiéeb` dsea` nicajmícoo' jnea~ uíi' e eáang`guiúñ- cóo' jnea~.

11 Jo dsu' ja' e lingh̄ su nicajmé~ jnea~ e ta~ jo osi nicajmée` jaléng' i dsea` í é, co' conrøðb` guia'naa' e júu^ jo, jogui e júu^ job cajo e já^- nicalíng-na' do.

Mi~ nijí'tu jaléng' 'lii~

12 Jogui jnea' guia'naa' júu^ cuaiñ~ quiá^- e cají'tu Dsea` Jmáang- mi~ cangf e cajúñ~. Joba' çjali' seeng` i liing~ 'nú' i fé' e o' já^- e nijí'tu jaléng' 'lii~?

13 Dsucò' facò' ja' jí'tu jaléng' 'lii~, joba' o' já^- e cají'tu Dsea` Jmáang-.

14 Jo co' facò' ja' cají'tu Dsea` Jmáang-, joba' e júu^ e guia' jnea' jee' 'nú' ja' ee` quíng' jíi~ coò, jogui cajo ja' ee` quíng' jíi~ coò e já^- nicalíng-na' júu^ quiá^- dsea` do.

15 Jogui facò' e ja' já^- e jí'tu jaléng' 'lii~, joba' jnea' lico' lí'naa' dsea` i jmigóob`. Co' guia'naa' júu^ e Fidiéeb` dsea` cajmijí'tur Dsea` Jmáang-, jogui e o' já^- e cajmijí'tur facò' dseáng'- já^- e jo' jí'tu jaléng' 'lii~.

16 Jogui facò' ja' jí'tu jaléng' 'lii~, joba' ja' cají'tu Dsea` Jmáang- cajo.

17 Jogui facò' ja' cají'tu Dsea` Jmáang-, joba' ja' quíng' jíi~ coò quií-na' e já^- líng-na' júu^ quiá'r-, jogui cajo quiim~b' jee~ jalé' dsee- quií-na' lana.

18 Jogui facò' lajo lí', joba' jaléng' dsea` quiá^- Dsea` Jmáang- i nicajúng- lamí~ jéeng'gui, fí lí' lib'^ nicangolíñ` jóng.

19 Jogui song lico' íng^ ta~ quií-naa' jíi~ fí jmigüü' lab e lí'naa' dsea` quiá^- Dsea` Jmáang-, joba' e ngi~ fñib` jneaa~aa' jee~ jaléng' dsea`.

20 Jo dsu' dseáng'- e jáb^- e cají'tu Dsea` Jmáang- mi~ cangf e cajúñ~. Co' í'bing' i cají'tu la'uii~ jee~ jaléng' dsea` quiá'r- i nijí'tu mi~ nití' í' lajo.

21 Jo co' uii~ jaang` dseañu' e caliseá' 'mó- fí jmigüü' la, jogui lajobi cajo uii~ jaang'gui dseañu' e nijí'tu jaléng' 'lii~ mi~ nití- e í' jo.

22 Jo lajob lí', dsucò' uii~ e líng' dsea` dsea` siju' Adán, joba' tñiñ- 'mó- lajaléñ'. Jogui lajobi cajo, la'eáng' e nilí'naa' dsea` quiá^- Dsea` Jmáang-, joba' nijí'túu' e laco' nilisee~naa' cøong` cóo' Fidiée'.

23 Jo lajob nilí', lífa' nijí'tu dsea` lí' laco' jíi~ e sí'í'; co' Dsea` Jmáam- biñ' i la'uii~ i cají'tu, jogui mi~ nijáa'tur calé' catú- fí jmigüü' la, joguiba' nijí'tu jaléng' dsea` quiá'r-.

24 Jo mi~ ningf jo, joguiba' nití' í' e ni'íng- jmigüü'. Co' ie~ jo Fí'naa' Dsea` Jmáang- ni'íñ- bí quiá^- jaléng' dseata~ niing- cóo'gui bí quiá^- jaléng' i 'ling' i quiu' ta~, jo joguiba' nijá'r' fí jaguó' Tiquí'ii' Fidiée' lajalé' e néé' nir lana.

25 Co' dseáng'- 'né- e néeb' ni~ Dsea` Jmáang- lajalé' cartí mi~ niguiéng- Fidiée' fí uii~ tñi- dsea` do lajaléng' i 'ní' ní- quiá'r-.

26 Jo Fidiée' ni'íñ- 'mó- tí lí' dséng'gui, co' e job e 'ní' ní- do.

27 Jo lajalé' niguiá- Fidiée' fí uii~ tñi- Dsea` Jmáang-. Jo mi~ jíng'- Fidiée' e niné- lajalé' fí uii~ tñi- Dsea` Jmáang- dsu' ofa' éeng' 'ñia'r' cajo, dsucò' 'ñia'bre dsea` nijméer' e ninéé' lajalé' do fí uii~ tñi- dsea` do.

28 Jo mi~ nicató' e ninéé' fí uii~ tñi- Dsea` Jmáang- lajalé', joguiba' nijáng' Dsea` Jmáang- 'ñia'r' fí jaguó' Tiquiá'r' Fidiée', co' í'bing' i nicagua' lajalé' fí uii~ tñi- dsea` do. Jo lajoba' jíi~ Fidiéeb` dsea` nicár' nifí quiá^- lajalé'.

29 Jo song í' óo' 'nú' e ja' jí'tu jaléng' 'lii~, joba' çjali' i liing~ 'nú' cajgáang-na' jmii' cuaiñ~ quiá^- jaléng' 'lii~? Çjogui e~ uing~ quiá^- e jmoo'na' lajo song í' óo'na' e ja' jí'tu jaléng' 'lii~ mi~ nití' í' lajo?

30 Jogui facò' ja' jí'tu jaléng' 'lii~, joba' çjali' contøong- dseáng' seeng- jnea~ fí jmigüü' la?

31 Jo lajob lí', dsea` rú'naa' dsea` quiá^- Dsea` Jmáang-, co' lacoò' jmiiib` dseáng' seen- fí jmigüü' la. Jo dseáng'- e jáb^- júu^ e fá'a la lí' laco'gui la íaang` dsii- cóo' 'nú' dsu' uii~ e nilíng-na' dsea` quiá^- Fí'naa' Dsea` Jmáang-.

32 Jo song lico' sijeen~n e ni'íin~n jalé' e ngñn~n jíi~ mi~ seen- fí jmigüü' la, joba' ja' ee' ta~ mí calí'íng' jíi~ coò' quié- e jalé' e ga' e nicangojée' quié- e ie~ lamí~ catíng' júu^ quié- e

cóo' jaléng' dsea` i soo` dsíi` i seeng` fí Éfeso. Co' faco' o' já' e nijí'tu jaléng' 'líi~, joba' maquiee`naa' jogui ma'né`naa', co' dsa'ó' jo` ñi' su see` guíi', lí' laco' júu` róo` e fé' i líng` dsea`.

³³ Jo fíi` guíi' 'nú', dsea` rú'naa', e jie` mi` cuø' fí yaang`na' e dsea` jiéng' nijmigóøiñ` 'nú', co' íim` lajii` e guiá' e quí'` táng` dsea` la'eáang' cóo' dsea` rúíiñ` i ée' ga`.

³⁴ Jo co' lajob líi', joba' fíi` guíi' 'nú' e jmijnéet`tu óo'na' laco' catúng`, jogui jo` ee`na' dsee`, co' i líng` 'nú' dseáng'` ja` mí cuíim`bi' Fidié`. Jo uing` quíá' e fíi` i 'nú' jalé' e júu` la e lí' laco' nicá`na' fi'i`.

Jial líng' dsea` mi` cangf` e cají'tur

³⁵ Jo jangám` seeng` dsea` i nijmingíi` lala: "Jo ¿jial nijí'tu jaléng' líi' jogui jial líiñ' cajo?"

³⁶ Jo júu` íib` líi' e jmíngíi`na' do, co' niñib` 'nú' guiá' e mi` áng' dsea` mijú' fí nú' uø`, jang'` 'né` lafa' e nijúum` e mijú' do, joguiba' cuøong` e nisáng'` nii` quíá'.

³⁷ Jo ja` cuøong` e nijní` dsea` e sú'` quíá'` mijú', dsuco' lajii` mijú'ba' cuøong` e nijní` dsea`, nañi' si mijú' micui'iee` osi lí' doñi' ee` mijú' é.

³⁸ Jo mi` cangf` e cangojneá` e mijú' do, joba' 'ñiab' Fidié` dsea` nijmér` jial iñ` e ni'uing` e sú'` quíá'` do lí' laco' jmóor` cóo' laca'íng` mijú'.

³⁹ Jo ja` røø` líi' ngúu' táang` lajaléng' i seeng` fí jmigüi, co' e jiéb' líi' ngúu' táang` dsea` laco'gui ngúu' táang` jó' nuu` cóo'` gui quíá'` jaléng' ta` cóo'` gui quíá'` jaléng'` ñiñ`.

⁴⁰ Jogui lajobi cajo, seab` e sea` fí yá'` jmigüi cóo'` gui e sea` fí ni` guóo'` uø`, jo dsu' jmaquíim` ia' e sea` fí yá'` jmigüi laco'gui e sea` fí ni` guóo'` uø`.

⁴¹ Jogui e jiéb'` jing'` iee` laco'gui e jing'` si'` osi jaléng'` núu` é, jo jiguí jee` jaléng'` núu` e jiéb'` jiiñ'` laca'íng'` ca'íiñ`.

⁴² Jo lajob líi' cajo mi` nijí'tu jaléng'` 'líi~. Co' nijiéb'` ngúu' táang` dsea` mi` ningf` e ni'áiñ` fí nú' uø`, jo dsu' mi` nijí'tur calé'` catú', jo tóo` jmíi` fa' e nijié'gui.

⁴³ Jo e ngúu' táang` dsea` e ni'áng` fí nú' uø` ja` ee` ta` íng` e jo, jo dsu' mi` nijí'tu calé'` catú', joba' eáam` niniing`. Jogui cajo ja` ee` bí` óo` e ngúu' táang` dsea` e ni'áng` fí nú' uø`, jo dsu' mi` nijí'tu calé'` catú', eáam` ni'gøng`.

⁴⁴ Jogui jii` ngúu' táam` dsea` e ni'áng` fí nú' uø`, jo dsu' mi` nijí'tu calé'` catú', nilí' ngúu' táang` dsea` la'eáang' cóo'` Jmiguí quíá'` Fidié`. Dsuco' song sea` ngúu' táang` dsea` fí jmigüi la, joba' seab` cajo fí jmigüi cóo'` la'eáang' cóo'` Jmiguí quíá'` Fidié`.

⁴⁵ Jo lajob líi' lí' laco' fé' fí ni` jii` quíá'` Fidié` lí' fé' lala: "I dseañu' la'uii` i calisí Adán caliséiñ` e quier` ngúu' táang` dsea` jmigüi; jo dsu' i dseañu' i cøong`gui do, íb` i cuø` e seeng` dsea` lata`."

⁴⁶ Jo lajee` e see`naa' fí jmigüi la, dsea` guóob'` lí'naa'. Jo dsu' la'eáang' cóo'` Jmiguí quíá'` Fidié` nilí' ngúu' táang`naa' mi` nisee`naa' fí jmigüi cóo'`.

⁴⁷ Jo lajob líi', co' i dseañu' la'uii` i calisí Adán, cóo'` guóo'`ba' cajmeáang` Fidié` ír', co' fí guóo'` uø` jmigüi caliséiñ`. Jo dsu' i dseañu' i cøong`gui do, fí ñifíi` lí' jáa' í.

⁴⁸ Jo lajaang` lajaang` dsea` jmigüi sea` ngúu' táaiñ` lí' laco'gui ngúu' táang` Adán e cajmée` Fidié` cóo'` layaang` guóo'`. Jo dsu' ie` jo, røøb` nilíng` lajaléng' dsea` quíá'` Dsea` Jmáang` lí' laco' la líng` dsea` do` ñia'r, dsea` jáar` fí ñifí`.

⁴⁹ Jo lana, lajee` e see`naa' fí jmigüi la, lí'naa' lí' laco' la lí' ngúu' táang` Adán e calí` cóo'` layaang` guóo'`. Jo dsu' ie` jo, nilí'naa' lí' laco' la líng` i dsea` i jáa' fí ñifí`.

⁵⁰ Jo e laba' iin`n fíi` i 'nú', dsea` rú'naa' dsea` quíá'` Dsea` Jmáang`, e jalé'` ngúu' táang` dsea` cóo'` gui móo'` teáaiñ` ja` catúng` fa' e nilisea` jalé'` e jo mi` nití` í' e dseáng'` jii` Fidié` dsea` nicár` nifí` quíá'` lajalé'. Jogui jalé'` e tóo` jmíi` ni'íng` ja` cøong` cóo'` jalé'` e ja` tóo` jmíi` ni'íng`.

⁵¹ Jo lana lab nifíi`duu` 'nú' cóo'` júu` e ja` mí ñi`na' jéeng`gui, jo e lab e júu` jo: Ja` lajii`naa' nijúu`naa', jo dsu' lajii`baa' ni'uíng`naa' dsea` i`míng` mi` nití` e í' jo.

⁵² Jo e jo nidsijée` dseáng'` lajee` cateáb` dseáng'`, lafa' mi` báang`naa' jmini`naa'. Jo mi` ni'ii` fí yá'` jmigüi e lúu' trompé'` quíá'` Fidié` lí' cadséng`, job mi` nijí'tu jaléng'

dsea` quiá'- Dsea` Jmáang- i nicajung- lamí~ jéeng'gui. Jo dsu' jo` quiá'- jmí~ fa' e nijúung- tu jaléng' í calé' catú-. Jogui lajaléng' jneaa~aa', dsea` lí'naa' dsea` quiá'- Dsea` Jmáang-, ni'uíng- naa' dsea` i 'máing-.

⁵³ Joba' e ngúú' táang'naa' e jgo' do jo` tóo` jmí~ fa' e nijié'gui, co' ni'uíng- coo` e ja` tóo` jmí~ fa' e nijié'gui. Jo ie~ jo e ngúú' táang'naa' e sea` 'mó- quiá'- ni'uíng- coo` e jo` sea` 'mó- quiá'-.

⁵⁴ Jo mí~ nilisíng- e ngúú' táang'naa' e jgo' do, ni'uíng- coo` e jo` tóo` jmí~ fa' nijié'gui, jogui mí~ nilisíng- e ngúú' táang'naa' e sea` 'mó- quiá'- do jo ni'uíng- coo` e jo` sea` 'mó- quiá'-, joguiba' dseáng'- niliti~ jíi' lacó' la fé' fí' ni~ jì quiá'- Fidiéé' lí' fé' lala: "Jo` tóo` jmí~ fa' nilisea'gui 'mó-, co' dseáng'- conguiab' nica'íng- bí quiá'-."

⁵⁵ Jo co' lajob lí', joba' cuóøng' fe'ee' e jo` sea'gui bí quiá'- 'mó-, joba' jo` ee` quiá'- jmí~ fa' ee` ni'lé- gui, co' dseáng'- conguiab' nica'íng- bí quiá'-.

⁵⁶ Jo la'eáang' cóo'~ dsee- ba' e sea` bí quiá'- 'mó-, jogui la'eáang' cóo'~ e júu^ quiu' ta` quiá'- Fidiéé' e cajme' Moi~, cóo'~ e joba' e líl'í^ dsea` e røøiñ` dsee-.

⁵⁷ Jo e~gui gui'máang'~ Fidiéé' e jo` silí'í~gui jneaa~aa' bí quiá'- 'mó-, co' nicalí'í^baa' e jo la'eáang' cóo'~ lajalé' e nicajmée' Fíi'naa' Dsea` Jmáang-.

⁵⁸ Jo uíi' e lajob lí', dsea` rú'naa' dsea` quiá'- Dsea` Jmáang- i 'neáan'n eáang', joba' fíi- i 'nú' e teáb' 'né- teáang-na' cóo'~ júu^ quiá'- Dsea` Jmáang-, jogui cuø' óo'na' e jie~ mí lí' túng- áa'na' fí lí' niteáang-na'. Jogui cajo contøøng- cuóø'~ bí yaang-na' e jmée^na' e ngocáng' óo'na' lajíi'~ e ta~ e nicangíng-na' quiá'- Fidiéé'. Co' 'nú' ní^ba' guiá- e ja' lí^ tá- jmoo'na' e ta~ e jmoo'na' quiá'- dsea` do.

16

Mí~ caseáng' jalé' e 'né- dsea` quiá'- Dsea` Jmáang-

¹ Jo lana nifíi- i 'nú', dsea` rú'naa', cuaiñ` quiá'- jalé' e seáang'na' e 'né- dsea` rú'naa' dsea` quiá'- Dsea` Jmáang-. Jo e jo` 'né- jmée^na' lí' lacó' jíi'~ e nicalíi' i jaléng' dsea` quiá'- Dsea` Jmáang- i seeng' fí lí' se' Galacia.

² Jo lacóo` jmí~ domiing~, lajaang' lajaang' 'nú' 'né- nijmiñung'na' capí' lí' jial jíi'~ e nicalí'na' e jmoo'na' ta~. Jo jalé' e jo` 'né- 'meá'na' e lacó' mí~ niguiéé' e fí na, jo` 'né- fa' e niseáng'gui'.

³ Joba' mí~ niguiéé' e fí na, nisín^n fí Jerusalén jaléng' dsea` i niguíng' 'nú', jogui nicuóø^øre jì lí' fé' e tab~ óo'na' cóo'r~, jo nicár` jalé' e nicaseáang'na' do quiá'- jaléng' i dsea` rú'naa' dsea` quiá'- Dsea` Jmáang- i neáang' fí jo.

⁴ Jogui song lajam'ba' 'né- e ninii~ jnea~ fí jo, joba' cuóøm` lí' dsilíng- i dsea` í cóo'~ jnea~ cajo.

Mí~ ca'í' dsí' Paa- e nidsér- fí Corinto

⁵ Jo lajee~ e iuun- fí e ngóo'ó fí na, dseáng'- 'né-ba' e ningíin~n fí lí' se' Macedonia; jo mí~ ningí' e ningíin~n fí jo, joguiba' niguiéé' e fí na fí Corinto.

⁶ Jo jangám- nijaa- cóo'~ 'nú' fí na cóo' tú- jmí~ lajo, osi jangám-bi é ningíin~n lata~ jíi' gúii-. Jo song lajobi, joba' 'núb' cuóøng' lí' jmícoo'na' jnea~ cóo'~ jalé' e 'né- e lajee~ e iuun- fí e ninii~ i fí lí' jie'.

⁷ Jo dsu' jnea~, mí~ niguiéé' e fí na, ja` iin~n e líco' ningíin~n cateá' lajo cóo'~ 'nú', co' jnea~ iin~n e nijaa- huóøb-jiu cóo'~ 'nú' fí na song nicuóø- Fidiéé' fí lajo.

⁸ Jo dsu' jnea~ í dsii- e nija'bí fí la fí Éfeso cartí' e jmí~ e sii` Pentecostés,

⁹ dsuco' lajee~ lana fí la, dsíng'- sea' fí quié- e e nijmee~ e lajíi'~ e ta~ e nicangíin~n quiá'- Fidiéé', jogui ta~ dsii- e guiáb- nidsijéé' quié- e, nañí' fa' i fíim`bre seeng' i 'ní' níng- jnea~.

¹⁰ Jogui song niguiéé' Timoteo fí na, joba' jmí'úung'na' e niliseeiñ` guiá- cóo'~ 'nú', co' í jmóor` ta~ jíi'~ lacó' ta~ jmóo` jnea~ cajo lí' lacó' jíi'~ ta~ e nicangíng-naa' quiá'- Fíi'naa' Dsea` Jmáang-.

11 Jo co' lajob ta~ jmóor, joba' ja` 'né e jøøng~na'r uó-, co' lí^ lí 'né e nijmicóo~'baa're cóo~ jalé' e 'né e laco' iuuiñ~ fí juguiá~ lajee e jáar e nija'eer~ jnea~ fí la. Co' dseáng~ nisijeem~baare coling~ cóo~ jaléng' dsea` quiá'- Dsea` Jmáang~ i caguaiang~gui.

12 Jogui cuaiñ~ quiá'- i dsea` rú'naa' dsea` quiá'- Dsea` Jmáang~ i sii` Apolos, eám' nicamí~'ire jmi'ee~ e nidsér~ cóo~ jaléng' dsea` quiá'- Dsea` Jmáang~ e nidsi'eer~ 'nú', jo dsu' lajee~ lana ja` mí caguaí dsíir' fa' e nicangór-. Jo dsu' lajob nijmér~ mi~ li~ e nicuó~ fí quiá'r~ lajo.

Júu^ guicóo~ lí^ cadséng~ quiá'- Paa-

13 Jo e laba' fí~guí 'nú', dsea` rú'naa' dsea` quiá'- Dsea` Jmáang~, e contøøm~ 'né jmiñiing~ áa'na; jogui teá sítng' yaang~na' cóo~ e júu^ quiá'- Dsea` Jmáang~ e nijá~ calíng~na' do; jogui cajo teá teáng' óo'na' jogui cuóø~ bí yaang~na' e laco' ja` nitá'na' lajii~ e fí li~ niteáng~na'.

14 Jogui lajalé' e jmoo'na', jmee~ba' e laco' jmi'neáng~na' dsea` rúng'na'.

15 Jo niñí^ 'nú', dsea` rú'naa', e jaléng' dsea` sinúu^ quiá'- Estéfanas, í la'uii~ i já~ calíng~ júu^ quiá'- Dsea` Jmáang~ fí latøøng~ fí lí se' Acaya, jogui jaléng' íb' cajo i jmóo~ ta~ jmicóo~ jaléng' dsea` quiá'- Dsea` Jmáang~ i lí 'né quiá'- lajo.

16 Joba' jnea~ iin~n e nijmée~na' núu~'ba' júu^ quiá'- i dsea` quiá'- Dsea` Jmáang~ i líng' laco' i dsea` sinúu^ quiá'- Estéfanas, jo lajob 'né~ nijmée~na' cajo cóo~ jaléng' i dsea` i jmicóo~ jogui i jmóo~ ta~ lajo.

17 Jogui íaam~ dsii~ cajo e nicagüilíng~ fí la i dsea` quiá'- Dsea` Jmáang~ i sii` Estéfanas cóo~gui Fortunato jogui Acaico, co' lí' lafa' e nicagüilíng~ 'nú'ba' e nicagüilíng~ í fí la.

18 Dsaco' jaléng' i dsea` na nicacuø'bre jnea~ bí e laco' nili'íáang~gui dsii~ lí^ laco' la nicajmээр` cóo~ 'nú'. Joba' catím~ba' e nijmi'goo'na' i dsea` i líng' laco' i na.

19 Jogui jaléng' dsea` quiá'- Dsea` Jmáang~ i seeng' fí lí se' Asia guiéiñ' júu^ guicóo~ quií~na'. Jogui Aquila cóo~gui dseamí quiá'r~ i sii` Prisca cóo~gui jaléng' dsea` quiá'- Dsea` Jmáang~ i seáng' fí quiá'r~ e laco' jmiféiñ' Fidiée~, íaam~ dsíir' e guiéiñ' júu^ guicóo~ quií~na' lí^ laco' catíng~ e jmóo~ dsea` quiá'- Dsea` Jmáang~.

20 Jogui íng'na' júu^ guicóo~ quiá'- lajiiing~ dsea` quiá'- Dsea` Jmáang~ i seeng' fí la fí Éfeso. Jogui mi~ jíé' jíng' rúng'na', joba' féeng' rúng'na' e sée' guoo' rúng'na'.

21 Jogui lana, jnea~ Paa~ jmo'o e júu^ guicóo~ la quií~na' cóo~ guoo' ò'ñiá'baa.

22 Jogui song seeng' dsea` i ja` 'neáng' Fí'naa' Dsea` Jmáang~, joba' dseáng' fí lí 'lib' catíñ~. Jo dseáng' e já~ba' e tí lí~ nijáab~tu Fí'naa' Dsea` Jmáang~ calé' catú~.

23 Jo mí~i Fí'naa' Dsea` Jmáang~ e nilí~ güea'^ quiá'r~ fí lí seeng'na'.

24 Jogui eám' 'neáng' jnea~ 'nú' lajiiing~na', dsaco' lajii~baa' lí'naa' dsea` quiá'- Fí'naa' Jesús.

Jo lajob nilí.

Jo lana cató' e jì la'uii~ quiá'- Paa~ e catíng~ jaléng' dsea` quiá'- Dsea` Jmáang~ i seeng' fí Corinto.

Júu^ e toq̃ fi' ni~ ji' catî tú- quiá'- Paa- e catíng- dsea' seeng' fi' CORINTO

¹ Jnea~ Paa- lín'n jaang` dsea` apóo^ i óo` ta~ quiá'- Dsea` Jmáang-, co' lajob cali'iaang` dsí' Fidié~ cajméer` cóo'~ jnea~. Jo colíng~ cóo'~ jaang` dsea` rú'naa' dsea` quiá'- Dsea` Jmáang- i sii' Timoteo, jmo'`o e ji' la e catíng- jaléng'` 'nú', dsea` rú'naa' dsea` quiá'- Dsea` Jmáang- i neáng' fi' na fi' Corinto. Jogui cajo catíng- e ji' la i dsea` rú'naa' dsea` quiá'- Dsea` Jmáang- caguaang- i neáng' fi' latøng- fi' guóo'~ uó^ fi' li~ se' Acaya.

² Jo lana má'~i Tiquí'ii' Fidié~ cóo'~gui Fí'naa' Dsea` Jmáang- e güi'f'bre güea'^ quiá'r- fi' li~ seeng'na' jogui e nicuø'r- 'nú' e seeng'na' juguí- júu^ røø.

Jalé' iihuú' e ca'íng' Paa-

³ Jo contømm- 'né~ jmiféng'naa' Fidié~ i líng' Tiquíá'^ Fí'naa' Dsea` Jmáang-, co' íb' Tiquí'ii' i fi' líng- jneaa~aa' jogui íb' Fidié~ i jmití'~ dsí'naa' mi~ ee'go huíng' dsijéé' quí'ii'.

⁴ Jogui íb' dsea` i jmití'~ dsí'naa' jee~ jalé' iihuú' e dsingíng-~naa'; jo jmóor` lajo e laco' jneaa~aa' cuøng` lí' nijmití'~naa' dsí' jaléng'` dsea` rú'naa' i dsingíng- lajo; jo jmoo~naa' lajo cóo'~ dsea` rú'naa' lí' laco'gui la nicajméé' Fidié~ cóo'~ jneaa~aa'.

⁵ Jo lí' laco' eáang' íng'~naa' iihuú' dsu' uí'~ e lí'naa' dsea` quiá'- Dsea` Jmáang-, joba' lajob cajo, la'eáang' íb', e eáang' lití'~ dsí'naa' lana.

⁶ Jo jnea'^ dsingíng-~naa' iihuú' e lí' laco' nilití'~ óo'na' jogui uí'~ e guia'naa' júu^ jee~ 'nú' quiá'- jial nileáng'na' jee~ jalé' dsee- quí'na'. Jogui mi~ jmití'~ Fidié~ dsí'naa', jmóor` lajo e lí' laco' nilití'~ óo'na' jogui e laco' té'na' e ja' nilitúng- óo'na' jee~ jalé' iihuú' e dsingíng-~na' lí' laco' la dsingíng- jnea'^.

⁷ Jo guiáb- nita~ dsí'naa' cuaiñ~ quí'na', co' nine~baa' e lí' laco' íng'~na' iihuú' colíng~ cóo'~ jnea'^, jogui lajob cajo nijmití'~ Fidié~ óo'na' colíng~ cóo'~ jnea'^.

⁸ Dsea` rú'naa' dsea` quiá'- Dsea` Jmáang-, ii~baa' e nijmiguíéng'naa' áa'na' jalé' e iihuú' e cangongí- jnea'^ fi' li~ se' Asia. Jo eáam' huíng' jalé' e cangongí-~naa' do e car` jí'~ jo' 'ga' lí' cateá'-naa', co' ji'gui ca'f' dsí'naa' e jo' ni'uó'naa' e fi' jo e jí'naa'.

⁹ Jo ca'f' dsí'naa' e dseáng'- nijngám'- dsea` jnea'^. Jo dsu' cangojéé' e jo e lí' laco' calilí'naa' e ja' quí'~ jmí~ jmó'naa' yee~naa', dsuco' 'né~ e niseáang~ yee~naa' fi' jaguó' Fidié~ i ji'gui jmí'~tu jaléng'` 'lí'.

¹⁰ Jo Fidiéeb~ dsea` caleáañ' jnea'^ ie~ jo e laco' ja' cajiú'naa' fi' ni~ 'mó^, jogui íb' cajo i nileáng-~gui jnea'^ lajee~ ngóo'guijia. Jogui dseáng'- nitab~ dsí'naa' cajo e dseáng'- nileám~bir jnea'^ jee~ 'mó^

¹¹ fíng song jmicóo'~ 'nú' jnea'^ e nimí'~na' Fidié~ uii~ quí'naa'. Jogui song fím'ba' nimí'~na' Fidié~ uii~ quí'naa', joba' fím'ba' cajo nicuø'-na' gui'máang' Fidié~ uí'~ cóo'~ jalé' e guiá- e jmóor` cóo'~ jnea'^.

Jialí' ja' cangó- Paa- fi' Corinto

¹² Jo seab` coo` uíng~ e íaang` dsí'naa', jo e jo uí'~ e nicalilí'naa' e dseáng'- guiáb- nica'ee-~naa', jogui lí' dsii- e eáang'gui nicajméé'naa' lajo jee~ 'nú'. Jo lajob jmoo~naa', dsu' o' la'eáang' cóo'~ jalé' e tíng'naa' ngáng'naa' yee~baa', co' lí'naa' lajo dsu' uí'~ e lajo nicajméé' Fidié~ cóo'~ jnea'^ uí'~ e eáang' 'neáañ' jnea'^.

¹³ Jogui fi' ni~ jalé' ji' e nicasiíng~naa' quí'na', ja' mí' cajméé'~naa' júu^ e jié' e laco' huíng' ngáng'na' osi e ni'f'na'. Jo sijeén~ e dseáng'- níngám'ba' røø

¹⁴ lí' laco' la nicangám'~jiu' lí' líng~ e mi~ nigüéng-tu Fí'naa' Jesús fi' jmígü' la, lajaléng'` 'nú' nilí'iaang` óo'na' cuaiñ~ quí' jnea'^ lí' laco'gui jnea'^ nilí'iaang` dsí'naa' cuaiñ~ quí'na'.

15 Jo cō' lajob nita~ dsii~ cōo~ 'nú', joba' nica'f dsii~ e jang~ nii~baa e ni'ee~e 'nú' fí' na, jo lajoba' cuóøng e ni'uíng~ guiá~ quí~na' e nití' tú~ ya'.

16 Cō' lamí~ sí'í' í' dsii~ e ni'ee~e 'nú' lajee~ e iuun~ fí' e ngóo'ó fí' lí' se' Macedonia, jogui e ni'ee~túu 'nú' mí~ niqing~'túu fí' jo, jo lajoba' cuóøng e nijmicōo~ 'nú' jnea~ cōo~ jalé' e 'né~ e lajee~ e iuun~ fí' e ngóo'ó fí' lí' se' Judea.

17 Jo çsu 'nú' í' óo'na' e mí~ ca'f dsii~ e nijmee~e lajo, ja` ca'f dsii~ dseáng~ laco' catíng~? U~, o' lajo. Cō' jnea~ ja` jmóo'ò e tú~ neáng' dsii~ mí~ ee'gō jmóo'ò, cō' ja` fá'~ a e nijmee~e mí~ í' dsii~ e ja` nijmee~e.

18 Jo lí' laco' jmiti~ Fidié~ júu^ quiá'r~, lajob jmoo` jnea^ cajo, cō' ja` sí'~naa' 'nú' e nijmó'naa' jogui mí~ ngoyúung~ jo, ja` nijmó'naa'.

19 Jo jnea~ cōo~gui Timoteo jogui cōo~ Silvano guia'naa' jee~ 'nú' e júu^ quiá'~ Fí'naa' Jesús i líng' Joo' Fidié~. Jo Fí'naa' Jesús ja` tú~ neáng' dsíir', cō' mí~ jíñ'~ ee'gō nijmér~, joba' dseáng~' jmóo'bre.

20 Cō' la'eáng' cōo~ dsea` do e liti~ lajalé' júu^ e cuø' Fidié~. Jo cō' lajob lí', joba' mí~ jmiféng'naa' Fidié~, fé'naa' "Lajob nilí'" la'eáng' cōo~ Fí'naa' Jesús.

21 Jo Fidié~bing' i nicajmé~ e teá' té~naa' fí' guiá~ cōo~ Dsea` Jmáang~, jogui í'bi cajo i nicaguíng' jneaa~aa' e laco' lana nilí'naa' dsea' quiá'r~.

22 Jogui Fidié~bi cajo dsea` nicajméer' e lí' e nilí'naa' dsea' quiá'r~, jogui nicacuø'r' jneaa~aa' Jmiguí quiá'r~ e seeng' cøøng' cōo~ jneaa~aa'. Cō' e Jmiguí do lí' 'náng' quiá'~ e catíng~ ni'íng'~naa' mí~ nití' e í' jo.

23 Jo dsu' 'ñiab' Fidié~ dsea' tí' nir~ e ñir' e~ uing~ quiá'~ e ja` mí' calí~ e ninii' i fí' na fí' Corinto lí' laco'gui jíi~ lamí~ í' dsii~. Jo nicalí~ lajo e lí' laco' ja` lamí~ iin~n e nilíng~tu' fí'í' cōo~ jalé' júu^ e sí'í' e nifí'í' 'nú'.

24 Cō' jnea^ ja` ii~naa' e niquiá'naa' 'nú' ta~ e nijá'~ líng'na' laguidseaang~ jalé' e já'~ lí' jnea^, cō' 'nú' teáb' teáng~na' fí' guiá~ cōo~ Dsea` Jmáang~. Cō' jnea^ lico' ii~naa' e nijmicōo~naa' 'nú' jial niliseeng'na' e iáang' óo'na'.

2

1 Jo uí'~ e lajob lí', joba' ca'f dsii~ e ja` ninii~túu e ni'ee~e 'nú' e laco' ja` nijmijiuung~ óo'na'.

2 Dsucō' fíng song cajmé~ e lajo, joba' jo` ii' seeng'gui i cuóøng' lí' jmi'íáang'gui dsii~, cō' jo` cuóøng' lí' jmi'íáang'na' dsii~ fíng song nicajmijiuung~ óo'na'.

3 Jo uing~ e joba', cajmé'~ e e jí' la'uii~ do quí~na', dsucō' ja` iin~n nii' i e ni'ee~e 'nú' e laco' nijmijiuung~na' dsii~, cō' lí' lí' 'né~ e nijmi'íáang'na' dsí'baa. Jo dseáng~' lamí~ ta` dsii~ e lajím' 'nú' nilí'íáang' óo'na' lajíi~ e iáang' dsí' jnea~.

4 Jo mí~ cajmé'~ e e jí' la'uii~ do quí~na', eám' guing~ dsii~ uii~ quí~na' jogui jmóo'baa fí'í' cajo, cō' jí'gui cartí' quí'~baa. Jo dsu' ja` cajmé'~ e e jí' do quí~na' e lí' laco' nijmijiuung~ óo'na', dsucō' cajmé'~ e e jí' do e lí' laco' nilí'í'na' jial tí' eáang' 'neáan`n 'nú'.

Mí~ cajmé~ Paa' féng' dsíir' uii~ quiá'~ jaang' dsea' i ca'lee'

5 Jo i dsea` i nicacuø' fí'í' dsí' do, o' jíi~ jnea~ dsea` nicacuø'r' fí'í', cō' lajob 'nú' cajo, lifa' jiu~guijia. Jo fá'~ a jia~guijia e lí' laco' ja` nilíng~na' fí'í' e eáang'.

6 Jo e iihuí' e nicacuø' 'nú' i dsea` i ca'lee' do uii~ quiá'~ lajíi~ e ga` e cajméer' do, joba' líng~ jnea~ e nitéb' jíi~ lajo.

7 Jo lana lí' lí' 'né~ íng'na' dsee~ quiáb'~ i dsea` do, jogui e nijmití'~na' dsíir' cajo. Jo lajoba' ja` dseáng'~ e dseáng'~ nitúr' congua' lajíi~ fí' guiá~ lí' nísíñ' uí'~ e eáang' lijiuung~ dsíir'.

8 Joba' mí'~i 'nú' jmi'ee~ e nijmita~na' dsí' i dsea` do e 'neám~bi'r lí' laco' lamí~ jmoo'na' cōo'r~.

⁹ Jò lamí~ jéeng'gui nicaguiém'~baa jì quí~na' cuaiñ~ quiá'- e júu^ la e lí'^ laco' niliñii~ jogui nilita~ dsii~ su dseáng'~ lajang'^ guia' óo'na' e nijmée^na' núu'~na' jalé' júu^ e liúun'~n 'nú'.

¹⁰ Jòba' i dsea` i ni'íng'na' dsee~ quiá'- do, lajob nijmee~ jnea~ cajo, co' ni'ím'~baa dsee~ quiá'r~ song sea` uing~ e nijmee~e lajo. Jò nijmee~e lajo uí'~ 'ná', jogui Dsea` Jmáam~bing' i tí' ni~ quiá'- e jo.

¹¹ Jò jmóo'o lajo e laco' ja` dseáng'~ e nijmi'óo'~ jneaa~aa' fii~ i 'líng'^ i sii` Satanás, co' nine~baa' guia~ jial lí' ta~ quiá'r~.

Ja` íaang` dsii' Paa~ mi~ caguiér` fí' Troas

¹² Jò e laba' fii~ i 'nú', e ie~ mi~ caguié~ e fí' coo` fii` e sii` Troas e quiá'- e niguiaa~ júu^ quiá'- Dsea` Jmáang~, joba' eáam' caliseá' fí' quié~ e e nijmee~e lajo.

¹³ Jò dsu' mi~ caguié~ e fí' jo, ja` íaang` dsii~ dsu' uí'~ e ja` cadsén'n i dsea` rú'naa' dsea` quiá'- Dsea` Jmáang~ i sii` Tito. Jò uí'~ joba', ladsifí' lajob ca'f'~ i júu^ i dsea` i seeng' fí' jo, jo cangó~ o fí' lí' se' Macedonia.

Jial lí'~naa' la'eáang' cóo'~ Dsea` Jmáang~

¹⁴ Jò e~gui gui'máang'~ Fidiéé~, co' la'eáang' cóo'~ Dsea` Jmáam~ba' e contøong~ lí'~naa' doñí' ee` dsijéé' quí~ii', jogui la'eáang' cóo'~ jnea'^ e ni' Fidiéé' júu^ quiá'r~. Jò e júu^ quiá'r~ do ni' jee~ jaléng' dsea` lafa' coo` e jlo'^ jmeafii`.

¹⁵ Dsaco' la'eáang' cóo'~ Dsea` Jmáam~ba' lí'naa' lafa' coo` jmeafii` e jlo'^ e guilí' fí' quini~ Fidiéé~, jogui e joba' e lafa' ni' jee~ jaléng' dsea` i nisilaang~ jee~ jalé' dsee~ quiá'- jogui jee~ jaléng' dsea` i niteáang'~ fí' ngolíng' fí' lí' 'lí'.

¹⁶ Jò e jmea` e hí' do lí' lafa' coo` e jmeasii` quiá'- jaléng' i dsea` i niteáang'~ fí' ngolíng' fí' lí' 'lí'. Jò dsu' coo` e jlo'^ jmeafii` lí' quiá'- jaléng' i dsea` i nisilaang~ jee~ jalé' dsee~ quiá'-, co' í'bing' niteáang'~ fí' ngolíng' fí' lí' niliseeiñ` lata~. Jò ¿i~ quí'~ jmii~ nijmé~ e ta~ jò?

¹⁷ Jò ja` quí'~ jmii~ fa' nijmé~ lajo i dsea` i ngí' guia' júu^ quiá'- Dsea` Jmáang~ e quiá'- e lí'r' cuu~ lí'^ laco'gui la jmoo` i fíng' dsea`. Dsu' lífa' jnea'^ lí' lí' ngí'naa' guia'naa' júu^ e coob` í' dsí'naa', jo Fidiéeb' dsea` tí' nir~ e jmoo~naa' lajo, co' í'bre dsea` casíñ` jnea'^ e jmoo~naa' e ta~ jo uí'~ e lí'naa' dsea` quiá'- Dsea` Jmáang~.

3

Júu^ tigua~ e 'mii~ e cacuo' Fidiéé'

¹ Dsea` rú'naa', jo mi~ fé' jnea'^ e júu^ na, jie~ mí' í' óo'na' e ninaang~túu' calé' catú~ e nijmiféng' yee~naa', co' dseáng'~ o' lajo; jogui cajo ja` 'né~ e nicuøø'~naa' 'nú' osi e nimii'~naa' 'nú' mají lí' fé' e ta~ óo'na' cóo'~ jnea'^ lí'^ laco'gui la jmoo` i líng' dsea`.

² Co' yaam~ 'nú' líng'na' lafa' e mají e 'né~ jnea'^ do, jo e mají do lafa' nisilii` fí' dsí' jnea'^, jo doñí' ii` dsea` cuøøng` lí' jøø~ jogui cuøøng` lí' í e jo.

³ Joba' guiab~ lí' e lajalém' 'nú' líng'na' lafa' coo` mají e cajme' Dsea` Jmáang~ la'eáang' cóo'~ jnea'^. Jò dsu' e mají jo ja` calii~ cóo'~ i jii'~ laco' jmáng' dsea` ta~ mi~ jmo'r', co' e jo calii~ la'eáang' cóo'~ Jmiguí' quiá'- i Fidiéé' i seeng' car` ngongii` jmii~ do. Jògui cajo ja` calii~ e mají do fí' dse' cuu~ e jmá, co' e jo lafa' calii~ fí' dsíib' dsea`.

⁴ Jò dseáng'~ nita~ dsí'naa' cóo'~ Fidiéé' la'eáang' cóo'~ Dsea` Jmáang~ e dseáng'~ lajob líng' 'nú'.

⁵ Jò dsu' jnea'^ jii'~ coo` quí'~naa' jmii~ e nijmé^naa' e lafa' e quí'~naa' yee~naa' jalé' e jo, co' la'eáang' cóo'~ Fidiéé'ba' e quí'~naa' jmii~ jmoo~naa' jalé' e jmoo~naa'.

⁶ Co' dsea` dob dsea` nicacuø'r' jnea'^ e quí'~naa' jmii~ jmoo~naa' ta~ guia' júu^ tigua~ e 'mii~ quiá'r~. Jò dsu' e júu^ tigua~ do ja` silii` cóo'~ guoo` dsea`, co' e jo silii` la'eáang' cóo'~ Jmiguí' quiá'- Fidiéé'. Co' e júu^ quia' ta~ quiá'- Moi' do jii'~ fí' 'mób~ si', jo dsu' la'eáang' cóo'~ Jmiguí' quiá'- Fidiéé'ba' cuøøng` liseeng' dsea` lata~.

⁷ Jō mi~ ca'ing' Moi~ e júu^ quiu' ta~ e cajme' Fidié~ fi' ni~ e cuu~ e jma', dseáng'- eáang' jlo'^ níng' ji' cō' jìgui jaléng' dsea` Israel ja` cuóøng` lí' jòør~ fi' ni~ Moi~ uí'~ e eáang' jíng' jì'. Jō dsu' e jlo'^ jíng' jì' do ja` huóø~ ee~, cō' nijém'-tu. Jōgui song dseáng'- eáam' jlo'^ níng' jì' mi~ cacuø' Fidié~ e júu^ quiu' ta~ e si' jii'~ fi' 'mó-',

⁸ joba' dseáng'- ja` cōøng` cōo'~ jial tí' níng' jlo'^ lí' mi~ cacuø' Fidié~ e júu^ tigua~ e 'mí~ do la'eáang' cōo'~ Jmiguí' quiá'r-.

⁹ Joba' song dseáng'- eáam' niing- jlo'^ mi~ cacuø' Fidié~ e júu^ quiu' ta~ quiá'r- e si' jii'~ fi' 'mó-, joba' ja` cōøng` cōo'~ jial tí' eáang' gui niing- jlo'^ mi~ cacuø' e júu^ tigua~ quiá'r- e 'mí~ e jmoo' e jō` røøng` dsea` dsee- fi' quini'.

¹⁰ Jō dseáng'- ja` cōøng` cōo'~ jial tí' eáang' niing- jlo'^ ie~ mi~ cacuø' Fidié~ e júu^ tigua~ e 'mí~ do laco'gui e jì' ie~ mi~ cacuø' e júu^ quiu' ta~ do.

¹¹ Jōgui song dseáng'- eáang' niing- jlo'^ mi~ cacuø' Fidié~ e júu^ quiu' ta~ do e nicasang', joba' dseáng'- ja` cōøng` cōo'~ jial tí' niing- jlo'^ gui e júu^ e sea` car` ngonghí' jmí~ do.

¹² Jō cō' nitab~ dsi'naa' e ja` tōo` jmí~ ni'ling- jalé' e jō, joba' dseáng'- ja` 'gó'baa' e guia'naa' júu^ quiá'- Dsea` Jmáang-.

¹³ Dsūcō' jnea'^ ja` jmoo~naa' laco'gui cajmé~ Moi~ ie~ jō e caquí'r' nir~ cōo'~ cōo' 'mí' e laco' ja` nilí'í' dsea` góor` dsea` Israel e ngo'ím- e jíng' jì' nir~ do tá'-jiu.

¹⁴ Jō dsu' i dsea` Israel do ja` cali'íiñ~ cangáiñ', jōgui lajobi líiñ' cartí' jmí~ na, cō' mi~ ir' e júu^ tigua~ e yúu'~ do, lí' lafa' sea` cōo' 'mí' e jní' fi' moguir~ e laco' ja` ningáiñ' e júu^ jō, cō' ja' mí' cajé'-bi e 'mí' do quiá'r-, cō' jii'~ la'eáang' cōo'~ Fí'naa' Dsea` Jmáam~ba' cuóøng` nijé' e 'mí' jō.

¹⁵ Jō latí' jmí~ na ja` mí' ngám'bi i dsea` do mi~ ir' jalé' e jì' e cajme' Moi~, cō' e 'mí' do bi lafa' sijní' fi' moguir~ e laco' ja` ningáiñ'.

¹⁶ Jō dsu' mi~ jaang` dsea` quí'~ jíng' 'ñia'r' fi' quini~ Fidié~, joba' dsifí' lajob lafa' je' e 'mí' do.

¹⁷ Jō røøb` cōøng` Dsea` Jmáang- cōo'~ Jmiguí' quiá'- Fidié~, joba' e fi' lí' seeng` e Jmiguí' quiá'- Fidié~ do, fi' jōb sea' fi' e jō' quiu' ta~ quiá'- dsea' e júu^ tigua~ e yúu'~ do.

¹⁸ Jō cō' jō' ee` sijlí'gui fi' ni'naa', joba' lana nilí'naa' lafa' cōo' sít' espejo lí' jnéeng` jial tí' niing- jlo'^ líng' Fidié~. Jō lajob ngóo' uíng~naa' lí' laco' la líng' Fidié~, cō' laco' jmí~ eáang'gui ngóo' lisea' quí'-ii' jial tí' e jlo'^ niñ- do. Jō dsu' e jō 'ñiab' Fidié~ dsea` jmóor' la'eáang' cōo'~ Jmiguí' quiá'r-.

4

¹ Jō cō' eáam' guiúng- Fidié~, joba' cacuø'r' jnea'^ e jmoo~naa' e ta~ la. Jō cō' lajob lí'gui, joba' dseáng'- ja` litúng- dsi'naa'.

² Jō dseáng'- ca' nica'naang~naa' lajalé' e cuø' fi'í' e quí'~ táng` dsea` jmóor' fi' lí' cōøng'~; jō ja` ngí'naa' lí' jmigóøng'naa' dsea` rú'naa', o'gui guia'naa' júu^ e jíe' jii'~ laco' fé' júu^ quiá'- Fidié~. Cō' jnea'^ lí' lí' guia'naa' júu^ dseáng'- laco' lí' júu^ quiá'- Fidié~, joba' guiáb- niñí' dsea` rú'naa' e dseáng'- lajob jmoo~naa' jōgui lajobi tí' ni~ Fidié~ cajo.

³ Jō e júu^ quiá'- Fidié~ e guia'naa' quiá'- jial laang` dsea` jee~ jalé' dsee- quiá'r- lí' e ja` 'gōo' guóng', dsu' lí' lajō jii'~ quiá'- jaléng' i dsea' i niteáang- fi' ngolíng' fi' lí' 'lí'.

⁴ Cō' fii' i 'líng' i quie' nifí' fi' jmigü' la, í'bing' i jmoo' e sijní' mogui~ jaléng' i dsea' i ja` já' líng' júu^ quiá'- Fidié~ e laco' ja` ningáiñ' e júu^ jō jōgui e laco' ja` niní'ñ' jial jlo'^ niing- e júu^ quiá'- jial laang` dsea` jee~ jalé' dsee- quiá'r- lí' fé' jial tí' niing- jlo'^ líng' Dsea` Jmáang- i líng' Fidié~ cajo.

⁵ Dsu' jnea'^ ja` ngí'naa' guia'naa' júu^ quí'naa' yee~naa', dsūcō' jnea'^ guia'naa' júu^ e Dsea` Jmáam~ dsea` líiñ' Fí'naa', jō jnea'^ lico' lí'naa' dsea' i jmoo' ta~ quini'na' uí'~ e lí'naa' dsea' quiá'- dsea' do.

⁶ Jo Fidiée' i caquiá' ta' e caliseá' jì' fí' lí' nua' sò', íb' Fidiée' i cajmée' cajo e lafa' nicaliseá' jì' fí' dsi'naa', jo la'eáang' cóo' e jo cuøøng' line'naa' jial tí' jlo' niing' Fidiée' e jnéeng' fí' ni' Dsea' Jmáang'.

Jial see'naa' la'eáang' cóo' júu' quiá' Dsea' Jmáang'

⁷ Jo e júu' jlo' e quíng' eáang' do, jneab' dsea' léé'naa' e jo. Jo dsu' jnea' líco' lí'naa' lafa' cóo' tu' guóo' e laco' 'ñiab' Fidiée' dsea' jmilir' jial tí' 'gøiñ' cóo' e júu' jo, jo o' yee'naa' dsea' jmoo'naa' lajo.

⁸ Jo nañí' fa' eáam' dsing'ing' jnea' jalé' iihuí', dsu' ja' lí' jnea' jalé' e jo. Jogui seab' mi' ee'go fí' dsi'naa' jmoo'naa', jo dsu' ja' litúng' dsi'naa' cóo' e jo.

⁹ Jogui seab' mi' 'ní' níng' dsea' jnea', dsu' ja' yee'naa' see'naa'; jogui seab' mi' gab' jmáng' dsea' jnea', dsu' ja' quí'r' jmí' fa' ni'íiñ' jnea'.

¹⁰ Jo doñí' jíé' ngí'naa', dseáng' dseáam' see'naa', có' dseáam' e nijngáng' dsea' jnea' lí' laco' cangong'ing' Jesús; jo dsing'ing'naa' lajo e lí' laco' nilili' e cøøm' seeng' Jesús cóo' jnea'.

¹¹ Jo jaléng' jnea' dseáng' contøøm' dseáng' dseáng' see'naa' dsu' uí' e lí'naa' dsea' quiá' Jesús, jo lajoba' nilili' e seem'bre cóo' jnea', dsea' lí'naa' jí' dsea' jmigü'.

¹² Jo có' lajob lí', joba' dseáng' jee' 'mó' see'naa' e laco' 'nú' lana niseeng'na' lata' cóo' Fidiée'.

¹³ Jo lalab cajme' jaang' dsea' fí' ni' jì' quiá' Fidiée' ie' lamí' café'r' lala: "La'eáang' e já' calín' n' júu' quiá' Fidiée', joba' café'a." Jo lajob jmoo' jnea' cajo, có' lajob já' lí'naa', jo uí' e joba' fé'naa'.

¹⁴ Có' guiáb' nine'naa' e Fidiéeb' dsea' cajmээр' e cají'tu Fí'naa' Jesús, jogui nine'baa' cajo e lajob nijmér' cóo' jneaa' lí' laco' cajmээр' cóo' dsea' do; jo colíng' cóo' 'nú' nidsijeáaiñ' jneaa' fí' quini' dsea' do.

¹⁵ Jo lajalé' e cangong'ing'naa' do, cangojée' e lí' laco' ni'uíng' guiá' qui'na'. Jo cangojée' lajo cajo e lí' laco' i fíng'gui ni'ing' júu' quiá' Fidiée' quiá' jial tí' guiúñ', jo lajoba' i fíng'gui nicuó' gui'máang' Fidiée' e laco' nili'goo' dsea' do.

¹⁶ Jo uí' e lajob lí', joba' ja' litúng' dsi' jnea' cóo' jalé' e dsing'ing'naa'. Jo nañí' fa' ngóo' dseáam' ngúu' táang'naa' laco' jmí', jo dsu' lí' lí' dsi'naa' eáang'gui ngóo' lí' bí' dsi' laco' jmí'.

¹⁷ Jo lajalé' e iihuí' e dsing'ing' jnea' fí' jmigü' la, e cateáb' jalé' e jo, jogui ja' ee' 'ga' lí' tí'; jo dsu' lajalé' e jo nili'ing' ta' qui'naa' lata' e laco' ni'uíng' guiá' qui'naa' e ja' cøøng' cóo' fí' ñiff'.

¹⁸ Jo uí' e lajob lí', joba' lana jo' ta' dsi'naa' cóo' jalé' e jnéeng' jøø'naa' fí' jmigü' la, có' cóo' jalé' e ja' jnéeng' jøø'baa', cóo' e joba' e ta' dsi'naa'; dsuco' ja' uøø' ee' lajalé' e jnéeng' jøø'naa', jo dsu' lajalé' e ja' jnéeng' jøø'naa', dseáng' latab' dseáng' sea' lajalé' e jo.

5

¹ Jo guiáb' nine'naa', dsea' rú'naa', e lajee' see'naa' fí' jmigü' la, lí'naa' lafa' cóo' 'núu' má' 'ma' e ja' huøø' ee'. Jo dsu' nine'bí' cajo e mi' ni'íng' e 'núu' jo, nicajmeb' Fidiée' 'nu'naa' e jlo' e sea' lata' fí' ñiff' quiá'r'. Jo e 'núu' jo 'ñiab' Fidiée' dsea' nicajme'r', jo o' dsea' jmigü' i nicajme'.

² Jo uí' e lajob nisea' qui'ii' fí' ñiff', joba' lana, lajee' e see'naa' fí' jmigü' la, eáam' seáang' dsi'naa' e dseáng' ni'ii'naa' e 'núu' 'mí' e nisea' qui'ii' fí' ñiff'.

³ Có' e joba' e niquíng' jneaa' lafa' cóo' 'mí', jo lajoba' jo' nilíng'naa' lafa' dsea' ringúung'.

⁴ Jo lajee' e see'naa' fí' jmigü' la cóo' e ngúu' táang'naa' la, eáam' seáang' dsi'naa' dsu' uí' e lijiuung' dsi'naa' cóo' jalé' iihuí'. Jo dsu' jneaa' ja' ii'naa' fa' e nijúung'naa',

co' lí' lí' ii'naa' e niquíng' jneaa'aa' lafa' 'mi' e 'nú' e sea' fí' ñifí' do, jo lajoba' e ngúu' táang'naa' la ni'uíng' cōo' e sea' car' ngong' jmi'.

⁵ Jo 'ñiab' Fidié' dsea' nicaguiéiñ' jneaa'aa' guiá' quiá' e nilí' lajo, jogui' í'bi' dsea' nicacuø'r' jneaa'aa' Jmiguí' quiá'r' e lí' 'náang' quiá' e catí'naa' ni'íng'naa' mi' nití' í' lajo.

⁶ Joba' dseáng' eáam' ta' dsí'naa' contøng', jo nine'ba' cajo e lajee' e see'naa' fí' jmi'güí' la cōo' e ngúu' táang'naa' la, sihuim'baa' laco' fí' lí' guíng' Fí'naa' Dsea' Jmáang'.

⁷ Jo lana ja' mí' cuøng' neeng'naa' dsea' do, co' lana see'naa' fí' jmi'güí' la e já' lí'naa' jii' jüu' quiá'bre.

⁸ Jo fá' túu' calé' catú' e eáam' nita' dsí'naa', jo dseáng' eáam' ni'ii'naa' e nitá'naa' fí' jmi'güí' la e laco' nilisee'naa' cøng' cōo' Fidié' fí' ñifí' quiá'r'.

⁹ Jo uí' e lajob' ii'naa', joba' dseáng' contøm' jmoo'naa' quijí' e nití' dsí' Fí'naa' Dsea' Jmáang' cōo' jalé' e jmoo'naa' nañí' su see'naa' fí' jmi'güí' la osi e nitá'naa' é.

¹⁰ Co' lajaléng' jneaa'aa' 'né' ningüing'naa' fí' quini' dsea' do fí' lí' guíñ' ír' í' e laco' lajaang' lajaang'naa' ni'íng'naa' lajii' e catí'naa' lí' laco' jii' lí' e cajmó'oo' lajee' e cataang'naa' fí' jmi'güí' la, nañí' su guiá' osi ja' dseeng' é.

¹¹ Jo co' lajob' nilí', joba' nine'baa' e contøm' 'né' nijmi'goo'naa' Fí'naa' Dsea' Jmáang', jogui' jnea' contøm' jmoo'naa' quijí' jial e nijá' líng' dsea' jüu' quiá' dsea' do. Jo guiáb' nicuíng' Fidié' jnea' jial lí'naa', jogui' sijeem'baa' e cuím' 'ná' jnea' jial lí'naa' cajo.

¹² Dsu' ofa' jnea' nicanaang' túu' e jmi'féng' yee'naa', co' jnea' fé'naa' e jüu' na e lí' laco' 'ná' cuøng' nifo'na' guiá' uii' qui'naa', jo lajoba' quí'na' jmi' e ningüi'na' quiá' i' dsea' i' jmiráang' yaang' lí' caluu' jo o' dseáng' jial lí'íñ' fí' dsíir'.

¹³ Jogui' song lí' jnea' lafa' dsea' caang', dsu' jii' cuaiñ' qui'baa' jogui' cōo' Fidiéeb' e jo; jogui' song ja' lí'naa' lafa' dsea' caang', joba' guiá' qui'ba' jóng.

¹⁴ Jo uí' e eáam' 'neáang' Dsea' Jmáang' jnea', joba' la guím' 'né' jmó'naa' e ta' e jmoo'naa', dsuco' dseáng' nitab' dsí'naa' e íb' dsea' cajúñ' fí' dse' crúu' uí' jalé' dsee' qui'ii', jo uí' e lajob' calí', joba' lana lajaléng' jneaa'aa' lafa' nicajúm'baa' cajo.

¹⁵ Jo Dsea' Jmáam' dsea' cajúñ' uí' dsee' quiá' lajaléng' dsea' jmi'güí' jo lajoba' jaléng' dsea' i' nilíng' dsea' quiá' dsea' do jo 'né' seeiñ' e jmóor' lajii' e iñ' yaaiñ', dsuco' dseáng' lajii' e iing' dsea' doba' e 'né' jmér'. Co' íb' dsea' i' cajúng' jogui' cají'tur mi' cang' lajo uii' quiá' jalé' dsee' quiá' jaléng' i' dsea' do.

¹⁶ Jo lajii' ie' jmi' e já' calí'naa' e lajob' lí', joba' jo' í' dsí' jnea' uii' quiá' jaléng' dsea' laco' jii' e í' dsí' dsea' jmi'güí'; jo nañí' fa' lamí' jéeng'gui' í' dsí' jnea' e Dsea' Jmáang' lí'íñ' jii' dsea' jmi'güí'b', jo dsu' lanagui' jo' í' dsí'naa' lajo uii' quiá'r'.

¹⁷ Co' lana lajaléng' dsea' i' niseeng' cøng' cōo' Dsea' Jmáang' nica'uíñ' dsea' 'mám'; jo cab' nicasé' jalé' e lamí' qui' tiiñ' jmóor', jo lana nijmóor' jalé' e guiá', co' jaam' dsea' 'máng' nilí'íñ'.

¹⁸ Jo dsu' 'ñiab' Fidié' dsea' jmóor' jalé' e jo, co' la'eáang' cōo' Dsea' Jmáam'ba' e cajméer' e lana nisee'naa' juguiá' jüu' røø' cōo'r' jogui' cacuø'r' jnea' ta' e niguiá'naa' jüu' quiá'r' e laco' cuøng' niliseeng' dsea' juguiá' jüu' røø' cōo'r' cajo.

¹⁹ Jo lí' laco' cuøng' fe'ee' e la'eáang' cōo' Dsea' Jmáang', Fidié' nicajméer' e niliseeng' dsea' juguiá' jüu' røø' cōo'r', jo ja' mí' cajme'r' cuente lajalé' dsee' e nica'ée' dsea' jmi'güí'. Jo dsea' dob' cajo dsea' nicacuø'r' jnea' ta' e laco' niguiá'naa' jüu' e nicajméé' Fidié' e niliseeng' dsea' juguiá' jüu' røø' cōo'r' jee' jaléng' dsea' jmi'güí'.

²⁰ Jo jnea' lí'naa' dsea' i' casíng' Fidié' cuaiñ' quiá' Dsea' Jmáang', jo cuøng' lí' fe'ee' e lafa' 'ñiab' Fidié' mí'r' 'ná' jmi'ee' la'eáang' cōo' jnea'. Jo uí' e lajob' lí', joba' la'eáang' Fí'naa' Dsea' Jmáang' m'í' 'ná' jmi'ee' e nijméé'na' quijí' jial niliseeng'na' juguiá' jüu' røø' cōo' Fidié'.

21 Jo jii~ coo` dsee- ja` ca'ée` Dsea` Jmáang-, jo dsu' Fidiée` cajmээр` e dsea` dobing' i cacó- lajalé` dsee- qui`-ii'. Jo cajmээр` lajo e la'eáang' cóo~ dsea` do ni'uúing-naa' dsea` i ja` røøng` dsee- fi` quini~.

6

1 Jo lana, uii~ e jnea'^ lí'naa' dsea` i jmoo` ta~ e nicangúing`naa' quia~- Fidiée~, joba' liúung'~naa' 'nú' e ngocáng` dsi'naa' jo síi'~naa' 'nú' e ja` lí'^ jmi'íi'na' lajo e guiúing- Fidiée` cóo~ 'nú'.

2 Dsuco' lalab fé' Fidiée` fi' ni` jì` quia'r-: "Jo canú`baa júu^ quii'- mi~ catí' í' lajo; jogui cajmicóo~baa 'nu` mi~ catí' í' e caláan'- jee~ jalé` dsee- quii'-." Jogui lanab catí' í' e ninú- Fidiée` júu^ quii'-na'. Jogui lanabi cajo dseáng'- catí' í' e nileáng` dsea` jee~ jalé` dsee- quia'r-!

3 Jo jnea'^ contøøm- ee-naa' guiá- fi' quini~ dsea` rú'naa' e laco' ja` nifé' dsea` ga` uii~ quia~- e ta~ e jmoo-naa'.

4 Jo dsu' jnea'^ lí' lí' jmoo-naa' li~ e lí'naa' dsea` i jmoo` lajii~ e iing~ Fidiée~, co' jnea'^ eáam' jmoo-naa' té'naa' e féng' dsi'naa' cóo~ jalé` iihuú' e dsingúing-naa' jogui cóo~ jalé` e 'né-naa' jogui cóo~ jalé` fi'í' dsi' e dsingúing-naa'.

5 Jogui jmoo-baa' té'naa' cajo mi~ bøøng- dsea` jnea'^ cóo~ sii~, jogui mi~ táng' dsea` jnea'^ fi' dsi' 'nañí', jogui mi~ táng' dsea` jnea'^ máí~, jogui mi~ jmoo-naa' ta~ ii', jogui mi~ ja` 'ga' lí' güi-naa' uøø, jogui cajo mi~ ngúing-naa' oo~.

6 Jogui jmoo-naa' li~ e lí'naa' dsea` i jmoo` lajii~ e iing~ Fidiée~, co' jnea'^ ja` beáang'- dsee- yee-naa', jogui eáam' nine-naa' júu^ quia~- Dsea` Jmáang-, jogui eáam' guiúing-naa', jogui eáam' féng' dsi'naa' cóo~ jaléng' dsea` rú'naa', jogui seem` Jmiguí quia~- Fidiée` cóo~ jnea'^, jogui dseáng'- lajam'^ba' 'neáang-naa' jaléng' dsea` rú'naa',

7 jogui dseáng'- lajang'- guia'naa' júu^ quia~- Dsea` Jmáang-, jogui la'eáang' cóo~ bí' 'gøng' quia~- Fidiée` jmoo-naa' jalé' e quii'-naa' jmií-. Jo jmáang'-naa' ta~ e ee-naa' røø` na e laco' jmi'øng' yee-naa' jee~ jalé' e dsingúing-naa' jogui e laco' ningii-naa' quia~- dsea`.

8 Jo dsu' seab' mi~ jmi'gó` dsea` jnea'^, jogui sea`bi mi~ jmáiñ' ga` jnea'^, jogui sea`bi mi~ fé'r' guiá- uii~ quii'-naa', jogui sea`bi mi~ fé'r' e ga` cajo. Jogui jmáiñ' jnea'^ e lafa' dsea` quie' júu^ e o' já'- lí'naa', nañí' fa' júu^ já'-ba' e fé' jnea'^;

9 jogui jmáiñ' jnea'^ e lafa' lí'naa' dsea` i ja` cuím'bre, nañí' fa' guiáb- nicuúing` dsea` jnea'^; jogui lí'naa' lafa' dsea` i tí' lí' nijúung-, dsu' mí' 'noo`bi see-naa'; jogui eáang' cuø'r' jnea'^ iihuú', dsu' ja` mí' cajngaiñ' jnea'^;

10 jogui lafa' fi'í' lí'naa', dsu' o' já'- lajo, co' contøøm- iáang` dsi'naa'; jogui lafa' dsea` tiñing- lí'naa', dsu' o' já'- lajo, co' i fím' dsea` eáang'gui nica'íiñ' güea'^ quia~- Fidiée` la'eáang' cóo~ jnea'^; jogui lí'naa' lafa' dsea` i ja` sea` quia~- jii~ coo`, dsu' o' já'- e jo, co' lajaléb' e 'né-naa' seab'.

11 Joba' fii-guú' 'nú', dsea` rú'naa' dsea` quia~- Dsea` Jmáang- i seeng` fi' na fi' Corinto, e nicaféeng'~naa' 'nú' dseáng'- lajii~ e í' dsi'baa', jogui nicasii~naa' 'nú' e júu^ na uii~ e eáang' 'neáang-naa' 'nú'.

12 Jo ja` sea` jii~ coo` qui- jnea'^ e fa' ja` 'neáang-naa' 'nú', dsu' 'núb' dsea` i ja` 'ga' lí' 'neáang-na' jnea'^.

13 Joba' máí' i 'nú' jmi'ee' lana lí' laco'gui jmoo` tiquia' jaang` jiuung~ e féiñ' jóor', e jmi'neáang-na' jnea~ lí' laco'gui jmoo` jnea~ cóo~ 'nú'.

Jaléng' dsea` quia~- Dsea` Jmáang- líiñ' lafa' guá'- lí' seeng' Fidiée`

14 Jogui lana, dsea` rú'naa', e laba' fii' i 'nú' e ja` quing' yaang-na' jee~ jaléng' i dsea` i ja` já'- líng' júu^ quia~- Dsea` Jmáang-, co' ja` quii'- jmií~ e jaléng' i dsea` i ée` røø` niliseeiñ` cøøng` cóo~ jaléng' i dsea` i ja` jmoo` lajo; jogui ja` quii'- jmií~ cajo e nisíng- røø` lí' jnea` jì` cóo~ gui fi' lí' nuu~.

15 Jogui ja` quí'~ jmíi~ cajo fa' Dsea` Jmáang~ nisíiñ~ røø` cóo'~ fií~ i` 'ling'`, o'gui jaang` dsea` quiá'~ Dsea` Jmáang~ fa' quí'~ jmíi~ e nijmér~ lajo cóo'~ jaang` dsea` i` ja` já'~ líng` júu` quiá'~ dsea` do.

16 Jogui ja` quí'~ jmíi~ cajo fa' e røø` líí' e guá'~ lí~ jmiféng'` dsea` Fidiée` laco'gui e guá'~ fi' lí~ teáng` jaléng'` diée~ dsea` cuu~. Dsüco' jneaa~aa', dsea` líí'naa' dsea` quiá'~ Dsea` Jmáang~, líí'naa' lafa' guá'~ quiá'~ Fidiée` i` seeng` car` ngongíi` jmíi` lí' laco'gui cajíiñ'~ 'ñia'r' ie~ lami~ jéeng`gui do ie~ lami~ cajíiñ'~ lala:

Jø contøøm~ niliseen~ jogui ningíi~ jee~ jaléng'` dsea` quié~e.

Jogui jneab~ dsea` nilíin~n Fidiée` quiá'r~

jogui íb` dsea` nilíng~ dsea` quié~e cajo.

17 Jø uíi'~ e lajob líí', joba' cajíng'~gui Fidiée` lala:

Jmí'naang~ yaang~na' jee~ jaléng'` dsea` i` ja` já'~ líng` júu` quié~e,

jogui jmihuíng` yaang~na' quiá'r~.

Jogui ja` quíng'`na' jee~ jalé'` e 'lí'` e jmoo` jaléng'` i` dsea` do, jø lajoba' ni'íin'~ jnea~ 'nú'.

18 Jogui jneab~ dsea` nilíin~n Tiquíi'na',

jogui 'náb'` dsea` nilíng~na' jóo'.

Jø lanab fé'` Fíi'naa' Fidiée` i` quíi'~ jmíi~ jmé'` lí'` doñi'` ee`.

7

1 Jøba' fíi~i` 'nú'`, dsea` rú'`naa' i` 'neáan` eáang`, e lanab líí` júu` quiá'~ Fidiée` e nicacuø'r' jneaa~aa' e nijmitir~. Jø uíi'~ e lajob líí' e júu` jø, joba' 'né'` 'naam~ yee~naa' jee~ jalé'` e dseáang'~ ni'lé'` fí` ngúu'` táang`naa' jogui fí'` jmiguí'` quí'`naa', co'` lí'` lí'` 'né'` e nijáang'~ yee~naa' dseáang'~ congúia'` fí'` jaguó'` Fidiée` e laco'` nijmó'`naa' jmang'` e guíá'` uíi'~ e jmí'goo~naa' dsea` do.

Mí'` já'~ calíng~ dsea` Corinto júu` quiá'~ Dsea` Jmáang~

2 Jø fíi~guíi'` 'nú'` e nijmi'neáang`na' jnea'` e ngocáng` óo'`na'. Dsüco' cóo'~ jíi'~ jaang` dsea` fa'` nicajmó'`naa' e soo` dsi'`naa', o'gui mí'` ca'lee'`naa' quiá'~ jíi'~ jaang` dsea`, o'gui mí'` jmigóøng`naa' dsea` cajo.

3 Jø dsu'` ofa'` éen`n` 'nú'` cóo'~ e júu` la, co'` lí'` laco'gui la nicafíi~i` 'nú'` ie~ lami~ jéeng`gui do e dseáang'~ 'neáam`baa' 'nú'` nañi'` song see~naa' osi` nijúu~naa' é.

4 Jogui dseáang'~ lajii'~ e í` dsi'`baa, e joba' fíi~i` 'nú'`, jogui eáam'` íáang` dsii~ cóo'~ 'nú'`. Jogui jee~ jalé'` iihuíi'` e dsingíin~n` fí'` la, eáam'` jmi'íáang` dsii~ jogui cuøø~ bí'` 'ñiá'`a.

5 Jø lajii'~ ie~ lami~ cagüé~naa' fí'` la fí'` lí'` se'` Macedonia, ja` mí'` caliseá'` fí'` quí'`naa' fa' e nicajmi'íng'`naa' cateá', dsüco'` huíng` eáang` cangojée'` quí'`naa' lacaang` lí'` ngí'naa' uíi'~ e seeng` jaléng'` i` 'ní'` níi~ quí'`naa' lacúng'` lajíng~ lí'` ngí'naa', jogui e 'gó'`baa' cajo.

6 Jø dsu'` Fidiée` i` jmitíi'~ dsíi'` jaléng'` dsea` i` líng'` fíi'`, jø íb` dsea` nicajmitíi'r~ dsi'`naa' uíi'~ e nicagüéng~ i` dsea` rú'`naa' dsea` quiá'~ Dsea` Jmáang~ i` sii'` Tito.

7 Jø dsu'` o'` jíi'~ e cagüéng~ Tito fí'` la e íáang` dsi'`naa', co'` lajob líí'naa' cajo uíi'~ e eáam'` íáang` dsíi'` i` Tito la dsüco'` cajmi'íáang`na' dsír'. Jogui cajím'~biguir cajo e eáam'` íing~ 'nú'` e nimáang~tu'` jnea~, jogui cajím'~bir jalé'` fíi'` dsíi'` e jmoo'`na' uíi'~ jnea~ jogui cajo eáam'` guíng~ óo'`na' jnea~. Jø uíi'~ e lajob jmoo'`na', joba' cóo'~ e jø eáang`gui cali'íáang` dsii~.

8 Jø nañi'` fa' e jíi'` e casíin~n` quíi'`na' do lami~ jéeng`gui cajmée` e calíng~na' fíi'`, jø dsu'` ja` jó'` dsii~ lana uíi'~ e cajmé~e lajo. Jø cajob'` dsii~ dsu'` uíi'~ e huøøm~jiu` cajmee'`na' fíi'` cóo'~ jalé'` e júu` e fé'` e fí'` ní'` jíi'` do.

9 Jø dsu'` lanagui jmi'íáam` dsii~, dsu'` o'` uíi'~ e calíng~na' fíi'`, co'` jmi'íáang` dsii~ e la'eáang` cóo'~ e calíng~na' e fíi'` dsíi'` doba' e caquí'~ jíing'~ yaang~na' fí'` quini'` Fidiée`. Dsüco'` lí'` laco'` la tí'` dsíi'` Fidiée` cajmee'`na' e fíi'` dsíi'` e cangongíng~na' do, joba' jnea'` ja` ee'` ca'lee'`naa' quíi'`na' jíi'~ cóo'` cóo'~ e júu` e casíi'`naa' 'nú'` do.

10 Dsüco'` e lijjuung~ dsíi'` e íng'` dsea` laco'` la tí'` dsíi'` Fidiée` ja` se'r'` dsee~ mí'` dsingíiñ~ lajo, dsu'` e jø íng` ta` e laco'` niquí'~ jíng'` yaaiñ~ fí'` quini'` dsea` do, jø lajoba' nileáñ~ jee~

jalé` dsee` quiá'r-, jò ja` jó` dsí'r` jalé` e cangongúing` do. Jò dsu' jaléng` dsea` ì ja` cuíng` Fidiéé, mi` se'r` dsee` dsu' uíi` e iñ` jalé` fi'í` dsí', jòba' e jò jmoo` e 'naaiñ` congua' cóo` Fidiéé.

11 Jò quié`na' cuente e eáam' guiá` nica'uíng` quí`na' cóo` jalé` e fi'í` dsí' e nicangongúing`na' do! Có' nica'íng`na' e jò lí` laco' la tí` dsí' Fidiéé. Dsaco' e jò cajmée` e lajang` júu` ca'í` óo`na' laco' catíng` jogui e cajmi'óng`na' yaang`na', jogui e cajmi'óng`na' jnea~, jogui cajmée` e caligúing`na' uii` quí`na', jogui cajmée`bi cajo e ca'í` fò' quí`na'. Jò mi` cangí jò, cali'íing` 'nú' e nimáang`tu' jnea~, jogui ca'í` óo`na' e nicuó`na' iihuí` ì dsea` ì ca'ée` dsee` do. Jò cóo` jalé` e nicajmee`na' do nicajmiliing` yaang`na' e ja` ee` caquíng`na' jíi` cóo` jee` jalé` e cangojée` do.

12 Jò có' lajòb líi', jòba' mi` cajme'e e jì` e casín`n quí`na' do, ja` ca'í` dsii` uii` quiá` ì dsea` ì ca'lée` do o'gui uii` quiá` ì dsea` ì cangongúing` ga` do, jò dsu' cajme'e e jì` do e lí` laco' nililí` fí` quini` Fidiéé` jial tíi` guíng` óo`na' uíi` quí`naa'.

13 Jò uíi` e lajòb jmoo`na', jòba' nicalitíi` dsí`naa'.

Jogui o' cóo` jíi` e jò e nicalitíi` dsí`naa', có' eáang`guib nicali'íang` dsí`naa' dsu' e nicagüéng` Tito fí` la e íang` dsí'r` dsu' uíi` e nicacuó`na'r bí` jogui e nica'ee`na' guiá` cóo`r`.

14 Jò nicafíib` jnea~ Tito lami` jéeng`gui e eáam' íang` dsii` cóo` 'nú'; jòba' ja` lí` cøong` ta` cafí`ire lajò. Dsaco' dseáng` júu` jáb` jalé` e nicasíi`naa' 'nú' lí` laco'gui jíi` júu` e nicasíi`naa' Tito cajo cuaiñ` quiá` e eáam' íang` dsí`naa' uii` quí`na'.

15 Jò lana eáang`guib íang` dsí' Tito uii` quí`na' dsu' uíi` e cajmee`na' núu`na' júu` quiá'r-, jogui e guiá` óo`ba' ca'íng`na're mi` caguiér` fí` na.

16 Jò jnea~ eáam' íang` dsii` dsu' uíi` e dseáng` tab` dsii` cóo` 'nú'.

8

Mi` caseáng` cuu` e licóo` dsea` quiá` Dsea` Jmáang`

1 Jò lanagui, dsea` rú`naa' dsea` quiá` Dsea` Jmáang-, ii`naa' síi`naa' 'nú' jial tíi` guíng` Fidiéé` nicajméer` cóo` jaléng` dsea` quiá'r` ì neáang` fí` lí` se' Macedonia.

2 Jò nañi` fa' eáang` nica'íng` jaléng` ì dsea` do jalé` iihuí`, dsu' dseáng` eáam' íang` dsí'r`. Jò nañi` fa' tiñim`bre eáang`, jò dsu' e íang` dsí'bre nicaseáin` jalé` cuu` e laco' nijmicóo`r` dsea` rúin`, jò nicacuør` e jò lafa' eáang` sea` cuu` quiá'r`.

3 Jò tíib` ni` jnea~ e íang` dsí'b` ì dsea` do caseáin` jalé` e cuu` do lí` jie` jíi` e quí'r` jmí~, jò car` jíi` lí'gui lajò nicaseáin`.

4 Jò ì dsea` ì seeng` fí` lí` se' Macedonia do, eáam' cami'r` jnea` jmi'ee` e laco' nicuó`naa' fí` e cuóong` nijmicóo`r` jaléng` ì dsea` quiá` Dsea` Jmáang` ì seeng` fí` Jerusalén.

5 Jò dsu' lí'guib cajméer` jíi` laco' lami` í` dsí`naa', có' jì'gui cajáng` yaaiñ` la'uii` e nijmitir` dseáng` lajíi` e iing` Fidiéé, jò mi` cangí jò, cajáng` yaaiñ` fí` quini`naa' e laco' nijmitir` lajíi` e nisíi`naa're e nijmér` lí` jialco' la tí` dsí' Fidiéé.

6 Jòba' nicamíi`naa' Tito jmi'ee` e nisitíiñ` lajíi` e nicaseáang` 'nú' e íang` óo`na' lí` laco' jíi` e nicanaaiñ` sitíiñ` ie` lami` jéeng`gui do.

7 Jò jaléng` 'nú', la'eáang` cóo` Jmiguí` quiá` Fidiéé, quí`na' jmi` jmée`na' doñi` ee` uii` e já` líng`na' júu` quiá` Dsea` Jmáang-, jogui eáang` tíng`na' fo`na' júu` quiá` Fidiéé, jogui eáang` tíng`ngáng`na' e júu` jò, jogui eáang` guia` áa`na' e jmicóo`na' jaléng` dsea` rúng`na', jogui eáang` neáang`na' jnea` lí` laco' jíi` e calitíng`na' quí`naa', jò lajòba' 'né` e eáang`gui nisáng`na' cóo` jalé` e seáang`na' do.

8 Jò dsu' ofa' quiá`-u ta` 'nú' e dseáng` lajò 'né` nijmée`na'; dsaco' lico' jnea~ iin`n e nilíi` su dseáng` lajang` júu` neáang` 'nú', dsea` rúng`na', e laco' nililí` su guia` óo`na' e nijmicóo`na' dsea` rúng`na' lí` laco' jmoo` ì dsea` caguiaang` do.

9 Jò guiáb` niñi` 'nú' e Fíi`naa' Dsea` Jmáang-, uíi` e eáang` guíiñ` cóo` jneaa`aa', jòba' mi` cagüéin` fí` jmigüi` la ca'uíiñ` jaang` dsea` tiñíng` uíi` jneaa`aa', nañi` fa' jaang` dsea`

ἰ niing- eáam bre líiñ' fí' ñiff-. Jo cajmээр` lajō e laco' la'eáang' e ca'uíñ- jaang` dseá` tiñing-, joba' jneaa`aa' ni'ling'~naa' jalé' e jlo' e catí- naa'.

10 Jo e laco' ni'uíng- guíá- quí- na', joba' nifí- i 'nú' lajii'~ e í dsii- cuaiñ~ quíá'- e júu^ la. Co' jii'~ ie~ mi~ cajii'ba' canaang' 'nú' e caseáang'~na' jalé' e cuu- jo, jo dseáng' e ngocáng' óo'ba' cajmee`na' lajo.

11 Joba' lana jmité'na' cóo'~ lajii'~ e nicanaang- na' jmoo`na' do lí^ laco' jii'~ jialco' lí' dsitíng'~ quí- na'. Jogui jmee`na' lajo e iáang' áa'na' lí^ laco' líng'na' ie~ lamí- ca'f' óo'na' e canaang- na' cajmee`na' e jo.

12 Dsaco' mi~ jaang` dseá` dseáng'- lajang'- iáang` dsíir' e líng` go ee' iñ~ cuór-, joba' ím' Fidiée' lajii'~ e cuø' i dseá` do lí^ laco' jii'~ e dsitíng'~ quíá'r-, dsaco' ja' mí Fidiée' jalé' e ja` sea` quíá'- dseá`.

13 Jo dsu' ja' ii`naa' e fa' uíi'~ e 'nú' nijmicóo'~na' jaléng' i dseá` rúng'na' do, jo lajee` jo 'nú' nimó`na' oo-.

14 Co' guíá- guí e nilisea` conrøø` quí- na' lajaang` lajaang`na'. Dsaco' lanagui seab` quí- 'nú' lajii'~ e 'né- quíá'- i dseá` do. Jo dsu' mi~ coo' nées'~ guí i dseá` íb` nilisea` quíá'r- lajii'~ e 'né- quí- 'nú', jo lajoba' nilisea` conrøø` quí- na'.

15 Jo lí^ laco' guí la fé' fí' ni` jì' quíá'- Fidiée' lí' fé' lala: "Jo e caseáang- quíá'- i dseá` i casití' jmiguiá', o' guí cali`né- guí quíá'- i dseá` i casití' capí'."

Mí- cangó- Tito fí' Corinto

16 Jo cuøø-ø guí máang' Fidiée' uii~ e cajmээр` e Tito ca'f' dsíir' eáang' uíi'~ quí- na' lí^ laco' jii'~ e í dsi` jnea` cajo.

17 Jo ca'ib- dsíir' e nijmér- lajii'~ e cafi- ire, jogui co' eáam` guíng~ dsíir' 'nú', joba' 'ña'bre ca'f' dsíir' e nidsér- e nidsi'éer~ 'nú' fí' na.

18 Jo colíng~ cóo'~ Tito, nisín`n fí' na jaang` dseá` rú'naa' dseá` quíá'- Dseá` Jmáang- i eáang' guíá- fé' jaléng' dseá` quíá'- Dseá` Jmáang- uii~ quíá'- uíi'~ cóo'~ jalé' e guíá- e nicajmээр` lajee` e ngir' guiar' júu^ quíá'- jial laang` dseá` jee~ jalé' dsee- quíá'r-.

19 Jogui cajo jaléng' dseá` quíá'- Dseá` Jmáam`bing' caguíng' i dseá` do e laco' ningír- cóo'~ jnea'^ jogui e laco' nijmicóo'r~ jnea'^ e nidsicá'naa' jalé' e caseáang' do. Jo jalé' e jo jmoo`naa' e laco' jmi'goo`naa' Fí'naa' Fidiée' jogui e laco' niní dseá` jial tí' e iáang' dsí'naa' e jmicóo'~naa' dseá` rú'naa'.

20 Jo ii`naa' e ja' nifé' dseá` ga` uii~ quíá'- jial nées' ni`naa' jalé' e cuu- e seáang'~naa' la.

21 Joba' jmi'úung`naa' e jmoo`naa' jmang'^ e guíá-, jo o' jii'~ fí' quini~ Fí'naa' Fidiée' jmoo`naa' lajo, co' lajob jmoo`naa' cajo fí' quini~ jaléng' dseá` jmigü'.

22 Jo colíng~ cóo'~ i dseá` gáng- na, nisín`n fí' na jaang` guí dseá` rú'naa' dseá` quíá'- Dseá` Jmáang- i eáang' nicajmili~ e guíá' dsíir' e jmicóo'r~ jaléng' dseá` rú'naa'. Jo dsu' lana eáang' guí nijmilir~ e líiñ' lajo uíi'~ e nita~ dsíir' cóo'~ 'nú'.

23 Jogui cuaiñ~ quíá'- Tito fí- i 'nú' e líiñ' jaang` dseá` rú'naa' i ngí' jmoo` ta~ colíng~ cóo'~ jnea~ e laco' nijmicóo'~naa' 'nú'. Jogui fí- i 'nú' cuaiñ~ quíá'- i dseá` quíá'- Dseá` Jmáang- i gáng- guí do e líiñ' dseá` i casíng' dseá` quíá'- Dseá` Jmáang- i seeng' fí' la jogui e eáam` jmiféiñ' Dseá` Jmáang-.

24 Joba' fí- i 'nú' e jmi'neáang`na' i dseá` gaang` i sáing`naa' la, jo lajoba' nilita~ dsíir' e sea` uíing~ e jnea'^ eáang' iáang` dsí'naa' uíi'~ quí- na'. Jo lajoba' niliñí' cajo jaléng' dseá` quíá'- Dseá` Jmáang- caguiaang- guí e dseáng'- lajang'^ júu^ e 'neáang' 'nú' i dseá` gaang` na.

9

Jial caseáang' jalé' e 'né- dseá` quíá'- Dseá` Jmáang-

1 Jo lana, dseá` rú'naa' dseá` quíá'- Dseá` Jmáang-, lín`n e jo` ngíi~ lí' fa' 'né- e nisíng` guí jì' quí- na' cuaiñ~ quíá'- jalé' e 'né- seáang' e quíá'- nilicóo'~ i dseá` rú'naa' caguiaang- do i neáang' fí' Jerusalén,

² Co' niñi'baa guiá e eáam' iáang' óóna' e nijmée'na' lajo. Jōba' contøng e iáang' dsii' fñi' i jaléng' dsea' seeng' fí' lí' se' Macedonia e jii' ie' cajii'ba' e iáang' óó' 'nú', dsea' seeng'na' fí' na' fí' lí' se' Acaya, e nijmicóo'na' jaléng' dsea' rúng'na' dsea' quiá' Dsea' Jmáang'. Jo uí' e lajōb iáang' óóna' e jmoo'na', jōba' lajōb iing' nijmé' cajo jaléng' i dsea' seeng' e fí' lí' se' Macedonia do.

³ Jo dsu' lanagui lab nisñn' fí' na' laji' gaang' i dsea' quiá' Dsea' Jmáang' la, jo lajōba' nililí' e dseáng' já' lajii' júu' e nicafá' a uii' quií'na' cuaiñ' quiá' jalé' e seáang'na' do. Co' jnea' iin' n e néeb' guiá' quií'na' lí' laco' nicafá' a lami' jéeng'gui.

⁴ Jo lajōb 'né' jmée'na', co' jial fíng song cangolíng' cóo' jnea' fí' na' tú' 'ní' míng' dsea' i seeng' fí' Macedonia, jo ninír' e ja' mí' néé' guiá' quií'na'. Jo song lajōb lí' quií'na', jōba' fí'ib' nicá' jnea' jóng' uí' e eáang' nicajmita' dsi'naa' cóo' 'nú'. Jo fá' a e júu' na' laco' ja' nifá' a e 'núb' dsea' ni'íng'na' e fí' i' do.

⁵ Jo uing' e lajōb, jōba' nica'f dsii' e dseáng' guím' e jang' nimí' i i dsea' rú'naa' dsea' quiá' Dsea' Jmáang' la e jang' nidsi'eer' 'nú' la'uii', jo lajōba' cuøng' e nijmicóo'r' 'nú' e niseáng' lajii' e nicacuó'na' júu' quií'na' lami' jéeng' e niseáang'na'. Jo lajōba' niné' guiá' lajalé' e nicaseáang'na' do e iáang' óóna', jo o' e 'mang' óóna'.

⁶ Jōba' fñi' i 'nú', dsea' rú'naa', e téé' óóna' e júu' la: "I dsea' i ja' leáang' mijú' jni', jōba' ja' leáang' nisitíiñ' mí' niró'. Jogui i dsea' i jni' jmiguiá' mijú', jōba' jmiguiab' nisitíiñ' mí' niró'."

⁷ Jōba' lajaang' lajaam' dsea' 'né' cuør' lajii' e nica'f dsíir' e nicuør', jo ja' 'né' cuør' e jo e lijjuung' dsíir' osi e laguidseaang' é, dsuco' eáam' 'neáang' Fidié' jaléng' i dsea' i cuør' e iáang' dsíi'.

⁸ Jo quíib' Fidié' jmí' jmér' e nidsijéé' guiá' quií'na' e laco' nilisea' jmiguiá'gui jalé' e 'né'na'. Jo lajōba' nilisea' quií'na' lalíng' jalé' e jo, jogui cajo niseáam' bi e laco' cuøng' nijmicóo'na' jaléng' dsea' rúng'na' i 'né' quiá' lajo.

⁹ Dsuco' lalab fé' fí' ni' jii' quiá' Fidié':

Jo e iáang' dsíi'bre nicacuør' jaléng' dsea' tiñíng', jogui jalé' e guiá' e cajméer', dseáng' ja' tōo' jmí' fa' e ni'íng'.

¹⁰ Jo Fidiéeb' dsea' cuør' jalé' e mijú' e jni' dsea', jo í'bi cajo i cuør' e laco' sea' jalé' e gø' dsea'. Jo íb' dsea' nicuør' 'nú' lajalé' e 'né' quií'na' e laco' nijngá'na', jogui dsea' íb' cajo dsea' nijmér' e nidsicuáng'gui jalé' e ro'na' e laco' cuøng' e jmicóo'na' e iáang' óóna' jaléng' dsea' rúng'na'.

¹¹ Jo lajōba' nilisea' quií'na' langíng' íng' jalé' e 'né'na' e laco' cuøng' e eáang'gui nijmicóo'na' dsea' rúng'na' e iáang' óóna'. Jo mí' nijáa'na' jaléng' dsea' rú'naa' dsea' quiá' Dsea' Jmáang' jalé' e cuu' e nicaseáang'na' do, jōba' eáang' nicuør' gui'máang' Fidié'.

¹² Dsuco' lajii' e nidsicá'naa' do e nicuør'naa' i dsea' rú'naa' do o' jii' lico' nijmicóo'naa'r cóo' jalé' e 'né', co' lajōb cajo, la'eáang' cóo' jalé' e nicuør'naa'r do, nijmé' e eáang'gui nicuør' gui'máang' Fidié'.

¹³ Jo jaléng' i dsea' i ni'íng' lajii' e nicaseáang'na' do, eáang' nijmiféiñ' Fidié', co' nililí'r' e dseáng' jmoo' 'nú' náa'na' e júu' quiá' Dsea' Jmáang' e nijá' calíng'na' do. Jogui lajōbi i dsea' do cajo nijmí'gøbre Fidié' uí' jalé' e iáang' óóna' e nicajmee'na' guiéé' jee' ír' jogui jee' jaléng' i caguiaang'gui cajo.

¹⁴ Jogui i dsea' do nimí'biguir Fidié' uii' quií'na' car' ngocáng' dsíir' uí' jalé' e eáang' guiá' e nicajmée' Fidié' cóo' 'nú'.

¹⁵ Jo gui'máang' Fidié' uí' quiá' e nicacuør' jneaa'aa' e ja' cøng' cóo'! Jo dseáng' ja' ne'naa' e cóo' júu' nifé'naa' cuaiñ' quiá' e jo!

10

Mí' cajmi'øng' 'ñia' Paa' quiá' jaléng' dsea' i 'nñng' ír'

1 Jnea~ Paa~, jo lana mii~i 'nú' jmi'ee~ la'eáang' cóo~ Dsea` Jmáang~, i dsea` i ja` jmiféng' 'ña' jogui i eáang' guiúng~. Jo seem` dsea` i fé' e mi~ táang' jnea~ jee~ 'nú', lín'n jaang' dsea` i ja` e júung~, jogui mi~ táan'n lí huí~, lín'n jaang' dsea` i teáb` dsí' fé' júu` ii`.

2 Joba' mii~i 'nú' jmi'ee~ e mi~ niguiéé' e ni'ee~ e 'nú' fí' na, ja` jmée'na' jii~ cóo~ e ja` dseeng' e laco' ja` nijmee~ e ii` júu` quié~ e cóo~ jaléng' 'nú' lí' laco' í dsii~ e nijmee~ e cóo~ i líng~ 'nú' i 'níng' jnea~ e jmoo~naa' jalé' e jmoo~naa' lí' laco' lí' dsii'naa' yee~naa'.

3 Jo e já' e lí'naa' dsea` jmigüí, jo dsu' ja` jmáang'~naa' ta~ jalé' e tíng' ngáng' dsea` jmigüí e laco' nilí'naa' jaléng' i 'ní' ní' júu` quiá' Dsea` Jmáang~.

4 Co' jnea' ja` jmáang'~naa' ta~ jalé' e quí' tíng' dsea` jmigüí jmáin' ta~ mi~ 'ní' níng~ rúin'. Co' jnea' jmáang'~naa' ta~ bí' 'gøng' quiá' Fidié~, co' e joba' quí' jmi~ ni'íng~ jalé' e jníng' quiá' júu` quiá' dsea` do, jogui cóo~ e bí' 'gøng' doba' ni'íng~naa' jalé' e 'níng' júu` quiá' Fidié~.

5 jogui cóo~ e joba' ni'íng~naa' cajo jalé' júu` róa~ e ja` cuø' fí' e nilí' dsea` júu` quiá' dsea` do. Jogui jalé' e í dsí' dsea` jmigüí, fí' jaguó' Dsea` Jmáang~ guí'naa' e jo e laco' nijmé~ núu' jalé' ta~ quiu' dsea` do.

6 Jo mi~ nijmoo' 'nú' núu'na' laco' sí' júu` quiá' Dsea` Jmáang~, jo song lajee~ jo seem'bi i líng~ 'nú' i ja` jmoo' lajo, joba' dseáng' néeb' guí' qui'naa' e nicuø'naa' iihuí' jaléng' i dsea` í.

7 Jo 'nú', mi~ ee'go jøø'na', lico' jøø'na' jii~ laco' jnéeng~, dsu' ja` ca'na' cuente jial dseáng' lí'. Jo song i líng~ 'nú' ta' ó'na' e líng'na' dsea` quiá' Dsea` Jmáang~, joba' 'né' ní'ba' e dsea` quiá' Dsea` Jmáam~ líng' jnea' cajo.

8 Jo nañí' fa' cangü~biji e fé'naa' guí' uii~ quiá' e ta~ e oo~naa' jee~ 'nú', jo dsu' ja` jmoo' i' lín'n uí' e nicajmée' e lajo. Dsuo' Dsea` Jmáam~bing' i nicacuø' jnea' e ta~ e oo~naa' la e laco' nijmó'naa' e 'nú' teá'gui nisíng'na' cóo~ júu` quiá'r~, jo o' laco' e niqing' tu' tucang'na' fí' lí' niteáang'na'.

9 Jo ja` iin~n e í' ó'na' e lico' fón'na' 'nú' cóo~ jalé' e jmo' o' fí' ní' jii' quié~ e.

10 Jo seem` i fé' e eáam' ii` jogui huí' jalé' júu` e tóo' fí' ní' jii' quié~ e, jo dsu' mi~ táan'n jee~ 'nú' fí' na, ja` ee' tí' jii' capí', jogui ja` 'ga' lí' jmi'gó' dsea` jnea~ mi~ fá'a.

11 Dsu' jaléng' i dsea` i fé' lajo 'né' e ní'bre e lí' laco' la líng' jnea' cóo~ jalé' e fé'naa' fí' ní' jii' lajee~ see~naa' huí~, dseáng' lajob lí'naa' cajo cóo~ jalé' e jmoo~naa' mi~ niguiéé'naa' jee~ 'nú' fí' na.

12 Jo e jáb' e ja` teá' dsii'naa' e nicøøng~ yee~naa' conrøø' cóo~ jaléng' i dsea` i jmoo' ta~ jmicøøng' yaang~. Co' iib' jmáng' yaang~ jaléng' i dsea` i jmoo' ta~ lajo mi~ guiéeng' í' la'ó' yaaiñ~ jogui mi~ cóøng' rúin' conrøø' quiá' jial líin' lajaang' lajaaiñ'.

13 Jo dsu' jnea' ja` nijmijløng' yee~naa' lí'gui jii~ laco' sí' cóo~ e ta~ e oo~naa'. Dsuo' Fidié'bing' i quiu' ta~ qui'naa' jie~ jii~ lí' catí'naa' e nijmó'naa' ta~, jo jee~ jo quíng' 'nú', dsea` seeng'na' fí' na fí' Corinto.

14 Jo uí' e lajob lí', joba' jnea' ja` cajmé'naa' ta~ lí' ja` catí'naa' ie~ lami~ calisé'naa' jee~ 'nú' lami~ jéeng'gui. Co' jneab~ dsea' la'uii' i cangoca~ júu` quiá' Dsea` Jmáang~ jee~ 'nú'.

15 Jo jnea' ja` jmiráang' yee~naa' cóo~ jalé' ta~ e nicajmée' dsea` jiéng' e jmoo~naa' ta~ lí' ja` catí'naa'. Co' jnea' lí' lí' sijeeng'naa' e eáang'gui nijmó'naa' ta~ jee~ 'nú' e lí' laco' ngóo' teá'gui síng'na' cóo~ júu` quiá' Dsea` Jmáang~. Jo dsu' nijmó'naa' lajo jee~ 'nú' jie~ jii~ lí' catí'baa'.

16 Jogui jnea' sijeem'baa' cajo e niguiá'guí' júu` quiá' jial laang' dsea` jee~ dsee~ quiá'r~ e fí' lí' huí'gui eáang' laco' neáang' 'nú', jo dsu' ja` ii'naa' nijmó'naa' lajo fí' lí' ja` catí'naa'. Dsuo' jnea' ja` ii'naa' fa' jmiráang~ yee~naa' cóo~ jalé' ta~ e nicajmée' dsea` jiéng'.

17 Jogui song seeng' dsea` i iing~ jmiféng' 'ña', joba' guí'gui e güijmifém'bre Fí'naa' Fidié~.

18 Ds̄uco' i dsea' i fé' Fidiéé' guiá' uii' quiá' , i dsea' í'bing' i cat'ing' nili'goo', jo o' i dsea' i lico' fé' guiá' uii' quiá'r' ñia'r'.

11

'Né- ñiing' dsí' dsea' cóo' jaléng' dsea' i jmigoo'

1 Jo lana ne' duu' su nité' 'nú' e féng' áa'na' song lí' júu' jí' jalé' e nifá' a la! Jo dseáng' jmee' ba' té' na' cóo' jnea' jialco' jí' e cuóøng'.

2 Jo jnea' ñ'baa 'goo' quí'na' e jie' mi' jmee'na' jalé' e ga'. Co' 'nú' líng'na' lafa' jaang' simí' i ja' ee' sí'ling', joba' nicacuóø' jnea' 'nú' júu' quíe' e e nijéen' 'nú' e lafa' nicúung'na' guó'na' dseáng' cóo' jaam' dseañu', jo i dseañu' í, íb' Dsea' Jmáang'.

3 Jo dsu' jnea' 'gó'baa e niligøøng' 'nú' cóo' jalé' e í' ó'na', jo jalé' e jo nijmé' e ni'náng'na' e jmiféng'na' Dsea' Jmáang' e guiá' ó'na' jogui e ngocáng' ó'na' lí' laco' calí' i mi' do cajmigøøng'ne' Eva ie' malí' do.

4 Co' 'nú' jmoo'ba' té'na' e íaang' ó'na' cóo' lí' doñí' jí' dsea' i guiéé' fé' júu' quiá' i jíéng'gui laco' Jesús lí' laco' e júu' e nicaguiá' jnea' jee' 'nú'; jogui e guiá' ó'ba' íng'na' jmiguí' e jie' lí' laco' e Jmiguí' quiá' Fidiéé' e nica'íng'na' do; jogui íng'na' cajo júu' e jie'gui quiá' jial laang' dsea' jee' jalé' dsee' quiá'r' lí' laco'gui e nica'íng'na' do.

5 Jo dsu' jnea' ja' í' dsii' fa' e uóng'gui laco' i dsea' i jing' e líiñ' dsea' cóøng' i síng' Dsea' Jmáang' cuaiñ' quiá'r' cóo' i güitáang' 'nú' do.

6 Jo nañí' fa' jnea' ja' tñ'n fá' a júu' jlo' mi' guiaa' júu' quiá' Fidiéé', jo dsu' ja' lñ'n lajo cóo' jalé' e tñ'n ngán'n. Jo 'núb' dsea' nicañí'na' e lajob lí'naa' cóo' jalé' e nicajmé'naa' jee' 'nú'.

7 Jo ja' í' áa'na' e cajmé' e e ga' dsu' uí' e ja' cacá'a jí' ca'í' ie' lami' caguiá'a jee' 'nú' e júu' quiá' jial laang' dsea' jee' jalé' dsee' quiá'r', co' ie' jo, jnea' cajgiaang' 'ñia'a' fí' quiní'na' e laco' 'nú' casáng'na' yá'gui.

8 Co' jnea' nica'ín'n cuu' e nicacuóø' dsea' quiá' Dsea' Jmáang' i seeng' fí' lí' jie' e laco' sea' e jmáan'n ta' lajee' e jmoo' ta' fí' quiní'na'.

9 Jo lajee' e cataan'n jee' 'nú' líim' ee' cali'né'e, jo dsu' jí' jaang' 'nú' líing' ee' camí'í, co' mi' cagüíling' jaléng' dsea' rú'naa' dsea' quiá' Dsea' Jmáang' i seeng' fí' lí' se' Macedonia, í'bing' i cacuóø' jnea' jalé' e 'né'e. Ds̄uco' jnea' cajmé' e úung' e ja' ee' camí'í 'nú' e 'né'e, jogui dseáng' lajob nijmee'gui cajo e jí' coo' ja' ee' nimí'í 'nú'.

10 Jo uí' e dseáng' e eáam' nita' dsii' e cuí'baa jalé' júu' quiá' Dsea' Jmáang', joba' jí' jaang' dsea' i seeng' fí' latøøng' lí' se' Acaya cuóøng' lí' jniñ' quíe' e e eáang' íaang' dsí' dsu' uí' e ja' mí' camí'í 'nú' jalé' e 'né'e.

11 Jo ¿jialí' fá' a lala líng' 'nú'? ¿Su e í' áa'na' e ja' 'neáan'n 'nú'? ¡U, dseáng' o' lajo! ¡Co' ñib' Fidiéé' e eáam' 'neáang' jnea' 'nú'!

12 Jo dseáng' mí' 'noo'bi nijmee' e jí' laco' jmoo'o' jee' 'nú', jo lajoba' ja' nicuóøø' jaléng' i dsea' i ngí' 'nó' uíing' jial e nijmi'íáang' dsíir' jí' laco' e íaang' dsí' jnea'.

13 Co' jaléng' i dsea' í' lico' ngir' jmóor' ta' jmigøøng' dseab', ds̄uco' ngir' fé'r' e líiñ' dsea' i casíng' Dsea' Jmáang' cuaiñ' quiá', jo dsu' o' já' e líiñ' lajo.

14 Jo dsu' ja' dsigá' dsí'naa' e jmóor' lajo, ds̄uco' 'ñia' fii' i 'líng' i síi' Satanás cajo, jmáng' 'ñia'r' e líiñ' lafa' jaang' ángel i jing' i casíng' Fidiéé'.

15 Jo ja' 'né' fa' e nidsi'gá' dsí'naa' cajo, co' lajob líng' jaléng' i dsea' i jmoo' ta' quiá' fii' i 'líng'; co' jaléng' i dsea' í' jmáng' yaaiñ' e líiñ' dsea' guiúng'. Jo dsu' niguiéeb' jmí' mi' ni'íñ' iihu' lí' laco'gui cat'ing' cóo' jalé' e jmóor' do.

Jalé' iihu' e cangong'ng' Paa'

16 Jo fí' túu' 'nú' calé' catú' e jí' jaang' 'nú' ni'í' áa'na' e jnea' ja' røø' lí'í; jo dsu' song lajobi í' áa'na' e lñ'n, joba' cuóø'na' jnea' fí' e nifón'n 'nú' laco'gui fé' jaang' dsea' i líng' lajo, jo lajoba' cuóøng' e nijmee' jnea' e ráan'n capí'.

17 Jo dsu' e jmiráang^ jiu 'ñiá' a la jmóo' o lajo e lafa' ja' røø lí' baa jo dsu' o' laco' ta~ quiu' Fí'naa' Dsea' Jmáang~ e nijmee~e.

18 Dsuo' fím' dsea' seeiñ' e jmiráang~ yaaiñ~ cóo'~ jalé' e tuiñ' ngáiñ' fí' jmigüi' la, joba' lajob nijmiráang^ 'ñiá' jnea~ cajo.

19 Jo e jáb'~ e eáang' jmí' 'nú', jo dsu' jmoo'ba' té'na' e iáang' óo'na' cóo'~ jaléng' i dsea' i ja' røø lí',

20 jogui jmoo'ba' té'na' cajo cóo'~ jaléng' i dsea' i quiu' 'nú' ta~ e nijmee^na' ta~ fí' quinir~, osi e jmi'í' r~ jalé' e sea' quií'na', osi e jmigóøiñ' 'nú', osi e ja' jí' r~ 'nú', osi e jmáiñ' 'nú' ga' é.

21 Jo dsu' i' lím~ baa e nifí' i 'nú' e jnea' ja' caliseá' bí' quií'naa' fa' cajmó^naa' lajo cóo'~ 'nú'.

Jo song i dsea' i caguaang~ gui do teáb' dsí' r' e jmiráang~ yaaiñ~, joba' teáb' dsí' jnea~ e nijmee~e lajo cajo, nañí' fa' fá' a la fé' jaang' dsea' i ja' røø lí'.

22 Co' jmiráang~ yaang~ i dsea' í' dsu' uí'~ e lúí' dsea' hebreo, jo dsu' lajob líng' jnea~ cajo; jogui jmiráang~ yaaiñ~ dsu' uí'~ e lúí' dsea' Israel, jo dsu' lajob líng' jnea~ cajo; jogui jmiráang~ yaaiñ~ dsu' uí'~ e lúí' siju' 'lí' yú'~ Abraham, jo dsu' lajob líng' jnea~ cajo.

23 Jogui i dsea' í' jmiráang~ yaaiñ~ e jmóor' ta~ e nicangúí'~ quiá'~ Dsea' Jmáang~, jo dsu' jnea~ gui eáang' gui jmóo' o e ta~ e nicangúí'~ quiá'~ Dsea' Jmáang~ laco'gui i dsea' í'; jo dsu' fá' a lana lafa' fé' jaang' dsea' i ja' røø lí'. Dsuo' jnea~ eáang' gui nicajmé~ e e ta~ jo laco'gui i dsea' í', jogui jmigui'gui ya' nicajníng' dsea' jnea~ fí' dsí' 'nuñí' laco'gui i dsea' í', jogui eáang' gui nicabóøng~ dsea' jnea~ laco'gui i dsea' í', jogui cajo jmigui'gui ya' jiu' ja' mí' cajún~ n.

24 Jo lajee' 'ñiá' née'~ cabóøng~ dsea' judío jnea~ guigui' dsí' ñá' ya' cóo'~ 'nii'.

25 Jogui 'ni' ya' cabóøiñ~ jnea~ cóo'~ sii~, jogui coo' ya' casi' ló' r' jnea~ cuu~. Jogui 'ni' ya' cango'ang' móo' fí' lí' iuun~, jogui coo' ya' cangongúí'~ n e cajáa' a fí' ni' jmiñí' lajee' coo' jmiñ' jogui coo' uóø'.

26 Jogui eáam' nicajmé~ e ta~ ngí', jogui eáam' nicalidseáang'~ seen~ mi~ cuóo'~ o jalé' gua' jogui mi~ jín' n jaléng' i~ jogui mi~ seen~ jee~ jaléng' dsea' góo' o cóo'~ gui mi~ seen~ jee~ jaléng' dsea' i ja' líng' lajo. Jogui lajobi nicalidseáang'~ seen~ fí' lacaang' góo' dsea' cóo'~ gui lacaang' jee~ mó' jogui lacaang' fí' ni' jmiñí'. Jogui nicalidseáam'~ bí' seen~ cajo fí' jee~ jaléng' dsea' i jmicaang~ e lúí' dsea' quiá'~ Dsea' Jmáang~.

27 Jo eáang' nicajmé~ e ta~ ii', jogui huíng' nicangojée' quié~ e, jogui jmigui'ab' ya' ja' mí' caliseá' fí' quié~ e fa' e güí' n laco' sí' í', jogui nicamó~ baa oo~ cóo'~ jalé' e gó'ø jogui cóo'~ jalé' jmiñ' e gú' u, jogui jmigui'ab' ya' nicajáa' a e ja' mí' cagó'ø ii', jogui nicangongúí'~ baa iihu' mí' tí' jii' güí', jogui nicangongúí'~ baa iihu' cajo uí'~ e ja' sea' sí' i.

28 Jo o' cóo'~ jii'~ e na eáang' huíng' nicangojée' quié~ e, co' eáang' huíng' dsijée' quié~ e laco' jmiñ' uii' e guíng' dsii' jial seeng' lajaléng' dsea' quiá'~ Dsea' Jmáang~.

29 Jo song i líng' dsea' quiá'~ Dsea' Jmáang~ ja' qui' r' jmiñ' cóo'~ e ta~ e nicangúí'~ quiá'~ Fidié~, joba' lafa' lajob líng' jnea~ cajo. Jogui song i líng' i dsea' la' í' cajméer' e catóng' jaang' gui dsea' rúí' fí' ni' dsee~, joba' eáam' niliguií' n.

30 Jo song seab' uíng~ e nijmiráang~ 'ñiá' a, joba' lajob nijmee~e cóo'~ jalé' e cuø' lí' e ja' qui' i' jmiñ' jmóo' o.

31 Jo Fidié~, i líng' Tiquiá' Fí'naa' Dsea' Jmáang~, í'bing' i catíng~ nijmiféng'naa' car' ngongúí' jmiñ', jogui dsea' íb' dsea' niñí' røø' cajo e jmang' í' júu' já' ba' nicafá' a.

32 Jo ie~ mi~ cataan~ n fí' Damasco, i dseata~ i quiu' ta' fí' jo i jmoo' ta~ quiá'~ dseata~ dsea' féng' i sii' Aretas do, casiñ' 'lée~ quiá' r' fí' tii' jní' e lí' sí' íá' cuu~ e sí' lacúng' e fii' do e laco' ja' nicuør' fí' e nijúu' u, co' lamí' iíñ' e nisáiñ' jnea~ jo nitóø' jnea~ fí' dsí' 'nuñí'.

33 Jo dsu' calisém' dsea' i cajgiáang~ jnea~ fí' dse' e íá' cuu~ quiá'~ e fii' do e iuun~ fí' coo' dsí' 'matá', jo lajoba' calí' i e caláan~ n fí' jagoó' i dseata~ do.

12

Jalé' e cangá- Paa-

¹ Jo nañí fa' jii'~ coo' ja ee' lí'~ i dsu' uí'~ e jmiráang'~ ñiá'a, jo dsu' lanagui 'né-ba' e nifí'~ i 'nú' jalé' e nicamó'~ o lafa' mi'~ quí'~ jogui jalé' e nica'ín'~ n e ja' mí' cajmijnéeng' Fidié'~ jéeng'gui.

² Co' jnea'~ cuím'~ baa jaang' dseañu'~ i líng' dse' quiá'~ Dsea' Jmáang'~, jogui lana ningóo'~ guiquí'~ jii'~ mi'~ cajéeng' Fidié'~ ír' cateá' fí' lí' catí' 'ní' yá'~ jmigüí'. Jo dsu' ja' ñii'~ si cangó'~ i dse' do cóo'~ ngúu' táaiñ'~ osi lajii'~ jmigüí' quiá'~ bre é, co' dseáng'~ lajii'~ Fidié'~ bing' i ñi' jalé' e jo.

³⁻⁴ Jo dsu' ñib' jnea'~ e i dseañu'~ do cangór'~ fí' ñifí'~, jo fí' jo canúur'~ júu' e dseáng'~ jii'~ ja' ñi' dse' jial nifé'r' uí'~ e jlo'~ eáang', jogui e jii'~ jaang' dse' jmigüí' sea' fí' quiá'r'~ fa' e nifé'r' lajo; jo lifa' doba' ja' ñii'~ su cangó'~ i dse' do cóo'~ ngúu' táaiñ'~ osi jii'~ cóo'~ jmigüí' quiá'~ bre é, co' dseáng'~ lajii'~ 'ñiab' Fidié'~ ñir' e jo.

⁵ Jo jnea'~ cuóom' lí' jmiráang'~ ñiá'a uii'~ quiá'~ jaang' i dse' la'í', jo dsu' o' nijmiráang'~ ñiá'a uii'~ quié' e 'ñiá'a, lifa' nijmiráam'~ ñiá'a jii'~ quiá'~ e ja' quí'~ i jmi'~ jmee'~.

⁶ Jo nañí fa' iim'~ baa e nijmiráang'~ ñiá'a, jo dsu' song jmóo'~ lajo, ofa' e lín'n jaang' dse' i ja' røø' lí', dsuco' júu' já' lí' jalé' e fá'~ a na. Jo dsu' ja' iin'~ n e ni'í' dsí' dse' e niing'~ guí' jii'~ laco' e jnéen'~ n osi laco' jii'~ e jmóo'~ osi jii'~ laco' e fá'~ a é.

⁷ Jo dsu' e laco' ja' ni'í' dsii'~ e niing'~ guí' laco' jii'~ e lín'n lana dsu' uí'~ e ca'iin'~ n quiá'~ Fidié'~ jalé' e jlo'~ e ja' mí' cajmijnéeiñ' jéeng'gui, joba' cang'ñ'n coo' iihu'í' e lí' lafa' coo' tóo' e ca'ién'~ n, jo e jo lí' lafa' coo' e jmáng'~ ta' fii' i 'líng' i sii' Satanás e jmáiñ'~ jnea' ga'.

⁸ Jo 'ní' néé'~ nicamí'~ i Fii'naa' Dse' Jmáang'~ e nijér'~ e iihu'í' do quié'~ e,

⁹ jo dsu' ír' nicasí'r'~ jnea'~ lala: "Lajii'~ e guiún'~ n cóo'~ 'nú'ba' e 'né'~ quií'~, co' la'eáang' cóo'~ jaléng' i dse' i ja' quí'~ jmi'~ yaang'~ cóo'~ jalé' e jmóo'~ eáang'gui jnéeng'~ jial tí' 'gøn'n." Jo uí'~ e lajob lí', joba' jmi'iaam'~ dsii'~ cóo'~ jalé' e ja' quí'~ i jmi'~ jmee'~ e 'ñiá'a, co' la'eáang' cóo'~ e joba' jmili'~ Dse' Jmáang'~ jial tí' 'gøiñ'.

¹⁰ Jogui jmi'iaam'~ dsii'~ cajo uí'~ quiá'~ jalé' e ja' quí'~ i jmi'~ jmee'~ e 'ñiá'a do, jogui lajob lín'n cajo mi'~ jmineang'~ dse' jnea'~, jogui mi'~ ja' 'ga' lí' sea' jalé' e 'né'~ e, jogui mi'~ jmáng'~ dse' jnea'~ ga', jogui mi'~ dsijéé' huíng'~ quié'~ e; jo dsu' lí'iaang'~ dsii'~ mi'~ dsing'ñ'n jalé' e na dsu' uí'~ e lín'n dse' quiá'~ Dse' Jmáang'~, dsuco' mi'~ lí'~ i e eáang'gui ja' quí'~ i jmi'~ jmee'~ 'ñiá'a, joba' eáang'gui quí'~ i jmi'~ e jmóo'~.

Eáang' guing' dsí' Paa' jaléng' dse' i seeng' fí' Corinto

¹¹ Jo jnea'~ lafa' jaang' dse' i ja' røø' lí' lín'n uí'~ cóo'~ jalé' e nicafá'~ a na uii'~ quié'~ e; jo dsu' 'núb' dse' nicacuóo'~ na' jnea'~ 'goo' e nicafá'~ a lana. Co' 'nú' dse' catíng'~ na' e nifo'~ na' guiá'~ uii'~ quié'~ e. Jo nañí fa' ja' 'ga' lí' niim'~ bi jnea'~, dsu' ja' uóng'~ guí' laco' i dse' caguiaang'~ gui i güitáang'~ 'nú' cóo'~ do i ngí' fé' e líiñ' dse' cóong'~ i casíng' Dse' Jmáang'~ cuaiñ'~ quiá'r'~.

¹² Jo 'núb' dse' tí' ní'na' e lajee'~ e nicataan'~ n jee'~ 'nú', dseáng'~ lajang'~ júu' lím'baa jaang' dse' i casíng' Dse' Jmáang'~ cuaiñ'~ quiá'r'~, co' nicajmé'~ baa té' e cóo'~ jalé' iihu'í' e dsing'ñ'n. Jogui cuø' lí' cajo e lím'baa jaang' dse' la'í' uii'~ cóo'~ jalé' e lí' e quí'~ i jmi'~ e dsigá' dsí' dse' e nicajmé'~ e la'eáang' cóo'~ bí' 'gøng' quiá'~ Fidié'~.

¹³ Jo dsu' ofa' cajmi' uóng'~ guí' 'nú' uí'~ e ja' ee' camí'~ i 'nú' fa' e nijmicóo'~ na' jnea'~ lí' laco'gui nicajmé'~ e cóo'~ jaléng' dse' quiá'~ Dse' Jmáang'~ i seeng' fí' lí' jié'. Joba' féng'~ óo'na' uii'~ quié'~ e fíng' song uí'~ e joba' cajmiquíng'~ óo'na'.

¹⁴ Jogui lanagui ninéeb'~ guiá'~ quié'~ e e ni'ée'~ túu' 'nú' e catí' 'ní' ya', jo dsu' o'gui lana nimí'~ i 'nú' jalé' e 'né'~ e. Dsuco' ja' 'nó' jnea'~ jalé' e sea' quií'~ 'nú', dsuco' jii'~ 'nú' bing' i 'nán'~ n. Co' 'núb' dse' líng'~ na' lafa' jóo'~ o, cofa' jaléng'~ tiquiá'~ dse' 'né'~ to' fí' m'bre jiuung'~ quiá'r'~, jo o' i jiuung'~ quiá'r'~ do 'né'~ to' fíng'~ tiquiá'r'~.

15 Jo jnea~ e guiá~ dsi'baa nijmeáan'~n ta~ jalé' e sea` quié~e, jo jì'gui cartí' 'ñiá'a nijmeáan'~n 'ñiá'a lajo e laco' ni'uíng~ guiá~ quíi~na'; jo dsu' laco' ngóo' e eáang'gui lí'neáan'n 'nú', 'nú' lí' riquí' jmoona' cóo'~ jnea~, co' jia~gui 'neáang'na' jnea~ laco' yá'.

16 Jo e jáb'~ e lajee~ e cataang~ jnea~ cóo'~ 'nú' fí' na, jíi'~ coo' ja` ee` camí'~i 'nú' e 'né~e, jo dsu' seem` i líng~ 'nú' i fé' e lico' cajmé~e e caligóm'ba' e jíi'~ ja` calilí'na' lajo.

17 Jo dseáng'~ ja` mí' cajmigóøng' jnea~ 'nú' cóo'~ i dsea` i nicasíin~n i nicango'ee~ 'nú' fí' na.

18 Jo camí'~i Tito jmi'ee~ e nidsi'éer' 'nú' fí' na, jo colíing~ cóo'~ ír' casín~n i jaang'gui dsea` rú'naa' dsea` quiá'~ Dsea` Jmáang~. Jo i Tito do dseáng'~ ja` cajmigóøm'bre 'nú' mí' caguiér' fí' na; jo dseáng'~ e jáb'~ cajo e laji' huóo~baa' røø' nica'ee~naa', co' conrøøb` í' dsi'naa'.

19 Jo jangám~ ni'í' áa'na' cóo'~ jalé' e júu^ la e jmi'óng' yee~naa' fí' quini'na', jo dsu' dseáng'~ o' lajo, co' jnea' lí' lí' fé'naa' fí' quini' Fidiéé' jalé' e júu^ na jogui uíi'~ e lí'naa' dsea` quiá'~ Dsea` Jmáang~ cajo. Jo jalé' e júu^ e síi'naa' 'nú', dsea` rú'naa' i 'neáan'n eáang', e lí' laco' nidsicuáng'gui quíi~na' cóo'~ júu^ quiá'~ Dsea` Jmáang~.

20 Jo fá'~ a jalé' e júu^ na, co' 'gób'~jia e mi~ niguiéé'e e ni'ee~e 'nú' fí' na, ja` niguién'n 'nú' jíi'~ laco' iin~n e líng'na', jogui 'nú' cajo ja` nimáang~na' jnea~ jíi'~ laco' e í' óo'na' e lí'n'n. Co' 'gób'~jia e jmoona' ta` jíng' jogui ta` dsihuíng' quiá'~ rúng' jogui ta` guíng' quiá'~ rúng' jogui ta` guíng~ dsíi' jíi'~ cuaiñ~ quíi~na' yaang~na', jogui e ngi'na' ta` quíe' jalé' adsee, jogui e éeng'na' dsea` rúng'na', jogui e jmiráang^ yaang~na', jogui cajo e 'lee~na' quiá'~ dsea` rúng'na'.

21 Jogui 'gó'~bí' cajo e mi~ niguiéé'e e ni'ee~e 'nú' fí' na calé' catú~, Fidiéé' nijmér~ e nilí' í' lí'n~n uii~ quíi~na', jogui nijmér~ cajo e nilíin~n fí'í' car' niquí'~i uii~ quiá'~ i fíng' 'nú' cóo'~ jalé' e dsee~ e ñilíing~na' ee~na' malíi' eáang', co' ja` mí' catúu'bi' e jmoona' jalé' e 'lí' e lí' dsíi' ngúu' táang'na' o'gui mí' catúu'na' e jmoona' jalé' e ja` catúing~ dsea` jmóor' cóo'~ ngúu' táaiñ' cóo'~ lí' doñí' i' dsea', jogui cajo dseáng'~ ja` mí' catúu'bi' e jmoona' jalé' e 'lí' lana lí' laco' quí'~ tñng'na' e jmoona' latí' jmi~ na.

13

Júu^ í' 'goo' lí' cadséng~ quiá'~ Paa~

1 Jo nití' 'ní' ya' e ni'ee~e 'nú' mí' niguiéé'e fí' na fí' Corinto. Jo fí' ni~ jì' quiá'~ Fidiéé' fé' e 'neáang~ gáng~ osi fíng'gui dsea` i tíi' ni~ e laco' cuóøng' ni'í' í' mí' ee'go ga' jmoona' dsea'.

2 Jo ie~ mí' cataan~n cóo'~ 'nú' fí' na e catí' tú~ ya', ca'í'baa' 'goo' quiá'~ jaléng' i nica'lee' lamí' jéeng'gui, jo co' lanagui huíim~ táan'n laco' seeng'na', joba' í'túu' 'goo' quiá'~ jaléng' í' jogui quiá'~ jaléng' dsea' caguiaang~gui cajo, e mi~ niguiéé'túu' fí' na, dseáng'~ ngóo' e guiab' dsii~ e nicuóøø' iihuí' laco' catúing~ lajaléng' í', jo dseáng'~ ja` nijmee~baa' féng' dsii~.

3 Jo dsu' uíi'~ e 'nú' iing~na' ñí'na' røø' e su' já' e fé' Dsea` Jmáang~ la'eáang' jnea~, joba' dseáng'~ ni'ée'baa' 'nú' e lajob' lí'. Jo Dsea` Jmáam~ ja` ua~ líiñ' cóo'~ jalé' e jmóor' jee~ 'nú', co' jmijnéem'bre jial' tíi' 'gøiñ'.

4 Jo e jáb'~ e jaang' dsea' jmi'güi' i ua~ líng' Dsea` Jmáang~ ie~ mí' cajúin~ fí' dse' crúu^, jo dsu' seeíñ' la'eáang' cóo'~ bí' 'gøng' quiá'~ Fidiéé'. Jogui e já'~bi' cajo e jnea' lí'naa' dsea' jmi'güi' i ua~ lí' laco' lamí' líng' ír', jo dsu' jnea' nilisee~naa' cóo'~ 'nú' fí' na la'eáang' cóo'~ bí' 'gøng' quiá'~ Fidiéé' lí' laco'gui la seeng' Dsea` Jmáang~ 'ña'r' e laco' cuóøng' e nijmó^naa' ta~ fí' quini'na'.

5 Jogui lana, dsea` rú'naa', fíi'~i 'nú' e nijáang'~ yaang~na' su' dseáng'~ lajang'^ júu^ teá' teáang~na' cóo'~ júu^ quiá'~ Dsea` Jmáang~, jogui e nijøø'na' cajo jial' í' óo'na'. Jogui cajo niñí'baa' e cøøm' seeng' Dsea` Jmáang~ cóo'~ 'nú', jo song' ja' lí' lajo, joba' dseáng'~ nicalitúng~ óo'na' lajii'~ e fí' guiá' lí' niteáang~na' cóo'~ júu^ quiá'~ dsea' do.

⁶ Jogui dseáng' nítáb dsii e jáb' líng' 'nú' e dseáng' ja` mí calitúng` dsì jnea`^ lajii` e fí` guiá` lí` nitée`-naa' cóo`~ dseá` do.

⁷ Joba' jnea`^ mii`-naa' Fidiée` uii` quí`na' e lí`^ lacó' ja` nijmée`na' jii`~ cóo` e ga`. Jo dsu` jnea`^ ja` jmoo`-naa' lajo e lí`^ lacó' nijmilí`naa' fí` quini` dseá` rú`naa' e nicateá`- lí`-naa' lajii`~ fí` guiá` lí` nitée`-naa' cóo`~ Dsea` Jmáang`-, có' jnea`^ mii`-naa' Fidiée` e lí`^ lacó' 'nú' nijmée`na' jman` e guiá`-, nañí` fa' jnéeng`-naa' e lí`naa' dseá` i` nicalitúng` dsí` lajii`~ fí` guiá` lí` nitée`-naa'.

⁸ Dsuo' jnea`^ catí`-naa' e nijmó`naa' dseáng' jii`~ lacó' fé` júu` quí`- Dsea` Jmáang`-, có' ja` catíng`- fa' e nijmó`naa' jalé` e jié` jii`~ lacó' la fé` e júu` jo.

⁹ Joba' jnea`^ eáang` iáang` dsí`naa' mí` ja` 'ga' lí` quí`naa' jmi` cóo`~ jalé` e jmoo`-naa', jo dsu` lajee` jo teáb` teáang` 'nú' lajii`~ fí` guiá` lí` niteáang`-na' cóo`~ Dsea` Jmáang`-. Jogui cajo dseáng'` mí` 'noo`bi nimí`-naa' Fidiée` e lacó' nisíng`-tu' teá' fí` guiá` cóo`~ dseá` do.

¹⁰ Jo uí` e lajob` lí`, joba' jmo`o e jì` la quí`na' ná`-gui e ninii`i e ni`ee` e 'nú' fí` na e lacó' mí` niguiée` e fí` na, ja` ngí` lí` fa' 'né` e nijmeáan`n ta` e ta` e oo`- la e nicangí`n`n quí`- Dsea` Jmáang`- e lacó' ni`í`i 'goo` quí`na' dseáng' lahu`ng`. Dsuo' Dsea` Jmáang`- nicacuø`r` jnea` e ta` e oo`- la e lacó' nijmee` e e 'nú' teágui nisíng`-na' fí` guiá` cóo`r` jo o' e lacó' niqing`-tu' tucang`na' e fí` lí` niteáang`na'.

¹¹ Jo lí` ngóo` cadséng`-, dseá` rú`naa' dseá` quí`- Dsea` Jmáang`-, iin`n e seeng`na' e iáang` óo`ba', jogui jmi`úung`na' e lacó' nisíng`-tu' teá' e fí` guiá` cóo`~ Dsea` Jmáang`-, jogui cuøø`~ bí` rúng`na', jogui røø` siing`na' lajaléng`na', jogui güiliseem`ba' juguiá` júu` røø` conrøø` lajii`ng`na'. Jo lajoba' Fidiée` i` 'neáang` jneaa`aa' do jogui i` cuø` jneaa`aa' e see`-naa' juguiá` júu` røø`, dseáng' cøøm` niliseeiñ` cóo`~ 'nú'.

¹² Jogui féeng`~ rúng`na' e se` guoo` rúng`na' lacóo` ya' mí` jié` jíng` rúng`na'.

¹³ Jo lajim` dseá` rú`naa' dseá` quí`- Dsea` Jmáang`- i` seeng` fí` la guiéiñ` júu` guicóo`~ quí`na'.

¹⁴ Jo mii`i Fí`naa' Dsea` Jmáang`- e lacó' niliñí`gui' jial tí` guiúin` cóo`~ 'nú' jogui e niliñí`gui' jial tí` 'neáang` Fidiée` 'nú', jogui cajo e lacó' yejí` güiliseeng` Jmiguí` quí`- Fidiée` cøøng` cóo`~ 'nú' lajaléng`na'.

Jo lajob` nilí`.

Jo lana cató' e jì` catí` tú` quí`- Paa` e catíng`- jaléng` dseá` quí`- Dsea` Jmáang`- i` seeng` fí` Corinto.

Júu[^] e to_o fí ni[~] jì quiá[']- Paa⁻ e catíng⁻ dsea[`] seeng[`] fí GALACIA

¹ Jnea[~] Paa⁻ línⁿ jaang[`] dsea[`] apóo[^] i óo[`] ta[~] quiá[']- Dsea[`] Jmáang⁻, dsu['] o['] dsea[`] jmigüü[^] i ca['] náang⁻ jnea[~] o['] gui dsea[`] jmigüü[^] i casíng⁻ jnea[~] e nijmee[~] e e ta[~] la, dsuco['] Dsea[`] Jmáang⁻ 'ñia['] bre cóo['] gui Tiquí['] ii' Fidié[~], íbing['] i cajmé[~] laj_o, j_o Tiquí['] ii' Fidié[~], íb['] cajo cajméer[`] e cají['] tu J_oor['] Dsea[`] Jmáang⁻ mi[~] cangí['] e cajúñ⁻.

² J_o jnea[~], colíng⁻ cóo['] jaléng['] dsea[`] quiá[']- Dsea[`] Jmáang⁻ i caguaang⁻ gui i taang⁻ cóo['] jnea[~] fí la, guiéng['] naa['] júu[^] guicóo['] qui['] na['] jaléng['] 'nú['], dsea[`] quiá[']- Dsea[`] Jmáang⁻ i neáng['] fí lí[~] se['] Galacia.

³ J_o nimí['] i Tiquí['] naa['] Fidié[~] cóo['] gui Fí['] naa['] Dsea[`] Jmáang⁻ e ni['] r⁻ güea['] quiá['] r⁻ jee[~] 'nú['] j_ogui e nicuø['] r⁻ 'nú['] e seeng['] na['] juguí['] júu[^] røø['].

⁴ J_o Dsea[`] Jmáam⁻ bing['] i cacuøng['] 'ñia['] e cajúñ⁻ fí dse['] crúu[^] uí['] dsee⁻ qui['] naa['] e laco['] ja['] nisíng['] yee['] naa['] fí ga['] cóo['] jalé['] e 'lí['] e sea['] fí jmigüü[^] la, co['] laj_o cali['] iing⁻ Tiquí['] ii' Fidié[~] e cajméer[`].

⁵ i Majmifém['] baa['] re lata[']! J_o laj_o 'né⁻ lí['].

Ja['] sea['] e jié['] gui júu[^] laco['] e júu[^] quiá[']- Dsea[`] Jmáang⁻

⁶ J_o eám['] dsigá['] dsii⁻ e lajmináb⁻ catiúung['] 'nú['] Fidié[~] e ja['] mí['] ngóo['] eáang['] e cajáang['] yaang⁻ na['] fí jaguór['], co['] dsea[`] dobing['] i caguíng['] 'nú['] uí['] e eáang['] guiúng⁻ Dsea[`] Jmáang⁻ cóo['] 'nú[']; j_o dsu['] lana, 'nú['] ninaang['] na['] e já['] líng['] na['] júu[^] e jié['] gui laco['] gui júu[^] quiá[']- Dsea[`] Jmáang⁻ e quiá[']- jial laang['] dsea[`] jee[~] dsee⁻ quiá['] r⁻.

⁷ Dsu['] dseáng['] e já['] e ja['] sea['] e jié['] gui júu[^], co['] dseáng['] laj_í['] júu[^] quiá[']- Dsea[`] Jmáam⁻ ba['] sea[']. Dsu['] laj_í['] e lí['] e seeng['] dsea[`] i jmicaang['] qui['] na['] j_ogui iin[~] nijmisíiñ⁻ júu[^] quiá[']- jial laang['] dsea[`] jee[~] dsee⁻ quiá['] r⁻.

⁸ Dsu['] song seeng['] dsea[`] i jmóo['] laj_o, ja['] e lí['] fa['] jneab[~] osi jaang['] ángel['] i líng['] guotí['] Fidié[~] i jáá['] fí yú['] jmigüü[^] i guía['] júu[^] e jié['] gui laco['] júu[^] quiá[']- Dsea[`] Jmáang⁻ e nicaguiá['] naa['] jee[~] 'nú['], j_o jnea[~] fá['] a, güiguiém['] Fidié[~] fí lí['] 'lí['] i dsea[`] í lata[~].

⁹ J_ogui fí['] túu['] 'nú['] calé['] catú['] laj_í['] e nicafí['] i 'nú['] do: Lí['] doñí['] i dsea[`] i guía['] júu[^] e sisíng['] gui laco['] e júu[^] e nica['] líng['] 'nú['] do quiá[']- jial laang['] dsea[`] jee[~] dsee⁻ quiá['] r⁻, j_o güi['] naang['] i dsea[`] í quiá[']- Fidié[~] lata[~].

¹⁰ J_o e já['], ja['] jmóo['] jnea[~] jí['] e jmi['] iáang['] dsí['] dsea[`] jmigüü[^], co['] dseáng['] laj_í['] e jmi['] iáang['] dsí['] Fidié[~] ba['] jmóo[']. Dsuco['] faco['] jnea[~] iin[~] e lico['] niliseen⁻ guiá['] cóo['] jí['] dsea[`] jmigüü[^], j_oba['] ja['] línⁿ jaang['] dsea[`] i jmóo['] laj_í['] e iing⁻ Dsea[`] Jmáang⁻ jóng.

Jial mí['] ca['] uíng⁻ Paa⁻ dsea[`] quiá[']- Dsea[`] Jmáang⁻

¹¹ J_oba['] iin[~] e ní['] ba['], dsea[`] rú['] naa['] dsea[`] quiá[']- Dsea[`] Jmáang⁻, e laj_í['] e júu[^] e guía['] jnea[~] quiá[']- jial laang['] dsea[`] jee[~] dsee⁻ quiá['] r⁻, dsu['] e júu[^] j_o ja['] lí['] laco['] la í dsí['] moguí['] dsea[`] jmigüü[^].

¹² J_ogui ja['] ca['] líng['] jnea[~] o['] gui calitín['] quiá[']- lí['] doñí['] i dsea[`] jmigüü[^] cajo, co['] dseáng['] laj_í['] Dsea[`] Jmáam⁻ bing['] cacuø['] jnea[~] e calicuí['] i e júu[^] j_o.

¹³ J_o nicanáb⁻ 'nú['] e ie[~] lami[~] jéeng['] gui do, lajee['] nú['] gui e nilicuín['] Dsea[`] Jmáang⁻, cajmé⁻ baa úung['] e cajmitii['] røø['] laj_í['] e tíng['] dsea[`] áang['] quié⁻ e dsea[`] Israel. J_ogui eám['] ga['] cajmeáan['] n jaléng['] dsea[`] quiá[']- Dsea[`] Jmáang⁻ co['] cartí['] cajmé⁻ e úung['] e nijúum⁻ jaléng['] i dsea[`] í.

¹⁴ J_o ie[~] j_o, jee[~] jaléng['] dsea[`] rún['] n dsea[`] Israel i conrøøng['] jiu cóo['] jnea[~], laj_í['] jnea[~] bing['] i jmiti['] gui røø['] jalé['] e qui['] tíng['] dsea[`] góo['] dsea[`] Israel e jmóor['], j_ogui cuøø⁻ øre bí['] e laco['] nijmitir⁻ laco['] sí['] e j_o.

15 Dsu' Fidiéé caguíñ' jnea e ni'uín n dsea` quiá'r- latí jii' ie~ ná' gui niliseem`baa, jogui co' eáam' 'neáaiñ' jnea` joba' cató'r- jnea` e nijmee` e ta` quiá'r-. Jo mi~ catí í' e iing`

16 Fidiéé e niliñi- e Jesús líng' Joor', joba' calicuín`nre e laco' jnea` niguiaa- e júu^ quiá'- jial láaiñ` dsea` jee~ jalé` dsee- quiá'r-, jo nijmee` e jo jee~ jaléng` dsea` i ja` líng' dsea` Israel. Dsu' ie~ jo ja` cangó-o fa' e cangojminghí' dsea` jiéng' quiá'- e júu^ jo,

17 o'gui ngó-o fí' Jerusalén ladsifí cajo e ngosiin`n e júu^ do cóo' jaléng' dsea` i líng' dsea` apóo^ quiá'- Dsea` Jmáang- lajee` ná' gui e nilín`n lajo cajo. Dsu' ja` cajmé- e lajo, co' dsifí ladob cangó-o fí' Arabia fí' lí' ja` 'ga' lí' dsea` seeng`, jo mi~ cangí jo, caquim'- túu fí' Damasco.

18 Jo mi~ cangí 'ní jii' e calicuín`n Dsea` Jmáang-, joguiba' cangó-o fí' Jerusalén e cangojmicuín`n Tú` Simón, jo cóo' íb` cataan`n jii' gui'ñiá` jmíi-.

19 Jo fí' jo, lajii' Tiáa` i rúng' Fí'naa' Dsea` Jmáam`bing' camán`n, jo ja` camán`n dsea` apóo^ quiá'- Dsea` Jmáang- i jiéng'gui.

20 Jogui dseáng'- nitab` dsii- fí' quini` Fidiéé e jalé' e jmo'o la dseáng'- e jáb'-, co' ja` fá'- a júu^ ta` júu^.

21 Jo mi~ cangí e táan`n fí' Jerusalén, joguiba' cangó-o fí' lí' se' Siria cóo'gui fí' lí' se' Cilicia.

22 Dsu' ie~ jo, jaléng' dsea` quiá'- Dsea` Jmáang- i neáng' fí' lí' se' Judea ja` mí' cuiñ` jnea` dseáng'- quinií` lana.

23 Jo lico' núu` i dsea` do e fé' dsea` jiéng' lala uii~ quié-e: "I dseañu' i jmáng' jneaa`aa' ga' ie~ lamí` jéng'gui do, lana ningir' guiar' júu^ quiá'- Dsea` Jmáang- røøb` laco' jii' júu^ e já'- lí' jneaa`aa' do, jo ie~ lamí` jéng'gui do cartí' jngam'bre jaléng' dsea` i já'- líng' júu^ jo, co' lamí` iñ` dseáng'- ni'ím- e júu^ do congua'."

24 Joba' i dsea` í' jmiféiñ' Fidiéé uí' e nicalisím- jnea`.

2

Mí' ca'íng' dsea` apóo^ quiá'- Dsea` Jmáang- i caguiaang-gui do júu^ quiá'- Paa-

1 Jo mi~ cangí guiquiú' jiiing` lajo, cangób` túu fí' Jerusalén colíing` cóo' jaang` dsea` rú'naa' dsea` quiá'- Dsea` Jmáang- i sií Bernabé, jo jeem`bñ jaang`gui dsea` rú'naa' i sií Tito cajo.

2 Dsu' cangó-baa fí' jo, co' lajob júu^ cajmea' Fidiéé jnea`. Jo mi~ caguie` e fí' Jerusalén, caseáng'naa' fí' cóo' lí' ja` 'ga' lí' dsea` jøø- cóo' cóo' tú- míing' dsea` i si'neang` i teáng- nifí' quiá'- dsea` quiá'- Dsea` Jmáang- fí' do, jo lajee` jo caffí`re lajii' júu^ e guiaa- jee~ jaléng' dsea` i ja` líng' dsea` Israel e quiá'- jial laang` dsea` jee~ dsee- quiá'r-. Dsu' cajmé- e lajo, co' ja` iin`n e ja` ni'íng' i dsea` teáng- nifí' do jalé' ta` e nicajmé- e, co' song lajo, joba' ja` ni'íng' jaléng' dsea` caguiaang-gui e ta` e nicajmé- e do jóng.

3 Dsu' jalém' dsea` i quie' nifí' quiá'- dsea` quiá'- Dsea` Jmáang- fí' Jerusalén røøb` casíiñ- cóo' jnea`, jo ja` cajméer` laguidseaang` e ni'íng' Tito e lí' fí' ngúu` táaiñ` lí' laco' quí' tíng' dsea` Israel e jmóor', co' dsea` griegob liiñ' do jo ja` líiñ' dsea` Israel.

4 Dsu' e já'-, i líng` dsea` i jmicaang- e líiñ' dsea` quiá'- Dsea` Jmáang- cali'íiñ` fa' Tito ni'íñ' e lí' fí' ngúu` táaiñ` do lí' laco' litíng` dsea` Israel. Jo i dsea` do cangotáaiñ` jee~ jnea` e laco' cár` cuente jial guíá- see-naa' la'eéang' e cajáang' yee-naa' fí' jaguó' Dsea` Jmáang-, co' i dsea` do iñ` fa' jnea` nisí-naa' røøb` e dseáng'- 'né- nijmití` túu' e júu^ quiú' ta` quiá'- Moi` do e laco' ni'íng- dsee- quí'naa'.

5 Dsu' dseáng'- ja` cajmití'naa' jii' cóo' laco' iing` i dsea` i jmicaang- do e laco' ja` nilisíng- júu^ quiá'- Dsea` Jmáang- e guí'naa' jee~ 'nú' quiá'- jial laang` dsea` jee~ dsee- quiá'r-, co' ií-naa' e ta` óo'na' e dseáng'- jáb'- e júu^ jo, jo cóo' jii' e júu^ job laang` dsea` jee~ jalé' dsee- quiá'r-.

6 Jo lajaléng' dsea`i si'neaang` e teáaiñ` nifi` quiá'- dsea` quiá'- Dsea` Jmáang` ja` cajíñ'- fa' e jnea` nijmisíñ`ñ` lajii~ e júu` e guiaa` do. Dsu' ja' e líí` quié` jnea` ii` i dsea` í, co' røøb` líí'naa' lajalé'naa' fí` quini` Fidié`.

7 Jo ja` cajmée` i dsea` do fa' cajmisíñ`ñ` lajii~ júu` e guiaa` do, co' calilí`bre e Fidié`bing' cacuø' jnea` e ta` e jmóo`o la lana quiá'- e guiaa` e júu` jo fí` quini` jaléng' dsea` i ja` líng' dsea` Israel, jo lajobi Fidié` cajo cacuø'bre Tú` Simón ta` guia` e júu` jo fí` quini` jaléng' dsea` i líng' dsea` Israel.

8 Jo calilí` i dsea` do e Fidié`bing' ca'náang` Tú` Simón e nilíñ` dsea` apóo` quiá'- Dsea` Jmáang` i guia` júu` quiá'- dsea` do jee` jaléng' dsea` Israel, jo lajob cajo ca'náang` Fidié` jnea` e nilíñ` dsea` apóo` quiá'- Dsea` Jmáang` e laco' niguiaa` e júu` jo jee` jaléng' dsea` i ja` líng' dsea` Israel.

9 Jo Tiáa` cóo`~gui Tú` Simón jogui Juan i si'neaang` e lííñ` dsea` teáang` nifi` jee` jaléng' dsea` quiá'- Dsea` Jmáang`, íbing' i calilí` e Fidié`bing' i cacuø' jnea` e ta` jo e íáang` dsíí'. Jo laco' calita` dsíí` i dsea` í e røøb` ta` jmoo`naa' cóo'r~, co' røøb` júu` e guia`naa' do, joba' casá'-bre guóo`naa', jnea` cóo`~ Bernabé, jo catigua` júu` qui`naa' e jnea` nidsijmó`naa' ta` guia` júu` quiá'- Dsea` Jmáang` jee` jaléng' dsea` i ja` líng' dsea` Israel, jogui i dsea` í nidsijméer` ta` lajob cajo jee` jaléng' dsea` i líng' dsea` Israel.

10 Jo jii~ laba' casí`guir jnea` e nijmiguiéng' dsí'naa' e jmicóo`~naa' jaléng' dsea` quiá'- Dsea` Jmáang` i tiñíng` i neáang` fí` Jerusalén, dsu' jnea` jéem` nicajmi'úung`naa' e jmoo`naa' lajo.

Mí` ca'gaang` Paa` quiá'- Tú` Simón fí` Antioquía

11 Jo mí` cangí` jo, cangó`o fí` Antioquía, jo lajee` job caguié` Tú` Simón fí` jo, jo cajíim`baare dseáng` fí` quini` lana, co' ja` dseeng` jalé` e cajméer` do.

12 Co' lajee` e ná`gui niguilíng` cóo` tú` máng` dsea` Israel i cuíng` rúng` cóo`~ Tiáa~, colíim` gø' Tú` Simón cóo`~ jaléng' dsea` quiá'- Dsea` Jmáang` i ja` líng' dsea` Israel. Dsu' mí` tí` lí` caguilíng` í, cajíim` ñia'r` cóo`~ i dsea` i ja` líng' dsea` Israel do, o'gui gø'guir colíing` cóo`ñ` do cajo, co' 'góm`bre jaléng' dsea` Israel i quiu' ta` e tóo` lí` fí` ngúu` táang` jaléng' dsea` i ja` líng' dsea` Israel.

13 Jo i dsea` Israel caguiaang`gui i neáang` fí` Antioquía i líng' dsea` quiá'- Dsea` Jmáang` canaaíñ` éer` laco'gui Tú` Simón nañí` fa' niñí`bre'r e ja` dseeng` jalé` e jmóor` do, jo latí` Bernabé canaaíñ` éer` lajo ie` jo cajo.

14 Dsu' mí` calilí`i e ja` røø` ta` ée` i dsea` do, co' ja` cóøng` røø` cóo`~ júu` quiá'- Dsea` Jmáang`, joba' ca'gaan` quiá'- Tú` Simón fí` quini` jaléng' dsea` quiá'- Dsea` Jmáang` i teáang` do ie` jo, jo cafí`ire lala: "Nu` calisén` e lin' dsea` Israel, jo nicajmee' e lafa' ja` lin' dsea` Israel, dsuco' jo jmití` laco' jii~ laco' qui' títng` dsea` í mí` caquié` cóo`~ dsea` i ja` líng' dsea` Israel. Jo çjali' lana iin' e niquiá' ta` laguidseang` quiá'- jaléng' dsea` i ja` líng' dsea` Israel e laco' nijmitir` jii~ laco' qui' títng` dsea` Israel jo lajoba' uíñ` dsea` quiá'- Dsea` Jmáang`? Dseáng`- ja` dseeng` laco' í o'."

Jial íng' Fidié` dsea` e ja` røøíñ` dsee` fí` quini`

15 Jogui 'na, Tú` Simón, colíing` cóo`~ jnea`, dsea` Israel líí'naa' latí` mí` cangáam`baa', jogui ja` líí'naa' la líng' dsea` i ja` líng' dsea` Israel i í dsí'naa' e lííñ` dsea` dsee` dsea` qui', co' ja` jmitir` jalé` júu` quiu' ta` quiá'- Moi` e qui' títng`naa' dsea` líí` dsea` Israel.

16 Dsu' jneaa`aa' nine`baa' røø` e ja` íng' Fidié` jii~ jaang` dsea` e lííñ` dsea` i ja` røøng` dsee` dsu' uí' e jmitir` e júu` quiu' ta` do, co' nine`baa' e jii~ e jáang` yee`naa' fí` jaguó` Dsea` Jmáam`, lajoba' íng' Fidié` jneaa`aa' e ja` dsee` røø`naa' fí` quini`. Co' Fidié` jíñ` e jii~ jaang` dsea` lííñ` dsea` i ja` røøng` dsee` fí` quini` dsea` do dsu' uí' e jmitir` júu` quiu' ta` quiá'- Moi`.

17 Jo song jmi'úung`naa' jial ni'íng' Fidié` jneaa`aa' e ja` dsee` røø`naa' fí` quini` la'eáang` cóo`~ Dsea` Jmáang`, jo lajee` job calilí`naa' e líí` dsea` dsee` dsea` qui' cajo,

co' ja' cajmití'naa' e júu' quiu' ta' do, dsu' o' Dsea' Jmáang' dsea' cajméer' e jneaa'aa' calilí'naa' lajo.

¹⁸ Jo dsea' dsee' dsea' quib' lín'n song já' nilíng'túu e ja' dsee' røø'n' fí' quini' Fidiée' dsu' uí' e jmitií' e júu' quiu' ta' quiá' Moí' do mi' cangí' e nicajáang' 'ñiá'a' fí' jaguó' Dsea' Jmáang'.

¹⁹ Dsuo' jnea', lana lí' lafa' ni'liim'baa, co' jo' seen' e júu' do quiu'gui ta' quié' e, dsu' lanagui niseen' e jmóo' lajii' e iing' Fidiée'. Jo mi' catáng' Dsea' Jmáang' fí' dse' crúu', joba' lí' lafa' røøb' catán'n cóo'r'.

²⁰ Jo jo' seen' e laco' iin'n 'ñiá'a' lana, co' Dsea' Jmáam' nijmicóo' jnea' e seen' laco' iing' ír'. Jo niseen' fí' jmigüí' la la'eáang' e cajáang' 'ñiá'a' fí' jaguó' Dsea' Jmáang'. Jo íb' cajo i cajmi'neáang' jnea' jo cartí' cacuøøng' 'ñia'r' e cajúñ' fí' dse' crúu' uí' dsee' quié' e.

²¹ Jo ja' niguiaa' ca' lajii' e guiúng' Fidiée' cóo' jnea'. Jo faco' jaang' dsea' quí'r' jmí' e ni'íng' Fidiée' ír' e ja' røøiñ' dsee' dsu' uí' e jmitir' e júu' quiu' ta' quiá' Moí' do, joba' ja' cali'né' e cajúng' Dsea' Jmáang' uí' dsee' quí'ii' faco' lajo.

3

Jna' e la guíng'gui

¹ i' jmicaang' 'nú', dsea' gálatas! ¿Jialí' ca'uíng' e cajgiéeng' óo'na' e jo' 'ga' lí' náu'na' júu' quiá' Dsea' Jmáang'? Dsuo' lajee' e nicaguiá' jnea' júu' quiá' Dsea' Jmáang' jee' 'nú', røøb' nica'ée'naa' 'nú' e uíng' e catáng' Dsea' Jmáang' fí' dse' crúu'.

² Jo jii' jo' iin'n e jmiguiéng' áa'na' e ja' ca'íng'na' Jmiguí' quiá' Fidiée' la'eáang' e jmití'na' júu' quiu' ta' quiá' Moí', co' ca'ím'ba' dsu' la'eáang' e cajáang' yaang'na' fí' jaguó' Dsea' Jmáam'.

³ Dseáng' bó' jiu' líng'na', co' la'uí' ca'uíng'na' dsea' quiá' Dsea' Jmáang' la'eáang' cóo' Jmiguí' quiá' Fidiée', jogui lana líng'na' e quí'ba' jmí' e seem'bi' cóo' Dsea' Jmáang' la'eáang' cóo' jii' bí' quí'na' yaang'na'.

⁴ Jo ja' e ta' cali'íng' quí'na' lajii' e ca'íng'na' quiá' Fidiée' lajee' líng'na' dsea' quiá' Dsea' Jmáang' song lanagui ni'íng'na' nicá'na' fí' jié'b'.

⁵ Joba' mi' cuø' Fidiée' 'nú' Jmiguí' quiá'r' laco' si'í' jogui jmóor' jalé' e quí'r' jmí' jee' 'nú', dsu' ja' cajméer' lajo uí' 'nú' jmití'na' e júu' quiu' ta' quiá' Moí', co' cajmée'bre lajo dsu' la'eáang' e cajáang' yaang'na' fí' jaguó' Dsea' Jmáang' mi' cangí' e canúu'na' júu' quiá'bre.

⁶ Jo güiguiéng' áa'na' jial cali' cóo' 'lí' yúu' Abraham, co' lalab fé' Fidiée' fí' ni' jii' quiá'r': "Dseáng' jáb' calíng' yúu' Abraham júu' quié' e, joba' ca'ín'nre e líiñ' jaang' dsea' i ja' røøng' dsee'."

⁷ Joba' güiguiéng' óo'na' cajo e doñí' i' dsea' i dseáng' jáng' 'ñia' fí' jaguó' Fidiée', jii' íb' dsea' i líng' jóo' 'lí' yúu' Abraham.

⁸ Co' lami' jéeng'gui fé' Fidiée' fí' ni' jii' quiá'r' e ni'ím'bre jaléng' dsea' i ja' líng' dsea' Israel e líiñ' dsea' i ja' røøng' dsee', dsu' lajii' i dsea' i jáng' yaang' fí' jaguó'bre. Jo lanab lí' e júu' jlo' quiá' Fidiée' e cacuø'r' 'lí' yúu' Abraham mi' cajíñ' fí' ni' jii' quiá'r' lala: "Ni'ee' guiá' cóo' lajüng' dsea' seeng' fí' la'úng' fí' jmigüí' la'eáang' cóo' 'nú', Abraham." Jo lanab jii' lí' júu' quiá' Fidiée'.

⁹ Jo lajoba' jaléng' dsea' i nijáng' yaang' fí' jaguó' Fidiée' lí' laco'gui cajáng' 'ñia' 'lí' yúu' Abraham, joba' guiáb' ni'é' Fidiée' cóo' jaléng' dsea' í'.

¹⁰ Jogui jaléng' dsea' i í' dsí' e Fidiée' ni'íng' ír' e líiñ' dsea' i ja' røøng' dsee' la'eáang' e jmitir' júu' quiu' ta' quiá' Moí', joba' nibí'b' Fidiée' quiá' i dsea' í', co' lalab fé' fí' ni' jii' quiá'r': "Dseáng' nibí'b' Fidiée' quiá' jaléng' dsea' i ja' jmiti' dseáng' røø' contøøng' jalé' júu' quiu' ta' quiá'r' e ca'íng' Moí'". Jo dsu' jii' jaang' dsea' quí'r' jmí' nijmér' lajo.

11 Joba' nine~baa' røø` e ja` íng` Fidiée` jii~ jaang` dsea` e liiñ` dsea` i ja` dsee` røøng` dsu' uii~ e jmitiñ~ e júu` quiu' ta~ quiá~ Moí~; dsuco' lalab fé' fí' ni~ jì quiá~ Fidiée': "Jo la'eáang' e já~ líng` jaang` dsea` júu` quiá~ Fidiée~, joba' Fidiée` iñ` i dsea` í e liiñ` jaang` dsea` i ja` røøng` dsee` fí' quini~."

12 Jo e fí' ni~ júu` quiu' ta~ quiá~ Moí~ do ja` fé' e 'né~ nijáng` yaang` dsea` fí' jaguó` Fidiée~; dsuco' lalab fé' e júu` quiu' ta~ do: "Jaléng` dsea` i jmiti~ dseáng~ røø` contøøng` e júu` jo, joba' la'eáang` cóo~ e júu` dob seeiñ` cajo."

13 Jo Dsea` Jmáam~ caquíir` dsee~ quí~ii' e laco' ja` cabíing~ Fidiée` jneaa~aa', dsu' o' uii~ e cajmiti~naa' dseáng~ røø` contøøng~ laji` júu` quiu' ta~ quiá~ Moí~, co' caquíir` dsee~ quí~ii' la'eáang` e cabíing~ Fidiée` ír` cuaiñ` quí~ jneaa~aa', dsuco' lalab fé' fí' ni~ jì quiá~ Fidiée': "Mí~ júung~ dsea` fí' dse' crúu~, joba' cuø` lí e Fidiéeb~ bíi~ quiá~r~".

14 Dsu' la'eáang` e caquíir` Dsea` Jmáang~ dsee~ quí~ii' fí' dse' crúu~, lajoba' ée` Fidiée` guiá~ cóo~ jaléng` dsea` i ja` líng` dsea` Israel laco'gui nica'éer` guiá~ cóo~ 'lii~ yúu~ Abraham lami~ jéeng`gui eáang` cajo. Jo co' Dsea` Jmáang~ caquíir` dsee~ quí~ii' fí' dse' crúu~, lajoba' ni'íing~naa' Jmiguí` quiá~ Fidiée` la'eáang` e cajáang~ yee~naa' fí' jaguór~, co' lajob` júu` nicacuø'r` jneaa~aa' lami~ jéeng`gui.

Mí~ cacuø' Fidiée` júu` 'lii~ yúu~ Abraham

15 Joba' fii~ guíi` 'nú', dsea` rú'naa' dsea` quiá~ Dsea` Jmáang~, coo'gui júu` e laco' cuøøng` lí síng~ dsea: Facó' jaang` dsea` líng~ ee` júu` siiiñ` cóo~ jaang`gui dsea, jogui caráang~ mají` quiá~r~ quiá~ e júu` do, jogui catéer` niguóor` ni~, jo mí~ ningí` jo, joba' jo` cuøøng` fa' nijgiéeng~ gui jii~ camíi~ júu` laco' jii~ nitoo` e ni~ mají` do.

16 Jogui Fidiée` cajmirø'r` júu` cóo~ 'lii~ yúu~ Abraham cóo~gui jaang` dsea` siju` dsea` do. Güliñi`bi' cajo e ja` tóo` fí' ni~ jì quiá~ Fidiée` fa' e cajmirø'r` e júu` do quiá~ fíing` dsea` siju` Abraham, co' quiá~ jaam` dsea` e fé' e fí' ni~ jì do, jo íb` Dsea` Jmáang~.

17 Joba' fii~ guíi` 'nú' e júu` la: Fidiée` cacuø'r` júu` 'lii~ yúu~ Abraham jogui cajmirø'r` júu` cóo~ dsea` do cajo. Jo mí~ cangí`gui cuatrocientos treinta jii` lajo, ca'íng` Moí~ júu` quiu' ta~ quiá~ Fidiée~; dsu' e júu` jo ja` quí~ jmiñ` fa' niguiéng~ ca' e júu` e cajmirø` Fidiée` cóo~ 'lii~ yúu~ Abraham do lami~ jéeng`gui, o'gui quí~ jmiñ` ni'náng~ e jo` ta~ íng` e júu` jo cajo.

18 Facó' jalé' e cuø' Fidiée` jneaa~aa' do íng~naa' la'eáang` e jmiti~naa' e júu` quiu' ta~ quiá~ Moí~ do, joba' ja` cacuø' Fidiée` e íaang` dsíir` e jo facó' lajo. Dsu' Fidiée` cajmiti~bre e júu` e cajmirø'r` cóo~ 'lii~ yúu~ Abraham e íaang` dsíir~, co' lajob` júu` nicacuø'r` dsea` do lami~ jéeng`gui.

19 Joba' laco' cuøøng` fe'ee', ¿jie~ lí~ íng` ta~ júu` quiu' ta~ quiá~ Moí~? Co' cacuø' Fidiée` e júu` quiu' ta~ do mí~ cangí` e cajméer` júu` cóo~ 'lii~ yúu~ Abraham e laco' nililí` dsea` jmigüi` e røøiñ` dsee~. Jo cali'ím` ta~ e jo cartí` cagüéng~ i dsea` sijur` do, co' e júu` e cajmée` Fidiée` cóo~ 'lii~ yúu~ Abraham lami~ jéeng`gui do fé' cuaiñ` quiá~ i dsea` sijur` dob. Jo la'uii~ cangíng` Fidiée` quiá~ jaléng` ángeles i líng` guotiir~ e júu` quiu' ta~ do, jo ígui cangíiñ` quiá~ Moí~, jo Moí~gui cartí` quini~ jaléng` dsea` Israel.

20 Dsu' ja` fa' dseáng~ la guíng` 'neáng~ i dsea` i ningíng~ e júu` do mí~ e júu` jo jáa' tí` quini~ jaam` dsea, co' 'ñiab` Fidiée` cangíiñ` e júu` jo fí' quini~ Abraham.

E` uiing~ e júu` quiu' ta~ quiá~ Moí~

21 Jo ¿su cuøøm` fe'ee' e e júu` quiu' ta~ quiá~ Moí~ do ja` cøøng` røø` cóo~ e júu` e cajmée` Fidiée` cóo~ 'lii~ yúu~ Abraham do? ¡Ü~, ja` líi` lajo; Dsuco' facó' e júu` quiu' ta~ do cuø' e seeng` dsea` cøøng` cóo~ Fidiée~, joba' facó' lajo cuøøm` sea` lí'íng` Fidiée` dsea` e liiñ` dsea` i ja` røøng` dsee~ song` jmitir~ jalé' e júu` jo.

22 Dsu' lí' laco' fé' Fidiée` fí' ni~ jì quiá~r~, e lajim` dsea` jmigüi` dseáng~ jmitir~ lajii~ ta~ quiu' dsee~ quiá~r~, jo lajoba' Fidiéeb~ nicuø'r~ jaléng` dsea` i cajáng` yaang` fí' jaguó` Dsea` Jmáang~ lí' laco'gui júu` cacuø'r` lami~ jéeng`gui. Co' lajob` júu` cajmirø` Fidiée` lajii~ ie~ mí~ ná' gui e nicuø'r~ Moí~ júu` quiá~r~.

23 Jo lajee` nú`-gui e nigüéeng` Dsea` Jmáang` fí` jmigüü` la e laco` já`- nilí`naa` júu` quiá`r-, joba` e júu` quiu` ta` quiá`- Moi` do jéeng` jnea`^ lafa` 'ñúum`-baa` la`ó` lí`naa` dsea` Israel cartí` mi` já`- calí`-naa` e cagüéng` Dsea` Jmáang` i` caleáang` jnea`^ jee` dsee` quí`-ii'.

24 Jo laco` jaang` tiquiá`^ jiuung` jéeiñ` dsea` 'léeng` i` jmóo` í` quiá`- jiuung` quiá`r-, jogui` lajob` e júu` quiu` ta` quiá`- Moi` do quie` nifí` quí`-ii' cartí` mi` catí` í` e calicuíng`naa` Dsea` Jmáang`, jogui` ca`íng` Fidiée` jneaa`-aa` e lí`naa` dsea` i` ja` røøng` dsee` la'eáang` e cajáang` yee`-naa` fí` jaguó` Dsea` Jmáang`.

25 Dsu` lanagui` e nicajáang` yee`-naa` fí` jaguó` dsea` do, joba` jo` 'ga` lí` quie` nifí` quí`-naa` e júu` quiu` ta` do.

26 Dsuco` jneaa`-aa`, la'eáang` e nicajáang` yee`-naa` fí` jaguó` Dsea` Jmáang`, joba` nilí`ñi` jóo` Fidiée` lana.

27 Jo la'eáang` e nicajáang`-naa` jmiñ` e cuø` lí` e lí`naa` dsea` quiá`- Dsea` Jmáang`, joba` nilí`naa` lafa` jaam` dsea` cóo`r` lana.

28 Jo jaléng` dsea` quiá`- Dsea` Jmáang`, ja` e lí` si lí`naa` dsea` Israel osi` o` lajo` é, si dsea` si`niim`-bi` é osi` o` lajo` cajo, si lí`bñi` dseañu` osi` dseamí` é; dsuco` song` see`-naa` cøøng` colíng` cóo`r` Dsea` Jmáang`, joba` lafa` jaam` dsea` lí`naa` lajalé`naa` cóo`r` jóng.

29 Jo co` dsea` quiá`- Dsea` Jmáam` nilí`guñi`, joba` dsea` siju` 'lí` yáu` Abraham lí`ñi` cajo, joba` dseáng`- catí`-baa` lajii` e cajíng` Fidiée` e nicuø`r` dsea` quiá`r` lamí` jééng`gui.

4

1 Jo e laba` iin`-n fñi`-guñi` 'nú`': Facó` jaang` dsea` seeng` jaang` siming` jiuung` quiá`r-, jo lajii` e sea` quiá`- i` tiquiá`r` do, joba` i` siming` jiuung` dob` nilí` quiá`- mi` niféng`gui; jo dsu` lajee` e jiuuiñ` do, lí` lafa` e o` quiá`-bre, nañi` fa` e quiá`-bre`r mi` niféiñ`.

2 Jo lajee` jo` i` jiuung` do dsea` jiém` to` fñing` ír` jogui` dsea` jiém` néé` ni` e sisée` quiá`r` do. Jo lí` mi` catí` í` lajii` júu` casée` tiquiá`^ i` jiuung` do, joba` nicuøøng` jmeá`r` ta` lajii` e casée` dsea` do.

3 Jo lajob` cangongñi` jneaa`-aa` cajo, lajee` e lí`naa` lafa` jiuung`, nú`-gui e nilicuíng`naa` Dsea` Jmáang`, e dseáng`- 'né` jmiti`baa` jalé` e quiu` ta` quí`-ii' e quí`- tñi`naa` fí` jmigüü` la.

4 Dsu` mi` catí` í` lajo, joba` casíng` Fidiée` jóo`r` Dsea` Jmáang` fí` jmigüü` la e caliséiñ` laco` liseeng` lí` doñi` ii` dsea` jmigüü`. Jogui` co` dsea` Israel lí`ñi, joba` 'né` jmiti`-bre e júu` quiu` ta` quiá`- Moi` do.

5 Jo lajoba` caleáiñ` jnea`^, dsea` lí`naa` dsea` Israel e dseáng`- 'né` jmiti`baa` e júu` quiu` ta` do e laco` ni`íng` Fidiée` jnea`^ e lí`naa` jóo`r`.

6 Jogui` calili` e nilí`naa` jóo` Fidiée`, co` Fidiée` casiñ` Jmiguí` quiá`r` la'eáang` cóo`r` jóo`r` Dsea` Jmáang` fí` dsí`naa` lajaang` lajaang`naa`; joba` la'eáang` e Jmiguí` quiá`- Fidiée` do fé`naa` lala e íaang` dsí`naa`: "iTeaa`! iTeaa`!"

7 Jo lajob` lí`, jo` lí`guñi` dsea` i` jmiti` jalé` ta` quiu` e quí`- tñi`naa` fí` jmigüü` la, co` lana nilí`naa` jóo` Fidiée` lajaang` lajaang`naa`, jo lajoba` niñíng`naa` e nicajíñ` lamí` jééng`gui e nicuø`r` dsea` quiá`r`.

Jial guíng` dsí` Paa` jaléng` dsea` quiá`- Dsea` Jmáang` i` seeng` fí` lí` se` Galacia

8 Dsu` lamí` jééng`gui, lajee` nú`-gui e calicuíng` 'nú` Fidiée`, líng`na` lafa` dsea` si`niing` uí` e jmiti`na` jalé` e quí`- tñing`na` jmoo`na` cóo`r` jaléng` diée` i` o` já`-.

9 Dsu` lanagui` nicalicuím`ba` Fidiée`, osi` laco` cuøøng` fe`ee', e dsea` íb` dsea` i` nicalicuíng` 'nú`. Joba` jiali` e nijmiti`tu` calé` catú` jalé` e quí`- tñing`na` do? Co` e jo ja` jié` lí` íng` ta` quí`-na` jii` cóo`.

10 Co` 'nú` jmi`goo`na` jalé` jmiñ` osi` jalé` si` osi` jalé` jii` é.

11 jJoba' eáam' guing~ dsii' 'nú' fíng song ja' cali'íng^ ta~ jji'~ coo' lajii'~ ta~ e nicajmé~ e jee' 'nú'!

12 Jōba' mī'~i 'nú' la guíng', dsea' rú'naa' dsea' quiá'- Dsea' Jmáang-, e nijmée^na' laco'gui nicajmé~ jnea~ e jo' jmití^tu' lajii'~ e quí'- tñng'na' do. Dsu' 'nú'gui, eáam' guiá'~ nica'ee~na' cóo'~ jnea~.

13 Jōgui niñí^bi' cajo e jmohu'ib' quiee~ mī~ canaan- guiaa- júu^ quiá'- Dsea' Jmáang- jee' 'nú' e quiá'- jial laang' dsea' jee~ dsee~ quiá'r~.

14 Dsu' ja' e lí' e gab' e jmohu'í' e quiee~ do, co' 'nú' ja' cajmee'na' fa' e ja' cajmijíng^na' jnea~ o'gui ca'naang'na' jnea~ ca' dsu' uii'~ e lín'n e jmohu'í' do. Co' 'nú' guiáb~ ca'íng~na' jnea~ laco'gui íng' dsea' jaang' ángel i línng' guotii~ Fidiée~ i casíng' dsea' do, o'si laco' Dsea' Jmáang- 'ñia'bir é.

15 Jō jje' fí' ca'í' e jmi'iaang' óo' 'nú' cóo'~ jnea~ ie~ do? Co' lanagui jo' 'ga' lí' íaang' óo'na'. Dsūco' cuóom' fá^a uii'~ quí'na' ie~ do e dseáng'- lafa' niguí' 'nú' jminí'na' e nicuó'^na' jnea~ e laco' cuóong' e nijmicóo'~na' jnea~.

16 Jōgui lanagui lí' lafa' e ni'ni' máam'baa 'nú' dsu' uii'~ e fón'n 'nú' e júu^ já'- la.

17 Jō i dsea' i iing~ nijmisíng- e júu^ e quiá'- jial laang' dsea' jee~ dsee~ quiá'r~ iin~ e nigüitáang- 'nú' cóo'r~, jo' dsu' jaléng' i dsea' í' ja' í' dsír' laco' catíng-, co' lico' iin~ e nimáang~ 'nú' jnea~ 'nib'.

18 Dsu' guiáb~ cajo song seeng' dsea' i iing~ e nigüitáang- 'nú' cóo'r~, lifa' i dsea' í' 'né' í' dsír' laco' catíng- jōgui 'né' e contóom- éer' guiá' cóo'~ 'nú' lí' laco'gui ee~ jnea~ mī~ táan'n jee' 'nú'.

19 Dsea' rú'naa' i iin~n eáang', calé' catú- caa- iihu'í' uii'~ quí' 'nú' laco'gui iihu'í' íng' jaang' dseamí' mī~ liseeng' jiuung~ quiá'r-; jōgui caa- e iihu'í' do cartí' Dsea' Jmáang- nicuó'r- 'nú' e ni'uíng-na' dseáng'- dsea' quiá'r-.

20 jō eáam' iin~n e táan'n jee' 'nú' lana, co' jje'gui lí' e sī~naa' dseáng'- quini'na' lana; co' ja' ñii- ee' ni'í' dsii- uii'~ quí'na'!

E~ calí' cóo'~ Agar jōgui Sara

21 Jōgui iin~n e ningí'na' quie~ e e júu^ la, jaléng' 'nú' i dseáng'- iing~na' jmití'na' júu^ quí' ta~ quiá'- Moi'. Jō jsu ja' mī' cangáng' 'nú' jial lí' e júu^ jō?

22 Co' jee~ e júu^ jō fé' e i 'lí' yúu'~ Abraham do caliséng' gáng- jōor', jaang' i caliséng' cóo'~ jaang' dseamí' i sii' Agar i si'níng~ i jmóo' ta~ huí' e ja' 'léng', jōgui i jaang'gui do caliséng' quiá'r- cóo'~ dseáng'- dseamí' quiá'r- i sii' Sara i néé' ni' jaléb' e óor' cóo'~ dseañu' quiá'r-.

23 Jō i jōo' i dseamí' i si'níng~ do caliséiñ' laco'gui liseeng' lí' doñí' i jōo' dsea'; jōgui i jōo' dseáng'- dseamí' quiá'- 'lí' yúu'~ Abraham do caliséiñ' lajōb cajo, dsu' lí' laco' niliti~ lajii'~ júu^ e nica'cuó' Fidiée~ ír' lamí' jéeng'gui.

24 Jō dsu' līm~ ee' guóng' jalé' e la; dsūco' lajì' gáng- i dseamí' do līm~ ee' júu^ sisée^ quiá'r- lajaang' lajaañ'. Jō i dseamí' jaang' i sii' Agar do cuó' coo' lí' quiá'r- quiá'- lajii'~ júu^ e cajmiró' Fidiée~ cóo'~ Moi' fí' yá'^ mó' Sinaí; jōba' jaléng' dsea' i níng' la'eáang' cóo'~ e júu^ jō líiñ' lafa' dsea' si'níim'.

25 Jōgui i dseamí' i sii' Agar do cuó' coo' lí' quiá'r- fí' yá'^ mó' Sinaí e si' fí' Arabia e guóng' e jaléng' dsea' Jerusalén i seeng' fí' lí' se' Israel líiñ' lafa' dsea' si'níim'.

26 Dsu' jaléng' dsea' quiá'- Dsea' Jmáang- i catíng- e fii' Jerusalén 'mí' quiá'- Fidiée~ do ja' líiñ' dsea' si'níng'. Jōgui lí' lafa' niquí'baa' e fii' jō.

27 Co' lalab fé' fí' ni' jì' quiá'- Fidiée~:

Jmi'iaang' o', dseamí',

'nú' i ja' mī' cangoquieeng~ yuu';

jōgui jmi'iaang' a' cajo e ja' mī' ca'ín' iihu'í' laco' mī' liseeng' jiuung~ quiá'- dsea'.

Dsūco' 'nú', dseamí' i catúu- dseañu' quí'~,

fíng'gui jóo' niliseeng' laco'gui i dseam' i seeng' dseañu' quiá'-.
Jo lanab fé' Fidiéé' fí' ni' jì' quiár'-.
28 Joba' fí' guí' 'nú', dseá' rú'naa' dseá' quiá'-. Dseá' Jmáang-, jneaa'aa' colíng' cóo' i jóo' Abraham i sii' Isáa' do lí'naa' jóo' Fidiéé' e laco' niliti' lajii' júu' quiár' e nicacuø'r' 'lí' yáa' Abraham lami' jéeng'gui.

29 Jo co' ie' jo i jóo' i dseam' si'níng' do cajmeáin' ga' i jóo' dseam' quiá'-' lí' yáa' Abraham do i caliséng' la'eáang' cóo' ta' quiá'-' Jmiguí' quiá'-' Fidiéé', jo lajob cajo jmóo' dseá' sijur' cartí' lana e jmáin' ga' rúin'.

30 Jogui quie'na' cuente lajii' júu' quiá'-' Fidiéé' e casí'r' Abraham: "Uøøng' fí' quiá'-' i dseam' i si'níng' colíng' cóo' jóo' do, co' ja' catíng' jóo' i dseam' do lajii' guiéé' quiá'-' i jóo' dseáng'-' dseam' quiá'-' i néé' ni' jaléb' e sea' quiá'-' na', yáa' Abraham."

31 Jo lajob lí', dseá' rú'naa', ja' lí'naa' lafa' jóo' dseam' i si'níng', co' lana nilí'ii' lafa' jóo' dseáng'-' dseam' i ja' si'níng' do.

5

Dseá' Jmáam-bing' láang' jneaa'aa' e laco' ja' lí'ii' dseá' i lafa' si'níng'

1 Joba' fí' guí' 'nú', dseá' gálatas, e Dseá' Jmáam-bing' caleáang' jneaa'aa' e laco' jo' 'ga' lí' quie' nifí' qui'ii' e júu' quiá' ta' quiá'-' Moi' do. Joba' 'né' e niliseeng'na' e silaam'ba', jogui jo' cuø'tu' fí' yaang'na' calé' catú' e nijmití'tu' jalé' e júu' jo.

2 Jnea' Paa-, jo náu'na' júu' quie'e, jogui quie'na' cuente røø' jalé' e nifí'ii' 'nú', e song cacuøø' fí' yaang'na' e nitó' lí' fí' ngúu' táang'na' laco'gui táng' dseá' Israel, joba' ja' e ta' íng' quiá'na' jalé' e cangongíng' Dseá' Jmáang' uí' 'nú' jóng.

3 Joba' fí' túu' 'nú' e lí' doñí' ii' 'nú' i tóo' lí' fí' ngúu' táang', joba' 'né' nijmití'na' dseáng' røøb' lajalé' e júu' quiá' ta' quiá'-' Moi' do.

4 Jo jaléng' 'nú' i í' dsí' e Fidiéeb' ni'íin' 'nú' e líng'na' dseá' i ja' røøng' dsee' uí' e jmití'na' e júu' jo, joba' catiúum'ba' Dseá' Jmáang' jogui ca'náam' yaang'na' e laco' jo' ni'íng'na' lajii' e guiúng' Fidiéé' do.

5 Dsu' jaléng' jneaa'aa' nisita' dsí'naa' e Fidiéé' ni'íng' jneaa'aa' e lí'naa' dseá' i ja' røøng' dsee' la'eáang' cóo' Jmiguí' quiár' jogui la'eáang' e cajáang' yee'naa' fí' jaguó' Dseá' Jmáang'.

6 Jogui song lí'naa' dseáng'-' lajang'-' dseá' quiá'-' Dseá' Jmáang-, joba' ja' e lí' nañí' fa' tóo' lí' fí' ngúu' táang'naa' laco'gui lí'íng' dseá' Israel, dsuco' ja' e quíng' e jo; co' lajii' e quíng' fí' quini' Fidiéé' e jáang' yee'naa' fí' jaguó' Dseá' Jmáam' e laco' nijmi'neáang'naa' dseá' rú'naa'.

7 Jogui 'nú', guiúb' lami' seeng'na' cóo' Dseá' Jmáang-; dsu' lanagui líim' ii' nicatáng' 'nú' júu' e nicatáa'na' e jo' náu'na' lajii' júu' quiá'-' Dseá' Jmáang'.

8 Dsu' o' Fidiéé' i cajéeng' 'nú' e cajmee'na' lajo, co' dseá' do nicatø'r' 'nú' e laco' ni'uíng'na' dseá' quiá'-' bre.

9 Jo lalab júu' róo: "Coo' capí' quie'b' nijmé' niróo' ca' quiá'-' iñí'."

10 Dsu' jnea' tab' dsii' e la'eáang' cóo' Dseá' Jmáang- ni'í'tu' áa'na' calé' catú' laco'gui í' dsí' jnea-. Jo Fidiéeb' nicuø'-' iihuí' i dseá' i jmigøøng' 'nú' cóo' jalé' e 'né' jmití'na', jo ja' e lí' ii' dseá'.

11 Dseá' rú'naa' dseá' quiá'-' Dseá' Jmáang-, faco' jnea' guia'bíi' júu' e dseáng'-' la guím' 'né' jmé' dseá' quiá'-' Dseá' Jmáang- e lí' fí' ngúu' táain' lí' laco' lí'íng' dseá' Israel, joba' faco' lajo, ja' e ta' e jmáng' dseá' Israel jnea' ga' jóng. Jo faco' lajob jmóo'o, joba' ja' liguíng' dseá' Israel uii' quiá'-' jalé' e júu' e guíaa' quiá'-' jalé' e cangongíng' Dseá' Jmáang' fí' dse' crúu' jóng.

12 Jogui jaléng' i dseá' i ngí' ta' jmigøøng' 'nú' do e quiá'-' e tó' lí' fí' ngúu' táang'na', iguiá' gui fa' nidsi'ím'bre congúia' jo lajoba' nitiúuín' 'nú'!

13 Jogui co' 'nú', dsea` rú'naa', Fidiéé` cató'r- 'nú' e laco' jo` quiu'gui ta` quíi-na' e júu` quiu' ta` quiá'- Moi~ do. Jo co' lajob líng'na', joba' jo` jmée'na' lí' doñí ee` lí' óó'na' yaang~na', co' dsea` silaam` nilíng'na'. Dsaco' guiá-gui e jmicóo'~ rúng'na' lajee` la'ó' yaang~na' uíi~ e 'neáang` rúng'na'.

14 Co' lajaléb' lí' fé' júu` quiu' ta` quiá'- Fidiéé`, e júu` laba' eáang'gui liti': "Jmi'neáang` jaléng' dsea` rún' lí' laco'gui jmi'neáang` uo'."

15 Jo song jmoo'na' ta` jíng` osi ta` títng` cóo'~ jalé' e siing~na', joba' ni'íim- lajii~ juguiá- júu` røø` e sea` jee~ 'nú' e cangúng'na' e cacuo' Fidiéé`.

Jalé' e lí' dsíi' dsea' fí' jmigüü' jogui jalé' e iing~ Jmiguü' quiá'- Fidiéé`

16 Joba' fíi-guüi 'nú' la guíng`, dsea` rú'naa': Güiliseem'ba' contøøng- la'eáang` cóo'~ Jmiguü' quiá'- Fidiéé`, jo lajoba' ja` jmití'na' lajii~ e lí' óó'na'.

17 Dsaco' jalé' e lí' dsíi'naa' do ja` cóøng` røø` cóo'~ jalé' e iing~ Jmiguü' quiá'- Fidiéé`, jogui jalé' e iing~ Jmiguü' quiá'- Fidiéé` ja` cóøng` røø` cóo'~ jalé' e lí' dsíi'naa' do. Dsaco' laji` tú- e na ja` røø` cóøng` quiá'-, joba' ja` cuøøng` e jmée' 'nú' lajii~ e lí' áá'na' do.

18 Dsü' song 'nú' seem'ba' e quie` nifí Jmiguü' quiá'- Fidiéé` quíi-na', joba' e júu` quiu' ta` quiá'- Moi~ do jo` quiu' ta` quíi-na' lana jóng.

19 Jo ja` e huíng` e jóø'naa' quiá'- jaléng' dsea` i cá' fí ga` jogui jmóor` lajii~ e lí' dsíir' yaaiñ~ fa' jalé' e la: mi~ 'léé' jaléng' dseañu' osi jaléng' dseamî e güüiñ` cóo'~ dsea` i o' quiá'r-, osi mi~ jmóo` dsea` jalé' e 'lí' e jié'gui, osi mi~ jmóor` jalé'gui e ja` tíi ta` e quíi- tíiñ` jmóor`.

20 osi mi~ jmiféng' dsea` lí' doñí ee`, jogui mi~ jmóor` ta` dsea` láang`, osi mi~ 'ní' níi- dsea` quiá'- jaléng' dsea` rúíñ', osi mi~ jmóor` ta` jíng`, osi mi~ suuiñ` laco'gui la líng' jaang'gui dsea`, osi mi~ jmináb- liguiñ~, osi mi~ iñ~ e íbre silí'r` jalé' e sea`, osi mi~ 'naam`bre quiá'- rúíñ' co' ja` røø` síiñ~, osi mi~ jii~ la'ó' íbre tí' dsíir' síiñ`.

21 osi mi~ dsihuüiñ` quiá'- jaléng' dsea`, osi mi~ jmóor` ta` jngang' rúng', osi mi~ jmóor` ta` í', osi mi~ dsíng'~ cúíñ~, osi mi~ jmóo`biguir jalé' e ga` e jié' cajo. Joba' fíi-guüi 'nú' calé' catú- laco'gui nicafíi- 'nú' ie~ lamí~ jéeng'gui do e jaléng' dsea` i quíi- títng` jmóo` jalé' e ga` lajo, joba' i dsea` í ja` niñíñ` e Fidiéé` quie` nifí quiá'r-, jogui ja` niñíñ` guiéé` quiá'r- e cuø' Fidiéé` jaléng' dsea` quiá'r- cajo.

22 Dsü' mi~ seeng` dsea` la'eáang` cóo'~ Jmiguü' quiá'- Fidiéé`, co' la'eáang` e Jmiguü' doba' jmi'neáang` rúíñ', jogui e íaang` dsíir', jogui e seeiñ` juguiá- júu` røø` cóo'~ dsea` rúíñ', jogui e féng' dsíir' quiá'- rúíñ', jogui e guiüiñ` cóo'~ jaléng' dsea` rúíñ', jogui guiáb- éer` cóo'~ jaléng' dsea` rúíñ', jogui jmiti~bre lajii~ júu` e cuør',

23 jogui ja` jmicóøng'~ yaaiñ~ jee~ dsea` rúíñ', jogui ja` jmóor` lajii~ ta` quiu'r' yaaiñ~. Jogui lajib` júu` quiu' ta` cóøng` røø` cóo'~ e júu` la.

24 Jogui jaléng' i dsea` i líng' dsea` quiá'- Dsea` Jmáang- lafa' cató- fí dse' crúub` jalé' e ga` e jmóor` cóo'~gui jalé' e lí' dsíir' yaaiñ~, jo lajoba' ca'naam`bre quiá'- e jo.

25 Jo co' la'eáang` cóo'~ Jmiguü' quiá'- Fidiéé` nisee~naa', joba' 'né- cuøø` fí yee~naa' e e Jmiguü' dob quie` nifí quíi-ii'.

26 Jogui ja` 'né- jmicóøng'~ yee~naa' jee~ jaléng' dsea` o'gui nijmijløng'^ yee~naa' o'gui nijmó'oo' dsihuíng'naa' quiá'- jaléng' dsea` rú'naa' cajo.

6

Jmicóo'~na' jaléng' dsea` rúng'na'

1 Joba' fíi-guüi 'nú', dsea` rú'naa' dsea` quiá'- Dsea` Jmáang-, song móo- 'nú' e jaang` dsea` rúng'na' nicatøøng' fí ni~ dsee-, joba' jaléng' 'nú', dsea` seeng'na' la'eáang` cóo'~ Jmiguü' quiá'- Fidiéé`, 'né- nijmicóo'~ba' i dsea` í e laco' niliseeiñ` laco' la seeng` dsea` quiá'- Dsea` Jmáang-. Jo jmee~ba' e guiúng~na' cóo'r-, jogui ñiim~ áá'na' e laco' ja` güilí e la quie` 'náb' cajo nijjúng'na' fí ni~ dsee-.

² Jogui jmicóo' rúng'na' cóo' jalé' e huíng' lí' quí'na', jo lajoba' dseáng' niliti' lajii' júu' quiá' Dsea' Jmáang'.

³ Jo song jaang' dsea' í dsíir' e niing' guir, dsu' o' já' e lajo, co' lico' jmigóong' 'ña'bre song í dsíir' lajo.

⁴ Dsuo' lajaang' lajaam' dsea' 'né' í dsíir' su guiá' jalé' e jmóor' osi ja' dseeng' é. Jo song í dsíir' 'ña'r' e guiá' lajii' e jmóor' do, jo song dseáng' lajob lí', joba' ja' 'né' jóor' jial jmóo' dsea' jiéng'.

⁵ Dsuo' lajaang' lajaam' dsea' 'né' to' fíiñ' lajii' e lí' quiá'r'.

⁶ Jogui i dsea' i jmitíng' júu' quiá' Dsea' Jmáang' 'né' cuó'bre i dsea' i e' quiá'r' do lajii' e catíiñ' do e laco' nijmicóo' reiñ' do.

⁷ Jo ja' jmigóong' yaang'na' cóo' jalé' e jmoo'na', co' jii' jaang' dsea' cuóong' lí' jmigóoiñ' Fidié'. Cofa' lajii' e jni' dsea' fí' ni' guóo' uó' quiá'r', e job cajo e nisíiñ' mi' niró'.

⁸ Jo lajob lí' cóo' i dsea' i seeng' laco' lí' dsíir' yaaiñ', co' mi' nití' í' quiá'r' e nijúuiñ', ni'nám'bre quiá' Fidié' lata'. Jogui i dsea' i seeng' laco' iing' Jmiguí' quiá' Fidié', joba' la'eáang' e Jmiguí' quiá' Fidié' dob niliseeiñ' cøong' cóo' dsea' do lata'.

⁹ Jogui song cuø' bí yee'naa' e jmó'oo' jmang' e guiá', jogui song dseáng' ja' jmitúng' dsi'naa' e jmó'oo' e jo, joba' mi' nití' í', ni'ím'baa' guié' quí'ii' e cuø' Fidié' jaléng' dsea' quiá'r'.

¹⁰ Joba' contøom' 'né' jmó'naa' jmang' e guiá' cóo' jaléng' dsea' jogui e jmicóo'naa're, dsu' la guíng'gui eáang' 'né' jmó'oo' lajo cóo' jaléng' dsea' rú'naa' dsea' quiá' Dsea' Jmáang'.

Júu' # 'goo' quiá' Paa'

¹¹ Jo jóo'na', dsea' rú'naa', jial tí' cóo' e júu' e jmo'o la quí'na'!

¹² Jo jaléng' i dsea' i jmóo' úung' e nitó'na' lí' fí' ngúu' táang'na', jmóor' lajo e laco' nijér' guiá' cóo' jaléng' dsea' caguaang'gui jogui e laco' ja' nijmeáng' dsea' ga' ír' uii' quiá' e guiar' júu' e cajúng' Dsea' Jmáang' fí' dse' crúu'.

¹³ Jo jiguí' jaléng' i dsea' i jmóo' úung' e tóor' lí' fí' ngúu' táaiñ' do ja' jmitir' jalé' e júu' quiá' ta' quiá' Moi'. Dsu' jmóor' úung' e 'nú' nitó'na' lí' fí' ngúu' táang'na' e laco' nijmér' ráaiñ' fí' quini' jaléng' dsea' jiéng' e nicalí'bre 'nú' e nicajmee'na' lí' fí' ngúu' táang'na'.

¹⁴ Dsu' jnea', jii' coo' ja' e jmóo' raa'n e jie'gui; co' dseáng' lajii' e calí' cóo' Dsea' Jmáang' fí' dse' crúub', jii' joba' sée' e teá'. Co' la'eáang' e catáng' Dsea' Jmáang' fí' dse' crúu'ba', jo' ee' ta' íng' quié' e jii' coo' jalé' e sea' fí' jmigú' la lana, jogui lí' lafa' e cajúm'baa, co' jo' seen' e quiá' ta' jnea' jalé' e sea' fí' jmigú'.

¹⁵ Jogui jo' ee' ta' íng' quí'na' song tóo' lí' osi ja' tóo' lí' fí' ngúu' táang'na' é; dsuo' lajii' e quíng'gui quí'na' e nicaquí' jíng' yaang'na' fí' quini' Fidié', jo joba' nilíng'na' dsea' 'mím' lana.

¹⁶ Jo jaléng' i dsea' i seeng' laco' la lí' e júu' e nicafá' a na, cóo'gui jaléng' dsea' Israel i quie' Fidié' nifí' quiá'r', güiliseem'bre juguiá' júu' røø', jogui güilíb' fí' líng' Fidié' ír' cajo.

¹⁷ Latí' lana jogui lí' dsé'gui cajo jii' jaang' dsea' nicuó' guir jnea' iihuí'; co' jalé' e güi' e quiee' la lana cuø' lí' e jmóo' lajii' e iing' Fí'naa' Dsea' Jmáang'.

¹⁸ Joba' dsea' rú'naa', nimí'í' Fí'naa' Dsea' Jmáang' e ni'ír' güea' quiá'r' jee' 'nú'. Jo lajob 'né' lí'.

Jo lanab jii' fé' jii' quiá' Paa' e catíng' jaléng' dsea' quiá' Dsea' Jmáang' i seeng' fí' lí' se' Galacia.

Júu^ e toq̃ fí ni~ jì quiá'- Paa- e catíng- dsea` seeng` fí ÉFESO

¹ Jnea~ Paa- lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-, co' lajob ta~ e cali'iaang` dsíi' Fidiée` cacuø'r' jnea~. Jo guiéen~n júu^ guicóo' quiá'-na', jaléng' 'nú', dsea` quiá'- Fí'naa' Fidiée` i neáang' fí Éfeso i já'- líng' júu^ quiá'- Dsea` Jmáang-.

² Jo máh'i Tiquí'naa' Fidiée` cóo' gui Fí'naa' Dsea` Jmáang- e ni'í'r- güea'^ quiá'r- jee~ 'nú', jogui e nicuø'r- 'nú' e seeng'na' juguiá- júu^ røø.

Jalé' e guiá- e nicacuø' Fidiée` jneaa~aa'

³ Jo majmifém'baa' Fidiée` i líng' Fidiée` quiá'- Fí'naa' Dsea` Jmáang- jogui i líng' Tiquíar' cajo, dsuco' la'eáang' e lí'í' lafa' jaang` dsea` cóo' Dsea` Jmáang-, lajoba' Fidiée` nicacuø'r' jneaa~aa' jalé' e guiá- e sea` quiá'r- e jáa' fí lí' guiiñ~ e laco' uíng- guiá- qui-ii'.

⁴ Jo Fidiée` caguíñ' jneaa~aa' latí' jíi~ mi~ ná'-gui e nitiroo' jmiguí' e laco' niliguiúng-naa' fí quinir' e ja` dsee- sea` qui-ii' la'eáang' cóo' Dsea` Jmáang-.

⁵ Jo co' eáam' 'neáang' Fidiée` jneaa~aa', joba' caguiar' guiá- latí' malí' e laco' nijéiñ- jneaa~aa' laco' jóo'bre la'eáang' cóo' Dsea` Jmáang-, lí' laco'gui jíi~ e cali'iaang` dsíir' 'ñia'r'.

⁶ Jo cajméer' lajo e laco' nijmiféng'naa' Fidiée`, co' eáam' guíuñ- cóo' jneaa~aa' nañí' fa' ja` catí- naa' e jo. Jo cacuø'r' jneaa~aa' e jo e ja` lee' jíi~ coo' la'eáang' cóo' Jóor' Dsea` Jmáang- i 'neáaiñ' eáang' do.

⁷ Jo co' eáam' 'neáang' Fidiée` jneaa~aa' nañí' fa' ja` catí- naa', joba' nicaleáaiñ' jneaa~aa' jee~ dsee- qui-ii' la'eáang' cóo' jmi'øøng- Jóor' Dsea` Jmáang- e catuú' fí dse' crúu^ . Jo la'eáang' cóo' e jmi'øøng- dsea` do cali'íñ- dsee- qui- naa'.

⁸ Jo co' eáam' guíung- Fidiée` cóo' jneaa~aa' nañí' fa' ja` catí- naa', joba' cacuø'r' jneaa~aa' e tí- naa' jogui e ngáng'naa'

⁹ jalé' e iñ~ jmóor' 'ñia'r' e ja` ní' dsea` jéeng'gui, lí' lajíi~ júu^ e nicacuø'r' jéeng'gui quiá'- jalé' e nijmitir- la'eáang' cóo' Dsea` Jmáang-.

¹⁰ Jo lí' laco'gui jíi~ e nicaguiá' Fidiée` guiá- jéeng'gui, dseáng'- nilitib~ laco' sí'í' mi~ nití- í' lajo e Dsea` Jmáam- nilíiñ- dsea` mogui~ quiá'- lajaléng' jogui quiá'- lajalé' e sea` fí ñiff- cóo' gui fí ni' guóo' uó- la.

¹¹ Jo lajíi~ malí' Fidiée` nicaguíñ' jnea^, dsea` lí'naa' dsea` Israel, e laco' ni'uíng-naa' jóor' la'eáang' cóo' Dsea` Jmáang- lí' laco'gui nica'í' dsíir' jéeng'gui e nijmér-; jo jaléb' e jmóo' Fidiée` do, jmóor' laco' jíi~ e líiñ- e guiáb-.

¹² Jo nicajméer' lajo e laco' jnea^, dsea` nita~ dsí'naa' la'uii~ e Dsea` Jmáang- nileáiñ- jnea' jee~ dsee- qui-ii', seé- naa' e nijmiféng'naa' Fidiée`, co' íb' dsea` laniing- 'gøiñ'.

¹³ Jo lajobi jaléng' 'nú', dsea` ja` líng'na' dsea` Israel, mi~ canúu-naa' e júu^ já'- quiá'- Dsea` Jmáang- e quiá'- jial laang` dsea` jee~ dsee- quiá'r-, jogui ca'uíng-na' jóo' Fidiée`, joba' cacuø' Fidiée` 'nú' Jmiguí' quiá'r- lí' laco'gui júu^ e nicacuø'r' jéeng'gui e laco' líng-na' e líng-na' dsea` quiá'r-.

¹⁴ Jo co' seem' e Jmiguí' quiá'- Fidiée` do cóo' jneaa~aa', joba' lita~ dsí'naa' e ni'íng'naa' lajíi~ e catí- naa' quiá'- Fidiée` cartí' mi~ nileáiñ- jneaa~aa' conguiá' jee~ jalé' dsee- qui- naa', jneaa~aa' dsea` lí'naa' dsea` quiá'r-. Jo lajob nijmiféng'naa're, co' íbre dsea` laniing- 'gøiñ' fí la'úng-.

Jalé' e mi' Paa- Fidiée` uii~ quiá'- jaléng' dsea` quiá'- Dsea` Jmáang-

¹⁵⁻¹⁶ Jo uii~ quiá'- e cajmée' Fidiée` e nilíng'naa' jóor', joba' lacoø' ya' mi~ fón'n dsea` do, cuøø-øre gui'máang' uíi~ 'nú' latí' mi~ cali'íiñ- e cajáang' yaang'na' fí jaguó'

Dsea` Jmáang` jogui eáam` jmi'neáang` rúng`na' cóo`~ jaléng` dsea` quiá'- Dsea` Jmáang` caguiang` gui cajo.

17 Jogui máh`i Fidié` i líng` Fidié` quiá'- Fí'naa' Dsea` Jmáang` , jogui i líng` Tiquí`ii' i laniing` 'gøng` do cajo, e nicuó'r` 'nú' e tíng` ngáng`na' i` dseáng`- Fidié` la'eáang` cóo`~ Jmiguí` quiá'r` , jo lajob nilicuíng`gui'r` guiá` cajo.

18 Jogui máh`i Fidié` e nicuó'r` 'nú' e nijneá` moguí`na' e laco' niliñí`na' e` e nisijeeng`na' e ni'íng`na' quiá'r` , co' dsea` quiá'-bre nilíng`na' , jogui jial tí' jlo`^ jogui niguo`^ jalé` e cuø' Fidié` jaléng` dsea` quiá'r` i catíng` lajo.

19 Jogui máh`i Fidié` cajo e niliñí` 'nú' jial ja` cóøng` cóo`~ 'gøng` Fidié` , jo cóo`~ e 'gøiñ` do jmicóo`~ jneaa`aa' , dsea` lí'naa' dsea` quiá'- Dsea` Jmáang` . Jo cóo`~ e laniing` 'gøng` dsea` do, cóo`~ e job cajo cajméer`

20 e cají'tu` Dsea` Jmáang` mi` cangf` e cajúñ` , jo caguiéiñ` lí' lí' dsée' laco' guiiñ` 'ñia'r` fí` ñiff` .

21 Jo cacuø' Fidié` Dsea` Jmáang` e í'bing` laniing`-gui eáang` jee` lajaléng` i seeng` fí` yú`^ jmigüí` , fa' jaléng` dsea` moguí` , jogui jaléng` i si'neang` i quiu' ta` , cóo`~ gui dsea` laniing` i quiu' ta` , lí'^ doñí` ii` dsea` ee` ta` oor` i quiu' ta` lajee` lana o`si lajee` lí` dsé`-gui é.

22 Jo lajalé` niguiá` Fidié` fí` uii` tí`- Dsea` Jmáang` , jo cangüm`bir cajo e líng` dsea` do dsea` moguí` quiá'- lajaléng` dsea` quiá'r` .

23 Jo jaléng` dsea` quiá'- Dsea` Jmáang` líiñ` lafa' coo` ngúu` táaiñ` cóo`~ dsea` do, joba' røøb` sea` qui`-ii' laco'gui la sea` quiá'- dsea` do, jo dsea` íb` dsea` moguí` quiá'- lajaléng` cóo`~ gui lajalé` e sea` fí` la'úng` .

2

Fidiéb` dsea` caleáaiñ` jneaa`aa' jee` dsee`-quí`-ii'

1 Jo lamí` jéeng`gui do, jaléng` 'nú' líng`na' lafa' 'lím`ba' fí` quini` Fidié` uí`~ jalé` e 'lee`na' jogui uí`~ jalé` dsee` e ee`naa' ,

2 co' caliséng`na' e jmoo`na' jialco' niróng`na' dsee` laco'gui la jmoo` dsea` jmigüí` , jogui cajmití`na' lajii`~ ta` quiu' fí` i 'ling` i quié` nifí` quiá'- jalé` guí` lí'^ e í' fí` yú`^ jmigüí` . Jogui i fí` i 'ling`^ do née` nir` jaléng` dsea` i ja` jii`~ Fidié` .

3 Jo lajob cajo lamí` see` jneaa`aa' lajii`-naa' lamí` jéeng`gui e jmoo`naa' lajii`~ e ja` dseeng` e ii`naa' yee`baa' , co' jmoo`naa' doñí` ee` já` dsí`naa' jogui í` dsí`naa' . Jo co' lajob jmoo`naa' , joba' catí`-baa' e ni'íng`naa' iihuí` eáang` quiá'- Fidié` uii` quiá'- jalé` e ja` dseeng` e jmoo`naa' do lí'^ laco'gui iihuí` e íng` jaléng` dsea` jmigüí` i jmoo` jialco' niróñ` dsee` .

4-5 Dsu' Fidié` eáam` fí` líiñ` jaléng` jneaa`aa' , jogui eáam` cali'neáaiñ` jneaa`aa' , joba' cangíng`naa' quiá'r` e see`naa' lafa' 'mím`baa' la'eáang` cóo`~ Dsea` Jmáang` nañí` fa' lí'naa' lafa' e 'lím`bá' uí`~ dsee`-quí`naa' . Co' la'eáang` e guíum` Fidié` cóo`~ 'nú' nañí` fa' ja` catíng`na' , joba' nicaleáaiñ` 'nú' jee` jalé` dsee`-quí`na' lana .

6 Jo Fidié` cajméer` e lafa' røøb` cají'túu' cóo`~ Dsea` Jmáang` mi` cají'tu` dsea` do, jogui lafa' caguiéiñ` jneaa`aa' colíng` cóo`~ dsea` do fí` ñiff` quiá'r` .

7 Jo cajméer` e jo e laco' nicuó`- lí` lata` jial tí' guíung` Fidié` cóo`~ jneaa`aa' e jii`~ ja` catí`-naa' e eáam` 'neáaiñ` jneaa`aa' la'eáang` cóo`~ Fí'naa' Dsea` Jmáang` .

8 Jo co' guíum` Fidié` cóo`~ 'nú' e jii`~ ja` catíng`na' , joba' nicangíng`na' e nileáng`na' jee` dsee`-quí`na' la'eáang` e cajáang`~ yaang`na' fí` jaguór` . Dsu' e jo ja` calí`na' yaang`na' , co' Fidié`bing` cacuø' 'nú' e jo e ja` 'lee` .

9 Jo jalé` e jo ja` lí'naa' uii` quiá'- jalé` e jmoo`naa' , dsuco' faco' lajo, joba' cóo`~ e job nijmíjløng`^ yee`naa' jóng` .

10 Dsu' Fidiée'bing' nicajmée' jalé' e jo quí-ii', co' cajméer' e lafa' cali'mím-baa' la'eáang' cóo'~ Fíi'naa' Dsea' Jmáang' e laco' nijmó'oo' jmang'- e guiá' lí' laco'gui jii'~ guiá' nicaguiar' quí-ii' jéeng'gui e nijmó'oo'.

Jial see'naa' juguiá' júu' røø' la'eáang' cóo'~ Dsea' Jmáang'

11 Jo téé' áa'na' jial líng'na' ie~ lami~ jéeng'gui do, 'nú' dsea' ja' líng'na' dsea' Israel. Jo jaléng' jnea'^ i líng' dsea' Israel i títng' tóo' lí' fí' ngúu' táang' lajii'~ dseañu' e laco' cuø' lí' e lí'naa' dsea' quiá'- Fidiée', jo jneab'^ cajo i fé' e ja' líng' 'nú' dsea' quiá'- Fidiée'.

12 Jo jmiguiéng' áa'na' e ie~ lami~ jéeng'gui do ja' mí' cuíng'na' Dsea' Jmáang', jogui jmaquíim' í' óo'na' laco'gui jnea'^, dsea' lí'naa' dsea' siju' dsea' Israel, jogui ja' catíng'-na' lajii'~ júu' e cajmée' Fidiée' jogui cajmíør' cóo'~ jnea'^. Jo lami~ jéeng'gui dsea' i ja' cuíng' Fidiée' lami~ líng'na', o'gui líng' ee' sijeá'na' quiá'- Dsea' Jmáang'.

13 Jo lami~ jéeng'gui ja' cuíng'na' Fidiée', dsu' lanagui nicuíim'ba' dsea' do la'eáang' cóo'~ Dsea' Jmáang' i catu' jmi'øøng' fí' dse' crúu' mí' cajúin' uí'~ jneaa'aa'.

14 Jogui lana, la'eáang' cóo'~ Dsea' Jmáam'-ba', røøb' ní'í' dsi'naa' lajii'-naa', jogui jo' 'ní' néeng' rú'naa'. Co' lami~ jéeng'gui lí' lafa' si' iáb' e sijní' quí-ii' laca'íng'-naa', co' 'ní' néem' rú'naa'. Jo lí' lafa' Dsea' Jmáang' cajgiéiñ' e iá' do mí' cajúin' fí' dse' crúu'.

15 Co' mí' cajúng' Dsea' Jmáang' uí'~ jneaa'aa', joba' ca'uíng' e laco' jo' quie' ní'í' quí-ii' e júu' quiá' ta' quiá' 'lí' Moi'. Jo cajméer' lajo e laco' ca'uíng'-naa' coøb' 'lé' e 'mí' lajii' tú' íng'-naa' do la'ó' ca'uíng'-naa' dsea' quiá'- Dsea' Jmáang'. Jo lajob' cajméer' e laco' jo' 'ní' néeng' rú'naa'.

16 Jogui la'eáang' e cajúng' Dsea' Jmáang' fí' dse' crúu' cuaiñ' quí-ii', joba' juguiá' júu' røøb' nisee'-naa' cóo'~ Fidiée' lana lajii' tú' íng'-naa', dsea' ca'ní' néeng' rú'naa', jo cajméer' e lafa' jaam' dsea' ca'uíng'-naa'.

17 Jo Dsea' Jmáang' cajár' cajaguiar' júu' jial niliseeng' dsea' juguiá' júu' røø' cóo'~ Fidiée' laco'gui 'nú', dsea' ja' lami~ cuíng'na' Fidiée', cóo'~gui jnea'^, dsea' lí'naa' dsea' Israel i cuíng' Fidiée' latí' mí' uíng'.

18 Co' la'eáang' cóo'~ e cangongíng' Dsea' Jmáang' fí' dse' crúu' cuaiñ' quí-ii', joba' lajaang' lajaang' jneaa'aa', dsea' lí'í' dsea' Israel o' lajo é, nicuøøm' sí'naa' cóo'~ Tiquí'ii' Fidiée' la'eáang' e jmicóo'~ jneaa'aa' e Jmiguí' quiá'r' 'ñia'r' do.

19 Joba' lanagui, røøb' ní'í' dsi'naa' lajii' tú' íng'-naa' do, co' dsea' quiá'- Fidiée' ní'í'; jogui lana lafa' coøb' fii' ní'í' lajii' tú' íng'-naa'. Co' lanagui laco' coøb' fii' nisee'-naa' cóo'~ dsea' do, jo laco' dsea' sínúu' quiá'- Fidiée' ní'í'naa' lana.

20 Jo jaléng' jneaa'aa', dsea' lí'naa' dsea' quiá'- Fidiée', lí'naa' lafa' coø' 'núu'. Jo lafa' tí' fii' quiá'- e 'núu' do lí' jnea'^, dsea' lí'naa' dsea' apóo' quiá'- Dsea' Jmáang' cóo'~gui i dsea' i jmóo' ta' fé' cuaiñ' quiá'- Fidiée' cajo. Jogui 'ñia' Dsea' Jmáang' lí'í' lafa' e cuiteá' la'uii' e dsée' quiá'- quiúung' e 'núu' do.

21 Jogui lajaang' lajaang' jneaa'aa', dsea' quiá'- Dsea' Jmáang', lí'naa' lafa' cuiteá' e ngóo' só' røø' quiá'- e 'núu' do la'eáang' cóo'~ Dsea' Jmáang' cartí' ní'uí'-naa' coø' 'núu' güeang'^ quiá'- Fidiée'.

22 Jo 'nú', dsea' quiá'- Dsea' Jmáang' ní'íng'na' colíng' cóo'~ jaléng' jnea'^, jo ngóo' uíng'-na' laco'gui ngóo' uíng' e 'núu' quiá'- Fidiée' do. Jogui jee' jaléng' jneaa'aa' seem' Fidiée' la'eáang' cóo'~ Jmiguí' quiá'r'.

3

Mí' caguiá' Paa' júu' quiá'- Dsea' Jmáang' jee' dsea' i ja' líng' dsea' Israel

1 Jnea' Paa', jo sijnúñ'n fí' la lana dsu' uí'~ e guíaa' júu' quiá'- Dsea' Jmáang' jee' 'nú', dsea' ja' líng'na' dsea' Israel.

2 Co' ní'í' 'nú' e eám' guíung' Fidiée' cóo'~ jnea' nañí' fa' ja' catín'-n, joba' nicacuø'r' jnea' e ta' la e laco' ní'uíng' guíá' quí'-na'.

³ Dsaꝑo' Fidiéẽ cajméer` e ñii` jalé` e cali'iiñ` e nilinee'` jéeng'gui e nijmér` jee` jaléng' dsea` e ja` mí` ñi` dsea` jéeng'gui. Jogui Fidiéẽ nicacuø'r` jnea` e caliñii` lí` laco'gui e nicajmées` e capí` fí` ni` jì` quié` e e nicasún` n` quií`-na'.

⁴ Jo mi` nilí`na' e jì` do, joba' niliñí`na' e niñib` jnea` lajii` e cali'ing` Fidiéẽ jmér` la'eáang` cóo'` Dsea` Jmáang` e ja` mí` ñi` dsea` jéeng'gui.

⁵ Co' lajii` e quiá'- Fidiéẽ e ja` mí` caliñi` dsea` jéeng'gui do, lanagui nicacuø' Fidiéẽ jnea`, dsea` lí`naa' dsea` apóo` quiá'- Dsea` Jmáang`, e ngáng'naa' coliiing`gui cóo'` i` dsea` quiá'r` i` jmóo` ta` fé` cuaiñ` quiá'r` cajo. Jo cajméer` lajo la'eáang` cóo'` Jmiguí` quiá`-bre.

⁶ Jo e nab e ja` caliñi` dsea` jéeng` do e la'eáang` e já` líng` 'nú` cóo'`gui jaléng'gui dsea` i` ja` líng` dsea` Israel e júu` quiá'- Fidiéẽ e quiá'- jial laang` dsea` jee` dsee` quiá'r` la'eáang` cóo'` Dsea` Jmáang`, joba' jaléng` 'nú`, dsea` quiá'- Fidiéeb` nilíng`na' laco'gui jnea`, dsea` lí`naa' dsea` Israel. Jogui coꝑb` 'lé` nilí`naa' lajee` lajalé`naa' do, jogui catím`-baa' e nilíng`naa' conrøø` lajii` e sijeeng`naa' quiá'- Fidiéẽ lí` laco'gui jii` júu` e nicacuø' Dsea` Jmáang` jneaa`aa'.

⁷ Jo co' eáam` guiúng` Fidiéẽ cóo'` jnea` nañi` fa' ja` catún`-n, joba' cacuø'r` jnea` ta` e guiaa` e júu` jo. Jogui la'eáang` cóo'` e laniing` 'gøiñ` do, joba' nicuøøm` jmee` e e ta` jo.

⁸ Jo jnea` ja` catún`-n jii` capí` e nilíin`-n e ta` jo jee` jaléng` dsea` quiá'- Fidiéẽ. Dsa' la'eáang` e guiúm` Fidiéẽ cóo'` jnea` e jii` ja` catún`-n, joba' cacuø'r` jnea` ta` e guiaa` júu` quiá'- Dsea` Jmáang` jee` jaléng` dsea` i` ja` líng` dsea` Israel, jalé` e jlo` niguó` e 'gøng' eáang` quiá'- Fii`naa' Dsea` Jmáang` e jii` ja` quí`naa' jmii` ningáng'naa' jial lí'.

⁹ Jogui nicacuø' Fidiéẽ jnea` cajo e nijmee` e e niliñi` dsea` lajii` e cali'iiñ` jmér` jee` 'nú', lí` lajaléng` 'nú', dsea` ja` líng`na' dsea` Israel, e ja` mí` ñi` dsea` lajii` mali', co' ja` mí` cajmijnéeng` dsea` do e jo. Jo íb` dsea` cajméer` jalé` e sea` fí` la'úng` fí` jmigüí'.

¹⁰ Jo uí` e nilí`i' coꝑ` 'lé` la'ó' jneaa`aa', dsea` lí`i' dsea` quiá'- Dsea` Jmáang`, joba' lanagui jaléng` i` quí` jmii` i` quiu' ta` fí` guiá` güí` cóo'`gui jaléng` dsea` mogui` i` quiu' ta` fí` jo cajo niliñir` e jmiguiá` íim` tí` tíng` Fidiéẽ jmóor` lí` laco'gui jii` guiá` e guiar'.

¹¹ Jo Fidiéẽbing' cajmées` jalé` e jo lí` laco' i' dsíir` mali`gui eáang` e nijmér`, lajii` mi` nú`-gui e nitiroo` jmigüí'. Jo e jo caliti` quiá'- Fidiéẽ la'eáang` cóo'` Fii`naa' Dsea` Jmáang`.

¹² Jo co' dsea` quiá'- Dsea` Jmáang` nilí`naa', jogui la'eáang` e nicajáang` yee`naa' fí` jaguór`, joba' nicuøøm` si`naa' cóo'` Fidiéẽ, jogui nisita` dsi`naa' cajo e dseang`-ninú`-bre júu` qui`-ii'.

¹³ Joba' mii`i` 'nú' e ja` jmitúng` óo`na' uii` quiá'- jalé` iihuí` e íing` jnea` uí` 'nú', dsa' íin`-n e iihuí` la e lí` laco' nidsijéé` guiá` quií`-na'.

Mi` camí` Paa` Fidiéẽ uii` quiá'- dsea` seeng` fí` Éfeso

¹⁴ Jo uii` quiá'- jalé` e jo nisí`i` uø` jnii` fí` quini` Tiquí`ii' Fidiéẽ.

¹⁵ Jo íbing' líng` Tiquiá` jaléng` dsea` jmigüí` cóo'`gui jaléng` dsea` i` nineáang` fí` ñifí`.

¹⁶ Jogui mii`i` Tiquí`ii' Fidiéẽ e la'eáang` cóo'` Jmiguí` quiá'r` nicuø'r` 'nú` güea` 'gøng' quiá'r` e laco' nijmicóo'` quií`-na', co' jii` íb` dsea` i` sea` quiá'- jalé` e jlo` jogui niguó` e jii` ja` tóo` jmii` niguiá'.

¹⁷ Jo mi`bí` e contøøng` guing` áa`na' Dsea` Jmáang` la'eáang` e nicajáang` yaang`na' fí` jaguór`. Jo mii`-bí`r cajo e la'eáang` e eáam` 'neáang` Fidiéẽ 'nú', joba' 'nú' eáam` nilí`neáang`na' dsea` do cajo, jo ja` jmitúng` áa`na' lajii` fí` niteáang`na'.

¹⁸ Jo mii`-bí`r cajo e ningáng` 'nú' røø` coliiing` cóo'` jaléng`gui jnea`, dsea` lí`i' dsea` quiá'- Dsea` Jmáang`, jial tí` laniing` e 'neáang` Dsea` Jmáang` jneaa`aa'.

¹⁹ Jo mii`-bí` Tiquí`naa' cajo e niliñi`gui' dseáng`-røø` jial tí` laniing` 'neáang` Dsea` Jmáang` 'nú', nañi` fa' jii` jaang` dsea` ja` quí`r` jmii` dseáng`- e ningáiñ'. Co' song` niñi`ba' lajo, joba' seab` la dsíng` quií`-na' laco'gui la dsíng` e sea` quiá'- Fidiéẽ 'ñia'r'.

20 Jo güilifém' Fíi'naa' Fidiée, i dsea` i tting` jmóo` e jmigui'gui laco'gui jii' e í dsi'naa' osi e mii'naa'r é, jo e jo jmóor' la'eáang' cóo' bí' quiá'r- e jmicóo' jneaa'aa' quiá'- jalé' e jmoo'naa' do.

21 Jo majmifém'baa' Fidiée` contøøng` jogui lata` jaléng' jneaa'aa', dsea` líi'naa' dsea` quiá'- Dsea` Jmáang`.

Jo lajob nilí'.

4

Dsea` quiá'- Dsea` Jmáang` líiñ' lafa' jaam` dsea` lajee` la'ó' rúñ'

1 Jnea` Paa`, jo sijnín`n uii' e guiaa` júu` quiá'- Dsea` Jmáang` jee` 'nú', dsea` ja` líng'na' dsea` Israel. Jo mii' i 'nú' e güiliseem'ba' laco' sí'í e seeng` dsea` i cató' Fidiée` i ni'uíng` dsea` quiá'r- lí' laco'gui nicató'r- 'nú' e ca'uíng`na' lajo.

2 Jo ja` jmicøøng` yaang`na' jee` jaléng' dsea` rúng'na', jogui ee'ba' guiá' jee` ír', jogui ja` jmoo'na' guíng`na' cóo'r, jogui jmee'ba' féng' áa'na' la'ó' rúng'na' e 'neáang' rúng'na'.

3 Jo có' juguiá' júu` røøb` niseeng` 'nú' la'ó' 'nú', dsea` líng'na' dsea` quiá'- Dsea` Jmáang`, la'eáang' cóo' Jmiguí' quiá'- Fidiée, joba' jmi'úung`na' e seeng`gui' lajo.

4 Jo cóob' 'lé' nilí'ii' la'ó' jneaa'aa', dsea` líi'ii' dsea` quiá'- Dsea` Jmáang`, jogui dseáng'- lajii' Jmiguí' quiá'- Fidiée'ba' seeng`jee` jneaa'aa', jogui ca'ím' e guiá' e sijeeng`naa' e nilisee`naa' cøøng' cóo' Fidiée` lata`.

5 Jo jaam` Fíi'naa' Dsea` Jmáang` i seeng`, jogui jii' júu` quiá'- dsea` í'ba' nijá'- líi'naa', jo uii' joba' cajgáang`naa' jmi'.

6 Jo jaam` Fidiée` i seeng`, jo í'bing' líng' Tiquiá' lajaang` lajaang` jneaa'aa', dsea` líi'ii' dsea` quiá'r-; jogui í'bi cajo i líng' Fii' quiá'- lajii'naa' la'ó' jneaa'aa'; jogui jmáañ' ta` jneaa'aa' e laco' nijmé'naa' lajii' e iñ' 'ñia'r', jogui seeiñ` cóo' jneaa'aa' lajii'naa' cajo.

7 Jo Dsea` Jmáang` cacuø'r jneaa'aa' lajaang` lajaang`naa' lajii' ta` e sí'í'ii' nijmó'oo' quiá'r- lí' laco'gui nicali'iiñ` e cuø'r jaléng' dsea` quiá'r-.

8 Joba' fé' fí' ni` jii' quiá'- Fidiée` cuaiñ` quiá'- e na e nidsijée' cóo' Dsea` Jmáang` jo fé': Jo cajgóo`bre fí' yú' jmigüi e jeeiñ` jaléng' dsea` i calí'r-, jogui cacuø'r dsea` quiá'r- e tiiñ` lajii' e sí'í' nicuø'r- dsea` do.

9 Jo ¿e` guøng' e nisór' fí' yú' do? Có' guøng' e la'uii` nijgiáaiñ` fí' jmigüi la cartí' fí' ná' uó'.

10 Jo Dsea` Jmáam` i dsea` i cajgáang` do, jo í'bi cajo i cangáang'-tu cartí' yú'gui lí' niniing`gui eáang' e laco' íb` nilíng` Fii' quiá'- lajalé'.

11 Jo í'bre dsea` cacuø'r jaléng' jneaa'aa', dsea` líi'ii' dsea` quiá'r-, lajii' e sí'í' nicuø'r-. Jo cacuø'r e i líng` jnea'` jmoo'naa' ta` ni' júu` quiá'- Dsea` Jmáang`, jogui e i líng`gui jneaa'aa' jmoo'naa' ta` fé' cuaiñ` quiá'- Fidiée, jogui e i líng`gui jmóo' ta` guiá' júu` quiá'- jial laang` dsea` jee` dsee` quiá'r-, jogui e i líng`gui jmóo' ta` quie' nifi' quiá'- ta` quiá'- Fidiée` jogui jmóo'bir ta` e júu` quiá'- dsea` do cajo.

12 Jo lajob caguiéng` Dsea` Jmáang` guiá' jaléng' jneaa'aa', dsea` líi'ii' dsea` quiá'r-, e laco' nijmicóo'naa' dsea` rú'naa' laco' catíng-, jo lajob nicuø'ó' bí' rú'naa' la'ó' jneaa'aa', dsea` nilí'naa' dsea` quiá'- Dsea` Jmáang`.

13 Jo lajob 'né` jmó'guí' cartí' conrøøb` nijá'- líi'naa' júu` quiá'- Dsea` Jmáang` jogui conrøøb` nilicuíng`naa' dsea` do i líng' Jóo' Fidiée, jo lajob nilí'naa' dsea` quiá'- Dsea` Jmáang` i niráang` cartí' ni'ie' quí'naa' laco'gui dsea` do 'ñia'r'.

14 Jo lajob jo` nilí'guí' laco'gui líng' jaang` jiuung` i lajmináb` jmisiing` jalé' e í dsír' lí' laco'gui cóo' móo' fí' ni` jmi' e dsée' lí' doñí' jé' fí' lí' í' guí'. Có' i jiuung` do lajmináb` naaiñ` e jmitir` lí' doñí' ee` júu` 'mii' cartí' nilí' e nijmigøøng` dsea` ír', fa' jaléng' dsea` i nitíng` jmigøøng` dsea` rúng'.

15 Dsu' guiá-gui e sii'naa' jmang'- júu^ já', jogui e nijmi'neáng' rú'naa' dsea` líí' dsea` quiá'- Fidié', jo lajoba' nidsicuáng'gui qui'ii' dseáng'- cartí' ni'ee'naa' laco'gui la ée` Dsea` Jmáng- 'ñia'r'; co' íb` dsea` líí' lafa' mogui~ quiá'- jalé'naa', dsea` líí' dsea` quiá'r-.

16 Jo jaléng' jneaa~aa', dsea` líí' dsea` quiá'- Dsea` Jmáng-, líí' lafa' coob` ngúu' táang'naa' cóo'~ dsea` do; jo dsea` íb` dsea` líí' lafa' mogui~ quiá'- lajii'naa', dsea` líí' dsea` quiá'r-. Jo dsea` íb' cajó dsea` cacuø'r' jneaa~aa' coo' ta~ lajaang` lajaang'naa', dsea` líí' dsea` quiá'r-; joba' mi~ guiáb- jmoo'naa' e ta~ jo e jmi'neáng'naa' dsea` rú'naa', joba' colim~ dsicuáng` e ee'naa' guiá- lajii'naa'.

Jial seeng` dsea` la'eáang` cóo'~ Dsea` Jmáng-

17 Jo e lab fii'guí' 'nú', dsea` rú'naa', la'eáang` cóo'~ júu^ quiá'- Dsea` Jmáng-, e jo güiliseeng'gui' laco'gui la seeng` dsea` góo'na' i ja` cuíng` Fidié'. Co' i dsea` í seeiñ` e í dsír' jmang'- jalé' e ja` ta~ íim^,

18 Jo lí' lafa' naab` dsír', co' dsíng'- ja` lí'r` ni'í' dsír' røø; jo ja` íñ' lajii' e cuø' Fidié' jaléng' jneaa~aa', dsea` líí' dsea` quiá'r-, uí' e ja` iñ` e nilicuíñ` dsea` do, co' eáam' ue' dsír'.

19 Jo jii' ja` lí'r` i' líí' e cuø' fí yaaiñ` e jmóor` jalé' e 'lí', jo dseáng'- ja` quie' íb' jmóor` jalé' e 'lí' e tiiñ` jmóor` do.

20 Dsu' 'nú'gui, dsea` cuíng'na' Dsea` Jmáng-, ja` calicuíng'na' dsea` do e laco' ni-jméé'na' jalé' e 'lí' lajo.

21 Co' dseáng'- já'-ba' nicanáa'na' júu^ quiá'- dsea` do, jogui lim~ ee' calitíng'na' quiá'r- jo lajoba' niñi'na' e jmang'- e jáb'- júu^ quiá'- Dsea` Jmáng-.

22 Joba' túu'na' jalé' e 'lí' e lami~ qui' tíng'na' jmoo'na' do, co' cóo'~ e jo cajmée` e eáam' caligóng'na'.

23 Jogui jmisiing'na' jalé' e í óo'na', jo í áa'na' jmang'- e guiá-.

24 Jogui güiliseeng'na' e nicali'mim-ba' e laco' ni'ee'na' laco'gui la ée` Fidié' 'ñia'r', jogui jmée'na' jmang' e guiá-, jogui ee'na' røø laco' sí'í jee~ jaléng' dsea` rúng'na'.

25 Joba' túu'na' e quie'na' júu^ e o' já', jo fée'-ba' jmang'- júu^ e já' cóo'~ dsea` rúng'na', dsuco' lajii'baa' líí'naa' lafa' coo' ngúu' táang'naa' la'ó' jneaa~aa', dsea` líí' dsea` quiá'- Dsea` Jmáng-.

26 Jo song jmiguíng` áa'na', ja` cuø' fí yaang'na' e ni'ee'na' dsee-; jogui jmi'úung'na' e ja` huøø ee~ e guíng'na' do cajo,

27 jo lajób ja` cuø'na' fii' i 'líng' fí e nijmigóoiñ` 'nú'.

28 Jogui jaléng' 'nú' i lami~ jmoo' ii', quiúum'-ba' e jo jmée'na' lajo, jo jmee'-ba' ta~ guiá- cóo'~ layaang~ guóo'na' e laco' seab` e cuø'na' jaléng' dsea` i 'né' quiá'- lajo.

29 Jo ja` cá'na' júu^ 'lé', co' dseáng'- lajii' júu^ e guiá- jogui e íng' ta~ba' 'né' cá'na' e laco' nijmicóo'~ quiá'- jaléng' dsea` i ninú- e júu^ jo jial nidsicuáng'gui quiá'r- e cuíñ` Dsea` Jmáng-.

30 Jo ja` jmoo'na' e nilíng- fí'í Jmiguí quiá'- Fidié', co' íbing' seeng` cóo'~ 'nú' e laco' cuø' lí~ qui'na' e nilíng'na' dsea` silaang' mi~ nití- í' e nileáng- Fidié' jaléng' dsea` quiá'r- laco' sí'í.

31 Jogui túu'na' jalé' e 'ní' áa'na' cóo'~gui jalé' e guíng'na' quiá'- rúng'na' cóo'~gui jalé' e jiiñ'na', jogui ja` fo'na' júu^ 'lé' quiá'- rúng'na', lí' lajalé' e 'lí' e jié'gui é.

32 Jo ee'-ba' jmang'- e guiá- cóo'~ jaléng' dsea` rúng'na', jogui jmee'-ba' fí' líng'na' jaléng' dsea` rúng'na', jogui íng'na' dsee- quiá'- dsea` rúng'na' lí' laco'gui la jmoo' Fidié' e íiñ` dsee- qui' 'nú' la'eáang` cóo'~ Dsea` Jmáng-.

5

Jial 'né' seeng` dsea` quiá'- Dsea` Jmáng-

1 Jò cò' 'nú' líng'na' jò' Fidié' i iin' eáang', jòba' jmi'úung'na' e ni'ee'na' laco' 'ña' dsea' do.

2 Jò güiliseem'ba' e jmi'neáang'na' jaléng' dsea' rúng'na' lí' laco'gui Dsea' Jmáang' jmi'neáa' jneaa'aa' jogui cajáng' 'ña'r' e cajúin' fí' dse' crúu' uí' jneaa'aa'; jò e cajúin' do lí' lafa' cò' e jmeafii' jlo' e catíng' Fidié'.

3 Jò cò' dsea' quíá' Fidiéeb' líng' 'nú', jòba' jii' ja' cuøng' í' ó'na' fa' e siing'na' cò' dseañ' osi dseam' i o' quí'na' é, o'gui e í' ó'na' jalé' e 'lí' e jié'gui cajo, o'gui suung'na' lí' doñí' ee'.

4 Jò ja' fo'na' júu' lí' o'gui júu' í' o'gui júu' ga' e ja' uing' sea', cò' ja' catíng' jmé' 'nú' lajo; cò' guiá'gui quí'na' e jmiféng'na' Fidiéeb'.

5 Jogui güilita' ó'na' cajo e lí' doñí' ii' dsea' i 'lé' e güiñ' cò' dsea' i o' quí'r', osi jmóor' e 'lí' e jié'gui é, osi suuiñ' lí' doñí' ee', jòba' i dsea' í' ja' quí' jmi' e Dsea' Jmáang' cò'gui Fidié' nicá' nifí' quí'r'. Cò' i dsea' i suung' lí' doñí' ee' do, jòba' lí' e lafa' e jòb jmiféñ'.

6 Jò ja' cuø' fí' yaang'na' e jii' jaang' dsea' nijmigøoiñ' 'nú' cò' jalé' júu' e ja' íng' ta'. Dsaco' uii' quí' jalé' e 'lí' e nicafá' a na, jòba' cuø' Fidié' iihu' eáang' jaléng' dsea' i ja' náu' lajii' júu' quí'r'.

7 Jòba' ja' quíng'na' jee' jaléng' i dsea' i jmóo' lajo.

8 Dsu' 'nú', lamí' jéeng'gui, fí' lí' nuub' seeng'na'; dsu' lanagui, cò' nilíng'na' lafa' jaam' dsea' cò' Dsea' Jmáang', jòba' fí' lí' jneáb' niseeng'na'. Jòba' güiliseem'ba' laco'gui i dsea' i seeng' fí' lí' jneá'.

9 Jò mi' seeng' dsea' fí' lí' jneá', jòba' jmang' e guiá' jmóor' cò' dsea' rúñ', jogui éer' rø' cò' dsea' do cajo, jogui jmang' júu' jáb' quier'.

10 Jò fii'guí' 'nú', jmi'úung'na' e güiliseem'ba' laco' la íang' dsí' Fí'naa' Dsea' Jmáang'.

11 Jò ja' sicøng' yaang'na' e jmé'na' jalé' e ja' ta' íng' laco'gui la jmóo' dsea' i seeng' fí' lí' nuu'; cò' guiá'gui e nifí'na're e ja' dseeng' jalé' e jmóor' do.

12 Dsaco' lí' lí' lí' baa' e lico' fé' bii' uii' quí' jalé' e 'lí' e jmóo' i dsea' la' fí' lí' íng'.

13 Dsu' mi' nifí'na're e ja' dseeng' jalé' e jmóor' do, jòba' cajneáb' niing' jalé' e jò, jò lajòba' nilí' jaléng' dsea' jial lí' jalé' e jmóo' dsea' í'

14 Lí' laco'gui e júu' la:

Jmijné' a', 'nu' dsea' lafa' güñ' uí' dsee' quí',

jò güijí'tu' la'eáang' cò' Dsea' Jmáang';

jò lajòba' dsea' do nijmér' e niliseen' fí' lí' jneá' jir'.

15 Jò fii'guí' 'nú', dsea' rú'naa', ñiing' á'na' jial ni'ee'na' jmang' e guiá', jò ja' güiliseeng'na' e jmoo'na' jalé' e ja' uing' sea', cò' lí' lí' né' í' á'na' laco' catíim' cò' jalé' e jmoo'na' do.

16 Jogui jmi'úung'na' e ee'na' guiá' contøng' cò' jaléng' dsea' rúng'na', cò' eáam' ga' nijmóo' dsea' lajee' lana.

17 Jò ja' jmoo'na' jii' cò' e ja' mí' ca'í' á'na' rø' laco' catíng', cò' 'né' jmi'úung'na' e ningám'ba' lajii' e íng' Fí'naa' Fidié' e nijmé'na'.

18 Jogui ja' jmé'na' jmang' ta' í', cò' fí' gab' cá' jaléng' dsea' i jmóo' lajo; cò' guiá'gui e jii' Jmiguí' quí' Fidiéeb' nicá' nifí' quí'na'.

19 Jogui mi' føng' rúng' 'nú' la'ó' líng'na' dsea' quí' Dsea' Jmáang', féeng' rúng'na' cò' jalé' júu' quí' Fidié' e toq' fí' ní' jì' salmos jogui cò' jalé' júu' e ø' dsea' quí' Fidié' cajo cò'gui jalé' júu' e cuø' Jmiguí' quí' Fidié'. Lajòba' cajo, mi' ø'na' jogui mi' jmiféng'na' Fí'naa' Dsea' Jmáang', jme'ba' car' ngocáng' ó'na'.

20 Jogui ja' tiúung'na' e cuø'na' gui'máang' Tiquí'ii' Fidié' la'eáang' cò' Fí'naa' Dsea' Jmáang' quí' jalé' e dsingíng'na'.

Jial seeng' dsea' quí' Dsea' Jmáang' cò' jaléng' dsea' s'nu' quí'r'

21 Jo jmée^na' núu~na' júu^ quiá'- rúng^na' e iáang` áa'na' e laco' cuø' li~ e jmi'goo'ba' Dsea` Jmáang^-.

22 Jo e laba' fii~i 'nú', jaléng^ dseamf, jmi'goo'ba' jaléng^ dseañu^ quií~na'. Jo song lajob jmoo'na', joba' núu~ba' júu^ quiá'- Fí'naa' Dsea` Jmáang^-.

23 Dsaco' dseañu^bing' líng^ dsea` mogui~ quiá'- jaléng^ dseamf quiá'r- laco'gui Dsea` Jmáang^- líiñ' dsea` mogui~ quiá'- jaléng^ dsea` quiá'r-. Jo jaléng^ i dsea` quiá'r- do lí' lafa' coob` ngúu' táaiñ` cóo'~ dsea` do. Jo dsea` dob dsea` láaiñ` jaléng^ dsea` quiá'r- jee~ dsee~ quiáiñ^-.

24 Jo jaléng^ dseamf 'né- nú-bre júu^ quiá'- dseañu^ quiá'r- e iáang` dsír' lí^ laco'gui jaléng^ dsea` quiá'- Dsea` Jmáang^- 'né- jmér- núu~bre júu^ quiá'- dsea` do cajo.

25 Jo e laba' fii~i 'nú', jaléng^ dseañu^, jmi'neáang^na' jaléng^ dseamf quií~na' laco'gui Dsea` Jmáang^- jmi'neáaiñ` jaléng^ jneaa~aa', dsea` lí'naa' dsea` quiá'r-, jogui cajáng^ 'ñia'r' e cajúíñ- uii~ quií~ii' cajo.

26 Jo cajméer` lajo e laco' ca'uíng~naa' dseáng^ jíi~ dsea` quiá'- Fidiée~. Jogui cajméer` e lafa' cajgúing~naa' cóo'~ e jmi~ e cajgáang~naa' do cóo'~gui e júu^ quiá'r- e caguiar` do cajo.

27 Jo cajáng^ 'ñia' dsea` do e cajúíñ- e laco' nisíñ` jaléng^ jneaa~aa' fí' quinir` laco' jaang` dsea` i sijgúing` jogui i siguíng~ fí' quini~ dsea` do jogui i jíi~ cóo` dsee~ ja` sea` quiá'-.

28 Jo jaléng^ dseañu^ 'né- 'neáam~bre jaléng^ dseamf quiá'r- lí^ laco'gui la 'neáang` yaaiñ~. Co' i dsea` i 'neáang` dseamf quiá'-, joba' 'neáaiñ` yaaiñ~ cajo.

29 Dsaco' ja` seeng` dsea` fa' e ja` to' fíng` yaaiñ~, co' lí^ lí' jmóor` í` røøb` jogui to' fíiñ` cóo'~ jalé' e 'né- quiá'r-. Jo lajob jmoó'gui Dsea` Jmáang^- cóo'~ jaléng^ jneaa~aa', dsea` lí' dsea` quiá'r-, røøb` to' fíiñ` cajo,

30 co' lafa' ngúu' táam~bre lí' jneaa~aa', dsea` lí' dsea` quiá'r-.

31 Co' lalab fé' fí' ni~ jì quiá'- Fidiée~: "Naam` jaléng^ dseañu^ quiá'- tiquiá'r^ jogui quiá'- niquiá'r^, jo dsiliñ` cóo'~ dseamf i nicúng^ guó` cóo'~bre, joba' lajì huáaiñ^- do ni'uíñ- lafa' jaam` dsea`."

32 Jo e júu^ quiá'- Fidiée~ na ja` mí' cangáng^ dsea` røø` jéeng^gui, dsu' jnea~gui fá'a e júu^ la lana cuaiñ` quiá'- Dsea` Jmáam^- colíng~gui cóo'~ jaléng^ jneaa~aa', dsea` lí' dsea` quiá'r-.

33 Jo lajob lí', lajaang` lajaam` 'nú' dseañung^na', 'né- 'neáam~ba' dseamf quií~na' laco'gui 'neáang^na' yaang~na'; jogui lajobi jaléng^ dseamf 'né- jmi'gó'bre dseañu^ quiá'r- cajo.

6

1 Jogui e laba' fii~i 'nú', jaléng^ jiuung~, jmée^na' núu~na' jalé' ta~ quiu' tiquíi' niquíi'na', co' lajob iing~ Fidiée~ e catíng~ nijmée^na'.

2 Jogui e lab júu^ la'uii~ e quiu' ta~ quiá'- Fidiée~ e song jmiti~ dsea` e jo, joba' ni'íñ' e nisi'íñ^ e nicuø'~ Fidiée~ ír; jo lalab fé' e júu^ do: "Jmi'goo` tiquíi'^ cóo'~ niquíi'^,

3 jo lajoba' niliseen^ juguíá- jogui niñín' e huøøb- seen' fí' jmigüi~."

4 Jogui jaléng^ 'nú', dsea` líng^na' teaa~, ja` jmoo'na' e niliguíng~ jaléng^ jóo'na'; co' guíá-gui e jmicuaang^na're e íb' 'goo` quiá'r- cóo'~ jalé' e e'na're laco'gui cóong` cóo'~ júu^ quiá'- Dsea` Jmáang^-.

5 Jogui lalab fii~i jaléng^ 'nú', dsea` si'níng~ i jmóo'ta~ huí' i ja` 'léeng^, jmee~ba' núu~na' jalé' ta~ quiu' fii~ quií~na'. Jogui jmee~ba' jalé' ta~ jo e jmi'goo'ba're jogui e ngocáng` óo'na' cajo lí^ laco'gui catíng~ e 'né- jmée^na' cóo'~ Dsea` Jmáang^- 'ñia'r'.

6 Jogui jmee~ba' ta~ røø` laco' sí'í, jo o' jíi~ mí~ ní' fii~ quií~na' 'né- jmée^na' ta~ e lí^ laco' nijá'na' guíá- cóo'r~. Jo co' 'nú' dsea` i jmóo' lajii~ e iing~ Fí'naa' Dsea` Jmáam^- nilíng^na', joba' car` ngocáng` áa'ba' 'né- jmití'na' e ta~ do, jo lajoba' iáang` dsí' Fidiée~ cóo'~ jalé' e jmoo'na' do.

⁷ Jo 'né- jmée^na' e ta~ do e iáang` óo'ba' laco'gui catíng- jmée^na' mi~ jmoo'na' lajii~ e iing- Dsea` Jmáang-, jo o' laco' mi~ jmoo'na' ta~ fí' quini~ dsea` jmigüí'.

⁸ Co' niñib^ 'nú' e doñi' ii~ dsea, si dsea` si'niiing~ i jmoo' ta~ huí' e ja' 'léeng'~ osi o' lajo é, ni'ím'bre lajii~ e catíiñ- e cuø' Fidiée~ quía'- jalé' e guiá- e cajméer` do.

⁹ Jogui jaléng' 'nú', dsea` líng'na' fi~, ee~ba' røø` cóo'~ jaléng' dsea` jmoo' ta~ quíi~na', jo ja' jmée^na' soo` áa'na' cóo'r~. Jogui téé' óo'na' e jaam` Fíi'naa' Fidiée~ i seeng` i guing~ fí' ñifí- i quíi' ta~ quíi~na' cóo'~gui dsea` i si'niiing~ i jmoo' ta~ quíi~na' cajo. Co' fí' quini~ Fidiée~ røøb` líi'naa' lajaang` lajaang'naa'.

Jial jmi'óng' dsea` yaaiñ~ jee~ i 'ling'

¹⁰ Jogui lana, dsea` rú'naa', cuøø~ bí' yaang~na' lajii~ fí' niteáang~na' la'eáang` cóo'~ e bí' 'gøng' quía'- Fíi'naa' Dsea` Jmáang-, co' dsea` quía'- dsea` dob nilíng'na'.

¹¹ Jo jmi'óng' yaang~na' cóo'~ jalé' e cangíng'na' e cacuø' Fidiée~ 'nú' e laco' ja' nicá^na' fí' ga' mi~ iing~ fii~ i 'ling'~ jmigøøiñ` 'nú', lafa' jaang` 'lée- quie`bre cóo'~ jalé' e jmi'óng' 'ñia'r' mi~ dséer' jee~ 'nií'.

¹² Co' ja' jmoo~naa' ta~ tíng' cóo'~ dsea` jmigüí', co' ta~ tíng' cóo'~ jalé' guí' 'li' e eáang` óo' bí' e í' fí' guiá'^ güf'ba' jmoo~naa', co' e guí' jo quie` nifí' jogui silí' jaléng' dsea` fí' la fí' na.

¹³ Joba' jmeáang'~na' ta~ jalé' e cangíng'na' e cacuø' Fidiée~ 'nú' e nijmi'óng' yaang~na', jo lajoba' nité'na' cóo'~ i 'ling'^ mi~ nití- í' e nijmeáiñ` 'nú' ga'. Joba' mi~ calí'-na' jalé' e jo, jie~ mí' tú'na' lajii~ fí' teáang~na' jóng.

¹⁴ Jo jie~ mí' tú'na' lajii~ fí' niteáang~na' e quie`ba' jmang'- júu^ já'- quía'- Fidiée~; jo e júu^ já'- na lí' lafa' coo' lo'ñúu' tu' e 'ñúu' teá' tu' jaang` 'lée-. Jogui ee~ba' røø' fí' quini~ Fidiée~ contøøng~; jo e na lí' lafa' coo' 'mi'qui' ñí' quía'- jaang` 'lée- cóo'~ e jmi'óñiñ` fí' nidsíir' fí' jee~ 'nií'.

¹⁵ Jogui 'né- néeb~ guiá- quíi~na' contøøng- e laco' ni'uóng'na' nigüiguiá^na' júu^ quía'- Dsea` Jmáang- e quía'- jial seeng` dsea` juguiá- júu^ røø` cóo'~ Fidiée~; jo e na lí' laco'gui mi~ jaang` 'lée- guieeng' guiá- 'ñia'r' e ni'ø'r- lomíir-.

¹⁶ Jo co' nicajáam~ yaang~na' fí' jaguó' Dsea` Jmáang-, joba' quíi~ba' jmi~ nijmi'óng' yaang~na' jee~ jalé' e ga' e iing~ fii~ i 'ling'^ nijmeáiñ` 'nú'; jo e na lí' laco'gui mi~ jaang` 'lée- quie`bre cóo'~ e nijmi'óng' 'ñia'r' jee~ ñisü'.

¹⁷ Jo nisilaam~ba' jee~ dsee- quíi~na'; jo e na lí' laco'gui coo' logui~ ní^ quíi~na' cóo'~ e jmi'óng'na' moguí'na'. Jogui jmeáam~ba' ta~ e júu^ quía'- Fidiée~ e nica'íing'~na' do e cacuø' Jmiguí' quía'r-; jo e júu^ na lí' laco'gui coo' ñisü' e eáang` dsea` jee~ 'nií'.

¹⁸ Jo lajee~ jo, ja' tiúung'na' e føng'^na' Fidiée~ jogui mii~na' dsea` do contøøng- la'eáang` cóo'~ Jmiguí' quía'r- e nijmicóo'r- 'nú'. Jo contøøm- 'né- e ñiing` áa'na' e ja' nilitúng- óo'na' e mii~na' Fidiée~ uii~ quía'- lajüing` dsea` quía'r-.

¹⁹ Jogui mii~na' Fidiée~ uii~ quie` jnea~ cajo, e nicuø'r- jnea~ e ñi'baa e júu^ niguiaa~ jee~ dsea` e ja' 'gó'o e laco' niliñí' dsea` júu^ quía'- Dsea` Jmáang- e quía'- jial laang` dsea` jee~ dsee- quía'r- e ja' mí' caliñir' lamí~ jéeng'gui.

²⁰ Co' Fidiée~ casiiñ` jnea~ fí' la e laco' niguiaa~ júu^ quía'- jial laang` dsea` jee~ dsee- quía'r-, jo uing~ e joba' e sijññ'n lana. Jo mii~'gui' Fidiée~ uii~ quie` e e laco' nifá'^a e júu^ jo jee~ jaléng' dsea` e ja' 'gó'o jii~ capí'^.

Júu^ guicóo'~ lí~ cadséng- quía'- Paa-

²¹ Jo Tíquico líiñ' jaang` dsea` quía'- Fidiée~ i 'neáang'naa' eáang` jogui i ée' ta~ røø` cóo'~ jalé' ta~ quía'- Fidiée~. Jo dsea` íb' nicár' júu^ fí' na jial seen- jogui jalé' e jmoo'o fí' la cajo.

²² Jo uing~ lajoba' nisññ'nre fí' na e laco' nijmeá'r- 'nú' júu^ jial see~naa' fí' la, jo lajoba' nicuø'r- 'nú' bí' e laco' ja'gui líng'na' fí' í' uí'~ jnea~.

²³ Jo m̄i'~i Tiquí'naa' Fidiéẽ c̄o'~gui Fí'naa' Dsea`Jmáanḡ e nijmér̄ e niliseeng`'ná', dsea`líng'na' dsea`quíar̄, juguíá̄ júu^ røø, jogui e nijmi'neáang`rúng'na' la'eáang' e nicajáang'~ yaang~na' fí' jaguó` dsea` do.

²⁴ Jo m̄i'~i Fidiéẽ e güi'f̄bre güea'^ quiá'r̄ jee~ jaléng` dsea` quiá'r̄ i 'neáang` Fí'naa' Dsea`Jmáanḡ contøønḡ jogui lata~.

Jo lanab jíi'~ fé' jì` quiá'~ Paa~ e catínḡ jaléng` dsea` quiá'~ Dsea`Jmáanḡ i seeng` fí' Éfeso.

Júu^ e toq̄ fí ni~ jì quiá'- Paa- e catíng- dsea` seeng` fí FILIPOS

¹ Jnea~ Paa- cóq̄ Timoteo lí'naa' dsea` i jmóo` lajii~ e iing~ Dsea` Jmáang-. Jogui lana guiéng'-naa' júu^ guicóq̄ quií-na', dsea` quiá'- Fidié~ i neáang' fí na fí Filipos i líng' lafa' jaam` dsea` cóq̄ Dsea` Jmáang-. Jogui lajobi guiéng'-naa' júu^ guicóq̄ quiá'- jaléng' dsea` mogui~ i quiá' ta~ jee` 'nú' cóq̄-gui jaléng' i jmicóq̄-gui quiá'r- cajo.

² Jo má' i Tiquí'naa' Fidié~ cóq̄-gui Fí'naa' Dsea` Jmáang- e ni'í'r- güea'^ quiá'r- jee~ 'nú' jogui e nicuó'r- 'nú' e seeng'na' juguiá- júu^ røø.

Mi~ caféng' Paa- Fidié~ uí' quiá'- dsea` seeng` fí Filipos

³ Jo lacq̄` née' mi~ dséng' dsii- 'nú', cuøø-ø gui'máang' Fidié~ uii~ quií-na'.

⁴ Jogui lacq̄` née' mi~ fón'n Fidié~ uii~ quií-na' lajaléng'na', jmóo` e iáang` dsí'baa,

⁵ có' eáam' cajmicóq̄` rú'naa' e guia'naa' júu^ quiá'- Dsea` Jmáang- júi~ ie~ latí mi~ caneeng` rú'naa' jo cartí jmi~ na.

⁶ Jo tab~ dsii- e Fidié~ bing' i canaang` jmóo` jalé' e guiá- jee~ jaléng' 'nú', jogui í'bi cajo i nijmé- gui lajo cartí niteáiñ' e ta~ jo ie~ mi~ nití- í' e nigüéng-tu Dsea` Jmáang- fí jmiçüí la.

⁷ Jo dseáng'- lajob catíng- e í dsii- uii~ quií-na' lajaléng'na', có' eáam' 'neáan` 'nú' jogui røøb` nica'íing'-naa' jalé' e guiá- e cuø' Fidié~ jneaa'aa', nañí fa' iuun- sijnñ'n fí dsí' 'nañí` osi e niguién'-n fí quini~ dseata` é, e jmi'ø'ø osi jmitaa` dsí' dsea` e júu^ quiá'- jial laang` dsea` jee~ jalé' dsee- quiá'r-.

⁸ Jo Fidiéeb` dsea` ñir' jial tí' e iin~n nimáan~n lajaléng' 'nú' lí' lacq̄' júi~ e cuø' Dsea` Jmáang- jnea~ e nijmi'neáan` 'nú'.

⁹ Jo má' i Fidié~ e eáang'gui nidsicuáng` e jmi'neáang` rúng'na', jogui e nicuó'- guir 'nú' e nilijmá'na' jogui e ningáng'na'

¹⁰ e lacq̄' lí'na' guí'na' contøøng- lajalé' e guiá-. Jo lajob quí'na' jmi~ e seeng'na' e ee-na' guiá- e lacq̄' ja` nilisea` dsee- quií-na' mi~ nití- jmi~ e nigüéng-tu Dsea` Jmáang- fí jmiçüí la.

¹¹ Jo ie~ jo jaléng' 'nú' nijáa~na' júu^ cuaiñ~ quiá'- jalé' e guiá- e cajmee'na' la'eáang' cóq̄ Dsea` Jmáang- e lacq̄' nijmi'goo'na' Fidié~ jogui nijmiféng'na' dsea` do.

Seen- fí jmiçüí la e jmóo` lajii~ e iing~ Dsea` Jmáang-

¹² Jo jnea~ iin~n e niliñí' 'nú', dsea` rú'naa', e jalé' e nicangongñ-n fí la dseáng'- eáam' nicalí'íng` ta~ e lacq̄' nini'^gui júu^ quiá'- jial laang` dsea` jee~ jalé' dsee- quiá'r-.

¹³ Có' jaléng' dsea` i jmóo` ta~ fí 'nú' lí' guíng~ dseata~ dsea` féng' quiá'- dsea` romano cóq̄ jaléng'gui dsea` caguiaang-, guiáb- ñir' e sijnñ'n fí dsí' 'nañí` dsu' uí' e lín'n dsea` quiá'- Dsea` Jmáang-.

¹⁴ Jogui mi~ caliñí jaléng' dsea` rú'naa' dsea` quiá'- Dsea` Jmáang- e sijnñ'n fí la, joba' e jie~ ja` lajalém' dsea` do eáang'gui nicaguia` dsí'r' e ni'r' júu^ quiá'- Dsea` Jmáang-, jogui dseáng'- ja` 'gó'bre jmóor` lajo.

¹⁵ Jo e jáb'-, i líng~ i dsea` í guiar júu^ quiá'- Dsea` Jmáang- dsu' e dsihuím`bre osi e 'ní' ní-bre é, jo dsu' i líng~ gui jmóor` e ta~ jo e guiá- dsí'bre.

¹⁶ Jogui i líng~ i dsea` í jmóor` e ta~ jo e ngocáng` dsí'bre có' eáam' 'neáaiñ` Fidié~, có' ñi'bre e uiing~ e iuung- jnea~ fí la e lacq̄' jmi'ón'n júu^ quiá'- Dsea` Jmáang-;

¹⁷ jo dsu' i líng~ i dsea` í guiar júu^ quiá'- Dsea` Jmáang- e lí' lacq̄' nijmeáng- quiá'r- yaam~bre, jogui ja` jmóor` e ngocáng` dsí'r' e ta~ jo, có' lico' iin~ e ni'meáang'guir jnea~ lí' iuun- fí dsí' 'nañí` la.

18 Jo dsu' ja` e cuaiñ~ quié` e jialco' guia' dsea` e júu^ jo, si e ngocáng` dsír' osi o' lajo é; co' jmi'iaam` dsí' jnea~ dsu' e guia' dsea` júu^ quiá'- Dsea` Jmáang~.

Jo eáam`bi nili'iaang` dsii~,

19 co' ñi'baa e nileám`baa li~ iuun~ la, co' jaléng' 'nú' m#~ba' Fidiée~ uii~ quié` e, jogui jmicóo'~bi Jmiguí' quiá'- Dsea` Jmáang~ jnea~ cajo.

20 Jo dsu' eáam' iin~n jogui eáam' sijeem` e ja` nicuó~ Fidiée~ fí' e nicaa~ fi'í', co' lí' lí' eáang`gui sijeem` e teá' dsii~ e guiaa~ júu^ fí' quini~ jaléng' dsea`, jo lajob nijmi'goo~ Dsea` Jmáang~ e ngocáng` dsii~ jo ja` e lí' e seen~ osi e júun~n é.

21 Co' jnea~ seen~ fí' jmigüí' la e jmóo'o lajii~ e iing~ Dsea` Jmáang~; jogui song jún~n, joba' guiá~ guib ni'uíng~ quié` e jóng.

22 Jo dsu' song seeng~ guí' fí' jmigüí' la, nili' b# jmee~ e ta~ e laco' nilifíng`gui dsea` quiá'- Dsea` Jmáang~; joba' ja` ñii~ e~ niguií'~i, su e seeng~ guí' ofa' e júum~baa é.

23 Co' huím' lí' quié` e e niguií'~i coo' lajee~ e tú~ júu^ la: ca'íng'~ e íaang` dsii~ e nijúun~n e laco' niní'~i cóo'~ Dsea` Jmáang~ fí' jmigüí' coo', co' lajoba' e eáang`gui nijmeáng~ quié` e;

24 jogui e ca'íng'~gui do, eáang`gui la guíng` quií~na' e seem~b# fí' jmigüí' la.

25 Jo co' nitab~ dsii~ e seem~b# fí' jmigüí' la, joba' nija' b# cóo'~ 'nú' fí' na e laco' nijmicóo'~b# 'nú' e nidsicuáng`gui quií~na' cóo'~ júu^ quiá'- Dsea` Jmáang~, jogui e laco' eáang`gui nili'iaang` óo'na' cóo'~ e júu^ e já'~ nicalíng~na' do.

26 Jo mi~ niguiéng'~túu fí' jee~ 'nú', nili'iaang`gui óo'na' uíí'~ quiá'- jalé' e guiá~ e nicajmée~ Dsea` Jmáang~ cóo'~ jnea~.

27 Jo jmi'úung`na' e niliseeng`na' røø laco' cóøng` cóo'~ júu^ quiá'- Dsea` Jmáang~. Joba' nañi' fa' e gáa'a ga'ee` e 'nú' osi huíi~bi táan`n é, dsu' tab~ dsii~ e teá' teáang~na' cóo'~ júu^ quiá'- Dsea` Jmáang~ jogui e dseáng'~ conrøø siing~na' lajaléng'na' e cuó'~bi b# yaang~na' colíng~ e laco' nijá'~ líng` dsea` júu^ quiá'- jial laang` dsea` jee~ jalé' dsee~ quiá'r~,

28 jogui e ja' føøng'~na' jii~ capí'~ jaléng' dsea` i' 'ní' 'ní' quií~na'. Co' e na cuó' li~ quiá'- jaléng' i' dsea` do e ningolíñ~ fí' lí' 'lí', jo dsu' quií~ 'nú' cuó' li~ e niliseem`ba' lata~ cóo'~ Fidiée~, co' lajob nisi'í' quiá'- dsea` do.

29 Co' dsea` quiá'- Dsea` Jmáam~ líng' 'nú', joba' ngíng`na' e já'~ líng`na' júu^ quiá'r~, jogui ngíam`ba' cajo e nimó'na' iihuí' dsu' uíí'~ e nilíng`na' lajo,

30 co' conrøø 'ní' níng~ dsea` jneaa`aa' lana, jo móob~ 'nú' e lajob cajmeáng' dsea` jnea~ lamí~ jéeng`gui, jogui niñi'~bi cajo e lajobi jmóor` cóo'~ jnea~ latí' lana.

2

Dsea` Jmáang~ cajmi'uóng~ 'ñia'r' jo ca'uíñ~ jaang` dsea` niing~

1 Jo teáb` óo'na', dsuco' lafa' jaam` dsea` líng`na' cóo'~ Dsea` Jmáang~; jogui ja` fi'í' líng`na', co' Dsea` Jmáam~ 'neáang` 'nú' jogui Jmiguí' quiá'r~ seem` røø colíng~ cóo'~ 'nú'; jogui jmi'neáang` rúng`na', jogui fí' líng~ rúng`na' cajo,

2 joba' jmee~bi b# e laco' jmi'iaang`na' dsii~ e seeng`na' colíng~ juguiá~ júu^ røø, jogui 'neáam` rúng`na' lajiiing`na', jogui coo'ba' í' óo'na' lajii~ fí' teáang`na'.

3 Jo jie~ mí' jmoo'na' jii~ coo' e móo~na' e jmóo~ dsea` rúng`na' dsu' uíí'~ e 'ní' máang`na'r osi e jmicóøng` yaang~na' é, co' lí' lí' 'né' e jmi'uóng` yaang~na' jogui e jmi'goo'na' dsea` rúng`na' eáang`gui laco' yaang~na'.

4 Jo dsu' ja' jmée`na' e lico' 'no'na' jial ni'uíng~ guiá~ quií~na' yaang~na', co' lajob 'né' 'no'na' cajo jial ni'uíng~ guiá~ quiá'- jaléng' dsea` rúng`na'.

5 Jo í' óo'na' røø lajii~ fí' teáang`na' lí' laco'gui cajmée~ Dsea` Jmáang~.

6 Co' ír` røøb` cóøiñ` cóo'~ Fidiée~,

jo dsu' ja' cajmeáng' 'ñia'r' fa' e røø cóøiñ` cóo'~ dsea` do,

7 co' cab' caséer lajii~ e si'íñ` quiá'- Fidiée~,

jo ca'uíñ~ e røøb` cóøiñ` laco' jaang` dsea` jmigüí' i' jmóo` ta~ fí' quini~ dsea` rúng',

jō caliséiñ` fí guóo` uó` e líiñ` jaang` dsea` jmigüü`.

⁸ Jō dsu` lajee` e ca`uúíñ` lajō, cajmí`uóŋg` `ñia`r` e ja` cajméer` ta` quiu`r` `ñia`r`, co` lajüí` ta` quiu` Fidiée`ba` cajméer` car` cartí` í` e catáíñ` fí dse` crúu`, jō fí` jōb` cajúíñ`.

⁹ Jō uí` e lajōb` cajméer`, jōba` Fidiée` caseaiñ` dsea` do yá`gui, jōgui` cajméer` e niing`gui` dsea` do lajee` lajalé` jōgui` lajee` lajaléng` i seeng` fí` la`úng` fí` jmigüü`.

¹⁰ Jō cajmée` Fidiée` lajō e laco` mi` niná` jial` tí` niing` Jesús, jōba` coo` quiéeb` nisí` dsea` uó` jnir` doñí` jíe` seem`bre, si fí` jmigüü` coo` osi fí` jmigüü` la osi fí` lí` teáang` `lii` é,

¹¹ jō nililí` lajüñg` dsea` jō nifér` e jáb` e Dsea` Jmáam` líiñ` Fii` i quiu` ta` fí` la`úng`, jō lajōba` nijmí`gó` lajüñg` dsea` Tiquí`ii` Fidiée`.

Dsea` quiá`- Dsea` Jmáang` líiñ` dsea` i lafa` sijing` jee` dsea` jmigüü`

¹² Jō lana, dsea` rú`naa` i iin`n eáang`, jō lí` laco` nicajmee`na` núu`na` contøøng` júu` quiá` Fidiée` e nicafí` i` `nú` lajee` e nicataan`n` cóo` `nú`, jōba` eáang`gui` `né` jmée`na` núu`na` cajo` mi` ja` quiijgeáan`n` cóo` `nú`. Jō jmi`goo`na` e ngocáng` óo`na` lajüí` e fí` guiá` lí` niteáang`na` cóo` Dsea` Jmáang`;

¹³ co` Fidiée`bing` i cuø` `nú` e iing`na` jmée`na` jmang` e guiá`, jōgui` dsea` íb` cajo` i jmicóo` `nú` e laco` nijmée`na` jalé` e jō lí` laco` e iáang` dsíir` `ñia`r`.

¹⁴ Jō jmée`na` lajalé` e jmoo`na` e ja` sée`na` dsee` jōgui` e ja` jüñg`na`,

¹⁵ jō lajōba` jüí` jaang` dsea` niguié`r` jial` ni`náiñ` `nú` osi` nicuø`r` `nú` dsee` é. Jō jmiliing` yaang`na` e líng`na` dseáng` jōo` Fidiée` i ja` si`ling` jee` dsea` jmigüü` i seeng` jmü` na. Co` jaléng` i dsea` seeng` jmü` na eáam` `liiñ` jōgui` ja` í` dsíir` laco` catíng`. Jō dsu` `nú` líng`na` dsea` i lafa` sijing` jee` jaléng` dsea` jmigüü` i seeng` fí` lí` nuu` lí` laco`gui` jing` jaléng` núu` i sitøng` yá` jmigüü` mi` canuu`.

¹⁶ Jō lajōb` líng`na`, jōba` ée`na` jaléng` dsea` e júu` quiá` jial` niliseeng` dsea` cøøng` cóo` Fidiée` lata`. Jōba` mi` nití` í` e nijáatü` Dsea` Jmáang` fí` jmigüü` la, eáang`gui` nili`iáang` dsii` uii` quií`na`, co` ñi`baa` e eáam` nicali`íng` ta` lajüí` e ta` huíng` e nicajmé` e jee` `nú` jōgui` lajōbi` lajalé` iihuí` e nicamó`o` jee` `nú` cajo`.

¹⁷ Jō nañí` fa` nijáang` `ñiá`a` e nijúun`n` e laco` ni`ié` lajüí` e cuø` `nú` Fidiée` uí` e já` líng`na` júu` quiá`r`, jōba` eáam` nili`iáang` dsii` fíng` song` calí` lajō` lí` laco` nili`iáang` óo` `nú` cajo`.

¹⁸ Jōgui` lajōbi` `nú` nijmi`iáam` áa`na` colíng` cóo` jnea`.

Mí` cajmée` Paa` júu` e niguiéiñ` Timoteo cóo` Epafrodito fí` Filipos

¹⁹ Jō song` Fí`naa` Jesús` cuø` fí` lajō, jōba` lajmináb` iin`n` nisín`n` Timoteo e nidsi`éer` `nú` fí` na. Jōba` nitíin`n` bí` quié` e mi` ni`íin`n` júu` quií`na` e nicóo` dsea` do e quiá` jial` seeng`na`.

²⁰ Jō jō` i dsea` seeng`gui` quié` e i`jiéng`gui` laco` Timoteo` i`guiing` dsíi` dseáng` lajang` uii` quií`na`;

²¹ co` lajalém` dsea` `nó`r` jmóor` lali` e tí` dsíir` yaam`bre, jō ja` `nó`r` jmóor` jalé` e guiá` e iing` Dsea` Jmáang`.

²² Dsu` niñí`b` `nú` jial` tí` guiá` nica`ée` Timoteo` jōgui` jial` nicajmó`naa` ta` e guiá`naa` júu` quiá` Dsea` Jmáang`, co` nicajmicóo`r` jnea` laco` jaang` jōo` dsea` mi` jmóor` ta` jmicóo` sejmiir`.

²³ Jō í`bing` sijeen` e nisín`n` e dsi`eer` `nú` fí` na` ladsifí` mi` niliñii` jial` ngóo` quié` e fí` la.

²⁴ Jō sijee`baa` cajo` e Fí`naa` Dsea` Jmáang` nicuø`r` jnea` fí` e ngóo`baa` `ñiá`a` e ni`ee`e` `nú` fí` na` lajminá`.

25 Jōgui lín̄n e la guím̄ 'né̄ niguiéeng' túu fí na i dsea` rú`naa' dsea` quiá' Dsea` Jmáanḡ i sūi Epafrodito i nicajmée` bí cōo' jalé` ta` e nicajmé` e colínḡ cōo'r̄, cō' íb` dsea` i casínḡ 'nú' fí la e quiá' jmicōo'r̄ jnea` cōo' jalé` e 'né` e lí̄ iuun̄ sijnín̄n fí la.

26 Jō i Epafrodito na eáam̄ n'liiñ̄ e niníiñ̄ 'nú', cō' fí'íb̄ líiñ̄ dsu' e nicaliñí'na' júu^ e calidsée'r̄ eáanḡ.

27 Jō e já' e nicalidsée'r̄ jō jie` ja` mí cajúum̄ bre; jō dsu' Fidiée` calí` fíi` líim̄ breiñ̄ do, jōba' cajmi'leáam̄ bre, jō la quié` tí jneab̄ calí` fíi` líinḡ Fidiée` cajo cōo' jalé` fí'í` dsíi' seen̄, cō' nilifé` guib̄ fí'í` quié` e fíng song cajúuñ̄.

28 Jōba' niguiém̄ ba're lajminá` fí na e laco' nili'íáanḡ áa'na' mí̄ nimáanḡ na'r calé` catú̄, jōgui jnea` guáa'guijū fí'í` quié` e cajo.

29 Jō mí̄ niguieng' tur fí na, ínḡ na'r e íáanḡ óo'na', cō' dsea` quiá' Fíi'naa' Dsea` Jmáanḡ líiñ̄. Jōgui jmi'goo'ba' jalénḡ dsea` i ée' laco'gui ée' i dsea` na.

30 Jō jie` ja` mí cajúum̄ bre dsu' uíi' e jmóor' ta` e nicangíiñ̄ quiá' Dsea` Jmáanḡ. Cō' cagua' dsíi' doñí' ee' calím̄ bre e laco' cajméer' ta` jmicōo' jnea` uíi' e 'nú' ja` dsitínḡ qui' na' jmée` na' lajō.

3

Jíi' cōo' e quíng'gui eáang' e laco' e licuíng'gu# Dsea` Jmáanḡ

1 Jōgui lana, dsea` rú`naa', jmi'íáanḡ gui óo'na' uíi' e línḡ na' dsea` quiá' Fíi'naa' Dsea` Jmáanḡ.

Jō dsu' ja` e 'ní' tñn̄ jnea` e fíi` túu 'nú' calé` catú̄ e fí ni` jì la lajii' e nicafíi' i 'nú' lamí̄ jéeng'gui, cō' e júu^ la eáam̄ nili'ínḡ ta` qui' na'.

2 Jō jmeáanḡ í` yaanḡ na' quiá' jalénḡ i 'ná' dsinóo' i ja` ée' ta` røø` jōgui too` lí fí ngúu' táaiñ̄.

3 Jō dsu' jneaa` aab' dsea` líi'naa' i dseánḡ lajang' dsea` quiá' Fidiée`, cō' la'eáanḡ cōo' Jmiguí' quiá' bre e jmiféng' naa'r jōgui jmi'íáam̄ bí dsí'naa' cajo dsu' uíi' e líi'naa' dsea` quiá' Dsea` Jmáanḡ, jōgui ja` ta` dsí'naa' e niliguiúnḡ naa' fí quini` Fidiée` cōo' jalé` e jmoo` naa' osi jial líi'naa' fí jmigǖ la é.

4 Cō' nañí' fa' jnea` seab̄ uíinḡ e nijmee` e ta` dsii` e niliguiún̄ n fí quini` Fidiée` cōo' jalé` e jō, jō dsu' jíi' jaanḡ dsea` cuøønḡ lí jmita` gui dsíi' laco'gui jnea` cōo' jalé` e jō.

5 Cō' jnea`, jñiá` jmi' bí ngóo' mí̄ cató` lí fí ngúu' táan̄ lí laco' qui' tñnḡ dsea` Israel; jōgui lñn̄ siju` dsea` Israel; jōgui dsea` quiá' 'lí yúu' Mínḡ lñn̄; jōgui jmíi' hebreo fá'a jōgui lajōbi dsea` cøønḡ quié` e cajo; jōgui dsea` Israel i línḡ fariseob̄ lñn̄ cajo, cō' cajmi'goo` dseánḡ laco' sí'í` jalé` júu^ quiu' ta` quiá' Moi`;

6 jōgui eáam̄ caliguiinḡ dsii` jalé` e 'né` jmitií` cōo' dsea` góo'o dsea` Israel, cō' jì'gui cajmeáan̄ n ga' jalénḡ dsea` quiá' Dsea` Jmáanḡ; jōgui cajmé` baa núu' lajii' júu^ quiu' ta` quiá' Moi', jōba' jíi' cōo' dsee` cuøønḡ lí cuø' dsea` jnea`.

7 Jō dsu' jalé` e ca'í dsii` lamí̄ jéeng'gui e eáam̄ quíng' quié` e, dsu' lana jō` e quíng' quié` e jíi' cōo' jalé` e jō, cō' lana Dsea` Jmáam̄ bing' i nicalicuín̄ n.

8 Jō jnea` í dsii` e jíi' cōo' e quíng' e nínḡ gui eáanḡ laco' e quíng' e licuíng'gu# Fíi'naa' Dsea` Jmáanḡ. Jō jalé` e lamí̄ í dsii` e eáam̄ quíng' quié` e do, dseánḡ jō` e ta` ínḡ quié` e lana, cō' lafa' quib' calí; dsuco' nínḡ gui eáanḡ quié` e e nilicuíng'gu# Fíi'naa' Dsea` Jmáanḡ.

9 jōgui e nilíñ̄ n lafa' jaam̄ dsea` cōo'r̄. Dsu' ofa' nijmiguiúnḡ 'ñiá'a fí quini` Fidiée` uíi' e jmóo'o núu' e júu^ quiu' ta` quiá' Moi', cō' lanagui nilíñ̄ n dsea` guínḡ fí quini` Fidiée` dsu' la'eáanḡ e nicajáanḡ 'ñiá'a fí jaguó' Dsea` Jmáanḡ. Cō' lí laco' cuøønḡ fe'ee', e Fidiée` bing' cajmée` e caliguiún̄ n fí quinir' la'eáanḡ e cajáanḡ 'ñiá'a fí jaguór'.

10 Jō dsu' jnea` iin̄ n e nijmicuíim̄ bí Dsea` Jmáanḡ jōgui e niñín̄ n e bí 'gøng' quiá' Fidiée` cōo' e cajmijí' tur Dsea` Jmáanḡ jee` jalénḡ 'líi', jōgui e moo` o iihu' uíi' e lñn̄ n

dsea` quiá' Dsea` Jmáang-, jogui cajo ca' guiaa- jalé' e iin~n jmee~e 'ñiá'a, co' uí' e cajmée' Dsea` Jmáang- lajo, joba' cajúin- fí' dse' crúu`;

11 jo lajob jmóo'o uí' e nitab~ dsii- e nilí'i e nijí'túu jee~ jaléng' 'lí' mi~ nití- í' lajo.

Nijmi'úung`guú e laco' nilí'i lajii~ e nisi'ing' Fidiée` jnea~ fí' jmigüü` coo`

12 Jo dsu' ofa' fá'-a e nilí'-i lajalé' e fá'-a na, o'gui e dseáng'- niguiún~n fí' quini` Fidiée` cajo; dsu' jmi'úum`bú e laco' nilí'i e jo, co' uii~ e joba' catáng'^ Dsea` Jmáang- jnea~ lami~ jéeng`gui.

13 Dsea` rú'naa' dsea` quiá'- Dsea` Jmáang-, dsu' ofa' fá'-a e dseáng'- nicalí'-i 'ñiá'a jalé' e na; dsu' e jáb'- dseáng'- jo` ee` í'gui dsii- cuaiñ~ quiá'- jalé' e nicajmé~e lami~ jéeng`gui do, co' lí' lí' jmi'úung`guú e nilí'i jalé' e sijée`gui quié~e

14 e laco' niñín'n jalé' e nisi'í' e nicuó'- Fidiée` jneaa~aa' fí' jmigüü` coo` uí' e nicató'r- jneaa~aa' e nica'uíng~naa' dsea` quiá'- Dsea` Jmáang-.

15 Jo lajob 'né- í' dsí'naa' jaléng' jneaa~aa', dsea` ningóo' cuí'naa' jogui jmití'ii' júu` quiá'- Dsea` Jmáang-. Jo song sea` e í' óo' 'nú' e jié'gui jii' laco' e nicafá'-a na, joba' 'ñiab' Fidiée` dsea` nineár- moguí'na' cuaiñ~ quiá'- e jo.

16 Jo dsu' lifa' 'né- see~naa' jialco' cóong` røø` cóo'~ lajii'~ e nicalí'-naa'.

17 Dsea` rú'naa' dsea` quiá'- Dsea` Jmáang-, jmi'úung`na' e seeng`na' røø` laco'gui la seeng` jnea~, jogui jóø-na' røø` quiá'- jaléng' dsea` i niseeng` lajii' laco' e nica'ée- jnea' 'nú'.

18 Jo jmiguiab' ya' nicafíi- i 'nú', jogui lana fí-túu 'nú' carji` quí'-baa uí' e fíim`bing' seeng` i e ja` ee` uing~ sea` lajii'~ iihuú' e ca'íng' Dsea` Jmáang- mi~ catáin- fí' dse' crúu`.

19 Jo i dsea` la'í fí' lí' 'lib' nidsilíin~ mi~ nijúuin~, jo dseáng'- lajii'~ e lí' dsí' yaam~bre jmitir~, jogui lí' lí' jmi'jlong'^ yaaiñ~ e lafa' nilí' i' líiin~ quiá'- jalé' e 'lí' e jmóor` do. Jo lí' guing~ dsíir` lajii'~ e dsijée' fí' jmigüü` la.

20 Jo dsu' jneaa~aa', dsea` seeng` ñifib- nilí'naa', jogui fí' job cajo nijáa'tu Fíi'naa' Dsea` Jmáang- i nisijeeng`naa' do i nicaléang` jneaa~aa' jee~ dsee- quí'ii'.

21 Jo nijmisím~bre ngúu' táang`naa' e ja` bí' sea` quiá'- fí' jmigüü` la, jo nicuó'r- jneaa~aa' ngúu' táang`naa' e 'míi- e nigüeang'^ lí' laco' lí' e ngúu' táaiñ` 'ñia'r'. Jo nijmér- lajo la'eáang` cóo'~ e bí' 'gøng' quiá'r- cóo'~ e quiu'r' ta~ fí' la'úng-.

4

Jmi'íang` óo'na' contøong- uí' e nilíng`na' dsea` quiá'- Dsea` Jmáang-

1 Jo uí' e lajob lí', dsea` rú'naa' i iin~n e eáang', joba' fíi- i 'nú' e güiteám~bi' teá' lajii'~ e fí' lí' niteáang~na' cóo'~ Dsea` Jmáang-. Jo eám' iin~n 'nú' jogui dsíng'- iin~n nimáang~túu 'nú' calé' catú-, co' jmi'íam`dsii- cóo'~ 'nú' uí' e nicalíng~na' dsea` quiá'- Dsea` Jmáang- la'eáang` cóo'~ ta~ e nicajmé~e jee~ 'nú'.

2 Jogui liúun~n 'nú', dseamí i sii` Evodia cóo'~gui 'nú', dseamí i sii` Síntique, e nisiim~tu' røø` laco' catíng- e jmóo' dsea` quiá'- Dsea` Jmáang-.

3 Jogui 'nú', dsea` i dseáng'- i ja` calítung- dsí' e cajmicóo~ jnea~ cóo'~ ta~ guíá' júu` quiá'- Dsea` Jmáang-, joba' mí'i 'nú' e nijmicóo~ lajii' huáang- i dseamí na i líing' dsea` quiá'- Dsea` Jmáang- e laco' nisíng~tur røø, co' lajii' huáam~biñ' na cacuø' bí' yaaiñ~ e cajmicóo'r~ jnea~ lajee~ e caguiá'a júu` quiá'- jial laang` dsea` jee~ jalé' dsee- quiá'r- lí' laco' cajmicóo~ jnea~ i dseañu' i sii` Clemente cóo'~gui jaléng'gui dsea` caguiang- i cajmée' ta~ colíing~ cóo'~ jnea~. Jo jaléng' i dsea` na nicateáang` Fidiée` fí' ní' jii' quiá'r- fí' lí' nitaang~ jaléng' dsea` i niliseeng` lata` cóo'r~.

4 Jo jmi'íang` óo'na' contøong- uí' e nilíng`na' dsea` quiá'- Dsea` Jmáang-. Jo fíi-túu 'nú' calé' catú- e nijmi'íang` óo'na'.

5 Jo güilicuíng` lajaléng' dsea` 'nú' e líng`na' dsea` guíu- dsí'. Jo nijaquíém' e nigüéeng~tu Fíi'naa' Dsea` Jmáang- fí' jmigüü` la calé' catú-.

6 Jo ja`jmijiuung` óo`na' cóo`~ doñi' ee` e lí' quí`-na', co' lí' lí' 'né` e yejí` fong`na' Fidiée` cuaiñ` quíá`- jalé' e jo; jogui mii`na'r jalé' e 'né`-na', jo ja` tiúung`na' e cuø`na'r gui'máang` quíá`- jalé' e mii`na'r do.

7 Jo lajoba' nicuø`- Fidiée` 'nú' e seeng`na' juguiá`- júu` røø` e jii`~ jaang` dsea` jmigüü` quí`r` jmi` e ningáiñ`'; jo cóo`~ e juguiá`- do Fidiée` nijmér` í' 'nú' cóo`~ jalé' e í' óo`na' uii` e nilíng`na' lafa' jaam` dsea` cóo`~ Dsea` Jmáang`-.

Í' áa`na' lali` e guiá`-

8 Jo lí` ngóo` cadséng`- gui fii`- guíi' 'nú', dsea` rú`naa', e í' óo`na' lali` júu` e ja`- jogui júu` e catíng`- jmi`gó` dsea`, jogui jmang`- júu` dséeb` 'né` cá`na'. Jogui 'né` cá`na' cajo jmang`- juguiá` cóo`~ gui júu` íáang` dsíi` jogui júu` niguo`^ . Jogui íi' áa`na' lali` e guiá` jogui jalé' e catíng`- nífé` dsea` guiá`- uii` quíá`-.

9 Jogui jmiti`na' jalé' e nica`ée`- e 'nú' jogui jalé' e júu` e nica`fii`-i 'nú' jogui jalé' e nicanáa`na' e nica`fá`- a jogui jalé' e nica`ñíi`na' e nica`jmé`-e; jo jmee`-ba' lajo. Jo Fidiée` i cuø` e seeng` dsea` juguiá`- júu` røø`, íb` dsea` niliseeng` cøøng` cóo`~ 'nú'.

Jalé' e cajmicóo`~ dsea` seeng` fí' Filipos quíá`- Paa`-

10 Jo eáam` jmi`iáang` dsii`- la'eáang` cóo`~ Fii`naa' Dsea` Jmáang`- uii` e 'nú' nicadseng`^tu óo`na' jnea` calé` catú`- . Dsu' ofa' fii`-i 'nú' cóo`~ e júu` na e nica`íng`- óo`na' jnea~, co' niñib` jnea` e uii` e ja` dsitíng`~ quíi`-baa' fa' e nica`jmíicóo`~na' jnea`.

11 Jo dsu' ofa' fii`-i 'nú' e júu` na uii` e ja` sea` 'né`-e, co' nicalitíim`baa e jmi`iáang` dsii` cóo`~ lajii`~ e sea` quíe`-e.

12 Co' nicalitíim`baa jial seen`- e tiñi` jogui lajobi mi` eáang` sea` cajo. Jogui nicalitíim`baa cajo e jmi`iáang` dsii` cóo`~ doñi' ee` e dsing`in`-n, si e røøng` tú`u osi e jo` tú`u é. Jogui nicalitíim`baa cajo e sea` lalíng` quíe`-e osi e ja` sea` jii`~ coo` é.

13 Jo Dsea` Jmáam`-bing` i cuø` jnea` bí` quíá`r`- e laco' lí`i` jmóo`o lajalé' e 'né`- jmee`-e.

14 Jo dsu' 'nú', eáang` guiá`- cajmicóo`~na' jnea` ie` lamí` cangong`in`-n jalé' iihuí`.

15 Jo guiúb`- ñí' 'nú', dsea` líng`na' dsea` quíá`- Dsea` Jmáang`- i neáang` fí' na fí' Filipos, e jii`~ 'nú'bing` i cajmicóo`~ jnea` cóo`~ jalé' e 'né`-e ie` lamí` canaan`- e caguiá`a júu` quíá`- Dsea` Jmáang`- jee` 'nú'. Co' jii`~ jaang` dsea` jiéng` i cuíng` Dsea` Jmáang`- cajmicóo`r` jnea` ie` jo ie` mi` cajú`-u fí' Macedonia.

16 Jogui lajobi cajo, ie` lamí` cataan`-n fí' coo` fii` e sii` Tesalónica, casíim`ba' tú`- 'ní' née`~ jalé' e 'né`-e.

17 Jo dsu' ofa' jnea` í' dsii`- jmang`- e ni`iin`-n, co' jnea` lico' iin`-n e nidsicuáng`gui quíi`-na' cóo`~ jalé' e nicuø`- Fidiée` 'nú' mi` nití`- í' lajo.

18 Jo dsu' jnea` nica`iim`-baa lajalé' e nica`cuøø`~na' jnea` e casíng`na' cóo`~ Epafrodito, joba' seab` lalíng` quíe`-e náng` co' j`gui cartí' niseáang`- . Jo jalé' e cacuøø`~na' jnea` do líi` lafa' coo` e jmeafii` jlo`^ e cacuøø`~na' Fidiée`, joba' dsea` do eáam` tí' dsíir` mi` íñ`.

19 Jo co' jii`~ Fidiée` quíi`-baa' dsea` sea` laji` quíá`r`-, joba' íb` dsea` nicuø`- 'nú' lajalé' e 'né`-na' e jlo`^ e ja` cøøng` cóo`~ la'eáang` cóo`~ jalé' e nica`jmé`- Dsea` Jmáang`- cóo`~ jneaa`aa'.

20 Jo majmiféng`naa' car` ngong`ii` jmi` Tiquí`ii' Fidiée` dsea` guíng`- ñífi` . Jo lajob 'né`- lí'.

Júu` guicóo`~ quíá`- Paa`- lí` cadséng`-

21 Jo lana guiéen`-n júu` guicóo`~ quíá`- jaléng` dsea` i seeng` fí' na i nilíng` dsea` quíá`- Fidiée` la'eáang` cóo`~ Dsea` Jmáang`- . Jogui cajo jaléng` dsea` rú`naa' dsea` quíá`- Dsea` Jmáang`- i taang` cóo`~ jnea` fí' la guiéem`-bre júu` guicóo`~ quíi`-na'.

22 Jo lajobi cajo lajñng` dsea` i seeng` fí' la i nilíng` dsea` quíá`- Fidiée` guiéem`-bre júu` guicóo`~ quíi`-na', jo dsu' laniing`-gui eáang` guiéng` júu` guicóo`~ quíi`-na' jaléng` i dsea` i jmóo` ta` quíá`- dseata` dsea` féng` i quíi` ta` fí' la fí' Roma.

²³ J_o güi'fb^ Fí'n_{aa}' Dsea`Jmáang- güea'^ quiá'r- jee~ lajaléng' 'nú'.

J_o lanab j_{ii}'~ fé' jì` quiá'- Paa- e catíng- jaléng' dsea` quiá'- Dsea` Jmáang- ì seeng` fí' Filipos.

Júu[^] e to_o~ fí ni~ jì quiá'- Paa- e catíng- dsea` seeng` fí COLOSAS

¹ Jnea~ Paa-, jo lín'n jaang` dsea` apóo[^] i jmóo` ta~ ni' júu[^] quiá'- Dsea` Jmáang-, co' lajob ta~ e cali'íang` dsí' Fidié~ e cacuø'r' jnea~. Jo lana, colíng` cóo'~ Timoteo, jaang` dsea` rú'naa' dsea` quiá'- Dsea` Jmáang-,

² guiéng'~naa' júu[^] guicóo'~ quíi~na', dsea` rú'naa' dsea` quiá'- Dsea` Jmáang- dsea` neáang`na' fí na fí Colosas, 'nú' dsea` teáang`na' teá' fí guiá- cóo'~ dsea` do. Jo mí'~i Tiquí'naa' Fidié~ cóo'~gui Fí'naa' Dsea` Jmáang- e ni'ír- güea'^ quiá'r- jee~ 'nú' jogui e nicuø'r- 'nú' e seeng`na' juguiá- júu[^] røø`.

Mí' féng' Paa- Fidié~ uí'~ quiá'- jaléng' dsea` quiá'- Dsea` Jmáang-

³ Jo laco_o~ née'~ mí' fóng`naa' Fidié~ i líng' Tiquiá' Fí'naa' Dsea` Jmáang-, sojiéb' cuøø`naa'r gui'máang'~ uii~ quíi~na'.

⁴ Co' nicaline`baa' jial niteáang`na' fí guiá- cóo'~ Fí'naa' Dsea` Jmáang-, jogui jial 'neáang`rúng`na' cóo'~ jaléng' dsea` quiá'- dsea` do i caguaang`gui cajo.

⁵ Jo jmee`ba' e jo uíi'~ e tab~ óo'na' e ni'im'~ba' jalé' e sijeeng`na' do e si'má'^ Fidié~ fí ñiff- quiá'r-. Co' calitab~ óo' 'nú' uii~ quiá'- e jo mí' canáa~na' júu[^] quiá'- Fidié~ e catíng- Dsea` Jmáang- e quiá'- jial laang` dsea` jee~ dsee- quiá'r-.

⁶ Jogui e júu[^] nab e cagua' dsea` jee~ 'nú', jo lana nicanib' la'úng- fí jmigüü'. Jogui e júu[^] jo eáam`cali'íng` ta~ e caquí'~ jing' yaang` dsea` fí quini~ Fidié~ lí' laco' nicalí- jee~ 'nú' lajji'~ mí' canáa~na' jogui cangáng`na' e eáam`guiúng` Fidié~ cóo'~ 'nú' nañi' fa' ja` catíng`na'.

⁷ Jo e júu[^] jo ca'e' i Epafras 'nú', jaang` dsea` i 'neáang`naa' eáang` i nicajmée` ta~ guia' júu[^] quiá'- Dsea` Jmáang- colíng` cóo'~ jnea'^; jo i dsea` í líiñ' jaang` dsea` i cuøøm` lí jmita~ óo'na' cóo'~ i jmóo` lajji'~ e iing` Dsea` Jmáang-.

⁸ Jogui íbre cajo dsea` cagüeiñ- fí la e quier` júu[^] quíi~na' quiá'- jial 'neáang`rúng`na' la'eáang` cóo'~ Jmiguí quiá'- Fidié~ e cangíng`na' do.

⁹ Jo uing` lajoba' ja' mí' catiuung`naa' e mí'~naa' Fidié~ uii~ quíi~na' lati' e jmí~ e caline`naa' júu[^] quíi~na'. Jogui mí'~naa'r e la'eáang` cóo'~ Jmiguí quiá'r- nicuø'r- 'nú' e ngáng`na' jogui tíng`na' jo lajoba' niliñi`na' røø` e~ e iing` dsea` do e nijmée`na'.

¹⁰ Jo jmee`naa' lajo e laco' nilí'na' niliseeng`na' røø` laco' catíng- e jmóo` dsea` i cuíng` Dsea` Jmáang-: e jmoo`ba' lajji'~ e íang` dsí' Fidié~, jogui e jmoo`gui' cajo jmang'- jalé' e guiá-, jogui e licuíng`gui' Fidié~ e eáang`gui cajo.

¹¹ Jogui mí'~bí' Fidié~ e nicuø'r- 'nú' bí' la'eáang` cóo'~ e laniing- 'gøiñ' do, jo lajob nilí' 'nú' nité`na' jogui niliféng' óo'na' cóo'~ jalé' e nidsingíng`na',

¹² jogui nicuø'`ba' gui'máang'~ Tiquí'ii' Fidié~ e íang` óo'na', co' nicaguiéem`bre 'nú' guiá- e laco' niñíng`na' jalé' e jlo'^ e catíng`na' e sea` quiá'- Fidié~ fí ñiff- quiá'r- e nicuø'r- jaléng' dsea` quiá'r-.

¹³ Co' íbre caleáaiñ` jneaa`aa' fí lí' nñu` sò' e laco' jo` see`naa' e quíi' i 'ling'^ ta~ jneaa`aa', jogui cajáíñ` jneaa`aa' fí quini~ Jóor' i eáang` iñ~, jogui lana íbing' quie' nifí quí-ii'.

¹⁴ Co' la'eáang` e cajáng` 'ñia' i Jóor' do fí dse' crúu[^], joba' Fidié~ caleáaiñ` jneaa`aa' e ca'íiñ- jalé' dsee- quí-ii'.

Jo` si'naang`gui dsea` cóo'~ Fidié~

¹⁵ Jo ja` quí'~ jmí~ niníng` dsea` Fidié~, dsu' mí' níng` dsea` Dsea` Jmáang- joba' líñir` jial líng' Fidié~ dsea` guing` ñiff-. Jogui i Jóor' Dsea` Jmáang- do, íbing' i níng`gui lajee~ lajalé' jogui lajaléng', co' niseeiñ` lajji'~ ná'~gui e nináng` Fidié~ guiar' uing` jmigüü'.

16 Co' la'eáang' cóo'~ Dsea` Jmáang-` ñia'bre, Fidiée` cajmээр` lajalé' e sea` fí yú' jmiǵüi` jogui lajalé' e sea` fí guóo'~ uó~, jalé' e jnéeng-` tá-` jalé' e ja` jnéeng-, jogui lajobi cóo'~ jaléng' dsea` guí` i` ée` guiá-` i` líng' fii` jogui jaléng' i` óo` bí, jogui jaléng' i` quidsí' í', jogui jaléng' i` quiu' ta` cajo. Jo lajaléb' e la cajmее` Fidiée` la'eáang' cóo'~ Dsea` Jmáang-, jogui í'bing' i` catíng-` lajalé' e la.

17 Jo lajii'~ latí' mali'ba' e niseeng` Dsea` Jmáang-, lajii'~ e nú'-gui e nijmé-` Fidiée` lajalé' e sea` fí jmiǵüi'. Jogui la'eáang' í'bre cajo røø` ngóo' laca'íng'~ ca'íng'~.

18 Jogui í'bre líiñ' dsea` mogui` i` quie` nifí' quiá'-` jaléng' dsea` quiá'r-, jogui i` dsea` quiá'r-` do líiñ' lafa' coob` ngúu' táaiñ` cóo'~ dsea` do. Jo Dsea` Jmáang-` lajii'~ nú'-gui nitiroo` jmiǵüi'ba' niseeiñ', jogui í'bi cajo i` la'uuii` i` cají'tu` jee` jaléng'` líi' e laco' nicár` nifí' quiá'-` lajalé'ba' e sea` fí jmiǵüi'.

19 Co' Fidiée` cali'iñ' e lajalé' e líiñ' ñia'r` líng' Dsea` Jmáang-` cajo.

20 Jo la'eáang' cóo'~ Dsea` Jmáang-` nicajmее` Fidiée` e niliseeng'tu` juguiá-` cóo'r~ lajaléng' cóo'~ lajalé' e sea` fí la'úng-` fí jmiǵüi', fa' jalé' e sea` fí guóo'~ uó` jogui jalé' e sea` fí yú' jmiǵüi'. Jo cajmээр-` lajo la'eáang' cóo'~ jmi'øøng-` Dsea` Jmáang-` e catuu` mi` cajúñ' fí dse' crúu` e laco' niliseeng' juguiá-` júu` røø` cóo'~ Fidiée` lajaléng' jogui lajalé' e sea`.

21 Jogui 'nú', lami` jéeng'gui, dsea` si'naang` quiá'-` Fidiéeb` líng'na', jogui 'ní' máam'bi' dsea` do cajo, co' jmang'-` e 'li' í' óo'na' jogui jmang'-` e 'li' jmoo'na' cajo.

22 Dsu' lanagui Fidiée` nicajmээр` e niliseeng'tu` dsea` juguiá-` cóo'~ dsea` do la'eáang' cóo'~ jalé' iihuí' e cangá-` Dsea` Jmáang-` fí ngúu' táaiñ` mi` cajúñ' fí dse' crúu`. Jo cajmээр-` lajo e laco' nijaiñ' 'nú' fí quinir~, dsea` nilíng-na' dseáng'-` dsea` quiá'r-` i` ja` si'ling'~ jogui i` ja` dsee-` táang` jii'~ coo`.

23 Dsu' 'né' jmée'na' e ja` tú'na' e ja'-` líng'na' júu` quiá'-` Dsea` Jmáang-` o'gui tú'na' e júu` ta` dsí' e sijeeng'na' e quiá'-` jial laang` dsea` jee` dsee-` quiá'r-` lí' laco' jii'~ e nicanúu-na' lami` jéeng'gui. Jo e júu` nab nicani' fí la'úng-` fí jmiǵüi', jo jnea` Paa-` jmicóo'~ bii e niguia'guí e júu` na fí jo.

Jalé' ta` e cangíng' Paa-` quiá'-` Fidiée`

24 Jo ín'~ n iihuí' fí ngúu' táan`n uii'~ e guiaa-` júu` quiá'-` Dsea` Jmáang-` jee` jaléng' dsea`, jo 'nú' nica'íng'na' e júu` jo cajo. Jo dsu' íaang` dsii-` e ín'~n e iihuí' na, co' cóo'~ jalé' e jo nijmicóo'~ o e nijmi'ie'baa lajii'~ iihuí' e 'né' e ni'íng'~gui jaléng' dsea` i` jmóo' lajii'~ ta` quiá'-` Dsea` Jmáang-. Jo jalé' e iihuí' e ín'~n lana nijmicóo'~ quiá'-` jaléng' dsea` quiá'-` Dsea` Jmáang-` i` líng' lafa' ngúu' táaiñ`.

25 Jo Fidiée` nicajmээр` e nilínn` jaang` dsea` i` jmicóo'~ jaléng' dsea` quiá'r-. Jo dsea` do nicacuø'r` jnea` ta` e niguiaa-` la'ie' júu` quiá'r-, jo lajob ni'uíiing-` guiá-` quií'na'.

26 Jo laco' cuøøng` fé'naa' e e júu` quiá'-` Fidiée` do liib` eáang' si'má'r` quiá'-` jaléng' dsea`, dseáng'-` malii'gui eáang' laco' nicangongíng` jii, dsu' lanagui nicajmijnéem`bre e júu` do jee` jaléng' dsea` quiá'r-`.

27 Jo 'ñiab' Fidiée` cali'iñ' cacuø'r' jaléng' dsea` quiá'r-` e tiiñ` ngáiñ' jial tí' jlo' jogui jial tí' quíng' e júu` e lami` si'má'r` do e catíng-` la quie'gui dsea` i` ja` líng' dsea` Israel cajo. Jo e júu` e lami` si'maang` do, íb` Dsea` Jmáang-` i` seeng` cøøng` cóo'~ 'nú', dsea` i` ja` líng'na' dsea` Israel. Jo i` dsea` do cuø'r' 'nú' e jmitar` óo'na' e ni'íng'na' lajii'~ e catíng-na' e nicuø' Fidiée` jaléng' dsea` quiá'r-`.

28 Joba' jnea'` guia'naa' júu` jee` lajüing` dsea` jalé' e cajmее` Dsea` Jmáang-, jogui fóng'naa'r` jogui ée'naa'r` cartí` ningáiñ' røø, jo lajoba' niliñ-` e ni'ie' quiá'r-` dseáng'-` laco' líng' Dsea` Jmáang-` ñia'r`.

29 Jo uii'~ quiá'-` e la, jngáam'~ bii dsii-` e jmóo' bii e ta` la, co' eáam' oo-` bí la'eáang' cóo'~ e laniing-` gøng' quiá'-` Dsea` Jmáang-` e nicacuø'r' jnea`.

2

¹ Jø iin~n e ñí'ba' e jngáam'~b#i dsii~ e jmóo'b#i bí uí'~ quíi~na' cóo'~gui jaléng' dsea' quíá'~ Dsea' Jmáang~ i seeng' fí Laodicea, lí' lajaléng' dsea' rú'naa' dsea' quíá'~ Dsea' Jmáang~ i ja' mí' calicuíng' jnea'.

² Jø jmóo'b#i bí e laco' jaléng' 'nú', dsea' i nilíng'na' dsea' quíá'~ Dsea' Jmáang~, ni'íng'~gui' bí e laco' niliseeng'na' cøøng' e 'neáang'na' rúng'na', jø lajoba' ningáng'na' dseáng'~ laco' sí'í' e júu^ e lamí~ sí'ma' quíá'~ Fidiéé' do. Jø e júu^ do, íb' Dsea' Jmáang~ 'ñia'r'.

³ Jø jii'~ íb' dsea' laniing~ t#iñ' quíi'r~ jmíi~ e cuø'r' dsea' e t#iñ' ngáiñ' laji' e jlo^ e niguø' quíá'~ Fidiéé'.

⁴ Jøba' fii~ i 'nú' e júu^ na e laco' jii'~ jaang' ja' ii' nijmigøøng' 'nú' cóo'~ jalé' júu^ jlo^ e o' já'~.

⁵ Dsu' nañí' fa' ja' seen~ 'ñiá'a' jee~ 'nú' lana, dsu' seem' jmi'guí' quíé'~ e cóo'~ 'nú', jogui iáam' dsii~ e núu' júu^ quíi~na' e røøb' seeng'na' colíing~, jogui e teáb' teáang~na' cóo'~ júu^ quíá'~ Dsea' Jmáang~ cajo.

La'eáang' cóo'~ Dsea' Jmáam~ba' uíng~ dsea' dsea' 'm#ng~

⁶ Jø co' 'nú' nica'ím'~ba' Dsea' Jmáang~ e líiñ' Fii' quíi~na', joba' 'né' ni'ee~na' laco'gui la iing~ dsea' do, co' dsea' quíá'~ bre nilíng'na'.

⁷ Jø síng'na' teá' yaang~na' cóo'~ júu^ quíá'r~, jogui güiliseem'ba' la'eáang' cóo'r~, jogui ja' jmitúng~ óo'na' lajii'~ fí niteáang~na' cóo'r~, co' nicajáam'~ yaang~na' fí jaguór' lí' laco' jii'~ júu^ e nica'e' dsea' 'nú'. Jogui cuøø'~ba' gui'máang'~ Fidiéé' contøøng~.

⁸ Ñiing~ óo'na' jø ja' cuø' fí yaang~na' e dsea' jiéng' nijmigøøiñ' 'nú' e laco' nitú^na' lajii'~ fí niteáang~na' cóo'~ Dsea' Jmáang~. Co' jaléng' i dsea' la'í' e'r' dsea' jogui féiñ' dsea' cóo'~ jalé' júu^ quíi' ta~ e jmi'uíng~ dsea' jmi'güi'. Jø jalé' e júu^ jø ja' cøøng' røø' cóo'~ júu^ quíá'~ Dsea' Jmáang~, co' jalé' e júu^ jø jmang'~ júu^ e casée' jaléng' dsea' mí' áang' cóo'~ jalé' ta~ huí' e quí' t#ng' dsea' e 'né' jmitir~ fí jmi'güi' la.

⁹ Jø lajalé' e líng' Fidiéé', líng' Dsea' Jmáang~ 'ñia'r', jø lajob' cajo lajee' cateáaiñ' fí jmi'güi' la.

¹⁰ Jogui 'nú' cøøm' seeng'na' cóo'~ Dsea' Jmáang~, joba' dsea' sí'ieem' nilíng'na' la'eáang' cóo'~ dsea' do. Jogui íbre líiñ' dsea' mogui~ i quíi' ta~ quíá'~ jaléng' dsea' jmi'guí' i quíé' nifí jogui óor' bí e quíi'r' ta~ quíá'~ lí' doñí' ee'.

¹¹ Jø co' cøøm' seeng'na' cóo'~ Dsea' Jmáang~, joba' jø' quíé' nifí quíi~na' jalé' e 'lí' e lamí~ jmoo'na' do. Jø e la lí' e lafa' nica'ím'~ba' e lí' e t#ng' dsea' Israel tóor' fí ngúu' táaiñ', dsu' o' lajo, co' calí~ lajo uí'~ e Dsea' Jmáang~ caleáaiñ' 'nú' jee~ jalé' dsee~ quíi~na'.

¹² Jogui mí' cajgáang~na' jmíi, joba' lí' lafa' røøb' ca'áng~na' laco'gui ca'áng~ Dsea' Jmáang~, jogui lafa' røøb' cají'tu' laco'gui cají'tu' dsea' do, co' jáb'~ calíng~na' e quíi'~ Fidiéé' jmíi e cajmijí'tur Dsea' Jmáang~ jee~ jaléng' 'lí' la'eáang' cóo'~ e 'gøiñ' do.

¹³ Jogui 'nú', lamí~ jéeng'gui do líng'na' lafa' sijúum~ba' uí'~ dsee~ quíi~na', jogui e job' cajo quíi' ta~ quíi~na'; jø dsu' lana Fidiéé' nicacuø'r' 'nú' e lafa' nicají'tu' laco'gui cajmijí'tur Dsea' Jmáang~. Jø la'eáang' cóo'~ dsea' doba' nica'íng~ Fidiéé' lajalé' dsee~ quí' ii'.

¹⁴ Jø Fidiéé' cajgiéeiñ' jì e caráang~ e 'núng' jneaa'aa' lí' laco'gui la ta~ huí' quíá'r~, jø uí'~ e lafa' cabá' e jì do fí dse' crúu^ cóo'~ mí' clavo, lajoba' cajgiéeng' jalé' e sí'n#ing~naa' do.

¹⁵ Jogui la'eáang' e catáng~ Dsea' Jmáang~ fí dse' crúu^, jø lajoba' Fidiéé' ca'íiñ' jalé' bí quíá'~ dsea' jmi'guí' i líng' i quíé' nifí jogui óor' bí e quíi'r' ta~, jogui cajmí'uøng~neíñ' do fí quini' jaléng' dsea' e catør' laco'gui téé' dsea' dsea' 'ñúung'~. Jø lajoba' cajmijnéeng' Fidiéé' fí quini' jaléng' dsea' e nicalí'~bre.

Í' óo'na' lajii'~ e sí'sée' quíá'~ Fidiéé' fí ñifí~

16 Jo lajob líí, ja`jmijí`na' mi` éeng` dsea` 'nú' cóo` jalé' e ú' có`na', osi e` jalé' jmí e jmi'goo`na' laco` jii, osi fing jmi'goo`na' mi` yuung` si' é, osi jial jmi'goo`na' jalé' jmí e jmi'ing' dsea`.

17 Co' jalé' e ta` huí' na jii` lico' cuø' li` quia`- jalé' e nidsijéé' cøøng`gui, jo líí lafa' i` quia`- jaang` dsea` i ngóo` jéeng`gui laco' ngóor'. Jo dsu' i dsea` i líng' lafa' i dsea` quia`- e i` do, íb` Dsea` Jmáang` 'ña'r'.

18 Jogui ja`jmijí`na' mi` jing`- dsea` e iin` niguír` quí`-na' lajii` e nisi'íing`na' quia`- Fidiéé', fa' jaléng` dsea` i tí dsí' e jmicaaiñ` e jgiáang` yaaiñ`, jogui jmiféiñ' jaléng` ángeles, jogui jiiñ` e ngí`gui quia`- jalé' e ja` mí cangar', jogui jmicøøng` yaaiñ` cóo` jalé' e í dsír' quia`- fí jmigü` la.

19 Jo jaléng` i dsea` í si'naam`bre cóo`- Dsea` Jmáang` i líng` dsea` mogui` quia`- jaléng` dsea` quia`r`. Jo Dsea` Jmáang` cuø`bre i dsea` quia`r` do jalé' e 'néiñ`- e laco' cøøm` seeiñ` cóo`- dsea` do jogui cøøm` seeiñ` lajee` la'ó' yaaiñ` cajo lí' laco' la iing` Fidiéé`.

20 Jo co' 'nú' lafa' røøb` cajúng`-na' cóo`- Dsea` Jmáang` fí dse' crúu`, joba' jo` quíu' ta` quí`-na' jalé' ta` huí' e quí`- títng` dsea` e 'né` jmitir` fí jmigü` la. Joba' `zjialí' seeng`na' e ee`-na' laco'gui la ée` dsea` jmigü` e náu`-na' jalé' ta` huí' e jing`- dsea` e 'né` jmée`na',

21 fa' mi` jiiñ`-: "Ja` güí'na' e la, ja` có`na' e na osi ja` jmó`na' e do" é?

22 Jo jalé' e ta` huí' na jii` lajee` cateá'ba' e íng` ta`, jo coøb` mi` jo` e ta` íng`, co' jii` dsea` jmigü` jmóor` jalé' e ta` huí' na.

23 Dsu' e já', jalé' e ta` huí' na cuøøm` sea` lí' dsi'naa' e guiáb`, dsuco' quíu' ta` dsea` e 'né` lí e jo e ngocáng` dsíib` laco'gui ta` quíu' fí jmigü` la. Jogui quíu' ta` cajo e lafa' e jmi'uøng` yaang` dsea` jogui laguidseaam` quíu' ta` yaaiñ` cóo` jalé' e jmóor` fí ngúu' táaiñ`. Dsu' ja' e ta` íng` e ta` huí' do fa' e nijmicóo` quia`r` e jo` nijmé`guir jalé' e 'lí' e iin` jmóor` fí ngúu' táaiñ` do.

3

1 Jo co' 'nú' lafa' nicajíb` túu' colíing` cóo`- Dsea` Jmáang`, joba' 'né` jmée`na' e í óo`na' jii` caniing` e siséé` quí`-na' fí lí` guiú` fí lí` guíng` Dsea` Jmáang` lí' lí' dséé` cáang` Tiquia`r` Fidiéé` fí ñifi` quia`r`.

2 Jo í' óo`na' lajii` e siséé` quia`- Fidiéé` fí ñifi`, jo ja' í' óo`na' jii` cuaiñ` quia`- fí jmigü` la.

3 Co' líí lafa' nicajúm`-ba', joba' lana Fidiéé` nicajmitar` óo`na' e nilíng`na' dsea` 'míng`- la'eáang` cóo`- Dsea` Jmáang`.

4 Jo jii` Dsea` Jmáam`bing' cuø' 'nú' e nilíng`na' dsea` 'míng`, jogui mi` nijmijnéng`tu` 'ña'r' jee` jneaa`aa' fí jmigü` la, joba' 'nú' nijnéng`na' colíing` cóo`r` jee` jalé' e niing`- 'gøng' quia`r`.

Jial líng` dsea` mi` cang` e calicuíñ` Dsea` Jmáang`

5 Joba' jmee`-ba' e nilíim` jalé' e 'lí' e quíu' ta` quí`-na' fí jmigü` la: fa' mi` 'léé' dsea` e güíiñ` cóo`- dseañu' osi dseam` i o' quia`r`, osi jalé'gui e 'lí' e jíé' e jmoo`na' cóo`- ngúu' táang`na', osi jmití`na' jalé' e iing`- ngúu' táang`na', osi í' áa`na' e jmée`na' jmang`- e 'lí', osi suung`na' lí' doñí' ee' e ja` catíng`-na', co' e na líí lafa' e jmiféng` dsea` diéé` i o' já`.

6 Jo co' jmóob` dsea` jalé' e na, joba' iihuí' eáam` nicuø`- Fidiéé` jaléng` i dsea` la'í i ja` náu`- júu` quia`r`.

7 Jogui 'nú', lajob lami` seeng`na' e jmoo`na' jalé' e 'lí' na.

8 Dsu' lana 'né` tá'ba' jalé' e na: fa' mi` liguíng`-na', osi mi` 'ní' óo`na', osi mi` jmoo`na' jalé' e 'lí', osi mi` fó`na' ga' uii` quia`- jaléng` dsea` rúng`na', osi mi` fó`na' jalé' júu` e 'lí' e jíé'gui é.

9 Jogui ja' fí' rúng`na' júu` e o' já`, dsuco' lana nicatúu`ba' e lami` jmoo`na' e eáang` beáang`- dsee` yaang`na' cóo` jalé' e ga' e nicasi' nífi` quí`-na' lami` jéeng`gui do.

10 J_oba' lana dsea` 'máing- níling-na', j_o Fidiéeb` dsea` jmóo` e nili'máing-gui' e laco' ni'ee-na' laco'gui la ée` dsea` do, j_o laj_oba' nilicuíng-gui' dsea` do dseáng- laco' si'í'.

11 J_o ja' e lingüi- fi' quini` Fidiée` su líng-na' dsea` Israel osi ja` líng-na' laj_o é, osi t_oq` e li' fi' ngúu' táang-na' osi ja` t_oq` é, osi líng-na' dsea` i jalíng- tí li' huíi- osi i neáang' tí li' huíi- li' jié'gui é, osi líng-na' dsea` si'nning` osi fii- i quiu' ta` é. Co' laj_ui` Dsea` Jmáam-bing' niing-gui jee` lajalé' c_oq` jee` lajaléng', j_ogui íbre seeiñ` c_ong` c_oq` jaléng' dsea` quiá'r- cajo.

12 J_o Fidiée` eáam' 'neáaiñ` 'nú', j_ogui nicaguíñ' 'nú' e laco' nilíng-na' dsea` quiá'r-. J_oba' güiliseem'ba' e jmoo'ba' fi' líng- rúng-na', j_ogui e guiúng-na' c_oq` dsea` rúng-na', j_ogui e ja` jmic_ong` yaang-na' jee` dsea` rúng-na', j_ogui e ee-ba' guiá- c_oq` jaléng' dsea` rúng-na', j_ogui e jmée-na' féng' áa-na' uii- quiá- rúng-na' cajo.

13 Jmee-ba' féng' óo-na' quiá- dsea` rúng-na', j_ogui íng-na' dsee- quiá- rúng-na' mi' ee'g_o 'léer' quií-na'. J_o laco'gui Dsea` Jmáang- ca'ím-bre dsee- quií-na', j_oba' laj_ob 'né- jmée- 'nú', 'né- ím-ba' dsee- quiá- jaléng' dsea` rúng-na'.

14 Dsu' e nifi'gui quiá- jalé' e la e r_oøb` 'né- nijmi'neáang` rúng-na' lajee` la'ó' yaang-na', co' laj_oba' niliseeng-na' c_ong` dseáng- laco' si'í'.

15 J_o co' Dsea` Jmáam-bing' cuø' 'nú' e seeng-na' juguiá- júu` r_oø, 'nú' dsea` líng-na' dsea` quiá'r-, j_oba' seem'bi' la'eáang` c_oq` e juguiá- júu` r_oø do, co' uíi- laj_oba' catø'- Fidiée` 'nú' e nilíng-na' lafa' coøb` ngúu' táang-na' la'ó' 'nú'. J_o cuø'ba' Fidiée` gui'máang- c_oq` lajalé' e jmóor` c_oq` 'nú'.

16 J_o 'né- quié'bi nifi' quií-na' júu` quiá- Dsea` Jmáang-. J_ogui ée- rúng-na' j_ogui cuøø' b_i rúng-na' c_oq` jalé' júu` niguo' e niñi-na'. J_ogui cuøø'ba' gui'máang- Fidiée` e ø'na' júu` e t_oq` fi' ni' ji' salmos c_oq`gui jalé'gui júu` e ø' dsea` quiá- Fidiée` c_oq`gui jalé' júu` e cuø' Jmiguí quiá- Fidiée` cajo.

17 J_ogui jalé' e jmoo-na' j_ogui jalé' e fó-na', jmee-ba' la'eáang` c_oq` júu` quiá- Dsea` Jmáang- e cuø'na' gui'máang- Tiquí'ii' Fidiée` la'eáang` c_oq` Fíinaa' Dsea` Jmáang-.

Jial 'né- seeng` dsea` quiá- Dsea` Jmáang- jee` la'ó' rúñ'

18 J_ogui 'nú', jaléng' dseamf, jmi'goo'ba' jaléng' dseañu' quií-na', co' laj_ob catíng- e jmóo` dsea` quiá- Dsea` Jmáang-.

19 J_ogui jaléng' 'nú', dseañung-na', jmi'neáang-na' dseamf quií-na', j_ogui ja` jmoo-na' ta` jíng` c_oq`r-.

20 J_ogui jaléng' 'nú', jiuung~, núu'ba' jalé' ta` quiu' tiquíi' niquíi-na', co' laj_oba' e iáang` dsíi' Dsea` Jmáang-.

21 J_ogui jaléng' 'nú', dsea` líng-na' sejmii, ja` jmoo-na' e niligúing- jiuung~ quií-na', j_o laj_oba' ja` nilitúng- dsíir` c_oq` jalé' e 'né- jmér-.

22 J_ogui jaléng' 'nú', dsea` i jmóo` ta` e ja` ee` 'léeng', jmee-ba' núu'na' jalé' ta` quiu' fii' quií-na' fi' jmi'güi la; dsu' o' jii- mi' nír` 'né- cuø' áa-na' e laco' nijmiguiúng- yaang-na' fi' quinir~, co' e ngocáng` óo'ba' 'né- jmée-na' e jmi'goo-na' Fidiée`.

23 J_o lajalé' e jmoo-na', 'né- jmée-na' e ngocáng` óo'ba' k' laco' quiá- 'ñiab' Fidiée` e jmoo-na' e j_o, j_o o' laco' mi' jmoo-na' laj_ui- e iing~ dsea` jmi'güi.

24 Co' niñi' 'nú' e seab` guiéé` quií-na' e catíng-na' fi' jmi'güi coø` e nicuø'- Fidiée` 'nú'. Dsuco' jaléng' 'nú' jmoo'ba' laj_ui- e iing~ Dsea` Jmáang-, j_ogui íb` dseáng- i líng' Fii' quií-na' cajo.

25 Dsu' i dsea`gui i jmóo` ga, j_oba' Fidiée` nicuø'r- iihu' i dsea` í quiá- laj_ui- e ga` e jmóoiñ` do, co' ja` jmingüi Fidiée` e líng` dsea` lajaang` lajaaiñ, co' r_oøb` niquidsir` í' quiá- laj_ui- dsee- sea` quiá- dsea` mi' nití- í' laj_o.

4

1 Jōgui jaléng' 'nú', dsea` líng'na' fi~, ee`ba' guiá` cóo~ jaléng' dsea` i jmóo` ta~ quií`na' i ja` ee` 'léeng'~, jōgui quiéé`na' í' júu` quií`na' cóo'r~. Jōgui téé` óo`na' cajo e seem` jaang` Fii` quií`na' fí` ñifí` i` quié` nifí` quií`na'.

2 Jō jaléng' 'nú', dsea` neáang'na' fí` Colosas, ja` tiúung'na' e fōng'na' Fidiéé`~, jō lajee` jō 'né` e siñiim` áa`na' cajo, jōgui yejí` cuóø`ba' gui'máang'~ Fidiéé`~.

3 Jōgui féem`ba' Fidiéé`~ uii` quií`naa' cajo e laco' sea` fí` e guiá`naa' júu` quiá`- Dsea` Jmáang` e si'ma` lami` jéeng'gui do, co' uii` e guiaa` e júu` jō, jōba' sijnán`n lana.

4 Jōgui m#`ba' Fidiéé` e ni'e'gu# e júu` la dseáng' laco' sí'í` e laco' ningáng' jaléng' dsea`, co' lajōb catíng` e nijmee`e.

5 Jōgui ee`ba' røø` cóo~ jaléng' dsea` i ja` cuíng` Dsea` Jmáang` lí` laco'gui catíng` e jmóo` dsea` quiá`r~, jōgui lajee` jō jmi'óo`ba' e fōng'na'r júu` quiá`- Dsea` Jmáang`.

6 Jōgui féem`ba'r cóo~ jmang' juguiá` e nití` dsíir, jōgui 'né` ñí`na' jial ning#`na' quiá`- lajaang` lajaang` i dsea` i fōng'na' do.

Júu` guicóo` e cadséng` quiá`- Paa`

7 Jō Tíquico, jaang` dsea` rú`naa' dsea` quiá`- Dsea` Jmáang` i` 'neáang`naa' eáang` i` contøøng` nicajmicóo` jnea` jōgui colíim` nicajmó`naa' lajúi` e iing` Fí`naa' Dsea` Jmáang`, jō í`bing' nicá` júu` quié`e fí` na.

8 Jō nisín`nre fí` na cóo~ 'nú' e laco' niliñí`na' jial see`naa' fí` la jōgui e laco' nicuó`- guir 'nú' bí` cajo.

9 Jōgui cóo~ i nab cajo nijang' Onésimo, jaang` dsea` rú`naa' dsea` quiá`- Dsea` Jmáang` i ta` dsi`naa' cóo~ jōgui i ii`naa' eáang` jōgui i líng` dsea` góo`na' cajo. Jō i dsea` gáng` la nijmeá`r` 'nú' júu` jalé` e dsing#`naa' fí` la.

10 Jōgui Aristarco, jaang` dsea` rú`naa' dsea` quiá`- Dsea` Jmáang` i iuung` 'nañí` colíng` cóo~ jnea` fí` la, guiéiñ' júu` guicóo` quií`na' cajo, jōgui lajōbi i sii` Marcos cajo, jaang` rúng' Bernabé. Jōgui 'nú', nican#`ba' júu` quiá`- Marcos; jō song dsi`eer` 'nú', íim`ba'r cóo~ e guiá` fí` na.

11 Jōgui lajōbi Chúi`, i sii`bi cajo Justo, guiém`bre júu` guicóo` quií`na' cajo. Jō júi` i gaang` lab dsea` Israel dsea` quiá`- Dsea` Jmáang` i nicajmée` ta` colíng` cóo~ jnea` cóo~ jalé` ta` guiá` júu` quiá`- jial quié` Fidiéé` nifí` quiá`- jaléng' dsea` jmigüi~, jōgui nicajmicóo`bre jnea` e catíi`gui dsii` cajo.

12 Jōgui lajōbi Epafras, jaang` dsea` góo`na' i jmóo` lajúi` e iing` Fí`naa' Jesús, guiéiñ' júu` guicóo` quií`na'. Jōgui contøøm` féiñ' Fidiéé` uii` quií`na' e ngocáng` dsíir` e laco' teáang`na' teá` lajúi` fí` niteáang`na' e dseáng`- nijáam` yaang`na' e jmée`na' jalé` e iing` Fidiéé` e jmée`na'.

13 Jō niñib` jnea` jial guing` dsíi` í` uii` 'nú' jōgui uii` quiá`- dsea` neáang` fí` Laodicea cóo~gui fí` Hierápolis cajo.

14 Jōgui Lucas, jaang` timíi` i 'neáang`naa' eáang`, guiéiñ' júu` guicóo` quií`na' colíng` cóo~ jaang` i sii` Demas.

15 Jōgui 'nú', dsea` neáang`na' fí` Colosas, cuóø`ba' guicóo` jaléng' dsea` quiá`- Dsea` Jmáang` i neáang` fí` Laodicea cuaiñ` quié`e, jōgui lajōbi Ninfa cóo~ lajaléng` dsea` i seáng' i jmiféng' Fidiéé` fí` quiá`r`.

16 Jōgui mi` ningí` e ni'í` 'nú' e jì` quié`e la fí` quini` jaléng' dsea`, síim`ba' quiá`- dsea` quiá`- Dsea` Jmáang` i neáang` fí` Laodicea, jō lajōb ni'ír` cajo; jōgui lajōbi 'nú' ni'í`ba' jì` quié`e e ni'íng`na' e jáa` fí` Laodicea cajo.

17 Jōgui síi`ba' Arquipo cajo cuaiñ` quié`e e güijmiti`bre røø` lajúi` ta` e nicacuó` Dsea` Jmáang` ír`.

18 Jnea` Paa` jmo`o e júu` guicóo` quií`na' la cóo~ guóo`o 'ñiá`baa. Jō jmiguiéng' áa`na' cajo e sijnám`baa fí` la.

Jo m^hi Fidié e ni'í^r güea[^] quiá^r jee[~] 'ná'. Jo lajob nilí.
Jo lanab jíⁱ fé[^] jí[^] quiá[^] Paa[^] e catíng[^] jaléng[^] dsea[^] quiá[^] Dsea[^] Jmáang[^] i seeng[^] fí
Colosas.

Júu^ e toq̃ fí ni~ jì la'uii~ quiá'- Paa- e catíng- dsea` seeng` fí TESALÓNICA

¹ Jnea~ Paa-, colíng~ cóo~ Silvano jogui Timoteo, jmo'naa' e jì la e catíng- jaléng' 'nú', dsea` rú'naa' dsea` quiá'- Dsea` Jmáang- i seeng` fí na fí Tesalónica, dsea` nilíng'na' dsea` quiá'- Tiquí'ii' Fidié~ cóo~ gui Fí'naa' Dsea` Jmáang-. Jo mii'naa' Fidié~ e ni'ír- güea' quiá'r- jee~ 'nú' jogui e nicuó'r- 'nú' e niliseeng'na' juguiá- júu^ røø.

Gui'máang~ Fidié~ e calicuíng` dsea` seeng` fí Tesalónica Dsea` Jmáang-

² Jo lacoq̃ ya' mi~ féng'naa' Fidié~, cuóø-baa'r gui'máang' uii~ quí- 'nú' lajñng'na', jogui lacoq̃ ya' mi~ mii'naa' Fidié~, mii'-baa'r la quie' tí uii~ quí- 'nú' cajo.

³ Jogui lacoq̃ ya' mi~ féng'naa' Tiquí'ii' Fidié~, jmiguiéng' dsi'naa' lajii' ta~ quí-na' e jmoo'na' la'eáang' e nicajáang~ yaang~na' fí jaguó' Dsea` Jmáang-; jogui jmiguiéng' dsi'naa' uii~ e ta~ e nicajmee'na' e iáang' oó'na' la'eáang' e 'neáang'na' Dsea` Jmáang-; jogui jmiguiéng' dsi'naa' cajo jial nicateá'-na' lajii' fí teáang~na' cóo~ Dsea` Jmáang- e sijeeng'na' mi~ nijáa'tu dsea` do.

⁴ Dsea` rú'naa', 'neám Fidié~ 'nú', jogui nine~bí' e íbre dsea` caguiñ' 'nú' e nilíng'na' dsea` quiá'r-.

⁵ Jo mi~ caguiá'naa' júu^ quiá'- Dsea` Jmáang- fí jee~ 'nú' e quiá'- jial laang` dsea` jee~ dsee- quiá'r-, ja' cajmó'naa' cóo~ jii' layaang~ júu^ quí-naa' yee~naa', co' caguiá'naa' e júu^ do la'eáang' cóo~ e 'gøng' quiá'- Jmiguí quiá'- Fidié~, jogui e lajam'-ba' ta~ dsi'naa' e dseáng'- jáb'- e júu^ jo cajo. Jogui niñí'ba' jial nica'ee'naa' cóo~ 'nú' e laco' guiáb- ni'uíng- quí-na'.

⁶ Jo 'nú', ee-ba' laco'gui la ee- jnea' laco'gui la ée' Fí'naa' Dsea` Jmáang- 'ña'í' cajo. Jo ja' e lí' e cangíng'na' iihuí' uii~ e calíng'na' e júu^ quiá'- Dsea` Jmáang- do, dsu' iám' oó'na' la'eáang' cóo~ Jmiguí quiá'- Fidié~.

⁷ Jo co' guiáb- ee- 'nú', joba' jaléng' dsea` quiá'- Dsea` Jmáang- i seeng` fí lí' se' Macedonia cóo~ gui fí lí' se' Acaya niñir' jial 'né- ér- cajo.

⁸ Jo la'eáang' cóo~ 'nú', dsea` seeng'na' fí Tesalónica, jaléng' dsea` seeng` fí lí' se' Macedonia cóo~ gui fí lí' se' Acaya nicanúur- júu^ quiá'- Dsea` Jmáang-. Jo jaléng' dsea` seeng` doñí' jié' fí lí' dsée'naa' niñir' e dseáng'- nicajáam~ yaang~na' fí jaguó' Fidié~. Jo jii' o' 'né- fé'gui jnea' e jo uii~ quí' 'nú',

⁹ co' yaam~ i dsea' í nis'ír' jnea' jial mi~ calíng' 'nú' júu^ quiá'- Dsea` Jmáang- e léé'naa' mi~ caguié'naa' e cango'ee'naa' jaléng' 'nú', dsea` seeng'na' fí na fí Tesalónica. Jogui sí'r' jnea' cajo jial mi~ catú'na' e jmiféng'na' lí' doñí' ee' lafa' dié~ i o' já-, jo lajob canaang~na' e jmoo'na' lajii' e iing~ i Fidié~ i dseáng'- já- do.

¹⁰ Jogui fé'bir cajo e sijeem' 'nú' e nijáa'tu Jesús fí ñiff- i líng' Jóo' Fidié~ i cajmijí'tu Fidié~ quiá'r- jee~ jaléng' 'lí'. Jo íb' dsea' i láang' jneaa'aa' cóo~ jalé' iihuí' eáang' e nijaquíéng' e ni'íng' dsea` uii~ jalé' dsee- quiá'r- e nica'éer-.

2

Jalé' e cajmée' Paa- fí Tesalónica

¹ Jo 'nú', dsea` rú'naa', niñí'ba' guiá- e liim~ ta~ cali'íng' jalé' e cajmó'naa' lajee~ cataang~naa' cóo~ 'nú' fí Tesalónica.

² Co' niñib' 'nú' guiá- e ná'gui e nidsé'naa' fí na, lajee~ cataang~naa' fí coq̃ fiñ e sii' Filipos, eám' ga' cajmeáng' i dsea' í jnea', jogui fé'r' ga' uii~ quí-naa' uii~ e guia'naa' júu^ quiá'- Dsea` Jmáang-. Jo mi~ caguiá'naa' e júu^ jo jee~ 'nú', 'ní' níib- dsea` quí-naa';

dsu' ja` e líí' e jo, co' Fidiéeb` eáang' cajmicóo~ quí~naa' e caliseá` bí quí~naa' e caguiá^naa' e júu^ jo.

³ Jo lajji~ júu^ e caguiá^naa' jee~ 'nú' do, jmang~ júu^ jáb~ , jogui e car` ngocáng` dsi'baa' caguiá^naa' e júu^ do cajo. Jo dseáng~ ja` í dsi'baa' fa' e nijmigóøng'naa' dsea` cóo~ jalé' e júu^ e guia'naa' do.

⁴ Jo dseáng~ ja` jmoo~baa' lajo, co' Fidiéeb`bing' i caguíng' jnea^ jogui cacuø'r' jnea^ ta~ e guia'naa' júu^ quiá~ jial laang` dsea` jee~ dsee~ quiá'r~; jo co' lajob líí, joba' fé'naa' e júu^ jo. Co' ja` 'né~naa' e lico' nijá^naa' guiá~ cóo~ júi~ dsea` jmigüí, co' lajji~ e iing~ Fidiéeb`ba' jmoo~naa', co' júi~ íb` dsea` niñir` jogui nicuír` dsi'naa' lajaang` lajaang'naa'.

⁵ Jo niñib^ 'nú' guiá~ e júi~ cóo` née~ ja` caféeng~naa' 'nú' cóo~ júu^ 'goo' e laco' nijmicóøng'naa' 'nú' lajee~ e ngi'naa' guia'naa' júu^ quiá~ Dsea` Jmáang~, o'gui ca-jmó^naa' fa' e cajmigóøng'naa' 'nú' e líí' laco' nilí'naa' cuu~ quí~naa'; líí' Fidiéeb`bigui niñir` lajalé' e la.

⁶ Jo dseáng~ ja` mí cajmó^naa' fa' e nijmiféng' dsea` jnea^ o'gui 'nú' fa' nijmiféng'na' jnea^ o'gui dsea` jiéng' cajo. Co' nañi' fa' cuøøm`bre e jmó^ jnea^ e líí'naa' lafa' dsea` niing~ i quiu' ta~ jee~ 'nú' uíi~ e líí'naa' dsea` i casíng` Fidiéeb` i quie' júu^ quiá~ Dsea` Jmáang~ jee~ jaléng' dsea` ,

⁷ dsu' ja` cajmó^naa' lajo. Co' guiúb~ ca'ee~naa' jee~ 'nú' líí' laco' jaang` niquiá^ jiuung~ jmóo`bre í` jóor` jogui to' fíim`bre laco' catíng~ co' 'neáam`bre.

⁸ Jo co' eáam' 'neáang'naa' 'nú', joba' ii~naa' e nicuøø'naa' 'nú' e júu^ quiá~ Fidiéeb` e quiá~ jial laang` dsea` jee~ dsee~ quiá'r~; dsu' o' dseáng~ júi~ júu^ jo cajo, co' cartí jáang' yee~baa' song 'né~ lajo uíi~ e 'neáang'naa' 'nú'.

⁹ Jogui tóob` áa'na', dsea` rú'naa', jial cacuøø' bí yee~naa' e cajmó^naa' ta~ e quiá~ líí'júu' e 'né~naa' lajee~ taang~naa' fí' na. Co' ie~ jo cajmó^naa' ta~ e lico' cajnea~ jogui cartí canu' e laco' ja` nicuøø'naa' iihuí' júi~ jaang` 'nú' lajee~ e guia'naa' júu^ quiá~ Fidiéeb` fí' na.

¹⁰ Jo niñib^ 'nú', jogui niñi'bi Fidiéeb` cajo, e eáam' guiá~ nica'ee~naa' jee~ 'nú', dsea` líng'na' dsea` quiá~ Dsea` Jmáang~, jo ja` jmoo~naa' ga` cóo~ júi~ jaang` 'nú', jogui lajalé'ba' e nicajmó^naa' dseáng~ nicajmó^naa' røø` laco' sí'íb^, jogui júi~ cóo` dsee~ ja` cuøøng` cuø' dsea` jnea^.

¹¹⁻¹² Jogui niñi'bi 'nú' guiá~ e nicacuøø'baa' 'nú' bí jogui nicajmitii~baa' óo'na' lajaang` lajaang'na' líí' laco'gui la jmóo` jaang` tiquiá^ dsea` cóo~ jóor'. Jogui síi~naa' 'nú' e ee~ba' røø` laco'gui catíng~ e jmóo` dsea` quiá~ Fidiéeb`, co' íb` cató'r~ 'nú' e nimó^na' jial tíí' niing~ 'gøiñ' jogui jial quiu'r' ta~ fí' la'úng~ fí' jmigüí.

¹³ Jo uíi~ joba' contøøng~ cuøø~naa' gui'máang' Fidiéeb`, dsuco' mí' la'uii~ canu' 'nú' e júu^ quiá~ Dsea` Jmáang~ e caguiá^ jnea^ jee~ 'nú', dsifib' ca'íng'na' e júu^ jo, co' calilí'ba' e quiá~ Fidiéeb` e júu^ jo, jo o' quiá~ dsea` jmigüí. Dsuco' dseáng~ lajam~ba' e júu^ e caguiá^naa' do líí' júu^ quiá~ Fidiéeb`, jo la'eáang' Fidiéeb` cajo jmóo` ta~ e júu^ jo fí' áa'na' cóo~ jalé' e jmoo'na', 'nú' dsea` já~ líng'na' júu^ quiá~ Dsea` Jmáang~.

¹⁴ Jogui jaléng' 'nú', dsea` rú'naa', mí' ca'íng'na' jalé' iihuí' e cacuø' dsea` góo'na' uíi~ e líng'na' dsea` quiá~ Dsea` Jmáang~, røøb' ca'íng'na' e jo laco'gui ca'íng' dsea` quiá~ Dsea` Jmáang~ i seeng' fí' lí' se' Judea, dsuco' lajob iihuí' cangá~ í cajo e cacuø' dsea` góor` dsea` Israel.

¹⁵ Jo i líng~ i dsea` Israel cajo, íb` i cajngang' jaléng' dsea` rúin' i café' cuaiñ~ quiá~ Fidiéeb` malíi~gui eáang'. Jo mí' cangí'gui e jo, i líng~gui i dsea` í cajngaiñ' Fíi'naa' Dsea` Jmáang~ i líng' dsea` góor` cajo. Jogui i líng~guiiñ' do cajmeáiñ' ga` jnea^ cajo, dsea` líí'naa' dsea` quiá~ Dsea` Jmáang~. Jo ja` jmóor` laco' tí' dsíí' Fidiéeb`, jogui 'ní' níim~bre lajaléng'gui dsea` jmigüí cajo.

¹⁶ Co' mí' ii~naa' guiá^naa' júu^ quiá~ Dsea` Jmáang~ jee~ jaléng' dsea` i ja` líng' dsea` Israel e laco' jial nileáiñ' jee~ dsee~ quiá'r~, dsu' i dsea` Israel do ja` cacuø'r' jnea^ fí' lajo, jo

lajoba' eáam' nicajmi'máin~ dsee' quiá'r' uí' jalé' e nicajméer' do. Joba' lanagui catú' í' quiá'~ i dsea' do e ni'ín' iihuú' e eáang' e jáa' quiá'~ Fidié'.

Mi' ca'f' dsí' Paa' e nidsé-tur fí' Tesalónica

¹⁷ Jo fí' guí' 'nú', dsea' rú'naa', e mi' cangohuíng'naa' quí' 'nú' e huóøm~jiu, nañí' fa' ja' neeng~ rú'naa' dseáng'~ lana, dsu' contøøm~ guíng' dsí'naa' uii~ quí'na', jo dseáng'~ ii'naa' fa' e dsi'eeb'túu' 'nú' fí' na calé' catú'.

¹⁸ Jo cajmó'baa' quí' e nidsé'naa' fí' na; jo jnea' Paa', eáang'gui jmigui' ya' cajmé' e quí' e ninii~túu' fí' na, dsu' fii' i 'ling' i sii' Satanás cajnir' fí' quí'naa' e ja' cajmó'naa' lajo.

¹⁹ Jo yaam' 'nú' dsea' cuø'na' jnea' e tab' dsí'naa' jogui e iáang' dsí'naa' jogui e guiáb' fé'naa' uii~ quí'na'. Co' dseáng'~ 'nú'bing' i nicuø' jnea' e iáang' dsí'naa' mi' tí' lí' nití' í' e nijáa'tu Fí'naa' Dsea' Jmáang' fí' jmigü' la.

²⁰ Dsu' e jáb', dseáng'~ 'nú'bing' i cuø' jnea' e guiáb' fé'naa' uii~ quí'na' jogui e nijmi'iáang' dsí'naa' uii~ quí'na' cajo.

3

Paa' casí'ñ' Timoteo fí' Tesalónica

¹ Jo co' eáam' cali'in~n e ninuu~u júu' quí'na' calé' catú', joba' ca'f' dsii' e guiá'gui e cajá'baa' 'ñiá'a' fí' la fí' Atenas,

² jo casín~n fí' na jaang' dsea' rú'naa' dsea' quiá'~ Dsea' Jmáang' i sii' Timoteo. Jo i dsea' í' lí'ñ' jaang' dsea' i jmóo' lajii'~ e iing' Fidié', jogui jmóor' ta' røø' cóo'~ jnea' e guiá'naa' júu' quiá'~ Dsea' Jmáang'. Jo casín~nre fí' na e laco' dsi'eer' 'nú' jogui tí' nir' jial seeng'na' jogui cuø'r' 'nú' bí' e laco' teáang'na' teá' cóo'~ júu' quiá'~ Dsea' Jmáang'.

³ Jo casín~nre fí' na e laco' jii'~ jaang' 'nú', dsea' seeng'na' fí' na fí' Tesalónica, nijmitúng' óo'na' cóo'~ jalé' iihuú' e móo'na' uí' e ní'ling'na' dsea' quiá'~ Dsea' Jmáang'. Dsuo' niñí'bí' e dseáng'~ nisi'í'ba' e nidsing'ng'naa' iihuú' uí' e líng'naa' dsea' quiá'~ Dsea' Jmáang'.

⁴ Jo niñí'b' 'nú' guiá' e lajee' e taam'bh' fí' na cóo'~ 'nú', cajmó'baa' 'nú' júu' e dseáng'~ nidsing'im'baa' jalé' iihuú' uí' e lí'naa' dsea' quiá'~ Dsea' Jmáang', jo lajob' lí' e calí'.

⁵ Jo co' lahuím' cali'in~n cali'iii' júu' quí'na', joba' casín~n Timoteo fí' na e laco' cali'iii' jial seeng'na' lajii'~ fí' teáang'na' cóo'~ Dsea' Jmáang'. Co' jmoob' jnea' fí' í' fíng' song fii' i 'ling' casí'ñ' 'nú' fí' ga'. Dsuo' fíng' song lajo, ja' e ta' nilí'fíng' lajii'~ ta' quí'naa' e nicajmó'naa' jee' 'nú' fí' na jóng.

Mi' caguiéng'~tu Timoteo fí' Atenas

⁶ Dsu' lanagui nicagüeam' Timoteo e jaiñ' fí' na fí' Tesalónica, jo quiéer' jman' júu' guiáb' quí'na' e teáb' teáang'na' cóo'~ júu' quiá'~ Dsea' Jmáang' jogui e 'neáam'ba' dsea' rúng'na'. Jogui jíng'~gui Timoteo e contøøm~ dséng' óo' 'nú' jnea', co' eáam' 'neáang'na' jnea', jogui eáam' iing'na' nimáang'~tu' jnea' laco'gui jnea' ii'naa' e nineeng'túu' 'nú'.

⁷ Jo lajob' lí', dsea' rú'naa', e jee' jalé' iihuú' e íng'naa' cóo'~gui e jmáang' dsea' ga' jnea', jee' job' quiéeng' e jmi'iáang' dsí'naa' mi' calíne'naa' e teá' teáang'na' cóo'~ júu' quiá'~ Dsea' Jmáang'.

⁸ Jo mi' calíne'naa' e jo, joba' cuø'gui bí' jnea' lajii'~ fí' téé'naa' cóo'~ Dsea' Jmáang'.

⁹ Joba' í' dsii' jial cuøng' e nicuø'naa' Fidié' jmigui'gui gui'máang' uii~ quí' 'nú' jogui uii~ quiá'~ e jmi'iáang' dsí' jnea' uii~ quí' 'nú' fí' quínir' 'ñia'r' cajo.

¹⁰ Jogui uøø' jmí'b' dseáng'~ mii'naa' Fidié' e nijmicóo'r' jnea' e nineeng'tu rú'naa' fí' na calé' catú', jogui e nijmicóo'~guí' 'nú' jial laco' nísing'~gui' teá' cóo'~ júu' quiá'~ Dsea' Jmáang' cartí' ni'íé' quí'na' laco' sí'í'.

¹¹ Jo mí'naa' Fidié' i líng' Tiquí'ii' do cóo'~ Fí'naa' Jesús, e nijmicóo'r' jnea' e laco' nilí'naa' nineeng'tu rú'naa' calé' catú' fí' na fí' Tesalónica.

12 Jogui mii~naa' Fii'naa' Dsea` Jmaang~ e nijmicoo~r~ 'nu' e nili'neaaang`gui' dsea` ruing`na' li^ lajaleng` dsea` laco'gui jnea^ eaaam' neaaang`naa' jaleng` 'nu' cajo.

13 Jogui mii~naa'r cajo e nijmicoo~r~ 'nu' e laco' ja` nilitung~ aa'na' lajii'~ fi' niteaaang~na' coo~ Dsea` Jmaang~, jogui e niling~gui' dseang~ dsea` quia'~ Tiqui'ii' Fidiée~ i jo` dsee~ sea` quia'~ fi' quini~ dsea` do mi~ nití~ í' e nigüéeng~tu Fii'naa' Jesús fi' jmigüü la coling~ coo~ jaleng` dsea` quia'r~. Jo lajob 'né~ liti~.

4

Jial íaang` dsí' Fidiée` coo~ jneaa~aa'

1 Jo lanagui, dsea` rú'naa', nica'ée^baa' 'nu' jial seeng`na' e laco' íaang` dsí' Fidiée` lí^ laco'gui seeng`na' lana. Joba' mii~bii' 'nu' jogui síi~bii' 'nu' cajo la'eaaang` coo~ Fii'naa' Jesús e güiliseem`ba' laco'gui la íaang` dsí' Fidiée~, jo jmée^bi' lajo cajo.

2 Co' 'nu' niñi^ba' guiá~ jalé' e nica'ée^naa' 'nu', jo e jo nicajmó^naa' la'eaaang` coo~ Fii'naa' Jesús.

3 Co' lajii'~ e iing~ Fidiée` e ling`na' dseang~ dsea` quia'b~ dsea` do e ja` jmée^na' jalé' e lí dsí' ngúu` táang`na'.

4 Co' iing~ Fidiée` e lajaang` lajaang` 'nu' ñi^na' jial 'né~ ee~na' røø` coo~ lajii'~ dseamf` quí~na', jogui jial 'né~ e jmi'goo`na're cajo laco' catáng~.

5 Co' ja` catáng~ e jmée^na' jalé' e ja` dseeng` lajo laco'gui la jmoo` dsea` jmigüü i ja` cuíng` Fidiée` e suuiñ` dsea` i o' quia'r~.

6 Dsea` rú'naa' dsea` quia'~ Dsea` Jmaang~, ja` cuøøng` e jii'~ jaang` dseañu` nijmér~ jalé' e ja` dseeng` lajo e nijmigøøiñ` jaang`gui dsea` ruiñ` dsea` quia'~ Dsea` Jmaang~ lí^ laco'gui jii'~ e nicafii` i 'nu' na. Dsu' iihuí` eaaam' nicuø'~ Fidiée` jaleng` i dsea` i jmoo` lajo lí^ laco'gui 'goo` nica'í^naa' quí~na' jéeng`gui.

7 Dsaco' ja` cató'~ Fidiée` jneaa~aa' fa' e nijmó^naa' jalé' e 'li^, co' cató'r~ jneaa~aa' e lí^ laco' nilisee~naa' e líi^naa' dseang~ dsea` quia'~bre.

8 Jo doñi' ií dsea` i guia' ca' e júu^ quia'~ Dsea` Jmaang~ e guia` jnea~ do, joba' ja` 'né~ í~ dsíir' e júu^ quia'~ dsea` jmigüü e guiar` ca' do, co' júu^ quia'~ Fidiéeb~ e jo. Jo Fidiéeb~ cajo i cacuø' jneaa~aa' dseang~ Jmiguü quia'r~.

9 Jo jo` 'né~ fa' jnea~gui nifi^i 'nu' e 'né~ nijmi'neaaang` ruing`na' la'ó' ling`na' dsea` quia'~ Dsea` Jmaang~, dsaco' 'ñiab' Fidiée` nica'e'r' 'nu' jial nijmi'neaaang`na' dsea` ruing`na'.

10 Jogui lajob jmoo` 'nu', dsea` rú'naa', co' 'neaaang`na' jaleng` dsea` quia'~ Dsea` Jmaang~ i seeng` fi' la'ung` lí se' Macedonia. Jo síi~guíi' 'nu' e güili'neaaang`gui ruing`na' laco` jmi~ laco` jmi~.

11 Jogui jmi'úung`na' e niliseeng`na' juguiá~ júu^ røø` coo~ jaleng` dsea`, jogui ja` jmoo`na' e quíng`na' lí ja` catáng~na', jogui jmee`na' ta~ coo~ layaang~ guoo`na' lí^ laco'gui nicasíi~naa' 'nu' lami~ jéeng`gui do.

12 Jo lajob 'né~ jmée^na' e laco' nijmi'gó` jaleng` dsea` i ja` cuíng` Dsea` Jmaang~ 'nu' jogui e laco' niliseab` jalé' e 'né~ quí~na' cajo.

Mi~ nijaa`tu Dsea` Jmaang~ fi' jmigüü la

13 Jo e laba' fii~guíi' 'nu', dsea` rú'naa', co' ii~ jnea^ fa' e 'nu' niliñi^na' jial líi' coo~ jaleng` dsea` quia'~ Dsea` Jmaang~ i nicajung~ e laco' ja` cuø'~ fi'í^ yaang~na' laco'gui la jmoo` dsea` i ja` já'~ ling` e jí'tu jaleng` 'líi~.

14 Jo co' jáb~ líi^naa' e cajúm~ Jesús jogui cajíb'tur calé' catú~, joba' lajob já'~ líi^naa' cajo e Fidiée` coo~gui Jesús nijmér~ e niji'tu jaleng` dsea` quia'r~ i cajung~ e já'~ líiñ` júu^ quia'r~.

15 Joba' síi~guíi' 'nu', dsea` rú'naa', lí^ laco'gui júu^ e ca'e' Fii'naa' Dsea` Jmaang~, e jaleng` jneaa~aa', dsea` líi^naa' dsea` quia'r~, e see~bíi' mi~ tí lí~ nití~ í' e nigüéeng~tur

fí jmiǵüí la calé' catú̄, ja' nidseá'^naa' cóo'r̄ jéeng'gui laco'gui dsea' quiá'r̄ i nicajúnḡ lamí jéeng'gui.

¹⁶ Jo iē jo nijjáanḡ Fí'naa' Dsea' Jmáanḡ fí lí guiiñ̄ fí ñifí̄. Jo lajeē jo niná' luū Fidié̄ e quiá'r̄ tā fí yá'^ jmiǵüí, jogui niná' e guinifé' jaanḡ ángel i niinḡ-gui lajeē lajaléng', jogui niná' e ni'iī lúu' trompé'^ quiá' Fidié̄ fí yá'^ jmiǵüí cajo. Jogui jaléng' dsea' quiá' Dsea' Jmáanḡ i nicajúnḡ, íbing' i nijí'tu la'uiī mī nití' e í' jo.

¹⁷ Jo mī ningí jo, jaléng' jneaa~aa', dsea' i jí'gui, colíim̄ nidseá'^naa' cóo'r̄ fí guiá' güí, jo nijí' rú'naa' cóo' Fí'naa' Dsea' Jmáanḡ fí yá'^ jmiǵüí, jo lajob nilisee~naa' cóo'r̄ latā.

¹⁸ Joba' fíi' i 'nú' e cuóø' bí rúng'na' cóo' lajalé' e júu^ na.

5

¹ Joba' fá'guí, dsea' rú'naa', ja' 'né' jméel̄ e quií'na' e fí nī jì la lana lí dseáng' nidsijéé' jalé' e fá'a la.

² Co' niñíb' 'nú' røø e jíi' jaanḡ dsea' ñir' jéeng'gui ē jmíī e nigüéenḡ tu Fí'naa' Dsea' Jmáanḡ, lí' laco'gui mī jaanḡ dsea' ja' ñir' jéeng'gui lí niguiéé' jaanḡ iī i dsi'leē fí quiá'r̄ mī uóø'.

³ Jo mī nijíng' jaléng' dsea' i ja' cuíng' Dsea' Jmáanḡ: "Tiib̄ í' jogui juguiáb̄ sea", dsu' iē job dseáng' ni'íñ' iihuú' e jo' tóo' jmíī nileáíñ' lajeē e ja' ñiinḡ dsír', lí' laco'gui jaanḡ dseamí i quiéeng' jiuunḡ jíi' ja' ñir' lí dseáng' nináng' e dseá' jmohuí quiá'r̄ e niliseeng' yuū quiá'r̄. Jo iē jo, jíi' jaanḡ i dsea' í' quí' jmíī nileáng'guir e ja' ni'íñ' e iihuú' do.

⁴ Dsu' 'nú'gui, dsea' rú'naa', jo' seeng'gui e ja' 'ga' lí ñí'na' laco'gui la líng' dsea' i seeng' fí lí nuū, joba' ja' nidsigá' óo'na' mī tí lí nití' í' e nijáa'tu Dsea' Jmáanḡ fí jmiǵüí la laco'gui dsigá' dsí' jaanḡ dsea' mī guieé' jaanḡ i dsijméē iī fí quiá'r̄ mī uóø'.

⁵ Co' lajalém' 'nú', dsea' rú'naa', líng'na' dsea' quiá' Dsea' Jmáanḡ i jmóo' jmang' e guiá', jo fí lí jneáb' seeng'na'. Jo ja' líng'na' dsea' i ja' cuíng' Dsea' Jmáanḡ i jmóo' jalé' e 'lí', co' fí lí nuub' seeng' i la'í;

⁶ joba' 'né' e ja' sijlí' jminí'na' laco'gui la líng' dsea' i ja' cuíng' Dsea' Jmáanḡ, dsu' 'né' e sijnéeb' dsí'naa' contøønḡ jogui 'né' e í' dsí'naa' dseáng' laco' catím̄ cajo.

⁷ Co' jaléng' dsea' i ja' cuíng' Dsea' Jmáanḡ líiñ' la líng' dsea' i sijlí' jminí' mī uóø', jogui jmóor' tā í' mī uóø' cajo.

⁸ Dsu' jneaa~guí, dsea' seē~naa' fí lí jneá, contøøm̄ 'né' í' dsí'naa' dseáng' laco' catím̄. Jo co' nicajáam̄ yee~naa' fí jaguó' Fidié̄ jogui jmi'neáam̄ bii' dsea' do cajo, joba' e jo lí lafa' coo' 'mi'qui' ñí' cóo' e jmi'øng' yee~naa'. Jo co' nitab̄ dsí'naa' e dseáng' nileám'baa' jeē dseē quí'naa', joba' e la lí lafa' coo' logui' ñí' cóo' e lí'øng' mogui'naa'.

⁹ Co' ja' sí'íng'naa' quiá' Fidié̄ e nicuó'r̄ jneaa~aa' iihuú', dsu' sí'ím'baa' quiá'r̄ e laco' nileáng'naa' jeē jalé' dseē quí'naa' la'eáng' cóo' Fí'naa' Dsea' Jmáanḡ.

¹⁰ Co' Dsea' Jmáanḡ cajúñ̄ cuaiñ̄ quí'ii' e laco' nilisee~naa' cøøng' cóo'r̄ latā, song seē~naa' tá' sa' seē~naa' mī nijáa'tur.

¹¹ Joba' fíi'guí 'nú', dsea' rú'naa', cuóø' bí rúng'na' jogui jmicóo' rúng'na' e ja' tiúunḡ na' lajúi' fí niteánḡ na' lí' laco'gui la jmoo'na' lana.

Jalé' e casí' Paa' dsea' quiá' Dsea' Jmáanḡ

¹² Jo fíi'guí 'nú', dsea' rú'naa', e jmi'goo'ba' dsea' quiá' Dsea' Jmáanḡ i jmóo' tā jmicóo' 'nú' e quier' nifí' quí'na' jogui e'r' 'nú' jial laco' catínḡ e niliseeng'na', dsea' líng'na' dsea' quiá' Dsea' Jmáanḡ.

¹³ Jo eáam' 'né' ee~na' guiá' cóo'r̄, jogui 'né' jmi'neáng'na're quiá' jalé' e tā e jmóor' jeē 'nú'. Jo güiliseem'ba' juguiá' júu^ røø cóo' jaléng' dsea' rúng'na'.

¹⁴ Jogui síi'guí 'nú' cajo, dsea' rú'naa', e jíinḡ na' jaléng' dsea' i ja' iinḡ jmé' tā, jogui cuóø' na' bí jaléng' dsea' i litúnḡ dsí' cóo' júu^ quiá' Fidié̄, jogui jmicóo' na' jaléng'

dsea`i ja`mí sea`bí quiá'- la'ié' fa' dseáng'- nilíiñ' dsea` quiá'- Dsea` Jmáang-, jogui jmee`na' féng' ó'na' cóo'~ lajiing`dsea`.

15 Jo ñiing` ó'na' e jji'~ jaang` dsea` quír- cóo'~ e ga` quiá'- jaang`gui dsea` rúñ' uii~ quiá'- e ga` e jmóo` í quiá'r-. Co' lajii'~ e 'né- jmée`na' e jmi'úung`na' jmée`na' jmang'- e guiúb- cóo'~ jaléng' dsea` rúng`na', lí^ lajaléng' dsea` jmigüí.

16 Jo jmi'iaang` ó'na' contøøng-.

17 Jo féeng`na' Fidiée` yejí-.

18 Jogui cuøø'ba'r gui'máang'~ quiá'- lí^ doñí ee` catíng-na', co' lajõba' iñ~ e ni- jmée`na' laco'gui catíng- e jmóo` dsea` quiá'- Dsea` Jmáang-.

19 Jo ja` jniing`na' lajii'~ e iing` Jmiguí` quiá'- Fidiée` e jmér- jee` 'nú'.

20 Jo ja` guiá'na' ca' jalé' e fé' i dsea` i fé' cuaiñ~ quiá'- Fidiée`.

21 Dsa' quie`na' cuente lajii'~ júu^ quiá'- i dsea` í, su dseeng` osi ja` dseeng` é, jo 'mea`baa' lajii'~ e guiá-.

22 Jo 'naang- yaang`na' cóo'~ jalé' e 'lí^ e sea` fí' jmigüí.

23 Jo mñ'~naa' Fidiée` i cuø' juguiá- júu^ røø' e nijmeáñ' 'nú' dseáng'- jii'~ dsea` quiá'-bre. Jogui mñ'~naa'r cajo e nijmér- í 'nú' lajii'~ fí' niteáng-na' cóo'~ jalé' e í áa'na', jogui e nijmér- í 'nú' jial laco' seeng`na' fí' ngúu' táang`na' e laco' ja` dsee- nilisea` quí-na' jii'~ cóo' mi~ nití- í' e nijáa'tu Fíi'naa' Dsea` Jmáang- fí' jmigüí la.

24 Jo Fidiéeb` dsea` catø'r- jneaa`aa' e laco' ni'uíng-naa' dsea` quiá'r-, jogui dseáng'- jmití`bre e jo.

Júu^ guicóo'~ quiá'- Paa- lí~ cadséng-

25 Dsea` rú'naa' dsea` quiá'- Dsea` Jmáang-, féem`ba' Fidiée` uii~ quí-ii'.

26 Jo røøng- rúng`na' e ngocáng` ó'na' cóo'~ jaléng' dsea` quiá'- Dsea` Jmáang- i neáng' fí' na.

27 Jo fii-i 'nú', la'eáng' cóo'~ Fíi'naa' Dsea` Jmáang-, e í'na' e jì la fí' quini` jaléng' dsea` quiá'- Dsea` Jmáang- i seeng' fí' na.

28 Güi'íib` Fíi'naa' Dsea` Jmáang- güea'^ quiá'r- jee` 'nú'.

Jo lanab jii'~ fé' jì la'uii~ quiá'- Paa- e catíng- jaléng' dsea` quiá'- Dsea` Jmáang- i seeng' fí' Tesalónica.

Júu[^] e too[~] fi' ni[~] ji' catí[^] tú⁻ quiá[']- Paa⁻ e catíng⁻ dsea[`] seeng[`] fi' TESALÓNICA

¹ Jnea[~] Paa⁻, colíng[~] cóo[^]~ Silvano jogui Timoteo, jmo[']naa['] e ji' la e catíng⁻ jaléng['] 'ná['], dsea[`] rú[']naa['] dsea[`] quiá[']- Dsea[`] Jmáang⁻, dsea[`] neáang[']na['] fi' na fi' Tesalónica, i seeng[`] cøong[`] cóo[^]~ Tiquí[^]ii' Fidiée[~] jogui cóo[^]~ Fí[']naa['] Dsea[`] Jmáang⁻.

² Jo mii[~]naa['] Tiquí[^]ii' Fidiée[~] cóo[^]~gui Fí[']naa['] Dsea[`] Jmáang⁻ e ni[']r⁻ güea[^] quiá[']r⁻ jee[~] 'ná['] jogui e nicuó[']r⁻ 'ná['] e niliseeng[']na['] juguiá⁻ júu[^] røø[^].

Fidiéeb[~] niquidsí['] í['] quiá[']- jaléng['] dsea[`] røøng[`] dsee⁻

³ Dsea[`] rú[']naa['] dsea[`] quiá[']- Dsea[`] Jmáang⁻, yejib⁻ 'né⁻ cuóø[^]~naa['] gui'máang['] Fidiée[~] uii[~] quí['] 'ná['], co['] lajob catíng⁻ 'né⁻ jmó[^]naa['], co['] eáang[']gui já[']- líng['] 'ná['] júu[^] quiá[']- Dsea[`] Jmáang⁻ laco^o jmii[~] jogui eáang[']gui jmi[']neáang[']na['] dsea[`] rúng[']na['] laco^o jmii[~] laco^o jmii[~] cajo.

⁴ Jo lajoba['] fé[']naa['] júu[^] uii[~] quí[']-na['] jee[~] jaléng['] dsea[`] quiá[']- Dsea[`] Jmáang⁻ e íaang['] dsi[']baa[']; jo fé[']naa['] e téb['] 'ná['] lajii[~] fi' teáang[']na['] cóo[^]~ Dsea[`] Jmáang⁻, jogui já[']- bi líng[']na['] júu[^] quiá[']- dsea[`] do cajo jalí['] lí['] móo⁻na['] jalé['] iihu['] cóo[^]~gui jalé['] e jmáang['] dsea[`] ga['] 'ná['] uii[~] e cuíng[']na['] Dsea[`] Jmáang⁻.

⁵ Jo cóo[^]~ e job cuø['] lí['] e dseáng[']- røøb['] quidsí['] Fidiée[~] í['] quiá[']- jaléng['] dsea[`] jmigüí['], jo la'eáang['] e iihu['] e íng[']~na['] do, lajoba['] nitíng⁻na['] e Fidiée[~] nicár['] nifí['] quí[']-na['].

⁶ Co['] Fidiée[~] laco['] catíim⁻ jmóor['], joba['] nicuó[']r⁻ iihu['] jaléng['] dsea[`] i['] cuø['] iihu['] 'ná['].

⁷ Jogui 'ná['], dsea[`] móo⁻na['] iihu['] lana, Fidiéeb[~] nicuó['] 'ná['] e jo['] nidsingíng⁻na['] jii[~] co^o iihu['], jogui lajobi jnea[^] cajo, jo['] nine[']naa['] iihu[']. Jo jalé['] e la nidsijéé['] mi[~] nití⁻ í['] e nigüéeng⁻tu Fí[']naa['] Jesús fi' jmigüí['] la colíng[~] cóo[^]~ jaléng['] ángeles i['] 'gøng['] quiá[']r⁻, jo nijgiáaiñ['] fi' yú[^] jmigüí['] e quíiñ[~] jee[~] niing⁻ ji['].

⁸ Jo nijáar['] fi' jmigüí['] la e laco['] nicuó[']r⁻ iihu['] jaléng['] dsea[`] i['] ja['] iing⁻ jmicuíng['] Fidiée[~] o[']gui jii[']r⁻ júu[^] quiá[']- jial nileáng['] dsea[`] jee[~] jalé['] dsee⁻ quiá[']r⁻ la'eáang['] cóo[^]~ Fí[']naa['] Dsea[`] Jmáang⁻.

⁹ Jo jaléng['] dsea[`] íbing['] ni'íng['] iihu['] e eáang['] mi[~] nijúuiñ⁻ e jo['] tóo[^] jmii[~] tíiñ['], co['] huíib⁻ eáang['] ni'naiñ['] cóo[^]~ Fidiée[~] jogui cóo[^]~ e laniing⁻ 'gøng['] dsea[`] do.

¹⁰ Jo lajob nilí['] mi[~] nijáa[']tu Fí[']naa['] Dsea[`] Jmáang⁻. Jo ie[~] jo, jaléng['] dsea[`] quiá[']r⁻ nijmi[']gó[']bre dsea[`] do jogui nijmiféiñ['] dsea[`] do cajo; jogui lajobi 'ná['] cajo, lajob nijméé[']na['], co['] eáam['] já[']- nicalíng⁻na['] lajalé['] júu[^] e nicaguiá[']naa['] jee[~] 'ná['].

¹¹ Joba['] eáam['] féng[']naa['] Fidiée[~] uii[~] quí[']-na['], jogui mii[~]naa[']re e nijmicóo[']r⁻ 'ná['] e niliseeng[']na['] røø['] lí['] laco['] catíng⁻ e jmé⁻ dsea[`] i['] nicató[']r⁻ e ni'uiiñ⁻ do dsea[`] quiá[']r⁻. Jogui mii[~]naa[']re e nijmicóo[']~bre 'ná['] cóo[^]~ e 'gøiñ['] do e laco['] guiúb⁻ ni'uíng⁻ jalé['] e iing⁻ 'ná['] jméé[']na['] cóo[^]~gui jalé['] ta[~] jmoo[']na['] la'eáang['] e cajáang['] yaang⁻na['] fi' jaguó['] Dsea[`] Jmáang⁻.

¹² Jo féng[']naa['] Fidiée[~] lana e laco['] eáam['] nijmi[']gó['] dsea[`] Fí[']naa['] Jesús la'eáang['] cóo[^]~ 'ná['], jogui Fí[']naa['] Jesús eáam['] nijmi[']gó['] 'ná['] cajo. Jo nilí['] jalé['] e jo dsuco['] eáam['] guiúng⁻ Fidiée[~] cóo[^]~gui Fí[']naa['] Dsea[`] Jmáang⁻ cóo[^]~ 'ná['].

2

Júu[^] quiá[']- mi[~] nijáa[']tu Dsea[`] Jmáang⁻ fi' jmigüí['] la

¹⁻² Jogui lana, dsea[`] rú[']naa['], nifii[']guí['] 'ná['] quiá[']- mi[~] nijáa[']tu Fí[']naa['] Dsea[`] Jmáang⁻ fi' jmigüí['] la, jogui mi[~] nijí['] rú[']naa['] cóo[^]~ cajo, jaléng['] jneaa[~]aa['], dsea[`] lí[']naa['] dsea[`] quiá[']r⁻. Jogui mii[~] 'ná['] e ja['] jmisíng[']na['] lajii[~] e í['] óo[']na['], o[']gui føøng[']na['] mi[~] nijíng⁻ dsea[`] e nicagüém⁻ Dsea[`] Jmáang⁻ fi' jmigüí['] la. Co['] seem['] dsea[`] i['] nijíng⁻ e fé[']r⁻ cuaiñ[~] quiá[']- Fidiée[~]

e júu^ jō, dsu' o' já' . Jogui seem'bi dsea` i fé' e quiá'- Fidiée` e júu^ jō, dsu' o' já' e lajō. Jo seem'bi dsea` cajo e jín' e jneab` cajmée' e fí ni` jì quié' e júu^ jō, dsu' o' já' e lajō cajo.

³ Joba' fí-guú' 'nú', dsea` rú'naa', e ja` jmigóøng` yaang`na' jii' cōo` mi` fé' dsea` e nicagüéng`-tu Dsea` Jmáang` . Dsucō' lajee` ná' gui e jmí` jō, dseáng' cab' niguiéng` dsea` Fidiée` , jō ie` jōb cajo nijmijnéeng` 'ña' i dsea` i 'ling' do fí` jmigü' la, jō Fidiée` dseáng' nibíim`-breiñ' do fí` lí` 'lí' .

⁴ Jō i dsea` i 'ling' do dseáng' cab' niguiár` jalé' e jmiféng' dsea` laco' gui mi` jmiféiñ' e quiá'- Fidiée` . Jogui iing` i dsea` i 'ling' do fa' e nijmiféng' dsea` ír` cartí` nijmér` e nigüear` lí` si' ée` quiá'- Fidiée` fí` dsí' sináa` guá' , jogui nijmeáng' 'ña'r' e íbre` 'gøng' guir laco' Fidiée` .

⁵ Já` tōo` áa' 'nú', dsea` rú'naa', e cafí` i 'nú' jalé' e la ie` lamí` cataang`naa' colíing` cōo` 'nú' fí` na fí` Tesalónica?

⁶ Jogui lana niñib` 'nú' e` e nicajníng` quiá'- i dsea` i 'ling' do e laco' ja` mí` cajmijnéeng` 'ña'r' jéeng` gui jii' laco' jmí` e si' í' e nijmijnéeng` 'ña'r' .

⁷ Jō lana fíim` dsea` nijmóor` jalé' e 'lí' , jō jii' Fidiéeb` dsea` cuø'r` jneaa`aa' e ngáng'naa' jiali' jmóo` dsea` jalé' e 'lí' do. Jō lico' 'né`-gui e ja` ii` nijníng` quiá'- jalé' e 'lí' do e laco' nidsijéé` jalé' e nicafá'- a na.

⁸ Jō mi` nijmijnéeng` 'ña' i dsea` i 'ling' do jee` jaléng' dsea` jmigü', jōb mi` nití` í' e nijáa`tu Fí'naa' Jesús fí` jmigü' la calé' catú` e quiá'- nijmigüéiñ` quiá'- i 'ling' do la'eáang` cōo` e jiiñ' eáang` do jogui cōo` capí' guí' e nijjúur` fí` mo'oor` .

⁹ Jō mi` nijáa` i dsea` i 'ling' do la'eáang` cōo` bí` quiá'- i fii` i 'ling' rúñ' i sií` Satanás, jōba' nijmigóøiñ` dsea` cōo` jalé' e lí` e nijmér` cōo` gui jalé' e qui'r` jmí` la'eáang` cōo` e bí` quiá'- fii` i 'ling' do.

¹⁰ Jō nijmigóøiñ` jaléng' dsea` i niteáang` fí' e nidsilíiñ` fí` lí` 'lí' cōo` jalé' e 'lí' e qui'r` jmí` jmér` . Jō jaléng' i dsea` í` niteáaiñ` e fí` jō, cō' ja` cali'iiñ` fa' cali'ñ` lajii' júu` quiá'- Dsea` Jmáang` e laco' nileáaiñ` jee` jalé' dsee` quiá'r` .

¹¹ Jō uing` e ja` calíng' i dsea` do e júu^ jō, jōba' cuøb` Fidiée` fí' e jáb'- líng` i dsea` do jalé' e o' já' e nijmigóo` i dsea` i 'ling' do.

¹² Joba' dseeb` nicuø' Fidiée` jaléng' i dsea` í` mi` tí` lí` nití` í' lajō, cō' cali'iiñ` e cajméer` jalé' e 'lí' do jogui ja` cali'iiñ` fa' já' cali'ñ` lajii' júu` quiá'- Dsea` Jmáang` .

Jial guíng` Fidiée` jaléng` dsea` i nileáang` jee` jalé' dsee` quiá'-

¹³ Dsea` rú'naa' dsea` quiá'- Dsea` Jmáang` , eáam` 'neáang` Fidiée` 'nú' . Jō jnea' , sojiéb' 'né`-cuø'naa' gui máang' Fidiée` cuaiñ` quií` 'nú' , dsucō' Fidiée` caguíñ` 'nú' latí` mi` uing` e quiá'- nileáang`na' jee` jalé' dsee` quií`na' . Jō cajméer` lajō la'eáang` cōo` e ta` quiá'- Jmiguí` quiá'r` e cuø' e uing`na' dseáng' dsea` quiá'r` jogui la'eáang` e já' nicalíng`na' júu` quiá'- Dsea` Jmáang` cajo.

¹⁴ Jō uing` e laba' caguíng' Fidiée` 'nú' la'eáang` cōo` júu` quiá'- Dsea` Jmáang` e guia` jnea' jee` 'nú' e laco' nilí'na' nilísea` quií`na' fí` lí` níing` 'gøng' Fí'naa' Dsea` Jmáang` .

¹⁵ Joba' fí-guú' 'nú', dsea` rú'naa', jie` mí` tú'na' lajii' fí` niteáang`na' cōo` Dsea` Jmáang` , jō ja` tú'na' lajii' júu` quiá'- Dsea` Jmáang` e nica'éé`naa' 'nú' lajee` cataang`naa' colíing` o'gui jalé' e tōo` fí` ni` jì e nicasiing`naa' quií`na' fí` na cajo.

¹⁶⁻¹⁷ Jō cō' eáam` guíng` Fidiée` cōo` jneaa`aa' , nañí' fa' ja` catí`naa' , dsu' ca` jmi'neáam`bre jneaa`aa' jogui nicacuø'r` jneaa`aa' e tab` dsí'naa' lata` lajii' fí` téé`-éé' cōo` Dsea` Jmáang` , jogui jman' e guiá`ba' sijeeng`naa' quiá'r` cajo. Joba' mii`naa' Fí'naa' Dsea` Jmáang` cōo` gui Tiquí`ii' Fidiée` e nicuø'r` 'nú' bí` lajii' fí` niteáang`na' e jmee`ba' jman' e guiá` jogui e fó'na' jman' júu` guiáb` cajo.

3

Mí'na' Fidiée` uí' jnea'

¹ Jo li~ ngóo' cadséng~gui fíi~i 'nú', dsea` rú'naa', féeng'~na' Fidiéé` uíi~ jnea'^ e laco' jminá~gui nini'~ júu^ quiá'- Dsea` Jmáang~ fí' la'úng~ fí' jmigüí'. Jogui féeng'~na' dsea` do cajo e jaléng' dsea` i ninú~ e júu^ do ni'im'bre e ngocáng' dsíir' lí'^ laco'gui cajmee~ 'nú' mi~ canúu~na' júu^ quiá'- Dsea` Jmáang~.

² Jogui mii'~na' Fidiéé` cajo e laco' nileáiñ` jnea'^ jee~ jaléng' dsea` i 'ling'^ i soo` dsíí', co' ja` lajiing` dsea` já'- líiñ` júu^ quiá'- Dsea` Jmáang~.

³ Jo dseáng'~ jmitib~ Fidiéé` lajii'~ júu^ cuør', jo jmicóo'~bir 'nú' e ja` nijmitúng^ óo'na' lajii'~ fí' teáng~na' cóo'~ Dsea` Jmáang~, jogui nijmi'óiñ' 'nú' e laco' ja` nijmigóøng` fii~ i 'ling'^ 'nú' cajo.

⁴ Jogui nisita` dsí'naa' e Fíi'naa' Dsea` Jmáang~ nijmicóo'r~ 'nú' e jmoo'ba' jogui e jmée^bi' jalé' e nicasíi'~naa' 'nú' do.

⁵ Jo mii'~naa' Fíi'naa' Dsea` Jmáang~ e nicuø'r~ 'nú' e lí'^na' jial tíí' 'neáng` Fidiéé` 'nú' jogui e nicuø'r~ 'nú' bí' quiá'r~ e nité'na' e féng' óo'na' lajii'~ fí' teáng~na' laco'gui cateá'- Dsea` Jmáang~ 'ñia'r'.

La guím'ba' 'né' e jmé~ dsea` ta~

⁶ Jo síi'~guíi' 'nú', dsea` rú'naa' dsea` quiá'- Dsea` Jmáang~, la'eáang' cóo'~ júu^ quiá'- Fíi'naa' Dsea` Jmáang~, e ja` quing'^ yaang~na' jee~ jaléng' dsea` quiá'- Dsea` Jmáang~ i ja` iing~ jmé~ ta~, co' i dsea` í' ja` seeiñ` cøøng` cóo'~ jalé' júu^ e casíi'~naa' 'nú' lamí~ jéeng'gui.

⁷ Co' niñib' 'nú' guíu~ jial dseáng'~ 'né' niliseeng'na' lí'^ laco'gui nicalisé` jnea'^ jee~ 'nú'; dsuco' jmoob~ jnea'^ ta~ lajee` calisé'naa' jee~ 'nú',

⁸ Jo jii'~ coo` née'~ ja` camí'naa' e niquiee~naa' quiá'- dsea` e ja` niquí'naa' quiá'r~. Co' lí'^ lí' cajmi'úung'naa' e cajmó^naa' ta~ uøø` jmíib' e laco' ja` cacuøø'~naa' iihuí' jii'~ jaang' 'nú'.

⁹ Dsu' ofa' ja` catíng~naa' e nimíi'~naa' 'nú' e nijmicóo'~na' jnea'^, co' lí'^ lí' cali'ii'~naa' e ni'ée^naa' 'nú' jial dseáng'~ 'né'~ jmée^na' tab~.

¹⁰ Co' mi~ cataang~ jnea'^ jee~ 'nú', cacuøø^baa' 'nú' lajii'~ e júu^ la e fé' lala: Doñí' ií dsea` i ja` iing~ jmé~ ta~, ja` cuø'^na'r e nidø'r~.

¹¹ Dsu' lanagui nicalineb~ jnea'^ e seem` 'nú' e fíng'~na' jmée^na' ta~, jo lico' tí' óo'na' e quíng'~na' lí' ja` catíim~ba'.

¹² Jo jaléng' i dsea` í' nisíi'~naa'r, la'eáang' cóo'~ júu^ quiá'- Fíi'naa' Dsea` Jmáang~, e güijmée`bre ta~ laco' catíng~, jo lajoba' nilí'r' jalé' e 'né'r~ lajee` e taaiñ~ fí' jmigüí' la.

¹³ Joba' fíi'~guíi' 'nú', dsea` rú'naa' dsea` quiá'- Dsea` Jmáang~, jie~ mí' tá'na' e jmoo'na' e guíu~ lí'^ laco'gui jii'~ fí' niteáng~na'.

¹⁴ Jogui song seeng` jaang` lajee` 'nú' i ja` núu'~ lajii'~ júu^ e fé' jnea'^ e fí' ni~ jì la, joba' quie`na' cuente røø` i` í' jo jo` sicøøng`gui yaang~na' cóo'r~, jo lajob` i dsea` í' nilí' i' líiñ~ quiá'- jalé' e jmóor` do.

¹⁵ Dsu' o' uíi'~ jo 'ní' nimáang~na're cajo, co' lí'^ lí' 'né' føng'~na'r jial laco' catíng~ e niliseem`bre lí'^ laco'gui la catíng~ e føng'~na' jaang`gui dsea` rúng'na' dsea` quiá'- Dsea` Jmáang~.

Júu^ lí' cadséng~ quiá'- Paa~ e catíng~ dsea` seeng` fí' Tesalónica

¹⁶ Jo 'ñia' Fidiéé` i cuø' juguíu~ júu^ røø` güijmée`bre lajo cóo'~ 'nú' contøøng~ cóo'~ doñí' ee`go jmoona'; jogui güiliseem` dsea` do contøøng~ cóo'~ 'nú' cajo.

¹⁷ Jnea~ Paa~ jmo'o e júu^ guicóo'~ e catíng~ 'nú' la cóo'~ layaang~ guóo'o. Jo jii'~ lanaba' e tñ'n jmo'o cóo'~ jalé' jì quié' e caguiee~gui cajo e laco' líiñ' dsea` e jneab~ dsea` jmo'o.

¹⁸ Jo güi'lib' Fíi'naa' Dsea` Jmáang~ güea'^ quiá'r~ fí' jee~ 'nú' lajaléng'na'.

Jo lanab`jii'~ fé' jì tñ' tú~ quiá'- Paa~ e catíng~ jaléng' dsea` quiá'- Dsea` Jmáang~ i seeng` fí' Tesalónica.

Júu^ e toq̃ fí nĩ jĩ la'uii~ quiá'- Paa- e catíng- TIMOTEO

¹ Jnea~ Paa-, jo lín'n jaang` dsea` apóo^ i jmóo` ta~ ni' júu^ quiá'- Dsea` Jmáang-. Jo Fidié~ i láang` jneaa~aa' jee~ dsee- quí~ii' cóo~'gui Dsea` Jmáang- i cuo' jneaa~aa' e nita~ dsi'naa' cóo'r~, í'bing' caquiá' ta~ lajo.

² Jo jmo' o e jĩ la e catíng- 'nũ, Timoteo, co' 'nũb` lin' lafa' dseáng'- jóo`o i dseáng'- lajang'^ nicajáng' uo' fí jaguó' Dsea` Jmáang-. Jo má'~i Tiquí'ii' Fidié~ cóo~'gui Fí'naa' Dsea` Jmáang- e ni'ír- güea'^ quiá'r- fí lí- táan', jogui e nilí fí' líiĩñ- 'nũ, jogui cajo e nicuór- e niliseen^ juguiá- júu^ røø`.

Júu^ # 'goo` quiá'- jaléng' dsea` i jmigóong` dsea` cóo~' jalé' e er'

³ Jo lí^ laco' jii~ e nicafíi- 'nũ, Timoteo, ie~ cangó- o fí lí- se' Macedonia, jo fá'túu lana, e dobi nijá' e fí fii Éfeso e laco' niliúun~ jaléng' i dsea` i e' júu^ e ja` cóong` røø` cóo~' júu^ quiá'- Dsea` Jmáang- e jo` nijmé- guir lajo.

⁴ Jogui nifi'^re cajo e ja` né- cár- cuente lajii~ júu^ cuento quiá'- dsea` mí áang' quí~naa' o'gui jalé' júu^ e ja` tóo` jmii~ té' cuaiñ~ quiá'- dsea` mí áang' quí~naa'. Co' cóo~' jalé' e júu^ la lico' uing~ e sea' jii~ ta~ jím` jo ja` e jmicoo~' e jo fa' nidsicuáng'gui laco' sí'í e júu^ quiá'- Fidié~ e quiá'- jial já' líng` dsea` júu^ quiá'- Dsea` Jmáang-.

⁵ Dsu' e lab uing~ quiá'- e júu^ quiá'- Fidié~ do e 'né- nijmi'neáng'naa' dsea` rú'naa' e guiá- dsi'naa', jogui e tíng'naa' guí~naa' jnang~ e guiá- e catíng- jmé'naa', jogui cajo e já'- líng'naa' júu^ quiá'- Dsea` Jmáang- e ngocáng` dsi'naa'.

⁶ Co' seem` i líng` dsea` i nicatá e júu^ la jo nicár- fí jié' jo nifé'r' jmang'^ júu^ e ja` uing~ sea`.

⁷ Dsucó' lico' iĩñ~ jmeáng' yaaiñ~ tifa' i e' júu^ quiá' ta~ quiá'- dsea` Israel, dsu' ja` ngáiñ' do e guóng' laco` laco` e júu^ e er' la úung` do.

⁸ Co' nine~baa' guiá- jalé'naa' e eám' íng- ta~ e júu^ quiá' ta~ do e cajme' Moi~ do fíng song jmáng' dsea` ta~ dseáng'- laco' sí'í quiá'-.

⁹ Jogui 'né- e tóo` dsi'naa' cajo e jii~ cóo` júu^ quiá' ta~ ja` calí- fa' e catíng- jaang` dsea` i jmóo` jmang'^ e guiá-; dsucó' e júu^ e quiá' ta~ do calí- e catíng- jaléng' dsea` soo` dsi' cóo~'gui jaléng' dsea` i laang` mi~ ee'go ta~ huí', jogui cóo~' jaléng' dsea` i jmóo` jalé' e lí^ e laco' jmíróng` dsee- yaaiñ~, jogui jaléng' dsea` i ja` jmí'gó' Fidié~ o'gui jmí'gór' júu^ quiá'- dsea` do cajo, jogui jaléng' dsea` i jngang' tiquiá' niquiá', osi lí^ doñí' ii' dsea` i jmóo` ta~ jngang' dsea` rúng',

¹⁰ lí^ lajaléng' dsea` i 'léé' e güiĩñ` cóo~' dsea` i o' quiá'r-, osi dseañu' 'léer' e güiĩñ` la'ó' dseañuiñ', osi dseamí 'léer' e güiĩñ` la'ó' dseamíĩñ- é, jogui jaléng' dsea` i jmóo` ta~ lóong' jogui ta~ 'níng` dsea', jogui jaléng' dsea` i ngí ta~ quie' jalé' júu^ adsee', jogui jaléng' dsea` i éeng` fii-, jo dsu' o' já'- jalé' e fé'r' do. Jo lí^ laco' cuóong` fe'ee', e e júu^ quiá' ta~ do catíng- jaléng' i jmóo` lí^ doñí' ee' e ja` cóong` røø` cóo~' júu^ niguó'^ quiá'- Fidié~.

¹¹ Jo e júu^ niguó'^ do røøb` cóong` cóo~' e júu^ jlo'^ quiá'- jial laang` dsea` jee~ jalé' dsee- quiá'r-. Jo i Fidié~ dsea` güeang'^ nicacuø'r' jnea~ ta~ e niní'~guí e júu^ jo.

Gui'máang' Fidié~ e fii- líiĩñ- jnea~

¹² Jo cuóø-ø gui'máang' Fí'naa' Dsea` Jmáang- car` ngocáng` dsii- e nicacuø'r' jnea~ bí e laco' niní'~guí júu^ quiá'r-, co' eám' nita~ dsi'ir' cóo~' jnea~, joba' nicacuø'r' jnea~ e ta~ jo.

¹³ Jo nañí fa' jnea~ malii~gui eáang' gab` cafá'- a uii~ quiá'- Fí'naa' Dsea` Jmáang-, jogui gab` cajmeáan' n jaléng' dsea` quiá'r-, jogui caløøm~bí jaléng' i dsea` í cajo, dsu' ie~ jo

eám' calí' fíi' líng' Fidié' jnea~, co' ja' mí' cuín'n Dsea' Jmáang' ie~ jo, jogui ja' ñii' cajo e~ jalé' e ga' e jmóo'o do.

14 Jo dsu' Fíi'naa' Fidié' eám' caliguiúiiñ' cóo'~ jnea~, jo cajméer' e nicajáang'~ 'ñiá'a' fí' jaguór' jogui e nijmi'neáan're cajo e ngocáng' dsii' uii'~ e cøng' see~naa' cóo'~ Dsea' Jmáang'.

15 Dsaco' dseáng'~ e jáb'~ e júu^ la, jogui dseáng'~ la guim' 'né' nilí' já'~ líng' jaléng' dsea' e júu^ la cajo; Fíi'naa' Dsea' Jmáang' cajár' fí' jmigüi' la e laco' nileáiñ' jaléng' dsea' røng' dsee~, jo lajee' lajaléng' dsea' røng' dsee~, jnea'bing' i' eáang'gui líng' lajo.

16 Jo uii'~ e lajob líi', joba' Fidié' eám' calí' fíi' líiñ' jnea~; jo cajméer' lajo e laco' Fíi'naa' Dsea' Jmáang' cajmijnéeiñ' fí' quini' jaléng' dsea' jiéng' jial tí' e féng' dsíir' uii' quié' e. Jo cajméer' lajo cóo'~ jnea~ e laco' cuø' lí' quiá'~ jaléng' dsea' i' nabi nijáng' yaang' fí' jaguó' dsea' do, jo lajoba' niliseeiñ' cøng' cóo'~ Fidié'~ lata~.

17 Jjoba' majmi'goo~naa' Fidié' jogui majmiféng'naa're cajo, co' íb' Fidié' i' quiu' ta~ fí' la'úng' fí' jmigüi' lata~, jogui íb' cajo i' ja' cuøng' lí' júung' jogui ja' quí'~ jmii' fa' e nineeng'naa're, jogui jii'~ íb' Fidié' i' já'~! Jo lajob líi'.

18-19 Joba' fíi' guí' 'nu', Timoteo, 'nu' i' lin' lafa' jóo'o, lí' laco'gui jii'~ júu^ e nicafé' jaléng' dsea' quiá'~ Dsea' Jmáang' lamí' jéeng'gui uii' quií'~, e la'eáang' cóo'~ e júu^ jo nijmi'úun' e nijméé' rø' lajii'~ ta~ e nicang'ñ'. Jo jméé' e ta~ jo la'eáang' e nisín' teá' fí' guiá' cóo'~ Dsea' Jmáang' jogui e nitín' guí'~ e guiá' e catín' e nijme'~. Dsu' i' líng' gui dsea' niñi'bre jalé' e guiá' e 'né' jmér' dsu' ja' cajméer' lajo, joba' ja' té'r' e teáiñ' teá' fí' guiá' cóo'~ Dsea' Jmáang'.

20 Jo lajob nicalí' cóo'~ gáng' dseañu', jaang' i' sii' Himeneo jogui jaang'gui i' sii' Jaang~, jo nicajáan' n i' dsea' la fí' jaguó' fii' i' 'líng' e laco' nijmitíiñ' e ja' cár' júu^ ga' uii' quiá'~ Fidié'.

2

Jial 'né' ním'~ dsea' Fidié' uii' quiá'~ dsea' rúiiñ'

1 Jo e laba' la guíng' e liúun' n jaléng' dsea' rú'naa', e mi' féiñ' Fidié', 'né' mír' jmi'ee' uii' quiá'~ jaléng' dsea' rúiiñ' e laco' sea' jalé' e 'néiñ', jogui e cuø'r' gui'máang' Fidié' cóo'~ jalé' e jmóo' dsea' do.

2 Jogui 'né' bi' mí'r' Fidié' cajo uii' quiá'~ jaléng' dsea' cøng' i' quiu' ta~ cóo'~ gui quiá'~ lí' doñi' ii' dseata~ cajo, e laco' cuøng' e nilisee~naa' juguiá' júu^ rø' e ja' jmoo~naa' ta~ jíng', jogui e jmi'goo~naa' Fidié' e ngocáng' dsí'naa', jogui e see~naa' e jmoo~naa' jmang'~ e guiá'.

3 Co' e joba' guiá', jogui cajo lajoba' e iáang' dsí' Fidié' i' caleáang' jneaa~aa' jee~ jalé' dsee~ qui'~ii',

4 co' Fidié' iñ' e lajii' dsea' nileáiñ' jee~ dsee~ quiá'r~, jogui iñ' e niliñi' dsea' lajii'~ júu^ quiá'r~ e catíng' Dsea' Jmáang'.

5 Dsaco' jo' seeng'gui Fidié' i' fíng'gui, co' jaam' Fidié' i' seeng'; jogui ja' seeng' fíng' i' quí'~ jmii' i' í' uii' quiá'~ dsea' jmigüi' fí' quini' Fidié', co' jii'~ Dsea' Jmáam'bing' i' quí'~ jmii' jmé' lajo.

6 Jo íb' dsea' i' cajáng' 'ñia' car' cajúiiñ' e laco' niquír' cuaiñ' quiá'~ jalé' dsee~ quiá'~ jaléng' dsea' jmigüi', jo jalé' e jo cajmijnéem' Fidié' mi' catí' í' lajo.

7 Jo uii'~ e joba' e ca'náang' Fidié' jnea~ e lín'n jaang' dsea' apóo^ i' quie' júu^ quiá'~ Dsea' Jmáang' jogui i' ni' júu^ quiá'~ dsea' do. Jo casíiñ' jnea~ e laco' ni'ée^ e jaléng' dsea' i' ja' líng' dsea' Israel e júu^ sea' contøng' e catíng' Dsea' Jmáang' jogui jial nijáng' yaaiñ' fí' jaguó' Fidié' cajo. Jo dseáng'~ já'~ e júu^ e cafa'~a na, co' ja' jmigóo'o.

8 Jo lajoba' iing' jnea~ e jaléng' dsea' güijmifém'bre Fidié' fí' doñi' jié' fí' lí' seeiñ' e í' dsíir' jmang'~ e guiá' jogui e o' guiíñ' o'gui e jiiñ' cajo.

⁹ Jogui lajobi iing~ jnea~ cajo e jaléng' dseamî güiquí'bre sí'r^ laco' catíng~, jogui e ja`né' fa' e câr' 'mí' e 'goo' e toq~ jalé' e 'mo'^, o'gui 'né' fa' e nijmi'híng~ 'ñia'r' e nijmér~ e jlo^gui jñuguir~ o'gui 'né' e câr' jalé' ñí^ e 'mo'^ eáang' lafa' cunée~ osi cuu~ e 'mo'^ eáang' o'gui sí'r^ e 'mo'^ eáang' cajo.

¹⁰ Jo dsu' ja`né' jmér~ lajo, co' lí^ lí' 'né' e jmér~ jmang'^ e guiáb~ laco' catíng~ e jmóo' jaléng' dseamî i dseáng'~ nijáng' yaang~ fí' jaguó' Fidiéé'.

¹¹ Jo lajaléng' dseamî 'né' e nú~bre lajalé' e e' dsea` quiá'^ Dsea` Jmáang~ e ja` séer` teá' jjí'~ coq, jogui cajo 'né' e náu'~bre lajii'~ e ta~ e sí'í' e nijmitir~.

¹² Jo o'gui jnea~ cuøø~ fí' e jaléng' dseamî ni'é'r~ fí' lí' siseáng' dsea` o'gui e nisór` yá'gui laco' dseañu', co' iing~ jnea~ e tiib~ nijér~ mí~ nití~ lí' siseáng' dsea` quiá'^ e nijmiféiñ' Fidiéé'.

¹³ Dsuo' cuøøng` Adámbing' i cajméaang` Fidiéé', joguiba' cajmeáaiñ' i dseamî i sii` Eva do.

¹⁴ Jogui o' Adán i caligóng, co' i dseamî i sii` Eva do, íb' i caligóng` quiá'^ fii~ i 'líng'^ do ie~ jo, jogui mí~ caligóñ' quiá'^ i 'líng'^ do, job mí~ ca'uíng~ dsee~ fí' jmigüí' la.

¹⁵ Dsu' nileám` jaléng' dseamî jee~ dsee~ quiá'^r~ song nijmitir~ lajii'~ e jmóo' jaang` niquiá'^ dsea, jogui song e ngocáng` dsír' nijáng' yaaiñ~ fí' jaguó' Dsea` Jmáang~ e ja` litúng~ dsír' jogui song nijmi'neáaiñ' jaléng' dsea` rúíñ', jogui cajo song seeiñ' laco' catíng~ e jmóo' dsea` i cúíng` Dsea` Jmáang~.

3

Jial 'né' líng' dsea` i quie' nifí' quiá'^ dsea` quiá'^ Dsea` Jmáang~

¹ Jo lajob fíi~ guí' nu', Timoteo, jo dseáng'^ e jáb'^ e júu^ la: song jaang` dsea` iíñ~ e nicár' nifí' quiá'^ dsea` quiá'^ Dsea` Jmáang~, joba' coq ta~ guiáb~ jøør~ e iíñ~ nijmér~ jóng.

² Co' i dsea` i quie' nifí' do 'né' jmér~ jmang'^ e guiáb~ e laco' ja` cuøøng` e nicuø'^ dsea` dsee~ ír'. Jogui ja` 'né' e seeng` fíng' dseamî quiá'^r~, jogui 'né' e íu~ dsír' coq'^ jalé' ta~ quiá'^r~ jogui e guíng~ dsír' coq'^ jalé' ta~ e nijmér~, jogui 'né' e nijmi'gó' dsea` ír'. Jogui 'né' e sí'íiñ~ e cuø'r~ lí^ doñí' ií' dsea` e nidóñ'~ jogui lí~ nijéiñ'~ mí~ ií' guilíng~ fí' quiá'^r~; jogui eáang' 'né' tiiñ~ e e'r' jaléng' dsea` cajo;

³ Jo ja` cuøøng` fa' e líiñ' jaang` dsea` íng' o'gui e jmóor` ta~ tñng` coq'^ dsea` rúíñ', co' 'né' e líiñ' jaang` dsea` i jmicóq'^ dsea` rúng', jogui e ja` nóor` mí'; jogui 'né' e líiñ' jaang` dsea` i ja` dsináang` cuu~ cajo.

⁴ Jo i dsea` í' 'né' e tíim`bre quiu'r' ta~ sínúu^ quiá'^r~, jogui 'né' e quiu'r' ta~ røø` jaléng' joor' e laco' nijmitiñ'~ røø` jalé' ta~ huí';

⁵ Dsuo' song jaang` dseañu' ja` tiiñ' quiu'r' ta~ røø` sínúu^ quiá'^r~, joba' ¿jial nilí'r' e niquiú'r' ta~ jaléng' dsea` quiá'^ Dsea` Jmáang~ jóng?

⁶ Jo lajob líí, co' i dsea` i quie' nifí' do ja` cuøøng` e líiñ' jaang` dsea` i tá' caquí'^ cajíng' 'ñia' e ca'uíñ' dsea` quiá'^ Dsea` Jmáang~, co' jial fíng` cabíng~ Fidiéé' ír' uí' e cajmijlóng' 'ñia'r' lí^ laco' calí' coq'^ fii~ i 'líng'^ malí'gui eáang'.

⁷ Jogui 'né' e líiñ' jaang` dsea` i catíng~ e nijmi'gó' i dsea` i ja` líng' dsea` quiá'^ Dsea` Jmáang~ do ír', jo lajoba' ja` nicuø'^ dsea` dsee~ ír' o'gui nijmigøøng` fii~ i 'líng'^ ír' cajo.

Jial 'né' líng' jaléng' i dsea` i née' ni~ jaléng' dsea` quiá'^ Dsea` Jmáang~

⁸ Jogui lana iin~n fá'^a quiá'^ jaléng' dsea` i jmóo' ta~ née' ni~ jaléng' dsea` quiá'^ Dsea` Jmáang~. Jo jaléng' í' 'né' líiñ' dseañu' i guíung~ i jmi'gó' dsea` quiá'^, jogui 'né' e quier' jmang'^ júu^ e já'^, jogui ja` cuøøng` fa' e nijmér~ ta~ í' o'gui e jmér~ ta~ jmigøøng` dsea` cajo e laco' nilí'r' cuu~.

⁹ Jogui 'né' e dseáng'^ e jáb'^ líiñ' car` ngocáng` dsír' e júu^ quiá'^ Dsea` Jmáang~ e já'^ lí'naa' do, jogui 'né' ñí'bre jnang~ e guiú' e nijmér~.

¹⁰ Dsu' la'uii' jang' 'né' ñíiñ' coq ta~ jiab e fí' lí' seáng' dsea, jo song guiá' nijmér~ e ta~ jo, joguiba' nicuøøng` e nilíñ' dsea` i née' ni~ dsea` quiá'^ Dsea` Jmáang~.

11 Jøgui lajõbi jaléng' dseamî quiá' jaléng' ì dseañu' ì néé ni jaléng' dsea quiá' Dsea` Jmáang` né` e lúin` dseamî ì catíng` e nijmi'gó dsea` ír, jøgui` né` e ja` quier` jalé` adsee, jøgui dseáng' eáang` né` e iu` dsíir` cóo` jalé` ta` jmóor, jøgui` né` e eer` laco` catíng` cóo` jalé` e jø.

12 Jø ì dseañu' ì néé ni do ja` cuóøng` fa' e seeng` fíng` dseamî quiá'r, jøgui` né` e tiiñ` quiá'r ta` røø` jaléng` jøor` cóo` gui jaléng` dsea` sinúu` quiá'r ì caguaang` gui.

13 Dsuo` mi` jmóo` jaléng` ì dsea` ì néé ni do røø` jalé` ta` quiá'r, jøba` lí`bre e jmi'gó` jaléng` dsea` ír` jøgui e eáang` gui lita` dsíir` e teáaiñ` teá` fí` guiá` cóo` Dsea` Jmáang`.

Júu` laniing` e caliñí` dsea` quiá'` Dsea` Jmáang`

14 Jø eám` iin` n e ninii` i fí` na lajee` lajmináb` e nimáang` túu` nu` calé` catú`; dsu` lana jmo`o e jì la,

15 dsuo` song cacøøng` guí e ja` mí` guiéé e fí` na, jøba` niñí`ba` jial` né` ée` jaléng` dsea` quiá'` Dsea` Jmáang` ì líng` laco` dsea` sinúu` quiá'` Fidiéé` ì jí` jøgui ì seeng` contøøng` do. Jø jaléng` ì dsea` íbing` ì se` teá` jøgui e jmi'ø'r` lajii` e júu` já` e cajmée` Fidiéé` la'eáang` cóo` Dsea` Jmáang`.

16 Jø dseáng` eám` laniing` 'gøng` jalé` e júu` jø e ja` cajmijnéeng` Fidiéé` lamí` jéeng` gui do. Jø lalab` lí` e júu` jø:

Dsea` Jmáang` cajmijnéeiñ` 'ñia`r` fí` jmigüf` la

e lúin` jaang` dsea` la jneaa`aa',

jø e Jmiguí` quiá'` Fidiéé` do

cuø` lí` e Dsea` Jmáang` lúin` jaang` dsea` ì ja` røøng` dsee` jii` cóo`.

Jø cangám` jaléng` ángeles` ír`.

Jø eáang` cani` júu` quiá'r` fí` la'úng` fí` jmigüf`,

jøgui ì fím` eáang` já` calíng` júu` quiá'r`,

jø cangám` tur` fí` ñifí` calé` catú`.

4

Jial` lí` cóo` jaléng` dsea` ì tú` e teáaiñ` fí` guiá` cóo` Dsea` Jmáang`

1 Jø dseáng` lí` laco` fé` Jmiguí` quiá'` Fidiéé` e mi` tí` lí` jaquiéeng` e ni'íng` jmigüf`, jø ie` jø niliseeng` ì líng` dsea` ì nitú` e teáaiñ` fí` guiá` cóo` Dsea` Jmáang`, có` nijmér` núu`r` lajii` júu` e ni'é` jalé` guí` lí` e jmigóo`; jø jalé` e nijmigóo` do jáa` quiá'` jaléng` ì 'lim`.

2 Jø jaléng` ì dsea` ì e` jalé` e júu` jø lúin` dsea` ì jmicaang` jøgui ì adsee` cajo, jø lajii` e í` dsíir` do ja` quí` jmí` e niliñí` su` guiá` osi` ja` dseeng` é, có` contøøm` jmóor` jalé` e ja` dseeng` e cóob` mi` jáb` niliñ` e guiáb` jalé` e jmóor` do.

3 Jø jaléng` ì dsea` lala` quiu`r` ta` e ja` cuóøng` nicúng` dsea` guóor` o`gui cuóøng` e nidó` dsea` lí` doñí` ee` jmiñí`; dsu` Fidiéé`bing` ì cuø` fí` jaléng` dsea` ì nilíng` dsea` quiá'r` ì nicuí` jalé` júu` já` quiá'r` cajo e cuóøm` dóiñ` do doñí` ee` jmiñí`, lífa` né` e niñiñ` gui`máam` quiá'` jalé` e jø.

4 Dsuo` guiáb` lajii` e cajmée` Fidiéé` fí` jmigüf` la, jøba` ja` cuóøng` fa' e nifé`naa' e ja` dseeng` song` ni'íng`naa' jalé` e jø e cuøø`naa' gui`máang` Fidiéé`.

5 Có` la'eáang` cóo` e júu` quiá'` Fidiéé` e fé` dsea` mi` féiñ` dsea` do, ligüeam` jalé` e jø.

Jial` líng` jaang` dsea` ì jmóo` lajii` e iing` Dsea` Jmáang`

6 Jø song` ni'é` jaléng` dsea` quiá'` Dsea` Jmáang` e júu` la, jøgui eám` tí` o' e jmitím`bi` e júu` quiá'` e teáang` dsea` teá` cóo` Dsea` Jmáang` jøgui jalé` e júu` jlo` e nicañí` jmitín`, jøba` ni'uín` jóng` jaang` dsea` ì jmóo` guiá` lajii` e iing` Dsea` Jmáang`.

7 Jø dsu` nu` né` jméé` e ja` já` lín` jalé` júu` e ja` e uiing` sea` lí` laco`gui la fé` ì líng` dsea` áang` qui`naa'; có` lí` lí` né` e nijmi'uún` e jmi'goo`bi` Fidiéé` car` ngocáng` o' cóo` jalé` e jmoo` jøgui cóo` jalé` e fó', có` e lajõba` e íng` ta` quí`.

8 Jo íim^jiu ta~ quiá'- dsea` mi~ jmóor` e cuø'r` bî nguú` táaiñ, jo dsu' eáang'gui íng^ ta` fíng e jmi'gó' dsea` Fidiéé` car` ngocáng` dsíir', dsuco' e jo eáam' íng^ ta~ quiá'r` fí' jmi'güü' la jogui fí' jmi'güü' cõo` cajo.

9 Jo lajaléb' e fá'a na dseáng'- lajam'-ba' e já', jõba' lajím` dsea` 'né` e jáb'- nilíiñ e júu^ jo cajo.

10 Jo uing~ e lajõba' e cuø' bî yee~naa' jogui eáam' íng'-naa' iihuí' jee~ e ta~ la, co' nita` dsí'naa' cóo' i Fidiéé` i jí' do e í'bing' i láang` dsea` jee~ dsee~ quiá'r`, lifa' eáang'gui jee~ jaléng' dsea` i já' líng' júu^ quiá'- Dsea` Jmáang`.

11 Jo lajalé' e júu^ la 'né` fí' jaléng' dsea` jogui 'né` é're cajo.

12 Jo jie~ mí' cuø' fí' uø' fa' e nijmé` dsea` e ja` já' líiñ` júu^ quií'- dsu' uíi' e simim'bi' laco'gui yaaiñ. Co' lí' lí' 'né` e nisín' nifí' jee~ jaléng' dsea` quiá'- Dsea` Jmáang` cóo' lajalé' e fó' jogui cóo' lajalé' e jmoo' jogui cóo' jial 'neáan' dsea` rún'. Jogui 'né` e sin' teá' fí' guiá' cóo' Dsea` Jmáang` jogui e jmée' jmang'- e guiá' e laco' ja` ni'ee' dsee`.

13 Jo lajee` e ja` mí' guiéé' fí' na, cuøø' bî uø' e ni' jalé' júu^ quiá'- Fidiéé' fí' lí' seáng' dsea`, jogui cuøø' gui' bî jaléng' i dsea` í' cóo' e júu^ jo, jogui ée' guir cajo.

14 Jogui jmée' ta~ røø' lajii' e tíin' ngán' e cacuø' Fidiéé' 'nu' mí' caquidsí' jaléng' yuu' dsea` cóøng' quiá'- dsea` quiá'- Dsea` Jmáang` guóor' fí' moguí' jo lajee` jo fé'r' júu^ quiá'- dsea` do.

15 Jogui quie' cuente røø' cóo' jalé' e na, jo lajõba' cuøøng` e niliñí' dsea` jiéng' jial jmicúaan' e sin' teá' cóo' júu^ quiá'- Dsea` Jmáang`.

16 Jo tíing' cóo' lajalé' e jmoo' jogui cóo' lajalé' e e' dsea` jiéng' cajo, jogui ja` jmitúng` o' e sin' teá' cóo' júu^ quiá'- Dsea` Jmáang`. Jo song jmití'ba' lajalé' e júu^ na, jõba' Fidiéé' nileáng' 'nu' jee~ jalé' dsee~ quií', jogui lajõb' nijmér` cajo cóo' jaléng' dsea` i núu' jogui núu' júu^ quií'.

5

Jial 'né` ée` dsea` cóo' dsea` quiá'- Dsea` Jmáang`

1 Jo fí' guí' 'nu', Timoteo, jie~ mí' jmoo' e jín' jaléng' dsea` cóøng', co' lí' lí' 'né` e cuø' re bí' cóo' júu^ røø' lafa' mí' sñn' cóo' tíquí'ba'. Jogui 'né` sñn' røø' cóo' jaléng' siming' e lafa' sñn' cóo' rún' dsea` ngáang' cóo' ba'.

2 Jogui 'né` jmi'goo' jaléng' dseamí' i nidseáang` lafa' niquí'ba', jogui cajo 'né` jmi'goo' jaléng' simí' e lafa' rúm'ba' jo ja` cuøøng` e í' a' e ga` cóo'r`.

3 Jogui cajo jmi'goo' jaléng' dseamí' 'nii' i ja` seeng` i nijmicóo' quiá'r` cóo' jalé' e 'né'.

4 Jo song i dseamí' 'nii' do seeng` jóor' osi guieer` é, jõba' í'bing' i catíng` i 'né` nijmé` í' ír' e laco' nijmitíiñ` do la'uii' jial e 'né` nijmicóo'r` jaléng' dsea` sñnúu' quiá'r` jogui jial e nijmér` lí' laco' cato' fíng` sejmiir` ír', dsuco' lajõba' e guiá' jogui cajo lajõba' e íang` dsí' Fidiéé`.

5 Jo i dseamí' i dseáng' já' i 'núng` i ja` i seeng` i nijmé` í' ír', dsu' nitab` dsíir' e Fidiéé' bing' i nijmé` í' ír' contøøng`, jõba' yejib` féiñ' dsea` do jogui uøø' jmíib' mí'r' dsea` do jmi'ee' e nijmicóo' reiñ'.

6 Dsu' i dseamí' 'nii' i suung` la jmang' e jlo' e sea' fí' jmi'güü' la líiñ' lafa' ni'lim`bre cóo' jalé' e lí' dsíir' do.

7 Jo fí' guí' 'nu', Timoteo, íi' 'goo' cóo' jaléng' dsea` quiá'- Dsea` Jmáang` e júu^ e nicafá' a na e laco' ja` cuøøng` nicuø' dsea` dsee` ír'.

8 Jo song ii' dsea` ja` guing` dsíir' fa' e nijmicóo'r` dsea` rúñ' lí' la quie' cartí' dsea` sñnúu' quiá'r` ja` iññ` fa' e nijmér` lajo, jõba' i dsea` í' nicatúb're lajii' e siñ' teá' fí' guiá' cóo' Dsea` Jmáang`, jo dseáng' ga' guib' lí' quiá'r` laco'gui jaang` dsea` i ja` mí' já' líng' júu^ quiá'- dsea` do.

9 Jo lajii~ dseamî 'nîi~ i nitaang~ fî' ni~ jî' quiá~ e nilicóo'r~ cóo~ jalé~ e 'né~ 'né~ e ngolíiñ~ lí'gui laco' sesenta jii~ jogui e jaam` dseañu' quiá'r~ caliséng` lajee~ cateáaiñ~ fî' jmigüí la.

10 Jo i dseamî 'nîi~ do 'né~ e ñib` dsea` e líiñ` jaang` dsea` i guiúng~ cóo~ jalé~ e guiá~ e nicajméer~; lafa' song nicato' fíiñ` røø` jaléng` jóor', jogui song nica'éer` e guiá~ cóo~ jaléng` dsea` i guilíng~ fí' quiá'r~, jogui song nicaru'r' tñ~ jaléng` dsea` quiá~ Dsea` Jmáang~, jogui song nicajmicóo'r~ jaléng` dsea` i nica'íng` iihuú', lí^ lajee~ lajî e guiá~ e nicacuø' bí` ñia'r' e nicajméer`.

11 Jogui ja` 'né~ fa' e nitáang~ fî' ni~ jî' do jaléng` i dseamî 'nîi~ i ja` mí' ngolíng~ sesenta jii~ e laco' nilicóo'r~ cóo~ jalé~ e 'né~; dsuco' coob` mí~ nili'iiñ~ e nidsihuíiñ~ cóo~ júu^ quiá~ Dsea` Jmáang~, jo iñ~ e nicúm`tur guóor` calé` catú~,

12 joba' dseeb~ nilisea` quiá'r~ jóng quiá~ e ja` nijmitir~ lajii~ e si'í^ e catíiñ~ e nijmér~.

13 Jogui cajo jmóor` ta~ ngí' la gui` 'núu` e o' e ta~, jo lajoba' e úing~ e lífíiñ~; jogui o' jii~ e lífíiñ~ do cajo, co' ngír` ta~ quie' adsee' lí^ doñí' lacaang` jie' lí~ ja` catíiñ~, jogui fé'r` jalé' júu^ e ja` catíng~ nijmér~ lajo.

14 Joba' iing~ jnea~ e nicúm`tu guoo` calé` catú~ jaléng` dseamî 'nîi~ i bí'bi dsíí', jogui e niliseeng` jóor', jogui e niquiá~ bre ta~ røø` sinúu^ quiá'r~, jo lajoba' jii~ jaang` dsea` cuøøng` nicuø' reiñ' dsee~.

15 Dsuco' seem` i líng~ dseamî 'nîi~ i nica'naam` yaang~ fí' guiá~ cóo~ Dsea` Jmáang~ jo nicanaaiñ` e síng` yaaiñ~ fí' ga` cóo~ fii~ i 'líng`.

16 Jo jaléng` dsea` quiá~ Dsea` Jmáang~ i seeng` dseamî 'nîi~ jee~ dsea` sinúu^ quiá'r~, güijmée`breiñ` í', jo lajoba' ja` 'né~ e nicá~ i dsea` quiá~ Dsea` Jmáang~ i caguaiang~ gui do ta~ e nijmicóo~ reiñ' cóo~ jalé~ e 'néiñ~.

17 Jogui jaléng` dsea` cóøng` i quiu' ta~ røø` jee~ jaléng` dsea` quiá~ Dsea` Jmáang~ 'né~ e niquib` e 'léeiñ~ laco' catíng~, dsu' eáang`gui guíng` 'né~ lí' lajo cóo~ jaléng` dsea` i jmóo` ta~ guia' jogui ta~ e júu^ quiá~ Fidiée~.

18 Dsuco' lalab fé' fí' ni~ jî' quiá~ Fidiée~: "Ja` jni'^ mo'oo~ jó' núu^ quií~ lajee~ e ø're' cui'iee~." Jogui fé'gui cajo: "Jaang` dsea` i jmóo` ta~ dseáng~ 'né~ quib` e 'léeiñ~ laco' catíng~."

19 Jogui ja` jmijii~ cajo fíng song jmóo` dsea` dsee~ quiá~ jaang` lajee~ i dsea` cóøng~ i quie' nifí' quiá~ dsea` quiá~ Dsea` Jmáang~ song ja` mí' caguilíng~ gáng~ gaang` dsea` jéng` i tíí ni~ i nija~ júu^ røø` cuaiñ~ quiá~ jalé~ e jo.

20 Jogui jaléng` dsea` quiá~ Dsea` Jmáang~ i ja` quiu' dsíí' e jmóo`bir jalé~ e 'lí', joba' 'né~ fí're fí' quini~ jaléng` dsea` quiá~ Dsea` Jmáang~ e ja` dseeng` jalé~ e jmóor` do, jo lajoba' ni'í' 'gó' quiá~ i caguaiang~ gui i iing~ jmé~ lajo.

21 Joba' fíi~ guú' nu~, Timoteo, jalé~ e júu^ la fí' quini~ Fidiée~ quí~ii' jogui fí' quini~ Dsea` Jmáang~ cóo~gui fí' quini~ jaléng` ángeles, e dseáng~ 'néb~ e contøøm~ tóo` o' jalé~ e júu^ e nicafíi~ i 'nu' la, jo ja` jmo'` cuente jalé~ e fé' dsea', jo coo` gui'náb'^ 'né~ í' í'.

22 Jogui jie~ mí' quidsi' guóo' fí' mogui~ jii~ jaang` dsea` lajminá~ e ja` mí' cal'í' o' røø~, jo lajoba' ja` niquin^ jee~ dsee~ quiá~ i dsea` í', jogui jmi'úun^ e ja` nitén' fí' ni~ dsee~.

23 Jo fíi~ guú' nu~, Timoteo, e mí~ ja` 'goo` dseeng` tu' jo ja` u' layaang~ jmíi~, co' guiá~ gui ni'u'^ capí'^ jmi'^ mí'^ huíng` jó'^ e nicó'.

24 Jo seab` dsee~ quiá~ i líng~ dsea` e dsifib' líñí' dsea` nú~gui e nití~ fí' lí~ nitídsí' í' quiá'r~, dsu' sea`bi dsee~ cajo e ja` líñí' dsea` cartí' mí~ niguiée~ i dsea` i óo` dsee~ do fí' quini~ dseata~.

25 Jo lajob lí' cóo~ jalé~ e guiá~ e cajmée` dsea', sea`ba' e dsifib' lílí'r^, jo sea`bi cajo e ja` nililí'r^ dsifí' jo cóøng`gui nililí'r^, dsuco' ja` cuøøng` fa' lí^ nijé~ lajo e si'maang~.

6

¹ Jogui jaléng' dsea` quiá'- Dsea` Jmáang- i jmóo` ta~ quiá'- dsea` 'né- e eáam' nijmi'gór' fir~ e li~ jmóor' ta~ do, jo lajoba' ja` ni'uíng- e nifé' dsea` ga` uii~ quiá'- Fidiéé' jogui uii~ quiá'- júu^ quiá'r- cajo.

² Jogui song i líng~ dsea` quiá'- Dsea` Jmáang- i jmóo` ta~ quiá'- dsea` do seeng' fir~ i líng' dsea` quiá'- Dsea` Jmáang- cajo, jo jie~ mí tár' e jmi'gó'reiñ', dsuco' røøb` teáaiñ- fí' guiá- cóo'~ Dsea` Jmáang-. Co' lí' lí' 'né- e nijmitir~ røø'gui jalé' ta~ quiá' i fir~ do, dsuco' dsea` quiá'- Dsea` Jmáang- i 'neáang` rúng' líng' i dsea` i íng' e ta~ e jmóo` i dsea` i jmóo` ta~ quiá'r- do. Joba' fíi-guá' 'næ', Timoteo, ée'~gui dsea` jalé' e júu^ na jogui síi'~guir cajo e güijmiti~bre lajii'~ e júu^ jo.

Jial lí' mi~ dsináang' dsea` cuu-

³ Jo song seeng' i e' júu^ e jié'gui e ja` cóong` røø` cóo'~ jalé' júu^ e ca'e' Dsea` Jmáang- jogui cóo'~ jalé' júu^ quiá'- jial niliseeng` dsea` cóong` cóo'~ Fidiéé',

⁴ joba' i dsea` í líiñ' jaang' i jløm' i ja` e tíng' jii'~ coo'. Co' dseá' lafa' jmohuí' quiá'r- e jmóor' ta~ tíng' júu^ quiá'r- e ja` cuø'r' júu^ rúñ' cóo'~ lí' doñí' e síiñ'; jo fí' job lí' uíng- jalé' dsihuí' jogui e ja` seeiñ` røø' jogui e jmiguiñ- dsea` rúñ' jogui e ja` sea` júu^ ta~ dsíi' quiá'- rúñ',

⁵ jogui jmóor' ta~ tíng' e ja` guiéng- jee~ jaléng' dsea` rúñ', co' jmang'- jalé' e 'lí'ba' í' dsíir', jogui ja` cuír' lajii'~ júu^ sea` contøong- e catíng- Dsea` Jmáang-, jo jmáñ' ta~ e júu^ jo e laco' nilí'r' cuu-. Jo jie~ mí jmoo' e niquin'^ jee~ jaléng' i dsea` í.

⁶ Jo e jáb'- dseáng'- lajob líí, co' eáam' jlo'^ jogui eáam' quíng' cajo e júu^ quiá'- Fidiéé' quiá'- jial niliseeng` dsea` cóong` cóo'r~, dsu' líí lajo jii'~ quiá'- jaléng' dsea` i jmi'íáang` dsíi' cóo'~ jii'~ e sea` quiá'-bre.

⁷ Dsüco' jii'~ coo' ja` ee' mí sea` quí-naa' mi~ caliséng'naa' fí' jmigüí' la, jogui jii'~ coo' ja` e cuøong` lí' lé'naa' fí' jmigüí' la mi~ nidseá'naa' fí' jmigüí' coo';

⁸ jogui song seab` jalé' e quíee'naa' jogui jalé' sí'naa', joba' cóo'~ jii'~ e job 'né- e nijmi'íáang` dsí'naa'.

⁹ Jo dsu' jaléng' dsea` i eáang' iing~ jmeáng' yaang~ e nilisea` cuu- quiá'r-, ja` té'r' e iñ~ nijmér- jalé' e ja` dseeng' e laco' nilí'r' e cuu- do. Jo job lí' uíng' e nisi' fí' ga` quiá'r- e nijmér- jalé' e ja` uíng~ sea` jogui eáang' 'léé' quiá'r- cajo. Jo mi~ jmóo` dsea` jalé' e jo, job lí' uíng' e íng- quiá'- dsea` jogui e nidsilíñ' fí' lí' 'lí' mi~ nití- oor~ quiá'r-.

¹⁰ Dsüco' mi~ dseáng'- eáang' dsináang' dsea` cuu-, job lí' uíng~ quiá'r- e iñ~ nijmér- jalé' e 'lí'; jogui i líng~ dsea` nicatúbre e teáaiñ- fí' guiá- cóo'~ Dsea` Jmáang- dsu' uí'~ e jmóor' lajo, joba' lana eáam' ja` juguiá- niseeíñ'.

Júu^ laniing- quiá'- Paa- e casí'r- Timoteo

¹¹ Jo fíi-guá' 'næ', Timoteo, 'næ' i líng' dsea` quiá'- Fidiéé', jmihuíng' uø' quiá'- jalé' e 'lí' na. Jo güiliseem'ba' fí' jmigüí' la e ee' jmang'- e guiá-, jogui contøom- 'né- guíng' o' e jme' jii'~ e íáang' dsíi' Fidiéé' jogui e sin' teá' cóo'~ júu^ quiá'r- jogui e jmi'neáan' dsea` rún' jogui e féng' o' cóo'~ jalé' iihuí' e ín' jogui e ja` jmijløng'^ uø' cóo'~ dsea` rún'.

¹² Jogui cuøø' bí uø' e contøong- sín'- teá' fí' guiá- cóo'~ Dsea` Jmáang-; jogui jie~ mí tiun' jalé' e júu^ na, joba' nitin' fí' lí' guiá- mi~ nijúun'-, dsuco' uíng~ e lajoba' e catø'- Fidiéé' 'næ', jogui uíng~ e joba' cajo cajmee- 'næ' júu^ fí' quini' fíng' dsea` e dseáng'- e já'-ba' e sin' teá' cóo'~ Dsea` Jmáang-.

¹³ Jogui lana fíi-guá' 'næ', Timoteo, fí' quini' Fidiéé' i cuø' e jí' dsea` fí' jmigüí' la, jogui cajo fí' quini' Dsea` Jmáang- i café' juguiá- quiá'- Fidiéé' fí' quini' Poncio Pilato,

¹⁴ joba' fíi-guá' 'næ' e jmée'ba' náu' jalé' e nifí' 'næ', jo ja` jmíñ' jalé' e jo cóo' e jié', jo lajoba' ja` e uíng~ sea` e nijñ'. Jo jmee'bi' lajo cartí' mi~ nití' í' e nigüéng-tu Fí'naa' Dsea` Jmáang- fí' jmigüí' la.

¹⁵ Jo nijmé⁻ Fidiée[˘] lajo mi[˘] nití⁻ e í[˘] jo, dsuco[˘] jíí[˘] íb[˘] dsea[˘] i güeang[˘] jogui i née[˘] ni[˘] lajalé[˘] cóo[˘] lajaléng[˘] jogui i niing⁻ gui eáang[˘] jee[˘] jaléng[˘] dsea[˘] mogui[˘], jogui jíí[˘] íb[˘] Fii[˘] féng[˘] quiá[˘] jaléng[˘] dsea[˘] quiá[˘] ta[˘] cajo.

¹⁶ Jogui jíí[˘] íb[˘] i ja[˘] tóo[˘] jmí[˘] e nijúuiñ⁻, jogui contøø^{m-} seeiñ[˘] e guiiñ[˘] lí[˘] jlo[˘] jneá[˘] jí[˘] e jíí[˘] jaang[˘] dsea[˘] jmigüi[˘] cuøøng[˘] lí[˘] dsiquiéeiñ[˘] fí[˘] jo, o[˘]gui jíí[˘] jaang[˘] dsea[˘] mí[˘] cangáaiñ[˘] dsea[˘] do o[˘]gui lí[˘] r[˘] fa[˘] e niníiñ⁻ dsea[˘] do cajo. jo majmifém[˘] baa[˘] re lata[˘], co[˘] jíí[˘] íb[˘] dsea[˘] i 'gøng[˘]! Jo lajob nilí[˘].

¹⁷ Jo fíi⁻ guí[˘] 'na[˘], Timoteo, e júu[˘] la: Síi[˘] jaléng[˘] dsea[˘] i eáang[˘] sea[˘] cuu⁻ fí[˘] jmigüi[˘] la e ja[˘] güijmíj[˘] løng[˘] yaaiñ[˘] e eáang[˘] ta[˘] dsír[˘] cóo[˘] jalé[˘] cuu⁻ quiá[˘] r⁻, dsuco[˘] jalé[˘] e jo seab[˘] mi[˘] ja[˘] ee[˘] quíing[˘] jíí[˘] cóo[˘]. Dsa[˘] ja[˘] 'né⁻ jmér⁻ lajo, co[˘] lí[˘] lí[˘] 'né⁻ jmér⁻ e ta[˘] dsír[˘] jíí[˘] cóo[˘] Fidiéeb[˘], co[˘] jíí[˘] íbing[˘] dseáng[˘] i cuø[˘] jalé[˘] e 'né⁻ naa[˘] quiá[˘] e see⁻ naa[˘] fí[˘] jmigüi[˘] la.

¹⁸ Jo síi[˘] jaléng[˘] i dsea[˘] sea[˘] cuu⁻ do e güijmíe[˘] bre jmang[˘] jalé[˘] e guíá⁻, jogui e eáang[˘] güijmicóo[˘] r[˘] jaléng[˘] dsea[˘] rúíñ[˘], jogui e contøøng⁻ guíing[˘] dsír[˘] e nijmicóo[˘] r[˘] cóo[˘] jalé[˘] e sea[˘] quiá[˘] r⁻ jaléng[˘] dsea[˘] i ja[˘] sea[˘] jalé[˘] e 'né⁻.

¹⁹ Jogui song nijmicóo[˘] i dsea[˘] sea[˘] cuu⁻ do jaléng[˘] dsea[˘] rúíñ[˘] cóo[˘] jalé[˘] e sea[˘] quiá[˘] r⁻, joba[˘] sea[˘] uíing[˘] quiá[˘] r⁻ e nitíiñ[˘] fí[˘] lí[˘] guíá⁻ mí[˘] nijúuiñ⁻ e niliseeiñ[˘] juguíá⁻ júu[˘] røø[˘] lata[˘].

Júu[˘] lí[˘] cadséng⁻ quiá[˘] Paa⁻

²⁰ Jo fíi⁻ guí[˘] 'na[˘], Timoteo, jie[˘] mí[˘] jmítúng⁻ o[˘] lajíí[˘] ta[˘] e nica[˘] íin[˘] quiá[˘] Fidiée[˘]. Jogui jie[˘] mí[˘] já[˘] nuu[˘] jalé[˘] júu[˘] lí[˘] e ja[˘] uíing[˘] sea[˘], o[˘]gui e jmée[˘] ta[˘] jíing[˘] cóo[˘] jaléng[˘] dsea[˘] i jíing[˘] e tíiñ[˘] ngáiñ[˘].

²¹ Dsuco[˘] i líing[˘] dsea[˘] i já[˘] nicalíng⁻ e júu[˘] jmigóo[˘] do nicalatú[˘] bre e já[˘] líiñ[˘] júu[˘] quiá[˘] Dsea[˘] Jmáang⁻.

Jo míi[˘] Fii[˘] naa[˘] Fidiée[˘] e ní[˘] r⁻ güea[˘] quiá[˘] r⁻ fí[˘] lí[˘] seeng[˘] na[˘]. Jo lajob nilí[˘].

Jo lanab jíí[˘] fé[˘] jí[˘] la[˘] uii[˘] quiá[˘] Paa⁻ e catíng⁻ Timoteo.

Júu^ e toq̃ fí ni~ jì catî tú~ quiá'- Paa~ e catíng~ TIMOTEO

¹ Jnea~ Paa~, jo jaang` dsea` apóo^ i jmóo` ta~ ni' júu^ quiá'- Dsea` Jmáang~ lín'n, co' lajob iáang` dsíi' Fidié~ cajméer` cóo'~ jnea~. Jo la'eáang` e niseen~ cøong` cóo'~ Fí'naa' Jesús, joba' Fidié~ nicacuø'r' jnea~ e niliseen~ cøong` cóo'r~ lata~ lí^ laco' líh' júu^ quiá'r~ e nicacuø' lami~ jéeng'gui.

² Jo jmo'o e jì la e catíng~ 'nu~, Timoteo, co' lín' lafa' jóo'o i eáang` iin~n. Jo míi'í Tiquí'naa' Fidié~ jogui Fí'naa' Dsea` Jmáang~ e ni'ír~ güea^ quiá'r~ fí lí táan' jogui e nilí fíi~ líiñ~ 'nu~ jogui e nicuø'r~ 'nu~ e niliseen' juguí~ júu^ røø`.

'Né~ guiá~ dsea` júu^ e jalé` jmóo` Dsea` Jmáang~ cóo'r~

³ Jo lacoq̃ née'~ mí fón'n Fidié~, dséng' dsii~ 'nu~, Timoteo, jo uøø` jmáb` cuøø-ø gui'máang'~ dsea` do uii~ quí'-. Jo dseáng'~ lajii'~ e iing~ Fidié~ jmóo'o lí^ laco'gui la cajmée` jaléng'` líh' dsea` áang` quié~e, jo tab~ dsii~ e guiáb~ jmóo'o jalé' e ta~ jo fí quini' Fidié~.

⁴ Jo tóob` dsii~ jial fí'í calín'~ mí ca'í^ júu^ rú'naa', joba' iim~baa máang'túu 'nu~ calé' catú~ e laco' nilí'íáang'tu dsii~.

⁵ Jo tóob` dsii~ cajo e dseáng'~ e lajam'~ba' teá sin' cóo'~ júu^ quiá'- Dsea` Jmáang~ e ngocáng` o'. Co' la'uii~ cajmée` lajo i niyúng' quí'~ i sii' Loida jogui niquí'~ i sii' Eunice, jo tab~ dsii~ e lajob nilíng' 'nu~ cajo.

⁶ Joba' fíi~guíi 'nu~, Timoteo, jmeáang'~gui' ta~ lajii'~ e quí'~ jmi~ e cangíng` quiá'- Fidié~ mí caquidsii~ guóo'o fí yú^ moguí^.

⁷ Dsaco' Fidié~ ja` cacuø'r' jneaa~aa', dsea` lí'naa' dsea` quiá'- Dsea` Jmáang~, Jmiguí quiá'r~ e laco' nijmó'naa' 'gó'naa', co' cacuø'r' jneaa~aa' Jmiguí quiá'r~ e 'gøng' e laco' quí'~naa' jmi~ jogui e nijmi'neáang` rú'naa' jogui e lajang'~ í dsí'naa' røø` cóo'~ jalé' e jmoo~naa'.

⁸ Joba' ja` jmoo' e í' lín'~ e niguiá'^ júu^ jalé' e cajmée` Fí'naa' Jesús, o'gui jmoo' í' lín'~ uii~ quié~e cajo dsu' uí'~ e sijná'n fí dsíi' 'nuñí' dsu' e guíaa~ júu^ quiá'- dsea` do. Dsu' lí^ lí' né~ e guiab' o' e ni'ín'~ jalé' iihuí' lí^ laco' la íin'~ jnea~ uí'~ e guíanaa' júu^ quiá'- Dsea` Jmáang~ quiá'- jial laang` dsea` jee~ jalé' dsee~ quiá'r~. Jo Fidié~bing' i jmicóo'~ 'nu~ cóo'~ bí quiá'r~ jee~ jalé' e dsingín'~ do.

⁹ Jo Fidiéeb` dsea` i caleáang` jneaa~aa' jee~ dsee~ quí~ii' jo nicatø'r~ jneaa~aa' e laco' dseáng'~ lajang'^ ni'uúing~naa' dsea` quiá'r~ i jmóo` jmang'^ e iin~. Jo lajii'~ ná'~gui e nitiroo'~ jmigüi'ba' e ca'í dsíir' e nijmér~ lajo; dsu' ja` cajméer` lajo uí'~ e nicajmó'oo' e guiá~, co' cajméer` lajo uí'~ e lajob cali'iin~ jogui co' eáam' guiúin~ cóo'~ jneaa~aa' la'eáang` cóo'~ Dsea` Jmáang~.

¹⁰ Jo lana Fidié~ nicajmilir~ e eáam' guiúin~ cóo'~ jneaa~aa', co' casíin~ Dsea` Jmáang~ fí jmigüi' la e laco' nileáin~ jneaa~aa' jee~ jalé' dsee~ quí~ii' jogui e ca'ím~bre bí quiá'- 'mó~ cajo. Jo la'eáang` cóo'~ e júu^ e quiá'- jial laang` dsea` jee~ jalé' dsee~ quiá'r~ do, cajmijnéeng` Fidié~ jee~ jneaa~aa' jial e nilisee~naa' cøong` cóo'r~ lata~.

¹¹ Jo Fidiéeb'bing' i nica'naang~ jnea~ e laco' niguíaa~ jalé' e júu^ na, jogui e nicasíin~ jnea~ e lín'n jaang` dsea` apóo^ jogui e lín'n jaang` tifa' i e' jalé' e júu^ jo.

¹² Jo uiing~ e joba' e dsingín~n iihuí' lana. Dsu' ja` jmóo'o í' lín'~n cuaiñ~ quiá'- jalé' e jo, dsaco' dseáng'~ lajam'~ nicuúin~n Dsea` Jmáang~ jo fí jaguó'bre nicajáang'~ 'ñiá'a. Jogui eáam' nita~ dsii~ e quí'~bre jmi~ e ni'méin~ jalé' ta~ e nicangín~n quiá'r~ cartí mí nijáa'tur calé' catú~ fí jmigüi' la.

13 Jo fii-guui 'nu, Timoteo, jmee e quie nifi quii- jalé e nica'ée e 'nu lami jéeng'gui e quia- jial teáng- dsea teá cóo- júu^ quia- Dsea Jmáang- jogui jial jmi'neáng- dsea rúin'.

14 Jogui la'eáng cóo- Jmiguu quia- Fidiée e seeng' jee- jneaa~aa', jmee í^ lajii- e juguiá- quia- Dsea Jmáang- e nicaguiar' fí jaguó'.

15 Jo niñib^ 'nu guui- e jaléng' dsea quia- Dsea Jmáang- i seeng' fí lí se' Asia catiúum-bre jnea~; jo jee í^ quíng' i dsea i sii Figelo cóo- gui Hermógenes.

16 Jo mii- i Fii'naa' Dsea Jmáang- e nilí fí líiñ- jaléng' dsea sinúu^ quia- i dseañu' i sii Onesíforo, dsuco' jmiguiab' ya' cajmicóo-r~ jnea~, co' cajár- e jajmiti'r~ dsii-, jogui ja cajméer' i' líiñ- uii- quie e dsu' uii- e sijniñ'n.

17 Co' mi- cagüeiñ- fí la fí Roma, jo dsifi lajób canaaiñ- 'naíñ' jnea~ car' cadséiñ' jnea~, jo ja cajmi'íñ' jii- capi^ lajee' jo.

18 Joba' mii- i Fidiée uii- quia- i Onesíforo do e nilí fí líng-neiñ' mi- nití- jmii- e nijáa'tu Dsea Jmáang- fí jmigüi la. Jo niñib^ 'nu guui- e eám' cajmicóo- i dsea do jneaa~aa' lajee' cataang~naa' fí Éfeso.

2

'Né- e jmó'naa' té'baa' cóo- jalé' iihuú'

1 Jo fii-guui 'nu, Timoteo i líng' lafa' jóo'o, teá sin' uo' e fí nisin' la'eáng cóo- e bí e nicangín' quia- Dsea Jmáang-.

2 Jogui jalé' júu^ e canúu' e nicafá- jnea~ fí quini' jaléng' dsea fíng', joba' fii- i 'nu' lana e ni'é^ dsea jiéng' e júu^ jo. Jo 'né- jmee^ lajo jii- cóo- dsea i ta~ o' cóo-, lí^ lajaléng' dsea i lí- quii- jmii- e ni'é-r- jaléng' dsea jiéng'.

3 Jogui jmee- té' cóo- jalé' iihuú' e dsingín- uii- e lin' dsea quia- Dsea Jmáang- lí^ laco'gui la jmoo' jaang' 'lée- té'r- cóo- jalé' e dsingíiñ-.

4 Dsuco' jii- jaang' 'lée-, e lajee' e jmóor' ta~, catíng- e nijmér- núu'r~ lajii- ta~ quii' jaang' dsea jiéng' i ja líng' fir~, co' lajii- fii-bre 'né- e nijmi'iaaiñ' dsiiñ'.

5 Jogui lajobi cajo, fa' jaang' dsea cóo' bóo~, ja' catíng- e ni'íñ' lajii- e cal'r- do fíng song ja'gui cajmitir~ røø laco'gui jii- e sí' e cóo' dsea.

6 Jogui lajobi cajo, fa' jaang' dsea jmóor' ta~ jenuu', catím-bre e ni'íñ' guiee^ quia-r- la'uii- mi- niró' jalé' e jnir'.

7 Joba' fii-guui 'nu, Timoteo, í' o' røø lajii- e júu^ e fii- i 'nu' lana, jo lajoba' Fii'naa' Dsea Jmáang- nijmicóo-r~ 'nu e ningán' røø lajii- e júu^ na.

8 Jo contøng- jmiguién' o' jalé' e cangongíng- Dsea Jmáang-, i dsea i cají'tu la'uii- jee~ jaléng' 'líi-, jogui i líng' dsea siju- dseata~ dsea féng' Davi'; jo lanab jii- lí' júu^ e guia' jnea~ quia- jial laang' dsea jee~ jalé' dsee- quia-r-.

9 Jogui uii- e guiaa- júu^ laba' e íin' n jalé' iihuú', jo jiguí e 'núum'~baa iuun- fí dsii' 'nuí^ lafa' jaang' dsea i nica'lee'; dsu' e júu^ quia- Dsea Jmáang- e guiaa- la ja' lí' fa' e ja' cuøng' líiñ' dsea dsuco' ja' jie' sijni' quia-.

10 Jo uii- e lajob líi', joba' jmoo'baa té'e cóo- jalé' e iihuú' la e laco' jaléng' dsea i nicaguing' Fidiée i nilíng- dsea quia-r- nilí'r e nileáiñ' jee~ jalé' dsee- quia-r- jo niliseeiñ' fí ñifi- lata~ la'eáng cóo- Fii'naa' Dsea Jmáang-.

11 Jo dseáng- e jáb- lajii- e júu^ e fii- i 'nu' la:
Song nijúu-naa' uii- e líi'naa' dsea quia- Dsea Jmáang-,
joba' nilisee-baa' cóo-r~ lata~ cajo.

12 Jogui song jmoo-baa' té'naa' cóo- jalé' iihuú' e ngíng'naa',
joba' ni'í-baa' í' røø cóo-r~ fí jmigüi cóo-.

Jogui song fé'naa' e ja' cuíng'naa'r,
joba' lajób nijíñ- cajo e ja' cuíñ' jneaa~aa' mi- tí lí' jo.

13 Jogui song jmoo-naa' e ja' já- líng'naa' júu^ quia-r-,

dsu' ír`contøø̃m̄ jmitir̃ jalé' e nicajíñ' ,
co' ja`cuøø̃ng` fa' e ja` jmitir̃ jalé' júu` quiá'r̄ .

Jaang`dsea`i jmoo`ta` e íaang`dsí' Fidié`

14 Jo fñ`guñ`'nu, Timoteo, jmiguién' dsí' jaléng' dsea` quiá' Dsea` Jmáang` jalé' júu` e nifá'a la, jo liúung' jaléng' í fí` quini` Fidié` e ja` güiquíñ' e tíng' júu` quiá'r̄ cóo' lí' doñí' ee` júu`. Dsuco' jalé' e júu` jo ja` e ta` íng` jí' cóo; jo lico' 'léeb' jogui jmoo` e dsicam' jaléng' i dsea` i núu` jalé' e jo.

15 Jo jmee` quijí` car`ngocáng` o' e nili'íaang` dsí' Fidié` cóo' jalé' ta` jmoo', jo lajoba' ja` nilí' í' lín' quiá' jalé' e jo. Jogui ée' røø` jaléng' dsea` júu` sea` contøø̃ng` quiá' Fidié` .

16 Jogui jie` mí` jmoo' fa' e quín' jee` jaléng' dsea` i fé' jalé' júu` e ja` uing` sea; dsuco' jaléng' dsea` i jmoo` lajo, eáang`gui dsihuíñ` quiá' Fidié` laco` jmí` laco` jmí` ,

17 jogui eám' ni'r` jalé' e júu` 'lí' e er` do lí' laco' lí' coo` jmohuñ' e dsicuáng` jminá' . Jo lajob` cangongíng` i dseañu` i sii` Himeneo cóo' gui i sii` Fileto,

18 co' i dsea` gáng` la nicacár` fí` ga` lajee` e cuiñ` Dsea` Jmáang` , jo lana ningir` fé'r` júu` e nicajíb' tu jaléng' dsea` i nicajúng` . Jo cóo' jalé' e júu` e fé'r` do, nicaligøm` i líng` dsea` i já' líng` e júu` e sea` contøø̃ng` quiá' Fidié` .

19 Dsu' Fidié` lafa' catá'r` cóo` tí' fñ` quiá' 'núu' e té' huøø` e ja` ni'íng` , jo e tí' fñ` do lí' la lí' e júu` la e ja` tóo` jmí` ni'íng` , jo lalab` fé': "Jo nicuím` Fí'naa' Fidié` jaléng' dsea` i líng` dsea` quiá'r̄"; jogui fé' bi` cajo: "Jaléng' dsea` i jing' e líñ' dsea` quiá' Fí'naa' Fidié` 'né` nitá'bre e jo` jmér` jalé' e ja` dseeng` e lamí` jmóor` do."

20 Dsuco' fa' cóo` dsí' sinúu` quiá' jaang` dsea` i sea` cuu` , o' lajì e jmáíñ' ta` do lí' cóo' cuné` o'gui cóo' cutee, co' seab` cajo e lí' cóo' 'ma` jogui cóo' guoo'. Dsu' e líng` e jmáíñ' ta` do jmáíñ' ta` mí` jmóor` jmí` laniing` , jogui e líng` gui e do jmáíñ' ta` contøø̃ng` .

21 Jo song` jaang` dsea` contøø̃ng` jmí'úuñ' e laco' ja` nitéíñ' fí` ni` dsee` , joba' ni'úíñ` jaang` i sí'íng` jogui i íng` ta` quiá' Fidié` . Jo Fidié` bing' i nijmeáng' ta` ír` e laco' nijmér` jmang' e guiá' .

22 Jo fñ`guñ`'nu` jie` mí` quín' jee` jalé' e ja` dseeng` e lí'íng` jaléng' siming' cóo' simí' e jmóor` , jo teá'gui sin' uø' e jmoo` jmang' jalé' e guiá' , jo e já' gui lín' júu` quiá' Dsea` Jmáang` , jogui e jmi'neáang`gui' jaléng' dsea` rún' , jogui e seeng`gui' juguiá' júu` røø'. Jo jmee` jalé' e jo colíng` cóo' jaléng' dsea` i 'náng' Fidié` e ngocáng` dsí' .

23 Jogui jie` mí` quín' jee` jalé' júu` í' e ja` uing` sea, co' niñ'ba' guiá' e jalé' e júu` jo quiéé' jí' ta` jím' .

24 Jo jaang` dsea` i jmoo` lajii' e iing` Fí'naa' Dsea` Jmáang` ja` cuøø̃ng` e ningir` ta` tíng` cóo' jaléng' dsea, co' o' lajo e catíng` e nijmér` . Co' lí' lí' 'né` jmér` jmang' e guiá' cóo' lí' doñí' i dsea, jogui 'né` e quí'bre jmí` jial`ni'é'r` dsea, jogui 'né` e féng' dsí'bre cóo' jaléng' dsea` rúíñ' ,

25 jogui 'né` e ja` jmíjløng' 'ñia'r` mí` liúíñ' jaléng' dsea` i ja` jí' júu` quiá' Dsea` Jmáang` ; jo la'eáang` cóo' e jo, jangám` nijmicóo' Fidié` quiá' jaléng' i dsea` í e laco' níquí' jing' yaaiñ` fí` quini` dsea` do, jogui e nijá' líñ' júu` quiá' Dsea` Jmáang` ,

26 jo lajoba' ni'í` tu dsí' røø` e laco' nijmihuíng` yaaiñ` cóo' fii` i 'líng' , dsuco' í'bing' i lamí` 'mé' quiá'r̄ e jmóor` lí' doñí' ee` e iing` í' .

3

Jial`níláng`dsea`mí`nijaquíéng` e tí`lí`ni'íng`jmígüí`

1 Jogui fñ`guñ`'nu, Timoteo, 'né` ñí'ba' e mí`nijaquíéng` e tí`lí`ni'íng` jmígüí, eám' huíng` nilí' .

² Dsaco' jaléng' dsea` i niliseeng` ie` jo lico' nijmijíiñ` jii~ yaam`bre jo jo` jmijíiñ` jaléng' dsea` jiéng'gui, jogui eáam` nilí` dsináaiñ` cuu~, jogui nijmijlóng`^ yaaiñ~, jogui eáang` nijmiráang` yaaiñ` cóo'~ jalé' e nicajméer`. Jogui gab` nifér'` quiá'~ dsea` jogui quiá'~ Fidiée` cajo, jogui ja` nijmér` núur` cóo'~ jalé' ta` quiu'` sejmiir`, jogui ja` nicuø'r` gui'máang`~ dsea` mi~ ee`go ngíiñ` o'gui nijmí'gór` Dsea` Jmáang` cóo'~ jalé' júu^ quiá'~ dsea` do cajo.

³ Jogui ja` nijmi'neáaiñ` o'gui nilí` fíi` líiñ` jaléng' dsea`, jogui nifér'` júu^ adsee` e 'niiñ` jaléng' dsea` rúíñ`, jogui ja` téeng` yaaiñ` e iñ` nijmér` lajii~ e 'li^ e lí` dsíir', jogui eáam` nijmér` saang` dsíir' cóo'~ jaléng' dsea` rúíñ`, jogui nijmér` e 'ní' níim`bre lajalé' e guiá` e jmóo` dsea`.

⁴ Jogui gab` nifér'` e 'niiñ` jaléng' dsea` i seeng` røø` cóo'r~, jogui eáang` niliteá` dsíir' e nijmér` jalé' e ga` e lí` dsíir', jogui eáang` nijmér` e nijmijlóng`^ yaaiñ` cóo'~ jalé' e í` dsíir' e tíiñ`, jogui eáang`gui ni'nór'` jalé' e jmi'iaang` dsíir' e lafa' nijmiféiñ` Fidiée`.

⁵ Jogui cóo'~ jalé' e jmóo` i dsea` do, eáang` nijmígøøiñ` jaléng' dsea` e líiñ` dsea` quiá'~ Dsea` Jmáang`, dsu' dseáng'~ ja` já'~ e líiñ` lajo, co' ja` jmóor` laco' catíng` e jmóo` dsea` quiá'~ Dsea` Jmáang` i seeng` la'eáang` cóo'~ e 'gøng' quiá'~ dsea` do.

Joba' fíi`guí` 'nu, Timoteo, jie` mí` jmoo'` fa' e niquin`^ jee` jaléng' i dsea` lana.

⁶ Dsaco' i líing` i dsea` la'í` lico' jmóor` ta` ngí` quiá'~ dsea` jo` jmígøøiñ` jaléng' dseam` i ja` huíng` tøng' fí` ni` dsee`. Jo` jaléng' i dseam` í` eáam` røøiñ` dsee~, co' lico' jmóor` lajii~ e ga` e lí` dsíir' yaam`bre,

⁷ jo` contøøm` tí` dsíir' jmitíiñ` mi~ ee`go júu^ 'míi` sea, dsu' dseáng'~ ja` tóo` jmíi` e quíi'r` jmíi` fa' e ningáiñ` e júu^ já'~ quiá'~ Fidiée` e catíng` Dsea` Jmáang`.

⁸ Joba' fíi`guí` 'nu e júu^ la, e lí' laco' cajmée` i dsea` láang` gáng` i caliséng` malíi` do i sii` Janes cóo'~gui Jambres ie` lamí` cajníiñ` quiá'~ Moi~, jo` lajob` cajo nijmé` jaléng' i dsea` i seeng` mi~ nijaquíéng` e tí` lí` ni'íng` jmigüi, co' nijnám`bre quiá'~ e júu^ já'~ quiá'~ Fidiée` e catíng` Dsea` Jmáang`. Jo` jaléng' i dsea` í` líiñ` dsea` i í` dsíi' jmang' e 'li^ jogui i nicajgiéng` dsíi' e teáaiñ` teá' fí` guiá` cóo'~ Dsea` Jmáang`.

⁹ Jo` dsu' ja` huíi` dsilíiñ` cóo'~ e jmígøor` do, co' jalém' dsea` nilíñir' guiá` e jaléng' i dsea` la'í` ja` í` dsíir' røø` lí' laco' calí` cóo'~ i dsea` gáng` i sii` Janes cóo'~gui Jambres ie` lamí` cajníiñ` quiá'~ Moi` do.

Júu^ e ca'íi` Paa` quiá'~ Timoteo

¹⁰⁻¹¹ Dsu' 'nu, Timoteo, guiáb` niñí'` lajii~ júu^ e ée` e dsea`, jogui jial seen` røø` laco' seeng` dsea` quiá'~ Dsea` Jmáang`, jogui niñí'`bi' cajo lajii~ e í` dsii` e nijmee`e, jogui jial já'~ lán`n e nisín`-n teá' cóo'~ júu^ quiá'~ Dsea` Jmáang` e car` ngocáng` dsii~, jogui jial féng' dsii` cóo'~ jaléng' dsea` jiéng', jogui jial e 'neáan`n jaléng' dsea` rún`n, jogui jial nicateá'~a cóo'~ jalé' iihuí` e nica'íin`n. Jogui niñí'`bi' cajo e cateá'~baa cóo'~ jalé' e ga` e nicajmeáng' dsea` jnea` fí` Antioquía cóo'~gui fí` Iconio jogui fí` Listra; dsu' cateá'~baa, co' Fíi'naa' Dsea` Jmáam`bing' i caleáang` jnea` jee` jalé' e jo.

¹² Dsu' dseáng'~ e jáb'~ jalé' e la, e jaléng' dsea` i iing` seeng` e si'naaiñ` jee` jalé' e 'li^ uíi` e líiñ` dsea` quiá'~ Dsea` Jmáang`, joba' 'né` nidsingím`bre iihuí` e jmóo' dsea` quiá'r`.

¹³ Jo` dsu' jaléng' dsea` i jmóo` ga` jogui i jmígøøng` jaléng' dsea` rúng', ga`guib nidsijée` quiá'r` laco` jmíi` jogui eáam` nijmígøøiñ` jaléng' dsea` rúíñ` lí' laco' jmígøøiñ` yaaiñ`.

¹⁴ Dsu' fíi`guí` 'nu, Timoteo, teá' sing' uø' lí' laco' jmoo'` cóo'~ jalé' e nicajmitín', co' dseáng'~ niñí'`ba' e dseáng'~ jáb'~ jalé' e jo. Jogui niñí'`bi' guiá` cajo i dsea` i ca'e' 'nu jalé' e jo,

¹⁵ co` e júu^ güeang`^ quiá'~ Fidiée` e niñí'` catí` ie` lamí` jiuun` do, e joba' e nilí'íng` ta` quií'~ e nilíiñ` jial e nileán` cóo'~ jalé' dsee` quií'~ la'eáang` e nicajáng` uø' fí` jaguó` Dsea` Jmáang`.

16 Jo lajib` e júu` quiá'- Fidiée` cajme' dsea` la'eáang' cóo'~ 'ñiab' Jmiguí` quiá'- Fidiée` ; jo jalé' e júu` jo eáam' íng` ta` e e' jneaa`aa' jmang'~ jalé' e já'~, jogui e jmicóo'~ jneaa`aa' e line`naa' mi` ee`naa' dsee` jogui jial cuóøng` e nisíng'~ túu' teá' fí' guiá'~ cóo'~ Dsea` Jmáang` ; jogui e' jneaa`aa' cajo jial e nijmó`oo' lajii'~ e iing` dsea` do.

17 Jo jalé' e júu` jo íng` ta` e laco' jaang` dsea` quiá'- Fidiée` néé' guiá'~ quiá'r` laco' catíng` , jo lajoba' cuóøng` nijmér` jalé' e guiá'.

4

1 Joba' fíi`guí' 'nu`, Timoteo, fí' quini` Fidiée` jogui fí' quini` Fíi`naa' Dsea` Jmáang` i nijáa'tu mi` tí' lí' ni'íng` jmigüi' e laco' niquidsir' í' røø` jo nicár` nifi' quiá'- lajaang` lajaang` dsea`, ja` e líi' su seeng`guir` osi nijúm`bre é,

2 jo fíi`i 'nu` car`ngocáng` dsii` e niguiá`bi' júu` quiá'- Dsea` Jmáang` jee` jaléng` dsea` ; jo dseáng'~ jmi'úung` e jme'` lajo mi` lí' sea' fí' osi mi` ja` sea` é. Jogui 'né` jmitá`ba' dsíi' jaléng` dsea` i ja` 'goo' já'~ líng` júu` quiá'- Dsea` Jmáang` , jogui 'né` íi`ba' 'goo' mi` jmóor` doñi' ee` e ja` dseeng` , jogui 'né` cuó'~bir bí' e laco' nilitíi'~ dsíir' , jo 'né` é'`re lajo dseáng'~ e féng'` óo`ba'.

3 Dsúco' cóoob` mi` nití' í' e jo` té'` dsea` e núur` lajii'~ júu` niguó'` quiá'- Fidiée` ; dsúco' ie` jo lí'` íiñ` e nijmitir` lajii'~ ta` quiá'r` yaam`bre, jogui nijmér` quijí'~ cabøø` tifa'` i ni'é` quiá'r` lí'` doñi' ee` jalé' e íiñ` ninúr`.

4 Jogui jo` íiñ` fa' e ninúr` lajii'~ e júu` niguó'` do, co' lajii'~ júu` cuento quiá'- dsea` áam`ba' íiñ` e ninúr`.

5 Dsú' e laba' fíi`guí' 'nu`, Timoteo, jang'~ íi` o'` røø` mi` ee`go` nijme'` , jogui jmee` té'`bi' cóo'~ jalé' iihuí' e dsing`ín'~ , jogui cuóø'~bi bí' uø'` e quiá'- niguiá`gui' júu` e quiá'- jial laang` dsea` jee` jalé' dsee` quiá'r` , jogui jmiti` røø` jalé' ta` e nicang`íng`.

6 Jo tí' lí' nití' í' e nijngáng'~ dsea` jnea` , co' nijaquíém' oor` quié` e e tí' lí' nijúun`n.

7 Jo teáb` eáang` nicasín'` n fí' guiá'~ cóo'~ Dsea` Jmáang` , jogui lana nicatí' í' e nicadsín`n cóo'~ jalé' ta` quié` e, jo jii'~ cateá' ja` calitúng` dsii` cóo'~ júu` quiá'- Dsea` Jmáang`.

8 Jo lana nisijeeng` jnea` e ni'íin'`n lajii'~ e catíin`n. Jo Fidiée` , i dsea` i quidsí' í' røø` , íb` i nicuó'~ jnea` e jo uíi'~ e nica'íiñ` jnea` e lín`n jaang` dsea` i ja` røøng` dsee` fí' quini'` . Jo o'` jii'~ jnea` ni'íin'`n e jo, co' lajjob ni'íng` cajo jaléng` dsea` i nigüijeeng` e íaang` dsíir' e nijáa'tu Dsea` Jmáang` calé' catú'~ fí' jmigüi' la mi` nití' í' lajo.

Júu` e cajíng`-gui Paa` cas'r` Timoteo

9 Jo fíi`guí' 'nu`, Timoteo, e jmee` úung` e niñi'`ba' lajmináb` e niñi'`ee'~ jnea` ;

10 dsú' i dseañu'` i sii` Demas do eáang`gui catí' dsíir' e nijmér` jalé' e jmóo` dsea` fí' jmigüi' la, jo uing` e joba' nicatiúuiñ` jnea` , jogui lana nicangór` fí' Tesalónica fí' lí' se'` Macedonia. Jo i dseañu'` i sii` Crescente nicangór` fí' lí' se'` Galacia, jogui i sii` Tito nicangór` fí' lí' se'` Dalmacia.

11 Jo lajii'~ Lucasbing' i táang` cóo'~ jnea` fí' la lana. Jogui fíi`i 'nu` e nigüi'ném'`ba' Marcos jo nijøøm`ba'r fí' la mi` niñi'` , dsúco' lím` ee` ta` nili'`íiñ` quié` e cóo'~ jalé' ta` guia` júu` quiá'- Dsea` Jmáang` e jmóo`o fí' la.

12 Jogui nicasín`n i dseañu'` i sii` Tíquico do fí' na fí' Éfeso.

13 Jo fíi`i 'nu`, Timoteo, e mi` niñi'`tu' calé' catú'~ fí' la, jo cá`go' e 'mijñú' iá~ luu` do quié` e e casee` e fí' quiá'- i dseañu'` i sii` Carpo i seeng` fí' Troas ; jogui cá`bi' cajo jalé' jii' quié` e, jo dsú' e laniing`-gui eáang` e 'né` cá'` e maji' e sibéeng` e lí' toø` júu` quié` e do.

14 Jo fíi`guí' 'nu` uii` quiá'- jaang` dseañu'` i líng` tiñi'` i sii' Jaang` e eáam` ga` nica'éer` cóo'~ jnea` ; dsú' Fidiée` bing' i niqú'` laco' catíng`~ quiá'r` cóo'~ jalé' e ga` e nicajméer` do.

15 Jo uíi'~ e joba' e fíi`i 'nu` e jmeáang'~ í' uø'` cóo'~ i dseañu'` do, dsúco' eáam` ga` 'ní'` níiñ` júu` quiá'- Dsea` Jmáang` e guia`naa'.

16 Jogui la'uii~ née'~ mi~ cangó~ o fi' quini' dseata~ i quidsí' í' e laco' nijmi'óng'^ 'ñiá'a, jii'~ jaang`dsea` ja` i cajmicóo'~ jnea~ ie~ jo, co' lajim`dsea` catiúuiñ` jnea~. Jo mii'~i Fidiée' uii~ quía'~ jaléng' i dsea` í' e ja` güijme'r` cuente cóo'~ jalé' e cajméeiñ' do.

17 Dsu' eáam' cajmicóo'~ Fii'naa' Dsea` Jmáang` jnea~, jogui cacuø'r' jnea~ jalé' bî quía'r` e laco' cateá` dsii` e caguiaa` júu^ quía'r` e quía'~ jial laang`dsea`jee~ jalé' dsee` quía'r`; jo lajoba' canúu` jaléng' dsea` i ja` líng' dsea` Israel jalé' e júu^ jo. Jo Fii'naa' Dsea` Jmáam`bing' i caleáang` jnea~ ie~ jo jee~ jaléng' i dsea` i 'ní' ní' quié` e fa' laco' mi~ laang` jaang`dsea` e ja` cu` ie` quía'r`;

18 jogui dsea` í'bi cajo i nileáng` jnea~ jee~ jalé' e 'lí', jogui dsea` í'bi cajo i nito' fíng` jnea~ cartí' mi~ nitóø'r` jnea~ fi' lí' quia'r' ta~ fi' ñiff` quía'r`. iJogui majmifém'baa' dsea` do car` ngongí' jmii'! Jo lajob 'né` lí'.

Júu^ guicóo'~ quía'~ Paa` lí' cadséng`

19 Jo lí' ja` quieéng' niguéng` fii` guí' 'nu', Timoteo, e guicóob' i dseamí i sii` Prisca cóo'~gui i dseañu' quía'r` i sii` Aquila, jogui guicóob' cajo jaléng' dsea` sinúu^ quía' i dseañu' i sii` Onesíforo.

20 Jo i dseañu' i sii` Erasto do, dob cajer' fi' Corinto, jogui i dseañu' i sii` Trófimo, dob caseaan`nre e dsée'r` fi' Mileto.

21 Jo fii' i 'nu' e nijmi'úung` quíi' e niñi' fi' la ná'-gui e nití' jii` güíi'. Jo i dseañu' i sii` Eubulo jogui Pudente jogui Lino cóo'~gui i dseamí i sii` Claudia, lí'^ lajaléng' dsea` quía' Dsea` Jmáang` i caguiaang`gui i seeng` fi' la, guieíñ' júu^ guicóo'~ quíi'.

22 Jo güiliseem` Fii'naa' Dsea` Jmáang` contøøng` cóo'~ 'nu'. Jogui mii'~i Fidiée' e ni'í'r` güea'^ quía'r` fi' lí' seeng'na', dsea` líng'na' dsea` quía' Dsea` Jmáang`.

Jo lanab jii'~ fé' jì catí tú` quía' Paa` e catíng` Timoteo.

Júu^ e toq̃ fí ni~ jì quiá'- Paa- e catíng- TITO

¹ Jnea~ Paa- lín'n jaang` dsea` i jmóo` lajii~ e iing~ Fidiée~, jogui lín'n cajo jaang` dsea` apóo^ i jmóo` ta~ ni' júu^ quiá'- Dsea` Jmáang-. Jo oo- e ta~ la e laco' ni'ée^ e jaléng' dsea` i nicaguíng' Fidiée~ lami~ jéeng'gui e quiá'- jial nijáng' yaaiñ~ fí jaguó` dsea` do, jogui jial niliñir lajii~ e júu^ e sea` contøng- quiá'- Fidiée~ e laco' nijmér- dseáng'- laco' iing~ dsea` do.

² Jo nitab~ dsinaa' e niliseem~baa' cøng` cóo~ Fidiée~ lata~, co' lajob júu^ e cacuø Fidiée~ lami~ jéeng'gui lajii~ mi~ nú'-gui e nitiroo~ jmiçüi, jo dsea` do dseáng'- ja` fé'bre júu^ ta~ júu^.

³ Jo lana nicatib` í' e nicacuø'r' jneaa~aa' e niline~naa' lajii~ e júu^ ta~ dsii' do, jo cajmээр lajo la'eáang` cóo~ e júu^ quiá'r- e guiaa-, co' lajob ta~ caquiæ'r' e nijmee~e. Jo dsea` íb` i láang` jneaa~aa' jee~ jalé' dsee- qui' ii'.

⁴ Jo jmo'o e jì la e catíng- 'na, Tito, jo lafa' jóo`baa lin', co' lajì gó`baa' já'- lín'naa' júu^ quiá'- Dsea` Jmáang-. Jo mii~ i Tiquí'naa' Fidiée~ jogui Fí'naa' Dsea` Jmáang- i láang` jneaa~aa' jee~ jalé' dsee- qui' ii' do, e çüi'í'bre çüea^ quiá'r- fí lí~ seen', jogui e nicuø'r- 'na e niliseen' juguiá- júu^ røø`.

Lajii~ ta~ e cajmée` Tito fí` Creta

⁵ Jo caseaan~n 'na e fí ni~ guóo~ uø- e róo` fí ni~ jmiñí^ do e sii` Creta e laco' nijmité' røø` lajii~ e ta~ e 'né- niliti~gui do, jogui e fí lacoø` fii' ni'nan^ dsea` cøng~ i niné- ni` dsea` quiá'- Dsea` Jmáang- lí' laco'gui jii~ e nicafii- i 'na lami~ jéeng'gui.

⁶ Jo i dsea` i ni'nang'^ do 'né- e røøb` seeiñ` e lí' laco' ja` cuøng` fa' e nicuø'- dsea` dsee- ír, jogui ja` cuøng` fa' e seeng` fíng` dseamf` quiá'r-, jogui jaléng' jóor` 'né- e jáb'- líiñ` júu^ quiá'- Dsea` Jmáang-, jogui 'né- e ja` jméiñ'- do saang` dsíir', jogui 'né- jmér- náu~bre cóo~ jalé' ta~ quiæ' dsea` cøng~ quiá'r- cajo.

⁷ Co' jaléng' i dsea` i néé ni~ do, íb` dsea` i néé ni~ jalé' ta~ quiá'- Fidiée~, joba' dseáng'- la guím` 'né- e jmér- lajii~ e guia- e laco' ja` cuøng` fa' e nicuø'- dsea` dsee- ír. Jogui ja` 'né- fa' e ráaiñ- uii~ quiá'r- o'gui líiñ` dsea` i 'ní' dsii', o'gui cuøng` fa' e jmér- ta~ í' mée', o'gui fa' e jmér- ta~ jíng` ta~ tíng', o'gui fa' e jmér- e dsináaiñ` cuu- tá^ sea`.

⁸ Dsaco' o' lajo e 'né- jmér-, co' lí' lí' 'né- e eáam` guia- ni'íñ' jaléng' dsea` i guilíng- fí quiá'r-, jogui 'né- e tí dsíir` jmóor` lajii~ e guia-, jogui 'né- e quier` júu^ røø` contøng-, jogui 'né- e eer` røø` contøng-, jogui 'né- e jmér- dseáng'- lajii~ e tí dsii' Fidiée~ jogui contøng- íæ` dsíir` e jmitir~ jalé' e quí'- tíiñ` jmóor`.

⁹ Jo jaléng' i dsea` i néé ni~ do eáam` teá` 'né- teáaiñ` cóo~ e júu^ sea` contøng- quiá'- Fidiée~ lí' laco' jii~ e nica'ée- ere lami~ jéeng'gui, jo lajoba' cuøng` e nijmití'r- dsii' jaléng' dsea` jiéng' cóo~ e júu^ jo, jogui e nisí'r` jaléng' dsea` i 'ní' níng- júu^ quiá'- Dsea` Jmáang- e ja` dseeng` laco' jmóoiñ' do.

¹⁰ Joba' fii- i 'na, Tito, jalé' e júu^ na, dsaco' fii'm` dsea` seeiñ` i ja` iing~ nijmé- náu~ e júu^ quiá'- Dsea` Jmáang- do, jogui fé'r` jalé' júu^ e ja` oo- ni~ sea` e lí' laco' cóo~ e jo jmóor` e jmiçøoiñ` jaléng' dsea`. Jo jee~ i dsea` í` quíng' jaléng' dsea` i jíng'- e dseáng'- la guím`ba' 'né- e niliti~ lajii~ e quí'- tíng` dsea` Israel.

¹¹ Jo jaléng' i dsea` í' 'né- e ni'í- tiib- mo'oor-, dsaco' eáam` cøoiñ` dsii' dsea` jiguí latøng- coo` sinúu e laco' jmiçøøng`neiñ', co' e'reiñ' jalé' e ja` catíng- ni'ér- e lí' laco' lí'r` cuu- tá^ sea`.

¹² Jo malii~gui eáang` caliséng` jaang` dsea` i eáang` tíng` fé' e fí Creta na, jo lalab fé'r' e éeiñ` dsea` góor` jo jíñ'-: "Jaléng' dsea` góo'o dsea` seeng` fí Creta contøom- quier` júu^ adsee, jogui líiñ` lafa' jó' núu, co' dsíng'- soo` dsíir` jogui dsíng'- cúiñ^, jogui eáam` iíñ` e tá'- séiñ` cajo."

13 Jo dseáng' e ja' ba' e líng' i dsea` seeng` fí' na laco' cajíng' i dsea` í. Jo uí' joba' fí' i 'na', Tito, e dseáng' cóo' júu` teáb' né' liúun' jaléng' i dsea` í, jo lajoba' e nidsicuáng' gui quiá'r e teáaiñ` teá cóo' júu` quiá' Dsea` Jmáang'.

14 Jo 'né' liúum' ba're cajo e laco' ja' nijmi'gór` jalé' júu` cuento e jmi'uúing` jaléng' dsea` Israel, o'gui jalé' ta` quiá' jaléng' dsea` i nicatá e teáaiñ` teá cóo' e júu` sea` contøng` quiá' Fidié'.

15 Jo jaléng' dsea` i í dsí' j mang' e guiá', joba' lajib` e nír` guiáb` cajo; dsu' jaléng' gui dsea` i ja` ja' líng' júu` quiá' Dsea` Jmáang` jogui í dsí' j mang' e 'lí', joba' lajib` e nír` do 'lib' cajo, dsuco' jí' ja' lír` gui'r` su dseeng` osi ja' dseeng` lajalé' e 'lí' e í dsí' do.

16 Jogui fé'r e cuím`bre Fidié', dsu' o' ja' e líiñ` lajo, co' j mang' jalé' e ja' dseem`ba' jmóor'; jo ja' iñ` jmér` núu'r` jalé' ta` huí', jogui dseáng' ja' quí' bre jmi' fa' e nijmér` coo' e guiá'.

2

Jalé' e 'né' é' Tito dsea` rúíñ'

1 Jo fí' guí' 'na', Tito, e lajalé' júu` e e' dsea` 'né' e cóom` røø` cóo' júu` quiá' Fidié'.

2 Jo 'né' é' jaléng' dsea` cóong' e ja' 'né' jmér` ta` í', jogui e 'né' ér` røø` cóo' jalé' e jmóor', jogui e 'né' iá' dsí' e jmitir` cóo' jalé' e quí' tiiñ` jmóor', jogui e 'né' e jmi'neáaiñ` jaléng' dsea` rúíñ', jogui e 'né' cajo e nicuø' bí' yaaiñ` e laco' nijmér` té'r` cóo' jalé' iihuí' e íñ'.

3 Jo 'né' é' bí' cajo jaléng' dseam' i nidseáng' e 'né' ér` laco' iing` Fidié', jogui 'né' e ja' ngir` ta` quie` adsee, o'gui 'né' jmér` ta` í' méé' cajo. Co' lí' lí' 'né' e ní'ér` dsea` j mang' jalé' e guiáb',

4 jogui 'né' é' ba' jaléng' dseam' i lí'eáang` gui e 'né' nijmi'neáaiñ` jaléng' dseañu' quiá'r` cóo' gui jaléng' jóor';

5 jogui 'né' é' bí' cajo e iá' dsí' e jmitir` cóo' jalé' e quí' tiiñ` jmóor', jogui 'né' e í dsí' contøng` j mang' e guiá', jogui 'né' e iá' dsí' cóo' jalé' ta` sea' fí' sinúu` quiá'r`, jogui 'né' e eáam` guiúíñ` cóo' dseañu' quiá'r` jogui e nijmér` núu'r` jalé' ta` quiá' dsea` do cajo, jo lajoba' jí' jaang` dsea` cuøng` lí' fé'r` ga` uii` quiá' júu` quiá' Fidié'.

6 Jo fí' guí' 'na', Tito, e 'né' liúun' jaléng' siming', jo fí're e jang' 'né' ní' dsí' røøb` mí' ee`go` nijmér'.

7 Jogui 'na', Tito, dsea` 'né' ee' røø` laco' catíng` fí' quini` jaléng' dsea`. Jogui mí' e' dsea`, 'né' jméé' cóo' j mang' júu` røø', jogui ja' fí're júu` e sicáng';

8 jogui 'né' é' re cóo' júu` ja' quiá' Fidié' e laco' jí' jaang` dsea` cuøng` lí' fé'r` ga` uii` quí'. Jo lajoba' ní' í' líng` jaléng' i dsea` i ní' ní' quí' naa', dsuco' jo` niguié'r` júu` ga` e ní'fé'r` uii` quiá' jalé' júu` quí' naa'.

9 Jo lajob` fí' guí' 'na', Tito, sí' go` jaléng' dsea` i jmóo' ta` e güijmée`bre núu'r` cóo' jalé' ta` quiá' fí'r, jogui e güijmi'úum`bre e nijmér` j mang' e guiá' cóoiñ` do, co' ja' catíng` e niñir` júu` 'ní' quiá' do.

10 Jogui 'né' fí're cajo e ja' güijmée` h, jo lajoba' tab` dsí' dsea` cóo'r` contøng`. Jo mí' ní' dsea` jiéng' jial seeiñ, joba' guiá' ní' dsea` quiá' e júu` jlo' quiá' Fidié', dsea` i láang` jneaa`aa' jee` jalé' dsee` quí' i'.

11 Jo 'né' see` naa' lajo, dsuco' Fidié' nicajmijnéem`bre e ja' cóong` cóo' jial tí' 'neáaiñ` jneaa`aa', jo jee` jo quiéeng` e cuøng` lí' leáiñ` dsea` jee` jalé' dsee` quiá'r'.

12 Jo dsuco' eáam` 'neáang` Fidié' jneaa`aa', jo uing` e joba' e jo` ii` naa' e nijmó`guí' jalé' e 'lí' cóo' gui jalé' e ga` e jmóo' dsea` fí' jmi'güi` la, co' lí' lí' ii` naa' e see` naa' fí' jmi'güi` la e jang' ní' dsí' naa' røø` mí' ee`go` nijmó`oo', jogui e see` naa' e ee` naa' lajii` e guiá', jogui e jmó`naa' lajii` e iing` Fidié'.

¹³ Jò lajee˘ jò, sijeeng˘ naa' e nití˘ e jmi˘ iáang˘ dsí' mĩ˘ nijáa˘ tu fí˘ jmiɡúí˘ la Fíi˘ naa' Dsea˘ Jmáang˘ i línɡ˘ Fidiée˘ i láang˘ jneaa˘ aa' jee˘ jalé˘ dsee˘ quí˘ ii'. Jò mĩ˘ nijáar˘, jòɡuiba˘ nijnéng˘ jial dseáng˘ jlo˘ e ja˘ cóong˘ cóo˘ lúú˘.

¹⁴ Jò dsea˘ íbing˘ i cajáng˘ 'ñia' e cajúú˘ cuaiñ˘ quí˘ ii' e laco˘ caleáaiñ˘ jneaa˘ aa' jee˘ jalé˘ e 'lí˘. Jò ca'naaiñ˘ jneaa˘ aa' jee˘ jalé˘ dsee˘ quí˘ ii' e laco˘ nilí˘ naa' dseáng˘ dsea˘ quiá˘ r˘ i iing˘ Jmé˘ jmang˘ e guiá˘.

¹⁵ Jòba' fí˘ guí˘ 'na, Tito, e é˘ bi˘ dsea˘ e júu˘ e nicafá˘ a na, jòɡui cuóø˘ biguir bí˘ cajo, jòɡui í˘ 'goo˘ laco˘ catíng˘ mĩ˘ ee˘ go˘ jmóor˘ e ja˘ dseeng˘, có˘ lajòb ta˘ siná˘. Jò song jmoo˘ lajò, jòba' nijmi˘ gób˘ dsea˘ jalé˘ júu˘ e e˘ jóng.

3

Lajú˘ e catíng˘ e nijmé˘ dsea˘ quiá˘ Dsea˘ Jmáang˘

¹ Jò fí˘ guí˘ 'na, Tito, e jmiɡuíéng˘ go˘ dsí' jaléng˘ dsea˘ quiá˘ Dsea˘ Jmáang˘ e ja˘ güisээр˘ tea˘ cóo˘ jaléng˘ dseata˘ osi cóo˘ jaléng˘ dsea˘ quie˘ nifí˘ é, jòɡui e güijmée˘ bre náur˘ contøng˘ cóo˘ lajalé˘ ta˘ quiúñ˘, jòɡui e iu˘ dsíir˘ contøng˘ cóo˘ lajú˘ ta˘ e guiá˘ e catíng˘ nijmér˘.

² Jòɡui 'né˘ fí˘ bi˘ jaléng˘ i dsea˘ í˘ e ja˘ güifé˘ r˘ ga˘ uii˘ quiá˘ lí˘ doñí˘ ii˘ dsea˘, jòɡui ja˘ güijmээр˘ ta˘ jínɡ˘, jòɡui e güijmée˘ bre guiúúñ˘ cóo˘ jaléng˘ dsea˘ rúúñ˘, jòɡui cajo ja˘ güijmээр˘ e jløiñ˘ cóo˘ lí˘ doñí˘ ii˘ dsea˘.

³ Jò lalab lamí˘ lí˘ jneaa˘ aa' ie˘ lamí˘ jééng˘ gui do, có˘ saam˘ dsí˘ naa' cóo˘ júu˘ quiá˘ Fidiée˘, jòɡui ja˘ náur˘ naa' e júu˘ jò cajo, jòɡui dseáng˘ jmang˘ fí˘ gab˘ tee˘ naa', jòɡui jmoo˘ naa' lajú˘ ta˘ quiú˘ yee˘ baa˘ cóo˘ gui lajalé˘ e ja˘ dseeng˘ e tí˘ dsí˘ naa'. Jòɡui lamí˘ jmoo˘ naa' jmang˘ e ga˘, jòɡui e lamí˘ dsihuúng˘ naa' cóo˘ jaléng˘ dsea˘, jòɡui lamí˘ 'ní˘ neeng˘ naa' jaléng˘ dsea˘ rú˘ naa' jòɡui lajòb lamí˘ línɡ˘ í˘ cóo˘ jneaa˘ aa' cajo.

⁴ Jò ie˘ lamí˘ jmoo˘ naa' jalé˘ e ja˘ dseeng˘ do, lajee˘ jòb mĩ˘ cajmijnééng˘ Fidiée˘ i láang˘ jneaa˘ aa' jee˘ jalé˘ dsee˘ quí˘ ii' jial tí˘ e guiúúñ˘ jòɡui jial tí˘ e 'neáaiñ˘ jaléng˘ dsea˘.

⁵ Jò uí˘ e lajòb lúúñ˘ cóo˘ jneaa˘ aa', jòba' nicaleáaiñ˘ jneaa˘ aa' jee˘ jalé˘ dsee˘ quí˘ ii', dsu˘ ofa˘ uí˘ e jneaa˘ aa' cajmé˘ naa' cóo˘ e guiá˘. Jò cajmээр˘ lajò cóo˘ jneaa˘ aa' la'eáang˘ e nica'íñ˘ dsee˘ quí˘ ii', jòba' lana nilí˘ naa' lafa˘ dsea˘ i nicaliséng˘ túu˘ calé˘ catú˘, jòɡui cajo la'eáang˘ cóo˘ e Jmiguí˘ quiá˘ r˘ dob e nilí˘ naa' lajò.

⁶ Jò la'eáang˘ cóo˘ Fíi˘ naa' Dsea˘ Jmáang˘ i caleáang˘ jneaa˘ aa' jee˘ jalé˘ dsee˘ quí˘ ii', nicacuøb˘ Fidiée˘ jneaa˘ aa' Jmiguí˘ quiá˘ r˘ lalínɡ˘.

⁷ Jò uí˘ e eáam˘ 'neáang˘ Fidiée˘ jneaa˘ aa', jòba' nicajmээр˘ cóo˘ jneaa˘ aa' e lí˘ naa' dsea˘ i ja˘ røong˘ dsee˘ fí˘ quinir˘, jò nicacuør˘ jneaa˘ aa' e nita˘ dsí˘ naa' e nilíng˘ naa' lajú˘ e sijeeng˘ naa' do e nilisee˘ naa' cøong˘ cóo˘ r˘ lata˘.

⁸ Jò fí˘ guí˘ 'na, Tito, dseáng˘ e jáb˘ jalé˘ e júu˘ e nicafá˘ a na, jò uí˘ jòba' iin˘ n e ja˘ tá˘ e fí˘ dsea˘ jalé˘ e jò e laco˘ jaléng˘ dsea˘ i dseáng˘ lajang˘ níjá˘ línɡ˘ e júu˘ quiá˘ Fidiée˘ 'né˘ cuó˘ dsíir˘ e nijmér˘ contøng˘ jalé˘ e guiá˘. Jò eáam˘ jlo˘ e júu˘ jò jòɡui eáam˘ íng˘ ta˘ cajo quiá˘ lí˘ doñí˘ ii˘ dsea˘.

⁹ Jòɡui e lab iin˘ n fí˘ guí˘ 'na, Tito, e jie˘ mí˘ quín˘ jee˘ jaléng˘ dsea˘ i fé˘ júu˘ í˘ e ja˘ uing˘ sea˘ jòɡui jee˘ jalé˘ júu˘ e quí˘ tíng˘ jaléng˘ dsea˘ áang˘, jòɡui jie˘ mí˘ jmoo˘ ta˘ jínɡ˘ ta˘ tíng˘ uí˘ e júu˘ quiú˘ ta˘ quiá˘ Moi˘, dsuco˘ jalé˘ e jò ja˘ ee˘ ta˘ íng˘ jí˘ cóo˘ jòɡui ja˘ ee˘ uing˘ sea˘ cajo.

¹⁰ Jòɡui song jaang˘ dsea˘ jmóor˘ 'niiñ˘ lajee˘ la'ó˘ dsea˘ quiá˘ Dsea˘ Jmáang˘, jòba' tú˘ 'ní˘ ya˘ sí˘ gor e ja˘ güijmээр˘ lajò. Jòɡui song ja˘ náur˘ jí˘ cóo˘ e júu˘ quiá˘ do, jòba' guiúñ˘ jee˘ 'ná˘.

¹¹ Jò cóo˘ jí˘ e jòb nilíñ˘ guiá˘ e i dsea˘ í˘ nicajgiéem˘ dsíir˘ jòɡui 'ñia˘ bre ninaang˘ beáng˘ dsee˘ 'ñia˘ r˘.

Júu˘ quiá˘ Paa˘ e casí˘ guir Tito

¹² Jogui mi~ nisin^ n fi' na i Artemas o si i Tiquico é, joba' j mee- úung` jóng e niguó^ fi' Nicópolis e nigüi'ee'~ jnea~, dsaco' fi' job nica'f dsii- e ningin~ n lajee` jüi` güii-.

¹³ Jogui i dsea` quidsi' í' i si` Zenas cóo'~ gui i Apolos jmicóo'~ bre cóo'~ jalé' e 'né- l'^ jje' jüi' li~ quíi'~ jmíi~ e jme'^, jo lajoba' seab` jalé' e 'né- e laco' cuøng` e niguilíiñ- fi' li~ sí'í^ e ngoliiñ-.

¹⁴ Jo 'né- e nijmitíng` jaléng` dsea` rú'naa' dsea` quiá'- Dsea` Jmáang- e nijmér- jmang'- e guié- jogui e nijmicóo'r~ jaléng` dsea` i 'né- quiá'- lajo, jo lajoba' nili'íing^ ta~ quiá'r- lajee` e taaiñ~ fi' jmigüí^ la.

Júu^ guicóo' li~ cadséng- quiá'- Paa-

¹⁵ Jo lajím` dsea` quiá'- Dsea` Jmáang- i taang~ cóo'~ jnea~ fi' la guiéiñ' júu^ guicóo'~ quíi'- . Jogui jnea~ guiéen'~ n júu^ guicóo'~ quiá'- jaléng` dsea` quiá'- Dsea` Jmáang- i seeng` fi' na cajo.

Jo güi'fb^ Fidiée` güea'^ quiá'r- jee~ jaléng` 'ná'. Jo lajob nilí.

Jo lanab jüi'~ fé' jì quiá'- Paa- e catíng- Tito.

Júu^ e toq̃ fi' ni~ jì quiá'- Paa- e catíng- FILEMÓN

¹ Jnea~ Paa-, jo fí' 'nũñí^ sijnáñ~n dsu' uíi' e guíaa- júu^ quiá'- Dsea` Jmáang-. Jo sijn~n e jì la colíng~ cóq̃~ jaang`gui dsea` rú'naa' dsea` quiá'- Dsea` Jmáang- i sii` Timoteo. Jo fí' ni~ e jì la toq̃ júu^ quié- e e catíng- 'nu, Filemón, co' lin' jaang` dsea` rú'naa' dsea` quiá'- Dsea` Jmáang- i 'neáang`naa' eáang` jogui i jmóo` ta~ colíng~ cóq̃~ jnea' jee~ ta~ guíá' júu^ quiá'^ Dsea` Jmáang-.

² Jogui catíim- e jì la cajo jaléng' dsea` quiá'- Dsea` Jmáang- i seáng' fí' quíi'- e jmiféiñ' Fidié~, jogui lajobi cajo catíim- i dseamf i sii` Apia cóq̃~ gui i dseañu' i sii` Arquipo. Jo i dseañu' na eáam' cuø' bí 'ñia'r' jee~ ta~ e cangíiñ' quiá'- Dsea` Jmáang- lí^ laco'gui la jmóo` jnea'.

³ Jo míi'naa' Tiquí'ii' Fidié~ jogui Fíi'naa' Dsea` Jmáang- e ni'ír- güea'^ quiá'r- jee~ 'nú' jogui e nicuø'r- 'nú' juguíá- júu^ røø'.

Jial 'neáang' Filemón jaléng' dsea` rúíiñ'

⁴ Jo lacoq̃ ya' mi~ fón'n Fíi' Fidié~, contøøm- cuøø-øre gui'máang' uii~ quíi', Filemón,

⁵ dsuco' nica'ím~baa júu^ quiá'- jial tíi' e 'neáan' jaléng' dsea` rún' dsea` quiá'- Dsea` Jmáang- jogui jial já'- lín' júu^ quiá'- Dsea` Jmáang- cajo.

⁶ Jo uíi' e já'- lí'naa' e júu^ jo, joba' míi' i Fidié~ e nicuø'r- 'nu' e guíá- gui ningán' jial tíi' jlo'^ niguo'^ e ngíng`naa' quiá'- Fidié~ la'eáang' e see~naa' cøøng` cóq̃~ Dsea` Jmáang-.

⁷ Jo uíi' e 'neáan' jaléng' dsea` rún', joba' eáam' íaang` dsii- jogui nicatíi' tu dsii- cajo, co' la'eáang` cóq̃~ 'nub' jaléng' dsea` rú'naa' dsea` quiá'- Dsea` Jmáang- nicalitíib' tu dsíir' calé' catú-.

Mi~ camí' Paa- jmi'ee' uii~ quiá'- Onésimo

⁸⁻⁹ Jo co' eáam' 'neáan' jaléng' dsea` rún' jogui uíi' e coq̃b' fí' tí'naa' cóq̃~ Dsea` Jmáang-, joba' lín~n e seab' fí' quié- e e nífi'i' 'nu' coq̃ e 'né- jme'^. Dsu' ja' iin~n jmee- lajo, co' lín~n e guíá- gui e nimíi' i 'nu' jmi'ee' uíi' e eáang' 'neáan' 'nu'. Joba' jnea~, Paa-, míi' i 'nu' coq̃ jmi'ee', nañi' fa' jaang` dsea` fém' nilíin~, jo lana lab iuun- sijnáñ~n fí' dsíi' 'nũñí^ dsu' uíi' e guíaa- júu^ quiá'- Dsea` Jmáang-.

¹⁰ Joba' míi' i 'nu' e jmi'ee' jo cuaiñ~ quiá'- i dseañu' i sii` Onésimo, co' i dsea` la, lajee' iuun- jnea~ fí' la, jáb'- nicalíiñ- júu^ quiá'- Dsea` Jmáang-, joba' lana lafa' jóq̃baa nica'uíiñ-.

¹¹ Jo lamí~ jéeng`gui i Onésimo la lamí~ líiñ' jaang` dsea` i jmóo` ta~ quíi'- e ja` 'léeiñ' i ja` 'ga' lí' ta~ íng^ quíi'- . Jo dsu' lanagui, eáam' ní'íiñ^ ta~ quíi' jogui quié- jnea~ cajo.

¹² Jo niguiéem' túure cóq̃~ 'nu' calé' catú- fí' na, jo cóq̃~ e guíáb- 'né- ín' re lí^ laco'gui la jmoo' cóq̃~ jnea~.

¹³ Jo eáam' lamí~ iing~ jnea~ e nijé- guir fí' la cóq̃~ jnea~ e laco' nijmicóq̃r~ jnea~ cuaiñ~ quíi'- lajee' e iuun- e sijnáñ~n fí' la uíi' e guíaa- júu^ quiá'- Dsea` Jmáang-.

¹⁴ Dsu' ja' iing~ jnea~ jmee- laco' tñn' 'ñiá'a fa' e nijé- guir cóq̃~ jnea~ fí' la, co' jang' iing~ jnea~ e nisi~naa' røø', jo lajoba' ja' cuøøng' fo' fa' e nijmicóq̃r~ jnea~ e laguidseaang~, co' iing~ jnea~ e nijme'^ jíé' jíi' e íaang` óo'ba'.

¹⁵ Jo jangám- i Onésimo la ca'naaiñ` quíi'- e huøøb- jia e lí^ laco' lanagui nitíng' tur jo niliseeiñ` cóq̃~ 'nu' contøøng-.

¹⁶ Dsu' jo` 'né- jmeáan' re lafa' jaang` dsea` i jmóo` ta~ quíi'- i ja` 'léen'~, co' 'né- e guíá- guib nijmeáan' re laco' jaang` i dsea` la'í, co' lana nilíiñ' jaang` dsea` rú'naa' dsea` quiá'- Dsea` Jmáang- i 'neáang`naa' eáang`. Jo jnea~, eáam' 'neáan' re, dsu' 'nu', eáang`gui nili'neáan' re, dsu' o' uíi' e nilíng` tur jaang` dsea` i nijmé- ta~ quíi'-, co' lana nilím' bre cajo jaang` dsea` rú'naa' dsea` quiá'- Dsea` Jmáang-.

17 Jò lajòb líí, uíí~ e líí'naa' dsea` quiá'- Dsea` Jmáang~, jòba' íim'~ ì Onésimo la cóo'~ e guiá~ lí'~ lafa' mĩ~ íin'~ jnea~.

18 Jogui song líing~ ee` nica'léer' quií'- oosi ee` nicarøøiñ` quií'- é, jòba' jneab~ niquí~ ì cuaiñ~ quiá'r~.

19 Jnea~ Paa~ jmo'~o e júu^ la cóo'~ layaang~ guóo`o. Jogui dseáng'- e jáb'-, jneab~ niquí~ ì jalé' e nicarøøng` ì Onésimo la quií'- . Jò lín~ n e ja` ngi~li fa' 'né~ e nijmigiéén'~n o' e lafa' 'naab` røøn'~ quié~ e, dsuco' la'eáang' jnea~ba' e calín'~ dsea` quiá'- Dsea` Jmáang~.

20 Jò mĩ'~i 'na' lajò uíí~ e cóob` fí' tí'~ naa' cóo'~ Dsea` Jmáang~, jòba' jmee~ go uíí~ diéé~ e ni'íim'~ba' ì Onésimo la cóo'~ júu^ røø` uíí~ e lín'~ dsea` quiá'- Dsea` Jmáang~; jò mĩ~ nijme'~ lajò, jòba' eáam' nili'íáang` dsii~ jóng.

21 Jò guiéén'~n e jì la quií'- e catín'~, dsuco' dseáng'- nitab~ dsii~ e nijmití'ba' e jmi'ee~ e nicamĩ'~i 'na', jogui niñí'~bĩ cajo e jmiguiũ'gui b nijmée'^ laco' jjí'~ e nicafá'~a na.

22 Jogui jmee~ go uíí~ diéé~ quií'- e niguiá'^ guiá~ jíé'~ fí' lí~ nijaa~ fí' na, dsuco' nitab~ dsii~ e nijmitib~ Fidiéé~ lajjí'~ e nicamĩ'~na're uii~ quié~ e e nicuó'r~ jnea~ fí' e ninii~túu fí' na e ni'ee~ e 'nú' calé'~ catú~.

Júu^ guicóo'~ lí~ cadséng~ quiá'- Paa~

23 Jò lí~ ngóo' cadséng~gui fíi~i 'na', Filemón, e guiéng' ì Epafras la júu^ guicóo'~ quií'-, jaang` dsea` rú'naa' dsea` quiá'- Dsea` Jmáang~ ì sijnáng~ colíing~ cóo'~ jnea~ fí' la uíí~ e guiá'naa' júu^ quiá'- Fíi'naa' Dsea` Jmáang~.

24 Jogui lajòbi cajo ì dsea` quiá'- Dsea` Jmáang~ caguaang~gui ì seeng` fí' la ì nicajmicóo'~ jnea~ jee~ ta~ e guiá' júu^ quiá'- Dsea` Jmáang~ guiéiñ'~ júu^ guicóo'~ quií'-na' cajo; jò jaléng' ì dsea` la siir` Marcos jogui Aristarco jogui Demas cóo'~gui Lucas.

25 Jò mĩ'~naa' Fíi'naa' Dsea` Jmáang~ e ni'ír~ güea'^ quiá'r~ jee~ jaléng'~'ná'. Jò lajòb nilí. Jò lanab jjí'~ fé'~ jì quiá'- Paa~ e catíng~ Filemón.

Coo` jì e catoeing` jaléng` dsea` Israel i loeing` dsea` quia`- Dsea` Jmáang`

Nicacuø` Fidiée` júu` quia`r` la'eáang` cóo` i Joor` camúng` do

¹ Lajíi` lamali`gui eáang`, jmiguiub` ya` cangúng` Fidiée` júu` quia`r` fí quini` jaléng` dsea` áang` quí`-ii` la'eáang` cóo` fúng` dsea` i café` cuaiñ` quia`r`. Jo jalé` e júu` e ca`ing` jaléng` i dsea` do, jmaquíim` lí` jial ca`iñ` lajaang` lajaañ`.

² Jo dsu` lanagui, lajee` lí` ngóo` cadséng`, Fidiée` cangúñ` júu` quia`r` condsée` quí`-ii` la'eáang` cóo` i Joor` camúng` do. Jogui la'eáang` cóo` i Joor` do cajo cajmeer` latøng` yú` jmigüi` cóo` gui guóo` uø` latí` mi` uuing`, jogui nicangúñ` fí jaguó` i Joor` camúng` do dseáng`- lajalé`ba` e sea` fí jo.

³ Jogui i Joor` camúng` do, íb` i dseáng`- jing` güeang` i 'gøng` quia`r`, jogui dseáng`- laco` líiñ` 'ñia`bre líng` dsea` do cajo; jo íb` i née` ni` lajalé` e sea` cóo` lajaléng` i seeng` la'eáang` cóo` e júu` 'gøng` quia`r`. Jo mi` cang` e nicajáng` 'ñia`r` e laco` nicaleáañ` jneaa`aa` jee` jalé` dsee` quí`-ii`, nicangám`- tur` fí ñifi`, jo lana dob niguiñ` lí` lí` dsée` cáang` lí` lí` ée` quia`- Fidiée`.

'Gøng`gui i Joo` Fidiée` i camúng` do laco`gui jaléng` ángeles

⁴ Jo Fidiée` cajmeer` e 'gøng`gui i Joor` camúng` do laco`gui jaléng` ángeles, có` nicangúñ` quia`- dsea` do e líiñ` jaang` dsea` i niing`-gui laco`gui líng` jaléng` ángeles i líng` jíi`- guotii`- Fidiée`.

⁵ Co` Fidiée` jíi`- coo` ya` ja` cajíñ`- e sí`r` jíi`- jaang` ángel lala:
'Nub` dseáng`- lin` Joo`o;

jogui jmí` na nijmee` e e niliñ` dsea` e jneab` lín`n` Tiquíi`.
Jogui cajo ja` cajíñ`- lala e éeiñ` jíi`- jaang` ángel:
Jneab` nilín`n` Tiquiá` dsea` do,
jogui dsea` do niliñ` Joo`o.

⁶ Jo fé`bi Fidiée` fí lí` jie` cuaiñ` quia`- i Joor` camúng` do ie` mi` cacuøng`neiñ` do fí jmigüi` la, jo lalab` cajíñ`-:

'Né` nijmifém` jaléng` ángeles quie`- e i Joo`o na.

⁷ Jogui cajíng`- guir` cajo cuaiñ` quia`- jaléng` ángeles mi` cajíñ`- lala:
Jmóo` e jaléng` ángeles quie`- e líiñ` laco` guí,

jogui jmóo` e lajaléñ` do líiñ` laco` mi` sóng` niing`- jí.

⁸ Jogui dsu` jing`-gui Fidiée` uii` quia`- i Joor` camúng` do mi` fé`r` lala:

'Nub` líng` Fidiée`, jogui car` ngongú` jmí`ba` e nicá` nifi` quia`- jaléng` dsea` quí`-, jogui dseáng`- røø` í` í` quia`- jaléng` dsea` do cajo.

⁹ Jogui eáam` tí` a` jalé` e guiá`-

jogui eáam` 'ní` man` jalé` e 'lí`;

jo uii` joba` jnea`, i líng` Fidiée` quí`-, caguín`n` 'nu`
jo cajmé` e lajo e laco` nili`iáang`gui o` laco`gui lajaléng` dsea` i seeng` røø` cóo` 'nu`.

¹⁰ Jogui jíi`-bigui Fidiée` cajo cuaiñ` quia`- i Joor` do mi` fé`r` lala:

Janú` 'nu`, Fíi`, 'nub` cajmee`- e catiroo` jmigüi` latí` mi` uuing`,
jogui 'nu`bi cajo dsea` cajmee`- yú` jmigüi`.

¹¹ Jo jalé` e jo tóob` jmí`- ni`íng`, dsu` 'nu`, latab` seen`.

Co` jalé` e jo niguiáb` mi` nití`- í`

laco`gui la dsea` lí` doñi` ee` 'mi`;

¹² jogui nijmee` laco` tú`- ju` jalé` e jo laco`gui mi` júng` dsea` cóo` 'mi`,
jogui nijmisín` jalé` e jo laco`gui mi` jmísíng` dsea` sí`r`.

Dsa' 'nu'gui, røøb`lin' contøøng-, co' ja`sisín' jii~ capí^,
joguì cajo ja`tòo` jmi~ fa' e ni'in^-.

13 Jo jii~ coo` nées~ ja` cajíng'- Fidiées~ fa' sí'r` jaléng'` ángeles quiá'r- mi~ fé'r` lala:

Ní lí^ lí` dsées' laco' guin~n,

cartí` nijmee~ e e jaléng'` dsea` i` 'ní'` níng- 'nu`

nisí'r` uø- jnir~ fí` quiní^ e laco' nijmi'gór` 'nu`.

14 Jo jaléng'` ángeles dsea` jmiguí'b` líiñ` i` jmóo` lajii~ ta~ e iing~ Fidiées~, joguì jaléng'` íb` cajo i` síng` Fidiées~ i` jmicóo~ jaléng'` dsea` i` cangíng` e nileáiñ` jee~ jalé'` dsee- quiá'r-.

2

Ja`né- jmitúng` dsi`naa' e fí` lí~ nitée- naa' cóo~ Dsea` Jmáang-

1 Jo co' lajob líí, joba' eáang`gui guíng` 'né- e nicuøø` bí` yee~naa' e nijmi'goo~naa' lajii~ júu^ e nicajá^- lí`naa' do e laco' ja` ni'náng`naa' lajii~ fí` guíá- lí~ nitée- naa' cóo~ Dsea` Jmáang-.

2 Jo dseáng'- røøb` ñ` í'` jalé'` e júu^ e cacuø` Fidiées~ lami~ jéeng`gui la'eáang` cóo~ jaléng'` ángeles, joba' jaléng'` dsea` i` ja` cajmi'gò` o`gui cajméer` náu'r~ jalé'` e júu^ jo, dseáng'- iihuúí'b` ca'íñ` laco' catíng-.

3 Jo dseáng'- ja` nileáng`naa' jee~ jalé'` iihuúí' e catí- naa' do song jmitúm- bí` dsi`naa' e júu^ e cacuø` i` jóor` camíng~ do e quiá'- jial laang` dsea` jee~ jalé'` dsee- quiá'r-. Co' 'ñiab'` Fíi`naa' dseáng'- cacuø` e júu^ jo la'uii~, jo mi~ cangíng`gui lajo, cajme'` jneaa~aa' júu^ jaléng'` dsea` i` canúu- e júu^ jo, jo casí'r- jneaa~aa' e dseáng'- lajob cangojée'.

4 Jo lajobi Fidiées~ cajo cajméer` e calita~ dsi`naa' e dseáng'- jáb'- e júu^ jo la'eáang` cóo~ jalé'` e lí- e cajméer` colíng~gui cóo~ jalé'` e 'gøng'` e dsigá` dsí' dsea` e quíi~ jmi~ jmóor~, joguì cajmées`bir cajo e ta~ dsi`naa' e lajo, co' cacuø'r` jneaa~aa' Jmiguí` quiá'r- lajaang` lajaang`naa' jmaquíng` lí^ laco' la íaang` dsíir` 'ñia'r'.

Mí~ calíng- Dsea` Jmáang- jaang` dsea` jmigüí

5 Jo ja` cacuø'` Fidiées~ jaléng'` ángeles quiá'r- ta~ fa' e niné- niñ` lajalé'` e sea` fí` jmigüí lí^ laco'gui jii~ e si~naa' lana.

6 Dsa' o' lajo, co' lalab fé'` fí` ni~ jì` quiá'r- lí` fé'` jaang` cuaiñ~ quiá'- dsea` jmigüí:

Fidiées~, ¿e~ líng` dsea` jmigüí e laco' eáang` iin~ e nijmicóo~re?,

joguì ¿e~ líng` dsea` dsee- dsea` qui' e laco' niné- ní're?

7 Jo lajee~ cateá'ba' cajmées'- e ja`gui niing- dsea` jmigüí laco' jaléng'` ángeles;

jo mi~ cangí jo, cacuøø`re coo` ta~ e jlo^ e niing-,

joguì cajmées'- e cajmi'gò` dsea` ír',

8 jo cacuøø`re ta~ e cané- nir~ lajalé'` e sea` fí` jmigüí.

Jo mi~ cacuø'` Fidiées~ e nées`ni~ dsea` jmigüí jalé'` e jo, jii~ coo` ja` e caséer` ca' fa' e ja` cané- niñ~. Dsa' doñí' fa' e cajméer` lajo, dsa' ja` mí` ne~bí' fa' e ninées`ni~ dsea` dseáng'- laco' sí'í^.

9 Dsa' e já'-, nine`baa' e Fidiées`bing'` cajmeáang` Jesús ja`gui fa' dseáng'- niiñ- laco'gui jaléng'` ángeles lajee~ e calíñ- dsea` jmigüí. Jo co' eáam` 'neáang` Fidiées~ jneaa~aa', joba' cajméer` e cajúng- Jesús cuaiñ~ qui-ii'. Jo la'eáang` cóo~ e iihuúí' e cangíng` Jesús mi~ cajúíñ- do, joba' lana nine~naa' e nicajmées` Fidiées~ e dsea` do ca'uíñ- jaang` dsea` 'gøng'` i` 'né- nijmi'gò` jaléng'` dsea` jmigüí joguì i` 'né- nijmiféng'` dsea` cajo.

10 Jo Fidiées~ dsea` cajméer` lajalé'` e sea` fí` latøøng- jmigüí, joguì la'eáang` cóo~ íbre cajo e sea`bí` jalé'` e sea`. Jo co' iin~ e lajaléng'` dsea` i` nilíng` dsea` quiá'r- niliseeng` cøøng` cóo'r` lata~ fí` ñif- fí` lí~ niing- 'gøíñ', joba' la'eáang` cóo~ e iihuúí' e cangíng` Dsea` Jmáang- mí` cajúíñ-, Fidiées~ cajméer` e ca'uíng- dsea` do dseáng'- laco' sí'í^. Jo lajoba' ca'uíng- Dsea` Jmáang- jaang` i` íng- dsee- quiá'- jaléng'` dsea` quiá'r-.

11 Jo cajmée` i Joor` caming` do e nilí`naa' dsea` i jo` røong`gui dsee` fí` quini` Fidiée` lí` la líiñ` 'ñia'r'; joba' coling` cóo` i Joor` do cajmée` Fidiée` e nilí`naa' lafa' coob` sinúu` cóo`r, co' jaam` Tiquí`naa' niseeng`. Jo uii` joba' ja` e i` líng` i Joo` Fidiée` do jíi` cóo` e sí`r` jaléng` dsea` quiá`r, rú`u,

12 co' lalab fé`r` fí` ni` jì` quiá` Fidiée`:

Nifí`i jaléng` rún`n jial líng` 'nu`,

jogui ni`øø` quiá` e jmifén`n 'nu` jee` jaléng` dsea` i seáng` e jmiféiñ` 'nu`.

13 Jo lalab cajíng` guir cajo:

Dseáng` fí` jaguó` Fidiéeb` seen`, co' íb` dsea` i quie` nifí` quie` e.

Jogui jím`biguir cajo lala:

Lab seen` coling` cóo` jaléng` dsea` quie` e i líng` jóo`o i nicacuøng` Fidiée` jnea`.

14 Jo jaléng` jneaa`aa', dsea` lí`naa' dsea` jmigüi, røøb` sea` ngúu` táang`naa' cóo`gui jmi`øøng`naa'. Jo lajob cajo mi` cajá` Jesús fí` jmigüi la, seab` ngúu` táaiñ` cóo`gui jmi`øøiñ` lí` laco`gui la líng` dsea` jmigüi. Jo dsea` do ca`uíiñ` lajo e laco` la'eáang` cóo` e cajúíñ` e líiñ` jaang` dsea` jmigüi, ca`líiñ` bí` quiá` fii` i 'ling` i líng` fii` quiá` 'mó`.

15 Jo la'eáang` e nica`ling` Jesús bí` quiá` i fii` i 'ling` do, joba' nica`leáam`bre jaléng` dsea` jmigüi i lí` jó` jmi` táang` fí` jmigüi e 'gó`r` nijúuiñ`.

16 Co' dseáng` e jáb` e ja` cajá` Jesús fí` jmigüi la e laco` nijmicóo`r` jaléng` ángeles, dsu` cajá`bre e laco` nijmicóo`r` jaléng` dsea` i líng` siju` 'li` yúu` Abraham.

17 Jo e laco` nijmicóo`r` Jesús jaléng` i dsea` rú`iñ` dsea` jmigüi do, joba' la guím` 'né` e ca`uíiñ` røøb` laco` dsea` do. Jo uii` lajoba' ca`uíiñ` fí` quini` Fidiée` jaang` jmidsea` i laniing`gui eáang` i ée` røø` lata` jogui i eáang` fí` líng` i dsea` rú`iñ` dsea` jmigüi do, jogui cajáng` 'ñia'r` e cajúíñ` fí` dse` crúu` e laco` ni`ling` jalé` dsee` quiá` dsea` jmigüi.

18 Jo lí` laco` cangíng` Jesús jee` jalé` iihuú` e laco` nitéiñ` fí` ni` dsee`, dsu` ja` calí` lajo, joba' lana dsea` do nicuøøm` nijmicóo`r` jneaa`aa' mi` ngíng`naa' jee` jalé` e jo e laco` ja` nijjú`naa' fí` ni` dsee`.

3

Gøng`gui Jesús laco` Moi`

1 Jo co' lajob lí`, dsea` rú`naa' dsea` quiá` Dsea` Jmáang` i nicató` Fidiée` e laco` ni`uíng`na' dsea` quiá`r, joba' 'né` jmiguiém` áa`na' car` ngocáng` óo`na' e Jesús i casíng` Fidiée` fí` jmigüi la cuaiñ` quiá`r, ca`uíiñ` jaang` jmidsea` i laniing`gui jee` jaléng` jmidsea` e laco` nifé`r` fí` quini` Fidiée` dsea` guíng` fí` ñifí` uii` quí`ii', dsea` já` lí`naa' júu` quiá`r`.

2 Jo dseáng` eáam` røø` ée` Jesús jalé` ta` e cangíiñ` quiá` Tiquiá`r` Fidiée`, jogui røø` ca`ée` Moi` cajo lajíi` ta` e cajméer` jee` jaléng` dsea` quiá` Fidiée`.

3 Dsu` eáang`gui catíng` e nijmi`gó` dsea` Jesús laco`gui Moi` lí` laco`gui la lí` quiá` jaang` dsea` i née` ni` cóo` sinúu` eáang`gui catíng` e nijmi`gó` dsea` i dsea` í` laco`gui e 'núu` do 'ñia`.

4 Jo dsea` jmigüi`bing` jmo` jalé` 'núu`, jo dsu` Fidiée`bing` i cajmée` lajalé` e sea` fí` la`úng`.

5 Jo dseáng` røøb` dseáng` ca`ée` Moi` lajíi` ta` e ca`líñ` quiá` Fidiée` jee` jaléng` dsea` quiá` dsea` do; jo jalé` ta` e cajméer` do quiá` e fé`r` fí` quini` jaléng` dsea` jalé` e nijmé` Fidiée` cøøng`gui.

6 Jo dsu` Dsea` Jmáang` dseáng` røøb` éer` ta` quiá`r` e líiñ` Joo` Fidiée` e née` nir` dsea` quiá` Tiquiá`r`. Jo jnea`bi` dsea` lí`naa' i dsea` quiá` dsea` do song` já`bi` lí`naa' júu` quiá`r` car` ngocáng` dsí`naa', jogui song` sijeeng`naa' e nita` dsí`naa' e niñíng`naa' lajíi` e catíng`naa' mi` nití` í` lajo.

Jial niñíng` dsea` e jmi`íñ` cóo` Fidiée` laco` ngóo` jmi`

7 Jo lí' laco' fé' fí' ní' jì' quiá' Fidié' lí' fé' Jmiguí' quiá'r lala:

Jo song lana ninúu'na' lajii' júu' quiá' Fidié',

8 joba' ja' jmoo'na' saang' áa'na'

laco'gui cajmée' dsea' áang' quí'na', dsea' Israel, mí' cajméer' saang' dsíir' cóo'~

Fidié' ie' lamí' cangir' fí' jee' uó' quiú',

mí' cali'iiñ' caliñir' jial tí' féng' dsí' Fidié' cóo'~ jaléng' dsea' do.

9 Jo fé'bi' Fidié':

Jo ie' jo jaléng' lí' dsea' áang' quí'na' contøom' cajméer' e cali'iiñ' e caliñir' e su dseáng'~

já'ba' e quí'~i jmi' e nijmicóo'~ore,

doñí' fa' lajee' e cangí' jaléng' i dsea' do fí' jee' uó' quiú' cangá'bre jalé' e guiú' e quí'~i

jmi' e cajmé' e cóo'r~ lajee' tuló' jii'.

10 Joba' ie' jo eáam' caliguín' n cóo'~ jaléng' i dsea' í' jo cafí'~ire lala:

"Contøom' i dsea' quié' e la ja' mí' ca'íñ' e jnea' quiee' nifí' quiá'r~

o'gui iiñ' e nijmitir' jalé' júu' quié' e."

11 Jo co' eáam' siguín' n quiá' jaléng' i dsea' quié' e do,

joba' cacuøø júu' quié' e quiá' i dsea' do lala:

"Dseáng' ja' niñíñ' e nijmi'íñ' e seeíñ' cøøng' cóo'~ jnea' laco' ngóo' jmi'~".

12 Joba' fí'~guí' 'nú', dsea' rú'naa' dsea' quiá' Dsea' Jmáang~, jmiñing' óo'na' e laco'

jii' jaang' 'nú' ja' nijmée'na' saang' áa'na' cóo'~ Fidié' e laco' nijmitúng' áa'na' fí' lí' niteáang'na' cóo'r~, co' jii' dsea' íb' i já' i cuø' e see'naa' fí' jmi'gü' la.

13 Co' lajee' lana, lajee' e fém'bi' dsí' Fidié', lí' lí' 'né' e cuø'~gui bí' rúm'ba' laco' jmi'~

laco' jmi' e laco' jii' jaang' 'nú' ja' nijmi'gøøng' yaang'na' e niténg'na' fí' ní' dsee~, co' fíng' song cajmee'na' lajo, joba' ni'uíng'na' e saam'tu' óo'na' cóo'~ Fidié' jóng.

14 Jo lata' nilisee'naa' cøøng' cóo'~ Dsea' Jmáang~ song teá'bi' tee'naa' lajii' fí' guiú' lí' nitée'naa' cóo'r~ lata' see'naa' fí' jmi'gü' la lí' laco'gui nicajmée'naa' latí' mí' uíng'.

15 Jo lalab' fé'gui' fí' ní' jì' quiá' Fidié' lí' fé' lala:

Jo song lana ninúu'na' júu' quiá' Fidié',

joba' ja' jmoo'na' saang' áa'na' laco'gui cajmée' dsea' áang' quí'na' dsea' Israel

malí'gui eáang' mí' cajméer' saang' dsíir' cóo'~ Fidié' lajee' cangir' fí' jee' uó' quiú'.

16 Jo çí' i dsea' i cajmée' saang' dsí' cóo'~ Fidié' mí' cangí' e canúur' júu' quiá' dsea' do? Co' jaléng' dsea' Israel i ca'uøøng' Moí' fí' Egipto, dsea' í'bing' i cajmée' saang' dsí' cóo'~ Fidié'.

17 Jogui çí' cóo'~ jaléng' dsea' cajmée' Fidié' guíñ' lajee' tuló' jii'? Cóo'~ jaléng' i dsea' íb', co' í'bing' i cabeáng' dsee' yaang' ie' jo, joba' cajúñ' tá' jáíñ' fí' jee' uó' quiú' cartí' cadsém'bre.

18 Jogui çí' cóo'~ jaléng' dsea' i cacuø' Fidié' júu' quiá'r~ e ja' nijmi'íñ' e seeíñ' cøøng' cóo'~ dsea' do? Cóo'~ jaléng' íb' cajo, co' ja' cajméer' náur' júu' quiá' dsea' do.

19 Jo lajob' calilí'naa' e ja' calí' jaléng' i dsea' do fa' e nijmi'íñ' e seeíñ' cøøng' cóo'~ Fidié', co' ja' já' caliñ' júu' quiá' dsea' do.

4

1 Joba' fí'~guí' 'nú', dsea' rú'naa', e lajee' e sea'bi' fí' quí'ii' e jmi'íng'naa' e see'naa' cøøng' cóo'~ Fidié', joba' lajee' jo 'né' e nijmiñiim' dsi'naa' e laco' jii' jaang' jneaa'aa' ni'náng'naa' fa' e ja' ni'íng'naa' e jo.

2 Co' nicaguiab' dsea' júu' fí' jee' jneaa'aa' quiá' jial láang' Fidié' dsea' jee' jalé' dsee' quiá'r~ lí' laco' jii' júu' e canúur' jaléng' i dsea' i cangí' fí' jee' uó' quiú' do malí'gui eáang'.

Dsa' ja' e ta' cali'íng' jii' co' e jo quiá' i dsea' í', co' ja' já' caliñ' e júu' e canúur' do o'gui calinúur' cajo.

3 Jō dsu' jneaa~guí, dsea`nijá'- líi' júu^ quiá'r-, niñim`baa' e nijmi'íng'naa' e see~naa' cøøng`còo'~ Fidiée', jō o' laco' i dsea` i éeng` Fidiée' fí ni` jì quiá'r- mi` fé'r lala:

Jō cō' eáam`siguín^n quiá'- jaléng' i dsea` i saang`dsí' do,

jōba' cacuøø`júu^ quié'- e quiá'- i dsea` do lala, e dseáng'- ja` niñiñ` e nijmi'íñ' e seeiñ` cøøng`còo'~ jnea` laco' ngóo' jmíi~.

Jō cajíng'- Fidiée' lajō nañí' fa' cartí' mi~ canaang` uiiñ` jmigüi'ba' catáñ' jalé' ta~ quiá'r- e cajméer` latøøng` jmigüi'.

4 Cō' nine`baa' e lajalé'ba' ninée' guiá- quiá'- Fidiée' lamí~ uing` lí' laco' la fé' fí ni` jì quiá'r- lí' fé' lala:

Jō lajee` jñáa~ jmíi~ catób' jalé' ta~ quiá'- Fidiée',

jōba' cajmi'ím'bre mi~ catí' e jmíi~ guié- do.

5 Jō lalab cajíng'-gui Fidiée' cajo fí ni` jì quiá'r- cuaiñ` quiá'- jaléng' i dsea` i cajmée` saang`dsí' còo'r~ do:

Ja` niñíng` i dsea` na e nijmi'íñ' e seeiñ` cøøng`còo'~ jnea` laco' ngóo' jmíi~.

6 Jō jaléng' i dsea` i canúu- lamí` jéeng`gui júu^ quiá'- Fidiée' e quiá'- jial laang` dsea` jee` jalé` dsee- quiá'r-, dsu' ja` cangíiñ` e seeiñ` cøøng`còo'~ Fidiée', cō' saam` dsíir' cajméer` còo'~ dsea` do. Dsu' latí' lana tí'bi e ni'íng' dsea` e jō, cō' cuø'bi Fidiée' fí e nijmi'íng' dsea` còo'r~.

7 Jō cō' lajōb líi', jōba' Fidiée' nicatée'r` cōo'gui jmíi~ lí' lí' dsea` e ni'íñ' e seeiñ` cøøng`còo'~ dsea` do, jō e jmíi~ jōb líi' lana. Cō' Fidiée' nicasí'r- jneaa`aa' la'eáang`còo'~ júu^ quiá'r- e cajme' dseata` Daví' fí ni` jì ie~ lamí~ casúung` jmiguiá' jii` e cajmée` dsea` Israel saang` dsíir' còo'~ Fidiée':

Jō song lana ninúu`na' lajii' júu^ quiá'- Fidiée',

jōba' ja` jmoo`na' saang`áa'na' còo'~ dsea` do.

8 Cō' facō' 'líi` yúu~ Josué cacuø'r' dsea` góor` dsea` Israel fí e nijmi'íñ' ie~ jō lí' laco'gui cajíng'- Fidiée' lamí` jéeng`gui e nicuø'-reiñ', jōba' ja` ee` ta~ café' Fidiée' e nilísea` cōo'gui jmíi~ e nijmi'íng' dsea` lana facō' lajō.

9 Jō cō' lajōb líi', jōba' sea`bi fí e niñíng` i dsea` i nijá'- líng` júu^ quiá'- Fidiée' e nijmi'íñ' e seeiñ` cøøng`còo'~ dsea` do.

10 Cō' jaléng' dsea` i ngíng` e nijmi'íñ' e seeiñ` cøøng`còo'~ Fidiée', jōba' nijmi'íñ' e nicatáñ' jalé' e 'né- jmér- lí' laco'gui cajmi'íng' Fidiée' mi~ cangí' e catáñ' ta~ quiá'r- e cajméer` latøøng` jmigüi'.

11 Jōba' 'né- e nicuøø'`bi bí yee~naa' e laco' niñíng`naa' e nijmi'íng'naa' e see~naa' cøøng`còo'~ Fidiée' e laco' jii'~ jaang` jneaa`aa' ja` nijmó'oo' laco'gui cajmée` i dsea` Israel do ie~ malí' gui do mi~ ja` já'- calíñ- júu^ quiá'- Fidiée' o'gui calinúu'r~ e júu^ quiá'- dsea` do cajo.

12 Cō' eáam`'gøøng' júu^ quiá'- Fidiée' jōgui cuø' e seeng` dsea`. Jō eáang`gui jlo'^ bí quiá'- jōgui íng`gui ta~ cajo laco'gui cōo'`ñisá' e 'mé- lajì tú- taang', jōgui cuø' e ngáng' dsea` jial laco' catíng- e í dsíir' fí dsíir' jōgui jial e í dsíir' còo'~ jmigüi' quiá'r-; jōgui cuø' e líñi' dsea` su guiá- osi ja` dseeng` jalé' e í dsíir' jōgui su guiá- osi ja` dseeng` jalé' e iññ` nijmér-.

13 Jō jii'~ cōo' e sea` fí la'úng- fí jmigüi' lí' meá- dsea` e ja` ñi' Fidiée' osi e ja` jøø- é, cō' jaléb' e jmoo`naa' niñir' jōgui nijøø- cajo, jōgui dseáng'- fí quini`bre cajo lí' ni'í' í' røø' quí-ii' mi~ nití- í' lajō.

Jesús líiñ' jmidsea` dsea` féng' i laniing`gui

14 Jō cō' Jesús dsea` líiñ' Jóo' Fidiée' i camíng'~ do, jōgui íb` cajo i jmidsea` dsea` féng' i laniing`gui do quí-ii', jō íb` dsea` i nicangáng'-tu fí ñifí- fí lí' guíng` Tiquiá'r^ Fidiée', jōba' 'né- e tée~naa' teá' fí guiá- lí' nitée~naa' e já'- lí'naa' júu^ quiá'- dsea` do.

15 Jō i jmidsea` dsea` féng' i laniing`gui quí-ii' do quí'bre jmíi~ e nilí' fí líiñ- jneaa`aa', dsuco' niñi'bre jial dseáng'- huíng` see~naa' fí jmigüi' la e ja` nité'-naa' fí ni`

dsee⁻. Co[!] dsea` î cajo cangim`bre jee` jalé[!] iihuú[!] lajee` cateáaiñ` fí jmigüü[!] la, lifa[!] ír[!] jüi[!] coo` dsee⁻ ja` ca'éer[!].

¹⁶ Jo uíi[!] e lajob líí[!], joba' nita` dsi`naa' e nidsiquiéeng`naa' fí quini` ée[^] lí[!] guing[~] Fidiée[~] e laco[!] nilí[!] fíi[!] líiñ[!] jneaa`aa' jogui e laco[!] nijmicóo[!]r[~] jneaa`aa' mi[!] dseáng[!] 'né⁻ qui`ii[!] lajo; dsuco[!] i dsea` î eáang[!] 'neáaiñ` jneaa`aa' jogui dsing[!] eáang[!] guiúíñ[!] cóo[!] jneaa`aa' cajo.

5

¹ Jo jee` jaléng[!] dsea` jmigüü[!] lí[!] 'náang[!] dsea` jaléng[!] jmidsea` laniing⁻ e laco[!] ni'é⁻ ta[~] quie[!] júu[^] quiá[!] jaléng[!] dsea` do fí quini` Fidiée[~], jogui e niguiár⁻ guiá⁻ jalé[!] feá[!] e nicuó[!]r⁻ Fidiée[~], jogui e nijngáiñ⁻ jaléng[!] jó[!] i catíng⁻ dsea` do e laco[!] ni'íing⁻ dsee⁻ quiá[!] jaléng[!] i dsea` do.

² Jo co[!] jaléng[!] i jmidsea` do ñi`bre jial huúing[!] e ja` niténg[!] dsea` fí ni[!] dsee⁻, joba' tím⁻bre e nilí[!] fíi[!] líiñ[!] jaléng[!] i dsea` i ja` ñi[!] e dseeb⁻ éer[!] cóo[!] jalé[!] e jmóor[!] do;

³ Jo co[!] dsea` dsee⁻ dsea` quib[!] líing[!] jaléng[!] i jmidsea` do, joba' 'né⁻ líing[~] e feá[!] niiji[!]r⁻ fí quini` Fidiée[~] e laco[!] ni'íing⁻ dsee⁻ quiá[!]r⁻ yaaiñ[!] jogui jalé[!] dsee⁻ quiá[!] jaléng[!] dsea` caguaiang⁻ gui cajo.

⁴ Jo jüi[!] jaang[!] dsea` cuóøng[!] lí[!] jmeáng[!] 'ñia[!]r[!] e ni'é⁻ e ta[~] 'goo[!] la e ni'uíiñ[!] jaang[!] jmidsea` laniing⁻, co[!] Fidiée[~]bing[!] 'náang[!] dsea` e laco[!] ni'é⁻ e ta[~] 'goo[!] jo lí[!] laco[!]gui cajmée[!] Fidiée[~] cóo[!] i jmidsea` la'uii[!] i caliséng[!] malí[!]gui eáang[!] i calisí[!] Aarón.

⁵ Jo lajob líí[!] cajo cóo[!] Dsea` Jmáang⁻, co[!] o[!] 'ñia[!]r[!] dsea` ca'náng⁻ 'ñia[!]r[!] e ni'é⁻ e ta[~] 'goo[!] jo e ca'uíiñ[!] jmidsea` dsea` féng[!] i laniing⁻ gui, dsuco[!] Fidiée[~]bing[!] i ca'náng⁻ ír[!] e ni'é⁻ e ta[~] 'goo[!] jo car`ngongú[!] jmí[!], co[!] 'ñiab[!] Fidiée[~] dsea` cajíñ[!] lala malí[!]gui eáang[!]:

'Nub[!] dseáng[!] lin[!] Jóo[!]o;

jogui jmí[!] na jneab[!] dseáng[!] lín[!] n Tiquí[!] cajo.

⁶ Jo cajím[!] biguir cajo fí ni[!] jì quiá[!]r⁻ mi[!] cajíñ[!] casí[!]r⁻ i Jóor[!] Dsea` Jmáang⁻ do lala:

Jo car`ngongú[!] jmí[!] b[!] óo[!] ta[~] e lin[!] jmidsea` dsea` féng[!] i laniing⁻ gui,

lí[!] laco[!] calíng⁻ i jmidsea` i sii[!] Melquisedec ie[~] malí[!]gui do.

⁷ Jo lajee[~] cateáang[!] Dsea` Jmáang⁻ fí jmigüü[!] la, eáam[!] teá[!] caféiñ[!] Fidiée[~] jogui cami[!]r⁻ dsea` do e ngocáng[!] dsíir[!] carji[!] qui[!]bre e quí[!] dsea` do jmí[!] e nileáng⁻ neiñ[!] fí ni[!] 'mó[!]; jo uíi[!] e cajmití[!] Dsea` Jmáang⁻ car`ngocáng[!] dsíir[!] lajüi[!] e iing[~] Fidiée[~], joba' jáb[!] canúu⁻ dsea` do lajüi[!] júu[^] quiá[!]r⁻.

⁸ Jo doñí[!] fa[!] e Dsea` Jmáang⁻ líiñ[!] dseáng[!] i Jóo[!] Fidiée[~] camíng[!] do, dsu[!] dseáng[!] 'né⁻ba[!] e cangongú[!]ñ[!] jalé[!] e iihuú[!] do e laco[!] calilí[!]r[^] jial 'né⁻ jmér⁻ núu[!]r⁻ mi[!] quiu[!] Tiquiá[!]r[^] ta[~] lajo.

⁹ Jo mi[!] ca'uíiñ[!] dseáng[!] laco[!] jüi[!] e si'íiñ[!] quiá[!] Tiquiá[!]r[^] Fidiée[~], joba' nicuóøng[!] leáiñ[!] lata[~] jee[!] jalé[!] dsee⁻ jaléng[!] i dsea` i jmóo[!] lajüi[!] e iing[~] dsea` do.

¹⁰ Joba' Fidiée[~] ca'náaiñ[!] dsea` do e óor[!] ta[~] 'goo[!] e líiñ[!] jmidsea` dsea` féng[!] i laniing⁻ gui lí[!] laco[!]gui calíng⁻ i jmidsea` i sii[!] Melquisedec ie[~] malí[!]gui do.

Jial dseáng[!] e nilitúng⁻ dsí[!] dsea` cóo[!] júu[^] quiá[!] Dsea` Jmáang⁻

¹¹ Jo jmigui[!]bi jalé[!] e ii[!]naa' e nisí[!]guí[!] 'nú[!] uii[!] quiá[!] jalé[!] júu[^] e nicasi[!]naa' na, lifa[!] huim[!]jiu qui[!]naa' e ni'é[^]naa' 'nú[!] e júu[^] jo, co[!] eáam[!] tá[!] jiu ngáng[!] 'nú[!] e júu[^] jo.

¹² Jo ningóob[!] eáang[!] e ca'íing[!] 'nú[!] júu[^] quiá[!] Dsea` Jmáang⁻, joba' lana nidsi[!] í[!] e nilíng[!]na' tifab[!] quiá[!] e júu[^] jo; dsu[!] lí[!] riquib[!] líí[!] quií[!] 'nú[!] lana, co[!] 'nú[!] ni'neáng⁻tu[!] jaang[!] tifab[!] i ni'é[!]-tu[!] 'nú[!] jalé[!] júu[^] quiá[!] Fidiée[~] e nicanúu[!]na' lamí[!] jéeng[!]gui. Co[!] lanagui eáam[!] jo teá[!] teáang⁻na' cóo[!] júu[^] quiá[!] Dsea` Jmáang⁻, co[!] nilíng[!]na' lafa[!] yuu[!] pí[!] e jmang[!] fib[!] iing[~]na' u[!]na', jo ja[!] iing[~]na' cø[!]na' laco[!] gø[!] dsea` cóøng[!].

¹³ Jo jaléng[!] dsea` i líng[!] lafa[!] yuu[!] pí[!] i í[!] jmang[!] fi[!], lajob líng[!] jaléng[!] dsea` i ja[!] lí[!] gui[!] su guiá[!] osi ja[!] dseeng[!] jalé[!] e jmóor[!] do.

14 Dsa' jaléng' i líng' laco' dsea' cóong'~, lafa' jmiñib' t'íng' î' gø'r', co' í'bing' nit'íng' gui' e~ e guiá' jøgui e~ e ja' dseeng', jø nisit'ím'bre e jmóor' jii'~ e guiá'.

6

1 Joba' fñ' guí' 'nú', dsea' rú'naa' dsea' quiá'~ Dsea' Jmáang~, matéé'guí' fí' guiá' lí' nitéé'naa' cartí' ni'uíng'naa' dseáng'~ laco' sí'í' fí' quini' Fidiéé'. Jo ja' jmit'ítu' lajii'~ júu' tñ' fñ' quiá'~ Dsea' Jmáang~ e caná'naa' la'uii' do quiá'~ jial quí'~ j'íng' yaang~ dsea' fí' quini' Fidiéé' jøgui quiá'~ jial mi' tñ' dsea' jalé' e 'lí' e sí' jii'~ fí' 'mó', jøgui jial já' líng' dsea' júu' quiá'~ Fidiéé',

2 osi jial mi' saang' dsea' jmi', osi e~ uiing' mi' quidsí' dsea' guóor' fí' yá' mogui' jaléng' dsea' quiá'~ Dsea' Jmáang~, osi jial lí' mi' nijí' tu' jaléng' dsea' quiá'~ Dsea' Jmáang~ i nica'júng~, osi jial mi' niquidsí' Fidiéé' í' quiá'~ jaléng' dsea' cóo'~ jalé' dsee~ e nica'éer'.

3 Jo majmó'guí' bí' e ni'uíng'naa' dsea' quiá'~ Dsea' Jmáang~ dseáng'~ laco' sí'í', lí' jialco' iing' Fidiéé' e nilí'naa'.

4 Jo jaléng' i dsea' i cang'íng' quiá'~ Fidiéé' e nijá' calíñ' júu' quiá'~ Dsea' Jmáang~, jøgui e nica'jmi'íang' dsíir' cóo'~ lajalé' e guiá' e nica'jmé' Fidiéé' cóo'r', jøgui e nica'íñ' lajii'~ e cuø' Jmiguí' quiá'~ dsea' do,

5 jøgui e niñi'bre jial tí' dseáng'~ guiá' e júu' quiá'~ Fidiéé' jøgui jial tí' 'gøng' e jmigüi' 'mí' e nilisea' ie~ jo,

6 jo jaléng' i dsea' i ca'íng' jalé' e na, jø dsa' mi' cang'í jo, catá'tur lajii'~ e nica'íñ' do, joba' jo' quí'~ jmi' jóng e niquí'~ j'íng' tu' yaaiñ' fí' quini' Fidiéé', co' fíng song jmóor' lajo, joba' lí' lafa' e í'bre niteáng' tur i jóo' Fidiéé' cam'íng' do fí' dse' crúu' calé' catú', co' fíng song jmóor' lajo, joba' nilóøng' tur dsea' do jóng.

7 Jo jaléng' dsea' i ca'íng' júu' quiá'~ Dsea' Jmáang~ do, jo mi' cang'í jo catá'tur fí' teáaiñ', joba' i dsea' í' líiñ' la lí' cóo' guóo'~ uó' e ca'íng' jalé' jmi' e tuu'; jo mi' niró' jalé' e cangojneá' e fí' ni' guóo'~ uó' do, jøguib' nilí'íng' ta' quiá'~ i dsea' i cajni' do;

8 jo dsa' song e fí' ni' guóo'~ uó' do ca'íang' lajii'~ 'matóo' cóo'~ gui jalé' onuu' guí', joba' ja' e ta' íng' jii'~ cóo' e uó' do jóng; joba' lí' lafa' e tí' lí' nijéb' Fidiéé' e güeang' quiá'r' e cata'r' e fí' ni' guóo'~ uó' do, jø ni'ím' cartí' nicó'.

E lab e júu' e cuø' ta' dsí' e téé'naa' teá' fí' guiá' cóo'~ Dsea' Jmáang~

9 Dsea' rú'naa' dsea' quiá'~ Dsea' Jmáang~ i 'neáan' eáang', dsa' doñí' fa' e nica'fñ' i 'nú' cóo'~ e júu' jo, dsa' ofa' nica'fá' a uii' qui'na', co' eáam' nita' dsii' e dseáng'~ teáb' teáng'na' fí' guiá' cóo'~ Dsea' Jmáang~ e nileáng'na' jee' jalé' dsee' qui'na'.

10 Jo dseáng'~ eáam' guiúng' Fidiéé', joba' ja' quí'~ jmi' fa' e ni'íng' dsíir' jalé' e guiá' e nica'jmee' 'nú' e nica'jmico'na' jaléng' dsea' rúng'na' dsea' quiá'~ Dsea' Jmáang~ jøgui e nica'jmi'neáang'na' jaléng' í' cajo lí' laco'gui la jmoo'na' lana.

11 Jo ii'naa' e lajaang' lajaang' 'nú' jmée'bi' e íang' óo'na' e jmico'o' rúng'na' lata' seeng'na', jo lajoba' niñíng'na' lajii'~ e nisijeeng'na' e cat'íng'na' e nicuó' Fidiéé' 'nú' mi' nití' í' lajo.

12 Jo ja' ii'naa' e 'nú' nijmée'na' fíng'na' e fí' guiá' lí' niteáng'na' cóo'~ Dsea' Jmáang~, co' lí' lí' 'né' e 'nú' nijmée'na' laco'gui la jmoo' jaléng' i dsea' i já' líng' júu' quiá'~ Dsea' Jmáang~ e ja' litúng' dsíir' doñí' ee' dsijéé' fí' lí' nicasíng' yaaiñ', jo la'eáang' e joba' e nidsijéé' guiá' quiá'r' e ninaaiñ' íñ' lajii'~ e cat'íñ' e nica'j'ng' Fidiéé' e nicuó'~ reiñ' lamí' jéeng'gui.

Lajii'~ júu' e cacuø' Fidiéé' jaléng' dsea' quiá'r'

13 Jo ie' malí'gui eáang' Fidiéé' cacuø'r' 'lí' yáa' Abraham júu' quiá'r', jo e jo dseáng'~ cajmitir' 'ñia'r', co' ja' ii' seeng' i 'gøng'gui laco' ír' i nicuó'r' júu' quiá'r' 'ñia'r'.

14 Jo e lab júu' e cacuø'r' dsea' do ie~ jo mi' cajíñ' lala: "E jáb', jneab' nijmigüean' n'na' jøgui nijmee' e niliseeng' i 'leáang' dsea' síj'ú'."

15 Jo mi~ ca'íng' 'lii~ yáuu~ Abraham e júu^ jo, joba' cajéem`bre e féng' dsíir' e nijmiti~ Fidiée~ lajii~ e nicajíñ~; jo mi~ cangí jo, ca'ím' 'lii~ yáuu~ Abraham lajii~ e nicajíng' Fidiée~ e nicuø'~reiñ' lami~ jéeng'gui do.

16 Co' mi~ cuø' doñi' ii~ dsea` júu^ quiá'r~ e liing~ e nijmitir~, joba' e jo jmóor' fí quini~ jaang'gui dsea` i niing~gui laco' ír. Jo mi~ cuø' dsea` júu^ quiá'r~ fí quini~ jaang` dsea` i niing~gui, joba' la guím` 'né~ nijmitir~ e júu^ quiá'r~ do.

17 Jo co' Fidiée~ cali'iiñ~ e cacuø'r júu^ quiá'r~ condseeb' fí quini~ jaléng' i dsea` i nisi'íng^ e ni'íng' jalé' e nicajíñ~ lami~ jéeng'gui e nicuø'~reiñ' do, joba' cacuø'r júu^ quiá'r~ fí quinir~ 'ñia'r' e ja` quí'~ jmi~ fa' e nijgiéeng~gui lajii~ e nicajíñ~ lami~ jéeng'gui e nicuø'r' jaléng' dsea`, jogui dseáng' 'né~ e guiab' dsíir' e nijmitir~ jalé' e jo e ja` jmisíiñ~ jii~ coo`.

18 Jo la'eáang' cōo~ e tú~ íng' júu^ na e cacuø' Fidiée~ e ja` jmisíiñ~ jii~ coo` jogui e ja' lí' cajo, co' dseáng'~ ja` quie`bre júu^ adsee, joba' la'eáang' cōo~ e tú~ íng' júu^ na nitab~ dsí'naa' e íbre nitō` fíiñ` jneaa`aa', jogui nisitab~ dsí'naa' cajo e ni'íng'~naa' lajii~ e catí~naa' e sijeeng'naa' e nicuø'r~ jneaa`aa' lí' laco'gui jii~ júu^ e nicacuø'r' jneaa`aa' lami~ jéeng'gui.

19 Jo la'eáang' cōo~ e júu^ ta~ dsí' na nitée~naa' teá' fí guiá~ cōo~ Dsea` Jmáang~ jogui nitab~ dsí'naa' cōo~ dsea` do cajo; jo e jo lí' lafa' 'lo' ñí' quiá'~ coo` móo' e quíng' dsea` teá' fí 'ni' jmiñí' e laco' nijé~ tii~ e móo' do. Jo nitab~ dsí'naa' cōo~ Jesús, jo íb' dsea` i nicangíng' fí lafa' 'mi' e í', jogui lana dob guiiñ~ fí lí~ laniing~ 'gøng' quiá'~ Fidiée~ fí ñiff~.

20 Co' job e fí e caneáa' Jesús lami~ jéeng'gui e laco' cuøng` e niguié'naa' dseáng'~ fí quini~ ée^ lí~ guing~ Fidiée~, jo lajoba' cangíiñ~ e óor' ta~ 'goo' e ca'uíñ~ i jmidsea` dsea` féng' i laniing~gui quí~ii' car`ngongí jmi~ lí' laco'gui calíng~ i jmidsea` i sii' Melquisedec ie~ malí~gui do.

7

Jesús líiñ' i jmidsea` dsea` féng' i laniing~gui lí' laco'gui la calíng~ Melquisedec

1 Jo i Melquisedec na calíiñ~ dseata~ dsea` féng' fí coo` fí e calisí Salem ie~ lami~ jéeng'gui eáang', jogui calíiñ~ cajo jmidsea` laniing~ quiá'~ Fidiée~ dsea` guing~ ñiff~. Jo ie~ jo i 'lii~ yáuu~ quí~ii' Abraham do ni'iuuiñ~ fí e jaiñ' fí lí~ cangór~ fí jee~ 'nii' fí lí~ calí'r~ jaléng' dseata~ dsea` féng' i seeng' fí fí lí~ jíé'; jo lajee~ job cangó~ Melquisedec e cangojmijíng'neiñ' jo cajmigüeam`bre cajo;

2 jo mi~ cangí e jo, i yáuu~ Abraham do cacuø'r i Melquisedec do coo` lajee~ guí~ íng'~ jalé' e calí'r~ jee~ e 'nii' do. Jo i Melquisedec la guøng' "jaang` dseata~ dsea` féng' i í' í' laco' catíng~"; jogui co' líiñ' dseata~ dsea` féng' quiá'~ e fí do e sii' Salem e guøng' "juguiá~ júu^ røø", joba' cajo sii`bre "jaang` dseata~ dsea` féng' i quie`juguiá~ júu^ røø".

3 Jo jii~ coo` ja` e ñí' dsea` quiá'~ i Melquisedec do fa' i~ calíng~ ni'quiá'r^ jogui i~ calíng~ tiquiá'r^ jogui i~ jaléng' 'lii~ dsea` cøng'~ quiá'r~ caguiaang~gui cajo; o'gui ñí' dsea` lí~ cangáang' i Melquisedec do o'gui lí~ cajúñ~. Jo latab~ líiñ' jmidsea` laniing~ lí' laco'gui la líng' i Jóo' Fidiée~ camíng' do e latab~ líiñ' jmidsea` dsea` féng' i laniing~gui.

4 Jo lana quie`na' cuante, dsea` rú'naa', jial tí' laniing~ calíng~ i Melquisedec do e jì'gui 'lii~ yáuu~ quí~ii' Abraham cacuø'r dsea` do coo` lajee~ guí~ íng'~ quiá'~ lajalé' e calí'r~ jee~ 'nii' mi~ catíiñ' cōo~ jaléng' dseata~ dsea` féng'.

5 Jo lí' laco'gui la fé' e júu^ quiá' ta~ e casée' Moi~ malí~gui eáang' e lajii~ dsea` i teáang' jee~ 'lé' dsea` Israel i sii' Levíbing' cuøng' líng' jmidsea`, jo lajii~ dsea` íbing' i sea` fí quiá'~ i ni'íng' quiá'~ jaléng' dsea` góor' coo` lajee~ guí~ íng'~ lajalé' e sea` quiáiñ~, doñí' fa' e jaléng' i dsea` do líiñ' dsea` siju~ 'lii~ yáuu~ Abraham lí' laco'gui la líiñ' yaaiñ~ cajo.

6 Jo dsu' i Melquisedec do ja` líiñ' dsea` siju~ 'lii~ yáuu~ Leví, dsu' ca'ím'bre coo` lajee~ guí~ íng'~ quiá'~ lajalé' e calí' 'lii~ yáuu~ Abraham, jogui cajmigüeam`bre cajo. Jogui téé' óo'na' cajo e i 'lii~ yáuu~ Abraham dobing' i ca'íng' jalé' júu^ lajii~ e cajíng' Fidiée~ e nicuø'~reiñ'.

7 Jo jíi~ jaang` ja` cuøøng` jing` e o' lajo e júu^ la: Niing` gui jaang` dsea` i jmigüeang` jaang` dsea` rúng` laco'gui i dsea` i jmigüeang` ír` do.

8 Jo jaléng` jmidsea` quia` dsea` Israel líiñ` siju` quia` 'lii` yáa~ Levi, jo ím`bre quia` dsea` góor` coo` lajee` guí` íng` quia` lajalé'; jo dsu' mi~ nití` í` e nijúuiñ` , joba' júum`bre jóng` lí` laco'gui doñí` i dsea` jmigüi; jo dsu' lí` laco' fé` fí` ni` jì` quia` Fidié` e lafa' seem`bi i Melquisedec do latí` lana.

9 Joba' laco' cuøøng` fe`ee' e jaléng` jmidsea` i líng` dsea` siju` Levi, dsea` í`bing` íng` lana lajíi~ e coo` lajee` guí` íng` e catíiñ` do, jo lí` lafa' e caquíib` jaléng` i jmidsea` do e jo e catíng` i Melquisedec do ie` lamí` caquíi` yáa~ Abraham quia` dsea` do.

10 Jo e jáb` , ja` mí` calisémbi i Levi do ie` jo ie` lamí` cacuø` Abraham i Melquisedec do coo` lajee` guí` íng` lajíi~ e catíiñ` do; dsu' cuøøng` fe`ee' e jobi lafa' niquíe` Abraham mijú` quia` jaléng` dsea` sijur` i niliseeng` cøøng`gui, co' i Levi do líiñ` jaang` dsea` siju` dsea` do.

11 Jo jaléng` dsea` Israel cangíiñ` jalé` e júu^ quia` ta` quia` Fidié` la'eáang` cóo` jaléng` jmidsea` i líng` dsea` siju` Aarón i líng` siju` yáa~ Levi do cajo. Jo faco' e ta` e cajméé` jaléng` i jmidsea` do íng` ta` e íng` dsee` e laco' liguíng` dsea` fí` quini` Fidié`, joba' ja` 'neáng` jmidsea` i jiéng`gui faco' lajo; dsu' dseáng` la guím` 'neáng` jaang`gui jmidsea` lí` laco' calíng` Melquisedec, jo o' laco' líng` i jmidsea` siju` Aarón do.

12 Co' mi` jmísiing` dsea` lajíi~ ta` oo` jmidsea`, joba' 'né` jmísiim`bre cajo lajíi~ e júu^ quia` ta` quia`r`.

13 Jo uii~ quia` Fí`naa' fé` fí` ni` jì` quia` Fidié` e dsea` í` líiñ` siju` quia` coo`gui 'lé` dsea` quia` dsea` Israel; jo jíi~ jaang` dsea` ja` i mí` calíng` jmidsea` fí` jee` e 'lé` jo lamí` jéeng`gui.

14 Jo nitab` dsí`naa' e Fí`naa' Dsea` Jmáang` cajár` fí` jee` 'lé` dsea` Israel i sii` Judá, jo ja` cajár` fí` jee` 'lé` dsea` Israel i sii` Levi; jogui nine`bí` røø` cajo e Moi` ja` cajíñ` jíi~ coo` uii~ quia` e 'lé` dsea` Judá do ie` lamí` café`r` uii~ quia` jaléng` jmidsea`.

15 Jo eáang`gui nita` dsí`naa' røø` lana cóo` jalé` e nicafá` a na, co' nicagüém` i jmidsea` dsea` féng` i laniing`gui do i cøøng` laco' i jmidsea` Melquisedec do, jogui i quíng` jee` 'lé` lí` jié` laco'gui jee` 'lé` dsea` Levi.

16 Jo Fí`naa' calíiñ` jmidsea` dsea` féng` i laniing`gui dsu' o' uii~ laco' ta` huí` e 'né` güi`ír` jee` dsea` siju` quia` dsea` Levi, co' calím`bre jmidsea` dsea` féng` i laniing`gui dsu' la'eáang` cóo` e 'gøng` quia` e seeiñ` do e ja` tóo` jmí` ni`íng`.

17 Co' lalab fé` Fidié` fí` ni` jì` quia`r` e éeiñ` dsea` do:

Jo car` ngongíi` jmíib` oo` ta` e lin` jmidsea` dsea` féng` i laniing`gui

lí` laco' calíng` i jmidsea` i sii` Melquisedec ie` malíi`gui do.

18 Jo Fidié` cab` caguiar` jalé` e júu^ quia` ta` e cacuø`r` Moi`, co' e júu^ jo jo` ta` íng` jogui jo` bí` sea` quia` cajo fa' e nijmé` e nileáng` dsea` jee` jalé` dsee` quia`r`.

19 Jo jalé` e júu^ quia` ta` e calíng` Moi` ie` lamí` jéeng`gui do ja` caquíi~ jmí` fa' e cajméé` e caliséng` dsea` cøøng` cóo` Fidié` dseáng` laco' sí`í`. Jo dsu' lana nisea` coo` e nita` dsí`naa' e 'gøng`gui e laco' nijmicóo` jneaa`aa' e niñíng`na' e nilisee`naa' cøøng` cóo` Fidié`.

20 Jogui cajo Fidié` cacuø`r` júu^ ta` dsíi` quia` e júu^ jo la'eáang` cóo` júu^ quia`r` e cacuø`r` 'ñia`r` ie` lamí` cajíñ` e Jesús ni`uíiñ` jmidsea` dsea` féng` i laniing`gui. Dsu' i jmidsea` caguaiang`gui do ja` cacuø` Fidié` júu^ quia`r` 'ñia`r` e ni`uíiñ` do lajo.

21 Jo Fí`naa' Jesús ca`uíiñ` jmidsea` dsea` féng` i laniing`gui uii~ e cacuø` Fidié` júu^ quia`r` 'ñia`r` lí` laco' la fé` fí` ni` jì` quia`r` lí` fé` lala:

Fí`naa' cacuø`r` júu^ quia`r` 'ñia`r` e 'né` nilíti`

jo ja` quí` jmíi` fa' e nijgiéeng`gui e júu^ jo.

Co' lalab fé` cuaiñ` quia` i Jóor` camíng` do:

“Car` ngonghí` jmiib` líng` 'nà` jmidsea` dsea` féng` i` laniing`-gui lí` laco` la líng` i` Melquisedec do.”

22 Jo cò` Fidié` cacuø` e júu` quiá`-r` 'ñia`r` do, joba` nitaa`-dsi`naa` e Jesús tí` nir` e júu` tigua` catí` tú`-do e 'gøng`-gui laco`-gui júu` e cacuø` Fidié` lami` jéeng`-gui do.

23 Jo jaléng` i` jmidsea` caguaang`-gui do cajúm`-bre mi` catí` oor` quiá`-r`, joba` i` jiém` cagua` ée` quiá`-r`.

24 Jo dsu` Jesús latab` seeiñ`, joba` latab` líiñ` jmidsea` dsea` féng` i` laniing`-gui, jo uí`- joba` jo` 'neáng`-gui jmidsea` i` jiéng`-gui i` ni`líng` ée` quiá`-r`.

25 Jo cò` lajob` líng` Jesús, joba` la'eáng` í`bre cuøng` e leáiñ`-jaléng` dsea` jee` jalé` dsee` quiáñ`-lata` e laco` niliseeñ` cøng` cóo`- Fidié`, cò` car` ngonghí` jmiib` seeiñ` e laco` mi`r` Fidié` cuaiñ` quiá`-jaléng` dsea`.

26 Joba` Jesús líiñ` dseáng`- i` jmidsea` dsea` féng` i` laniing`-gui do i` 'neáng`-naa` do, cò` í`bre dsea` caneáar` fí` e laco` cuøng` nilisee`-naa` cøng` cóo`- Fidié`. Jo dseáng`- dsea` güeam` líng` dsea` do fí` quini` Fidié`, jo jíi`- cóo` dsee`- ja` táaiñ`, jogui` ja` líiñ` laco` la líng` dsea` dsee`- dsea` qui`. Jo lana` dob` niguiñ` fí` ñífi` lí` lí` dsée` ée` laco` guing`- Tiquiá`r` Fidié`.

27 Jo Jesús ja` líiñ` laco`-gui i` jmidsea` caguaang`-gui i` caliséng` lami` jéeng`-gui do, cò` jaléng` jmidsea` í` laco` jmiib` 'né`- jngáiñ`- jaléng` jó` e quiá`- nicuóñ`- Fidié`, jo lajoba` ni`líng`- dsee`- quiá`-r` la`uii`, jo mi` ningí` jo, 'né`- nijmé`-guir e laco` ni`líng`- dsee`- quiá`- jaléng` dsea` rúñ`. Dsu` Jesús cóo`- née`-ba` 'né`- e cajáng` 'ñia`r` e laco` ni`líng`- dsee`- quiá`- dsea` jmigüi`-lata`.

28 Jo jalé` e júu` quiu`-ta` e ca`íng`- Moi` do dsea` dsee`- dsea` qui`bing`- guíng` i` i` ni`uíng`- jmidsea` laniing`-; jo e júu` e cacuø` Fidié` 'ñia`r` do e café`r` mi` cangí` e cacuø`r` Moi` jalé` e júu` quiu`-ta` do lami` jéeng`-gui, jo dsu` cóo`- e júu` e café` Fidié` doba` ca`náaiñ` i` jóor` camíng`- do e laco` ni`uíñ`- jmidsea` dsea` féng` i` dseáng`- laniing`-gui i` dseáng`- lata` ée` ta` røø` cóo`- lajalé` e cangíñ` quiá`- Tiquiá`r` Fidié`.

8

Jesús ca`uíñ`- jmidsea` dsea` féng` i` laniing`-gui qui`-ii`

1 Joba` fíi`-guí` 'ná`, dsea` rú`-naa` dsea` quiá`- Dsea` Jmáang`, e lab` e uing` e niing`-gui eáang` quiá`- lajii`- e júu` e síi`-naa` 'ná`, e Jesúsbing` líng` i` jmidsea` dsea` féng` i` laniing`-gui qui`-ii`, jogui` íb` cajo` i` niguing`- lana` fí` ñífi` lí` lí` dsée` laco` guing`- Fidié` dsea` laniing`- 'gøiñ`.

2 Jo guíñ` fí` jo` e éer`-ta` e líiñ` jmidsea` dsea` féng` i` laniing`-gui, cò` fí` job` dseáng`- lí` ée`-já`- quiá`- Fidié` fí` lí` cajméer` 'ñia`r` jo` o` fí` lí` cajmé`- dsea` jmigüi`.

3 Jo jaléng` jmidsea` laniing`- si`neaaiñ` e nicuø`- lajii`- feá`- e catíng`- Fidié` jogui` e nijngáiñ`- jaléng` jó` e laco` nicuóñ`- dsea` do; jo lajob` líi` cóo`- Fíi`naa` Dsea` Jmáang`, cò` la guíim`-ba` 'né`- líng`- ee`- nicacuø`r` fí` quini` Fidié` uí`- dsee`- quiá`- jaléng` dsea` jmigüi`.

4 Jogui` faco` ír` táam`-bir` fí` jmigüi` la, joba` ja` qui`- jmi` jóng` e líiñ` jmidsea` faco` lajo, cò` fí` jmigüi` la niseem` jmidsea` i` cuøng`- lí` cuø`- feá`- fí` quini` Fidié` lí` laco`-gui e ta` e caquiú` Fidié` e cajme`- Moi` fí` ni`- jì` quiá`-r`.

5 Cò` jalé`-ta` e cajmé`- jaléng` i` jmidsea` do fí` jmigüi` la, rúm`-jiu` lí` laco`-gui la líi` fí` ñífi`, cò` cajméer` lajo` fí` jmigüi` la e lí` laco` cuø`- lí` e quiá`- jial` dseáng`- líi` fí` ñífi`. Jo nine`-baa` røø` e jalé` e la` e lico`- cuø`- lib`-; dsuco`- ie`- malíi`-gui do, ie`- lami` caquiú` Fidié` ta` quiá`- Moi` e nijméiñ`- cóo`- 'núu`- 'mi` fí` lí`- jmiféng`- jaléng` dsea` Israel Fidié`, jo ie`- jo` casí`-r`- Moi` lala: “Moi`, quie`-cuente` røø`, jo` jmée`- e 'núu`- jo` lí` laco`-gui jíi`- e nica`ée`- e 'nà` e fí` yú`- mó`- Sinaí` do.”

6 Jo dsu` Jesús i` líng` jmidsea` dsea` féng` i` laniing`-gui qui`-ii` do, íb` dsea` i` nica`íng`- e ta` e 'gøng`-gui eáang` laco`-gui e ta` quiá`- jaléng` jmidsea` i` seeng` fí` jmigüi` la; cò` dsea` íb` i` caneáa` fí` e laco` cuøng` e dseáng`- niliseeng` dsea` jmigüi` cøng` cóo`- Fidié`-lata`. Jo

cajméer`lajo la'eáang' cóo~ e júu^ e cajmiró` Fidiéé` cøøng`gui do, co' e jo `gøng`gui laco`gui e júu^ tigua` e cacuør' Moi~ lamí~ jéeng`gui do. Jo e júu^ e cajmiró` cøøng`gui do líí` cóo` júu^ tíi~ fíi~ e guiá`gui, co' eáang`gui cuø` e ta~ dsíi' dsea`.

⁷ Jo faco' cali'íng^ ta~ dseáng'- laco' síí^ e júu^ tigua` la'uii~ e cacuø' Fidiéé` malíi~gui do, joba' jo` cali'né~gui jóng e júu^ tigua` e cacuø' Fidiéé` cøøng`gui do faco' lajo.

⁸ Jo dsu' mí~ calilí^ Fidiéé` e ja` jíi~ jaléng^ i dsea` quiá'r~ do e júu^ tigua` la'uii~ quiá'r~ do, joba' cajmiquím'- dsíir' cóoiñ~ do, jo lalab cajíñ'- fí' ní~ jì` quiá'r~:

Lalab fá'a: Niguiéé' jmíi~ mí~ nicuøø^ø jaléng^ dsea` Judá cóo~gui jaléng^ dsea` Israel caguaiang~gui cóo`gui júu^ tigua` e 'míi~.

⁹ Jo e júu^ tigua` e 'míi~ e nicuøø^ø i dsea` í`

e jiéé' líí` laco' e júu^ tigua` la'uii~ do e cacuøø^ø jaléng^ dsea` áang' quiá'r~ mí~ cacá`a nifí' quiá'r~ e ca'uøøñ~re fí' ní~ guóo'~ uø~ quiá'~ dsea` Egipto;

jo dsuco' jaléng^ i dsea` áang' quiá'r~ do ja` calináur~ lajii~ júu^ tigua` e cacuøø^øre do, joba' ca'náam~ 'ñiá`a quiá'r~ jóng.

¹⁰ Jo e lab e júu^ tigua` e 'míi~ e nicuøø^ø dsea` Israel mí~ niguiéé' e jmíi~ jo:

Nicuøø^ø jaléng^ i dsea` í` e laco' níí~ dsíir' røø` lajii~ júu^ quiá' ta~ quié~ e jogui e ní'íñ` car` ngocáng` dsíir' jalé` e júu^ jo cajo.

Jogui dsea` do nijmiféiñ' jnea~,

co' jii~ jneab~ nilíin~n Fidiéé` quiá'r~,

jogui jii~ íb` nilíing~ dsea` quié~ e cajo.

¹¹ Joba' ie~ jo jo` 'né~gui fa' e nijmeá'~gui dsea` júu^ rúíñ` jial laco' nijmicuíñ` jnea~,

co' lajim` dsea` nilicuíñ` jnea~ ie~ jo,

nañi' fa' líiñ` dsea` niing~ osi ja` líiñ` lajo é.

¹² Jo ie~ jo ní'ím~baa dsee~ quiá'r~ uii~ quiá'~ jalé` e ga` e nicajméer`,

jo jo` nijmiguiéng`gui dsii~ jalé` dsee~ e nica'éer` lamí~ jéeng`gui.

¹³ Jo mí~ fé` Fidiéé` e nicuør~ e júu^ tigua` e 'míi~ do, joba' cuø` lí~ jóng e nicadseáb~ bí` quiá'~ e júu^ tigua` e la'uii~ do e cacuør' lamí~ jéeng`gui do; jogui jalé` e niyúu~ jogui e jo` ta` íng^, capí`ba' 'né~gui quiá'~ e tí` lí~ ní'íng~ conguaí`.

9

Jial líí` fí' lí~ jmiféng' dsea` Fidiéé`

¹ Jogui lanagui fíi~guíi` 'nú', dsea` rú`naa' dsea` quiá'~ Dsea` Jmáang~, e mí~ cacuø' Fidiéé` e júu^ tigua` quiá'r~ lamí~ jéeng`gui do, jo cacuør' e júu^ jo e laco' jial 'né~ jmé~ dsea` mí~ jmiféiñ' Fidiéé`, jo jalé` e jo 'né~ jmér~ fí' cóo` dsíi' 'núu' 'mí' e cajme' yaang~ dsea` jmigüí`.

² Jo e 'núu' 'mí' do quiéeng` tú~ jníng^, jo e jníng^ la'uii~ do, fí' job lí~ sí' e ní^ cunéé` e fí' lí~ téé~ candíi^ e coo` do; jo fí' job cajo fí' lí~ sí' cóo` mes~ fí' lí~ néé` íñi^ güeang^ e catíng~ Fidiéé`. Jo e jníng^ la'uii~ la sii` Éé^ lí~ Güeang^ quiá'~ Fidiéé`.

³ Jo e jníng^ e catí` tú~ quiá'~ e 'núu' do líí` cóo~ cóo` 'mí' fé' e niguo' e íí' e fí' dsíi' 'núu' do, jo e fí' dsíi' job lí~ sii` Éé^ e Laniing~ Güeang^ quiá'~ Fidiéé`.

⁴ Jo e fí' jo sea` cóo` nife' e líí` cóo~ layaang~ cunéé`, jo fí' job lí~ jir` sù; jo fí' quiá'~ job cajo sí' e guóo' e fí' lí~ téé~ júu^ tigua` quiá'~ Fidiéé` e caráaiñ` lamí~ jéeng`gui do, jo e guóo' jo síbé` dse` cóo~ layaang~ cunéé`. Jo e fí' dsíi' guóo' do íu~ cóo` dsu~ e líí` cóo~ layaang~ cunéé`; jo e fí' dsíi' job lí~ sí'ma~ capí^ e maná e cacuø' Fidiéé` jaléng^ dsea` Israel mí~ cangiñ` do fí' ní~ guóo'~ uø~ quiá'. Jo fí' dsíi' guóo' job cajo fí' lí~ sí'ma~ e 'ma'u` quiá'~ 'líi~ yúu~ Aarón e ca'íéetü` má' quiá'~ calé` catú~; jogui e fí' dsíi' guóo' job cajo lí~ íu~ e cuu~ e lí~ too~ júu^ tigua` quiá'~ Fidiéé` e cacuør' malíi~gui do.

5 Jo e fí ní e guóo e sibé cunée do teáng gáng i dsí cuée, jo e fí ná lí dsí cueiñ' do cuø lí e dob seeng Fidiée, jogui e fí ná job cajo fí lí íng dsee quía dsea. Jo dsu lana jo ngüí lí fa 'né guí e nifü guí 'nú dseáng la'uiing cuaiñ quía jalé e jo.

6 Jo mi tí lí cató e guía dsea guiá lajalé e ni'né e fí dsí 'nú 'mi' do, joba jaléng jmidsea nicuøøm dsitáaiñ jóng laco jmi laco jmi e fí e jning la'uii quía e 'nú 'mi' do e laco niguiár guiá lajü e feá e catíng nicuø'r Fidiée.

7 Jogui e jning lí catí tú quía e 'nú 'mi' do dseáng lajü jmidsea laniim bing i cuøøng lí í e fí dsí jo coo née laco jü; joba mi tí lí ní í e ni'í e fí jo, 'né e niquier feá e lí cóo jmi jó nú e laco nicuø'r Fidiée, jo lajoba dsea do ni'íñ jalé dsee quía i jmidsea do ñia'r cóo gui jalé dsee quía jaléng dsea góor caguaang gui mi éeiñ dsee e ja líl'r lajo.

8 Jo cóo jalé e na, la'eáng cóo Jmiguí quía Fidiée ba jmicóo jneaa aa e laco line naa e ja mí sea fí e ngüng dsea e catí dsí Ê e lí Laniing Güeang do lajee e jmáang ta e fí lí lí jning la'uii do.

9 Jo lajaléb e la cuø coo lí quía jial lí lana; dsuco jalé e calí e fí dsí 'nú 'mi' do; fa jaléng jó i cajíng jmidsea fí quini Fidiée cóo gui jalé e feá e jié gui e cacuø'r Fidiée, jo dsu jalé e jo ja quí jmi fa e niliguiá dsí dsea i jmiféng Fidiée cóo jalé e feá do dseáng laco sí í fí quini dsea do.

10 Co jalé e quí tñng dsea fí quini Fidiée la'eáng e júu tigua la'uii do e cacuø' dsea do lami jéeng gui do, dsu e jo quia ta jü quía jalé e jmóob dsea, fa jalé e gø' dsea cóo gui jalé e í dsea osi jalé e jié gui é, e laco niliguiá dsí dsea laco sí í fí quini Fidiée; jo dsu jalé e jo íng ta jü cartí mi nicuø Fidiée e júu tigua e 'mí do.

11 Jo dsu lana nicagüem Dsea Jmáang e nilíñ i jmidsea dsea féng i laniing gui e laco nijmicóo'r jneaa aa e niñing naa jalé e guiá e sí í naa quía Fidiée. Jo e fí lí éer e ta 'goo e cangüiñ do, fí job lí 'gøng gui jogui ning gui cajo, co' o' dsea jmigü i cajme, o' gui cajme'r cóo e sea fí jmigüi cajo.

12 Dsu lanagui nicangüem Dsea Jmáang, joba dob niguiiñ e fí Ê e lí Laniing Güeang do dsu o' uí e cacuø' fí quini Fidiée jmi'øøng jo'chí osi jmi'øøng güitá jiuung é, co' cangüem bre fí jo dsu la'eáng e cacuø' jmi'øøñ 'ñia'bre, jo lajoba calí'r e nileáng naa jee dsee quí ii' lata.

13 Dsu e jáb, e lajee e jmáang ta e júu tigua la'uii e cacuø Fidiée lami jéeng gui do, ie lami jmáang ta jalé jmi'øøng güitá jiuung cóo gui jo'chí colíng gui cóo fa quía jaang güitá iee mi ning e cang ne fí nife, joba cóo jalé e jo seab jia capí b e laco nijláb Fidiée dsee quía dsea, jo lajoba niliguiúñ lajee cateá fí quini dsea do.

14 Jo e já, e jalé e jmi'øøng jó do óob jia bí, jo dsu e jmi'øøng Dsea Jmáang 'ñia'r do dseáng e eáng gui laniing 'gøng jogui e eáng gui óo bí cajo, co' dseáng conguiab íng dsee quí ii' fí quini Fidiée lata. Co' la'eáng cóo Jmiguí quía Fidiée e sea lata do, Dsea Jmáang, dsea ja dsee røøñ jü coo, cajáng 'ñia'r e cajúñ jogui cacuø' jmi'øøñ. Jogui la'eáng e jmi'øøñ do calí naa e jo 'né nijmó'guí jü coo e lami quí tñng naa jmoo naa do e sí jü fí 'mó, jo lajoba cuøøng nijmó'oo dseáng laco íng Fidiée i dsea i seeng car ngongü jmi.

15 Jo la'eáng e cajáng 'ñia' Dsea Jmáang e cajúñ fí dse' crú, joba niseab fí quí ii' e nilisee naa cøøng cóo Fidiée la'eáng cóo e júu tigua e 'mí do, jo lajoba ni'íng e iihuí e catí naa do uí jalé dsee quí ii' lí laco la fé fí ní e júu tigua la'uii do. Jo la'eáng cóo e cajúng Dsea Jmáang do, joba jalém dsea i nicagüing Fidiée i ni'uíng dsea quía'r cuøøng e nilí'r e ni'íñ jalé e guiá e catíñ lí laco gui jü júu e nicacuø Fidiée lami jéeng gui do.

16 Jo faco jaang dsea iñ ningüñ jalé e sea quía'r fí jaguó jaang gui dsea mi ningü e nijúñ, dsu ja cuøøng e ni'íng i dsea í jalé e jo lajee e seem bi i dsea i nicuø do,

co' jang' 'né lita dsí' song nicajung i dsea i nicuø e do, joguiba' nicuøong e ninging' fi jaguó i dsea i catíng do.

17 Co' ja bî sea e ninging' fi jaguó i dsea i catíng jalé e jo lajee e seem'bi i dsea i nicuø do, dsu' mi ningi e nijúum i dsea i nicuø do, joguiba' nisea' fi e ni'ing' i dsea i catíng do.

18 Jo co' lajob líí, joba' e júu tigua e cacuø' Fidié dsea lami jéeng'gui do la guím 'né jmi'øong jó' núu e laco' sea bî quía' fi quini' Fidié'.

19 Jo ie malí do Moi cajme'r júu jaléng' dsea góor dsea Israel jalé' júu quiu' ta' quía' Fidié' e 'né nijmitiñ do fi quini' Fidié'; jo mi cangí e café'r e júu jo, joba' cacár' coo' sii e silíng' e 'núu' ñi' yúu, jo cajgiéer jmi' jó' núu e nisicang' cóo' jmi' fi ni lí toq' júu quía' Fidié' e cajme'r do, jogui cajgié bre quía' lajüng dsea do cajo.

20 Jo mi cató' e jo, lalab cajíng' Moi casí'r jaléng' i dsea góor dsea Israel do: "E jmi'øong la cuø e tí' ni e júu quía' Fidié' e cacuø'r jneaa'aa' e dseáng' 'né e nijmití'baa'."

21 Jogui ca'ée-bi Moi e jmi'øong do cajo fi dsí' e 'núu' 'mi' güeang' lí jmféng' dsea Fidié' cóo' gui fi ni jalé' e jmáang' ta' e fi dsí' 'núu' do.

22 Jo lí' laco' la fé' júu quiu' ta' quía' Fidié' e cajme' Moi, e cóo' lajú' jmi'ba' ligüeang' lí' doñi' ee; jogui cajo ja' quí' jmi' ni'ing' Fidié' dsee song ja' catuü jmi'øong'.

La'éang' e cajung' Dsea' Jmáang' fi dse' crúu', joba' laang'naa' jee dsee quí'ii'

23 Jo e 'núu' 'mi' güeang' lí jmféng' dsea Fidié' cóo' jalé' e jmáang' ta' fi dsí' jo lí' lafa' rúm' jiu cóo' jalé' e sea' fi ñifi' fi lí' guíng' Fidié', jo jalé' e sea' e fi dsí' 'núu' do ligüeang' cóo' jmi'øong' jó' núu'; jo dsu' jalé'gui e sea' fi ñifi' quía' Fidié' dseáng' lajib' nigüeang', joba' 'né' jmi' e 'gøng'gui laco' jmi' jó' núu'.

24 Jo dsu' Fí'naa' Dsea' Jmáang' ja' ca'ír' fi Ée' Laniing' Güeang' quía' e 'núu' 'mi' e cajme' dsea' jmigüí, co' e 'núu' jo lí' jú' lafa' coo' e lí' e sea' fi ñifi' fi lí' Laniing' Güeang' quía' Fidié'. Co' Dsea' Jmáang' dseáng' fi ñifb' lí' caguiéiñ', jo lana dob niguiiñ cóo' Fidié' e mi'r' dsea' do uii' quí'ii'.

25 Jo laco' jú' laco' jú' jaléng' jmidsea' laniing' quía' dsea' Israel 'né' e dsitáaiñ' e fi Ée' lí' Laniing' Güeang' quía' e 'núu' 'mi' do e dsijú'r jmi' jó' núu' fi quini' Fidié'. Jo dsu' ja' cajmée' Dsea' Jmáang' laco'gui cajmée' i jmidsea' í, co' coo' ya'ba' ca'í' dsea' do fi Ée' lí' nigüeang' gui fi ñifi' e cacuø' jmi'øoiñ', jo ja' ca'ír' jmigui' ya'.

26 Co' faco' lajob líí, joba' jmigui'ba' ya' catí' jóng e cajung' Dsea' Jmáang' ie lami catiroo' jmigüí faco' lajo; dsu' lajee' lana jo cartí' mi' niguiá' jmigüí, coo' née'ba' dseáng' cagüéng' dsea' do fi jmigüí la, jogui coo' néeb' cajo e cajáng' 'ña'r' e cajúñ' e laco' ni'ing' congua' jalé' dsee quía' dsea' jmigüí.

27 Jo co' coo' née'ba' e júung' jaléng' dsea, jo mi' ningí jo, niguilíñ' fi quini' Fidié' e laco' nitídsí' í' quía'r' uii' quía' jalé' e nicajméer' lajee' ie lami seeng'gui fi jmigüí la,

28 jo lajob Fí'naa' Dsea' Jmáang' coo' née'ba' si'íiñ' quía' Tiquía'r' Fidié' e cajáng' 'ña'r' e cajúñ' e laco' congua' ca'íiñ' jalé' dsee quía' i fíng' dsea' jmigüí. Jo mi' nijáatur' fi jmigüí la calé' catú', jo' nijáar' fa' e nijúung'tur' uí' dsee quía' dsea' jmigüí, co' nijáa'bre dsu' e jaleaaiñ' jaléng' dsea' quía'r' i nisijeeng' ír' i nisita' dsí' e nigüéeng'tur' calé' catú'.

10

1 Jo e júu quiu' ta' quía' Fidié' e cajme' Moi do cuø lí' e laco' lí' jiu dsea' jalé' e guiú' e nidsijé' cøong'gui, dsu' o' dseáng' jial laco' lí' e jo. Joba' jalé' e feá' e cuø' jaléng' i jmidsea' do laco' jú' laco' jú' ja' quí' jmi' fa' dseáng' e niliguiú' dsí' dsea' dseáng' laco' si'í' fi quini' Fidié'.

2 Co' faco' e júu^ quiu' ta~ quiá'- Fidiéé' do dseáng'- e já'- quí'~ jmí~ e ni'íing- jalé' dsee- quiá'- dsea, joba' jo' í- dsí' dsea' jóng e líiñ' dsea' óo' dsee-, jogui nitú'bre cajo e nicuór- jmí~ jó' núu^ uí'~ dsee- quiá'r- faco' lajo.

3 Jo uing~ e dsicar' e jmí~ jó' núu^ do fí' quini' Fidiéé' laco' jii' laco' jii' e lí' laco' jmiguiéng' dsír' laco' jii' e líim'bir dsea' óo' dsee-.

4 Co' dseáng'- e jáb'-, e jmí~ güitá' jiuung~ do cóo'~gui jmí~ jaléng' jo'chí' dseáng'- ja' quí'~ jmí~ fa' e ni'íing- jalé' dsee- quiá'- dsea' jmigüi'.

5 Jo co' ja' quí'~ jmí~ yaang~ e jmí'øøng- jó' do e ni'íing- dsee- quiá'- dsea, joba' mi~ cagüéng- Fí'naa' Dsea' Jmáang- fí' jmigüi' la, lalab casí'r- Tiquiá'r^ Fidiéé':

Jō cō' ja' tī' óo' 'nua' e jī' dsea' jmí'øøng- jó' 'lí' fí' quini' ^
o'gui e jī' dsea' lí' doñi' ee' feá'- e laco' jmiféiñ' 'nua',
joba' 'nua' nicacuøø'~ jnea~ ngúu' táan'n cóo'~gui jmí'øøng-
e laco' nijmitii- lajii' e iing- 'nua', Fí'i Fidiéé'.

6 Jo co' ja' tí' óo' 'nua' mi~ jing' dsea' jó' núu^ i nicacáng- fí' nife' osi jalé' feá'- e jié'gui e cuø' dsea' 'nua' e laco' ni'íin'- dsee- quiá'r-,

7 joba' lalab cafá'- a: "Lab cagüén- n fí' jmigüi' la e laco' nijmitii- jii' laco' iing~ 'nua', Fí'i Fidiéé',

lí' laco'gui la fé' fí' ni~ jì' qui'~ lí' fé' cuaiñ~ quié-e."

8 Jo nicajíng'- Dsea' Jmáang- e ja' iing~ Fidiéé' o'gui tí' dsír' e jii' dsea' jmí'øøng- jó' núu^ fí' quinir' o'gui jalé' feá'- quiá'- jaléng' jó' i nicacáng- fí' nife' e laco' ni'íing- dsea' do dsee- quiá'- dsea'. Jo cajíñ'- lajo doñi' fa' e lajob ta~ quiu' fí' ni~ jì' quiá'- Fidiéé' e cacuø'r' Moi~ ie~ malí~gui do, e dseáng'- lajob guíng' 'né- jmé- dsea' jmigüi'.

9 Jo cajím'-bigui Dsea' Jmáang- cajo e casí'r- Tiquiá'r^ Fidiéé' lala: "Tea~, lana lab nicagüén- n fí' jmigüi' la e laco' nijmee~ e dseáng'- jii' laco' e iing~ 'nua'." Jo laco' cuøøng' fe'ee' e mi~ cagüéng- Dsea' Jmáang- fí' jmigüi' la, caséer' coo' e guiá'gui jogui e 'gøng'gui eáang' cajo, jogui cab' ca'naang' e feá'- e lami~ quí'~ tñng' dsea' jmóor' lami~ jéeng'gui do.

10 Jo uí'~ e Dsea' Jmáang- nicajmitir~ lajii' e iing~ Fidiéé' e cajáng' 'ñia'r' coo' née' e cajúñ' fí' dse' crúu^ e laco' ni'íing- dsee- quí'-ii' lata~, joba' uí'~ e jo Fidiéé' nicajméer' e nilí'naa' dsea' guiúng- fí' quinir'.

11 Jo lalalém'~ jmidsea' quiá'- dsea' Israel quí'~ tñiñ' e dsijíñ' jó' fí' quini' Fidiéé' laco' jmí~ laco' jmí~; jo jmóor' lajo, co' lajob júu^ tigua' e cacuø' Fidiéé' ír' lami~ jéeng'gui. Dsu' jalé' e jmóor' do, ja' quí'~ jmí~ fa' e ni'íing- jalé' dsee- e røøng' dsea' jmigüi'.

12 Jo dsu' Dsea' Jmáang- gui cajáng' 'ñia'r' e cajúñ' coo' née' 'ñiab' carta' røo' jmigüi', jo e jo íng' ta~ e ni'íing- dsee- quí'-ii' lata~. Jo mi~ cangí' e cajméer' e jo, cangám'-bre jóng jo cangogüear' lí' lí' dséé' laco' guiing~ Tiquiá'r^ Fidiéé' fí' ñí'.

13 Jo fí' job niguiñ~ lana e sijeeiñ' e Tiquiá'r^ Fidiéé' nijmé- e nijmi'gò' jaléng' dsea' i 'ní' ní' quiá'r- jogui e nisí' jaléng' dsea' do uø- jnir~ fí' quiniñ' e laco' nijmiféng'neiñ'.

14 Jo coo' née' 'ñia'ba' cajáng' 'ñia'r' e cajúñ' e laco' ca'íiñ' dsee- quiá'- jaléng' dsea' jmigüi', jo lajoba' cajmigüeang' neiñ' laco' sí'í' fí' quini' Fidiéé' car' ngongí' jmí~.

15 Jo lalab tí' ni~ Jmiguí' quiá'- Fidiéé' e jáb'- e júu^ la mi~ fé' lala:

16 Jo lalab jíng'- Fí'naa' Fidiéé':

Jo e lab e júu^ tigua' e 'má- e nijmirøø- cóo'~ jaléng' dsea' Israel mi~ niguiéé' e jmí~ jo: Nicuøøø jaléng' dsea' quié-e e niliñir' jalé' júu^ quiu' ta~ quié-e, jogui nijmee~ e nijmér- náu'~bre jalé' e júu^ jo laco' sí'í'.

17 Jo dseáng'- jo' nijmiguiéng' dsii- jalé' dsee- e nica'éer' fí' quini-

cóo'~gui jalé' dsee- e nica'éer' cóo'~ jaléng' dsea' rúñ',
co' dseáng'- latab~ ni'íin'~n jalé' e dsee- jo.

18 Jo co' dseáng'- conguiab' nica'íing- Fidiéé' jalé' dsee-, joba' dseáng'- jo' 'né- fa' ee' líing~ feá'- nijj'-gui dsea' fí' quini' dsea' do e laco' ni'íiñ' jalé' dsee-.

Nicuóøng` e ningüing`naa' fí` Êé` Laniing` Güeang` quíá` Fidié`

19 Jogui lana fíi`guíi` 'nú', dsea` rú`naa' dsea` quíá` Dsea` Jmáang`, e cóo` e jmi'øøng` Dsea` Jmáang` e catuü` fí` dse` crúu` mi` cajúüñ` cuaiñ` quí`ii', la'eáang` cóo` e joba' lana nisea` fí` quí`ii' e nicuóøng` e ningüing`naa' e ja` 'gó`naa' jüi` capí` fí` Êé` li` Laniing` Güeang` fí` li` guing` Fidié` fí` ñiff`.

20 Co' la'eáang` e cajáng` 'ñaia' Dsea` Jmáang` e cajúüñ` fí` dse` crúu` uii` quí`ii', joba' nicaneáa`bre cóo` fí` 'míi` e laco' cuóøng` e ningüing`naa' fí` li` guing` Fidié`, co' cajéb` e lafa' 'mi' e sijni` fí` jo.

21 Jo co' Jesús ca'uíüñ` i` jmidsea` dsea` féng` i` laniing`gui quí`ii' i` ni`quie` nifi` quíá` lajaléng` dsea` quíá` Fidié`,

22 joba' madsiquiéeng`naa' cóo` Fidié` car` ngocáng` dsi`naa' jogui e nita` dsi`naa' e dseáng`- nijmitib` dsea` do jalé` júu` quíá`r`. Jo madsiquiéeng`naa' cóo` Fidié` cajo e jo` røø`naa' dsee` jogui e nilí`naa' lafa' dsea` sijgüing` cóo` jmií`.

23 Jo dseáng`- teáb` 'né` téé`naa' fí` guíü` li` nitée`naa' cóo` Dsea` Jmáang`, e dseáng`- ta` dsi`naa' e jáb`- júu` quíá`- dsea` do, co' dseáng`- nijmitib` Fidié` lajüi` júu` quíá`r` e nicacuø`r` jneaa`aa' lamí` jéeng`gui do.

24 Jo 'né`- nijmi'úum`bái' jial e nijmicóo`naa' jaléng` dsea` rú`naa' e nijmi'neáaiñ` rúüñ` jogui jial e nijmér`- jmang` e guíü`.

25 Jo fíi`guíi` 'nú', dsea` rú`naa' dsea` quíá` Dsea` Jmáang`, e ja` dseeng` fa' e nijmi'naang`- yee`ee' e ja` seáang`- rú`naa' lí` laco' jmóo` i` lüing` dsea`, co' o' lajo e 'né`- jmó` jneaa`aa'; co' lí` lí` 'né` e nicuóø`-gui bí` rú`baa' e laco' ja` nitá` fí` li` nitée`naa' cóo` Dsea` Jmáang`, jo eáang`gui 'né`- jmi'úung`naa' e jo lana, co' ninee`- jøø`baa' e nijaquíém` e tí` li` nigüéeng`-tü Fíi`naa' Dsea` Jmáang` fí` jmi`güi` la calé` catú`.

26 Jogui fón`n` 'nú', dsea` rú`naa', e song la ee`bái' dsee` e guita` dsi`naa' mi` cangí` e nicalicuíing`naa' Dsea` Jmáang`, joba' jo` sea` feá`- jóng e laco' cuóøng` e ni`íing`-gui jalé` e dsee`- jo` fíng` song jmoo`naa' lajo.

27 Co' song la ee`bái' dsee`, joba' eám` nisijéé` quí`ii' lajüi` iihuí` e nicuø` Fidié` mi` tí` li` ni`quidsir` í` quíá`- lajaang` lajaang` dsea` mi` nibíüñ` jaléng` i` dsea` i` 'ní` níi` quíá`r` fí` li` coo` jí` e ja` tóo` jmií` yu`.

28 Jogui nine`baa' e mi` jaang` dsea` ja` jmitir` laco' catüing` e júu` quíü` ta` quíá` Fidié` e cajme' Moí`, jogui song seeng` gáng`- si gaang` dsea` i` tíi` ni` quíá`- lajüi` e dsee` e ca'ée` i` dsea` do, joba' dseáng`- ja` míi` seab` jóng, co' dseáng`- ja` fi`íb` 'né`- júung` i` dsea` do uíi` e dsee` e nica'ée`r` do.

29 Jo dsu` iihuí` eáang`guib` ni`íng` jaléng` i` dsea` i` jmóo` ta` 'ní` níng` i` Jóo` Fidié` camüing` do cóo`-gui jaléng` i` dsea` i` ja` jmi`gó` e jmi'øøng` dsea` do cóo`-gui jaléng` i` dsea` i` fé` ga` uii` quíá`- Jmíguí` quíá` Fidié` e 'neáang` jneaa`aa' do cajo. Co' la'eáang` cóo` e jmi'øøng` dsea` dob e jmita` dsi`naa' e júu` tigua` e 'míi` e cacuø` Fidié`, jogui la'eáang` cóo` e jmi'øøng` dsea` dob cajo e caligüeang`naa' fí` quini` Fidié`.

30 Jogui nine`baa' e lalab cajíng`- Fíi`naa': "Jneab` dsea` catüñ` n` e ni`íi` i` í` laco' catüing` jogui e ni`quíi`- táa` lí` jialco' ée` dsea`." Jogui cajím`- biguir cajo: "Ñíá`baa` dsea` ni`quidsii` í` quíá`- jaléng` dsea` jmi`güi`."

31 Jo dseáng`- eám` ga` ni`í` fø' quíá`- jaléng` i` dsea` røøng` dsee` mi` ni`í` Fidié` i` seeng` car` ngongü` jmií` í` quíá`r`!

32 Jogui jmi`guiéng`- áa`na' cajo e ie` mi` tá` já`- calíng`-na' júu` quíá`- Dsea` Jmáang`, jmi`guiü` íng`- iihuí` ca'íng`-na', lifa' cajmee`-ba' té`na' cóo` jalé` e jo, jo` ja` calitüing`- óo`na' lajüi` fí` li` niteáang`-na' cóo` Dsea` Jmáang`.

33 Jo ie` jo, i` lüing`- 'nú' gab` café` dsea` uii` quíü`na' jogui gab` cajmeáng` dsea` 'nú' fí` quini` fíi` cajo. Jo mi` cangá` dsea` quíá`- Dsea` Jmáang` i` caguiaang`-gui e dsingüing`-na' lajo, joba' caquim`-bre cajo e ca'íñ` iihuí`.

³⁴ Jogui eáam' calí' fíi' líng'na' jaléng' dsea' rúng'na' dsea' quiá' Dsea' Jmáang' i cajníng' fí' dsí' 'nú'í' ie' jo, jogui ja' calíng'na' fí'í' mĩ' cajmée' dsea' i' jalé' e sea' qui'na', co' niñí'ba' guiá' e fí' ñifib' nisijéé' jalé' e jlo' qui'na' e ja' quí' jmi' fa' e ni'íng'.

³⁵ Joba' fíi' 'nú' lana e teá'gui síng' yaang'na' e ja' jmitúng' óo'na' lajii' fí' niteáang'na', dsuco' la'eáang' cóo' e joba' e ni'íng'na' jalé' e jlo' e nicuó' Fidiée' 'nú' mĩ' nití' í' lajo.

³⁶ Jogui fíi' guí' 'nú' e la guím'ba' 'né' e cóo' e féng' óo'ba' 'né' nijmití'na' lajii' e iing' Fidiée' e nijmée'na', jo lajoba' cuóong' e ni'íng'na' lajii' e nijíñ' e nicuó'r' 'nú' lamí' jééng'gui.

³⁷ Co' lalab fé'r' fí' ni' jì' quiá'r':

Jo dseáng' lajee' lajminá' nijáa'tu fí' jmi'gü' la i sí'í' nijáa', jo jo' fa' dseáng' li'íng'guir eáang'.

³⁸ Jo doñí' i' dsea' i' jmóo' lajii' e iing' jnea',

joba' niliseeiñ' la'eáang' e já' líiñ' júu' quié'e;

jo dsu' song i' dsea' ni'náng' 'ñia'r' lajii' fí' lí' nisiñ' cóo' jnea', joba' jnea', Fidiée', ja' iáang' dsii' cóo' i' dsea' í' jóng.

³⁹ Jo dsu' jneaa'aa' ja' lí'naa' dsea' i' jmi'náng' yaang' e fí' guiá' lí' nitée'naa' cóo' Dsea' Jmáang' e laco' nibíng' Fidiée' jneaa'aa' fí' lí' 'lí'; dsuco' jneaa'aa' nilí'naa' dsea' i' nita' dsí' cóo' Fidiée', joba' dsea' do nileáñ' jneaa'aa' jee' jalé' dsee' qui'ii' la'eáang' e já' lí'naa' júu' quiá'r'.

11

Jial lí' mĩ' dseáng' já' líng' dsea' júu' quiá' Fidiée'

¹ Jo e laba' fíi' guí' 'nú', dsea' rú'naa' dsea' quiá' Dsea' Jmáang', e mĩ' jaang' dsea' dseáng' já' líiñ' júu' quiá' Fidiée', joba' dseáng' nitab' dsí'r' jóng e nijmitib' dsea' do jalé' júu' e sí'reiñ', jogui dseáng' lafa' nica'ím'bre lajii' e nicamir' do nañí' fa' ja' mí' n'rer.

² Jo eáam' cali'íáang' dsí' Fidiée' cóo' jaléng' 'lí' dsea' áang' qui'naa' uí' e jáb' calíng' jaléng' dsea' do júu' quiá' dsea' do.

³ Jo uí' e já' lí'naa' júu' quiá' Fidiée', joba' nitab' dsí'naa' e la'eáang' cóo' júu' quiá'bre cajmээр' lajalé' e sea' fí' la'úng' fí' jmi'gü', jo lí' laco' cuóong' fe'ee' e lajalé' e ne'naa' lana ca'uíng' cóo' jalé' e ja' cuóong' ne'naa'.

⁴ Jo i' dsea'ñu' i' calisí' Abel i' caliséng' mali'gui eáang', la'eáang' e jáb' caliñ' júu' quiá' Fidiée', joba' cacuó'bre dsea' do cóo' feá' e guiá'gui laco'gui e feá' e cacuó' i' rúñ' i' calisí' Caín do, jo ca'ím' Fidiée' i' Abel do e líiñ' jaang' dsea' i' ja' røong' dsee', jogui ca'ím'bir lajii' e cacuóñ' do cajo. Jo ja' e lí' e mali'eb' eáang' nicajúng' i' Abel do, dsu' sea'bi júu' quiá'r' latí' lana la'eáang' e jáb' caliñ' júu' quiá' Fidiée'.

⁵ Jogui la'eáang' e jáb' calíng' júu' quiá' Fidiée' i' dsea' i' calisí' Enoc i' caliséng' mali'gui eáang', joba' condsée' cató' Fidiée' dsea' do fí' ñifí' e jii' ja' cajúñ'. Jo co' condséeb' cangáñ' fí' ñifí', joba' jo' i' cangá'gui quiá'r' mĩ' cangá' jo. Jo lí' laco' la fé' fí' ni' jì' quiá' Fidiée', e lajee' e nú'gui nitóø' dsea' do ír' fí' ñifí', jmang' e cali'íáang' dsí' Fidiée' cajmээр'.

⁶ Jogui ja' quí' jmi' e nijmó'oo' e nili'íáang' dsí' Fidiée' song ja' já' lí'naa' júu' quiá'r', co' doñí' i' dsea' i' iing' nijáng' yaang' fí' jaguó' Fidiée', jang' 'né' e jáb' nilíiñ' e dseáng' seem' dsea' do, jogui e cuó'bre jmang' e guiá' jaléng' i' dsea' i' cuó' bí' yaang' i' iing' nijmicuíng' ír'.

⁷ Jo lajob cajo i' lí' yúu' i' calisí' Noé, la'eáang' e jáb' caliñ' júu' quiá' Fidiée', joba' jáb' caliñ' mĩ' cajíng' Fidiée' e nidsijéé' jalé' e iihuí' e nijaquíéeng' e jii' ja' mí' ñí' dsea' jééng'gui, jo Noé cajmээр'bre náu'r' lajii' júu' quiá' Fidiée' ie' jo, jo cajmээр' cóo' móo' dsée' e ni'í' fí' ni' jmi' lí' laco'gui la ta' e caquiá' Fidiée' e nijmér', jo cóo' e job nilí'r'

nileáiñ̄ jaléng` dsea` sinúu` quiá'r- mī tí lī nitú` e jmáí` dsiinḡ do. Jo co' jáb'- calíng- Noé júu` quiá'- Fidiéé̄, joba' dsea` ja` røøm` dsee- ca'uíñ̄- fí` quini` dsea` do, jo dsu' jaléng` dsea` jmigüī caguiaang- gui ca'naam`bre quiá'- Fidiéé̄ lata`.

8 Jogui` 'lī` yúu` Abraham la'eáang` e jáb'- calíñ̄- júu` quiá'- Fidiéé̄, joba' cajméé`bre núu'r- mī cajíng'- dsea` do e 'né- nitár` góor` jo nidsér- nidsigüear` fí` guóo`- uó- fí` lī` huíi` fí` lī` nicajíng'- Fidiéé̄ e nicuó'- reiñ' lamí` jéeng`gui. Joba' cagüi`'bre e fí` góor` do colíng` cóo`- jaléng` dsea` sinúu` quiá'r- cóo`- gui jalé' e sea` quiá'r- e júi` ja` ñir` jie` fí` lī` ngóor`.

9 Jo la'eáang` e jáb'- calíñ̄- júu` quiá'- Fidiéé̄, joba' cangó- bre cangogüear` e fí` guóo`- uó- fí` lī` cajíng'- dsea` do lamí` jéeng`gui e nicuó'- reiñ' e nigüear` lafa' dsea` i` jáa' fí` lī` jie`. Jo 'núu` 'mib' cajme'r e caguár, jogui lajob calí- 'nu` i` jóor` i` sii` Isáa' do jogui` i` guieer` i` sii` Jacóo` do cajo, jo laji` huáang` i` dseañu` na ca'ím`bre lajii` e cajíng'- Fidiéé̄ e nicuó'- reiñ' lamí` jéeng`gui lí' laco' ca'íng` dsea` cóong` quiá'r- cajo.

10 Jo i` 'lī` yúu` Abraham do dseáng'- lamí` sijeem`bre e nigüear` e fí` fī` 'má- e ja` tóo` jmí̄` ni'íng- e cajíng'- Fidiéé̄ e nicuó'r- dsea` do. Jo 'ñiab' Fidiéé̄ dsea` caguiar` guiá- jogui cajme'r e fī` jo.

11 Jo la'eáang` e já- calíng- Abraham júu` quiá'- Fidiéé̄, joba' caquí`-bre jmí̄` e caliséng` jóor` cóo`- dseamí` quiá'r- i` sii` Sara, nañí` fa' eáam` nidseáaiñ̄- laji` huáaiñ̄ do. Jo lajob calí, co' dseáng'- jáb'- calíñ̄- e nijmitib` Fidiéé̄ lajii` júu` e nicacuó'- reiñ' lamí` jéeng`gui.

12 Jo ja` e lí' e eáam` nidseáang` 'lī` yúu` Abraham mī` tí lī` canaang` e liseeng` jóor', dsu' mī` cangí`gui lajo, i` 'leáam` dsea` sijur` caliséng` lí' laco'gui la fíng` núu` i` sitóng'- fí` yú'` jmigüī mī` canu, osi lí' laco' la jmiguiá` tóo` e née' 'ni'` jmiñí' e júi` ja` quá' dsea` jmí̄` nijmi'r`.

13 Jo jalém' i` dsea` í` cajúm- bre mī` catí` í' lajo quiá'- lajaang` lajaaíñ̄, jo júi` ja` mí` ca'ím`bir lajii` e cajíng'- Fidiéé̄ e nicuó'- reiñ' do lamí` jéeng`gui. Jo co' jaléng` i` dsea` do jáb'- calíñ̄- júu` quiá'- Fidiéé̄, joba' lí' e lafa' ca'ím`bre jalé' e jo; jo cóo`- jalé' e jo cajméé` e iáam` dsír', co' calilí`-bre e o' dseáng'- góor` fí` jmigüī la, co' lí' cateá'ba' ngúng`tear fí` jmigüī la lafa' jaang` dsea` i` iuung- fí`.

14 Jo jaléng` dsea` i` í` dsír' e o' dseáng'- góor` fí` jmigüī la, joba' cuøb' lī` quiá'r- e sijeem`bre e nidsiliñ̄ e fí` fī` 'má- quiá'- Fidiéé̄.

15 Co' faco' jaléng` i` dsea` do guim`bi dsír' uii` quiá'- e fí` lī` ca'uøøiñ̄ do, joba' caquim`- tur jóng e fí` jo faco' mī` cajméer` lajo.

16 Dsu' jaléng` i` dsea` í` eáang`guib calí`iñ̄ e nidsigüear` e fí` fī` 'má- e jlo' eáang` quiá'- Fidiéé̄ e sea` fí` ñifí`. Jo uiiing` e joba' Fidiéé̄ ja` jáa' e i' líiñ̄ e líiñ̄ Fidiéé̄ quiá'- i` dsea` do, co' nicaguia`bre guiá- e fī` 'má- jo fí` lī` nidsigüear` i` dsea` quiá'r- do lata`.

17 Jogui la'eáang` e jáb'- calíng- Abraham júu` quiá'- Fidiéé̄, joba' calinúu`-bre lajii` e camí' Fidiéé̄ ír' mī` cali'ing` dsea` do e ñir' su dseáng'- nijmiti` Abraham lajii` e nicajíng'- dsea` do e nijngáiñ̄- i` jóor` Isáa' do e laco' nicuó'iñ̄- dsea` do. Joba' ie` jo dseáng'- ni'í' ñijlī` quiá'r- e si'í` nijngám`-bre i` jóor` do, jo ja` e lí' e Fidiéé̄ nicacuø' júu` quiá'r- lamí` jéeng`gui mī` cajíñ̄- lala:

18 "La'eáang` cóo` i` jóo` Isáa' nab niliseeng` i` fíng` dsea` sijú' lí' laco' júu` quié- e cacuøø-ø` 'nu` lamí` jéeng`gui."

19 Jo co' niñib' 'lī` yúu` Abraham ie` jo e quíib` Fidiéé̄ jmí̄` nijmér- doñí` ee` jì`gui e nijmijí'r` jaléng` 'lī, joba' lajob cuøong` lí` fe`ee' quiá'- i` jóor` Isáa' do e lafa' cajib`túiñ̄ do, co' ja` cajúñ̄- ie` jo, jo e jo lí' coo` lī` e nidsijéé` cøong`gui.

20 Jogui la'eáang` e jáb'- calíng- i` Isáa' do júu` quiá'- Fidiéé̄, joba' cacuø'bre júu` quiá'r- i` jóor` gáng- do i` sii` Jacóo` jogui` i` sii` Esaú e guiáb- nidsijéé` quíaiñ̄- do.

21 Jogui la'eáang` e jáb'- calíng- i` Jacóo` do júu` quiá'- Fidiéé̄, joba' lajee` e tí lī` nijúuiñ̄, cajmigüeam`-bre lajaang` lajaang` i` guieer` i` líng` jóo` Sé` do, jo lajee` jo cajmiféiñ̄ Fidiéé̄ e siñúuiñ̄ e cuó' 'ma'u` quiá'r- do.

22 Jogui la'eáang' e jáb' calíng' i Sé' í júu' quiá' Fidié', joba' cajíñ' casí'r' jaléng' dsea' sinúu' quiá'r' lajee' e niráaiñ' e tí lí' nijúuiñ' e fí' Egipto do e ni'uóm' jaléng' dsea' góor' dsea' Israel mi' ningóogui jii' lajo, jo nidsiliñ' fí' guóo' uó' lí' nicajíng' Fidié' e nicuó' reiñ' lami' jéeng'gui. Jogui casí'gui Sé' jaléng' i dsea' sinúu' quiá'r' do e nicóo'biñ' do e móo' teáaiñ' fí' cōo' dsí' guóo' mi' tí lí' nitaiñ' fí' e nidsiliñ' e fí' jo, cō' jo' seeng' i Sé' do mi' nití' e í' jo.

23 Jogui la'eáang' e jáb' calíng' sejmii' Moi' júu' quiá' Fidié', joba' ca'méem'bre i yuu' Moi' do quiá'r' lajee' gaang' si' mi' cang' e caliséiñ' do; cō' calilí'bre e Fidiéeb' caguíng' i yuu' do quiá'r', jogui ja' cajmi'gór' lajii' ta' caquiú' dseata' dsea' féng' ie' jo e 'né' nijúung' jaléng' yuu' siñuú' quiá' dsea' Israel.

24 Jogui la'eáang' e jáb' calíng' i Moi' do júu' quiá' Fidié', joba' mi' tí lí' cacuaiñ', ja' calí'iiñ' fa' e nifé' dsea' e calí' niquiá'r' i dseam' i líng' jóo' dseata' dsea' féng' do, i dseam' i cajmicuóo' quiá'r' jii' ie' latí' mi' cadséng'neiñ' do e fí' 'ni' gua' Nilo.

25 Jo ja' calí'iiñ' fa' e calíiñ' dsea' sinúu' quiá' i dseata' dsea' féng' quiá' Egipto do, jo cōo' dsea' góor' dsea' Israel cangotáaiñ', cō' eáang'gui calí'iiñ' e ni'íñ' iihu' l' laco' la íng' dsea' góor' e lafa' e caliséiñ' juguiú' e nijmi'óo'r' cateá' jalé' e ja' dseeng' e sea' fí' jmigü' la.

26 Cō' ie' jo ca'f' dsí' i Moi' do e guiú' guib' ni'uúing' quiá'r' e ni'íñ' iihu' uí' e sijeeiñ' i dsea' i nisíng' Fidié' i nileáng' ír' cōo'gui jaléng' i dsea' góor' dsea' Israel e lafa' e niliseeiñ' juguiú' e nijmi'óo'r' jalé' e jlo' e sea' fí' quiá' i dseata' dsea' féng' quiá' Egipto do; jo ja' cajméer' lajo, cō' nitab' dsí' e ni'ím'bre lajii' e catíiñ' e nicuó' Fidié' ír'.

27 Jogui la'eáang' e jáb' calíng' i Moi' do júu' quiá' Fidié', joba' cagü'í'bre cōo' jaléng' dsea' góor' e fí' Egipto do e jii' ja' lí'r' 'gór' doñí' fa' dsíng' caligüing' i dseata' dsea' féng' do; jo ja' caquiíñ' tucaiñ' fí' lí' nisiñ', cō' núu'bre cajméer' laco' si'f' júu' quiá' Fidié' l' laco' cuóøng' fe'ee' e fa' dseáng' lanab' níiñ' i Fidié' i seeng' car' ngongü' jmí'.

28 Jogui la'eáang' e jáb' calíiñ' júu' quiá' Fidié' ie' jo, joba' cōo' jmí' ná'gui e ni'uóíñ' cōo' jaléng' dsea' góor' e fí' Egipto do, cajméebre núu'r' júu' quiá' Fidié' mi' caquiú' dsea' do ta' quiá' lajaléng' dsea' Israel e nisúuiñ' capí' jmí' jó' núu' fí' dse' jn' quiá'r' lajaang' lajaaiñ', jo lajoba' ja' nijúung' i jiuung' siñuú' la'uii' quiá'r' do mi' tí lí' ningíng' i dsea' mojí' i nijngáng' jaléng' i jiuung' siñuú' la'uii' quiá' dsea' Egipto l' laco'gui la ta' caquiú' Fidié' lami' jéeng'gui.

29 Jogui la'eáang' e jáb' calíng' dsea' Israel júu' quiá' Fidié', joba' mi' tí lí' ca'uóøíñ' fí' Egipto e cangotáaiñ' fí', jo lajee' teáaiñ' fí' cacuo'r' e jmiñí' e si' mar Rojo l' lafa' mi' ngír' fí' ni' guóo' uó' quiú'; jo cō' ngolíng' dsea' Egipto e øm'bre dsea' do, jo dsu' mi' tí lí' caguíling' i dsea' Egipto e nicuá'r' e jmí' jo, jo lajee' e ningolíiñ' guiá' jóob' jmiñí' mi' cajgór' jmí', joba' conguiab' cajúíñ' lajiiñ' jóng.

30 Jogui la'eáang' e jáb' calíng' dsea' Israel júu' quiá' Fidié', joba' cangír' cōo' ya' laco' jmí' lajee' guié' jmí' fí' lacúng' lajíng' e íá' cūu' e níí' eáang' e si' lacúng' e fii' Jericó. Jo mi' catí' e jmí' guié' do, job mi' caqui' e íá' cūu' do.

31 Jogui la'eáang' e jáb' calíng' i dseam' i calisí' Rahab do júu' quiá' Fidié', joba' ja' cajúíñ' colíing' cōo' i dsea' góor' i seeng' fí' Jericó do mi' tí lí' calíng' e fii' jo; cō' i dseam' do guiáb' calíñ' cōo' tú' máng' dsea' Israel i caguíling' fí' quiá'r' lami' jéeng'gui i cangoquie' cuente jial' l' e fí' jo. Jo i Rahab do lami' jmóor' ta' 'nínng' 'ñia'.

32 Jo jmiguiú' bi' sea' e 'né' fii' i 'nú' faco' dsitíng' quié' e lajo: fa' jalé' júu' quiá' jaléng' i dsea' la i já' calíng' júu' quiá' Fidié' ie' malí'gui eáang' do l' lajaléng' i dseañu' la: jaang' i calisí' Gedeón cōo'gui jaang' i calisí' Barac jogui jaang' i calisí' Sansón cōo'gui jaang' i calisí' Jefe' jogui jaang' i calisí' dseata' Daví' cōo'gui jaang' i calisí' Samuel, jogui jaléng' dsea' i café' cuaiñ' quiá' Fidié' cajo.

33 Jo la'eáang' e jáb' calíng' jaléng' i dsea` na júu^ quiá' Fidiée', joba' calí'bre jalé' 'nií e catiín' cóo' dsea` jíéng', jogui ca'íi'bre í' røø' jee' jaléng' dsea', jogui ca'ím'bre jalé' e guiá' e cajíng' Fidiée' e nicuó' reiñ' lami~ jééng'gui, jogui caquíi'bre jmi~ e caláaiñ' e ja` cajmeáng' ie' ír' jíi' cóo' mi~ cangotáaiñ' fí' jee' i jó' í'.

34 Jogui calisém'bi cajo i líng' dsea` i caquíi' jmi~ i cayu' jí' jo ja` cacáaiñ' cóo' e jí' do, jogui calisém'bi i caquíi' jmi~ i caleáang' yaang' e ja` cajúíñ' cóo' ñisú', jogui calisém'bi dsea` i caguá' fong', joba' dsea` laniim' ca'uíñ' quiá' jalé' jee' 'nií' jogui calí'bre jaléng' dsea` i 'ní' ní' quiá'r' cajo.

35 Jo calisém'bi jaléng' dseam' ie~ jo e la'eáang' e jáb' calíñ' júu^ quiá' Fidiée', joba' cangáb' tur e cají' tu jaléng' dsea` sinúu^ quiá'r' mi~ cang' e nicajúíñ'.

Jogui i líng'gui i dsea` i já' calíng' júu^ quiá' Fidiée' do ca'ím'bre iihuí' e eáang' cartí' cajúíñ', co' cajmeáang'gui quiá'r' e cajúíñ' e laco'gui e nileáiñ' ni' 'mó' fíng' catúr' júu^ quiá' Dsea` Jmáang', co' calilí'bre e guiá'gui nidsijée' quiá'r' mi~ nijí' tur calé' catú' fí' ñiff'.

36 Jogui i líng' i dsea` do eám' ga` ca'ée' dsea` cóo'r' co' cartí' cabøøng'neiñ' jogui caløøng'neiñ' cajo, jogui i líng'gui ca'ñung' cóo' ñí' cadena, jogui i líng'gui cajo cangotáang' fí' dsí' 'nuñí'.

37 Jogui i líng'gui i dsea` i já' calíng' júu^ quiá' Fidiée' do cajngab' dsea` quiá'r' cóo' layaang' cuu' osi cajméer' tú' 'náang' dsea` do cóo' ñí' sieer' é, osi cajúíñ' e calíéñ' ñisú' é. Jogui calisém'bi i dsea` í' cajo i ja` 'ga' lí' caliseá' jalé' e 'né', jogui cangir' fí' la fí' na e jíi' loo' jó'ba' lí' sí'r', jogui eám' ga` cajmeáng' jaléng' dsea` ír', jogui cacuø' reiñ' iihuí' e eáang' cajo.

38 Jo jaléng' i dsea` í' jíi' ja` catúíñ' e nidsingúíñ' jalé' e iihuí' do e fí' jmigüí' la fí' lí' seeng' dsea` dsee' dsea` qui', jo dsu' jaléng' i dsea` í' eám' ca'íñ' iihuí' e ngir' fí' la fí' na fí' jee' mó' jogui fí' ni' guóo' uø' quiá', jogui e jar' fí' ná' lí' sitá' 'loo' cuu' fí' lí' í' quiá' osi lacaang' lí' sitá' quiá' fí' 'náang' uø' é.

39 Jo nañí' fa' ca'ím' Fidiée' jaléng' i dsea` do e líiñ' dsea` i ja` røøng' dsee' fí' quinir' uí' e jáb' calíñ' júu^ quiá' dsea` do, dsu' jíi' jaang' i dsea` do lajee' taaiñ' fí' jmigüí' la ca'íñ' lajíi' e nicajíng' Fidiée' e nicuó' reiñ' lami~ jééng'gui quiá' e nisíñ' jaang' i nileáang' ír' jee' jalé' dsee' quiá'r';

40 dsuco' Fidiée' nicagui'r' e guiá'gui qui' jneaa'aa', joba' jaléng' i dsea` i cajúng' lami~ jééng'gui do ja` mi' ca'íñ' lajíi' e nicajíng' Fidiée' lami~ jééng'gui e nicuó' reiñ' cartí' mi~ niñíng'naa' lajalé'naa' e nicajíng' Fidiée' e nicuó'r' jneaa'aa' lami~ jééng'gui.

12

Jesúsbing' i 'né' quie' nifi' quí'ii'

1 Jo co' fíim' jaléng' dsea` quiá' Fidiée' i nicaliséng' ie~ mali' do tí' nir' fí' quini'naa' lana jial dseáng' já' calíñ' júu^ quiá' Fidiée' e car' ngocáng' dsíir', joba' jneaa'aa' lanagui 'né' e nisée'naa' cab' jalé' e ja` dseeng' e jmóo' jíi' quí'ii' jogui jalé' dsee' e jníng' quí'ii' e ja` cuø' fí' e nijmó'naa' e guiá', jogui 'né' e nijmi'úung'naa' e teá'gui nisíng'naa' lajíi' fí' guiá' lí' nitée'naa' lí' laco' catíng' e nijmé' jaléng' dsea` quiá' Dsea` Jmáang'.

2 Joba' fíi' i 'nú', dsea` rú'naa', e lí' laco' ca'ée' Jesús, lajob 'né' quie'naa' cuente e ni'ee'naa' cajo, co' la'eáang' dsea` dobing' canaang' e já' lí'naa' júu^ quiá' Fidiée', jogui la'eáang' íb' cajo i jmi'íé' e laco' sí' e já' lí'naa' do. Jo Jesús ja` caquíiñ' tucaíñ' mi~ ca'íñ' jalé' iihuí' lajee' e catáiñ' fí' dse' crúu' nañí' fa' e eám' ga' fí' quiá' jaléng' dsea` i júung' fí' jo. Co' niñí'bre e mi~ ning' e ni'íñ' e iihuí' jo, eám' guiá' ni'uíng' quiá'r'; jo e jáb', lajob calí', co' lana dob niguiñ' fí' ñiff' lí' lí' dsée' laco' guíng' Tiquiá'r' Fidiée'.

3 Jo uíi' joba' íi' óo'na' jalé' e guiá' e cajmée' Jesús lajee' e ga` cajmeáng' jaléng' dsea` dsee' dsea` qui' ír', jo uíi' joba' ja` 'né' fa' e nijmifíng' yaang'na' o'gui fa' e nijmitúng' áa'na' e teáang'na' fí' guiá' cóo'r'.

4 Co' 'nú' ja' mi' calíng'na' fa' e nicajúng'na' uí' e cuø'na' bí yaang'na' e ja' nijiúng'na' fí ni' dsee'.

5 Jogui 'né' e tóob' áa'na' cajo jalé' e cajíng' Fidié' fí ni' jì quiá'r' e s'lr' jaléng' 'nú', dsea' líng'na' jóor', co' lalab fé'r' fí ni' e jì jo:

Jóo'o, ja' jmoo' laan' mi' hí 'goo' quií',
o'gui jmitúng' o' cajo mi' jín' 'nú'.

6 Co' íb' jnea' 'goo' quiá' i' dsea' i' neáan',
jogui røøb' quidsii' í' cajo quiá' i' dsea' i' líng' jóo'o.

7 Joba' fí' 'nú' e ni' íim'ba' lajii' e 'goo' e hí Fidié', jo lajoba' dsea' do nito' fíim'bre 'nú' e líng'na' jóor'; co' ja' jíe' lí' seeng' jaang' jóo' dsea' i' ja' hí tiquiá' 'goo'.

8 Co' song Fidié' ja' hí' 'goo' quií'na' mi' 'né' lajo lí' laco' jmóor' cóo' jaléng' jóor', joba' cuøøng' fe'ee' jóng e jaléng' 'nú' ja' líng'na' dseáng' jóo' Fidié' jóng.

9 Co' ie' lamí' jiuung'naa' do, íb' tiquí'ii' 'goo' quií'ii' laco' catíng', joba' jmi'goo'baa're. Jo eáang'gui' 'né' e nijmi'goo'naa' Tiquí'ii' Fidié' dsea' guíng' níff' mi' hí' 'goo' quií'ii', jo lajoba' nilí'naa' e nilisee'naa' cøøng' cóo'r' lata'.

10 Jo lajee' e seeng'teáa' fí' jmigü' la, íb' tiquí'ii' 'goo' cajo lí' laco' jii' e í' dsír' e guiá'gui' quií'ii'. Dsu' Fidié' gui' hí'bre 'goo' quií'ii' e lí' laco' nilí'íng' ta' quií'ii' car' ngonghí' jmí', jo lajoba' ni'uíng'naa' dseáng' dsea' guíung' lí' laco' líiñ' 'ñia'r'.

11 Dsu' e já', ja' cuø' e íaang' dsí'naa' dseáng' ladsifí' mi' hí' Fidié' 'goo' quií'ii', co' hu'ím'jiu' lí' lajee' jo; jo dsu' song ni'íng'naa' e jo e ja' sée'naa' dsee', joba' guiáb' ni'uíng' quií'ii' jóng, co' lajoba' e ni'íng'naa' e nilisee'naa' juguiá' cóo' Fidié' e jmoo'naa' lajii' e iing' dsea' do.

Dseám' mi' ja' iing' dsea' núr' júu' quiá' Fidié'

12 Jo fí' guí' 'nú', dsea' rú'naa' dsea' quiá' Dsea' Jmáang', cuøø'gui' bí yaang'na' e laco' ja' nilitúng' áa'na' mi' í' óo'na' e eám' hu'íng' lajii' e fí' guiá' lí' niteáang'na',

13 jogui jmi'úung'na' e teá'gui nisíng'na' e fí' jo, jo lajoba' cuøøng' e nijmicóo'na' jaléng' i' dsea' rúng'na' i' ja' 'goo' teáang' teá' e fí' guiá' jo e laco' teá'gui nisíñ' fí' jo.

14 Jo jmi'úung'na' e seeng'na' juguiá' júu' røø' cóo' jaléng' dsea' rúng'na', jogui jmi'úung'na' cajo e laco' ja' nijiúng'na' fí' ni' dsee', co' jii' jaang' dsea' cuøøng' líseeíñ' cøøng' cóo' Fidié' song ja' ni'náng' 'ñia'r' jee' jalé' dsee' quiá'r'.

15 Jo jmi'úung'na' lajaléng'na' e laco' ja' nitú'na' lajii' e guiá' e ngíng'na' quiá' Fidié'. Jo ja' cuø' fí' yaang'na' cajo fa' e nijmée'na' guíng'na' uii' quiá' jaléng' dsea' rúng'na', co' e jo lí' lafa' e nilíng'na' cóo' onuu' e guií'; co' fíng' líng'na' lajo, joba' dseám' e ni'lee'na' quiá' jaléng' dsea' rúng'na' jogui e nidsicuáng'gui dsee' quií'na' cóo' jaléng' dsea' caguiaang'gui.

16 Jo jii' jaang' 'nú' jie' mí' 'lee'na' e nigü'ng'na' cóo' dsea' i' o' quií'na', jogui jie' mí' jmoo'na' e ja' nijmi'goo'na' lajii' ta' quií' Fidié' lí' laco' cajmée' jaang' dseañu' i' calisí' Esau' ie' malí'gui' eáang' mi' ja' cajmí'gór' lajii' e catíiñ' quiá' Fidié'; co' i' dseañu' í' líiñ' síñu' la'uii' quiá' tiquiá'r', jo dsu' catú'bre e líiñ' lajo ie' lamí' casiúíñ' cóo' hu'í' e a' jmiñ'.

17 Jo níb' 'nú' guiá' e mi' cang'gui lajo, mi' cali'íng' tiquiá'r' e nicuø' reiñ' lajii' e catíiñ' do dsu' uii' e líiñ' jóor' la'uii', dsu' ja' caquí' jmí' fa' e calíng'guir e jo, co' catú'bre e líiñ' lajo lajii' lamí' jéeng'gui; jo nañí' fa' eám' camír' jmi'lee' cartí' caquí'r' ie' jo, dsu' jo' e mí' caliseá' quiá' lajii' e cajmée'r' do.

18 Jo fí' guí' 'nú', dsea' rú'naa' dsea' quiá' Dsea' Jmáang', e ja' caguiquiéeng'na' fí' quini' Fidié' laco'gui' cajmée' dsea' áang' quií'naa' dsea' Israel ie' lamí' cangoquiééíñ' e fí' tí' mó' Sinaí' ie' lamí' cang'íiñ' e júu' quií' ta' quiá' Fidié'; co' ie' jo e fí' jee' mó' do uøø' níng' jì jogui sibé' jní' e nuu' sò' jogui e eáang' hí' guí' jogui e quie' gü'ñiá' cajo;

19 jogui canúur̄ cajo jial tí' teá' ca'iī- lúu' trompé' jogui canúur̄ jial tí' teá' caná' luu' Fidiée'. Jo jaléng' dseá' i canúu- luu' Fidiée' iē jo camir' jmi'ee' e niqiuúm' dseá' do lajiī' e fé'r' do,

20 co' iē jo dseáng' eáam' cafóng' jaléng' i dseá' do mī canúur̄ e caquiú' Fidiée' ta' lala: "Doñi' iī dseá' i nisi' tiī e fi' mó' la 'né- nijúum-bre cóo' layaang' cuu' osi cóo' ñisu' é, jo ja' e lí' doñi' fa' jaang' jó', lajob 'né- líng' ne' cajo."

21 Jo dseáng' eáam' cafóng' jaléng' dseá' áang' qui-naa' mī cangár- jalé' e jo, co' jì'gui carti' Moi' cajíi' iē jo e 'gó'r' carti' jléeiñ.

22 Jo dsu' jaléng' 'nú' ja' calíng-na' lajo, co' niseab' fi' qui-na' e nigüiquiéng'na' dseáng' condseé' e fi' yú' mó' Sión fi' dseáng' li' guing' Fidiée' i seeng' car' ngongh' jmiī, jo e fi' job li' sii' Jerusalén 'miī e sea' fi' ñifi' fi' li' siseáng' i 'leáang' ángeles i jmféng' Fidiée'.

23 Jogui lana niseab' fi' qui-na' e niseáng'na' colíng' cóo' jaléng' dseá' quiá' Dseá' Jmáang' i caliséng' iē malī'gui do jo i nitaang' fi' ni' jì' quiá' Fidiée' fi' ñifi'. Jogui cajo niseab' fi' qui-na' e nigüiquiéng'na' fi' quini' Fidiée' i quidsi' í' laco' catíng' quiá' jaléng' dseá' jmigüi; jogui niseab' fi' qui-na' e niseáng'na' colíng' fi' ñifi' cóo' jalé' jmigüi' quiá' jaléng' dseá' i nicaláang' jee' jalé' dsee' quiá', jo lana nilíiñ dseáng' laco' iing' Fidiée' e líiñ.

24 Jo niseab' fi' qui-na' cajo e cuóong' e niguilíng'na' dseáng' condseé' fi' quini' Fidiée' fi' li' niguing' Jesús lana, i dseá' i caneáa' e fi' jo. Jogui íb' dseá' cajo i cacuo' jmi'øong' e laco' sea' fi' quiá' jaléng' dseá' lana e niliseeñ' cøong' cóo' Fidiée' la'eáang' cóo' e júu' tigua' e 'miī e cacuo' Fidiée'; co' e jmi'øong' Jesús do eáang'gui laniing' laco'gui e jmi'øong' Abel i caliséng' iē malī'gui do.

25 Joba' fiī i 'nú', dseá' rú'naa' dseá' quiá' Dseá' Jmáang', e contøom' 'né- ñiing' óóna' e nijmée'na' núu'na' lajiī' júu' e sí' Fidiée' jneaa'aa', dsuco' ne'baa' e iē malī'gui do jaléng' i dseá' i ja' calinúu' júu' quiá'r- ja' caláaiñ' jee' jalé' iihuú'. Jogui jneaa'aa' eáang'guib' ja' quí'naa' jmi' fa' e nileáng'naa' jee' jalé' iihuú' e catí'naa' song' nijmó'naa' laang'naa' lajiī' e júu' e sí' Fidiée' jneaa'aa' e cangüiñ' cóo' Joor' Jesús fi' jmigüi' la e jáa' tí' ñifi'.

26 Jo iē malī' do e luu' Fidiée' do cajmée' e cajlé' guóo' uó' fi' mó' Sinaí, dsu' lanagui jíng' Fidiée' e o' jiī' guóo' uó' nijmér- e nijlé-tu, co' la quie' tí' yú' jmigüi' nijmér- e nijlé'.

27 Jo mī fé' Fidiée' e nijmér- e jo calé' catú', joba' niñi' dseá' e ni'ím- dseá' do jalé' e cajmээр' mī caguia' uiiñ' jmigüi, jo nisé'guir' fi' jmigüi' la lajiī' e ja' quí' jmi' e ni'íng'.

28 Jo ja' quí' jmi' fa' e ni'íng' e Fidiée' quier' nifi' quiá' jaléng' dseá' quiá'r-, joba' lana 'né- nicuøø'baa' gui'máang' dseá' do jogui e nijmiféng'naa'r e ngocáng' dsi'naa' jogui e nijmi'goo'naa'r e nijmó'oo' jmang' jalé' e tí' dsíir'.

29 Joba' majmé'naa' lajo, co' Fidiée' qui-i' líiñ' lafa' coo' jì' e íng' congua' lajalé'.

13

Jalé' e iáang' dsí' Fidiée'ba' 'né- jmó'oo'

1 Jo lalab fiī-guú' 'nú', dseá' rú'naa' dseá' quiá' Dseá' Jmáang-, ja' tiúung'na' e jmi'neáang'na' jaléng' dseá' rúng'na' lí' laco' catíng' e jmóo' jaléng' dseá' quiá' Dseá' Jmáang-.

2 Jogui íng'na' e iáang' óóna' jaléng' dseá' i guilíng' fi' qui-na' i jalíng' fi' li' jié', co' mī cajmée' dseá' lajo lamí' jéeng'gui, i líng' i dseá' i caguilíng' fi' quiá'r- do líiñ' ángeles e jiī' ja' calilí'r' e líiñ' do lajo.

3 Jogui jmicóo'na' jaléng' dseá' i sijnúng' fi' dsí' 'nuñi' lí' laco' iing'na' e nijmé- dseá' cóo' 'nú' fa' mī 'nú' sijnúng'na'. Jogui jmicóo'na' cajo jaléng' dseá' i nicajmé' dseá' ga' quiá' lí' laco'gui iing'na' e ni'é- dseá' guiá' cóo' 'nú' song' cajmeáng' dseá' 'nú' lajo.

4 Jo lajaléng' 'nú' eáam' 'né' e nijmi'goo'na' quíá' e cung' guoo' dsea, jogui jie~ mí' lee'na' e güüing'na' cóo' dseañu' osi dseam' i o' quí'na'; co' Fidiéé' niquidsí' í' laco' catíng' quíá' jaléng' i dsea i güüing' cóo' dseañu' osi dseam' mi~ ná'gui e nicúng' guór' osi jaléng' i dsea i jmóo' lajo cóo' dsea i o' quíá'r' mi~ ningf' e nicúng' guór'.

5 Jo ja' jmoo'na' e eáang' suung'na' jalé' cuu, co' lí' lí' 'né' e nijmi'íáang' óo'na' cóo' lajii' capi' e sea' quí'ba', co' lalab fé' Fidiéé' fí' ni' ji' quíá'r': "Ja' quí' jmi' fa' e nijmihuíng' 'ñiá'a cóo' 'nu' o'gui fa' e nitiúun' 'nu' cajo."

6 Joba' lalab cuóøng' fé'naa' e dseáng' ta' dsi'naa':

Fí'i Fidiéeb' dsea i jmicóo' jnea~;

joba' ja' 'gó'o' jii' capi' ee' iing' dsea jmigüi' nijmér' cóo' jnea~.

7 Jogui jmiguiéng' áa'na' cajo quíá' jaléng' dsea' rúng'na' dsea' quíá' Dsea' Jmáang' i nicajmicóo' 'nú' lamí' uii' quíá' jialjá' calíng'na' júu' quíá' Fidiéé'; jogui í' óo'na' jial caliséiñ' cøøng' cóo' Fidiéé' cartí' catí' í' e cajúíñ', joba' teá'gui síng' yaang'na' cóo' júu' quíá' Dsea' Jmáang' lí' laco'gui cajmée' i dsea' í' cóo' júu' quíá' dsea' do.

8 Jo ja' sisíng' jii' capi' Fí'naa' Dsea' Jmáang', co' røøb' líng' dsea' do latí' lajii' lamí' ná'gui e nitirøø' jmigüi' jogui lana lí' car' ngongü' jmi' lajob líng' dsea' do.

9 Jo ja' cuø' fí' yaang'na' fa' e nijmi'goo'na' jalé' júu' e ja' cøøng' røø' cóo' júu' quíá' Dsea' Jmáang'. Co' eáang'gui quíng' e tee'naa' teá' fí' guiá' cóo' Dsea' Jmáang' la'eáang' e 'neáang' Fidiéé' jneaa'aa' e lafa' e jmití'naa' júu' cuaiñ' quíá' jalé' e cuóøng' osi e ja' cuóøng' dø' dsea' é; co' jalé' e jo ja' ee' ta' íng' jii' coo' fa' e nijmicóo' quí'ii' fí' lí' nitée'naa'.

10 Jogui jneaa'aa', dsea' lí'naa' dsea' quíá' Dsea' Jmáang', seab' lafa' feá' quí'ii' e jii'naa' fí' quini' Fidiéé' mi' jmféng'naa're. Jo dsu' ja' fí' sea' quíá' jaléng' jmidsea' i lamí' jii' jalé' feá' fí' quini' Fidiéé' lamí' jééng'gui fa' e nidø'r' e lafa' feá' quí'ii' do.

11 Co' ie~ lamí' jééng'gui do, e ta' quíá' jmidsea' laniing' quíá' dsea' Israel quíá' e nidsicar' jii' jmi' jó' catí' Ée' lí' Laniing' Güeang' quíá' e 'nú' 'mi' e lí' jmféng' jaléng' dsea' do Fidiéé', jo cuø'r' Fidiéé' e jo e laco' la'uii' ni'íng' dsee' quíá'r' 'ñia'r', jogui mi' ningf' jo, ni'íng' dsee' quíá' jaléng' dsea' góor'; jo dsu' i jó' i ca'uøø' jmi'øøng' do, cartí' caluu' fiib' dsijiñ' í'.

12 Jo lajob calí' cóo' Jesús cajo, fí' caluu' fi' Jerusalén cajúíñ' e laco' cóo' e jmi'øøiñ' e catuu' do cajmээр' cóo' jaléng' dsea' quíá'r' e jo' røøng'guiñ' dsee'.

13 Joba' fi' 'nú', dsea' rú'naa' dsea' quíá' Dsea' Jmáang', 'né' e lafa' e nidsé'naa' cóo' dsea' do fí' caluu' fi' e ja' í' lí'naa' fa' jialgui la fé' dsea' ga' uii' quí'ii' lí' laco'gui cajmée' dsea' cóo' dsea' do.

14 Co' ja' sea' quí'ii' fí' jmigüi' la lí' see'naa' lata~, dsu' sijeem'baa' e nilisee'naa' e fí' fi' 'mü' quíá' Fidiéé' e néé' fí' ñifí' quíá'r', co' e job fi' e sea' lata~.

15 Jo uí' e joba' contøøm' 'né' jmféng'naa' Fidiéé' la'eáang' cóo' Fí'naa' Dsea' Jmáang', jo e lab lí' lafa' e feá' e 'né' e nijii'naa' fí' quini' Fidiéé'. Jo contøøm' 'né' e nijmféng'naa're cóo' lajalé' e fé'naa'!

16 Jo e laba' 'né' cajo e contøøng' 'né' jmée'na' e ni'ee'na' guiá' cóo' jaléng' dsea' rúng'na' jogui e nijmicóo'na'r cóo' jalé' e sea' quí'na'; dsu' jalé' e naba' lí' lafa' e feá' e nijii'na' fí' quini' Fidiéé' e laco' cuø' e íáang' dsíir'.

17 Jo 'nú', jmee'ba' ná'na' cóo' jaléng' dsea' quie' nifí' quí'na' jogui jmi'goo'na' dsea' do cajo, co' íb' dsea' i néé' ni' 'nú' contøøng'; co' niñib' i dsea' do guiá' e fí' quini' Fidiéeb' niguiéer' cuente jalé' e jmóor' cóo' 'nú'. Jogui cuøø' bí' yaang'na' e guiá' ta' nijmée'na' fí' quini' i dsea' do, jo ja' jmeáang' yaang'na' e nijmée'na' laguidseaang' doñí' ee' jmoo'na', co' fíng' song' jmoo'na' lajo, joba' ja' e ta' nili'íng' quí'na' jii' coo' jalé' e jo.

18 Joba' sí'naa' 'nú', dsea' rú'naa' dsea' quíá' Dsea' Jmáang', e nimí'na' Fidiéé' uii' quí'naa'. Jo nitab' dsi'naa' e Dsea' Jmáam'bing' i nicalíng' congua' jalé' dsee' quí'naa', jo uí' joba' ii'naa' e contøøm' ni'ee'naa' e guiá' cóo' lí' doñí' ee' jalé' e jmoo'naa'.

¹⁹ Jogui la guím`mí`i`nú` cajo e nifóng`na` Fidié` uii` quié` e e laco` dsea` do nicuó`r` jnea` fí` e lajee` lajminá` niliseeng`túu` cóo`~`nú` calé` catú`.

Júu` lí` ngóo` cadséng` e catãng` dsea` Israel

²⁰ Jo mí`i` Fidié` i` cuø` e see`naa` juguiá` júu` røø`, jogui` i` cajmée` e cají`tu` Fí`naa` Jesús`jee` jaléng`~`lí`~, jogui` i` jmóo`í` jneaa`aa`, dsea` lí`naa` lafa` jo`se` quiá`r`~; joba` mí`i` la`eáang` cóo`~`jmi`øøng` Dsea` Jmáang` e catuu` fí` dse` crúu` e tí` ní` lata` e júu` tigua` e`mí` e cajmée` Fidié` cóo`~`jneaa`aa`,

²¹ joba` mí`i`ire e la`eáang` cóo`~` e job` nijmér` e ni`uíng`na` dsea` guiúng` i` ée` røø` laco` sí`í`, jo` lajoba` cuøøng` e jmée`na` dseáng`~`lajjí`~ e iin`~; jogui` mí`i` dsea` do e nijmér` lají`~ e iin` cóo`~`jneaa`aa` e iáang` dsíir` la`eáang` cóo`~` i` Jóor` Dsea` Jmáang`. Jo` majmifém`baa` Dsea` Jmáang` lata`! Jo` lajob` 'né` lí`.

²² Jo` mí`i``nú`, dsea` rú`naa` dsea` quiá`~` Dsea` Jmáang`, e ni`ím`ba` e féng` óo`na` lají`~` capí`^` júu` cuø` bí` e nicafí`~`nú` e fí` ní` jì` quié` e la.

²³ Jogui` jmóo`o``nú` júu` cajo e i` dsea` rú`uu` dsea` quiá`~` Dsea` Jmáang` i` sii` Timoteo nicagüi`í`bre fí` dsí`~`ñí`^; jo` song` cagüeiñ` fí` la lajminá`, joba` nijøøm`baare fí` na mi` nini`i` ni`ee`e`nú` jóng.

²⁴ Jogui` guicóob`~` jaléng` dsea` quiá`~` Dsea` Jmáang` i` quié` nifí` quié`na` fí` na, lí`~` lajaléng` dsea` rú`naa` dsea` quiá`~` Dsea` Jmáang` caguaang`gui` i` seeng` fí` na. Jogui` guicóo`~`baa` jíng`~` jaléng` dsea` rú`naa` dsea` quiá`~` Dsea` Jmáang` i` neáang` fí` la fí` lí` se` Italia.

²⁵ Jo` güi`íib` Fidié`~`güea`^` quiá`r`~` fí` jee``nú` lajaléng`na`. Jo` lajob` nilí`.

Ji e cajme' TIÁA~

¹ Jnea~ sii~ Tiáa~, jaang`dsea` i jmoó` lajii~ e iing~ Fidiée` cóo` gui Fíi`naa' Dsea` Jmáang~, jo jmo'o e ji` la e catúing~ laji` guitu` 'lé` dsea` Israel i lúing` dsea` quía~ Dsea` Jmáang~ i sisoo` sijóng` fí` la'úing` fí` jmigüi`. Guicóo`baa' lajaang` lajaang`na'.

Fidiée`bing' i jmicóo` dsea` e ñir` e~ nijmér`

² Dsea` rú`naa' dsea` quía~ Dsea` Jmáang~, güili'iaang` óo`na' mi~ íing`na' lí` doñi' ee` e huíing`,

³ dsuco' niñib` 'ná' guiá~ e mi~ móo`na' jalé` e huíing` do, joba' eáang`gui sea` bí` quíi`na' e té`na' fí` guiá~ lí` niteáang`na' cóo` Dsea` Jmáang~.

⁴ Jo co' jmi'úum`ba' e dseáng` té`ba' e nisíng`na' teá`gui e fí` guiá~ do cóo` jalé` e dsingúing`na' do, joba' niliguiúing`na' laco' sí`f` fí` quini` Fidiée`.

⁵ Jo song jaang` dsea` lajee` la'ó` 'ná' ja` ñir` e~ nijmér` quía~ lí` doñi' ee`, joba' 'né` e nimí`r` Fidiée` e nijmicóo` quía~ e ni`f` dsír` e~ jalé` e nijmér` quía~ jalé` e camir` do; co' í`bing' cuø' jaléng` dsea` lalíng` jogui e íaang` dsír` mi~ mi' dsea` ír` e jmicóoiñ` do quía~r`, jogui ja` e 'gaaíñ` jii~ cóo` quía~ jalé` e jo cajo.

⁶ Dsa' mi~ nimí`r` Fidiée` lajo, 'né` e jáb` niliñ` e nijmicóob` dsea` do quía~r`, jogui ja` í` dsír` jii~ cóo` fa' e dsea` do ja` nijmicóo`r` cóo` e jo; co' song ii` dsea` ja` oor` júu` ta` dsíi' e nijmicóo` Fidiée` quía~r`, joba' i dsea` í` lúíñ` lafa' jmi` mi~ dsiguíng` cóo` guí` fí` la fí` na.

⁷ Jo i dsea` i lúing` lajo ja` güi`f` dsír` fa' lúing` ee` nijmicóo` Fidiée` quía~r`, co' ja` niñiñ` jii~ cóo` e jo quía~ dsea` do.

⁸ Co' i dsea` la'f`, lana` í` dsír` cóo` jogui dsa'ó` e jiéb` ni`f` dsír`, jogui ja` ía` dsír` cóo` jalé` e jmóor` do cajo.

⁹ Jo fii` guí` 'ná', dsea` rú`naa' dsea` quía~ Dsea` Jmáang~, e ii` lajee` la'ó` 'ná' i ja` 'ga' lí` sea` quía~ fí` jmigüi` la, joba' 'né` e nijmi'iaam` dsíi' i dsea` la'f`, co' Fidiée`bing' i niseáng` i dsea` do yú` mi~ nití` oor` quía~r`.

¹⁰ Jogui lajobi cajo ii` lajee` la'ó` 'ná' i sea` cuu~, 'né` e nijmi'iaam` dsíi' dsea` do fíng` cajmée` Fidiée` e nijgiáaiñ` dsea` do, co' i dsea` sea` cuu~ do lúíñ` lafa' cóo` lí` quía~ lí` doñi' ee` onuu`, co' ja` huøø` té` e jí`.

¹¹ Co' mi~ niliguii` iee`, dsifí` lajob` lífíng` lí` quía~ e onuu` do, jo dsifí` ladob` nité` fí` ni` uó~, jogui íim` lajii~ e ía' do. Jo lajob` lí` cóo` i dsea` sea` cuu~, co' mi~ nití` oor` quía~r` e nidséiñ` fí` jmigüi` cóo`, catú`bre lajalé` e sea` quía~r` fí` jmigüi` la.

Mi` dsingúing` dsea` jalé` e huíing`

¹² Juguiá` jiu quía~ jaléng` dsea` i jmoó` té` cóo` jalé` huíing` e dsingúiiñ` uíi` e ja` jmóor` jalé` e ja` dseeng`, dsuco' mi~ ningí` e cajméer` e jo, joguiba' ni`íñ` lajii~ e guiá~ e catúiiñ` e niliseeiñ` cøong` cóo` Fidiée` lata~, co' lajob` júu` cacuø' Fidiée` lamí` jéeng`gui quía~ jaléng` dsea` i jmi'neáang` ír`.

¹³ Jogui mi~ iing` jaang` dsea` e nijmér` e ja` dseeng`, jo ja` güi`f` dsír` e Fidiée`bing' i jmoó` e iñ` e nijmér` lajo, co' Fidiée` ja` catúiiñ` jii~ capí` fa' e nijmér` e ja` dseeng`, o`gui jmóor` fa' e lajob` nijmé` dsea` jiéng` cajo.

¹⁴ Dsa' ja` lí` lajo, co' lí` lí` yaam` dsea` í` dsír` ga, jogui yaam`bre cajo iñ` e nijmér` jalé` e ja` dseeng`, co' job` liquiéé` quía~r` e niligøøiñ` e nijmér` jalé` e ja` dseeng` do.

¹⁵ Jo cóo` jalé` e ga` e í` dsír` do, e joba' jmoó` e jmiróng` dsee` yaaiñ`. Jogui mi~ ni`múing` eáang` e dsee` do, joba' i dsea` í` ni`nám`bre cóo` Fidiée` lata` jóng`.

¹⁶ Joba' fii` guí` 'ná', dsea` rú`naa' i 'neáan` eáang`, ja` jmigøøng` yaang`na' cóo` jalé` e jo.

17 Jo Fidiée'bing' i cuø' jneaa'aa' jalé' e guiá' jogui jalé' e niguó', jo íb' cajo i cajmeáng' jaléng' i jmiijneá' j' i seeng' fí' yá' jmigüí' e laco' sea' jmií' jogui sea' uøø. Jogui 'ña' Fidiée' ja' tōo' jmií' fa' e nilisúin' laco'gui lisáng' jalé' j' i seeng' fí' yá' jmigüí', co' ja' quí' jmií' e nilí' lajo, co' dseáng' røøb' líng' dsea' do lata'.

18 Jo co' Fidiée' 'ña'bre cali'iiñ', joba' cacuø' e nilisee'naa' cøøng' cōo'r' la'eáang' cōo' e já' lí'naa' júu' quía' Dsea' Jmáang'. Jo cajméer' lajo e laco' jaléng' jneaa'aa', dsea' lí'naa' dsea' quía'r', nisíng'naa' fí' quini'gui jee' jaléng' dsea' i nijmé' Fidiée' i nilíng' dsea' quía'r'.

Jial lí' mi' dseáng' e já' e licuíng' dsea' Dsea' Jmáang'

19 Jo téé' óo'na' jalé' e júu' la, dsea' rú'naa' i 'neáan'n eáang', e lajim' 'nú' 'né' guiéeng' guiá' yaang'na' e ninúu'na' røøb'; dsu' ja' 'né' fo'na' ladsifí' e ja' mí' ca'í' óo'na' røø, o'gui cuó' fí' yaang'na' e jmée'na' guíng'na' quía' doñí' ee' e jmóo' dsea' cōo' 'nú'.

20 Dsuo' mi' jmiguíng' dsea' rúin', joba' ja' éer' røø laco' catíng' e jmóo' dsea' quía' Dsea' Jmáang', co' ja' jmóor' laco' íaang' dsí' Fidiée' e nilí'.

21 Joba' fí' 'nú' e 'né' tá'ba' jalé' e ja' dseeng' e jmoo'na' fí' jmigüí' la, jogui ca' 'naang'na' cajo jalé' e 'li' e sea' fí' jmigüí' la, jo íng'na' e ngocáng' óo'na' lajii' júu' quía' Dsea' Jmáang' e nicanúu'na', dsuo' e júu' joba' e quí' jmií' e nileáng'na' jee' jalé' dsee' quí'na'.

22 Jo dsu' ja' e ta' íng' quí'na' lico' nuu'na' e júu' jo song ja'gui jmití'na'. Dsuo' song ja' jmití'na' e jo, joba' lí' jmigøøng' yaam'ba' jóng e líng'na' dsea' quía' Dsea' Jmáang'.

23 Jo jaléng' i dsea' i lico' núu' e júu' jo dsu' ja'gui jmitir' laco' catíng', joba' i dsea' í' líin' lafa' jaang' dsea' mi' jøøng' 'ña'r' dsí' sí' jo jnéem' jial laco' ír';

24 jo dsu' dsifí' mi' cangí' e cangáng' 'ña'r' dsí' e sí' do, ca'ím' dsíir' jialco' líin' ladsifí' lado jóng.

25 Jo dsu' i dsea' i ja' íng' dsí' jalé' e júu' quía' Dsea' Jmáang' e núur' do, jogui náu'bir e ngocáng' dsíir' e jo, joba' dsea' í'bing' i contøøm' tōo' dsí' e nileáin' jee' jalé' dsee' quía'r' la'eáang' cōo' júu' quía' Dsea' Jmáang', jogui íb' cajo i niliseeng' juguiá' cōo' Fidiée'.

26 Jogui song jaang' dsea' í' dsíir' e líin' dsea' quía' Dsea' Jmáang' jo dsu' mí' 'noo'bi fé'r' júu' e ja' dseeng', joba' i dsea' í'bing' i jmigøøng' yaang' e líin' dsea' quía' dsea' do, jo dseáng' ja' ee' ta' íng' jii' cōo' quía'r' cōo' lajii' e fé'r' do e cuíin' Dsea' Jmáang'.

27 Jo lajii' dsea' i ja' beáng' dsee' yaang' cōo' jalé' e 'li' e sea' fí' jmigüí' la, jogui jmicōo'r' jaléng' jiuung' 'nii' jogui jaléng' dseamí' i 'nii' cōo' jalé' fí'í' dsí' e sea' quía'in' do, jo lajii' dsea' í'bing' i dseáng' lajang' líng' dsea' quía' Dsea' Jmáang', jogui ja' ee' sí'líin' jii' cōo' fí' quini' Fidiée' cajo.

2

'Né' ée' dsea' røøb' cōo' jaléng' dsea' rúin'

1 Jogui fí' guí' 'nú', dsea' rú'naa' dsea' quía' Dsea' Jmáang', co' 'nú' líng'na' dsea' quía' Dsea' Jmáang' i dsea' i laniing' 'gøng' do, joba' 'né' e ee'na' røøb' cōo' jaléng' dsea' jmigüí'.

2-3 Cofa' lí' lí' lala: e cōo' lí' siseáng'na' fíng'na' colíng', jo lajee' e siseáng'na' do niguiéé' jaang' dsea' i sea' cuu' i qui' 'mí' e jlo' jogui quier' ní' ía' niguoo' e 'mo' eáang', jo joba' eáam' guiá' ni'íng'na're, jogui jaang' 'nú' nifí'na're lala: "Ní' e fí' lí' jlo'gui la." Dsu' lajee' job' cajo niguiéé' jaang' dsea' tińíng' e fí' lí' siseáng'na' do i qui' 'mí' e sito', jo jaang' 'nú' nifí'na're lala: "Do güinootea 'nu' lí' doguijia", o'si "Güiguieeng'tea uø' lí' ni' uø' lí' do."

4 Jo song lajobi fó'na', joba' gab' lí' quí'na', co' nijmoo'na' e niguíim'ba're jóng uí' e ní'í' óo'na' e dsea' sea' cuu'bing' i niing'gui, dsu' o' lajo.

⁵ Jō náū-na' jalé' e nifí^hguí^h 'nú' la, dseá rú'naa' dseá quiá'- Dseá Jmáang-: 'Né- nicá- 'nú' cuente e Fidiéé^hbing' nicaguíng' jaléng' dseá tiñíng- fí quini^h jaléng' dseá jmigüí e laco' ni'uíñ- do dseá i lajang'- teáang- teá fí guíá- cóo' Dseá Jmáang- laco' sí'í, jōgui lajōba' e ni'íng' i dseá í e Fidiéé^h quié nifí quiá'r- lí' laco' jii' e nicajíng'- dseá do lami^h jééng'gui e nicuó'r- jaléng' dseá i 'neáang' ír.

⁶ Jō dsu' 'nú' lí- lí jmi'uóng^hna' jaléng' dseá tiñíng-, co' ja' jmi'goo'na're. Jō zja`cá'na' cuente e jaléng' dseá sea' cuu-bing' i jmáng' 'nú' ga, jōgui í'bing' cajo i dsijeáang- 'nú' laguidseang^h fí quini^h dseata~?

⁷ Jō téé' óo'na' cajo e i dseá sea' cuu-bing' i fé' júu^h 'lí' quiá'- Dseá Jmáang- cóo' jaléng' dseá quiá'r-.

⁸ Jō e guíá-ba' jmoo' 'nú' song dseáng'- e lajang'- núu^hna' lajii' júu^h e laniing- eáang' lí' laco'gui la fé' fí ni' jì quiá'- Fidiéé^h lí' fé' lala: "Jmi'neáang' jaléng' dseá rún' lí' laco'gui jmi'neáan' uó'."

⁹ Dsu' fíng song ja`røø' jmoo'na' cóo' lajaang' lajaang' dseá rúng'na', jōba' nilí' e nibeáang'-na' dsee- yaam-ba' jóng, jōgui ni'oo-ba' dsee-, co' ja' cajmití'na' júu^h quiá' ta~ quiá'- Fidiéé^h.

¹⁰ Jō fa' náu^h jaang' dseá jalé' e júu^h quiá'- Fidiéé^h do dsu' ja' jmitir- fa' coob' e júu^h do, jōba' dseáng'- óo'bre dsee- jóng, co' ja' jmitir- dseáng'- lajalé' e júu^h quiá'- dseá do.

¹¹ Co' 'ñiab' Fidiéé^h dseá cajíñ- lala cajo: "Ja' 'lee' e güín' cóo' dseañu' osi dseam^h i o' quií'." Jōgui cajím'-biguir cajo: "Ja' jngan' dseá rún'." Jōba' jia' fíng ja' mí' cajmée' dseá e güiñ' cóo' dseá i o' quiá'r-, jō dsu' song nicajngam'bre dseá rúñ', jōba' nicabeám' dsee- 'ñia'r' jóng, co' ja' mí' calinú'r- dseáng'- lajalé' júu^h quiá'- Fidiéé^h.

¹² Jō lí' doñí' ee' e nifo'na' osi lí' doñí' ee' e nijmée'na', 'né- ni'ee-na' røø' laco' catíng- e jmoo' dseá quiá'- Dseá Jmáang-, co' Fidiéé^hbing' i niquidsí' í' quií'na' cóo' e júu^h e nileáang'naa' jee- jalé' dsee- quií'ii' do.

¹³ Jō jaléng' dseá i ja' mí' fí^h calíng- jaléng' dseá rúng', jōba' lajōb' nijmé- Fidiéé^h cóo' ír' cajo mí' tí' lí' nití' í' quiá'r-; jō dsu' jaléng'gui dseá i nicalí' fí^h líng- jaléng' dseá rúng', guíab- nidsijée' quiá'r- mí' nití' oor- e niquidsí' Fidiéé^h í' quiá'- jaléng' dseá jmigüí.

'Né- e jmitib~ dseá' o' lico' fé'r'

¹⁴ Jō lajōba' fí^h guí^h 'nú', dseá rú'naa' dseá quiá'- Dseá Jmáang-, dseáng'- ja' ee' ta~ íng^h quií'na' e fól'na' e já'- líng'na' júu^h quiá'- Dseá Jmáang- song ja'gui jmití'na' lajii' júu^h quiá'- dseá do. Co' i dseá i fé' e já'- líñ' júu^h quiá'- Dseá Jmáang- jō dsu' ja' náu^hr- e fa' jmitir- e júu^h jō, jōba' dseáng'- ja' nileám'bre jee- jalé' dsee- quiá'r-.

¹⁵⁻¹⁶ Fa' majmée' duu' cuente e jaang' dseam^h osi jaang' dseañu' i líng' dseá quiá'- Dseá Jmáang- i ja' sea' jalé' e 'né-, fa' la sí'r' osi jalé' e dór- e lalíng' laco' jmi^h laco' jmi^h, jōgui jaang' lajee' 'nú' nifí'na're lala: "Guóng' cóo' e guíá- guíá' fí, jō ja' güilí' güiquín'-, jōgui quié' la tí' e já- o'." Jō dsu' fíng song i dseá i cajíng'- do ja' ee' cuó'r' jii' cóo' i dseá í' lajii' e 'né- quiá'r- e táaiñ' fí' jmigüí la, jōba' dseáng'- ja' ee' ta~ íng^h e jō jii' cóo' quiá'r- fíng song lajōbi' jmóor'.

¹⁷ Jō lajōb' lí' mí' jíng'- dseá e já'- líñ' júu^h quiá'- Dseá Jmáang-, dsu' fíng song ja'gui náu^h dseá dseáng'- lajalé' e júu^h quiá'- dseá do, jōba' ja' ee' ta~ íng^h quiá'r- e jiiñ' e já'- líñ' e júu^h jō. Co' song ja' éer' laco' sí'í cóo' e júu^h e já'- líñ' do, jōba' ja' ee' ta~ íng^h quiá'r- jii' cóo'.

¹⁸ Jō jialfa' i líng- dseá nifé'r': "'Nu' fól' e já'- líñ' júu^h quiá'- Dseá Jmáang-, jōgui jnea~ fál' a e náu^hbaa e júu^h jō." Jōba' fí^h i 'nú', ée' du' jnea~ e já'- líñ' júu^h quiá'- Dseá Jmáang- nañí' fa' e ja' náu^h e júu^h jō, jōgui jnea~gui ni'ée' duu' 'nu' e dseáng'- e jáb'- líñ' júu^h quiá'- Dseá Jmáang-, co' dseáng'- náu^hbaa e júu^h jō.

19 Jøgui 'nu` nijá' nílín' e seem` Fidié, jø guiáb` jmóo` song lajob í o', cø' e já' e júu` jø. Dsu' 'né` e tóo` o' cajo e la quie' tí jaléng' i 'lim' já' líiñ' e jø, jøba' dsíng'` jléiñ` dsu' uíi' e 'góiñ' Fidié.

20 Jø jie` mí jmicaan` melé, cø' ja` ee` ta` íng` jíi` cøo` quíi' e já' lín' júu` quíá'` Dsea` Jmáang` song ja`gui núu' e júu` jø.

21 Cø' 'né` e tóob` o' cajo e ca'ím' Fidié i 'líi` yúu' quí'ii' i sii` Abraham do e líiñ' jaang` dsea` guiúm` fí` quinir, cø' cajmée`bre núu'r` júu` quíá'` Fidié` mí` cacuøiñ' i jøor` i sii` Isáa' do e si'í` nijngáiñ'` do fí` quini` dsea` do.

22 Jøba' niñi`bi e i 'líi` yúu' Abraham do cajmilir` e já' líiñ` júu` quíá'` Fidié` uíi'` cøo'` jalé' e cajméer` do. Jø la'eáng` cøo'` e jø, jøba' cuø` lí` e ca'lié' e dseáng'` e jáb'` líiñ` júu` quíá'` dsea` do lacø' si'í'.

23 Jø lajoba' caliti` jalé' e fé' fí` ni` jì` quíá'` Fidié` lí` fé' lala: "I 'líi` yúu' Abraham do jáb'` calíiñ` júu` quíá'` Fidié, jøba' Fidié` ca'íiñ'` dsea` do e líiñ' jaang` dsea` i ja` carøong` dsee`." Jøba' calisi' i 'líi` yúu' Abraham do jaang` dsea` i eáng` iing` rúng'` cøo'` Fidié.

24 Jø niñi`bi 'nu' guiá' cajo e ím' Fidié` dsea` e líiñ'` dsea` i ja` røong` dsee` jaléng' i núu'` jalé' júu` quíá'r` , jø o' i dsea` i jíi`` líco'` fé' e já' líiñ` júu` quíá'` dsea` do.

25 Jø lajob calí` cajo cøo'` jaang` dseamí` i sii` Rahab i caliséng` malii` gui eáng` i cajmée` ta` 'núng` 'ña'. Cø' ie` jø Fidié` ca'ím'`breiñ'` do e líiñ'` jaang` dsea` i ja` røong` dsee` fí` quinir` uíi'` e cajméer` e cacuø` lí` nijé` dsea` Israel i casíng` dsea` góo` Josué` nú'` gui e níngíng` jaléng'` dsea` Israel do fí` lí` se'` Canaán. Jø i dseamí` la cajmicøo'`bre i dsea` do e caguiéng'`neiñ'` fí` lí` jié' e lacø' caláiñ'` do cøo'` jaléng'` dsea` i 'ní'` níi` quíá'r`.

26 Jø lajob líi', fa' mí` cango'` jmiguí` quíá'` jaang` dsea` jø júum`bre, jøba' jø` ee` ta` íng` jíi` cøo` e ngúu` táaiñ` do jóng. Jø lajob líi' cajo, ja` ee` ta` íng` mí` fé'` dsea` e já' líiñ` júu` quíá'` Fidié` song ja`gui núu'r` fa' e nijmitir` e júu` quíá'` dsea` do.

3

'Né` e quie' í'ba' jalé' e fé'` dsea`

1 Dsea` rú'`naa' dsea` quíá'` Dsea` Jmáang`, ja` í` óo'na' fa' e ja` huíng` e líng'na' tifa' i e' júu` quíá'` Fidié, cø' nine`ba' guiá' e eáng`gui ni'í` Fidié` í'` quí'ii' jaléng'` jneaa`aa' dsea` líi'naa' tifa' mí` ja` núu'`naa' e júu` jø lacø'gui i dsea` caguiang` gui i ja` e' e júu` jø.

2 Jø e jáb', e lajih`baa' dsea` líi'naa' dsea` jmigüi' ee`naa' dsee`. Jø dsu' song seeng` jaang` dsea` i ja` røong` jíi` cøo` dsee` cøo'` jalé' e fé'r', jø i dsea` íbing' i guiúng` lacø' si'í' fí` quini` Fidié, jøgui íb` cajo i lí'` jmé` e ja` nitéiñ'` fí` ni` dsee` cøo'` lí'` doñi' ee' e lí` dsíi' ngúu' táaiñ` do cajo.

3 Fa' lacø' mí` iing` jaang` dsea` e nilinúu'` cuea` quíá'r` lajíi' ta` quíu'r', jøba' ta'r' cøo` ní'` freno fí` mo'oo` i cuea` do e lacø' nilinúu'`re' lajíi' ta` quíu'` fi`re'. Jø cøo'` jíi' e ní'` dob e jmóo` dsea` e núu'` i cuea` do mí` ee`gø iing` dsea` e nijmé`re'.

4 Jøgui lajobi líi' cajo cøo'` jalé'` móo', e nañi' fa' jialgui la tíi' cøo', jøgui 'lea'` guí` e huíng` eáng` e móo' do e lacø' níngí', dsu' cøo'` cøo` ní'`jiaba' e sii` timón e e' fí` jié' fí` lí` iing` i dsea` i quie' do e nidsé` e móo' do.

5 Jø lajob líi' cøo'` nisíi'`naa' cajo, cø' cøo` e pí'`gui líi' jee` lajalé'` guotii`naa', dsu' cøo'` e jø dseáng'` jmigui'ba' e cuøong` fé'` dsea` e guiá'` jøgui e ja` dseeng`. Jøgui lajobi cajo cøo'` capí'` 'ma'` jf` cuøom` e nijmé` e nicó` mó'` e fe'` eáng', ¿já` já'`?

6 Jø e nisíi'`naa' do líi' lafa' jib'; jøgui cajo líi' lafa' cøo` e 'lí'` e 'léé` mí` fé'` dsea` e ja` dseeng`. Jø mí` lítíng` e fé'` dsea` lajò, gab` uíng` quíá'r` jóng lajee` e seeiñ` fí` jmigüi' la, jø jalé' e 'lí'` e fé'r' do jáa' fí` lí' 'lí'.

7 Jøgui seem` i líng` dsea` i tíng` e'` jaléng'` jó'` e lacø' nilinúu'`re', fa' jaléng'` jó'` i ngí` jee` mó'` jøgui jaléng'` ta' jøgui jaléng'` jó'` i dsijñúung` uø` cøo'` jaléng'` jó'` teáng'` jmíi'.

8 Dsu' jíi'` jaang` dsea` jmigüi'` quíi'r` jmíi' e ni'é'r` nisíi'r` e lacø' nilinúu', cø' e nisíi'r` do líi' lafa' nó` mí', cø' contøom` í'` jleng'` e 'léé` cøo'` jalé' e fé'` dsea`.

9 Jò cóo' nisí' baa' jmiféng' naa' Tiquí' i' Fidié' dsea' guing' ñiff', jogui cóo' e job cajo' lee' naa' mi' ee' go fé' naa' ga' uii' quia' jaléng' dsea' rú' naa' i cajmeáng' Fidié' lí' laco' líiñ' ñia' r'.

10 Jò lajob lí', dsea' rú' naa', dsuco' fí' mo' oo' jaang' dsea' cuóom' lí' uó' júu' e jmiféiñ' Fidié' jogui júu' e fé' r' ga' quia' dsea' rú' ñiñ' cajo, jò dseáng' ja' dseeng' e nijmé' dsea' lajo.

11 Jò lajob lí', dsea' rú' naa', có' ja' cuóong' e fa' cóo' ojmí' nicuó' tú' 'lé' jmiñ', ca' líng' e ráang' jogui ca' líng' e ñii'.

12 Jogui lajobi cajo fa' cóo' 'ma' güñí', ja' cuóong' fa' nicuó' ofí' e jié', có' jii' güñí' ba' e cuóong' ní' yá'; o'gui huñg' güñg' jó' cuóong' fa' e nicuó' güñí' yá', o'gui cóo' ojmí' ñii' cuóong' cuó' jmiñ' e ráang', có' jii' lajob lí', ¿já' já'?

Jial líng' dsea' mi' dseáng' ja' e cangñiñ' e tñiñ' ngáiñ'

13 Jò lajob fí' guí' 'nú', dsea' rú' naa', song seeng' i líng' lajee' la' ó' 'nú' i dseáng' lajang' e ngñiñ' e tñiñ' jogui e ngáiñ', joba' 'né' e nijmilib' i dsea' do e líiñ' lajo la'eéang' e éer' røø' jee' la' ó' dsea' rú' ñiñ' jogui la'eéang' e jmicóo' r' dsea' rú' ñiñ' cajo, dsu' ja' tñing' e jmicóong' yaañ'.

14 Jogui song ii' 'nú' í' ó' na' e tñing' na' ngáng' na' dsu' contøom' guíng' na' dsea' rúng' na' jogui jmoo' na' jløng' na' cóo' r', jogui lajii' e jmoo' na' do lí' jii' e líng' na' yaam' ba', joba' gab' lí' song jmoo' na' lajo, có' júu' ta' júu' e líng' na' jaang' dsea' i cangñing' e tñing' ngáng' song jmoo' na' lajo.

15 Dsu' mi' líng' na' lajo, o' e cacuó' Fidié' e tñing' na' do, có' laji' e na' jii' e jmoo' dsea' dsee' dsea' qui' fí' jmigüí' lab e náu' r' lajii' ta' quiu' 'ña' fi' i 'lim'.

16 Có' mi' seeng' dsea' i dsihuñg' quia' rúng' osi jmijløng' yaañ' é, jò job lí' uíng' e có' ga' quia' i dsea' la' í, jogui uíng' quia' e jmoo' guir jalé' e 'lí' e jié' gui e sea' fí' jmigüí' la cajo.

17 Dsu' jaléng' gui dsea' i dseáng' lajang' cangñing' quia' Fidié' e tñiñ' ngáiñ', joba' jmang' e guiá' ba' jmoor', jogui juguiá' júu' røø' seeiñ', jogui guiáb' dsíir', jogui fém' bi dsíir' cóo' jaléng' dsea' rú' ñiñ', jogui eáam' bi fí' líiñ' jaléng' dsea' rú' ñiñ' jogui jmicóo' bre jaléng' í' cajo, jogui jmang' júu' jáb' fé' r'.

18 Có' jaléng' dsea' i cuó' bí' yaang' e seeiñ' røø' cóo' jaléng' dsea' rú' ñiñ' jogui e jmicóo' biguir jaléng' dsea' rú' ñiñ' cajo e laco' lajii' bre niliseeñ' lajo, joba' i dsea' í' nilí' r' e líiñ' dsea' guíng' fí' quini' Fidié'.

4

Güliiseem' ba' cóo' Fidié'

1 Jò lalab fí' guí' 'nú', dsea' rú' naa' dsea' quia' Dsea' Jmaang': ¿Jie' fí' lí' naang' uíng' jalé' e jmiquíng' ó' na' jogui jalé' mii' e jmoo' na' la' ó' rúng' na'? Jò jmoo' na' lajo có' contøom' suung' na' jalé' e lí' ó' na' fí' jmigüí' la, jogui jmang' e gab' í' ó' na', ¿já' já'?

2 Có' mi' ee' go iing' na' e sea' fí' jmigüí', jò mi' lí' na' e ja' cuóong' nilí' na' e jò, joba' jie' ja' nijngám' ba' dsea' rúng' na' jóng. Jogui eáam' dsihuñg' na' mi' ee' go sea' quia' dsea' rúng' na', jò dsuco' ja' lí' gui' e jò, joba' eáam' jmoo' na' 'nii' cóo' r', ¿já' já'? Dsu' ja' mí' cali' na' jalé' e iing' na' do có' ja' mí' camí' na' Fidié' e nicuó' r' 'nú' e jò.

3 Jò dsu' mi' mii' na' re ee' go iing' na', ja' nicuó' r' 'nú' jalé' e mii' na' re do, dsuco' mii' na' r' lajii' e ja' dseeng' e lico' jmi' iáang' ó' na' yaam' ba'.

4 Jdsea' 'líng' na' 'nú', có' líng' na' dsea' i tú' í'! ¿já' ñi' 'nú' e mi' iing' na' e jmi' iáang' ó' na' cóo' r' lajii' e sea' fí' jmigüí' la, joba' 'ní' máam' ba' Fidié' jóng dsea' guiiñ' ñiff'? Cofa' lí' doñí' ii' dsea' i iing' e nijmi' iáang' dsíir' cóo' r' lajii' e sea' fí' jmigüí' la, joba' ni' uíñ' jóng jaang' dsea' i 'ní' níng' Fidié'.

⁵ Co' e liing~ uiim~ba' e tóo' fí' ni~ jì' quiá'- Fidiée' lala: "Fidiée' dseáng'- e lajam'-ba' eáang' 'neáaiñ' jneaa~aa', co' í'bing' cacuø' lajaang' lajaang' jneaa~aa' e jmiçuí' cóo'~ e see~naa'."

⁶ Dsu' eáam' jmicóo'~ dsea' do jneaa~aa', co' dsíng'- guiúíñ- cóo'~ jneaa~aa', dsea' ja' catí~naa' lajo, co' lalab fé' fí' ni~ jì' quiá'r-: "Dseáng'- teáb' sée' Fidiée' quiá'- jaléng' dsea' i jmicóøng'~ yaang~, dsu' eáam' guiú' jmicóo'r~ jaléng' dsea' i ja' jmóo' lajo co' ñi'bre e 'né' e nijmicóo'~ Fidiée' quiá'r-."

⁷ Joba' jáang' yaang~na' fí' jaguó' Fidiée', jogui ja' cuø'na' fí' yaang~na' e jmijíng^na' i fií' i 'ling', jo lajoba' i do nidsihuíñ- fí' lí' seeng~na'.

⁸ Güiquiéeng'gui' fí' quini' Fidiée', jo dsea' do nijaquíéeng'guir fí' quini'na' cajo. Jogui jaléng' 'nú', dsea' dsee- dsea' qui', taa'na' jalé' e ja' dseeng' e jmoo'na', jo jmisíng^na' jalé' e ga' e í' óo'na', co' jaléng' 'nú' líng'na' dsea' i tú- neáang' dsí', dsuco' iing~na' teáang~na' fí' guiú' cóo' Dsea' Jmáang- jogui iim~bi' cajo e jmée^na' jalé' e ga' e sea' fí' jmiçuí' la.

⁹ Quíi'na', jogui jmée^na' e líng~na' fí' í' quiá'- jalé' dsee- e nica'ee~na' do. Jogui ja' dseeng' fíng song ningí^na' uí'~ quiá'- jalé' e dsee- jo, co' 'né' e qui'ba' uí'~ quiá'- e dsee- quíi'na' do. Jogui fíng song e iáang' óo'na' cóo'~ jalé' dsee- quíi'na' e nicarøøng'na' do, joba' 'né' e nilíng~na' e fí' íb^ jóng uí'~ quiá'- jalé' e jo.

¹⁰ Jogui mí' lí'na' e røøng'na' dsee-, joba' 'né' e ja' nijmiráang- yaang~na' fí' quini' Fidiée', jo lajoba' dsea' do nijmicóo'r~ 'nú' e seeng~na' cøøng' cóo'r~.

Ja' cuø'na' dsee- jaléng' dsea' rúng'na'

¹¹ Dsea' rú'naa' dsea' quiá'- Dsea' Jmáang-, ja' fó'na' ga' uii~ quiá'- jaléng' dsea' rúng'na'. Dsuco' i dsea' i fé' ga' uii~ quiá'- dsea' rúng' osi cuø'reiñ' dsee- é, joba' lí' laco' e fé'r' ga' uii~ quiá'- júu^ quiá'- Fidiée' jóng, jo o'gui jmitir~ lajii' e júu^ quiá'- dsea' do. Co' jaléng' i dsea' i ja' jmi'gó' jalé' e júu^ do, joba' lí' laco' gab' nífé'r' uii~ quiá'- e júu^ jo e lafa' e nijmér- náu'r~ e jo laco' sí'í'.

¹² Jo jaam' dsea' féng' seeng', jo íb' i cacuø' e júu^ do. Jogui í'bi cajo i tíng' quidsí' í' røø' quiá'- dsea', jo lajii' í'bi cajo dsea' i tíng' láang' dsea' jmiçuí' jee~ jalé' dsee- quiáíñ'- osi cuø'r' dsea' iihuí' laco' catíng- é uí'~ quiá'- jalé' e jo. Jogui 'nú', çí~ lín' e lín' e sea' fí' e nicuó'^ dsea' rúng' dsee-?

Ja' ne~naa' e~ nidsijé' dsa'ó' ié'

¹³ Jogui lana, dsea' rú'naa' dsea' quiá'- Dsea' Jmáang-, náu~na' jalé' e nífi'i 'nú' la, jaléng' 'nú', dsea' jmicóøng'~ yaang~na' e fó'na' lala: "Dsa'ó' ié' nidsé^naa' fí' fií' la osi fí' fií' do é, jo fí' job nitaang~naa' cóo' jii' e jmó^naa' ta' lí' cuu-."

¹⁴ Jo çjalí' í' óo'na' lajo?, co' jii' ja' mí' ñi'bi' e~ nidsingíng~na' lí' dsa'ó' lí' ié'. Co' 'nú' líng'na' lafa' jní' tii', co' e joba' e jnéeng' jii'~ lajee' cateá' jo ni'ím- jóng.

¹⁵ Joba' ja' dseeng' e fo'na' lajo, dsu' lalaba' e catíng- e nifo'na': "Song cuø' Fidiée' fí' lajo e see- guí' fí' jmiçuí' la, joba' nilí' jalé' e 'né' lí' jóng."

¹⁶ Dsu' 'nú'gui lí' riquib' í' óo'na', joba' eáam' jmicóøng'~ yaang~na' cóo'~ jalé' e fó'na' e nijmée^na'. ¿Su ja' ñi'na' e mí' jmoo'na' e jmicóøng'~ yaang~na' lajo, gab' lí'?

¹⁷ Jo 'né' e tóo' óo'na' e la cajo: Song ñib' jaang' dsea' jalé' e guiú' e 'né' jmér-, jo dsu' song ja'gui jmitir~ jalé' e jo, joba' jmirøm' dsee- ñia'r' jóng.

5

Júu' #' 'goo' quiá'- jaléng' dsea' sea' cuu'

¹ Jogui fií' guí' 'nú', jaléng' dsea' rú'naa' dsea' i sea' cuu-, náu^na' jalé' e júu^ e nífi' i 'nú' la: Quíi'na' jogui oo~na' quiá'- e fí' í' e nilíng~na' cóo'~ jalé' iihuí' e nabí nidsingíng~na' mí' niquidsí' Fidiée' í' quiá'- dsee- quíi'na'.

² Co' ni'ím- lajalé' e 'mo'^ e nisi'mó'na', jo jo' e ta~ nilí'íng^ jii'~ cóo' quíi'na'; jogui jalé' siii' quíi'na' cajo ni'ím- e nidó'- jaléng' jó' fí'.

³ Jogui jalé' cutee` cóo~ cunée` e si`má^na' nisó` lee, jo jo ee` ta~ nili`íng^gui quí`na' jóng. Jo e` lee` e só` dob nicuø` lí` quíá~ jalé` e ja` dseeng` e jmoo`na' e cajmi`óo`na' yaang`na' jalé` e sea` fí` jmigüi` la, jo e jo lí` lafa' nicáng` 'nú` cóo~ jí, có` eám` nicajmi`óo`na' jalé` e jo lajee` lana e nijaquíéng` e tí` lí` nilíng` jmigüi`.

⁴ Núu`na' e jaléng` i` dsea` i` cajmée` ta~ quí`na' i` ja` caquí`na' e` 'léeiñ~ laco' catíng~, joba' lana máib~ nitáng` i` dsea` do` 'nú`, dsu` nicanúub` 'ñia' Fidié` dsea` 'gøng` i` guíng~ fí` ñiff` jalé` e júu` e nicafé` teá` jaléng` i` dsea` í`.

⁵ Jogui lajee` e taang` 'nú` fí` jmigüi` la, nicaliséng`na' lí` laco' jaang` dsea` 'goo` eáang` e jmoo`na' la tíi` e já` óo`na', jogui e sea` jalé` e iing`na' e laco' jmi`iáang` óo`na' laco' jaang` jó` i` jmi`úng`- dsea` quíá~ e nijngáiñ~. jo dsu` lana nicatí` í` quí`na'!

⁶ Jo` 'nú`, eám` nicacuøø`na' dsee` jaléng` dsea` i` ja` dsee` røøng` cartí` nicajngam`baa're, jo ja` ee` teá` casée` i` dsea` do` cóo~ 'nú` jíi` capí`.

'Né` jmó`oo` féng` dsi`baa'

⁷ Jo` fíi`guí` 'nú', dsea` rú`naa' dsea` quíá~ Dsea` Jmáang~, jmée`na' féng` óo`na' cóo~ jalé` e dsingíng`na' cartí` mi~ nigüéeng`tu` Fíi`naa' fí` jmigüi` la. Jo` 'né` jmée`na' e jo laco' jaang` dsea` i` jmoo` ta~ jenuu` e sijeem`bre lajíi~ e niro` fí` guóo~ uø` quíá`r` car` mi~ nití` jíi` jmí, có` lajoguiba' e nicuáng` laco' si`í` lajalé` e cajnír` do.

⁸ Jo e laco' e féng` dsíi` i` dsea` í, lajobi` 'né` e féng` óo` 'nú` cajo, jogui cuøø`gui` fí` yaang`na' e teáang`gui` teá` fí` guíá` cóo~ Dsea` Jmáang~, có` lajee` lajmináb` nigüéeng`tu` Fíi`naa' fí` jmigüi` la calé` catú`.

⁹ Jo lajob` fíi`guí` 'nú', dsea` rú`naa': Ja` jmoo`na' e jmiquíng`- óo`na' la'ó` rúng`na', có` lajoba' ja` nicuø`- Fidié` 'nú` dsee~; có` nijaquíém` e nigüéeng`tu` Fidié` fí` jmigüi` la calé` catú` e niquidsir` í` quíá~ dsea` jmigüi`.

¹⁰ Jo lajob`lí, dsea` rú`naa', jmiguiéng` óo`na' jalé` e cajmée` jaléng` i` dsea` i` café` cuaiñ` quíá~ Fidié` malí`gui` eáang` mi~ cangár` jalé` iihuí, có` cajméeb` dsea` do e féng` dsíi` cóo~ jalé` e jo.

¹¹ Jo fé`naa' e juguiá`-jia quíá~ jaléng` i` dsea` i` cajmée` té` cóo~ jalé` e iihuí` e ca'íñ` do. Jo nicanúub` 'nú` cajo jalé` júu` e café` dsea` quíá~ jaang` dseañu` i` calisí` Job i` caliséng` malí`gui` eáang`, có` ie~ jo i` dsea` í` eám` califéng` dsíi` cóo~ jalé` iihuí` e cangár`. Jogui ní`bi` 'nú` guíá` cajo jial cajmicóo~ Fíi`naa' Fidié` e ni`uíng` guíá` quíá`r` mi~ cangí` jalé` e jo; có` eám` guíung` Fidié` cóo~ jaléng` dsea` jogui eám` fí` líiñ` cajo.

¹² Jo lí` lajee` lajalé` e niing`gui, dsea` rú`naa', e lab e jo; mi~ cuø`na' júu` quí`na', ja` ééng`na' fíi` quíá~ lí` doñí` ee: ja` ééng`na' fíi` ñiff` o'gui ééng`na' fíi` guóo~ uø` o'gui quíá~ lí` doñí` jíé` é. Dsu` mi~ cuø`na' júu` quí`na' e jmée`na' lí` doñí` ee, jo dseáng`- 'né` e jmití`ba' jóng; jogui mi~ cuø`na' júu` quí`na' e ja` jmée`na' lí` doñí` ee, joba' dseáng`- 'né` e ja` jmée`ba' jóng. Jo fíng song jmití`na' jalé` e júu` quí`na' do, joba' ja` nicuø`- Fidié` 'nú` dsee` quíá~ jalé` e jo.

Dsíng`- íng` ta~ e féng` dsea` Fidié`

¹³ Jo fíi`guí` 'nú', dsea` rú`naa' dsea` quíá~ Dsea` Jmáang~, fíng song jí` la'ó` 'nú' móo`na' iihuí, joba' i` dsea` í` 'né` mí`r` Fidié` e nijmicóo~ dsea` do quíá~ jalé` e jo. Jogui fíng song jí` la'ó` 'nú' e iáang` óo`na', joba' 'né` e ø`bre quíá~ e jmi`féiñ` Fidié`.

¹⁴ Jogui song jaang` dsea` la'ó` 'nú' ráaiñ` dsée`r~, joba' 'né` e nitó`r` jaléng` dsea` i` quie` nifí` quíá~ dsea` quíá~ Dsea` Jmáang` e laco' i` dsea` í` nimí`r` Fidié` uii` quíá~ i` dsea` dsée` do e ni`leáam`biñ` do, jo la'eáang` cóo~ júu` quíá~ Dsea` Jmáang` nisúur` capí` noo` fí` guiaquí` i` dsea` dsée` do, jo lajoba' ni`leáaiñ` do.

¹⁵ Jogui mi~ já` líiñ` e Fidié` niñír` lajíi~ e mí`reiñ` do, joba' ni`leáam` i` dsea` dsée~ do jóng, jo la'eáang` cóo~ Fíi`baa' e nitíng`-tur calé` catú`. Jogui fíng song nica`ée` i` dsea` i` lamí` dsée~ do dsee~, joba' ni`ím` Fíi`naa' dsee` quíá`r` jóng.

16 Jo fñ-guñ 'nú', dsea` rú'naa', jmée'~na' júu^ la'ó'` rúng'na' quiá'- jalé'` dsee- e nicarøøng'na', jo mñ'~na' Fidiée' uii~ quiá'- rúng'na' cajo elaco' nitíng'~na'. Co' mi~ jaang` dsea` sing'` teá' fí' guiú- cóo'~ Dsea` Jmáang- jo féng'` i dsea` do Fidiée' dseáng'~ e caniing- í dsíir', joba' eáam' íng^ ta~ e 'gøng'` e júu^ jo fí' quini~ Fí'naa'.

17 Jo jmiguiéng'` óo'na' quiá'- e calí- ie~ malñ~ do ie~ cateáng` jaang` dsea` i café'` cuaiñ~ quiá'- Fidiée' fí' jmigüí la i calisí Líí^ . Jo i dseañu'` í líiñ'` jaang` dsea` jmigüí laco'` líng'` jneaa~aa', dsu' mi~ camí'` dsea` do Fidiée' la'eáang' cóo'~ Jmiguí quiá'- dsea` do e niqúíung'~ e tuu` jmí', jo lajob calí-. Joba' lajee'` ní jii` dsí ca'ná^ ja` catuu` jmí' fí' e guóo'~ uó- jo.

18 Jo mi~ cangí jo, i Líí^ do camí'tur Fidiée' e nitútu jmí', joba' lajob calí-, catuub`tu jmí', jogui canaam`tu cuø' jalé' e jni' dsea' fí' guóo'~ uó-.

19 Jo fñ-guñ 'nú', dsea` rú'naa' dsea` quiá'- Dsea` Jmáang-, e song jaang` la'ó'` 'nú' i casíng'~ fí' guiú- cóo'~ Dsea` Jmáang-, jo dsu' lajee' jo ninaang` i dsea` do e nilitúng- dsíir' cóo'~ júu^ quiá'- dsea` do, jo song jaang'gui dsea` la'ó'` 'nú' cajméer' e calínúu'~tu i dsea` do júu^ quiá'- Dsea` Jmáang-,

20 joba' güliñí'na' guiú-, dsea` rú'naa', e doñí'` ii` dsea` i niqúí- nijíng'` jaang'gui dsea` rúng'` i ngóo' fí' ga, joba' i dsea` í jmóor` e ni'íim- jalé'` dsee- e nirøøng` i dsea` do, jogui nileám` i dsea` do e ja` nidséiñ'- fí' lí'` lí^ mi~ nití- oor~ quiá'r- e nidséiñ'- fí' jmigüí cóo'.

Jo lajob nilí.

Jo jíí'~ lanab fé'` jì quiá'- Tiáa~.

Ji' la'uii~ e cajme' TŮ SIMÓN

Júu^ guicóo' e cat#ng- dsea` quiá'- Dsea` Jmáang-

¹ Jnea~ sii` Tú^, jogui lín'n jaang` dsea` i casíng` Fíi'naa' Dsea` Jmáang- e quiá'- niníi' i júu^ quiá'r-, jo jmo'o e ji' la e cat#ng- jaléng' 'nú', dsea` quiá'- Dsea` Jmáang-, i neáang' sisoo` sijóng^ fí' caluu` fii' góo'na', i neáang' fí' lí' se' Ponto cóo'~gui fí' lí' se' Galacia jogui fí' lí' se' Capadocia cóo'~gui fí' lí' se' Asia jogui fí' lí' se' Bitinia.

² Jo Tiquí'ii' Fidiée` nicaguíng' jaléng' 'nú' lamí` jééng'gui e laco' nilíng-na' dseáng'- dsea` quiá'r- lí^ laco' jii'~ e nica'f dsiir'; jo e jo nicajméer' la'eáang' cóo'~'ñia' Jmiguí' quiá'-bre e laco' nijmée^na' núu'~na' júu^ quiá'r-. Jo la'eáang' cóo'~ jmi'øøng- Dsea` Jmáang- e catuū` fí' dse' crúu'ba' nica'íng- jalé' dsee- quií'na'.

Jo güi'im'~ba' güea^ quiá'r- lalíng' e laco' niliseeng-na' juguiá- júu^ røø`.

Nitab~ dsí'naa' e seē-~naa' cøøng' cóo'~ Fidiée`

³ Jo majmifém'baa' Fidiée~, Tiquiá'^ Fíi'naa' Dsea` Jmáang-, dsuco' la'eáang' e eám' guiúíñ- cóo'~ jneaa~aa', joba' nicajméer' e lafa' nicangáang'~naa' calé' catú- la'eáang' e cají'tu Dsea` Jmáang- mi' cangf e cajúíñ-. Jo e jo nicuø' júu^ ta~ dsíib' quií'naa' e seē-~naa' cøøng' cóo'~ Fidiée`

⁴ lajee` e sijeeng'naa' e ni'íng'~naa' lajii'~ jalé' e niguo'^ e catíi'~naa' do e nicuø'- Fidiée` jneaa~aa' e nisi'má'r- fí' ñifí' quiá'r-. Jo jalé' e sijeeng'naa' do ja` tóo' jmi' fa' e ni'íng- o'gui tóo' jmi' fa' e nili'li'^ o'gui fa' e nilifíng'^ laco'gui cóo' lí^.

⁵ Jo co' jáb'- líng' 'nú' lajii'~ júu^ quiá'- Fidiée~, joba' dsea` íbing' jmóo' í' 'nú' la'eáang' cóo'~ e eáang' 'gøiñ' do; jo lajoba' nilí'na' e nileáang'na' jee~ jalé' iihuí' e cat#ng- jaléng' dsea` dsee- dsea` qui' cartí' mi' tí' lí' nití' í' e Fidiée` nileáiñ- lajaléng' jogui lajalé' e sea`.

⁶ Jo la'eáang' e joba' íaang' óo' 'nú' lalíng', nañí' fa' lajee` cateá' jangám- dsing#ng-na' jmiguiab' jalé' e huíng' fí' jmigüi' la.

⁷ Jo e uíng- e dsing#ng-na' lajo e laco' cuø' lí' e ne~duu' su dseáng'- já'- líng'na' júu^ quiá'- Dsea` Jmáang-. Co' e já'- líng'na' e júu^ quiá'- Dsea` Jmáang- do lí' lafa' cunée': co' song iing- dsea` nilíta~ dsiir' su dseáng'- já'- cunée` e do o'si o' lajo é, joba' jang'- 'né- nisigui' do ni' jib', joguiba' nilili~. Jo eáang'gui quíng' laco' cunée` e já'- líng'na' júu^ quiá'- Dsea` Jmáang- mi' ee'go huíng' dsing#ng-na'. Jo nañí' fa' e cunée` do cuøøng' lí' íng-, dsu' e júu^ quiá'- Dsea` Jmáang- ja' lí' lajo, co' seab' lata~. Joba' song ja' nilítúng- óo'na' e já'- líng'na' e júu^ jo, joba' ni'ím' Fidiée` 'nú' e guiúm'ba', jogui e yáb' niseáiñ' 'nú' mi' nití' í' e nigüéeng- tu Fíi'naa' Dsea` Jmáang- fí' jmigüi' la calé' catú-.

⁸ Jo 'nú'gui, nañí' fa' ja' mí' cañíng'na' Fíi'naa' Dsea` Jmáang-, dsu' eám' iing'~na'r; jogui lana dseáng'- jáb'- líng'na' júu^ quiá'r-, nañí' fa' ja' mí' cañíng'na' dsea` do. Jogui dseáng'- laniim- eám' íaang' óo'na' la'ie' e jii'~ ja' sea' júu^ jial nifo'^na' uií~ quiá'r-,

⁹ co' la'eáang' íbre e caláang-na' jee~ jalé' dsee- quií'na'; co' lajoba' e íng'na' mi' já'- calíng-na' júu^ quiá'- dsea` do.

¹⁰ Jo lajii'~ mali'gui eáang' jaléng' dsea` i café' cuaiñ~ quiá'- Fidiée` cajmit#iñ~ jogui ca'no'r- e quiá'- jial nileáang' dsea` jee~ jalé' dsee- quiá'r-, jo cajím'~biguir quiá'- jial guiúng- Fidiée` nijmér- cóo'~ 'nú'.

¹¹ Jo cajmeab' Jmiguí' quiá'- Dsea` Jmáang- júu^ jaléng' i dsea` i café' cuaiñ~ quiá'- Fidiée` mali'gui eáang' do lajii'~ e iihuí' e 'né- nidsing#ng- Dsea` Jmáang- jogui jial nili'gøiñ' mi' níngf jo; jogui jaléng' i dsea` í' cajméer' quií' i~ i dsea` i nijáa' do, jogui e~ jmi' e jíng' e Jmiguí' quiá'- Fidiée` do e nijáa' i dsea` do.

¹² Dsu' Fidiée` cajmea'bre i dsea` í júu^ e lajii'~ júu^ e guiaiñ' do o' e quiáiñ'- do yaaiñ~, co' e jmicóo'~ 'náb' e júu^ do cajo. Jogui lanagui e lab e júu^ jo e canúu'na' e nicaguia'

yaam̃ i dsea` i caguaí júu` quiá- jial nileáng` dsea` jee` dsee- quiá-r- la'eáang` cóo- Jmiguí quiá- Fidié` e jáa' fi` ñifi` quiá-r-. Jo lajalé` e la yaam̃ ángeles i líng` guotii- Fidié` cali'iiñ` cangár- jogui cangáin` cajo.

Fidié` iiñ e ni'náng`naa' jee` dsee- qui- naa'

13 Jo fii- guii` 'nú', dsea` rú`naa' dsea` quiá- Dsea` Jmáang-, guieeng- guiú- yaang`na' jogui íi` óo`na' røø` lajii- e nijmée`na' dseáng- e ngocáng` óo`ba', jogui güiliseeng`na' e ta` óo`na' e ni'ling`na' lajii- e iáang` dsíi' Fidié` e nicuø'r- 'nú' mi` nití- í' e nijáa`tu Dsea` Jmáang- calé` catú-.

14 Jo có' lanagui nilíng`na' dsea` i núu- júu` quiá- Dsea` Jmáang-, joba' jo` jmée`na' lajii- e 'li` e lí` áa`na' yaang`na' laco'gui lamí- jmoo`na' ie` ná' gui e nilicuúing`na' Fidié`.

15 Co' 'né- niliseeng`na' laco' jaang` dsea` güeang- e ni'naang`na' jee` jalé` dsee- quií- na', dsuco' Fidié`bing' i cató- 'nú' e ca'uúing`na' dsea` quiá-r-, jo íb` dsea` i líng` jaang` i güeang- i ja` dsee- røøng` jii- cóo-;

16 có' lajob fé' fi' ni` jì` quiá- Fidié`: "Güi'naang`na' jee` jalé` dsee- quií- na' e laco' nilíng`na' dsea` güean-^, dsuco' jnea` lín`n jaang` i güeang- i ja` dsee- røøng` jii- cóo-."

17 Jo niñib` 'nú' e røøb` ée` Fidié` cóo- lajaléng` dsea`, jo quidsir` í' quiá- lajaang` lajaang` dsea` lí-^ jialco' lí- dsee- quiá- dsea`, jogui ja` jmóor` ta` guíng` dsea` cajo. Jo song` 'nú' fó`na' Teaa` fi'na' Fidié`, joba' contøøm- 'né- e nijmiféng`na'r carjó' jmii- e ngíng`na' taang`na' fi' jmigüí` la.

18 Jo có' caliéé`na' laco' líng` dsea` cóøng- quií- na' e seeng`na' e ja` uúing- sea, joba' Fidiéeb` nicaleáaiñ` 'nú' jee` dsee- quií- na'. Jo dsu' 'nú' niñí`ba' guiú- e ja` caquí- e caláang`na' jee` dsee- quií- na' do cóo- jalé` e tóo- jmii- ni'ling-, fa' cunéé` osi cutee` é,

19 dsu' caláam`ba' jee` jalé` dsee- quií- na' la'eáang` cóo- jmi'øøng- Fii'naa' Dsea` Jmáang- e niing- eáang` e catuú- mi` cataíñ- fi' dse' crúu-^ . Jo dsea` do, i líng` Jo'se' Jiuung- i guiúng- i ja` si'ling-^ jii- cóo-, cajúñ- uú- dsee- qui-ii'.

20 Dsuco' lajii- mali`ba' nisi'ling-^ Dsea` Jmáang- e nidsing`iiñ- lajo, lajii- mi` nú- gui e nitiroo` jmigüí, dsu' lanagui nicatíb` í', joba' nicagüém`bre fi' jmigüí` la e laco' nijmér- lajii- ta` e si'iiñ- e laco' nijmicóo`r- 'nú'.

21 Jo la'eáang` cóo- Fii'naa' Dsea` Jmáang-, 'nú' nicajáang-^ yaang`na' fi' jaguó` Fidié`; jo i dsea` íbing' i cajmée` e cají`tu Fii'naa' Dsea` Jmáang-, jogui cajmээр` e casáng` dsea` do yá-^; joba' 'nú' jáb-^ nicalíng`na' júu` quiá- Fidié` jogui nisita`bi' óo`na' cóo- dsea` do cajo.

22 Jogui 'nú', la'eáang` e nicalinúu-^ba' júu` quiá- Fii'naa' Dsea` Jmáang-, joba' lana nilíng`na' dsea` i jo` beáng`gui dsee- yaang- jogui i neáang`rúng` la'ó` dsea` quiá- Dsea` Jmáang-; jo lajob` 'né- cajo e nijmi'neáam`bi' dsea` rúng`na' dseáng- e ngocáng` óo`na' jogui cóo- jalé` bí` quií- na'.

23 Co' 'nú' lanagui nilíng`na' lafa' e nicangáang-^tu' calé` catú-, dsu' o' e laco' nicangáang-^tu' fi' jmigüí` la e seeng` tiquí-^ niquí-^na' i cuøøng`lijúung-; có' la'eáang` cóo-^ e júu` quiá- Fidié` e ca'íng-^na' do, cóo- e joba' nicalí- lajo. Jo e júu` jo ja` tóo- jmii- ni'ling-, có' latab` sea`.

24 Co' lalab fé' fi' ni` jì` quiá- Fidié`:

Co' lajii- dsea` jmigüí` líiñ` lafa' onuu-;

jogui e 'gøiñ` do líi` lafa' lí` quiá- e onuu` do.

Co' e onuu` do cateáb` té', có' niliquiúú-;

jogui e lí- quiá- do nijíú- cajo.

25 Jo dsu' e júu` quiá- Fidié` do ja` tóo- jmii- ni'ling-, có' latab` sea`.

Jo e lab júu` e quiá- jial laang` dsea` jee` dsee- quiá-r- e nicaguaí dsea` jee` 'nú'.

2

1 J_oba' fiī-guá' 'nú', dseá` rú'naa' dseá` quiá'- Dseá` Jmáang-, t^una' jalé' e 'li' e qui' jmoona' fí jmigüf' la, fa' mī jmigøøng'na' jaléng' dseá` rúng'na', jogui mī jmicaang'na' cóo' jalé' júu' e fo'na', jogui mī jmoona' e dsihuúng'na' quiá'- jaléng' dseá` rúng'na', jogui mī quié'na' júu' adsee` cajo.

2 Jmeáang' yaang'na' laco'gui jiuung' i tá cangáang' e 'nó'r' yaang' fí' quiá'- niquiá'r' e ni'í'r', co' la'eáang' cóo' e j_oba' e cuaaiñ'; j_o laj_obi 'nú' cajo, cuøø' fí' yaang'na' e ni'íng'na' layaang' júu' quiá'- Fidié' la'eáang' cóo' Jmiguí' quiá'r' e laco' nid-sicuáng'gui quií'na' cóo' jalé' e júu' j_o, j_o laj_oba' niléang'na' jee' jalé' dsee` quií'na'.

3 Co' lana lajam'-ba' eáang' já'- nicalilí'na' e dsím'-ba' guiúng' Fí'naa' Dseá` Jmáang-.

Dseá` Jmáam'-bing' i caguíng' Fidié'

4 J_oba' fiī-guá' 'nú', dseá` rú'naa' dseá` quiá'- Dseá` Jmáang-, jmée'na' e nilicuíng'gui' Fí'naa' Dseá` Jmáang-, co' doñí' fa' ja' jí' dseá` jmigüf' i dseá` do, dsu' í'bing' i caguíng' Fidié' e laco' líiñ' lafa' e cuu' e nisiguó' jogui e quíng' eáang'.

5 J_o laj_oba' 'nú' cajo, Fidié' cajméer' e nilíng'na' lafa' cuu' e quíng', j_oba' cuøø' fí' yaang'na' e Fidié' nijmeaiñ' 'nú' ta' e lafa' nilí' cóo' guá'- güeang' quiá'- Fidié', jogui e nilíng'na' lafa' jmidsea` quiá'- Fidié' i jmóo' laj_í' e iing' dseá` do, co' la'eáang' cóo' Fí'naa' Dseá` Jmáang- cuø'na' Fidié' jalé' e catúñ' e laco' iáang' dsír'.

6 Co' e laj_oba' fé' fí' nī jì quiá'- Fidié' mī fé' cuaiñ' quiá'- Dseá` Jmáang- lala:

Jnea' niquiee' e cóo' cuu' quiá'- tiī fiī quiá'- 'ñá' fí' Sión
jogui e cuu' j_ob e nisiguó' quié' e jogui eám' quíng' cajo;

j_o dsu' jaléng' dseá` i já'- líng' júu' quiá'- Dseá` Jmáang-,
ja' niligøøiñ' cóo' e j_o, co' Dseá` Jmáam'-bing' líng' lafa' e cuu' do.

7 J_o jaléng' 'nú', dseá` i já'- líng'na' júu' quiá'- Dseá` Jmáang-, eám' quíng' e cuu' do quií'na'; j_o dsu' quií' 'nú', dseá` i ja' já'- líng'na' e j_o, j_oba' nilitib' laco' fé' fí' nī jì quiá'- Fidié' lí' fé' lala:

E cuu' e ja' calijí' dseá` jmigüf' quiá'- tiī fiī quiá'- 'n^ur',
lanagui dseáng' cuu' laniim' nica'uíng' quiá' 'nú'.

8 Jogui litib' cajo laco' fé'gui fí' nī jì quiá'- Fidié':

J_o cóo' e cuu' j_o

seem' dseá` i niquiung'.

J_o co' uí' e ja' jí' i dseá` do júu' quiá'- Dseá` Jmáang-, j_oba' caquiuiñ', dsuco' laj_ob dseáng' sí'íñ'.

9 Dsu' 'nú'gui nilíng'na' dseá` i nicaguíng' Fidié' e laco' nilíng'na' dseá` quiá'r-, jogui nilíng'na' lafa' jmidsea` i jmóo' laj_í' e iing' Fidié', jogui nilíng'na' lafa' cóo' fiī güeang' quiá'r-. J_o laj_ob lí' e laco' niguiá'na' júu' quiá'- jalé' e guiá' e cajmée' Fí'naa' Dseá` Jmáang- cóo' 'nú', co' í'bre dseá` cató'r' 'nú' e laco' nilíng'na' dseá` quiá'r- i seeng' fí' lí' jnea' jir' e laco' j_o seeng'na' fí' lí' n^usó' fí' lí' jmoona' ta' quiu' i 'líng'.

10 J_o 'nú', lamí' jéeng'gui, dseáng' ja' lím'ba' dseá` fiī quiá'- Fidié', dsu' lanagui dseá` fiī quiá'- dseá` dob nilíng'na'; jogui lamí' jéeng'gui ja' mí' catúng'na' e fiī líng' Fidié' 'nú', dsu' lanagui nicatú'm'-ba' laj_o.

'Né- liseeng'na' e jmoona' laj_í' e iing' Fidié'

11 J_o fiī-guá' 'nú', dseá` rú'naa' dseá` quiá'- Dseá` Jmáang- i iin' e eáang', dseá` i seeng'na' fí' jmigüf' la e sisoo' sijóng'na' fí' caluu' fiī góo'na', j_oba' fiī i 'nú' e ja' cuø' fí' yaang'na' e nijmée'na' jalé' e ga' e iing' ngúu' táang'na', co' mī jmoona' laj_o, j_oba' ni'íng' quií'na' yaam'ba' jóng.

12 J_o ee'na' guiá' jee' jaléng' dseá` i ja' mí' cuíng' Fidié', co' nañí' fa' lana gab' fé' i dseá` í' uii' quií'na' e lafa' 'nú' líng'na' dseá` i jmóo' ta' 'léé', dsu' mī nití' í' e nijáa'tu Dseá`

Jmáang- calé' catú- fí jmi'gú' la, joba' i dsea' í nijmifém'bre Fidié' cajo co' nililí'bre lajii' e guiá- e jmoo' 'nú' fí jmi'gú' la.

13 Jo la'eáang' Fí'naa' Dsea' Jmáang- jmi'goo'na' jogui jmití'na' jalé' ta' quiá' jaléng' dseata' quiá'na': fa' jaléng' dseata' dsea' mogui' quiá'- latøøng- gó'na',

14 jogui i dsea' i casíng' i dseata' dsea' mogui' do e laco' dsea' do niquidsir' í' quiá'na' jogui e nicuø'r- iihuí' jaléng' dsea' i jmoo' ta' 'léé' jogui e nijmi'gór' cajo jaléng' dsea' i jmoo' jalé' e guiá'.

15 Dsüco' iing' Fidié' e ni'ee'na' røø' laco' si'í', jo lajoba' nitá' dsea' e fé'r' ga' uii' quiá'na', jo i dsea' i 'léé' ja' mí' cangáin' røø' jalé' e jmoo' do.

16 Jo güiliseeng'na' e jo' quié'gui nifí' quiá'na' jalé' dsee'. Jo dsü' lajee' e seeng'na' lajo, ja' cuø' fí' yaang'na' e sí' nifí' e nijmée'na' e ga'. Joba' fii' i 'nú' e ee'na' guiá' laco'gui éé' dsea' i jmoo' lajii' e iing' Fidié'.

17 Jogui jmi'goo'na' jaléng' dsea' dseáng'- laco' si'í', jogui jmi'neáang'na' jaléng' dsea' rúng'na' dsea' quiá'- Dsea' Jmáang- laco' catúng-, jogui jmi'féng'na' Fidié', jogui lajobi' jmi'goo'na' dseata' dsea' féng' quiá'- latøøng- gó'na' cajo.

E' uing' e cacá- Dsea' Jmáang- iihuí'

18 Joba' fii' guí' jaléng' 'nú', dsea' rú'naa' i lüng' dsea' 'léeng' quiá'- dsea', e jmi'goo'ba' jaléng' fii' quiá'na' jogui jmití'na' jalé' júu' quiá'r-, dsü' o' dseáng'- jii' cóo' fii'na' i féng' dsí' cóo' 'nú' 'né' jmée'na' lajo, dsü' lajob' né' jmée'na' cóo' i fii'na' i soo' dsí' cajo.

19 Co' guiá' guib' fíng' song jaang' dsea', la'eáang' e iin' jmér- lajii' e iing' Fidié', nijmér- té'r' cóo' jalé' e huíng' e cangáin' e ja' catúin'.

20 Co' song cangóng'na' e huíng' dsü' uii' e nicajmée'na' e ga', joba' ja' ee' ta' íng' quiá'na' jii' cóo' e nijmée'na' féng' áa'na' quiá'- e huíng' do jóng. Jo song 'nú' cangóng'na' e huíng' dsü' uii' e nicajmée'na' e guiá', jogui e jmoo'ba' té'na' cóo' jalé' e huíng' do, joba' e jo eáang'gui quíng' fí' quini' Fidié'.

21 Co' uii' e lajoba' e cató'- Fidié' 'nú', co' mí' ca'íng' Dsea' Jmáang- iihuí' uii' quiá'na', ca'e'r' 'nú' jial e 'né' té'na' cóo' jalé' e huíng' lí' laco'gui cajmээр' 'nia'r' mí' ca'ín' iihuí'.

22 Jo Fí'naa' Dsea' Jmáang- ja' ca'éer' jii' cóo' dsee' o'gui cajmigøøin' jii' jaang' dsea' cóo' jalé' e fé'r'.

23 Jo mí' casí'- dsea' júu' 'lé' dsea' do, dsü' ja' cañir' cóo' júu' 'lé' quiá'- dsea' í; jogui mí' cacuø' dsea' jalé' iihuí' dsea' do, dsü' ja' cañir' e cuø'r' dsee' i dsea' í, dsüco' lí' lí' e cajáng' 'nia'r' fí' jaguó' Fidié', co' niñir' e quidsí' dsea' do í' quiá'- lajüing' dsea' laco' catúin'.

24 Jo cacó- Dsea' Jmáang- jalé' dsee' quiá'naa' mí' cacár' jalé' iihuí' fí' dse' crúu' e laco' jneaa'aa' lafa' nicajúm-baa', co' jo' quiá'gui ta' qui' ii' jalé' dsee', jogui e laco' nisee'naa' e ee'naa' røø' laco' catúng-. Dsüco' Fí'naa' Dsea' Jmáang- calihuíin' e catáin' fí' dse' crúu' e lí' laco' 'nú' nilí'na' e niliseeng'na' røø' laco' si'í'.

25 Dsüco' 'nú' lami' jéeng'gui ngi'na' laco' ngí' jo'se' i sí'ím' i ja' seeng' fii', dsü' lanagui nicaquí'- jím' yaang'na' e nicajmicuíng'na' Dsea' Jmáang-, jogui lana íb' dsea' i niné' ni' 'nú' jogui i nijmoo' í' 'nú' laco'gui jaang' dsea' i jmoo' í' guiá' jo'se' quiá'- contøøng-.

3

Jial 'né' seeng' jaléng' dsea' sicúng' guó'

1 Joba' fii' guí' 'nú', dsea' rú'naa' dsea' quiá'- Dsea' Jmáang-, jaléng' 'nú' dseam' 'né' nijmi'goo'ba' jaléng' dseañu' quiá'na'. Co' song i' lajee' la'ó' dseañu' ja' já' mí' caliñ- júu' quiá'- Fí'naa' Dsea' Jmáang-, dsü' song guiáb- ee'na' cóo'r-, jangám- já' niliñ e júu' jo' doñí' fa' ja' mí' casí'-na'r' jii' camí' júu' quiá'- dsea' do.

2 Co' mí' niní' jaléng' i dseañu' do e eám' guiá' jalé' e jmoo'na' jogui e eám' jmi'goo' rúng'na' cajo, joba' jangám- ni'ín' e júu' do jóng.

³ Dsu' o' jii~ e jmaang~ guiá~ yaang~na' lí' caluu~, fa' jalé' e si'náang~ guí'na' e jlo' osi quié'na' jalé' ní' cunée' é osi jalé' mi'núung~ e niguo'.

⁴ Co' guiá~ gui jogui niing~ gui fí' quini~ Fidiée~ e jial guiá~ jmaang~ yaang~na' cóo'~ jalé' e í' óo'na', jogui e ja' jmicóong~ yaang~na' cóo'~ dsea` rúng'na', jogui e seeng'na' juguiá~ júu^ røø, co' lajii~ e naba' e eáang'gui quíng' fí' quini~ Fidiée~.

⁵ Jo lajob líng' jaléng' dseamí' i caliséng' malií~ i calicuíng' Fidiée~, co' jaléng' i dseamí' í' cajáng' yaaiñ~ fí' jaguó' Fidiée~ jogui cajmi'gó'bir dseañu' quiá'r~ cajo.

⁶ Jo lajob cajmée' jaang' dseamí' i caliséng' malií~ i calisí' Sara, cajmée'bre núu'r~ júu^ quiá'~ dseañu' quiá'r~ i calisí' Abraham jo eáam' cajmi'gór' í'. Jogui 'nú', dseamí, lafa' jóo' i Sara dob líng'na' song jmoo'na' jman'g~ e guiá~ jogui e ja' 'gó'na' jii~ coo' e jmoo'na' jalé' e jo.

⁷ Jogui jaléng' 'nú', dsea` líng'na' dseañu', jmee~na' féng' áa'na' cóo'~ jaléng' dseamí quií'na'. Jmi'goo'na'r dseáng'~ laco' sí'í' e jmi'gó' dsea` jaang' dseamí, jo o' uii~ lajii~ e dseamí dseáng'~ guir laco' dseañu' e 'né~ jmée'na' lajo, dsu' lajob 'né~ jmée'na' cajo uii~ e røøb` íng' Fidiée~ jneaa'aa' e see~naa' cøøng' cóo'r~ lata~, doñí' fa' dseañu' osi dseamí é. Joba' jmee~ba' lajo e laco' ja' ee` jnáng' quiá'~ júu^ quií'na' mi' føng'na' Fidiée~.

Jaléng' i íng' iihuú' uii' e jmóor' jalé' e guiá~

⁸ Joba' fii~ guí' 'nú', dsea` rú'naa', e güiliseem'ba' e guiá~ la'ó' rúng'na', jogui e siing~na' røø, jogui e iing~ rúng'na' laco' catíng~ e jmóo' dsea' quiá'~ Dsea' Jmaang~. Jogui jmée'na' e guiúng~na' cóo'~ jaléng' dsea' jogui e ja' jmi'jlong'~ yaang~na' cajo.

⁹ Jogui song i líng~ dsea' éer' ga' cóo'~ 'nú', joba' ja' jmée~na' quií' taa' lajo cóo'r~, jogui song sí'r' 'nú' 'leáang~, dsu' 'nú'gui ja' 'né~ e ngii~na' lajo quiá'r~, dsuco' o' lajo e 'né~ jmée'na'. Co' lí' lí' 'né~ mí'na' Fidiée~ uii~ quiáb'~ i dsea' la'í' e laco' nijmigüeang'~ neiñ', co' Fidiée'bing' i nicató'~ 'nú' e ni'íng'~na' güea'~ quiá'r~.

¹⁰ Dsuco' lalab fé' fí' ni~ jì' quiá'~ Fidiée~:

Ii dsea' iing~ e niliseeng' guiá~ fí' jmi'güi' la jogui e seeiñ' juguiá~ laco' jmií~, 'né~ nijmeaiñ' í' nisí'~bre e laco' ja' nifé'r' ga', jo lajobi losu~r~ cajo e laco' ja' nifé'r' júu^ adsee`.

¹¹ Jo 'né~ e nitá'na' e jmoo'na' jalé' e ga', jo 'né~ nijmée'na' jman'g~ e guiá~

jogui 'né~ nijmi'úung'na' e seeng'na' juguiá~ júu^ røø cóo'~ dsea` rúng'na'.

¹² Co' Fii'naa' jmóo'bre í' jaléng' dsea' quiá'r~ i jmóo' jalé' e guiá~, jogui jáb'~ núur' jalé' júu^ quiá'~ dsea' í' mi' ee'go mi'r' dsea' do, dsu' 'ní' níim~bre jaléng' i dsea' i jmóo' ga'.

¹³ Co' jii~ jaang' dsea' cuóøng' lí' jmeaiñ' 'nu' ga' song jmi'úung'na' e jmoo'na' jman'g~ e guiá~.

¹⁴ Dsu' car' jii~ e ee~na' e guiá~ do ni'íim'~ba' e huíng', dsu' eáam' juguiá~ quií' 'nú' song lajo. Joba' ja' føøng'~na' quiá'~ i dsea' i jman'g' 'nú' ga', o'gui jmoo'na' 'gó'na' cajo.

¹⁵ Co' lí' lí' 'né~ e nijmi'goo'na' Fii'naa' Dsea' Jmaang~ e car' ngocáng' óo'ba', jogui 'né~ e néeb' guiá~ quií'na' contøøng~ e ningii~na' quiá'~ jaléng' dsea' i iing~ niliñí' cuaiñ' quiá'~ lajii~ e nisita' óo'na' e nicuó'~ Fidiée~ 'nú'.

¹⁶ Dsu' mi' ngii~na' quiá'~ i dsea' í', 'né~ jmée'na' e jmi'goo'ba're jogui 'né~ e ja' jmi'jlong'~ yaang~na' cóo'r~, jogui lajobi 'né~ ee~na' guiá~ e jo' í' áa'na' jalé' e ga' e lami~ jmoo'na' lami~ jéeng'gui, jo lajoba' jaléng' i dsea' i fé' ga' uii~ quiá'~ jalé' e guiá~ e jmoo'na' do nilí' í' líim~bre quiá'r~ yaaiñ~ cóo'~ lajii~ e fé'r' do.

¹⁷ Co' guiá~ gui e ni'íng'~naa' iihuú' uii' e jmoo'naa' e guiá~ song lajo iing~ Fidiée~, dsu' ga'guib lí' e ni'íng'~naa' iihuú' uii' e jmoo'naa' jalé' e ga'.

18 Co' 'ñiab' Fí'naa' Dsea` Jmáang- cacár- iihuí' cartí cajúñ- uí' dsee- quí-naa', co' lajo nisi'ib^ e nidsingúñ- coo' ya' lata' rōo' jmigüí. Dsaco' ír' líñ' jaang' i'ée' røø' i'ja' dsee- røøng', dsu' cajám' 'ñia'r' e cacár- iihuí' uii' quíá'- jaléng' jneaa~aa', dsea' líng'naa' dsea' dsee- dsea' quí', e laco' nitøø' jneaa~aa' fí' quini' Fidiée'. Jo ír' cajnga' dsea' quíá'r- lafa' jaang' dsea' jmigüí, dsu' cajíb'tur la'eáang' cóo' Jmiguí quíá'- Fidiée'.

19 Jo la'eáang' cóo' e Jmiguí quíá'- Fidiée' do e jmicóo' quíá'r- do cangór- e cangoguiar' júu^ quíá'- Fidiée' jee' jaléng' 'lí' i' sijnúng' cartí mi' nití- í' e Fidiée' quidsí' í' quíá'r-.

20 Jo jaléng' i' dsea' í' laam'bre cajméer' ie' malí'gui do, ie' lamí' seeng'gui Noé, ie' lamí' cajéng' Fidiée' e féng' dsíir' cóo' ír' do lajee' e lí' e móo' dsée- do e fí' lí' caláang- jñíng- dsea' sínúu^ quíá'- Noé la'eáang' fí' dsí' e móo' do mi' ca'á' jmí' fí' jmiguí la.

21 Co' e jmí' jo guóng' lafa' jmí' cóo' e saang' dseab', dsaco' la'eáang' cóo' e joba' e cuø' lí' e caláang-naa' jee' dsee- quí-ii'. Dsu' e saang' dsea' jmí' do ofa' guóng' e jgúng- ngúu' táang' dsea', co' lí' lí' guóng' e 'né- mii'naa' Fidiée' e ni'íñ- dsee- quí-ii' e laco' jo' lí'guí' dsea' dsee-. Jo dsu' jo' lí'naa' lajo, co' nicajgáang-naa' jmí' uí' e cají'tu Fí'naa' Dsea' Jmáang- mi' cangí' e cajúñ-.

22 Jo mi' cangí' e cají'r' do, cangám'-tur fí' ñíff-, jo lana dob niguiñ' lí' lí' dsée' laco' guíng- Tiquíá'r' Fidiée', jo fí' job' quier' níff' quíá'- jaléng' ángeles i' líng' guotíir- cóo' guí jaléng'gui dsea' guí i' 'gøng' jogui jaléng' i' óo' ta' cajo.

4

Majmicóo'naa' dsea' rú'naa' lí' laco' e cangúng'naa' e cacuø' Fidiée' jneaa~aa'

1 Joba' fí'guí' 'nú', dsea' rú'naa' dsea' quíá'- Dsea' Jmáang-, e lí' laco'gui cangongúng- Dsea' Jmáang- iihuí' lajee' táaiñ' fí' jmigüí la, joba' lajob' 'nú' cajo 'né- e jmée'na' té'ba' jogui e féng' óo'na' mi' ningúng-na' e huíng'. Jo doñí' i' dsea' quíá'- Dsea' Jmáang- i' ngúng' e huíng' fí' jmigüí la, nica'ím- bí' quíá'- dsee- quíá'- i' dsea' í'.

2 Jo co' lajob' lí', joba' jo' 'né- jmér- lajii' e iing' ngúu' táaiñ' laco'gui la jmoo' dsea' i' sí'niim'bí' cóo' dsee- quíá'-, dsu' lana 'né- nijmitir' lajii' e iing' Fidiée' lata' seeíñ'.

3 Dsu' té' jii' lana e jmoo'na' laco'gui la jmoo' dsea' i' ja' cúing' Fidiée'; co' 'nú', ie' ná'-gui e calicúing'na' dsea' do, cajmee-na' jalé' e ga' e ja' dseeng', fa' mi' suung'na' jalé' e sea' fí' jmigüí, jogui jmoo'na' ta' güing' cóo' dseañu' osi dseam' i' o' quí'na', jogui jmoo'na' ta' í', jogui jmoo'na' ta' gø' cúng', jogui eáang' ta'na' mii' fí' lí' née' júu^, jogui jmiféng'na' jaléng' diée' i' o' já'-.

4 Jo laco' 'nú' nicatúu'ba' lana e jmoo'na' jalé' e ga' do, joba' eáam' dsigá' dsí' jaléng' i' dsea' i' jmoo'bi e 'lí' do cóo' 'nú', jogui gab' nífé'r' uii' quí'na' cajo.

5 Jo dsu' jaléng' i' dsea' í' niguiéeb' jmí' mi' niguiéer' cuente quíá'r- fí' quini' Fidiée', dsea' ninée' guíá' quíá'r- e niquidsir' í' quíá'- jaléng' dsea' jmigüí i' seeng'gui cóo'gui jaléng' dsea' i' nicajúng- cajo.

6 Jo dsu' uí' e lajob' lí', joba' nicaguiá' dsea' júu^ quíá'- Dsea' Jmáang- jee' jaléng' i' dsea' i' nicajúng- do e laco' e caliséíñ' fí' quini' Fidiée' e cajmicóo' Jmiguí quíá'- Fidiée' quíá'r-, nañí' fa' nicatidsib' í' quíá'r- lajee' e seeíñ' fí' jmigüí la.

7 Jo jo' huøø- rōo'gui jmigüí e nidsijée' lajii' e sí'í' quíá'- Fidiée' e nidsijée'. Joba' fí' i' 'nú', dsea' rú'naa', í' óo'na' laco' catúng-, jogui ñiim'bí' óo'na' e laco' lí'na' e føng'na' Fidiée' e ngocáng' óo'na' mi' ee'gø' mii'na'r.

8 Dsu' niing-gui eáang' e nijmi'neáang'na' dsea' rúng'na' e ngocáng' óo'na', dsaco' mi' jmi'neáang'na' rúng'na', joba' nilí' niliféng' óo'na' quíá'- rúng'na' doñí' fa' sea' jmiguiá' dsee- quíá'r-.

9 Jogui íim'ba' e íaang' óo'na' jaléng' dsea' cóo' júu^ røø' mi' i' guíling- fí' quí'na'.

10 Jogui 'né- jmicóo' rúng'na' laco' sí'í', dseáng- lí' laco' jii' e catúng- e cangúng'na' quíá'- Fidiée' lajaang' lajaang'na'.

11 Jogui song ii 'nú' cangíng'na' e guia'na' júu^ quiá'- Fidiéé, 'né- fo^na' e júu^ jo laco' iing~ Fidiéé e fo^na'. Jogui mi~ ii jaang' 'nú' ngíng'na' e jmoo'na' coo' ta~ e jmoo'na' lajii~ e iing~ Fidiéé, 'né- jmée^na' e jo dseáng'- la'eáang' cóo'~ bí e cuø' dsea' do 'nú'. Jo lajaléb' e jmoo'na', jmee-ba' dseáng'- laco' nijmiféng'na' Fidiéé la'eáang' cóo'~ Fí'naa' Dsea' Jmáang-, co' íb' dsea' i féng' jogui i 'gøng' lata~. Jo lajob 'né- niliti~.

Mí- íng' dsea' quiá'- Dsea' Jmáang- jalé' iihuí'

12 Jo lalab fí-túu 'nú', dsea' rú'naa' dsea' quiá'- Dsea' Jmáang-, ja' jmoo'na' e dsi'gó' óo'na' mi~ ngíng'na' jee~ jalé' iihuí' uí'~ e líng'na' dsea' quiá'- dsea' do, jogui ja' í' áa'na' e jii'~ 'nú' dsingíng'na' lajo.

13 Dsuo' o' lajo e 'né- jmée^na', co' lí' lí' 'né- e cuó'^ bí rúng'na' e jmi'iaang' óo'ba' lajii~ e iihuí' do, co' lajob e cangongíng- Dsea' Jmáang- fí' jmigüí' la, jo lajoba' nili'iaang' óo'na' mi~ nimó^na' e nijáa'tu Dsea' Jmáang- fí' jmigüí' la cóo'~ e laniing- 'gøíñ' do.

14 Jo juguiá- quí-na' song ii dsea' i sí' 'nú' júu^ 'lí' uí'~ e líng'na' dsea' quiá'- Dsea' Jmáang-, co' contøøm- seeng' cóo'~ 'nú' e Jmiguí' jlo^ niing- quiá'- Fidiéé do.

15 Jogui song ii 'nú' móo-na' iihuí', dsu' gab' lí' song e iihuí' do ca'íng'na' uí'~ quiá'- e cajngang'na' dsea', osi quiá'- e jmoo'na' ii, osi quiá'- e nica'lee~na' é, osi quiá'- e quíng'na' jee~ jalé' e ja' e cuaiñ~ quí-na'.

16 Jo dsu' song e iihuí' e móo-na' do ca'íng'na' uí'~ quiá'- e líng'na' dsea' quiá'- Dsea' Jmáang-, joba' ja' 'né- jmée^na' e í' líng'na', co' lí' lí' 'né- e jmiféng'gui' Fidiéeb' uii~ quiá'- e jo.

17 Jo lanagui nicatíb' í' e Fidiéé niquidsir' í' quiá'- jaléng' dsea' jmigüí', jogui nináng' lajee' la'ó' jneaa~aa', dsea' lí'naa' dsea' quiá'r-. Jo co' lajob lí', joba' zjialgui tí' ga' iihuí' nidsingíng- jaléng' dsea' i ja' núu~ júu^ quiá'- Fidiéé~?

18 Jogui laco' fé' fí' ní' jì quiá'- Fidiéé lala: "Song jaléng' i dsea' i guiúng- laco' si'í' huím' nileáiñ' jee~ dsee- quiá'r-, joba' zjialgui tí' ga' nidsijéé cóo'~ jaléng' dsea' i 'líng' jogui cóo'~ i beáng' dsee- yaang~?"

19 Jo song cuø' Fidiéé fí' e íng' jaléng' dsea' quiá'- Dsea' Jmáang- iihuí', joba' jaléng' i dsea' í' 'né- jmé-bir' jmang'- e guiú-, jogui nijáng' yaaiñ~ car' ngocáng' dsíir' fí' quini~ Fidiéé i cajmeáang' ír' do, co' dseáng'- jmitib~ Fidiéé jalé' júu^ quiá'r-.

5

Júu^ í' 'goo' e catíng- jaléng' dsea' quiá'- Dsea' Jmáang-

1 Jo lanagui iin~n nifón'~n jaléng' dsea' cóøng'~ i quie' nifí' quí-na' jee~ la'ó' 'nú', dsea' líng'na' dsea' quiá'- Dsea' Jmáang-, co' jnea~ lín'n jaang' i quie' nifí' laco' íbre cajo, jogui camó-bí jalé' iihuí' e cangongíng- Dsea' Jmáang- fí' dse' crúu^, jogui nitím-baa cajo laco' i dsea' í' e nimoo~o e laniing- 'gøng' quiá'- Dsea' Jmáang- mi~ nijáa'tur fí' jmigüí' la.

2 Joba' fí-i 'nú', dsea' líng'na' dsea' cóøng'~ i quie' nifí', jmee-na' í' jaléng' dsea' i cangíng'na' i nicane'- ní'na' i nicacuøng' Fidiéé 'nú', co' i dsea' í' líiñ' lafa' jo'se' quiá'- Fidiéé. Jogui jmee-ba' e jo e ngocáng' óo'na' laco'gui iing~ Fidiéé, jo ja' jmée^na' e laguidseaang^ o'gui e laco' dsináang'na' cuu- cajo. Dsu' jmee-ba' jalé' e jo e íaang' óo'na';

3 jo ja' 'né- jmée^na' lafa' dsea' fii~ i laguidseaang^ quí' ta~ quiá'- jaléng' dsea' quiá'-, dsu' lí' lí' 'né- e nijmi'úung'na' e ni'ee-na' røø, jo lajoba' cuøøng' nijøø- i dsea' quí-na' do e nijmér- laco' si'í' cajo.

4 Joba' mi~ tí' lí' nijáa'tu Dsea' Jmáang-, i dsea' i laniing- do i jmóo' lafa' ta~ ní' jo'se', joba' 'nú' ni'íng'na' lajii~ e sí'íng'na' quiá'- Fidiéé e jlo^ eáang' e ja' tóo' jmi~ fa' e ni'íng-.

5 Jogui lajobi 'nú' cajo, jaléng' siming', 'né- jmée^na' núu~na' jogui e jmi'goo'na' jaléng' dsea' cóøng'-. Jo lajiiñg' 'nú' ja' 'né- jmée^na' jløng'na' quiá'- rúng'na', dsuo' lalab fé' fí' ní' jì quiá'- Fidiéé lí' fé' lala:

Dseáng'- teá' sée' Fidiéé quiá'- jaléng' dsea' i jmicøøng'~ yaang~,

dsu' eáam' guiá~ jmicóo'r~ jaléng' dsea` i ja` jmóo` lajo dsu' ñi'bre e 'né~ e nijmicóo'~ Fidiéé' quiá'r~.

⁶ Jöba' cuøø'~ fí yaang~na' e Fidiéé' nicár` nifi' quíi~na', co' íb` dsea` laniing~ 'gøng' cajo, jo lajoba' niseáiñ' 'nú' yá'^ mi~ nití~ í' quíi~na'.

⁷ Jöba' fíi~i 'nú', dsea` rú'naa' dsea` quiá'~ Dsea` Jmáang~, 'naang~na' ca' jalé' fíí' dsí' e seeng~na' fí jmigüi' la jo guiá^na' jalé' e jo fí jaguó' Fidiéé', dsuco' dsea` dobing' i eáang' to' fíing' 'nú' contøøng~.

⁸ Jogui 'né~ e í' áa'na' røø, jogui cajo 'né~ e siñiing~ áa'na' contøøng~ e laco' ja' nijmigøøng' fii~ i 'ling'^ 'nú', dsuco' í' dseáng'~ 'ní' níim~bre jneaa~aa' e ngír' fí la fí na lafa' jaang' ie' e 'náng'ne' liing~ i nisáng'ne'.

⁹ Dseáng'~ ja' cuø'na' fí e fii~ i 'ling'^ do nijmér~ e nijmigøøiñ' 'nú' lajo, jogui jie~ mí tiúung~na' e já'~ líng'na' júu^ quiá'~ Dsea` Jmáang~, co' niñí'na' e jaléng' rúng' dsea` quiá'~ Dsea` Jmáang~ i seeng' fí la'úng~ fí jmigüi' røøb' ngíiñ' iihuí' laco' 'nú'.

¹⁰ Dsu' mi~ ningf' e nica'íing'~ 'nú' jalé' iihuí' lajee~ cateá', job mi~ nijmé~ Fidiéé' e ni'uíng~na' dsea` guiúng~ dseáng'~ laco' si'í', jogui nijmér~ e nisíng'~na' teá'gui fí guiá~ cóo'~ Dsea` Jmáang~, jogui e nita' óo'na' e Fidiéeb' dsea` nicá' nifi' quíi~na'. Dsuco' dsea` dobing' i eáang' 'neáang' jneaa~aa', jo nicatø'r~ jneaa~aa' cajo e laco' ni'uíng~na' dsea` i seeng' cøøng' cóo'r~ lata~ colíing~ cóo'~ Jóor' Dsea` Jmáang~.

¹¹ Jo eáang' laniing~ 'gøng' dsea` do lata~ jee~ jalé' e sea' fí jmigüi'. Jo lajob 'né~ niliti~.

Júu^ guicóo' e lidséng^

¹² Jo la'eáang' cóo'~ Silvano, jaang' dsea` rú'naa' i dseáng'~ i lajang'~ líng' dsea` quiá'~ Dsea` Jmáang~, nicajmé'e e jii'ia la e laco' nifón'^n 'nú' jogui e nicuøø'^ 'nú' bí e laco' nijmitaa' óo'na' e lajalé' e güea'^ e nica'íing'~na' do cuø' lí' dseáng'~ e lajam'~ba' 'neáang' Fidiéé' 'nú'. Jöba' fíi~i 'nú' e lajob 'né~ jmée^na' e teáam~bi' teá' fí lí' niteáang~na' cóo'~ Dsea` Jmáang~.

¹³ Jogui jaléng' dsea` quiá'~ Dsea` Jmáang~ i neáang' fí Babilonia i nicaguíng' Fidiéé' do laco'gui nicaguíñ' 'nú', guiéiñ' júu^ guicóo'~ quíi~na' cajo, jogui lajobi i jóo' o' i sii' Marcos.

¹⁴ Jogui se'na' guoo' rúng'na' mi~ jíng' rúng'na' uii~ e 'neáang' rúng'na'. Jogui güiliseem~ba' juguiá~ júu^ røø' lajiiing~na' dsea` líng'na' dsea` quiá'~ Fí'naa' Dsea` Jmáang~.

Jo jíi'~ job quiá'~ lana.

Jo lanab jíi'~ fé' jii' la'uii~ quiá'~ Tú^ Simón.

Jì e catí tú e cajme' TÛ SIMÓN

¹ Jnea Tú Simón, jaang dsea ì jmóo lajii e iing Fii'naa' Dsea Jmaang jogui ì siiiñ cuaiñ quiar, jmo'o e jì la e catíng 'nú', dsea ì røø nicangíng'na' e já' líng'na' júu quiá' Fii'naa' Dsea Jmaang laco'gui nicangíng' jnea' e já' lí'naa' júu quiá' dsea do cajo, co' eáang' guiúng Fidié' cóo' jneaa'aa' e nicaleáaiñ jneaa'aa' jee dsee qui'ii' la'eáang' cóo' Fii'naa' Dsea Jmaang.

² Jogui íim'ba' lalíng' e güea' quiá' Fii'naa' Dsea Jmaang, jogui güiliseeng'na' juguiá' júu røø la'eáang' e nicuíng'na' Fidié' cóo' gui'ñia' Dsea Jmaang cajo.

Jial líng' dsea quiá' Dsea Jmaang

³ Jo labal fii' 'nú', dsea rú'naa' dsea quiá' Dsea Jmaang, e la'eáang' cóo' güea' 'gøng' quiá' Fidié'ba' nicangíng'naa' jalé' e 'né'naa' e quiá' jial nilisee'naa' laco' catíng' e seeng' dsea quiá' Dsea Jmaang, co' nicatø' ì dsea do jneaa'aa' la'eáang' cóo' güea' quiar jogui la'eáang' cóo' e eám' guiúñ' e laco' nilicuíng'naa'.

⁴ Joba' la'eáang' cóo' jalé' e nicangíng'naa' do, nicacuø' Fidié' júu quiar e niíng'naa' jalé' e jlo' niguoa' quiar, jo jalé' e júu e nicacuø' Fidié' do eám' 'gøng' jogui eám' quíng' cajo, co' la'eáang' cóo' e júu joba' e nicangíng'na' e nica'naam'ba' jee jalé' e 'lí', fa' jalé' e lí' dsii' yaang' dsea' e sea' fí' jmigüí' la, jogui nicangíng'na' e nilíng'na' dsea ì seeng' cøøng' cóo' dsea do.

⁵ Jo uii' e cajmee' Fidié' jalé' e jo quii'na', joba' 'né' e jmi'úung'na' e jmicuáam'bi' e já' líng'na' júu quiá' Dsea Jmaang; jo cóo' e jo 'né' jmée'bi' lajii' e guiá' cóo' dsea rúng'na' laco' catíng'; jo cóo' e jo 'né' nijmee'bi' quiji' jial e laco' nilicuíng'gui' Fidié';

⁶ Jo cóo' e jo 'né' jmée'na' jialco' ja' lí' áa'na' yaang'na'; jo cóo' e jo 'né' cuø' bí' yaang'na' e féng' áa'na' nañí' fa' e ngíng'na' iihuí'; jo cóo' e jo 'né' e dseáng' lajang' nijáang' yaang'na' fí' jaguø' Fidié' e nijmee'na' lajii' e iing' dsea do;

⁷ Jo cóo' e jo 'né' jmée'bi' quiji' e nijmicóo' rúng'na'; jo cóo' e jo 'né' jmée'na' e nijmi'neáang'na' dsea rúng'na'.

⁸ Joba' song 'nú' jmi'úung'na' e jmoo'na' jalé' e la, jogui jmoo'bi' jalé' e jo laco' sí'f', joba' íim' ta' quii'na' e nilicuíng'gui' Fii'naa' Dsea Jmaang jogui cajo seab' uing' quiá' jalé' e jmoo'na' do.

⁹ Jo dsu' jaléng'gui' dsea ì ja' jmóo' jalé' e júu' la líiñ' lafa' jaang' dsea' tiuum' osi jaang' dsea ì jo' jné' røø é, co' nica'ím' dsii' e Fidié'bing' ca'íng' jalé' dsee quiar e laco' ca'uíng' dsea do jaang' dsea guiúng' mi' calí' já' líiñ' júu quiá' dsea do.

¹⁰ Joba' fii'guí' 'nú', dsea rú'naa' dsea quiá' Dsea Jmaang, e 'né' jmi'úung'na' e niliseeng'na' e laco' cuø' lí' e dseáng' nicatø' Fidié' 'nú' jogui e nicaguíñ' 'nú' cajo. Jo song jmoo'ba' lajo, joba' ja' dseáng' quii'na' e nijíung'na' fí' ni' dsee.

¹¹ Jogui song jmée'na' jalé' e jo cajo, jo lajoba' nilita' óo'na' e Fidié'bing' ni'íng' 'nú' cóo' e guiá' fí' jmigüí' cóo' fí' lí' guíng' Fii'naa' Dsea Jmaang quiar' ta' lata', ì dsea ì caleáang' jneaa'aa' jee jalé' dsee qui'ii'.

¹² Joba' dseáng' nijmee'bi' e nijmiguiém'bi' áa'na' jalé' e júu' na contøøng', nañí' fa' lajam' e niñí'na' e júu' jo jogui e niteáang'na' teá' fí' guiá' cóo' dsea do lí' laco' jii' e nica'e' dsea 'nú'.

¹³ Dsu' jnea'gui' lajee' e seen' fí' jmigüí' la lín' e catíim'baa' e niliúun' 'nú' e niguiéng' áa'na' jalé' e júu' na.

¹⁴ Dsu' lanagui' Fii'naa' Dsea Jmaang' nicajmea'r' jnea' júu' e jo' huøø' seeng'guí' fí' jmigüí' la,

¹⁵ joba' dseáng' nijmee'bi' bí' e niguiém'bi' áa'na' e júu' la mi' níng' e níngán' fí' jmigüí' cóo'.

Mi~ cangá~ dsea` jial tí' 'gøng' Dsea` Jmáang~

16 Jo nica'é'naa' 'nú', dsea` rú'naa', quiá'- jial tí' 'gøng' Fí'naa' Dsea` Jmáang~ jogui jial lí' mi~ nijáa'tur fí' jmigü' la calé' catú-, jo dseáng'- lajang'- e júu^ jo, jo o' júu^ e cuóøng` nijmi'uíng~ dsea` e nijmé'r- e ja' mi' cangar', co' dseáng'- e já'- e cane~naa' cóo'~ jmini'naa' yee~baa' jial tí' 'gøng' Fí'naa' Dsea` Jmáang~.

17 Co' cane~baa' mi~ ca'e' Tiquí'ii' Fidié~ jnea' jial líng' Dsea` Jmáang~ cóo'~ jalé' e niing~ 'gøiñ' do, jogui ie~ job caná'na' mi~ café' Fidié~ catí' ñifí' quiá'r- lala cuaiñ~ quiá'- Dsea` Jmáang~: "I lab JÓO' o' i' neáan'n eáang', jo dsíng'- iáang' dsii- cóo'r~."

18 Jo jneab'^ dsea` caná'naa' e júu^ jo e jáa' tí' yá'^ jmigü', co' taam~baa' cóo'~ Fí'naa' Dsea` Jmáang~ e fí' yá'^ mó' e güeang' do ie~ jo.

19 Jo e jo dseáng'- e líta~gui dsí'naa' e já'- e júu^ e caguia' jaléng' i dsea` i café' cuaiñ~ quiá'- Fidié~ malí~gui eáang', jo e júu^ job dseáng'- 'né- e jmi'goo' 'nú' cajo, co' e júu^ jo lí' lafa' coo' jì quiá'- candíi^, jo e joba' jmáng' dsea` ta~ mi~ canuu. Jo e jo jneá' cartí' nijneá' e jmü' e nití' mi~ nijáa'tu Dsea` Jmáang~ fí' jmigü' la e líiñ' lafa' i núu' ée^ i camíng' i jnéeng~ fí' yá'^ jmigü' mi~ la'ee'. Jo ie~ jo jaléng' 'nú', dsea` líng'na' dsea` quiá'r-, jo` niliseeng'gui' lafa' fí' lí' nuu, co' ni'uíng~na' dseáng'- laco' la líng' dsea` do 'ñia'r'.

20 Jo dsu' e júu^ laba' iin~n e niliñí'na', e júi'~ coo' júu^ e cajme' jaléng' dsea` i café' cuaiñ~ quiá'- Fidié~ fí' ni~ jì quiá'r- dseáng'- ja' café'r' o'gui cajméer' júu^ e guøng' e júu^ jo dseáng'- laco' iin~ yaañ~.

21 Co' jaléng' i dsea` i café' cuaiñ~ quiá'- Fidié~ do ja' café'r' júu^ dseáng'- laco' í' dsíir' yaañ~, co' lí' lí' café' jaléng' i dsea` do la'eáang' cóo'~ 'ñia' Jmiguí' quiá'- Fidiéeb'.

2

*Jaléng' dsea` i e' júu^ e o' já'-
(Judas 4-13)*

1 Jo lala fíi~guí' 'nú', dsea` rú'naa' dsea` quiá'- Dsea` Jmáang~, e lamí~ jéeng'gui calisé'm dsea` jee~ dsea` Israel i cajmícaang~ e café'r' cuaiñ~ quiá'- Fidié~, dsu' o' já'-, co' e júu^ e caguiar' do jmang' júu^ e o' já'-; jogui lajee' lanab cajo niliseeng' dsea` i nijmícaang~ e líiñ' tifa' i e' júu^ quiá'- Fidié~, dsu' júu^ e o' já'-ba' ni'é'r- jee~ 'nú', dsea` líng'na' dsea` quiá'- Dsea` Jmáang~. Jo jaléng' i dsea` la'í' e ñm' ni'é'r- e júu^ e 'léé' do e o' já'-, jogui nifé'r' ga' uii~ quiá'- Fí'naa' Dsea` Jmáang~, jogui i dsea` la'í' fé'r' e ja' cuíiñ' i dsea` i caquí' jalé' dsee- quiá'- dsea` jmigü'. Joba' lajmináb- niquidsí' Fidié~ í' quiá'- i dsea` la'í', jogui nicuó'-reiñ' iihu'í' cajo e catíiñ- uíi'~ quiá'- jalé' e nicajméer' jogui e mí' 'noo'bi jmóor'.

2 Jo fíim' dsea` niligøøiñ' cóo'~ e júu^ e o' já'- do, jo nisíng'tu yaañ~ e fí' ga' do, jo uíi'~ jaléng' i dsea` la'í' gab' nifé' dsea` uii~ quiá'- fí' guíá' quiá'- Dsea` Jmáang~.

3 Jo uíi'~ e lí' dsí' jaléng' i dsea` i e' jalé' e 'lí' do cuub-, joba' nilí'r' e nijmigøøiñ' 'nú' cajo cóo'~ jalé' e júu^ e o' já'- e er' do. Jo dsu' nisijéeb' e fí' lí' 'lí' do quiá'r- fí' lí' jo' mí' sea'gui, dsuco' tí' nití' í' e Fidié~ niquidsí' í' quiá'r-.

4 Jo nine~naa' guíá- e ja' ca'íng~ Fidié~ dsee- quiá'- jaléng' ángeles i ca'ée' dsee-, dsu' lí' lí' cangojéeiñ' fí' lí' 'lib'^ jaléng' í' jo fí' lí' nuu' sób' caseáang'neiñ' do e si'ñúuiñ'~ do cóo'~ ní' cadena cartí' mi~ niquidsí' Fidié~ í' quiá'iñ' do.

5 Jogui lajobi nine~naa' guíá- e ja' ca'íng~ Fidié~ dsee- quiá'- jaléng' dsea` dsee- dsea` qui' i caliséng' malí', co' ie~ jo Fidié~ cacuó'reiñ' do iihu'í' e cajméer' e ca'á' jmü' fí' la'úng~ fí' jmigü' e quiá'- cajúm- lajüm' dsea` i soo' dsí' i cajmée' ga' do. Jo dseáng'- lajúi'~ Noébing' i caseáang'gui, co' júi'~ í'bing' i ca'ée' e guíá- laco' catíng~ fí' quini' Fidié~, jo lajob cajo caseáam'bi guíang'gui dsea` sinúu' quiá'r- ie~ jo.

6 Jogui lajob cajo ca'íim~ Fidié~ jaléng' dsea` i seeng' fí' fíi' Sodoma cóo'~gui fí' fíi' Gomorra e cacóo- eáang' fí' jo cartí' caje' yaang~ fa' e laco' niliñí' jaléng' dsea` i niliseeng' cøøng'gui e lajob iihu'í' ni'íng' jaléng' dsea` i jmóo' ga' i 'ní' níng~ Fidié~.

7 Dsu' ie~ jo caleám`bre jaang` dseañu` i sii` Lot, co' jaang` dsea` guiúm` líng' í, jogui eám' óor' fi'í' cóo'~ jalé' e 'li'^ e nír' e jmóo' jaléng' i dsea` i seeng' fi' lí' táaiñ' do.

8 Jo laco' jmiib~ i dsea` guiúng~ i sii` Lot do seeiñ' e eám' óor' fi'í' cóo'~ i dsea` i soo' dsí' do uí'~ e nír' jogui e núur' jalé' e 'li'^ e jmóo' i dsea` 'ling'^ do.

9 Jo co' já'~ jalé' e la, joba' nine~naa' guiá~ e ja` huíng' quía'~ Fí'naa' Fidié~ e láaiñ' jaléng' dsea` jee~ jalé' iihuí'. Jo nine~naa' cajo jial cuø' Fidié~ iihuí' jaléng' i dsea` i jmóo' ga` cartí' mi~ niquidsir' í' 'ñia'r' quía'~ i dsea` la'í'.

10 Jo lajee~ lajaléng' dsea`, eáang'gui nicuø' Fidié~ iihuí' quía'~ jaléng' dsea` i lí' dsí' e jmóor' jalé' e 'li'^ lajee~ la'ó' yaaiñ~ jogui i ja` iing~ e Fí'naa' Fidié~ quier' nifí' quía'r~. Jo jaléng' i dsea` la'í' iib' líiñ', jogui teáb' dsíir' jmér' lí'^ doñí' ee' e 'li'^, jogui ja` 'gó'r' e fé'r' ga` uii~ quía'~ jaléng' i 'gøng' i ja` jnéeng~ i seeng' fi' yá'^ jmiigüí'.

11 Jo jaléng' ángeles i líng' guoti~ quía'~ Fidié~, nañí' fa' íbing' dseáng'~ e sea`gui bí' quía'~ laco' i dsea` i e' júu^ e o' já'~ do, jogui nañí' fa' sea`gui fi' quía'r~ cajo laco'gui i dsea` í, dsu' niñi'bre e ja` dseeng' fa' e nifé'r' ga' fi' quini' Fí'naa' Fidié~ uii~ quía'~ jaléng' i 'gøng' do i ja` jnéeng~ i seeng' fi' yá'^ jmiigüí'.

12 Jo dsu' jaléng' i dsea` i e' júu^ e o' já'~ do líiñ' lafa' jó' núub^ co' ja' e ngáiñ' jii~ coo', co' lí'^ seeiñ' lajob; co' jó' núu'bing' i líng' e lico' ngáang'~ne' e sáang' dsea` íre' jo jngaiñ', joba' lajob líng' jaléng' i dsea` la'í', co' fé'r' ga` uii~ quía'~ jalé' e ja` ngáiñ' do. Dsu' lajob nidsingíiñ~ e ni'ím~ quía'r~ cajo mi~ nití' í' quía'r~ laco'gui júung~ jaléng' i jó' í,

13 Jo røøb' ni'íng' i dsea` la'í' iihuí' laco'gui nicajmeaiñ' jaléng' dsea` rúin' i jiénng'gui. Jo dseáng'~ ja' í' líng~ jaléng' i dsea` í e jmóor' lajo mi~ jmi~, co' lico' í' dsíir' e eám' juguiá~ seeiñ' e lí' dsíir' jalé' e sea` fi' jmiigüí' la; dsu' dseáng'~ gab' lí' e seeng' jaléng' i dsea` la'í' jee' 'ná' i tá'~ mii~ lajee~ ee'go jmi~ jmoo'na', jo i dsea` la'í' lico' jmi'iaang' dsíir' lajii~ e lí' dsíir' yaam~bre fi' jmiigüí' la mi~ ee'go jmiigøoiñ' dsea`.

14 Jo jaléng' i dsea` la'í' ja' lí' níiñ~ jaang' dseamí' e fa' ja` suuiñ'; jo dseáng'~ ja' fím'bre e beáng' dsee~ yaaiñ~. Jogui eám' jmóor' ta~ jmi'óo' e cóøiñ~ dsí' jaléng' dsea` i ja' mí' teáang~ teá' cóo'~ júu^ quía'~ Dsea` Jmáang~, jogui dseáng'~ tí' i dsináang' cuub~ líiñ'. Jo uii~ quía'~ jalé' e 'li'^ e jmóo' i dsea` la'í', joba' dseáng'~ 'ñiab' Fidié~ nibíiñ' jaléng' i dsea` í.

15 Jo si'ím~ dsea` do lana, co' nicatú'bre e teáaiñ~ fi' guiá~ cóo'~ Dsea` Jmáang~. Jo nicajméer' laco' cajmée' jaang' dsea` i si'í' café' cuaiñ~ quía'~ Fidié~ malii'gui i calisí' Balaam, jóo' jaang' dseañu` i calisí' Beor, co' i dsea` í lí'^ lí' cajméer' lí'^ doñí' ee' e ga' e laco' nilí'r' cuub~ lamí' líiñ',

16 Jo dsu' i dsea` í' cajím~bre uii~ e dsee~ e ca'éer' do, co' cajím~ bú' quía'r~ ír', co' i bú' do café're' laco' fé' dseab~, jo job mi~ cajníng'ne' lajii~ e lí' dsí' i dsea` do.

17 Jo jaléng' i dsea` í' i e' júu^ e o' já'~ do líiñ' laco' dsea` i ja' ta' íng^, co' líiñ' lafa' coo' ojmí' lí' ja' a~ jmi~, osi' lafa' jní' e dsiguíng~ cóo'~ guí' e ja' quie' jmi' é; jo Fidié~bing' cacuø' e nisi'íng^ i dsea` do dseáng'~ e nidsilíiñ' fi' lí' nuu' só'~ lata~.

18 Co' yaam~bre guiar' júu^ e róo~ jogui júu^ e ja` uing~ sea, jo cóo'~ e ga' e sitíiñ~ jmóor' do jogui cóo'~ jalé' e lí' dsíir' yaaiñ~ do cóøiñ~ dsí' jaléng' dsea` i nabi' lé' já'~ líng' júu^ quía'~ Dsea` Jmáang~ jogui e nabi' nicanaaiñ' e 'naaiñ' yaaiñ~ jee~ jaléng' i dsea` dsee~ dsea` quí' do.

19 Co' i dsea` i e' júu^ e o' já'~ do sí'r' jaléng' i dsea` do e cuøøm' lí' jméiñ'~ jalé' e iin~, jogui ja' 'né' jmitiñ' júu^ quía'~ Fidié~, dsu' o' já'~ e júu^ e ca'er' do, co' yaam~bir líiñ' lafa' dsea` i si'niing~ cóo'~ jalé' e 'li'^ e sea` fi' jmiigüí' la; co' niñí' dsea` e lí' doñí' i dsea` i nicajáng' 'ñia' e nijmér'~ jalé' e 'li'^ e sea` fi' jmiigüí' la líiñ' lafa' i dsea` i nicalí'~ e quia' ta' quía'r~ jalé' e 'li'^ e jmóor' do.

20 Jo dsu' jaléng' dsea` i nicalicuíng' Fí'naa' Dsea` Jmáang~ i láang' dsea` jee~ jalé' dsee~ quía'r~, jo la'eáang' cóo'~ e joba' nica'naang' yaaiñ~ jee~ jalé' e 'li'^ e jmóo' dsea` fi' jmiigüí' la, jo dsu' song caquing'~tu i dsea` do e fi' ga' do jo cajmée'tur jalé' e 'li'^, jogui niquíá'~tu

ta~ quiá'r- jalé' e jo, joba' eáang'gui ga' ni'uíng- quiá'r- laco'gui lamí~ jéeng'gui ie~ lamí~ nú'gui e nilicuíñ Dsea` Jmáang`.

²¹ Joba' guiá- gui quiá'- jaléng' i dsea` la'í fa' e ja` mí canaaíñ e teáaiñ- fí guiá- cóo' Dsea` Jmáang` laco'gui catú'tur jalé' e nicang'íñ' do mi~ nicalicuíñ' dsea` do jogui e nicasíñ' yaaíñ- fí guiá- cóo'íñ' do.

²² Co' nicalitib~ cóo'~ jaléng' i dsea` la'í lajii~ júu^ e róo' e fé' lala: "Yaam~ dsii` gø'ture' ñu~ quiáa-re' e ñúre' do"; jogui "Jaang` cú^ i dseáng'- lalí- calá'- nitáang'~tu 'ñia're' jee~ jmijii`".

3

Mi~ nijáa'tu Fí'naa' Dsea` Jmáang` fí jmigü' la

¹ Joba' fíi-guá' 'nú', dsea` rú'naa' dsea` quiá'- Dsea` Jmáang` i iin~n eáang', la catí túb- e jì la e jmo'o e catíng-na'. Jo e jì la cóo'gui e lamí~ jéeng'gui do jmo'o e laco' ni'í- áa'na' røø jogui e ni'ee-na' guiá- laco' catíng- e jmóo' dsea` quiá'- Dsea` Jmáang`.

² Jogui iin~n e jmiguiéng' áa'na' jalé' e júu^ e casée' jaléng' i dsea` i café' cuaiñ~ quiá'- Fidiée' mali~gui eáang', jogui cajo iin~n e nitó^ óo'na' lajii~ júu^ quiá'- Fí'naa' Dsea` Jmáang` i láang' jneaa~aa' jee~ dsee- quí-ii'; jo jaléng' i dsea` apóo^bing' i ca'e' jneaa~aa' jalé' e júu^ jo.

³ Jo e lab e niing- gui e 'né- e nitó- áa'na' nifí quiá'- e júu^ la, e mi~ tí lí nijaquiéeng' e ni'íng- jmigüí, nijalíng- jaléng' dsea` e lí^ niliseeiñ e jmóor` lajii~ e ga' e lí dsíir' yaam~bre, jogui jaléng' i dsea` la'í nijmér- ta~ lóø^ cóo'~ jalé' júu^ güeang' quiá'- Fidiée' jogui cóo'~ dsea` quiá'r- cajo,

⁴ jo nijmér- ta~ jmíng'í lala cóo'~ júu^ e lóø^: "¿E~gui calí- cóo'~ lajii~ júu^ e sisée^ e quiá'- sí'í e nijáa'tu Dsea` Jmáang` calé' catú- fí jmigüí la? Dsu' níngóo'jiu jii' e cajúng- Dsea` Jmáang` do, jo ja' e lí e nigüéeng-tu dsea` do fí la, dsuco' ja' ee' sisíng^ jii'~ cóo' jalé' e sea' fí jmigüí la, co' røøb' lí' laco' lí' lamí~ uíng~ do lí' lana cajo."

⁵ Jo dsu' o' ja'- e laco' fé' i dsea` do, co' 'né- e ní- 'nú' e jaléng' i dsea` la'í ja' iin~ fa' e nicár` cuente e latí lajii~ mali'ba' nisea` latøøng- yá'~ jmigüí la'eáang' cóo'~ júu^ quiá'- Fidiée', jo la'eáang' cóo'~ ta~ e caquiú' Fidiée'ba' cajo e cagüí'í guóo'~ uó^ fí é' jmií, jogui la'eáang' cóo'~ jmií'ba' cajméer` e jo cajo.

⁶ Jo ie~ mali' do ca'ím- jaléng' dsea` jmigüí la'eáang' cóo'~ jmií cajo, co' ca'á jmií fí ni' la'úng- guóo'~ uó-.

⁷ Jo dsu' latøøng- jmigüí cóo'~ gui guóo'~ uó- e sea' lana nisisée^ e quiá'- e nicób', co' lajob ta~ e caquiú' Fidiée' e nilí. Jo cóo'~ e jì job nicáng' dsea` mi~ tí lí nití- í' e niquidsí Fidiée' í' quiá'- lajaang' lajaang' dsea` jmigüí, jo ie~ job mi~ ni'íng' jaléng' dsea` i ja' calinúu'~ jalé' júu^ quiá'- Fidiée'.

⁸ Jogui fíi-bíi' 'nú' e la, dsea` rú'naa' i iin~n eáang', jie~ mí íng- áa'na' e la: Røøb' tíí quiá'- Fí'naa' Dsea` Jmáang` e cóo' jmií osi cóo' mil jii' é, co' líng- dsea` do e lafa' cóo' jmií~ quiá'r- e cóo' mil jii' do, jogui e cóo' mil jii' do líiñ- lafa' cóo' jmií~ tøøm-.

⁹ Jo ofa' jmií'ng- Fí'naa' Dsea` Jmáang` e nijmitir~ lajii~ júu^ e nicacuør lamí~ jéeng'gui laco'gui í dsíi i líng- dsea', dsu' o' lajo, co' e eáang' féng' dsíib' dsea` do, co' ja' iin~ fa' lí^ e nidsilíng' jii'~ jaang' dsea` lajo fí lí- 'lí', dsu' iing~ dsea` do e lajii' dsea` niquí- nijíng' yaaíñ- fí quini' Fidiée', jo lajoba' ni'náng' dsea` jee~ jalé' dsee- quiá'r-.

¹⁰ Dsu' dseáng'- jáb'- e nijaquiém' e jmií e nijáa'tu Fí'naa' Dsea` Jmáang` calé' catú- fí jmigüí la, jo jii' ja' ii' nililí^, co' nijáar' lajee' ja' ñiiñ~ dsíi' dsea` laco' mi~ ngí jaang' dsea` i jmóo' ii' mi~ uóø. Jo ie~ job mi~ ni'ii~ eáang' car` niféng' dsea` mi~ ninga' la'úng- fí yá'~ jmigüí, jogui ni'íim- jaléng' i seeng' fí yá'^ do cajo, co' nicám'bre cóo'~ jì, jogui lajobi guóo'~ uó- cóo'~ jalé' e sea' fí jo, nicób' cóo'~ jì cajo.

11 Jo cō' lajib` e sea` fí` latøøng` jmiḡüû` nicó` cartí` ni`íing` , joba' `né` e nijmiñíing` áa`na' e ni`naang` yaang`na' jee` jalé` dsee` quií`na', jogui` contøøm` `né` jmée`na' lajii` e iing` Fidiée` car` ngoçáng` óo`na'.

12 Jo jmée`na' jalé` e jo lajee` e nisijeem`ba' e jmi` e nijáa`tu Fidiée` fí` jmiḡüû` la, jo jmi`úum`ba' e nigüea` lajminá` e jmi` jo. Jo mi` nití` e jmi` jo, ni`ím` la`úng` jmiḡüû` cō' nicób`, jogui` jaléng` i` seeng` fí` yá` jmiḡüû` nijmím`bre cōo` e niing` jì` do cajo.

13 Dsu` jneaa`guí`, dsea` lí`naa' dsea` quiá` Dsea` Jmáang`, sijeeng`naa' jmiḡüû` e `míib` cōo`gui` guóo` uó` e `míib` cajo lí` laco' lajii` júu` e nicacuø` Fidiée` lamí` jéeng`gui` e nicacuø`r` jneaa`aa', jo lajalém` i` niliseeng` e fí` jmiḡüû` `mí` do líiñ` i` guiúng` i` jmóo` lajii` e iing` dsea` do jogui` i` güeang`.

14 Joba' fí` guí` `nú`, dsea` rú`naa' i` iin`n eáang`, e lajee` e sijeeng`na' jalé` e jo, jmee`ba' úung` quií`na' e nijmée`na' jman` e guiá` e laco' mi` nigüéeng`tu Fidiée` fí` jmiḡüû` la calé` catú`, e niguiéiñ` `nú` e seem`ba' juguiá` júu` røø` e ja` si`ling`na' fí` quinir` jogui` e ja` dsee` røøng`na' jii` cōo`.

15 Jogui` téé` áa`na' e contøøm` féng` dsí` Fí`naa' Dsea` Jmáang` e laco' tí`bi` niquí` nijíng` yaang`na' fí` quini` dsea` do e laco' nilí`na' nileáng`na' jee` jalé` dsee` quií`na'. Jo quiá` lajobi` cajo, jaang` dsea` rú`naa' dsea` quiá` Dsea` Jmáang` i` iin`naa' eáang` i` sií` Paa` nicajme`r` jalé` jì` e quiá` jial`laang` dsea` jee` dsee` quiá`r` lí` laco' jii` e cacuø` Fidiée` quiá`r` e tiiñ` ngáiñ`.

16 Jo fí` ni` jalé` e jì` e nicajme` dsea` do, røø` nicaféiñ` `nú` cuaiñ` quiá` lajì` e júu` e quiá` jial`laang` dsea` jee` dsee` quiá`r`, nañí` fa' jee` e jì` jo sea`bi` e huíng` e ningáng` jaléng` i` dsea` i` ja` ngáng` e júu` jo cōo`gui` jaléng` dsea` i` ja` mí` teáang` teá` cōo` jalé` e júu` jo cajo, cō' jaléng` i` dsea` la`í` lí` riquib` fé`r` e` guóng` e júu` e er` do, jogui` jmisím`bre cajo e` guóng` e júu` quiá` Fidiée` caguiee`gui` do, dsu` mi` jmóor` lajo lico' guiéng` yaaiñ` fí` lí` lí` latab`.

17 Joba' fí` guí` `nú`, dsea` rú`naa' dsea` quiá` Dsea` Jmáang` i` iin`n eáang`, cō' `nú` dseáng` niñí`ba' guiá` jial`lí` e júu` la, joba' fí` `nú` e jmeáang`na' í` yaang`na' e laco' ja` nijmiḡøøng` dsea` `nú` e laco' fa' e nilí`r` e nitiúung`na' Fí`naa' Dsea` Jmáang`.

18 Dsu` `nú` lí` lí` `né` e nijmicuíim`bi` eáang`gui` Fí`naa' Dsea` Jmáang`, cō' íb` dsea` láang` jneaa`aa' jee` jalé` dsee` quií`ii', jogui` `né` e niline`guí` jial`tí` `neáang` dsea` do jneaa`aa', dsea` i` ja` catíng` lajo. jjoba' majmifém`baa' dsea` do contøøng` jogui` lajob`lata`!

Jo lajob`nilí`.

Jo lanab`jii` fé` jì` e catí` tú` quiá` Tí` Simón.

Ji' la'uii~ e cajme' JUAN

E~ uiing~ e calí~ e ji' la

¹ Lalab fíi~i 'nú' e fí' ni~ ji' la cuaiñ~ quiá'- jaang` i niseeng` lajii~ mi~ ná'-gui nitiroo~ jmigüi'. Jo dsea` í dseáng'- nicanú'baa' jial fé'r', jogui nicanee~baa'r dseáng'- quini'naa' lana, jogui nicalé'naa' cuente e dsea` la jneaa~aab' líiñ', co' quiá'- lanab nicalisé'naa' cóo'r~ la'ó' jnea'^, dsea` oo~naa' ta~ quiá'- Fidié~. Jo dsea` íb` Dsea` Jmáang~ i cuø' e ee~ dsea` lata~ cóo'~ Fidié~.

² Jo i dsea` i cuø' e jo dseáng'- nica'éem` ñia'r' fí' jmigüi' la, jo nicanee~baa'r, joba' nicaníi'naa' júu^ quiá'- jalé' e nicanee'naa' quiá'r~; jogui lana guia'naa' júu^ jee~ 'nú' quiá'- i dsea` i cuø' e ee~ dsea` lata~ cóo'~ Fidié~ do, jo dsea` íb` cajo i caguá' fí' ñiff~ lamí~ jéeng'gui cóo'~ Tiquiá'r~, jogui i Tiquiá'r~ do nica'éem`bre dsea` do jee~ jneaa~aa' fí' jmigüi' la.

³ Jo lajob júu^ e guia'naa' jee~ 'nú' quiá'- lajii~ e nicanee'naa' jogui lajii~ e nicanú'naa' quiá'- dsea` í, co' ii'naa' e 'nú' seeng'na' cøøm` cóo'~ jnea'^ laco'gui jnea'^ cøøm` see~naa' cóo'~ Tiquí'ii' Fidié~ dsea` guiing~ ñiff~ coling~gui cóo'~ Jóor' Dsea` Jmáang~.

⁴ Joba' jmo'naa' jalé' e júu^ la quí'na' e laco' nicuø' e íaang` dsi'naa' laco' sí'í'.

Fidié~ líiñ' jaang` i jing' jlo'^

⁵ Jo e lab e júu^ e ca'e' Dsea` Jmáang~ jnea'^, jo e job e ee~naa' 'nú' lana, e Fidié~ líiñ' jaang` i jing' jlo'^, jo jii~ capí'^ e nua' sò' ja` sea' quiá'r~.

⁶ Jo mi~ fé'naa' e cøøm` see~naa' cóo'~ Fidié~, jogui dsu' lajee~ jo beáam~ dsee~ yee~naa' laco'gui la jmoo` i dsea` i seeng` fí' lí' nua' sò', joba' jmigøøm` yee~naa' cóo'~ e fé'naa' do jóng, co' ja' jmoo~naa' laco'gui la iing~ Fidié~ e nijmó'oo'.

⁷ Dsu' song see~naa' cøøng` cóo'~ Fidié~ i jing' jlo'^ do, joba' cøøm` see~naa' lajee~ la'ó' rú'naa', dsea` lí'naa' dsea' quiá'- Dsea` Jmáang~, jogui nileám'baa' jee~ dsee~ quí'ii' la'eáang` cóo'~ jmi'øøng~ Jesús i líng' Jóo' Fidié~ e catuu' mi~ cajúñ~.

⁸ Jo mi~ fé'naa' e ja` dsee~ røø~naa' jii~ coo', joba' lí' lí' jmigøøng` yee~baa' jóng, co' ja' léé'ee' júu^ já' quiá'- Fidié~.

⁹ Jo dsu' song jmoo~baa' júu^ røø` uii~ quiá'- jalé' dsee~ quí'ii' fí' quini' Fidié~, joba' dseáng'- nisita` dsi'naa' e guiáb~ ee` Fidié~ cóo'~ jneaa~aa', jogui jmiti~bre júu^ quiá'r~ e íim~bre jalé' dsee~ quí'ii' jogui láaiñ' jneaa~aa' jee~ jalé' e ga` e jmoo~naa'.

¹⁰ Jo dsu' song fé'naa' e ja` dsee~ mí' ca'ee~naa' jii~ coo', joba' lí' e lafa' fé'naa' e adseaam` Fidié~ song lajo; jo ja` léé'ee' dseáng'- lajang'- júu^ já' quiá'- dsea` do song lajob fé'ee'.

2

Dsea` Jmáam`bing' mi' Fidié~ cuaiñ~ quí'ii'

¹ Dsea` rú'naa' i 'neáan` eáang`, jmo'oo e júu^ la e catíng~na' e laco' ja` ee~na' dsee~. Jo nañí' fa' sea~bre mi~ jiúng'na' ni~ dsee~, dsu' seem` jaang` i jmicóo'~ jneaa~aa' i mi' Tiquí'ii' dsea` guiing~ ñiff~ cuaiñ~ quí'ii', jo íb` Dsea` Jmáang~ i ee` guiá' do.

² Jogui dsea` íb` i cajúng~ fí' dse' crúu^ e laco' ca'íng~ lajii~ dsee~ quí'ii' e røø~naa' fí' quini' Fidié~. Dsu' o' jii~ dsee~ quí'ii' yee~ee' dsea` lí'í' dsea' quiá'- Dsea` Jmáang~ e ca'íñ~, co' lajob ca'íñ~ dsee~ quiá'- lajiiing` dsea' jmigüi' cajo.

³ Jo song náu'baa' jalé' júu^ quiá'- Fidié~, joba' nisita` dsi'naa' e nicalicuíim'baa're jóng.

⁴ Jo song seeng` dsea` jiiñ' e cuíim`bre Fidié~ jo dsu' ja` náu'r~ lajii~ júu^ quiá'- dsea` do, joba' i dsea` í líiñ' jaang` i adseaang`, co' ja' quier' júu^ já' quiá'- Fidié~.

⁵ Jò dsu' song seeng' gui dsea' i contøøm~ núu' júu' já' quíá' dsea' do, joba' lita' dsi'naa' e dsea' í' 'neáam'bre Fidiéé' laco' sí'í'; jò song jmoo'baa' lajò, joba' line'naa' e cøøm' see'naa' cóo'~ Fidiéé'.

⁶ Jò song seeng' dsea' i jing' e cøøm' seeiñ' cóo'~ Fidiéé', joba' 'né' ni'é' laco'gui ca'éé' 'ña' Dsea' Jmáang' fí' jmigüí' la.

Júu' 'né' liti' e nisea' latí' mi' uiing'

⁷ Dsea' rú'naa' i 'neáan' eáang', ja' lí' laco' cóo' júu' 'mí' e júu' e 'né' liti' quíá' Fidiéé' e jmo' o la e catíng' na', có' e lab cajo e ca'íng'~ 'nú' latí' mi' calicuíng' na' Dsea' Jmáang'. Jò e júu' e 'né' liti' do ja' sisíng' cóo'~ e júu' e ca'íng'~ 'nú' lami' jéeng'gui do.

⁸ Jogui dsu' e júu' e 'né' liti' e jmo' o la quí' na' lana laco' cóo' júu' 'mí' lí'; jò dseáng'~ jáb' e júu' jò, jò cajmitib' Dsea' Jmáang' laco'gui jmití' 'nú' cajo, có' nicango'ím' e núu' só' do, jò lana nicanaang' jing' i jing' jlo' do.

⁹ Jò song seeng' dsea' i jing' e cøøm' seeiñ' cóo'~ i jing' jlo' do jò dsu' 'ní' níim'bre dsea' rú'íñ', joba' i dsea' í' fí' lí' núu' só' bi' seeiñ'.

¹⁰ Jogui i dsea' quíá' Dsea' Jmáang' i jmi'neáang' rúng', cøøm' seeiñ' cóo'~ i jing' jlo' jò ja' e uiing' sea' quíá' r' e nitéiñ' fí' ni' dsee'.

¹¹ Jò dsu' i dsea' i 'ní' níng' rúng' do, seem'bir e jmóor' laco'gui la jmóo' dsea' i seeng' fí' lí' núu' só'; jò jii' ja' ñir' jie' fí' lí' ngóor', có' fí' lí' núu' só' dob seeiñ', joba' lí' lafa' tiuum'bre.

¹² Dsea' rú'naa' i lafa' joo'o, jmo' o e júu' la e catíng' 'nú' quíá' e jmiguiéng' áa'na' e nicalíim' Fidiéé' dsee' quí' na' la'eáang' cóo'~ jalé' e calíng' Dsea' Jmáang' fí' dse' crúu'.

¹³ Jogui jmo'guí' e júu' la quí' 'nú', dsea' líng'na' dsea' cøøng'~ jee' dsea' quíá' Dsea' Jmáang', quíá' e jmiguiéng' áa'na' e nicuíim'ba' i niseeng' lajii'~ mi' ná'gui nitiroo'~ jmigüí' do. Jogui jmo'guí' e júu' la quí' 'nú', dsea' i ni'lé' cuíng'na' Dsea' Jmáang', quíá' e jmiguiéng' áa'na' e nicalí'ba' e jò' lí' fii' i 'ling'~ jmigøøiñ' 'nú'.

¹⁴ Dsea' rú'naa' i lafa' joo'o, nab nicajméé' e quí' na' e laco' nijmiguiéng' áa'na' e nicalicuíim'ba' Tiquí'ii' Fidiéé'. Jogui nicajméé'baa' quí' na' cajo jaléng' 'nú', dsea' líng'na' dsea' cøøng'~ jee' dsea' quíá' Dsea' Jmáang', e jmiguiéng' áa'na' e nicuíim'ba' i niseeng' lajii'~ mi' ná'gui nitiroo'~ jmigüí' do. Jogui nicajméé'bi' quí' 'nú', dsea' i ni'lé' cuíng'na' Dsea' Jmáang', e jmiguiéng' áa'na' e nicalíim'ba' júu' quíá' Fidiéé' car' ngocáng' oó'na', jò ja' mí' catiúung'na' jii'~ capí', jò nicalí'ba' e jò' lí' fii' i 'ling'~ jmigøøiñ' 'nú'.

¹⁵ Joba' fii' guí' jaléng' 'nú' e ja' síng' yaang'na' fí' ga', o'gui jmoo'na' dsináang'na' jalé' e 'lí' e sea' fí' jmigüí'; jò song seeng' dsea' i jmóo' lajò, joba' i dsea' í' ja' 'neáaiñ' Tiquí'ii' Fidiéé'.

¹⁶ Có' jalé' e 'lí' e lí' dsí' dsea' fí' jmigüí' la ja' jáa' quíá' Tiquí'ii' Fidiéé', có' quíá' i 'líim' lí' jáa' do cofa' jalé' e la: mi' lí' dsí' dsea' jalé' e iing'~ ngúu' táaiñ' fí' jmigüí' la, jogui mi' dsináaiñ' lí' doñí' ee' 'lí' cangár' fí' jmigüí' la, jogui mi' iñ' e í'bre silí' r' jalé' e jlo' e sea' fí' jmigüí' la e laco' jmiféng' dsea' í'.

¹⁷ Dsu' cóob' mi' nití' í' e ni'íng' lajii'~ bí' e sea' quíá' i 'ling' fí' jmigüí' la colíng' cóo'~ jalé' e 'lí' e dsináang' jaléng' dsea' jmigüí'. Jogui jaléng' i dsea' i jmóo' jii' e iing' Fidiéé', latab' niliseeiñ' cøøng' cóo'~ dsea' do.

Jial ñi' dsea' jnang' júu' e já' jogui jnang' júu' e o' já'

¹⁸ Dsea' rú'naa' i 'neáan' eáang', lana nijaquíéeng' e tí' lí' ni'íim' jmigüí'. Jogui nicanáb' 'nú' e ná'guijia e jò, nijáa' jaang' dsea' i 'ling' i 'ní' ní' quíá' Dsea' Jmáang'. Jò nicalí'baa' røø' e téeb' róo'gui jmigüí', có' latí' lanab nicanaang' ngí' fíng' dsea' i 'ní' ní' quíá' Dsea' Jmáang'.

¹⁹ Jò jaléng' i dsea' í' cangotáam'bre jee' jneaa'aa' lami' jéeng'gui, dsea' lí' dsea' quíá' Dsea' Jmáang', dsu' catiúum'tur jneaa'aa'; cofa' mi' ja' cajméer' lajò, joba' quíim'bir jee' jneaa'aa' latí' lana jóng, dsu' catiúum'bre jneaa'aa'. Jò calí' lajò e laco'

caliñí dsea` røø` e jii~ jaang` i dsea` do líiñ` laco' jneaa~aa', dsea` lííí' dsea` quiá'- Dsea` Jmáang~.

²⁰ Dsea` rú'naa', Dsea` Jmáang~ nicaguíñ` jneaa~aa', dsea` líí'naa' dsea` quiá'r~, e nicangíng'naa' Jmiguí quiá'r~, jo lajoba' nine~naa' jnang~ dseáng'- júu^ já'.

²¹ Jo uing~ joba' jmo'o e ji' la e catíng~ 'nú', dsu' ofa' uii~ e ja` mí cuí'na' jnang~ júu^ já'-; co' 'nú', dseáng'- røøb` niñí'na' e jo. Jogui ní'bi' 'nú' cajo e jii~ coo` júu^ já'- ja` cuóøng` nigüí'íng' jee~ júu^ e o' já'.

²² Joba' fá' jnea~: ¿i~ i dsea` adseaang` do? Co' íb` i dsea` i fé' e o' já'- e Jesús líiñ` Dsea` Jmáang~. Jo íb` i dsea` i 'ní' ní' quiá'- dsea` do, dsuco' mí' 'ní' níiñ` Jóo' Fidié~ joba' 'ní' níim~bre la quie' Tiquiá'^ dsea` do cajo.

²³ Jo doñí' ii` i 'ní' níng~ Jóo' Fidié~, lajob 'ní' níiñ` Tiquiá'^ dsea` do cajo; dsu' i dsea` gui i fé' e jáb'- e Dsea` Jmáang~ cagüéiñ` e líiñ` jaang` dsea` jmigüí, joba' dsea` do e já'-ba' cuíiñ` Dsea` Jmáang~ jóng, jogui nicuíim~bre la quie' Tiquiá'^ dsea` do cajo.

²⁴ Jo fíi~ guí' 'nú', jie~ mí tú'na' e júu^ já'- quiá'- Dsea` Jmáang~ e canáa~na' latí' mí~ uing~ do. Jo song ja` catiúung'na' e júu^ jo, joba' cøøm` niliseeng'na' cóo'~ Jóo' Fidié~ jogui lajobi cóo'~ Tiquiá'^ dsea` do cajo.

²⁵ Jo e lab e júu^ e dseáng'- nicacuø' Dsea` Jmáang~ jneaa~aa', e nilisee~naa' cøøng` cóo'~ Fidié~ lata~.

²⁶ Jo nicajméé' e e júu^ la quí'na' e laco' niliñí'na' quiá'- jaléng' dsea` i iing~ nijmigøøng` 'nú' e nisiñ' 'nú' fí' ga'.

²⁷ Jo dsu' la'eáng' e seem` Jmiguí quiá'- Fidié~ cøøng` cóo'~ 'nú' e cangíng'na' cacuø' Dsea` Jmáang~ do, joba' ja` 'neáng~na' e dsea` jiéng' ni'é' 'nú' laco'gui jii~ e niñí'na', co' 'ñiab' Jmiguí quiá'- Fidié~ e e' 'nú' jalé' e 'né' niliñí'na'. Jo jalé' e er' do jmang'- júu^ jáb'-, jo jii~ coo' fa' lí' júu^ e o' já'-. Joba' fíi~ 'nú', jie~ mí tú'na' e seeng'na' cøøng` cóo'~ Dsea` Jmáang~ laco'gui nica'e' Jmiguí quiá'- Fidié~ 'nú'.

²⁸ Joba' fá'guí dsea` rú'naa' i 'neáan` e éang', jie~ mí tiúung'na' e seeng'na' cøøng` cóo'~ Dsea` Jmáang~, jo lajoba' nisita` dsí'naa' e jo` 'gó'naa' o'gui i' líng~naa' fí' quinir~ mí~ nigüéeng~ tur fí' jmigüí la.

²⁹ Co' niñí'bi' 'nú' guíá'- e Dsea` Jmáam~bing' i dseáng'- ée' guíá', jogui niñí'bi' 'nú' cajo e doñí' ii` dsea` i ée' guíá'- contøøng~, dsea` íb` dseáng'- i líng' jóo' Fidié~.

3

Jial lí' mí~ uíng~ dsea` jóo' Fidié~

¹ Joba' fíi~ guí' 'nú', dsea` rú'naa' dsea` quiá'- Dsea` Jmáang~ i 'neáan` e éang', níi'na' jial tíi' 'neáng' Tiquí'ii' Fidié~ jneaa~aa', co' í'bing' nicacuø' jneaa~aa' e líí' laco' jóo'bre. Co' e já'-, dseáng'- jóo'bre líí'í'. Jo uí' e lajob líí'naa', joba' jaléng' i dsea` i ja` mí calicuíng` Fidié~ ja` cuíiñ` jneaa~aa' cajo.

² Jogui lana, dseáng'- jóob' Fidié~ nilí'í'; dsu' ja` ne'ee' røø` ee` e nidsijéé' quí'ii' cøøng'gui, lifa' nisitab` dsí'naa' e mí~ nigüéeng~ tu Dsea` Jmáang~ fí' jmigüí la, joba' ie~ jo nilí'naa' laco'gui la líng' Fidié~ 'ñia'r', dsuco' niline~baa' jial dseáng'- líng' dsea` do.

³ Jo doñí' ii` dsea` i nita` dsí' e nilíiñ` laco'gui Fidié~ mí~ nijáa' tu Dsea` Jmáang~, joba' nijmí'úuiñ` e ni'é'r~ guíá'- laco'gui dsea` do 'ñia'r'.

⁴ Dsu' doñí' ii` dsea` i beáng' dsee~ yaang~, joba' jmóor` laco'gui dsea` i 'líng' i 'ní' níng~ Fidié~, dsuco' dseeb~ mí' 'ní' níng~ dsea` Fidié~.

⁵ Jo 'núb' niñí'na' guíá'- e cajá' Dsea` Jmáang~ fí' jmigüí la e cajú'íiñ` dsee~ quí'baa', jo dsea` íb` dsea` i ja` røøng` jii~ coo` dsee~.

⁶ Jogui doñí' ii` i contøøm~ seeng` cøøng` cóo'~ Dsea` Jmáang~, joba' ja` beáng' dsee~ yaaiñ~. Jogui doñí' ii` i beáng' dsee~ yaang~, joba' dseáng'- ja` mí cangáaiñ` dsea` do o'gui cuíiñ` dsea` do cajo.

7 J_oba' fiī-guá' 'nú', dseá' rú'naa' i' neáan'n eáang', ja` cuø' fí' yaang~na' e nijmígøøng` dseá' 'nú'; co' song jaang` dseá' éer` guíú- laco' catíng- e jmóo' jaang` dseá' quiá'- Dseá' Jmáang-, j_oba' dseá' guíú-m- líiñ, co' guíú-b- éer` laco'gui 'ña' dseá' do.

8 J_ogui song seeng` dseá' i' ja` tú e beáng' dsee- 'ña'r, j_oba' dseá' quiá'- fiī i' 'lim' líiñ, dsuco' í'bing' i' beáng' dsee- 'ña' latí' mī uing-. J_o uing~ j_oba' cajá- J_o Fidiéé' fí' jmígú' la e laco' ni'íiñ- jalé' ta~ quiá'- fiī i' 'ling' do.

9 J_o jí' jaang` dseá' i' líng' j_o Fidiéé' jmóor' ta~ jmirøng`gui dsee- 'ña', dsuco' i' dseá' í' seeiñ' la'eáang' cóo' Jmígú' quiá'- Fidiéeb'; j_oba' j_o catíiñ- fa' ni'é-guir dsee-, co' j_o Fidiéeb' nilíiñ.

10 Co' nine'baa' røø' i' i' líng' j_o Fidiéé' j_ogui i' i' líng' j_o fiī i' 'ling' cajo, co' doñí' i' dseá' i' ja` ée' guíú- fí' quini' Fidiéé' o'gui jmi'neáaiñ' dseá' rú'ñ', j_oba' i' dseá' í' ja` já' e líiñ' j_o Fidiéé'.

'Né- nijmi'neáam'baa' dseá' rú'naa'

11 J_o latí' mī uim~ nicanáa- 'nú' e 'né- jmi'neáang`naa' dseá' rú'naa'.

12 J_o ja` güijmeáang' yee~naa' laco' Caín, dseá' cal'íiñ- e calíiñ- dseá' quiá'- fiī i' 'ling'; j_o uí' e laj_oba' cajngaiñ' jaang` rú'ñ' dseá' ngáang' cóo'r, co' jmang'- e guíú-b- ca'éé' i' 'líi- rú'ñ' do, j_ogui 'ña'r' jmang'- e gab' ca'éer.

13 J_oba' fiī-guá' 'nú', dseá' rú'naa' dseá' quiá'- Dseá' Jmáang-, ja` güidsigá' óo'na' e 'ní' níng- jaléng' dseá' jmígú' i' ja` cuíng' Dseá' Jmáang- 'nú'.

14 J_o nine'baa' e j_o lí'guá' lafa' 'líng~naa' uí' dsee- quí-ii', co' lanagui cøøm` nisee~naa' cóo' Fidiéé'. J_o guíú-b- nine'ee' e j_o, co' jmi'neáam` rú'naa' la'ó' jneaa'aa', dseá' lí'í' dseá' quiá'- Dseá' Jmáang-. J_ogui i' dseá' i' ja` jmi'neáang` dseá' rúng', lafa' 'líim~bir líiñ' uí' dsee- quiá'r-.

15 J_ogui doñí' i' dseá' i' jmóo' ta~ 'ní' níng- rúng' líiñ' laco' jaang` dseá' i' jmóo' ta~ jngang' rúng'. J_ogui 'náb' niñí'na' cajo e jí' jaang` dseá' i' jmóo' ta~ jngang' rúng' cuøøng` liseeíñ' cøøng` cóo' Fidiéé' lata~.

16 J_o nicuí'baa' jial lí' e jmi'neáang` dseá' rú'ñ' do, co' laj_oba' cajmée` Dseá' Jmáang- e 'neáaiñ' jneaa'baa' mī cajáng' 'ña'r' e cajú'ñ- fí' dse' crúu' uí' dsee- quí-ii'. J_o laj_oba' 'né- jmó' jneaa'aa' cajo e nijáang' yee~naa' e nijmicóo' rú'naa', j_o laj_oba' cuø' lí' e jmi'neáam` rú'naa'.

17 Facó' jaang` dseá' i' seab' jalé' e 'né-, j_ogui ní'bre cajo e seem` dseá' dseáng'- laniing- 'né- e licóo'r, j_o dsu' jí' coo' ja' e jmicóo'r i' dseá' í', j_oba' ja` 'neáang' i' dseá' do Fidiéé', co' ja' jmicóo'r i' dseá' rú'ñ' do.

18 J_oba' fiī-guá' 'nú', dseá' rú'naa' i' lafa' j_oo, ja` cá'na' júu' ta~ júu' e fó'na' e jmi'neáang`na' dseá' rúng`na'; co' la tí' la líb' júu' 'né- cá'na', j_o laj_oba' nilili- e dseáng'- jmi'neáam` rúng`na'.

Jial ta` dsí' e se~naa' cóo' Fidiéé'

19 J_o song jmi'neáam` rú'naa', j_oba' dseáng'- nitab~ dsí'naa' e lí'í' dseá' quiá'- Fidiéé', j_o laj_oba' nine~naa' røø' e j_o i' lí'naa' mī nití' fí' quini' dseá' do, co' jmi'neáam` rú'naa'.

20 J_o song i' líim~baa' fí' quini' Fidiéé' uí' e jmoo~naa' jalé' e ja` catíng- do, j_oba' güiguiéng' dsí'naa' e dseáng'- dseá' féng' líiñ' j_ogui niñir' lajalé'.

21 J_oba' fiī-guá' 'nú' dseá' rú'naa' i' 'neáan'n eáang', song ta~ dsí'naa' e ja` i' líng~naa' fí' quini' Fidiéé', j_oba' nitab~ dsí'naa' e ja` 'né- jmó'oo' 'gó'naa' fí' quini' mī féng'naa'r jóng.

22 J_oba' mī mí'naa' Fidiéé' lí' doñí' ee, núu'bre júu' quí-ii' j_o laj_oba' ngúim'baa', co' núu'baa' júu' quiá'r- e 'né- líti- do, j_ogui jmoo~baa' jalé' e íáang' dsí' cajo.

23 J_o e lab e júu' quiá'- Fidiéé' e 'né- líti- do, e nijáang' yee~naa' fí' jaguó' Fí'naa' Dseá' Jmáang-, j_ogui e nijmi'neáang`na' dseá' rú'naa' laco' ta~ quí' Fidiéé'.

²⁴ Jo doñí ìi` dsea` ì núa`~ jalé` júu` e `né` liti` quiá`- Fidié`~, joba' cøøm` seeiñ` cóo`~ Fidié`~, jogui dsea` do seem`bre cøøng` cóoiñ`~ do cajo. Jo ne`baa' e seem` Fidié`~ cóo`~ jneaa`aa' la'eáang` cóo`~ Jmiguí` quiá`r` e nicangíng`naa' do.

4

Jial lí' Jmiguí` quiá`- Fidié` jogui jial lí' bí` quiá`- dsea` ì` 'ling`^`

¹ Joba' fii`-guí` 'nú'`, dsea` rú`'naa' ì` 'neáan`n eáang`, ja` já`- güilíng`na' quiá`- jaléng` dsea` ì` fé' e la'eáang` cóo`~ Jmiguí` quiá`- Fidié`~ba' guiar` e júu` quiá`r` do, co' la'uii` jang`- cá`na' cuante su e júu` e guía` ì` dsea` do guiar` la'eáang` cóo`~ Jmiguí` quiá`- Fidié`~ osi la'eáang` cóo`~ bí` quiá`- ì` dsea` ì` 'ling`^` dob é. Co' fii`m` dsea` niseeiñ` lana e jmigóor` e fé'r` cuaiñ` quiá`- Fidié`~, dsu' o'` já`- e lajo.

² Jo niliñ`b` 'nú'` ì` ì` guía` júu` la'eáang` cóo`~ Jmiguí` quiá`- Fidié`~: co' doñí` ìi` ì` jing`- e já`-ba' cagüéng`- Dsea` Jmáang`- fí` jmigüí` e líiñ` jaang` dsea` la`jneaa`aa', dsea` lí`í` dsea` jmigüí`, joba' dsea` íb` ì` guía` júu` la'eáang` cóo`~ Jmiguí` quiá`- Fidié`~.

³ Jo doñí` ìi` ì` fé' e ja` já`- e Jesús cagüéiñ`- lajo, joba' ì` dsea` í` ja` fé'r` la'eáang` cóo`~ Jmiguí` quiá`- Fidié`~, dsuco'` fé'r` la'eáang` cóo`~ jmiguí` quiá`- ì` 'ling`^` ì` 'ní'` ní`- quiá`- Dsea` Jmáang`-. Co' ninúab`- 'nú'` lami` jéeng`gui e dseáng`- nisi`í` quijgeáam` bí` quiá`- ì` dsea` ì` 'ling`^` do jee` dsea` jmigüí`, jo lati` lana, lab niqijgeáaiñ` fí` jmigüí` la.

⁴ Dsea` rú`'naa' ì` lafa' jóo`o, 'nú'` seeng`na' la'eáang` cóo`~ Jmiguí` quiá`- Fidié`~, joba' ja` mí` cali' ì` dsea` ì` ngí` ta`~ jmigóo` do fa' nicajmígóoiñ` 'nú'`; dsuco'` 'gøng`'gui Jmiguí` quiá`- Fidié`~ e seeng`jee` 'nú'` lacó`gui bí` quiá`- ì` dsea` ì` 'ling`^` ì` quijgeáang` jee` dsea` ì` ja` cúing` Fidié`~.

⁵ Jo jaléng` ì` dsea` ì` ngí` ta`~ jmigóo` do líiñ` dsea` ì` ja` cúing` Fidié`~, jogui fé'r` quiá`- lajii`~ e ia' e ligøøng` dsea` e sea' fí` jmigüí` la, joba' jaléng`gui dsea` ì` ja` cúing` Fidié`~ tib` dsíir` núur` e júu` jo.

⁶ Dsu' jneaa`guí`, dsea` quiá`- Fidiéeb` lí`í`, joba' doñí` ìi` dsea` ì` cúing` Fidié`~ tib` dsíir` núur` júu` quí`-ii'. Jogui ì` dsea` ì` ja` cúing` Fidié`~ ja` jíi`r` júu` quí`-ii'. Jo job lí` line`naa' ì` ì` dsea` ì` fé' la'eáang` cóo`~ Jmiguí` quiá`- Fidié`~ jogui ì` ì` fé' la'eáang` cóo`~ bí` quiá`- ì` dsea` ì` 'ling`^` do.

Jaang` ì` 'néeb` líng` Fidié`~

⁷ Jo fii`-guí` 'nú'`, dsea` rú`'naa' ì` 'neáan`n eáang`, e dseáng`- 'né` e nijmi`neáang`naa' dsea` rú`'naa', dsuco'` lajob cangíng`naa' cacuø' Fidié`~ jneaa`aa'. Jo jalém` dsea` ì` jmi`neáang` rúng`, dseáng`- já`-ba' nicuíim`bre Fidié`~, joba' jóo` dsea` dob nilíiñ`.

⁸ Co' doñí` ìi` ì` ja` jmi`neáang` rúng`, joba' ja` mí` calicuíiñ` Fidié`~, co' jíi`~ dsea` íb` dsea` líiñ` jaang` ì` 'née`.

⁹ Jogui lacó` nililí`naa' jial tíi` 'neáaiñ` jneaa`aa', joba' Fidié`~ casíiñ` ì` jóor` camíng`- do fí` jmigüí` la e lacó' la'eáang` ír`, cøøm` nilisee`naa' cóo`~ Fidié`~ lata`.

¹⁰ Jo lajob line`naa' jial tíi` 'neáang` Fidié`~ jneaa`aa'; dsu' jneaa`aa' ja` cajmi`neáang`naa' dsea` do la'uii`, co' í`bre dsea` cajmi`neáaiñ` jneaa`aa' la'uii`, jo uiing` lajoba' casíiñ` ì` jóor` ì` cajúng`- fí` dse' crúu` do e lacó' ca'íng`- dsee` quí`-ii'.

¹¹ Joba' fõn`túu` 'nú'`, dsea` rú`'naa' ì` 'neáan`n eáang`, e lacó' nicajmi`neáang` Fidié`~ jneaa`aa', lajob cajo jneaa`aa' 'né`- nijmi`neáang`naa' dsea` rú`'naa'.

¹² Dsu' e já`-, jíi`~ jaang` dsea` ja` quí`r`~ jmíi` níiñ` Fidié`~ dseáng`- lana, jo dsu' song jmi`neáang`naa' rú`'naa', joba' seem` Fidié`~ cóo`~ jneaa`aa' contøøng`-, jogui dsea` do jmi`neáam`bre jneaa`aa' lacó' sí`í`.

¹³ Jo ne`baa' røø` e cøøm` see`naa' cóo`~ Fidié`~ jogui dsea` do cøøm` seeiñ` cóo`~ jneaa`aa' contøøng`- la'eáang` cóo`~ Jmiguí` quiá`r` e nicangíng`naa'.

¹⁴ Jo co' jnea`^` dseáng`- nicane`baa', joba' cuøøng` fe`ee' e já`- e Tiquí`ii' Fidié`~ casíiñ` jóor` Dsea` Jmáang`- fí` jmigüí` la e lacó' nileáiñ`- dsea` jmigüí` jee` dsee`- quiáiñ`-.

15 Jogui doñi' ii i jáb' línɡ' jogui fé'r' e já'ba' e Jesús líiñ' i Jóo' Fidié' camínɡ' i cagüéng' fí' jmigüí' la, joba' i dsea' í' cøøm' seeiñ' cóo' Fidié', jogui Fidié' cøøm' seeiñ' cóo' dsea' do cajo.

16 Jo co' lajob líí', joba' dseáng' nicaline~baa' jogui jáb' lííí' cajo, e eáam' jmi'neáng' Fidié' jneaa~aa'. Jogui co' jáb' e dsea' do líiñ' jaang' i 'né' quí'ii', joba' doñi' ii dsea' i seeng' i jmi'neáng' rúng', seem~bre cøøng' cóo' Fidié' jogui Fidié' seem~bre cøøng' cóo' dsea' do cajo.

17 Jo co' nisitab' dsi'naa' e jmi'neám' Fidié' jneaa~aa' laco' si'í', joba' jo' 'né' jmó'naa' 'gó'naa' mi~ nití' í' e niquidsi' Fidié' í' quía' jalé' dsee' quía' dsea', co' laco' gui línɡ' Dsea' Jmáang' 'ñia'r', lajob líí' jneaa~aa' fí' jmigüí' la cajo.

18 Jo song see~baa' e Fidié' jmi'neáaiñ' jneaa~aa', joba' ja' 'gó'naa' fí' quini' dsea' do mi~ niquidsir' í' quí'ii'. Jo co' dseáng' laco' si'í' jmi'neáng' dsea' do jneaa~aa', joba' jgiéem' e 'gó'naa' do. Jo song ii jneaa~aa' jáa' quí'ii' e 'gó'naa', dsu' e jo líí' uii' quía' jalé' dsee' e 'né' quí'baa'. Joba' song eáang' lí'naa' e 'gó'naa', joba' ja' mí' calita' dsi'naa' e 'neám' Fidié' jneaa~aa' dseáng' laco' si'í'.

19 Jo co' Fidiéeb' dsea' la'uii' cajmi'neáaiñ' jneaa~aa', joba' jmi'neám'baa' dsea' rú'naa' jogui jmi'neám'baa' Fidié' cajo.

20 Jo song seeng' dsea' i jínɡ' e já'ba' 'neáaiñ' Fidié', jo dsu' lajee' jo ta' 'ní' níng' jaléng' dsea' rúm' jmóor', joba' i dsea' í' líiñ' jaang' i adseaam'. Co' song jaang' dsea' ja' jmi'neáaiñ' dsea' rúíñ' i níiñ' contøøng', joba' ja' quí'r' jmí' nijmi'neáaiñ' Fidié', co' dsea' dogui ja' mí' cangáaiñ' ii cóo' néé'.

21 Jo 'ñiab' Dsea' Jmáang' cajíñ' e júu' quía' Fidié' e 'né' líti' na: "Doñi' ii dsea' i jmi'neáng' Fidié', lajob 'né' jmi'neáaiñ' dsea' rúíñ' cajo."

5

Jial lí'naa' e ja' ligøøng'naa' cóo' jalé' e 'lí' e sea' fí' jmigüí'

1 Jo doñi' ii 'ná' e dseáng' jáb' línɡ'na' e Jesús líiñ' Dsea' Jmáang' i casínɡ' Fidié' fí' jmigüí' la, joba' i dsea' í' jóo' Fidiéeb' líiñ'; cofa' jneaa~aa' jmi'neám'baa' jaléng' tiquí'ii', joba' la quie' tí' jaléng' rúm'baa' jmi'neáng'naa' jónɡ.

2 Jo nitab' dsi'naa' e dseáng' jmi'neám'baa' jaléng' dsea' i línɡ' jóo' Fidié' mi~ jmi'neám'ba' Fidié' 'ñia'r' jogui náu'ba' dseáng' laco' catínɡ' jalé' júu' 'né' líti' quía'r'.

3 Jo song jmi'neám'baa' Fidié', joba' náu'baa' e júu' quía'r' do; jo o' júu' ii' e jo fa' ja' quí' jmí' nijmití'ii'.

4 Jo jaléng' dsea' i línɡ' jóo' Fidié', lí'bre e ja' ligøøiñ' cóo' jalé' e 'lí' e sea' fí' jmigüí'. Jogui la'eáang' e jáb' lí'naa' e Jesús líiñ' Dsea' Jmáang', joba' calí'baa' e ja' caligøøng'naa' cóo' jalé' e 'lí' e sea' fí' jmigüí'.

5 Jo ii i dsea' i já' línɡ' e Jesús líiñ' Jóo' Fidié', ii í'bing' lí' e ja' ligøøng' cóo' jalé' e 'lí' e sea' fí' jmigüí'.

Júu' e cacuø' Fidié' quía' Jóo' Dsea' Jmáang'

6 Jo i Jesús i línɡ' Fí'naa' Dsea' Jmáang', dsea' íb' i cagüéng' fí' jmigüí' la jo cajgáaiñ' jmí' jogui catuu' jmi'øøiñ' mi~ cajúíñ' e laco' cuø' lí' quía' jalé' ta' quía'r' e cajajméer' fí' jmigüí' la. Dsu' o' ii e cajgáaiñ' jmí' do, co' 'né' laji' túb' colínɡ', e cajgáaiñ' jmí' do cóo' gui jmi'øøiñ' e catuu' mi~ cajúíñ'. Jo e Jmiguí' quía' Fidié' do tí' ni' jogui cuø' júu' quía' jalé' e jo, jogui jmang' júu' jáb' cuø' e Jmiguí' quía' Fidié' do.

7 Jo lí' laco' 'ní' íng' e tí' ni' do jogui cuø' júu' quía' e jo:

8 jo ca'íng' do Jmiguí' quía' Fidié', jo ca'íng' gui e cajgáang' Dsea' Jmáang' jmí', jogui e ca'íng' gui do e jmi'øøng' e catuu' quía' Dsea' Jmáang' mi~ cajúíñ', jo røøb' júu' quía' laca'íng' do.

⁹ Jogui jáb' lã'naa' lajii' júu' e cuø' dsea' jmigüü' quia' lajii' e cangár, dsu' e júu' e cuø'gui Fidié' eáang'gui 'né' já' nilii'naa', co' laniing'gui líí, dsuco' Fidié' cuø' júu' uii' quia' Joor' Dsea' Jmaam'.

¹⁰ Jo ii' i já' líng' e júu' e cacuø' Fidié' quia' Joor', joba' dseáng' ím'bre e júu' jo car' ngocáng' dsír'. Jogui ii' i ja' já' líng' lajii' e júu' e cacuø' Fidié' do, joba' líí lafa' fé'r' e Fidié' líiñ' jaang' i adsee', co' ja' já' líiñ' lajii' júu' e cacuø' dsea' do uii' quia' Joor' Dsea' Jmaang'.

¹¹ Jo e lab júu' e cacuø' Fidié' jneaa'aa' e cuø'ng' see'naa' cøøng' cóo'r' lata~, jo e jo cacuø'r' jneaa'aa' la'eáang' cóo' Joor' Dsea' Jmaang'.

¹² Jo doñi' ii' i seeng' cøøng' cóo' i Joor' Fidié' do, joba' seem'bre cøøng' cóo' Fidié' lata~; jogui ii' i ja' seeng' cøøng' cóo' i Joor' Fidié' do, joba' ja' seeiñ' cøøng' cóo' dsea' do lata~ cajo.

Júu' lí' cadséng' e lí' Juan

¹³ Joba' jmo'o' jalé' júu' e too' fí' ni' jì la e catíng' jaléng' 'nú' e laco' niliñi'na' e seeng'na' cøøng' cóo' Fidié' lata~, 'nú' dsea' jáb' líng'na' e Jesús dseáng' já' líiñ' Joor' Fidié'.

¹⁴ Jogui nitab' dsi'naa' mi' líng' ee' mñi'naa' Fidié' e cøøng' cóo' lajii' e iñ' 'ñia'r', joba' núu'bre júu' quí-ii'.

¹⁵ Jo mi' dseáng' nine'baa' røø' e jáb' núu' Fidié' jalé' júu' quí-ii', lajoba' nita' dsi'naa' e dseáng' nicang'ím'baa' lajii' e nicamñi'naa're do.

¹⁶ Jo song jaang' dsea' nír' e jaang'gui dsea' rúñ' éer' dsee~, jo song e dsee~ jo ja' jmoo' e 'naang' dsea' cóo' Fidié' lata~, joba' 'né' nimí'r' Fidié' uii' quia' i dsea' í' e laco' nitaiñ' do e jo, jo lajoba' Fidié' nicuø'r' e niliseem'biñ' do cøøng' cóo'r' song e dsee~ e sea' quia' dsea' do ja' líí quia' coo' dsee~ e jmoo' e 'naang' dsea' cóo' Fidié' lata~. Dsu' e já', seab' dsee~ cajo e jmoo' e 'naang' dsea' cóo' Fidié' lata~, jo ja' fá'a e 'né' mñi'naa' Fidié' uii' quia' e dsee~ jo.

¹⁷ Dsu' jaléb' e ga' e jmoo' dsea', dseeb' líí fí' quini' Fidié'; dsu' seab' e dsee~ do e ja' jmoo' e 'naang' dsea' cóo' Fidié' lata~.

¹⁸ Jo nine'baa' røø' e jaléng' dsea' i fé' e já'ba' Fidiéeb' dseáng' líng' Tiquiá'r', joba' jo beáng'gui dsee~ yaañ~, dsuco' 'ñia' i Joor' Fidié' dob' nijmoo' í' ír', jo lajoba' jo' dsiquiéng' fi' i 'líng' cáaiñ' e nijmeáng' neiñ' ga'.

¹⁹ Jogui nine'baa' røø' e Joor' Fidiéeb' líí'ñi', jogui lajüng' dsea' i ja' jí' Fidié', fi' i 'líng'bing' quie' nifí' quia'r'.

²⁰ Jogui nine'baa' cajo e nicagüém' i 'ñia' Joor' Fidié' do fí' jmigüü' la e laco' cacuø'r' jneaa'aa' e nilicuíng'naa' dseáng' i Fidié' i já' do. Jo lana cøøm' nisee'naa' cóo' i Fidié' i já' do jogui cóo' i Joor' Dsea' Jmaang' do cajo. Jo í'bing' líng' dseáng' i Fidié' i já' do, jo la'eáang' cóo' íb' cajo ngüng'naa' e see'naa' cøøng' cóo' Fidié' lata~.

²¹ Joba' liúung'guí 'nú', dsea' rú'naa' i lafa' joo'o, jmee' í' yaang'na', jo ja' güiligøøng'na' e nijmiféng'na' dié' i o' já'.

Jo lajob' nilí'.

Jo lanab' jii' fé' jì la'uii' quia' Juan.

Ji e catî tú e cajme' JUAN

Jial 'neáng' dsea` rúñ' la'eáng' e já' lúñ' júu` quiá' Dsea` Jmáng`

¹ Jnea` sii` Juan, jo` lín`n jaang` dsea` féng' i` quie` nifí` jee` dsea` quiá' Dsea` Jmáng`, jo` jmo`o e` ji` la e` catíng` 'nú', dsea` i` nicaguíng` Fidié` e` ca'uíng`-na' dsea` quiá' Dsea` Jmáng`. Jo` dseáng`- lajam`-ba' e` 'neáng` jnea` 'nú', jo` o' jíi` jnea` cajo, co' lajob` jaléng`-gui dsea` i` nica'íng` júu` quiá' i` Fidié` i` já' do.

² Jo` dseáng`- 'neám`baa` 'nú', co' seem` fí` dsí`naa' e` júu` quiá' i` Fidié` i` já' do, jo` dseáng`- contøø`- nilisea` e` júu` jo` fí` dsí`naa'.

³ Jo` mii` i` Tiquí`ii' Fidié` colíng`-gui cóo`- Joo` Dsea` Jmáng` e` nijmigüeiñ` 'nú' jogui` e` nilí` fii` lúñ` 'nú' jogui` e` nicuó`r` 'nú' juguiá` júu` røø`. Jo` jalé` e` na` nicuó`r` 'nú', dsea` jáb`- líng`-na' júu` quiá' i` Fidié` i` já' do jogui` jmi`neám`bi` rúng`-na' cajo.

⁴ Jo` eám` cali`iáng` dsii` mi` calicuíng` rú`naa' cóo`- coo` tú` máng`- dsea` quiá' Dsea` Jmáng` i` neáng` fí` na e` seem`bir` cøøng` cóo`- júu` quiá' i` Fidié` i` já' do, co' lajob` júu` e` 'né` liti` e` nica'íng`-naa' quiá' dsea` do.

⁵ Jo` lana` fii`-guí` 'nú', dsea` rú`uu', e` 'né`- nijmi`neám`ba' dsea` rú`naa'. Jo` lajalé` e` júu` e` jmo`o na` quí`-na' ja` lí` coo` júu` e` 'né` liti` e` 'mii`, co' e` job` cajo e` ca'íng`-naa' latí` mi` uíng` do.

⁶ Jo` song` see`-naa' e` jmi`neám`baa' Fidié` cóo`-gui` jaléng` dsea` rú`naa', lajoba` núu`-naa' jalé` júu` e` 'né` liti` quiá' Fidié`. Jo` e` lab` e` júu` e` 'né` liti` e` caná`naa' latí` mi` uíng` do e` quiá' nilisee`-naa' e` jmi`neám`baa' Fidié` cóo`-gui` jaléng` dsea` rú`naa'.

Jial líng` dsea` i` ngí` ta` jmigóo`

⁷ Jo` fii` i` 'nú' cajo e` fii`m` dsea` ngí` ta` fé' e` o' já' e` cagüéng` Fí`naa' Dsea` Jmáng` fí` jmigüi` la e` lúñ` jaang` dsea` jmigüi`. Jo` jaléng` i` dsea` íb` ngí` ta` jmigóo` jogui` ní` ním`bre Dsea` Jmáng` cajo.

⁸ Jo` ñiing`- áa`na' jo` ja` güiligøøng`-na' quiá' i` jmigóo` do, co' song` lajo, joba` ja` uíng` nilisea` lajii`- ta` quí`-na'. Jo` ñiing`- áa`na' cajo` jie` mi` tú`na' lajii`- guié` quí`-na' e` nisi`í' Fidié` e` nicuó`r` 'nú', dsea` líng`-na' dsea` quiá`r`.

⁹ Jo` doñí` ii` dsea` i` ja` núu`- o'gui` seeiñ` cøøng` cóo`- jalé` júu` e` e' Dsea` Jmáng`, joba` i` dsea` í` ja` seeiñ` cøøng` cóo`- Fidié`; jo` dsu` i` dsea`gui` i` seeng` cøøng` cóo`- e` júu` e` e' Dsea` Jmáng` do, joba` seem`bre` cøøng` cóo`- Tiquí`ii' Fidié` colíng`-gui` cóo`- i` Joo` dsea` do.

¹⁰ Jo` song` ii` dsea` jalíng`- i` iing`- ni'é`- 'nú' júu` e` ja` cøøng` cóo`- e` júu` quiá' Dsea` Jmáng` do, joba` ja` ni'íng`-na're` fí` sinúu` quí`-na' o'gui` fong`-na're,

¹¹ dsuco' song` ca'íng`-na're, joba` lí` lafa' røøb` cøøng`-na' cóo`r` jogui` cóo`- jalé` e` jmóor` do.

Júu` lí` cadséng`- quiá' Juan

¹² Jo` jmigui`bi` sea` jalé` e` 'né`- nifii` i` 'nú' lí` ja` 'goo` tí` dsii` e` nijmée`-e` jalé` e` jo` fí` ní` ji` la; co' eáng`gui` iin`n e` nii`baa` ni'ee`-e` 'nú' fí` na e` laco' cuøøng`-sii`naa' dseáng`- quini`naa' lana, jo` lajoba` nili`iáng`- dsí`naa' dseáng`- laco' sí`í`.

¹³ Jo` jaléng` dsea` i` nicaguíng` Fidié` i` líng` dsea` quiá' Dsea` Jmáng` i` neáng` fí` la` guiéiñ` júu` guicóo`- quí`-na', dsea` neáng`-na' fí` na.

Jo` lanab` jíi`- fé`- ji` e` catî` tú` quiá' Juan.

Ji' e catí 'ní e cajme' JUAN

Júu e catíng- jaang` dseañu' i sii` Gayo

¹ Jnea~ sii` Juan, jo lín`n jaang` dsea` féng' i quie' nifí jee` dsea` quiá'- Dsea` Jmáang-, jo jmo'`o e ji' la e catíng- 'nua, Gayo, jaang` dseañu' rún`n i 'neáan`n eáang'.

² 'Nu` Gayo lín`n jaang` dsea` rún`n i 'neáan`n eáang', jo mii`i Fidié` e guiá`-bi nidsijé` quiá'- lí' lajii'` fí' nisin'` cóo'` Dsea` Jmáang-, jogui e guiúm`-ba' contøøng` cajo.

³ Jo eáam` lí'íáang` dsii- mi~ güilíng`tu i líng` dsea` rú`naa' dsea` quiá'- Dsea` Jmáang- fí' la e jma'r' jnea~ júu` e sim'`ba' fí' guiá`- cóo'` Dsea` Jmáang- jogui e seem`ba' cøøng` cóo'` e júu` quiá'- i Fidié` i já'- do.

⁴ Jo ja` sea` quie` e e íáang`gui dsii- laco'gui e íáang` dsii- mi~ líiii- e dsea` quiá'- Dsea` Jmáang- i líng` lafa' joo`o seem`bre cøøng` cóo'` e júu` quiá'- i Fidié` i já'- do.

⁵ Jo fí'`guá' 'nu, rú`u i 'neáan`n eáang', íáam` dsii- e guiáb- ee' e jmicóo'` jaléng' dsea` rú`naa' dsea` quiá'- Dsea` Jmáang-, jo ja` e lí' e i dsea` i cajmicóo'` do ja` mí' cuín`re jéeng`gui.

⁶ Jo mi~ cagüilíng` i dsea` do fí' jee` jaléng' dsea` quiá'- Dsea` Jmáang- fí' la, nicasíiñ` jial tí' 'neáang` 'nu dsea` do mi~ cajmicóo'`re. Joba' fí' i 'nu, jgié` o' e jmicóo'`bire cóo'` jalé' e 'né- quiá'r- e laco' cuøøng` níngí- guir ta~ guia' júu` quiá'- Dsea` Jmáang-, co' lajjob íáang` dsii' Fidié`.

⁷ Jo jaléng' i dsea` í, huíim- nicangir` e jmóor` ta~ guia' júu` quiá'- Dsea` Jmáang-, jo ja` mí' camir` fa' e dsea` i ja` cúing` Dsea` Jmáang- nijmicóo'` quiá'r-.

⁸ Joba' jneaa`aa', dsea` lí'íi dsea` quiá'- Dsea` Jmáang-, 'né- nijmicóo'`baa' i dsea` i guia' júu` quiá'- Dsea` Jmáang- do e laco' conrøø` niní'`guá' júu` quiá'- Fidié` i já'- do.

Jalé' e ga` e cajmée` Diótréfes

⁹ Jnea~ nicajmée' e coo` ji' e catíng- dsea` quiá'- Dsea` Jmáang- i seeng` fí' na, dsu' i dseañu' i sii` Diótréfes do jnám`bre quie` e jo ja` íñ' jalé' e júu` quié` e do, co' 'ñia'bre iñ` cá' nifí quiá'- jaléng' dsea` quiá'- Dsea` Jmáang- i neáang` fí' na.

¹⁰ Joba' mi~ niguiéng' jnea~ fí' na, nifí`baa i Diótréfes do fí' quini`na' jiali'` jmóor` lajo, co' ngir` ta~ quie' júu` ga` jogui júu` adsee` e éeiñ` jnea`. Jo o' jii'` e jo e jmóor` cajo, co' ja` íñ' jaléng' dsea` quiá'- Dsea` Jmáang- i dsilíng- dsí'ee` ír` fí' quiá'r-, jogui jnám`bir quiá'- jaléng' dsea` i iing` jmé- lajo, jogui øøm`bre congua' fí' jee` dsea` quiá'- Dsea` Jmáang- jaléng' i dsea` i jmóo' lajo.

¹¹ Dsea` rún`n i 'neáan`n eáang', ja` jmoo'` laco' jmóo' i dsea` ga` do, dsu' jmee- laco' jmóo' jaang` dsea` guiúng-. Co' jaléng' dsea` i jmóo' lajii'` e guiá-, joba' dsea` quiá'- Fidiéeb` líiñ'; dsu' jaléng' gui dsea` i jmóo' e ga, joba' dsea` í ja` mí' calicuíiñ` Fidié`.

¹² Jo lajím` dsea` fé'r` guiá- uii` quiá'- i dseañu' i sii` Demetrio do, jo la quie'gui jalé' e jmóor` do fé'` guiá- uii` quiá'r-. Jogui lajím` jnea` fé'`naa' guiá- uii` quiá'- i dsea` í cajo, jogui 'nu` ní'ba' e jmang' júu` jáb'` fé'`naa' contøøng-.

Júu` lí` cadséng- quiá'- Juan

¹³ Jo jmiguiab` jalé' e sea` e 'né- nifí`i 'nu, dsu' ja` 'ga' lí' tí' dsii- e jalé' e jo nitoo`o fí' ní' ji',

¹⁴ dsuco' lajmináb- ní'iin`n máan`n 'nu, jo joguiba' nisí`naa' jalé' júu` quí`-ii' dseáng'` quini`naa' lana.

¹⁵ Jo güiliseem`ba' juguiá- júu` røø. Jo guicóo'`ba' jing'` jaléng' dsea` quiá'- Dsea` Jmáang- i cúing`na' fí' la. Jogui guicóob'` lajaléng' dsea` rú`uu' i cúing`naa' fí' na e fá' jnea~.

Jo lanab jii'` fé'` ji' e catí 'ní quiá'- Juan.

Ji` e cajme' JUDAS

Júu` guicóo` e cat#ng` dsea` quiá` Dsea` Jmáang`

¹ Jo jnea` siì Judas, jogui lán`n jaang` dsea` ngáang` cóo` Tiáa~, jogui lajii` e iing` Fíi`naa' Dsea` Jmáang` jmóo`o. Jo jmo`o e ji` la e cat#ng` jaléng` 'nú', dsea` i nicatø` Tiquí`ii' Fidié` e laco' ni`uúing`-na' dsea` quiá'r~, jo Fidié`bing' i 'neáang` 'nú' jogui Fíi`naa' Dsea` Jmáang`-bing' i jmóo` 'nú' í cajo.

² Jo f#i` 'nú' lana e ni`ling`-na' laling` e f#i` líng` Fidié` 'nú' jogui e nicuø`r` 'nú' e seeng`na' juguiú` júu` røø` jogui e jmi`neáiñ` 'nú' cajo.

E` uiing` e cal#` e ji` la (2 Pedro 2:1-7)

³ Dsea` rú`naa' dsea` quiá` Dsea` Jmáang`, eáang` nicali`iin`n e nijméé` e ji` e cat#ng`-na' lí` fé` cuaiñ` quiá` e júu` quiá` jial nicaláang`-naa' jee` jalé` dsee` quí`ii'; jo dsu' lanagui nicalilí`-i e dseáng`- la guím` 'né` nijméé` e ji` qui`-na' lí` f#i` 'nú' e dseáng`- nijmi`úung`na' e cuø` óo`na' e jmi`ø`na' e júu` quiá` Dsea` Jmáang` e nicacuø` Fidié` jaléng` dsea` quiá'r` latí` mi` uiing`.

⁴ Co' i líng` dsea` i jmigóo` nicaquiñ` jee` 'nú' lí` laco' la fé` fí` ni` ji` quiá` Fidié` latí` mi` uiing` lí` fé` e nisi`ling` jaléng` i dsea` la`í` e nidsilíñ` fí` lí` 'lí'; jo jaléng` i dsea` í eám` éer` ga, co' jmi`óo`r` jial tíi` guiúng` Fidié` e laco' jmóor` lí` doñí` ee` 'lí` lí` dsíir`, jogui cajo ja` jmi`gór` Fíi`naa' Dsea` Jmáang`, jo jii` dsea` íb` i quie` nifí` quí` jneaa`aa'.

⁵ Jo niñí`b` 'nú' jial calí` malí~, jo dsu' lana iin`n nijmiguién`n óo`na' calé` catú` e doñí` fa' caleám` Fíi`naa' Fidié` jaléng` dsea` Israel e fí` Egipto do, jo dsu' mi` cang` jo, jaléng` i dsea` í i ja` calinúu` júu` quiá'r` ie` jo dseáng`- ca`ím`-breiñ` do congua'.

⁶ Jo lajob calí` cajo cóo` jaléng` ángeles i ja` caguá` fa' cajméer` ta` quiá'r` laco' si`í` lí` lajii` lí` cat#iñ`, jo dsu' fí` lí` nuu` sób` caseáang` Fidié` jaléng` í, jogui fí` job nijér` e ñúuiñ` cóo` ñí` cadena cartí` mi` nití` í` e nitidsí` í` quiá'r` cuaiñ` quiá` lajii` e dsee` e ca`éer` do.

⁷ Jogui lí` laco' ja` calinúu` i ángeles na, lajob cajo cajméé` jaléng` dsea` seeng` fí` Sodoma cóo`-gui fí` Gomorra cóo`-gui fí` jalé` f#i` e née` lacúng` lajii`ng`; jo jaléng` i dsea` í cajméer` jalé` e 'lí` cóo` dseañu` jogui cóo` dseam` i o' quiá'r~, jogui cajméé`bre cajo jalé` e 'lí` e jíe`gui e lí` dsíi` ngúu` táaiñ` fí` jmigü` la. Jo uí` e lajob cajméé` jaléng` i dsea` í, joba` cacár` iihu` e cacáiñ` fí` ni` ji` e ja` tóo` jmi` yu`. Jo e jo cajméé` Fidié` e laco' nililí` jaléng` dsea` i jalíng` cøng`gui quiá` jial laniing` 'né` nijmi`gó` dsea` Fidié`.

⁸ Jo lí` la lí` jalé` e 'lí` e cajméé` jaléng` i dsea` na, lajob lí` cajo jalé` e jmóo` jaléng` i dsea` i jmóo` ta` jmigóo` do, co' lí` tí` dsíir` fé`r` jalé` e nir` lafa' mi` quir`, jo dsu' o' já` jalé` e fé`r` do; jogui jmi`ling` yaaiñ` cóo` jalé` e tí` dsíir` jmóor` fí` ngúu` táaiñ`, jogui gab` fé`r` quiá` jaléng` i güeang` quiá` Fidié` i seeng` fí` ñifí`.

⁹ Jogui i fii` féng` quiá` jaléng` ángeles quiá` Fidié` i sii` Yé` do, doñí` fa' eáang` 'gøiñ` jogui sea` bí` quiá'r~, jo dsu' ja` cajméer` fa' cabiiñ` i fii` i 'ling` do cóo` júu` 'lí` mi` catíñ` ngúu` táang` Moi~, co' jii` júu` laba' casí` reiñ` do: "i Fíi` Fidié` dsea` ni`gaiñ` qui`!"

¹⁰ Jo jaléng` i dsea` i jmóo` ta` jmigóo` do lí` jmine`r` lajii` e ja` ñí`bre; jo dsu' jalé` e ñir` lí` fé`r` jial líiñ` yaam`bre lí` laco' líng` jaléng` jó', co' jaléng` í ja` í dsíre'; jo dsu' cóo` jalé` e fé` jaléng` i dsea` do, cóo` e job nidsijéeng` yaaiñ` fí` lí` 'lí` car` ngong#` jmi`.

¹¹ Jo e ngi` f#i` jaléng` i dsea` i jmigóo` do, co' nicasíng` yaaiñ` fí` ga` lí` laco' cajméé` jaang` dseañu` i calisí` Caín ie` malí` do, jogui laco' cajméé` jaang` i calisí` Balaam i cajméé` lí` doñí` ee` e ja` dseeng` e lí` laco' calí`r` cuu`. Jo jaléng` i dsea` i jmigóo` do nidsing#iñ` lí`

laco' cangongíng- jaang` dsea` i calisí Coré ie~ mali` do, co' i dsea` í ja` cajméer` náu`r` júu` quiá'- Fidié'.

12 Jogui jaléng' i dsea` i jmi'góo` do jmi'li`bre fí' lí~ jmoo` 'nú' jmi~ lí~ seáng' rúng'na' e có'na' í'na' colíng~. Co' lí' tí' dsíir' e teáaiñ~ ta~ jmi'íáang` dsíí' e í' gø'r', jogui ja` ee` jmi'gór` jii~ capi` lajee` e jmoo` 'nú' e jmi~ do. Jogui i dsea` i jmi'góo` do líiñ' lafa' dsea` i nî'jo'se' i eáang`gui jmoo` í' 'ñia' e lafa' nijmér` í' jo'se' quiá'r~; jogui líiñ' cajo lí' laco' lí' jnii' e dsiguíng` cóo~ guí lajo, jo jii~ ja` tuu` jmi~; osi líiñ' lafa' 'ma' ofii' e ja` cuø' ofii' mi~ nití- jii' quiá'- . Jo co' lajob` líng`gui i dsea` do, joba' lana líiñ' lafa' 'ma' ofii' e nicagüitø~ catí- jmó` quiá'-, jo ninéé' guiá- e nidsitoo~ fí' ni~ jì e ja` tóo` jmi~ yu'.

13 Jogui jaléng' i dsea` i jmi'góo` do líiñ' la lí' ja` e róo- fí' 'ni' jmiñí' mi~ lí' guí teá, co' jnéeng` jøø`baa' jalé' e ga` e jmóor`. Jogui líiñ' cajo lafa' náu` i nica'íng- lajii~ ee` quiá'-, jogui lana niteáaiñ~ fí' e nidsilíiñ' fí' lí~ náu` sò' car` ngongíi` jmi~.

14 Jo i dsea` i calisí Enoc i caliséng` ie~ mali~ do mi~ catí' guié- 'lé' dsea` mi~ cangí e cajmeáang` Fidié' i Adán do, jo i Enoc do café'r` cuaiñ~ quiá'- Fidié' e éeiñ` jaléng' i dsea` i jmi'góo` do mi~ cajíng'- lala: "Nícamám`baa Fí'naa' e nijáar` cóo~ i 'leáang- ángeles quiá'r`

15 e niquidsir' í' quiá'- lajaang` lajaang` dsea` jmi'güi` jogui mifíng` nicuø'r` iihuá' jaléng' dsea` soo` dsíí' uii~ quiá'- jalé' e ga` e nicajméer` jogui uii~ quiá'- jalé' júu` 'lí' e nicafé'r` uii~ quiá'- Fidié'."

16 Jo jaléng' i dsea` soo` dsíí' do contøøm- jmóor` ta~ jíng` cóo~ dsea` rúíñ', jogui jmóor` ta` éeng` jaléng' í' cajo, jogui lí' jmitir~ lajii~ e lí' dsíí' ngúu' táam`bre. Jo eáam` jmicøøng~ yaaiñ~ jogui fé'r` jalé' júu` róo- e laco' lí'r` cóøiñ` dsíí' dsea` rúíñ', jo lajoba' lí'r` jalé' e iíñ` quiá'- i dsea` rúíñ' do.

Júu` í' 'goo` e catíng- dsea` quiá'- Dsea` Jmáang-

17 Jo dsu' fíi`-guíi` 'nú', dsea` rú'naa' dsea` quiá'- Dsea` Jmáang-, e téé' óo'na' lajii~ e júu` e nicafé' jaléng' i dsea` i síng` Fí'naa' Dsea` Jmáang- cuaiñ~ quiá'r`

18 ie~ mi~ casí'r- 'nú' lala: "Mí' tí' lí~ nijaquíéeng` e ní'íng- jmi'güi` nigüeam` dsea` i nijmine' jalé' e güeang' quiá'- Fidié', jo lí' nijmitir~ lajii~ e 'lí' e lí' dsíí' yaam`bre."

19 Jo jaléng' i dsea` la'íb` jmoo` ta~ 'naang` dsea` quiá'- rúíñ', jogui caniing- jmóor` lajii~ e lí' dsíí' ngúu' táam`bre, jogui ja` seeng` Jmiguí' quiá'- Fidié' cóo'r` cajo.

20 Joba' fíi`-guíi` 'nú', dsea` rú'naa' dsea` quiá'- Dsea` Jmáang- i iin`n eáang`, e cuøø'~gui bí' rúng'na' e laco' nidsicuáng`gui' quíi`-na' cóo~ júu` quiá'- Dsea` Jmáang- lí' lajii~ e fí' güeang' lí' niteáang`-na' cóo'r`. Jogui féeng`-na' Fidié' la'eáang` cóo~ Jmiguí' quiá'r`.

21 Jogui contøøng- jmi'güiéng' óo'na' jial tí' 'neáang` Fidié' jneaa`aa' jogui jeeng`na' e nití- e jmi~ e ní'íng`na' quiá'- Fí'naa' Dsea` Jmáang- e niliseeng`na' cøøng` cóo~ Fidié' lata~ uii~ e fíi- líiñ- jneaa`aa'.

22 Jogui jmee`-na' úung` e laco' ningáng' jaléng' dsea` i ja`gui mí' ngáng' røø` laco' sí'í' júu` quiá'- Dsea` Jmáang-.

23 Jogui jmicóo~`na' cajo jaléng' dsea` e laco' nileáiñ` jee~ jalé' dsee- quiá'r-, jo lajoba' ja` nidsilíiñ' fí' lí' 'lí' fí' lí' cóo` jì e ja` tóo` jmi~ yu'. Jogui jmee`-na' fíi- líng`-na' jaléng' dsea` cajo, jo dsu' 'né- ñiim` óo'na' jie~ mí' síng' yaang`na' fí' ga' lí' teáang` jaléng' i dsea` i jmi'góo` do, jogui jie~ mí' jmée`na' e jmeáang`-na' ta~ jalé' sí'r, co' jì'gui cartí' jalé' e jo 'lí' uii~ e jmóor` jalé' e ja` dseeng`.

Júu` lí' cadséng- quiá'- e jmi'féng' dsea` Fidié'

24 Jo dsu' jaam` Fidié' i seeng`, jogui íb` i nicaléáang` jneaa`aa' jee~ jalé' dsee- quí-ií', jogui íb` i jmoo` í' jneaa`aa' cajo e laco' ja` nijjá'naa' fí' ní' dsee-, co' eáam` 'gøiñ', jo jmóor` lajo e laco' nigüiéiñ' jneaa`aa' fí' quinir` e ja` sí'ling`naa' cóo~ jii~ coo` dsee-. Joba' eáang` íáang` dsí'naa' mi~ nití- fí' lí' jlo' níiñ- fí' ñifí- quiá'r-.

25 Jo jíí'~ íb`dsea`catíng~ nijmiféng' dsea`, co' jíí'~ íb`dsea`líng Fí'naa' dsea`féng' dsea`
 ñíng' fí' la'úng~, jogui dsea` íb`dsea`cuøøng lí jmér~ lí^ doñí' ee', jogui jíí'~ íb`dsea`óor` ta~
 e quiá'r' ta~ fí' la'úng~ la'eáang' cóo'~ Fí'naa' Dsea` Jmáang~, jo lajob jmóor` lajíí'~ ná'gui
 e nitiroo~ jmigüí, jogui lajob jmóor` lana jogui tí' lí~ dsé^gui cajo lí^ dseáng'~ car` ngongí'
 jmí~. Jo lajob nilí.

Jo lanab jíí'~ fé' jì` quiá'~ Judas.

Lajíi~ júu^ e cajíng'- Dsea` Jmáang- e nidsijéé'

¹ Jalé' júu^ e fé' e fí' ni~ jì' la lí' júu^ e cacuø' Fí'naa' Dsea` Jmáang- e ca'íñ' quiá'- Fidiéé' e ja' mí' cajmijnéeng` dsea` do lami~ jéeng'gui. Jo Fidiéé' cacuø'r' dsea` do jalé' e júu^ la e laco' ni'é'- dsea` do jaléng' dsea` quiá'r- e~ jalé' e nidsijéé' lajee' lajmináb- jia fí' jmigüü' la. Jo Dsea` Jmáang- casíñ' jaang` ángel quiá'r- e laco' cajmééiñ' do júu^ fí' quini~ jaang` dsea` quiá'r- i sií' Juan.

² Jo i dsea` ígui guiar' jalé' e júu^ quiá'- Fidiéé' do jee~ jaléng' dsea` jmigüü' cuaiñ~ quiá'- jalé' e cangár- do lafa' mi~ quir', jogui tiíb' nir~ cajo lajii~ e júu^ e cacuø' Fidiéé' e caliti~ la'eáang' cóo'~ Dsea` Jmáang-.

³ Jo juguiá' o' quiá'- i dsea` i' jalé' e júu^ la jogui juguiá' o' cajo quiá'- jaléng' i dsea` i jmoo' náu'~ mi~ núur' jalé' e júu^ e silí' e fí' ni~ jì' la, co' jalé' e júu^ la lí' júu^ e jáa' quiá'- 'ñiab' Fidiéé', dsu' nijaquíém' e jmíi~ e niliti~ lajii~ e júu^ e fé' e fí' ni~ jì' la.

Júu^ e cajme' Juan e catíng- lajì' guié' 'lé' dsea` quiá'- Dsea` Jmáang-

⁴ Jnea~ sií' Juan, jo jmo'o e jì' la e catíng- lajì' guié' 'lé' dsea` rú'naa' dsea` quiá'- Dsea` Jmáang- i neáang' fí' lí' se' Asia. Íng'~na' güea'^ quiá'- Fidiéé' jogui güiliseeng'na' juguiá'- júu^ røø' la'eáang' cóo'~ dsea` do, co' lajii~ íb' dsea` i seeng' lajii~ latí' mi~ uing~ jogui latí' lana jogui i nijáa'tu calé' catú-. Jogui lajobi cajo ím'~ba' güea'^ quiá'- lajì' guiáng- jmiguü' i seeng' fí' quini~ lí' lí' éé' laniing' fí' lí' guing~ Fidiéé' quiá'r' ta~.

⁵ Jogui cajo ím'~ba' güea'^ quiá'- Dsea` Jmáang-, co' íb' dsea` i dseáng'- tíi' ni~ røø' jalé' e júu^ la, jogui íb' dsea` i la'uii~ cají'tu jee~ jaléng' 'líi~, jogui íb' dsea` níing- i quie' nifí' jee~ jaléng' dsea` i óo' ta~ i seeng' fí' la'úng- fí' jmigüü'. Jogui cajo íb' i eáang' 'neáang' jneaa~aa', jogui cajáng' 'ñia'r' e cajúñ- e laco' caleáiñ' jneaa~aa' jee~ jalé' dsee- quí-ii' la'eáang' cóo'~ e jmí'øøiñ- e catuu' do.

⁶ Jogui nicajméer' e jaléng' jneaa~aa', dsea` lí'naa' dsea` quiá'r-, nilí'naa' coo' 'lé' dsea` i líng' lafa' jmidsea` i jmoo' lajii~ e iing~ Tiquiá'r^ Fidiéé'. Jo majmí'goo~baa' jogui majmifém'baa' dsea` do, co' íb' dsea` i eáang' 'gøng' jogui i güeang'^ car` ngongí' jmíi! Jo lajob nilí'.

⁷ Jøø-na' jogui quie'na' cuente!

Dob nijáa' Dsea` Jmáang- fí' jee~ cabøø~ jníí', jo lajii~ dsea` niníiñ- dsea` do, jo jì'gui jaléng' i dsea` i líng' ee' ca'íéeiñ- dsea` do niníng- neiñ'; jo ie~ job mi~ niquí'- jogui nilijia~ dsíí' jaléng' dsea` i seeng' latøøng- fí' jmigüü' uíi~ dsea` do, jo e jáb'- e jo.

Jo lajob nilí'.

⁸ Jo lalab jíng'- Fí'naa' Fidiéé': "Jneab~ i la'uii~ do jogui jnea~bi i lí' cadséng- do cajo, co' jneab~ Fidiéé' i 'gøng' i quíi~ jmíi~ jmé- lí'^ doñí' ee', jogui jnea~bi cajo i seeng' lajii~ latí' mi~ uing~ jogui latí' lana jogui i nijáa'tu calé' catú-."

Mi~ cangá- Juan jial tí' jlo'^ jnéng- Dsea` Jmáang-

⁹ Jnea~ sií' Juan, jogui la'ó' rú'baa' lí'naa' uíi~ e nilí'naa' dsea` quiá'- Dsea` Jmáang-. Jo røøb' íng'~naa' iihuí' dsu' uíi~ e lí'naa' dsea` quiá'- dsea` do, jogui røøb' cajo catíi~naa' e quie' Fidiéé' nifí' quí-ii', jogui røøb' jmoo~naa' té'naa' cóo'~ jalé' iihuí' e dsingíng- naa' do. Jo uíi~ e guiaa- júu^ quiá'- Fidiéé' e caliti~ la'eáang' cóo'~ Dsea` Jmáang-, joba' casíng' dsea` do jnea~ fí' coo' guoo'~ uó'-jia e sií' Patmos e neé' fí' ní' jmiñí'^.

¹⁰ Jo cangojéé' e lajee' e jmíi~ domiing~ e jmiféng' dsea` Fidiéé' cajá'a jee~ Jmiguü' quiá'- dsea` do jo canú- u lí' calúu' coo' luu~ e fé' tea' eáang' lí' laco' mi~ ii~ coo' lúu' trompé'^, jo lalab cajíng'- sí' jnea~:

11 —Jo fñi i 'nu, Juan, e nijmée' fí coo ni jì lajalé' e móo' la jmi na, jo mi ningf jo, nisín' jalé' e jì jo quiá' lajì guié' 'lé' dsea' quié' e i neáng' fí e fñi e sii Éfeso, jogui e fñi e sii Esmirna, jogui e fñi e sii Pérgamo, jogui e fñi e sii Tiatira, jogui e fñi e sii Sardis, jogui e fñi e sii Filadelfia, jogui e fñi e sii Laodicea; jo lajì guié' e fñi na née' fí lí se' Asia.

12 Jo mi cangf e canú u e luu do, joba' cajú' i nui lí' calúu u e laco' nicaa^ cuente i gui i tó' jnea do; jo job mi camó o guié candeléer e jì e lí' cóo' layaang cunée'.

13 Jo jeeng e guié candeléer e jì do camán n jaang i jnéeng dseáng' laco' jaang dsea' jmigü i qui' coo 'mi' e cuee e tí' cartí uii tñr, jogui ñúú ná' dsír coo e lí' cóo' layaang cunée',

14 jogui tee jñuguir lí' laco' tee 'moo' osi joo' é, jogui jminir lí' lafa' sóng' jì,

15 jogui tñr lí' dseáng' lafa' coo ñí e sii bronce e dseáng' jing jì lafa' mi iá' fí ni jì, jogui júu^ quiá' r- nú' lí' laco' ii coo lóo' e fé' eáng'.

16 Jogui e fí jaguór dsée do teáng' guiáng núa, jogui fí mo'oor güi'f coo ñisú' e dsíng' 'mé' lajì tú taang. Jogui nir dseáng' jing jì lí' laco' jnéeng iee' mi íñ' guieñí' jóo'.

17 Jo mi camán n i dsea do, joba' dseáng' caquím' baa fí uii tñr lafa' jaang 'lí'. Jo dsu' ír caquidsir guóor dsée fí yá' moguii jo casí' r- jnea lala:

—Ja fñon' jii' coo; co' jneab dsea i la' uii jogui jnea bi dsea i tí lí cadséng do cajo,

18 jo jnea bi cajo i dsea i seeng lana; jogui e já' ba' e cajún n cateá, dsu' cajíb' túu calé' catú, jo dsu' car ngongí jmi seen náng; jogui jneab dsea quiee joñí' quiá' 'mó' jogui joñí' quiá' fí lí' 'lí' cajo.

19 Joba' lana nijmée' fí ni jì lajii' e nicañí' jogui jalé' e móo' jmi na cóo' gui jalé' e nimó' gui' cøng' gui.

20 Jo lalab guóng' i guiáng núa i nicañin' fí jaguóo' dsée la, jogui lalab guóng' cajo lajì guié candeléer e jì e lí' cóo' layaang cunée do: i guiáng núa do guóng' quiá' jaléng' dsea i quie nifí quiá' dsea quié e i seeng fí lajì guié fñi e née' fí lí se' Asia, jogui laco' e candeléer e tí' guié do guóng' i guié 'lé' dsea quié e i seeng fí laco' e fñi jo.

2

Júu e catñng dsea quiá' Dsea Jmáng i neáng fí Éfeso

1 'Jo fñi guí 'nu, Juan, e nijmée' coo jì e catñng i dsea i quie nifí quiá' dsea quié e i neáng fí fñi Éfeso, jo lalab jmée': "Lalab jing i dsea i teáng lajì guiáng núa fí jaguór dsée jogui i ngí fí jee lajì guié candeléer e jì e lí' cóo' layaang cunée do:

2 Jo lalab fñi i 'nu e guiá nui lajalé' e jmoo' lafa' jalé' e la; e eám' cuø' bí uø' e jmoo' ta jogui e eám' iá' ní' cóo' jalé' e jo cajo, jogui ñi baa cajo e ja' cuø' fí e nijmé dsea jalé' e ja' dseeng lí' ee' já' dsír. Jogui ñi baa guiá e nicajø' su já' laco' fé' jaléng' i dsea i jing' e líñ' dsea apóo' i ni' júu quié e, jo dsu' o' já' e líñ' lajo, jo 'nu nicalilí' ba' e jaléng' i dsea í jmang' i adseam'.

3 Jogui eám' nicajmee' féng' a' jogui nicateá' lí' bi' cóo' jalé' iihuí' e nicalín' uii' jnea, jo dseáng' ja' mí calitúng o' e sin' teá fí guiá cóo' jnea.

4 Jo dsu' seab coo júu e nilée' quí' lana, jo e lab e jo: jo' guiée' e 'neán' jnea o' gui dsea rún' laco' gui lamí uing do ie lamí canaan' e cuín' jnea.

5 Joba' fñi i 'nu e ni'fí du o' jie lí' nica'lee' quí' lana, jo quí' jing' tu uø' calé' catú fí quini' Fidiée, jogui jmee tu' lajalé' lí' laco' gui lamí quí' tñn' e jmoo' latí mi uing do. Jo song ja' nijmée' lajo, joba' lajmináb nigáa' fí na jo nijé' baa ée' quiá' e candeléer do quí', jo dsu' ja' nilí lajo song niquí' jing' tu uø' fí quini' Fidiée.

6 Jo dsu' e laba' guiá e jmicóo' quí', e 'níb' man' jalé' e jmoo' i dsea nicolaíta lí' laco' gui jnea 'níb' máan' nre cajo.

7 Joba' fá'a: Ii` jaléng` dsea` dsi` logua~, güinú`bre lajii` júu` e jing` Jmiguí` quiá'- Fidiéé` e catáng` laji` guié` 'lé' dsea` quié`-e: Jaléng` i` dsea` i` nité` lí' cóo` jalé` iihuú' jogui` ja` nitiúuiñ` jnea~, joba' nicuóø`baare e nidó'r` lajii` e sea` quiá'- e 'ma` e cuø` e seeng` dsea` lata` e si' fi' ñiff` quiá'- Fidiéé`.”

Júu` e catáng` dsea` quiá'- Dsea` Jmáang` i` neáang` fi' Esmirna

8 'Jo fii` guú' 'nu, Juan, e nijmée'` cóo` ji` e catáng` i` dsea` i` quié` nifi` quiá'- dsea` quié`-e i` neáang` fi' fii` Esmirna, jo lalab jmée'`: “Lalab fé' i` dsea` la'uii` do jogui` i` dsea` tí` lí` dséng`-gui do, i` dsea` i` cajúng` do jogui` i` cají` tu` mi` catí` 'ni` jmii` lajo:

9 Jo lalab fii`-i` 'nu` e guiáb` ñii` lajii` iihuú' e íin` jogui` jial` tiñiin`- cajo, nañi` fa' eáam`bre jmicóo`- Fidiéé` 'nu` cóo` jalé' e lí' quií'. Jogui` ñi`bú` guiá` cajo jial` fé' dsea` ga` uii` quií', fa' jaléng` i` dsea` i` jing` e líiñ` dsea` Israel, jo dsu' o' já' e líng` i` dsea` í` lajo, co' i` dsea` í` lico' líiñ` dsea` i` jmiféng` fi` i` 'lim`.

10 Jo fii`-i` 'nu` e ja` fóøñ` lajii` iihuú' e tí` lí` ni`íin`; co' fii` i` 'ling` nijmér` e i` líng` 'nú` nigüitáang`-na' fi' dsii` 'nuñi` e laco' nijmér` quiji` jial` nitú`na' e teáang`-na' teá' fi' guiú` cóo` jnea`; jo e iihuú' jo ni`líng`-na' lajee` gui` jmii`. Jo dsu' fii`-i` 'nu` dseáng`-jie` mí` litúng` o' e sin' teá' fi' guiú` cóo` jnea~, doñi` fa' iing` dsea` jngaiñ` 'nu` uii` e jo, joba' jneab` nicuóø`ø` 'nu` lajii` e catán` e niliseen` cøøng` cóo` jnea` car` ngongú` jmii`.

11 Jo jaléng` 'nú', dsea` dsi` loguá`na', náu`-na' lajii` e júu` e jing` Jmiguí` quiá'- Fidiéé` e catáng` laji` guié` 'lé' dsea` quié`-e: Jo jaléng` dsea` i` ja` nilitúng` dsii` e teáaiñ` teá' fi' guiú` cóo` jnea~, joba' i` dsea` í` jo` tóo` jmii` fa' e nitúñ` fi' lí` 'li` mi` nití` fi' fii` cóo`.”

Júu` e catáng` dsea` quiá'- Dsea` Jmáang` i` neáang` fi' Pérgamo

12 'Jo fii` guú' 'nu, Juan, e nijmée'` cóo` ji` e catáng` i` dsea` i` quié` nifi` quiá'- dsea` quié`-e i` neáang` fi' fii` Pérgamo, jo lalab jmée'`: “Lalab fé' i` dsea` i` quié` e ñisu` e 'mé` laji` tú` taang` do:

13 Jo lalab fii`-i` 'nu, e guiáb` ñii` lajaléb` e jmoo', jogui` ñi`baa` cajo e seen' fi' lí` quiu' fii` i` 'ling` ta~, dsu' ja` mí` catiun' e dseáng`-já' lín`- lajii` júu` quié`-e. Jogui` ja` mí` catiun' jnea` fa' e ja` mí` jmití` lajii` ta` quiá`u, o'gui` mí` catiun' jnea` ie` mí` cajngang` dsea` i` dsea` quié`-e i` sii` Antipas i` cajmiti` júu` quié`-e e fi' fii` e fi' lí` quiu' fii` i` 'ling` i` sii` Satanás ta` do.

14 Dsu' fii` guú' 'nu` e seab` cóo` tú` íng` e 'léé` quií', jo e lab e jo: ja` mí` cajniin` quiá'- cóo` tú` máng` dsea` i` seeng` fi' na` i` ja` mí` catá' e jmitíiñ` lajii` júu` 'li` e cagua' Balaam, co' i` dsea` na` ca'e'r` jaang`gui` dsea` i` sii` Balac, jo i` dsea` í`gui` i` cajmigóøng` jaléng` dsea` Israel e laco' éeiñ` dsee` e gø'r` ngu` jó' i` nicacuøiñ` diéé` i` o' já' jogui` e 'léer` e güiñ` cóo` dseañ` osi` dseam` i` o' quiá'r`.

15 Jo lajobi` cajo seem`bi` cóo` tú` máng` dsea` la'ó' 'nú' i` neáang` fi' na` i` ja` mí` catá` jalé' e 'li` e quií` tíng` e jmoo` jaléng` dsea` nicolaíta.

16 Joba' fii`-i` 'nu` lana e quií` jing` uø` fi' quini` Fidiéé`; jo dsu' song` ja` nijme` lajo, joba' lajmináb` nigáa`a` fi' lí` guiin` e nitíñ` cóo` jaléng` i` dsea` í` cóo` e ñisu` e iu` fi' mo'óo`.

17 Jo jaléng` 'nú', dsea` dsi` loguá`na', náu`-na' lajii` júu` e jing` Jmiguí` quiá'- Fidiéé` e catáng` laji` guié` 'lé' dsea` quié`-e: Jo i` dsea` i` ja` nilitúng` dsii` e náu'r` júu` quié`-e, joba' nicuóø`baare cóo` e lafa' iñi` e catíiñ` e si`ma` fi' ñiff`; jogui` nicuóø`baare cajo cóo` cuu` e tee, jo e fi' ni` e cuu` do nijé` cóo` júu` e 'mii` laco' sii` i` dsea` do, jo dsu' jii` jaang` dsea` jíéng` ja` niliñi` e júu` jo, co' jii` i` dsea` i` ni`íng` do, jii` í`bing` i` niliñi` e júu` jo.”

Júu` quiá'- Fidiéé` e catáng` dsea` quiá'- Dsea` Jmáang` i` neáang` fi' Tiatira

18 'Jo fii` guú' 'nu, Juan, e nijmée'` cóo` ji` e catáng` i` dsea` i` quié` nifi` quiá'- dsea` quié`-e i` neáang` fi' fii` Tiatira, jo lalab jmée'`: “Lalab jing` i` Jóo' Fidiéé` camáng` do i` quié` jmini` e lí' lafa' søng` ji` jogui` tír` jnéeng` lafa' ñi` e jing` ji` jlo` e sii` bronze:

19 Jo lalab fii`-i` 'nu, e guiáb` ñii` lajaléb` e jmoo', jogui` e eáam` 'neáan` dsea` rún', jogui` e teáb` sin' fi' guiú` cóo` jnea~, jogui` eáam` la'úung` nicajmee` lajii` ta` e iin`n, jo ja` mí`

cajmitúng⁻ o' lajii[~] e ta[~] jo, co' dseáng⁻ nicateá⁻ba', jo ñi[~]baa guiá⁻ e eáang⁻gui nicuø' bí uø' lana e røø⁻gui nijmoo' ta[~] laco'gui lamí[~] jmoo' lamí[~] uuing[~] do.

20 Lf[^] jii[~] e laba' e 'léé' quií⁻ e ga: ja' mí cajníin[~] quiá⁻ i dseamí i sii Jezabel e sí[~] 'ñia'r' e líiñ[~] jaang⁻ dseamí i fé[~] cuaiñ[~] quiá⁻ Fidié[~], jo dsu' i dseamí i l[^] jmigøøiñ[~] jaléng[~] dseá⁻ quié⁻ e cóo[~] jalé[~] e e'r' do, co' iñ[~] e nisíng[~] tu jaléng[~] dseá⁻ quié⁻ e fí gab⁻ e jmé⁻ tur ta[~] 'léé' cóo[~] jaléng[~] dseañu[~] osi dseamí i o' quiá⁻ r⁻, jogui e jmé⁻ tur ta[~] gø' jalé[~] e nicuø'r' dié[~] i o' já⁻.

21 Jo huøøb⁻ nicacuøø⁻ øre fí fa' e niquí⁻ jíng[~] 'ñia'r' fí quini⁻ e laco' jo⁻ nijmér⁻ e ga' lajo, jo dsu' ja' mí cali'iñ[~] fa' e nicajméer⁻ lajo e jo⁻ nibeáng[~]gui 'ñia'r' dsee⁻, co' ja' iñ[~] fa' nicatúr⁻ jalé[~] e 'li[^] e jmóor⁻ do.

22 Jo dsu' lalab fá'a uii[~] quiá⁻ jaléng[~] i dseá⁻ i jmóo⁻ ta[~] 'léé' cóo[~] i dseamí í, e song ja' niliúng⁻ yaaiñ[~] e jmóor⁻ jalé[~] e jo, joba' nijmee⁻ e e nilidsée⁻ bre lajaléiñ[~] do, co' eáam⁻ nicár⁻ iihuí[~], jogui huí[~] m' nidsijéé⁻ quiá⁻ r⁻. Jo jalé[~] e iihuí[~] nab nidsingíiñ[~] song ja' niquí⁻ jíng[~] yaaiñ[~] uii[~] quiá⁻ jalé[~] e dsee⁻ e nica'éer⁻ do.

23 Jogui nijngám[~] baa jaléng[~] jóo⁻ i dseá⁻ i laco' jaléng[~] dseá⁻ i líng⁻ dseá⁻ quié⁻ e niliñir⁻ e jneab⁻ dseá⁻ móo⁻ o jogui cuí[~] i jial lí[~] dsí⁻ dseá⁻ lajaang⁻ lajaañ[~]; jo jneab⁻ dseá⁻ catí[~] n e nicuøø⁻ 'nú' lajii[~] e catíng⁻ na' lajaang⁻ lajaang⁻ na' uii[~] quiá⁻ lajii[~] ta[~] e nicajmee⁻ na' fí jmigüí⁻ na.

24 Jo fí⁻ i jaléng[~] 'nú' caguaang⁻ gui dseá⁻ i seeng⁻ fí na fí Tiatira; ii⁻ i ja' mí casíng[~] yaang⁻ fí ga' cóo[~] i dseamí ga' do o'gui mí cajmitir⁻ lajii[~] e fé[~] dseá⁻ e lí[~] júu[^] nuu[~] quiá⁻ fii⁻ i líng[~] i sii Satanás, joba' lalab fí⁻ i 'nú' e jo⁻ nicuø⁻ guí[~] 'nú' ta[~] ii⁻ e jié⁻ gui.

25 Joba' lí⁻ jie⁻ mí tá⁻ na' lajii[~] e guiá⁻ e jmoo⁻ na' na cartí⁻ mí nití⁻ í⁻ e ninii⁻ túu⁻ calé⁻ catú⁻ fí jmigüí⁻ na.

26 Jo jaléng[~] dseá⁻ i nigüéang[~] e jmitir⁻ lajii[~] e iing[~] jnea⁻ e nijmér⁻, joba' nicuøø⁻ baare ta[~] e niquiúr⁻ ta[~] fí jalé[~] fii⁻ e sea⁻ fí jmigüí⁻ na;

27 jogui dseáng⁻ l[^] laco'gui nicacuø' Tiquié⁻ e jnea⁻ fí e niquiá⁻ ta[~] quiá⁻ jaléng[~] dseá⁻ jmigüí⁻, lajob⁻ i dseá⁻ i cajo niñiñ[~] lafa' 'ma' u' quiá⁻ dseata⁻, jo cóo[~] e job⁻ niquiúr⁻ ta[~] fí jalé[~] fii⁻ cartí⁻ nijmér⁻ jmiguiá⁻ cuí[~] laco'gui mí fíing⁻ coo⁻ tu'.

28 Jogui cajo nicuøø⁻ m[^] baa 'nú' i núu⁻ i jnéeng⁻ mí la'ee⁻.

29 Jogui fí⁻ i 'nú', ii⁻ 'nú' dseá⁻ dsí⁻ loguá⁻ na', núu⁻ na' lajii[~] júu[^] e jíng⁻ Jmiguí⁻ quiá⁻ Fidié[~] e catíng⁻ lajii[~] guié⁻ 'lé' dseá⁻ quié⁻ e."

3

Júu[^] quiá⁻ Fidié[~] e catíng⁻ dseá⁻ quiá⁻ Dseá⁻ Jmáang⁻ i neáang⁻ fí Sardis

1 Jo fí⁻ guí[~] 'nu', Juan, e nijmée⁻ coo⁻ ji⁻ e catíng⁻ i dseá⁻ i quié⁻ ní⁻ fí quiá⁻ jaléng[~] dseá⁻ quié⁻ e i neáang⁻ fí fii⁻ Sardis, jo lalab jmée⁻: "Lalab jíng⁻ i dseá⁻ i quié⁻ lajii[~] guié⁻ jmiguí⁻ quiá⁻ Fidié[~] jogui i teáang⁻ guiáng⁻ núu⁻ fí jaguór⁻: Lalab fá'a e dseáng⁻ ñi[~]baa guiá⁻ lajalé[~] e jmoo⁻, jo fí⁻ m' dseá⁻ i dsí⁻ e dseáng⁻ lajam[~] e lin⁻ jaang⁻ dseá⁻ i seeng⁻ cøøng⁻ cóo[~] jnea⁻, jo dsu' o' já⁻ e lin⁻ lajo, co' ñi[~]baa guiá⁻ e lin⁻ jaang⁻ dseá⁻ lafa' i sijúung⁻ i si'naang⁻ cóo[~] jnea⁻.

2 Joba' fí⁻ i 'nu' e í⁻ a' røø⁻ jogui cuøø⁻ bí uø' e nijmée⁻ laco' sí⁻ l[^] lajii[~] e sisé⁻ e 'né⁻ jmée⁻ gui⁻; jo song ja' nijme⁻ lajo, joba' dseáam⁻ seen⁻ e ni'íng⁻ conguaí⁻ quií⁻; co' l[^] lajii[~] e móo⁻ o e jmoo⁻ na dseáng⁻ ja' dseem⁻ lí[~] fí quini⁻ Fidié[~].

3 Jo téé⁻ a' lajii[~] júu[^] quié⁻ e e nica'íin[~] jogui e nicanúu⁻; jo jmee⁻ lajii[~] e jo, jogui quí⁻ jíng[~] uø' fí quini⁻ Fidié[~]. Co' song ja' nijmée⁻ lajalé[~] e fí⁻ i 'nu' na, joba' niguiéeb⁻ jmí⁻ mí niguié⁻ e fí quini⁻ lajee⁻ e ja' ñiing[~] o', lafa' mí⁻ ngí jaang⁻ ii⁻ e dsijméer⁻ ii⁻ quiá⁻ dseá⁻ e jii[~] ja' ñiing[~] dsí⁻ i dseá⁻ do lí⁻ niguiéiñ[~] do.

4 Jo dsu' e fí fii⁻ Sardis na seem⁻ bi coo⁻ tú⁻ m'íng⁻ dseá⁻ i la'ó⁻ røø⁻ cúing⁻ na' jnea⁻, jo i dseá⁻ i ja' mí cajmí⁻ líng[~] yaaiñ[~] fí quini⁻ Fidié[~], joba' i dseá⁻ i catí[~] m⁻ bre e ningí⁻ cóo[~] jnea⁻, co' ja' sí⁻ líiñ[~] jii[~] capí⁻.

5 Jo jaléng' dsea` i nité' lí' e já' l'hiñ` jalé' júu` quié` e, joba' niqui`bre si`r` e tee` e laco' cuø' lí' e niguiúm` bre fí' quini` Fidiéé', jogui ja` tóo` jmíi` fa' e ni'uóng` guir lí' niteáaiñ` fí' ni` jì' lí' nitaang` jaléng' dsea` quié` e, jogui nijmee` e júu` fí' quini` Tiquié` e dsea` guing` ñiff` jogui fí' quini` jaléng' ángeles quiá'r` e jaléng' i dsea` i dsea` quié` baa nilíiñ`.

6 Joba' fíi` i 'nú', i' 'nú' dsea` dsi` loguá'na', núu`-na' lajii` e jing` Jmiguí` quiá' Fidiéé' e catíng` laji` guié` 'lé' dsea` quié` e."

Júu` quiá' Fidiéé' e catíng` dsea` quiá' Dsea` Jmáang` i neáang` fí' Filadelfia

7 Jo lalab fíi` guíi` 'nú', Juan, e nijmee' coo` jì' e catíng` i dsea` i quié' nifí' quiá' jaléng' dsea` quié` e i neáang` fí' fíi` Filadelfia, jo lalab jmée': "Lalab jing` i dsea` güeang` jogui i fé' jmang` júu` já' contøøng` jogui i quié' joñí` quiá' dseata` dsea` féng' Daví'; jo mi` náa` i dsea` i quié' e joñí` do, joba' jii` jaang` dsea` jo` i' nilí' fa' e nijnir` ; jogui mi` jnir`, joba' jii` jaang` dsea` ja` i' nilí' fa' e nineár`.

8 Jo jnea` ñi`baa guiá' lajalé' e jmoo'. Jogui lana lafa' nicaná'a coo` jn' fí' quini` e jii` jaang` ja` i' qui' jmíi` fa' nijní`-tu, jo nañí' fa' ja` 'leáang` bí' qui' sea', dsu' nicajmee`-ba' núu` lajii` júu` quié` e, jo ja` mí' cajmee' fa' e ja` jmicuíin` jnea`.

9 Jogui jnea` nijmee` e e jaléng' i dsea` i teáang` jee` 'lé' quiá' Satanás, jaléng' i adsee` i fé' e l'hiñ` dsea` Israel jo dsu' o' já' e l'hiñ` lajo, jo nijmee` e e nisí' jaléng' i dsea` i uø` jnir` fí' quini`, jo lajob` niliñir` e eáam` 'neáang` jnea` 'nú'.

10 Jo co' contøøm` nicateá' e jmoo' núu` lajii` júu` quié` e e ja` mí' calitúng` o' e júu` jo, jo uíi` e joba', jnea` nijmee` e i' 'nú' mi` nijaquíéng` e niní' dsea` iihuí' fí' latøøng` jmiguí', co' ie` job` mi` nijøø` jial l'ing` lajaang` lajaang` dsea` seeng` fí' ni` guóo` uø` na, jo ne` duu' su teáaiñ` teá' fí' guiá' coo` jnea` osi o' lajo é.

11 Jo lajee` lajmináb` nigáa` túu` fí' jmigüi` na, lí' jie` mí' tú' lajii` e jmoo', jo lajoba' jii` jaang` ja` i' cuøøng` nigui` qui' lajii` e catíin` quiá' Fidiéé'.

12 Jo jnea` nijmee` e e i' i' nité' lí' jogui e ja` nitár` júu` quié` e, íb` dsea` i nilí' e nilíiñ` jaang` i niing` i niliseeng` colíing` coo` jnea` fí' lí' guing` Tiquié` e Fidiéé', jo jo` qui' jmíi` fa' e nidsihuíng` guir fí' jo; jogui jnea` nijmee` e e jaléng' i dsea` i nilíiñ` dsea` quié` e jogui e nilíiñ` dsea` góo` Tiquié` e fí' fíi` lí' sii` Jerusalén e 'míi` e jáa' fí' ñiff` quiá' Fidiéé', jogui nijmee` e e nilíiñ` jaléng' i dsea` do e júu` 'míi` e nilisii` ie` jo.

13 Jo fíi` i 'nú', i' 'nú' dsea` dsi` loguá'na', núu`-na' lajii` júu` e jing` Jmiguí` quiá' Fidiéé' e catíng` laji` guié` 'lé' dsea` quié` e."

Júu` quiá' Fidiéé' e catíng` jaléng' dsea` quiá' Dsea` Jmáang` i neáang` fí' Laodicea

14 Jo fíi` guíi` 'nú', Juan, e nijmee' coo` jì' e catíng` i dsea` i quié' nifí' quiá' jaléng' dsea` quié` e i neáang` fí' fíi` Laodicea, jo lalab jmée': "Lalab jing` i dsea` i l'ing` dseáng` lajang` Fíi`naa' Fidiéé', jogui i dseáng` tíi` ni` røø` i fé' jmang` júu` já', jogui cajo la'eáang` coo` íb` cajmee` Fidiéé' lajalé' e sea` fí' jmigüi`:

15 Jo lalab fá'a e niñíi` jnea` guiá' lajalé' e jmoo', joba' ñi`baa e ja` mí' 'naan` coo` jnea` o'gui` cuø' bí' uø' fa' e nisíng` gui' teá' coo` jnea`. Dsu' e laba' fíi` i 'nú' e 'né' e ní'f' o' røø` jnang` fí' e iin` e nicá'; su e nisín` teá' coo` jnea`, osi e 'ní' man` jnea` é.

16 Jo dsuco' lí' í' o' e ja` ee` lí' qui' jje' fí' sin', uíi` joba' e nibíin` 'nú' fí' caluu`.

17 Co' 'nú' fó' e lín' jaang` dsea` sea` cuu`, jogui guiáb` nicangojée' qui' , jo jo` e 'né' qui' jii` coo'; dsu' ja` ca` cuente uø' fa' e huím` lí' qui' coo' jalé' e í' o', jo dseáng` fíi`-ba' co' lafa' tiñíim`-ba' lín', jogui lafa' fí'f', jogui lafa' tiuun`, jogui lafa' ringúum`-ba' cajo.

18 Jo uíi` e joba' liúun`-n` 'nú' e lá' cunée' quié` e e nicaguo' jlo' fí' ni` jì, jo lajoba' e nilíin` lafa' jaang` dsea` sea` cuu`; jogui la'eáang` jneab` cajo e lafa' nilá' sí' e jlo' e tee` e niquí', jo lajoba' ja` nilí' i' lín' e ngí' lafa' ringun'; jo lajob` cajo lafa' nilí' míi` quiá' jminí' e laco' cuøøng` e nilijné' røø`.

19 Jo jnea~ liúum~'baa jogui ñ'baa 'goo` quiá~ jaléng' dsea` i 'neáan`n. Joba' fíi~i 'nua` e cuøø'~ bí uø' e ngocáng` o' laco' catíng~, jogui qui'~ jíing'~ uø' fí' quini' Fidié~.

20 ¡Janú'! Núu~ e júu^ la: jnea~ tóø-ø dsea` catí' o'nú^; jo i~ dsea` i ninú~ júu^ quié~e jogui nineár~ jnî^ e laco' ni'íñ' e júu^ do quié~e mi~ nitóø^øre, joba' ni'ú^baa fí' dsí' sinúu^ quiá'r~, jo colim~ niquiee~naa' i~naa' cóo'~ i dsea` do.

21 Jo i~ dsea` i nité' lí' e já'~ líiñ' jalé' júu^ quié~e, joba' nicuøø^baare fí' lí~ nigüear` colíng~ cóo'~ jnea~ fí' ñiff~ lí^ laco' nicalí'~ jnea~ e guiin~n cóo'~ Tiquié^ e fí' ñiff~ quiá'r~ fí' lí~ quiu'r' ta~.

22 Jo fíi~i 'nú', i~ 'nú' dsea` dsi~ loguá^na', núu~na' lajii'~ júu^ e jíng'~ Jmiguí quiá'~ Fidié~ e catíng~ laji' guié~ 'lé' dsea` quié~e."

4

Jial lí' lí' jmiféng' dsea` Fidié~ fí' ñiff~

1 Jo mi~ cangí e jo, lalab jíng'~gui Juan e cangár~: Jo camó~o e óob' coo` jnî^ quiá'~ ñiff~, jo canú~u e guica'ii' fí' yá^' jmigüi' coo` luu~ e i~ lafa' coo` lúu' trompé^ lí^ laco' canú~u lamí~ uii~ do, jo lalab casí'~ jnea~:

—Ñiquiéeng' fí' la, jo nijméé'~e 'nua' júu^ lajii'~ e 'né~ nidsijéé' lajee~ mi~ ningíng~ e la.

2 Jo ladsifí' lajob cajú'a jee~ Jmiguí quiá'~ Fidié~, jo lajee~ jo camán~n jaang' dsea` fí' ñiff~; jo i dsea` í' guiiñ~ e fí' éé^ e lí' gua' dsea` i laniing~ i quiu' ta~.

3 Jo camán~nre e jnéeng~ nir~ laco'gui la lí' coo` cuu~ jlo^ e jí' eáang' e sii' cornalina, jogui jnéeiñ~ cajo laco' coo` cuu~ e sii' jaspe e jíng' jí'; jogui lacúng' lajíng' e lí' guiiing~ i dsea` 'ñia' do camó~o e lafa' sí' coo` cuu~ e jnéng' mi~ dsée' jmigui^ e tíí' ié', jo e jo jíng' jí' jlo^ laco' coo` cuu~ rø' e sii' esmeralda.

4 Jo fí' job camó~guí cajo jíé'gui guiequiúung' guie' fí' lacúng' lajíng' e lí' guiiing~ i dsea` laniing~ do, jo fí' job camán~n guiequiúung' yáú' dsea` cóøng' e neáaiñ' fí' jo, jo lajiing~ i dsea` í' qui'r' 'mi' té', jogui téé' fí' moguir~ lajaang' lajaaíñ' jmá'~ có' lí^ corona e lí' cóo'~ layaang~ cunéé~.

5 Jo e fí' lí' guiiing~ i dsea` laniing~ do jnéeng~ lafa' mi~ líji~ güi'ñiá^, jogui náb' mi~ nií' cajo, jo dseáng'~ eám' téé' mî'; jogui e fí' quini' lí' guiiing~ i dsea` laniing~ do jnéeng~ coo' guié~ bøø'~ jí', jo e jo guøng' quiá'~ laji' guiáng~ jmigui' quiá'~ Fidié~.

6 Jo e fí' quini' e lí' guiiing~ i dsea` do, fí' job jnéeng~ cajo laco' la jnéeng~ fí' ni~ jmiñí^, jo jnéeng~ ta' jmî' lafa' coo` sí' jí'. Jo dseáng'~ guiá'~ joo' jogui lacúng' lajíng' e fí' lí' guiiing~ i dsea` laniing~ do, neáang' quiúung~ i jí' i dsi~ jmiguiú' jmini' lí^ quini' jogui lajobi lí^ caluu' cajo.

7 Jo i jí' i la'uii~ do jnéeiñ~ lafa' jaang' ie', jogui i jí' i catí' tú~ do jnéeiñ~ lafa' jaang' güitá^, jogui i jí' i catí' 'ní' do, í'bing' líng~ laco' jaang' dsea` jmigüi' la jneaa~aa', jogui i jí' i lí' catí' quiú' do jnéeiñ~ lafa' jaang' mií' i íng' guiá^ güí'.

8 Jo lajaang' lajaang' i quiúung~ do dsi~ jñúu~ cuéer', jogui dsi~ jmiguiú' jminir~ lí^ lí' ni~ jogui lí^ lí' nú'~ cajo; jo dseáng'~ uøø' jmáb' ja' tár' e fé'r' lala:

Dseáng'~ ja' cóøng' cóob'~ güeang' Fí'ii',

Fidié~ dsea' guiiing~ ñiff~.

Dseáng'~ dsea' güeam'^ dsea` do,

dseáng'~ dsea' guiúm~ dsea` do, jo íb' dsea' 'gøng', jogui tiiñ' jmér~ lí^ doñí' ee`.

Jo íb' Fidié~ i seeng' lajii'~ latí' malí~gui, lajii'~ ná'~gui e nitiroo'~ jmigüi' jogui latí' lana jogui cajo i nijáa'tu calé' catú~, i seeng' car' ngongí' jmií'.

9 Jo laco' néé'~ mi~ jmiféng' i quiúung~ do Fidié~ e cuø'r' dsea` do gui'máang', jogui mi' jmi'gór' dsea` do dsea' guiiing~ fí' ñiff~, dsea' i seeng' car' ngongí' jmií',

10 jo mi~ jmóor' lajo, joba' fí' quini' i dsea' i guiiing~ fí' lí' niing~ do, laji' guiequiúung' i dsea' cóøng'~ do jmiféiñ' dsea` do e téé~ uø~ jnir~, jogui uø'r' e lí^ corona cunéé~ e téé' fí' moguir~ lajaang' lajaaíñ', jo guiar' fí' quini' dsea` do jo fé'r' lala:

11 Fíi'naa' Fidiée', 'nub' dseáng' dsea' féng' dsea' ñíng' fí' la'úng' fí' jmiǵüî,
 joba' 'nub' dsea' catíng' e nijmiféng' dsea' 'nu',
 jogui e nijmi'gó' dsea' 'nu',
 jogui e nifé' dsea' e eáam' 'gøñ' cajo,
 co' 'nub' dsea' cajmee' lajalé' e sea' fí' jmiǵüî,
 jo jaléb' e cajmee' 'nu' caliseá' dseáng' laco' la iin' uø'.

5

Ji' quiá' Fidiée' e róo' fí' ñifi'

¹ Jogui camó' guí' cajo e fí' jaguó' dsée' quiá' i dsea' i guing' fí' lí' niing' do e iu' coo' jì' e sibéeng' e silií' lí' lí' dsí' jogui lí' caluu' cajo, jogui sijní' røø' cóo' guié' sello e laco' ja' sea' fí' e nineá' lí' doñí' jì'.

² Jo camám' bñi' cajo jaang' ángel i 'gøng' eáang' quiá' Fidiée', jo jming' r' cóo' luu' teá' lala:

—¿I' dsea' i catíng' i nineá' e jì' do jogui e nifíñ' lajì' guié' e sello quiá' e ja' cuóøng' nineá' do?

³ Jo dsu' ja' jíe' lí' seeng' jaang' i catíng' i nijmé' lajo, o'gui fí' yá' jmiǵüî o'gui fí' guóo' uø' o'gui fí' nú' uø' cajo fa' seeng' jaang' i catíng' i nineá' e jì' do o'gui e ír' cajo.

⁴ Jogui jnea~, Juan, dob sín'n qui' jii' ja' ñii' ee' nijmee' e, co' ja' mí' caliséng' jii' jaang' fa' i catíng' i nineá' e jì' do o'gui e nijøø' o'gui e ní' ír' cajo.

⁵ Dsu' jaang' lajee' i dsea' cóøng' i tí' guiequiúung' do casí'r' jnea' lala:

—Jo' qui' gui, co' ja' ee' fí' í' sea', co' i do i líng' i Ie' i iuung' jee' 'lé' quiá' dsea' quiá' Judá jogui i líng' dsea' siju' dseata' dsea' féng' Daví', íb' i nicalí', joba' lana nicuóøm' nifíñ' lajì' guié' e sello do, jo lajoba' ní' ír' nineár' e jì' do.

⁶ Jo mí' cangí' e café' i dsea' do, joba' camán' n i Jo'se' Jiuung' i sing' fí' guiá' joo' e fí' lí' guing' i dsea' laniing' do cóo' gui e lí' neáang' i quiúung' do jogui e fí' guiá' joo' e fí' lí' neáang' i guiequiúung' dsea' cóøng' do. Jo i Jo'se' Jiuung' do líng' ne' lafa' jaang' i nicajúng' i nicajnga' dsea' quiá'. Jogui dsí' guié' fí' re' jogui guié' jmini' re' cajo; jo e job lí' lafa' lajì' guiáng' jmiǵüî quiá' Fidiée' e casíñ' fí' la'úng' fí' jmiǵüî.

⁷ Jo i Jo'se' í' cangó' re' jo catíng' ne' casá' re' e jì' e iu' fí' jaguó' dsée' quiá' i dsea' féng' i guing' fí' lí' niing' do.

⁸ Jo dsifí' mí' catíng' ne' e jì' do, i quiúung' do jogui lajì' guiequiúung' i dsea' cóøng' do casíng' yaaiñ' e tee' uø' jniñ' fí' quini' i Jo'se' Jiuung' do. Jo lajaang' lajaañ' do quier' coo' lúu' e sii' arpa, jogui quier' úu' e lí' cóo' layaang' cunée' e tee' sñ' e coo', jo e joba' lí' jalé' e júu' quiá' dsea' quiá' Dsea' Jmaáng' mí' jmi'féñ' Fidiée'.

⁹ Jogui ør' júu' e 'mñ' e ngóo' lala:

'Nub' dseáng' i catíng' i nisó' e jì' do, jogui i nifíng' jalé' e sello quiá' do, co' cajngang' dsea' 'nu', jo cóo' e jmi'øøñ' e catuu' do íng' ta' quiá' jaléng' dsea' e laco' ní' uíñ' dsea' quiá' Fidiée';

jo jee' i dsea' do quíng' jmaquíng' 'lé' dsea',

jogui jmaquíng' íng' jmi' e fé'r',

jo jaléng' i dsea' í' jalíñ' fí' jmaquíng' fñ' e sea' fí' la'úng' fí' jmiǵüî.

¹⁰ Jo cajmee' cóo' lajaléng' i dsea' í' e 'nub' dsea' quié' nifí' quiá' r' lajaang' lajaañ'.

Jogui cajmee' cajo e jaléng' i dsea' í' líñ' lajii' jmidsea' quiá' Fidiée'.

Jogui coob' mí' niguiéé' jmi' e niquiá' r' ta' fí' latøøng' jmiǵüî.

¹¹ Jo mí' cangí' e jo, jo cajø' ø jo canú' u luu' dseáng' i 'leáang' eáang' ángeles i teáang' lacúng' lajíng' e lí' guing' i dsea' niing' quiá' ta' do jogui lacúng' lajíng' e lí' neáang' i quiúung' do jogui i dsea' cóøng' i tí' guiequiúung' do,

¹² jo guicaná' e guicaféñ' do lala cóo' júu' teá' eáang':

I Jo'se' Jiuung' i cajúng' do dseáng' catím' bre'

e ni'íng'ne' jalé' e 'gøng' jogui jalé' e jlo' e sea' fí' la'úng' fí' jmigüí'
 jogui e tiing'ne' eáang',
 jogui catím-bre' e íng'ne' jalé' bí' cajo,
 jogui e nijmi'gó' dsea' íre',
 jogui e nijmi'íáang' dsí' dsea' cóo're',
 jogui e nijmiféng' dsea' íre' contøøng' cajo.

¹³ Jo mi' cangí' jo, canú'-biguá' cajo —jíng'- Juan— e lajib' e cateáa' Fidié' fí' yá' jmigüí'
 jogui fí' ni' guóo' uó' la jogui fí' lí' ná' uó' jo lajobi fí' lí' ná' jmiñí' cajo, jo lalab
 guicajíng'':

I dsea' quie' nifí' i guing' fí' lí' niing' quia' ta' do, jogui i Jo'se' Jiuung' do cajo,
 íbing' i catíng' i nijmiféng' dsea' jogui i nijmi'gó' dsea' cajo,
 co' dsea' íb' dsea' i 'gøng' i tiing' jmé' lí' doñí' ee',
 joba' dseáng' catím-bre' e nijmér' lajii' e íáang' dsíir' lata' róo' jmigüí'.

¹⁴ Jogui i quiúung' do cañír' lala:

—¡E jáb', lajob lí'!

Jogui laji' guiequiúung' i dsea' cóøng' do casí'r' uó' jnir' jogui ja' quiuiñ' e jmiféiñ'
 dsea' do.

6

Mi' cafiing' laji' guié' sello

¹ Jo mi' cangí' jo, camó'-guá' —jíng'- Juan— jial i Jo'se' Jiuung' do cafiing'ne' la'uii' e
 guié' sello do. Jo mi' calí' jo, jo canú'-u e guicafé' jaang' lajee' i quiúung' do, jo dseáng'-
 caná' lafa' e líing' ee' coo' guicaniib' dseáng' e tea' eáang' jo cajíñ'':

—¡Nea' jo jøø' e la!

² Joba' cajøø' jnea' ladsifí' lana, jo camán'-n jaang' cuea' teaang', jo i dsea' i guing' fí'
 mocóo're' do se'r' coo' lí'. Jo i dsea' í' cangüiñ' coo' e lí' corona e nitó'r' fí' moguir' jo líiñ'
 jaang' dsea' i calí' jogui i nilí' bi' cajo.

³ Jo mi' tí' lí' cafiing' i Jo'se' Jiuung' do e sello e catí' tú' do, joba' canú'-u e guicajíng' i
 catí' tú' do lajee' i quiúung' do, jo lalab cajíñ' do:

—¡Nea' jo jøø' e la!

⁴ Joba' cajøø' jnea' ladsifí' lana, jo camán'-n jaang' cuea' i yúung', jo i dsea' i guing'
 fí' mocóo're' do cangüiñ' e tiiñ' e ní'nór' 'nii' quiá'- dsea' e laco' niliseeng' dsea' má' fí'
 jmigüí' la, jogui e nijmér' e nijngáng' rúng' dsea' lajee' la'ó' rúñ'; jo mifíng' cangüiñ'
 coo' ñisü' e niguó' quiá'- jee' 'nii'.

⁵ Jo mi' tí' lí' cafiing' i Jo'se' Jiuung' do e sello e catí' 'ní' do, joba' canú'-u e guicajíng' i
 catí' 'ní' lajee' i quiúung' do, jo lalab cajíñ' do:

—¡Nea' jo jøø' e la!

Joba' cajøø' jnea' ladsifí' lana, jo camán'-n jaang' cuea' i uíng', jo i dsea' i guing' fí'
 mocóo're' do se'r' coo' cue'í'.

⁶ Jo jee' laco' neáang' i quiúung' do canú'-u lafa' luu' dsea' jo guicajíng' lala:

—Dseáng' coob' kiil' micui'iee' jii' e tíng' dsea' quiá'- e 'léeiñ' coo' jmii' ta', jogui jii'
 'ní' kiil' micui' ceadaba' e 'léeiñ' quiá'- coo' jmii' ta' cajo; dsu' ja' cuøøng' e lí' nidsi'í'
 lajo e aceite o'gui e jmí' má' huíng' jø' cajo.

⁷ Jo mi' tí' lí' cafiing' i Jo'se' Jiuung' do e sello e catí' quiú' do, joba' canú'-u e guicajíng'
 i catí' quiú' do lajee' i quiúung' do, jo lalab cajíñ' do:

—¡Nea' jo jøø' e la!

⁸ Joba' cajøø' jnea' ladsifí' lana, jo camán'-n jaang' cuea' i iuung' i rø' uang', jo i dsea'
 i guing' fí' mocóo're' do siir' 'mó'. Jo caluu' i dsea' í' jáa' jaang' gui i líing' fii' quiá'- 'mó';
 jo cangüiñ' e tiiñ' e quia'r' ta' latøøng' caquiúung' fí' jmigüí' e nijngáñ' dsea' cóo' jalé'

ñisá', jogui niseáin̄ dsea` e jo` sea` dóin̄', jogui nitó'r` jalé` jmohuá, jogui nitáin̄' jaléng` jó` nuu` e laco' nijngáng`-ne' dsea`.

9 Jo mi~ caffing` i Jo'se` Jiuung~ do e sello e catí 'ñiá do, joba' camán`-n fí` ná`- nife` jaléng` i dsea` i cajúng` i cajnga' dsea` quía`- uí` e cani'r` júu` quía`- Fidié`.

10 Jo fé` jaléng` i dsea` í` cóo` júu` e teá` eáang`, jo lalab jíñ`- do:

—Fí`naa', 'nub` dsea` i güean` i ja` dsee` røøng` jíñ` cóo` jogui dseáng` i jmiti` júu` quía`- contøøng`. Jo ¿lí` catí` niquidsi` í` quía`- jaléng` dsea` jmigüi` jogui nicuó`re iihuá' uii` quía`- e cajngaiñ` jnea`?

11 Jo lajaang` lajaang` i dsea` do cangáin̄` sí`r` e tee` jlo`, jogui canúur` e 'né`- nijmi`ím` bir cateá` lajo, có` 'né` e nijém` bir jaléng` gui dsea` caguiaang`-gui quía`- Dsea` Jmáang` i jmóo` ta` quía`r` e nijúuin̄` lí` laco' cajúng` jaléng` í`r` cajo, jo lajoguiba' nidsíng` i sí`ling` lajo.

12 Jo dob sín`n` jøø`-ø mi` tí` lí` caffing` i Jo'se` Jiuung~ do e sello e catí` jñáa` do. Jo lajee` job mi` cajó` uó`- dseáng` e eáang`. Jo iee` dseáng` caliniúm` bre dseáng`- lafa' cóo` 'ná` 'mi` uí` e quí` dsea` mi` líin̄` fí`í`'; jogui sí` dseáng` caliyúuin̄` lafa' jmí,

13 jogui jaléng` náa` i sitøng`- fí` yá` jmigüi` cajiúm` bre' fí` ní` uó` lí` laco' gui sijia` güiñí` sí` fí` yá` 'ma` quía`- mi` í` guí` e teá` eáang`.

14 Jogui yá` jmigüi` ca'ím` e casitúng` yaang` laco' gui mi` béeng` cóo` mají, jogui lajalé` mó` cóo` gui jalé` guóo` uó`- jia` e née` ní` jmiñí` calisím` ée` quía`- laco` laco`.

15 Jo jaléng` dseata` dsea` féng` cóo`-gui jaléng` dsea` laniing` i quia` ta` fí` jmigüi` na, jogui jaléng` 'lee` laniing` i quie` nifí, cóo`-gui jaléng` dsea` sea` cuu`, jogui jaléng` dsea` laniing` i quie` nifí jogui jaléng` dsea` i silaang`, cóo`-gui jaléng` dsea` i sí`niing` i jmóo` ta`, jo jaléng` dsea` íb` i canaang` 'méeng` fí` dsí` tó` jogui lacaang` jee` jiáa` fí` jee` mó` cajo,

16 jogui canaain̄` sí`r` jalé` e mó` do cóo`-gui jalé` e jiáa` do:

—Jliing` jnea` jo 'meeng` jnea` quía`- i dsea` i laniing` i guing` quia` ta` do jogui quía`- i Jo'se` Jiuung~ do cajo, có` eáam` nigüiñ` quí`naa' joba' iihuá' eáam` nicuó`r` lana.

17 Dsaco' lanab cadsíng` jmí` e nidsijéé` iihuá' e eáang`, joba' ¿í` nité` lí` cóo` e jo?

7

Lají` dsea` quía`- Fidié` i nisí`ling`

1 Jo mi~ cangí` e jo, camán`-n —jíng`- Juan— quiúung` ángeles i teáang` laji` quiú` quiúung` ní` guóo` uó`- jmigüi` e se'r` laji` quiú` quiúung` jmigüi` e laco' jo` ní` fí` guí` guí` fí` ní` guóo` uó`- o'gui fí` ní` jmiñí` o'gui fí` jee` 'ma` cajo.

2 Jo camám`-bigüi` cajo jaang` gui ángel i jáa` fí` lí` lí` guo` iee`, jo jáar` se'r` e sello quía`- Fidié` i seeng` car` ngongí` jmí` do. Jo i ángel do cóo` júu` teáb` eáang` cató`r` laji` quiúung` i ángeles i cangíng` e tñiñ` quía`- e ni`lér` fí` ní` guóo` uó`- jogui fí` ní` jmiñí` cajo.

3 Jo i ángel i jáa` fí` lí` lí` guo` iee` do casí`r` i ángeles i quiúung` do jo lalab cajíñ`-:

—Ja` 'lee`na` jíñ` cóo` fí` ní` guóo` uó`- osi` ní` jmiñí` osi` jalé` 'ma` é cartí` mi` nité`naa' e sello quía`- Fidié` quí`-ii` fí` guiaquí` lajaang` lajaang` dsea` i jmóo` lajii` e iing` Fidié`.

4 Jogui canú`-bñi` cajo jíé` jíñ` tí` i dsea` i ni`íng` e sello quía`- Fidié` do, jo i dsea` í` tíir` ciento cuarenta y cuatro mil jee` jaléng` 'lé` dsea` Israel.

5 Jo jaléng` i dsea` í` quíng` guitu` mil dsea` i teáang` jee` 'lé` quía`- dsea` siju` Judá, jogui guitu` mil dsea` i teáang` jee` 'lé` quía`- dsea` siju` Rubén, jogui guitu` mil dsea` i teáang` jee` 'lé` quía`- dsea` siju` Gad,

6 jogui guitu` mil dsea` i teáang` jee` 'lé` quía`- dsea` siju` Aser, jogui guitu` mil dsea` i teáang` jee` 'lé` quía`- dsea` siju` Neftalí, jogui guitu` mil dsea` i teáang` jee` 'lé` quía`- dsea` siju` Manasés,

7 jogui guitu' mil dsea`i teáang' jee` 'lé' quiá'- dsea` siju` Simeón, jogui guitu' mil dsea`i teáang' jee` 'lé' quiá'- dsea` siju` Leví, jogui guitu' mil dsea`i teáang' jee` 'lé' quiá'- dsea` siju` Isacar,

8 jogui guitu' mil dsea`i teáang' jee` 'lé' quiá'- dsea` siju` Zabulón, jogui guitu' mil dsea`i teáang' jee` 'lé' quiá'- dsea` siju` Sé, jogui guitu' mil dsea`i teáang' jee` 'lé' quiá'- dsea` siju` Míing`.

Jaléng` dsea` i nitee` si`

9 Jo mi` cangî e jo —jîng'-gui Juan— camán`n dsea`i dseáng'- i 'leáang` eáang', jo jíi` jaang` dsea` ja` i` quíi` jmi` fa' e nijmi'íiñ` jóng` i dsea` do tír'. Jo jee` i dsea` do quíing` dsea`i seeng` fí' lajalé' fii', jogui laca'íing` ca'íing` dsea`, jogui laca'íing` fii' e sea` fí' jmi'gúí', jogui lajalé' jmi' e fé' dsea` e sea` fí' jmi'gúí'. Jo lajiiñ` do, dob teáaiñ` fí' quini` e éé` e lí` guíing` i dsea` laniing` do jogui fí' quini` i Jo'se` Jiuung` do cajo. Jo lajiiñ` bre qui'r` si'r` e tee` jogui se'r` guo` moo` quíee` lajaang` lajaañ`.

10 Jo lalab féiñ` do cóo` júu` e teá`:

i nab Fidié` qui`naa' colíing` cóo` i Jo'se` Jiuung` do i nicalí` cacuó'r` jnea` e nicaláang`naa' jee` jalé` iihuí' e catíng`naa' uíi` jalé` dsee` qui`naa', có' i nab dsea`i guíing` e fí' lí` níing` do fí' lí' qui'r` ta`!

11 Jo lajiiñ` ángeles teáaiñ` lacúng` lajiiñ` e lí` guíing` i dsea` laniing` qui'r` ta` do jogui lacúng` lajiiñ` e lí` neáang` jaléng` dsea` cóong` jogui e lí` neáang` i quiúung` do; jo lajiiñ` i ángeles do catúuiñ` cartí' cajnúu` dsequíir` e fí' quini` e lí` guíing` i dsea` níing` do e jmiféng`neiñ` lala:

12 ¡Lajob nilí'!

Jo catíim` Fidié` qui`ii' e nijmiféng`naa'r,
jo catíim`bre e ni'íiñ` dseáng` lajii` e 'gøng',
jogui íbi dsea`i tíing` ngáng',
jogui catíim`bre e nicuóø`naa're gui'máang`
jogui e nijmi'goo`baa're cajo jo tíim`bre jmér` lí' doñí' ee',
jogui seab` bí quiá'r` cajo car` ngongíi` jmi`.

¡Jo lajob nilí'!

13 Jo jaang` lajee` guiequiúung` i dsea` cóong` do cajmíng`r` jnea` lala jo cajíiñ`:

—¿Í` jaléng` i dsea`i qui' 'mi' té` na? ¿Jo jie` fí' lí' cajalíiñ` na?

14 Joba' lalab cangíi` jnea` quiá'r`:

—Éé', 'nub` dsea` níi`.

Joba' cañíi`tur quié` e lala:

—Í nab jaléng` dsea`i nicangíng` jee` jalé` iihuí', jogui nicaru`bre si'r` jo teeb` nicaséer` la'eáang` cóo` jmi'øong` i Jo'se` Jiuung` do.

15 Jo uíi` joba' teáaiñ` fí' quini` laco' lí` guíing` Fidié` qui'r` ta`.

Jo uóø` jmi'ib` jmicóo'r` fí' sinúu` guá' quiá' Fidié`,
jo nijméb` i dsea`i guíing` fí' laniing` do í` jaléng` i dsea` í`.

16 Jo ja` tóo` jmi` fa' niguiá' jmi'aañ`

o'gui jmi'jmi'íiñ` calé` catú`,

o'gui nilí` guí'r` íee`

o'gui e guiné'r` cajo,

17 có' i Jo'se` Jiuung` i guíing` dseáng` fí' quini` e lí` guíing` i dsea` níing` qui'r` ta` do, íb` i nilíing` dsea`i jmóo` í` jaléng` i dsea` í` lafa' jaang` dsea`i jmóo` í` jo'se` quiá'r`, jo íb` i nijé` quiá'r` cajo fí' lí` sea` lafa' jmi' jlo` e jmóo` e seeng` dsea` cóong` cóo` Fidié` lata`;

jo Fidié` nijmér` e jo` niquí`lí` jaléng` i dsea` í`.

8

Mi~ cañing~ e sello e catí guié~ do

¹ Jo mi~ cangí jo, jo camó~o mi~ tí li~ cañing~ i Jo'se~ Jiuung~ do e sello e catí guié~ quiá~ e jì do, jo dsifí mi~ calí~ lajo dseáng~ tiib~ ca'í~ fí yá~ jmi~güi~ lajee~ ca'ná~ oor~.

² Jo lajee~ job, camán~n laji~ guiáng~ ángeles e teáaiñ~ fí quini~ Fidié~, jo cangíiñ~ do lajaang~ lajaañ~ jmacó~ lúu' trompé~.

³ Jo mi~ cangí jo, cajnéng~ jaang~ gui~ ángel, jo casíñ~ do 'ñia'r' fí nife~ jo quier' coo~ úu' e líí cóo~ layaang~ cunée~, jo røøm~ téé~ s~ e silíng~. Jo jmi~gui~b' e s~ do cangíiñ~, jo cacang~ niung~ cóo~ jalé~ júu^ e jmi~féng~ dsea~ Fidié~ quiá~ jaléng~ dsea~ i nilíng~ dsea~ quiá~ dsea~ do. Jo jalé~ e jo, fí dob cajé~ fí nife~ e li~ silí~ cóo~ layaang~ cunée~ e si' fí quini~ e li~ líí ée~ e li~ guing~ i dsea~ laniing~ i quiá~ ta~ do.

⁴ Jo mi~ cacóo~ e s~ e silíng~ do e téé~ e fí dsíí úu' quiá~ s~ do e se' i ángel do, joba' e jmiñi~ quiá~ do canaang~ soo~ fí quini~ Fidié~ colíng~ cóo~ jalé~ júu^ e fé~ dsea~ mi~ féiñ~ Fidié~.

⁵ Jo mi~ cangí jo, i ángel do cajmí~røøiñ~ e úu' do cóo~ mi~ jto~ quiá~ nife~, jo ngí jo coo~ cafeá~bre fí ni~ guóo~ uó~; jo job mi~ caná~ e gab~ canii~ jogui~ catá~ m~ eáang~ jogui~ caquie~ güi~ñiá~ jo cajó~ uó~ e eáang~ cajo.

Mi~ ca'ii~ jalé~ lúu' trompé~

⁶ Jo mi~ cangí jo, laji~ guiáng~ ángeles i quie~ jmacó~ lúu' trompé~ caguiéeng~ guiá~ yaaiñ~ e nijíu~ bre.

⁷ Joba' i ángel la'uii~ do cajiúur~ lúu' trompé~ quiá~r~, jo dsifí lajob canaang~ cabí~ fí ni~ guóo~ uó~ jalé~ dsíí cóo~ j~ e sicáng~ cóo~ jmi~. Jo cacóob~ jie~ ja' ca'ná~ fí latøøng~ guóo~ uó~, jogui~ lajobi~ jalé~ 'ma' cacóob~ jie~ ja' condseá~, lí~ lajalé~ onuu~ rø' e sea~ lajob calí~.

⁸ Jo i ángel i catí gáng~ do cajiúur~ e lúu' trompé~ quiá~r~, jo dsifí lajob camó~o —jíng~ Juan— coo~ e líí la líí coo~ mó~ e fé~ e iu~ j~ eáang~, jo e jo fí dob cabí~ fí ni~ jmiñi~, jogui~ jie~ ja' condseá~ jmiñi~ ca'uíng~ jmi~.

⁹ Jogui~ cajo jie~ ja' condseá~ jaléng~ jó~ teáang~ é~ jmiñi~ cajúm~ bre', jogui~ ca'ím~ cajo jie~ ja' condseá~ jalé~ e móo~ e ngí fí ni~ jmiñi~.

¹⁰ Jo i ángel i catí gaang~ do cajiúur~ lúu' trompé~ quiá~r~, jo dsifí lajob catóng~ jaang~ núu~ féng~ i íng~ fí yá~ jmi~güi~ i caang~ lafa' coo~ bøji~. Jo i la catóñi~ jie~ ja' condseá~ fí ni~ lajalé~ gua~ jogui~ lacaang~ fí li~ níng~ jmi~ cajo.

¹¹ Jo gab~jiu~ núu~ júu^ jíi~ laco' e sií i núu~ do, co' siir~ Coo~ e Guí~; jogui~ jie~ ja' condseá~ lajee~ lajalé~ jmi~ cali'lib~ e caligui~, jo i fíim~ jaléng~ dsea~ cajúng~ dsu' e ca'í~r~ e jmi~ e cacáng~ lafa' ogui~ do.

¹² Jo mi~ cangí jo, i ángel i catí quiúung~ do cajiúur~ lúu' trompé~ quiá~r~, jo dsifí lajob jie~ ja' condseá~ iee~ jogui~ jie~ ja' condseá~ si' jogui~ jie~ ja' condseá~ lajee~ lajaléng~ núu~ ca'léb~ quiá~r~, lí~ jie~ ja' condseá~ tøøng~ laca'íng~ ca'íiñ~ do, jo jo' e jir~ caliseá~gui~ jíi~ capí~. Joba' jie~ ja' ca'ná~ jmi~ jogui~ jie~ ja' ca'ná~ uóø~ jo' ee~ j~ caliseá~ jíi~ capí~.

¹³ Jo ngí jo, camán~n jaang~ jó~ i jnéng~ lafa' mii~ e cangíng~ne' íng~ne' fí guiá~ güi~. Jo lalab cajíng~ne' cóo~ júu^ teá~:

—iE ngí fíib~ jaléng~ dsea~ i seeng~gui~ fí ni~ guóo~ uó~ jmi~güi~ mi~ tí li~ nití~ í~ e ni'ii~ lúu' trompé~ e nabi~ nijíu~ i gaang~gui~ ángeles do!

9

¹ Jo mi~ cangí jo, i ángel i catí 'níng~ do cajiúur~ lúu' trompé~ quiá~r~, joba' camán~n ladsifí lado jaang~ núu~ i íng~ fí yá~ jmi~güi~ jo catóñi~ fí ni~ guóo~ uó~; jogui~ cangíiñ~ do e joñi~ quiá~ too~ lí~ nuu~ só~.

2 Jō mi~ cana' e too' jō, dseáng'- ca'uøø' jmiñi' ññu' lafa' jmiñi' e uøø' fí dsí' too' hornob dseáng'-; jogui e jmiñi' e ca'uøø' e fí too' ññu' sò' do cajmée' e calinú, cō' caquiáam' iee' cóo' e jmiñi' do.

3 Jō i' leáang' 'miñi' ca'uøøng' jee' e jmiñi' do jō caning' ne' fí ni' guóo' uø' ; jō cangíng' i jó' do e ca'uíng' ne' jó' i guíim' jogui e í're' lafa' tacúb'.

4 Jō cahuí' ta' quía' i jó' do e ja' ni'lé-re' jii' cōo' onuu, dseáng'- jii' ca'íng' onuu' rø' o'gui jalé' 'ma'. Jō dseáng'- lajii' dsea' i ja' tōo' sello quía' Fidiée' fí guiaquí, lajii' í'bing' i ni'ng' i jó' do.

5 Jō dsu' jaléng' i 'miñi' do ja' cangíng' ne' fí fa' dseáng'- e nijngáng'- ne' jaléng' dsea, cō' lajii' fí e cangíng' ne' e lico' nicuó' re' dsea' iihu' eáam' lajee' 'ñíng' si'; jō e li' ni'í're' do cu' laco'gui cu' li' í' jaang' tacú' guíng'.

6 Jō ie' jmiñ' jō jaléng' dsea' nijmé' bre quijí- jial nijúuñ-, jō dsu' ja' niguié'r' e' uíng' e nijngáng'- yaaiñ-; cō' iim' bre e nijúuñ-, dsu' ja' 'mó' nilisea' quía'r'.

7 Jō i' 'miñi' do jnéeng' ne' laco' cuea' i nilíng' guíá' quía'- e nidsilíng' ne' fí jee' 'nii'; jō tée' mogui' re' lajaang' lajaang' ne' lí' corona e lí' cóo' layaang' cunée', jogui ni' re' líb'jiu laco' lí' ni' dsea' jmiñi'.

8 Jogui jñá're' líb'jiu laco' lí' jñugui' dseamí, jogui maja' re' lí' la lí' maja' ie'.

9 Jogui lacaang' nidsí're' sibé' layaang' ñí' e laco' jmi'øng' yaang' ne', jogui lajii' e mí' e ta' cuée're' do laco' íng' ne' ná' lafa' mi' ii- jalí bøø' carreta e jñu' cuea' e ñingolí fí jee' 'nii'.

10 Jogui nicú're' lí' laco' lí' nicú' tacú', jō cóo' e job í're'. Jō cangíng' ne' e líng' ne' jó' guíng' e laco' ni'ng' ne' jaléng' dsea' lajee' 'ñíng' si'.

11 Jō seem' jaang' i quie' nifí quía'- jaléng' i 'miñi' do i quia' ta' quíaa-re', jō íb' i ángel i 'ling' laniing' do i née' ni' e fí too' ññu' sò' do. Jō Abadón siir' cóo' jmi' hebreo, jogui Apolión siir' cóo' jmi' griego, jō e jō guóng' jaang' i 'lé'.

12 Jō lanab cadséng' la'uii' cōo' 'lé' e iihu' do; dsu' lí' uiim' bi' jóng, cō' nabi jalí tú' 'lé'gui iihu' e eáang'gui.

13 Jō mi' tí' lí' cajiñu' i ángel i catí jñúung' do lúu' trompé' quía'r-, jō dsifí lajob canú-u luu' dsea' e guicajá- e fí lí' téé- lajii' quí' fí fí lajii' quí' quiúung' quía'- nife' e lí' lí' cóo' layaang' cunée' do e si' fí quini' Fidiée'.

14 Jō e luu' jō casí- lala i ángel i catí jñúung' do i quie' lúu' trompé' jō cajiñ'-:

—Leaang' lajii' quiúung' i ángeles i 'ñúung' cóo' ñí' cadena do e fí gua' fé' e sii' Éufrates.

15 Jō caláam- i ángeles i quiúung' do e laco' nijngáiñ- jie' ja' condseá'- tøøng' jaléng' dsea' i seeng' fí jmiñi', cō' jéem' nicané' guíá' quíaíñ- do e oor' jogui e jmiñ' jogui e' si' jogui e' jii' e nijméiñ'- do lajo.

16 Jō i 'lé' i neáang' cuea' do canú-baa e tíir' doscientos millones.

17 Jō lajoba' camó-o lajii' e iing' Fidiée' e nimoo-o do e camán-n jaléng' i cuea' do, jō jaléng' i dsea' i neáang' fí mocóo-re' do quier' fí ni' dsí' chulé' e lí' cóo' ñí' e laco' jmi'øng' yaaiñ-. Jō e jō jnéeng' laco' jnéeng' jii' jogui azul lí' laco' lí' cōo' cuu' e sii' jacinto, jogui e née- laco'gui lí' azufre. Jogui mogui' jaléng' i cuea' do lí' laco' lí' mogui' ie', jogui fí mo'oo-re' uøø' jii' jogui jmiñi' jogui azufre cajo.

18 Jō jie' ja' condseá'- tøøng' lajiiing' dsea' jmiñi' cajúñ- cóo' e jii' do cóo'gui e jmiñi' do jogui cóo' e azufre do e uøø' fí mo'oo- i jó' do.

19 Dsaco' e óo' i cuea' do e quí' re' jmiñ' fí mo'oo-re' cóo'gui fí nicú're', cō' nicú're' lí' laco' lí' mogui' mi', jō cóo' e job e cú're' car' jngang' ne' dsea'.

20 Jō jaléng' dsea' i ja' cajúng' cóo' jalé' e iihu' e caliseá' do, dsu' ja' catú'bir e jmóor' jalé' e 'lí' e tá'- jmóor', o'gui catár' e jmiñi' jaléng' i 'ling', o'gui catár' e jmiñi' jaléng' diée' i o' jál- i líng' cóo' layaang' cunée' osi cóo' cutee' osi cóo' ñí' bronce osi cóo' jalé' cuu' osi cóo' jalé' 'ma' é; jō jii' jaang' i diée' i o' jál- do cuøøng' lí' jøø- o'gui cuøøng' lí' núr- o'gui cuøøng' lí' ngír- cajo.

²¹ Jo dseáng' ja` cali'ing` i dsea` do fa' catár` e jmóo`bir jalé' ta` jngang' jaléng' dsea` rúng' jogui jalé' ta` dsea` láang` jogui jalé' ta` 'lée' cóo' dseañu` osi dseamf` i o' quíar` jogui jalé' ta` jmóo` i cajo.

10

Jaang` ángel cóo' cóo' jiji

¹ Jo mi` cangf` jo —jíng' Juan— camáng` guí jaang` ángel i'gøng' i jaijáang` fí yú` jmigüi` i quíng' jee` cabøø` jnií', jo e fí lacúng' moguir` si' cóo' cuu` e jnéeng` mi` dsée' jmigui` jogui e tí' iee`. Jogui nir` jíng` jii' laco' jii' iee', jogui tír` lí' laco' mi` sòng' niing` jii' e cuee`.

² Jogui se'r` cóo' jiji e sina', jo casí' i ángel do tír` dsée' fí ni` jmiñi', jogui e tír` tuung` do casí'r` fí ni` guóo' uó`.

³ Jo teá' eáang` ca'óor` lí' laco'gui mi` óo` jaang` ie'; jo mi` tí' lí' ca'óor`, e luur` do canú' lafa' e caquie` güi'ñiá' guié` ya'.

⁴ Jo mi` cangf` e canii` e guié` ya' do, jnea` lami` si'í' nijmée' baa jalé' e jo fí ni` jii'; dsu' lajee` job mi` tí' lí' canú` u cóo' luu` e jáa' fí yú' jmigüi' jo casí' jnea` lala:

—Juan, lico' 'meeng` fí dsí' moguí' lajalé' júu` e canú' quíar` e guié` ya' e nicanii` do, jo jie` mí' í' a' fa' e nijmée'.

⁵ Jo i ángel i camán` n do i casí' tír` e dsée' fí ni` jmiñi' jogui tír` e tuung` fí ni` guóo' uó`, caséer` guóor` dsée' fí yú' jmigüi`

⁶ Jo cacuør` júu` quíar` uii` quíar` i dsea` i seeng` car` ngongí` jmi` do, i dsea` i cajmée` yú' jmigüi` jogui jaléng' i seeng` fí jo, cóo' gui guóo' uó` cóo' jalé' e sea' fí jo jogui jalé' jmiñi' lí' lajaléng' i seeng` fí la'úng` fí jmigüi', jo lalab cajíñ':

—Jo` né' fa' e nili' h` gui e niliti` jalé' e na;

⁷ co' mi` tí' lí' nití' í' e i ángel i catí' guiáng` do nináiñ` nijjáur` lúu' trompé' quíar`, jo ie` job mi` nilili` lajii` e si'má' Fidié` e 'né' niliti` e ja` ní' dsea` jéeng` gui, lí' laco' jii' júu` e casí'r` jaléng' dsea` quíar` i café' cuaiñ` quíar` mali' h` gui eáang`.

⁸ Jo lajii` e luu` e canú` u la'uii` do e jáa' fí yú' jmigüi', caléb' catú` caféng' tu jnea` jo casí' jnea` lala:

—Juan, gua` jo quie` e jiji e sina' do e iu` fí jaguó' i ángel i si'ø' fí ni` jmiñi' jogui fí ni` guóo' uó`.

⁹ Joba' cangób` jnea` fí lí' sing' i ángel do, jo camí' ire e jiji e óo` do, jo lalab cañiir` quie` e:

—Jó' o` jo quie'. Jo lifa' fí mo'oo' niliróob` laco'gui la róa` ta', jo dsu' fí dsí' tú' niliguí'.

¹⁰ Jo mi` cangf` e jo, catím` baa' e jiji do e fí lí' se' i ángel do jo cagó' baa; jo já' ba' e fí mo'óo` jlob' róa` e do, lifa' mi` catí' fí dsí' tú' u, gab` gui' e do.

¹¹ Joba' guicaná' cóo' luu` e guicajíng' casí' jnea` lala:

—Nu` 'né' niguiá' tu calé' catú` jalé' júu` e jíng' Fidié` cuaiñ` quíar` jaléng' dsea` i seeng` fí jalé' fii` jogui laco' sinúu` jogui laca'íng' jmi' e fé' dsea` jogui fí quini` jaléng' dseata` dsea` cóøng' i quie` nifí cajo.

11

Gáang` dsea` i tí' ni`

¹ Jo mi` cangf` jo —jíng' gui Juan— cangán` n cóo' sii` e quíar` guia' í' e lí' lafa' cóo' cuiñi', jo canú` u e líng` i casí' jnea` lala:

—Ráan' jo quie` e sii` guia' í' na quí' jo quiee' í' jii' tí' e guá' quíar` Fidié` jogui jii' tí' e fí nifé' quíar` cajo, jogui nijmi' ím` ba' cajo jaléng' i dsea` i dsilíng` fí jo e dsijmiféiñ' Fidié`.

² Dsa' lifa' jie~ mi' guiá' í' fí' sigui' quiá' e guá' do, co' e fí' jo nicang'ing' jaléng' dsea` i ja' mi' cuíng' Fidié' e laco' dsea' íb` i niso'ong' fí' jee~ fi' güeang' quiá' Fidié' lajee' 'ní' jii` dsí' ca'ná'.

³ Jo jnea~, Fidié', nisín`n gáng` lajee' dsea` quié` e i tí' ni~, jo i dsea' í' qui'r' 'mi' e qui' dsea` mi' lhiñ' fí'í', jo jneab~ cajo nicuøø`øre e nifé'r` cuaiñ~ quié` e lajee' mil doscientos sesenta jmi~.

⁴ Jo i dsea` gáng` i tí' ni~ do lhiñ' lafa' laji` tú` e 'ma` olivo cóo'~ gui laji` tú` e candeléer~ do e téé` fí' quini' Fí'naa' dsea` néé' nir' fí' la'úng` fí' ni' guóo'~ uó` jmigüí'.

⁵ Jo doñí' ií` dsea` i iing~ nijmeáng' ga` i dsea` gáng` do, joba' i gáng` do uøø` jí' fí' mo'oor` jo cóo'~ e job` jhiñ` dseáng' congua' jaléng' dsea` i 'ní' ní' quiá'r~, jo lajob` nijúung` doñí' ií` dsea` i iing~ nijmeáiñ' do ga`.

⁶ Jo i dsea` gáng` i tí' ni~ do ngám`bre fí' e laco' quí'r~ jmi~ e jmér` e nijni~ yá'~ jmigüí' e laco' jo` nitú` gui jmi~ lajee' e taaiñ` e jmóor` ta` e fé'r` cuaiñ~ quiá' Fidié', jogui cajo seab` fí' quiá'r` e lí'r` e nijmi'uiñ` jmi' jalé' jmi~, jogui seab` fí' quiá'r` cajo e nicuø'r` lajüing` dsea` jmigüí' k' doñí' ee` iihu' k' j' yá' e cali'iiñ` lajo.

⁷ Jo dsa' mi' tí' lí' cató' ta` quiá' i dsea` gáng` do e nicafé'r` cuaiñ~ quiá' Fidié', joba' i j' 'ling' i dséé` i nigüi'í' fí' too` nua` s' do, íb` i nitíng` cóo'r` jogui íb` i nilí' ír` jogui nijnga' bing' do quiá'r`.

⁸ Jo i 'lí' gáng` do fí' dob nrisaaiñ~ fí' jee~ 'núu' quiá' e fi' fé' e lí' catáng` Fiir~ fí' dse' crúu'. Jo e fi' jo lí' lafa' fi' Sodoma osi lí' lafa' Egipto é.

⁹ Jo lajee' 'ní' jmi~ dsí' condseá'~ niní' lajüing` dsea` i seeng` fí' fi' pí' osi fí' fi' cóo'~ é, jo laco' laco' sinúu` jogui laca'ling'~ laca'ling'~ jmi' e fé' dsea', e dob risaang` i dsea` gáng` i ni'liing~ do fí' jee~ 'núu'. Jo jaléng' i dsea` do ja` nicuø'r` fí' fa' e ni'áng` i dsea` i teng' 'liing~ do.

¹⁰ Jo ie~ jo jaléng' dsea` i seeng` fí' ni~ guóo'~ uó` eáam' nili'iaang` dsíir' dsa' e nicajúng` i dsea` gáng` do, jo jmi~b~ nidsitáaiñ'~ e laco' cuø` lí' e eáam' íaang` dsíir', jo nicuø'~ rúíñ' jalé' e íaang` dsíir' la'ó' ír'. Jo nijmér` lajo uí' e i dsea` gáng` do eáam' jmigui' jalé' iihu' cacuø'r' jaléng' dsea` seeng` fí' jmigüí'.

¹¹ Jo dsa' mi' cangí' e 'ní' jmi~ dsí' condseá'~ do, Fidié' cajméer` e cají'b'tu` i dsea` gáng` i tí' ni~ do, jo caráam` tuiñ' do calé' catú'; jo jaléng' dsea` i cangá` e cají'tuiñ' do, dsíng'~ cafóíñ'.

¹² Jo i dsea` gáng` do canúur` cóo' luu~ teá' e jáa' fí' yá'~ jmigüí' jo lalab guicajíng' e luu~ do:

—iHu' na' fí' la!

Joba' lajob` cajméeiñ' do, cajgóo`bre e quíñ'~ jee~ cabøø` jní', jo jaléng' dsea` i 'ní' ní' quiá'r` cangá`bre jalé' e jo.

¹³ Jo ladsifí' lajob` cajó' uó` e eáang', jo cóo'~ e job` cajléng'~ guóo'~ uó` jo ca'ím` caquiúung'~ jii' e fi' jo, co' caqu'~ jalé' 'núu' jo guié` mil dsea` cajúng`. Jogui lajii'~ i ja' cajúng` cóo'~ e jo, eáam' cafóíñ', jo joguib` mi~ canaaiñ` e jmiféiñ' Fidié' dsea` guiing~ ní'f'.

¹⁴ Jo casúum` jii' e iihu' e catí' tú` do; dsa' jo` huøø` dsé` gui e nijáa' e iihu' e catí' 'ní' do.

Mi' ca'ii` lúu' trompé' e catí' guié` do

¹⁵ Jo coob` mi~ cajiiu~ i ángel i catí' guiáng` do lúu' trompé' quiá'r~, jo job` mi~ tí' lí' canú' jmigui' luu~ e teá' eáang' fí' yá'~ jmigüí' jo lalab nú' guicajíng'~:

Lanab catí' í' e Fí'naa' Fidié',

colüing` cóo'~ i jóor` Dsea` Jmáang` i casíñ' do,

niquiá'r` ta` fí' latøøng` fí' ni' guóo'~ uó` jmigüí', jo car` ngongí' jmi~ nijmér` lajo.

16 Jøguí lajì guiequiúung` i yáú~ dseá` còøng~ i neáang` éé` quiá~ fí` quini` laco` guing~ Fidiéé` 'ñia'r', lajím` i dseá` còøng~ do catúuín` cartí` cajnúu~ nir` fí` ni` uó~, jø lajòb cajmiféiñ` Fidiéé`

17 jø fé'r`:

Cuøø~naa' 'nua` gui'máang`~, Fíi'naa' Fidiéé`~,

'nua` dseá` fèng` dseá` ñin' i quíi~ jmií~ jmé~ lí^ doñí` ee`,

jø 'nua` dseá` i seeng` lajii~ latí` mali' lajii~ ná~ gui e nitiroo~ jmigüü` jøguí` cajo` cartí` lana, jøguí` i nijáa` tu` calé` catú`~,

dsucò' 'nua` nicangám`ba' e tiiñ` e quíi~ jmií~ lí^ doñí` ee`,

jøguí` latí` lanab` nicanaan~ e quiá~ ta~.

18 Jø lajalém` dseá` seeng` fí` jmigüü` eáam` nicaligüiñ` quií~;

jø dsu' lanab` catí` í` e nijmigüing` uø` uii~ quiá~r` cajo,

jøguí` lanab` cajo` catí` í` e niquidsi' í` quiá~ jaléng` dseá` i nicajúng~;

jøguí` lanab` catí` í` e nicuø`^ guiéé` quiá~ jaléng` i dseá` i cajméé` ta` quií~ i café` cuaiñ` quií~

colíng~ cóo~ jaléng` dseá` i calíng~ dseá` quií~ i cajmi'gò` 'nua`, nañí` su dseá` i niing` osi` ja` niiñ` é.

Jøguí` lanab` catí` í` cajo e ni'ím~ba' jaléng` i nica'lée`,

jaléng` i nicacuø` jalé` iihuí` fí` ni` guóo~ uó~ jmigüü`.

19 Jø ngí` jø, jøguí`b` cana` e guá~ quiá~ Fidiéé` e si' fí` ñifí~, jøguí` fí` dsíí` jøb` si' e guóo` e silíng` e lí` si'ma` lajii~ júu` tigua` quiá~ Fidiéé`. Jø lajee` jø dsíng` líj~ güi'ñiá^, jøguí` dsíng`-nii, jø téel~ mii~ eáang` cajo, jøguí` cajó` uó~, jø dseáng`-dsíí` e cóob~ cajiá` fí` ni` guóo~ uó~ cajo.

12

Jaang` dseamf` cóo~ jaang` jó` guié~ mogui~

1 Jø mi~ cangí` e jø -jíng`- Juan- coo`gui e lí` e dsigá` dsí'naa' eáang` cajnéng~ fí` yá^ jmigüü`: jø cajnéng~ jaang` dseamf` i quíing~ iee` lafa' e qui'r` sí'r^, jø lí^ uii~ tír~ do íng` sí` jøguí` iu~ moguir~ coo` lí^ corona e taang~ guitúung` núu`.

2 Jøguí` yuu`bi` niquíéng` i dseamf` do cajo, jø dseáng`-teá` eáang` óor`, co' tí` lí~ niliseem` i yuu` do quiá~r`.

3 Jø mi~ cangí` e jø, coo`gui lí` e cajnéng~ fí` yá^ jmigüü`: jø cajnéng~ jaang` jó` 'ling'^, jø i jó` do latøøm~bre' yúung~ne', jø guié~ moguí`re' tíí` jøguí` guí~ fí`re' cajo, jø lacoø` e moguí`re' do téel~ jmacó` lí^ corona.

4 Jø cóo~ nicúub` i jó` 'ling'^ do ca'íng~ne' jie~ ja` condseá~ tøøng~ lajaléng` núu` i sitóng`- fí` yá^ jmigüü` jø cabíng~ne' fí` ni` guóo~ uó~. Jø i jó` 'ling'^ do casíng` 'ñia`re' fí` quini` i dseamf` i tí` lí~ niliseeng` yuu` quiá~ do; jø i jó` do nisijeeng`ne' e nijngám~bre' i yuu` quiá~ i dseamf` do e nicúng`ne' ladsifí` mi~ niliseeiñ` do.

5 Jø coøb` mi~ tí` lí~ catí` í` e cangáam~ i yuu` quiá~ i dseamf` do, jø jaang` jiuung~ siñuub` caliséng`, jø íb` i niquíá~ ta~ fí` la'úng~ fí` jmigüü`, jø nijmeáiñ` ta~ e 'ma`u` e líí` cóo~ layaang~ ñí^. Jø dsu' i jiuung~ do condseé` cangáañ` fí` lí` guíng~ Fidiéé` e fí` lí` líí` éé` lí~ niing~ do;

6 jø i dseamf` do cacuí`bre` cangór~ fí` ni` guóo~ uó~ quiá~, co' fí` jø caguia` Fidiéé` guíá~ e nilíiñ` do í` lajee` mil` doscientos sesenta jmií~.

Mí~ caliseá` 'nii` fí` yá^ jmigüü`

7 Jø mi~ casúung~ e jø, canaang` 'nii` fí` yá^ jmigüü`. Jø i ángel` i eáang` 'gøng` i sii` Yé` cóo~ jaléng` ángeles quiá~r` catíiñ` cóo~ i jó` 'ling'^ i guié~ moguí~ do colíng~ cóo~ jaléng` ángeles i 'ling'^ quiá~ i jó` do.

8 Jō dsu' i jō' 'ling' do cóo' gui jaléng' ángeles i 'ling' quiáa-re' ja` sea` bí quiáa-re' fa' e calí-re' e 'nií do. Jōba' jō caliseá' gui ée' quiáa-re' fí ñífi' fa' e nigüeá-re' fí jō.

9 Jō lajōba' catóm' i jō' guié- mogui~ do, jō í'bing' líng' fii' i 'ling', jō sií' bire' Satanás cajo, jō íb' i jmóo' ta~ jmigóong' jaléng' dsea' seeng' fí la'úng' fí jmigüi'. Jō tí' yá' jmigüi' cabiing~ ne' cartí' ni' guóo' uó' colíng' cóo' jaléng' ángeles i 'ling' quiáa-re'.

10 Jō jōb' mĩ' tí' lí' canú- túu' cóo' luu' e teá' eáang' fí yá' jmigüi' e guicajíng' lala: Jō lanab' nicatí' í' e Fidiéeb' nileáin- jaléng' dsea' jmigüi', jō nicár' nifi' quiá- dsea' la'eáang' cóo' e 'gõñ' do.

Jōgui i Jōor' Dsea' Jmáang- i casíng' Fidiéé' do
 lana' niquiá' ta' røø' quiá- jaléng' dsea' jmigüi',
 có' nicabiim' i lamí' 'nínng' jaléng' dsea' rú' naa' dsea' quiá- Dsea' Jmáang-
 i lamí' 'nínng' jaléng' í' fí' quini' Fidiéé' e uóø' jmíí'.

11 Jō jaléng' i dsea' rú' naa' dsea' quiá- Dsea' Jmáang- do nicalí'-bre i do la'eáang' cóo' e jmí'øøng- i Jō'se' Jiuung~ do e catuu' fí' dse' crúu' jōgui la'eáang' cóo' jalé' júu' quiá- Fidiéé' e nicaguiar', jō ja' cafóin' fa' e nijúuin', có' caguiab' dsír' e doñí' ee' calí'.

12 Jō uíi' jōba' güilí' íáam' dsí' fí' ñífi', jōgui jaléng' 'nú', dsea' nínéaang' na' fí' jō, güilí' íáam' óo' na' cajo! Jō dsu' e ngí' fíib' jaléng' i seeng' fí' ni' guóo' uó' jmigüi' cóo' gui jaléng' i seeng' fí' ni' jmíí',

dsuco' nicajgáng' fii' i 'ling' fí' jee' 'nú' e eáang' nisigüiñ' qui- na', có' guiáb' ñíñir' e sí' í' jmí' ba' seeng' guir' fí' jmigüi' na!

13 Jō mĩ' calilí' i jō' guié- mogui~ do e cabiing~ ne' fí' ni' guóo' uó', jōba' canaang' ne' ngí' re' 'nám' bre' i dseamí' i cangoquieeng' i yuu' siñuu' do.

14 Jō dsu' i dseamí' do cangüiñ' quiá- Fidiéé' e sea' tú- cuéer' e fe', jō e jō lí' laco' lí' cuéé' jaang' mii', jō cóo' e jō nilí' r' ni' íñ- jō nidsér- fí' quiá' r- e fí' ni' guóo' uó' quiá' do, jō lajōba' niliseeíñ' huí' gui laco' seeng' i jō' guié- mogui~ do, jō fí' guóo' uó' jōb' cangüiñ' jalé' e 'né' lajee' 'ni' jii' dsí' ca' ná'.

15 Jō i jō' guié- mogui~ do canaang' ne' ñú' re' jmiguiá' jmí' e fí' lí' taang~ i dseamí' do e lí' laco' nijúung- i dseamí' do e nijgié' r' jmí';

16 jō dsu' 'ñia' guóo' uó' cajmicóob' i dseamí' do có' canab' lafa' mo'oo-, jō fí' guóo' uób' canaang' ya' e jmí' quiá- e gua' do e catuu' fí' mo'oo- i jō' 'ling' do.

17 Jō dsu' cóo' e jō i jō' 'ling' do dseáng' eám' caligüing- ne' quiá- i dseamí' do, jōgui cangó- bre' e cangotíng- ne' cóo' jaléng' dsea' siju' i dseamí' do i seeng' gui fí' guóo' uó', jaléng' i dsea' i jmiti' jalé' júu' quiá- Fidiéé' jōgui i teáang- teá' fí' guiá- cóo' Jesús cajo.

18 Jō i jō' guié- mogui~ do fí' dob' cajé' re' fí' 'ni' jmíí'.

13

Gáng' gui jō' dsée- i 'ling'

1 Jō mĩ' cangí' e jō -jíng' Juan- camó- guí' e cagüi' jee' é' jmíí' jaang' jō' dsée-, jō guié- mogui~ re' tí' jōgui dsí' guí' fí' re' cajo. Jō laco' laco' e fí' re' do téé' jmacó' lí' corona, jōgui e fí' laco' mogui~ re' do tóo' júu' e ga' e jmineang' Fidiéé'.

2 Jō i jō' dsée- i camán- n do jnéem- bre' la jnéeng- jaang' ie' i sií' leopardo; jōgui tíi- re' líb' jiu' la lí' tíi- jō' i sií' oso, jōgui mo'oo- re' lí' la lí' mo'oo- ie'. Jō i jō' guié- mogui~ la' uii' do cacuø' bre' i jō' dsée- do lajii' e bí' quiáa- re' jōgui lajii' ée' lí' guíng- ne', jōgui cacuø' re' fí' e quiáin' do ta'.

3 Jō cóo' mogui~ i jō' dsée- do jnéeng- lafa' e sícuí' e jō' tóo' jmí' nijíng- mii'; jō dsu' ca' lóob- e lí' sícuí' quiáa- re' do, jōba' lajím' dsea' jmigüi' eám' cangogá' dsír' jō lajím' dsea' casíñ- uii' quiá- i jō' dsée- do.

⁴ Jo cajmifém' dsea` i jó' guié` mogui~ la'uii~ do dsaco' cacuo'bre' i jó' dsée` do fí' e quuiñ' do ta~, jo cajmifém' bi dsea` i jó' dsée` do cajo, jo lalab casí'-reñ':

—Jo jíe' li~ seeng' jaang'gui laco' i jó' dsée` la, jo jíi'~ jaang' ja` i` quí'~ jmi~ e nilí' i jó' dsée` do mi~ i` nitíng` cóo'~re'.

⁵ Jogui cangúim' bi i jó' dsée` do fí' e nifé're' júu^ róa` jogui jalé' júu^ ga` uui~ e 'ní' níng`ne' Fidié', jogui cangúing`bire' fí' cajo e niquiú'-re' ta~ lajee` tuló` dsí' gáng` sí'.

⁶ Jo lajob cajméere'; café'bre' júu^ ga` uui~ quíá'- Fidié' cóo'~gui fí' li~ guing` dsea` do, jo café'bre' júu^ ga` cajo uui~ quíá'- jaléng' i neáang' fí' ñifí'.

⁷ Jogui cangúim'bre' fí' cajo e nijmé-re' 'nii' cóo'~ jaléng' dsea` i líng' dsea` quíá'- Fidié' cartí' nilí'bre' jaléng' i dsea` í; jo dseáng' i jó' dsée` dobing' i quíu' ta` lí' doñí' i` dsea` i seeng' fí' fí' cóo'~ osi fí' fí' pí' é osi lí' doñí' ee' jmi' e fé' dsea` é.

⁸ Jo i fíim' dsea` i seeng' fí' ni~ guóo'~ uó` jmi'güi' nijmiféñ' i jó' dsée` do, dsu' nijmé` lajo lajaléng' i dsea` i ja` sijnéeng` fí' ni~ jí' lati' mi~ catiroo' jmi'güi' e fí' li~ taang` jaléng' dsea` i nisiguáng' quíá'- i Jo'se' Jiuung` do i cajúng` fí' dse' crúu^.

⁹ Jo i` 'nú' sea` loguá'na', joba' náu-na' jalé' e júu^ na:

¹⁰ Jo jaléng' dsea` i nisi'íng` quíá'- Fidié' e nidsilíñ' fí' 'nuñí', joba' fí' 'nuñí' nidsilíñ';

jogui jaléng' dsea` i nisi'íng` quíá'- dsea` do e nijnga'- dsea` quíá'r~,

jo lajob nijmé` Fidié' e nijúuiñ' do cajo lí' laco'gui cóo'~ e jngang' dsea` rúñ'.

Jo uui~ cóo'~ jalé' e na, joba' jaléng' dsea` i nilíng' dsea` quíá'- Dsea` Jmáang` 'né` teáiñ` teá cóo'~ júu^ quíá'- Fidié' jogui e ja` nilitúng` dsír' cóo'~ e júu^ jo.

¹¹ Jo mi~ cangí' e jo —jíng'- Juan— camán`n jaang`gui jó' dsée` i 'líng', jo i jó' í' cagüi'fí're' fí' guóo'~ uó`. Jo dsí' tú- fí're' e lí'jiu la lí' fí' jaang' jo'se' jiuung~, dsu' fé're' laco' fé' i jó' guié` mogui~ la'uii~ do.

¹² Jo i jó' dsée` la i cagüi'fí' fí' ni~ guóo'~ uó` seab' fí' quíá-re' fí' quini` i jó' dsée` la'uii~ do e quíu're' ta~, jo cajméere' e lajím` dsea` seeng' fí' ni~ guóo'~ uó` jmi'güi' cajmiféñ' i jó' dsée` i la'uii~ do i lamí` jnéeng` dseáng'- e sicuáng'ne' e la huíng' e jo` nijíng` míf', dsu' ca'láam`ture'.

¹³ Jo i jó' dsée` do i cagüi'fí' fí' guóo'~ uó` quí'~bre' jmi~ e jmóore' jalé' e li~ e dsigá` dsí' dsea`, co' lí'bre' e nijmé-re' e nijíu' jí' fí' yá' jmi'güi' jo nisojíá' fí' ni~ guóo'~ uó` dseáng'- laco' la ní dsea` lana.

¹⁴ Jo cóo'~ jalé' e li~ e jmóore' do fí' quini` i jó' dsée` la'uii~ do cajmigóong`ne' jaléng' dsea` seeng' fí' ni~ guóo'~ uó`, jo caquíu're' ta~ e calíng` jaang`dié` dsea` guóo'~ quíá'- i jó' dsée` la'uii~ do i sicuáng' lahuíng` cóo'~ ñisu' e ja` míf' nijíng` quíá-re', dsu' ca'láam`bre'.

¹⁵ Jo i jó' dsée` i cagüi'fí' fí' ni~ guóo'~ uó` do cangúing`ne' e quí'~re' jmi~ e nijmé-re' e jí' i dié` dsea` guóo'~ quíá'- i jó' dsée` i la'uii~ do e laco' i dié` do lí'bre' e nifé'r` jogui e nijmér` e nijúung` jaléng' dsea` i ja` nijmiféng' ír`.

¹⁶ Lajobi cajo cajméer` e cóo' gui'náb' nité` dsea` cóo' e li~ fí' guóor` dsée' osi fí' guiaquíir' é, na i le'eáang` jogui na i cóong'~, na i tiñíng` jogui na i sea` cuu~, na jaléng' dsea` i silaang` jogui na jaléng' dsea` i si'niing` i jmóo' ta` tá'- jmóo' quíá'- dsea`.

¹⁷ Jo jíi'~ jaang` dsea` cuóong` ee' lí' lár` o'gui ee' lí' 'nir` song ja` quier' e li~ do o'gui táaiñ' e júu^ quíá'- i jó' dsée` la'uii~ do osi e número quíá'- jial siñ' do é.

¹⁸ Jo 'né` dseáng'- e tím` dsea` e laco' ningáñ' e júu^ la; jo i dsea` i ngáng' do, áam`bre' í' e número quíá'- i jó' dsée` la'uii~ do, jo e job número quíá'- dsea` jmi'güi', jo e número jo lí' seiscientos sesenta y seis.

14

Lajúí' e ca'ø' i dsea` i tí' ciento cuarenta y cuatro mil

¹ Jo mi~ cangí'gui e jo —jíng'- Juan— camáng`túu i Jo'se' Jiuung` do e sing'ne' si'ø're' fí' yá' mó' Sión. Jo dob teáang` colíng` cóo'~ i Jo'se' Jiuung` do ciento cuarenta y cuatro

mil dsea` quiá'r- i tóo` e li` quiá'r- fí` guiaquí' jial siì i Jo'se` Jiuung` do jogui jial siì Tiquiáa`re' cajo.

² Jo mi` cangf jo, canú-u coo` e guica'ii- e jáa' fí` yú` jmigüí, jo e jo ná' laco' ná' li` í' coo` lóo' e fé' jogui canú' ca'ii- laco'gui la ná' mi` quie' güi'ñiá' e tea` eáang', jo ná' bi cajo laco' la ná' fa' mi` teáang' dsea` fñng i bó' jalé' lúu' quiá'r- e siì arpa.

³ Jo jaléng' i dsea` do ø' coo` e ø' e 'mú- fí` quini` e li` lí' ée` e li` guing` i dsea` niing` do jogui fí` quini` i quiúung` do jogui fí` quini` jaléng' i yúu` dsea` cóong' do cajo. Jo jii` jaang` dsea` ja` niquí'r` jmi` fa' e nilitiñ` e ø' do, co' dseáng'- lajii` i dsea` fñng` i tí' ciento cuarenta y cuatro mil dob jii` i quí' jmi` nilitiñg', co' jii` í'bing' i caláang` jee` jalé` dsee` quiá'- lajee` lajaléng' dsea` i seeng` fí` ni` guóo' uó` jmigüí.

⁴ Jo jaléng' i dseañu` nab i ja` cajmeáng' yaang` fa' e ca'léer' cóo' dseamf, jo jaléng' i dsea` nab i teáang` uii` quiá'- i Jo'se` Jiuung` do jogui dsea` quiá'- íb` líiñ` jogui contøøm` seeiñ` cóo' dsea` do. Jo jaléng' i dsea` nabing' i caláang` jee` jalé` dsee` quiá'- lajee` lajaléng' dsea` jmigüí, jo e jo guóng' lafa' coo` e cacuø'r' la'uii` e catíng` Fidiée` cóo' gui i Jo'se` Jiuung` do.

⁵ Jo jaléng' i dsea` í` jii` coo` júu` e o' já'- ca'uøø` fí` mo'oor-, joba' dseáng'- ja` e si'liiñ' jii` coo` fí` quini` Fidiée`.

Lajii` júu` e quie' i ángeles i gaang` do

⁶ Jo mi` cangf jo —jñng'- Juan— camáng` guí jaang`gui ángel i ngang' ñng` fí` guiá' jóo` yú` jmigüí. Jo i ángel do quier' júu` quiá'- Fidiée` e ja` tóo` jmi` ni'íng` e quiá'- nidsiguiar` jee` jaléng' dsea` i seeng` fí` ni` guóo' uó` jmigüí lí' lacoo` lacoo` fi` e pí' osi e cóo` é, jogui laca'íng' ca'íng' dsea`, jogui laca'íng' ca'íng' jmi' e fé' dsea` cajo.

⁷ Jo lalab fé'r' cóo' júu` teá':

—Jmi'goo'na' Fidiée` dsea` guing` ñifi` jogui jmiféng'na'r, co' lanáb catf í' e niquidsir' í' quiá'- lajaang` lajaang` dsea` jmigüí. Jo jmiféng'na' i dsea` í, co' í'bing' i cajmée` yú` jmigüí cóo' guóo' uó` jogui jmiñí' lí' lacaang` li` níng' jmi`.

⁸ Jo mi` cangf jo, jaang`gui ángel cajíñ'- cóo' júu` teá' lala:

—¡Lanáb catf í'! ¡Lanáb catf í' e dseáng'- ni'íng` e fi` fé' e si` Babilonia, co' jaléng' i dsea` i seeng` fí` jo nicajmí'liiñ' jaléng' dsea` i seeng` fí` la'úng` fí` jmigüí e jmóor` lí' doñí' ee` e lí' dsí' ngúu` táaiñ'!

⁹ Jo mi` cangf jo, cangoquiéeng' jaang`gui ángel, jo cóo' i la catf gaaiñ', jo lala cajíñ'- do cóo' júu` teá':

—Song ii` i jmiféng' i jó' dsée` la'uii` do cóo' gui i diée` guóo' quiáa`re' do, jogui e ni'íñ' e nitó` e li` quiáa`re' fí` guiaquí'r' osi fí` guóor` é,

¹⁰ joba' jaléng' i dsea` í` 'né` e ni'im`bre e guíng` Fidiée` e jo` té`guir uii` e dsee` e jmiróng` yaaiñ` do, jo e jo lafa' nicajmíñí' fí` dsí' cóo` quiá'r-, co' eáam` nisiguiiñ` quiá'- jaléng' i dsea` í; joba' iihuí` e eáam` ni'íñ' do e nidsitáaiñ' fí` ni` jii` e quiéeng` azufre li` coo` e ja` tóo` jmi` yu', jo e jo nilí` fí` quini` jaléng' ángeles i güeang' quiá'- Fidiée` jogui fí` quini` i Jo'se` Jiuung` do cajo.

¹¹ Jo e jmiñi` quiá'- e li` coo` e li` teáang' i dsea` íng' iihuí' do jo` tóo` jmi` fa' e niquiúng'-gui, jogui ja` tóo` jmi` sí' e jmi` osi e uøø` fa' e nijmi'íng'gui jaléng' i jmiféng' i jó' dsée` la'uii` do cóo' gui i diée` guóo' quiáa`re' do jogui jaléng' i nica'íng' lajii` e li` quiáa`re' do cajo.

¹² Jo jaléng' i dsea` i líng' dsea` quiá'- Fidiée` i náu' jalé' júu` quiá'r- jogui teáaiñ` teá' fí` guiá' cóo' Jesús, jo jaléng' i dsea` í'bing' i 'né` cuø' bí` yaang` e ja` nitár` lajii` e fí` niteáaiñ` do.

¹³ Jo mi` cangf e jo, canú-u coo'gui luu` fí` yú` jmigüí e cajíng'- lala:

—Juan, jmée' e júu` la: “Juguiá` jii` latí` jmi` na jogui li` dsé`gui quiá'- jaléng' i dsea` i júung` uii' Fí'naa' Dsea` Jmáang`.”

—Lajob líí —cajíngr' Jmiguí quiá' Fidiée' — lana nijmi'ím' jaléng' i dsea' í uí' jalé' ta' e nicajméer', co' e job cuø' lí' fí quini' Fidiée' e guiá' jalé' e jo.

Lajíí' e sitúng' dsea' fí ní guóo' uó'

¹⁴ Jo cajøø' guí jóng —jíngr' Juan— jo camó'o cabøø' jní' e tee'; jo fí ní e jní' do camó'o e guing' jaang' i jnéem' jia la jnéeng' jaang' dsea' la jneaa'aa'. Jo ía' fí moguir' coø' lí' corona e líí' cóo' layaang' cunée' jogui se'r' coø' ní' hoz e 'mé'.

¹⁵ Jo cagü'í' jaang'gui ángel fí dsí' sinúu' guá' e si' fí ñifí', jo i ángel do óor' teá' lala e áin' i dsea' i guing' fí ní e jní' do, jo casí' reiñ' do lala:

—jmée' ta' e ní' hoz na quí', jo sitúng' lajíí' e nicaroo', co' lanab catí' í', jogui lajíí' e lafa' e cajní' dsea' fí ní guóo' uó', lanab nicaroo'!

¹⁶ Jöba' i dsea' i guing' e fí ní jní' do cangám'bre e ní' hoz do quiá'r' fí ní guóo' uó', jo casití'bre lajíí' e líí' e lafa' e caroo' fí jo.

¹⁷ Jo mí' cangí' jo, cagü'í' jaang'gui ángel fí dsí' sinúu' guá' e si' fí ñifí', jo í' quie'bre cajo coø' ní' hoz e 'mé'.

¹⁸ Jo e fí nife' do cagü'í' jaang'gui ángel i quí' jmí' nijmé' e nicó', jo cató'r' cóo' júu' teá' i ángel i quie' e ní' hoz e 'mé' do, jo casí' reiñ' do lala:

—jmée' ta' e ní' hoz e 'mé' na quí', jo quíu' jalé' guáng' huíng' jó' e sea' fí ní guóo' uó', dsuco' nicatíb' í' quiá' e nilí' lajo, co' ní'fíb' mí' huíng' jó' quiá'!

¹⁹ Jo i ángel do caqui'bre e huíng' jó' do cóo' e ní' hoz e 'mé' do, jo cató'r' coø' lí' cató'r', jo fí job lí' niyé' do, jo e la guóng' lajíí' e iihu'í' sóong' e nicuó' Fidiée' jaléng' dsea' jmigüí'.

²⁰ Jo e mí' huíng' jó' do fí lí' caluu' fí' cangolí' e cayée', jo e fí lí' cangotóo' e niyé' do jmib' ca'iéng', jo e jmí' jo cadsí' cartí' mo'oo' cuea' lí' ía' e ní' e sii' freno quiáa're', jo cani' e jmí' do lí' bjiu' la trescientos kilómetros.

15

Lají' guié' iihu'í' lí' cadséng'

¹ Jo mí' cangí' jo, camó' guí fí yá' jmigüí' coø'gui e lí' e dsigá' dsí' dsea' eáang', jo camán' n guíang' ángeles i quie' jie'gui guié'gui íng' iihu'í' e cartí' lí' dséng', jo cóo' e job e niguiá' féng' dsí' Fidiée' quiá' lajíí' e nisiguíí' do.

² Jogui camó' bii' cajo coø' lí' jnéeng' laco' la jnéeng' jmiñí' e jnéeng' laco' jnéeng' sí' e sicáang' cóo' jí; jo quiá' e jmiñí' e jnéeng' la jnéeng' sí' do teáang' lajíngr' dsea' i calí' e ja' caqui' ta' quiá'r' i jó' dsé' la'uii' do cóo'gui i dié' guóo' quiáa're' do, jogui e ja' ca'ín' cajo e lí' quiá' i jó' do o'gui lajíí' e número e sii're' do cajo. Jogui quier' lúu' e sii' arpa e cangüí' e cacuø' Fidiée'.

³ Jo i dsea' í' ør' coø' e ca'ø' Moi', jaang' dsea' i cajmée' lajíí' ta' e iing' Fidiée', jogui ca'ø'r' cajo coø' e ca'ø' i Jo'se' Jiuung' do, jo lalab ngóo' e jo:

Eáam' jlo' jogui niguó' lají' e nicajmee' 'nu', Fí'ii',

co' 'nub' Fidiée' dsea' féng' dsea' níng' i' gøng' fí' jmigüí' i quí' jmí' jmé' lí' doñí' ee';

jo jmang' júu' jáb' quie' 'nu',

jogui jmang' fí' røøb' sin' cajo,

co' 'nub' lin' Fii' féng' fí' la'úng' fí' jmigüí'.

⁴ Jo lajím' dsea' 'né' nijmi'gór' 'nu', Fí'ii',

jo lajím' dsea' 'né' nijmiféñ' 'nu' cajo.

Co' dseáng' lajíí' 'nub' dsea' güeang';

jo lajím' dsea' seeng' fí' la'úng' fí' jmigüí' nijalíñ' e nijajmiféñ' 'nu',

co' nicajmilí'ba' e dseáng' røøb' quidsi' í' quiá' lajaang' lajaang' dsea' jmigüí'.

5 Jo mi~ cangî e jo, camó-guî e cana' fí yá^ jmiçüî, jo camó-o fí ñifí- fí li~ líí e 'núú güeang^ quiá'- Fidiée' fí li~ sí'ma' e li~ tóo' júu^ tigua' quiá'- Fidiée' cóo~ dsea' jmiçüî.

6 Jo e fí dsíí sináú^ do, fí job li~ ca'uøøng` i ángeles i guiáng- do i quie' lajî guié- íng~ iihuí' li~ cadséng- do. Jo lajîim`bre qui'r' 'mi' e tee' jlo^ e niguo^ e jlo^ jíng`ji', jogui cajo 'ñúú~ ná'- dsíir' cóo` e líí cóo~ layaang~ cunée'.

7 Jo jaang` lajee' i quiúung- do cacuø'r' lajaang` lajaang` i ángeles i guiáng- do jmacó` cóo^ e líí cóo~ layaang~ cunée', jo fí dsíí job li~ sirøøng` e iihuí' quiá'- e guíng- Fidiée' i seeng` car` ngongíi` jmi~ do.

8 Jo e fí dsíí sináú^ güeang^ do dseáng'- caróm- e tee~ jmiñi', jo e jo calí- la'eéang' cóo~ güea' e 'gøng' quiá'- Fidiée', jo jíí~ jaang` ja` ii` quí~ jmi~ fa' e ni'í'r` e fí jo lajee' e ná'- gui e nité' lajii~ e guié- iihuí' do e quie' i ángeles i guiáng- do.

16

Lajii~ cóo^ e sirøøng` iihuí'

1 Jo mi~ cangî jo, canú- u cóo`gui luu~ teá' e jáa' fí dsíí sináú^ güeang^ do quiá'- Fidiée', jo lalab jíng'- sí' lajî guiáng- i ángeles do:

—Güíling- na' fí ni~ guóo~ uø~ jmiçüî, jo fí job nigüi'íng`na' e cóo^ e li~ a~ e iihuí' quiá'- e eéang' guíng- Fidiée' cóo~ jaléng` dsea' jmiçüî.

2 Jo dsifí lajob cangó- i ángel la'uii~ do, jo cangojiim`bre e cóo^ quiá'r- do fí ni~ guóo~ uø~, jo lajîim` dsea' i quie' e li~ quiá'- i jó' dsée- la'uii~ do jogui i cajmiféng' i diée~ guóo~ quiáa-re' do, lajalém` i dsea' í ca'ieeiñ` cóo` íng~ 'mi' e 'li'^ e dseáng'- eéang' ga' cu^.

3 Jo mi~ cangî jo, i ángel i catí gáng- do cangojiim`bre e cóo^ quiá'r- do fí ni~ jmiñi'^, jo ladsifí lanab ca'uúing- jmi' e jmi~ do laco'gui la líí jmi' quiá'- jaang` dsea' i cajnga' dsea' quiá'-, jo cóo` gui'náb^ cajúng- jaléng` i seeng` fí dsíí e jmiñi'^ do.

4 Jo mi~ cangî jo, i ángel i catí gaang` do cangojiim`bre e cóo^ quiá'r- do fí lacaang` gua` jogui lacaang` li~ níng~ jmi~, jo ladsifí lanab ca'uúing- jmi' e jmi~ do.

5 Jo mi~ cangî jo, canú- u e cajíng'- i ángel i jmóo' í jalé' jmi~ do lala:

Fidiée' quí-ii', ja` dsee- røø'n` jíí~ cóo`;

có' nicaquidsí'ba' í' laco' catíng-,

jo 'nub` i seeng` jogui niseem`ba' cajo lajii~ ná'- gui e nitiroo~ jmiçüî,

6 có' jaléng` i dsea' í nicajngaiñ' jaléng` dsea' quí'- cóo~gui jaléng` dsea' áang' i café' cuaiñ~ quí'- malí~ gui eéang',

joba' 'na' lana nicacuøø~ba're e ni'í'r` jmi'øøng- e laco' ni'íñ' lajii~ e catíiñ-.

7 Jo mi~ cangî jo, canú- guí cóo`gui luu~ e jáa' fí nife' e jíng'- lala:

—Jáb'-, lajob líí, Fíi'naa' Fidiée', 'nub` dsea' i quí~ jmi~ jmé^ lí^ doñí' ee', có' nicaquidsí'ba' í' laco' catíng- jogui laco' sí'í' cajo.

8 Jo mi~ cangî jo, i ángel i catí quiúung- do cangojiiñ` cóo^ quiá'r- fí li~ íng' íee', jo íee' cangíiñ` e quí'r~ jmi~ e cóo~ e jí e jmijneár- do nijíiñ- jaléng` dsea' seeng` fí jmiçüî.

9 Joba' dseáng'- cóo` gui'náb^ eéang' cacáng- dsea'; dsu' car` jíí~ jo ja` caqui'- jím`bi yaaiñ~ fí quini` Fidiée' o'gui cajmiféiñ' dsea' do cajo, có' lí' lí' jmang'- júu^ ga'gui'b café'r` uii~ quiá'- dsea' do íe~ jo, doñí' fa' quí'b~ Fidiée' jmi~ e nijmihuíiñ- jalé' e iihuí' do facó' mi~ caqui'- jíng` yaang` i dsea' do.

10 Jo mi~ cangî jo, i ángel i catí 'níng- do cajíiñ` cóo^ quiá'r- fí li~ líí ée^ li~ guíng` i jó' dsée- la'uii~ do, jo ladsifí lanab cango'íng` lajii~ e quí~ i jó' do jmi~ e quíu're' ta~, jo nuu` sób^ ca'uúing- fí la'úng- fí li~ lamí~ quíu're' ta~. Joba' lajaléng` dsea' canaaíñ` cu'r` nisí'r` uii~ e iihuí' eéang' e cangíiñ` do;

11 jo dsu' car` jíí~ jo ja` catá'bir e jmóor` jalé' e ga, có' lí^ lí' eéang'gui caliguíim`bre quiá'- Fidiée' dsea' guíng~ ñifí-, jogui fé'bir jmang'- jalé' júu^ ga' quiá'- dsea' do uí'~ e ca'íñ' jalé' e iihuí' do cóo~gui jalé' e 'mi' e ca'ieeiñ` do.

12 Jo mi~ cangf̂ jo, i ángel i catf̂ jñúung̃ do cajíñ` e cóo^ quiá'r̃ do fí' lí' iũ gua` laniing̃ e sii` Éufrates, jo ladsifí lanab caliquiá` jmĩ e sea` e fí' gua` jo, jo lajōba' caliseá' fí' e cangúng' jaléng' dseata~ dsea` féng' i neáang' lí' lí' ngóo' lí' guo' iee`.

13 Jo mi~ tí' lí' cangf̂ e jo, camáñ n gaang' i 'ling'^ i jnéem̃ jiu la jnéeng̃ tee~, jo ca'uøøng'ne' tá' jáng'ne' fí' mo'oo~ i jó' guié~ moguí~ do cóo' gui fí' mo'oo~ i jó' dsée~ la'uiĩ do cóo' gui fí' mo'oo~ i jó' dsée~ i catf̂ tú~ i jmicaang~ i fé' cuaiñ~ quiá' Fidié~.

14 Jo jaléng' i 'ling'^ do i jnéem̃ jiu la jnéeng̃ tee~ quí' bre' jmĩ e jmóo're' jalé' e lí' e dsigá' dsí' dsea, jo jaléng' i 'ling'^ i uøøng'ne' e seáang'ne' lajūng' dseata~ dsea` féng' i quiá' ta' fí' la'úng̃ fí' jmigüĩ, jo jmóo're' lajo e laco' nitíñ' do jee~ coo' 'nií, jo job mi' nití' e jmĩ e nisi' í' quiá' Fidié~ dsea` féng' dsea` ñíng' i quí' jmĩ jmé' lí' doñi' ee' e niquidsir' í'.

15 Jo lalab cajíng' Dsea` Jmáang̃: “Quié'na' cuente e jii~ ja' ñiing̃ dsí' dsea` jmigüĩ mi' nigáa'túu calé' catú~ fí' jmigüĩ na, lí' laco' lí' mi' guiéé' jaang' i i jmóo' i. Joba' fá'a: juguiá' jiu quiá' i dsea` i sijnéé' dsí' ie~ jo jogui néé' guiá' quiá'r̃ e qui'bre s'i'r̃ e laco' ja' nilí' i' lí'ñ̃ uí' e ja' néé' guiá' quiá'r̃ mi' niguiéé' e jmĩ jo.”

16 Jo ie~ jo, jaléng' i 'ling'^ do i jnéeng̃ la jnéeng̃ tee~ caseáng'ne' lajūng' dseata~ dsea` féng' i quiá' ta' fí' la'úng̃ fí' jmigüĩ e laco' nitíñ' e fí' lí' sii' Armagedón cóo' jmi' hebreo.

17 Jo mi~ cangf̂ e jo, i ángel i catf̂ guiáng̃ do cajmijø'bre e cóo^ quiá'r̃ do fí' guiá' güi; jo tí' dsí' sinúu^ güeang'^ e si' fí' ñifí' guicaná' coo' luu~ e teá' e jáa' e fí' lí' lí' éé' e lí' guing̃ i dsea` niing̃ i quiá' ta' do jo fé' lala:

—iLanab nicatf̂ í' e nicató' lajalé'!

18 Joba' ladsifí lanab canaang' quie' güi'ñiá' e teá' eáang', jogui liji~re' cajo, jogui eáang' téé' mii~, jogui cajø' uø~ dseáng' e teá' eáang' e jii~ coo' néé' ja' mí' cajø' lajo lajii~ tí' mi' caliséng' dsea' fí' jmigüĩ.

19 Jogui e fii' fé' laniing̃ do 'ni' dseá' ca'uúing̃, jogui lajalé'gui fii' e sea' fí' jmigüĩ sii' cangolí' lí' néé'; joguib mi' tí' lí' cadse' dsí' Fidiéé' e fii' laniing̃ e sii' Babilonia do e laco' nicuø'r̃ jaléng' i dsea' seeng' fí' jo e méé' do e ni'ñiñ' do laguidseang' e guóng' jalé' iihuí' e casíng' Fidiéé' quiá' jaléng' i dsea' i uí' e eáam' nisiguiñ' quiáñ' do.

20 Jo ie~ jo cango'ím' lajalé' uø~ jiu e néé' lacaang' ni' jmiñi' cóo' gui jalé' mó'.

21 Jogui cajiá' fí' ni' guóo' uø~ dsí' e cóo' eáang' e ii' lí'gui cuarenta kiil' lacoo'. Joba' café' jaléng' dsea' jmang' júu^ ga' uii~ quiá' Fidiéé' uí' e ca'íñ' e iihuí' e cajiá' e dsí' cóo' do, dsuco' coo' iihuí' e huím' eáam' dseáng' cangár̃.

17

Mi~ cangúng' iihuí' i dseamf̂ i ca'ée' dsee~ do

1 Jo jaang' lajee~ i ángeles i guiáng̃ do i quie' guié' e cóo^ do cajár̃ fí' lí' sín'n jo casí'r̃ jnea~ lala:

—iJuan, nea' fí' la! Jo lab ni'ée' e 'nu' lajii~ iihuí' e catúng̃ ni'íng' i dseamf̂ i jmóo' ta' 'ñiing' ñia' i guing̃ fí' lacaang' ni' jmĩ e sea' fí' la'úng̃ fí' jmigüĩ.

2 Jo i fii'm' dseata~ dsea` féng' i quiá' ta' fí' jmigüĩ dseeb̃ nica'éer' cóo' i dseamf̂ i cóo' jalé' e lí' dsí' ngúu' táaiñ. Jo i fii'm' dsea' jmigüĩ cajo lafa' nicadseá' ím'bre cóo' jalé' e 'lí' e jmóo' i dseamf̂ do.

3 Jogui jnea~ —jng' Juan— dseáng' lafa' dsea' quib' dseáng' camó' guí' e cajá' guí' jee' Jmigüĩ quiá' Fidiéé', jo i ángel do cangojéeiñ' jnea~ fí' coo' lí' lí' jee' guóo' uø~ quiá', jo fí' job camáñ n jaang' dseamf̂ i guing̃ fí' mocóo' jaang' jó' dsée~ i yúung̃ i sea' guié' moguí~ jogui guí' fí're'. Jo fí' latøøng̃ i jó' do tóo' jmang' júu^ e gab' e jmineang' Fidiéé'.

4 Jo i dseamf̂ i jmóo' ta' 'ñiing' ñia' do qui'r̃ s'i'r̃ e iũ i' ná' cóo' e yuu~, jogui quier' jalé' cunée' cóo' gui jalé' cuu~ ji' e jie' e 'mo' eáang'. Jo ngóor' se'r̃ coo' cóo^ e lí' cóo'~

layaang~ cunée~, jo fí dsí' jo siróøng' j mang' júu^ e 'ní' ní' cóo' gui jalé' dsee~ e éer' quiá' e jmóor' ta' 'níng' 'ña' r' do;

⁵ jogui quiebre cajo cóo' júu^ e tóo' fí' guiaquí' r', jo llim~ ee' guóng' do quiá' r' lifa' ja' jii' ñi' lí' lajii' 'ña' bre dsea' ñir', jo lalab tóo': "Eáam' fé' niing~ jogui 'gøng' fii' fé' e sii' Babilonia, co' e joba' e lí' lafa' niquiá' lajaléng' dseam' i' ee' dsee~ e jmóor' ta' 'níng' yaang~, jogui e job cajo lí' lafa' niquiá' lí' lajalé' e 'lí' e sea' fí' jmigü' la."

⁶ Job mi' calilí' i' jóng —jóng' Juan— e íim' i' dseam' do cóo' jmi' jaléng' dsea' i' líng' dsea' quiá' Fidié' jogui cóo' jmi' jaléng' gui dsea' i' cajúng' uí' e guiar' júu^ quiá' jalé' e cajmée' Jesús.

Jo mi' camó' o' jalé' e jo, eáam' cangogá' dsii'.

⁷ Joba' cajíng' i' ángel do casí' r' jnea' lala:

—Juan, çjialí' dsigá' o'? Lab nijmée' duu 'na' júu^ e guóng' lajii' e tóo' fí' guiaquí' i' dseam' do, jogui e uing~ e guiiñ' fí' mocóo' i' jó' dsée~ i' yúung~ i' sea' guié' mogui' do jogui guí' fí' re' cajo.

⁸ Jo i' jó' dsée~ i' niñin' i' seeng' lajii' latí' malib' na, dsu' lana jo' seeng' ne'; jo dsu' lifa' nigüi' bre' e fí' lí' 'lí' lí' too' nua' só' ná' gui e ni' íing' ne' congua'. Jo jaléng' dsea' i' seeng' fí' ni' guóo' uó' jmigü' i' ja' mí' taang~ fí' ni' jii' quiá' Fidié' lajii' mi' canaang' uing~ jmigü' fí' lí' nitaang~ jaléng' dsea' quiá' r' i' nitóor' mi' nití' í' lajo, jo jaléng' íb' i' eáang' nidsigá' dsí' mi' tí' lí' niníñ' i' jó' dsée~ i' guié' mogui' i' lami' seeng' do jogui lana jo' seeng' ne', dsu' lifa' nijáb' ture' mi' tí' lí' nití' í' lajo.

⁹ Jo lalab nililí' i' dsea' i' quí' jmi' ningáng': E mogui' re' e guié' do guóng' guié' mó', jo e fí' ni' job guing~ i' dseam' do; jo guóm' bi' cajo e guié' mogui' re' do guiáng' dseata' dsea' féng' i' quiá' ta'.

¹⁰ Jo 'níng' lajee' i' dseata' dsea' féng' do nicajúm' bre, jo jaang' lajee' ír' quiá' bir' ta' latí' lana, jo i' jaang' gui do ja' mí' catí' í' fa' mí' güeeiñ'. Jo dsu' mi' nití' í' e nigüéeng' i' lí' cadséng' lajee' ír' do, ja' huóø' nigüear' niquiá' r' ta'.

¹¹ Jogui i' jó' dsée~ i' yúung~ i' seeng' lami' jéeng' do jogui e lana jo' seeng' ne', íb' i' dseata' dsea' féng' i' lí' catí' jñing' do; jo iuum' bir' cajo jee' i' guiáng' do, jo lifa' ningóor' dseáng' e ni' íim' bre congua'.

¹² Jogui lajii' guí' fí' re' e cañí' do guóng' guíng' dseata' dsea' féng' i' ja' mí' canaang' quiá' ta'; jo dsu' jii' lajee' cóo' oor' niñiñ' fí' e niquiá' r' ta' colíng' cóo' i' jó' dsée~ i' yúung~ do, jo nilísea' fí' quiá' r' e niquiá' r' ta' laco' jaang' dseata' dsea' fém'.

¹³ Jo lajee' lajii' guíng' i' dseata' dsea' féng' la røøb' sñiñ', jogui cuø' bre i' jó' dsée~ i' yúung~ do lajii' bí' quiá' r' jogui e tñiñ' quiá' r' ta'.

¹⁴ Jo nitím' bre cóo' i' Jo' se' Jiuung~ do; dsu' lifa' i' Jo' se' Jiuung~ dob nilí' ír' colíng' cóo' jaléng' dsea' i' nicaguíng' Fidié' i' dseáng' lajang' eáang' teáng' teá' cóo' júu^ quiá' dsea' do; dsuco' i' Jo' se' Jiuung~ do Fii' quiá' jaléng' fiib' líng' ne' jogui Dseata' Dsea' Féng' quiá' jaléng' dseata' dsea' fém' líng' ne' cajo.

¹⁵ Jo cajím' bigui i' ángel do casí' r' jnea' lala cajo:

—Lajii' e jmi' e cañí' do e fí' lí' guing~ i' dseam' i' jmóo' ta' 'níng' 'ña' do, e jo guóng' jalé' fii' pí' osi jalé' fii' cóo' é jogui laca' íng' ca' íng' dsea' jogui laca' íng' ca' íng' jmi' e fé' dsea' cajo.

¹⁶ Jogui lajii' guí' fí' e cañí' quiá' i' jó' yúung~ do 'níb' niníng' i' dseam' i' jmóo' ta' 'níng' 'ña' do, jogui cab' nijmi' náng' neiñ' do, jogui nijmér' ringüuiñ' do; jogui nidø' r' ngúú' táaiñ', jogui cajo nijím' bre cóo' jii' mi' ning' jo.

¹⁷ Jo Fidiéeb' nicuø' jial' ni' dsí' jaléng' i' dseata' dsea' féng' do e laco' nijmitir' lajii' e iing~ Fidié' e nijméiñ' do, jo røøb' nisíng' jaléng' i' dseata' dsea' féng' do e laco' nija' r' i' jó' dsée~ do lajii' ta' óor' cartí' niliti' lajii' júu^ e nicajíng' Fidié'.

¹⁸ Jogui i' dseam' i' cañin' do, íbing' líng' lafa' e fii' fé' e laniing' e quí' jmi' quiá' ta' jaléng' dseata' dsea' féng' i' quiá' ta' fí' ni' guóo' uó' jmigü'.

18

Mi~ ca'ing~ fi~ Babilonia

¹ Jo mi~ cangí e jo —jingt~ Juan— camán~ n jaang`gui ángel i jajgiáng` fí yá^ jmigüí. Jo eáam' 'gøng' i ángel do e quiá'r ta~; jo mi~ tí lí~ cati~iñ' fí ni~ guóo'~ uó~, dseáng' jlo'^ cajneá~ cóo'~ lajii'~ e jiiñ' do.

² Jo café'r cóo'~ júu^ teá lala:

¡Lanab catí í'! ¡Lanab catí í' e dseáng' ni'ing~ e fi~ fé' e 'gøng' eáang' e si~ Babilonia!

¡Co' jmang'~ jaléng' i 'lim'^bing' i seeng' do jmii~ na,

jo jmang'~ jalé' e 'li'^ba' jmóor',

jogui lí' lafa' 'núu' fí lí~ seáng' jaléng' i 'ling'~;

jo e fi~ jo lí' cajo lafa' si~ jaléng' i 'ní' ní' i jmóo' jmang'~ e ja` dseeng'!

³ Co' lajii~ dsea i seeng' fí la'úng~ fí jmigüí nicadseá' íim'bre cóo'~ e lafa' méé' e jmóo' e ée` dsea` dsee~ e 'léer' cóo'~ dseañu' dseamí i o' quiá'r~;

jogui jaléng' dseata~ dsea` féng' i quiá' ta~ fí jmigüí nica'ée`bre dsee~ cajo cóo'~ i dseamí i 'ling' do.

Jogui jaléng' dsea i seeng' fí ni~ guóo'~ uó~ jmigüí i jmóo' ta~ 'nii' jogui ta~ láa', eáam' nicaliseá' cuu~ quiá'r~ la'eáang' cóo'~ jalé' e nicalí'r~ lajee~ e nicajméer` jalé' ta~ e 'léé' do.

⁴ Jo ngí jo canú~u cóo'gui luu~ e jáa' fí yá^ jmigüí, jo lalab cajíng'~ e do:

Uøøng'na' e fí jee~ fi~ na, 'nú' dsea` líng'na' dsea` quié~e,

jo lajoba' ja` nibeáang'~ dsee~ yaang~na' e nijméé^na' ta~ 'léé',

jo lajobi cajo ja` nitíng~na' jalé' iihuí' e catíng~ jaléng' i dsea` seeng' e fí fi~ jo.

⁵ Dsuo' lajii'~ dsee~ e nica'ée` jaléng' i dsea` í,

dseáng'~ e ñiib' eáang' e tí' cartí yá^ jmigüí.

Jo nitóob` dsí' Fidiéé` jalé' dsee~ e nica'éeiñ' do,

joba' lana ninéeb' guiá~ quiá'~ Fidiéé' e nicuó'~reiñ' do iihuí' uí'~ quiá'~ jalé' e jo.

⁶ Jo qui~na' quiá'~ jaléng' i dsea` do laco'gui ír` nicajméer` cóo'~ dsea` jiéng',

jo cuóø'~na'r tú~ 'lé'gui iihuí' laco'gui jii'~ e nicajméer~;

jo cáang'~na' fí dsí' cuéé'~ huí' tú~ ya'gui iihuí' e lí' lafa' méé' guí^,

jo cuóø'~na'r e jo lí'^ laco' jii'~ e nicacuó'r' dsea` jiéng' lami~ jéeng'gui.

⁷ Jo jmeáang'~na'r ga` jogui cuóø'~na'r jalé' iihuí',

dsuo' lajoi cali'iiñ~ 'ñia'r e cateáaiñ' juguiá~ fí jmigüí e cajméer` ta~ 'náng` 'ñia' jogui

e jmféng' 'ñia'r'; co' lalab fé'r e jmi~løng'^ 'ñia'r':

“Fí lab guíng~ jnea~ dseáng'~ laco' guíng~ jaang` dseamí niing~ i quiá' ta~;

co' ja` líng' jnea~ jaang` dseamí i 'nii'~,

jo dseáng'~ ja` e fí'í' nijáa' quié~e jii'~ cóo'.”

⁸ Jo uii~ quiá'~ jalé' e jo, joba' eáam' huíng' nidsijéé' quiá'r~ lajee~ ta~ jii~;

co' eáam' ni'íñ' iihuí' e cu' jnga' jogui ninír' oo~

jogui eáam' nilíñ~ fí'í'

jogui nicám`bre cóo'~ jii' mi~ nití' í' lajo,

dsuo' 'ñia' Fii'naa' Fidiéé' dsea` 'gøng' dsea` ñíng' fí la'úng~ fí jmigüí,

íb' dsea` nicajíng'~ e nidsingíng~ i dseamí do lajo uí'~ jalé' dsee~ e nica'éeer`.

⁹ Jo mi~ cangígui lajo, jaléng' dseata~ dsea` féng' i quiá' ta~ i cajméé' ta~ 'léé' cóo'~ i dseamí do jogui eáang' cajmi'iaang' dsíir' cóo'~ jalé' e 'li'^ e sea` quiá'ñ' do, eáam' nijmér' fí'í' jogui ta~ qui' mi~ tí lí~ ninír' jalé' jmiñi' quiá'~ mi~ nicáiñ' do.

¹⁰ Jo dsu' huíim~ ni'náng' yaaiñ~ quiá'~ i dseamí do, co' 'gó'bre e ninír' lajii'~ iihuí' e catíiñ' do. Jogui yaam~bi jaléng' i dseata~ dsea` féng' do fé'r lala:

¡E ngí fiiib' 'nu'! ¡E ngí fiiib' 'nu', fi~ fé' e laniing~ 'gøng' e si~ Babilonia!

Dsuo' cóo' lajee~ jali~ lanab cagüéa~ iihuí' qui'~.

11 Jogui jaléng' dsea` i seeng` fí ni` guóo` uó` jmiigüi` i jmoó` ta` láa` jogui ta` 'nái, eáam` fí'í` nillíñ` co' carji` niquí` bre, dsuco' jo` jié' lí` seeng`gui i nijmé` ta` láa` jalé' e iññ` e nidsi'nái` quiá'r` do.

12 Dsuco' lamí` jéeng`gui eáang` cajméer` ta` 'nái` cunée` cóo`~gui cutede` lí` lajalé' cuu` jí' e jlo' e 'mo' eáang, jogui 'nái' jalé' 'mí' jlo' e niguo' eáang` jogui 'mí' e niung' cóo`~gui 'mí' e yúu` e lí' cóo`~layaang` ñí' e 'mo' eáang, jo langúing` íim` jalé' 'ma' e jmeafí, jogui 'nái' bir cajo jalé' e tí` dsí' dsea` e lí' cóo`~yaang` maja` jaléng' jó', jo 'nái' bir cajo jalé' e jmiññ` cóo`~yaang` jalé' 'ma' e quíing` cuu` eáang, jo 'nái' bir cajo jalé' ñí' bronze lí' langúing` íing` cuu` e quíing` cuu`.

13 Jogui jmoór` ta` 'nái` langúing` íing` jalé' oo` quiá' jmiññ` jogui jalé' jmiñ` jmeafí, jo 'nái' bir cajo langúing` íing` jalé' méé` cóo`~gui jalé' aceite jogui fí` cui'íee, lí' langúing` íing` jalé' fí`. Jo 'nái' bir cajo jaléng' jó' i cá` lee` cóo`~gui jaléng' jo'se' jogui jaléng' cuea` cóo`~gui jalé' carreta e jñu're', jo cajméé` bir cajo ta` 'nái'ng` la quíe`gui jaléng' dsea` i jmoó` ta` tá' jmoó` e ja` ee` 'léeiñ` jji' capi'.

14 Jo jaléng' i dsea` í, lalab nisí'r` e fí` fé' do:

Lají` e jlo' e lamí` sea` quií' do, lají` e jo nisi'íim` quií' lana.

Jogui lají` cuu` quií' cóo`~gui jalé' e si'í` óo' fí` jmiigüi` nisi'íim` quií' cajo.

Jo jo` tóo` jmiñ` fa' e nitíing` tu' jalé' e jo.

15 Jo jaléng' dsea` i cajméé` ta` 'nái` jogui ta` láa` jalé' e jo, jogui e ca'uíñ` dsea` sea` cuu` la'eáang` e fí` fé' do, jaléng' íb` i nijmihuíng` yaang` dsu' uíi' e 'gó'r` lajii' iihu' e jøør` do. Jo ie` job eáam` nijmér` ta` qui' jogui ta` jmiñjuung` dsí',

16 jo lalab nifé'r` ie` jo:

¡E ngí` fíib` 'nu', e ngí` fíib` 'nu', fí` fé' laniing` 'gøng' e sii` Babilonia!

Co' lamí` jéeng`gui lin' lafa' jaang` dseam` i qui' 'mí' niguo' e jlo' eáang,

jogui i qui' cajo 'mí' e niung' jogui e yúu` jogui i síng' 'ña' jlo' e quíer` jalé' cunée` cóo`~gui jalé' cuu` jíing` jí' jlo' e quíing` cuu` eáang.

17 ¡Dsu' coo` lajee` jalí` lanab ca'íng` lajalé' e sea` quií'!

Jo jaléng' i dsea` i jmoó` ta` quíe` jalé' móo' cóo`~gui jaléng' dsea` i jmoó` ta` cóo' e móo' do colíing` cóo`~jaléng' dsea` i teáang` dsí' móo' do cajo i ngí' fí' la fí' na cóo`~gui jaléng' dsea` i jmoó` ta` caguíee`gui fí' ni` jmiññ', jaléng' í' ca'náam` yaaiñ` quiá' e fí' jo.

18 Jo mí` tí' lí` cangár` jmiññ` quiá' e nicoo' e fí' do, jo lalab canaaiñ` fé'r` e tea` eáang`:

—Jii' coo` ya' ja` mí' caliseá` coo` fí' e laniing` 'gøng' e cøøng` røø` cóo' e fí' Babilonia do.

19 Jo canaaiñ` jgiéer` 'lee' fí' moguir`, jo canaaiñ` qui'r` dseáng' e liñjuung` dsíir' jo lalab fé'r`:

¡E ngí` fíib` 'nu', e ngí` fíib` 'nu', fí` fé' e laniing` 'gøng'!

Co' fí' nab lí' ca'uíng` dsea` sea` cuu` jaléng' dsea` i líing` fíi` jalé' móo'.

¡Dsu' lanagui náng` coo` lajee` jalib` nica'íng` lají` e jo!

20 Jo jaléng' 'nú', dsea` seeng`na' fí' ñífi', eáang` jmi'iaáng` óo'na' colíing` cóo' jaléng' dsea` i café' cuaiñ` quiá' Fidiéé` mali`gui eáang`

jogui colíing` cóo' jaléng' dsea` quiá' Fidiéé`

jogui cóo' jaléng' dsea` apóo` i sí'íing` e ni' júu` quiá' Dsea` Jmáang`;

jo jmi'iaáng` óo'na' jóng` uii` e nicacuø` Fidiéé` iihu' laco' catíing` jaléng' i dsea` seeng` e fí' fí' fé' do i eáang` cajmeáng' 'nú' ga'.

21 Jo mí` cangí` jo, jaang` ángel i 'gøng' eáang` caséer` coo` cuu` 'loo' e lí' laco'gui la lí' e cuu` tóo` quiá' lí' dsir' micui'íee, jo e cuu` 'loo' do cabír` fí' dsí' jmiññ', jo lalab cajíñ` mí' cabí're' do:

Jo 'nu', fí' fé' e laniing` 'gøng' e sii` Babilonia, lanab nibíin` é' jmiñ` cajo lí' laco'gui cabí' e cuu` 'loo' do,

jo jo` tóo` jmiñ` fa' e ii` niníing`gui 'nu'.

22 J_ogui jalé' lúu' e bó' jaléng' dsea' fi' jee' fi' na,
fa' jalé' lúu' e sii' arpa
c_oo' gui jalé' lúu' tá'
j_ogui jalé' lúu' trompé'^,
j_o t_oo' j_mí' fa' e niná' gui e ni' i' jalé' e j_o.

J_o ie' j_o j_o nijnéng' gui j_ií' camíng' dsea' i' j_moo' ta',
o' gui e i' e c_uu' 'loo' do niná' gui fi' quini'^ cajo.

23 J_ogui j_o nilijneá' gui j_ií' c_oo' j_i fi' quí'-' ,
o' gui niná' gui cajo jalé' juguíá' j_uu' j_lo'^ quía'-' jial mi' c_ung' dsea' guóor' fi' quini'^.

J_o jaléng' dsea' i' caliséng' fi' na i' cajm_ee' ta' láa' j_ogui ta' 'n_ií',
í' b' dsea' i' lamí' líng' i' laniing' eáang' fi' j_migüí'.

J_o 'n_ub' dsea' i' cajm_ee' ta' j_mig_oøng' jaléng' dsea' j_migüí' e cajm_ig_oøng're c_oo' jalé' ta'
dsea' láang' quí'-' .

24 J_ogui e fi' fi' nab cajo lí' nicajnéng' j_mi'øng' jaléng' y_uu' dsea' c_oøng' i' café' cuaiñ'
quíá'-' Fidié' malí' gui eáang', lí' lajaléng' i' líng' dsea' quía'-' Fidié' j_ogui lí' lajaléng'
dsea' i' caj_ung' i' cajnga' dsea' quía'-' fi' ni' guóo' uó' j_migüí'.

19

Jial j_miféng' dsea' Fidié' fi' ñifí'

1 J_o mi' cangí' jalé' e la -j_ing' Juan- j_o canú' t_uu' c_oo' luu' e teá' lí' laco' gui la ná' luu'
i' leáang' dsea', j_o e j_o canú' u e j_aa' fi' ñifí', j_o lalab fé' do:

Majmiféng' naa' Fidié' quí' ii', c_o' í' b' dsea' láaiñ' jneaa' aa'
e laco' ja' ni' íng' naa' iihuí' uí' quía'-' dsee' quí' ii';

j_o majmí' goo' naa' r,
dsuco' í' b' dsea' féng' dsea' i' níng' i' 'gøng' fi' j_migüí',

2 dsuco' í' b'ing' i' tíng' í' laco' catíng',
c_o' nisi' í' bre jial tí' iihuí' e catíng' lajaang' lajaang' dsea';

j_ogui í' bre cajo dsea' nicacuø'r' iihuí' jaléng' dsea' i' seeng' fi' e fi' e lí' lafa' i' dseam' i' j
cajm_ee' ta' 'n_ing' 'ñia' do,

c_o' c_oo' jalé' e 'lí' e nicajm_eer' do calié'r' ta' e laco' cajmí' líng' yaang' jaléng' dsea'
j_migüí';

j_o uii' j_oba' Fidié' nicacuø'r' iihuí' jaléng' i' dsea' i' cajngang' jaléng' dsea' quía'r'
i' j_moo' laj_ií' ta' e iing' Fidié' 'ñia'r'.

3 J_o mi' cangí' j_o, canú' t_uu' e guicafé' tu calé' catú' i' dsea' 'leáang' do, j_o cajíñ' :
i' Majmiféng' naa' Fidié' quí' ii'!

C_o' e j_miñi' quía'-' e caang' i' dseam' i' do
ja' t_oo' j_mí' fa' e niquíung' gui.

4 J_ogui laj_i guiequíung' i' y_uu' dsea' c_oøng' do c_oo' gui i' quíung' do catú' ní' cartí' ni'
uó' e cajmiféñ' Fidié' dsea' guing' e fi' éé' lí' niing' lí' quí'r' ta' do, j_o lalab café'r':
"i' Laj_ob nilí' i' Majmifém' baa' Fí' naa' Fidié'!"

5 J_o cartí' e lí' lí' éé' quía'-' Fidié' e fi' lí' niing' guíñ' quí'r' ta' do guicaná' c_oo' luu'
dsea' j_o guicajíng' lala:

i' j_miféng' naa' Fidié' quí' ii' laj_ing' 'ná',

dsea' j_moo' naa' j_ií' laco' iing' dsea' do 'ñia'r' j_ogui ná' naa' jalé' ta' quí'r' cajo, nañí'
su líng' naa' dsea' niing' o' si ja' líng' naa' laj_o é!

J_mí' e c_ung' guó' i' Jo'se' Jiuung' do

6 J_o canú' b_ií' cajo -j_ing' Juan- c_oo' gui luu' mi' cangí' e j_o e ná' laco' luu' dsea' i' fíng',
j_o i' laco' i' c_oo' lóo' e fé' e í' j_mí', j_ogui i' cajo lafa' mi' quie' güí' ñia' e teá' eáang', j_o
lalab fé' e luu' do:

i' Majmifém' baa' Fí' naa' Fidié' dsea' féng',

dsea`'gøng' i quíi~ jmi~ jme- lí^ doñí ee!

Cò' lanab nicatí í' e dsea` do nináin niquiúr- ta~ fí jee~ dsea` jmigüí.

⁷ Jo 'né- e nijmi'iaang` dsi'baa', jogui e nilisee-naa' juguiá- jogui e nijmiféng'naa'r cajo, cò' lanab catí í' e nicúng'- guó i Jo'se' Jiuung~ do.

Jo 'ñiab' i nilí dseamí quiáa-re' do nicaguiar' guiá- quiá'r-;

⁸ Jo lana i dseamí do nicangüm-bre fí e niquiúr' sí'r^ e jlo'^ jogui e 'mo'^ eáang' jogui e tee` e jíng' jí' jlo'^ eáang' cajo.

Jo e 'mi' e niguó'^ do cuó' lí- e jaléng' i dsea` i líng' dsea` quiá'- Fidiée` teáaiñ- teá' fí guiá- cóo'^ dsea` do.

⁹ Jo mi~ cangí jo, i ángel do casí'r- jnea~ lala:

—Juan, jmée'^ e júu^ la: “Juguiá-jia quiá'- jaléng' dsea` i nisimíng' quiá'- e nidsilíin- jmi~ lí- nicúng'- guó i Jo'se' Jiuung~ do.”

Jo cajíng'- guir:

—Jo e lab júu^ já'- quiá'- Fidiée`.

¹⁰ Joba' casí'i uó- jnii- fí uii- tí- i ángel do e laco' nijmifén'nre, dsu' ír` cañír` quié- e lala:

—Juan, ja` jmoo'^ lana; cò' jnea~ jaang` i jmóo' ta~ quiá'- Fidiéeb' lán'n cajo, cò' røøb' lí'naa' cóo'^ 'nu' cóo'^gui jaléng' dsea` rún' i teáang- teá' i jmiti~ dseáng'- lajang'^ júu^ quiá'- Jesús. Jo fí- i 'ná' e lajii' Fidiée`bing' i 'né- nijmifén'.

Jogui lajii' e júu^ já'- e guiá' dsea` quiá'- Jesús, e job cajo e cagua' jaléng' i 'lii- yúu' i café' cuaiñ~ quiá'- Fidiée` malii~ gui eáang'.

Jaang` i guíng` fí mocóo'~ cuea` teaang`

¹¹ Jo ngí jo, camó- o e óo' fí ñifí-; jo fí job cajnéng- jaang` cuea~ teaang`, jogui i dsea` i guíng` fí mocóo'-re' do líiin jaang` dsea` i dseáng'- lajang'^ jmiti~ jalé' júu^ quiá'r- jogui jmang'- júu^ já'-ba' fé'r` cajo, dsuco' lajii' ta~ e quiúr' jogui jalé' 'nii' e guiar', dseáng'- røøb' jmóor` dseáng'- lí^ laco' sí'í^.

¹² Jogui jminir' dsíng'- jíng' jí' cò' uøø` ning- jí, jogui fí moguir~ tée'^ jmiguiá' lí^ corona, jo fí dse' jo silii' cóo' júu^ e jíi' 'ñaia'bre dsea` ngáin' e` guøng' e do.

¹³ Jo ngóor' qui'r' sí'r^ e siñí'^ jmi'øøng- dsea`, jogui siir' lajii' Júu^ quiá'- Fidiée`.

¹⁴ Jo i fíim' 'lée- i neáang' fí ñifí- tí'leáang' laco' ngóor', jo lajii' biñ' do qui'r' 'mi' e niguó'^ e jlo'^ tee, jo lajii' bre neáaiñ' fí mocóo'- jaléng' cuea~ teaang' cajo.

¹⁵ Jogui fí mo'oo- i dsea` quié' nífi do güi'í' cóo' ñisü' e 'mé- jlo'^ e laco' nijmihuñiñ' jaléng' dsea` seeng' fí la'úng- fí jmigüí cóo'^ e ní^ jo. Jo íbre niquiúr- ta~ jee~ i dsea` í e jmeáin' ta~ 'ma'u' quiá'- dseata~ e lí' cóo'^ ní^ . Jogui niquidsir' í' quiá'- lajaang' lajaang' dsea` lafa' mi~ ngí dsea` jee~ lí- sea' mí^ huíng' jø'^ fí lí- jmi'uíin- méé' guí'- . Jo e méé' guí'- do lí' lafa' iihuí' e jáa' quiá'- Fidiée` i 'gøng' i quíi~ jmi~ jme- lí^ doñí ee, jogui e iihuí' do catíng- jaléng' i dsea` í uii- e eáang' nigúing- Fidiée` quiá'r-.

¹⁶ Jo fí ni' 'mi'qui'r' jogui fí dse' quiúr~, fí job lí- silii' e júu^ la: “iDseata~ Dsea` Féng' quiá'- jaléng' dseata~ dsea` féng', jogui Fii~ quiá'- jaléng' fii'!”

¹⁷ Jo mi~ cangí jo, camán- n jaang' gui ángel i sing' sí'ø' fí lí- íng' iee i ca'áng' teá' eáang' jaléng' mi i ngí fí guiá'^ güí, jo lalab casí'- reiñ' do:

—Seáang~ yaang~na' jo ñilíng'na' fí la, cò' fí lab nicatø'- Fidiée` 'nú' e niñiquié'na' í'na'.

¹⁸ Ñilíng'na' jo ñiquié'na' ngu~ jaléng' dseata~ dsea` féng', cóo'^gui ngu~ jaléng' fii~ quiá'- 'lée-, cóo'^gui ngu~ jaléng' dsea` i teá' táang' dsíí, cóo'^gui jalé' ngu~ cuea~ cóo'^gui ngu~ jaléng' i gua' fí mocóo'-re' do cajo, jogui ngu~ jaléng' dsea` lí^ cóo' gui'ná'^, na i níng- osi na i ja' níng- é, na i líng' dsea` silaang' jogui na i líng' dsea` sí'ñíng' i jmóo' ta~ tá'- jmóo' e ja' 'léeiñ'~ jíi' capí'^.

19 Jo mi~ cangîgui lajo, camán~n i jó' dsée~ i la'uii~ do cóo'~gui jaléng' dseata~ dsea` féng' i seeng` fí jmiçúî coling~ cóo'~ jaléng' 'lée~ quíá'r~. Jo nicaseáin' yaaiñ~ e laco' nitíñ~ cóo'~ i guing~ fí mocóo'~ i cuea~ teang` do cóo'~gui jaléng' 'lée~ quíáin'~ do cajo.

20 Jo job catáng' i jó' dsée~ la'uii~ do coling~ cóo'~ i jó' dsée~ catí tú~ do i cajmícaang~ i café' cuaiñ~ quíá'~ Fidiéé~, co' i jó' lab i cajmíe` jalé' e quíá'~re' jmiç~ dseáng'~ fí quini' i jó' dsée~ la'uii~ do. Jo la'eáang' cóo'~ jalé' e li~ e cajmíe're' do, cóo'~ e job cajmíçóøng'ne' jaléng' i cacuóøng' yaang~ e catáin~ e li~ quíá'~ i jó' dsée~ do e laco' liiñ~ e líiñ' dsea` quíá'~ i jó' dsée~ la'uii~ do. Jogui cajo jaléng' i cajmífém'bre i diéé~ guóo'~ quíáin'~ do cajo. Jo fí ni~ jî li~ coo' jî e quíéeng` azufre e jo tóo' jmiç~ ya' cabiing~ne' laco' jî'bre' i jó' dsée~ la'uii~ do coling~ cóo'~ i jó' dsée~ catí tú~ do i cajmícaang~ e líng'ne' dsea` i café' cuaiñ~ quíá'~ Fidiéé~.

21 Jogui i dsea` caguiaang~gui do cajúm~bre cóo'~ e ñisú' e iú~ fí mo'oo~ i dsea` i guing~ fí mocóo'~ i cuea~ teang` do, jo lajím' tusú'~ cóo'~gui jaléng' tujlú' cajmí'óo'~re' dseáng'~ la guíúm~ jalé' nguú' táaiñ' do.

20

Lajee` cóo` mil jii`

1 Jo mi~ cangîgui lajo —cajínç'~ Juan— camán~n jaang`gui ángel i jajgiáang` fí yú' jmiçúî jo quier' joñí' quíá'~ e fí li~ 'li' fí li~ lí' too' nua' só', jogui se'r cóo` ñí' cadena e fé'.

2 Jo i ángel la ca'ñúin' i jó' guíe~ mogui~ do i líng' jó' 'ling'^ i ñingóo' seeng', jo íb' i líng' fii~ i 'ling'^ i sii' Satanás, jo ca'ñúng'nein' do cóo'~ ñí' cadena lajee` mil jii`.

3 Jo fí dob cabíng~nein' do e fí li~ lí' too' nua' só' do, jo fí job cajniñ'~ do lajee` cóo` mil jii', jo catéer` cóo` sello fí dse' jni' e laco' jo' quí'~ jmiç~ fa' e nijmíçóøng'guiñ' do dsea` jmiçúî cartí ñingíng~ e cóo` mil jii' do. Jo mi~ ñingí jo, joguiba' e nicuóøng` nileáin' do cateá'.

4 Jo mi~ cangî jo, camó~guí ée^ li~ gua` jaléng' dsea` i nicangíng` fí e quidsir' í' quíá'~ dsea` jmiçúî. Jo dob camó~o cajo ni~ jaléng' 'lii~ i nicajúnç~ e caquiú' dsea` moguir~ uí' e teáaiñ~ teá cóo'~ e júu^ e casée' Jesús jogui cóo'~ jalé' e fé' júu^ quíá'~ Fidiéé~. Jo jaléng' i dsea` i ja` cajmíféin' i jó' dsée~ la'uii~ do o'gui cajmí'gór' i diéé~ guóo'~ quíáin'~ do cajo o'gui cacuóøng` yaaiñ~ fa' e catáin~ lajii'~ e li~ quíá'~ i 'ling'^ do fí guiaquíir' osi fí guóor' é. Jo camó~o e cajíb'tu jaléng' i dsea` i calé' catú~, jo røøb' caquiú'r' ta~ coling~ cóo'~ Dsea` Jmáang~ lajee` cóo` mil jii`.

5 Jo dsu' e naguib e la'uii~ e jí'tu dsea` jee~ jaléng' 'lii~. Co' jaléng'gui i 'lii~ i caguiaang~gui do ja` cají'tu cartí mi~ cangî e cóo` mil jii' do.

6 Juguíú~ jiu quíá'~ jaléng' dsea` i nitíng~ mi~ nití' í' e nijí'tu dsea` la'uii~ jee~ jaléng' 'lii~, dsuco' jaléng' i dsea` íb' dseáng'~ dsea` quíá'~ Fidiéeb' ñilíiñ'! Jo ja` ee' bí sea` quíá'~ e 'mó~ e catí tú~ ya' fa' e nitíng~gui jaléng' i dsea` í, co' jaléng' i ni'uíiñ~ jmidsea` quíá'~ Fidiéé~ jogui quíá'~ Dsea` Jmáang~, jo colím~ niquíú'r~ ta~ cóo'~ dsea` do lajee` cóo` mil jii`.

Mi~ cacá~ quíá'~ fii~ i 'ling'^ dseáng'~ congua'

7 Jo mi~ tí li~ casúung~ e cóo` mil jii' do, job mi~ catí í' e nileáng' i fii~ i 'ling'^ do fí li~ sijñíiñ'.

8 Jo job mi~ tí li~ ñingír~ e nijmíçóøin' jaléng' dsea` i seeng` fí la'úng~ fí jmiçúî, jo jaléng' íb' i sii' Gog cóo'~gui Magog, jo lajím' i niseáin' ie~ jo e quíá'~ nisér' 'nií'. Jo dsea` 'leáam~bing' niseáng' e jmiç~ jo lí' laco' tí' tóo' e néé' 'ni' jmiñí'.

9 Jo jaléng' i dsea` i la'úm~ fí ni~ guóo'~ uó~ jmiçúî niniñ'~ mi~ nití' í' lajo, jogui cajo lacúng' lajínç' li~ neáang' jaléng' dsea` quíá'~ Fidiéé~, jogui lacúng' lajínç' e fii~ e li~ iing~ Fidiéé~. Jo dsu' lajee` job canaang' jiá' jî fí yú' jmiçúî, jo lajím' i dsea` i cacáaiñ~ ie~ jo dseáng'~ congua'.

10 Jogui i fi~ i 'ling' i cajmigóong` jaléng` dsea` jmiigüi` lami~ jéeng`gui do, fi' dob cabiín` fi' é'` guiée' li' coo` ji' e téé'~ azufre e jo` tóo` jmi~ niyu', jogui fi' job cajo li' cabíng` i jó' dsée` la'uii` do cóo`~gui i jó' dsée` catí tû` do i cajmicaang` e café' cuaiñ` quía'~ Fidiée'. Jo fi' job li' nicá` jaléng` í ihuñ' e uóø` jmi~ dseáng` car` ngongñ` jmi~.

Jial mi~ ni'ing` iihuñ` jaléng` dsea` i røong` dsee`

11 Jo mi~ cangí jo` —jíng' Juan— camó`o cóo` éé` e jlo' tee, jo fi' jo guing` i dsea` i quidsí' í'. Jo fi' quini` i dsea` í camó`o e dseáng` conguiab' ca'íng` guóo'~ uó` cóo'~gui yá'` jmiigüi', jo jo` jié' li' cajnéng`gui jíi'~ cóo`.

12 Jogui camán` n lajñing` 'lii~ e teáaiñ` fi' quini` e éé` do, na i niing` jogui na i ja' niing`; jogui canab' jalé' ji, jo mi~ cangí jo, jié'gui cóo` ji' cana' cajo, jo e ji' job e li' nitáang` jaléng` dsea` quía'~ Fidiée'. Jo joguib mi~ tí li' catidsí' í' quía'~ jaléng` i 'lii~ do lí' laco' jíi'~ e cajméer` ie~ lami~ seeiñ` fi' jmiigüi` lí' laco'gui jíi'~ la fé' e fi' ni' jalé' e ji' quía'~ Fidiée' do.

13 Jo camó`o e cawang' jmiñí' jaléng` 'lii~ i catíng`, jogui i fi' e li' teáang' jaléng` 'lii~ cajam'bre lajii' i 'lii~ i catíiñ` cajo. Jo lajaang` lajaang` i dsea` í catidsí' í' quía'r` lí' laco' jíi'~ e cajméer` ie~ lami~ seeiñ` fi' jmiigüi'.

14 Joguib e 'mó` cóo'~gui e fi' lí' teáang' jaléng` 'lii~ do, fi' dob cabiín` e fi' é'` guiée' fi' li' coo` ji' e téé'~ azufre e ja` tóo` jmi~ niyu'. Jo e guiée' do, e job e guóng' 'mó` e catí tû` do.

15 Jo jaléng` dsea` i ja' sijnéng` e fi' ni' ji' li' taang` jaléng` dsea` quía'~ Fidiée', fi' dob bíiñ` cajo e fi' é'` guiée' e fi' lí' ia' ji' e quiéeng` azufre e ja` tóo` jmi~ niyu'.

21

Yá'` jmiigüi' 'mñ` cóo'~gui guóo'~ uó` 'mñ`

1 Jo mi~ cangí jo` —jíng' Juan— camó`o cóo` yá'` jmiigüi' e 'mñ` cóo'~gui cóo` guóo'~ uó` e 'mñ` cajo; dsuco' e yá'` jmiigüi' e la'uii` do cóo'~gui e guóo'~ uó` e la'uii` do nica'ím`, jo lajobi jalé' jmiñí' cajo nica'ím`.

2 Jo camó` bñ e fi' e güeang' quía'~ Fidiée' do e siñ` Jerusalén 'mñ` e cajgó` fi' yá'` jmiigüi' e fi' lí' guing` dsea` do. Jo dseáng' e eám` jlo' silii' e fi' do lí' laco'gui la líng` jaang` simí' ie~ jmi~ e nicung' guór`.

3 Jo mifñing` canú` u cóo` luu` e jáa' fi' lí' lí' éé` e fi' lí' guing` i laniing` quia' ta` do, jo lalab cajíng' cóo'~ júu` e teá eáang`:

—Lana Fidiée' niseeiñ` jee` jaléng` dsea` jmiigüi', jo contøøm` niliseeiñ` cóo'~ dsea` do, jo jaléng` dsea` íb` ni'uíng` dsea` quía'r`, jogui ñiñab' Fidiée' niliseeiñ` cóo'iñ` do, jogui jíi'~ íb` ni'uíng` Fidiée' quía'r` cajo.

4 Jogui Fidiéeb` cajo dsea` nijmiquié'r` jmi~ ñ` jmini~ lajaang` lajaang` dsea`, jogui jo` tóo` jmi~ fa' e nilisea'gui 'mó` quía'r`, o'gui jalé' fi'í', o'gui jalé' ta` jmiquíng' dsí', o'gui jalé' e cu' jnga'; dsuco' lajib` e lami~ sea` fi' jmiigüi', caquium' e sea` jalé' e jo.

5 Jo i dsea` i guing` e fi' lí' lí' éé` e fi' lí' niing` quia'r` ta` do cajíñ' lala:

—Jnea~ jmóo`o e 'mñ` lajalé' e sea` fi' latøong` jmiigüi'.

Jogui cajím'~ biguir cajo:

—Juan, jmée'~ lajaléb' e júu` la, co' lajalé'ba' la lí' júu` dseáng' e laniing` e já', jogui dseáng' catíim` e nili'goo` cajo.

6 Jo mi~ cangí, jo casí'~ tuj jnea~ lala:

—Lajib` nicaliti'. Jo jneab` lín` n i la'uii` do jogui jnea` bi lín` n i tí li' cadséng` do cajo. Jo lí' doñí' ii` dsea` i jmiijmñing`, jneab` nicuóø`øre e jmi~ e jmóo` e seeng` dsea` cøong` cóo'~ Fidiée' lata~, jo e jmi~ jo ja' e quíng` jíi'~ cóo` 'ñiá' quía'~ i dsea` i iing` ni'í' e jo.

7 Jo ii` dsea` i nigüeáng' i nité' lí' e siñ' teá` cóo'~ júu` quie` e, ni'ím'bre lajalé' e la; jo jneab` nilín` n Fidiée' quía'r`, jogui íbre niliñ` jóo` cajo.

8 Jō dsu' jaléng'gui dsea` i 'gó' fí quini` dsea` jiéng' uí' júu` quié` e, jōgui jaléng'gui dsea` i ja` já' líng' júu` quié` e nañí fa' nicaliñí'bre, cóo'gui jaléng' dsea` i 'ní' níng` rúng', cóo'gui jaléng' dsea` i jmóo` ta` jngang' dsea` rúng', cóo'gui jaléng' dsea` i 'léé` cóo' ngúu` táaiñ, cóo'gui jaléng' dsea` i jmóo` ta` dsea` láang, cóo'gui jaléng' dsea` i jmiféng' dié` i o' já', jōgui lajōbi jaléng' dsea` i jmóo` ta` quié` júu` e o' já' cajo, fí dob nibíiñ` e fí é' guiéé` lí` coo` jì` e téé' azufre e ja` tóo` jmíi` yu'. Jō e lab e 'mó` e catí tú` do.

Jerusalén e 'mí`

9 Jō mí` cangí jō, camán`n jaang` lajee` i guiáng` ángeles i lamí` quié` e guié` cóo` do e lamí` siróong` guié` íng' iihuí` e lí` cadséng` do, jō cangoquiééiñ` fí lí` sín'n, jō cóo' júu` lalab casí'r` jnea`:

—Juan, nea` fí la, jō lab ni'éen`n 'nu` i simí` i nicúng' guó` cóo' i Jo'se' Jiuung` do.

10 Jō lajee` jōb —jíng' Juan— e Jmiguí` quiá' Fidiéé` cajmée` e camó`o e i ángel do cangojééiñ` jnea` fí cóo` yú'` mó' e fé' jōgui e níí', jō fí jōb ca'e'r` jnea` e fí` laniing` e güeang` e sií` Jerusalén e nijgó' fí ñífi` fí lí` guing` Fidiéé`.

11 Jō dseáng' eám` jlo'` jíng` jì' e fí` do la'eáang` cóo' güea` níng` jì' quiá' Fidiéé`, jō jnéng` lajō lí'` laco' la lí' cóo` cuu` e jì' e sií` jaspe, jōgui cajo lí' laco' lí' cóo` sít' e ta' jmí'.

12 Jōgui lacúng' lajíng` e fí` do sijnb' cóo' cóo` iá` cuu` fé' e níí' eáang', jō e iá` do sea` guitu' jn' quiá' lí` cuóong` dsitáang' dsea`, jō laco' laco' e jn' do seeng` jaang` ángel i jmóo` í'; jōgui e fí` laco' dse' jn' do tóo` jial sií` ca'lé' jee` lajì` guitu' 'lé' dsea` seeng` fí` Israel.

13 Jō 'ní' e jn' do jōo` lí' lí' guo' iee`, jōgui 'ní' jōo` lí' lí' níí', jōgui 'ní' gui jōo` lí' lí' uóo`, jōgui 'ní' lí' lí' dsea' iee`.

14 Jō e iá` cuu` e si' fí` lacúng' e fí` do téé' guitu' cuu` e lafa' quiá' tí` fí`, jō fí` laco' e cuu` do tóo` jmacó` jial sií` lajaang` lajaang` lajee` guitúung` i dsea` apóo` i si'íng` i cajmée` ta' ní' júu` quiá' i Jo'se' Jiuung` do.

15 Jō i ángel i síng` cóo' jnea` do quier` cóo` sií` e lí' cóo' layaang` cunéé` e laco' niguiár` í' e jee` fí` fé' do cóo'gui jalé' jn' quiá' jōgui e iá` cuu` do cajo.

16 Jō e fí` fé' do quiúum' lí', jō røøb` í' óo` lí' lí' cuee` cóo'gui lí' lí' ú'. Jō i ángel do caguiár` í' e fí` do cóo' e sií` cunéé` e quier` do; jō mí` caguiár` í', jō óo` tú` mil la dsí` tú` ciento kilómetro; jō røøb` óo` lí' lí' cuee` jōgui lí' lí' ú` jōgui røøb` cajo lí' lí' níí'.

17 Jō mí` cangí jō, caguiár` í' e iá` cuu` do, jō lalab í' óo` e jō: óo` sesenta y cinco metros. Jō i ángel do cacó'r` í' lí' laco' jjí' í' quiá' dsea` jmigüi` e jmáiñ' ta`.

18 Jō e iá` cuu` do lí' cóo' jmang' cuu` jì' e sií` jaspe, jōgui e fí` do lí' cóo' jmang' cunéé` yaang` e lí' lafa' sít' e jlo'` hui'.

19 Jō jalé' cuu` tí` fí` quiá' e iá` cuu` do jlo'` silíi` cóo' jalé' cuu` e jlo'; jō e la'uii` do lí' cóo' cuu` e jì' e sií` jaspe; jōgui e catí tú` do lí' cóo' cuu` jlo' e iu` í' azul e sií` zafiro; jōgui e catí 'ní' do lí' cóo' cuu` e jlo' e iu` í' teá` langíng` e sií` ágata; jōgui e cuu` e catí quiú` do lí' cóo' cuu` jlo' e iu` í' rø' e sií` esmeralda;

20 jōgui e cuu` lí' catí 'ñiá` do lí' cóo' cuu` e sií` ónice; jōgui e cuu` lí' catí jñúu` do lí' cóo' cuu` e yúu` e sií` cornalina; jōgui e cuu` lí' catí guié` do lí' cóo' cuu` e sií` crisólito; jōgui e cuu` e lí' catí jñiá` do lí' cóo' cuu` e sií` berilo; jōgui e cuu` e catí ñú` do lí' cóo' cuu` ue' e jing' e neáang` e sií` topacio; jōgui e cuu` lí' catí guí` do lí' cóo' cuu` e sií` crisoprasa; jōgui e cuu` lí' catí guicó` do lí' cóo' cuu` e sií` jacinto; jōgui e cuu` e lí' catí guitu' do lí' cóo' cuu` e sií` amatista.

21 Jō lajì` guitu' e jn' do lí' cóo' cóo` cuu` e jì' jlo' e sií` perla. Jōgui e fí` laniing` e ngóo' jee` 'núu' e sea' e fí` jee` fí` fé' do lí' cóo' layaang` jmang' cunéé`, jōgui dseáng' jlob' ta' jmí` lí' laco'gui la lí' cóo` sít'.

22 Jō ja` camó`o jjí' cóo` guá' e fí` jee` fí` do, có' Fí'naa' Fidiéé` dsea` féng' dsea` níng' fí` jmigüi` i quí' jmí` jmé' lí' doñí` ee` cóo'gui i Jo'se' Jiuung` do, í'bing' líng' laco' guá' quiá' e fí` do.

23 Jo ja` ngi~ lí fa' dseáng'~ 'né- jì iee` e fí jee~ fii` do osi jì si` é e laco' nijneá, dsaco' lajii~ e güea^` quiá'- Fidiée` do, e joba' jmóo` e jneá' jlo^, jo i Jo'se' Jiuung~ dobing' líng' e jì quiá'- e fii` do.

24 Jo jaléng' dsea` seeng` fí ni` guóo~ uó- jmiigüi` cóo~ e jì job ningír-, jogui jaléng' dseata~ dsea` féng' i seeng` fí jmiigüi, fí dob nija'r' jalé' bí quiá'r- fí quini` Fí'naa' Fidiée` e laco' e nijmiféiñ' dsea` do jogui nijmi'gó'reiñ' cajo.

25 Jogui jalé' e o'nú^` quiá'- e fii` do jo` nijni~ gui lajee` jmi~, jogui cajo jo` nilisea`gui uóø` e fí jo.

26 Jo job nijá' dsea` jmiigüi` jalé' e niguo^` e sea` quiá'r- cóo~`gui lajalé' e jlo^` e sea` fí jmiigüi`;

27 jo dsu' ja` qui'- jmi~ fa' e ni'í fí jo jii~ cóo` e 'li^` o'gui jii~ jaang` i ée` dsihuí` osi jaléng' i jmiigóo` é. Co' dseáng'~ lajii~` dsea` i nitaang` e fí ni` jì quiá'- i Jo'se' Jiuung~ do lí nitaang` jaléng' dsea` i si'íng- seeng` lata~, jo jii~` íbing' cuóøng` nidsitáng' fí jo.

22

Coo` tú`gui júu^` quiá'- fii` Jerusalén e 'má- do

1 Jo mi~ cangí`gui lajo, i ángel do ca'e'r' jneá~ cóo` gua` fí lí sea` jmi~ e jmóo` e seeng` dsea` cøøng` cóo~` Fidiée` lata~. Jo e jmi~ jo dseáng'~ jlo^` jì', co' lí dseáng'~ laco' lí cóo` sí' e ta' jmi. Jo e fí ná'- e lí lí ée^` e fí lí niing- lí guing~ Fidiée` quiá'r' ta~ colíng~ cóo~` i Jo'se' Jiuung~ do, fí job fí lí níng'~ e jmi~ do.

2 Jo guiá' joo` e fí guiá' fí laniing- quiá'- e fii` do jogui lacataang` cataang` e gua` do, fí job lí cuaang` e 'ma` e jmóo` e seeng` dsea` cøøng` cóo~` Fidiée` lata~. Jo e 'ma` jo cuó` guitu` íng' ofii` lacoó` jii, cóo` íng' ofii` lajaang` si'. Jogui mamó` quiá'- e 'ma` ofii` do íng` ta` e jmi'leáng- jaléng' dsea` jmiigüi`.

3 Jo jii~ cóo` jo` e nilisea`gui e fí jee~ fii` do e ja` dseeng` e nijmé- e ni'é- dsea` dsee-. Jo fí job nijé- e ée^` lí niing- lí guing~ Fidiée` cóo~`gui i Jo'se' Jiuung~ do, jogui jaléng' i dsea` i jmóo` lajii~` e iing~ dsea` do caniing- jii~` ta~ jmi féng' dsea` dobing' nijmér-.

4 Jo fí joguib lí niníng- rúng' Fidiée` fí quini` lana cóo~` jaléng' dsea` quiá'r-, jo fí guiaquí' jaléng' i dsea` í nitó- jialco' si~ dsea` do.

5 Jo e fí jo jo` nilisea`gui uóø`; jo jaléng' i dsea` i nigüea` fí jo, jo` nili'né-`guir jì o'gui jì iee, co' contøøm- Fí'naa' Fidiée` nicuór- jir~, jo jaléng' i dsea` í contøøm- niquíá'r- ta~ car` ngongii` jmi~.

Lajmináb` nijáa`tu Dsea` Jmáang-

6 Jo mi~ cangí` jo, cajíng'-gui i ángel do casí'r- jneá~ lala:

—Juan, lajii~` e júu^` la dseáng'~ laniim- e já'- jogui dseáng'~ catíim- e nili'goo` cajo. Jo Fí'naa' Fidiée`bing' i cacuø' júu^` jaléng' dsea` i café' cuaiñ~ quiá'r- mali~gui eáang, joba' lana nicasiñ` jaang` ángel quiá'r- e laco' niliñí` jaléng' dsea` i jmóo` ta~ quiá'r- lajii~` e nidsijéé` lajee` lajminá-.

7 Jo cajíng'- Fí'naa' Dsea` Jmáang-:

—i'Núu-`na! Lajee` lajminá- nigáa`túu. iJo juguiá-`jii quiá'- jaléng' dsea` i jmiti~ lajii~` e fé' e fí ni` jì la!

8 Jo jneá~, Juan, nicanú-`u jogui nicamó-`o lajalé' e la. Jo mi~ cangí` jalé' e la, casí'i uó-`jnii- fí uii~` tii- i ángel i ca'e'` jneá~ jalé' e jo e laco' e nijmifén'nre sí'í^.

9 Jo dsu' cajíñ'- casí'r- jneá~ lala:

—Juan, ja` jmoo` lana, co' jneá~ lín'n jaang` i jmóo` ta~ quiá'- Fidiéeé` cajo, jo røøb` lí'naa' cóo~` 'nu` colíng~ cóo~`gui jaléng' dsea` rún' i café' cuaiñ~ quiá'- Fidiée` mali~gui eáang` lí^` lajaléng' i jmiti~ jalé' e júu^` e fé' e fí ni~` jì la. Jo fii-`i 'nu` e lajii~` Fidiée`bing' i 'né-`nijmifén'.

10 Jogui casí'-gui i ángel do jneá~ lala:

—Juan, jie~ mí jmoo^ e ja` nijmijnéen^ e ni^meá^ e ñng` lajii~ e júu^ quiá^- Fidiée^ e fé^ e fí^ ni~ jì la, dsuco^ lajee^ lajminá^- nidsijéé^ lajalé^ e la.

11 Jōba' fii~guá^ nua^ e jaléng^ dsea` i` dsí^ jalé^ e ga^, güijmée^bre lajii~ e 'li^ rúin^ e iin~ jmér^-; jogui jaléng^ dsea` i` teáng^- fí^ ga^, güiteám^-bir fí^ jō; jō dsu^ jaléng^ dsea` i` seeng^ røø^ cóo^~ Fidiée^, güijmée^bre lajii~ e guiá^- e jmóor^ do; jogui jaléng^ dsea` i` jmóo^ lajii~ e iing~ Fidiée^, güijmée^bre lajō cajo.

12 Jō lalab cajíng^' gui Dsea` Jmáang^-:

—¡Nua~ na! Lajee^ lajminá^- nigáa^túu; jō joguib nigáa^a quiee^- lajii~ e catíng^- jaléng^ dsea` lí^ jialco^ jii~ lí^ e nicajméer^ lami~ jéeng^gui.

13 Jō jneab~ dsea` i` la'uii~ do jogui jneab~bi i` tí lí^ cadséng^- do cajo, jō jneab~ i` seeng^ ie~ lajii~ mí^ catiroo^ jmigüi~, jogui jneab~bi cajo i` seeng^ cartí^ mí^ ni^líng^- jmigüi~.

14 Jō juguiá~jiu quiá^- jaléng^ dsea` i` lafa' ru^ jalé^ si^ e laco^ nilisea^ fí^ quiá^- e nidsitáaiñ~ e fí^ lí^ lí^ o^na^ quiá^- e jee~ fii^ quiá^- Fidiée^ do, co^ lajōba' nilisea^ fí^ quiá^r^- e nidø^r^- e ofii^ quiá^- e 'ma^ e cuø^ e seeng^ dsea^ cøøng^ cóo^~ Fidiée^ lata~.

15 Jō dsu^ fí^ lí^ caluu^ e fii^ do nijé^- jaléng^ i` jmóo^ jalé^ e 'li^, lafa' jaléng^ dsea` i` jmóo^ jalé^ ta~ dsea^ láang^, jogui jaléng^ dsea` i` ée^ dsee^- e 'léer^ cóo^~ jalé^ e lí^ dsí^ ngúu^ táaiñ~, jogui jaléng^ i` jmóo^ ta~ jngang^ jaléng^ dsea^ rúng^, jogui jaléng^ dsea` i` jmóo^ ta~ jmiféng^ jaléng^ diée^- i` o^ já^, jogui jaléng^ dsea` i` tí dsí^ jmóo^ ta~ jmigóo^.

16 Jō mí^ cang^ jō, lalab cajíng^' Jesús:

—Jneab~ dsea^ nicasín^- n ángel quié^- e fí^ quiní^ e quier^ jalé^ e júu^ la e catíng^- jaléng^ i` líng^ dsea^ quié^- e. Jō jneab~ lán^n dsea^ siju^ dseata~ dsea^ féng^ Daví^, jogui jneab~bi cajo lán^n lafa' i` nua^ jing^ i` jnéeng^- jlo^ mí^ la^ee^.

17 Jō Jmiguá^ quiá^- Fidiée^ jogui i` líng^ lafa' dseam^ quiá^- i` Jo^se^ Jiuung~ do lalab fé^r^ jō jii~^-:

—¡Nea^ fí^ la!

Jō lajōb nijíng^' jaléng^ i` ninú^- cajo:

—¡Nea^ fí^ la!

Jō doñí^ ií^ dsea` i` jmijmíng^, güijalím^-bre jō güija^í^r^ e jmii^ e jmóo^ e seeng^ dsea^ cøøng^ cóo^~ Fidiée^ lata~, jō e jmii^ jō jii~^- coo^ ja^ ee^ quíng^ quiá^r^-.

18 Jō jaléng^ dsea` i` núu^ e júu^ quiá^- Fidiée^ e tōo^ e fí^ ni~ jì la, jōba' jmiñiim^baa dsíir^ lala: Song i` líng^ iin~ nijmíngii~ guir lajii~ e júu^ e dseáng^- fé^ e fí^ ni~ jì la, jōba' Fidiée^ nijmíngii~bre cajo jalé^ iihuí^ quiá^- i` dsea^ í^ lí^ laco^ la fé^ e fí^ ni~ jì la.

19 Jogui song i` líng^ dsea^ iin~ e nijé^- guir fa' camí^ e júu^ e fé^ e fí^ ni~ jì la, jōba' Fidiée^ nijé^-bre cajo quiá^- i` dsea^ í^ lajii~ e 'ma^ e jmóo^ e seeng^ dsea^ cøøng^ cóo^~ Fidiée^ lata~, jogui cajo ja^ nitíin~ e nigüear^ e fí^ fii^ güeang^ quiá^- Fidiée^ e fé^ e fí^ ni~ jì la.

20 Jō i` dsea` i` jmíta~ dsí^ jalé^ e júu^ la jii~^- lala:

—Dseáng^- e jáb^-, lajee^ lajminá^- nigáa^a.

Jō lalab jíng^' dsea^ quiá^- Dsea^ Jmáang^-:

—Lajōb nilí^. ¡Nea^ fí^ la, Fí^naa^ Jesús!

21 Jō güi^fb^ Fí^naa^ Jesús güea^ quiá^r^- fí^ jee~ jneaa^aa^ lajalé^naa^.

jō lajōb nilí^!

Jō jii~^- lanab jii~^- fé^ jì e cajme^ Juan.